

New Testament

Adioukrou Language

Adioukrou - Bible - New Testament

Matie e ləl	3	
Mark e ləl	68	
Luk e ləl	111	
Jan e ləl	181	
Ɛrm ɛsɛl ec'ob kok e ləl	231	
Rom eyɲ e ləl	293	
Korɛnt eyɲ e ləl krɛkrɛ	322	
Korɛnt eyɲ e ləl yony ɛm	351	
Galat eyɲ e ləl	369	
Efɛs eyɲ e ləl	379	
Filip eyɲ e ləl	389	
Kolɔs eyɲ e ləl	396	
Tesaloni eyɲ e ləl krɛkrɛ	403	
Tesaloni eyɲ e ləl yony ɛm	409	
Timote e ləl krɛkrɛ	413	
Timote e ləl yony ɛm	421	
Tit e ləl	427	
Filemɔ e ləl	431	
Ebre eyɲ e ləl	433	
Jak e ləl	454	
Piɛr e ləl krɛkrɛ	461	
Piɛr e ləl krɛkrɛ yony ɛm	469	
Jan e ləl krɛkrɛ	474	
Jan e ləl yony ɛm	481	
Jan e ləl nyahan ɛm	482	
Jud e ləl ek'awɲ	483	
Ów eke Jan ɛkn es ɛkn ɛm	485	

Adioukrou - Bible - New Testament

Matie e l el

Matie e l el 1

K'ig  Abraham ton Jesu Krist

Luk 3.23-38

- ¹Jesu Krist lag el Abraham  m, lele David  m ab e mew.
 - ²Abraham ec'alaw Isak e l'ew ab  m ec'en ec'es  s m: Jakob,
 - ³Juda lele lisijim el ab; Per s lele Zera ab (Tamar el el lis),  sr m, Aram,
 - ⁴Aminadab, Nas n, Salm ,
 - ⁵Boas (Rahab el lis), Ob d (Rut el lis)
 - ⁶Jese, lele jim  b  bu David ab. Salom  (lis el Uri e yow a);
 - ⁷Roboam, Abia, Asaf,
 - ⁸Josafat, Joram, Osias,
 - ⁹Joatam, Akas, Esekias,
 - ¹⁰Manase, Am , Josias,
 - ¹¹Yekonia lele lisijim el ab. L g  ab  m anake w l ot Israel ec'ey im madu  kr  m Babil n wus af a.
 - ¹²Ca eke w l ot Israel ec'ey im Babil n a, ow e jam a, ow el Salati l, Sorobabel,
 - ¹³Abiud, Eliakim, As r,
 - ¹⁴Sad k, Akim, Eliud,
 - ¹⁵Eleasar, Matan, Jakob,
 - ¹⁶ tj Jakob ew Josef, Mari  c; Mari anake ew Jesu eke w l b' s  Mesi a.
 - ¹⁷Sica k'ig  Abraham ton David a, ow ij alaw sakp l w yar; David ton ke k'ok l g  ab  m a eke w l ot Israel ec'ey im Babil n wus af a, ow ij alaw sakp l w yar; sica a a ton ke ok Mesi e mew e l g  a, ow ij  meny alaw sakp l w yar.
- Josef ec' rmij ebr Jesu eci mew owi ab  m**
- ¹⁸Kin Jesu Krist eci mew owi ec'elel eke  c. Josef  su Jesu lis Mari; gb k  gbu  ke - l' warir any a, Ab  Lala ec'abusu  m, Mari an  nimamn.

¹⁹Ɛc Josef el ɛɣɣ eke b'elum Nyam ɛtɣ l'erurm eke li k'elu ow ɔkm dedeku fɛɣ ec'any af; ow sɔsiem l'ɛɣɣ l'eb eke ew ew em, li k'elu ow es.

²⁰Sica eke n'am tutr low na a, Ɛs Kɔtɔkɔ ec'afr erm ɛs nyam ow memn em ɛɣɣ'n ɛtɣ dad'r ninɛ: «Josef, David eci lilaw, ermij k'ók'ɣ eke k'oc Mari ɛsɛ ɣ e yow af, aɣke Abɣ Lala ec'abusu em anake n'anɣ nimamn a.

²¹Li b'ow l'ew iy, ɣ b'ow ɛɣɣ iy a Jesu, aɣke in anake li b'ow l'eb in ec'agɣ a nimum l'elu es el e sikpl em a.»

²²Low na ɛy yec'ɛtɣ ke odad a eke Ɛs Kɔtɔkɔ dad kokoba ɔb ɛs ab em a íy nɛny.

²³Kin odad a: Dedyowli a eke anm igɣ ab a b'ow anɣ lokab ɛtɣ b'ow ew iy igɣ eke wɛl b'ow ɛɣɣ Emanuel. (Nin a e nyandre el: “Nyam anɣ ɛy ab.”)

²⁴Eke Josef ufɣm es a, li kok ɛsɛ elɛl eke Ɛs Kɔtɔkɔ ec'erm ɛs a dad'r ab af, ɛtɣ l'oc Mari ɛsɛ in e yow af.

²⁵Gbɛkɔ n'anm ow ab toɣ batɣ Mari ew iy igɣ eke Josef ɛw nin Jesu.

Matie e lɛl 2

Nuɣ em ɔny ɛsɛl ow am ɛkn Jesu

¹Lɛɣɣ ab em eke Erɔd el ɛb ebu a anake wɛl ew Jesu Betlehem baɣn, Jude wus af a. Sica eke wɛl ew Jesu a, nuɣ em ɔny ɛsɛl ek'el mílél em ɛkn ec'a, anɣ yogɣ a eke ligbn b'igb a ow toɣ ok Jerusalem.

²-L'ibrm ninɛ: «Bogɣ iy a eke wɛl ew ke el Jwifɛl ec'eb ebu ab a ee? S'ɛkn in eci lél a yogɣ a eke ligbn b'anɣ igb a, ow sɔsiem anake s'ow eke si k'usr'r sos a.»

³Eke ɛb ebu Erɔd amani na ok ɔru em a, ermni ɛdɣ'n es, Jerusalem nimum ec'agɣ a yeji.

⁴Erɔd as egb waw ɛsɛl eɣbɛl a fɛɣ lele ol e low yeɣm ɛsɛl ab ab fɛɣ luku ɛtɣ am ibrm el yogɣ eke wɛl k'ew Mesi a.

⁵-Li dad ow ninɛ: «Betlehem baɣn, Jude wus af, aɣke kin low yec'eke Nyam dad ke kokoba ɔb ɛs a non:

⁶Ɛtɣ ɣ, Betlehem, elm Jude wus af ec'eb ewi a fɛɣ eci jam ɛs. Kɔ ɣ em ɛb ebu a b'ow anɣ ɛy ɔkm, ke nyímn em ec'agɣ Israel.»

⁷Ow sɔsiem ew ew em Erɔd ɛɣɣ nuɣ em ɔny ɛsɛl a ek'el em, li k'uw lɛɣɣ tasi yec'af eke lél a k'ɛy ɔkm ab any.

⁸Ɛtɣ l'erm wɛl Betlehem. Li dad wɛl ninɛ: «Ímn otarir iy a e lís e low akr senyn senyn toɣ ɛɣan in; eke b'ɛɣan in a òwr dadr'm yec'ɛtɣ k'em yeji m'ím m'usr'r sos.»

⁹Eke -l'irir ɛb ebu a e sodad a, -l'elu lakr -n'im. Eke -n'aam a, kin lél a eke -l'ikɣn anym -l'ɛkan yogɣ a eke ligbn b'anɣ igb a, ek'ikɣ el anym. Ɛtɣ wanci ab af a eke lél a im ok yogɣ a eke iy a anɣ a, n'inym es.

¹⁰Eke -l' ekan léel a inym es a, -n' anŋ sos em iŋn ligbél em.

¹¹-L' ok akŋ a etŋ -l' ekn iy a lele lis Mari ab. -L' ok ɔwɔkp wus etŋ -n' am usr iy a sos. -Li kpakpab el eci sekpr ab es etŋ -l' ap ow sika, ogŋ lele kpey ab.

¹²Ow e jam a, Nyam ewar el memn em, eke -li k' ewlmn meny -n' iimn Erɔd ogŋ a ij; etŋ -l' eb ejagb ejeci -n' im el eci wus ab af.

Ejpt ec'im

¹³Sica eke nuŋ em ɔny esél a im a, Es Kɔtɔkɔ ec' afr erm es nyam ow eŋn Josef memn em etŋ dad' r ninɛ: «Ìgb, òc iy a lele lis ab urur es imn Ejpt toŋ bake Es Kɔtɔkɔ dád ɔny e meny ewl ow ec' odad, anke Erɔd b' ow ɔl iy a eci ibi es.»

¹⁴Kpɛkŋ Josef igb ncok em, oc iy a lele Mari ab etŋ -n' im Ejpt.

¹⁵-N' anŋ yogŋ toŋ Erɔd uw. Low na ey yec' etŋ ke Es Kɔtɔkɔ ec' odad na eke dad kokoba ɔb es ab em a, íy neny: Ejpt wus af etŋ m' esŋ em ec' iy a.

Etuey ec'ibi

¹⁶Eke Erɔd b' uw any eke nuŋ em ɔny esél a eju' r a, erm ebl' l afŋn in es. Na sosiem n' ɔŋ abusu eke wél k' ibi Betlehem lele in e saw saw ab ec' ey meny nenym, toŋ k' igŋ akpo yony esél a fɛŋ. Nuŋ em ɔny esél ec' amani a ek' ɔŋ' n læŋ ab af eke léel a ey ɔkm a, af yogŋ anake li kok low na a.

¹⁷Èben eke kokoba ɔb es Jeremi ec' odad na eke dad a iy neny ana:

¹⁸Rama eb em, wél iri lebl ek' ikŋ, ɔŋn ikŋ lele luw eci likekr ab. Rashel anake am ikŋ in ec' ey a ec' ɔŋn a. L' ibram ŋɔŋn anke in ec' ey a anm ij.

Ejpt ec'igb

¹⁹Eke Erɔd uw a, Es Kɔtɔkɔ ec' afr erm es nyam memn em ow eŋn Josef Ejpt wus af

²⁰etŋ dad' r ninɛ: «Ìgb, òc iy a lele lis ab ke éwal meny imn Israël wus af, anke agŋ a eke am ɔl iy ab es eke k' ibi a -l' uw.»

²¹Ow ɔŋ Josef igb oc iy a lele lis ab etŋ -l' ewl -n' im Israël wus af.

²²Gbekɔ Josef iri eke Arkelaos usr es Erɔd usu esɛ Jude eci es ew es af; na sosiem ernŋ ow' r sos eke li k' im l' ir Jude. Eke wél yegm' n ow ec' ów memn em a, n' im Galile wus af,

²³etŋ n' im l' ir Nasaret baŋn. Ow el èben yec' etŋ ke kokoba ɔb esél ec' odad na eke dad a íy neny: Wél b' ow esŋ' n Nasaret iy.

Matie e lèl 3

Jan mij ok nuŋ es e Nyam odad eke dad

Mark 1.1-8; Luk 3.1-18; Jan 1.19-28

¹Læŋ ab em a, Jan mij ok nuŋ es ey ɔkm Jude eci loj a etŋ am dad Nyam odad esɛ:

²«Ìtŋnin erm em anke Afr ec' es ew a ow titm.»

³Jan el eḡḡ a eke kokoba ɔb es Esayi dad in e ec'odad, ow a eke n'am dad l'esε: Eḡḡ nyam anḡ loj am elu lebl dad εse: «Kòkr Es Kòtòkò ec'ejagb a, kòkr in e sebr a ínym nyim nyim!»

⁴Jan sus mob eke wél kok gbaḅkò kedebnam e suw em etḡ l'eḡḡ ndey lél e meb er em; li b'ij tete gbaḅgban lele mow mun ab.

⁵Jerusalem ec'agḡ, Jude wus af ec'agḡ feḡ, lele mij ewl mij Jurden wus ab af ec'agḡ a am ow Jan ogḡ.

⁶-N'am eḡḡ el e sikpl a -l'eb agḡ feḡ ec'any af, etḡ Jan am ok el mij nuḡ Jurden erḡ.

⁷Eke Jan am ekn eke Farisiel nòno lele Sadusiél ab am ow in ogḡ mij ok nuḡ ec'a, li dad wél ninε: «Ony morḡḡ amua! Kò bwo dad ony eke, ek'okr mij nuḡ ke ɔtur eke k'ḡbroḡḡ Nyam ec'erm bebl ek'am ow ab em ee?»

⁸Sica yeḡmn ony ec'es an ab em eke itḡnin erm em!

⁹Etḡ emeny kì tutar ony em ki dadr k'esre: “Ey lagḡ el Abraham.” Kò m'am dad ony eke Nyam ɔtu eke ki kok mebn amua él Abraham ec'alaw!

¹⁰Sica ɔs anḡ eke b'ow bubr ekḡ es min em. Likḡ feḡ ek'ósum ey amamn a, wél b'ow ubr'r es oc owl'alm.

¹¹Em ec'a, m'am m'ok ony mij nuḡ mij em εse erm em itḡn eci meny ewr af, gbeko eḡḡ ek'anḡ'm jam am ow a b'ow ok ony mij nuḡ Abḡ Lala lele al em ab. N'onḡ abusu nòno l'akm im. M'itm bòbo yeji eke mi k'onḡ in e còkrukpo meb a m'ot'r es.

¹²N'onḡm waw ab etḡ li b'ow n'onḡ egb a léf, l'éb ey a, ke l'ígḡ suw a l'ok es. Li b'ow l'eb egb a l'ok egbel em, ke l'ófḡ suw a al ek'iram es ab em.»

Jesu e mij ok nuḡ

Mark 1.9-11; Luk 3.21-22

¹³Sica Jesu anḡ Galile ow Jurden eke Jan k'ok'r mij nuḡ;

¹⁴kò Jan eḡḡm, etḡ dad'r ninε: «Em anake k'ok'm mij nuḡ a, etḡ ow el ḡ eke am ow em ogḡ!»

¹⁵Gbeko Jesu dad'r ninε: «Caca em a, èḡḡ ke ow él eben, anke eben eke si b'ow si kok ów feḡ eke Nyam am ibrm ey ab ana.» Ow sosiem Jan eḡḡ eb ok'r mij nuḡ.

¹⁶Eke Jesu ok mij nuḡ ke am ey ɔkm erḡ a, kpeḡḡ afr agbr em. L'ekn Nyam ec'Abḡ ek'am us'r es nuḡ af εse kel af.

¹⁷Etḡ lebl nyam anḡ afr am ikḡ dad εse: «Eḡḡ na el em ec'Iy eke m'erur tasi; m'oc em eci sos em iḡḡ feḡ m'elu'l em.»

Matie e lél 4

Aḡḡ ebm Jesu

Mark 1.12-13; Luk 4.1-13

¹Sica Nyam ec'Abḡ oc Jesu im loj eke aḡḡ k'ejur.

- ²Eke n'enny neny segn ekn yony, ncok lele legn owr ab a, ca namn ow'r sos.
- ³Agn ek'el eju es a, eri ow titm'n etn dad'r nine: «Ek'el Nyam ec'Iy, ke dād mebn amua itn el ob ij.»
- ⁴Jesu dad'r nine: «Wel non Nyam Lel em eke: Ow elm ob ij sony ce óom egñ sel, ko Nyam ec'odad ebl feg eke b'ann'n nenyum ey okm a.»
- ⁵Emeny agn oc'r im uyum'n Jerusalem eb lala ab em e Nyamel gbél a e luw af ec'usu gege a,
- ⁶etn dad'r nine: «Eke el Nyam ec'Iy, ke ànn aña igb us es wus; anke wel non Nyam Lel em eke: Nyam b'ow on in ec'afr erm esel a ow n sosome, etn -li b'ow -l'oc'ñ abu em abu em, yec'etn ke lebn kaka kí kokm'ñ ob lakr.»
- ⁷Jesu dad'r nine: «Nyam Lel yeji dad eke: K'ebam Es Kotoko n e Nyam.»
- ⁸Emeny agn oc'r im lafeny gege nyam af, yegm'n wus na ec'es ew es ew a feg lele el eci sakpl ab ab,
- ⁹etn dad'r nine: «Mob amua feg m'ow m'on eke ok owrokp wus ign'm nuñ.»
- ¹⁰Ca Jesu dad'r nine: «D Satan, kpab'm es lís! Anke wel non Nyam Lel em eke: B'ow ign Es Kotoko n e Nyam sony nuñ, ke kók in sony coco e juma.»
- ¹¹Sica agn egb'r es; etn kin afr erm esel ow'r saw am kok in e lís e low.

Jesu ob juma nuñ Galile wus af

Mark 1.14-15; Luk 4.14-15

- ¹²Eke Jesu iri eke wel elu Jan sobel em a, n'im Galile wus af.
- ¹³L'irm Nasaret ij, etn n'im n'ann Kapernayum, eb eke ann Galile eci mij lekpl a saw, Zabulon lele Neftali ab eci wus ab af.
- ¹⁴Ow el eben yec'etn ke kokoba ob es Esayi eci sodad amua eke dad a íy neny:
- ¹⁵Zabulon eci wus a, Neftali eci wus a ek'ann okij saw ec'ejagb ab af, Jurden jam a, Galile ek'agn ek'elm Jwifel a ir af!
- ¹⁶Agñ a ek'ir ncebn em a ekn usuayl ligbel! Etn agñ a ek'ann luw eci low ew a, usuayl ejn ok el af.
- ¹⁷Legn na af anake Jesu ob nuñ am dad Nyam odad ese: «Itnin erm em anke Afr ec'es ew a ow titm.»

Jesu e jam esel krakre ek'esn

Mark 1.16-20; Luk 5.1-11

- ¹⁸Jesu am ecr Galile eci mij lekpl a e saw saw etn l'ekn agñ lisijimel yony ek'el on ibi esel: Simo eke wel b'esn Pier lele lisijim Andre ab. -N'am ok muw mij lekpl ab em.
- ¹⁹Jesu dad el nine: «Usr'm jam, m'ow mi kok ony eel agñ eb esel.»

²⁰Kpɛkɛŋ -li digɛŋ ɛl eci muw a -l'ok es ɛtɛŋ -l'us ow jam.

²¹Eke li b'im akpoj tɛl a, l'ɛkn agɛŋ lisijimɛl ɛjeci yony Jak lele Jan ab, Sebede ec'ey. ɛl es ab -n'annɛŋ ɛl eci mijetɛŋ ab ɛm -n'am kok ɛl eci muw a ɛtɛŋ Jesu ɛsɛŋ ɛl.

²²Kpɛkɛŋ -li digɛŋ ɛl ɛs lele mijetɛŋ ab ab -l'ɛlu es, ɛtɛŋ -l'us ow jam.

²³Jesu am ɛc Galile eci wus ab af; wus ab af yogɛŋ, n'am yɛgm agɛŋ low Nyam nuɛŋ igɛŋ susu a ɛtɛŋ n'am ɔb gbɛɛŋgbi usu a ec'Amani Mamm a e kokoba. N'am ewlm ɔlu a ɛl ec'ɔl ɛɛŋ ɛɛŋ fɛŋ ɛm lele ɛl eci dudu fɛŋ ab.

²⁴Siri wus af nimum, Jesu e lɛs ec'odad eke wɛl am dad a ec'amani am ok agɛŋ ɔru ɛm, ɛtɛŋ wɛl am is'r agɛŋ fɛŋ ek'am ij ɔl ɛɛŋ ɛɛŋ e gbɛɛ ɛsɛ agɛŋ ek'ɔny abɛŋ ɛɛŋ, krokro ɛsɛl lele sos ɛyru ab; ɛtɛŋ Jesu am ewlm ɛl.

²⁵Agɛŋ nɔnɔ ek'annɛŋ Galile ow, ɛb Lɛw a eci wus ab af ec'agɛŋ, Jerusalem ec'agɛŋ, Jude wus af ec'agɛŋ lele Jurɔɛn ogog eci wus ab af ec'agɛŋ ab, am us Jesu jam.

Matie e lɛl 5

Ehe ɛsɛl nawɛ

Luk 6.20-23

¹Eke Jesu ɛkn bieku a, l'uyu lafɛny af ɛtɛŋ li sig es. In e jam ɛsɛl a ow titm'n

²ɛtɛŋ n'am yɛgm wɛl low li dad l'ɛsɛ:

³«Agɛŋ ek'ij abɛŋ ɛm e gbɔr, ehe ɛl ɛl eci anke Afr e gbɛɛŋgbi usu a, ɛl eci!

⁴Agɛŋ a ek'annɛŋ sɔɛŋ ɛm a, ehe ɛl ɛl eci anke Nyam b'ow ɛyr ɛl ɛrm es!

⁵Agɛŋ ɛrm frɔɔ ɛsɛl, ehe ɛl ɛl eci, anke -li b'ow -l'ij wus eke Nyam ɛwar a ec'aja.

⁶Agɛŋ eke low nenyembri nyam ec'amn am ɔny a, ehe ɛl ɛl eci, anke Nyam b'ow iyr ɛl lok.

⁷Agɛŋ a eke b'ikɛŋ agɛŋ sɔɛŋ a, ehe ɛl ɛl eci, anke Nyam b'ow ikɛŋ ɛl sɔɛŋ!

⁸Agɛŋ ek'ɛrm ɛm ayl a, ehe ɛl ɛl eci, anke -li b'ow -l'ɛkn Nyam.

⁹Agɛŋ a eke b'is ɛrm es ɛy a, ehe ɛl ɛl eci, anke wɛl b'ow ɛsɛŋ ɛl Nyam ec'ey.

¹⁰Agɛŋ a eke b'an es ɛsɛ eled eke Nyam b'erur ab af, ke ow sɔsiem wɛl b'ijr gbɛɛ a, ehe ɛl ɛl eci, anke Afr e gbɛɛŋgbi usu a, ɛl eci.

¹¹Ànnɛŋ ehe ɛm eke ɛm sɔsiem agɛŋ bi wɛwr ɔny, b'ijr ɔny gbɛɛ, bi dad ɔw ɛɛŋ fɛŋ ok ɔny af yadɛŋ ɛm.

¹²Kòkr yaya, ànnɛŋ sos ɛm iɛn ɛm, anke afr ob ap ligbɛl nyam am eku ɔny. Kokoba ɔb ɛsɛl ek'ikɛŋ anym ow a yɛji, ɛbɛn eke wɛl ijr ɛl gbɛɛ ana.»

Mok lele usuayl ab owi

Mark 9.50; Luk 14.34-35

¹³«ɔny anake eel wus na e mok a. Kɔ eke mok irmn in e ded a, ayaf wɛl ɔtu eke ki kokr'r ke l'ɛwl li ded ee? L'akplm ij, gbɛŋ ɛɛ l'it eke wɛl k'oc ɔwl'l ke agɛŋ yuy'r af.

¹⁴ɔny anake eel wus na ec'usuayl a. Baɛn ek'annɛŋ lafɛny af a ɔnym es lol.

¹⁵Wɛl ígɛm kɛniɛ ɛwm es ob ew; kɔ wɛl b'itm'n es ob gege af, ke l'áyal agɛ a fɛɛ ek'anɛ akɛ a.

¹⁶Ɛben ek'ɔny ec'usuayl a ki jɛɛn agɛ fɛɛ ec'any af ana, yec'ɛtɛ ke -l'ɛkn ɔny ec'ów amamn a eke bi kokr a, ke -li kɔklm ɔny Ɛs ek'anɛ afr a.»

Oɪ eci liy ɛm ɛlu

¹⁷«Kì tutar eke m'ow e mi k'ɔny Moiss ec'ol a lele kokoba ɔb ɛsɛl e low yɛgm ab ab m'ot es. M'owm eke mi k'ɔny m'ot ɛl es, kɔ eke mi k'ɛlu liy ɛm.

¹⁸M'am dad ɔny nawrɛ ɛm eke afr lele wus ab b'ow ɛc, kɔ ol a eke wɛl nɔn a e mɔni kaka, ow e logli kaka k'ow tɛtɛm es tɔɛ ke fɛɛ íy nɛny.

¹⁹Ow sosiɛm, ɛgɛ eke b'ow igɛ sol amua ɛm e likekli nyam ɛlu es, ke b'ow yɛgm agɛ kok ɛben a, Afr e gbɛɛgɛbi usu a, li b'ow l'el likekli; gbɛkɔ ɛgɛ eke b'ow ɔsu ol a, ke b'ow yɛgm agɛ kok ɛben a, Afr e gbɛɛgɛbi usu a, li b'ow l'el ligbɛl.

²⁰Kɔ m'am dad ɔny: eke kokmn low yec'a eke Nyam am ibrm ɔny a akamn ol e low yɛgm ɛsɛl lele Farisiɛl ab a, k'ow ɛymn Afr e gbɛɛgɛbi usu a.»

Ɛrm bebl owi ec'akr otar

²¹«Irir eke wɛl dad ɛy lagɛɛl: “K'íbim ɛgɛ, ɛgɛ fɛɛ ek'ibi ɛgɛ a, wɛl b'ow oc'r im jɛj ok ec'any af.”

²²Kɔ ɛm, m'am dad ɔny m'ɛsɛ: ɛgɛ fɛɛ eke b'ow ebl ɛrm ok lisijim af a, wɛl b'ow oc'r im jɛj ok ec'any af; ɛgɛ eke b'ow wɛwr lisijim ɛsɛ: “Ɖ nyamb ɛgɛ a,” wɛl b'ow oc'r im Sanedrɛn ec'agɛ a ec'any af; ɛtɛ ɛgɛ eke b'ow dad lisijim ɛsɛ “Nuɛ ɛm akplm ɛ a,” it eke wɛl k'oc'r im gbɛɛ ij usu ec'al ab ɛm.

²³Eke am oc ob ap im egb waw usu ɔɛ Nyam, ɛtɛ yogɛ ɔkn ek'ɛsɛ jim ɛw low ɛ ab a,

²⁴egb waw usu yogɛ, ɛw ɛ ec'ob ap ab es, ke íkɛ anym im okar ɛm ɛsɛ jim ab ke sica ɛwɛl ow ke ɛp Nyam ob a.

²⁵Eke ɛgɛ nyam ɛw low ɛ ab, ɛtɛ usr ɛjagb aamn jɛj ok ɛm a, ɔgɛ es fafa okar ɛm eke anɛɛ ɛjagb af a, yec'ɛtɛ ke li k'ócɛm'ɛ n'ɔɔm jɛj ok ɛs, jɛj ok ɛs a ocm'ɛ ɔɔm usu ɔsu ɛs ɛlum'ɛ sobel ɛm.

²⁶M'am dad'ɛ nawrɛ ɛm: k'ow ɛym ɔkm yogɛ eke ɔɔgm ɛ e labm a fɛɛ ek'ɔny a uwarm.»

Nfaci owi ec'akr otar

²⁷«Irir low yec'a eke wɛl dad ab ɛɛ? K'íjm nfaci.

²⁸Kɔ ɛm m'am dad ɔny: ɛgɛ fɛɛ eke bi lɛr lawl e yow ke b'ɔny ɛrur in ec'ɛrm ɛm a, ow ab l'ij nfaci ɛ.

²⁹Eke batɛ ow el ɛ ɛ lidr e nyamn a anake b'ɔɛ ɛy sikpl owi ɛm a, ɔkr ɔny oc'r es ɔwl'l usu kɛkɛ: ow akpl ɛ eci eke k'irmn ɛ e sos ikpr nyam ɛɛ, ow a eke ɛ e sos a fɛɛ k'anɛ ke wɛl ɔny ɔwl'ɛ gbɛɛ ij usu a.

³⁰Eke batɲ ow el ɲ e lidr abu a anake b'ɔɲ ey sikpl owi em a, ùbr'r es oc ɔwl'l kpekpe: ow akpl ɲ eci eke k'irmn sos ogog nyam, ow a eke k'im gbre ij usu ab em ɲ e sos a fɛɲ ab a.»

Ɔwarir ec'akr otar

Matie 19.9; Mark 10.11-12; Luk 16.18

³¹«Wɛl dad yeji: “Eke am ogɲ ɲ e yow eke ɔl mar ɛbi a, ɔɲ'n igɲnin e lel.”

³²Kɔ em m'am dad ɔny: ɛɲɲ fɛɲ ek'ɛlu in e yow e l'ɔl mar l'ɛbi es, ke ow elm ɛɲɲ ot owi em a, n'ɔɲ yow a b'ow ey nfaci ij owi em. ɛɲɲ ɛɲɲ ek'ɛbi yow eke wɛl ɔwr a, in yeji l'ij nfaci.»

Nɛny ij owi ec'akr otar

³³«Irir low yec'a eke wɛl dad ey lagɲɛl ab ee? K'ítɲnm ɲ e nɛny ij a, kɔ ke kók ɛs Kɔtɔkɔ ec'any af, yec'a eke dad nɛny ij em a.

³⁴Kɔ em, m'am dad ɔny eke k'íjmn nɛny kaka: k'íjmn nɛny afr e nin em aɲke ow el Nyam eci es sig usu;

³⁵k'íjmn nɛny wus e nin em aɲke ow el in ec'akr es ok usu, k'íjmn nɛny Jerusalem e nin em, aɲke ow el ɛb Ebu gbɛl a ec'ɛb.

³⁶K'íjmn nɛny okm ɲ e nuɲ ab af aɲke k'ɔtum kokm ɲ e sin nuɲ nyam ibrm oglog ufum.

³⁷Dàdr cɛ ɛsrɛ: “ɛɛ” oglog “Njaɲ.” Yec'a eke wɛl bi dad igɲ af a, low ɲuɲɲ ɛs eci.»

Efnu ec'erur owi

Luk 6.27-36

³⁸«Irir low yec'a eke wɛl dad ab ee? Nyamn lele nyamn ab ɛɲɲ nɛn lele nɛn ab.

³⁹Kɔ em m'am dad ɔny eke k'átarmn ɔny ec'ifnu ab. Eke batɲ ɛɲɲ nyam ɛɲɲ'ɲ any af lidr ogog e láwl a, ɔkɲ'n nɛmn ogog ec'a yeji l'ɛɲɲ'ɲ.

⁴⁰Eke ɛɲɲ oc im'ɲ jɛj ok ec'any af eke k'eb ɲ eci mob sus em a, yèb'r l'ɛb ɲ e mob af ew a yeji.

⁴¹Eke ɛɲɲ nyam ɔny'ɲ lɛc em eke k'an es in ab sɔfu kaka fɛɲ a, àn ow eci sakp yony.

⁴²ɛɲɲ ek'am ibrm'ɲ ob a, ɔɲ'n; k'ùɲɲan ɛɲɲ ɛrm suɲ.»

⁴³«Irir low yec'a eke wɛl dad ab ee? B'ow erur ɛɲɲ kaka fɛɲ ke ífn ɲ ec'ifnu.

⁴⁴Kɔ em m'am dad ɔny: ɛrurir ɔny ec'efnu, ke ɲóɲan Nyam ɔɲɲ agɲ a eke b'ijr ɔny gbre a;

⁴⁵ow em a b'ow eel ɔny ɛs ek'anɲ afr a ec'ey, aɲke in e ligbn a b'afɲn ów ɛɲɲ kok ɛsɛl lele ów amamn kok ɛsɛl ab, ɛɲɲ in ec'afr e mij a b'aan ów amamn kok ɛsɛl lele ów ɛɲɲ kok ɛsɛl ab.

⁴⁶Eke batɲ ow el agɲ a cɛ eke b'erur ɔny a b'erurir, ke bla k'ɔɲ ekur Nyam ogɲ ec'ob ap ee? Wus labm eb ɛsɛl yeji ɛbɛn cɛ -li bi kok.

⁴⁷Ek'ow el ɔny lisijimel ce b'eshnin, ke low ligbel kokr ab ee? Nyam any uwm esel yeji, eben ce -li bi kok.

⁴⁸Éel sobo ese el el ek'ony Es ek'anŋ afr a yeji el sobo ab af.»

Matie e lɛl 6

Nyam nuŋ igŋ em ec'ów ek'it e wɛl ki kok

Luk 11.2-4

¹«Èwr erm, ki kokr Nyam e lís e low feŋ agŋ ec'any af any ij sosiem eci. Eke b'ow kokr eben, k'ow eŋnmn ɔny Es Nyam ek'anŋ afr ec'ob ap a.

²Ow sosiem, eke am ɔŋ ɔgbɔru os, k'èw fuw em agŋ k'ékŋ'ŋ; Nyam nuŋ igŋ usu lele eberŋ em ab, eben eke ów enyembri yony yony esel bi kok ana. -Li bi kok eben ek'agŋ k'usr el sos. Low nawre m'am dad ɔny ek'el ec'ob ap a -n'eŋŋ ŋ.

³Kɔ ŋ ec'a, ek'am ap ɔgbɔru ob ŋ e lidr abu ab em, ŋ e nemn abu a k'ékŋ,

⁴yec'etŋ ke ob ap a él es lɔl em, ke asŋ Nyam eke b'ekŋ es lɔl em e low a, b'ow ap'ŋ ob.

⁵ɔny e Nyam ŋɔŋŋ em, ki kokr ese ów enyembri yony yony esel af; -li b'erur eke -li k'inym es Nyam nuŋ igŋ usu a lele eberŋ saw saw ab -ni ŋɔŋŋ Nyam yec'etŋ ke agŋ feŋ ékŋ el. Low nawre m'am dad ɔny, el ec'ob ap a, -n'eŋŋ ŋ.

⁶Kɔ ŋ, eke am erur e ki ŋɔŋŋ Nyam, èy ŋ ec'akŋ abl él ke yogŋ, ŋóŋŋ asŋ Nyam es lɔl em, ke Asŋ Nyam eke b'ekŋ es lɔl em e low a, b'ow ɔŋ'ŋ ŋ ec'ob ap a.

⁷Eke bi ŋɔŋŋ Nyam, odad ebl nyam coco a ce k'ánŋ ɔny nenym k'ibn ese Nyam any uwm esel ec'ab af; -li bi tutr eke odad a b'ɔfu el nenym a ke Nyam b'ow iri el e ŋɔŋŋ e lebl a.

⁸K'èbr el e lakr a, aŋke ɔny Es Nyam, gbuŋ ke íbrmn in low a, li b'ikŋ anym l'uw low yec'a ek'am erurir ab any.

⁹ɔny e Nyam ŋɔŋŋ em, dàdr esre: Ey Es ek'anŋ afr, ke ŋ e nin lala a ɔny elum;

¹⁰ke ŋ ec'es ew a ów; ke wɛl kók ŋ ec'erur wus aŋa ese afr ec'ab af.

¹¹Òŋ ey yefenyina ec'ob ij a ek'it a.

¹²Àp ey low ŋuŋ a eke si kok a, ese el el eke si b'ap agŋ a eke kok ey low ŋuŋ ab af.

¹³Kì yeb ey si k'ey ebm owi em, kɔ ɔny oc ey es low ŋuŋ ec'abu em; [aŋke akpo akpo feŋ, es ew, abusu ɔny lele anygbel ab él ŋ eci. Amen.]

¹⁴Tasi em a, ek'ocr low ŋuŋ ek'agŋ kok ɔny a apr, ɔny Es ek'anŋ afr a yeji b'ow oc ap ɔny.

¹⁵Kɔ eke ocmn low ŋuŋ ek'egŋ kok ɔny a apmn, ɔny Es ek'anŋ afr a yeji, k'ow ocm ɔny e low ŋuŋ e kokr a apm ɔny.

¹⁶Ɛtɛ kin, eke am ɛnɛn nɛny, k'ɛwr sɔŋ e sos ɛsɛ elɛl eke ów ɛnyɛmbri yony yony ɛsɛl bi kok ab af; -li b'ɛw any ek'agɛ fɛŋ k'uw any eke -n'am ɛnɛn nɛny. M'am dad ɔny nawrɛ ɛm ek'ɛl e labm sɔg a -n'ɛnɛn ɛŋ.

¹⁷Kɔ ŋ ec'a, ek'am ɛnɛn nɛny, yɔg any, ɛfɛ sin,

¹⁸yec'ɛtɛ k'agɛ k'úwm any ek'anɛn nɛny ɛnɛn ɛm. Asɛ sɔny coco ek'ɛgɛ ɛknm a cɛ b'ow ɛkn, ɛtɛ in eke li b'ɛkn low yec'a ek'am kok es lol ɛm a, li b'ow li sɔg'ɛ ow e labm.»

Afr eci ob ɔny

Luk 12.33-34

¹⁹«K'àsr ɔny ec'ob ɔny luku wus af aɛa eke sisɛ lele adagra ab bi nɛnɛn, ke elu yeji b'ok akɛ iy mil a.

²⁰Kɔ àsr ɔny ec'ob ɔny luku afr. Yogɛ, ke ow el sisɛ, ke ow el adagra, -li k'ɔtum -ni nɛnɛnmn; ɛtɛ yogɛ, elu k'ɔtum okm akɛ iym mil.

²¹Tasi ɛm a, yogɛ eke ŋ ec'ob ɔny a anɛ a, yogɛ cɛ ŋ ec'ɛrm a yeji b'ow anɛ.»

Sos eci kenie

Luk 11.34-36

²²«Anyamn el sos megl e kenie. Eke anyamn akpl'ɛ a, ŋ e sos megl a fɛŋ anɛ usuayl ɛm;

²³kɔ eke anyamn akplm'ɛ a, ke ŋ e sos megl a fɛŋ yeji anɛ ncebɛn ɛm ɛŋ. Eke batɛ usuayl ek'anɛ'ɛ ɛm a el ncebɛn, ke ncebɛn ligbel marɛm ow b'ow el a!»

Nyam b'ow ɛw ɔny e lís e low ɛrm

Luk 16.13; 12.22-31

²⁴«Aduigɛ kaka k'ɔtum kokm es ɛw ɛsɛl yony e juma; oglog li b'ow l'ifn krekrɛ ec'a, ke l'érur yony ɛm ec'a; oglog li b'ow l'ij nɛny nyam nyam e lís, ke li k'ɛwm nyam e low any. Ɔtum eke ki kokr Nyam e juma ke kokr jɛtɛ yeji e juma.

²⁵Ow amua fɛŋ sosiɛm a, m'am dad ɔny: k'èbar ob ek'ijr [mij ek'ɛgɛn] ɛsɛn sel, oglog ɔny ec'ob sos ɛw e low ɛrmij. Kɔ sel ɛnɛn akplm akam ob ij ee? Ɛtɛ kɔ sos megl apklm akam ob sos ɛw ee?

²⁶Lèɛr ɔr: -l'ewlmn egb, -l'ubmn egb, -l'asmn egb luku egbɛl ɛm, gbɛkɔ ɔny Ɛs ek'anɛn afr a bi gbagbl ɛl! Kɔ ilmn an akamn ɔr amua ee?

²⁷Ɔny ɛm a, bwo ec'ɛgɛ ɔtu eke in ec'ɛrmij ebr ɛm k'obn in ec'owr anɛ e sɛgɛ a tɛl ee?

²⁸Ɛtɛ kɔ bla ɛtɛ ob sos ɛw e low b'okr ɔny ɛrmij ee? Lèɛr ɔgm e suw ɔdɔdɔ ec'elɛl eke b'ɛlil: -li kokmn juma, -l'olmn gbad.

²⁹Gbɛkɔ m'am dad ɔny eke Salomɔ ek'ɔny ob nonɔ a yeji, ɔnym ob sos ɛw ek'akpl akm ɔgm suw ɔdɔdɔ amua ɛm e nyam.

³⁰Nyam b'ew ɔgm e suw ek'anɔ yefenyana, ke efi wɛl b'ow oc ɔwl alm a ob sos. Sakp abi ɔny yeji li k'ow l'ewm ɔny ob sos eɓen ee? Ɔmn ufum ɔny es gbɛ!

³¹K'èbar ermij ki dadr k'esrɛ: “Bla obi si b'ow s'ij ee? Bla mij iy si b'ow s'ɛɔ ee? Bla obi si b'ow s'ew sos ee?”

³²Tasi em a, Nyam any uwm esɛl anake sakp sakp fɛɔ b'ɔl ów amua fɛɔ es a. Kɔ, ɔny Es ek'anɔ afr a uw any eke ɔnyn ow ec'es abur.

³³Nyam e gbɛɔgbi usu a eci low íkɔ anym okr ɔny ermij, low nenyembri nyam eke n'am ibrm a yeji, ke ow e likpr a fɛɔ Nyam b'ow igɔ af ɔɔ ɔny.

³⁴Ca k'èbar efi e low ermij, efi b'ow ism in e low ab. Lɛɔɔ lɛɔɔ e gbɛ a bi bɛbmɔ lɛɔɔ ab ab.»

Matie e lɛl 7

Èw erm jej ok owi em

Luk 6.37-38, 41-42

¹«Kì jejr agɔ e lís ec'ów k'okr, yec'ɛtɔ ke ɔny yeji, Nyam kí jejm ɔny e lís ec'ów okm;

²anɔke Nyam b'ow jej ɔny e lís e low ok esɛ elɛl eke bi jejr agɔ ejeci e lís e low okr ab af, ɛtɔ akunda yec'em eke b'ocr eɓmnin ob ɔɔn agɔ ejec'a, ow em cɛ Nyam yeji b'ow oc eɓmn ɔɔ ɔny.

³Kɔ bla ɛtɔ am lɛr suwli ek'anɔ esɔ jim e nyamn em a, ɛtɔ éwm likɔ ikpr ek'anɔ nyamn em a e low erm ee?

⁴Oglog ayaf likɔ ikpr ɔtu ek'anɔ nyamn em ke dad esɔ jim esɛ: “Yèb'm m'ɔny suwli na m'óc'ɔ es nyamn em ee?”

⁵Enyembri yony yony es, íkɔ anym ɔny likɔ ikpr ek'anɔ nyamn em a oc es, ke sica b'ow ekn es senyn senyn ɔny esɔ jim e suwli ek'anɔ nyamn em a oc es.

⁶K'òcr Nyam ec'ob k'ɔɔn mɔwr bake -l'ewl -li gugɔ ɔny; k'òcr an gbɛl e miyob k'okr es sigbroko ec'any af bake -l'uyu af.»

Ìbrmn, ɔɔl es, ìcmn lisany abu

Luk 11.9-13

⁷«Ìbrmn ob eke erurir a, Nyam b'ow ɔɔ ɔny. Ɔɔl ob eke erurir a es, Nyam b'ow ɔɔ ɛɔn'n. Ìcmn lisany abu, Nyam b'ow fig ɔny.

⁸Kɔ ɛɔɔ fɛɔ eke b'ibrm ob eke l'erur a, Nyam b'ɔɔ'n; ɛɔɔ fɛɔ eke b'ɔl ob eke l'erur a es a, Nyam b'ɔɔ n'ɛɔn; ɛtɔ Nyam bi fig ɛɔɔ fɛɔ eke b'icm'n lisany abu a.

⁹Kɔ ɔny em aɔa, ɛɔɔ nyam anɔ ek'in ec'iy b'ibrm'n futufutu ke l'óc lebn n'ɔɔ ow ee?

¹⁰Oglog ow b'ibrm'n ɔcn, ke l'óc lorɔn n'ɔɔ ow ee?

¹¹Ɔny nana ek'eel agɔ ɛɔɔ a, b'uwr ob amamn any ɔɔn ɔny ec'ey; ɛtɔ Nyam ek'anɔ afr a anake k'ow uwm any ɔɔm agɔ ek'am ibrm'n ów amamn ab ee?

12Low fɛŋ ek'am erurir eke agɲ ki kok ɔŋ ɔny a, ɔny yeji, kòkr eben kpeŋ ɔŋn agɲ eƷec'a. Mois ec'ol a lele kokoba ɔb esel e silɛl a e low yegm ek'ey ɔkm ana.»

Lisany likekli

Luk 13.24

13«Èbar lisany likekli eci! Anke lisany gbada lele eƷagb gbada ab b'irmn eƷŋ, eƷŋ agɲ nɔnɔ b'ecr yogɲ eci.

14Kɔ lisany eke b'ewl eƷŋ sel eƷŋ em a ew likekli afɲ es, eƷŋ eƷagb eke b'ewl eƷŋ sel eƷŋ em a ew kɔli nɔnɔ. Agɲ tel cɛ b'ecr yogɲ eci.»

Likɲ lele in ec'ey ab

Luk 6.43-44

15«Òsur sos kokoba ɔb esel ayadɲu e lís, -li b'itɲn -l'ew mɛceb e sos -l'ow ɔny em, kɔ el obi em a, botimbo.

16B'ow uwr el any el e low kok em. Kɔ kati em wɛl b'ow kɔkɔbri, eƷŋ kɔ librebr em, wɛl b'ow babm ee?

17Likɲ mamn, ey amamn li b'ɔsu, eƷŋ likɲ ɲuɲ ey eƷuɲ li b'ɔsu.

18Likɲ mamn k'ɔtum ɔsum ey eƷuɲ, eƷŋ likɲ ɲuɲ k'ɔtum ɔsum ey amamn.

19Likɲ fɛŋ ek'ósum ey amamn a, wɛl b'ow ubr'r es oc ɔwl'l alm.

20Èben eke b'ow uwr kokoba ɔb esel ayadɲu any el ec'ów kok em ana.»

Ús êl lob af

Luk 6.46-49; 13.25-27

21«Ow elm agɲ a fɛŋ eke b'ɛŋ'm: “Ès Kɔtɔkɔ, Ès Kɔtɔkɔ” a, k'ow okm Nyam e gbrenɲbi usu a, kɔ agɲ a cɛ eke b'ow kok em Ès ek'anɲ afr e ec'erur a.

22Jɛj ok e lɛɲ a, agɲ nɔnɔ b'ow dad'm ɛse: “Ès Kɔtɔkɔ, Ès Kɔtɔkɔ, kɔ ow elm ɲ e nin em s'elm kokoba ɔb esel, ɲ e nin em s'ogɲm abɲ eƷuɲ, ɲ e nin em si kokm sakrowa nɔnɔ ee?”

23Ètɲ m'ow mi dad el any af m'ɛse: “Ìmn yogɲ a, ɔny ów eƷuɲ kok esel, lɛɲ kaka m'uwm ɔny any!”

24Na sosiem eƷŋ kaka fɛŋ ek'iri sodad amua eke mi dad, ke kok ɛse elel eke l'irir ab af a, n'anɲ ɛse ewru nyam eke us in ec'êl lob af af.

25Mij an ok wus, mij ewl mij fɛŋ iy igɲ êl a, lef elul êl a lɛc em, kɔ l'eym anke wɛl us'r lob af.

26Kɔ eƷŋ kaka fɛŋ ek'iri sodad amua eke mi dad, ke kokm ɛse elel eke l'irir ab af a, n'anɲ ɛse nyamb eƷŋ nyam ek'us in ec'êl a mrici af af.

27Mij an ok wus, mij ewl mij fɛŋ iy igɲ êl a, lef elul êl a eƷŋ ow ey wus kikn es nimum.»

Jesu eci abusu ɔny owi

²⁸Eke Jesu dad ów òm e sodad amua bake ow uwr a, agɲ a ek'am iri in e low yegm a, low am iti any in ec'e lele eke n'am yegmn agɲ low a sosiem,

²⁹anɲke n'anm esɛ el ec'ol e low yegm esɛl ab af, kɔ n'am yegm wɛl low abusu ɔny em.

Matie e lɛl 8

Jesu ewlm kokobe es nyam

Mark 1.40-45; Luk 5.12-16

¹Jesu anɲ lafeny ab af us es, etɲ agɲ nɔnɔ am us'r jam.

²Kpɛkɲ kokobe es nyam ow titm'n, ok ɔwrɔkp wus in ec'any af etɲ dad'r nine: «Egɲ gbɛl, eke ɲ erur, ɔtu eke k'ayal'm.»

³Jesu egɲm abu es itɲn in etɲ dad nine: «M'erur, àyl!» Kpɛkɲ kokobe a oc'r es lís etɲ l'ayl.

⁴Etɲ Jesu dad'r nine: «Ìri senyn senyn: kì dad low na k'ok egɲ kaka. Gbɛkɔ ìm yegm egb waw es a sos, ke wáw egb a esɛ e lele eke Mois ec'ol a ibrm ab af esɛ danɲku ij af.»

Jesu ewlm srɔda eyɲ ekɲ yen eci anym es nyam eci juma kok es

Luk 7.1-10

⁵Wanci ab af eke Jesu am ey Kapɛrnayum a, Rom e srɔda eyɲ ekɲ yen eci anym es nyam ow titm'n etɲ am ɲɔɲn'n

⁶dad esɛ: «Egɲ gbɛl, em e juma kok es a bubm es eru es akɲ, n'am ij gbɛre nɔnɔ.»

⁷Jesu ibrm'n nine: «M'ím m'ewlm'n ee?»

⁸Gbɛkɔ anym es a dad nine: «Egɲ gbɛl, m'itm eke k'ey em e gbugɲ a. Kɔ dàd odad ebl nyam cɛ ke kpɛkɲ em e juma kok es a éwl.

⁹Em obi yeji, m'anɲ abusu esɛl ekpɛkp ec'ew, etɲ m'ɔny srɔda eyɲ eke m'ew es. Eke mi bi dad nyam m'esɛ: “Ìm!”, kpɛkɲ li b'im; etɲ eke mi bi dad ejeci nyam m'esɛ: “Òw!”, kpɛkɲ li b'ow; etɲ eke mi bi dad em ec'aduigɲ a m'esɛ: “Kòk low na!”, kpɛkɲ li bi kok.»

¹⁰Eke Jesu iri sodad amua a, l'erur anym es a e low etɲ n'am dad agɲ a ek'am us'r jam a l'esɛ: «M'am dad ɔny nawrɛ em, m'eyɲnm ɔmn es nɛnɛ kaka Israel eyɲ em bɔbɔ yeji.

¹¹Kɔ m'am dad ɔny, agɲ nɔnɔ b'ow anɲ yogɲ eke ligbn b'anɲ igb lele yogɲ eke ligbn b'eru es ab ow Afr eci gbɛɲgbi usu a, -l'ok es Abraham, Isak, lele Jakɔb ab ob ij usu a.

¹²Etɲ agɲ a ek'it eke blel eyɲ Afr e gbɛɲgbi usu a, wɛl b'ow ogɲ ok el gbɛɲ ncebn ab em, yogɲ anake ɔɲn ikɲ lele an em sasagr ab b'ow anɲ a.»

¹³Etɲ Jesu dad anym es a nine: «Ìm gbugɲ, yec'a ek'ɲ ec'ɔmn a am erur a, b'ow eyɲ.» Etɲ anym es a e juma kok es a ewl wanci ab af cɛ.

Jesu ewlm ɔlu nɔnɔ

Mark 1.29-34; Luk 4.38-41

- 14**Ca Jesu im Pier ec'akɛ a, etɛ l'ekn Pier ey lis eke sos am etu es eru es.
- 15**Jesu itɛn yow a ec'abu a abu etɛ lɛfr ol a oc'r es lís; l'igb etɛ n'am kok Jesu e lís e low.
- 16**Eke lɛgɛ ew es a, wɛl ot agɛ nɔnɔ eke abɛ ɛɛɛ am ijr gbɛ a is Jesu. In ec'odad ebl em cɛ l'ogɛ abɛ ɛɛɛ a etɛ l'ewlm ólu a fɛɛ.
- 17**Li kok ɛben yec'etɛ ke kokoba ob ɛs Esayi ec'odad na eke dad a íy neny: L'eb ey e sos dudu a etɛ l'okm ey sel es ey ec'ol em.

Agɛ ek'erur e k'us Jesu jam

Luk 9.57-62

- 18**Eke Jesu b'ekn bieku a eke did elul il em a, l'ibrm eke in e jam esel a k'ubr mij lekpl a e jam in ab.
- 19**Ol e low yɛgm ɛs nyam eri ow etɛ dad'r nine: «ɛgɛ gbɛl, m'ow m'us'ɛ jam usu fɛɛ eke b'ow im a.»
- 20**Jesu dad'r nine: «ɛkre ony el ec'omu wus em eke b'eru em, or yeji ony el e mel; ko ɛgɛ ec'Iy onym usu nuɛ nyam ek'otu ek'eru es eb sel.»
- 21**ɛgɛ ɛjeci, in e jam esel ab em e nyam dad'r nine: «ɛgɛ gbɛl, on'm abusu m'ím m'oc em ɛs es gbun ke m'ów.»
- 22**Jesu dad'r nine: «Ús'm jam ke yébb agɛ a ek'uw abɛ em a, ót el ec'agɛ a ek'uw ab es.»

Jesu adar lidgbegb

Mark 4.35-41; Luk 8.22-25

- 23**Sica Jesu ey mijetɛ nyam em etɛ in e jam esel a igɛ'n ab im.
- 24**Kpru em, lidgbegb ligbɛl am elu mij lekpl ab af, ton batɛ mra am ol eke k'ubur mijetɛ ab es; ko Jesu gbɛ, n'am eru memn.
- 25**Jam esel a eri ow titm'n etɛ am uwr'r dad'r ese: «ɛgɛ gbɛl, èb ey, ko s'am uw!»
- 26**Jesu dad el nine: «Ko bla etɛ erɛn am ony ony ee? Omn ufum ony es tasi!» L'igb, etɛ lebl tuotuo em, li dad lidgbegb a lele mra ab ab eke k'irm es, etɛ usu a fɛɛ irm es tiɛ.
- 27**Agɛ a fɛɛ low iti any etɛ am dad ese: «Ko bwo el ɛgɛ ikɛ na eke lidgbegb lele mra ab b'onny in ec'elum ab ee?»

Jesu ewlm agɛ yony eke abɛ ɛɛɛ am ijr gbɛ

Mark 5.1-10; Luk 8.26-39

- 28**Eke Jesu ubr mij lekpl a e jam, Gadareni eyɛ eci wus ab af a, agɛ yony anɛ suwomu ec'araɛn ok okm etɛ am ow obr'r. Abɛ ɛɛɛ anɛ agɛ amua em, etɛ -li b'or abr nɔnɔ. Ow on ɛgɛ ótum ɛcrm ebr ab af eci.
- 29**Kpɛkɛ abɛ ɛɛɛ esel a am og dad ese: «Nyam ec'Iy, ko bla lowi anɛ ey araɛn ee? Ko ey e gbɛ ijr ec'ow gbun ke lɛgɛ a ów ee?»

³⁰Akpoj em a, gbroko nono anη ek'am ol el ec'ob ij es ec.

³¹Abη enη a am ηonη Jesu ese: «Ek'erur eke k'ogη ey a, ógη ey s'ok sigbroko amua em.»

³²Jesu dad el ninε: «Ìmn.» -L'ok okm wel em -n'im -l'ir sigbroko ab em. Kpekη gbroko a feη anη lafeny ab af uru es ok mij lekpl ab em uw.

³³Sigbroko osu esel a uru es im baηn ob low a ek'ey a ec'amani; -li dad abη enη esel yony a yeji ec'odad.

³⁴Ow sosiem, baηn a ec'agη a feη ok okm im am ekn Jesu; eke -l'ekan ow a, -ni ηonη ow ek'ow k'ηgboη el eci wus ab af.

Matie e lel 9

Jesu ewlm sos es wew es nyam

Mark 2.1-12; Luk 5.17-26

¹Jesu ey mijetη nyam em, etη ewl ubr mij lekpl a im baηn.

²Agη oc sos es wew es nyam ek'anη faja em is'r. Eke Jesu b'ekn agη a ec'omn a, li dad sos es wew es a ninε: «Em jim, ermij k'ók'η! M'oc η e sikpl a m'ap'η!»

³Ow sosiem, ol e low yegm esel beb am dad el obi em ese: «Egη na am ocr in sosi Nyam! N'am obr Nyam any!»

⁴Eke Jesu uw el e tutr ab any a, li dad ninε: «Kó bla etη am onyn sow tutr enη amua ee?

⁵Kó bogη ec'anake ew fuefue eke wel ki dad sos es wew es ab ee? “M'oc η e sikpl a m'ap'η,” oglog wel dád'r ese: “Ìgb ke án es ee?”

⁶Gbekó m'erur eke k'uwr low na any: wus af aηa, egη ec'Iy ony abusu eke k'oc sikpl ap.» Etη sica li dad sos es wew es a ninε: «Ìgb, òc η e eci faja a eb ejagb im gbugη!»

⁷Etη sos es wew es a igb aam gbugη.

⁸Eke bieku a b'ekn low na a, ow am ony el erηn etη -n'am kóklm Nyam, abusu ikη na eke n'onη agη a sosiem.

Jesu esη Matie eke k'us'r jam

Mark 2.13-17; Luk 5.27-32

⁹Eke Jesu igb yogη aam a, in ec'ec em a, l'ekn egη nyam eke wel b'esη Matie eke sig es wus labm eb usu. Li dad ow ninε: «Ùs'm jam.» Etη l'igb l'us ow jam.

¹⁰Sica eke Jesu am ij ob Matie ec'akη a, wus labm eb esel nono lele sikpl esel ejec'ab ow enη Jesu lele in e jam esel ab ab etη -l'okr af -n'am ij ob.

¹¹Farisiel ekn low na etη am dad in e jam esel a ese: «Kó bla etη ony eci low yegm es a am ij ob agη amua ab ee?»

12Jesu iri el lebl etj dad nine: «Agh a eke anj sos tuotuo em a, ibram sos kok es, ko ólu a anake ibrm sos kok es a.

13Ìmn ke wéwar Nyam e sodad amua eke dad a: Mi b'erur erm mamn owi m'akm ndey em e segb waw. Tasi em a, m'owm eke mi k'esj agj eke b'ubr el sosi nenyembri nyam esel a, ko m'ow eke mi k'esj sikpl esel.»

Ob owr lele ob sig ab ókrm af

Mark 2.18-22; Luk 5.33-39

14Ow e jam a, Jan mij ok nuj es eci jam esel a ow etj Jesu etj am ibrm'n ese: «Ko bla etj sakp nono ey lele Farisiel ab si b'etj neny etj j e jam esel a énjm ee?»

15Etj Jesu dad el nine: «Am tutar ek'agj lawlél eke wél esj mebi ec'es gbegbl em a otu eke k'anj sos es ow em eke yow éc a anj el ab ee? Njan! Gbeko legj am ow eke wél b'ow ony yow éc a oc es el ec'arajj, ke sica -n'etj neny gój.

16Égj ócm gbad owr lele gbad sig ab obarm gigjm; ajke gbad owr a b'onj gbad sig a agbr em, etj gbad a ec'em agbr a b'ow agb nono.

17Etj emeny egj ócm mar owr okm marel sig em; eke kok eben a, mar owr a b'ow ony marel sig a ob es; mar a b'ow ok es etj marel a b'ow uj. Tasi em a, mar owr, marel owr em wél b'ok'r etj mar a lele marel ab ab b'anj.»

Jesu ewlm yow nyam etj igbm dedyowli nyam luw em

Mark 5.21-43; Luk 8.40-56

18Eke Jesu am dad el sodad amua a, Jwifel ec'es ew es nyam ow. L'ok owrokp wus Jesu ec'any af etj li dad nine: «Em jow uw wanci na af ce; gbeko ow itjn in abu, li b'ow l'igb.»

19Jesu lele in eci jam esel ab ab igb us'r jam.

20Kpekj kin yow nyam eke b'ub abu ke mebl a édjm es toj ow ij akpo lew yony. L'ecr jam jam eci l'ow li titm Jesu etj l'itjn ow e mob sus em a ec'enyembri a abu,

21ajke n'am dadr in sosi l'ese: «Blél mi k'itjn in e mob sus em a abu ce, ke m'ewl ê.»

22Jesu ewl meny ler'r etj dad'r nine: «Em jow, ermij k'ók'j, j ec'omn a ewlm'j!» Etj wanci ab af ce yow a ewl.

23Sica Jesu im es ew es a ec'akj a. Eke li b'ok yogj a, l'ekn kete afl esel eke bebm sos egj es oc eci lele dedeku a ek'am og ab ab,

24etj li dad nine: «Ókr okm aja, dedyowli a, l'uwm, ko memn n'am eru.» Dedeku a am kokr Jesu miyer.

25Eke wél ogj agj a ok gben a, Jesu ey ojli em a, n'onj dedyowli a abu etj ow igb.

26Amani a eb es wus ab af nimum.

Jesu ewlm ány eflu yony

²⁷Sica eke Jesu igb yogḡ aam a, ány eflu yony am us'r jam. -N'am ɔgr ow -l'ese: «David e lilaw, ikḡ ey sɔrḡ!»

²⁸Eke Jesu im ey gbugḡ a, ány eflu a im titm'n etḡ n'am ibrm wɛl l'ese: «Kɔ ɔnyn ɔmn eke m'ɔtu eke mi k'ewlm ɔny ee?» -Li dad nine: «Ee, Eḡḡ gbɛl, ɔtu eke k'ewlm ey.»

²⁹Etḡ Jesu itḡn el anyamn abu etḡ dad nine: «Nyam ɔḡ ɔny low a ek'am ekur ɔmn em a!»

³⁰Etḡ -n'am ekn es. Jesu dad el lebl tuɔtuɔ em nine: «Kì kokr eḡḡ kaka k'úw any.»

³¹Gbekɔ ány eflu a im, etḡ wus a nimum af -n'am dad Jesu ec'odad.

Jesu ewlm ebrm nyam

³²Eke ány eflu a b'im a, kpɛkḡ wɛl oc ebrm nyam ek'abḡ ḡḡḡ any em is Jesu.

³³Sica eke Jesu ogḡ abḡ ikḡ na a, ebrm a am dad odad. Bieku a low iti any etḡ am dad ese: «Israel wus af aḡa, s'eknm low nene lɛḡḡ kaka.»

³⁴Gbekɔ Farisiel a gbɛ am dad ese: «Abḡ eḡḡḡ ec'es ew es a anake b'ɔḡ'n abusu l'ogḡ abḡ eḡḡḡ amua a.»

Jesu b'ɔny agḡ e sɔrḡ ikḡ

³⁵Jesu am ec baḡḡn egbɛl em lele baḡḡn ekekey em ab. N'am yɛgm agḡ low el e Nyam nuḡ igḡ usu a, n'am ɔb gbrenḡbi usu a ec'Amani Mamn e kokoba etḡ n'am ewlm ɔlu a el ec'ɔl eḡḡ eḡḡ fɛḡ em lele el e dudu fɛḡ ab.

³⁶Agḡ dedeku a eke n'am ekn a e low ɔny'n sɔrḡ afḡḡn in es, aḡke agḡ amua sos kikn es, sos ɔw es ese mɛceb ek'ɔnym ɔsu es af.

³⁷Etḡ Jesu dad in e jam esɛl a nine: «Egb ub a ufu es nɔnɔ, kɔ juma kok esɛl enym.

³⁸Ibrmn egb ɔgm es a ke l'erm juma kok esɛl nɔnɔ im in ec'egb ub ab em.»

Matie e lel 10

Jesu sɔsum erm esɛl lɛw yony ot

Mark 3.13-19; Luk 6.12-16

¹Jesu esḡ in e jam esɛl lɛw yony a etḡ n'ɔḡ wɛl abusu eke wɛl k'ogḡ abḡ eḡḡḡ, ewlm ɔlu lele el eci ɔl eḡḡ eḡḡ fɛḡ em lele el eci dudu fɛḡ ab.

²Kin erm esɛl lɛw yony a ec'en: krɛkrɛ em a, Simɔ eke wɛl igḡ nin af Pier, lele lisijim Andre ab; Jak lele lisijim Jan ab, agḡ a yony mum Sebede ec'ey;

³Filip, Bartelemi, Toma lele Matie ek'el wus labm eb es; Tade lele Alfe jim Jak ab;

⁴Simɔ eb dogḡḡn es lele Judas Iskariot ek'ɔl Jesu ij ab ab.

Jesu erm in e jam esɛl lɛw yony a

Mark 6.7-13; Luk 9.1-6

⁵Sica Jesu erm agɲ lɛw yony amua ɛtɲ am ijl ɛl nɛny dad ɛsɛ: «K'ìmn agɲ ek'ɛlm Jwifɛl a eci wus af, ɛtɲ emeny k'èyr Samari eci baɲɲ fɛɲ em yeji.

⁶Kɔ ìmn Israɛl ec'agɲ ek'anɲ ɛsɛ mɛcɛb ek'irm af ogɲ.

⁷Ejagb us em a, ɔbr Amani a dadr ɛsrɛ: “Afr eci es ɛw a ow titm!”

⁸Èwlmn ólu, ìgbmn agɲ luw em, èwlmn kokobe ɛsɛl ayl, ògɲɲ abɲ ɛɲɲ. Ɔfr em ɛɲɲ, ɛl yeji ɔɲɲ ɛl ɔfr em.

⁹K'òcr sika, os, deɲ kaka fɛɲ k'ánɲ ɔny ekpr em.

¹⁰K'òcr usu im ec'ekpr, k'òcr kotu yony, ɔkrukɔ lele kpama ab. Tasi em a, ob kok ɛs it ob ij ɔɲ.

¹¹Eke okr ɛb nyam em, ìbrmn ɛɲɲ ɛgɲ ek'erur eke k'eb ɔny a, ke ánɲɲ ɛgɲ ikɲ na ogɲ toɲ ke ókr ɔkm yogɲ.

¹²Eke b'okr akɲ nyam, èsɲɲɲɲ ɛl ɛsrɛ: “Èrm es ɛy ánɲ ɔny ab.”

¹³Eke akɲ a ec'agɲ a eb ɔny a, ɔny ec'erm es ɛy a b'ow anɲ ɛl ab; kɔ eke -l'ebm ɔny a, ke ɔny ec'erm es ɛy a éwl ow ɔny ab.

¹⁴Ek'akɲ nyam oglog ɛb nyam em wɛl ɛgɲm ebm ɔny oglog irim ɔny ec'odad a, òkr ɔkm yogɲ ke cícr ɔny ec'akr sɛc a okr ɛl es.

¹⁵Low nawrɛ m'am dad ɔny: jɛj ok e lɛgɲ a, Sodom lele Gomɔr ab e low ɲɲɲ e wɛl ki kok a b'ow ɔɲɲ tɛl akm ɛb na ec'agɲ ec'a.»

Efi eci gbre ijr owi

Mark 13.9-13; Luk 12.2-7; Luk 21.5-19

¹⁶«Kin m'am m'erm ɔny ɛsɛ mɛcɛb af sibotimbo ec'araɲɲ. Èwar ɛsɛ morɲɲ af, ke ánɲɲ frɔrɔ ɛsɛ kel af.

¹⁷Ɔsur sos kɔ agɲ b'ow ot im ɔny jɛj ok ec'any af ɛtɲ -li b'ow -l'ɔr ɔny say em Nyam nuɲ igɲ susu.

¹⁸Èm sosisɛm, wɛl b'ow ot im ɔny es ɛw ɛsɛl lele éb ebu ab ec'any af, yec'ɛtɲ ke ɛl lele Nyam any uwm ɛsɛl ab ec'any af íjr danɲu.

¹⁹Lɛgɲ eke wɛl b'ow ot im ɔny jɛj ok ec'any af a, odad yec'a eke ki dadr a, lele ekel eke ki dadr ab ab ec'ermij k'ók ɔny; wanci ab af cɛ Nyam b'ow dad ɔny sodad a eke ki dadr a.

²⁰Sodad a k'ow anm ɔny em owm, kɔ ɔny Ès Nyam ec'Abɲ a b'ow dad odad ɔɲ ɔny.

²¹Agɲ lisijimɛl b'ow ot ɛl lisijimɛl lokm ow ibi eci; ey ɛsɛl yeji b'ow kok ɛben ɛl ec'ey e lís, ey yeji b'ow ɔbr ɛl ɛsɛl any, ɔɲ wɛl ibi ɛl.

²²Èm sosisɛm agɲ a fɛɲ b'ow ifn ɔny; gbɛkɔ ɛgɲ eke b'ow inym es kikri toɲ ow e nuɲ ɛdɲ em a, b'ow ɛɲɲ sel.

²³Eke wɛl am ijr ɔny gbɛrɛ ɛb nyam ɛm a, òkr ɔkm imm ɛb ɛjɛc'ɛm. Low nawrɛ m'am dad ɔny: k'ow ɛcmn Israel ɛc'ɛb a fɛɲ ɛm uwrm ɛɲɛ ɛɲ ɛc'Iy b'ow ow.

²⁴Low wewr ɛs kaka ágbm akam in e low yɛgm ɛs; ɛɲ juma kok ɛs kaka ágbm akam in ɛc'ɛs ɛw.

²⁵Ow it eke low wewr ɛs k'anɲ ɛsɛ in e low yɛgm ɛs ab af, ke juma kok ɛs yɛji áɲɛ ɛsɛ in ɛc'ɛs ɛw ɛs ab af. Eke wɛl ɛsɲ akɲ ɛs a Belsebul, ke sakp abi wɛl k'ow wewrm akɲ a ɛc'agɲ ab ɛɛ?

²⁶Ow sosiɛm k'úrur agɲ amua. Kɔ low fɛɲ eke lɔl ɛs a b'ow ɛy ɔkm; ɛɲ low fɛɲ ɛk'el asrɛ ɛm ɛc'a, wɛl b'ow uw any.

²⁷Low yec'ɛke mi dad ɔny saw ɛm a, dàdr agɲ fɛɲ ɛc'any af; ke ow eke irir asrɛ ut ɛm a, úyur ɛl luw af ɛlul lebl agɲ iri.

²⁸K'úrur agɲ a eke b'ibi sos megl ke ɔtum ibim ɛɲɛ e liy a; kɔ úrur Nyam ɛk'ɔny abusu ɛk'ibi sos megl lele liy ab gbɛrɛ ij usu a.

²⁹Kɔ wɛl ɔlm yay yony ijm lɛl nyam ɛɛ? ɛbɛn yɛji, yony ab ɛm e nyam ɛym wus ɛk'ow elm Nyam ɛc'erur.

³⁰ɔny ɛc'a, ɔny e sin nuɲ bɔbɔ yɛji Nyam awl uw any.

³¹K'úrur ɛrɲn: ɔny, iil an nɔnɔ akmn siyay nɔnɔ!»

Jesu Krist ɛc'ɛgbr lɛl ɛɲɛ ɛb ab e low

Luk 12.8-9

³²«Eke ɛɲɛ nyam bi dad dedeku fɛɲ ɛc'any af ɛk'in el ɛm ɛci, ɛm yɛji, ɛm ɛs ɛk'anɲ afr ɛc'any af, m'ow mi dad m'ɛsɛ: “L'el ɛm ɛci.”

³³Gbɛkɔ ɛk'ɛɲɛ nyam bi dad dedeku fɛɲ ɛc'any af ɛk'in uwrm im any, ɛbɛn ɛm yɛji, ɛm ɛs ɛk'anɲ afr ɛc'any af a m'ow mi dad m'ɛsɛ: “M'uwm'n any.” »

Jesu sosiɛm ɛc'ɛm bubr owi

Luk 12.51-53; 14.26-27

³⁴«K'ɔnyɲ ɔmn eke m'is ɛrm ɛs ɛy wus af aɲa. M'owrm eke mi k'is ɛrm ɛs ɛy, kɔ ar owi.

³⁵Tasi ɛm a, m'ow eke mi k'ɔbar ɛɲɛ lele ɛs ab nuɲ, yɔwli lele lis ab, yɔw eke wɛl ɛbi ow lele ɛc lis ab.

³⁶Ifanin b'ow anɲ akɲ nyam coco ɛc'agɲ ɛc'araɲn.

³⁷ɛɲɛ yec'ɛke b'erur ɛs oglog lis akm'm a, itm eke k'el ɛm e jam us ɛs; ɛɲɛ yec'ɛke b'erur jim oglog jɔw akm'm a, in yɛji itm eke k'el ɛm e jam us ɛs.

³⁸ɛɲɛ ɛk'abum in obi ɛc'olikh usm im jam a, itm eke k'el ɛm e jam us ɛs.

³⁹ɛɲɛ ɛmɛny ɛɲɛ eke b'ow ɔsu in e sel a, li b'ow l'irmn; kɔ ɛɲɛ eke b'ow irmn in e sel a ɛm sosiɛm a, li b'ow n'ɛɲn.»

ɛɲɛ ɛc'ɛb owi

Mark 9.41

⁴⁰«Egɲ ek'eb ɔny a, eb'm; etɲ egɲ ek'eb'm a, eb Nyam ek'erm'm a.

⁴¹Egɲ ek'eb kokoba ɔb es, Nyam e kokoba ɔb es ek'ow el a sɔsiem a, b'ow eɲn ob ap ek'el Nyam e kokoba ɔb esel ec'a. Etɲ egɲ ek'eb low nenyembri nyam es, low nenyembri nyam es ek'egɲ na el Nyam ec'any af a sɔsiem a, li b'ow n'eɲn ob ap a ek'el low nenyembri nyam esel ec'a.

⁴²Low nawre m'am dad ɔny: egɲ yec'eke b'ow aw mij dra kpɔk nyam ce ɔɲ em e jam esel ey amua em e nyam, em e jam us es eke iy a el a sɔsiem a, egɲ ikɲ na b'ow eɲn in ec'ob ap.»

Matie e lɛl 11

¹Eke sica Jesu dad ów ɔm e sodad amua ok in jam esel lew yony a bake ow uwr a, l'igb yogɲ, n'im eke li ki yegm agɲ low ke li dád Nyam ec'odad wus ab af e seb ab em.

Jan mij ok nuɲ es lele Jesu ab

Luk 7.18-35

²Jan mij ok nuɲ es ek'anɲ sobel em a, iri wel dad Krist ec'ów eke am kok. L'erm in e jam esel ab em e beb Jesu ogɲ

³eke -li k'ibrm ow -l'esɛ: «Kɔ ɲ, Mesi a eke in k'ow ab ana, oglog egɲ ejeci el k'eku ee?»

⁴Jesu dad el nine: «Ímn dadr Jan low yec'a ek'am irir ke am ekan a:

⁵ány eflu am ekn es, akr kpɛce esel am an es, kokobe esel yeji am ewl, ɔru ablu yeji am iri ów, agɲ ek'uw a yeji am igb etɲ wel am ɔb Amani Mamn a e kokoba ok ɔgbɔru.

⁶Ehe él egɲ a eke k'ow irmnm in ec'ɔmn eke n'ony em em a eci.»

⁷Kpɛkɲ eke Jan eci jam esel a im a, Jesu oc Jan e lís e low am ibrm dedeku a esɛ: «Kɔ loj yogɲ bla imn eke k'ekan ee? Kɔ egɲ ek'anɲ esɛ anany eke lef am ɔny mumu af ee? Njaɲ!

⁸Ca eke ow elm eben a, ke bla im ekan ee? Egɲ eke sus mob senyn ee? Njaɲ, agɲ eke bi sus mob senyn senyn a, éb ebu e gbugɲ -li b'anɲ.

⁹Etɲ ca bla tasi im ekan ee? Kɔ kokoba ɔb es nyam ee? Eɛ, m'am dad ɔny ek'egɲ a ek'ekan a agb akm kokoba ɔb es;

¹⁰aɲke Nyam Lɛl em a, Nyam dad Jan e lís e low nine: Kin, m'am ɔɲ em ec'erm es ikɲ'ɲ anym kók ɲ ec'ejagb a.

¹¹Low nawre m'am dad ɔny: agɲ a eke wel ew ab em a, egɲ kaka anm agbm akam Jan mij ok nuɲ es; gbɛkɔ Afr e gbrenɲgbi usu a ec'agɲ a ek'anɲ a e likekli a agb akm Jan.

¹²Lɛgɲ a etɲ eke Jan am ɔb Amani a toɲ ke k'it yefenyina a, Afr e gbrenɲgbi usu a e low am ey lec, etɲ ów ganɲaɲ esel a am ɔl ek'oc lec em.

13Toŋ k'igŋ Jan e læŋ em a, kokoba ɔb ɛsɛl a fɛŋ lele Mois ec'ol ab ab ɔb gbrenŋbi usu a ec'amani.

14Ɛtŋ ek'erurir ek'ubr'm nawrɛ, ke Jan anake el Eli a eke k'ɛwl ow a.

15Ek'ɔnyn ɔru eke k'irir, k'irir senyn senyn.

16Kɔ bwo ec'ɛŋ m'ɔtu eke mi k'oc mi bɛbmɔn yɛfɛnyna ec'agŋ ab ab ee? -L'ot etuey ek'anŋ an ɔl usu es, ke bɛb am dad ejeci lebl gege em ɛsɛ:

17“S'afl kete ej ub eci s'ok ɔny, ɛtŋ ɛŋmɔn eke k'ubr ej! S'ɛŋ sɔrŋ ej s'ok ɔny ɛtŋ ɛŋmɔn okmɔn sabu ɛrmɔni ikŋmɔn ɔŋn!”

18Kin, Jan ek'ow a, li b'ɛnŋ nɛny, l'ɛŋmɔn mar, ɛtŋ agŋ bi dad ek'ow'n ɔny abŋ ŋuŋ.

19Sica ɛŋ ec'Iy ek'ow a, li b'ij ob, li b'ɛŋ mar, ɛtŋ agŋ bi dad ek'ɛŋ ikŋ na in el ob iju, mar ɛŋu, wus labm eb ɛsɛl lele sikpl ɛsɛl ab e lawl. Gbɛkɔ Nyam eci sɛwr a b'ulm es in ec'ow a ec'okm ok em.»

Sɛb ek'erurm eke k'ub Jesu nawrɛ

Luk 10.13-15

20Ɛmeny Jesu am ɛnym sɛb a eke wɛl em li kok in e sakrowa ɛgbɛl nɔnɔ a abr, aŋke ɛb eyŋ a itŋnm ɛrm em. Li dad ninɛ:

21«Korasin ec'agŋ, gbɛrɛ ɛl ɔny eci! Betsayida ec'agŋ, gbɛrɛ ɛl ɔny eci! Aŋke sakrowa a eke wɛl kok ɔny ogŋ a, blel ow el Tir lele Sidɔn ab wɛl kok ana, ke blel -l'ɛw sɔrŋ e sos, -li kpakp milakŋ, -l'ok fandi, ɛrm em itŋn eci.

22Na sosiɛm m'am dad ɔny jɛj ok e læŋ a, Tir lele Sidɔn ab e low ŋuŋ eke Nyam ki kok a b'ow ɔdŋ akm ɔny ec'a.

23Ɛtŋ ŋ Kapernayum, am tutr eke any ij em b'ow agb toŋ bake ím titm afr ee? Njan, b'ow is es toŋ bake igŋ ɔŋnes baŋn; aŋke sakrowa a eke wɛl kok ŋ ogŋ a, blel Sodɔm ana, ke ɛb ikŋ na áŋŋ yɛfɛnyna yeji.

24Na sosiɛm m'am dad'ŋ, jɛj ok e læŋ a, Sodɔm e low ŋuŋ eke wɛl ki kok a b'ow ɔdŋ tɛl akm ŋ ec'a.»

Òwr em ogŋ ebr ɛrm es ɛy

Luk 10.21-22

25Læŋ ab em a, Jesu dad ninɛ: «Ɛm Ɛs, ŋ ek'el afr lele wus ab ec'Ɛs Kɔtɔkɔ a, m'am ɛlu'ŋ bia, ow a ek'ot lɔl es, ɛsɛwru lele nuŋ em ɔny ɛsɛl ab ec'any af, ke yeŋm etuey uw any a eci.

26Ɛɛ! Ɛm Ɛs erur eke ow k'el ɛbɛn.

27Ɛm Ɛs ocr in sosi nimum ɛlul'm abu em. Ɛŋŋ kaka uwm Iy ab any eke ow elm Ɛs sɔny coco cɛ, ɛtŋ ɛŋŋ kaka uwm Ɛs any eke ow elm Iy a sɔny coco lele agŋ a eke Iy a erur eke k'ɛlu ɔkm yeŋm ab ab.

28Ɛny fɛŋ ek'ɛrɛkp am leg leg ɔny a òwr em ogŋ, m'ow m'ɔŋ ɔny ɛrm es ɛy.

²⁹Ègghn em e low ebr, ke yébr mi yegm ony low anke m'el erm froro, erm nini es; ow em b'ow ehan ony obi ec'erm es ey.

³⁰Em e low a eke m'ow m'onj ony a ec'osu a, ew fuefue, etj erékp eke m'ow m'onj ony a ewm leg leg.»

Matie e lel 12

Ègghn ec'Iy el nenegh ec'es ew es

Mark 2.23-28; Luk 6.1-5

¹Eke seggh beb ec a, nenegh nyam, Jesu lele in e jam esel ab ab am ecr segb ogm eci. Jam esel a namn am ony etj am bubm egbey a ij.

²Eke Farisiel b'ekn a, -li dad Jesu nine: «Ìs any ekn, η e jam esel a am kok low eke ey ec'ol a oom abusu eke wel ki kok nenegh e leggh!»

³Jesu dad el nine: «Awlmn low a eke eb ebu David in obi in obi lele in ec'agh ab ab kok leggh nyam eke namn am ony el ab ee?

⁴L'ey Nyamel em, etj in ec'agh ab ab -l'ij egb waw e futufutu a; ke -n'onym ow ec'ij ec'abusu kaka. Ey ec'ol a onj abusu eke egb waw esel sony coco k'ij.

⁵Etj emeny awlmn Mois ec'ol ab em eke nenegh e leggh, egb waw esel ek'onj juma Nyamel gbél ab em a, ósum nenegh ec'ol a, ke ow élm el ec'ow obr ab ee?

⁶Ko m'am dad ony ek'anja low nyam anj ek'onj any akm Nyamel gbél a!

⁷Blel uwr Nyam Lél a e sodad amua ek'am dad ese: mi b'erur erm mamn owi m'akm ndey em e segb waw e nyandre any tasi ana, ke aggh amua ek'eknm low a, blel obmn el low.

⁸Tasi em a, eggh ec'Iy anake el nenegh ec'es ew es a.»

Jesu ewlm eggh ek'abu wew es nenegh e leggh

Mark 3.1-6; Luk 6.6-11

⁹Eke Jesu ngbonj yoggh im ey el eci Nyam nunj iggh usu a,

¹⁰eggh nyam ek'abu wew es anj yoggh. Aggh a ek'anj yoggh a erur eke k'ok Jesu ów af; ow sosome -l'ibrm ow nine: «Ko ey ec'ol a onj abusu eke wel k'ewlm eggh nenegh e leggh ee?»

¹¹Jesu dad el nine: «Ek'onj em ec'eggh nyam ony liceb nyam coco etj liceb a ey nomu cronj em nenegh e leggh a, li k'ow n'iim n'onym l'ocm ow es ee?

¹²Èggh il an akm liceb! Ow sosome ey ec'ol a onj abusu eke wel ki kok low mamn onj eggh nenegh e leggh.»

¹³Jesu dad eggh a nine: «Ègghn abu es.» L'egghn abu a es etj ow ewl akpl ese yec'ab af.

¹⁴Ow onj Farisiel a ok okm Nyam nunj iggh usu a, -n'im -n'am as luku -l'ol elel eke -li k'onyn Jesu bake -l'ibi ow.

Nyam e libowi eke sosome oc

¹⁵Eke Jesu iri in e luw ec'amani a, n'ngboŋ yogŋ etŋ agŋ nɔnɔ am us'r jam. N'am ewlm ólu a feŋ,

¹⁶etŋ n'am ijl wɛl nɛny l'ɛwar eke wɛl k'ulam'n es.

¹⁷Li kok ɛben yec'etŋ ke kokoba ɔb ɛs Esayi eci sodad amua eke dad a íy nɛny:

¹⁸Nyam dad ninɛ: «Kin ɛm e libowi eke mi sɔsum m'oc ke m'ɔny in ec'erur etŋ m'oc ɛm eci sos ɛm iŋn m'ɛlu'l ɛm. M'ow m'ɛlu'l ɛm ec'Abŋ ab ɛm etŋ li b'ow l'ɛwar ɛbr ɛbr a feŋ ɛm e low nɛnyembri nyam a.

¹⁹Li k'ow l'atarm ów es ɛgŋ kaka feŋ ab etŋ li k'ow l'ɛlum lebl, wɛl k'ow irim'n lebl ɛberŋ ɛm.

²⁰Anany ek'ibn es a, li k'ow n'ɔnym l'ubm es. Keniɛ ek'in ec'al a am irm es a, li k'ow n'ɔnym l'irmm es. Li b'ow li kok ɛben toŋ ke low nɛnyembri nyam ɛb es usu a feŋ;

²¹Etŋ wus na e ɛbr ɛbr a feŋ b'ow oc ɛl ec'ɔmn a ɛlu'l ɛm.»

Jesu in ɔny agŋ ec'abŋ

Mark 3.22-30; Luk 11.14-23

²²Sica ɛmɛny wɛl oc any eflu nyam eke ɛl ɛbrm yeji, abŋ ɛŋuŋ ek'anŋ'n ɛm a sosiɛm is Jesu. Jesu ewlm ɛgŋ a; ow ɔŋ n'am dad ów etŋ n'am ɛkn es yeji.

²³Agŋ a feŋ low iti any etŋ am dad ɛsɛ: «Kɔ sɔŋ Jesu na David eci lilaw li k'el ee?»

²⁴Eke Farisiel iri odad na a, -li dad ninɛ: «ɛgŋ na am ogŋ abŋ ɛŋuŋ aŋke ɛl ec'es ɛw ɛs Bɛlsebul anake am ɔŋ'n abusu a.»

²⁵Jesu uw ɛl e sow tutr ab any etŋ dad ɛl ninɛ: «Es ɛw feŋ eke in ec'agŋ a ubr ɛm a b'uŋ. ɛb feŋ, oglog akŋ feŋ ek'in ec'agŋ a ubr ɛm a, b'uŋ.

²⁶Eke sica Satan am ogŋ abŋ ek'el Satan eci, ke in sosi n'am ogŋn ar a; kɔ in ec'es ɛw a ɔtu eke k'anŋ ee?

²⁷Am ubr eke m'am ogŋ abŋ ɛŋuŋ Bɛlsebul ec'abusu ɛm; etŋ ɔny agŋiyɛl ec'a eke b'ogŋ a, kɔ bwo b'ɔŋ ɛl abusu ee? ɛl obi ɛl obi -n'am yeŋm eke ɔnymn low ij!

²⁸Tasi ɛm a, Nyam ec'Abŋ ɛm anake m'am ogŋ abŋ ɛŋuŋ a; ow am yeŋm eke Nyam ec'es ɛw a ow ɔny ec'araŋn ŋ.

²⁹Eke wɛl erur eke k'im ɛy lɛc ɛs nyam ec'akŋ iy'r mil a, ow it ke wɛl íkŋ anym ɔny awŋ'n gbuŋ ke wɛl ɔtu ɛy in ec'akŋ ot in eci mob a feŋ.

³⁰ɛgŋ ek'anm ɛm ab a, ɛl ɛm ec'ifnu, etŋ ɛgŋ eke ɛluam im abu s'asm Nyam ec'ey luku a, am ɔmun ɛl es.

³¹Na sosiɛm a, m'am dad ɔny: wɛl ɔtu eke k'oc agŋ e sikpl owi lele wɛwr owi eke dad ab ab a ap ɛl; gbɛkɔ ɛgŋ eke dad odad ŋuŋ ok Abŋ Lala af a, Nyam k'ow ocm apm'n.

³²ɛgŋ feŋ eke dad odad ŋuŋ ok ɛgŋ ec'Iy af a, Nyam b'ow oc ap'r; kɔ ɛgŋ yec'eke dad odad ŋuŋ ok Abŋ Lala af a, ke ow ɛl yeŋfɛnyna, ke ow ɛl efi, Nyam k'ow ocm apm'n.»

Likɲ lele in ec'ey ab

Luk 6.43-45

- 33 «Kòkr likɲ akpl, in ec'ey a yeji b'ow akpl; kòkr likɲ él likɲ ɲuɲ, in ec'ey a yeji k'ow akplm, aɲke wél b'uw likɲ fɛɲ any in ec'ey ɔsu ab em.
- 34 ɔny mornɲ, ayaf ɔtur eke ki dadr ów amamn, ɔny ek'eel agɲ eɲuɲ ab ee? Low yec'a ek'iy erm em gbɔɲ a anake neny bi dad elu ɔkm a.
- 35 ɛgɲ mamn, in em ec'ów amamn eke b'anɲ a anake li b'oc l'elu ɔkm a; etɲ egɲ ɲuɲ, in em ec'ów eɲuɲ eke b'anɲ a anake li b'oc l'elu ɔkm a.
- 36 M'am dad ɔny eke jej ok e legɲ a, sodad eke agɲ dad ɛsɛ odad ɔfr ɔfr af a, -li b'ow - l'awl;
- 37 aɲke ɲ ec'odad ebl em wél b'ow jej ɲ e low ok egɲ'ɲ low oglog ɔb'ɲ low.»

Farisiel am ibrm eke Jesu ki kok mɛny ɛwr nyam

Mark 8.11-12; Luk 11.29-32

- 38 ɛtɲ ol e low yegm ɛsɛl beb lele Farisiel beb ab am dad Jesu ɛsɛ: «Low yegm agɲ es, s'am erur eke k'elu mɛny ɛwr nyam ɔkm yegm ey.»
- 39 Jesu dad el nine: «Yefenyina ec'agɲ eɲuɲ amua ek'ijm neny nyam Nyam ec'any af a, am ibrm mɛny ɛwr, kɔ wél k'ow kokm mɛny ɛwr kaka ɔm el ek'ow elm kokoba ɔb ɛs Jonas ec'a cɛ.
- 40 Tasi em a ɛsɛ elɛl eke Jonas anɲ ɔcn gbɛl a lokm ij segɲ nyahan ncok lele legɲ owr ab a, ɛben nyam coco egɲ ec'Iy yeji b'ow anɲ wus em ij segɲ nyahan ncok lele legɲ owr ab.
- 41 Jej ok e legɲ a, Ninif eyɲ b'ow igb yefenyina ec'agɲ ec'any af, etɲ b'ow ɔb el low, aɲke el, eke -l'irir Jonas eci Nyam odad a, -l'itɲn erm em. ɛtɲ kin egɲ anɲ ek'agb akm Jonas!
- 42 Jej ok e legɲ a, Seba ec'es ɛw lis a b'ow igb inym es yefenyina ec'agɲ a ec'any af, etɲ b'ow ɔb el low, aɲke n'anɲ usu kpekpe l'ow yec'etɲ ke l'iri eke li k'iri Salomɔ eci sɛwr e sodad a. ɛtɲ kin, egɲ anɲ ek'agb akm Salomɔ!»

Abɲ ɲuɲ ek'ɛy ɔkm egɲ em a ɔtu ek'ɛwl ow

Luk 11.24-26

- 43 «Ek'abɲ ɲuɲ nyam anɲ egɲ em ey ɔkm a, li b'anɲ usu wewɛ n'am rereb usu a, n'am ɔl usu eke li k'ir. Eke sica n'ɛɲnm a,
- 44 ke n'am dad in em l'ɛsɛ: “M'ow m'ɛwl m'im m'ey em ec'akɲ a eke m'anɲ m'ey ɔkm a.” Eke li b'ɛwl mɛny l'ow a, li b'ɛkn eke wél apl akɲ ab es ayl, wél nyinyimn ow akpl etɲ egɲ irm em.
- 45 Sica li b'ɛwl n'im l'ɛsɲ lawlɛl abɲ eɲuɲ lɔbɲ ek'uɲ akm'n, -li b'okr af -l'ir yogɲ. Ow e jam a, abɲ amua b'ijr egɲ na gbɛre akm krɛkrɛ ec'a. Yefenyina ec'agɲ eɲuɲ ec'a yeji, ɛben ow b'ow el.»

Jesu lis lele lisijimɛl ab e low

Mark 3.31-35; Luk 8.19-21

⁴⁶Eke Jesu odad anḡ n̄nym am dad agḡ a, kp̄ekḡ lis lele lisijimel ab ow inym es gbeḡ eke ki dad'r odad.

⁴⁷Ḃḡḡ nyam dad Jesu nin̄: «Kin esḡ lele esḡ jimel ab ek'ow inym es gbeḡ. -N'am erur eke -li ki dad'ḡ odad.»

⁴⁸Jesu dad eḡḡ a nin̄: «K̄o bwo el em lis ee? Ḃḡḡ k̄o bwo el el em lisijimel ee?»

⁴⁹Ḃḡḡ n'am ɔkḡ jam esel a abu li dad l'ese: «Kin em lis lel em lisijimel ab ek'anḡ aḡa,

⁵⁰aḡke eḡḡ kaka f̄eḡ eke bi kok Ḃs ek'anḡ afr ec'erur a, el em lisijim, em lisijow lel em lis ab.»

Matie e l̄el 13

Wus akpasu yar e nyandre em odad

Mark 4.1-9; Luk 8.4-8

¹L̄eḡḡ a ce, Jesu anḡ akḡ a ey ɔkm etḡ im sig es mij saw eke ki yeḡm agḡ low.

²Agḡ n̄n̄o ar elul il em; na sosiem l'ey mijetḡ nyam em li sig es. K̄o bieku a gb̄e inym es mij n̄ny a.

³N'am dad wel ów n̄n̄o nyandre em l'ese: «L̄eḡḡ nyam, eḡb ewl es nyam im ɔgm am ewl eḡb.

⁴Eke n'am ufḡ eḡb ey ab es a, beb ok ebr af etḡ ɔr ow sus ij.

⁵Beb ok mebn wus af, usu eke sec enym. Kp̄ekḡ -l'eli, sec a ek'enym a sosiem.

⁶K̄o eke ligbn ow afr a, l'ebal eḡb a eke eli ok ɔkm a etḡ li wewr wel es aḡke min onym el wus tasi.

⁷Beb ejeci ok usu eke mirḡ anḡ. Mirḡ a eli ɔny awḡ el es.

⁸Gbēk̄o eḡb ey a e beb ok wus mamn af etḡ il ewḡ: beb ɔny likḡ lele l̄ew ab, beb ɔny ekḡ nyahan, etḡ ow e beb a, ekḡ yen.»

⁹Ḃḡḡ Jesu igḡ af dad nin̄: «Eke ɔny ɔru eke k'irir, ke írir senyn senyn.»

Jesu b'oc nyandre odad yeḡmn agḡ low

Mark 4.10-12; Luk 8.9-10

¹⁰Jam esel a ow titm Jesu etḡ am íbrm'n ese: «K̄o bla etḡ bi dad el odad nyandre em ee?»

¹¹Li dad wel nin̄: «ɔny, eḡan Afr eci gbrenḡbi usu a ec'ów a eke l̄ol es a ec'any uw, k̄o el -n'ehnm.

¹²Tasi em a, eḡḡ ek'ehḡ any uw a, wel b'ow obn'n etḡ ow b'ow ufur es; k̄o eḡḡ ek'ehnm a, t̄el a eke ɔtu eke k'anḡ'n a, wel b'ow eb.

¹³Ow sosiem mi b'oc nyandre em mi dad el odad, aḡke -li bi ler k̄o -l'eknmn, etḡ ow b'ok el ɔru em yeḡi k̄o -l'irimm, etḡ ow ókm el es sos em.

14Eben eke Nyam ec'odad eke dad el Esayi eci kokoba ob em a, ey okm sodad amua em ana: Ow b'ow ok ony oru em senyn senyn, ko k'ow irimn; b'ow leer senyn senyn, ko k'ow eknmn.

15Tasi em a, agn amua na itjn ew tuotuo; -li babl oru es, -li bubur anyamn yec'etj ke el ec'anyamn k'eknm, ke el ec'oru a k'irim ow, el eci nuj em ony a k'anm es, -l'ewlmn -l'owmn em ogn bake m'ewlm el.

16Ony ec'a, sos em otu eke k'ijn ony anke ony ec'anyamn am ekn es etj ony ec'oru am iri ow!

17M'am dad ony nawre em: kokoba ob esel nono lele agn ek'ij neny nyam Nyam ec'any af ab a erur eke k'ekn low na eke am ekan a, ko -l'eknm, iri low na ek'am irir a, ko -l'irim.»

Wus akpasu yar a ec'akr otar

Mark 4.13-20; Luk 8.11-15

18«Irir egb ewl es ec'odad a e nyandre.

19Ebr ab af a eke egb a ok a, el agn a eke b'iri wel am dad gbrenjbi usu a ec'odad ke ewm erm af a, agn low njn es b'ow oc yec'a eke wel ewl el ec'erm em a.

20Mebn wus a eke egb a ok a, el agn a eke b'iri Nyam ec'odad ke kpekj b'eb'r sos em ijn em a.

21Gbeko -li yebmn odad a okm min el em, -li b'ew erm af tel ce. Eke sica sos es ow owi oglog gbre ij owi b'ow Nyam odad a sosiem a, -li b'egbr omn a fafa.

22Wus a eke mirj nono anj af ke egb a ok af a, el agn a eke b'iri Nyam ec'odad, ke emeny b'eb'r wus na ec'ow a e low ermij a. -Li b'ol ob ony es. Ermij owi amua b'aju el, b'awj odad ab es, etj ow osum ey kaka.

23Wus mamn a, el agn a eke b'iri Nyam ec'odad ke b'ew erm af a. -Li b'osu ey: beb ec'a likj lele lew ab oglog ekj nyahan etj beb ec'a ekj yen.»

Nyandre em odad suw enuj eci

24Jesu am dad el nyandre em odad ejeci ese: «Kin Afr eci gbrenjbi usu a eci elel eke anjn: enj nyam ewl egb amamn in ec'ogm a.

25Ncok nyam, eke agn a fej am eru memn a, in ec'ifnu nyam ow ewl suw enuj egb ab em etj im.

26Eke egb a eli bake il ewj a, suw enuj a yeji eli ok okm.

27Ogm es a eci juma kok esel a ow am dad'r ese: “Egn gbél, ko ow elm egb amamn ewlm nj ec'ogm a ee? Etj ko bogj suw enuj amua anj ow ee?”

28Li dad wel nine: “Ifnu nyam e low eke kok ana.” Juma kok esel a ibrm'n nine: “Erur eke si k'im s'iri suw enuj ab es ee?”

29Li dad nine: “Njan, anke ow eci es iri em a, otur eke k'irir egb amamn ab es.

30Yèbr el -l'okr af -l'agb toŋ ke ow ít egb ub e læŋ a, ke sica yogŋ, m'ow mi dad egb ub esel a m'ese: Ìkŋn anym irir suw eŋuŋ ab es awŋ es eku eku ofŋn, ke sica ókr egb a, em ec'egbel ab em.» »

Likŋ e liy ec'odad nyandɛ em

Mark 4.30-32; Luk 13.18-19

31Jesu am dad el nyandɛ em odad ejeci: «Afr eci gbrenŋbi usu a anŋ ese likŋ e liy nyam ek'igŋ nyam oc ewl in ec'ogm af.

32L'el egb ey a feŋ em eci likekli tasi; kɔ eke l'eli a, l'el egb ewlu ab em e likŋ ligbel tasi. L'el likŋ toŋ batŋ or b'ow us mel in ec'ál ab em.»

Nyandɛ em odad ek'el lijru eci

Mark 4.33-34; Luk 13.20-21

33Jesu am dad el nyandɛ em odad ejeci: «Afr eci gbrenŋbi usu a anŋ ese lijru eke yow nyam oc wuwlm ma toy likŋ lele yen ab toŋ bake ma a nimum inŋ eb es ab af.»

34Jesu am dad dedeku a ów amua feŋ nyandɛ em; li dádm wel low ek'ow elm nyandɛ em.

35Li bi kok eben yec'etŋ ke kokoba ob es ec'odad a íy neny: M'ow mi dad el odad nyandɛ em, m'ow m'ɔŋ el ów eke lol es wus eci nuŋ ob em etŋ a ec'amani.

Jesu am otar nyandɛ em odad a ek'el suw eŋuŋ a e low akr

36Sica Jesu elu bieku ab es etŋ im akŋ. In e jam esel a im titm'n etŋ am ibrm'n ese: «Òtar nyandɛ em odad a ek'el suw eŋuŋ ek'anŋ ogm a e low akr ok ey.»

37Jesu dad nine: «Egŋ ec'Iy anake ewl egb amamn a;

38ogm a, ke wus na nimum ana; egb amamn a el agŋ a eke b'elum gbrenŋbi usu a eci low; suw eŋuŋ a, el agŋ a eke b'elum agn low ŋuŋ es e low a;

39ifnu a eke am ewl suw eŋuŋ a, ke agn ana; egb ub a, ke jɛj ok e læŋ ana; etŋ egb ub esel a ke afr erm esel ana.

40Ese elel eke wel am iri suw eŋuŋ es eke wel k'owl al em a, eben eke ow b'ow el jɛj ok e læŋ ec'ab ana:

41egŋ ec'Iy b'ow erm in ec'afr erm esel a, -li b'ow -n'ony agŋ a feŋ eke b'irmn el lawlɛl ec'omn a lele ów eŋuŋ kok esel ab ab -l'ot es gbrenŋbi usu a,

42ke -l'ot -l'owl wel al gbɛl ab em; yogŋ anake ɔŋn ikŋ lele an em sasagr ab b'ow anŋ a.

43Kɔ sica agŋ a eke ij neny nyam Nyam ec'any af a, b'ow jɛjn ese ligbn af el Es eci gbrenŋbi usu a. Ek'onyŋ oru eke k'irir, ke írir senyn senyn.»

Nyandɛ em odad ek'el ob ɔny a eke lol es a eci

44«Afr eci gbrenŋbi usu a anŋ ese ob ɔny eke lol es ogm nyam af. Egŋ nyam iwr ob ɔny na es etŋ emeny oc lol'l es ogm a. Sos em inŋ'n toŋ batŋ n'im l'ol ob feŋ eke n'ony a l'ij, etŋ l'ewl l'ow l'ol ogm a.»

Nyandre em odad ek'el miyob eci

45 «Afr eci gbrenḡbi usu a anḡ eṣe an ɔlu nyam ek'am ɔl miyob amamn es af.

46 Eke n'ḡn an gbɛl e miyob nyam a, n'im l'ɔl ob fɛḡ eke n'ony a l'ij, ɛḡ l'ɔl miyob a.»

Nyandre em odad ek'el muw eci

47 «Emeny Afr eci gbrenḡbi usu a anḡ eṣe muw eke wɛl ok ke ɔny ɔcn ɛḡ ɛḡ fɛḡ af.

48 Eke ow b'iy a, mij juma kok ɛsɛl a b'odu ow'r ákpaf ke ok es am jej ɔcn ab es: -li b'ok amamn a mulu em, ke -l'ɔwl yec'eke akplm a.

49 Jej ok e lɛḡ a, ɛben ek'ow b'ow el ana: afr erm ɛsɛl b'ow ow kpab agḡ ɛḡḡ a es, amamn a e lís,

50 ke ɔwl el al gbɛl ab em. Yogḡ anake ɔḡn ikḡ lele an em sasagr ab b'ow anḡ a.»

Ob ɔny owr lele ob ɔny sig ab

51 Jesu ibrm el nine: «Kɔ irir ów a fɛḡ ee?» -L'ɛḡ nine: «ɛɛ.»

52 ɛḡ ca li dad wɛl nine: «ɛben eke ol eci low yɛgm ɛs fɛḡ ek'am el Afr e gbrenḡbi usu a ec'ɛḡ a, anḡ ana. N'anḡ eṣe akḡ ɛs nyam eke b'elu in ec'ob ɔny ɔkm low yɛgm owr em lele low yɛgm ɛsig em ab af.»

Nasarɛt baḡn ɛyḡ úbm Jesu nawrɛ

Mark 6.1-6; Luk 4.16-30

53 Eke Jesu dad nyandre em odad amua bake ow uwr a, l'igb yogḡ

54 n'im ɛb ab em eke n'anḡ l'agb a. N'am yɛgm agḡ low yogḡ eci Nyam nuḡ igḡ usu a toḡ agḡ a fɛḡ ek'anḡ yogḡ a low iti any afḡn es. -N'am dad -l'eṣe: «Bogḡ nuḡ em ɔny na anḡ ow'r ee? Ayaf l'ɔtu eke li ki kok sakrowa amua ee?

55 Kɔ ow elm ɔḡḡ es ɔdu ɛs a ec'iy ab ee? Kɔ ow elm Mari elm lis ee? Kɔ Jak, Josef, Simɔ lele Jud ab elm lisijimɛl ee?

56 Kɔ lisijowɛl fɛḡ irm ɛy ab ee? Kɔ abusu ikḡ na bogḡ n'ḡn ee?»

57 ɛḡ ów amua fɛḡ ɔm abusu eke -li k'ony ɔmn Jesu em. ɛḡ Jesu dad el nine: «Usu a fɛḡ wɛl b'ony kokoba ɔb ɛs ec'elum, ek'ow elm in ec'ɛb ab em lele in ec'akḡ ab cɛ wɛl ɔnym in ec'elum.»

58 Yogḡ eci sakrowa a eke Jesu kok a tɛl cɛ, el eci ɔmn a eke -n'onym a sosiem.

Matie e lel 14

Jan mij ok nuḡ ɛs e luw owi

Mark 6.14-29; Luk 9.7-9

1 Lɛḡ ab em a, Galile eci es ɛw ɛs Erɔd Antipas am iri Jesu eci nin ek'am il e low.

2 Li dad in eci juma kok ɛsɛl a nine: «ɛḡ a Jan mij ok nuḡ ɛs! L'igb luw em, na sosiem anake n'am ɔny abusu li kok sakrowa a.»

³⁻⁴Kin elel eke Jan mij ok nuḡ es a e luw owi a ecr: Erød Antipas oc lisijim Filip e yow Erodiad, etḡ Jan im dad Erød nine: «Ow itm eke k'oc esḡ jim e yow.» Etḡ ow sosiem Erød oḡ abusu wel oḡy Jan ok ḡgbraka elu sobel em.

⁵Erød am erur eke k'ibi Jan, kō n'am uru Jwifel a, aḡke -li b'oc Jan ese kokoba oḡ es af.

⁶Gbəkō sica Erød e mew ec'es gbəgbl e ləḡḡ ab em a, Erodiad jow ub eḡ etu a eke wel esḡ a ec'any af. In e low iḡn Erød sos em

⁷toḡ l'əḡḡ l'eb eke li k'oḡ ow ob fəḡ eke ow b'ow ibrm a.

⁸Erodiad ec'ow oḡm ebl em, jow dad Erød nine: «Òc Jan mij ok nuḡ es eci nuḡ a wayas em is'm aḡa!»

⁹Eb ebu a sos ow es; gbəkō eke l'ij neny etu a ec'any af a, l'elu abusu es eke li k'oḡ ow.

¹⁰N'oḡ eḡḡ im sobel em ubr Jan mij ok nuḡ es nuḡ.

¹¹Wel oc nuḡ a wayas em ow oḡ dedyowli a etḡ l'eb n'oḡ lis.

¹²Ek'ow a ec eḡen a, Jan eci jam esel a ow oc in e sos meḡl a im oc es, etḡ im ewl Jesu amani low na ek'ey a eci.

Jesu iyr aḡḡ ek'afḡ fandi yen es lok

Mark 6.30-34; Luk 9.10-17; Jan 6.1-14

¹³Eke Jesu iri Jan e low na a, l'igb yogḡ mijetḡ em eke li k'im in soḡy usu saw em, kō aḡḡ a uw any; -l'ok oḡkm seb a ek'anḡ yogḡ ab em, etḡ mij neny a -n'am us Jesu jam lakr em.

¹⁴Mijetḡ a b'itr es eke Jesu b'us es a, l'ekn aḡḡ nōnō; wel e low oḡy'n soḡḡ etḡ kpeḡḡ n'am ewlm el ec'olu a.

¹⁵Eke ləḡḡ ew es a, in e jam esel a ow titm'n etḡ am dad'r ese: «Ləḡḡ ec, etḡ emeny usu na yeḡi ew usu saw em. Òk aḡḡ ab es im baḡn baḡn ek'anḡ saw saw aḡa a yec'etḡ ke -l'ol ob ij.»

¹⁶Jesu dad el nine: «Ow itm eke -li k'im; oḡy obi, oḡḡn el ob -l'ij!»

¹⁷-Li dad ow nine: «Futufutu yen lele oḡn yony ab cē anake s'onym ab aḡa a.»

¹⁸Jesu dad el nine: «Òtr isr'm aḡa.»

¹⁹Etḡ emeny li dad aḡḡ a eke k'ok es suw ab af; sica l'oc futufutu yen a lele oḡn yony ab ab, l'igbl any ogḡ afr etḡ l'elu Nyam bia. Li bubr em n'oḡ jam esel a etḡ -li cec - n'oḡ aḡḡ a.

²⁰El fəḡ -l'ij ob lok iy el etḡ emeny ow wal es. Jam esel a ot ekpr a eke wal es a as luku, etḡ ow iy mulu lew yony.

²¹Aḡḡ a fəḡ ek'ij ob a oḡtu eke k'ij aḡḡ fandi yen; wel awlm oḡow lel ey ab.

Jesu am an es mij lekpl ab af

Mark 6.45-52; Jan 6.15-21

- ²²Kpekɛɛ eke ow b'uwɛ a, Jesu ɔɛ jam esɛl a ok mijetɛɛ ab em eke k'ikɛɛ anym im mij lekpl a e jam a, ke n'ánɛɛ in obi l'afl agɛɛ ab es.
- ²³Eke l'afl wɛl es a, l'uyɛɛ lafɛɛɛ ab af eke li ki ɛɛɛɛ Nyam. Eke legɛɛ ew es a, n'anɛɛ yogɛɛ in sɔɛɛɛ.
- ²⁴Mijetɛɛ a gbɛ, wus ab a, n'im kpekɛɛ, mra am elul il aɛɛke lɛf am elu ɔbr'r.
- ²⁵Eke legɛɛ am eny ow a, Jesu am an es mij ab af im ɛɛɛɛ in e jam esɛl a.
- ²⁶Eke -l'ɛkan Jesu am an es mij af a, -li kpikprɛɛ es etɛɛ -li dad nine: «Na ɔɛɛnabɛɛ!» Etɛɛ -n'am ɔg ɛɛɛɛ ebl em.
- ²⁷Gbɛkɔ kpekɛɛ Jesu dad el nine: «Erm úsu ɔny lokm! Eɛɛɛ k'óny ɔny! Kɔ em!»
- ²⁸Pier ɔdu odad eb etɛɛ dad'r nine: «Egɛɛ gbɛl, eke ow el ɛɛ tasi, ke ɔɛ abusu m'an es mij ab af m'ow m'ɛɛɛɛ.»
- ²⁹Jesu egɛɛ dad nine: «Òw!» Pier ey ɔkm mijetɛɛ ab em etɛɛ am an es mij ab af im ɛɛɛɛ'n.
- ³⁰Gbɛkɔ eke l'ɛkn lɛf a e lɛc ek'am elu ɔkm a, ɛɛɛɛ ow'r sos etɛɛ n'am emn. L'elu lebl li dad nine: «Egɛɛ gbɛl, èb elu'm es!»
- ³¹Kpekɛɛ Jesu egɛɛɛ abu es ɔny'n, etɛɛ dad'r nine: «Omɛɛ ɛw'ɛɛ fuɛfuɛ tasi! Kɔ bla etɛɛ bɛbar ɛɛ?»
- ³²El yony mum -l'ok mijetɛɛ ab em etɛɛ lɛf a irm es.
- ³³Ow ɔɛ jam esɛl a ek'anɛɛ mijetɛɛ ab em a, ok ɔwrɔkp wus Jesu ɛɛ'any af etɛɛ am dad ɛɛɛ: «D gbɛ Nyam ɛɛ'Iy tasi!»

Jesu ewlm ɔlu Genesaret wus af

Mark 6.53-56

- ³⁴Eke Jesu lele in e jam esɛl ab ab ubr mij lekpl a e jam a ke -l'itar es Genesaret wus af a,
- ³⁵yogɛɛ ɛɛ'agɛɛ a uw Jesu any etɛɛ ewl susu a fɛɛɛɛ in ɛɛ'ow ɛɛ'amani. Etɛɛ wɛl ot ɔlu fɛɛɛɛ is'r.
- ³⁶-N'am ɛɛɛɛ ow eke ow ki yɛb wɛl itɛɛɛɛ in e mob sus em a ɛɛ'enyembri a ɛɛ abu, etɛɛ agɛɛ a fɛɛɛɛ ek'am itɛɛɛɛ in e mob sus em a abu a, am ewl.

Matie e lɛl 15

ɛy lagɛɛl ɛɛ'ɛb ir owi

Mark 7.1-13

- ¹Sica Farisiel lele ol eci low yɛgm esɛl ab anɛɛ Jerusalem ow ɛɛɛɛ Jesu etɛɛ am ibrm'n ɛɛɛ:

- ²«Kɔ bla etɔ ɲ e jam esɛl a ɛluam ɛy lagɲɛl ec'eb ir owi a ek'ɔɲ ɛy a ee? Tasi em a, low yegm a am ibrm eke wɛl ki yɔg sabu gbunɲ ke ij ob, kɔ -li kokmn.»
- ³Jesu dad ɛl ninɛ: «Etɔ kɔ ɔny, bla sosiem etɔ ɔny ec'eb ir ec'ow a sosiem ɛluamn Nyam ec'ol ab ee?
- ⁴Tasi em a, Nyam dad ninɛ: ɛlum asɲ lele esɲ ab, etɔ emeny: ɛɲ eke bi yayr es lele lis ab a, l'it eke wɛl k'ibi'r.
- ⁵Kɔ ɔny, ɔny e low yegm ab em bi dadr esrɛ: ek'ɛɲ nyam in dad ow es oglog ow lis in esɛ: “Ob a eke mi k'ɔɲ'ɲ ɲ ec'abu ɛlum ec'a, m'oc m'ɛw es Nyam ec'egb wawr eci,”
- ⁶ke ɛɲ ikɲ na, ɔny ec'a, yec'eke li k'ɔɲ es a, n'ɲgboɲ ow e low em ɲ. ɛben eke b'isr Nyam ec'odad ab es ɔɲn ɔny ec'agɲ em ec'ow a usu ana!
- ⁷ɔny, agɲ enyembri yony yony esɛl! Nawrɛ tasi, Esayi dad ɔny e lɪs e low na in e kokoba ob ab em:
- ⁸Nyam dad eke: “Agɲ amua na neny em ɔfr ɔfr -n'am kɔklm im, kɔ ɛl ec'erm a kpab es em e lɪs.
- ⁹Nunɲ ɔfr ɔfr agɲ amua am igɲ'm, aɲke agɲ em ec'ow anake -li b'oc -li yegmn agɲ low a.” »

Ów eke b'ɔɲ ɛɲ ɔwm anɲ

Mark 7.14-23

- ¹⁰Sica Jesu esɲ dedeku a etɔ am dad ɛl esɛ: «Ígɲn lɔru es irir low na senyn senyn:
- ¹¹ow elm ob eke b'ɛy ɛɲ nenyam a, ɔwm ɛɲ uwm anɲ, kɔ low eke b'anɲ ɛɲ nenyam ɛy ɔkm a, low na anake b'ɔɲ ɛɲ ɔwm anɲ a.»
- ¹²Low na af jam esɛl a ow ɛɲn Jesu etɔ am dad'r esɛ: «Odad na eke dad Farisiel iri a, kɔ uw any ek'ow ɛy ɛl sos em ee?»
- ¹³Li dad ninɛ: «Likɲ fɛɲ ek'elm em ɛs ek'anɲ afr eci likɲ ek'ewl a, li b'ow l'iri ow es.
- ¹⁴Ègbr ɛl es, -l'el ány eflu ek'am nyimn ány eflu! Ek'any eflu nyam am nyimn any eflu ejeci nyam, ɛl yony mum -li b'ow -l'ok nɔmu nyam em.»
- ¹⁵Pier ɔdu odad eb etɔ am dad'r esɛ: «Òtar nyandre em odad na e low akr ok ɛy.»
- ¹⁶Jesu dad ninɛ: «Kɔ ɔny bɔbɔ yeji, k'irimn low na eci nyandre ab ee?
- ¹⁷Kɔ uwmn any eke ob fɛɲ eke b'ɛy ɛɲ nenyam a, b'im ɛy lokm, ke sica n'anɲ lokm a l'ɛy ɔkm ee?
- ¹⁸Low eke b'anɲ nenyam ɛy ɔkm a, erm em ow b'anɲ ow; etɔ low na anake b'ɔɲ ɛɲ uwm anɲ a.
- ¹⁹Tasi em a, sow tutr ɛɲɲ eke b'ɔɲ ɛɲ ibi ɛɲɲ, ɛrum yɔw ejec'ab, ij nfaci, iy mil, ij danɲku yadɲ ke dád sodad ɛɲɲ ok agɲ af a, erm em -li b'anɲ -l'ow.
- ²⁰Ów amua anake b'ɔɲ ɛɲ uwm anɲ a! Ij ob ke kɪ yɔgm abu a ɔwm ɛɲ uwm anɲ.»

Utuyow nyam ony omn Jesu em

Mark 7.24-30

- 21** Eṭṭ Jesu igb yogṅ im Tir lele Sidon ab eci wus ab af.
- 22** Kpẹkṅ kin Kana wus af e yow nyam ek'ir wus ikpr ab af a, ow eṅn'n eṭṭ am elu lebl dad eṣe: «Eḡṅ gbẹl, David e lilaw, ikṅ'm sorn! Ko abṅ ṅuṅ am ijr em jow gbre, ow k'akplm kaka!»
- 23** Gbẹko Jesu cicm sar okm'n es. In e jam eṣel a ow titm'n eṭṭ am dad'r eṣe: «Oḡṅ'n ko n'am us ey jam l'ogr ey nono.»
- 24** Jesu dad nine: «Nyam erm'm Israel ec'agṅ a ek'anṅ eṣe maceb ek'irm af a eci ce.»
- 25** Ko yow a ow ok owrokp wus in ec'any af eṭṭ dad'r nine: «Eḡṅ gbẹl, ikṅ'm sorn!»
- 26** Jesu dad nine: «Ow itm eke wẹl k'oc etuey ec'ob ij on mowr.»
- 27** Yow a dad nine: «Eḡṅ gbẹl, tasi, gbẹko mowr yeji, el eci es ew eṣel eci ob ij a ec'ekpr a eke b'anṅ tabl af ok wus a, -li b'ij.»
- 28** Ow on Jesu dad'r nine: «Oy! Omn agb'ṅ gbẹ! B'ow eṅn low a ek'am erur a.» Eṭṭ wanci ab af ce, yow a ec'iy a ewl.

Jesu ewlm olu nono

- 29** Sica Jesu igb yogṅ im ey Galile eci mij lekpl a ogṅ. L'uyu ligigl nyam af li sig es.
- 30** Agṅ nono ow eṅn'n. -L'ism akr kpẹce eṣel, any eflu, sos eyru, ebrmẹl, lele olu ejeci nono ab. -L'ok wẹl es Jesu ec'any af eṭṭ l'ewlm wẹl.
- 31** Eke -l'ekan ebrmẹl dad ow, sos eyru ewl, akr kpẹce eṣel an es lele any eflu ek'ekn es ab ab a, agṅ a low iti any afṅn es eṭṭ -n'am koklm Israel e Nyam a.

Jesu iyr agṅ fandi yar lok

Mark 8.1-10

- 32** Emeny Jesu eṣṅ in e jam eṣel a eṭṭ dad nine: «Agṅ amua e low am ony'm sorn, anke kin seḡṅ emum nyahan eke -n'anṅn em ab ke -n'onym ob kaka eke -li k'ij. M'erurm eke mi k'on el -n'im namn; ejagb -l'otu eke -li k'eṅn es abur.»
- 33** Jam eṣel a dad'r nine: «Ko usu saw em aṅa, bogṅ s'otu eke si k'eṅn ob ij s'on agṅ amua ij lok iy ee?»
- 34** Eṭṭ Jesu ibrm el nine: «Ko futufutu abi onymn ab ee?» Eṭṭ -li dad nine: «Futufutu lobṅ lele on ekekey abi ka ab.»
- 35** Ca li dad agṅ a eke k'ok es wus.
- 36** Eṭṭ l'ot futufutu lobṅ a lele on ab ab, l'elu Nyam bia, li bubr em n'on in e jam eṣel a, eṭṭ -li cec agṅ a feṅ.
- 37** El feṅ -l'ij lok iy el. Jam eṣel a ot ekpr a eke wal es a as luku, eṭṭ ow iy mulu eḡbẹl lobṅ.

³⁸Agñ a ek'ij ob a ij agñ fandi yar, wel awlm oyow lele etuey ab.

³⁹Eke sica Jesu òñ bieku a im a, l'ey mijetj ab em etj n'im Magadan eci wus ab af.

Matie e lel 16

Farisiel lele Sadusiel ab am ibrm eke Jesu ki kok meny ewr nyam

Mark 8.11-13; Luk 12.54-56

¹Farisiel lele Sadusiel ab ow eññ Jesu eke k'ebm'n. -L'ibrm ow ninε: «Èlu meny ewr nyam òkm yegm ey ek'ow el Nyam erm'ñ.»

²Kò Jesu dad el ninε: [«Lεgñ es ew em bi dadr εsrε: “Efi e lεgñ a b'ow akpl, anke afr ebl es.”

³Etj ibribr fafa, eke afr b'ibr es a, bi dadr εsrε: “Yefenyina nyam b'ow an.” Lεgñ eci lele eke b'anññ a b'uwr any, kò sεgñ amua eci meny ewr a, ótumn uwmn any!]

⁴Yefenyina ec'agñ eññ amua eke ñjm neny nyam Nyam ec'any af a am ibrm meny ewr; kò wel k'ow kokm meny ewr kaka òm el ek'ow elm Jonas ec'a cε.» Etj l'elu wel es n'im.

Jam εsel a low a k'okm es sos em kaka

Mark 8.14-21

⁵Eke jam εsel a im ok mij lekpl a e jam a, -l'ijl es eke -li k'oc futufutu.

⁶Jesu dad el ninε: «Èwr erm! Òsur sos Farisiel lele Sadusiel ab eci lijru a e lís.»

⁷Jam εsel a am dadarir el òfr εse: «Eke s'ocm futufutu a sosiem anake n'am dad ów amua a.»

⁸Jesu uw odad a eke -n'am dad ab any etj li dad wel ninε: «Bla sosiem etj am dadr òny òfr em εsrε: “Eke s'ebm futufutu a sosiem ee?” Kò k'irimn cε ee!

⁹Ow k'okm òny es sos em cε ee? Futufutu yen a eke mi bubr em, m'òñ agñ fandi yen lele ekpr a eke wal es eci mulu abi a eke otr imn a, kò k'òknmn ow e low ee?

¹⁰Etj kò futufutu lóbñ a eke mi bubr em m'òñ agñ fandi yar a, lele ekpr a eke wal es a eci mulu egbel abi a eke otr imn a, k'òknmn ow e low ee?

¹¹Òsur sos Farisiel lele Sadusiel ab e lijru a e lís. Kò ayaf òtur eke k'uwmn any ek'ow elm futufutu ec'odad mi dadm òny ee?»

¹²Ca jam εsel a iri ek'ow elm lijru a eke wel b'oc kokr futufutu a ec'odad Jesu dadm el, kò Farisiel lele Sadusiel ab e low yegm a e low.

Pier dad eke Jesu in el Mesi

Mark 8.27-30; Luk 9.18-21

¹³Jesu im ey Sesare Filip ec'eb em. N'am ibrm in e jam εsel a l'εse: «Ayaf agñ bi dadr εgñ ec'Iy e lís ee?»

¹⁴-Li dad ninε: «Agñ beb bi dad εse ñ Jan mij ok nuñ es, beb bi dad εse ñ Eli, etj agñ likpr ec'a, -li b'oc'ñ εse Jeremi oglog kokoba òb es ejeci nyam af.»

- 15 Ɛtɛ Jesu ibrm ɛl nine: «Kɔ ɔny obi ɔny obi a, ayaf b'ocar'm ee?»
- 16 Simɔ Pier dad nine: «Ɔ Mesi a, Nyam a ek'anɛ owr ec'Iy.»
- 17 Ca Jesu dad'r nine: «Simɔ Jonas jim, ehe ɛl ɛ eci, aɛke nawre ikɛ na, ow elm ɛgɛ ɛlum ɔkm dadm'ɛ, kɔ ɛm Ɛs ek'anɛ afr a.
- 18 Sica ɛm, m'am dad'ɛ m'ɛsɛ: ɛ Lob, ɛtɛ lob ikɛ na af, m'ow m'us ɛm e Nyamel a. Luw ec'abusu a k'ɔtum ɔnym lɛc in af.
- 19 M'ow m'ɔɛ'ɛ Afr e gbrenɛgbi usu a eci sisafue a: low fɛɛ eke b'ow igɛ wus af aɛa a, Afr b'ow igɛ; low fɛɛ eke b'ow eb wus af aɛa a, Afr yeɛi b'ow eb.»
- 20 Jesu ijɛ in e jam ɛsɛl a nɛny dad nine: «Kɛ dadr ɛgɛ kaka eke m'el Mesi a.»

Jesu am ɛwar in e luw lele in e luw ɛm anɛ igb ab e low

Mark 8.31–9.1; Luk 9.22-27

- 21 Lɛgɛ a cɛ, Jesu ɔb nuɛ am dad ulm in e jam ɛsɛl a es ɛsɛ: «Ow it eke mi k'im Jerusalem ke yogɛ m'ij gbɛ nɔnɔ, agɛ ekpekp, egb waw ɛsɛl ɛgbɛl, lel ol e low yeɛgm ɛsɛl ab ab ec'abu ɛm. Wel b'ow ibi'm ɛtɛ sɛgɛ nyahan m'ow m'igb luw ɛm.»
- 22 Ɛben a, Pier oc'r ab im saw ɛm ɛtɛ am ɛnym'n abr dad ɛsɛ: «Ɛgɛ gbɛl! Nyam ɔny oc'ɛ es ɛm! Low na k'ow ɛɛnm'ɛ lɛgɛ kaka!»
- 23 Gbɛkɔ Jesu ɛwl sos meny ɛtɛ am dad Pier ɛsɛ: «Satan, kpab'm es lɛs! Ɔ el ɛm ec'ejagb us e lirikp, aɛke ɛ e tutr a elm Nyam e tutr, kɔ agɛ ɛm eci.»
- 24 Ɛmeny Jesu am dad in e jam ɛsɛl a ɛsɛ: «Ek'ɛgɛ nyam am erur eke k'us'm jam a, ow it ke li kɛ tutrm in e lɛs owi, l'abu in obi ec'olikh a, ke l'us'm jam.
- 25 Tasi ɛm a, ɛgɛ yec'eke b'ow erur eke ki dogɛn in e sel a, b'ow irmn. Gbɛkɔ ɛgɛ yec'eke b'ow irmn in e sel a ɛm sɔsiem a b'ow ɛɛn.
- 26 Eke batɛ ɛgɛ nyam ɔny wus ec'ob fɛɛ ɛtɛ l'irmn in e sel a, ke bla ow b'ow eel il ab ee? Kɔ bla ob iy ɛgɛ ɔtu eke k'oc sɔgr in e sel ab ee?
- 27 Tasi ɛm a, ɛgɛ ec'Iy b'ow ow Ɛs ec'anygbɛl ab ɛm lele in ec'afr ɛm ɛsɛl ab ab, ɛtɛ ɛgɛ ɛgɛ in eci es an ab ɛm, li b'ow li sɔg ow labm.
- 28 Low nawre m'am dad ɔny: agɛ amua ek'anɛ aɛa a e beb b'ow ɛkn ɛgɛ ec'Iy ow ɛsɛ ɛb ebu af gbun ke -l'uw.»

Matie e lɛl 17

Jesu itɛn sos

Mark 9.2-13; Luk 9.28-36

- 1 Eke sɛgɛ nɔhɔn ɛc a, Jesu ɛsɛ Pier, Jak lele Jan ek'el Jak lisijim ab ɛtɛ -li kpab es -n'im saw ɛm ɛl sɔny lafeny gege nyam af.
- 2 Jesu itɛn sos ɛl ec'any af: any am jejn'n ɛsɛ ligbn af ɛtɛ in e mob sus ɛm a ufu pum pum anɛ ɛsɛ usuayl af.

- ³Etj kin, jam esel nyahan a ekn Mois lele Eli ab ek'ilm any am dad ów Jesu ab.
- ⁴Etj Pier dad Jesu nine: «Egñ gbél, ow akpl eke si k'anñ aña! Ek'erur, aña m'otu eke mi k'us nuñ igñ usu nyahan: ñ e nyam, Mois e nyam lele Eli e nyam ab.»
- ⁵Odad anñ Pier nenyum am dad etj kpekñ kin jru ek'am jèjn ow ubur el es. Lebl nyam anñ jru ab em am ikñ dad esé: «Egñ na el em ec'Iy eke m'erur tasi; m'oc em eci sos em iññ fèñ m'elu'l em. Ìrir in e low!»
- ⁶Eke jam esel a iri lebl ikñ na a, erññ ony el afññ es etj -li bubu any es wus.
- ⁷Jesu im titm el, itññ el abu etj dad el nine: «Ìgbr, k'ùrur erññ.»
- ⁸-Li gbigbl any ogñ etj -l'eknm egñ kaka ek'ow elm Jesu sony ce.
- ⁹Eke -n'anññ lafeny ab af -n'am us es a, Jesu am ijl el neny dad esé: «Low na ek'ekan a, ki dadr kokr egñ kaka toñ bake egñ ec'Iy ígb agñ ek'uw ab em.»
- ¹⁰Etj jam esel a am ibrm Jesu esé: «Dàd ey, kò bla sosiem etj ol e low yegm esel a bi dad ek'Eli in k'ow gbuñ ke Mesi in ow ee?»
- ¹¹Jesu dad el nine: «Tasi em a, Eli eke li k'ow ke ni nyímn ów a fèñ.
- ¹²Gbèkò m'am dad ony ek'Eli ow lægñ a etj, agñ egñm ebm'n etj kok'r low yec'eke -l'erurir a. Èben eke -li b'ow -li kok egñ ec'Iy sos keskes ana.»
- ¹³Sica jam esel a iri eke Jan mij ok nuñ es ec'odad anake Jesu am dad el a.

Jesu ewlm iy nyam ek'abñ ñuñ b'ijr gbre

Mark 9.14-29; Luk 9.37-43a

- ¹⁴Eke Jesu lele in e jam esel ab ab ow ok yogñ a eke bieku a anñ a, egñ nyam ow titm Jesu, ok òwròkp wus in ec'any af
- ¹⁵etj dad'r nine: «Egñ gbél, ony em ec'iy a eci sòrñ ikñ. L'el krokro es etj ol a b'ijr'r gbre toñ sakp nòno ec'a li b'ey alm, oglog mij em.
- ¹⁶M'oc'r m'is ñ e jam esel a kò -l'otum -l'ewlam ow.»
- ¹⁷Jesu igbl lebl ogñ dad nine: «Wew! Ony eel agñ eñuñ eke òmn anm em tasi! Èmeny sègñ abi m'it eke mi k'anñ ony ab ee? Etj emeny sakp abi ow it eke mi k'egñ low na m'eb ee? Òcr iy a isr'm aña.»
- ¹⁸Jesu òòr abñ ñuñ a abr ey òkm iy ab em etj l'ewl wanci ab af ce.
- ¹⁹Jam esel a im titm Jesu saw em etj ibrm'n nine: «Kò bla etj ey s'otum s'onym abusu s'ogñm abñ na ee?»
- ²⁰Jesu dad el nine: «Ony ec'òmn a ufum es. Low nawrè m'am dad ony: blel onyn òmn ew likekli esé likñ e liy af, otur eke ki dadr ligigl na esrè: “Ìgb aña im yogñ a”, li b'ow n'im. Low kaka k'ow otum akam ony.
- [²¹Abñ akpasu na, Nyam ñòrñ lele neny eññ em ab ce wèl otu eke k'ogñ'n.]»

Èmeny Jesu am ewar in e luw lele in e luw em anñ igb ab

Mark 9.30-32; Luk 9.43b-45

²²Lɛgɲ nyam, jam ɛsɛl a fɛɲ ɛɲanin Galile, ɛɲɲ Jesu am dad ɛl ɛsɛ: «Wɛl b'ow ɔny ɛgɲ ec'Iy ɛlu agɲ abu ɛm,

²³ke -l'ibi ow; gbɛkɔ sɛgɲ nyahan, li b'ow l'igb luw ɛm.» Ow sosiem jam ɛsɛl a sos ɔw es nɔnɔ.

Wus labm e sɔg

²⁴Eke Jesu lele in e jam ɛsɛl ab ab ow ok Kapɛrnayum a, Nyamel gbɛl a eci wus labm eb ɛsɛl a ow ɛɲɲ Pier ɛɲɲ am ibrm'n ɛsɛ: «Kɔ ɔny eci low yɛgm ɛs a, n'am sɔgm Nyamel gbɛl a eci wus labm ee?»

²⁵Pier dad ninɛ: «Njaɲ, li bi sɔg.» Wanci ab af a eke Pier am ɛy akɲ a, Jesu ikɲ anym eb odad ɛɲɲ dad'r ninɛ: «Simɔ, kɔ ayaf am tutar ee? Wus na eci ɛb ebu a, kɔ bwo ki sɔg wus labm ɔɲ ɛl ee? ɛl ec'ɛb ɛyɲ a, kɔ etu agɲ ab ee?»

²⁶Pier dad ninɛ: «Etu agɲ a cɛ.» Af yogɲ Jesu dad Pier ninɛ: «ɛb ɛyɲ a ɔnym labm sɔg ij.

²⁷Gbɛkɔ s'erurm eke si k'ebal agɲ amua ɛrm es. Na sosiem ɪm mij lekpl ab ɛm ɔwl ew; ɔcn krɛkrɛ a eke b'ow ɔny a, fig in e nɛny a, b'ow ɛɲɲ os eke b'ow ɛbm ɲ lele ɛm ab eci wus labm a eci sɔg. ɔc os a ow sɔg ɛl ɛy ec'a.»

Matie e lɛl 18

ɛgɲ ligbɛl ec'el

Mark 9.33-37; Luk 9.46-48

¹Wanci ab af a, jam ɛsɛl a ow ɛɲɲ Jesu ɛɲɲ am ibrm'n ɛsɛ: «Afr eci gbɛɲgɲbi usu yogɲ, kɔ bwo ec'ɛgɲ ɛl ligbɛl ee?»

²Jesu ɛɲɲ iyli nyam ow, n'inymn ow es ɛl ec'araɲɲ

³ɛɲɲ li dad ninɛ: «Low nawrɛ m'am dad ɔny: eke itɲnmn ɔnymn ɛrm ɛsɛ etuey af, k'ow ɔtumn ɛymn Afr eci gbɛɲgɲbi usu a.

⁴Gbɛɲgɲbi usu a ec'ɛgɲ ligbɛl a, in l'el ɛgɲ a eke b'is es ke b'ɛwl anɲ ɛsɛ iy na af a.»

Èw ɛrm ke k'ɛym sikpl ɛm

Mark 9.42-48; Luk 17.1-2

⁵«Eke ɛgɲ eb ɛy amua ɛm e nyam ɛm sosiem a, ke ɛm anake l'eb'm a.

⁶Gbɛkɔ ɛgɲ eke b'ow ɔny ɛgɲ ek'ɔny ɔmn ɛm ɛm ɛsɛ iy na af ɛlu wus a, low ɲɲɲ a eke li k'ɛɲɲ a agb nɔnɔ. Eke wɛl oc meb ucyr lob ligbɛl ucu'r ɛmn, ɛɲɲ ɔny ɛman in okij a, ow akpl akm low ɲɲɲ a eke wɛl ki kok'r a.

⁷Bogɲ e gbɛ ana! Wus na af, ów nɔnɔ anɲ low ɲɲɲ kok eci! Tasi ów amua b'ow anɲ sɛgɲ fɛɲ eci, gbɛkɔ gbɛ b'ow el ɛgɲ a eke b'ow kok ów amua a eci!

⁸Eke batɲ ow el ɲ ec'abu a oglog ɲ e lakr a anake b'ɔɲ ɛy sikpl owi ɛm a, ke ùbr'r es oc ɔwl'l kpekpe; ow akpl ɲ eci eke k'ɛy sel ɛɲɲ tasi ab ɛm abu nyam coco ab oglog

lakr nyam coco ab, ow a eke k'eli sabu yony lele akr yony ab, ke wel óc owl'η al a ek'iram es ab em a.

⁹Etη ek'ow el η e nyamn a anake b'oy ηy sikpl owi em a, okr ony oc es oc'r owl'l kpekpe; ow akpl η ec'eke k'ey sel eηn tasi ab em nyamn nyam coco ab, ow a eke k'eli anyamn yony, ke wel óc owl'η gbre ij usu ec'al ab em a.»

Licεb ek'irm ke wel eηn

Luk 15.3-7

¹⁰«Èwr erm em e jam εsel ey amua em e nyam ec'ifn owi em; tasi em a, m'am dad ony eke el ec'afr erm εsel b'anη segη fεη em εs ek'anη afr a ec'any af.

[11]

¹²Kin low nyam, ony e tutr el bogη ec'ee? Eke eηη nyam ony mεcεb ekη yen, etη el em eci nyam irm a, kó li k'ow l'igηm ekη yar lεw libarm a l'elum es lafeny af yogη, n'iim l'ólm yec'a ek'irm a l'ocm ee?

¹³M'am dad ony, eke n'eηn ow, li b'ow n'onny sos em iηn licεb na e nuη af l'akm ekη yar lεw libarm a ek'iram a.

¹⁴Èben ek'onny εs ek'anη afr a erurm eke em e jam εsel ey amua em e nyam k'irm ana.»

Eke Krist em ec'esη jim nyam kok'η low ηη

¹⁵«Eke esη jim nyam kok low ηη [η e lís], ke im eηn'n η sony, ke dád'r in e low ηη a eke li kok a. Eke l'iri η ec'odad a, ke esη jim a l'el η ec'η.

¹⁶Kó eke l'εgηm l'irim η ec'odad a, óc eηη ejeci nyam oglog agη yony ab im, yec'etη ke, εse elel eke Nyam Lεl a am dadr ab af a: odad fεη eci nyinyimn em, adaηku yony oglog nyahan áηη em.

¹⁷Gbεkó eke l'εgηm l'irim wel ec'odad a, dàd ok Nyamel; etη eke l'εgηm l'irim Nyamel ec'odad a, óc'r εse Nyam any uwm εs af oglog wus labm eb εs af.

¹⁸Low nawre m'am dad ony: low fεη eke b'ow igηn wus af aηa a, Afr b'ow igη; low fεη eke b'ow ebr wus af aηa a, Afr yeji b'ow eb.

¹⁹Emeny m'am dad ony, eke wus af aηa, ony em ec'agη yony okr af eke k'ibrm low kaka fεη jej ok owi ec'a, em εs ek'anη afr a b'ow oy el.

²⁰Tasi em a, yogη ek'agη yony nyahan as luku em e nin em a, m'anη el ec'araηn.»

Nyandre em odad ek'el juma kok εs a ek'ocm apm a eci

²¹Etη Pier ow titm Jesu etη am ibrm'n εse: «Egη gbεl, ek'em lisijim bi kok'm low ηη, ke sakp abi mi k'oc m'ap'r ee? Kó sakp lóbη ee?»

²²Jesu dad'r ninε: «Njan, mi dadm'η m'εsmε toη sakp lóbη, kó toη sakp ekη nyahan lele lεw ab toη sakp lóbη.

- ²³Na sosiem, kin Afr e gbrenḡbi usu a ec'elel ek'anḡn: eb ebu nyam erur eke k'ub in ec'ob a ek'in eci juma kok esel a onym'n ab a.
- ²⁴Eke l'ob nuḡ n'am kok ow e low a, wel oc juma kok es nyam ek'onym'n os bubute gbél ab is'r.
- ²⁵Eḡḡ a onym ob kaka eke k'oc soḡr in e labm a; ow sosiem eb ebu a oḡ abusu eke wel k'ol'l ij'r ese aduign af, ke wel ol in e yow, in ec'ey lele ob feḡ eke n'onny ab ab ij yec'etḡ ke l'otu li soḡ labm a.
- ²⁶Juma kok es a ok owrokp wus eb ebu a ec'any af etḡ am dad'r ese: “Erm ey'ḡ es, èku beb, m'ow mi soḡ'ḡ feḡ!”
- ²⁷Eb ebu a soḡ onny nono: l'oc labm a l'ap ow etḡ l'elu ow es ow im.
- ²⁸Juma kok es a ec'im em a, l'obr lawl juma kok es nyam ek'onym'n os tel ab. N'onny ow emn emn n'am boḡrm ow l'atr ow sel li dad l'ese: “Soḡ em ec'os a ek'onym ab a!”
- ²⁹Lawl a ok owrokp wus in ec'any af etḡ am ḡoḡn'n ese: “Erm ey'ḡ es, èku beb, m'ow mi soḡ'ḡ!”
- ³⁰Gbeko l'egḡm; n'onny l'elu ow sobel em ek'ow k'anḡ em toḡ ke ow soḡ'r labm a.
- ³¹Eke juma kok esel ejec'a ekn low a ek'ey a, sos ow el es senyn senyn etḡ -n'im - l'awl ow a feḡ -l'ok eb ebu a.
- ³²Af yogḡ, eb ebu a oḡ wel esḡ juma kok es a ow etḡ li dad ow nine: “Juma kok es ḡḡḡ! M'oc ḡ e labm a feḡ m'ap'ḡ eke ḡoḡn'm a sosiem.
- ³³Ḍ yeji, blel onny awl'ḡ a eci soḡḡ ikḡ ese elel eke m'onny ḡ e soḡḡ ikḡ ab af.”
- ³⁴Eb ebu a erm ebl afḡn es etḡ n'onny juma kok es a l'elu sobel em milolu kokr eci toḡ ke li soḡ labm a feḡ.»
- ³⁵Etḡ Jesu ign af dad nine: «Eben eke em Es ek'anḡ afr a b'ow kok onny ana, ek'onny em ec'egḡ nyam nyam ocm low ḡḡḡ eke lisijim kok'r a apm'n erm nyam em.»

Matie e lel 19

Iḡḡnin owi Mark 10.1-12

- ¹Eke sica Jesu dad ow om odad bake ow uwr a, l'igb Galile etḡ n'im Jude wus af e mij jam ek'el Jurden a.
- ²Aḡḡ nono am us'r jam etḡ l'ewlm el em ec'olu a.
- ³Farisiel beb ow titm Jesu eke k'uk'r meḡ odad ebl em. -L'ibrm ow nine: «Ko low kaka feḡ em, ey ec'ol a oḡ abusu eke egḡ k'ogḡ in e yow ee?»
- ⁴Jesu dad nine: «Ko awlmn low yec'a eke Nyam Lel dad ab ee? Nuḡ ob em a, Nyam kok ign lele yow ab,

⁵Etj li dad nine: Na sosiem anake igj b'ow ngboj es lele lis ab ec'akj, ke l'ókr af in e yow ab ab -l'el sos megl nyam a.

⁶Ca -l'elm agj yony ij, kó sos megl nyam. Ke egj k'ónym yec'eke Nyam ony okr af a kpabm es.»

⁷Emeny Farisiel am ibrm'n ese: «Kó egj am ow ogj in e yow a, bla sosiem etj Mois b'ibrm eke wél k'óy ow igjnin e lel ee?»

⁸Li dad nine: «Ony ec'erm tuotuo a sosiem anake Mois óy ony abusu eke k'ogjn ony ec'oyow a. Kó nuj ób em a, ow elm eben ow ercm.

⁹M'am dad ony: igj fej eke elu in e yow es, ke ow elm egj ot owi em, ke im ebi yow ejec'a, l'ij nfaci h.»

¹⁰In e jam esel a dad'r nine: «Ek'ow el eben tasi egj k'anj in e yow ab a, ke ow akplm ek'egj k'ebi yow.»

¹¹Jesu dad el nine: «Agj a fej k'otum egjm odad na ebm ek'ow elm agj a ce eke Nyam b'óy ow ec'abusu a.

¹²Ów nono anj eke b'edjn agj yow ec'ebi agj: beb ec'a, mew em etj -l'ijm ow e læc; beb ec'a egj agbru, agj óy -n'ónym ow ec'abusu; sica beb ec'a, Afr eci gbrenjbi usu e juma kok sosiem -l'erurmn eke -li k'ebi yow. Ke egj yec'eke k'egj low yegm na eb a, l'égj l'eb!»

Jesu edj etuey owro

Mark 10.13-16; Luk 18.15-17

¹³Sica agj ot etuey am is Jesu eke li k'at wél abu nuj ni njjn Nyam n'óy wél, kó jam esel a am enym agj a abr.

¹⁴Gbekó Jesu dad nine: «Yèbr etuey ow em ogj! Egj k'édjn el, anjke tasi em a, Afr e gbrenjbi usu a el agj a ek'anj ese el af a eci.»

¹⁵L'at wél abu nuj l'edj wél owro etj l'igb yogj n'im.

Ígj fej elu es ke ús Jesu jam

Mark 10.17-31; Luk 18.18-30

¹⁶Etj kin egj nyam ow ejn Jesu etj am ibrm'n ese: «Low yegm agj es, kó bla low mamn iy m'otu eke mi ki kok ke m'énj sel ek'ónym uwr ee?»

¹⁷Jesu dad'r nine: «Kó bla sosiem etj am ibrm im low yec'a eke k'akpl ab af ee? Nyam sony coco ce akpl. Eke batj am erur eke k'ey sel ek'ónym uwr em a, èlum sol a.»

¹⁸L'ibrm nine: «Kó bogj eci sol ee?» Jesu dad nine: «K'íbim egj, k'íjm nfaci, k'íym mil, k'íjm danjku yadj em egj e nuj af;

¹⁹èlum asj lele esj ab, ke éur egj kaka fej ese nj obi af.»

²⁰Dgbafreli a dad'r nine: «Mi b'elum sol amua fej. Emeny bogj ec'anake anj ab ee?»

- ²¹Jesu dad'r nine: «Ek'am erur eke k'anŋ eŋe elel eke Nyam am erur ab af a, ke im ol ŋ ec'ob a eke ony a ij, òc ow ec'os a onŋ oŋboru, ke b'ow eŋn ob ony afr, ca éwl meny ow ke ús'm jam.»
- ²²Ŋgbafreli a b'iri low na a, n'aam sos es ow em aŋke tasi em a, n'onŋ ob nono.
- ²³Etŋ sica Jesu dad in e jam eŋel a nine: «Low nawre m'am dad ony: ow ew tuotuo eke gbrenŋbi k'ey Afr eci gbrenŋbi usu a.
- ²⁴Etŋ emeny, kin low nyam eke m'am dad ony: gbaŋko kedebnam eci fefn omu em eke k'ecr a ew fuefue akm gbrenŋbi eci Nyam e gbrenŋbi usu a ec'em ey a.»
- ²⁵Eke jam eŋel a iri ów amua a, low iti el any etŋ -n'am dad -l'ese: «Ke sica bwo ec'egŋ otu eke k'eŋn sel ee?»
- ²⁶Jesu ler el etŋ dad el nine: «Aŋŋ ec'any af a ow ew tuotuo, ko ow elm Nyam ec'any af gbɛ, aŋke Nyam ec'a, feŋ ew fuefue!»
- ²⁷Ca kin Pier eb odad etŋ dad'r nine: «Ŋ obi yeji èkn! Ey, s'igŋ feŋ s'ok es etŋ s'us'ŋ jam. Ko ey ec'a, ayaf ow b'ow ecr ab ee?»
- ²⁸Jesu dad el nine: «Low nawre m'am dad ony: legŋ a eke egŋ ec'Iy b'ow sig es in ec'anygbel ec'atufu lekpn af, eb owr ab em yogŋ a, ony lew yony a ek'usr'm jam a, ony yeji b'ow sigr es atufu mekpn af, ke jéjr Israel ec'eb lew yony a ec'ów okr.
- ²⁹Etŋ aŋŋ a feŋ ek'igŋ el ec'akŋ oglog el lisijimel oglog el lisijowel, el eŋel, el lisel, el ec'ey, el e soŋm ok es, em e nin a sosiem a, -li b'ow -n'eŋn sakp ekŋ yen ok af etŋ -li b'ow -n'eŋn sel ek'onŋm uwr.
- ³⁰Ko aŋŋ nono a eke caca em el ányumu a, b'ow el ajamu etŋ aŋŋ nono a eke caca em el ajamu a, b'ow el ányumu.»

Matie e lel 20

Viny oŋm a eci juma kok eŋel

- ¹«Tasi em a, kin elel eke Afr eci gbrenŋbi usu a aŋŋn: gbrenŋbi nyam ey okm ibribr fafa eke k'eb juma kok eŋel in e viny oŋm a eci, etŋ n'eŋn.
- ²Neny okr el af juma kok eŋel ab ab os nyam, ek'el legŋ nyam e labm soŋ eci, etŋ l'ot wel n'im in ec'oŋm a.
- ³Wanci libarm em a, l'ey okm etŋ l'ekn beb ek'anŋ eberŋ em ke onŋm low kaka eke ki kok.
- ⁴Li dad wel nine: “Ony yeji imm em ec'oŋm a kokr juma, m'ow m'onŋ ony labm soŋ ek'it a,”
- ⁵etŋ -n'im oŋm a. Legŋ b'uyu nuŋ, emeny oŋm es a ey okm ot aŋŋ etŋ emeny ncebles eci wanci nyahan em yeji, l'ey okm li kok eŋen.
- ⁶Sica ncebles eci wanci yen em a, l'ey okm etŋ emeny l'ekn aŋŋ ejeci ek'anŋ eberŋ em yogŋ. L'ibrm wel nine: “Ko bla etŋ legŋ mum a b'anŋn ofr ofr nene ee?”

- ⁷-Li dad nine: “Egɛn kaka ebm ey juma.” Li dad wel nine: “Ek’ow el eben, ke ony yeji, imn em eci viny oɔgm a kokr juma.”
- ⁸Eke legɛn ew es a, oɔgm es a dad in ec’ob awl es a nine: “Èsɛn juma kok esel a ke s’og egɛn egɛn e labm a. B’ow ob nuɔn ajamu ab em toɔn ke úwar ányumu ab em.”
- ⁹Agɛn a ek’ob juma nuɔn ncebles eci wanci yen em a ow, etɛn egɛn egɛn eɛn in ec’os nyam a.
- ¹⁰Eke sica ow igɛn agɛn a eke wel ikɛn anym eb a ogɛn a, -li tutr eke -li b’ow -n’eyɛn ow afɛn es; gbekɔ el yeji, wel on el egɛn egɛn os nyam.
- ¹¹Os a ec’eb em a, -n’am eny abr -l’ok oɔgm es ab af
- ¹²-li dad -l’ese: “Juma kok esel amua eke wel anɛn jam eb a, wanci nyam eci juma ce -li kok etɛn s’og el labm esɛ ey eke legɛn mum a s’ij gbɛre ligbn kpaɛn kpaɛn na em ab af!”
- ¹³Gbekɔ oɔgm es a dad el em ec’egɛn nyam nine: “Lawl, mi kokm enyembri yony owi n e lís. Neny okr ey af os nyam ek’el legɛn nyam juma eci, kɔ yadɛn ee?”
- ¹⁴Èb n e labm s’og a ke ím. M’erur eke egɛn na eke wel anɛn jam eb a, m’óɔn’ n os a esɛ n ec’ab af.
- ¹⁵Kɔ m’onym abusu eke em ec’os a, mi ki kokr low yec’eke m’erur ab ee? Kɔ em ec’erm mamn a e low a, nyamn eyr ow am ony’ n ee?” »
- ¹⁶Etɛn sica Jesu igɛn af dad nine: «Agɛn ek’el ajamu a b’ow el ányumu, etɛn agɛn ek’el ányumu a, b’ow el ajamu.»

Jesu am ewar sakp nyahan em in e luw lele in e luw em anɛn igb ab

Mark 10.32-34; Luk 18.31-34

- ¹⁷Jesu lele in e jam esel ab ab am uyu im Jerusalem. Es an im em a, l’ot jam esel lew yony ab ab n’im saw em, etɛn n’am dad wel l’ese:
- ¹⁸«Ìsr any ekan, kin Jerusalem anake s’am uyu s’im a; yogɛn, egɛn ec’Iy b’ow ey egb waw esel eɔbel lel ol e low yegm esel ab ab ec’abu em. -Li b’ow -l’ob ow low luw eci,
- ¹⁹etɛn -li b’ow -l’oc ow -n’on Nyam any uwm esel eke ki kokr’r miyer, or’r say em, ew’r olikɛn af luw eci. Eke ow b’ow kok seɛn nyahan a, li b’ow l’igb luw em.»

Jak lele Jan ab ec’el lis e low ek’ibrm

Mark 10.35-45

- ²⁰Sica Sebede ec’ey yony a ec’el lis a ow titm Jesu, l’ok owrokp wus ow ec’any af etɛn n’am ibrm ow ob.
- ²¹Jesu ibrm’n nine: «Kɔ bla low iy am erur ee?» Li dad ow nine: «Ègɛn eb eke em ec’ey yony amua b’ow ok es susu amamn legɛn eke b’ow eb n ec’eb eb e lekpn a; nyam anɛn lidr ogog ke nyam anɛn nemn ogog.»
- ²²Jesu dad el nine: «Low yec’a ek’am ibrmn a, k’uwmn any. Kɔ otur eke k’eyɛn gbɛre eci mij kpok a eke m’ow m’eyɛn ab ee?» -Li dad ow nine: «Èɛ, s’otu.»

²³Jesu dad el nine: «Tasi em a, b'ow egɲɲ em e mij kpɔk a. Gbɛkɔ em e lidr abu af ec'es sig a, lele nemn abu af ec'ab ab a, ow elm em m'ɔɔm egɲ; susu amua, em Es kok agɲ a eke li bebɛm sos a eci.»

²⁴Eke jam esel agɲ lew a iri low na a, -l'ebɛ erm -l'ok agɲ lisijimel yony ab af.

²⁵Ow sosiem Jesu esɲ el feɲ etɲ dad el nine: «Ekan eb ec'es ew esel a, -li b'ew eb ab es abusu ɔny em, etɲ el em ec'agɲ any esel ek'anɲ a b'elu el ec'abusu ɔny a ɔkm dedeku a e nuɲ af.

²⁶Gbɛkɔ ɔny ec'araɲɲ ec'a, ow k'ɛcr eben. Eke batɲ ɔny em ec'egɲ kaka feɲ am erur e k'el ɔny ec'es ew es a, ke l'él ɔny a feɲ ec'ob oc ɔɲ es;

²⁷etɲ emeny ek'ɔny em ec'egɲ kaka feɲ am erur eke k'el ɔny ec'anymu a, ke l'él ɔny a feɲ ec'adu.

²⁸Eben nyam coco egɲ ec'Iy yeɲi owm ek'agɲ ki kok in e lís e low, kɔ l'ow eke li ki kok agɲ e lís e low, ke l'óc in e sel a l'ew awoba li sɔgr agɲ nɔnɔ.»

Jesu ewlm ány eflu yony

Mark 10.46-52; Luk 18.35-43

²⁹Eke -l'okɔ ɔkm Jeriko a, agɲ nɔnɔ am us Jesu jam.

³⁰Kpɛkɲ kin, ány eflu yony eke sig es ejagb saw, -l'iri eke Jesu am ec. -N'am elu lebl -li dad -l'ese: «Egɲ gbɛl, David e lilaw, ikɲ ey sɔɲɲ!»

³¹Dedeku a am enym el abr eke -li ki yewal, gbɛkɔ ca -n'am elu lebl tuɔtuɔ -li dad -l'ese: «Egɲ gbɛl, David e lilaw, ikɲ ey sɔɲɲ!»

³²Jesu inym es etɲ esɲ el am ibrm el ese: «Kɔ bla low iy am erurir eke mi ki kok m'ɔɲ ɔny ee?»

³³-Li dad ow nine: «Egɲ gbɛl, kòk ke ey ec'anyamn a ékn es.»

³⁴El e low ɔny Jesu sɔɲɲ etɲ l'itɲɲ wɛl ec'anyamn a abu; kpɛkɲ agɲ a yony mum am ékn es, etɲ -n'am us Jesu jam.

Matie e lɛl 21

Jesu am ey Jerusalem

Mark 11.1-11; Luk 19.28-40; Jan 12.12-19

¹Sica Jesu lele in e jam esel ab ab im titm Jerusalem. Eke -li titm Betfaje baɲɲ, Olivie lafeny af a, Jesu erm jam esel yony.

²Li dad wɛl nine: «Imn baɲɲ a ek'anɲ ɔny any af ab em; kpɛkɲ yogɲ b'ow eɲan gbaɲkɔ kpɛtɛɲ yɔw nyam eke wɛl ucyr es ke in e liy a anɲ in ab. Mɔmun in es otr el isr'm.

³Eke batɲ egɲ b'ibrm ɔny low, dàdr esrɛ: “Egɲ gbɛl a ɔny ow ec'es abur.” Etɲ kpɛkɲ wɛl b'ow elu el es ɔɲ ɔny.»

⁴Low na ey yec'etɲ ke kokoba ɔb es eci sodad amua eke dad a íy neny:

⁵Dàdr Siòn ec'agñ a: kin òny ec'eb ebu a am ow òny ogñ a fròrò em, l'uyu gbañkò yow lele in e liy ab af.

⁶Jam esel yony a im, etñ kok yec'a eke Jesu dad el a.

⁷-L'ot gbañkò kpèteñ yow a lele liy ab ab -l'ow, -l'ot el e sigbad a -l'ok wèl af etñ Jesu sig es af.

⁸Agñ nòrò gbèl ot el e sigbad a faf ejagb, bèb am bubr ekñ ál ok ejagb.

⁹Agñ a ek'anñ'n anym a lele bèb a ek'anñ'n jam ab ab am òg dad esè: «Hosana! Anygbèl él David e lilaw eci. Ke Nyam édn egñ ek'am ow Ès Kòtòkò e nin em a òwrò! Anygbèl él Nyam ek'anñ afr kpekpe a eci!»

¹⁰Etñ eke n'am ey Jerusalem a, bieku a fèñ am bòbar. Wèl am ibrm esè: «Kò bwo el egñ na ee?»

¹¹Agñ a am dad esè: «Egñ na, kokoba òb es Jesu, Nasaret ek'anñ Galile wus af a ec'egñ.»

Jesu anñ Nyamel gbèl a e gbugñ a

Mark 11.15-19; Luk 19.45-48; Jan 2.13-22

¹²Sica Jesu im ey Nyamel gbèl a e gbugñ a, etñ ogñ agñ a fèñ ek'am òl mob ij a, lele agñ a ek'am òl mob ab ab gbugñ yogñ. N'òny jete titñ esel a e sitabl a lele prendre òl ij esel a e mèkpn ab ab l'ok wus.

¹³Etñ li dad wèl ninè: «Nyam Lèl em a Nyam dad ninè: Wèl b'ow esñ em ec'èl a, Nyam ñòñ ec'èl. Kò òny, am ocr kokr elu ec'èñanin usu.»

¹⁴Ány eflu lele akr kpècè esel ab ow titm Jesu Nyamel gbèl a e gbugñ a etñ l'ewlm wèl.

¹⁵Egb waw esel egbèl a lele ol e low yegm esel ab ab èkn ów any iti owi eke n'am kok, -l'èkn etuey ek'am òg Nyamel gbèl ab em dad esè: «Anygbèl él David e lilaw eci!» Èrm ebl el,

¹⁶etñ -li dad Jesu ninè: «Kò am iri odad a eke -n'am dad ab ee?» Jesu dad el ninè: «Èè, m'am iri kò lègñ kaka awlmn Nyam Lèl em ec'odad na ek'el: Kok eel eke toñ etuey lele ey meny nenyim ab bòbò yeji kòklm'ñ ab ee?»

¹⁷Etñ l'èlu wèl es l'ey òkm èb ab em, n'im Betani l'èru.

Jesu ofn babm ikñ nyam

Mark 11.12-14, 20-24

¹⁸Lègñ b'eny akr af ec'ibribr fafa a, eke Jesu am ewl ow èb ab em a, namn ow'r sos.

¹⁹L'èkn babm ikñ nyam ek'inym es ejagb saw etñ n'im l'ey ow ec'ew a; gbèkò n'èñnm ob kaka ek'ow elm suw a cè. Li dad babm ikñ a ninè: «Lègñ kaka k'ow òsum liy ij!» Kpekñ wanci ab af cè babm ikñ a inym es uw es.

²⁰Jam esel a b'èkn èben a, low iti el any afñ es, etñ -n'am ibrm Jesu -l'esè: «Kò ayaf etñ babm ikñ na inym es kpekñ uw es ee?»

²¹Jesu dad el nine: «Low nawre m'am dad ony: eke onyn omn etj bebar anm ony em a, otur eke ki kokr low na eke mi kok babm ikj na a. Ow elm low na sony ce, ko otur yeji eke ki dadr ligigl na esre: “Ïgboj aja, ke im ey okij em,” etj ow b'ow el.»

²²Eke onyn omn, b'ow ejan low fej eke b'ow ibrmn Nyam njon em a.»

Jesu ec'abusu ony

Mark 11.27-33; Luk 20.1-8

²³Jesu ewl ow Nyamel gbél a e gbugj a etj am yegm agj low. Egb waw esel egbél lele Jwifel ec'agj ekpekp ab ab ow ejn'n etj am ibrm'n ese: «Kó bogj ec'abusu em bi kok ów amua ee? Etj kó bwo b'onj'j ow e kok ec'abusu ee?»

²⁴Jesu dad el nine: «Em yeji m'am ow m'ibrm ony low nyam ce; eke dadr'm a, em yeji mi b'ow mi dad ony abusu yec'em eke mi bi kok ów amua a.»

²⁵Kó bwo on Jan abusu ow ok agj mij nuj ee? Kó Nyam oglog agj ee?» Etj ow ew el ów es atar el ofr etj -n'am dad -l'ese: «Eke si dad eke Nyam onj'n abusu l'ow, li b'ow l'ibrm ey l'ese: “Kó bla sosiem etj ubmn in nawre ee?”»

²⁶Etj eke si dad eke agj onj'n abusu l'ow yeji, ow it eke si k'onny dedeku a e muru, anke tasi em a, agj a fej b'oc Jan ese kokoba ob es af.»

²⁷Etj sica -li dad Jesu nine: «S'uwm any.» Etj Jesu yeji dad el nine: «Eke ow el eben a, em yeji mi k'ow mi dadm ony abusu yec'em eke mi bi kok ów amua fej a.»

Ey yony a e lis eci nyandre em odad

²⁸Jesu usr af dad nine: «Kó ayaf am ekanin low na ee? Ejn nyam ony ey yony. Legj nyam, li dad iy kpekp a nine: “Em jim, yefenyina im ogm kok juma.”»

²⁹Li dad nine: “M'iim”, gbekó ow b'injn ebr a, l'itjn odad ebl etj n'im ogm a.»

³⁰Odad nyam a ce, iy es a dad ok jam es a. Iy a dad es nine: “M'ow m'im,” gbekó n'iim.»

³¹Agj yony na, bogj ec'anake kok es ec'erur ab ee?» -Li dad nine: «Iy kpekp a.» Etj Jesu dad el nine: «Low nawre m'am dad ony: wus labm eb esel lele afacyow ab b'ow ikj ony anym Nyam e gbrenjbi usu a.»

³²Tasi em a, Jan mij ok nuj es ow ony ogj low nenyembri nyam e yegm eci, etj ubmn in nawre; gbekó wus labm eb esel lele afacyow ab ub'r nawre. Etj emeny ów amua bobó ek'ekan a yeji, itjnmn erm em ubmn in nawre.»

Viny ogm e juma kok esel enuj eci odad nyandre em

Mark 12.1-12; Luk 20.9-19

³³«Irir nyandre em odad ejeci na: legj nyam, ogm es nyam ewl viny in ec'ogm a. N'awj lakp l'elul em, li kok usu eke wel k'ifi egb ey ab es, etj li kok usu gege eke wel k'anj osu ogm a. Etj l'oc egb ogm a l'abul ogm juma kok esel etj l'eb ejagb n'im usu.»

- ³⁴Eke egb ub e lakpo ow a, l'erm in ec'abu elum esel a im ogm juma kok esel a ogn eke li k'ejn in ec'egb eke k'ebm'n a.
- ³⁵Ogm juma kok esel a ony in ec'abu elum esel a, or nyam, ibi yec'a, etj nyahan em ec'a, -l'ibi ow mebn em.
- ³⁶Sica ogm es a erm in ec'abu elum esel a im nono em akm krekre em ec'a, ko ogm juma kok esel a kok el low nyam ce.
- ³⁷Ow e jam a, l'erm in ec'iy a etj n'am tutr l'ese: "-Li b'ow -n'onny em jim ec'elum."
- ³⁸Gbeko eke ogm juma kok esel a ekn iy a, -n'am dadarir el ofr em -l'ese: "Kin egn a eke godo godo b'ow el aja ij es a! S'imn, s'ibir ir ke egb ogm a el ey eci!"
- ³⁹-N'onny iy a, -l'oc -n'im -l'owl ow ogm a e lakp jam a etj -l'ibi ow.»
- ⁴⁰Jesu ibrm el nine: «Etj sica legj eke egb ogm es a b'ow ow a, bla lowi li b'ow li kok ogm juma kok esel ab ee?»
- ⁴¹-Li dad ow nine: «Agj ibiu amua ec'a, sorj ikj k'ow anm em, li b'ow l'ibi wel, l'eb ogm a l'abul ogm juma kok esel ejeci. Eke egb ub e legj a b'ow ow a, wel b'ow on'n in ec'egb ek'it a.»
- ⁴²Etj Jesu dad el nine: «Ko awlmn legj kaka Nyam Lel ec'odad eke dad ab ee? Lebn a eke el us esel a oc owl a, ewl el el loy em e lebn tasi. Na low ek'anj Nyam ogn ow ke el low sobo ey ec'any af.»
- ⁴³Jesu ign af dad nine: «M'am dad ony, na sosiem wel b'ow eb ony Nyam e gbrenghi usu a abu em onj ebr nyam ec'agn a eke b'ow kok ow e low a.
- [⁴⁴Egn eke b'ow ey lebn na af a, b'ow kkn es, etj egn fej eke lebn a b'ow ey af a, b'ow piplm em el siflefl.]»
- ⁴⁵Egb waw esel egeb lele Farisiel ab iri Jesu eci sodad a, etj -l'uw any eke ow am dad el ec'odad.
- ⁴⁶-N'am ol akunda yec'em eke -li k'edjn Jesu, gbeko -n'am uru dedeku a, anke agj amua b'oc Jesu ese kokoba ob es af.

Matie e lel 22

Mebi ec'es gbegbl ec'ob ij a eci nyandre em odad

Luk 14.15-24

- ¹Emeny Jesu oc nyandre em odad am dad ok agj a ek'ow low iri em a. N'am dad wel l'ese:
- ²«Kin Afr eci gbrenghi usu a ec'elel eke anjn: es ew es nyam kok ob ij, jim e mebi ec'es gbegbl a eci.
- ³L'erm in eci juma kok esel a im eke k'esj agj a eke l'ew abu ob ij na ec'a, ko - l'egnm -l'owm.

⁴Emeny l'erm juma kok esel ejeci etj li dad wel nine: "Dàdr agj a eke m'ew abu a: Sica wel iny ob ab ñ, wel ibi em eci sed a, mindey sobo fej iy neny. Òwr mebi a ec'es gbegbl a ec'ob ij ab em!"

⁵Gbeko agj a eke wel ew abu a tutrm ow e low etj im el ec'ów em: nyam ec'a, in ec'ogm owi em, yec'a, in ec'an ol owi em;

⁶bëb ony juma kok esel a, ijr gbre etj ibi el.

⁷Es ew es a erm ebl: l'erm in ec'ar esel a im ibi agj ibiu amua etj etul el ec'eb a.

⁸Sica li dad juma kok esel a nine: "Mëbi a ec'es gbegbl ec'ob ij a bëbmn ab, gbeko agj a eke m'ew abu a itm.

⁹Ìmn sëberj em, ke éwr agj ek'otur eke k'ejan a abu ob ij a eci."

¹⁰Juma kok esel a im sëberj ab em, as agj a fej eke -n'am ejn a luku, amamn lele enuj ab, etj es gbegbl usu a agj iy gbogj.

¹¹Es ew es a ey akj eke k'ekn agj a eke wel im ot ow a, etj l'ekn ejn nyam ek'ewm es gbegbl a ec'ob sos.

¹²Li dad ow nine: "Lawl, ko ayaf eyr akj aja, etj ewm es gbegbl a ec'ob sos ee?" Ejn a yewal tij.

¹³Etj es ew es a dad juma kok esel a nine: "Àwñ in sabu lele akr ab, ke ócr owal il gbej ncebn ab em. Yogj anake ojñ ikj lele an em sasagr ab b'ow anj a." »

¹⁴Jesu igj af dad nine: «Tasi em a, wel ew nono abu, ko tel ce wel sosum ot.»

Ko wel sóg wus labm ee?

Mark 12.13-17; Luk 20.20-26

¹⁵Sica ow oj Farisiel a im ut asre. -N'am bëbm elel eke -li k'uk Jesu meb ke -n'onj ow odad ebl em.

¹⁶Ow b'uwr a, -l'erm el e jam esel ab em ec'agj bëb lele Erød ec'ogog ec'agj ab im dad Jesu nine: «Low yegm agj es, s'uw any eke j bi dad low nenyembri nyam: Nyam ec'elel eke am ibrm eke si k'iir eb a, bi yegm ow ec'ejagb a kpej. Ónym ejn kaka e muru; j ec'a, agj a fej el agj nenyembri nyam.

¹⁷Dàd ey yec'ek'am tutr odad na af a: ko ey ec'ol ab em abusu eru es eke si ki sóg wus labm s'oj Sesar ee?»

¹⁸Gbeko Jesu uw el eci sow tutr enuj ab any, etj li dad wel nine: «Enyembri yony yony esel, ko bla sosiem etj am ukr'm meb ee?

¹⁹Yègm'm os a eke wel b'oc sógr wus labm a.» -L'oc os deñ nyam -l'ow -li yegm ow,

²⁰etj Jesu ibrm el nine: «Meny ewr na lele nin na eke wel non os na af a, bwo ec'ejn ec'ow el ee?»

21-Li dad nine: «Sesar eci.» Etn Jesu dad el nine: «Eke ow el eben a, ke onn Sesar yec'ek'el Sesar ec'a, ke onn Nyam yec'ek'el Nyam ec'a.»

22Eke -l'irir odad a, low iti el any afhn es, etn -l'elu ow es -n'im.

Luw em anj igb

Mark 12.18-27; Luk 20.27-40

23Legn a ce, Sadusiel beb ow ehn Jesu. (Ke Sadusiel anake bi dad ese luw em anj igb in anm a.) -N'am ibrm Jesu low na

24-l'ese: «Low yegm agn es, kin Mois ec'eel eke dadr: Eke egn nyam uw etn l'ewm ey a, ow it eke lisijim k'ebi innyow a ew ey in ab ew'r nin es.

25Kin ey em ec'agn lisijimel lobn e low ek'ehn: likpekp a ebi yow, ewm iy kaka ton etn l'uw. Eke l'ewm iy a, l'elu lisijim innyow ab es.

26Lisijim yony em a yeji eben, nyahan em ec'a yeji eben; etn el lobn mum ec'a, ow el eben.

27Eke el fen -l'uwr a, yow a yeji uw.

28Sica legn eke agn ek'uw a b'ow igb luw em a, agn lisijimel lobn a, bwo ec'egn anake yow a b'ow el in ec'ab ee? Anke el fen -l'ebi ow, ow el el e yow!»

29Jesu dad el nine: «Ony, ek'am irmn, anke uwmm Nyam Lel a eke wel non a ab any, etn Nyam ec'abusu a yeji uwmm any.

30Tasi em a, legn ek'agn ek'uw a b'ow igb a, egn lele oyow ab k'ow ebirm okm es ij, ko -li b'ow -l'ir eb ese eel eke afr erm esel anjn afr ab af.

31Yec'a eke k'el agn eke k'igb luw em a, ko awlmm legn kaka low yec'a eke Nyam dad ony ab ee? Li dad nine:

32Em m'el Abraham e Nyam, Isak e Nyam, lele Jakob e Nyam ab.» Etn Jesu usr af dad nine: «Ko agn ek'uw a e Nyam li k'el ee? Njan, l'el agn ek'uw ke anj ovr a e Nyam.»

33Eke dedeku a iri low na a, ow or el.

Ol ab em eci ligbel tasi a

Mark 12.28-34; Luk 10.25-28

34Eke Farisiel iri eke Jesu abl Sadusiel neny es odad ebl em a, -l'ut asre.

35Etn el em ec'ol e low yegm es gbél nyam erur eke k'ebm Jesu. L'ibrm ow nine:

36«Low yegm agn es, ko ol a fen em e ligbel el bogh ec'ee?»

37Jesu dad'r nine: «B'ow erur Anj Kotoko n e Nyam n ec'erm fen em, n ec'abh fen em, lele n e tutr pupukpan ab.

38Na anak'el ol ab em e ligbel lele ow eci tasi ab a.

39Etn kin yony em ec'eke akpl ot krekre ec'ab es: b'ow erur egn kaka fen ese n obi n obi af.

⁴⁰Mois ec'ol a fɛɲ lele kokoba ɔb ɛsɛl eci low yɛgm ab ab anɲ ol yony na ɛm.»

Mesi a lele David ab e low

Mark 12.35-37; Luk 20.41-44

⁴¹Farisiel as luku ɛtɲ Jesu am ibrm ɛl low na:

⁴²«Tutr eke ɔnyɲ Mesi a e lís ɛl bogɲ ec'ee? Bwo e lilaw eel ee?» -Li dad ow ninɛ:
«L'el David e lilaw.»

⁴³Jesu dad ɛl ninɛ: «ɛtɲ kɔ sica ayaf David ek'Abɲ Lala nyimn a ɔtu ɛsɲ'n “ɛs Kɔtɔkɔ” ee? Ke David dad ninɛ:

⁴⁴ɛs Kɔtɔkɔ Nyam dad ɛm ɛs Kɔtɔkɔ ninɛ: Òw sig es ɛm e lidr abu af toɲ bake m'ót ɲ ec'efnu a m'ok ɲ ec'akr ew.

⁴⁵Eke sica David b'ɛsɲ'n “ɛs Kɔtɔkɔ”, ke ayaf Mesi a ɔtu eke k'el David e lilaw ee?»

⁴⁶ɛl ɛm ec'ɛɲ kaka ɔtum pigm neny dadm odad nyam coco yeji, ɛtɲ ow e legɲ a ɛtɲ a, ɛɲ kaka úsm ibram'n low ij.

Matie e lel 23

Ki kokr ɛsɛ Farisiel lel ol e low yɛgm ɛsɛl ec'ab af

Mark 12.38-39; Luk 11.43-46; 20.45-46

¹Sica Jesu am dad bieku a lel in e jam ɛsɛl ab ab ɛsɛ:

²«Wɛl abul ol e low yɛgm ɛsɛl a lele Farisiel ab ab Mois ec'ol a ec'akr otar.

³Ow sosiem ɛlumn ɛl, ke kókr low yec'a eke -li bi dad ɔny a, gbekɔ k'èbr ɛl ec'es an a e lakr, anke low a eke -li bi yɛgm agɲ a, -li kokmn.

⁴Ow b'el ɛɛkɔp leg leg eke -li b'awɲ -l'itm agɲ ɔbi af, kɔ ɛl obi ɛm a, -l'ɛɲɲmn -l'ocmn abuli ɛm -l'ɛluamn agɲ abu uyum sɛɛkɔp leg leg amua.

⁵ɛl ec'ów fɛɲ e kok ɛm, -li b'erur ek'ɛɲ ki lɛr ɛl. Ow ɛm a, Nyam odad a eke -li b'oc -l'ucu ɛl e sos a, b'ɛw low agbr ɛm. ɛtɲ ɛmeny ɛl eci mob af ɛw a ec'enyembri a eke -li bi gigɲ a yeji b'ar es afɲn es.

⁶Ek'ow ɛl ob ij ec'es gbegbl ɛm yeji, -li b'erur susu amamn, ɛtɲ Nyam nuɲ igɲ susu a, -li bi dogɲn mɛkɔn anym es;

⁷-li b'erur eke dedeku ɛm wɛl k'ɛsɲn ɛl ɛlum ɛm, ɛtɲ ɛmeny -li b'erur ek'agɲ k'ɛsɲ ɛl “Low yɛgm agɲ ɛs”.

⁸Gbekɔ ɔny, k'òɲn agɲ k'ɛsɲ ɔny “Low yɛgm agɲ ɛs”, anke ɛɲ nyam coco cɛ bi yɛgm ɔny low ɛtɲ ɔny fɛɲ eel agɲ lisijimɛl ɔfr.

⁹Wus af aɲa, k'ɛsɲn ɛɲ kaka ɛy “ɛs”, anke ɛɲ ɛs nyam coco ɔnyɲ, in a ek'anɲ afr a.

¹⁰ɛtɲ ɛmeny k'òɲn ɛɲ k'ɛsɲ ɔny “ɛs ɛw ɛs”, anke ɛs ɛw ɛs nyam coco ɔnyɲ, in l'el Mesi a.

¹¹Ow it ek'ony ɛm ec'ɛɲ ligbɛl a k'él ɔny ec'ob oc ɔɲ es.

12 Ɛgɛɛ eke b'ow igbl'l in sosi ogɛ a, wɛl b'ow is'r es, gbɛkɔ ɛgɛ eke b'ow is es a, wɛl b'ow igbl'l ogɛ.»

Jesu am ɛdɛn ol e low yɛgm ɛsɛl lele Farisiɛl ab ec'ɛnyɛmbri yony yony owi a

Mark 12.40; Luk 11.39-52; 20.47

13 «Ol e low yɛgm ɛsɛl lele Farisiɛl ab, ɔny agɛ ɛnyɛmbri yony yony ɛsɛl, gbɛɛ ɛl ɔny eci! Aɛke b'abal Afr eci gbɛɛngbi usu a e lisany a agɛ ec'any af. Ɔny obi ɔkɛm ɛm ɛtɛ agɛ a eke b'erur eke k'ok ɛm a, ɛgɛm -l'okɛm ɛm.

[14]

15 Ol e low yɛgm ɛsɛl lele Farisiɛl ab, ɔny, agɛ ɛnyɛmbri yony yony ɛsɛl, gbɛɛ ɛl ɔny eci! Aɛke b'ɛcar mij af eci, wus wɛwɛ af eci imn susu fɛɛ eke k'ɛɛn ɛgɛ nyam coco eke k'us ɔny jam; eke b'ɛɛn in a, bi kokar ir l'ot gbɛɛ ij usu ec'ɛgɛ es sakp yony l'akɛ ɔny.

16 Nyimɛ ɛsɛl ek'any efl, gbɛɛ ɛl ɔny eci! Ɔny bi dadɛ ɛsrɛ: “Ek'ɛgɛ nyam ij nɛny Nyamel gbɛl a e nin ɛm, ke n'anm nɛny ij ab ɛm; kɔ eke l'ij nɛny sika a ek'anɛ Nyamel gbɛl ab ɛm a e nin ɛm, ke n'anɛ nɛny ij ab ɛm.”

17 Ɔny anyamb agɛ! Ɔny eflu! Kɔ bogɛ ec'ob anake ɔny any ab ee? Sika a, kɔ Nyamel gbɛl a eke b'ɔɛ sika a ɔny any ab ee?

18 Ɛmɛny bi dadɛ yeji ɛsrɛ: “Ek'ɛgɛ ij nɛny egb waw usu e nin ɛm, ke n'anm nɛny ij ab ɛm; kɔ eke l'ij nɛny ob ap a ek'anɛ egb waw usu a e nin ɛm a, ke n'anɛ nɛny ij ab ɛm.”

19 Ɔny eflu! Bogɛ ec'ob anake ɔny any ab ee? Ob ap a, kɔ egb waw usu a eke b'ɔɛ ob ap a ɔny any ab ee?

20 Ɛgɛ ek'am ij nɛny egb waw usu a e nin ɛm a, am ij nɛny egb waw usu a lel ob fɛɛ ek'anɛ egb waw usu ab ab e nin ɛm.

21 Ɛgɛ ek'am ij nɛny Nyamel gbɛl a e nin ɛm a, am ij nɛny Nyamel gbɛl a lele Nyam ek'ir ɛm ab ab e nin ɛm.

22 Ɛgɛ ek'am ij nɛny afr e nin ɛm a, am ij nɛny Nyam e lɛkɛn a lele Nyam eke sig es af ab ab e nin ɛm.

23 Ol e low yɛgm ɛsɛl lele Farisiɛl ab, ɔny agɛ ɛnyɛmbri yony yony ɛsɛl, gbɛɛ ɛl ɔny eci! Aɛke b'ɔɛn Nyam ɔny ec'ob ek'ewal a eci sakp lɛw ɛm toɛ mob sɔsɛn ob ab yeji, gbɛkɔ b'igɛn low yɛgm amamɛ a ek'el ol a ec'a ɛlul es, ɛsɛ jej ok nyim nyim, sɔɛn ikɛ lele nɛny nyam ij ab. Ke tasi ɛm a, low na anake wɛl ki kok a, ke ow e likɛr a yeji, wɛl k'igɛm ɛlum es.

24 Nyimɛ ɛsɛl ek'any efl! B'ɔsr mij es eke k'ɔnyɛn kpikpi ek'anɛ ɛm a ocr es, kɔ b'ɛman gbɛkɔ kedɛbnam!

25 Ol e low yɛgm ɛsɛl lele Farisiɛl ab, ɔny agɛ ɛnyɛmbri yony yony ɛsɛl, gbɛɛ ɛl ɔny eci! Aɛke ɔny e mij kpɔk lel ɔny e kpokpo ab ab e jam jam a, b'ɛtɛn es, kɔ ow e lokɛ a, ɔw ɛɛɛ b'iy ɛm: sos es ɔnyɛn anm ɔny ɛm, b'erurir ob ɔny toɛ ɛl ɔny mil.

- 26** Farisiel ek'any efl, tètɲn mij kpɔk a e lokm ab es ye, etɲ ow e jam jam a yeji b'ow ayl.
- 27** Ol e low yegm esel lele Farisiel ab, ɔny agɲ enyembri yony yony esel, gbre él ɔny eci! Aɲke ɔny b'otr suwomu eke wɛl ufur es; ow ec'af a b'akpl, kɔ ow e lokm a, agɲ ek'uw ec'ew lele kpɔtɔm owi ab b'anɲ.
- 28** Eɓen nyam coco ɔny yeji, sos af a, bi yegmn agɲ ek'ijr neny nyam Nyam ec'any af, kɔ ɔny e lokm a, ów enyembri yony yony lele ów eɲuɲ ab iy em gbɔɲ.
- 29** Ol e low yegm esel lele Farisiel ab, ɔny agɲ enyembri yony yony esel, gbre él ɔny eci! Aɲke bi kokr kokoba ɔb esel eci suwomu a akpl, etɲ b'ijr mewl neny nyam esel ec'ab af,
- 30** etɲ bi dadr esre: “Blel ey lagɲel e læɲ ab em s'anɲ ana, ke blel neny okrm ey af s'ibim kokoba ɔb esel a.”
- 31** Eɓen a, ɔny obi em uwar ɔny sosi any eke eel agɲ a ek'ibi kokoba ɔb esel a ec'alaw.
- 32** Sica ɔny ec'a, abu áɲɲ ɔny em! Úwarir low yec'a eke ɔny lagɲel ɔb nuɲ a!
- 33** ɔny morɲn kpu ec'eb amua, ayaf ɔtur eke k'ánmn gbre ij usu ee?
- 34** Na sosiem kin, m'ow m'erm kokoba ɔb esel, agɲ nuɲ em ɔny esel lele low yegm esel tasi ab ɔny ogɲ. ɔny b'ow ibir beb, ewr beb ol likɲ af. ɔny e Nyam nuɲ ign usu a, b'ow ɔɔr beb say em, etɲ b'ow ogɲn el es eb eb em.
- 35** Ow em a, b'ow eɲan low nenyembri nyam esel eci low ɲuɲ a eke wɛl kok a ec'abr enym ek'it a. Ow ɔb nuɲ neny nyam es Abel eci low ɲuɲ a eke wɛl kok ab em, etɲ ow im toɲ eɲɲ nuɲ Zakari Baraki jim ec'ab em. Ibir ir egb waw usu a lele usu lala ab ab ec'araɲn a.
- 36** Low nawrɛ m'am dad ɔny: ów eɲuɲ a ec'abr enym a ek'it a b'ow ey yefenyina ec'agɲ a e nuɲ af!»

Jesu am dad Jerusalem eci es ufɲ owi

Luk 13.34-35

- 37** «Jerusalem Jerusalem, ɲ eke b'ibi kokoba ɔb esel ke b'ɔr agɲ eke Nyam b'erm ow ɲ ogɲ a mebn em a! Sakp abi m'erur eke mi k'as ɲ ec'ey luku em e lís, ese elel eke ɲɔs ey lis b'as in ec'ey luku ɔw éw ab af, etɲ éɲɲm!
- 38** Ow sosiem kin, Nyam b'ow digɲ ɔny ec'akɲ a elu es foɲ.
- 39** Tasi em m'am dad ɔny: k'ow eknmn'm toɲ ba ke læɲ a ow; yogɲ anake b'ow dadr esre: “Ke Nyam éɲɲ eɲɲ ek'am ow Es Kɔtɔkɔ e nin em a ɔwrɔ a!” »

Matie e lɛl 24

Nyamel gbɛl a e ɲuɲ

Mark 13.1-2; Luk 21.5-6

¹Jesu ey ɔkm Nyamel gbɛl ab em etɔ aam. In e jam esɛl a im eɔn'n eke ki yegm'n Nyamel gbɛl a ec'elel eke wɛl usr a.

²Jesu ɔdu odad eb etɔ am dad el esɛ: «Am ekan ɔw amua feɔ ee? Low nawrɛ m'am dad ɔny: aɔa lebn kaka k'ow usrm lawl lebn af anm, feɔ b'ow er ok wus.»

Lɛɔɔ es abal el e gbɛɛ a

Mark 13.3-13; Luk 21.7-19

³Eke Jesu sig es Olivie lafeny af a, jam esɛl a im eɔn'n in sɔny em etɔ am ibrm'n esɛ: «Dàd ey ɔ! Kɔ bogɔ lɛɔɔ iy low na b'ow ey, etɔ bogɔ eci mɛny ɛwr b'ow yegm n e mowrer lele wus na e nuɔ eɔɔ ab ee?»

⁴Jesu dad el nine: «Èwr erm! Ki yebr eɔɔ k'irmn ɔny.

⁵Tasi em a, aɔɔ nɔnɔ b'ow ow em e nin em dad esɛ: “Em Mesi a”, etɔ -li b'ow -l'irmn aɔɔ bubute.

⁶B'ow irir ar ek'am ey aɔa e likekr lele ar owi eke b'ow ey akpoj a ec'amani ab; kɔ yebr erɔn k'ɔny ɔny. Ow it ek'ɔw amua k'ey, kɔ ow k'elm wus na e nuɔ eɔɔ.

⁷Tasi em a, ebr nyam ec'aɔɔ b'ow im eɔn ebr eɔeci nyam oɔɔ ar; es ɛw nyam b'ow im eɔn es ɛw eɔeci nyam ar oɔɔ eci; lek b'ow ey etɔ wus b'ow umu susu susu af.

⁸Ów amua feɔ b'ow ɛw esɛ iy ɔny eci dudu krekrɛ ab af.

⁹Ow sɔsiem aɔɔ b'ow ot im ɔny gbɛɛ ijr eci etɔ -li b'ow -l'ibi ɔny. Em sɔsiem ebr ebr a feɔ b'ow ifn ɔny.

¹⁰Etɔ ow e lɛɔɔ ab em a, aɔɔ nɔnɔ b'ow irmn el ec'ɔmn; -li b'ow -l'eɔurir etɔ -li b'ow -l'ifanin el ɔfr yeɔi.

¹¹Etɔ emeny kokoba ɔb esɛl ayadɔu nɔnɔ b'ow ok ɔkm etɔ b'ow irmn aɔɔ nɔnɔ.

¹²Low nɔnɔ kok b'ow eny eb es toɔ ke aɔɔ beb ec'erur ek'ɔny a írm.

¹³Gbeke eɔɔ eke b'ow inym es kikri toɔ ow e nuɔ eɔɔ em a, b'ow eɔn sel.

¹⁴Wɛl b'ow ɔb gbɛɔgbi usu a ec'Amani Mamn na wus na nimum af, yec'etɔ ke ebr ebr a feɔ ij danke; ke sica ow él ow e nuɔ eɔɔ gɔɔ.»

Musue ob iy

Mark 13.14-23; Luk 21.20-24

¹⁵«Sica b'ow ekan ob yec'a eke wɛl b'esɔ “Musue ob iy” eke kokoba ɔb es Daniel dad ow ec'odad a. Wɛl b'ow ɛw'r usu lala a. (Ke eɔɔ eke b'ow awl ɔw amua a, íri senyn senyn!)

¹⁶Ke kpekr aɔɔ a eke b'ow anɔ Jude wus af a, ow akpl ke -l'uru es -n'im mafeny em;

¹⁷eɔɔ eke b'ow anɔ in ec'él af e lɛf eb usu a, k'úsm es eym akɔ ocm ob;

¹⁸etɔ eɔɔ eke b'ow anɔ ɔgm a, k'éwlm iim jam ocm in e mob af ɛw a ij.

¹⁹Seɔɔ amua b'ow ɛw tuɔtuɔ molok ab lisɛl lel el ek'am ɔɔ ey mɛny ab ab eci.

- ²⁰Dɔŋan Nyam yec'etɔ ke es uru ikɔ na k'ɛym nyam es us em, oglog nenegɔ e lɛgɔ!
- ²¹Tasi em a, ow e lɛgɔ ab em, gbɛɛ ij a b'ow ɛw tuɔtuɔ afɔn es. Ow b'ow akm gbɛɛ ij fɛɔ eke wɛl ɛkn wus e nuɔ ɔb em toɔ ke k'it yɛfenyna ec'a. Lɛgɔ kaka, gbɛɛ ij ikɔ na k'ow anm ij.
- ²²ɛtɔ blɛl Nyam ɛgɔm isrm sɛgɔ amua em, ke ɛgɔ kaka blɛl ɔtum anm owɛ. L'isr sɛgɔ amua em agɔ a eke li sɔsum l'ot a sɔsiɛm eci.
- ²³Eke batɔ ɛgɔ nyam bi dad ɔny ɛsɛ: “Èkan, Mesi a anɔ aɔa!” oglog: “N'anɔ yogɔ a!” k'ùbr ɛgɔ a nawɛ.
- ²⁴Tasi em a, mesiel ayadɔ lele kokoba ɔb ɛsɛl ayadɔ ab b'ow ok ɔkm. -Li b'ow -li kok mɛny ɛwr ɛgbɛl lele ów any iti owi ab agɔ ec'irmn eci, ɛtɔ ek'ow it yeɔi, -l'ɔtu -l'irmn agɔ a eke Nyam sɔsum ot a.
- ²⁵Kin, irir! M'ikɔ anym m'ɛwar ɔny.
- ²⁶Eke batɔ wɛl bi dad ɔny ɛsɛ: “Èkan, n'anɔ loɔ yogɔ!” k'imn. Oglog ek'ɛgɔ bi dad ɔny ɛsɛ: “Èkan, n'am lol es aɔa!” k'ùbr ir nawɛ.
- ²⁷ɛsɛ elɛl eke afr b'ɛɔn ke b'ayal yogɔ a eke ligbn b'igb, toɔ ok yogɔ a eke ligbn b'ɛru es a, ɛbɛn eke ɛgɔ ec'Iy b'ow owɛ ana.
- ²⁸Yogɔ eke sos meɔl ugɔn anɔ a, yogɔ anake sikaka b'as luku a.»

ɛgɔ ec'Iy eci mowɛr

Mark 13.24-27; Luk 21.25-28

- ²⁹«Kpɛkɔ eke sɛgɔ ab em eci gbɛɛ ij owi a b'oc es a, ligbn b'ow irm es ɛtɔ awl yeɔi k'ow afɔm ij, mílél b'ow anɔ afr ok wus ɛtɔ afr ec'abusu owi fɛɔ b'ow wuwal.
- ³⁰ɛtɔ sica ɛgɔ ec'Iy e mɛny ɛwr a b'ow ɛy ɔkm afr; ɛtɔ wus na nimum ec'ɛbr ɛbr a fɛɔ b'ow ikɔ ɔɔn kok sɔɔɔ, -li b'ow -l'ɛkn ɛgɔ ec'Iy eke b'ow anɔ afr e jru em am ow abusu fɛɔ lel anygbɛl ab.
- ³¹Krɔkr gbɛl a b'ow ikɔ, ɛtɔ li b'ow n'ɔɔ in ec'afr ɛrm ɛsɛl a im wus na eci ɔy yar ab em as agɔ a eke li sɔsum l'ot a luku; ow b'ow ɔb nuɔ ogog nyam toɔ ogog yec'a.»

Low yɛgm eke babm e likɔ a am ɛlu ɔkm

Mark 13.28-31; Luk 21.29-33

- ³²«Kin low yɛgm ek'el babm e likɔ a eci eke k'irir: kpɛkɔ eke in ec'ál a b'ɛw wrɔwrɔ, ke n'am gign ɔɔɔɔ a, kpɛkɔ b'uwr any eke mewij ow titm ñ.
- ³³ɛbɛn nyam coco, eke b'ɛkan ów amua ow a, ke kpɛkɔ úwr any eke low a titm, ɛtɔ ow b'ow ɛy.
- ³⁴Low nawɛ m'am dad ɔny: yɛfenyna ec'agɔ a fɛɔ k'ow uwm uwrɛ ɛtɔ ów amua b'ow ɛy.
- ³⁵Afr lele wus ab b'ow ɛc, gbɛkɔ lɛgɔ kaka em e sodad a k'ow ɛcm.»

Nyam sɔny coco uw lɛgɔ a e nuɔ ɛɔɔ ab any

Mark 13.32-37; Luk 17.26-30, 34-36

- 36 «Gbəkɔ ów a e lɛɣɲ lele wanci ab ab eke b'ow ɛy a, ɛɣɲ kaka uwm any: afr erm ɛsɛl yeji uwm any, ɛɣɲ ec'Iy bobɔ yeji uwm any, ek'ow elm ɛm ɛs sɔny coco ɛɛ.
- 37 Low yec'a ek'ey Noe e lɛɣɲ ab ɛm a, lɛɣɲ ek'ɛɣɲ ec'Iy b'ow ow a, ow b'ow el ɛbɛn.
- 38 Tasi ɛm a, ow e lɛɣɲ a, gbuɲ ke mij gbɛl a ek'an a eci lɛɣɲ ów a, aɣɲ am ij ɛtɲ am ɛɣɲ ɛsɛ sɛɣɲ fɛɲ ec'ab af. -N'am ɛbi ɔyɔw, -n'am ɛbir el ec'ey ɔyɔw ɛɣɲ toɲ batɲ it lɛɣɲ a eke Noe ɛy mijɛtɲ gbɛl ab ɛm a;
- 39 -l'ɛwm ow e low ɛrm toɲ ow it lɛɣɲ a eke mij gbɛl a an ot el fɛɲ ab im a. Lɛɣɲ ek'ɛɣɲ ec'Iy b'ow ow a, ɛbɛn ek'ow b'ow ɛcr ana.
- 40 Ow ɛm a, ek'agɲ yony anɲ ɔgm, wɛl b'ow oc nyam ke wɛl íɣɲ nyam ɛlu es.
- 41 Ek'ɔyɔw yony am bɛbm sos ob iny eci, wɛl b'ow oc nyam ke wɛl íɣɲ nyam ɛlu es.
- 42 Ósur, aɲke uwmn lɛɣɲ a eke ɔny ɛs Kɔtɔkɔ b'ow ow ab any.
- 43 Írir low na ow ók ɔny es sos ɛm sɛnyn sɛnyn: blɛl akɲ ɛs b'uw ncok e wanci ek'ulu k'ow ab any ana, ke blɛl n'ánɲ any owr yec'ɛtɲ ke li kí yeɛbm ow ɛpirm ɛym'n akɲ.
- 44 Na sosiɛm, ɔny yeji, bɛbm sos, aɲke ɛɣɲ ec'Iy b'ow ow wanci af eke k'ow ɔmmn a.»

Juma kok ɛs mamn lele juma kok ɛs ɲuɲ ab

Luk 12.41-48

- 45 «Bwo ec'ɛɣɲ el juma kok ɛs mamn lele nuɲ ɛm ɔny ɛs ab ee? Kin ɛɣɲ nyam eke in ec'es ɛw ɛs a ɔɲ abusu eke k'ekn juma kok ɛsɛl ɛjɛc'a e lís e low, n'ónɲ wɛl ob ij wanci a ek'ow b'it a.
- 46 Ehe ɛl juma kok ɛs ikɲ na eci, eke in ec'es ɛw ɛs a e mɛny ɛwl ow ɛm, b'ow ɛɲan am kok juma a!
- 47 Low nawrɛ m'am dad ɔny: es ɛw ɛs a b'ow afl in ec'ob ɔny a fɛɲ es ɛlul il abu ɛm.
- 48 Gbəkɔ ek'ow el juma kok ɛs ɲuɲ, li b'ow li dad in ec'erm ɛm l'ɛsɛ: “ɛm ec'es ɛw ɛs a k'ow owm caca.”
- 49 ɛtɲ li b'ow l'ɔb nuɲ n'am ɔr in e juma ɛm e lawlɛl a, n'ám ij ke n'ám ɛɣɲ, mar ɛɣɲ ɛsɛl ab ab.
- 50 Kɔ es ɛw ɛs a b'ow ɛwl ow lɛɣɲ nyam eke li k'ow n'ɔmmn, wanci nyam af eke li k'ow l'uwm any.
- 51 Li b'ow l'ogɲ juma kok ɛs a ke n'ónɲ ow ɛnyɛmbri yony yony ɛsɛl eci gbɛrɛ ij a; yogɲ anake ɔɲn ikɲ lele an ɛm sasagr ab b'ow anɲ a.»

Matie e lɛl 25

Ededyɔw oto lɛw a eci nyandrɛ ɛm odad

- 1 «Afr eci gbɛrɛngbi usu a anɲ ɛsɛ ededyɔw oto lɛw a e low ab af. -L'ot el e mun al a ɛtɲ -l'ok ɔkm -n'aam -l'ɔbr mɛbi ɛs a.

- ²El em a, yen éwm low erm etj yen a gbe b'ew low erm.
- ³El a eke éwm low erm a, ot el e mun al a, ko -l'ocm mun kaka -l'aknam abu ab.
- ⁴Etj el a eke b'ew low erm a, ot el e mun al a lele mun ek'anj mun kpar em ab im.
- ⁵Eke mebi es a ec'ow a am ibn, oyow oto a fej memn eb sos, etj am eru memn.
- ⁶Eke legj usu a, lebl nyam ikj dad nine: "Kin mebi es a! Òkr okm obar ir!"
- ⁷Ededyow oto lew a ufjm es igb etj am bebm el e mun al a sos.
- ⁸Low erm éwm lisel a am dad likpr a ese: "Òjn ey ony e mun a tel, ko ey e mun al a am irm es."
- ⁹-Li dad wel nine: "Njan, anke ow enym eke ow b'ow ebm ey bake ow ebm ony. Ìmn ol ij usu a, ke óol ony eci."
- ¹⁰Low erm éwm lisel a im am ol mun, etj wanci ab af ce mebi es a ow. Ededyow oto yen a eke bebm sos a ok es gbegbl usu a in ab etj wel abl el a safue em.
- ¹¹Eke ow ibn tel a, oyow oto ejec'a yeji ow, etj am elu lebl dad ese: "Egij gbel, egij gbel, fig ey lisany!"
- ¹²Ko mebi es a dad nine: "Low nawre m'am dad ony: m'uwm ony any." »
- ¹³Jesu ign af dad nine: «Òsur anke uwmn legj a lele wanci ab ab any.»

Òc os óol an

Luk 19.11-27

- ¹⁴«Tasi em a, Afr eci gbrenjgi usu a anj ese egij nyam ek'am ow im usu af. L'esj in eci juma kok esel a etj l'abul wel in ec'ob ony a.
- ¹⁵N'onj nyam sika em os yen, yec'a yony, etj nyahan em ec'a nyam. Egij egij eci lec ogij eke b'im ok a, ow em li cec wel os a, etj n'im.
- ¹⁶Kpekij juma kok es a ek'ejn yen a oc im óol an etj ejn sika em os ejeci yen.
- ¹⁷Yec'a ek'ejn yony a yeji kok eben, etj ejn sika em os ejeci yony.
- ¹⁸Gbeko yec'a ek'ejn ekij nyam a im ur nomu lol in egij gbely ec'os ab es em.
- ¹⁹Eke ow kok segij nono a, juma kok esel a ec'es ew es a ow, etj wel ab n'am ub ob.
- ²⁰In a eke ejn sika em os yen a, eri ow etj ok ejeci yen okm etj dad nine: "Es ew, onj'm sika em os yen. M'ejn ekij ejeci yen: kin ow."
- ²¹In eci es ew es a dad'r nine: "Ow akpl, ij juma kok es mamn neny nyam es. Ij neny nyam ów ekekey em, m'ow m'abul'ij ów egbel. Ów kok sos em inj em ab."
- ²²Juma kok es a eke ejn sika em os yony a yeji ow dad nine: "Es ew, onj'm sika em os yony. M'ejn ejeci yony: kin ow."
- ²³In ec'es ew es a dad'r nine: "Ow akpl, ij juma kok es mamn neny nyam es. Ij neny nyam ów ekekey em, m'ow m'abul'ij ów egbel. Ów kok sos em inj em ab."

²⁴Sica juma kok es a ek'egh sika em os nyam a eri ow etj dad nine: “Es ew, m'uw any eke η ew tuotuo: yogh eke ewlm a, b'ow, yogh eke elum egb nomu em a yeji b'ub.

²⁵Erñn ony'm etj m'oc η ec'os a mi lol es nomu em: kin ow.”

²⁶In ec'es ew es a dad'r nine: “D juma kok es ηuη, oηu! Uw any eke mi b'ow egb yogh eke m'ewlm a, etj mi b'ub egb yogh eke m'elum egb nomu em.

²⁷Blel oc em ec'os a ew es ob es ew usu, ke em eci meny ewl ow em a, m'oc em ec'ob a lele ow eci mij ab ab.

²⁸Ebr ir sika em os nyam a abu em, ke oc r oñn egñ a ek'onny sika em os lew a.

²⁹Tasi em a, egñ feñ ek'onny ob ab a, wel b'ow obn'n etj ow b'ow ufu'r es, ko egñ ek'onny ob kaka a, tel a eke n'onny a yeji, wel b'ow odu eb'r abu em.

³⁰Juma kok es keskes na ec'a, onny owal il gben ncebn ab em, yogh anake oñn ikñ lele an em sasagr ab b'ow anñ a.” »

Jej ok es abal el

³¹«Legñ ek'egñ ec'Iy b'ow ow in ec'anygbel ab em afr erm esel feñ ab a, li b'ow li sigr in ec'eb ebu el e lekpn a.

³²Wus na nimum eci ebr ebr a feñ b'ow as luku in ec'any af, etj li b'ow l'ok agñ a sakp yony ese el el eke mebob osu es b'ok meceb ogog ke b'ok sican ogog ab af.

³³Li b'ow l'ok meceb in e lidr ogog a, ke l'ok sican in e nemn ogog a.

³⁴Etj eb ebu a b'ow dad agñ a ek'anñ in e lidr ogog a ese: “Onny a eke em Es edñ owro a, òwr ke ñjr gbrenjbi usu a eke wel kok ew es wus e nuñ ob em etj a ec'aja.

³⁵Tasi em a, namn onny'm etj oñn'm ob m'ij; mijamn onny'm etj oñn'm mij m'egñ; m'el utuegñ etj ebr elul'm akñ;

³⁶m'anñ sos ofr etj ewr'm ob sos; m'anñ ol em, etj kokr'm sos; m'anñ sobel em, etj owr ekan'm.”

³⁷Etj agñ a eke kok Nyam ec'erur a b'ow ibrm'n ese: “Es Kotoko, ko bogñ e legñ s'ekn'ñ namn ab etj s'oñ'ñ ob ij, oglog mijamn em etj s'oñ'ñ mij egñ ee?

³⁸Ko bogñ e legñ s'ekn'ñ ese utu af, etj s'eb s'elu'ñ akñ, oglog sos ofr etj s'ew'ñ ob sos ee?

³⁹Ko bogñ e legñ s'ekn'ñ ol em oglog sobel em etj s'ow s'ekn'ñ ee?”

⁴⁰Eb ebu a b'ow dad el ese: “Low nawre m'am dad onny: sakp sakp feñ a eke kokr ow amua oñn em lisijimel ey amua em e likekli nyam a, ke em anake kokr oñn a.”

⁴¹Etj eb ebu a b'ow dad agñ a ek'anñ'n nemn ogog a ese: “Onny agñ eke wel ofn, kpabr'm es lis imn kpekpe. Imn al a ek'iram es ab em, al a eke wel kok ew agñ lele in ec'erm esel ab ab es a.

⁴²Tasi em a, namn ony'm etɔ ɔɔmn'm ob m'ijm; mijamn ony'm etɔ ɔɔmn'm mij m'egɔm;

⁴³m'el utueɔɔ, etɔ ebmn'm; m'anɔ sos ɔfr, etɔ ewmn'm ob sos; m'anɔ ɔl em, m'anɔ sobel em, etɔ kokmn em e lís e low kaka.”

⁴⁴Etɔ -li b'ow -l'ibrm ow -l'ese: “Es Kɔɔkɔ, kɔ bogɔ e lɛɔɔ s'ekn'ɔ namn, mijamn, oglog utueɔɔ, oglog sos ɔfr, oglog ɔl em, oglog sobel em, etɔ s'eluum'ɔ abu ee?”

⁴⁵Eb ebu a b'ow dad el ese: “Low nawre m'am dad ony: sakp sakp feɔ eke kokmn ów amua ɔɔmn em e jam esel ey amua em e nyam a, ke em anake kokmn ɔɔmn a.”

⁴⁶Etɔ -li b'ow -n'im gbɛ ij ek'onym uwr ab em, ke aɔɔ a eke kok Nyam ec'erur a ím sel eɔɔ ek'onym uwr ab em.»

Matie e lɛl 26

Es ew esel am ut Jesu ec'ibi a ec'asre

Mark 14.1-2; Luk 22.1-2; Jan 11.45-53

¹Eke Jesu dad ów ɔm eci sodad amua bake ow uwr a, li dad in e jam esel a nine:

²«Uwr any eke ow anɔ seɔɔ yony ke Pak ec'es gbɛɔɔl a ów. Wel b'ow ɔl eɔɔ ec'Iy ij yec'etɔ ke wel ɔb'r ecigbrɔ olikɔ af.»

³Ke eben a, eɔɔ waw esel eɔɔl lele Jwifel em ec'aɔɔ ekpekp ab ab as luku eɔɔ waw es ligbel Kayif e gbugɔ a;

⁴el feɔ -l'okr af -l'egɔ -l'eb eke ew ew em -li k'onɔ Jesu ke -l'ibi ow.

⁵-N'am dad -l'ese: «Ow itm eke si k'onɔ'n es gbɛɔɔl na em; ek'ow el eben, bɔbar owi b'ow ey bieku ab em.»

Yow nyam ok Jesu mijey nuɔ

Mark 14.3-9; Jan 12.1-8

⁶Jesu im Betani baɔɔn, Simɔ a eke lɛɔɔ anym em kokobe ok a ec'akɔ.

⁷Eke Jesu anɔ ob ij lɔfu lís a, yow nyam ow titm'n. N'onym an gbɛl e mijey kɔk nyam eke wel kok lebn em ab; lebn na, wel b'esɔ'n albatr. L'ewl mijey a feɔ l'ok Jesu nuɔ.

⁸Eke jam esel a b'ekn eben a, ow e low ebl el erm etɔ -n'am dad -l'ese: «Kɔ bogɔ ec'ob ɔɔɔɔ el na ee?

⁹Kɔ ow itm eke mijey ikɔ na, wel k'ɔl ij an tuɔtuɔ oc ow ec'os a ɔɔ ɔɔɔɔ ee?»

¹⁰Jesu iri low na eke -n'am dad a, etɔ li dad wel nine: «Kɔ bla etɔ am ijar yow na gbɛ ee? Low na eke li kok em e lís a el low mamn.

¹¹Tasi em a, ɔɔɔɔ ec'a, -n'anɔ ony ab seɔɔ a feɔ; kɔ em, mi k'ow m'anm ony ab seɔɔ a feɔ.

¹²L'ok'm mijey na sos yec'etɔ ke ow bébm im sos uwɔmu em eci.

¹³Low nawre m'am dad ɔny: wus na nimum af ec'usu kaka feŋ eke wel b'ow ɔb Amani Mamn a eci kokoba a, wel b'ow ɔkn yow na e low, ke wel dád low a eke li kok a yeji.»

Judas am bæbm eke b'ow ɔ Jesu ij

Mark 14.10-11; Luk 22.3-6

¹⁴Jam esel lew yony ab em ec'egŋ nyam eke wel b'esŋ Judas Iskariot, im eŋn egb waw esel egbel a

¹⁵etŋ dad el nine: «Kɔ eke m'ony Jesu m'ɔŋ ɔny, ke bla b'ow ɔŋn'm ee?» Agŋ a awl os likŋ lele lew ab ɔŋ'n.

¹⁶Wanci ab af ce, Judas am ɔl akunda senyn yec'em eke k'ony Jesu ɔŋ el.

Pak ec'ob ij a eci sos bæbm

Mark 14.12-21; Luk 22.7-14, 21-23; Jan 13.21-30

¹⁷Futufutu ek'eju ánm em ec'es gbegbl e legŋ krêkrê a, jam esel a ow am ibrm Jesu ese: «Kɔ bogŋ am erur eke si k'im si bæbm Pak eci ob ij a eci sos ee?»

¹⁸Jesu dad el nine: «Ímn eb ab em, ey ec'egŋ a ogŋ ke dádr ir esre: “Low yegm agŋ es nine in eci wanci a in bæbmn ab; ŋ ogŋ a anake in eci jam esel ab ab, el b'ow el kok Pak a.” »

¹⁹Jam esel a kok yec'a eke Jesu dad el a, etŋ -li bæbm Pak ec'ob ij a eci sos.

²⁰Eke legŋ ew es a, Jesu lele in e jam esel lew yony ab ab sig es ob ij lofu lís.

²¹Eke -n'am ij ob a, Jesu dad nine: «Low nawre m'am dad ɔny: ɔny em ec'egŋ nyam b'ow ɔl ij'm.»

²²Jam esel a sos ɔw es afŋn es, etŋ egŋ egŋ am ibrm'n ese: «Egŋ gbél, kɔ ow ɔtu eke k'el em ee?»

²³Jesu dad el nine: «Egŋ a eke em ab us abu lofu nyam em a, in anake li b'ow l'ɔl l'ij'm a.

²⁴Egŋ ec'Iy b'ow uw ese elel eke Nyam Lél ewar in e lís ab af; gbeko gbre él egŋ a ek'am ɔl ij'r a eci! Egŋ ikŋ na, blel wel ewm'n bobo yeji!»

²⁵Judas a ek'am ɔl ij'r a am ibrm'n ese: «Low yegm agŋ es, kɔ ow ɔtu eke k'el em ee?» Jesu dad'r nine: «D obi dad.»

Ob ij lala

Mark 14.22-26; Luk 22.15-20; 1 Korént 11.23-25

²⁶Eke -n'am ij ob a, Jesu oc futufutu, l'elu Nyam bia, l'ubr em n'ɔŋ in e jam esel a, etŋ li dad nine: «Èbr ke íjr, na el em e sos megl.»

²⁷Emeny l'oc mij kpok eke mar anŋ em; eke l'elu Nyam bia a, n'ɔŋ in e jam esel a, etŋ li dad nine: «Ègŋn ɔny feŋ,

²⁸anŋke na el em e mebl, Nyam e sinm a e mebl ek'am ow ok es agŋ nono e sikpl oc ap eci.

²⁹M'am dad ɔny ek'igɔ yefenyina a, mi k'ow m'egɔm mar na sakp ejeci toɔ ke ow it legɔ a eke ɔny ab, em Ɛs e gbrenɔbi usu a, m'ow m'egɔ mar owr a.»

³⁰Sica -l'egɔ es gbegbl a ec'ej ba ow b'uwr, etɔ -n'im Olivie lafeny af.

Pier b'ow egbr Jesu

Mark 14.27-31; Luk 22.31-34; Jan 13.36-38

³¹Sica Jesu dad in e jam esel a nine: «Ncok na ce, low a eke b'ow eɔn'm a b'ow ok ɔny ec'ɔmn a wus. Tasi em a, Nyam Lel ab em wel non: M'ow m'ibi maceb ɔsu es a, etɔ maceb a feɔ b'ow ɔmu es.»

³²Gbekɔ em eci uwɔmu em anɔ igb em a, m'ow m'ikɔ anym m'im Galile m'eku ɔny.»

³³Pier dad nine: «Eke agɔ a feɔ igɔ elu'ɔ es yeji, em gbɛ legɔ kaka mi k'ow m'igɔm m'elum'ɔ es.»

³⁴Jesu dad'r nine: «Low nawre m'am dad'ɔ: ncok na ce, gbuɔ ke ɔɔs ikɔ a, b'ow egbr'm sakp nyahan dad eke uwm im any.»

³⁵Pier dad'r nine: «Eke ow it ɔ ab eci luw bobɔ yeji, mi k'ow mi dadm m'esme m'uwm'ɔ any.» Etɔ jam esel ejec'a yeji dad eben.

Jesu am ɔɔɔ Nyam Jɛsemane

Mark 14.32-42; Luk 22.39-46

³⁶Etɔ sica Jesu lele in e jam esel ab ab ow ok usu nyam eke wel b'esɔ Jɛsemane, etɔ n'am dad wel l'esɛ: «Eke m'aam yogɔ a mi ɔɔɔ Nyam a, ɔkr es aɔa.»

³⁷L'oc Pier lele Sebede ec'ey yony ab ab l'igɔ sos af n'im. Sos ɔb nuɔ am ɔw'r es, etɔ ermij yeji am ok'r afɔn es.

³⁸Li dad wel nine: «Sos es ɔw ek'el luw eci afɔn em ec'abɔ ab es; ɔkr es aɔa ke ɔsur em ab.»

³⁹L'eri n'im kpekpe tel, l'ok ɔwrɔkp wus l'ubu any es etɔ n'am ɔɔɔ Nyam li dad sodad amua: «Em Ɛs, ek'ow it tasi, ke ɔny gbɛ eci mij kpɔk na kpab'm es lis. Ke feɔ em a, ow k'el yec'a eke m'am erur a, kɔ yec'a eke ɔ am erur a.»

⁴⁰Jesu ewl ow jam esel nyahan a ogɔ a, etɔ n'eɔan wel eke wel am eru memn. Li dad Pier nine: «Kɔ wanci nyam bobɔ yeji, ɔtumn ɔsumn em ab ee?»

⁴¹Ànɔn any owr ɔsur ke ɔɔɔn, yec'etɔ ke k'eymn ebm ekn owi em. ɔny ec'abɔ a gbɛ inym es low feɔ e kok eci, kɔ ɔny e sos meɔl a gbɛ ijm lec.»

⁴²N'im akpoj sakp yony em etɔ n'am ɔɔɔ Nyam li dad sodad amua: «Em Ɛs, eke mij kpɔk na k'ow ocm im es lis eke mi k'egɔm ow e mij a, ke kɔk ɔ ec'erur a!»

⁴³Eke emeny l'ewl meny l'ow in e jam esel a ogɔ a, n'eɔan wel memn eru em; memn am bobm el anyamn.

⁴⁴Emeny Jesu elu el es im akpoj etɔ am ɔɔɔ Nyam sakp nyahan em. N'am ebr sodad nyam coco ab em.

⁴⁵Emeny l'ewl l'ow jam esel a ogh a etj n'am dad wel l'ese: «Añ! Am erur memn a ce ebr sel ee? Kin, wanci a eke wel b'ow ol egj ec'Iy ij sikpl esel ec'abu em a ow ñ.

⁴⁶Ìgbr s'ímn! Kin, egj a eke am ol ij'm a ow titm ñ!»

Jesu ec'ony

Mark 14.43-50; Luk 22.47-53; Jan 18.3-12

⁴⁷Jesu odad anj nenym k'uwrn etj kpekñ Judas, jam esel lew yony ab em ec'egj nyam a, ilm any. Agj nono a ek'ow in ab a onym ekñ ekpr lele mab ler em ab. Egb waw esel egbel lele Jwifel ec'agj ekpek ab ab anake erm el a.

⁴⁸Judas eke b'ow ol Jesu ij a, ikñ anym yegm dedeku a in ec'akunda yec'em eke -li k'onyn ow a. Li dad nine: «Egñ a eke m'ow mi joj neny a, in ana; onyn in.»

⁴⁹Etj kpekñ Judas ow titm Jesu etj dad'r nine: «Low yegm agj es, m'am esññ'ñ!» Etj li joj ow neny.

⁵⁰Jesu dad'r nine: «Em lawl, low yec'a ek'ow eke ki kok a, kòk fafa.» Kpekñ agj a ok'r af ony'n.

⁵¹Agj a ek'anj Jesu ab a e nyam odu in e lab ler em a eb. L'iy egb waw es ligbel a ec'abu elum es a etj l'ubr ow loru es.

⁵²Jesu dad'r nine: «Òc ñ e lab ler em a ew ow eci usu a, anke agj a eke b'oc lab ler em a, -li b'ow -l'uw lab ler em em.

⁵³Ko uwm any eke m'otu eke mi k'ibrm em Es abu elum, ke kpekñ l'is'm afr erm esel áru eb lew yony ee?

⁵⁴Ke low na eke kok ab em, ayaf Nyam Lel a otu eke k'iy neny ee? Nyam Lel a dad eke ów a k'ecr eben.»

⁵⁵Etj Jesu am dad dedeku a ese: «Ko em eci ony a ibrm eke k'otr ekñ ekpr lele mab ler em ab owr ese low ññ kok es em el af ee? Səgñ a fəñ mi bi sig es Nyamel gbəl a e gbugñ mi yegm agj low etj onymn'm.

⁵⁶Ko ów amua ey yec'etj ke kokoba ob esel ec'odad a ek'anj Nyam Lel em a íy neny.» Etj jam esel a fəñ igñ elu'l es uru es im.

Jesu im Sanedrən ec'agj a ec'any af

Mark 14.53-65; Luk 22.54-55, 63-71; Jan 18.13-14, 19-24

⁵⁷Agj a ek'onj Jesu a, -l'oc -n'im ow egb waw es ligbel Kayif ec'any af, yogj a eke ol e low any uw esel lele agj ekpek ab ab as luku a.

⁵⁸Pier anj akpoj em am us Jesu jam tonj l'ok egb waw es ligbel a e gbugñ a. L'ey gbugñ a li sig es usu osu esel ab ab yec'etj ke l'ėkn elel eke low a b'ow ecr a.

⁵⁹Egb waw esel egbel a lele Sanedrən a ec'agj ejec'a fəñ ab am ol danju ij nyam, eke k'obr Jesu low, ek'ow el yadñ em yeji, yec'etj ke -l'ibi ow,

⁶⁰ko -n'eynmn low kaka. Ke agj nono ow cior'r yadñ em ce. Sica ow ec'uwr em a, agj yony ow

⁶¹Etɛŋ am dad ɛsɛ: «Ɛgɛŋ na dad nɛny ij ɛm ninɛ: “M’ɔtu eke mi k’ɔny Nyamel gbɛl a mi ŋuŋn, ke sɛgɛŋ nyahan m’úsr ɛm.” »

⁶²Egb waw ɛs ligbɛl a igb ɛtɛŋ dad Jesu ninɛ: «Kɔ wɛl ám dad sodad amua ok’ɛŋ af, ke k’óbm kpu ee?»

⁶³Kɔ Jesu yewal tiŋ. Ɛtɛŋ egb waw ɛs ligbɛl a dad’r ninɛ: «Nyam ek’anɛŋ owr e nin ɛm, m’am ibrm’ɛŋ, dàd ɛy ofn ɛm tasi ek’ow el ɛŋ el Mesi, Nyam ec’Iy a.»

⁶⁴Jesu dad’r ninɛ: «D obi dad. Ɛmɛny m’am dad ɔny: jam aŋa b’ow ɛkan ɛgɛŋ ec’Iy eke sig ɛs Nyam Abusu Ɛs eci lidr abu af, ke b’ow aŋa afr eci jru ɛm ám ow.»

⁶⁵Odad na sosiɛm egb waw ɛs ligbɛl a ɔny in eci simob sus ɛm a gbagbrm ɛm, ɛtɛŋ dad ninɛ: «L’ɔbr Nyam any! Ɛy s’ibram adanɔku ij! Ɔny yeji caca irir eke li dad low ɔbr any owi Nyam e lís a.

⁶⁶Kɔ ɔny e tutr el bogɛŋ ec’ee?» -Li dad ninɛ: «Ow ɛy’r af, l’it eke wɛl k’ibi’r gɔŋ.»

⁶⁷Ɛtɛŋ sica -n’am afl ow sar any -l’ɔr ow kukuta ɛm; beb gbɛ am dɛdɛŋ’n any af,

⁶⁸Etɛŋ am dad ɛsɛ: «D ek’el Mesi a, èlu ɛs ɛkn ɔkm ke dàd ɛy ɛgɛŋ a ek’iy’r’ɛŋ ob a!»

Pier ɛgbr Jesu

Mark 14.66-72; Luk 22.56-62; Jan 18.15-18, 25-27

⁶⁹Pier sig ɛs gbugɛŋ yogɛŋ. Ob oc ɔŋ lisɛl ab ɛm e nyam ow titm’n ɛtɛŋ dad’r ninɛ: «D yeji, aŋɛŋ Jesu Galile iyli na ab!»

⁷⁰Kɔ l’ɛgbr ow dedeku a fɛŋ ec’any af ninɛ: «Low yec’a ek’am ɔl eke ki dad a, mi k’uwm any.»

⁷¹L’igb n’aamn gbugɛŋ a e lisany a eci, ɛtɛŋ ob oc ɔŋ lis ɛjeci nyam ɛkn’n ɛtɛŋ am dad ok agɛŋ a ek’anɛŋ yogɛŋ a ɛsɛ: «Ɛgɛŋ na yeji, n’anɛŋ Nasaret iyli Jesu ab.»

⁷²Ɛtɛŋ ɛmɛny Pier ɛgbr’r dad ofn ɛm ninɛ: «Ɛgɛŋ ikɛŋ na, m’uwm’n any.»

⁷³Ow b’innɛŋ ebr tel a, agɛŋ a ek’anɛŋ yogɛŋ a ow titm Pier ɛtɛŋ am dad’r ɛsɛ: «Tasi, ɛŋ, ɛl ɛm ec’ɛgɛŋ nyam. D ec’odad a am ot’ɛŋ suw ɛs af yeɛgm yogɛŋ ek’anɛŋ ow a.»

⁷⁴Pier ɔdu eb dad ninɛ: «Ek’ow el yadɛŋ m’am ɔny, ke Nyam kók’m low ŋuŋ! M’am ofn mi dad ek’ɛgɛŋ na m’uwm’n any!» Odad na aŋɛŋ’n nɛnym n’am dad, ɛtɛŋ kpeɛŋ ŋgɔs ikɛŋ.

⁷⁵Ow ɔŋ Pier ɔkn odad a eke Jesu dad’r a: «Gbuŋ ke ŋgɔs íkɛŋ a, b’ow dad sakp nyahan eke uwm’m any.» Ɛtɛŋ Pier ɛy ɔkm im gbɛŋ am ikɛŋ low dudu eci ɔŋn.

Matie e lɛl 27

Wɛl oc Jesu im Pilat ec’any af

Mark 15.1; Luk 23.1-2; Jan 18.28-32

¹Eke lɛgɛŋ eny a, ibribr fafa, egb waw ɛsɛl ɛgbɛl a fɛŋ lele Jwifɛl ec’agɛŋ ekpekp ab ab okr af ɛgɛŋ eb eke k’ibi Jesu.

²-N'ɔŋ wɛl ɔny awŋ'n, -l'oc -n'im -n'ɔŋ ow Pilat, Rom iy ek'el Jude ec'es ɛw ɛs.

Judas e luw owi

Ob Kok 1.18-19

³Judas a eke ɔl Jesu ij a, iri eke wɛl ɔb Jesu low. Ow e low ɛy'r sos ɛm, ɛtŋ l'ɛwlm os likŋ lele lɛw ab ab a mɛny n'im n'ɔŋ egb waw ɛsɛl egbɛl a lele agŋ ekpekp ab ab.

⁴Li dad wɛl ninɛ: «M'ɛy lɔbr, m'ɔl ɛgŋ ek'ɛknm low a m'ij luw eci!» Kɔ -li dad ow ninɛ: «Na ŋ e low ana, ɛy e low kaka anm ɛm!»

⁵ɛtŋ Judas, ɔkm ɛy ɛm a, oc os a im ɔwl Nyamel gbɛl ab ɛm. ɛtŋ n'im l'oc meb l'ɛdŋn ɛmn.

⁶Egb waw ɛsɛl egbɛl a ot os a ɛtŋ dad ninɛ: «ɛy ec'ol a ɛdŋn eke wɛl k'oc os ikŋ na wuwlm Nyamel gbɛl a ec'os ab ab, aŋke ow el mebl ec'os.»

⁷Eke sica nɛny okr ɛl af a, -l'oc os a -l'ɔl mijel kok ɛs a ec'ɔgm eke -li ki kok etu agŋ ec'es oc usu.

⁸Na sosiɛm anake wɛl ɛsŋ ɔgm a “mebl ec'ɔgm” toŋ k'ow it yɛfɛnyina a.

⁹Ow ɔŋ kokoba ɔb ɛs Jeremi eci sodad amua eke dad a iy nɛny: -L'ot os likŋ lele lɛw ab a, (an eke Israel ɛyŋ ɛw ana,)

¹⁰-l'ɔl mijel kok ɛs a ec'ɔgm a, ɛsɛ elɛl eke ɛs Kɔtɔkɔ dadr'm ab af.

Pilat am ibrm Jesu low

Mark 15.2-5; Luk 23.3-5; Jan 18.33-38

¹¹Jesu anŋ ɛs ɛw ɛs Pilat ec'any af ɛtŋ ow am ibrm'n ɛsɛ: «Kɔ ŋ Jwifɛl ec'ɛb ebu ab ana ee?» Jesu dad'r ninɛ: «Ŋ obi dad.»

¹²ɛtŋ ɛmɛny eke egb waw ɛsɛl egbɛl lele agŋ ekpekp ab ab am cior'r a, li dadm odad kaka.

¹³ɛtŋ Pilat dad'r ninɛ: «Kɔ ów amua eke -n'am dad -l'ok'ŋ af a, am iri ee?»

¹⁴Kɔ Jesu ɔbm kpɔ low kaka af toŋ ɛs ɛw ɛs a low iti any afŋn ɛs.

Wɛl ɔb Jesu low luw eci

Mark 15.6-15; Luk 23.13-25; Jan 18.39-19.6

¹⁵Sakp sakp fɛŋ eke Pak ec'es gbɛgbɛl e lɛgŋ b'ow a, ɛs ɛw ɛs a b'ɛlu sobel ɛm ɛs nyam ɛs, in a eke dedeku a b'erur a.

¹⁶Ke lɛgŋ ab ɛm, ɛb any ɔbr ɛs ligbɛl nyam eke wɛl b'ɛsŋ Barabas anŋ sobel ɛm.

¹⁷Pilat am ibrm dedeku a ek'as luku a ɛsɛ: «Kɔ bwo ec'ɛgŋ am erurir eke mi k'ɛlu ɛs m'ɔŋ ɔny ee? Barabas kɔ Jesu a eke wɛl b'ɛsŋ Krist ab ee?»

¹⁸Tasi ɛm a, l'uw any sɛnyn sɛnyn eke nyamn ɛyr ɛm wɛl oc Jesu is'r.

¹⁹Eke Pilat sig ɛs jɛj ok usu a, in e yow a ɔŋ wɛl is'r amani na: «K'ɛy ɛgŋ na eke ɛknm low kaka a e low na ɛm, aŋke tasi ɛm a, ncok na, mɛmn ɛm m'ij gbɛrɛ nɔnɔ in sosiɛm.»

²⁰Kpɛkɛŋ egb waw ɛsɛl ɛgbɛl a lele agɲ ekpɛkp ab ab am itr dedeku a eke k'ibrm Barabas ec'es elu lele Jesu ec'ibi ab e low.

²¹Es ɛw ɛs a ɛmɛny ɔdu odad eb ɛtɲ am ibrm ɛl ɛsɛ: «Agɲ yony a, bogɲ eci am erurir eke mi k'elu es m'ɔŋ ɔny ee?» -Li dad ow ninɛ: «Barabas!»

²²Pilat ibrm ɛl ninɛ: «Ke sica Jesu a eke wɛl b'ɛsɲ Krist a ec'a, ayaf mi ki kokr'r ab ee?» ɛl fɛŋ -l'okr lebl af -li dad ninɛ: «Ɛw'r olikɲ af!»

²³Pilat ibrm ɛl ninɛ: «Kɔ bla low ɔbr iy li kok ee?» Kɔ -n'am ɔg lebl tuɔtuɔ ɛm -l'ɛsɛ: «Ɛw'r olikɲ af cɛ!»

²⁴Eke sica Pilat ɛkn ek'ow akplm ij, ke ɛmɛny itarir a lele sɔg ab ab am bobn a, l'oc mij li yɔg sabu dedeku a ec'any af ɛtɲ li dad ninɛ: «Na ɔny e low ana! M'anm ɛgɲ na e luw owi ɛm!»

²⁵Dedeku a fɛŋ ɔdu eb dad ninɛ: «Ke in e luw a e ligbow áŋɲ ɛy lele ɛy ec'alaw ab ab e nuɲ af!»

²⁶Pilat elu Barabas es ɛtɲ n'ɔŋ wɛl ɔr Jesu say ɛm gbuɲ ɛtɲ l'elu abusu es eke wɛl k'oc im ɛw ow olikɲ af.

Srɔda ɛyɲ a am kokr Jesu miyɛr

Mark 15.16-20; Jan 19.2-3

²⁷Pilat eci srɔda ɛyɲ a ɔny Jesu elu lakp lokm a ek'el Pilat e gbugɲ a, ɛtɲ ɛl a fɛŋ -l'iwr -li did -l'ɛlul ow ɛm.

²⁸Wɛl ɔny in e mob a ot'r es sos ɛtɲ wɛl sus'r mob af ɛw ebl.

²⁹-Li kok mirɲ ɛm tufɛ, -l'oc -l'us ow ɛtɲ -l'elu ow anany in e lidr abu ab ɛm. -L'ok ɔwrɔkp wus ow ec'any af ɛtɲ -n'am kokr ow miyɛr -li dad -l'ɛsɛ: «S'am ɛsɲn'ɲ o, Jwifɛl ec'eb ebu!»

³⁰-N'am fafl ow sar any ɛtɲ -l'oc anany a -n'am nɛnɲn ow nuɲ.

³¹Eke -li kokar ow miyɛr senyn senyn bake ow uwr a, -n'ɔny mob af ɛw a -l'oc ow es, -l'ɛwl -li sus ow ow e mob a ɛtɲ -l'oc -n'im ow eke -li k'ɛw ow olikɲ af.

Wɛl ɛw Jesu olikɲ af

Mark 15.21-32; Luk 22.26-43; Jan 19.17-27

³²Eke -n'anɲn baɲn a -n'am ok ɔkm a, -l'ɔbr Siren iy nyam eke wɛl b'ɛsɲ Simɔ; srɔda ɛyɲ a ɔny'n lɛc ɛm eke li k'abu Jesu ec'olikɲ a.

³³-N'im -l'ok usu nyam eke wɛl b'ɛsɲ Golgota ek'el nyandre ɛm “Nuɲ kpɔk ec'usu.”

³⁴Yogɲ, -n'ɔŋ Jesu mar eke wɛl wuwlm ob lolo ab eke k'ɛgɲ; eke li tat anm a, l'erurm eke li k'ɛgɲ.

³⁵-L'ɛw ow olikɲ af ɛtɲ -li cɛc ow eci mob sus ɛm a sɔsum oc kok ɛm.

³⁶Ɛtɲ -l'ok es yogɲ -n'am ɔsu ow.

³⁷In e nuɲ af a, -ni non lel ek'am yegm low a sosiem eke wel ob'r low a. Ow eke wel non a el: "Egɲ na Jesu, Jwifel ec'eb ebu."

³⁸In e saw saw a, wel ok elu yony oliɲ af; nyam anɲ'n lidr abu af etɲ nyam anɲ'n nemn abu af.

³⁹Agɲ ek'am ec a am egɲn nuɲ em wewr'r,

⁴⁰etɲ am dad'r ese: «ɔ ek'am erur eke k'ufɲ Nyamel gbɛl ab es ke sɛgɲ nyahan kpɛɲ ús ejec'a, eke el Nyam ec'Iy tasi, èbr ɲ sosi, àɲɲ oliɲ af yogɲ us es!»

⁴¹Etɲ egb waw esɛl egbɛl a, ol e low yegm esɛl a lele agɲ ekpɛkp ab ab yeɲi am kokr'r miyer dad ese:

⁴²«L'eb agɲ ejeci l'elu es, etɲ l'otum eke li k'eb'r in sosi! Kɔ Israel ec'eb ebu tasi ee? Sica n'ánɲ oliɲ af yogɲ l'us es, ke s'úb'r nawrɛ.

⁴³L'oc in ec'omn a l'elu Nyam em li dad nine: "M'el Nyam ec'Iy." Eɛ! Eke Nyam ony in ec'erur tasi, ke l'éb l'elu ow es gɔɲ!»

⁴⁴Etɲ ów eɲɲ kok esɛl eke wel ew oliɲ af in ab a yeɲi am wewr'r dad eben.

Jesu eci luw a

Mark 15.33-41; Luk 23.44-49; Jan 19.28-30

⁴⁵Sica lægɲ uyu nuɲ em a, ncebn ey wus a nimum af toɲ ok ncebles eci wanci nyahan em.

⁴⁶Ek'ow am titm ncebles eci wanci nyahan a, Jesu barm lebl tuɔtuɔ em nine: «Eli, Eli, lema sabaktani?» (ek'el nyandre em: "Em e Nyam, em e Nyam, kɔ bla etɲ digɲ elu'm es ee?")

⁴⁷Agɲ nyam nyam ek'anɲ yogɲ a iri odad na etɲ dad nine: «N'am esɲ Eli!»

⁴⁸Kpɛkɲ el em ec'egɲ nyam uru es im oc mbra usm el eci mar ab em etɲ oc ucur anany ɔkɲ Jesu eke k'egɲ.

⁴⁹Gbɛkɔ agɲ ejec'a am dad ese: «Èku ye, si b'ow s'ekn eke Eli b'ow eb elu'l es!»

⁵⁰Emeny Jesu barm lebl ligbɛl nyam etɲ ok sel es.

⁵¹Kpɛkɲ, Nyamel ab em eci gbad gbɛl gbada a eke wel ew edɲn usu lala ab any a, igɲ afr em a etɲ agbr em araɲn didi toɲ ok esr em a. Wus umu, mób gbagbrm em,

⁵²⁻⁵³suwomu fify. Eke Jesu igb luw em a, omn esɛl nonɔ a ek'uw a igb luw em; -n'anɲ suwomu ab em -l'ok ɔkm. -L'ok Jerusalem, eb lala ab em; yogɲ agɲ nonɔ ekn el.

⁵⁴Eke srɔda eyɲ a eci anym es a lele srɔda eyɲ ab ab ek'am ɔsu Jesu a ekn wus umu a lele ów a ek'am ey ow ab ab a, erɲn ony el afɲn es. -N'am dad -l'ese: «Njɛ, tasi egɲ na Nyam ec'Iy!»

⁵⁵ɔyow nonɔ ek'us Jesu jam Galile etɲ eke ki kok in e lís e low a anɲ yogɲ am ekn low a akpoj em.

⁵⁶El em a, Mari, Magdala baɲn yɔwi a, Mari Jak lele Josef ab e lis a, lele Sebede ec'ey a ec'el lis ab yeji anɲ.

Jesu ec'es oc owi

Mark 15.42-47; Luk 23.50-56; Jan 19.38-42

⁵⁷⁻⁵⁸Eke lɛɲ ew es a, Arimate baɲn eci gbrenɲbi nyam, eke wɛl b'ɛsɲ Josef, ke in yeji el Jesu eci jam us ɛs a im ɛɲn Pilat ɛtɲ ibrm ek'ow k'oc Jesu eci sos megl a ɔɲ'n; ɛtɲ Pilat ɔɲ abusu.

⁵⁹Josef oc sos megl a wiwrm gbad ufu owr ab

⁶⁰ɛtɲ l'oc n'im l'oc ow es in obi eci uwɔmu lob owr eke n'ɔɲ wɛl ur ab ɛm. Li wuwɛ lob nyam l'abl uwɔmu a ec'em ɛy usu ab es ɛtɲ n'im.

⁶¹Mari Magdala yɔwi a lele Mari yec'ab ab anɲ yogɲ, -l'ok es -l'ɔbr uwɔmu ab any.

Uwɔmu a ec'ɔsu

⁶²Nɛnɛɲ e sos bɛbm e lɛɲ ɛc; sica lɛɲ bɛny a, egb waw ɛsɛl ɛgbɛl a lele Farisiel ab ab okr af im Pilat ogɲ a

⁶³ɛtɲ dad'r nine: «ɛɲ gbɛl, low nyam ow ɛy nuɲ ɛm: yadɲu na, in ec'owr anɲ ɛm a, li dad eke, ek'in uw ba ow'n bi kok sɛɲ nyahan a, in b'ow in igb luw ɛm.

⁶⁴ɛɲ ɔɲ abusu ke wɛl ɔsu uwɔmu a toɲ ow kok sɛɲ nyahan, yec'ɛtɲ ke in e jam ɛsɛl a k'iyɛm sos megl a bake -li dadmn dedeku a eke l'igb luw ɛm. Sica eci, yadɲ ikɲ na b'ow agb akm krekre ec'a.»

⁶⁵Pilat dad ɛl nine: «ɔnyɛn usu ɔsu ɛsɛl. Ìmn ke ɔɲn ɛl -l'ɔsu uwɔmu a ɛsɛ elel eke am erurir ab af.»

⁶⁶-N'im -n'am bɛbm uwɔmu a ec'elel eke wɛl k'ɔsur a. -L'ɔkr lob a ek'anɲ uwɔmu nɛny a wɛl kɔkr saw saw ab es sɛnyɛn sɛnyɛn ɛtɲ -l'ok usu ɔsu ɛsɛl.

Matie e lɛl 28

Jesu eci luw ɛm anɲ igb a

Mark 16.1-10; Luk 24.1-12; Jan 20.1-10

¹Nɛnɛɲ e lɛɲ a b'ɛc eci dimas lɛɲ ɛny ow ɛm a, Mari Magdala yɔwi a lele Mari yec'ab ab ow am ɛkn uwɔmu a.

²Kpru ɛm, wus umu lɛc ɛm, ɛtɲ ɛs Kɔtɔkɔ ec'afr ɛrm ɛs nyam anɲ afr us es, ow wuwɛ lob a oc es ɛtɲ sig es af.

³L'ɛw ɛsɛ afr eke b'ɛɲn af, ɛtɲ in eci mob sus ɛm a ufu ɛsɛ nyamok af.

⁴Usu ɔsu ɛsɛl a ɛrɲn ɔny afɲn es, am ufɲ bɔbar, ɛtɲ ɛw ɛsɛ agɲ ek'uw cɛ af.

⁵Afr ɛrm ɛs a dad ɔyɔw a nine: «ɛrɲn k'ɔny ɔny. M'uw any ek'am ɔɔl Jesu a eke wɛl ɛw olikɲ af a;

⁶n'anm aɲa. L'igb agɲ ek'uw ab ɛm ɛsɛ elel eke l'ikɲ anyɛm li dad ab af. Òwr ɛkan usu a eke l'ɛru es a.

⁷Sica ìmn fafa dadr in e jam esel a esre: “L’igb agn ek’uw ab em n’aam l’eku ony Galile. Yogn anake b’ow ekan in a.” »

⁸Erñn lele sos em inñ ligbel em ab, -l’ogñ es -n’ngboñ uwomu a ec’usu a, etñ -l’uru es -n’aam -l’ewl Jesu e jam esel a amani.

⁹Kpekñ Jesu obr el etñ am dad el ese: «M’am esñn ony!» -N’im -li titm ow, -n’ony ow akr es etñ -n’am ign ow nuñ.

¹⁰Jesu dad el nine: «Erñn k’ony ony. Ìmn dadr em lisijimel a im Galile: yogn anake -li b’ow -l’ekn’m a.»

Usu osu esel a ec’ow e dad

¹¹Eke oyow a anñ ejagb af yogn aam a, sroda eyn ab em e beb ek’am osu usu a ewl ow bañn a, etñ awl ow a feñ ek’ey a ok egb waw esel egbel a.

¹²Egb waw esel egbel a lele agn ekpek ab ab ony luku as. Sica eke neny okr el af a, -n’ony sroda eyn a os nono,

¹³etñ -li dad wel nine: «Dadr esre: “S’am eru memn ncok em, etñ kpekñ egn a, in e jam esel a ow iy in e sos megl a.”

¹⁴Etñ eke Pilat iri yeji, si b’ow s’eyr’r erm es; s’uw elel eke si k’ewr neny ke k’ehnmn es abur kaka ab any.»

¹⁵Usu osu esel a eb os a etñ kok ese elel eke wel dadr el ab af. Eben eke amani a eb es Jwifel em toñ it yefenyana ana.

Jesu yegm in e jam esel a sos

Mark 16.14-18; Luk 24.36-49; Jan 20.19-23; Ob Kok 1.6-8

¹⁶Jam esel lew nyam a ec’a, -n’im Galile eci lafeny a eke Jesu yegm el ab af.

¹⁷Yogn, eke -l’ekan ow a, -l’ok owrokp wus -l’ign ow nuñ, gbekw el em ec’agn beb gbe am bebar.

¹⁸Jesu eri ow etñ dad el nine: «Afr lele wus ab ec’abusu a feñ, Nyam ony’m.

¹⁹Sica ìmn wus na eci ebr ebr a ec’agn a ogn, ke kókr el -l’el em e jam us esel; òkr el mij nuñ Es, Jim, lele Abñ Lala e nin em ab;

²⁰yègm el -l’osu ow a feñ eke mi dad ony a. Sica ìrir: segn a feñ m’ow m’anñ ony ab toñ wus na e nuñ edñ.»

Mark e ləl

Mark e ləl 1

Jan mij ok nuŋ ɛs e Nyam odad eke dad

Matie 3.1-12; Luk 3.1-18; Jan 1.19-28

- ¹Aŋa anake Jesu Krist [Nyam Jim] ec'Amani Mamn a ɔb nuŋ a,
²ɛsɛ elɛl eke Nyam eci kokoba ɔb ɛs Esayi nɔn ab af: Ɛm Nyam, m'ow m'ɔŋ ɛm ec'erm ɛs ikŋ anym kok ŋ ec'ejagb a.
³Ɛgŋ nyam anŋ loj am ɛlu lebl dad ɛsɛ: «Kòkr Ɛs Kɔtɔkɔ ec'ejagb a, kòkr in e sebr a inym nyim nyim!»
⁴Kin elɛl eke Jan mij ok nuŋ ɛs ɛy ɔkm loj, ke am ɛlu lebl dad: «Ìtŋnin ɛrm ɛm, òkr mij nuŋ, ke Nyam b'ow oc ɔny e sikpl a ap ɔny.»
⁵Jude wus a nimum ec'agŋ a fɛŋ lele Jerusalem ec'ab ab am ow Jan ogŋ. -N'am ɛgŋ ɛl e sikpl a -l'eb agŋ a fɛŋ ec'any af, ɛtŋ Jan am ok ɛl mij nuŋ Jurɔn ɛrŋ.
⁶Jan sus mob eke wɛl kok gbɔŋkɔ kedebnam e suw ɛm, ɛtŋ l'ɛgŋ ndey ləl ɛm e meb er ɛm. In ec'ob eke li b'ij a el tɛtɛ gbɔŋgbɔn lele mow mun ab.
⁷N'am dad agŋ a fɛŋ l'ɛsɛ: «Ɛgŋ a ek'anŋ'm jam b'ow a, ɔny abusu nɔnɔ akm im, m'itm yeji eke mi k'is es bake m'ɔny in e cɔkrɔkpɔ meb a mi mɔmu es.
⁸Ɛm ec'a, m'am ok ɔny mij nuŋ mij ɛm, kɔ in li b'ow l'ok ɔny mij nuŋ Abŋ Lala ɛm.»

Jesu e mij ok nuŋ lele ɛbm ɛkn owi ab

Matie 3.13-4.11; Luk 3.21-22; 4.1-13

- ⁹Lɛgŋ ab ɛm, Jesu anŋ Nasaret Galile wus af ow, ɛtŋ Jan ok'r mij nuŋ Jurɔn ɛrŋ.
¹⁰Eke n'anŋ mij ab ɛm n'am ɛy ɔkm a, l'ɛkn afr agbr ɛm ɛtŋ Abŋ us'r es nuŋ af ɛsɛ kel af.
¹¹Ɛtŋ lebl nyam anŋ afr ikŋ am dad ɛsɛ: «D el ɛm ec'Iy eke m'erur tasi; m'oc ɛm eci sos ɛm iŋn fɛŋ m'ɛlu'ŋ ɛm.»
¹²Kpɛkŋ eke ow b'uwɛr a, Abŋ Lala oc im'n loj.
¹³N'anŋ yogŋ l'ij sɛgŋ ekŋ yony eke Satan ɛju'r. L'ir yogŋ akp ɛm e mindey ab, ɛtŋ afr ɛrm ɛsɛl ow am kok in e lís e low.

Jesu e jam ɛsɛl krɛkrɛ ek'ɛsŋ

Matie 4.12-22; Luk 4.14-15; 5.1-11

- ¹⁴Lɛgŋ ab ɛm eke wɛl ɛlu Jan mij ok nuŋ ɛs sobel ɛm a, Jesu im Galile wus af ɛtŋ n'am ɔb Nyam ec'Amani Mamn a eci kokoba li dad l'ɛsɛ:
¹⁵«Lɛgŋ a eke Nyam ɛwar a ow ŋ, aŋke Nyam ec'es ɛw a ow titm. Ìtŋnin ɛrm ɛm ke ɛbr Amani Mamn a.»
¹⁶Eke Jesu am ɛcr Galile eci mij lekpl a e saw saw a, l'ɛkn ɔcn ibi ɛsɛl agŋ yony, Simo lele lisijim Andre ab ek'am ok muw mij lekpl ab ɛm.

17 Jesu dad el nine: «Ùsr'm jam, m'ow mi kok ɔny éel agɲ eb esel.»

18 Kpekɲ -li digɲ el e muw a -l'ok es, etɲ -l'us ow jam.

19 Jesu b'imn anym eci tɛl a, l'ɛkn Sebede jimɛl a, Jak lele lisijim Jan ab. -N'anɲ el eci mijetɲ ab em -n'am kok el eci muw a.

20 Kpekɲ Jesu esɲ el; -li digɲ el es Sebede lele el e juma kok esel ab ab -l'elu es letɲ ab em, etɲ -l'us ow jam.

Jesu ewlm abɲ ɲɲ es a

Luk 4.31-37

21 Jesu lel in e jam esel ab ab im Kapɛrnayum ec'eb ab em. Nenɛɲɲ e lɛɲɲ a, Jesu ey Nyam nuɲ igɲ usu a etɲ am yɛgm agɲ low.

22 Agɲ a ek'am iri in e low yɛgm a, low am iti any in ec'elel eke n'am yɛgmn agɲ low a sosisem, aɲke n'anm esɛ el ec'ol e low yɛgm esel ab af, kɔ n'am yɛgm wɛl low abusu ɔny em.

23 Ke Nyam nuɲ igɲ usu yogɲ egɲ nyam ek'abɲ ɲɲ anɲ em a, am ɔg dad esɛ:

24 «Oy! Nasaret e Jesu, bla am erur eke ki kok ey ee? Kɔ ek'ow eke ki ɲɲɲ ey ee? Em, m'uw egɲ ek'el'ɲ ab any: Nyam ec'erm es lala.»

25 Jesu dad abɲ ɲɲ a odad lebl tuɔtuɔ em nine: «Yèwal, ke éy ɔkm egɲ na em!»

26 Abɲ ɲɲ a mumu egɲ a lɛc em, etɲ am ɔg ey ɔkm in em.

27 Agɲ a fɛɲ low iti any afɲ es toɲ batɲ -n'am bibrmnin el ɔfr -l'esɛ: «Kɔ na bla lowi ana ee? Bogɲ ec'abusu ɔny em e low yɛgm owr ana ee? Egɲ ikɲ na ew abɲ eɲɲ yɛj'es, etɲ -li b'elum ow!»

28 Etɲ kpekɲ agɲ am dad Jesu e lís e low Galile wus nimum af.

Jesu ewlm ɔlu ɲɲɔ

Matie 8.14-17; Luk 4.38-41

29 Eke -n'anɲɲ Nyam nuɲ igɲ usu a -l'okr ɔkm a, Jesu, Jak lele Jan ab im Simɔ lele lisijim Andre ab ogɲ a.

30 Simɔ ey lis eke sos am etu es a, eru es. Etɲ kpekɲ wɛl dad in ec'ɔl owi ok Jesu.

31 Jesu im eɲɲ yɔw a, l'ucu abu n'ɔny l'igbm ow, etɲ kpekɲ in ec'ɔl a oc'r es lís. Etɲ yɔw a am kok el e lís e low.

32 Ncebles em a, eke ligbn im eru es a, agɲ ot el ec'ɔlu a fɛɲ is Jesu; abɲ eɲɲ esel yeji anɲ em.

33 Eb ab em ec'agɲ a fɛɲ as luku Simɔ eci lisany a.

34 Jesu ewlm ɔlu a lel el ec'ɔl eɲɲ eɲɲ a fɛɲ ab. N'am ogɲ abɲ eɲɲ a, etɲ l'élum wɛl abusu es eke wɛl ki dad odad, aɲke -l'uw egɲ a ek'el Jesu ab any.

Jesu am ɲgboɲ Kapɛrnayum

Luk 4.42-44

³⁵Λεγη ενy ow em a, eke usu k'otm es a, Jesu igb ey gbenj etj im usu saw em. Yogj, n'am ηοjn Nyam.

³⁶Simο lele lawlel a ek'anj in ab ab ok okm im in ec'ol em.

³⁷Eke n'εjan ow a, -li dad ow nine: «Aγη a fej am ol'η.»

³⁸Jesu dad el nine: «S'ηgbojn aja, s'imn ban saw saw a, anke yogj yeji ow it eke mi ki dad el Amani Mamn a ec'odad. Na sosiem eci m'ow wus na af.»

³⁹Etj Jesu am ec Galile wus ab af nimum. N'am ob Amani Mamn a e kokoba Nyam nuj igj usu a fej, etj n'am ogj abj enuj yeji.

Jesu ewlm kokobe es nyam

Matie 8.1-4; Luk 5.12-16

⁴⁰Λεγη nyam kokobe es nyam ow am kok sorj ibrm Jesu abu elum; l'ok owrokp wus Jesu ec'any af, etj n'am dad l'ese: «Eke η erur, otu eke k'ayal'm.»

⁴¹In e low ony Jesu sorj; l'εgm abu es l'itjn ow etj li dad nine: «M'erur, ayl!»

⁴²Kpekj kokobe a oc'r es lis, etj l'ayl.

⁴³Jesu elu olu a eke l'ewlm a abusu es eke k'im, etj l'ewar ow lebl tuotuo em nine:

⁴⁴«Iri senyn senyn, ki dad low na k'ok εgj kaka! Gbeko im yegm egb waw es a sos, ke waw egb ese elel eke Mois ec'ol a ibrm ab af, ke ow ij danju.»

⁴⁵Olu a im, etj usu a fej n'am dad low a eke εjn'n a ec'odad. Na sosiem Jesu otum ilam sos any eb em, ko li b'anj usu saw em ke agj am anj susu a fej ow in ogj.

Mark e lel 2

Jesu ewlm sos es wew es nyam

Matie 9.1-8; Luk 5.17-26

¹Eke segj beb ec a, Jesu ewl ow Kapernayum, etj dedeku a iri eke l'ec akj.

²Etj kpekj agj nono ow as luku gbugj a eb usu a fej; usu kaka anm, lisany a bobo yeji usu anm. N'am dad wel Nyam ec'odad,

³etj agj yar abu sos es wew es nyam am is Jesu.

⁴Gbeko eke -li k'otumn -l'okmn yogj a eke Jesu sig es agj a sosiem a, -li fig usu nyam el luw af a, etj -l'oc olu a ek'anj in eci faja em a -l'usm es Jesu ec'any af.

⁵Eke Jesu b'ekn agj a ec'omn a, li dad sos es wew es a nine: «Em jim, m'oc η e sikpl a m'ap'η.»

⁶Ol eci low any uw esel beb sig es yogj, etj am tutr el ec'erm em dad ese:

⁷«Ko bla etj εgj na am dad odad nene ee? N'am obr Nyam any! Bwo ec'εgj otu eke k'oc sikpl ap ek'ow elm Nyam sony coco ee?»

⁸Eke Jesu uw el e sow tutr ab any a, li dad wɛl ninɛ: «Kɔ bla ɛtɛ am tutar ɔw amua na ɔny ec'erm em ee?

⁹Kɔ bogɛ ec'anake ɛw fuefue eke wɛl ki dad sos es wɛw ɛs ab ee? “M'oc ɛ e sikpl a m'ap'ɛ”, oglog ke wɛl dád'r ɛsɛ: “Ìgb oc ɛ eci faja a ke án es ee”?

¹⁰Gbɛkɔ m'erur eke k'uwr low na any: wus na af, ɛɛɛ ec'Iy ɔny abusu eke k'oc sikpl ap.» ɛtɛ sica li dad sos es wɛw ɛs a ninɛ:

¹¹«M'am dad'ɛ, ìgb oc ɛ eci faja a eb ejagb ím gbugɛ!»

¹²Kpɛkɛɛ ɛɛɛ a ìgb agɛ a fɛɛ ec'any af, l'oc in eci faja a, ɛtɛ l'ey ɔkm n'am an es n'im. Ow e low a iti dedeku ab any, ɛtɛ -n'am kɔklm Nyam -li dad -l'ɛsɛ: «Lɛɛɛ kaka s'eknm low akpasu na.»

Jesu ɛsɛ Levi eke k'us'r jam

Matie 9.9-13; Luk 5.27-32

¹³ɛmeny Jesu ɛwl im Galile eci mij neny a. Agɛ nɔnɔ am ow in ogɛ, ɛtɛ n'am yɛgm wɛl low.

¹⁴In ec'ec em a, l'ɛkn Alfe jim Levi, eke sig es wus labm eb usu. Jesu dad'r ninɛ: «Ùs'm jam!» Levi ìgb ɛtɛ us'r jam.

¹⁵Ow e jam a, Jesu im Levi ec'akɛ a, ɛtɛ am ij ob. Wus labm eb ɛsɛl nɔnɔ lele sikpl ɛsɛl ab am ij ob Jesu lele in eci jam ɛsɛl ab ab, anke agɛ amua e nɔnɔ anake am us'r jam a.

¹⁶ɛtɛ ol e low yɛgm ɛsɛl ek'el Farisiel ec'ogog ec'agɛ a, ɛkn eke Jesu am ij ob agɛ amua fɛɛ ab; ɛtɛ -li dad in eci jam ɛsɛl a ninɛ: «Kɔ bla ɛtɛ n'am ij ob wus labm eb ɛsɛl amua lele sikpl ɛsɛl amua ab ee?»

¹⁷Jesu iri odad a eke -n'am dad a, ɛtɛ dad el ninɛ: «Agɛ a ek'anɛ sos tuɔtuɔ em a, íbram sos kok ɛs, kɔ ɔlu anake b'íbrm sos kok ɛs a. M'owm eke mi k'ɛsɛ agɛ eke b'ubr el sosi nenyembri nyam ɛsɛl a, kɔ m'ow eke mi k'ɛsɛ “sikpl ɛsɛl”.»

Ob owr lele ob sig ab ókrm af

Matie 9.14-17; Luk 5.33-39

¹⁸Lɛɛɛ nyam, Jan mij ok nuɛ ɛs eci jam ɛsɛl a lele Farisiel ab am ɛnɛ neny. Agɛ ow am íbrm Jesu ɛsɛ: «Kɔ bla sosiem ɛtɛ Jan mij ok nuɛ ɛs eci jam ɛsɛl a lele Farisiel ec'ab ab b'ɛnɛ neny ɛtɛ ɛ e jam ɛsɛl a ɛnɛm neny ee?»

¹⁹Jesu dad el ninɛ: «Kɔ am tutar ek'agɛ lawlel eke wɛl ɛsɛ mebi eci es gbɛgbl em a ɔtu eke k'ɛnɛ neny eke yow ɛc a anɛ el ab ee? Njan! Sɛɛɛ a fɛɛ eke yow ɛc a b'ow anɛ el ab a, -li b'ow -l'ij ɛtɛ -li b'ow -l'ɛɛɛ.

²⁰Gbɛkɔ lɛɛɛ am ow eke wɛl b'ow ɔny yow ɛc a oc es el ec'araɛn, ke sica -n'ɛnɛ neny gɔɛ.»

²¹ɛtɛ Jesu ub el nyandre ninɛ: «ɛɛɛ ɔcm gbad owr lele gbad sig ab ɔbarm gigɛm. Eke kok ɛben, ke gbad owr a b'ow ɔny gbad sig a agbr em; ɛtɛ gbad a ec'em agbr a b'ow agb nɔnɔ.

²²Etj emeny egj ócm mar owr okm marel sig em. Eke kok eben a, mar owr a b'ow innj tonj ba ke óny marel sig a ób es. Etj wel b'ow irmn mar a lele marel ab ab. Tasi em a, mar owr, marel owr em wel k'ok.»

Ɛgɔ ec'ly el nenegɔ ec'es ew es

Matie 12.1-8; Luk 6.1-5

²³Nenegɔ e legɔ nyam, Jesu lel in eci jam esel ab ab am ecr segb ógm eci. El ec'ejagb us em a, jam esel a am bubm egbey a.

²⁴Farisiel ow etj am ibrm Jesu ese: «Ìs any ekn, kó bla sosiem etj nj e jam esel a am kok low ek'ey ec'ol a óom abusu eke wel ki kok nenegɔ e legɔ ee?»

²⁵Jesu ódu eb dad el nine: «Awlmn low eke eb ebu David in obi in obi lele in ec'agnj ab ab kok legɔ nyam eke namn am óny el ab ee?»

²⁶L'ey Nyamel em, etj in eci agɔ ab ab -l'ij egb waw eci futufutu a. Low na ey egb waw es ligbel Abiatar e legɔ ab em. Ey ec'ol a ónj abusu eke egb waw esel sóny coco k'ij egb waw e futufutu na.»

²⁷Jesu ignj af dad nine: «Nyam kok nenegɔ egɔ e nimamn sosiem kó ow elm nenegɔ sosiem Nyam kokm egɔ.

²⁸Na sosiem anake egɔ ec'Iy el nenegɔ yeji ec'es ew es a.»

Mark e lel 3

Jesu ewlm egɔ ek'abu wew es nenegɔ e legɔ

Matie 12.9-14; Luk 6.6-11

¹Emeny Jesu ewl ow Nyam nuɔ ignj usu a. Yognj, l'ekn egɔ nyam ek'abu wew es.

²Agɔ a feɔ ek'anɔ Nyam nuɔ ignj usu a ok'r anyamn af am ler gbiy ekn, eke li b'ow l'ewlm egɔ na nenegɔ e legɔ na, anke -n'am ól low nyam eke -li k'ebr ow af -l'ok ow ów af.

³Jesu esɔ egɔ a ek'abu wew es a, etj li dad ow nine: «Ìgb ow aɔa inym es agɔ a feɔ ec'any af!»

⁴Etj n'am ibrm agɔ a ek'anɔ yognj a l'ese: «Nenegɔ e legɔ a bla lowi ey ec'ol a ónj abusu eke wel ki kok ee? Low nimamn kó low njɔ ee? Wel ótu eke ki sóg egɔ oglog wel egb'r es luw ee?» Kó -l'óbm kpu.

⁵Etj Jesu am ler el erm bebl em; sos yeji ów'r es anke -n'onym sórnj ikɔ kaka. Li dad ólu a nine: «Ègɔm abu es!» L'egɔm abu es etj l'ewl.

⁶Kpeknj Farisiel a ok ókm Nyam nuɔ ignj usu a, etj Eród Antipas ec'ogog ec'agnj ab ab -n'im -n'am as luku, -l'ól elel eke -li k'ónym Jesu bake -l'ibi ow.

Agɔ nɔnɔ am ow Jesu ogɔ

Matie 4.25; 12.15-16; Luk 6.17-19

⁷Jesu lel in e jam esel ab ab ocr sos es im Galile e mij saw a, etj agɔ nɔnɔ am us'r jam. Agɔ am anɔ Galile, Jude,

⁸Jerusalem, Idume, Jurden ogog eci wus ab af, Tir lele Sidon eci banj saw saw a ow. Bieku na am ow eke k'ekn Jesu anjke -l'iri ow a fej ek'ow am kok a.

⁹Jesu dad in e jam esel a nine: «Òcr mijetj nyam owr ewr es aja, yec'etj ke dedeku a k'atram im sel.»

¹⁰Eke Jesu ewlm agj nono a sosiem, agj a fej ek'onj ol erj erj a, am itarir eke k'erj usu itjn in abu.

¹¹Ek'agj ek'abj enj anj em a b'ekn Jesu a, -li b'ok wus ow ec'any af -n'am babarm -l'esε: «D Nyam ec'ly.»

¹²Ko Jesu am ijl el neny kponkponj dad esε: «K'ulmn'm es!»

Jesu sɔsum erm esel lew yony ot

Matie 10.1-4; Luk 6.12-16

¹³Ca Jesu uyu lafeny af, l'esj agj eke l'erur a etj wel ow in ogj.

¹⁴El em a li sɔsum agj lew yony l'ot [etj n'onj wel nin erm esel]. Li sɔsum l'ot wel eke wel k'anj in ab ke n'am erm wel -n'im -l'ob gbrenjbi usu a e kokoba.

¹⁵N'onj wel abusu eke wel k'ogj abj enj yeji.

¹⁶Kin erm esel lew yony a ec'en: Simo (Jesu igj'n nin af Pier),

¹⁷Jak lele lisijim Jan ab, el Sebede ec'ey (Jesu onj el nin Bwanerges ek'el nyandre em: “agj ek'el e low kok b'ot nyambrany es”),

¹⁸Andre, Filip, Bartelemi, Matie, Toma, Jak Alfe jim, Tade, Simo low dogjn es,

¹⁹lele Judas Iskariot ek'ol Jesu ij ab ab.

Wel am cicr Jesu eke n'onj agn ec'abj

Matie 12.22-32; Luk 11.14-23; 12.10

²⁰Emeny Jesu ewl meny ow akj a. Agj nono ewl meny ow as luku yogj tonj Jesu lel in e jam esel ab ab enm abusu eke k'ij ob yeji.

²¹Jesu ec'akj ec'agj am ow eke k'oc'r ab im anjke -n'am iri eke Jesu in ki kokm egj em owi.

²²Etj ol e low yegm esel ek'anj Jerusalem ow a am dad esε: «Belsebul, abj enj ec'es ew a, anj Jesu em! Ow anake ow b'onj'n abusu ke li b'otu l'ogj abj enj a.»

²³Jesu esj el etj n'am dad wel sodad nyandre em l'esε: «Ayaf Satan otu eke k'ogjn in sosi ar ee?»

²⁴Eke batj es ew nyam ec'agj b'ogj ar el ofr em, es ew a k'otum anm ij.

²⁵Eben nenyembri nyam bosu nyam ec'agj ek'ubr em el ofr a, k'otum anm ij.

²⁶Eke batj Satan b'ogjn in sosi ar, oglog Satan neny okrm af in obi ab ij a, ke in eci abusu a k'otum ibnm ij; in eci es ew a uwr η̂.

²⁷Etɛ ɛmɛny, eke wɛl erur eke k'im ɛy lɛc ɛs nyam ec'akɛ iy'r mil a, ow it ke wɛl ikɛ anym ɔny awɛn'ɛn gbuɛ ke wɛl ɔtu ɛy in ec'akɛ a ot in eci mob a fɛɛ.»

²⁸Etɛ Jesu igɛ af dad ninɛ: «M'am dad ɔny nawrɛ ɛm tasi, agɛ ɔtu eke k'ɛɛn sikpl fɛɛ lele sodad ɛɛɛɛ fɛɛ eke -li b'ow -li dad -l'ok Nyam af ab ab ec'oc ap.»

²⁹Gbɛkɔ ek'ɛɛɛ nyam dad low ɛɛɛ ok Abɛ Lala af a, li k'ow n'ɛɛnm ow ec'oc ap lɛɛɛ kaka, aɛke low ɛɛɛ a b'ow aɛɛn'ɛn af sɛɛɛ fɛɛ.»

³⁰Jesu dad odad na ok ol e low yɛgm ɛsɛl ab af, aɛke -li dad ek'abɛ ɛɛɛ in aɛɛ ow ɛm sosiɛm.

Jesu lis lele lisijimɛl ab

Matie 12.46-50; Luk 8.19-21

³¹Etɛ Jesu lis lele lisijim jam ɛsɛl ab ab ow. -N'inym ɛs gbɛɛ a ɛɛɛ -n'ɔɛ ɛɛɛ ɛy akɛ a eke k'ɛɛɛn'ɛn.

³²Agɛ nɔnɔ ok ɛs iwr ɛlul Jesu ɛm, ɛɛɛ wɛl dad'r eke: «Kin, ɛɛɛ lele ɛɛɛ jimɛl ab ek'ow inym ɛs gbɛɛ a. -N'am erur eke -li k'ɛkn'ɛn.»

³³Etɛ Jesu dad ninɛ: «Kɔ bwo ɛl ɛm lis ɛɛ? Etɛ kɔ bwo ɛl ɛl ɛm lisijimɛl ɛɛ?»

³⁴Etɛ eke l'ɛw nyamn li lɛr agɛ a ek'ok ɛs iwr did ɛlul il ɛm a, li dad ninɛ: «Kin ɛm lis lele ɛm lisijimɛl ab ek'aɛɛ aɛɛa,

³⁵aɛke ɛɛɛ kaka fɛɛ eke bi kok Nyam ec'erur a, ɛl ɛm lisijim, ɛm lisijow, lele ɛm lis ab.»

Mark e lɛl 4

Wus akpasu akpasu yar e nyandre ɛm odad

Matie 13.1-9; Luk 8.4-8

¹Sakp ɛjɛci, Jesu ow Galile eci mij nɛny a, ɛɛɛ n'am yɛgm agɛ low. Agɛ nɔnɔ ow ar did ɛlul il ɛm. Na sosiɛm l'ɛy mijɛɛɛ nyam ek'aɛɛɛ mij af ab ɛm ɛɛɛ li sig ɛs. Bieku a nimum ok ɛs mij nɛny a.

²Jesu am ot nyandre ɛm ec'ow nɔnɔ yɛgmɛn ɛl low. In eci low yɛgm ab ɛm, n'am dad l'ɛsɛ:

³«Iɛɛɛn lɔru ɛs irir! Lɛɛɛ nyam, ɛgb ɛwl ɛs nyam im ɔgm am ɛwl ɛgb.

⁴Eke n'am ufɛɛ ɛgb ɛy ab ɛs a, bɛb ok ɛbr af ɛɛɛ ɔr ow sus ij.

⁵Bɛb ok mebn wus af, usu eke sɛc ɛnym. Kpɛkɛɛ -l'ɛli sɛc a ek'ɛnym a sosiɛm.

⁶Kɔ eke ligbn ow afr a, l'ɛbal ɛgb a eke ɛli ok ɔkm a ɛɛɛ li wɛwr ow ɛs aɛke min ɔnym ɛl wus tasi.

⁷Bɛb ɛjɛci ok usu eke mirɛ aɛɛ. Mirɛ a ɛli ɔny awɛɛ ɛl ɛs. Na sosiɛm -l'ɔsum ɛy kaka.

⁸Gbɛkɔ ɛgb ɛy a e bɛb ok wus mamn af. -L'ɛli -l'ok ɔkm, -l'agb ɛɛɛ -l'ɔsu ɛy. Bɛb ɔsu likɛ lele lɛw ab, bɛb ec'a ɛkɛ nyahan ɛɛɛ ow e bɛb a ɔsu ɛkɛ yɛn.»

⁹Etj Jesu igñ af dad nine: «Ek'onyñ òru eke k'irir, ke írir senyn senyn!»

Low sosiem eke Jesu b'oc nyandre odad yegmn agñ low

Matie 13.10-17; Luk 8.9-10

¹⁰Eke Jesu anm bieku ab ab ij a, in e jam esel lew yony a lel agñ a eke b'anñ in ab a, am ibrm'n low sodad nyandre ab af.

¹¹Jesu dad el nine: «Oñy eñan Nyam eci gbrenghi usu a ec'ów a eke lol es a ec'any uw. Kò el ec'a, nyandre em ce m'am dad el,

¹²yec'etj ke -li bi ler ke -li k'ekmñ; -li b'iri ke ow k'okm el es sos em, anke blel ow am ok el es sos em, blel -l'ewl meny -l'ow Nyam ogñ, ke blel ow áp el low.»

Wus akpasu yar a ec'akr otar

Matie 13.18-23; Luk 8.11-15

¹³Etj Jesu dad agñ a ek'anñ yogñ a nine: «Oñy otumn irimñ egb ewl es a ec'odad a e nyandre? Ayaf b'ow otur irir sodad nyandre em a feñ ee?

¹⁴Egb ewl es a ewl Nyam odad.

¹⁵Ebr ab af a eke egb a ok a, el agñ eke b'iri odad a. Kpekñ Satan ow ony odad eke wel ewl el ec'erm em a oc es.

¹⁶Mebn wus a eke egb a ok a, el agñ eke b'iri odad a ke kpekñ eb'r sos em inñ em.

¹⁷Gbekò, -li yebmn odad a okm min el em, -li b'ew erm af tel ce. Eke sica sos es ow owi oglog gbre ij owi b'ow Nyam odad a sosiem a, -li b'egbr òmn a fafa.

¹⁸Wus a eke mirñ nòno anñ af ke egb a ok af a, el agñ eke b'iri odad a.

¹⁹Gbekò wus aña ec'erm mij ebr, ob ony e meju lele wus ec'ów aw ejeci nòno iy el erm em gbñ, etj ony odad a awñ es el em, ke otum osum ey kaka.

²⁰Wus mamn a el agñ eke b'iri odad a ke eb'r. Ow osu ey el em. Bèb osu likñ lele lew ab, likpr osu ekñ nyahan etj beb a osu ekñ yen!»

Kenié e nyandre em odad

Luk 8.16-18

²¹Jesu ibrm el nine: «Kò kenié eke wel b'ign a, ob ew eke wel k'ubur es oglog kofa ew eke wel k'oc ew sosiem wel b'ign ee? Njan! Tasi em a, ob gege af wel b'itmn es.

²²Eben low feñ eke lol es a b'ow ey òkm, etj yec'ek'anñ ncebn em a b'ow ilm any usuayl em.

²³Ke egn ek'ony òru eke k'iri a, íri gñ!»

²⁴Etj emeny Jesu dad el nine: «Èwr low feñ eke b'ow irir a erm senyn senyn! Anke akunda yec'em eke b'ow ocr ebmnin ob òñn egn ejec'a, ow em ce Nyam yeji b'ow ebmn òñ ony, etj li b'ow li kok l'akm ony ec'a.

²⁵Tasi em a, egn ek'iri odad a ke ucu ony es a, Nyam b'ow obn'n; kò egn ek'irim kaka a, tel a eke l'iri a yeji, wel b'ow ony oc'r es erm af.»

Egb ey eke el obi eli ok okm e nyandre em odad

- ²⁶Emeny Jesu dad nine: «Nyam e gbrenḡbi usu a otarir es odad na ab: iḡḡ nyam ewl egb ey in ec'ogm a.
- ²⁷Sica n'im etḡ n'am ir eb, l'eru es l'igb, ncok lele leḡḡ ovr ab ese seḡḡ feḡ ec'ab af. Gbəkɔ egb ey a eli ok okm etḡ am agb ek'egḡ a in obi uwm ow e low kaka any.
- ²⁸Kɔ wus in obi li bi kok etḡ egb ey a b'eli ok okm, agb toḡ usu sel em.
- ²⁹Etḡ ek'egb ey a usu a, kpəkḡ egḡ a ow el ec'ub em, aḡke ow it eke sica wəl k'ub el ḡɔḡ.»

Likḡ e liy ec'odad nyandre em

Matie 13.31-32, 34; Luk 13.18-19

- ³⁰Emeny Jesu dad nine: «Bla lowi wəl otu eke k'oc bebmn Nyam e gbrenḡbi usu ab ab ee? Etḡ bogḡ ec'odad wəl otu eke k'oc dadr ow e low ee?
- ³¹Nyam e gbrenḡbi usu a anḡ ese likḡ e liy nyam eke wəl ewl af. Gbuḡ eke wəl k'ewl'l a, l'el egb ey a feḡ em eci likekli tasi.
- ³²Sica eke li b'eli l'ey okm a, li b'agb l'akm wəl feḡ. Li b'ok ál, li faf es toḡ bake ór ám ow sus mel in ec'ál a eci low ew a.»
- ³³Sodad nyandre amua em anake Jesu b'oc am dadr el Nyam ec'odad a, yec'a ce eke -l'otur eke -li k'oc -l'ew es erm em a.
- ³⁴Sakp sakp feḡ Jesu b'oc sodad nyandre em am dadr el ów. Gbəkɔ eke li b'anḡ in e jam esel ab ab a, li b'otar ów a feḡ akr l'ok wəl.

Jesu adar lidgbegb

Matie 8.23-27; Luk 8.22-25

- ³⁵Leḡḡ a ce eci ncebles a, Jesu dad in e jam esel a nine: «S'úbar mij jam a.»
- ³⁶Etḡ eke -l'elul bieku ab es a, jam esel a ok letḡ a eke Jesu anḡ em ab em, etḡ -n'im. Metḡ ejeci yeji anḡ el saw.
- ³⁷El ec'ubr em a, kpəkḡ lidgbegb okr el es etḡ mra am elul el, toḡ mij am bubm ok el letḡ em.
- ³⁸Jesu gbɛ ekpn ob, eru es letḡ neny a am eru memn. Jam esel a am uwr'r dad'r ese: «Low yegm agḡ es, kɔ ey e luw na eke s'am ow s'uw a, ow am kokm'ḡ low kaka ee?»
- ³⁹Jesu ufḡm es etḡ dad lidgbegb a lele mij ab ab nine: «Ìrmn es! Àdar!» Etḡ lidgbegb a ec'elu a ubr es etḡ usu a feḡ irm es tiḡ.
- ⁴⁰Sica Jesu am dad in e jam esel a ese: «Kɔ bla etḡ erḡn am ony ony ee? Kɔ ony k'onymn omn ce ee?»
- ⁴¹Jam esel a erḡn ligbəl am ony etḡ am dad el ofr em ese: «Kɔ bwo el egḡ ikḡ na eke lidgbegb lele mij ab b'onny in ec'elum ab ee?»

Mark e ləl 5

Jesu ewlm abñ ñuñ es nyam

Matie 8.28-34; Luk 8.26-39

- 1 Jesu lel in eci jam esel ab ab im ok Galile eci mij jam a, Geraseni eyñ eci wus ab af.
- 2 Eke n'any mijetñ ab em l'us es a, kpekñ egñ nyam any egñ es oc usu a ey òkm ow am òbr'r. Egñ a, abñ ñuñ any'n em.
- 3 Suwomu ec'arañ anake li b'any a. Egñ kaka ótum ucurm'n es, ñgbraka em bóbó yeji,
- 4 anke sakp nònó wél b'awñ'n akr lele sabu ab ñgbraka em, kò li b'ony feñ li bubr es. Egñ kaka onym léc eke k'otu ony'n yeji.
- 5 Segñ feñ, ncok lele legñ owr ab, li b'any suwomu ek'any mafeny em a ec'arañ; n'am babarm ke n'am ot mebn li kokr in sosi mob.
- 6 L'ekñ Jesu akpoj em, l'uru es l'ow, l'ok òwròkp wus ow ec'any af, etñ n'am elu lebl tuòtuò li dad l'ese:
- 7 «Jesu, Nyam ek'any afr kpekpe ec'Iy, kò bla lowi any ey arañ ee? Nyam e nin em m'am ñòññ'ñ, kì kok'm low ñuñ!»
- 8 Abñ ñuñ a ew lebl am dad eben anke Jesu ikñ anym dad'r niné: «Abñ ñuñ, èy òkm egñ na em!»
- 9 Ca Jesu am ibrm'n esé: «Kò ayaf wél b'esññ'ñ ee?» Li dad niné: «Wél b'esñ'm “Bubute”, anke s'eny nònó.»
- 10 Etñ n'am at lebl es ni ñòññ Jesu l'ese: «K'ògñ abñ eñuñ amua k'ñgbon wus ikpr ab af.»
- 11 Yogn, gbroko nònó any ek'am ij ob lafeny a saw.
- 12 Abñ eñuñ a am ñòññ Jesu dad esé: «Ògñ ey s'im sigbroko amua ogn a yec'etñ ke s'ók el em!»
- 13 Jesu òñ el ow ec'abusu. Abñ eñuñ a ok òkm egñ ab em, etñ im ok sigbroko ab em. Gbroko a feñ ek'any yogñ a òtu eke k'ij fandi yony. El a feñ -n'any lafeny ab af -l'uru es -l'ok mij lekpl ab em, etñ -n'emn.
- 14 Es uru em, sigbroko òsu esel a ewl im am òb amani eb ab em lele sikpukpu em ab. Etñ agñ am ow ekñ low yec'a ek'ey a.
- 15 -L'ow -n'eyñ Jesu, etñ -l'ekñ egñ a eke legñ sig em abñ eñuñ any em a eke sig es. Sica li sus mob; nuñ em ayal. Etñ agñ a erññ am ony.
- 16 Agñ a ek'ekñ ów a feñ ek'eyñ egñ a ek'onny abñ eñuñ a, lele low yec'a ek'eyñ sigbroko ab ab a, am awl ow ec'ów ok el.
- 17 Etñ agñ a feñ ek'ow a okr af am ñòññ Jesu eke li k'ñgbon el eci wus ab af.
- 18 Eke Jesu am ey mijetñ ab em a, egñ a ek'onny abñ eñuñ bake ewl a am dad'r esé: «Ek'ow akpl'ñ sos em, ke m'am erur eke mi k'any ñ ab!»

¹⁹Jesu egnm, gbekɔ li dad ow nine: «Èwl im η ec'agn a ogn a, ke áwl ów a fɛn eke Es Kotokɔ kok ɔn'η a, lele sɔnɔn ikn e n'ɔny η ec'ab ab a ok el.»

²⁰Ɛgn a im, etn l'ɔb nun Eb Lew ab em, n'am dad ów a fɛn eke Jesu kok ɔn'n a l'ok agn. Etn agn a fɛn low iti any.

Jesu ewlm yɔw nyam etn igbm Jayirus jɔw a luw em

Matie 9.18-26; Luk 8.40-56

²¹Eke Jesu anη mij jam a owr mijetn em ec'a, agn nɔnɔ gbɛl ow iwr did elul il em mij neny yogɔ.

²²Ɛgn nyam eke wel b'ɛsn Jayirus, Nyam nun ign usu a ec'es ew es anη ow etn eke l'ɛkn Jesu a, l'ok ɔwrɔkp wus ow ec'any af.

²³N'am at lebl es ni ηɔnɔn Jesu li dad l'ɛsɛ: «Em jɔwli am uw. Ów ke át'r abu nun, yec'etn ke li k'úwm kɔ ke n'ánɔn owr.»

²⁴Jesu ab -n'im, etn agn nɔnɔ a ek'aam ewl'l a am itarir -l'ul il.

²⁵Bieku na em, yɔw nyam eke b'ub abu ke mebl a ɛdɔm es ton ij akpo lew yony anη.

²⁶L'ij gbɛn nɔnɔ gbɛl sos kok ɛsɛl nɔnɔ ec'abu em. Ni ηunɔn in ec'os fɛn, kɔ l'ewlm, gbekɔ catn anake ɔl a am ɔtu yɛj'a.

²⁷Etɔn eke l'iri Jesu e lís e l'ow a, l'ow l'ey dedeku ab em, l'ec Jesu jam, etn l'itn ow eci mob sus em a abu.

²⁸Ke li dad in ec'erm em nine: «Blɛl mi k'itn in e mob sus em a abu cɛ, ke m'ewl η.»

²⁹Kpɛkn l'ɛkn eke mebl a ek'am ok'r a ɛdɔn es, etn l'ɛkan in sosi em eke l'ewl in ec'ɔl ab em.

³⁰Akr af yogɔ cɛ Jesu uw any eke lɛc nyam ey ɔkm in em. L'ɛdɔn meny bieku ab em etn n'am ibrm wel li dad l'ɛsɛ: «Kɔ bwo ec'ɛgn itn em eci mob sus em a abu ee?»

³¹In e jam ɛsɛl a am dad'r ɛsɛ: «Ám ɛkn agn nɔnɔ na ek'am itarir -l'ul'η a, ke ám ibrm ɛgn ek'itn'η abu ee?»

³²Etɔn Jesu am ew nyamn in e saw saw a, yec'etn ke l'ɛkn ɛgn a eke kok low na a.

³³Yɔw a ɛrɔn am ɔny, n'am ufɔn, anke l'uw low a ek'ɛgn'n ab any. Na sosiem l'ow l'ok ɔwrɔkp wus Jesu ec'any af, etn l'ɛgn low a l'eb.

³⁴Jesu dad'r nine: «Em jɔw, η ec'ɔmn a ewlm'η! Ìm erm es ey em, ke éwl η ec'ɔl ab em gɔn.»

³⁵Jesu odad anη nenym am dad etn agn anη Jayirus ogn a ow. -N'am dad ow -l'ɛsɛ: «Ejɔn uw! K'ijr low yɛgm agn es gbɛn ɔfr ɔfr.»

³⁶Jesu usm el e sodad ebl a jam kɔ li dad Jayirus nine: «K'uru ɛrɔn, kɔ ɔny ɔmn sɔny coco cɛ.»

³⁷N'ɔɔm ɛgɛ kaka abusu eke k'im ɛwl'l ek'ow elm Pier, Jak lele Jan ek'el Jak lisijim ab ɛɛ.

³⁸-N'im -l'ok Jayirus ec'akɛ a; yogɛ, sɔg ɔnym nuɛ. Jesu ɛkn ek'agɛ am ikɛ ɔɛn babarm.

³⁹L'ɛy akɛ a, ɛɛɛ n'am ibrm wɛl l'ɛɛɛ: «Kɔ bla sosiem ɛɛɛ am ikɛɛn ɔɛn ɔgr ee? Dedyɔwli a, l'uwm kɔ mɛmn n'am ɛru.»

⁴⁰ɛɛɛ dedeku a am kokr Jesu miyer. Ow sosiem l'ogɛ agɛ a fɛɛɛ ok ɔkm. Gbɛkɔ l'ɛɛɛɛ iy ɛs a, iy lis a, lel in eci jam ɛsɛl agɛ nyahan ab ab, ɛɛɛ -l'ok akɛ a eke dedyɔwli a anɛ a.

⁴¹N'ɔɛɛ ow abu, ɛɛɛ li dad ow nine: «Talita, kum!» (Ow e nyandre el: “Dedyɔwli, m'am dad'ɛ, igb!”)

⁴²Kpɛkɛɛ dedyɔwli a igb ɛɛɛ n'am an es. Ke dedyɔwli a, n'ɔɛɛ akpo lɛw yony. Agɛ a fɛɛɛ ek'anɛ yogɛ a, low iti any.

⁴³Jesu am dad ɛl lebl tuɔtuɔ ɛm ɛɛɛ: «Kɛɛ dadr k'okr ɛgɛ kaka.» ɛɛɛ ɛmɛny l'ign af li dad nine: «ɔɛɛɛn in ob tɛl l'ij.»

Mark e lɛl 6

Nasaret baɛɛn ɛyɛ ubm Jesu nawrɛ

Matie 13.53-58; Luk 4.16-30

¹Jesu ɛgboɛn yogɛ, ɛɛɛ n'im Nasaret baɛɛn a eke l'agb a. In eci jam ɛsɛl a im ɛwl'l.

²Nɛnɛgɛɛ e lɛgɛ a Jesu am yɛgm agɛ low Nyam nuɛ igɛ usu a. Yogɛ, agɛ nɔnɔ anɛ. Eke -n'am iri Jesu eci low yɛgm a, low am iti ɛl any ɛɛɛ -n'am dad -l'ɛɛɛ: «Kɔ bogɛ low na anɛ ow'r ee? ɛɛɛ bogɛ eci nuɛ ɛm ɔny anake n'ɛɛɛn ab ee? Ayaf li b'ɔtu li kok sakrowa amua yɛj'ee?

³Kɔ ɛgɛ na ow elm ɔgɔg ɛs ɔdu ɛs ab ee? Mari jim ab ee? Jak, Jose, Jud lele Simɔ ab ec'el lisijim ee? ɛɛɛ kɔ lisijowɛl gbɛ irm ɛy ab aɛa ee?» Ów amua fɛɛɛ ɔɔm Nasaret ɛyɛ abusu eke k'ɔny ɔmn Jesu ɛm.

⁴Ow sosiem li dad wɛl nine: «Usu a fɛɛɛ wɛl b'ɔny kokoba ɔb ɛs ec'elum, ek'ow elm in ec'ɛb a, in ec'agɛ ɛm, lel in ec'akɛ ab ɛɛ eke wɛl ɔnym in ec'elum.»

⁵Jesu ɔtum kokm akrowa kaka Nasaret yogɛ, ek'ow elm ɔlu beb eke l'at abu nuɛ ke ewl a.

⁶ɛɛɛ ɛb ɛyɛ a ec'ɔmn ɔnym a e low am at'r sel.

Jesu ɛrm in e jam ɛsɛl lɛw yony a

Matie 10.5-15; Luk 9.1-6

ɛmɛny Jesu am ɛc baɛɛn baɛɛn a ek'anɛ saw saw yogɛ a, ɛɛɛ n'am yɛgm agɛ low.

⁷L'ɛɛɛɛ jam ɛsɛl lɛw yony a, ɛɛɛ l'ɔb nuɛ n'am ɛrm wɛl agɛ yony yony. N'ɔɛɛ wɛl abusu abɛɛ ɛɛɛɛɛ fɛɛɛ eci nuɛ af.

⁸Ɛtɔ n'am ijl wɛl nɛny li dad l'ɛsɛ: «Ɔny ec'ejagb us ɛm a, k'ɔcr ob kaka ek'ow elm kpama cɛ. K'ɔcr futufutu, k'ɔcr ekpr, k'ɔcr os k'ánnɔ ɔny ekpr ɛm.

⁹Ɔkr ɔkrukpo gbɛ, ke ɛwal mob sus ɛm nyam cɛ.

¹⁰Eke batɔ okr akɔ nyam ɛtɔ agɔ a eb ɔny a, ke ánnɔ yogɔ tɔɔ ɔny eci lɛgɔ a eke k'imn a ow.

¹¹Eke batɔ usu nyam ec'agɔ ɛgɔm ebm ɔny, oglog ɛgɔm eke k'iri ɔny e nɛny ɛm ec'odad, ke ɔkr ɔkm yogɔ, cícr ɔny ec'akr sɛc a okr ɛl es, ke ow íj low nɔɔ a eke -li kɔkr a eci danɔku.»

¹²Jam ɛsɛl a im ɛtɔ -n'am ɔb ɛrm ɛm itɔɔ eci kokoba.

¹³-N'am ogɔ abɔ ɛɔɔ nɔnɔ, ɛtɔ -n'am udu ɔlu a mun nɔɔ -l'ewlm wɛl.

Jan mij ok nɔɔ ɛs e luw owi

Matie 14.1-12; Luk 9.7-9

¹⁴Eke Jesu e nin a eb es usu a fɛɔ a, eb ebu Erɔd Antipas yeji iri in e lebl. Wɛl am dad ɛsɛ: «Jan mij ok nɔɔ ɛs igb luw ɛm; na sosiem anake n'am ɔny abusu li kok sakrowa a.»

¹⁵Beb am dad ɛsɛ: «Eli.» Oglog am dad ɛsɛ: «Ɛgɔ na anɔ ɛsɛ kokoba ɔb ɛsɛl esig ab af.»

¹⁶Ek'ów amua na ok Erɔd ɔru ɛm a, li dad nine: «Jan mij ok nɔɔ ɛs a eke m'ɔɔ abusu wɛl ubr nɔɔ ɛs a, anake igb luw ɛm a!»

¹⁷⁻¹⁸Kin elel eke Jan mij ok nɔɔ ɛs e luw owi a ɛcr. Erɔd Antipas oc lisijim Filip e yɔw Erodiad. Jan im dad Erɔd nine: «Ow itm eke k'oc ɛsɔ jim e yɔw.» Ɛtɔ ow sosiem Erɔd ɔɔ abusu wɛl ɔny Jan ok nɔɔbraka ɛlu sobel ɛm.

¹⁹Erodiad ɔny Jan e sifn; n'am erur eke li k'ibi ow kɔ n'ɛɔnm ow ec'abusu,

²⁰anɔke Erɔd b'ɔny Jan eci muru. Tasi ɛm a, li b'oc ow ɛsɛ ɛgɔ lala af, ɛsɛ low nɛny nyam ɛs af, ɛtɔ li b'ew ow ɛrm. Eke batɔ l'iri Jan ec'odad, ke ow ám ew'r sel at sos ɛm. Gbɛkɔ li b'erur eke li k'iri ow ec'odad.

²¹Sica lɛgɔ nyam Erodiad ɛɔn abusu eke k'ibi Jan mij ok nɔɔ ɛs a. Ow el Erɔd e mew ec'es gbɛgbl e lɛgɔ. Erɔd ɛsɔ in eci saw saw e nyimn ɛsɛl a fɛɔ, srɔda ɛyɔ fandi eci anym ɛsɛl a, lele Galile ec'agɔ ɛgbɛl ab ab ob ij ɛm.

²²Yogɔ anake Erodiad jɔw ow ɛy ob ij usu a, ke am ub ɛj a. Erɔd lel agɔ a eke l'ɛsɔ ob ij ɛm ab ab erur dedyɔwli a e low. Ɛtɔ Erɔd am dad dedyɔwli a ɛsɛ: «Kɔ bla ob iy am ibrm eke mi k'ɔɔ ee?»

²³N'am ij nɛny li dad l'ɛsɛ: «Ibrm im ob fɛɔ ek'am erur a, m'ow m'ɔɔ. Ek'ow el ɛm ec'es ew a eci likpr bɔbɔ yeji, m'ow m'ɔɔ.»

²⁴Kpɛkɔ yɔwli a uru es im dad ok lis nine: «Ɛm lis, kɔ bla ob iy mi k'ibrm ee?» Lis dad'r nine: «Ibrm Jan mij ok nɔɔ ɛs e nɔɔ a.»

25Kpekɛɛ dedyɔwli a oɔɔ es im eb ebu a oɔɔ a, etɛɛ li dad ow nine: «Ìs'm sicaca Jan mij ok nuɔ es a eci nuɔ a wayas em!»

26Eb ebu a sos ɔw es amani a eke l'iri a eci, gbekɔ li k'ɔtum l'ɔwrm sar ij, neny a eke l'ij lele agɛ a eke ok es ab ab sosome.

27Kpekɛɛ n'ɔɔ usu ɔsu esel ab em ec'egɛ nyam abusu eke k'im ubr Jan nuɔ es. N'im sobel em yogɛ, etɛɛ l'ubr ow nuɔ es.

28L'oc l'ow n'ɔɔ dedyɔwli a, etɛɛ ow oc im ɔɔ lis.

29Eke Jan eci jam esel a b'iri low na a, -l'ow, etɛɛ -l'oc ow eci sos meɔl a -n'im -l'oc es.

Jesu iyr agɛ ek'afɛ fandi yen es lok

Matie 14.13-21; Luk 9.10-17; Jan 6.1-14

30-31Erm esel a eke Jesu erm a, ewl ow etɛɛ eke -l'okr es Jesu ab a, -n'am ɔb juma a feɔ eke -li kokr a lele low a eke -li yegm agɛ ab ab a ec'amani -l'ok ow. Eke -n'am dad ow odad a, agɛ nɔnɔ am ow etɛɛ am ewl toɔ -n'ɔnym abusu kaka feɔ eke -li k'ij ob; etɛɛ Jesu dad in e jam esel a nine: «Òwr s'imn saw em aɔa, bake ébr sel tel.»

32El sɔny -l'ok mijetɛɛ em -n'aam usu saw em ek'irm es.

33El ec'im em a, agɛ ekɛ el, etɛɛ l'uw any ek'ow el Jesu lele in eci jam esel ab ab anake aam a. Kpekɛɛ agɛ amua aɔɔ baɔn a oɔɔ es ikɛ anym im ok usu a eke -n'aam a.

34Mijetɛɛ a b'itr es eke Jesu b'us es a, l'ekɛ agɛ nɔnɔ ek'ok es esɛ meceb ek'onym ɔsu es af, etɛɛ el owi ɔny'n sɔɔɔ. Ow sosome, n'am yegm wel ów nɔnɔ.

35Eke legɛ ec a, jam esel a ow eɔɔ Jesu etɛɛ am dad'r esɛ: «Legɛ ec, etɛɛ usu na yeɔi ew usu saw em.

36Òk agɛ ab es im sikpukpu a lele baɔn baɔn ek'anɔ saw saw aɔa ab ab em yec'etɛɛ ke -l'ɔl ob ij.»

37Jesu dad el nine: «Ony obi, ɔɔɔ el ob -l'ij!» -Li dad ow nine: «Kɔ futufutu os ekɛ lew si k'im s'ɔl s'ow s'ɔɔ el -l'ij ee?»

38Li dad wel nine: «Ìmn ekan! Kɔ futufutu abi aɔɔ ɔny ee?» -N'im -l'ibrm etɛɛ -l'ewl meny -l'ow -li dad nine: «Futufutu yen lele ɔcn yony ab ce aɔɔ.»

39Li dad jam esel a eke k'ɔɔ agɛ a ok es eku em eku em suw owr ab af.

40-N'ɔɔ agɛ a ok es sery em sery em. Beb ok es ekɛ yen yen, oglog ok es ekɛ yony lele lew lew ab.

41Jesu oc futufutu yen a lele ɔcn yony ab ab, l'igbl any oɔɔ afr, etɛɛ l'elu Nyam bia. Li bubr em n'ɔɔ in e jam esel a eke ki cec ɔɔ agɛ a. Li cec wel ɔcn yony a yeɔi.

42Agɛ a feɔ ij ob a lok iy.

43Jam esel a ot ekpr a eke wal es a as luku etɛɛ ow iy mulu lew yony.

⁴⁴Agñ a feñ ek'ij ob a, egñ fandi yen anñ em.

Jesu am an es mij lekpl ab af

Matie 14.22-33; Jan 6.15-21

⁴⁵Kpekñ eke low na ey oc es a, Jesu òñ in e jam esel a ok mijetñ ab em eke k'ikñ anym im mij lekpl a e jam a, Betsayida eb ogog a, ke n'ánñ in obi l'afl bieku ab es.

⁴⁶Eke l'elu wel es a, l'uyu lafeny ab af eke li ki ñòññ Nyam.

⁴⁷Eke legñ am uk a, jam esel a anñ mijetñ ab em, mij araññ yogñ, etñ Jesu anñ ákpaf a.

⁴⁸Jesu ekn eke jam esel a am ij gbre mij or ab em, anke lef am elu obr el. Eke legñ am eny ow a, Jesu am an es mij ab af im eññ el, n'am ol eke li k'afñ wel es.

⁴⁹-L'ekñ ow ek'ow am an es mij ab af ow; -li tutr ek'ow el òññabñ, etñ -n'am babarm.

⁵⁰El feñ -l'ekñ ow etñ -li kpikprñ es. Kpekñ Jesu dad el ninè: «Èrm úsu òny lokm! Èrññ k'òny òny! Kò em!»

⁵¹L'ey mijetñ ab em li sig wel es em, etñ lef a irm es. Jam esel a low iti any toñ afññ es,

⁵²anke akrowa a ek'ey futufutu a eci cec em a, -l'irim ow okm el es sos em, el ec'erm tuotuo a sosiem.

Jesu ewlm ólu Genesaret wus af

Matie 14.34-36

⁵³Eke Jesu lel in eci jam esel ab ab ubr mij lekpl a e jam a, -n'im -l'ok Genesaret eb em. -L'itr mijetñ ab es, etñ -l'us es.

⁵⁴El ec'es us em a, kpekñ agñ uw Jesu any,

⁵⁵-l'ewl amani a wus ikpr a nimum af etñ agñ ot el ec'ólu ogo af am ow yogñ a eke -l'irir eke Jesu anñ a.

⁵⁶Usu a feñ eke Jesu am ey a, ke ow el baññ gbèl em o, ke ow el baññ likekli em o, ke ow el kpukpu em o, agñ am ot ólu ow ejem araññ. -N'am ñòññ ow eke ow ki yeb wel itññ in e mob sus em a ec'enyembri a ce abu, etñ agñ a feñ ek'am itññ mob sus em a abu a, am ewl.

Mark e lel 7

Èy lagñel ec'eb ir owi

Matie 15.1-9

¹Ca Farisiel lel ol e low yegm esel beb ek'anñ Jerusalem ow ab ab, iwr did elul Jesu em.

²-L'ebmn nyamn eke Jesu e jam esel ab em ec'agñ beb yogm sabu ese elel eke el ec'eb ir a am ibrm ab af, etñ -n'am ij ob.

³Ke tasi em a, Farisiel lele Jwifel beb ab ogñ a, eke yogm abu, k'otum ijm ob; anke -li b'ucu el agñiyel ec'eb ir owi amua -n'ony es.

⁴Na sosiem, eke -n'anŋ an ol usu batŋ -l'ow gbugŋ, -l'ijmn ob eke -l'akprm mij sos. Eŋ emeny -n'ony agŋ em ec'eb ir owi nono yej'eke -li b'osu ese mij kpok, ob ijr kpokpo lele sijowre ab ec'elet eke wel k'etŋn es ab af.

⁵Ow sosiem Farisiel a lel ol e low yegm esel ab ab am ibrm Jesu ese: «Kɔ bla etŋ ey lagŋel ec'eb ir owi a ek'ɔŋ ey a, ŋ e jam esel a élúam ee? -Li b'ot sabu ek'aylm -n'am ijr ob.»

⁶Jesu am dad el ese: «Ony, agŋ enyembri yony yony esel! Nawre tasi, Esayi dad ony e lís e low in e kokoba ob ab em: Nyam dad eke agŋ amua na neny em ɔfr ɔfr -n'am kɔklm im, kɔ el ec'erm a kpab es em e lís.

⁷Nuŋ ɔfr ɔfr agŋ amua am ign'm, anke agŋ em ec'ów anake -li b'oc -n'am yegmn agŋ low a.»

⁸Eŋ emeny Jesu usr af dad nine: «Ony bi waal Nyam ec'ol a ec'ów a elul es, etŋ b'ucur agŋ em ec'a onyn es.»

⁹Eŋ emeny l'ign af nine: «Ony, onyn nyandre nono ek'ow em b'ignŋ Nyam e sol a okr es, ke b'ucur ony ec'agŋ em ec'a onyn es!

¹⁰Tasi em a, Mois dad nine: “Élum asŋ lel esŋ ab.” Eŋ l'usr af nine: “Egŋ eke yayr es lele lis ab a, l'it eke wel k'ibi'r.”

¹¹Eŋ ony, ony e low yegm ab em bi dadr esre, ek'egŋ nyam in dad ow es oglog ow lis in ese: “Ob a eke mi k'ɔŋ'ŋ ŋ eci abu elum ec'a, ob a el Kɔrban” (ow e nyandre el, ob eke wel oc ew es Nyam ec'egb wawr ɔŋ eci),

¹²ony b'elul abusu es ek'egŋ ikŋ na, kí kokm low kaka ɔm es lele lis ab ij.

¹³Eben anake ony, b'onyn Nyam ec'ów ek'elu abusu es eke wel ki kok a otr es, ke b'ucur ony ec'agŋ em ec'a ek'irir a onyn es a. Eŋ onyn ów bubute gbél e bi kokr ese low ikŋ na af.»

Ów eke b'ɔŋ ke egŋ úwm anŋ

Matie 15.10-20

¹⁴Emeny Jesu esŋ agŋ a etŋ am dad el ese: «Ígŋn loru es ony feŋ k'irir.

¹⁵Ow elm ob ek'egŋ b'ij ok lokm a, ɔm'n l'uwm anŋ, kɔ ów tutr eke b'anŋ in ec'erm em ey ɔkm a anake b'ɔŋ'n l'uwm anŋ a.

¹⁶[Ke egŋ feŋ ek'onny ɔru eke k'iri a, íri gɔŋ!]

¹⁷Eke Jesu elu agŋ ab es im ey akŋ a, in e jam esel a im eŋn'n etŋ am ibrm'n ese: «Òtar nyandre a ek'ub a e low akr òk ey!»

¹⁸Eŋ n'am dad wel l'ese: «Kɔ ony yeji k'ɔtum k'irimn low na eci nyandre ee? Uwmn any ek'ow elm ob ek'egŋ b'ij ok lokm a, k'ɔtum ɔm'n l'uwm anŋ,

¹⁹kɔ ów tutr eke b'anŋ in ec'erm em ey ɔkm a anake b'ɔŋ'n ke l'uwm anŋ ab ee? Anke ob e li b'ij l'ok sos em a, lokm ow b'ok'r kɔ ow elm erm em, etŋ li b'iny l'ok es.» (Odad ebl na em a, Jesu am yegm ek'ob feŋ akpl iju.)

- ²⁰ Ɛtɛ ɛmɛny Jesu dad nine: «Ów tutr eke b’any ɛgɛ ɛm ɛy ɔkm a b’ɔɛ ɛtɛ l’uwm any.
- ²¹ Tasi ɛm a, ɛgɛ ec’erm ɛm anake sow tutr ɛɲɲ a fɛɲ b’any, ke b’ɔɛ’n l’ij nfaci, l’iy mil, l’ibi ɛgɛ,
- ²² l’erum yɔw ɛjec’ab, l’erur lawl ec’ob; li kok low ɲɲ, l’ɛju ɛgɛ, li wuwlm ów ab, n’ɔnyɲ ɛgɛ nyamɲ ɛyr, li cak cak ɛgɛ, n’ɔny tutre, ke l’ij nyamb a.
- ²³ Ów amua fɛɲ eke b’any ɛgɛ ec’erm ɛm ok ɔkm a, anake b’ɔɛ ke l’uwm any a.»

Utuyɔw nyam ɔny ɔmn Jesu ɛm

Matie 15.21-28

- ²⁴ Jesu ɲgboɲ yogɲ a e n’any a, ɛtɛ n’im l’ɛy wus ikpr a eke titm Tir ab af. Eke l’ɛy akɲ nyam a, l’erurm eke wɛl k’uw any eke l’ow n’any yogɲ, gbɛkɔ ow ibnm ɛtɛ amani a eb es eke Jesu in ow aɲa.
- ²⁵ Yɔw nyam ek’in ec’iy yɔwli ɔny abɲ ɲɲ a, iri eke Jesu ow any ɛb ab ɛm. L’ow n’ɛɲn ow ɛtɛ l’ok ɔwrɔkp wus ow ec’any af.
- ²⁶ Yɔw a elm Jwif, wɛl ew’r Fenisi ɛb ɛm, Siri wus af. N’am ɲɔɲn Jesu eke k’ogɲ abɲ ɲɲ ek’any jɔwli ab ɛm a ɛlu ɔkm.
- ²⁷ Kɔ Jesu dad’r nine: «Yɛb, wɛl ɔɲ etuey ob ij yɛ aɲke ow itm eke wɛl k’oc ɛl ec’ob ij a ɔɲ mɔwr ɛy.»
- ²⁸ Yɔw a ɔdu eb ɛtɛ dad nine: «Ɛgɛ gbɛl, nawrɛ tasi dad. Gbɛkɔ mɔwr ɛy eke b’any tabl ew a, b’ij etuey ec’ob eke b’akm ɛl ok wus a.»
- ²⁹ Jesu dad’r nine: «Low na eke dad a sosiɛm, ɔtu eke k’im gbugɲ. Abɲ ɲɲ a ɛy ɔkm ɲ ec’iy ab ɛm.»
- ³⁰ Yɔw a im gbugɲ ɛtɛ ɛɲn in ec’iy a ek’eru es ob erur ob af, ɛtɛ l’ɛkn yeji eke abɲ ɲɲ a ɛy ɔkm ow ɛm.

Ɔru ablu ɛbrm nyam ec’ewlm owi

- ³¹ Sica Jesu ɲgboɲ Tir eci wus ab af, ɛcr Sidɔn eci, ubr Ɛb Lɛw a e wus ab af, im ok Galile e mij a ogɲ a.
- ³² Agɲ oc ɛgɛ nyam ek’ɔru abl ke ɔtum dadm odad okm es a is Jesu, ɛtɛ am ɲɔɲn’n eke li k’at ow abu nuɲ.
- ³³ Jesu ɛlu bieku ab es, oc ɔlu a im saw ɛm. L’ot sabu ɛy l’ok ow ɔru ɛm, ɛtɛ l’oc in e sar nɛnym a l’udu ow anm.
- ³⁴ Sica Jesu igbl any ogɲ afr, bubm sel ok ɛtɛ dad ɛgɛ a nine: «Efata!» (Ow e nyandre el “Fig!”)
- ³⁵ Kpɛkɲ ɛgɛ a am iri ów, anm kpab’r es nɛnym ɛtɛ l’ɔb nuɲ n’am dad odad senyn senyn.
- ³⁶ Jesu ijl agɲ a nɛny dad nine: «Kì dadr low na k’òkr ɛgɛ kaka!» Sica eke li b’ijl wɛl nɛny eke wɛl kí dadm a, yogɲ anake agɲ a yeji, b’im am ɔb low a ec’amani a.

³⁷Agɲ a feɲ aɲ low any iti ligbel em toɲ am dad ese: «Feɲ eke li bi kok a b'el ów amamn òfr. Li bi kok óru ablu am iri ów etɲ el a ek'ótum dadm odad a, yeji bi dad ów.»

Mark e lɛl 8

Jesu iyr agɲ fandi yar lok

Matie 15.32-39

¹Lɛɲ ab em, emeny agɲ nɔɔ gbɛl ow iwr did elul Jesu em. Eke -n'onym ob kaka eke -li k'ij a, Jesu esɲ in e jam esɛl a, etɲ dad el nine:

²«Agɲ amua e low am ɔny'm sɔɲ, aɲke kin seɲɲ emum nyahan etɲ eke -n'anɲn em ab ke -n'onym ob kaka eke -li k'ij.

³Eke m'am elu el es -n'im namn, -li k'ow -n'onymn lɛc el ec'ejagb us em, aɲke el em ec'agɲ nyam nyam aɲ susu kpekpe ow.»

⁴In e jam esɛl a am dad'r ese: «Etɲ sica bogɲ si k'ɛɲn ob ij s'ɔɲ el usu saw em na ek'ɛɲ irm ab ee?»

⁵Jesu ibrm el nine: «Kɔ futufutu abi ɔnymn ab ee?» Etɲ jam esɛl a dad nine: «Lɔbɲ.»

⁶Sica Jesu ɔɲ abusu eke dedeku a k'ok es wus. L'ot futufutu lɔbɲ a, l'elu Nyam bia, li bubr em, etɲ n'ɔɲ in e jam esɛl a eke ki cɛc dedeku a. Etɲ jam esɛl a cɛc ɔɲ el feɲ.

⁷-N'onym ɔcn abi ka ab. Jesu oc yeci yeji elu Nyam bia etɲ ɔɲ jam esɛl a eke ki cɛc ɔɲ el.

⁸Agɲ a ij ob molok iy el toɲ ob wawal es. Jam esɛl a ec ot ob a feɲ eke wal es a etɲ ow ij mulu egbel lɔbɲ.

⁹Agɲ a feɲ ek'ij ob a, ɔtu eke k'ij agɲ fandi yar. Sica Jesu ɔɲ el abusu eke -li k'im,

¹⁰etɲ kpekɲ in lel in e jam esɛl ab ab -l'ok mijetɲ ab em -n'im Dalmanuta eci wus ab af.

Farisiel am ibrm eke Jesu ki kok meny ɛwr nyam

Matie 16.1-4

¹¹Farisiel ow ɛɲn Jesu etɲ am atar ów es in ab. Eke -l'erurir eke -li k'uk ow meb a sosiem, -li dad ow nine: «Kòk meny ɛwr nyam ɔɲ ey yec'etɲ ke s'úw any tasi ek'ow el Nyam erm'ɲ ow.»

¹²Jesu bubm sel ok etɲ dad nine: «Bla sosiem etɲ yɛfenyna ec'agɲ amua am ibrm eke k'ekn meny ɛwr ee? M'am dad ɔny nawre em tasi: wel k'ow kokm meny ɛwr kaka ɔɔm ɔny.»

¹³Etɲ l'elu wel es, l'ey mijetɲ ab em l'ubr mij jam a.

Jam esɛl a low a k'okm es sos em kaka

Matie 16.5-12; Luk 12.1

14Eke -n'im a, jam esel a ijl es eke k'eb futufutu, ek'ow elm futufutu nyam a ce eke -n'onymn ab mijetj ab em a.

15Jesu am ijl el neny dad ese: «Èwr erm! Ke ósur sos Farisiel lele Erød ab e lijru a e lís.»

16Jam esel a ek'iri low na a am dadarir el òfr em ese: «Eke s'ebm futufutu a sosiem anake n'am dad ey ów amua a.»

17Eke Jesu iri ów a eke -n'am dadarir el òfr em a, n'am dad wel l'ese: «Kò bla sosiem etj am dadr esre: “Eke s'ebm futufutu a sosiem ee?” Kò k'irimn ce ee? Kò ow k'okm ony es sos em ce ee? Kò ony ec'erm tuotuo a sosiem ee?”

18-19Ony elil anyamn etj éknmn es ee? Elil òru etj írimn ów ee? K'òknmn legj a eke m'ubr futufutu yen em m'øj agj fandi yen a ij a, ow a ek'akm el a, mulu abi anake ec otr ab ee?» -Li dad nine: «Lew yony.»

20Emeny l'ibrm wel nine: «Legj a eke m'ubr futufutu løj ab em m'øj agj fandi yar a ij a, ow a ek'akm el a, mulu abi anake ec otr ab ee?» -Li dad nine: «Løj.»

21Etj Jesu usr af dad el nine: «Etj emeny sica k'irimn ow k'okm ony es sos em ce ee?»

Jesu ewlm any eflu nyam Betsayida

22Jesu lel in e jam esel ab ab im ok Betsayida. Yogj agj oc any eflu nyam ow etj am ñojn'n eke li k'itjn ow abu.

23Jesu ucu any eflu a abu ony etj oc'r ab im bañ saw a. Yogj l'oc sar l'ubr ow anyamn em, l'ok ow sabu any etj l'ibrm ow nine: «Kò am ekn es ee?»

24Any eflu a fifig anyamn etj dad nine: «M'am ekn agj ek'am an es, gbeko m'am ekn el ese ekj af.»

25Emeny Jesu ok'r sabu any etj n'am ekn es senyn senyn. Sica l'ewl tasi etj n'am ekn ob fej ese elel ek'ow it ab af.

26Etj Jesu dad'r nine: «Èb ejagb im gbugj; kò k'òkj any kpekj kpekj k'im k'ey agj ab em.»

Pier dad eke Jesu in el Mesi

Matie 16.13-20; Luk 9.18-21

27Ow e jam a, Jesu lel in e jam esel ab ab us ejagb aam bañ bañ a ek'anj Sesare Filip eci wus ab af a. Eke -n'anjn ejagb -n'aam a, Jesu ibrm in e jam esel a nine: «Kò ayaf agj bi dadr em e lís ee?»

28-Li dad ow nine: «Agj beb bi dad ese ñ Jan mij ok nuj es, beb bi dad ese ñ Eli, etj agj likpr ec'a, -li b'oc'j ese kokoba ob esel ab em e nyam af.»

29Etj Jesu ibrm el nine: «Kò ony obi ony obi a, ayaf b'ocar'm ee?» Pier òdu eb dad nine: «D el Mesi a.»

30Jesu ijl el neny kpoj kpoj eke -li ki dadmn in e lís e low -l'okmn egj kaka.

Jesu am ɛwar in e luw lel in e luw ɛm anɲ igb ab

Matie 16.21-28; Luk 9.22-27

³¹Jesu am yegm in e jam ɛsel a low dad ɛl ɛsɛ: «Ow it ek'egɲ ec'Iy k'ij gbre nɔnɔ; ke agɲ ekpekp, egb waw ɛsel ɛgbɛl lel ol e low yegm ɛsel ab ígɲ elu'l es, ɔɲ wɛl ibi'r ke sɛgɲ nyahan, l'ígb agɲ ek'uw ab ɛm.»

³²N'am dad wɛl sodad amua l'erum mar. Na sosiem Pier oc'r ab im saw ɛm ɛtɲ am enym'n abr dad'r ɛsɛ: «Kí dad odad nɛnɛ.»

³³Eke Jesu ɛwl mɛny lɛr in e jam ɛsel a, li dad Pier lebl tuɔtuɔ ɛm nine: «Satan, kpàb'm es lís, aɲke ɲ e tutr a elm Nyam e tutr, kɔ na agɲ ɛm e tutr.»

Elel eke wɛl k'usr Jesu jam

³⁴Eke Jesu ɛsɲ dedeku a lel in e jam ɛsel ab ab a, n'am dad wɛl l'ɛsɛ: «Ek'egɲ nyam am erur eke k'us'm jam a, ow it ke li kí tutrm in e lís owi, l'ábu in obi ec'olíkɲ a ke l'ús'm jam.

³⁵Tasi ɛm a, ɛgɲ yec'eke b'ow erur eke ki dogɲn in e sel a, b'ow irmn. Gbɛkɔ ɛgɲ yec'eke b'ow irmn in e sel a Amani Mamm a lel ɛm sosiem ab a, b'ow ɛɲn.

³⁶Eke batɲ ɛgɲ nyam ɔny wus ec'ob fɛɲ ɛtɲ l'irmn in e sel a, ke bla ow b'ow eel il ab ee?

³⁷ɛtɲ bla ob iy ɛgɲ ɔtu eke k'oc sɔgr in e sel ab ee?

³⁸Yɛfɛnyana ec'agɲ amua el sikpl ɛsel lel ɛnyembri yony yony ɛsel ab Nyam ec'any af. Ek'egɲ nyam ɛs am ɔny ɛm lel ɛm e sodad ebl ab ab sosiem agɲ amua ec'araɲn, ɛben cɛ ɛgɲ ec'Iy yeji ɛs b'ow ɔny, lɛgɲ eke li b'ow l'ow ɛs ec'anygbɛl ɛm, afr ɛrm ɛsel lala ab ab a.»

Mark e lɛl 9

Jesu itɲn sos

Matie 17.1-13; Luk 9.28-36

¹ɛmɛny Jesu dad ɛl nine: «Low nawrɛ m'am dad ɔny: agɲ amua ek'anɲ aɲa a e bɛb b'ow ɛkn Nyam ec'es ɛw a ow abusu ɔny ɛm gbuɲ ke -l'uw.»

²Eke sɛgɲ nɔhɔn ɛc a, Jesu ɛsɲ Pier, Jak lele Jan ab ɛtɲ -li kpab es -n'im saw ɛm ɛl sɔny lafɛny gege nyam af. Yogɲ, Jesu itɲn sos ɛl ec'any af.

³In eci mob sus ɛm a e jɛjn a afɲn es; wus af aɲa, ɛgɲ kaka anm eke k'ɔɲ in eci mob sus ɛm a jɛjn ɛben.

⁴ɛtɲ kpɛkɲ Eli lele Mois ab okm sos ɔkm ɛtɲ am dad ów Jesu ab.

⁵Eke Pier b'ɛkn ɛben a, li dad Jesu nine: «Low yegm agɲ ɛs, ow akpl eke si k'anɲ aɲa! S'ús nuɲ igɲ usu nyahan: ɲ e nyam, Mois e nyam lel Eli e nyam ab.»

⁶Tasi ɛm a, Pier ɛknm odad eke ki dad aɲke ɛl nyahan mum ɛɲn am ɔny ɛl.

- ⁷Kpɛkɛŋ jru ɛy ɛtɛ ubur ɛl es. Ɛtɛ lebl nyam anɛ jru ab ɛm am ikɛ dad ɛsɛ: «Ɛgɛ na ɛl ɛm ɛc'Iy eke m'erur tasi; ɪrir in e low.»
- ⁸Kpɛkɛŋ jam ɛsɛl a am ɔl saw saw, gbɛkɔ -l'ɛknm ɛgɛ kaka ek'ow elm Jesu sɔny ɛɛ ek'anɛ ɛl ab a.
- ⁹Eke -n'anɛŋ lafeny ab af -n'am us es a, Jesu ijɛ ɛl nɛny dad nine: «Low na ek'ɛkan a, ki dadr k'okr ɛgɛ kaka, toɛ bake ɛgɛ ɛc'Iy ɪgb agɛ ek'uw ab ɛm.»
- ¹⁰-L'ɛgɛ low a -l'eb, gbɛkɔ -n'am ibrmnin ɛl ɔfr -l'ɛsɛ: «Ke ɛgɛ ɛc'Iy ɪgb agɛ ek'uw ab ɛm e nyandɛ ɛl ayaf ɛɛ?»
- ¹¹Ɛmɛny jam ɛsɛl a am ibrm Jesu ɛsɛ: «Dàd ɛy, kɔ bla sosiɛm ɛtɛ ol e low yɛgm ɛsɛl a bi dad ek'Eli in k'ow gbɛɛ ke Mesi a in ów ɛɛ?»
- ¹²Jesu dad ɛl nine: «Ɛɛ, Eli eke li k'ow ke ni nyímn ów a fɛɛ. Gbɛkɔ bla sosiɛm Nyam Lɛl ɛm wɛl nɔn ek'ɛgɛ ɛc'Iy b'ow ij gbɛ nɔnɔ ke wɛl k'úbm'n ɛɛ?»
- ¹³M'am dad ɔny ek'Eli ɛc'a, l'ow lɛgɛ a ɛtɛ, ɛtɛ agɛ kok'r low yɛc'a eke -l'erurir a ɛsɛ ɛlɛl eke wɛl nɔn ab af.»

Jesu ewlm iy nyam ek'abɛŋ ɛtɛ b'ijr gbɛ

Matie 17.14-21; Luk 9.37-43a

- ¹⁴Eke -l'owr -n'ɛɛŋan jam ɛsɛl likpr a, -l'ɛkn dedeku ek'ɛlul wɛl ɛm, ɛtɛ wɛl am atar ów es ol e low yɛgm ɛsɛl ab ab.
- ¹⁵Eke dedeku a b'ɛkn Jesu a, low iti ɛl any ɛtɛ kpɛkɛŋ -n'am uru es -n'im -l'ɛsɛŋ ow.
- ¹⁶Jesu ibrm jam ɛsɛl a nine: «Kɔ bla owi am atarir es ɛɛ?»
- ¹⁷Dedeku ab ɛm a, ɛgɛ nyam ɔdu eb dad nine: «Low yɛgm agɛ ɛs, m'oc ɛm jim ek'ɔny abɛŋ ɛtɛ ke ɔɔm'n li dadm odad a m'is'ɛŋ.»
- ¹⁸Usu kaka fɛɛ ek'abɛŋ na b'ɛy'r af a, ow b'ɔny ɛlu'l ow wus, sar ufɛ ám ifl'l nɛny, n'ám sasagr an ɛm, ke n'ám ɛcan es. Mi dad ɛtɛ e jam ɛsɛl a eke k'ogɛ abɛŋ ikɛ na in ɛm, ɛtɛ -l'ɔtum -n'ɔnym ow ɛc'abusu.»
- ¹⁹Jesu dad in e jam ɛsɛl a nine: «ɔny tasi, eel agɛ eke ɔmn anm ɛm! Ɛmɛny sɛgɛ abi m'it eke mi k'anɛ ɔny ab ɛɛ? Ɛtɛ ɛmɛny sakp abi ow it eke mi k'ɛgɛ low na m'eb ɛɛ? Ócr iy a isr'm aɛa!»
- ²⁰Wɛl oc iy a is'r. Ek'abɛŋ ɛtɛ a b'ɛkn Jesu a, l'ufɛ iy a lɛc ɛm, n'ɔny l'ɛlu ow wus. Iy a am wuwɛl wus yogɛ ɛtɛ sar ufɛ am ifl'l nɛny.
- ²¹Jesu ibrm iy ɛs a nine: «Kɔ ow ij sɛgɛ abi ek'abɛŋ ɛtɛ na anɛ'n af ɛɛ?» Iy ɛs a dad nine: «In e likekli ɛm ɛtɛ.»
- ²²Sakp oglog abɛŋ a b'ɔny ɛlu'l alm, oglog mij ɛm eke k'ibi'r. Ek'ɔtu e ki kok, ikɛ ɛy sɔɛɛ ke ɛlum ɛy abu!»
- ²³Jesu am dad'r ɛsɛ: «Kɔ bla ɛtɛ am dad ɛsɛ: “Ek'ɔtu e ki kok ɛɛ?” Wɛl ɔtu eke ki kok low low fɛɛ ɛgɛ eke b'ɔny ɔmn a ɛci.»

²⁴Kpekɛɲ iy ɛs a igbl lebl ogɲ ɛtɲ am dad ɛsɛ: «M’ub nawrɛ! Ɛlum im abu ke ɛm ec’ɔmn ɔnym a ɔc ɛs ɛm ɛm.»

²⁵Eke Jesu ɛkn agɲ a ek’am uru ow a, l’oc lebl tuɔtuɔ ɛm n’am dad abɲ ɲɲɲ a l’ɛsɛ: «Abɲ eke b’ɔɲ ɛɲɲ el ɛbrm lel ɔru ablu ab, m’am dad’ɲ: ɛy ɔkm iy na ɛm, k’ɛwl meny k’ow in ɛm ij!»

²⁶Abɲ ɲɲɲ a babarm, ufɲ iy a lɛc ɛm ɛtɲ l’ey ɔkm. Iy a ɛw ɛsɛ ek’ow’n uw cɛ af, toɲ agɲ ek’anɲ yogɲ a am dad ɛsɛ: «Iy a, l’uw.»

²⁷Gbɛkɔ Jesu ɔny iy a abu ɛtɲ ow ɔɲ l’igb n’inym ɛs.

²⁸Eke Jesu im gbugɲ, ke in eci jam ɛsɛl ab ab -n’anɲɲ el ɔny a, -n’am ibrm ow -l’ɛsɛ: «Kɔ bla ɛtɲ ey s’ɔtum s’ɔnym abusu s’ogɲm abɲ na ee?»

²⁹Jesu am dad el ɛsɛ: «Abɲ akpasu na, Nyam ɲɔɲɲ ɛm cɛ wɛl b’ogɲ’n l’ey ɔkm.»

Ɛmeny Jesu am ɛwar in e luw lele in e luw ɛm anɲ igb ab

Matie 17.22-23; Luk 9.43b-45

³⁰Sica -n’ɲgboɲ usu a eke -n’anɲɲ a, ɛtɲ -l’ubr Galile ogog a. Jesu e tutr ɛm a, k’ɛɲɲ k’úwm yogɲ a eke n’anɲ ab any.

³¹N’am yɛgm in e jam ɛsɛl a low li dad wɛl l’ɛsɛ: «Wɛl b’ow ɔny ɛɲɲ ec’Iy ɛlu agɲ abu ɛm, ke -l’ibi ow. Eke ow b’ow kok sɛɲɲ nyahan a, li b’ow l’igb luw ɛm.»

³²Gbɛkɔ low yɛgm ikɲ na, jam ɛsɛl a k’irim ow eci nyandrɛ a, ɛtɲ -n’am uru eke -li k’ibrm Jesu low na ec’akr otar a.

Ɛɲɲ ligbɛl ec’el owi

Matie 18.1-5; Luk 9.46-48

³³-N’im -l’ey Kapernayum; eke -n’imn -l’okr akɲ a, Jesu am ibrm in e jam ɛsɛl a ɛsɛ: «Kɔ ejagb us ɛm a, bla owi anake am atarir ɛs ab ee?»

³⁴Ɛl a fɛɲ -li yewal, anke ejagb af a, -l’atar ów ɛs, -n’am dadarir el ɔfr ɛm -l’ɛsɛ: «Kɔ bwo el ey ec’anymu ee?»

³⁵Sica Jesu sig ɛs, ɛtɲ l’ɛsɲ jam ɛsɛl lew yony a fɛɲ, ɛtɲ n’am dad wɛl l’ɛsɛ: «Eke ɛɲɲ nyam erur eke k’el ɔny ec’anymu, ke l’él ɔny a fɛɲ eci jam ablu, l’él ɔny fɛɲ eci ob oc ɔɲ ɛs.»

³⁶Ɛtɲ Jesu ɔny iyli nyam abu ow araɲɲ yogɲ el ec’any af, l’oc ow ɛtɲ n’am dad wɛl l’ɛsɛ:

³⁷«Ek’ɛɲɲ eb ey amua ɛm e nyam ɛm sosiɛm a, ke ɛm anake l’eb’m a. Ɛtɲ ɛɲɲ a ek’eb’m a, ow elm ɛm obi l’ebm im, kɔ ɛɲɲ a ek’erm’m a anake l’eb ɛben a.»

Ɛɲɲ ek’elm ey ec’ifnu a el ey ec’ɛɲɲ

Luk 9.49-50

³⁸Jan dad Jesu nine: «Low yɛgm agɲ ɛs, s’ɛkn ɛɲɲ nyam eke oc ɲ e nin a am kokr juma ogɲɲ abɲ ɛɲɲɲ. S’ɛdɲɲ in, eke l’elm ey ec’ɛɲɲ a sosiɛm.»

³⁹Jesu dad nine: «Egɔ k'édɔn in, aɔke egɔ kaka anm eke b'ow oc em e nin a kokr sakrowa, ke kpekɔ ow e jam a, ótu dad em e nin ɔɔ ec'odad.

⁴⁰Tasi em a, egɔ ek'ifnm ey a, el ey ec'egɔ.

⁴¹Low nawre m'am dad ɔny: egɔ kaka feɔ ek'ɔɔ ɔny mij kpɔk em egɔn, Krist ec'agɔ ek'eel a sosiem a, egɔ ikɔ na, li b'ow n'ɔɔn in e labm sɔg.»

Èw erm ke k'ým sikpl em

Matie 18.6-9; Luk 17.1-2

⁴²Emeny Jesu usr af dad nine: «Egɔ eke b'ow ɔny egɔ ek'ɔny ɔnm em em ese iy na af elu wus a, low ɔɔ a eke li k'ɔɔn a agb nɔnɔ. Eke wel oc meb ucur lob ligbel ucu'r emn, etɔ ɔny eman in okij a, ow akpl akm low ɔɔ a eke wel ki kok'r a.

⁴³Eke batɔ ow el ɔ ec'abu a anake b'ɔɔ ey sikpl owi em a, ke ùbr'r es, aɔke ow akpl ɔ eci eke k'ey sel ɔɔn tasi ab em abu nyam coco ab, ow a eke k'eli sabu yony ke ím anɔ gbre ij usu, yogɔ a eke al ek'iram es anɔ a.

[⁴⁴Yogɔ, sisɔ a eke b'ij sos megl a, -l'uwmn, etɔ al a ek'anɔ yogɔ a yeji iram es kaka.]

⁴⁵Etɔ ek'ow el ɔ e lakr a anake b'ɔɔ ey sikpl owi em a, ke ùbr'r es, aɔke ow akpl ɔ eci eke k'ey sel ɔɔn tasi ab em lakr nyam coco ab, ow a eke k'eli akr yony ke ím gbre ij usu a.

[⁴⁶Yogɔ, sisɔ a eke b'ij sos megl a, -l'uwmn, etɔ al a ek'anɔ yogɔ a yeji iram es kaka.]

⁴⁷Eke batɔ ow el ɔ e nyamn a anake b'ɔɔ ey sikpl owi em a, ɔkr ɔny oc'r es, ow akpl ɔ eci eke k'oc nyamn nyam ab ey Nyam eci gbrenɔbi usu ab em, ow a eke k'eli anyamn yony ke wel ɔny ɔwl'ɔ gbre ij usu a.

⁴⁸Yogɔ, sisɔ a eke b'ij sos megl a, -l'uwmn, etɔ al a ek'anɔ yogɔ a yeji iram es kaka.

⁴⁹Tasi em a, egɔ egɔ b'ow ecr al eci gbre ijr ab em, yec'etɔ ke ebm ekn na áyal il ese egb waw eke wel b'ok mok af ab af.

⁵⁰Mok el ob mamn. Eke batɔ l'irmn in e ded a, ayaf wel ki kokr ke l'éwl meny li ded ee? Ow akpl ek'ɔny em a, mok e ded ikɔ na k'anɔ, yec'etɔ ke ɔny ɔfr em a, ír erm es ey ec'eb.»

Mark e lel 10

Igɔnin owi

Matie 19.1-12; Luk 16.18

¹Jesu igb yogɔ im Jude wus af, etɔ l'ubr Jurden jam a. Emeny agɔ nɔnɔ ow as luku elul il em; ese segɔ feɔ ec'a eke li bi kok ab af, n'am yeɔm agɔ a low.

²Eke Farisiel k'ebm Jesu a sosiem, -l'ow -n'ɔɔn ow etɔ -n'am ibrm ow -l'ese: «Kɔ ey ec'ol ab em abusu eru es eke igɔ k'elu in e yow es ee?»

³Jesu ibrm el nine: «Kɔ low yeɔm eke Mois ɔɔ ɔny a el bogɔ ec'ee?»

⁴-Li dad nine: «Mois ɔɔ abusu eke wel ki nɔn igɔnin e lel gbun ke igɔ ógɔ in e yow.»

- ⁵Ow sosiem Jesu dad el nine: «Mois non ol ikɛ na aŋke ɔny, eel agɛ erm tuɔtuɔ esel.
- ⁶Gbɛkɔ wus e nuɛ ɔb em a, eke Nyam kok ów a fɛɛ a, li kok wɛl igɛ lele yɔw ab.
- ⁷Na sosiem anake igɛ b'ow ɛgboɛ es lele lis ab ec'akɛ,
- ⁸ke l'ókr af in e yɔw ab ab -l'el sos meɛl nyam a. Ca -l'elm agɛ yony ij, kɔ sos meɛl nyam.
- ⁹Ke ɛgɛ k'ónym yec'eke Nyam ɔny okr af a, kpabm es.»
- ¹⁰Sica eke Jesu lele in e jam esel ab ab im ok akɛ a, emeny jam esel a am ibrm'n ów, odad a eke li dad ab af.
- ¹¹Jesu dad el nine: «Igɛ fɛɛ eke elu in e yɔw es, ke im ebi yɔw ejec'a, l'ij nfaci kɛkɛ e yɔw a ec'any af ɛ́.
- ¹²Etɛ eke yɔw nyam elu in ec'igɛ es etɛ im oc igɛ ejec'a, in yeji l'ij nfaci ɛ́.»

Jesu ɛdɛ etuey ɔwrɔ

Matie 19.13-15; Luk 18.15-17

- ¹³Agɛ ot etuey aam Jesu ogɛ eke li k'at wɛl abu nuɛ, gbɛkɔ jam esel a am enym el abr.
- ¹⁴Eke Jesu b'ekn eben a, ow e low ebl'l erm etɛ li dad in e jam esel a nine: «Yèbr etuey ow em ogɛ! ɛgɛ k'édɛn el, aŋke tasi em a Nyam e gbɛɛgɛbi usu a, agɛ a ek'anɛ esɛ el af a eci.
- ¹⁵Low nawre m'am dad ɔny, ɛgɛ kaka fɛɛ ek'ɛgɛm Nyam e gbɛɛgɛbi usu a ebm esɛ iyli af a, ɛgɛ ikɛ na, lɛgɛ kaka li k'ow l'ɔtum l'eym em.»
- ¹⁶Etɛ Jesu am ot ey a, at el abu nuɛ ɛdɛ el ɔwrɔ.

Ígɛ fɛɛ elu es ke ús Jesu jam

Matie 19.16-30; Luk 18.18-30

- ¹⁷Ejagb cɛ eke Jesu us eke k'im a, kpɛkɛ ɛgɛ nyam uru es ec'r anym ok ɔwrɔkp wus etɛ am ibrm'n esɛ: «Low yeɛm agɛ es mamn, kɔ ayaf mi ki kokr ke m'ij sel ɛɛn ek'ónym uwr ec'aja ee?»
- ¹⁸Jesu dad'r nine: «Kɔ bla etɛ am esɛm ɛgɛ mamn ee? ɛgɛ kaka elm ɛgɛ mamn, ek'ow elm Nyam sɔny coco cɛ.
- ¹⁹Kɔ uw sol ab any ee? K'íbim ɛgɛ, k'íjm nfaci, k'íym mil, k'íjm danɛ yadɛ em ɛgɛ e nuɛ af, kí kokm leyɛ owi ɛgɛ e lís, élum asɛ lele esɛ ab.»
- ²⁰ɛgɛ a dad'r nine: «Low yeɛm agɛ es, likekli em etɛ mi b'elum sol amua fɛɛ.»
- ²¹Jesu lɛr'r, ɔny in ec'erur etɛ dad'r nine: «Ow anɛ'ɛ low nyam cɛ. Ím ɔl ɛ ec'ob ek'ony a ij, òc ow ec'os a ɔɛ ɔgbɔru, ke b'ow ɛɛn ob ɔny afr, ca éwl meny ow us'm jam.»
- ²²Ek'ɛgɛ a iri odad na a, ow e low ɛdɛ'n ermni es, etɛ n'aam sos es ɔw em, aŋke n'ony ob nonɔ.

²³Eke Jesu ler in e jam esel a ek'anj'n saw saw a, li dad wel nine: «Nyam e gbrenjbi usu a ec'em ey a ew tuotuo agj a ek'onj ob nono a eci gbɛ!»

²⁴Jam esel a low iti any low na eke -l'irir a sosiem; etj Jesu ewl am dad el ese: «Em jimel, Nyam eci gbrenjbi usu a ec'em ey a ew tuotuo.»

²⁵Kin, gbaŋko kedebnam eci fɛfn ɔmu em eke k'ecr a, ew fuɛfue akm gbrenjbi eci Nyam e gbrenjbi usu ec'em ey a.»

²⁶Ow ɔj jam esel a eci low any iti a am afjn es, etj -n'am dadarir el ɔfr em -l'ese: «Ko sica bwo ec'egj ɔtu ek'ejn sel ee?»

²⁷Jesu ok el anyamn af, etj dad el nine: «Agj ec'any af a, ow ew tuotuo, ko ow elm Nyam ec'any af a gbɛ, aŋke Nyam ec'a, fɛj ew fuɛfue!»

²⁸Af yogj Pier dad'r nine: «D obi yeji èkn! Ey, s'igj fɛj s'ok es etj s'us'j jam.»

²⁹Jesu dad'r nine: «Low nawre m'am dad ɔny: eke em lele Amani Mamn ab ab sosiem egj nyam igj in ec'akj, lisijimel, lisijowel, lis, es, in ec'ey, in e sojm elu es a,

³⁰segj amua eke s'anj em ab em, li b'ow n'ejn ów amua e sakp ekj yen ok af: akj, lisijimel, lisijowel, lisel, ey lele sojm ab. Etj li b'ow l'obr gbre ijr yeji. Ke sica segj a eke anj anym am ow ab em a, n'ejn sel ek'onym uwr.

³¹Gbɛko ánymu ab em eci nono b'ow ewl el ajamu, etj ajamu ab em e nono, b'ow ewl el ánymu.»

Jesu ewar sakp nyahan em in e luw lele in e luw em anj igb ab

Matie 20.17-19; Luk 18.31-34

³²Jesu us ejagb agj a ek'am us'r jam ab ab, l'ikj wel anym -n'am uyu -n'im Jerusalem. Jam esel a ermni edj es, etj agj a ek'am us'r jam a erjn ow sos. Jesu esj lew yony a saw em eke ki dad el low yec'a eke b'ow ejn'n a.

³³⁻³⁴Li dad nine: «Ísr any èkan, kin Jerusalem anake s'am uyu s'im a; yogj egj ec'Iy b'ow ey egb waw esel egbel lel ol e low yegm esel ab ab ec'abu em. -Li b'ow -l'ob ow low luw eci, etj -li b'ow -l'oc ow -n'ɔj Nyam any uwm esel kokr'r miyer, afl'l sar any, ɔr'r say em, ke -l'ibi ow. Gbɛko eke segj nyahan b'ow ec a, li b'ow l'igb luw em.»

Jak lele Jan ab e low ek'ibrm

Matie 20.20-28; Luk 22.24-27

³⁵Sica Sebede jimel a, Jak lele Jan ab, ow ejn Jesu etj am dad'r ese: «Low yegm agj es, s'am erur eke low yec'eke si b'ow s'ibrm'j a, kók ɔj ey.»

³⁶Jesu ibrm el nine: «Ko bla lowi am erurir eke mi ki kok m'ɔj ɔny ee?»

³⁷-Li dad ow nine: «Lɛgj eke b'ow anj j ec'anygbel em a, ègɔj ɔj ey abusu ke s'ók es j ab: egj nyam síg'j es lidr ogog ke nyam síg'j es nɛmn ogog.»

³⁸Gbəkɔ Jesu dad el nine: «Low yec'a ek'am ibrmn a, k'uwmn any. Kɔ ɔtur eke b'ow egɲn gbre e mij kpɔk a eke m'ow m'egɲ a, oglog wɛl ok ɔny gbre e mij nuɲ a eke wɛl b'ow ok'm ab ee?»

³⁹-Li dad ow nine: «Eɛ, s'ɔtu.» Eɲ Jesu dad el nine: «B'ow egɲn mij kpɔk a eke m'ow m'egɲ a, eɲ wɛl b'ow ok ɔny mij nuɲ a eke wɛl b'ow ok'm a,

⁴⁰gbəkɔ ɛm e lidr abu af ec'es sig a lele nɛmn abu af ec'ab ab a, ow elm ɛm m'ɔm egɲ. Susu amua el agɲ a eke el sosiɛm Nyam kok ɛw es a eci.»

⁴¹Eke jam ɛsɛl agɲ lew a iri low na a, -n'am ebl ɛrm -l'ok Jak lele Jan ab af.

⁴²Ow sosiɛm Jesu ɛɲ el fɛɲ eɲ am dad el ɛsɛ: «Èkan ek'agɲ a e si b'oc ɛsɛ eb ec'es ɛw ɛsɛl af a, b'ɛw eb ab es abusu ɔny ɛm, ke el ɛm ec'agɲ any ɛsɛl ek'anɲ a, b'ɛlu el ec'abusu ɔny a ɔkm dedeku a e nuɲ af a.

⁴³Gbəkɔ ɔny eci araɲn ec'a, ow k'écr ɛben. Eke batɲ ɔny ɛm ec'egɲ kaka fɛɲ am erur eke k'el ɔny ec'es ɛw ɛs a, ke l'él ɔny a fɛɲ ec'ob oc ɔɲ ɛs;

⁴⁴eɲ ɛmeny ek'ɔny ɛm ec'egɲ kaka fɛɲ am erur eke k'el ɔny ec'anymu, ke l'él agɲ a fɛɲ ec'adu.

⁴⁵Èben nyam coco egɲ ec'Iy yeji owm ek'agɲ ki kok in e lís e low, kɔ l'ow eke li ki kok agɲ e lís e low, ke l'óc in e sel a l'ɛw awoba li sɔgr agɲ nɔnɔ.»

Jesu ewlm any eflu Bartime

Matie 20.29-34; Luk 18.35-43

⁴⁶Jesu lel in e jam ɛsɛl ab ab ow ok Jeriko ɛb ɛm. Sica eke Jesu, in e jam ɛsɛl a lel agɲ dedeku ab ab am ok ɔkm baɲn a, -l'uyum any eflu nyam eke wɛl b'ɛɲ Bartime, Time jim ab, eke sig es ejagb saw ob sasm eci.

⁴⁷Eke l'iri ek'ow el Nasaret iy Jesu a, n'am ɛlu lebl li dad l'ɛsɛ: «Jesu, David eci lilaw, ikɲ'm sɔɲɲ!»

⁴⁸Agɲ nɔnɔ gbɛl erurm eɲ am ɛnym'n abr eke li ki yewal, gbəkɔ n'am at lebl es l'ɔg li dad l'ɛsɛ: «David eci lilaw, ikɲ'm sɔɲɲ!»

⁴⁹Jesu inym es eɲ dad eke wɛl k'ɛɲ'n any eflu a. -L'ɛɲ ow eɲ -li dad ow nine: «Àtr sos es igb! N'am ɛɲɲ.»

⁵⁰Any eflu a wɔg in e mob sus ɛm a ɛlu es, eɲ l'igb kpɛkɲ n'im n'ɛɲn ow.

⁵¹Jesu ibrm'n nine: «Kɔ bla lowi am erur eke mi ki kok m'ɔɲɲ ee?» Any eflu a dad'r nine: «Low yegm agɲ ɛs, m'am erur eke mi k'ɛwl m'ɛkn es.»

⁵²Jesu dad'r nine: «Ìm! ɔ ec'ɔmn a ewlm'ɲ.» Kpɛkɲ n'am ɛkn es, eɲ n'am us Jesu jam.

Mark e lɛl 11

Jesu am ɛy Jerusalɛm

Matie 21.1-11; Luk 19.28-40; Jan 12.12-19

- ¹Eke -n'imn bake -n'am titm Jerusalem, ke -n'anjn Betfaje baɲn lele Betani baɲn ab eci neny neny a, Olivie lafeny a oɲa a, Jesu erm in e jam esel ab em ec'agɲ yony
- ²Etɲ li dad wɛl ninɛ: «Imn baɲn a ek'anɲ ɔny anym ab em, kpekɲ eke b'ow okr em a, b'ow eɲan gbaɲko kpetɲ eke wɛl ucyr es, ke lɛɲ kaka eɲɲ sigm af. Mɔmun in es k'ocr isr'm aɲa.
- ³Eke batɲ eɲɲ b'ibrm ɔny low a sosiem eke am mɔmun gbaɲko kpetɲ na es a, dádr esrɛ: “Eɲɲ gbɛl ɔny ow ec'es abur. Gbɛko kpekɲ cɛ li b'ow l'ɛwl mɛny l'ɛlu es ow ow eɲɲ'ɲ.” »
- ⁴-N'im etɲ -n'eɲn gbaɲko kpetɲ nyam ek'ucyr es gbɛɲ lisany saw, ejagb neny, etɲ -ni mɔmu ow es.
- ⁵Agɲ nyam nyam ek'anɲ yogɲ a am ibrm ɛl esɛ: «Ko bla anake am kokr ab ee? Bla sosiem am mɔmun gbaɲko kpetɲ na es ee?»
- ⁶Jam esel a dad agɲ a yec'a eke Jesu dad ɛl a, etɲ kpekɲ wɛl ɛlu ɛl es -l'eb ejagb -n'im.
- ⁷-L'oc gbaɲko kpetɲ a -l'is Jesu, -l'ot ɛl e sigbad a -l'ok ow af etɲ Jesu sig es af.
- ⁸Agɲ nɔɔ am ot ɛl e sigbad a ok ejagb, etɲ beb ec'a, ow ɛl ekɲ al eke -l'ubr ɔgm ɔgm a.
- ⁹Agɲ a ek'ikɲ Jesu anym lel ɛl a ek'anɲ'n jam ab ab a, am ɔg dad esɛ: «Hosana! Anygbɛl ɛl Nyam eci! Ke Nyam ɛdɲ eɲɲ ek'am ow Es Kotoko e nin em a ɔwrɔ!
- ¹⁰Ke Nyam ɛdɲ gbɛɲɲɲɲɲ usu a ec'es ɛw a ek'am ow a ɔwrɔ! Eɲ lagɲ David eci gbɛɲɲɲɲɲ usu a ec'es ɛw a! Anygbɛl ɛl Nyam ek'anɲ afr kpekpe a eci!»
- ¹¹Jesu ɛy Jerusalem etɲ n'im toɲ l'ɛy Nyamel gbɛl ab em. Eke l'ɛw mob a fɛɲ nyamn af uwr a, in lel in e jam esel ab ab, -l'eb ejagb -n'im Betani, aɲke lɛɲ am uk.

Jesu ofn babm ikɲ nyam

Matie 21.18-19

- ¹²Eke lɛɲ ɛny ke Jesu lel in e jam esel ab ab ok ɔkm Betani a, Jesu namn ow sos.
- ¹³Akpoj em a, l'ɛkn babm ikɲ nyam ek'ebu senyn senyn. Etɲ n'aam l'ɛkn eke li b'ow n'eɲn ey ow em. Ko eke n'im li titm likɲ a, l'ɛkn eke ow ɛl suw ɔfr, aɲke ow elm lakpo ek'ow it ek'ow k'osu ey a.
- ¹⁴Etɲ Jesu dad ninɛ: «Ke lɛɲ kaka eɲɲ k'ɛɲnm ɲ em e liy ijm.» Jam esel a iri odad a eke li dad a.

Jesu anɲ Nyamel gbɛl a e gbugɲ a

Matie 21.12-17; Luk 19.45-48; Jan 2.13-22

- ¹⁵Sica -n'im -l'ok Jerusalem. Eke Jesu ɛy Nyamel gbɛl a eci gbugɲ a, n'am oɲɲ án ɔlu a lel agɲ ek'am ɔl mob ab ab l'ok ɔkm. Etɲ n'ony jɛtɛ titɲ esel e sitabl a lele prendre ɔl ij esel e mekpɲ ab ab l'ok wus.
- ¹⁶Etɲ l'ɛgbm eɲɲ kaka es eke k'oc ob ubr Nyamel ab em.

17 Ɛtɛ sica n'am yegm wɛl low li dad l'ɛsɛ: «Nyam Lɛl ɛm Nyam dad nine: Wɛl b'ow ɛsɛ ɛm ɛc'ɛl a Nyam ɛɔɔn ɛc'ɛl, ɛbr ɛbr fɛɛ eci. Kɔ ɔny, am ocr kokr elu eci ɛɛanin usu.»

18 Ek'egb waw ɛsɛl ɛgbɛl lel ol e low yegm ɛsɛl ab ab iri low ikɛ na a, -n'am ɔl akunda yec'ɛm eke -li k'ibi Jesu. Ke tasi ɛm a, -li b'ɔny ow e muru aɛke dedeku a b'erur in e low yegm a.

19 Eke lɛɛɛ ew es a, Jesu lel in e jam ɛsɛl ab ab ok ɔkm ɛb ab ɛm.

Ɔny ɔmn Nyam ɛm

Matie 21.20-22

20 Ibribr ɛm a, eke Jesu lel in e jam ɛsɛl ab ab am ɛc ɛbr ab af a, -l'ɛkn babm ikɛ a e wɛw es toɔ ok min ɛm.

21 Pier ɔkn low a ek'ɛc a, ɛtɛ li dad Jesu nine: «Low yegm agɛ ɛs, lɛr! Babm ikɛ a ek'ofn ok af a wɛw es fɛɛ.»

22 Jesu am dad in e jam ɛsɛl a ɛsɛ: «Low nawrɛ m'am dad ɔny: ɔnyn ɔmn Nyam ɛm!

23 Ek'ɛɛɛ dad ligigl na eke k'ɛgboɔ aɛa im ɛy okij ɛm, ɛtɛ bebar anm'n ɛrm ɛm, ɛtɛ l'ub nawrɛ eke low a e li dad a b'ow el a, tasi ow b'ow el.

24 Na sosiɛm m'am dad ɔny, ob fɛɛ eke b'ow ibrmn Nyam ɛɔɔn ɛm a, ɔbr nawrɛ eke ɛɛan ɛtɛ Nyam b'ow ɔɛ ɔny.

25 Sica, eke am ɛɔɔn Nyam ɛtɛ ɔkan eke ɔnyn low ɔny lawl nyam ab a, ɔcr apr ir, yec'ɛtɛ ke ɔny Ɛs ek'anɛ afr a yeɛi ɛp ɔny e sikpl a.

[26 Gbekɔ eke k'ow apmn ɔny lawlɛl a, ɔny Ɛs ek'anɛ afr a yeɛi k'ow apm ɔny ɔny e sikpl a.]»

Jesu ɛc'abusu ɔny owi

Matie 21.23-27; Luk 20.1-8

27 Ɛmeny eke Jesu lel in e jam ɛsɛl ab ab ow Jerusalem a, n'anɛ Nyamel gbɛl a eci gbugɛ a n'am nyinymn es. Egb waw ɛsɛl, ol e low yegm ɛsɛl lel agɛ ekpekr ab ab ow ɛɛn'n,

28 ɛtɛ -n'am ibrm ow -l'ɛsɛ: «Kɔ bogɛ ɛc'abusu ɛm bi kok ɔw amua ee? Ɛtɛ kɔ bwo b'ɔɛɛɛ ow e kok ɛc'abusu ee?»

29 Jesu dad ɛl nine: «M'aam m'ibrm ɔny low nyam ɛɛ. Sica eke dadr'm a, ɛm yeɛi mi b'ow mi dad ɔny abusu yec'ɛm eke mi bi kok ɔw amua a.

30 Kɔ bwo ɔɛ Jan abusu ow ok agɛ mij nuɛ ee? Kɔ Nyam oglog agɛ ee? Dadr'm m'iri.»

31 Ow ɛw ɛl ɔw es atar ɛl ɔfr ɛm ɛtɛ -n'am dad -l'ɛsɛ: «Eke si dad eke Nyam ɔɛn'n abusu l'ow, li b'ow l'ibrm ɛy l'ɛsɛ: “Kɔ bla sosiɛm ɛtɛ ubmn in nawrɛ ee?”

32 Ɛtɛ eke si dad eke agɛ ɔɛn'n abusu l'ow, yeci yeɛi es abur.» (-N'ɔny dedeku a e muru, aɛke ɛl fɛɛ -li b'oc Jan kokoba ɔb es tasi.)

³³Etɛ sica -li dad Jesu nine: «S’uwm any.» Etɛ Jesu yeji dad el nine: «Eke ow el eben a, em yeji mi k’ow mi dadm ony abusu yec’em eke mi bi kok ów amua feɛ a.»

Mark e lɛl 12

Viny ɔgm e juma kok esɛl eɲuɲ ec’odad nyandɛ em

Matie 21.33-46; Luk 20.9-19

¹Ow e jam a, emeny Jesu am dad el odad nyandɛ em esɛ: «Lɛɲ nyam ɔgm es nyam ewl viny in ec’egb ɔgm a. N’awɲ lakp l’elul em, li kok usu eke wɛl k’ifi egb ey ab es, etɛ li kok usu gege eke wɛl k’any ɔsu ɔgm a. Etɛ l’oc egb ɔgm a l’abul ɔgm juma kok esɛl, etɛ l’eb ejagb n’im usu.

²Ek’egb ub e lakpo ow a, egb ɔgm es a erm in ec’abu elum es nyam im eke juma kok esɛl a k’ɔɲ’n in ec’egb a eke k’ebm’n a.

³Juma kok esɛl a ony abu elum es a, -l’or ow etɛ -l’ewlm ow meny ow im abu ɔfr.

⁴Emeny egb ɔgm es a erm abu elum es nyam im. In ec’a, -li kok ow ob nuɲ etɛ -li kok ow sos keskes.

⁵Emeny egb ɔgm es a erm abu elum es ejeci nyam im. In ec’a, -n’ony ow etɛ -l’ibi ow. L’erm abu elum esɛl ejec’im, kɔ -li kok wɛl low nenyembri nyam a cɛ: -l’or beb etɛ -l’ibi likpr.

⁶Sica in ec’iy eke l’erur tasi a cɛ el eɲ ek’any’n abu em. Ow anake l’abal es l’erm ow ek’ow k’im ekn wɛl a, anke in e tutr em a, ek’ow el in ec’iy a, wɛl b’ow ony ow ec’elum.

⁷Gbekɔ eke juma kok esɛl a ekn iy a, -n’am dadarir el ɔfr em -l’esɛ: “Kin eɲ a eke godo godo b’ow el aja ij es a. S’ímn, s’íbir ir, ke egb ɔgm a él ey eci.”

⁸-N’ony iy a, -l’ibi ow, etɛ -l’oc ow e sos meɲ a -l’owl ɔgm a e jam a.»

⁹Sica Jesu ibrm nine: «Egb ɔgm es a, bla li b’ow li kok ab ee? Li b’ow l’ow, l’ibi juma kok esɛl a, ke l’oc egb ɔgm a l’elul agɲ ejec’abu em.

¹⁰Kɔ ony awlmn odad na eke wɛl non Nyam Lɛl em ab ee? Lebn a eke él us esɛl a oc owl a, ewl el él lɔy em e lebn tasi.

¹¹Na low eke any Nyam ogɲ ow ke el low sobɔ ey ec’any af.»

¹²Sica Jwifel ec’es ewɛl a am ol akunda yec’em eke k’ew Jesu abu af, anke -l’uw any eke el ow dad odad nyandɛ em na ok el af. Gbekɔ dedeku a e muru sosiem a, -l’egb ow es etɛ -l’eb ejagb -n’im.

Kɔ wɛl sóg wus labm ee?

Matie 22.15-22; Luk 20.20-26

¹³Jwifel ec’es ewɛl a erm Farisiel ec’agɲ nyam nyam lele Erɔd ec’ogog ec’agɲ nyam nyam ab ow eke k’uk Jesu meb ke -n’ony ów ow ec’odad ebl ab em.

¹⁴-L’ow -n’ɛɲn Jesu etɛ -li dad ow nine: «Low yeɲm agɲ es, s’uw any eke ɲ bi dad low nenyembri nyam, onym eɲn kaka e muru; ɲ ec’a, agɲ a feɲ el agɲ nenyembri

nyam, etj Nyam ec'elel eke am ibrm eke si k'iir eb a, bi yegm ow ec'ejagb a kpenj. Dàd ey ɔ! Kɔ ey ec'ol ab em, abusu eru es eke si ki sɔg wus labm s'ɔŋ Sesar es ee? Ow it eke si ki sɔg ee?»

¹⁵Gbekɔ Jesu ek'uw el e kprakpr ab any a dad el nine: «Bla sosiem etj am ukr'm meb ee? Òcr os a isr'm ke m'ékn.»

¹⁶-L'oc os a -l'is ow, etj Jesu ibrm el nine: «Meny ewr na lele nin na eke wel non os na af a, bwo ec'egŋ ec'ow el ee?» -Li dad nine: «Sesar eci.»

¹⁷Etj Jesu dad el nine: «Eke ow el eben a, ɔŋn Sesar yec'ek'el Sesar ec'a, ke ɔŋn Nyam yec'ek'el Nyam ec'a.» Etj Jesu eci low ikŋ na e dad el a ew el any iti.

Luw em anj igb

Matie 22.23-33; Luk 20.27-40

¹⁸Legŋ nyam, Sadusiél em ec'agŋ likpr ow eŋn Jesu. (Ke Sadusiél anake bi dad ese luw em anj igb in anm a.) -N'am ibrm Jesu low na -l'ese:

¹⁹«Low yegm agŋ es, Mois non ol na ɔŋ ey dad nine: Eke igŋ nyam ebi yow etj l'ewm iy kaka toŋ l'uw, ow akpl ke lisijim éb innyow a ebi, éw ey in ab ew lisijim nin es.

²⁰Kin agŋ lisijimél lobŋ e low ek'eŋn: likpekp a ebi yow, l'ewm iy kaka ow ab etj l'uw.

²¹Yony em ec'a eb innyow a ebi, l'ewm iy kaka ow ab etj in yeji l'uw. Low nenyembri nyam a, eŋn nyahan em ec'a yeji;

²²agŋ a lobŋ mum, egŋ egŋ ebi yow a kɔ l'ewm iy kaka, etj el feŋ -l'uw. Ek'el feŋ -l'uwr a, yow a yeji uw.

²³Sica legŋ a ek'agŋ ek'uw a b'ow igb luw em a, bwo ec'egŋ e yow tasi li b'ow l'el ab ee? Anke el a feŋ egŋ egŋ ebi'r ow el in e yow.»

²⁴Jesu dad el nine: «Nje, ɔny na irm anake am irmn a! Etj uwr low nuŋ af ek'am irmn ab any ee? Ony uwmn Nyam Lél a eke wel non ab any, etj Nyam ec'abusu a yeji uwmn any.

²⁵Tasi em a, legŋ ek'agŋ b'ow anj luw em igb a, egŋ lele ɔyow ab k'ow ebirm okm es ij, kɔ -li b'ow -l'ir eb ese elel eke afr erm esél anŋn afr ab af.

²⁶Sica yec'ek'el uwomu em anj igb ec'a, awlmn Mois e lel e non ab em, yogŋ a eke wel dad kati ek'am iri ke étum es a ec'odad ab ee? Wel non dad eke Nyam dad Mois nine: Em m'el Abraham e Nyam, Isak e Nyam, lele Jakɔb e Nyam ab.»

²⁷Etj Jesu usr af dad nine: «Kɔ agŋ eke uw a e Nyam li k'el ee? Njan, l'el agŋ ek'uw ke anj owr a e Nyam. Nje, ɔny na irm anake am irmn a!»

Oi ab em eci ligbel tasi a

Matie 22.34-40; Luk 10.25-28

28Ol e low yegm es nyam iri el ec'ow es atar a, etj l'ekn eke Jesu ec'odad a e dad Sadusiel a el low tasi. L'eri l'ow li titm ow etj n'am ibrm ow l'ese: «Ol a feñ em e ligbel el bogj ec'ee?»

29Jesu dad'r nine: «Kin ol a feñ em e ligbel: O Israel, ìgñ loru es! Es Kɔ̀tɔ̀kɔ̀ ey e Nyam el Nyam nyam coco.

30B'ow erur Asj Kɔ̀tɔ̀kɔ̀ η e Nyam η ec'erm feñ em, η ec'abj feñ em, η e tutr feñ em lele η e lec pupukpañ ab.

31Etj kin ol a e yony em ek'ot krekre ec'ab es: B'ow erur egñ kaka feñ ese η obi af. Ol a feñ em, kaka anm agbm akam ol yony na.»

32Ol e low yegm es a dad Jesu nine: «Low yegm agñ es, ow akpl! Low nawre tasi anake dad a: Es Kɔ̀tɔ̀kɔ̀ el Nyam nyam coco, etj Nyam kaka anm ek'ow elm in sony ce.

33Nje ek'egñ erur Nyam in ec'erm feñ em, in e tutr feñ em, lele in e lec pupukpañ ab, etj l'erur egñ kaka feñ ese in obi af a, na akpl akm mindey eke li k'im Nyam ec'any af l'ofj, lel egb waw erj erj eke li ki kok n'oj ow ab ab.»

34Jesu ekn ek'ol e low yegm es a dad low a nuñ em ony em, etj li dad ow nine: «D, titm Nyam e gbrenjbi usu a.» Ow e jam a, egñ kaka úsm ibram Jesu low ij.

Mesi a lele David ab

Matie 22.41-46; Luk 20.41-44

35Eke Jesu anj Nyamel gbél ab em am yegm agñ low a, l'ibrm nine: «Ayaf etj ol e low yegm esel otu e ki dad ese: Mesi el David e lilaw ee?

36David, ek'Abj Lala ow'r af a, in obi li dad nine: Es Kɔ̀tɔ̀kɔ̀ Nyam dad em Es Kɔ̀tɔ̀kɔ̀ nine: Òw sig es em e lidr abu af toj bake m'ót η ec'efnu a m'ok η ec'akr ew.

37Eke sica David b'esj'n “Es Kɔ̀tɔ̀kɔ̀”, ke ayaf Mesi a otu eke k'el David e lilaw ee?» Agñ nono gbél am erur Jesu ec'odad ek'am dad a.

Ki kokr ese ol e low yegm esel ec'ab af

Matie 23.1-36; Luk 20.45-47

38Jesu in e low yegm ab em am dad el ese: «Èwr sos erm ol e low yegm esel amua eke bi sus mob akpakp am ok okm ec a e lís. -Li b'erur eke dedeku em wel k'esjn el elum em,

39etj Nyam nuñ ign e susu a, -li bi dogjn mekpñ anym es; es gbegbl ec'ob ij owi em yeji, -li b'erur susu amamn.

40-Li b'ufj enyow eb es, etj -li bi kok nyandre -l'ofur Nyam ηojñ yec'etj ke wel ót el agñ amamn. Na sosisem anake el e jej ok a b'ow ew tuotuo a.»

Ịnyow gbɔr yow a ec'ob ap a

Luk 21.1-4

41Sica Jesu sig es obr usu a eke wel kok Nyamel gbél ab em ob ap ec'ab any, etj n'am ler lele eke agñ a am apr ob a. Egbrenjbi nono am ok os nono kopro ebr mob ab em.

⁴²Iñnyow gbɔr yow nyam ow etɲ elu os ekekey yony ek'usm any yeji kopɔ ebr ob ab em.

⁴³Jesu am dad in e jam esel a esɛ: «Low nawrɛ m'am dad ɔny, iñnyow gbɔr yow na ap ob akm agɲ likpr a fɛɲ,

⁴⁴an̄ke el ec'a -n'ɔɲ el ec'ob e -n'ɔny n a ec'ow ek'igɲ af a; kɔ iñnyow a ec'a, n'ɔɲ in e gbɔr em ec'a eke n'ɔny a, ow a fɛɲ a eke li k'iir eb af a.»

Mark e lɛl 13

Nyamel gbɛl a e ɲuɲ

Matie 24.1-2; Luk 21.5-6

¹Eke Jesu an̄ɲ Nyamel gbɛl ab em ey ɔkm a, in e jam esel ab em ec'egɲ nyam dad'r ninɛ: «Low yegm agɲ es, is any ekn mebn egbɛl amua lele mel egbɛl amua ab ɔ!»

²Jesu dad'r ninɛ: «Mel egbɛl amua ek'am ekn a, kaka k'ow anm; fɛɲ b'ow er ok wus. Lebn kaka k'ow anm lawl af ij.»

Lɛgɲ es abal el e gbɛr owi

Matie 24.3-14; Luk 21.7-19

³Sica eke Jesu sig es Olivie lafeny af ɔbr Nyamel gbɛl ab any a, Pier, Jak, Jan lele Andre ab ek'an̄ɲ in ab el ɔny a, am ibrm'n low saw em esɛ:

⁴«Dàd ey ɔ! Kɔ bogɲ lɛgɲ iy low na b'ow ey, etɲ ów amua fɛɲ eke b'ow ey a e meny ewr el bogɲ ec'ee?»

⁵Jesu am dad el esɛ: «Èwr erm! Kì yebr egɲ k'irmn ɔny.

⁶Tasi em a, agɲ nɔnɔ b'ow ow em e nin em dad esɛ: “Em Mesi a,” etɲ -li b'ow -l'irmn agɲ bubute.

⁷Eke batɲ am irir ar ek'am ey an̄a e likekr lel ar owi eke b'ow ey akpoj a ec'amani ab a, erm̄n k'ɔny ɔny. Ow it eke ów amua k'ey, kɔ ow elm wus e nuɲ edɲ.

⁸Tasi em a, ebr nyam ec'agɲ b'ow im eɲn ebr ejeci nyam ogɲ ar; es ew nyam b'ow im eɲn es ew ejeci ar ogɲ eci. Susu nɔnɔ wus b'ow umu etɲ lek yeji b'ow ey. Ów amua fɛɲ b'ow ew esɛ iy ɔny n eci dudu krɛkrɛ ab af.

⁹Gbɛkɔ ɔny, ɔny obi ɔny obi a, èwr erm. Agɲ b'ow ot im ɔny jɛj ok ec'any af. Wɛl b'ow ɔr ɔny Nyam ɲuɲ igɲ susu. Em e nin a eci dan̄ku ij sosiem, wɛl b'ow ot im ɔny es ew esel lele éb ebu ab ec'any af.

¹⁰Ow it eke krɛkrɛ em a, wɛl k'ɔb Amani Mamn a e kokoba ok ebr ebr a fɛɲ.

¹¹Etɲ eke wɛl b'ow ot im ɔny jɛj ok ec'any af a, ermij k'íkɲ anym k'ok ɔny ow a eke b'ow dadr a eci. Dàdr wanci ab af ec'a cɛ eke Nyam b'ow ɔɲ ɔny a, an̄ke sodad a k'ow anm ɔny em owm, kɔ Abɲ Lala a b'ow dad odad a ɔɲ ɔny.

¹²Agɲ lisijimel b'ow ot el lisijimel lokm ow ibi eci; ey esel yeji b'ow kok eben el ec'ey e lís, ey yeji b'ow ɔbr el esel any, ɔɲ wɛl ibi el.

13Em sosisiem, agɲ a feɲ b'ow ifn ɔny; gbekɔ eɲ eke b'ow inym es kikri toɲ ow e nuɲ eɲɲ em a, b'ow eɲ sel.»

Musue ob iy

Matie 24.15-28; Luk 21.20-24

14«Ke sica b'ow ekan “Musue ob iy” anɲ yogɲ ek'itm eke li k'anɲ a. (Ke eɲ eke b'ow awl ów amua a, íri senyn senyn.) Ke kpekɲ agɲ a eke b'ow anɲ Jude wus af a, ow akpl ke -l'uru es -n'im mafeny em.

15Eɲ eke b'ow anɲ in ec'êl afr e lef eb usu a, k'úsm es eym akɲ ocm ob;

16Etɲ eɲ eke b'ow anɲ ɔgm a, k'êwlm iim jam ocm in e mob af ew a ij.

17Sɛɲ amua b'ow ew tuɔtuɔ molok ab lisel lel el ek'am ɔɲ ey meny ab ab eci.

18Nyam ɲɔɲ a át es yec'etɲ ke low na k'éym nyam es us em,

19aɲke sɛɲ na em a, gbre ij a b'ow ew tuɔtuɔ afɲ es. Ow b'ow akm gbre ij feɲ ek'anɲ leɲ a etɲ eke Nyam kok ów a feɲ toɲ k'ít yefenyina ec'a. Leɲ kaka gbre ij na k'ow anm ij.

20Etɲ blel Es Kɔtɔkɔ isrm sɛɲ amua em, ke eɲ kaka blel ɔtum anm owr. L'isr sɛɲ amua em agɲ a eke li sɔsum l'ot a sosisiem eci.

21Eke batɲ eɲ nyam bi dad ɔny esɛ: “Èkan, Mesi a anɲ aɲa!” oglog: “N'anɲ yogɲ a!” k'ùbr eɲ a nawre.

22Tasi em a, mesiel ayadɲu lele kokoba ɔb esel ayadɲu ab b'ow ok ɔkm. -Li b'ow -li kok meny ewr lele ów any iti owi ab agɲ ec'irmn eci, ke ek'ow it yeji, -l'ɔtu -l'irmn agɲ a eke Nyam sɔsum ot a.

23ɔny ec'a, èwr erm! M'ikɲ anym m'ewar ɔny ów amua feɲ eke b'ow ey a eci.»

Eɲ ec'Iy eci mower

Matie 24.29-31; Luk 21.25-28

24Emeny Jesu igɲ af nine: «Gbekɔ sɛɲ ab em, eke gbre ij owi na feɲ b'ow ec ok es a, ligbn b'ow irm es etɲ awl yeji k'ow afɲm ij.

25Mílél b'ow ok wus etɲ afr ec'abusu owi feɲ b'ow wuwal.

26Sica yogɲ anake wel b'ow ekn eɲ ec'Iy eke b'ow anɲ afr e jru em am ow, abusu feɲ lele anygbel ab a.

27Li b'ow l'ism afr erm esel ab, etɲ li b'ow l'as agɲ a eke li sɔsum l'ot a luku, wus na ec'ɔy yar ab em, toɲ l'ok afr e nuɲ.»

Low yegm eke babm e likɲ a am elu ɔkm

Matie 24.32-35; Luk 21.29-33

28Sica Jesu dad nine: «Kin low yegm ek'el babm e likɲ a eci eke k'irir: kpekɲ eke in ec'ál a b'ew wrɔwrɔ, ke n'am gigɲ ɔɔɔɔ a, kpekɲ b'uwr any eke mewij ow titm ñ.

²⁹Eben nyam coco eke b'ekan ów amua am ow a, ke kpekɛ ńwɛr any eke low a titm, etɛ ow b'ow ey.

³⁰Low nawre m'am dad ɔny: yefenyna ec'agɛ feɛ k'ow uwm uwrɛ etɛ ów amua b'ow ey.

³¹Afr lele wus ab b'ow ec, gbekɔ lɛgɛ kaka em e sodad a k'ow ecm.

Nyam sɔny coco uw lɛgɛ a e nuɛ ɛdɛ ab any

Matie 24.36-44

³²Gbekɔ ów a e lɛgɛ lele wanci ab ab eke b'ow ey a, eɛgɛ kaka uwm any, afr erm esel yeji uwm any, eɛgɛ ec'Iy bobɔ yeji uwm any, ek'ow elm em Es sɔny coco.

³³Ẹwɛr erm! Memn k'ibi ɔny, aɛke uwmn lɛgɛ ab any.

³⁴Ow anɛ esɛ eɛgɛ nyam ek'aam usu, ke oc in ec'akɛ a abul in eci juma kok esel a ke ɔɛ el ów feɛ ec'abusu af. N'ɔɛ eɛgɛ nyam nyam eci juma eke ki kok etɛ li dad usu ɔsu es a eke k'anɛ any owr ke ám ɔsu usu a.

³⁵Ɔsur, aɛke uwmn wanci a ek'akɛ es a b'ow ewl meny ow ab any. Ow k'odm ke l'ów ncebles em, ncok eci lɛgɛ yu nuɛ em, ɛgɔs ikɛ em, oglog ibribr.

³⁶Eke l'ow l'okr ɔny es kpɛru, li k'ɛɛɛn ɔny memn eru em.

³⁷Odad na eke m'am dad ɔny a, agɛ a feɛ anake m'am dad a: Anɛn any owr!»

Mark e lɛl 14

Es ew esel am ut Jesu ec'ibi a ec'asre

Matie 26.1-5; Luk 22.1-2; Jan 11.45-53

¹Ow anɛ seɛgɛ yony ke Pak lele Futufutu ek'ejrɛ ánm em ec'es gbegbl a e lɛgɛ ey. Egb waw esel eɛgɛ lele ol e low yeɛgm esel ab ab am as luku ɔl eled eke k'ɔnyɛn Jesu ew ew em ke -l'ibi ow a.

²Gbekɔ -n'am dad el ɔfr em -l'esɛ: «Ow itm eke si k'ɔny'n es gbegbl na em; ek'ow el eben, bobar a owi b'ow ey bieku ab em.»

Yɔw nyam ok Jesu mijey nuɛ

Matie 26.6-13; Jan 12.1-8

³Jesu im Betani baɛn, Simɔ a eke lɛgɛ anym em kokobe ok a ec'akɛ. Eke Jesu anɛ ob ij lɔfu lís a, yɔw nyam ow titm'n. N'ɔnym án gbɛl e mijey kɔk nyam eke wɛl kok lebn em ab; lebn na, wɛl b'esɛɛn'n albatr, ke mijey a el nar tasi em. N'ɔny l'ɔb es etɛ l'ewl l'ok Jesu nuɛ.

⁴Agɛ a ek'anɛ yogɛ a eci beb erurm etɛ am eny abr dad el ɔfr em esɛ: «Kɔ na, ow elm ob ɛɛnɛn ana ee?»

⁵Ow itm eke mijey ikɛ na, wɛl k'ɔl ij os ekɛ yen yen sakp nyahan, oc ow ec'os a ɔɛ ogbɔru ee?» Etɛ -n'am cak cak yɔw a erm bebl em.

⁶Gbəkɔ Jesu dad nine: «Ègbr yow ab es tin! Kɔ bla etɔ am ijar ir gbre ee? Low na eke li kok em e lís a el low nimamn.

⁷Tasi em a, ɔgbɔru ec'a, -n'anɔ ony ab seɔɔ a feɔ, leɔɔ kaka feɔ ek'erurir a, ɔtur eke ki kokr el ów amamn; kɔ em, seɔɔ a feɔ mi k'ow m'anm ony ab.

⁸Yow na kok low yec'a eke l'otu eke li ki kok a. L'ikɔ anym l'ok'm mijey na sos, em ec'uwomu em anɔ a eci.

⁹Low nawre m'am dad ony, wus na nimum af ec'usu kaka feɔ eke wɛl b'ow ɔb Amani Mamn a eci kokoba a, wɛl b'ow ɔkn yow na e low, ke wɛl dád low a eke li kok a yeji.»

Judas am bɛbm eke b'ow ɔl Jesu ij

Matie 26.14-16; Luk 22.3-6

¹⁰Sica, jam esɛl lew yony ab em ec'egɔ nyam eke wɛl b'esɔ Judas Iskariot, im eɔn egb waw esɛl eɔbɛl a, etɔ dad el eke k'onɔ Jesu ɔɔ el.

¹¹Eke -l'irir odad na a, sos em iɔn el toɔ -l'egɔ -l'eb eke -li k'ɔɔ ow os. Ow ɔɔ Judas am ɔl akunda senyn yec'em eke li k'onɔ Jesu n'ɔɔ wɛl.

Pak ec'ob ij a eci sos bɛbm

Matie 26.17-25; Luk 22.7-14, 21-23; Jan 13.21-30

¹²Futufutu ek'ejru ánm em e leɔɔ krɛkrɛ eke wɛl b'ibi mɛceb Pak ec'es gbɛɔbl ec'ob ij ec'a, jam esɛl a ibrm Jesu nine: «Kɔ bogɔ am erur eke si k'im si bɛbm Pak ec'ob ij a e sos ee?»

¹³Etɔ Jesu dad in e jam esɛl ab em ec'agɔ yony nine: «Ímn baɔn a, b'ow ɔbar eɔɔ nyam ek'uyu mijel. Úsr eɔɔ ikɔ na jam,

¹⁴ke akɔ yec'eke li b'ow l'ey a, dádɔ akɔ es a eke low yeɔm agɔ es am ibrm usu a ek'in eci jam esɛl ab ab el k'ij Pak ec'ob a.

¹⁵Li b'ow li yeɔm ony êl afr yogɔ, oj gbɛl nyam eke akɔ e mob a feɔ iy neny em. Yogɔ anake b'ow kokr Pak ec'ob ij a.»

¹⁶Jam esɛl a im ok baɔn a, eɔn feɔ a esɛ elɛl eke Es Kɔtɔkɔ dadɔ el ab af, etɔ -li bɛbm Pak ec'ob ij a eci sos.

¹⁷Leɔɔ es ew em a, Jesu lele jam esɛl lew yony ab ab im yogɔ.

¹⁸Eke -n'anɔ ob ij usu ke -n'am ij ob a, Jesu dad el nine: «Low nawre m'am dad ony: ony em ec'egɔ nyam ek'am ij ob em ab a, b'ow ɔl ij'm.»

¹⁹Jam esɛl a feɔ sos ɔw es etɔ eɔɔ eɔɔ am ibrm'n esɛ: «Kɔ ow ɔtu eke k'el em ee?»

²⁰Li dad wɛl nine: «Ony lew yony ab em ec'egɔ nyam, in a ek'am us abu em ab lɔfu nyam em a.

²¹Es, tasi, eɔɔ ec'Iy b'ow uw esɛ elɛl eke Nyam Lɛl ewar in e lís ab af; gbəkɔ gbre él eɔɔ a ek'am ɔl ij'r a eci! Eɔɔ ikɔ na, blɛl wɛl ewm'n bɔbɔ yeji.»

Ob ij lala

Matie 26.26-30; Luk 22.15-20; 1 Korént 11.23-25

- ²²Eke -n'am ij ob a, Jesu oc futufutu, l'elu Nyam bia, l'ubr em, n'ɔŋ in e jam esel a etɲ li dad nine: «Èbr, na el em e sos megl.»
- ²³Emeny l'oc mij kpɔk eke mar anɲ em, l'elu Nyam bia, n'ɔŋ in e jam esel a; etɲ el fɛŋ -l'ɛŋɲ.
- ²⁴Sica Jesu dad el nine: «Na el em e mebl, Nyam e sinm a e mebl ek'am ow ok es agɲ nɔnɔ eci.
- ²⁵Low nawre m'am dad ɔny: mi k'ow m'ɛŋɲm mar na sakp ejeci toŋ ke ow él Nyam e gbrenɣbi usu a eci mar owr eke mi k'ɛŋɲ.»
- ²⁶Sica -l'ɛŋɲ es gbɛɣbl a ec'ej ba ow b'owr, etɲ -n'im Olivie lafeny af.

Pier b'ow ɛgbr Jesu

Matie 26.31-35; Luk 22.31-34; Jan 13.36-38

- ²⁷Jesu am dad in e jam esel a esɛ: «Low a eke b'ow ɛŋn'm a b'ow ok ɔny wus ɔny eci ɔmn ab em. Tasi em a, Nyam Lɛl ab em wɛl nɔn eke m'ow m'ibi mɛcɛb ɔsu es a etɲ mɛcɛb a fɛŋ b'ow ɔmu es.
- ²⁸Gbɛkɔ em eci uwomu em anɲ igb em a, m'ow m'ikɲ anym m'im Galile m'eku ɔny.»
- ²⁹Pier dad'r nine: «Ek'agɲ a fɛŋ b'ow igɲ elu ɲ es yeji, ow k'ow elm em gbɛ!»
- ³⁰Jesu dad'r nine: «Low nawre m'am dad'ɲ: ncok na cɛ, gbunɲ ke ɲɔs ikɲ sakp yony a, b'ow ɛgbr'm sakp nyahan dad eke uwm im any.»
- ³¹Kɔ Pier am dad lebl tuɔtuɔ em esɛ: «Eke ow it ɲ ab eci luw bɔbɔ yeji, mi k'ow m'ɔtum mi dadm m'ɛsme m'uwm'ɲ any.» Etɲ jam esel ejec'a yeji dad ɛben.

Jesu am ɲɔŋɲ Nyam Jɛsemane

Matie 26.36-46; Luk 22.39-46

- ³²Jesu lele in e jam esel ab ab im ok usu nyam eke wɛl b'ɛsɲ Jɛsemane. Jesu dad in e jam esel a nine: «Eke m'aam mi ɲɔŋɲ Nyam a, òkr es aɲa.»
- ³³Etɲ l'ɛsɲ Pier, Jak lele Jan ab eke k'im in ab. Sos ɔb nuɲ am ɔw'r es etɲ ɛrm mij yeji am ok'r afɲn in es.
- ³⁴Li dad wɛl nine: «Sos es ɔw ek'el luw eci afɲn em ec'abɲ ab es; òkr es aɲa ke ɔsur.»
- ³⁵L'eri n'im kpekpe tɛl, l'ok ɔwrɔkp wus, l'ubu any es, etɲ n'am ɲɔŋɲ Nyam ek'ow it ke gbɛ ij eci wanci ikɲ na kpáb'r es lís.
- ³⁶N'am dad l'ɛsɛ: «Aba, em ɛs, ɲ em ów fɛŋ ec'abusu a anɲ; ɔny gbɛ e mij kpɔk na kpab'm es lís. Ke fɛŋ em a, ow k'él yec'a eke m'am erur a, kɔ yec'a eke ɲ am erur a.»
- ³⁷Etɲ l'ow n'ɛŋɲ jam esel nyahan a eke mɛmn ibi. Li dad Pier nine: «Simɔ, am ɛru mɛmn! Kɔ wanci nyam bɔbɔ yeji ɔtum ɔsum ee?

38 Ànḡn any owr ɔsur ke ḡḡḡan, yec'etḡ ke k'ḡymn ebm ekn owi em. Ɔny ec'abḡ a gbḡ inym es low feḡ e kok eci, kɔ ɔny e sos meḡl a gbḡ ijm leḡ ij.»

39 Emeny l'ewl meny n'im etḡ Nyam ḡḡḡn a el nenyembri nyam a ce.

40 Eke emeny l'ewl meny l'ow in e jam esel ogḡ a, n'ḡḡan wel memn eru em. Memn am bobm el anyamn; ow ɔḡ -l'uwmn low yec'eke -li ki dad Jesu ab any.

41 Sakp nyahan em ec'a eke Jesu ewl ow a, n'am dad in e jam esel a l'ese: «Am erur memn ce ebr sel ee? Sica ow bebmn ab ḡ! Wanci a eke wel b'ow ɔl egḡ ec'Iy ij sikpl esel ec'abu em a, ow ḡ.

42 Ḳḡbr, s'imn! Kin, egḡ a eke am ɔl ij'm a ow titm ḡ!»

Jesu ec'ɔny

Matie 26.47-56; Luk 22.47-53; Jan 18.3-12

43 Jesu odad anḡ nenyem k'uwrn etḡ kpeḡḡ Judas, jam esel lew yony ab em ec'egḡ nyam ilm any. Agḡ a ek'ow in ab a, ɔnym ekḡ ekpr lele mab ler em ab. Egb waw esel egbel, ol e low yeḡm esel lel agḡ ekpeḡp ab ab anake erm el a.

44 Judas eke b'ow ɔl Jesu ij a, ikḡ anym yeḡm dedeku a akunda yec'em eke -li k'ɔny ow a. Li dad nine: «Egḡ a eke m'ow mi joj neny a, in ana; ɔny in, ɔcr imn in, ke ɔsur ir senyn senyn gɔḡ.»

45 Kpeḡḡ eke Judas im titm Jesu a, li dad nine: «Low yeḡm agḡ es!» Etḡ li joj ow neny.

46 Kpeḡḡ agḡ a ok'r af ɔny'n.

47 Jam esel ab em ec'egḡ nyam ɔdu in e lab ler em a eb, l'iyr egb waw es ligbel a ec'abu elum es a etḡ l'ubr ow loru es.

48 Jesu ɔdu odad eb etḡ am dad dedeku a ese: «Kɔ em eci ɔny a, ibrm eke k'otr ekḡ ekpr lele mab ler em ab owr, ese low ḡḡḡ kok es em el af ee?

49 Ɔny ab ce m'anḡ seḡḡ a feḡ. Mi bi yeḡm agḡ low Nyamel gbḡl a e gbugḡ etḡ ɔnymn'm. Gbekɔ ow ey, yec'etḡ ke Nyam Lel em ec'ów a eke wel non a íy neny.»

50 Kpeḡḡ jam esel a feḡ igḡ Jesu elu es, uru es im.

51 Ɖgbafre nyam eke gbad ikpr nyam ce anḡ sos, am us Jesu jam. Wel k'ɔny'n,

52 gbekɔ l'igḡ in e gbad a l'elu es, l'uru es sos ofr n'im.

Jesu im Sanedrḡn ec'agḡ a ec'any af

Matie 26.57-68; Luk 22.54-55, 63-71; Jan 18.13-14, 19-24

53 Agḡ a oc Jesu im egb waw es ligbel a eci gbugḡ a; yogḡ egb waw esel egbel a feḡ, agḡ ekpeḡp a, lel ol e low yeḡm esel ab ab as luku.

54 Pier anḡ akpoj em am us Jesu jam. N'im toḡ l'ey egb waw es ligbel a eci gbugḡ a. N'im n'ḡḡn usu ɔsu esel a etḡ li sig es al saw n'am ɔgbu al.

55 Egb waw esel egbel a lele Sanedrḡn ec'agḡ ejec'a feḡ ab am ɔl danḡḡ ij nyam eke k'ɔbr Jesu low yec'etḡ ke -l'ibi ow, kɔ -n'ḡḡnmn low kaka.

⁵⁶Tasi em a, agɲ nɔnɔ am ij danɲu yadɲ em Jesu e nuɲ af, kɔ el ɔfr eci danɲu ij ab em yeji, neny ókrm el af.

⁵⁷Agɲ beb igb etɲ am ij danɲu yadɲ em in e nuɲ af dad ese:

⁵⁸«S'irir nenyum li dad nine: “Nyamel gbɛl na ek'agɲ ec'abu in us a, in b'ow in ɔny in er in ok; eke ow'n b'ow in ij sɛɲɲ nyahan a, in b'ow in us ejeci nyam ek'in elm agɲ ec'abu em ec'ek'in us.” »

⁵⁹Odad na af bɔbɔ yeji neny okrm el af el e danɲu ij ab em.

⁶⁰Kpɛkɲ egb waw ɛs ligbɛl a igb agɲ a fɛɲ ec'any af, etɲ am ibrm Jesu ese: «Kɔ wɛl ám dad sodad amua ok'ɲ af, ke k'ɔbm kpu ee?»

⁶¹Kɔ Jesu yewal tin; li cizm sar l'okm ow es. Emeny egb waw ɛs ligbɛl a am ibrm'n sakp yony em ese: «Kɔ ɲ Mesi, Nyam a eke si b'igɲ nuɲ a ec'Iy ee?»

⁶²Jesu ɛɲɲ dad nine: «Ɛɛ, m'el; etɲ ɔny fɛɲ, b'ow ɛkan ɛɲɲ ec'Iy eke sig es Nyam abusu Ɛs eci lidr abu af, ke b'ow anɲ afr eci jru em ám ow.»

⁶³Odad na sosiɛm, egb waw ɛs ligbɛl a ɔny in eci simob sus em a gbagbrm em, etɲ dad nine: «Ɛy, s'ibram adanɲu ij!

⁶⁴ɔny obi yeji irir eke li dad low ɔbr any owi Nyam e lís. Kɔ ɔny e tutr el bogɲ ec'ee?» Agɲ a fɛɲ ɔb Jesu low ek'el in ec'ibi eci.

⁶⁵Etɲ em yogɲ ec'agɲ beb am afl'l sar any. -N'awɲ ow any es, -n'am ɔr ow kukuta em, etɲ -n'am ibrm ow -l'ese: «Tùtr ke úlm ɛɲɲ a es!» ɔbowi a eb'r abu em etɲ am dɛdɲ'n any af.

Pier ɛgbr Jesu

Matie 26.69-75; Luk 22.56-62; Jan 18.15-18, 25-27

⁶⁶Etɲ eke Pier anɲ wus a gbugɲ yogɲ ɔɛ a, egb waw ɛs ligbɛl a eci ob oc ɔɲ lisɛl ab e nyam ow,

⁶⁷etɲ ɛkn'n eke n'am ɔgbu al. L'ok any es li ler ow sɛnyn sɛnyn etɲ li dad ow nine: «D yeji anɲ Nasaret e Jesu ab.»

⁶⁸Kɔ l'ɛgbr li dad nine: «Mi k'irim sɛnyn sɛnyn; low yec'a ek'am ɔl eke ki dad a, mi k'uwm any.» N'imn gbeɲ lisany a eci [etɲ ɲɔs ikɲ].

⁶⁹Ob oc ɔɲ lis a ɛkn'n, etɲ emeny am dad agɲ a ek'anɲ yogɲ a ese: «Ɛɲɲ na, jam ɛsɛl ab em ec'ɛɲɲ nyam!»

⁷⁰Kɔ Pier ɛgbr sakp yony em dad nine: «Njan! Kaka!» Ek'ow ibn tɛl a, agɲ a ek'anɲ yogɲ a, am dad Pier ese: «Tasi, ɲ jam ɛsɛl ab em ec'ɛɲɲ nyam, anke ɲ Galile wus af ec'ɛɲɲ!»

⁷¹Gbɛkɔ Pier ɔdu eb dad nine: «Ek'ow el yadɲ m'am ɔny, ke Nyam kók'm low ɲɲɲ! M'am ofn mi dad ek'ɛɲɲ na ek'am dadr in e low a m'uwm'n any.»

⁷²Odad na anɲ'n nenym n'am dad etɲ kpekɲ, ɲɔs ikɲ sakp yony em. Ow ɔɲ Pier ɔkn low a eke Jesu dad'r a: «Gbuɲ ke ɲɔs ikɲ sakp yony a, b'ow dad sakp nyahan eke uwm im any.» Ow sosiem, n'am ikɲ ɔɲn.

Mark e lɛl 15

Wɛl oc Jesu im Pilat ec'any af

Matie 27.1-2, 11-14; Luk 23.1-5; Jan 18.28-38

¹Ibribr fafa em a, egb waw esɛl eɲɛl a, aɲɲ ekpekɲ a, ol e low yegm esɛl a, lel aɲɲ a feɲ ek'el el e Sanedren ec'agɲ a, ec ok usu nyam eke ki bebm low a ucu es. -N'ɔɲ wɛl ɔɲ Jesu awɲ etɲ -l'oc -n'im -n'ɔɲ ow Pilat.

²Pilat ibrm Jesu ninɛ: «Kɔ ɲ Jwifɛl ec'eb ebu ee?» Jesu ɔdu eb ninɛ: «ɪ obi dad.»

³Egb waw esɛl eɲɛl a am dad ów eɲɲ nɔɔ ok Jesu af.

⁴Ow ɔɲ emeny Pilat am ibrm Jesu esɛ: «Kɔ ɲ ótum dadm low kaka ee? Etɲ kɔ am iri ów amua feɲ eke -n'am dad -l'ok'ɲ af ab ee?»

⁵Kɔ Jesu dadm low kaka ij, etɲ ow e low iti Pilat any afɲn es.

Wɛl ɔb Jesu low luw eci

Matie 27.15-26; Luk 23.13-25; Jan 18.39-19.16

⁶Eke sakp sakp feɲ Pak ec'es gbegbl e lɛɲɲ b'ow a, Pilat b'ɛlu sobel em es nyam eke dedeku a b'ibrm ab es.

⁷Kɔ eɲɲ nyam eke wɛl b'esɲ Barabas lele lawlɛl ab ab ek'égɲm Rom ec'es ew e low ebm a, anɲ sobel em. -L'el aɲɲ ek'el ec'erm bebl em ibi eɲɲ.

⁸Dedeku a uyu im eɲɲ Pilat, etɲ am ibrm'n esɛ: «Kòk low a eke lakpo lakpo feɲ bi kok a ɔɲ ey.»

⁹Pilat ewl am ibrm el esɛ: «Kɔ am erurir eke mi k'ɛlu Jwifɛl ec'eb ebu ab es m'ɔɲ ɔɲ ee?»

¹⁰Tasi em a, l'uw any eke nyamn eyr em egb waw esɛl eɲɛl a oc Jesu is'r.

¹¹Egb waw esɛl eɲɛl a am ok dedeku a al em dad ek'ow k'ɛlu Barabas es ɔɲ el.

¹²Pilat emeny am ibrm dedeku a esɛ: «Sica bla lowi mi ki kok eɲɲ a eke b'esɲn Jwifɛl ec'eb ebu ab ee?»

¹³-N'am ɔɲ -li dad ow -l'esɛ: «Èw'r olikɲ af!»

¹⁴Pilat ibrm el ninɛ: «Kɔ bla low ɔbr iy li kok ee?» Kɔ -n'am ɔɲ lebl tuɔtuɔ em -l'esɛ: «Èw'r olikɲ af!»

¹⁵Pilat erur eke ki kok dedeku a sos em iɲɲ; na sosiem l'ɛlu Barabas es n'ɔɲ wɛl, etɲ n'ɔɲ wɛl ɔr Jesu say em gbuɲ etɲ l'ɛlu abusu es eke wɛl k'oc im ew ow olikɲ af.

Sɔda eyɲ a am kokr Jesu miyɛr

Matie 27.27-31; Jan 19.2-3

16Srɔda eyɔ a ɔny Jesu elu lakp lokm a ek'el Pilat e gbugɔ a, etɔ -l'ɛsɔ el lawlɛl likpr a fɛɔ ow.

17-Li sus ow mob sus ɛm ebl kondonɔ nyam, -li kok mirɔ ɛm tufe etɔ -l'oc -l'us ow.

18Etɔ -n'am kokr ow miyer -l'ibrm ow -l'ɛsɛ: «S'am ɛsɔn'ɔ o, Jwifel ec'ɛb ebu!»

19-L'oc likɔni -n'am ɔr ow nuɔ nuɔ, -n'am fafl ow sar any, etɔ -n'am kok nyandre -l'ok ɔwrɔkp wus ow ec'any af.

20Eke -li kokar ow miyer bake ow uwr a, -n'ɔny mob sus ɛm ebl kondonɔ a -l'oc ow es, etɔ -l'ɛwl meny -l'ot ow e mob tasi a -li sus ow. Etɔ sica -n'ɔny -l'ɛlu ow gbeɔ -n'am oc -n'im -l'ɛw ow olikɔ af.

Jesu ec'olikɔ af ɛw owi

Matie 27.32-44; Luk 23.26-43; Jan 19.17-27

21Sica eke -n'anɔn ejagb af -n'aam a, -l'ɔbr Simɔ, Siren baɔn iy nyam ek'el Alesandr lele Rufus ab ec'el ɛs ek'anɔ akp ɛm am ow, etɔ srɔda eyɔ a ɔny'n lɛc ɛm eke li k'abum Jesu olikɔ.

22-N'ɔny Jesu -n'im usu nyam eke wɛl b'ɛsɔ Golgota ek'el nyandre ɛm “Nuɔ kpɔk ec'usu”.

23Yogɔ srɔda eyɔ a wuwlm mar lele kpɛy ab ɔɔ Jesu eke k'ɛgɔ, kɔ l'ɛgɔm l'ɛbm.

24-L'ɛw Jesu olikɔ af etɔ -li cɛc ow eci mob sus ɛm a sɔsum oc kok ɛm, -l'uw ɛgɔ ɛgɔ ec'ek'ɛbm ab any.

25Ibribr e wanci libarm af anake -l'ɛwr ow olikɔ af a.

26Etɔ ligɔg log nyam eke wɛl nɔn aru in ec'olikɔ a, am yɛgm low a nuɔ af eke wɛl ɔb'r low luw ec'a. Odad a el: “ɛgɔ na el Jwifel ec'ɛb ebu.”

27Yogɔ cɛ -l'ok ɔw ɛɔɔ kok ɛsɛl yony yeji olikɔ af; nyam anɔ Jesu lidr abu af, etɔ nyam anɔ'n nɛmn abu af.

[28Nɛnɛ anake Nyam Lɛl ec'a e dad a iy nɛny a: Wɛl awl'l ɔw ɛɔɔ kok ɛsɛl ec'araɔn.]

29Agɔ ek'am ɛcr yogɔ ec'a, am ɛgɔn nuɔ ɛm wɛwr'r etɔ am dad'r ɛsɛ: «ɔ ek'am erur eke k'ufɔ Nyamel ab es ke sɛgɔ nyahan kpɛɔ ús ɛjɛc'a,

30èbr ɔ sosi, ànɔ olikɔ af yogɔ us es!»

31Etɔ egb waw ɛsɛl egbɛl a, lel ol e low yɛgm ɛsɛl ab ab yeji am kokr'r miyer dadarir el ɔfr ɛm ɛsɛ: «L'ɛb agɔ ejɛci l'ɛlu es, etɔ l'ɔtum eke li k'ɛbr in sosi!

32Ke Mesi ikɔ na ek'el Israel ec'ɛb ebu a, ànɔ olikɔ af anɔ us es, ke s'ɛkn, ke s'úb'r nawrɛ tasi.» Etɔ ɔw ɛɔɔ kok ɛsɛl eke wɛl ɛw olikɔ af in ab a yeji am wɛwr'r.

Jesu e luw a

Matie 27.45-56; Luk 23.44-49; Jan 19.28-30

³³Sica lægɲ uyu nuɲ ɛm a, ncebn ɛy wus a nimum af toɲ ok ncebles e wanci nyahan ɛm.

³⁴Ncebles e wanci nyahan ɛm a, Jesu barm lebl tuɔtuɔ ɛm nine: «Eloi, Eloi, lama sabaktani?» (ek'el nyandre ɛm: “Ɛm e Nyam, ɛm e Nyam, kɔ bla ɛtɲ digɲ ɛlu'm es ee?”)

³⁵Agɲ nyam nyam ek'anɲ yogɲ a iri odad na ɛtɲ dad nine: «Ìrir, n'am ɛsɲ Eli!»

³⁶Ɛtɲ ɛl ɛm ec'ɛgɲ nyam uru es im oc mbra usm ɛl eci mar ab ɛm, oc ujr likɲni nyam ɛm ɛtɲ oc am ɔkɲ Jesu ek'ɛgɲ. Ɛtɲ li dad nine: «S'ɛwr nyamn es s'ɛkan ek'Eli b'ow ɔny usm'n es olikɲ na af!»

³⁷Ɛtɲ eke Jesu barm lebl ligbɛl nyam a, l'ok sel es.

³⁸Wanci ab af cɛ Nyamel ab ɛm eci gbad gbɛl gbada a eke wɛl ɛw ɛdɲn usu lala ab any a, igɲ afr ɛm a ɛtɲ agbr ɛm araɲn didi toɲ ok esr ɛm a.

³⁹Rom e srɔda ɛyɲ a eci anym ɛs a ek'ɔbr Jesu any a, ɛkn luw a ec'elel eke ɛcr ɛtɲ li dad nine: «Nje tasi ɛgɲ na Nyam ec'Iy!»

⁴⁰Ɔyow beb yeji anɲ yogɲ ɛtɲ am lɛr low a akpoj ɛm. Ɛl ɛm a, Mari, Magdala baɲn yowi a, Salome lele Mari, Jak likekli lele Jose ec'el lis ab anɲ.

⁴¹Ɔyow amua na, Galile ɛtɲ -li b'us Jesu jam ɛtɲ -li bi kok ow e lís e low fɛɲ. Ɔyow nonɔ beb yeji eke us Jesu jam ow Jerusalem a, anɲ yogɲ.

Jesu ec'es oc owi

Matie 27.57-61; Luk 23.50-56; Jan 19.38-42

⁴²⁻⁴³Sica eke lægɲ ew es a, Josef, Arimate baɲn iy a, am ow. L'el Jwifɛl e Sanedren ab ɛm ec'any ɛs nyam ek'in yeji am eku ɔmn ɛm, Nyam e gbrenɲbi usu a e mowrer e low. Ow el nɛnɛgɲ e sos bebɛm e lægɲ, ek'el lægɲ e wɛl b'ɛɲn gbunɲ ke nɛnɛgɲ b'ɛy wus a. Na sosiem l'oc lokm susu ɛm, n'im n'ɛɲn Pilat ɛtɲ l'ibrm ek'ow k'oc Jesu e sos megl a ɔɲ'n.

⁴⁴Pilat low iti any eke Jesu k'uw fafa. Na sosiem l'ɛsɲ Rom e srɔda ɛyɲ eci nyimn ɛs ligbɛl a ow ɛtɲ l'ibrm ow eke Jesu uw ow ibn.

⁴⁵Sica eke Pilat iri ɛgɲ ligbɛl a nɛnym a, n'ɔɲ Josef abusu eke k'im oc Jesu e sos megl a.

⁴⁶Josef im ɔl gbad ufu nimamn nyam, l'ow n'ɔny Jesu e sos megl a l'usm es olikɲ ab af, l'oc gbad ufu a li wiwrm ow ab ɛtɲ l'oc n'im l'oc ow es uwomu lob nyam eke wɛl n'ɔɲ ur ab ɛm. Ɛtɲ li wuwl lebn ligbɛl nyam l'ow l'abl ow ec'ɛm ɛy usu ab es.

⁴⁷Mari, Magdala baɲn yowi a, lele Mari, Jose lis ab, am lɛr yogɲ a eke wɛl am ɛw Jesu a.

Mark e lɛl 16

Jesu eci luw ɛm anɲ igb a

Matie 28.1-8; Luk 24.1-12; Jan 20.1-10

- ¹Eke nenegh e legh a ec'a, Mari, Magdala banj yowi a, Salome lele Mari, Jak lis ab, ol mun shosho eke k'im ok Jesu e sos megl ab af.
- ²Dimas eci ibribr fafa eke ligbn am ey okm a, -l'igb -n'aam uwomu ab af.
- ³-N'am dadarir el ofr em -l'ese: «Kɔ bwo ec'egh b'ow wuwl lebn na ek'anj uwomu a ec'em ey usu a oc es oj ey ee?»
- ⁴Gbeko eke -li b'igbl any ogj -li ler a, -l'ekn eke lob a oc es anj saw em.
- ⁵-N'im -l'ok uwomu ab em, etj -l'ekn ngbafre nyam eke sig es lidr ogog a, sus mob ufu kpaakp, etj oyow a erjn ligbel am ony.
- ⁶Gbeko ngbafre a dad el nine: «Erjn k'onj ony; am ol Nasaret e Jesu a eke wel ew olikj af a; l'igb agj ek'uw ab em, n'anm aja. L'er yogj a eke wel ew'r a.
- ⁷Sica ìmn ke dadr jam esel likpr a lele Pier ab eke in am ikj ony anym in im in eku ony Galile; yogj anake ony b'ow ony ekan in ese el el eke in dad ony ab af a.»
- ⁸Oyow a ok okm uwomu ab em etj es uru em eb ejagb aam, anke sos am ufj el, etj erjn am ony el. -Li dadm egj kaka low a, anke erjn a afjn el es.

Jesu e sos e yegm Mari, Magdala yowi a lel el em ec'agj yony ab

Matie 28.9-10; Luk 24.13-35; Jan 20.11-18

- ⁹Eke sica Jesu igb luw em a, nenegh e legh krekre a eci ibribr fafa a, l'ikj anym li yegm Mari, Magdala yowi a ek'ow em l'ogj abj enj lobj a sos.
- ¹⁰Kpekj Mari im enj jam esel likpr a ek'anj sos es ow em ke am ikj onj a, etj li dad wel low a fej eke l'ekn a.
- ¹¹Li dad agj a nine: «Jesu anj owr, m'ekn'n!» Kɔ eke -l'irir odad na a, -l'ubm ow nawre.
- ¹²Ow e jam a, Jesu elu sos okm akunda ejec'em, yegm jam esel yony ek'us ejagb aam kpukpu em a.
- ¹³-L'ewl meny -l'ow, etj -l'otar ow e low akr -l'ok jam esel likpr a, kɔ el yeji wel ubm el nawre.

Jesu elu sos okm yegm jam esel lew nyam a

Matie 28.16-20; Luk 24.36-53; Jan 20.19-23; Ob Kok 1.6-11

- ¹⁴Sica eke jam esel lew nyam a am ij ob a, Jesu elu sos okm yegm el; etj n'am enym wel abr el ec'omn eke -n'onym a lele el ec'erm tuotuo ab ab sosiem, anke wel egjm ubm agj a ek'ekn in ec'owr anj a e low a nawre.
- ¹⁵Etj li dad wel nine: «Ìmn wus na nimum af ke óbr Amani Mamn a e kokoba okr agj fej.
- ¹⁶Egh yec'eke b'ow ony omn ke wel b'ow ok mij nuj a, li b'ow n'enj sel; gbeko egj yec'eke k'ow onym omn a, Nyam b'ow ob'r low luw eci.
- ¹⁷Agj a eke b'ow ony omn a, kin meny ewr eke b'ow ok okm: -li b'ow -l'ogj abj enj em e nin em; -li b'ow -l'ebr sebr ejeci;

¹⁸eke -n'ony lorɲn abu em, etɲ -l'egɲ ob kaka fɛɲ eke wɛl ok ob ɲuɲ em yeji, ow k'ow kokm el low kaka; -li b'ow -l'at ólu abu nuɲ etɲ wɛl b'ow ewl.»

¹⁹Sica eke Es Kɔtɔkɔ Jesu dad el odad bake ow uwr a, n'im afr etɲ li sig es Nyam e lidr abu af.

²⁰Jam esel a im etɲ am ob Amani Mamm a e kokoba susu a fɛɲ. Es Kɔtɔkɔ am elum el abu el e juma kok ab em, etɲ meny ewr fɛɲ eke -n'am elu okm a, am yegm ek'el ec'odad a el nawre tasi.]

Luk e ləl

Luk e ləl 1

Kin elel eke Luk am otar Amani Mamm a e low akr ok Teofil

- ¹-2Egɲ gbəl Teofil mamm, agɲ nɔnɔ gbəl nɔn ów amua eke ey ey em a esɛ elel eke agɲ a ek'ekn low a nuɲ ɔb em etɲ, ke Nyam ɔɲ eke ki dad ey in ec'odad a dad ey ab af.
- ³Na sosiem egɲ gbəl Teofil, em yeji m'otar low a ek'ey nuɲ ɔb em etɲ a akr, etɲ m'erur eke mi ki nɔn m'osɲm es m'ɔɲ'ɲ esɛ elel eke m'ɛɲan ab af,
- ⁴yec'etɲ ke úw any eke low yeɲm a ek'ɛɲn a el nawrɛ tasi.

Afr erm es nyam am dad Jan mij ok nuɲ es e mew owi

- ⁵Lɛɲɲ a eke Erɔd el Jude wus af ec'eb ebu a, Nyam ec'egb waw es nyam anɲ eke wɛl b'ɛsɲ Zakari, ke el Abia ec'eb em ec'egb waw esɛl a ec'egɲ nyam. Wɛl b'ɛsɲ ey a Elisabet, egb waw esɛl ec'el lagɲ Arɔn ec'eb em e yɔw.
- ⁶El yony mum -l'ij nenyembri nyam Nyam ec'any af, etɲ -li b'elum Es Kɔtɔkɔ e sol a sɛnyn sɛnyn.
- ⁷Kɔ -l'ewm iy kaka, anɲke Elisabet el itr yɔw etɲ el yony mum -l'el agɲ ek'usu nɔnɔ.
- ⁸-9Lɛɲɲ nyam, Zakari am kok egb waw es e juma Nyam ec'any af. Ow el el ec'eb a e lɛɲɲ, etɲ in anake sɔsum oc ey'r af a. Ow sosiem n'im l'ey Es Kɔtɔkɔ e Nyamel gbəl a e Nyam ɲɔɲn usu lala a eke li ki waw egb ogɲ em, esɛ elel eke egb waw esɛl bi kok ab af.
- ¹⁰Dedeku a fɛɲ anɲ gbɛɲ am ɲɔɲn Nyam wanci a eke wɛl am ofɲ ogɲ a.
- ¹¹Eke Zakari ey yogɲ a, Es Kɔtɔkɔ ec'afr erm es nyam elu sos ɔkm yeɲm'n; n'inym es egb waw usu a e lidr ogog a eke wɛl bi kok ogɲ ec'egb waw a.
- ¹²Eke Zakari b'ekn'n a, l'ikprm es etɲ erɲn am ɔny'n.
- ¹³Kɔ afr erm es a dad'r ninɛ: «Zakari, k'ùru erɲn, anɲke Nyam iri ɲ e ɲɔɲn ebl a. Aɲɲ Elisabet b'ow ew iy igɲ nyam ɔɲ'ɲ, etɲ b'ow ew'r nin Jan.
- ¹⁴Ow b'ow el ɲ ec'ehe ligbəl, etɲ agɲ nɔnɔ gbəl sos em b'ow iɲn in e mew a sosiem.
- ¹⁵Li b'ow l'el egɲ ligbəl Es Kɔtɔkɔ ec'any af. Li k'ow l'egɲm mar fɛɲ eke b'ɔny egɲ a. Lis e lokm etɲ li b'ow n'ɛɲn Abɲ Lala.
- ¹⁶Li b'ow l'ɛsɲ Israel ec'agɲ nɔnɔ eke digɲ Nyam ec'ejagb mamm a elu es a ow Es Kɔtɔkɔ el e Nyam a ogɲ.
- ¹⁷Li b'ow n'ɛɲn Abɲ Lala esɛ Nyam e kokoba ɔb es Eli ec'ab af. Etɲ Abɲ a b'ow ɔɲ'n lɛc l'ey ɔkm Nyam ec'any af, ke li dád ey lele el esɛl ab okr em. Li b'ow n'ɔɲ low ɔbr any esɛl tutr ów esɛ esɛwru nenyembri nyam esɛl af. Nene anake li b'ow li bɛbm agɲ sos Es Kɔtɔkɔ ec'eb ec'a.»

- 18**Eke afr erm es a dad eben a, Zakari yeji dad'r nine: «Kɔ ayaf m'ow m'uw any eke low na el nawre ee? Tasi em a, em lele em ey ab s'usu.»
- 19**Etj erm es a dad'r nine: «Em Gabriel. Mi b'anj Nyam ec'any af mi kok in e juma; l'erm'm eke mi k'ow m'ɔj'η amani mamn na.
- 20**Etj em ec'odad na b'ow iy neny eke ow b'ow sig ow e legj a, kɔ ubm nawre. Na sosiem b'ow el ebrm, k'ow dadm odad toj bake ow it legj eke low a b'ow ey ekn η e nyamn em a.»
- 21**Agj a fej ek'anj yogj am eku Zakari a, low am iti any ajke n'am ibn Nyam ηojn usu a.
- 22**Kɔ eke l'ey ɔkm Nyam ηojn usu yogj a, l'otum eke li ki dad wel odad, etj agj a uw any eke l'ekn low nyam. Neny abl'l es l'el ebrm, etj n'am dad wel odad sabu em sabu em.
- 23**Eke Zakari uwar in e sejj a eke li k'anj Nyamel gbɛl ab em li kok juma a, l'ewl meny n'im gbugj.
- 24**Gbugj e n'im a, eke sejj beb b'ec a, ey Elisabet anj lok ab, etj n'anj akj sos ɔsu em toj ij awl yen, etj n'am dad l'ese:
- 25**«Kin ow eke Es Kɔtɔkɔ kok ɔj'm; l'erur eke li k'ɔj'm iy m'ew, oc'm es es agj ec'any af.»

Afr erm es nyam am dad Jesu e mew owi

- 26**Eke Elisabet e lok a ij awl nohon a, Nyam erm in ec'afr erm es Gabriel, Galile eci banj nyam eke wel b'esj Nasaret,
- 27**dedyowli nyam ek'uwm igj any ogj. -L'el eb ebu David ec'eb em eci yow eke wel b'esj Mari. In eci igj ek'esu'r a Josef.
- 28**Afr erm es a im ejn'n etj esjn in dad nine: «Sos em inj'η! Nyam ɔj'η bibm, etj n'anj η ab!»
- 29**Odad na ɔj Mari ikprm es etj am ibrm in sosi esjn akpasu na e nyandre.
- 30**Na em a, afr erm es a dad'r nine: «Mari, k'uru erjn, ajke ejn Nyam ec'owro.
- 31**B'ow anj lok ab ew iy igj nyam etj b'ow ew'r nin Jesu.
- 32**Li b'ow l'agb etj wel b'ow esj'n Nyam ek'anj afr usu kpekpe ec'Iy. Etj Es Kɔtɔkɔ Nyam b'ow oc lagj David ec'es ew lekpn a ɔj'n,
- 33**etj li b'ow l'ew Israel ec'agj ab es sejj fej, etj in ec'es ew a k'ow ɔnym uwr.»
- 34**Kɔ Mari dad'r nine: «Em eke m'el dedyowli eke k'uwm igj any a, ayaf low na b'ow eel ee?»
- 35**Etj afr erm es a dad'r nine: «Abj Lala b'ow ow'η af, etj Nyam ek'anj afr kpekpe e low a b'ow ubur'η es. Na sosiem, iy eke b'ow ew a, wel b'ow esj'n Nyam ec'Iy lala.

36 Ëkn! Elisabet ek'el η ec'akη e yow a anη iy igη nyam e lok ab, in e susu em. -Li b'esh ow itr yow, etη kin eke sica n'anη lok ab ow ij awl nōhon,

37 anke low kaka otum eke k'akm Nyam.»

38 Etη Mari dad nine: «M'el Es Kōtōkō ec'adyow, ke ow él ese elēl eke dad ab af.» Etη afr erm es a elu'l es im.

Mari aam ekn Elisabet

39 Sēgη ab em a cē eke low na ec a, Mari ogη es im Jude eci baηη nyam ek'anη lafeny af.

40 Eke n'im a, l'ey Zakari e gbugη a etη l'eshη Elisabet.

41 Kpekη eke Elisabet b'iri in ec'eshη a, iy a eke anη'n lokm a mumu, etη Elisabet eηη Abη Lala.

42 Kpekη li barm lebl tuotuo l'eshη Mari li dad nine: «Nyam edη'η owro akm oyow fēη, etη in ec'owro a b'ow anη iy a eke b'ow ew ab af!

43 Kō bwo el'm, etη Es Kōtōkō e lis k'ow em ogη ee?

44 Kō kin, kpekη eke mi b'iri η ec'eshη a e lebl a, iy a ek'anη'm lokm a mumu sos em iηη em.

45 Ehe él η eci, anke ub nawre eke Es Kōtōkō ec'odad eke wēl dad'η a, b'ow iy neny!»

Mari ec'ej ek'am eηη

46 Eke Elisabet dad eben ba b'ok es a, Mari am kōklm Nyam dad ese: «Em e liy am kōklm Es Kōtōkō,

47 etη em ec'abη sos em am iηη Nyam, em ec'Eb Es em;

48 anke l'erur eke li k'is any li ler'm, em, in ec'adyowli. Ee, sica gbē wus na ec'agη fēη b'ow dad'm eke m'el ehe lis,

49 anke Nyam Abusu Es kok'm ów amamn egbel: in e nin a el lala,

50 In e sorη ikη a b'ow anη alaw alaw, agη eke b'elum'n a eci.

51 L'elu in ec'abusu a e lēc okm etη l'ogη es efuu, erm tuotuo esēl n'omun es,

52 l'itr éb ebu el e mēkpn af l'ok wus, etη n'ony erm frōrō esēl l'igbl ogη.

53 L'iyr ámmu lok etη l'ogη egbrengbi im abu ofr.

54 L'elum in e juma kok es Israel abu, l'okn in e sorη ikη a ek'anη godo godo fēη

55 ese elēl eke l'ewar ey esēl, Abraham lele in ec'alaw alaw ab af a.»

56 Etη Mari anη Elisabet ab ij awl nyahan, etη ewl meny im baηη.

Jan mij ok nuη es e mew

57 Eke sēgη ec a, lēgη a eke Elisabet k'ew in ec'iy a ow, etη l'ew iy igη nyam.

58 Elisabet ec'akη a lele agη a eke -l'iir -li titmnin ab ab iri eke Es Kōtōkō elu in ec'erm mamn okm in e lís, etη -n'am kok sos em iηη ow ab.

⁵⁹Eke l'ew iy a bake ow ij seḡḡ niwn a, -l'oc -l'ow ow eke wɛl k'ubr ow likr es. Ow em a, -l'erur eke wɛl k'ew iy a Zakari ek'el es e nin a;

⁶⁰kɔ lis dad nine: «Njaḡ, wɛl b'ow esḡ'n Jan.»

⁶¹Etḡ -li dad ow nine: «D ec'akḡ a, eḡḡ kaka ijm nin na.»

⁶²Etḡ -n'am ibrm iy es a sabu em, eke -li k'uw elel eke li k'ewr ow nin any.

⁶³Zakari ibrm ob eke li ki non af; wɛl ɔḡ'n, etḡ ni non: «In e nin a, Jan.» Low na iti el feḡ any.

⁶⁴Etḡ kpekḡ Zakari neny lele anm ab kpab es, etḡ n'am kɔklm Nyam lebl geḡ.

⁶⁵Agḡ a feḡ ek'ir elul el em a erḡn am ɔny, etḡ Jude mafeny e wus ab af ec'agḡ a feḡ yeji iri ów amua etḡ am dad okarir el ɔfr.

⁶⁶Agḡ a feḡ ek'iri low na a am tutr ów erm em dad ese: «Kɔ iy na, bla li b'ow l'el ee?» Ow em a, agḡ a feḡ uw any eke Es Kɔtɔkɔ ec'abu a anḡ'n af.

Zakari e selu ek'ɔcu

⁶⁷Eke ów amua ec a, Zakari, iy es a, eḡḡ Abḡ Lala etḡ n'am ɔb kokoba li dad l'ese:

⁶⁸«Wɛl kɔklm Es Kɔtɔkɔ Israel e Nyam, anke l'oc in ec'any li ler in ec'agḡ etḡ li sɔḡ wɛl.

⁶⁹L'elu Eb Es Abusu Es nyam ɔkm n'ɔḡ ey, in e juma kok es eb ebu David ec'alaw em.

⁷⁰Na anake l'ewar leḡḡ kpekpe em etḡ, in e kokoba ɔb esel lala em a.

⁷¹L'ewar eke li b'ow li sɔḡ ey ey ec'efnu ec'abu em lele agḡ a feḡ ek'am ifn ey a ec'abusu a e lís ab.

⁷²Eben eke l'elu in ec'erm mamn ɔkm ey esel e lís, ke l'ɔkn in e sinm lala a yeji ana.

⁷³Tasi em a, Nyam ewar ey lagḡ Abraham neny ij em,

⁷⁴eke k'eb elu ey es, ey ec'efnu ec'abu em, ke n'ɔḡ ey abusu s'igḡ'n nuḡ, si kók in e juma erm susu em;

⁷⁵yec'etḡ ke s'él agḡ amamn ów tutr em lele neny nyam ij em ab in ec'any af, ey ec'owr anḡ em seḡḡ feḡ.

⁷⁶Etḡ ḡ, em ec'iy, wɛl b'ow esḡ'ḡ Nyam ek'anḡ afr kpekpe e kokoba ɔb es, eke b'ow an es Es Kɔtɔkɔ ec'any af kok in ec'ejagb,

⁷⁷ke yeḡm in ec'agḡ uw sel eḡḡ any, ke l'óc sikpl l'ap wɛl.

⁷⁸Ey e Nyam a el erm mamnu, low mamn Es. Ow sosiem li b'ow l'ejn afr ec'usuayl a l'ok ey af, ese ligbn eke b'ey ɔkm am ow af,

⁷⁹ke l'áyal agḡ ek'anḡ ncebn em luw ec'abusu e gbre ij em, ke ni nyímn ey e lakr ec'es an, erm es ey ec'ejagb ab af.»

⁸⁰Iy a am agb etḡ am ɔny lec abḡ em. Etḡ l'ir loj tonḡ batḡ ow sig leḡḡ a eke l'ɔb nuḡ n'am kok Nyam e juma Israel eyḡ ec'any af a.

Luk e ləl 2

Jesu e mew

- ¹Ləgŋ ab ɛm a, Sesar Ogust ɔŋ abusu eke wəl k'awl ɛb a fəŋ ek'anŋ Rom ec'es ɛw ɛm a ec'agŋ a.
- ²Krəkɾɛ ɛm ec'agŋ awl na ɛy ləgŋ a eke Kirinus el Siri wus af ec'es ɛw ɛs a.
- ³Agŋ a fəŋ aam wəl áwl ɛl, ɛgŋ ɛgŋ in e baŋn.
- ⁴Josef igb Nasaret baŋn Galile wus af im Bətlehem, Jude wus af ek'el ɛb ebu David e baŋn a. N'im yogŋ aŋke in yeji l'el David e lilaw.
- ⁵L'oc Mari ek'el in e yow eke l'ɛsu ke anŋ lokab ab ab n'im.
- ⁶Eke -n'imn -l'okr Bətlehem a, in ec'iy a e mew e ləgŋ ow.
- ⁷ɛtŋ l'ew in eci yeŋl iy igŋ nyam. L'oc gbad ufu li bubur ow sos es, ɛtŋ l'ɛrum ow es mindey ec'ob ijr ɔfu ɛm, aŋke usu anm ɛbam ɛl etu eb usu a.

Mɛcɛb ɔsu ɛsɛl iri Jesu e mew owi a

- ⁸Wus ab af yogŋ cɛ, mɛcɛb ɔsu ɛsɛl b'anŋ loj am ɔsu ɛl mɛcɛb a ncok ɛm.
- ⁹Kɾɛkŋ ɛs Kɔtɔkɔ ec'afr ɛrm ɛs nyam ɛy ɔkm, ɛtŋ ɛs Kɔtɔkɔ ec'anygbel a ejn usuayl ok ɛl af, ɛtŋ ɛrŋn am ɔny ɛl.
- ¹⁰Gbɛkɔ afr ɛrm ɛs a dad ɛl ninɛ: «K'urur ɛrŋn! M'am is ɔny amani mamn ligbel eke b'ow iŋn agŋ a fəŋ sos ɛm:
- ¹¹ncok a, David eci baŋn a, wəl ew ɔny ec'Eb ɛs ek'el Krist ɛs Kɔtɔkɔ a.
- ¹²ɛtŋ kin meny ɛwr yeci eke b'ow ɔŋ ɔny uwr ir any: b'imn ba b'okr baŋn a, b'ow ɛŋan iy owrlɪ nyam eke wəl bubur sos es gbad ufu ɛm ɛrum ɛs mindey ec'ob ijr ɔfu ɛm.»
- ¹³Eke afr ɛrm ɛs a dad odad a bake ow uwr a, kɾɛkŋ afr ec'ɛrm ɛsɛl nɔnɔ gbɛl ow ɛrŋn'n ɛtŋ -n'am kɔklm Nyam -li dad -l'ɛsɛ:
- ¹⁴«Anygbel ɛl Nyam ek'anŋ afr usu kɾɛkpe eci, ɛrm ɛs ɛy ɛl wus na ec'agŋ eke ɛrŋn in ec'ɛrm mamn a eci!»

Mɛcɛb ɔsu ɛsɛl a aam Bətlehem

- ¹⁵Eke afr ɛrm ɛsɛl a ɛlu ɛl es aam afr a, mɛcɛb ɔsu ɛsɛl a am dadarir ɛl ɔfr ɛsɛ: «S'imn fafa s'okr Bətlehem, ke s'ɛkan low a ek'ɛy, ke ɛs Kɔtɔkɔ kok ɛlu ɔkm s'uw any a!»
- ¹⁶-L'ogŋ ɛs -n'im -l'ok yogŋ, ɛtŋ -n'ɛrŋn Mari, Josef lele iy owrlɪ a ek'ɛru ɛs mindey ec'ob ijr ɔfu ɛm a.
- ¹⁷Eke -l'ɛkan iy a, -n'am awl ów a eke afr ɛrm ɛs a dad ɛl ow e lís a.
- ¹⁸ɛtŋ ɛl a fəŋ ek'am iri mɛcɛb ɔsu ɛsɛl a ec'odad a, low am iti any iŋn sos ɛm.
- ¹⁹Kɔ Mari eb ów amua fəŋ ɛw ɛs in ec'ɛrm ɛm, yec'ɛtŋ ke sɛgŋ fəŋ n'am tutr.

²⁰Mεεεb ɔsu esel a ewl meny aam. -N'am dad Nyam ec'anygbel ec'odad -li kɔklm ow, ów a fɛɲ eke -l'ekan ke -l'irir a sosiem; tasi em a, ow anɲ esɛ yec'a eke afr erm es a dad el ab af.

Jesu e nin ew

²¹Eke ow ij seɲɲ niwn a, wɛl ubr iy a likr es, etɲ wɛl ew'r nin Jesu, nin a eke afr erm es a ewar gbuɲ ke lis anɲ in e lokab a.

Wɛl oc Jesu im Nyamel gbɛl ab em

²²Etɲ lɛɲɲ a eke Josef lele Mari ab k'im ke Mari ki kok sos ayal owi, esɛ elɛl eke Mois ec'ol a dad ab af a ow. -L'oc iy a -l'ow Jerusalem eke -li k'oc -n'im ow Es Kɔtɔkɔ ec'any af,

²³anɲke Es Kɔtɔkɔ ec'ol ab em, wɛl non eke: Iy igɲ krekrɛ fɛɲ eke wɛl ew a, wɛl óc ew'r saw Es Kɔtɔkɔ e juma kok eci.

²⁴Ke ca emeny -li kok egb waw yeji eke ol a ibrm a: kel yony oglog prɛndrɛ ekekey yony.

²⁵Lɛɲɲ ab em a, Jerusalem baɲɲ yogɲ igɲ nyam anɲ eke wɛl b'esɲ Simeɔn. Eɲɲ na el eɲɲ mamɲ; li b'elum Nyam etɲ n'am eku eɲɲ eke k'ow sɔɲ Israel a. Etɲ Abɲ Lala anɲ in ab.

²⁶Abɲ Lala ewar ir eke li k'ow l'uwm toɲ bake l'ékn Mesi a ek'Es Kɔtɔkɔ erm a.

²⁷Eke Josef lele Mari ab oc el jim Jesu ow Nyamel gbɛl a gbuɲɲ a eke ki kok in e lís e low esɛ elɛl eke ol dad ab af a, Abɲ nyimɲ Simeɔn yeji ow yogɲ.

²⁸Eke li b'ékn iy a, l'eb ow in ec'abu em, etɲ l'elu Nyam bia li dad nine:

²⁹«Sica Es Kɔtɔkɔ, èlu ɲ e juma kok es es úw erm es ey em, esɛ elɛl eke dad ab af,

³⁰anɲke m'ékn ɲ e sel eɲɲ a,

³¹sel eɲɲ a e kok ew es ebr ebr fɛɲ ec'a:

³²ke el usuayl eke b'ow ayal ebr ebr fɛɲ ek'uwm Nyam any, ke b'ow el Israel ec'agɲ ec'anygbel a.»

Simeɔn ec'odad eke Nyam ɔɲ am dad ewar

³³Jesu es lele lis ab low am iti any Simeɔn ec'odad ek'am dad iy a e lís a sosiem.

³⁴Simeɔn ɲɔɲɲ Nyam ɔɲ el etɲ dad lis Mari nine: «Nyam sɔsum iy na oc; li b'ow l'el lirikp l'ok agɲ nɔnɔ wus Israel eb em, ke l'igbm nɔnɔ. Li b'ow l'el Nyam e meny ewr nyam eke agɲ k'ow eɲɲɲ in e low ebm.

³⁵Ow em anake agɲ nɔnɔ e tutr eɲɲɲ ek'anɲ mɛrm em a b'ow ok ɔkm a; etɲ ɲ yow, low b'ow dudu'ɲ ey'ɲ sos em esɛ labli eke b'igɲ eɲɲ af.»

An am elu Nyam bia

³⁶Nyam e kokoba ɔb lis nyam anɔ eke wɛl b'ɛsɔ An, Fanuɛl jɔw ek'el Asɛr ec'eb ɛm e yɔwli. L'usu nɔnɔ. N'anɔ in ec'ign ab ab akpo lobɔ in e mɔwr yɔw ɛm a,

³⁷ɛtɔ ɛc uw, l'el inɔyɔw. Sica l'ij akpo ekɔ yar lele yar ab, ɛtɔ sɛɔɔ fɛɔ li b'im Nyamel gbɛl ɛm li kok Nyam e juma ncok lele lɛɔɔ owr ab, nɛny ɛnɔ ɛm lele Nyam nɔɔɔn ɛm ab.

³⁸Wanci ab af cɛ in yɛji l'ow n'am ɛlu Nyam bia iy a, ɛtɔ n'am dad ow e lis e low l'ok agɔ a fɛɔ ek'am eku Jerusalem ec'es eb ɛlu owi a.

³⁹Eke Mari lele Josef ab uwar ɔw a fɛɔ eke ɛs Kɔtɔkɔ ec'ol a ibrm a, iy ab ab -l'ɛwl mɛny -n'im Nasaret baɔn Galile wus.

⁴⁰Yogɔ, Jesu am agb lele lɛc ab; ɛtɔ Nyam ec'ɔwrɔ lele nuɔ ɛm ɔny ab anɔ in ab.

Jesu ek'ij akpo lɛw yony a im Nyamel gbɛl ab ɛm

⁴¹Lakpo lakpo fɛɔ, Mari lele Josef ab b'im Jerusalem Pak ec'es gbɛɔɔl ɛm.

⁴²Eke Jesu ij akpo lɛw yony a, ɛsɛ elɛl eke -li bi kok ab af, -l'oc ow ab -n'im es gbɛɔɔl ab ɛm.

⁴³Eke es gbɛɔɔl a uwr ke -l'ɛwal mɛny -n'aam a, Jesu anɔ Jerusalem yogɔ, eke Mari lele Josef ab uwm any.

⁴⁴-Li tutr eke Jesu us ejagb ɛl lawlɛl ab aam. -N'an es ejagb af toɔ ij lɛɔɔ nimum nyam, ɛtɔ -n'am ɔl ow ɛl ec'agɔ ogɔ lele ɛl lawlɛl ɛm ab,

⁴⁵gbɛkɔ -n'ɛnɔm ow. Ca -l'ɛwl mɛny -l'ow Jerusalem -n'am ɔl ow.

⁴⁶Eke ow ij sɛɔɔ nyahan a, -n'ɛnɔ ow Nyamel gbɛl a e gbugɔ a. Li sig es ol e low any uw ɛsɛl ec'araɔn n'am iri wɛl ec'odad a ɛtɔ in yɛji n'am bibrm wɛl ɔw.

⁴⁷Agɔ a fɛɔ ek'am iri in ec'odad a low am iti any, in e sodad eke n'am dad n'ɔɔ wɛl nuɔ ɛm ɔny ɛm a sɔsiɛm.

⁴⁸Eke ɛs lele lis ab b'ekn'n a, low iti ɛl any ɛtɔ Mari dad ninɛ: «ɛm ec'iy, kɔ bla ɛtɔ kok ɛy low nɛnɛ eɛ? Kin, ɛm lele asɔ ab s'am ɔl'ɔ ɛrm mij ab.»

⁴⁹Kɔ li dad wɛl ninɛ: «Bla sɔsiɛm ɛtɔ am ɔl'm eɛ? Uwr any eke ow it eke mi ki kok ɛm ɛs e juma.»

⁵⁰Kɔ -li k'irim yec'a eke ow am dad ɛl a.

⁵¹ɛtɔ Jesu im Nasaret ɛl ab, n'am ɛlum wɛl. Mari gbɛ, l'eb ɔw amua fɛɔ l'ɛw es ɛrm ɛm n'am tutr ow e low.

⁵²ɛtɔ Jesu am agb sos meɔl ɛm lele nuɔ ɛm ɔny ɛm ab. Nyam am ɔny in ec'erur, ɛtɔ agɔ yɛji am ɔny in ec'erur.

Luk e lɛl 3

Jan mij ok nuɔ ɛs e Nyam odad eke dad

Matie 3.1-12; Mark 1.1-8; Jan 1.19-28

- 1-2Ow ij akpo lew yen eke Sesar Tiber ew eb a feŋ ek'anŋ Rom eyŋ ec'abu em a es. Pons Pilat ew Jude wus es. Erođ Antipas ew Galile wus es, etŋ lisijim Filip ew Iture lele Trakonit wus ab es. Lisanias yeji ew Abilen wus es, etŋ An lele Kayif ab el egb waw esel egbel. Yogŋ em anake Nyam dad Zakari jim Jan ek'anŋ loj a odad a.
- 3Jan am ec elul Jurden e mij ewl mij a e wus ab em, etŋ n'am elu lebl li dad l'ese: «Itŋnin erm em, òkr mij nuŋ, ke Nyam b'ow oc ɔny e sikpl a ap ɔny.»
- 4Ese lele eke ow anŋ kokoba ɔb es Esayi e lel em ab af: Eŋŋ nyam anŋ loj am elu lebl dad ese: «Kòkr Es Kòtòkò ec'ejagb a, kòkr in e sebr a ínym nyim nyim!
- 5Yiyibar ɔmu a feŋ ek'anŋ mafeny araŋn araŋn a; bɔbmn mafeny lele egigl ab ab es sís es, nyinyiman sebr eke kíkŋ a ínym, ke wél ɔdu sejab a feŋ es iy bɛbmn.
- 6Etŋ agŋ feŋ b'ow ekŋ Nyam e sel eŋn a.»
- 7Agŋ nɔnɔ a am ow Jan ogŋ eke li k'ok wél mij nuŋ, etŋ n'am dad wél l'ese: «ɔny morŋn amua! Kò bwo dad ɔny eke, ek'okr mij nuŋ ɔtur eke k'ngbroŋn Nyam ec'erm bebl ek'am ow ab em ee?
- 8Sica yeŋmn ɔny ec'es an ab em eke itŋnin erm em, ke kí dadmn ɔny obi em esmn: “Ey lagŋ el Abraham!” Kò m'am dad ɔny eke Nyam ɔtu eke ki kok mebn amua él Abraham ec'alaw.
- 9Sica ɔs anŋ eke b'ow bubr ekŋ es min em. Likŋ feŋ ek'ósum ey amamn a, wél b'ow ubr'r es oc ɔwl'l alm.»
- 10Kò agŋ a am ibrm'n dad ese: «Kò sica ey, ayaf si ki kokr ab ee?»
- 11Li dad wél nine: «Eŋŋ ek'ɔny mob sus em yony a, l'óc nyam n'ɔŋ eŋŋ ek'ɔnym a. Ke eŋŋ ek'ɔny ob ij a yeji ɔŋ eŋŋ eke ɔnym a.»
- 12Wus labm eb esel ek'ow eke k'ok mij nuŋ a yeji am ibrm'n ese: «Low yeŋm agŋ es, kò sica ayaf si ki kokr ab ee?»
- 13Li dad wél nine: «Os yec'eke ol ew ɔŋ ɔny eke k'ebr a, k'igŋn ejeci kokr em.»
- 14Srɔda eyŋ beb yeji ow ibrm'n nine: «Etŋ kò ey, ayaf si ki kokr ab ee?» Etŋ li dad wél nine: «K'èbr eŋŋ kaka ec'ob lec em, oglog k'òbr eŋŋ kaka low yadŋ em. Kò èkur ɔny e labm ɔɔg a ce.»
- 15Agŋ a feŋ ek'am eku a am ɔmn etŋ eŋŋ eŋŋ am dad in ec'erm em ese: «Kò Jan na k'el Mesi ab ee?»
- 16Kò Jan dad el feŋ nine: «Em ec'a, m'am ok ɔny mij nuŋ mij em. Kò eŋŋ eke ɔny abusu akm im, ke m'itm bɔbɔ yeji eke mi k'ɔny in e còkrukɔ meb a mi momu es a am ow. In li b'ow l'ok ɔny mij nuŋ Abŋ Lala lele al em ab.
- 17N'ɔnym waw ab etŋ li b'ow n'ɔŋ egb a lef, l'éb ey a, ke l'igŋ suw a l'ok es. Li b'ow l'eb egb a l'ok egbel em, ke l'ófnj suw a al ek'iram es ab em.»
- 18Eben eke Jan am ɔm agŋ ów nɔnɔ ke am dad el Amani Mamn ec'odad yej'ana.

¹⁹Gbeko n'am enym Erød abr anke ow eb ow lisijim e yow Erodiad ebi, etj ow kok ów enjñ nɔnɔ gbɛl yeji.

²⁰Etj emeny l'elu Jan sobel em l'ign ów enjñ amua eke li kok ab af.

Jesu e mij ok nuñ owi

Matie 3.13-17; Mark 1.9-11

²¹Eke Jan ok agñ a fɛñ mij nuñ bake ow uwr a, l'ok Jesu yeji. Eke Jesu ok mij nuñ oc es ke am ñɔññ Nyam a, afr fig,

²²etj Abñ Lala us'r es nuñ af ɛsɛ kel af. Etj Nyam e lebl anñ afr ikñ dad nine: «D el em ec'iy eke m'erur tasi, m'oc em eci sos em iññ fɛñ m'elu'ñ em.»

Jesu lagñɛl ec'en ec'es ɔññm

Matie 1.1-17

²³Jesu ɔb nuñ am yeɣm agñ low, l'ɔtu eke li k'ony akpo likñ lele lɛw ab. Agñ bi tutr eke Jesu el Josef jim. Etj kin Josef lagñɛl ec'en ec'es ɔññm:

²⁴Eli, Matat, Levi, Melki, Janayi, Josef.

²⁵Matatias, Amos, Nahum, Esli, Nagayi.

²⁶Maat, Matatias, Semeyin, Josek, Joda.

²⁷Joana, Resa, Sorobabel, Salatiel, Neri.

²⁸Melki, Adi, Kosam, Elmadam, Er.

²⁹Joswe, Elieser, Jorim, Matat, Levi.

³⁰Simeon, Juda, Josef, Jonam, Eliakim.

³¹Meleya, Mena, Matata, Natan, David.

³²Jese, Jobed, Boas, Sala, Nason.

³³Aminadab, Admin, Arni, Esrom, Fares, Juda.

³⁴Jakob, Isak, Abraham, Tera, Nakor.

³⁵Seruk, Rago, Falak, Eber, Sala.

³⁶Kayinam, Arpasad, Sem, Noe, Lemek.

³⁷Matusala, Enok, Yared, Maleleyel, Kayinam.

³⁸Enos, Set, Adam eke Nyam in obi kok in ec'abu em.

Luk e lɛl 4

Agn ɛbm Jesu

Matie 4.1-11; Mark 1.12-13

¹Eke Jesu anñ Jurden ow a, Abñ Lala iy'r em, etj l'oc ow n'im loj.

- ²Yogŋ, agn eju'r toŋ ow ij seŋŋ ekŋ yony. Seŋŋ a nimum feŋ em a, n'ehŋ neŋy eke l'ijm ob kaka. Eke ow b'uwr a, namn ow'r sos,
- ³etŋ agn dad'r ninɛ: «Eke el Nyam ec'Iy, ke dād lebn na ítŋn el ob ij.»
- ⁴Jesu dad'r ninɛ: «Wɛl non Nyam Lɛl em eke: Ow elm ob ij sony cɛ óom eŋŋ sel.»
- ⁵Emeny agn oc'r ab im lafeny gege nyam af, etŋ inym es yeŋm'n wus na nimum ec'es ew es ew a feŋ,
- ⁶⁻⁷etŋ dad'r ninɛ: «M'ow m'ɔŋ'ŋ abusu lele anygbɛl feŋ ek'anŋ es ew na em a, eke ok ɔwɔkp wus ign'm nuŋ, aŋke na feŋ, em wɛl ɔŋ'm, etŋ m'ɔtu eke mi k'ɔŋ eŋŋ eke m'erur a.»
- ⁸Kɔ Jesu dad'r ninɛ: «Wɛl non Nyam Lɛl em eke: B'ow ign ɛs Kɔtɔkɔ ŋ e Nyam nuŋ ke kók in sony coco cɛ e juma.»
- ⁹Etŋ emeny agn oc'r im uyum'n Jerusalem e Nyamel gbɛl a e luw af ec'usu gege a, etŋ dad'r ninɛ: «Eke el Nyam ec'Iy tasi, ke àŋŋ aŋa igb us es wus;
- ¹⁰aŋke wɛl non Nyam Lɛl em eke: Nyam b'ow ɔŋ in ec'afr erm esɛl ɔsu'ŋ.
- ¹¹Etŋ emeny: -Li b'ow -l'oc'ŋ abu em abu em yec'etŋ ke lebn kaka kí kokm'ŋ ob lakr.»
- ¹²Jesu ɔdu eb dad'r ninɛ: «Nyam Lɛl dad eke: K'ɛbam ɛs Kɔtɔkɔ ŋ e Nyam.»
- ¹³Eke l'eju Jesu kprakpr amua na em bake ow uwr a, agn ŋgboŋ egb'r es im am eku'r lɛŋŋ ejeci.

Jesu ɔb juma nuŋ Galile wus af

Matie 4.12-17; Mark 1.14-15

- ¹⁴Jesu ewl im Galile; Abŋ Lala ec'abusu a iy'r em, etŋ yogŋ agŋ am dad in e lís e low.
- ¹⁵N'am yeŋm agŋ low Nyam nuŋ ign susu, etŋ agŋ a feŋ am aw'r.

Nasaret baŋn eyŋ ebm Jesu

Matie 13.53-58; Mark 6.1-6

- ¹⁶Jesu im Nasaret baŋn, yogŋ eke wɛl gbagbl'l a. Neneŋŋ e lɛŋŋ a, n'im l'ey Nyam nuŋ ign usu a esɛ elɛl eke li bi kok god'etŋ ab af. L'igb eke li k'awl Nyam odad eke wɛl non a l'ok agŋ,
- ¹⁷etŋ wɛl oc kokoba ɔb ɛs Esayi e lɛl ɔŋ'n. Ni mɔmu lɛl ab es, etŋ n'ehŋ usu a eke wɛl non eke:
- ¹⁸ɛs Kɔtɔkɔ ec'Abŋ anŋ em ab, aŋke li sɔsum l'oc'm eke mi k'ɔb Amani Mamn a m'ok ɔgbɔru. L'erm im eke mi ki dad sobel em esɛl ec'es eb elu owi, ke m'ɔŋ ány eflu ɛkn es, ke m'ɛb agŋ eke am ij gbɛ a m'ɛlu es,
- ¹⁹ke mi dád agŋ eke lakpo eke Nyam b'ow elu in ec'erm mamn ɔkm agŋ e lís a ow.
- ²⁰Eke Jesu awl lɛl a bake ow uwr a, l'ar lɛl a es l'oc n'ɔŋ ob oc ɔŋ ɛs a, etŋ li sig es. Agŋ a feŋ a ek'anŋ Nyam nuŋ ign usu a ok'r anyamn af.

- 21 Ɛtɛn n'am dad wɛl l'ɛsɛ: «Yɛfɛnɛna, Nyam Lɛl na ec'odad na eke wɛl awl ok ɔny ke irir a, ow e lɛgɛn a ow ŋ.»
- 22 Agɛn a fɛn am aw Jesu, ɛtɛn ow am iti ɛl any sodad amamn amua eke ow am dad a sosiɛm. Ɛtɛn -n'am dad -l'ɛsɛ: «Kɔ ow elm Josef jim ab ana ee?»
- 23 Ow ɛm a, Jesu ɔdu eb dad ɛl ninɛ: «Nawrɛ, b'ow dadr'm nyandre ɛm ec'odad na ɛsrɛ: “Sɛkp kok ɛs, kòkr ŋ sosi sɛkp!” Ɛtɛn ɛmeny b'ow dadr'm ɛsrɛ: “S'iri yec'a fɛn eke kok Kapernayum a; aɲa ek'el ŋ e baɲn a yeji kòk ɛben nyam coco gɔɲ!”
- 24 Low nawrɛ m'am dad ɔny: wɛl ɛbm kokoba ɔb ɛs kaka sɛnɛn sɛnɛn in ec'ɛb ɛm.
- 25 M'am dad ɔny nawrɛ tasi eke Eli e lɛgɛn ab ɛm a, ɛɲnyɔw nɔnɔ gbɛl anɛ Israel wus af. Lɛgɛn a, nyam anm tonɛ batɛn ow ij akpo nyahan lele likpr ab, ɛtɛn lek ligbɛl ɛy eb ɛb a nimum ɛm.
- 26 Ɛben yeji Nyam ɛram Eli iim Israel wus af ec'ɛɲnyɔw kaka ogɛn, kɔ l'ɛrm ow ɛɲnyɔw a ek'ir Sarepta, Sidon wus af a ogɛn.
- 27 Kokoba ɔb ɛs Elise e lɛgɛn ab ɛm yeji, kokobe ɛsɛl nɔnɔ gbɛl anɛ Israel wus af. Kɔ ɛben yeji, ɛl ɛm ec'ɛgɛn kaka ewlm in e kokobe ec'ɔl ab ɛm, eke ow elm Nayma, Siri iy a sɔny cɛ.»
- 28 Eke Jesu dad ów amua a, agɛn a fɛn ek'anɛ Nyam nuɲ igɛn usu a ke iri a am ebl ɛrm.
- 29 Ɛtɛn -l'igb -n'ɔny ow l'oc ow ab -n'im ɛl eci baɲn a ek'anɛ ligigl af a eke -li ki pipig ow, ow ɛy nɔmu ab ɛm.
- 30 Kɔ l'ɛpir wɛl araɲn l'eb ejagb n'im.

Abɛn ŋuɲ ɛs nyam ec'ewlm

Mark 1.21-28

- 31 Ɛmeny Jesu im Kapernayum baɲn, Galile ɛb ɛm, ɛtɛn yogɛn n'am yɛgm agɛn low nɛnɛgɛn e lɛgɛn.
- 32 Agɛn a ek'am iri in e low yɛgm a, low am iti any in ec'elɛl eke n'am yɛgmn agɛn low ab ɛm, aɲke n'am dad wɛl odad abusu ɛm.
- 33 Nyam nuɲ igɛn usu yogɛn a, igɛn nyam anɛ ek'abɛn ŋuɲ anɛ ɛm. N'am ɛlu lebl tuɔtuɔ li dad l'ɛsɛ:
- 34 «Oy! Nasaret e Jesu, kɔ bla am erur eke ki kok ɛy ee? Kɔ ek'ow eke ki ŋuɲn ɛy ee? Ɛm, m'uw ɛgɛn ek'el'ŋ ab any: Nyam ec'ɛrm ɛs Lala!»
- 35 Jesu dad abɛn ŋuɲ a odad lebl tuɔtuɔ ɛm ninɛ: «Yèwal! Ke ɛy ɔkm ɛgɛn na ɛm!» Abɛn ŋuɲ a ɔny igɛn a ɛlu wus agɛn fɛn ec'any af, ɛtɛn l'ɛy ɔkm eke li kokm ow low ŋuɲ kaka.
- 36 Agɛn a fɛn low iti any afɛn ɛs ɛtɛn -n'am dadarir -l'ɛsɛ: «Bogɛn ec'odad ɛl na ee? Igɛn na bi dad odad lɛc ɛm lele abusu ɛm ab, ke kɛkɛɲ abɛn ɛɲuɲ am ok ɔkm!»
- 37 Ɛtɛn -n'am dad Jesu e lís e low wus ab af nimum.

Jesu ewlm ɔlu nɔnɔ

Matie 8.14-17; Mark 1.29-34

³⁸Jesu anj Nyam nuj ign usu a ey okm etj im ign nyam e gbugj. Ign a wel b'ensj'n Simo, etj ey lis lefr ol am ony tuotuo. Wel am dad Jesu eke k'ewlm yow a.

³⁹N'im li titm ow etj l'is es li dad lefr ol a odad lebl tuotuo em, n'onj ow ol, etj lefr ol a oc'r es lis. Kpekj l'igb wus etj n'am kok Jesu lele in e jam esel ab ab e lis e low.

⁴⁰Eke legj ew es a, agj a fej eke ol akpasu akpasu am ony a, wel ot ow el Jesu ogj. Etj l'at egj nyam nyam abu nuj, l'ewlm wel.

⁴¹Abj ejuj nono gbél anj agj ab em ok okm am og dad ese: «D el Nyam ec'Iy tasi!» Kó Jesu dad el odad lebl tuotuo em edjn el eke -li ki dadmn odad, anke -l'uw any eke Jesu el Mesi.

Jesu am dad Nyam odad Jwifel e wus af

Mark 1.35-39

⁴²Sica eke legj am eny a, Jesu ey okm eb ab em im usu saw em. Agj nono am ol'l. Eke -n'engan ow a, -l'erur eke -li k'ucu -n'onj ow es, ow anj el ab.

⁴³Kó Jesu dad el nine: «Ow akpl ke m'im seb ejec'em yeji mi dad Nyam e gbrenjbi usu a ec'amani ec'odad, anke na sosiem eci Nyam erm im m'ow.»

⁴⁴Etj n'am dad Nyam ec'odad Jude wus af e Nyam nuj ign susu a.

Luk e lel 5

Jesu e jam esel krakre ek'ensj

Matie 4.18-22; Mark 1.16-20

¹Legj nyam, Jesu inym es Genesaret e mij lekpl a ec'any af a, etj agj nono ow iwr elul il em etj am itarir eke k'iri Nyam ec'odad.

²Eke Jesu b'edj meny a, l'ekn muwetj yony ek'itr es nanu a. Etj ocn ibi esel anj em us es am yoyog el e muw ab es.

³Jesu ey metj a e nyam em, ek'el Simo ec'a, etj n'am njon ow eke ow k'odu letj a eb jam tel ey mij ab em. Jesu sig es letj ab em, etj emeny am yegm agj a low.

⁴Eke li yegm wel ow bake ow uwr a, li dad Simo nine: «Odu letj a eb im libn ab em, ke nj lele awlhel ab ab okr ony e muw a onyn ocn.»

⁵Etj Simo dad'r nine: «Em egj gbeliy, s'odu muw ncok a toj s'ejnm ob kaka. Kó eke dad a, m'ow m'odu muw a m'ekn.»

⁶-L'odu muw a, etj -n'onj ocn bubute gbél, toj batj el e muw a am ol eke ki gbagbrm em.

⁷Etj -n'am ibrm el lawlel a ek'anj letj ejec'ab em a, eke k'ow elum el abu. -L'ow etj -n'onj ocn a -l'ok metj yony ab em iy gbogj gbogj, batj metj a am ol eke k'emn.

⁸Eke Simo Pier b'ekn eben a, l'ok owrokp wus Jesu ec'any af, etj li dad nine: «Egj gbél, k'ow ki titm'm, anke m'el sikpl es!»

⁹Tasi em a, low na iti Simo lele agɔ a ek'anɔ in ab a any, ɔcn bubute a eke -n'onyn a sosiem.

¹⁰Etɔ lawlel Jak lele Jan ab ek'el Sebede jimel a yeji, low iti any. Ko Jesu dad Simo nine: «K'uru erɔn; ko jam aɔa agɔ anake b'ow eb ɔɔ'm a.»

¹¹Etɔ kpekɔ -l'ot el e metɔ a -l'ow itr es akpaf, etɔ -l'igɔ feɔ -l'ok es -n'am us Jesu jam.

Jesu ewlm kokobe es nyam

Matie 8.1-4; Mark 1.40-45

¹²Eke Jesu anɔ Galile wus af eci baɔn nyam a, kokobe es nyam ow eɔn'n. Eke li b'ekɔ Jesu a, l'ey wus l'ubu any es ow ec'any af, etɔ n'am ɔɔn ow li dad l'esɛ: «Eɔn gbɛl, eke erur, ɔtu eke k'ayal'm.»

¹³Jesu eɔn abu es itɔn in etɔ dad nine: «M'erur, àyl!» Etɔ kpekɔ kokobe a oc'r es lis.

¹⁴Gbeko Jesu eɔn in dad'r nine: «Kì dad eɔn kaka ɔ ec'ewl a e low; ko im yeɔn eɔn waw es a sos, ke waw eɔn a esɛ elɛl eke Mois ec'ol a ibrm ab af, ke ow ij danɔku.»

¹⁵Eben a yeji, Jesu e nin a am eb es susu a feɔ. Etɔ agɔ nɔnɔ gbɛl b'ow in oɔn am iri in ec'odad a, etɔ ɔlu a b'ibrm eke li k'ewlm wɛl.

¹⁶Ko Jesu b'ocr sos es im usu saw em am ɔɔn Nyam.

Jesu ewlm sos es wew es nyam

Matie 9.1-8; Mark 2.1-12

¹⁷Lɛɔn nyam, Jesu am yeɔn agɔ low, etɔ Farisiel lele ol e low any uw esɛl ab, anɔ Galile baɔn baɔn, Jude baɔn baɔn lele Jerusalem ab ow ok es yɔn. Etɔ Nyam ec'abusu a anɔ Jesu ab etɔ am ɔɔn l'ewlm ɔlu.

¹⁸Etɔ kin agɔ oc sos es wew es nyam ek'eru es faja em ow, etɔ am ɔl eke k'oc elu'l akɔ Jesu ec'any af.

¹⁹Gbeko -l'eknmn usu eke -li k'ecr nɔnɔ gbɛl a sosiem. -L'oc -l'uyum ow el luw af etɔ -li fig usu nyam, -l'usm ow es faja ab agɔ a ec'araɔn, Jesu ec'any af.

²⁰Eke Jesu b'ekɔ el ec'omn a, li dad ɔlu a nine: «Lisijim, m'oc ɔ e sikpl a m'ap'ɔ!»

²¹Eke Jesu dad eben a, ol e low yeɔn esɛl a lele Farisiel ab ab am bibrmin el ɔfr esɛ: «Ko eɔn na, ayaf n'am ocr in sosi etɔ n'am ɔbr Nyam any nene na ee? Ko bwo ɔtu ek'ap eɔn sikpl ek'ow elm Nyam sɔny ce ee?»

²²Jesu uw el e sow tutr ab any etɔ dad el nine: «Bla etɔ am onyn sow tutr nene ony eci merm ab em ee?»

²³Ko bogɔ ec'anake ew fuɛfue eke wɛl ki dad sos es wew es ab ee? “M'oc ɔ e sikpl a m'ap'ɔ” oglog ke wɛl dád'r esɛ: “Ìgb ke án es ee?”

²⁴Gbeko m'erur eke k'uwr low na any: wus af aɔa, eɔn ec'Iy ony abusu eke k'oc sikpl ap.» Etɔ sica li dad sos es wew es a nine: «M'am dad ɔ, ìgb, òc ɔ eci faja a eb eɔn im gbugɔ.»

²⁵Etj kpekj igj a igb wus agj a fej ec'any af oc in eci faja a eke l'erur a aam gbugj, etj n'am koklm Nyam.

²⁶Eke agj a ekn low na a, ow iti el any, erjn am ony el, etj -n'am koklm Nyam -li dad -l'esε: «Yefenyina s'ekn low any iti owi eke s'eknm legj kaka!»

Jesu εsj Levi eke k'us'r jam

Matie 9.9-13; Mark 2.13-17

²⁷Eke low na εc a, Jesu εy okm aam etj ekn wus labm eb εs nyam eke wel b'esj Levi. Li sig es wus labm eb usu, etj Jesu dad'r nine: «Us'm jam!»

²⁸Levi igb wus, digj wus labm eb e juma a elu es etj us'r jam.

²⁹Ow e jam a, Levi kok ob ij ligbel nyam in ogj a oj Jesu. Wus labm eb esel nono gbel lele agj ejec'ab yeji anj ob ij ab εm.

³⁰Eke -n'am ij ob a, Farisiel lele el εm ec'ol e low yεgm esel ab ab am εny abr dad Jesu e jam esel a εε: «Kε bla etj am ijr etj am εgn lofu nyam εm wus labm eb esel lele sikpl esel ab ee?»

³¹Jesu odu eb dad el nine: «Agj ek'anj sos tuotuo εm a, ibram sos kok εs. Kε olu anake b'ibrm sos kok εs a.

³²M'owm eke mi k'esj agj eke b'ubr el sosi nenyembri nyam esel a, ko m'ow eke mi k'esj "sikpl esel" yec'etj ke -l'itjn εrm εm.»

Ob owr lele ob sig ab okrm af

Matie 9.14-17; Mark 2.18-22

³³Sica agj beb am dad Jesu εε: «Jan mij ok nuj εs e jam esel a b'εnj neny ke am njjn Nyam, etj Farisiel e jam esel a yeji bi kok eben. Kε nj e jam esel a am ij ob etj am εgn!»

³⁴Etj Jesu odu eb dad el nine: «Kε otur eke k'edjnin agj eke wel εsj mebi ec'es gbεgbl εm a ob ij, eke yow εc a anj el ab ee? Njan!»

³⁵Gbeko legj am ow, eke wel b'ow ony yow εc a oc es el ec'aranj, ke sica -n'εnj neny gōj.»

³⁶Emeny Jesu dad el nyandre εm odad na nine: «Egn ocm gbad owr log εlum gbad sig εm gignm. Eke kok eben, ke gbad owr a njjn a; ow k'ow okrm af gbad sig ab ab.

³⁷Etj emeny εgn ocm mar owr okm marel sig εm. Eke kok eben a, mar owr a b'ow inj toj bake ony marel sig a ob es: mar a b'ow ok es etj marel a b'ow uj.

³⁸Kε mar owr, marel owr εm wel b'ok'r.

³⁹Egn ek'εgn mar sig εcm ab a, k'ow erurm mar owr ec'εgn anke li b'ow li dad eke mar sig a in akpl!»

Luk e lel 6

εgn ec'ly el nεnεgn ec'es εw εs

Matie 12.1-8; Mark 2.23-28

- ¹Nenegn nyam, Jesu lele in e jam esel ab ab am ecr segb ogm eci. In e jam esel a am bubm egb a ec'ey a, etj -n'am gag es -l'ij.
- ²Ow oñ etj Farisiel beb am dad el ese: «Kɔ bla sosiem am kokr low eke ey ec'ol a oom abusu eke wel ki kok nenegn e legj ee?»
- ³Etj Jesu dad el nine: «Awlmn low eke eb ebu David in obi in obi lele in ec'agn ab ab kok legj nyam eke namn am ony el ab ee?»
- ⁴L'ey Nyamel ab em, etj in ec'agn ab ab -l'ij egb waw eci futufutu a; ke -n'onym ow ec'ij ec'abusu kaka. Ey ec'ol a oñ egb waw esel sony coco abusu eke k'ij.»
- ⁵Emeny Jesu dad el nine: «Egñ ec'Iy el nenegn ec'es ew es.»

Jesu ewlm egñ ek'abu wew es nenegn e legj

Matie 12.9-14; Mark 3.1-6

- ⁶Nenegn e legj ejeci nyam, Jesu im ey Nyam nuñ igñ usu a am yegm agñ low. Yogn n'ehñ igñ nyam eke lidr abu wew es.
- ⁷Etj ol e low yegm esel lele Farisiel ab am osu Jesu eke -li k'ekn ek'ow b'ow ewlm egñ nenegn e legj, anke -n'am ol low ij nyam eke -li k'ebr ow af -n'oñ ow dedeku.
- ⁸Kɔ Jesu uw el e sow tutr ab any, etj li dad igñ a ek'abu wew es a nine: «Ìgb inym es arañ anja agñ a feñ ec'any af!» Etj kpekñ igñ a igb inym es.
- ⁹Ca Jesu dad el nine: «Dàdr'm: nenegn e legj a, bla lowi ey ec'ol a oñ abusu eke wel ki kok ee? Low nimamn kɔ low ñuñ ee? Wel otu eke ki soğ egñ oglog wel egb'r es luw ee?»
- ¹⁰Eke Jesu ibrm el ów amua bake ow uwr a, n'am ler wel etj li dad igñ a nine: «Ègñm abu es!» Etj eke li b'egñm abu es a, in ec'abu a ewl meny akpl'l.
- ¹¹Ol e low yegm esel a lele Farisiel ab ab erm am ebl, etj -n'am dadarir el oñr eled eke -li ki kokr Jesu.

Jesu sosum erm esel lew yony ot

Matie 10.1-4; Mark 3.13-19

- ¹²Ow e jam a, Jesu uyu lafeny nyam af eke ki ñoññ Nyam, etj ni ñoññ Nyam ncok nyam a nimum.
- ¹³Eke legj eny a, l'esñ in e jam esel a etj li sosum lew yony l'ot, l'ew wel nin “erm esel”.
- ¹⁴El ec'en el: Simɔ, eke Jesu igñ nin af Pier; lisijim Andre, Jak lele Jan ab, Filip lele Bartelemi ab,
- ¹⁵Matie, Toma lele Jak, Alfe jim ab, Simɔ, eb dogññ es,
- ¹⁶Judas ek'el Jak jim lele Judas Iskariot ek'ol Jesu ij ab ab.

Jesu am yegm agñ a low etj am ewlm ólu

Matie 4.23-25; Mark 3.7-11

17Jesu anḡ lafeny ab af us es erm esel ab ab, etḡ ow inym es lafeny a ec'esr pete a. Yogḡ, in e jam esel nḡnḡ gbēl lele bieku bieku ek'anḡ Jude, Jerusalem, Tir lele Sidḡn ek'el eb yony ek'anḡ okij any ab yeji, ow.

18-L'ow eke -li k'iri ow ec'odad ke ow ewlm el ec'ol a yeji. Etḡ agḡ eke abḡ eḡḡ am ijr gbre a yeji ewl.

19Agḡ a feḡ am ol eke k'itḡn in abu, aḡke ewlm ec'abusu e læc nyam b'ey okm in em ewlm agḡ a feḡ.

Ehe esel lele gbre esel ab

Matie 5.1-12

20Jesu is any ler in e jam esel a etḡ dad el nine: «Ḣny ek'eel oḡboru a, ehe el ḡny eci aḡke Nyam e gbrenḡbi usu a el ḡny eci!

21Ḣny eke sica namn am ḡny ḡny a, ehe el ḡny eci aḡke læḡ nyam am ow eke Nyam b'ow iyr ḡny lok! Ḣny eke sica am ikḡn ḡḡn a, ehe el ḡny eci aḡke b'ow ifir miyer!

22Ehe el ḡny eci, ḡny eke agḡ am ifn ḡny, ebm ḡny ke am wewr ḡny, ke am dad ḡny ec'odad eḡḡ, eke eel eḡḡ ec'Iy e jam esel a sosiem a!

23Sos em iḡḡ ḡny! Iḡbr susr es eke ów nenē b'eḡḡ ḡny a, aḡke afr, ob ap ligbel nyam am eku ḡny. Eben eke el laḡḡel a ijr kokoba ob esel gbre ana.

24Kḡ ḡny egbrenḡbi a, gbre el ḡny eci, aḡke eḡan ḡny ec'ehe a god'etḡ!

25Gbre el ḡny eci, ḡny eke lok iy ḡny a aḡke namn b'ow ḡny ḡny! Gbre el ḡny eci, ḡny eke am ifir miyer a aḡke b'ow ikḡn ḡḡn nḡnḡ!

26Gbre el ḡny eci, eke agḡ a feḡ bi dad ḡny e lís e low mamn. El laḡḡel yeji, eben eke godo godo a -li dadr kokoba ob esel ayadḡu a ec'ów amamn ana!»

Efnu ec'erur owi

Matie 5.38-48; 7.12a

27«Ḣny ek'am irir em ec'odad a, kin yec'eke m'am dad ḡny: erurir ḡny ec'efnu ke kókr ów amamn ḡḡn agḡ eke b'ifn ḡny a.

28Àfal agḡ a eke b'ofn ḡny ab es, ke ḡóḡan ḡḡn agḡ a eke bi kok ḡny ów eḡḡ a.

29Ek'eḡḡ b'edḡ'ḡ any af lálw ogog, ke ewl ogog nyam a yeji ḡḡ'n l'édḡ'ḡ. Ek'eḡḡ b'eb'ḡ gbād, ke yèb'r l'éb ḡ e mob af ew a yeji.

30Eḡḡ feḡ eke b'ibrm'ḡ ob a, ḡḡ'n. Etḡ ek'eḡḡ oc ḡ ec'ob, ke k'ibrm'n k'eb.

31Low feḡ ek'am erurir eke agḡ ki kok ḡḡ ḡny a, ḡny yeji kòkr eben kpeḡ ḡḡn agḡ ejec'a.

32Eke b'erurir agḡ a ce eke b'erur ḡny a, ke bla low mamn iy am ekur eke b'ow eḡan ee? Sikpl esel bḡbḡ yeji b'erur agḡ eke b'erur el a!

33Etḡ eke bi kokr low nimamn ḡḡn agḡ a sony ce eke bi kok ḡny low nimamn a, ke bla low mamn iy am ekur eke b'ow eḡan ee? Sikpl esel bḡbḡ yeji bi kok eben!

34Kḡ eke ow el agḡ a sony ce ek'am oman eke b'ow owr ob ḡḡ ḡny a b'abmnin ob, ke bla low mamn iy am ekur eke b'ow eḡan ee? Sikpl esel yeji b'abmn el lawlél sikpl esel ob, yec'etḡ ke el yeji wēl ówr ḡḡ el eben kpeḡ!

35 Yec'eke ki kokr a el: èrurir òny ec'efnu, kòkr el ów amamn. Àbmnin el ob ke k'ómnmn eke -li k'òwr -n'òy òny. Eke bi kokr eben a, b'ow enan ob ap ligbel ety b'ow eel Nyam ek'anη afr kpekpe ec'ey, anke Nyam akpl ety li bi kok low mamn n'òy agη enyη lele agη ek'uwm low mamn any ab.

36 Òny yeji, èel érm mamnu, εε el el eke ey εs el erm mamnu ab af.»

Èw erm jej ok owi em

Matie 7.1-5, 15-20

37 «Kì jejr agη ec'ów kokr, yec'ety ke Nyam kí jejm okm òny. K'òbr agη low, yec'ety ke Nyam yeji k'òbm òny low. Òcr low apr agη ke Nyam yeji óc low ap òny.

38 Òhη agη ob, ke Nyam yeji óy òny ob yiyibr òny: òny e gbad a eke òkηn eke wèl kok òny ob em a, wèl b'ow ok òny ob ow íy gbòy, tatakη es, gigigη es. Akunda yec'em eke b'ocr ebmnin ob òyη egη ejec'a, ow em ce Nyam yeji b'ow oc ebmn òy òny.»

39 Emeny Jesu dad el odad nyandre em ninε: «Kò any eflu òtu eke ki nyimn lawl any eflu ee? Eke ow el eben a, ke el yony mum -li b'ow -l'ok nomu nyam em.

40 Low wewr es kaka ágbm akam in e low yeγm es; kò low wewr es fηy ek'uw low any senyn senyn a b'ow anη εε in e low yeγm es ab af.

41 Kò bla ety am ler suwli ek'anη esη jim e nyamn em a, ety éwm likη ikpr ek'anη'η nyamn em a e low erm ee?

42 Ety ayaf òtu eke ki dad esη jim εε: “Lisijim, yèb'm m'óny suwli ek'anη'η nyamn em a m'óc es, ke k'éknm likη ikpr ek'anη'η nyamn em ab ee?” Enyembri yony yony es, ikη anym òny likη ikpr ek'anη'η nyamn em a oc es, ke sica b'ow ékn es senyn senyn òny esη jim e suwli ek'anη nyamn em a oc es.»

Likη lele in ec'ey ab

Matie 12.33-37

43 «Likη mamn ósum ey enyη, ety likη ηyη ósum ey amamn.

44 Tasi em a, wèl b'uw likη nyam nyam any in ec'ey òsu em: wèl ówm babm librebr em, ety wèl ówm kòkòbri kati em.

45 Egη mamn, in em ec'ów amamn eke b'anη a anake li b'oc l'èlu òkm a; ety egη nyη, in em ec'ów enyη eke b'anη a anake li b'oc l'èlu òkm a. Low yec'a ek'iy egη ec'erm em gbòy a anake neny bi dad elu òkm a.»

Ús èl lob af

Matie 7.21-29

46 «Kò bla ety b'eshn'm “Egη Gbel, Egη Gbel” ety am kokmn yec'a eke mi bi dad òny ab ee?

47 Egη eke b'ow em ogη iri em ec'odad, ke b'ucu òny es kok a, m'am ow mi yeγm òny ob eke li b'ot es a:

48 n'anη εε egη nyam ek'am us èl af, l'agbr nomu im wus em kpekpe ety li sigm in ec'èl ab es lebn af. Eke mij iy am ewl igη èl a, èl a eym wus anke egη na us'r l'akpl.

⁴⁹Kɔ ɛgɛ eke am iri ɛm ec'odad a ke úcum ɔnym es kokm ɛsɛ elɛl eke n'am iri ab af a, anɛ ɛsɛ ɛgɛ nyam ek'am us êl sɛc af ke agbrm nɔmu yeji af. Eke mij iy am ewl igɛ êl a, kpekɛ êl a ɛy wus gbruu bubm es nimum!»

Luk e lɛl 7

Jesu ewlm sɔɔda ɛyɛ eci anym ɛs nyam e juma kok ɛs

Matie 8.5-13

- ¹Eke Jesu dad agɛ a odad bake ow uwr a, n'im Kapernayum.
- ²Yogɛ, Rom eci sɔɔda ɛyɛ ekɛ yen ec'anym ɛs nyam ɔny in e juma kok ɛs nyam eke l'erur nɔnɔ; ɛtɛ juma kok ɛs a ɔl am ɔny toɛ batɛ am ow uw.
- ³Eke l'iri wɛl dad'r Jesu e low a, l'erm Jwifel ec'agɛ ekpekɛ bɛb im am ɛsɛ'n eke li k'ow l'ewlm in e juma kok ɛs a.
- ⁴-N'im -n'ɛɛn ow ɛtɛ -n'am ɛɔɛn ow atrm ɛm -li dad -l'ɛsɛ: «ɛgɛ na ek'erm ɛy a it eke k'ɛɛn in ec'abu elum.
- ⁵L'erur ɛy ec'ɛb na ɛtɛ in anake n'ɔɛ ke wɛl us ɛy e Nyam nuɛ igɛ usu a.»
- ⁶Eke Jwifel a dad ów amua ok Jesu a, l'ɛgɛ ɛtɛ kpekɛ n'aam wɛl ab. Ow anɛ tɛl ke -l'ok gbugɛ, ɛtɛ ɛmeny anym ɛs a ɛrm lawlɛl eke k'im dad'r ɛsɛ: «ɛgɛ gbɛl, ɛs ow ɛs dad'ɛ eke ɛ k'ijr sos gbɛ ɛ k'ow yeji, kɔ in itm eke ɛ k'ey in e gbugɛ a;
- ⁷na sosiem anake in igbm in obi in owm toɛ bake in ɛɛn'ɛ a. Kɔ ɛ dád odad ebl nyam ɛɛ, ke kpekɛ in e juma kok ɛs a in b'ow in ewl.
- ⁸In obi yeji in anɛ abusu ɛsɛl ekpekɛ ec'ew, ɛtɛ in ɔny sɔɔda ɛyɛ eke in ɛw es. Eke in bi dad nyam in ɛsɛ: “Ím!”, kpekɛ ow'n b'im; in bi dad ɛjɛci in ɛsɛ: “Ów!”, kpekɛ ow'n b'ow; ɛtɛ eke in bi dad in e juma kok ɛs in ɛsɛ: “Kòk low na!”, kpekɛ ow'n bi kok low a.»
- ⁹Eke Jesu iri sodad amua eke wɛl ow dad'r a, l'erur anym ɛs a e low. Sica l'ewl meny n'am dad agɛ a ek'am us'r jam a l'ɛsɛ: «M'am dad ɔny, m'ɛɛnm ɔmn ɛs nɛnɛ kaka Israel ɛyɛ ɛm bɔbɔ yeji.»
- ¹⁰Agɛ a eke wɛl ɛrm a ɛwl meny im anym ɛs a e gbugɛ a, ɛtɛ -l'ɛkn eke juma kok ɛs a ewl.

Jesu igbm inɛyɔw nyam ec'iy ek'uw

- ¹¹Eke low na ɛc a, Jesu aam baɛn nyam eke wɛl b'ɛsɛ Nayin; ɛtɛ in e jam ɛsɛl a lele agɛ nɔnɔ gbɛl ab am us'r jam.
- ¹²Eke n'am titm baɛn ec'ɛm ɛy usu a, wɛl oc ɛgɛ nyam ek'uw a aam oc es ɛtɛ baɛn a ec'agɛ nɔnɔ gbɛl yeji aam ɛl ab. Ow ɛl inɛyɔw nyam ec'iy ekpɔbi.
- ¹³Eke ɛs Kɔtɔkɔ ɛkn yɔw a, ow e low ɔny'n sɔɛɛn ɛtɛ li dad ow nine: «K'ikɛ ɔɛn!»
- ¹⁴Kpekɛ li tat n'im l'itɛn lɛblakɛ a abu, ɛtɛ agɛ a inym es. Li dad nine: «Dgbafɛli, m'am dad'ɛ, igb!»

15 Ɛtɛ ɛgɛ a ek'uw a igb inym es ɛtɛ am dad odad. Ɛtɛ Jesu dad lis nine: «Kin ɛ ec'iy a.»

16 Agɛ a fɛɛ ɛrɛn am ɔny ɛtɛ am kɔkɔm Nyam dad ɛsɛ: «Kokoba ɔb ɛs ligbɛl nyam ɛy ɔkm ɛy ɛm! Nyam ow am ɛlum in ec'agɛ abu!»

17 Ɛtɛ Jude wus ab af lele baɛn a fɛɛ eke ɛlulil ɛm ab ab iri low a eke Jesu kok a.

Jan mij ok nuɛ ɛs lele Jesu ab

Matie 11.2-19

18 Jan e jam ɛsɛl a im dad ɔw a fɛɛ eke Jesu kok a ok Jan. L'ɛsɛ ɛl ɛm ec'agɛ yony,

19 ɛtɛ l'ɛrm wɛl Ɛs Kɔtɔkɔ ogɛ eke -li k'ibrm ow eke ow el Mesi a eke ow a, oglog ɛgɛ ɛjɛci -li k'eku.

20 Eke jam ɛsɛl yony a im ok yogɛ a, -li dad Jesu nine: «Jan mij ok nuɛ ɛs ɛrm ɛy s'ow eke si k'ibrm'ɛ: “Kɔ ɛ, ɛ el ɛgɛ a eke ɛl uw any eke in b'ow in ow a, oglog ɛgɛ ɛjɛci ɛl k'eku ee?” »

21 Wanci ab af a, Jesu am ewlm agɛ nɔnɔ ek'ɔl akpasu akpasu am ɔny, n'am ogɛ agɛ nɔnɔ ec'abɛ ɛɛɛɛ; ɛtɛ n'am ɔɛ ɔny ɛflu nɔnɔ ɛkn es.

22 Ɛtɛ li dad agɛ a eke Jan ɛrm a nine: «Imn ke dádɛ Jan low a eke ɛkan ke irir a: ɔny ɛflu am ɛkn es, akr kɛɛɛ ɛsɛl am an es, kokobe ɛsɛl yeji am ewl, ɔru ablu yeji am iri ɔw, agɛ ek'uw a yeji am igb, ɛtɛ wɛl am ɔb Amani Mamm a e kokoba ok ɔgbɔru.

23 Ehe ɛl ɛgɛ a eke k'ow irmnm in ec'ɔmn eke n'ɔny ɛm ɛm a ɛci!»

24 Eke Jan ec'agɛ a ek'ɛrm a ewl mɛny im a, Jesu oc Jan e lís e low am ibrm agɛ a ɛsɛ: «Kɔ loj yogɛ bla imm eke k'ɛkan ee? Kɔ ɛgɛ ek'anɛ ɛsɛ anany eke lɛf am ɔny mumu af ee? Njan!»

25 Ca eke ow elm ɛben a, ke bla imm ɛkan ee? Ɛgɛ eke sus mob sɛnyn ee? Njan! Agɛ eke bi sus mob sɛnyn sɛnyn ij ɛb a, ɛb ebu e gbugɛ -li b'anɛ.

26 Ɛtɛ ca bla tasi imm ɛkan ee? Kɔ kokoba ɔb ɛs nyam ee? Ɛɛ, m'am dad ɔny eke ɛgɛ a ek'ɛkan a agb akm kokoba ɔb ɛs.

27 Nyam Lɛl ɛm a, Nyam dad Jan e lís e low nine: Kin, m'am ɔɛ ɛm ec'ɛrm ɛs ikɛɛ'ɛ anym kok ɛ ec'ɛjagb a.»

28 Ɛmɛny Jesu dad ɛl nine: «M'am dad ɔny eke agɛ eke wɛl ew ab ɛm, ɛgɛ kaka anm ek'agb akm Jan; kɔ Nyam e gbɛngɛbi usu a ec'agɛ ek'anɛ a e likekli a agb akm'n.»

29 Agɛ nɔnɔ toɛ wus labm eb ɛsɛl bɔbɔ yeji ek'iri Jesu ec'odad a, uw any eke Nyam e low a nawɛ, aɛke -l'ɛgɛ Jan ok ɛl mij nuɛ.

30 Kɔ Farisiel lele ol e low any uw ɛsɛl ab ab ɛgɛm Nyam e low eke ki kok ɔɛ ɛl a ebm, aɛke -l'ɛgɛm eke Jan k'ok ɛl mij nuɛ.

31 Ɛmɛny Jesu dad nine: «Bwo ec'ɛgɛ m'ɔtu eke mi k'oc mi bɛbmɛn yeɛfɛnyna ec'agɛ ab ab ee? Bogɛ ec'agɛ -l'ot es ee?»

32-L'ot etuey ek'anη an ol usu es ke am dad lebl gege em ese: "S'afl kete ej ub eci s'ok ony, etη egηmn eke k'ubr ej! S'egη s'orη ej s'ok ony, etη egηmn okmn sabu ermni ikηmn onη!"

33Kin Jan ek'ow a, li b'enhη neny, l'egηm mar, etη ony bi dadr ek'ow'n ony abη ηuη!

34Sica egη ec'Iy ek'ow a, li b'ij ob, li b'egη mar, etη ony ce bi dadr eke egη ikη na, in el ob iju, mar egηu, wus labm eb esel lele sikpl esel ab e lawl!

35Agη a eke egη Nyam e sewr a eb a uw any eke sewr a el low nenyembri nyam.»

Yow nyam eke nin uη a ow yowog Jesu akr

36Legη nyam, Farisi nyam eke wel b'esη Simo esη Jesu eke k'ow ij ob in ab. Jesu egη etη im ey in e gbugη a sig es ob ij usu.

37Baηn yogη yow nyam eke nin uη a anη. Eke l'iri eke Jesu anη ob ij usu Farisi a e gbugη a, l'ow yogη. N'onym mijey kok nyam eke wel kok lebn eke wel b'esη albatr em ab, ke mijey sηosηo iy em gbogη.

38L'is es Jesu ec'akr esr n'am ikη onη l'opar ow akr es in e mikη ab em, l'oc in e sin nuη a n'am tetη ow es; n'am ey ow akr af li joj ow akr, etη n'am ok ow mijey a.

39Eke Farisi a b'ekn eben a, n'am dad in em l'ese: «Blel igη na el kokoba ob es tasi ana, ke blel l'uw any eke yow na ek'am titηn in sabu a el yow eke nin uη.»

40Ko Jesu dad Farisi a nine: «Simo, m'onny low eke mi ki dad'η.» Etη Simo odu eb dad nine: «Low yegm agη es, dād gogη.»

41Etη l'ub ow nyandre nyam li dad nine: «Agη yony abmn os egη nyam ogη: nyam ij os ekη yen yen sakp yen e labm, etη nyam a ij os ekη yony lele lew ab e labm.

42El yony mum -l'otum -li sogm labm a, etη igη a oc ap el. Ko el yony na em a, bwo ec'egη anake b'ow erur igη a akm lawl ab ee?»

43Etη Simo nine: «M'am tutr ke egη eke wel oc in e labm nono a ap a.» Jesu egη nine: «Ow tasi anake dad a.»

44Etη kpekη l'ewl meny l'okη yow ab any etη li dad Simo nine: «Ko am ekn yow na! M'ow m'ey'η gbugη etη oom im mij akr es yog eci. Ko in, li yog'm akr es in e mikη ab em etη li tetη es in e sin nuη ab em.

45Eke m'ow a, eym im af. Ko in, anym etη n'am ey'm akr af li jój'm akr.

46Okm im mun nuη, ko in l'ok'm mijey akr.

47Na sosiem m'am dad'η: erur ligbel na eke l'elu okm a am yegm eke in e sikpl nono gbēl a yeji wel oc ap'r. Ko egη eke wel ap sikpl tēl a, erur tēl ce li b'elu okm.»

48Etη li dad yow a nine: «M'oc η e sikpl a m'ap'η.»

49Agη a ek'anη yogη am ij ob el ab a am dad el ofr em ese: «Ko bwo el egη na etη li k'ap egη sikpl ee?»

⁵⁰Ɔ Jesu dad yow a nine: «Ɔ ec'omn a eb elu'η es; im erm es ey em gow.»

Luk e lel 8

Jam esel lew yony a lele yow ab am us Jesu jam

¹⁻²Eke na b'ec a, Jesu am ec baŋn egbel em lel ekekey em ab dad Nyam e gbrenghi usu a ec'Amani Mamm ec'odad. In e jam esel lew yony a lele yow beb eke l'ogŋ abŋ eŋuŋ wel e lis ke l'ewlm wel ol em ab yeji am us'r jam: Mari Magdala yowi a eke ow em l'ogŋ abŋ eŋuŋ lobŋ a;

³Jana, Erɔd e gbugŋ a ec'es ew es nyam eke wel b'esŋ Kusa e yow; Susan lele yow nono gbɛl eke b'is Jesu lele in e jam esel ab ab abu elum.

Wus akpasu yar e nyandre em odad

Matie 13.1-9; Mark 4.1-9

⁴Eke agŋ nono anŋ baŋn baŋn am ow Jesu ogŋ, ke sica el feŋ -l'asr luku a, li dad wel odad nyandre em nine:

⁵«Lɛgŋ nyam, egb ewl es nyam im ogm am ewl egb. Eke n'am ufŋ egb ey ab es a, beb ok ebr af: agŋ uyu af etŋ or ow sus ij.

⁶Beb ok mebn wus af. Eke egb a eli a, -li wew es aŋke -n'eŋnm sɛc prɔprɔ eke -li k'akpl.

⁷Beb ok mirŋ wus af. Kpɛkŋ mirŋ a eli ok okm egb amamn ab ab, etŋ ony egb amamn a awŋ es.

⁸Etŋ emeny beb ok wus mamm af. Egb a eli etŋ osu ey: nyam osu ey ekŋ yen.» Etŋ Jesu igbl lebl ogŋ dad nine: «Ek'onyn oru eke k'irir, ke irir senyn senyn!»

Low sosiem eke Jesu b'oc nyandre odad yegmn agŋ low a

Matie 13.10-17; Mark 4.10-12

⁹Eke li dad nyandre em ec'odad na bake ow uwr a, in e jam esel a am ibrm'n odad a e nyandre.

¹⁰Etŋ li dad wel nine: «Ony, eŋan Nyam eci gbrenghi usu a ec'ow a eke lol es a ec'any uw. Ɔ agŋ ejec'a, el -l'uwmn any. Nyandre em wel ki dad yec'etŋ ke -li bi ler yeji -li k'eknmn; -li b'iri yeji -li k'uwmn any.»

Wus akpasu yar a ec'akr otar

Matie 13.18-23; Mark 4.13-20

¹¹«Kin odad a e nyandre: egb a el Nyam ec'odad.

¹²Ebr ab af a eke egb a ok a, el agŋ a eke b'iri Nyam odad, ke agn b'onny odad a oc es el ec'erm em yec'etŋ ke -li k'ubmn nawre bake -n'eŋn sel.

¹³Mebn wus a eke egb a ok a, el agŋ a eke b'iri odad a ke b'eb'r sos em iŋn em a, ko ow okm min el em. -L'ubmn nawre ow ibnm, etŋ eke -li b'obr gbre a -li bi digŋ el ec'omn a -l'elu es.

¹⁴Wus a eke mirɲ nɔnɔ anɲ af ke egb a ok af a, el agɲ a eke b'iri odad a ke b'ebɹ wus na ec'owr anɲ ec'ermij a, b'ol ob ɔny lel eb ij owi ab es a. Ów amua na b'ony awɲ el es, etɲ -li kokmn ów amamn.

¹⁵Wus mamn a el agɲ eke b'iri odad a ke b'eb ɛw es el ec'erm tasi ab em a; -li b'ij nenyembri nyam etɲ -li bi kok ów amamn.»

Kenie e nyandre em ec'odad eke Jesu dad

Mark 4.21-25

¹⁶Emeny Jesu dad nyandre em ec'odad na nine: «Egɲ ígɲm kenie uburm es lofu ew, oglog kofa ew. Kɔ b'igɲ kenie a, ke ítm es ob es itm ob af, yec'etɲ ke agɲ eke b'ok akɲ a ám ekn usuayl a.

¹⁷Low eke lol es agɲ éknm a, -li b'ow -l'ekn; etɲ low eke agɲ úwm any a, -li b'ow -l'uw any ke -l'iri yeji.

¹⁸Na sosiem, èwr erm elel eke am iririr ab em! Anke egɲ ek'iri odad a ke ucu ɔny es a, Nyam b'ow obn'n; kɔ egɲ ek'irim kaka a, tel a eke n'am tutr eke l'iri a yeji, wel b'ow ɔny oc'r es erm af.»

Jesu lis lele lisijimel ab

Matie 12.46-50; Mark 3.31-35

¹⁹Jesu lis lele lisijimel ab ow ok yogɲ a eke Jesu anɲ a, kɔ -l'ɔtum eke -li k'im bake -li titm ow bieku a sosiem.

²⁰Etɲ agɲ a ek'anɲ yogɲ a am dad Jesu ɛse: «Kin esɲ lele esɲ jimel ab ek'ow inym es gbeɲ. -N'am erur eke -li k'ekn'ɲ.»

²¹Kɔ Jesu dad agɲ a feɲ nine: «Em lis lele em lisijimel ab a el agɲ a eke am iri Nyam ec'odad ke am elum a.»

Jesu adar lidgbegb

Matie 8.23-27; Mark 4.35-41

²²Legɲ nyam Jesu lele in e jam ɛsel ab ab ok mijetɲ nyam em etɲ li dad wel nine: «S'úbr mij lekpl na e jam a!» Etɲ -l'ok letɲ ab em -n'aam.

²³Eke -n'am ɔr mij -n'im a, Jesu am ɛru memn. Kpru em lidgbegb ligbel nyam igb mij lekpl ab af, etɲ mij am ok el letɲ em toɲ batɲ ow am iy, etɲ jam ɛsel a anɲ ermij em.

²⁴-N'im -n'am uwr Jesu etɲ -n'am ɔg -li dad -l'ɛse: «Egɲ gbɛl, egɲ gbɛl, s'am uw!» Jesu ufɲm es etɲ dad lidgbegb a lele mra ab ab odad lebl tuɔtuɔ em etɲ -l'adr. Etɲ usu a feɲ irm es tiɲ.

²⁵Sica l'ibrm in e jam ɛsel a nine: «Bogɲ ɔny ec'omn ab a ee?» Kɔ erɲn am ɔny el, low iti el any etɲ -n'am dadarir el ɔfr -l'ɛse: «Kɔ bwo ec'egɲ el egɲ na ee? Li bi dad lef lele mij ab odad, etɲ wel b'elum'n!»

Jesu ewlm igɲ nyam eke abɲ enɲ am ijr gbɹe

Matie 8.28-34; Mark 5.1-20

²⁶Jesu lele in e jam esel ab ab ubr mij lekpl a jam. Ca -n'im -l'ok Geraseni wus af ek'anη Galile any af a.

²⁷Eke Jesu anη letη em us es wus a, baηn a ec'egη nyam am ow obr'r. Egη a abη eηuη b'ijr'r gbre. Lεgη kpekpe etη li b'anη sos ofr; n'anm akη kō suwomu em ofr li b'anη.

²⁸Eke li b'ekn Jesu a, li barm etη l'ey l'ubu es ow ec'any af, etη n'am dad odad lebl tuotuo em l'ese: «Jesu, Nyam ek'anη afr kpekpe ec'Iy, kō bla lowi anη ey araηn ee? M'am ηoηn'η, k'ijr'm gbre!»

²⁹N'am dad ebēn aηke Jesu am ogη abη ηuη a eke k'ey okm in em. Sakp nōnō, eke abη akpasu na b'ey'r af a, wel b'awη'n akr lele sabu ab ηgbraka em am osu'r. Kō li bi dēdη ηgbraka ab es, etη abη a b'oc elu'l loj n'am adη es.

³⁰Jesu ibrm'n nine: «Kō ayaf wel b'esηn'η ee?» Etη li dad nine: «Em e nin el “Bubute” » (eke abη eηuη nōnō anη'n em a sosiem).

³¹Etη abη eηuη a am ηoηn Jesu dad ese: «K'ogη ey si k'im si k'ok nōmu cronη gbēl ab em.»

³²Lafeny nyam anη yogη eke gbroko nōnō anη af am ij ob. Abη eηuη a am ηoηn Jesu eke ow k'ōη el abusu -n'im -l'ok sigbroko ab em, etη n'ōη wel abusu.

³³Abη eηuη a ok okm igη ab em im ok sigbroko ab em, etη gbroko a fēη anη lafeny ab af uru es im ok mij lekpl ab em, etη -n'emn.

³⁴Eke agη a ek'am osu sigbroko a b'ekn low na ek'ey a, -l'uru es -n'im -l'ob amani -l'ok baηn a lele sikpukpu em ab ab ec'agη a.

³⁵Agη a fēη ek'iri low na ek'ey a ok okm aam ekn. -L'ow -n'ēηn Jesu etη -l'ekn igη a eke abη eηuη anη em ok okm a eke sus mob sig es Jesu saw, ke nuη em ayal. Etη agη a erηn am ony.

³⁶Agη ek'ekn low na a am dad el elel eke abη eηuη es a ewl a.

³⁷Etη Geraseni eyη a ow nōnō am dad Jesu eke k'ηgboη el e wus ab af, eke erηn am ony el a sosiem. Etη Jesu ey letη em eke k'im.

³⁸Sica igη a eke l'ogη abη eηuη ok okm in em a am ηoηn'n eke li k'anη ow ab. Kō Jesu dad'r nine:

³⁹«Èwl meny im gbugη ke ób low a eke Nyam kok'η a ec'amani ok agη.» Igη a ewl im etη am dad baηn a nimum ec'agη a, low a eke Jesu kok oη'n a e low.

Jesu ewlm yow nyam etη igbm Jayirus jow a luw em

Matie 9.18-26; Mark 5.21-43

⁴⁰Eke Jesu anη mij jam a ow a, agη a ek'im am eku'r a eb'r.

⁴¹Igη nyam eke wel b'esη Jayirus ow ēηn'n; l'el Jwifel e Nyam nuη igη usu a ec'es ew es nyam. L'ok owrōkp wus Jesu ec'any af, etη n'am ηoηn ow eke ow k'ow in ogη a,

- ⁴²an̄ke n'ony iy yowli ekpobi ek'ij akpo l̄ew yony ke am uw. Ēt̄j kpek̄j Jesu igb aam yoḡj. Eke n'aam a, aḡj nono iwr elul il em am atr'r sel.
- ⁴³Yoḡj, yow nyam eke b'ub abu ke mebl a é̄d̄j̄m es tōj ow ij akpo l̄ew yony a an̄j. Ni n̄j̄n̄ in ec'ob eke n'ony a sos kok es̄el oḡj, k̄o eben yēji eḡj kaka otum ewlam'n.
- ⁴⁴L'ecr jam jam eci l'ow li titm Jesu ēt̄j l'it̄j̄n ow e mob sus em a eci enyembri a abu, ēt̄j kpek̄j mebl a ek'am ok'r a ēd̄j es.
- ⁴⁵Jesu ibrm nine: «K̄o bwo it̄j̄n'm abu ee?» Ēt̄j el f̄ēj -n'am dad eke el ek̄nm. K̄o Pier dad nine: «Low yēgm aḡj es, k̄o é̄k̄nm bieku na ek'iwr did elul'̄j̄ em am atr'̄j̄ sel ab ee?»
- ⁴⁶K̄o Jesu dad nine: «Nawre tasi, eḡj ek̄n piy ēt̄j it̄j̄n'm abu, an̄ke m'ek̄n eke l̄ec nyam ey okm em em.»
- ⁴⁷Yow a b'ek̄n eke low a lolm es a, sos uf̄j̄ em l'ow l'ey Jesu ec'akr af a, ēt̄j li dad aḡj a f̄ēj ec'any af low a sosiem eke l'it̄j̄n ow abu, ke kpek̄j l'ewl a.
- ⁴⁸Ēt̄j Jesu dad yow a nine: «Em jow, ̄j̄ ec'om̄n a ewlm'̄j̄! Ìm erm es ey em.»
- ⁴⁹Jesu odad an̄j n̄enym am dad, ēt̄j w̄el erm eḡj nyam an̄j Jayirus oḡj a ow. N'am dad ow l'ese: «Ēj̄on uw! K'ijr low yēgm aḡj es gbre ofr ofr.»
- ⁵⁰Eke Jesu b'iri eben a, li dad Jayirus nine: «K'uru er̄j̄n, k̄o ony om̄n sony coco ce; li b'ow l'igb.»
- ⁵¹Eke n'im l'ey gbuḡj a, n'om̄n eḡj kaka abusu eke k'ey ak̄j a in ab, ek'ow elm Pier, Jan, Jak, lele iy es a lele iy lis ab ce.
- ⁵²Aḡj a f̄ēj am ik̄j on̄j ok sabu erm̄ni iy a sosiem. K̄o Jesu dad el nine: «K'ik̄j̄n on̄j! Dedyowli a l'uwm k̄o mem̄n n'am eru.»
- ⁵³K̄o eke Jesu dad eben a, -n'am kokr ow miyer an̄ke -l'uw any eke dedyowli a uw.
- ⁵⁴K̄o Jesu im ucu iy a abu ony ēt̄j dad lebl tuotuo em nine: «Dedyowli, igb wus!»
- ⁵⁵Dedyowli a ewl an̄j owr ēt̄j kpek̄j igb wus. Ēt̄j Jesu dad el nine: «On̄j in ob l'ij.»
- ⁵⁶Iy es a lele iy lis ab ab low iti any, k̄o Jesu ēd̄j̄n el eke -li ki dadm̄n low a ek'ey a -l'okm̄n eḡj kaka.

Luk e l̄el 9

Jesu erm in e jam es̄el l̄ew yony a

Matie 10.5-15; Mark 6.7-13

- ¹L̄eḡj nyam Jesu as in e jam es̄el l̄ew yony a luku, ēt̄j n'on̄j w̄el abusu lele l̄ec ab eke -li k'oḡj ab̄j̄ ēj̄on̄j f̄ēj ke -l'ewlm ol es̄el.
- ²Ēt̄j l'erm w̄el eke -li k'im -li dad Nyam e gbren̄gbi usu a ec'odad, ke -l'ewlm olu.
- ³N'om̄n w̄el ow nine: «K'ocr usu im ec'ob kaka k'onym̄n ab: kpama, ekpr, ob ij, os yēji. Ke ony em ec'eḡj kaka k'oc̄m mob sus em ējeci akrm af.

⁴Usu fɛŋ eke wɛl b'ow eb ɔny a, ànɲn gbugɲ a cɛ toɲ bake ɲgbroɲn yogɲ a.

⁵Usu fɛŋ eke agɲ k'ow ɛɲɲm ebm ɔny a, ɲgbroɲn ɛl ec'eb ab ɛm, ke cícr ɔny ec'akr sɛc a okr ɛl es. Na b'ow ij ɛl e nuɲ af e danɲku Nyam ec'any af.»

⁶Jam ɛsɛl a im ɛtɲ am ɛc baɲn baɲn fɛŋ dad Amani Mamm a ec'odad, ɛtɲ usu a fɛŋ -n'am ewlm ólu.

Erɔd ec'ɛrmij owi

Matie 14.1-12; Mark 6.14-29

⁷Lɛɲɲ ab ɛm a, Erɔd Antipas ek'el Galile wus af ec'es ɛw ɛs a iri wɛl am dad ów a ek'am ɛy a ec'amani. ɛtɲ l'úwm elel eke li ki dadr any, anɲke agɲ beb am dad ɛsɛ Jan mij ok nuɲ ɛs ek'in uw a, in igb luw ɛm.

⁸Agɲ oglog am dad eke ow'n b'ow in el kokoba ɔb ɛs Eli anake in ɛwl in ow a. ɛtɲ beb am dad eke ow'n b'ow in el godo godo e kokoba ɔb ɛsɛl a e nyam anake in igb luw ɛm a.

⁹Kɔ Erɔd am tutr ów dad ɛsɛ: «Kɔ m'ubr Jan nuɲ; ɛtɲ bogɲ ec'ɛɲɲ anake m'am iri in e lís ec'ów ab ee?» ɛtɲ n'am ɔl eke li k'ekn Jesu.

Jesu iyr agɲ ek'afɲ fandi yen es lok

Matie 14.13-21; Mark 6.30-44; Jan 6.1-14

¹⁰Eke ɛrm ɛsɛl a ɛwl mɛny ow a, -n'am dad Jesu ów a fɛŋ eke -li kokr a e low. ɛtɲ Jesu ot ɛl ab im baɲn nyam eke wɛl b'ɛsɲ Betsayida e saw eke -li k'anɲ ɛl ɔny.

¹¹Kɔ eke -l'okr yogɲ a, agɲ nɔnɔ gbɛl uw any ɛtɲ am us'r jam im. Jesu eb ɛl ɛtɲ am dad ɛl Nyam e gbɛɲɲɲɲ usu a e low ɛtɲ n'am ewlm ólu a ek'am ibrm eke k'ewl a.

¹²Eke lɛɲɲ am ew ɛs a, jam ɛsɛl lɛw yony a ow ɛɲn Jesu ɛtɲ dad'r ninɛ: «ɛɲɲ gbɛl, òk bieku ab ɛs ím baɲn baɲn lele sikpukpu ɛm ab yec'ɛtɲ ke -n'ɛɲn ob ij lele ɛs ɛru usu ab, anɲke anɲ eke s'anɲ a el usu saw ɛm.»

¹³Kɔ li dad wɛl ninɛ: «ɔny obi, ɔɲn ɛl ob -l'ij!» ɛtɲ jam ɛsɛl a ɔdu eb ninɛ: «Futufutu yen lele ɔcn yony ab cɛ s'onym ab. Kɔ erur eke si k'im s'ɔl ob ij ɛbm agɲ nɔnɔ na ee?»

¹⁴(Agɲ ɛɲɲ ek'anɲ ɛl ɛm yogɲ a ɔtu ek'ij agɲ fandi yen). Jesu dad in e jam ɛsɛl ninɛ: «Dàdr ɛl -l'ok ɛs eku eku ɛm ek'ɔtu eke k'ij agɲ ekɲ yony lele lɛw lɛw ab.»

¹⁵Jam ɛsɛl a ɛlum ɛtɲ ɔɲ ɛl -l'ok ɛs ɛben.

¹⁶Jesu oc futufutu yen a lele ɔcn yony ab ab igbl any ogɲ afr, ɛtɲ ɛlu Nyam bia. Li bubr ɛm n'ɔɲ in jam ɛsɛl a, ɛtɲ -li cɛc -n'ɔɲ bieku a.

¹⁷Agɲ a fɛŋ ij ob a lok iy, ɛtɲ ɛmɛny ow wal ɛs. ɛtɲ jam ɛsɛl a ot ekpr a eke wal ɛs a as luku, ɛtɲ ow iy mulu lɛw yony.

Piɛr dad eke Jesu in el Mesi. Jesu am ɛwar in e luw lele in e luw ɛm anɲ igb ab

Matie 16.13-28; Mark 8.27-9.1

- 18**Lεgη nyam, Jesu ocr sos es im Nyam ηοηη ημ; jam εσελ a yeji im in ab. N'am ibrm wel l'εσε: «Kο ayaf agη a bi dadr ημ e līs ee?»
- 19**-L'odu -l'eb -li dad nine: «Agη beb bi dad eke η Jan mij ok nuη εs. Agη oglog b'εσε η Eli. Etη beb bi dad εσε η godo godo e kokoba οb εσελ ab ημ e nyam eke in igb luw ημ.»
- 20**Eke -li dadr εben a, Jesu ibrm el nine: «Etη kο οny obi οny obi a ayaf b'ocar'm ee?» Etη Pier οdu eb dad nine: «D el Nyam e Mesi!»
- 21**Eke Pier dad εben a, Jesu ijl el neny kponη kponη kponη nine: «Kì dadr low na k'okr εgη kaka.»
- 22**Etη emeny li dad nine: «Ow it ek'εgη ec'Iy k'ij gbre nοηο, ke agη ekpekp, egb waw εσελ egbel, lele ol e low yeγm εσελ ab igη elu'l es, οη wel ibi'r ke σεgη nyahan l'igb agη ek'uw ab ημ.»
- 23**Etη li dad agη a fεη nine: «Ek'εgη nyam am erur eke k'us'm jam a, ow it ke li kί tutrm in e līs owi, ke σεgη fεη l'abu in obi ec'olikh a, ke l'us'm jam.
- 24**Tasi ημ a, εgη yec'eke b'ow erur eke ki dogηη in e sel a b'ow irmn. Gbεkο εgη yec'eke b'ow irmn in e sel a b'ow εηη.
- 25**Eke εgη nyam οny wus ec'ob a fεη etη l'irmn in e sel a, ke bla ow b'ow eel il ab ee?
- 26**Ek'εgη εs b'ony ημ sοsiem lele ημ ec'odad ab ec'a, εben εgη ec'Iy yeji εs b'ow οny in e līs, λεgη eke li b'ow l'ow in ec'anygbel ημ a, anygbel ek'el εs lele afr ημ εσελ lala ab eci.
- 27**Low nawre m'am dad οny: agη a eke anη aηa a e beb b'ow εkn Nyam ec'es εw a gbuη ke -l'uw.»

Jesu itηη sos

Matie 17.1-8; Mark 9.2-8

- 28**Eke ow ij σεgη niwn eke li dad odad na a, Jesu uyη lafeny nyam af, in lele Pier, Jan lele Jak ab eke li ki ηοηη Nyam.
- 29**Eke n'am ηοηη Nyam a, in ec'any a itηη etη in e mob sus ημ a yeji ufu toη am jejn.
- 30-31**Kpekη agη yony ok οkm am dad ów Jesu ab: ow el Mois lele Eli ab eke anη Nyam ec'usuayl ek'am jejn ab ημ okm sos οkm. -N'am dad el el eke Jesu b'ow uw Jerusalem, ke ow ημ in e juma b'ow iy neny a.
- 32**Low na ek'am ey a, Pier lele lawl el ab ab memn ibi. Eke any b'ok el es a, -l'εkn Jesu ek'anη Nyam ec'usuayl ab ημ lele agη yony eke inym es ab.
- 33**Eke agη a k'elu Jesu es im a, Pier dad'r nine: «εgη gb el, ow akpl eke si k'anη aηa! S'us nuη igη usu nyahan: η e nyam, Mois e nyam lele Eli e nyam ab.» (Odad ce ek'ey'r nenym ke li dad.)
- 34**Eke n'am dad odad εben a, kpekη jru ey etη ubur el fεη es. Eke -l'εkan jru na ow am ubur el es a, jam εσελ a erηη am οny.

³⁵Etɛŋ lebl nyam anɛ jru ab ɛm am ikɛ dad ɛsɛ: «Egɛ na el ɛm ec'Iy eke mi sɔsum m'oc. Ìrir in e low!»

³⁶Eke lebl a ikɛ dad odad na bake ok es a, jam ɛsɛl a ɛkn Jesu sɔny coco eke inym es. Low na eke jam ɛsɛl a iri ke ɛkn a, lɛgɛ ab ɛm a -li dadm -l'okm ɛgɛ kaka.

Jesu ewlm iy nyam ek'abɛ ɛɛɛ ɛɛɛ b'ijr gbɛ

Matie 17.14-18; Mark 9.14-27

³⁷Eke lɛgɛ ɛny a, Jesu lele in e jam ɛsɛl ab ab anɛ lafɛny ab af us es ɛtɛ agɛ nɔnɔ ow am ɔbr'r.

³⁸Bieku ab ɛm yogɛ, ɛgɛ nyam am ɛlu lebl ɔg dad ɛsɛ: «Low yɛgm agɛ ɛs, m'am ɛɛɛɛɛɛɛ, is any ler ɛm ec'iy na, l'el ɛm ec'iy igɛ ɛkpɔbi!»

³⁹Abɛ ɛɛɛ a b'ey'r ɛm a ke n'am ɔg, ow ɛm ɔny ufɛɛ'n lɛc ɛm ke sar ɛm ifl'l nɛny. Ow b'ijr'r gbɛ toɛ bake sos kikɛ'n es gbɛɛ ke ow ɛlu'l es.

⁴⁰Mi dad ɛ e jam ɛsɛl a ow ek'ogɛ abɛ ikɛ na, kɔ -l'ɔtum.»

⁴¹Eke igɛ a dad ɛbɛn a, Jesu igbl lebl ogɛ dad agɛ a fɛɛ nine: «Wew! ɔny eel agɛ ɛɛɛɛ eke ɔmn anm ɛm tasi! ɛmɛny sɛgɛ abi m'it eke mi k'anɛ ɔny ab ee? ɛtɛ ɛmɛny sakp abi ow it eke mi k'ɛgɛ low na m'eb ee?» ɛtɛ ca li dad iy ɛs a nine: «Òc ɛ ec'iy a ow aɛa!»

⁴²Eke iy a am ow titm'n a, abɛ a ɔny ɛlu'l wus ɛtɛ am ɔny ufɛɛ'n lɛc ɛm. Kɔ Jesu dad odad lebl tuɔtuɔ ɛm ogɛ abɛ ɛɛɛ a, ewlm iy a, ɛtɛ l'oc n'ɔɛ ow es.

⁴³Low na ek'ey ɛbɛn a, ow iti agɛ a fɛɛ any, Nyam ec'abusu ligbɛl na ek'ey ɔkm a sɔsiɛm.

ɛmɛny Jesu am ɛwar in e luw lele in e luw ɛm anɛ igb ab

Matie 17.22-23; Mark 9.30-32

Ek'ɛgɛ ɛgɛ low am iti any Jesu e low na eke kok a sɔsiɛm a, li dad in e jam ɛsɛl a nine:

⁴⁴«Low na eke ca m'am ow mi dad ɔny a, ùcur ɔnyɛn es: wɛl b'ow ɔny ɛgɛ ec'Iy ɛlu agɛ abu ɛm.»

⁴⁵Kɔ -l'irim odad a okm ɛl es sos ɛm, aɛke Nyam lɔl odad na e nyandɛ ab es yec'ɛtɛ ke -li k'uwmn any; ɛtɛ ɛmɛny -n'am uru eke -li k'ibrm Jesu low na ec'akr otar a.

ɛgɛ ligbɛl ec'el owi

Matie 18.1-5; Mark 9.33-37

⁴⁶Sica jam ɛsɛl a am atar ów es eke k'uw ɛl ɛm ec'ɛgɛ eke k'el ɛl ec'anymu ab any.

⁴⁷Kɔ Jesu uw ɛl e tutr ab any. L'ɛsɛɛ iyli nyam ow inym'n es saw,

⁴⁸ɛtɛ li dad in e jam ɛsɛl a nine: «Egɛ ek'eb iyli na ɛm sɔsiɛm a, ke ɛm anake l'eb'm a; ɛtɛ ɛgɛ ek'eb'm a, eb ɛgɛ a ek'erm im a yeɛi. Tasi ɛm a, ɛgɛ ek'el ɔny ɛm e likekli a, in ana l'agb l'akm ɔny a.»

ɛgɛ ek'elm ɔny eci ifnu a el ɔny ec'ɛgɛ

Mark 9.38-40

⁴⁹Eke Jesu dad eben a, Jan ɔdu eb dad nine: «Egɛn gbɛl, s'ɛkn egɛn nyam eke oc η e nin a am kokr juma ogɛn abɛn eɛɛn. S'ɛdɛn in, eke l'ɛlm ey ec'egɛn a sɔsiem.»

⁵⁰Ɛtɛn Jesu dad nine: «Egɛn k'ɛdɛn in, aɛke egɛn eke ifnm ɔny a el ɔny eci.»

Samari wus af e baɛn nyam egɛn ebm Jesu

⁵¹Eke sɛgɛn a eke Jesu k'uyu afr a ow titm a, ca li bɛbm tasi eke li k'im Jerusalem.

⁵²L'ɛrm agɛn ikɛn'n anym. Eke ɛrmu a us ejagb a, -n'im -l'ok Samari eyɛn e baɛn nyam eke -li ki bɛbm ow e lɛs e low.

⁵³Kɔ eb eyɛn a erurm eke k'eb'r aɛke -l'erurmn eke Jwifel k'ɛcr el ogɛn a eci im Jerusalem.

⁵⁴Eke jam ɛsɛl Jak lele Jan ab b'ɛkn eben a, -li dad nine: «Egɛn gbɛl, kɔ erur eke si k'ɔɛn al aɛn afr ow ɛtul el ee?»

⁵⁵Jesu ɛwl mɛny ler el ɛtɛn ɛnym el abr lebl tuɔtuɔ em.

⁵⁶Ɛtɛn -n'im baɛn ejeci.

Agɛn ek'erur eke k'us Jesu jam

Matie 8.19-22

⁵⁷Eke -n'anɛn ejagb -n'aam a, egɛn nyam dad Jesu nine: «M'ow m'us'ɛn jam usu fɛn eke b'ow im a.»

⁵⁸Jesu dad'r nine: «Ɛkre b'ɔny el ec'ɔmu wus em eke b'ɛru em, ɔr yeji b'ɔny el e mel; kɔ egɛn ec'Iy ɔnym usu nuɛn nyam ek'ɔtu eke k'ɛru es eb sel.»

⁵⁹Ɛmɛny li dad egɛn ejeci nyam nine: «Ɔs'm jam.» Kɔ egɛn a dad'r nine: «Egɛn gbɛl, ɔɛn m'abusu m'im m'oc em es es gbuɛn ke m'ow.»

⁶⁰Kɔ Jesu dad'r nine: «Yɛb agɛn ek'uw abɛn em a ɔt el ec'agɛn ek'uw ab es; kɔ η, im dad Nyam e gbɛngbi usu a ec'odad.»

⁶¹Ɛmɛny egɛn ejeci nyam dad'r nine: «Egɛn gbɛl, m'ow m'us'ɛn jam; gbɛkɔ yɛb m'im m'ibrm em e gbuɛn ec'agɛn a abusu gbuɛn ke m'ow.»

⁶²Kɔ in yeji Jesu dad'r nine: «Egɛn eke b'agbr wus, ke b'ɛdɛn mɛny a, akplm Nyam e gbɛngbi usu a eci.»

Luk e lɛl 10

Jesu am ɛrm jam ɛsɛl ejeci ekɛn nyahan lele lɛw yony ab

Matie 9.37-38; 10.7-16; Mark 6.8-11

¹Eke na b'ɛc a, Ɛs Kɔtɔkɔ Jesu sɔsum jam ɛsɛl ejeci ekɛn nyahan lele lɛw yony ab ot. L'ɛrm wɛl yony yony wɛl ikɛn anym im eb eb em lele susu susu ek'in obi yeji li b'ow n'im a.

²Ɛtɛn li dad wɛl nine: «Egb ub a ufɛ es nɔnɔ, kɔ juma kok ɛsɛl ɛnym. Ow sɔsiem, ibrmn egb ɔgm ɛs a, ke l'ɛrm juma kok ɛsɛl nɔnɔ im in ec'egb ub ab em.»

- ³Ìmn gɔŋ! M'am ɛrm ɔny ɛsɛ mɛcɛb ey af sibotimbo ec'araŋn.
- ⁴K'òcr os, ekpr, lele cɔkrukɔ ab. Eke aamn a, k'irmnin læŋ ejagb af k'èsɔnin ɛŋɔ.
- ⁵Gbugɔ nyam eke b'ow im okr a, ikɔn anym dadr ɛsrɛ: "Ke Nyam ec'erm es ey a ánn gbugɔ na ec'agɔ ab ab!"
- ⁶Eke yogɔ ɛŋɔ nyam anɔ ek'erur Nyam ec'erm es ey a, ke ɔny ec'erm es ey a b'ow anɔ in ab. Eke ɛŋɔ nɛnɛ anm a, ɛrm es ey a b'ow ɛwl anɔ ɔny ab.
- ⁷Ánnn gbugɔ yogɔ ijɔ ob, ke ɛŋɔn yec'eke wɛl b'ow ɔny a, anke juma kok ɛs it eke k'ony in e labm sɔg. K'ècr gbugɔ gbugɔ.
- ⁸Eke b'eyr ɛb nyam ɛm ɛtɔ -l'eb ɔny a, ijɔ ob yec'eke -li b'ow -n'ɔny ɔny a.
- ⁹Èwlmn ólu ek'anɔ ɛb ab ɛm a, ke dádr ɛb eyɔ a ɛsrɛ: "Nyam e gbɛngbi usu a ow titm ɔny."
- ¹⁰Kɔ eke b'eyr ɛb nyam ɛm ɛtɔ -l'ɛŋm -l'ebm ɔny a, ècr ɛb ab ɛm, ke dádr ɛsrɛ:
- ¹¹"S'am cic ɔny ec'eb ab ɛm ec'akr sɛc a s'ók ɔny es. Gbekɔ ùwr low na any: Nyam e gbɛngbi usu a ow titm ɔny."
- ¹²M'am dad ɔny: jɛj ok e læŋ a, Sodɔm e low nɔn a eke Nyam ki kok a b'ow ɔdɔ tɛl akm ɛb na ec'a.»

Sɛb ek'erurm eke k'ub Jesu nawrɛ

Matie 11.20-24

- ¹³«Korasin ec'agɔ, gbɛrɛ ɛl ɔny eci! Betsayida ec'agɔ, gbɛrɛ ɛl ɔny eci! Anke sakrowa a eke wɛl kok ɔny ogɔ a, blɛl ow el Tir lele Sidɔn ab wɛl kok ana, ke blɛl -l'ɛw sɔŋɔ e sos, -li kpakp milakɔ, -l'ok fandi ɛrm ɛm itɔn eci ow yɛgm eke -l'erur eke -li k'itɔn ɛrm ɛm.
- ¹⁴Na sosiɛm jɛj ok e læŋ a, Tir lele Sidɔn ab e low nɔn eke Nyam ki kok a b'ow ɔdɔ akm ɔny ec'a.
- ¹⁵ɛtɔ n Kapernayum, am tutr eke any ij ɛm b'ow agb toɔn bake ím titm afr ee? Njan, b'ow is es toɔn bake íŋn ɔnnes baŋn.»
- ¹⁶ɛtɔ ɛmɛny li dad jam ɛsɛl a ninɛ: «ɛŋɔ eke b'iri ɔny e low a, iri ɛm e low. ɛŋɔ eke ebm ɔny a, ebm im; ɛtɔ ɛŋɔ eke ebm im a, ebm ɛŋɔ a ek'erm im a.»

Jam ɛsɛl agɔ ekɔ nyahan læw yony a eke Jesu ɛrm a ɛwl ow

- ¹⁷Agɔ ekɔ nyahan lele læw yony ab ab eke wɛl ɛrm a ɛwl mɛny ow sos ɛm inɔ ɛm ɛtɔ am dad ɛsɛ: «ɛŋɔ gbɛl, eke s'im a, abɔ ɛnɔn yeji elum ey n e nin ɛm!»
- ¹⁸Jesu ɔdu eb dad el ninɛ: «M'ɛkn Satan ek'anɔ afr ey wus ɛsɛ nyam eke b'ɛn af.
- ¹⁹Kin, m'ɔny ɔny abusu eke k'aan es morɔn lele sibɔban ab af, ke ákmn ifnu ec'abusu fɛn es; ɛtɔ ob kaka k'ow kokm ɔny.

²⁰Ɛben yeji sos em k'ijn ony eke abɛ eɣɛ elum ony a sosisem. Ko sos em iɣn ony eke afr wɛl non ony ec'en a sosisem.»

Jesu anɛ sos em iɣn em

Matie 11.25-27; 13.16-17

²¹Wanci ab af cɛ, Abɛ Lala onɛ Jesu sos em am iɣn tonɛ batɛ li dad nine: «Em Es, ɛ ek'el afr lele wus ab ec'Es Koɔko a, m'am elu'ɛɛ bia, ow a ek'ot lol es, esewru lele nuɣ em ony esɛl ab ec'any af, ke yeɣm etuey uw any a eci. Ɛɛ! Em Es, erur ek'ow k'el eɛen.

²²Em Es ocr in sosisi elul'm abu em. Ɛɣɛ kaka uwm Iy ab any eke ow elm Es sony coco cɛ, etɛ ɛɣɛ kaka uwm Es any eke ow elm Iy a sony coco cɛ lele aɣɛ eke Iy a erur eke k'elu okm yeɣm'n ab ab.»

²³Ca Jesu ewl sos meny etɛ am dad in e jam esɛl a sony cɛ esɛ: «Na eke ekan a, ehe el ony ec'ɛ!»

²⁴Ko m'am dad ony, godo godo e kokoba ob esɛl nono lele eb ebu nono ab erur eke k'ekn low na ek'am ekan a, ko -l'eknm, iri low na ek'am irir a, ko -l'irim.»

Samari iy mamn

²⁵Ca ol e low any uw es nyam odu odad eb etɛ ibrm Jesu ebm ekn em nine: «Low yeɣm aɣɛ es, ko ayaf mi ki kokr ke m'ɛɣn sel ek'onym uwr ee?»

²⁶Jesu dad'r nine: «Ko bla lowi wɛl non ol ab em ee? Etɛ eke b'awl a, ayaf b'irir ee?»

²⁷Li dad ow nine: «B'ow erur Asɛ Koɔko ɛ e Nyam ɛ eci erm feɣ em, ɛ ec'abɛ feɣ em, ɛ e lɛc feɣ em, lele ɛ e tutr pupukpaɣ ab; ke erur ɛɣɛ kaka feɣ esɛ ɛ obi af.»

²⁸Etɛ Jesu ɛɣɛ nine: «Ow anake dad a. Ko ebɛn cɛ ke b'ow ɛɣn sel ek'onym uwr.»

²⁹Ko eke ol e low any uw es a erur eke in e low k'ij low a, li dad Jesu nine: «Ko bwo el ɛɣɛ ejec'ab ee?»

³⁰Jesu odu eb dad'r nine: «Ɛɣɛ nyam igb Jerusalem am us nuɣ es im Jeriko baɣn etɛ l'ey elu abu em. Wɛl or'r, eb'r mob etɛ wɛl digɛ elu'l es im. Etɛ n'anɛ luw lele owr anɛ ab ec'araɣn.

³¹Egb waw es nyam eb ejagb a aam. Eke li b'uyum ow ab a, l'aru l'egb ow es n'im.

³²Leviel em ec'ɛɣɛ nyam ek'eb ejagb a am ow a, ekn'n, etɛ in yeji l'aru l'egb ow es n'im.

³³Ko Samari iy nyam ek'aam usu a, im ok yogɛ. Eke li b'ekn ow a, ow e low ony'n sorɛ.

³⁴L'eri n'im li titm ow, l'oc mar li yoyog ow abi ab es, l'ok mun em etɛ n'awɛ ow abi ab es. L'oc ow in e gaɣko ab af, l'oc n'im ow etu eb usu.

³⁵Eke leg̃ny eny a, l'oc os yony n'ony etu eb usu a ec'es ew es a, et̃ny li dad ow nine: "Kòk eg̃ny na sek̃p senyn senyn. Ek'os a obn a, em e meny ewl ow em a, m'ow mi sɔg'ny fẽny." »

³⁶Et̃ny Jesu ibrm'n nine: «Kɔ ag̃ny nyahan amua em a, bwo el eg̃ny eke elu a ɔr eb mob a e lawl ee?»

³⁷Et̃ny ol e low any uw es a nine: «Eg̃ny a ek'ik̃ny'n sɔny a anake el lawl a.» Et̃ny Jesu dad'r nine: «Ìm ke ny yẽji kók eben.»

Jesu im am ekn Mart lele Mari ab

³⁸Eke Jesu lele in e jam esel ab ab us ejagb aam a, -n'im -l'ok bãny nyam. Yogñ yow nyam eke wel b'es̃ny Mart eb Jesu in e gbug̃ny a.

³⁹N'ony lisijow nyam eke wel b'es̃ny Mari, ke ow sig es Es Kɔtɔkɔ e saw am iri ow ec'odad a.

⁴⁰Mart eke ak̃ny e juma kok af̃ny es a ow ẽny Jesu et̃ny dad nine: «Eg̃ny gb̃el, kɔ ow ám kokm'ny low kaka sos em eke em lisijow elu'm es em sony m'am kok ak̃ny e juma na ab ee? Dàd'r ke l'ów l'elum im abu.»

⁴¹Es Kɔtɔkɔ dad'r nine: «Mart, Mart, am ebr ermij lul es ów nono eci,

⁴²kɔ low nyam sony coco ce akpl: Mari sɔsum yec'a eke akpl a oc, et̃ny eg̃ny k'otum ebn'n abu em.»

Luk e l̃el 11

Jesu am yẽgm jam esel a Nyam nyoñ

Matie 6.9-13; 7.7-11

¹Leg̃ny nyam Jesu im usu nyam am nyoñ Nyam. Eke ni nyoñ Nyam bake ow uwr a, in e jam esel ab em ec'eg̃ny nyam ibrm'n nine: «Eg̃ny gb̃el, yẽgm ey elel eke si ki nyoñan Nyam, ese elel eke Jan mij ok nũny es yẽgmn in e jam esel ab af.»

²Jesu dad el nine: «Eke b'ow nyoñan Nyam a, ke dàdr esre: Es, ke ny e nin lala a óny elum, ke ny ec'es ew a ów.

³Óny ey leg̃ny leg̃ny ec'ob ij ek'it a.

⁴Àp ey e sikpl, eke ey yẽji si b'ap ag̃ny eke bi kok ey low nyoñ a. Ki yẽb ey si k'èy ebn owi em.»

⁵Emeny Jesu dad el nine: «S'óc low nyam s'ebmn: ony em ec'eg̃ny nyam im njijm em ẽny lawl nyam et̃ny am ibrm'n ese: "Em lawl, àbnm'm futufutu nyahan.

⁶Em lawl nyam ek'ec aam usu a ow em og̃ny a, et̃ny m'onym ob kaka eke mi k'oñny'n l'ij." »

⁷Et̃ny lawl a ek'añny ak̃ny a dad'r nine: "K'ijr'm gb̃re! M'abl êl ñ. Em lele em ec'ey ab s'eru es ñ. Mi k'otum m'igbm m'ɔom'ny futufutu!"

⁸Eke ow el lawl yeji, li k'ow l'igbm n'ɔm ow futufutu a eke ow ibrm a. Kɔ eke n'am at l'ibrm ow a, li b'ow l'igb n'ɔŋ ow ob feŋ a eke ow am ibrm'n a, ɛs eke k'ɔnym'n a sosiɛm.

⁹Eke ow el ɛben a, m'am dad ɔny: ibrmn ob eke erurir a, Nyam b'ow ɔŋ ɔny. Ɔɔl es, ɛtŋ Nyam b'ow ɔŋ ɔny ɛŋn'n. Ɔcmn lisany abu, ɛtŋ Nyam b'ow fig ɔny.

¹⁰Kɔ ɛŋŋ feŋ eke b'ibrm ob eke l'erur a, Nyam b'ɔŋ'n; ɛŋŋ feŋ eke b'ɔl ob eke l'erur a es a, Nyam b'ɔŋ n'ɛŋn; ɛtŋ Nyam bi fig ɛŋŋ feŋ eke b'icm'n lisany abu a.

¹¹Ɔny ɛm aŋa, bwo ec'ɛŋŋ el iy ɛs eke jim b'ibrm'n futufutu, ke l'óc lebn n'ɔŋ ow ee? Oglog jim b'ibrm'n ɔcn, ke l'óc lorŋn n'ɔŋ ow ee?

¹²Ɔmeny ow b'ibrm'n ŋgɔs mbue, ke l'óc boban n'ɔŋ ow ee?

¹³Ɔny nana ek'eel agŋ ɛŋŋ a b'uwr ob amamn any ɔŋn ɔny ec'ey; ayaf Nyam ek'anŋ afr a k'ow kokm ow afŋm es ee? Agŋ eke am ibrm'n Abŋ Lala a, li b'ow n'ɔŋ wɛl.»

Jesu in ɔny agn ec'abŋ

Matie 12.22-30; Mark 3.22-27

¹⁴Lɛŋŋ nyam, Jesu am ogŋ abŋ ŋŋ ek'anŋ igŋ nyam ɛm, ke ow ɔŋ'n l'el ɛbrm. Eke abŋ ŋŋ a ɛy ɔkm a, ɛbrm a am dad odad ɛtŋ agŋ a low am iti any.

¹⁵Kɔ agŋ oglog am dad ɛsɛ: «Bɛlsebul ek'el abŋ ɛŋŋ ec'es ɛw ɛs a anake b'ɔŋ'n abusu l'ogŋ abŋ ɛŋŋ amua a!»

¹⁶Agŋ oglog erur eke k'ɛbm'n odad ebl ɛm. -N'am ibrm eke ow ki kok meny ɛwr yeŋm eke ow ec'abusu b'anŋ Nyam ogŋ ow.

¹⁷Kɔ Jesu uw el ec'ów tutr ab any, ɛtŋ li dad wɛl ninɛ: «Es ɛw feŋ eke in ec'agŋ a ubr ɛm a b'ɔŋ; ɛben nɛnyembri nyam akŋ ek'ubr ɛm a yeji b'ɔŋ.

¹⁸Eke Satan ubr ɛm sakp yony, ke in ec'es ɛw a ɔtu eke k'anŋ ee? Ɔny bi dadr eke Bɛlsebul ec'abusu ɛm m'am ogŋ abŋ ɛŋŋ.

¹⁹Eke ow el ɛben, ke ɔny agŋiyel ec'a eke b'ogŋ a, kɔ bwo b'ɔŋ el abusu ee? El obi - n'am yeŋm eke ɔnymn low ij!

²⁰Tasi ɛm a, Nyam ec'abusu ɛm anake m'am ogŋ abŋ ɛŋŋ a; ow am yeŋm eke Nyam ec'es ɛw a ow ɔny ec'araŋn ŋ.

²¹Eke lɛc ɛs nyam ok ar mob sos am ɔsu in e gbugŋ a, in ec'ob ɔny feŋ b'anŋ tiŋ.

²²Kɔ eke lɛc ɛs ɛjeci nyam ow ɛŋn'n ɛtŋ akm'n es a, ow b'eb'r ar mob a eke n'am ɔmn a, ke ow eci mob eke l'eb a, li cɛc n'ɔŋ agŋ.

²³Ɔŋŋ ek'anm ɛm ab a, el ɛm ec'ifnu; ɛtŋ ɛŋŋ eke ɛluam im abu s'asm Nyam ec'ey luku a, am ɔmun el es.»

Abŋ ŋŋ ek'ɛy ɔkm ɛŋŋ ɛm a ɔtu ek'ɛwl ow

Matie 12.43-45

²⁴Emeny Jesu dad nine: «Ek'abɲ ɲuɲ nyam anɲ eɲɲ em ey ɔkm a, li b'anɲ usu wewe n'am rereb usu a, n'am ɔl usu eke li k'ir. Eke sica n'ɛɲnm a, ke n'am dad in em l'ese: «Mi b'ow m'ewl m'im m'ey em ec'akɲ a eke m'anɲ m'ey ɔkm a.»

²⁵Eke li b'ewl meny l'ow a, li b'ekn eke wɛl apl akɲ ab es ayl, wɛl nyinyimn ow akpl.

²⁶Sica li b'ewl n'im l'ɛsɲ lawlɛl abɲ eɲuɲ lɔbɲ ek'uɲ akm'n, -li b'okr af -l'ir yogɲ. Ow e jam a, abɲ amua b'ijr eɲɲ na gbre akm krɛkrɛ ec'a.»

Ehe tasi

²⁷Eke Jesu dad odad na ɛben ok es a, yow nyam anɲ bieku ab em ɔdu odad eb dad nine: «Ehe el yow na eke ew'ɲ ke ɔɲ'ɲ meny a eci!»

²⁸Etɲ Jesu dad nine: «Nawrɛ, kɔ ehe tasi el agɲ a ek'am iri Nyam ec'odad ke am elum a eci!»

Farisiɛl am ibrm eke Jesu ki kok meny ɛwr nyam

Matie 12.38-42

²⁹Eke agɲ a am ow Jesu oɲɲ eɲbekl em a, li dad wɛl nine: «Yɛfɛnyina ec'agɲ eɲuɲ amua am ibrm meny ɛwr, kɔ wɛl k'ow kokm meny ɛwr kaka ɔɔm el, eke ow elm Jonas ec'a cɛ.

³⁰Tasi em a, ɛsɛ elɛl eke Jonas el Ninif baɲɲ eɲɲ e meny ɛwr ab af a, ɛben cɛ eɲɲ ec'Iy yeji b'ow el yeɛnyina ec'agɲ a e meny ɛwr.

³¹Jɛj ok e lɛɲɲ a, Seba ec'es ɛw lis a b'ow igb inym es yeɛnyina ec'agɲ a ec'any af, ɛtɲ b'ow ɔb el low, aɲke n'anɲ usu kpekpe l'ow yec'ɛtɲ ke l'iri Salomɔ e sɛwr e sodad a. Etɲ kin, eɲɲ anɲ ek'agb akm Salomɔ!

³²Jɛj ok e lɛɲɲ a, Ninif baɲɲ eɲɲ b'ow igb yeɛnyina ec'agɲ a ec'any af ɛtɲ b'ow ɔb el low, aɲke eke -l'irir Jonas eci Nyam odad a, -l'itɲɲ ɛrm em. Etɲ kin, eɲɲ anɲ ek'agb akm Jonas!»

Kɛniɛ e nyandrɛ

Matie 5.15; 6.22-23

³³«Eɲɲ íɲɲm kɛniɛ itam es ob ew, kɔ wɛl b'igɲ kɛniɛ a, ob gege af wɛl b'itm es yec'ɛtɲ ke agɲ eke b'ok akɲ a ɛkn usuayl.

³⁴Ɖ ec'anyamn a el ɲ e sos meɲl a e kɛniɛ: ek'anyamn akpl'ɲ a, ɲ e sos meɲl a fɛɲ anɲ usuayl em; kɔ ek'anyamn akplm'ɲ a, ke ɲ e sos meɲl a yeji anɲ ncebn em ɲ.

³⁵Na sosiɛm a, ɛw ɛrm ke usuayl ek'anɲ'ɲ em a k'ɛlm ncebn.

³⁶Eke ɲ e sos meɲl ikpr kaka anm ncebn em, ɛtɲ fɛɲ anɲ usuayl em a, sos a nimum b'ow anɲ usuayl em, ɛsɛ elɛl eke kɛniɛ bi jɛɲn in ec'usuayl mamn ok'ɲ af ab af.»

Jesu am cicr Farisiɛl lele ol e low yeɲm ɛsɛl ab

Matie 23.1-36; Mark 12.38-40

³⁷Eke Jesu dad odad bake ow uwr a, Farisi nyam ɛsɲ'n ob ij. Jesu eɲɲ ɛtɲ im ey akɲ a sig es ob ij usu a in ab.

- 38 Gbuɲ ke -l'ij ob a, Jesu yɔgm sabu ɛsɛ elɛl eke ɛl ec'ol a dad ab af; low na iti Farisi a any.
- 39 Kɔ ɛs Kɔtɔkɔ uw in ec'ow tɔtr ab any ɛtɲ dad'r ninɛ: «Kin elɛl eke ɔny Farisiɛl anɲnin: ɔny, b'ɛtɲn mij kpɔk lele nagbeɲ ab eci jam jam ab es; kɔ ɔny e lokm a, ow ɛɲɲ b'iy ɛm: b'erurir ob ɔny tɔɲ ɛl ɔny mil, ɛtɲ bi kokr lokm suɲ owi.
- 40 Anyamb agɲ! Kɔ ow elm Nyam a eke kok sos af a kokm lokm a yej'ee?
- 41 Gbuɲ ke ɔny e low a áyl akpl tasi a, ɔɲn ɔgbɔru ɔny e magbeɲ ɛm ec'ob a lele kpɔk ɛm ec'ab ab.
- 42 Farisiɛl, gbɛɛ ɛl ɔny eci! Anke b'ɔɲn Nyam ɔny ec'ob fɛɲ eke b'ewal a eci sakp lɛw ɛm tɔɲ alaf mob yeji, gbɛkɔ ɛwmm Nyam ec'erur a eke k'ɔnyɲ a lele low nenyembri nyam e kok ab e low any. Ke tasi ɛm a, low na anake wɛl ki kok a, ke ow e likpr a yeji wɛl k'igɲm ɛlum es.
- 43 Farisiɛl, gbɛɛ ɛl ɔny eci! Anke b'erurir Nyam nuɲ igɲ susu e mɛkpɲ anym e sisigr, ɛtɲ dedeku ɛm b'erurir eke wɛl k'ɛsɲn ɔny ɛlum ɛm.
- 44 Gbɛɛ ɛl ɔny eci! Anke anɲn ɛsɛ uwɔmu eke wɛl ɛwrm mɛny, ke any uwm ɛm, wɛl b'uyu af af!»
- 45 Ol e low any uw ɛsɛl ɛm ec'ɛɲɲ nyam dad'r ninɛ: «Low yeɲm agɲ ɛs, eke am dad ɛben, ke ɛy anake am wɛwr ɛy a!»
- 46 Jesu ɔdu eb dad'r ninɛ: «Ol e low any uw ɛsɛl, ɔny yeji gbɛɛ ɛl ɔny eci! Anke b'uyulil agɲ ɛrekp legleg ɛtɲ ɛrurmm eke k'ɛlumɲ ɛl abu -l'uyu ɛrekp a.
- 47 Gbɛɛ ɛl ɔny eci! Anke bi kokr suwɔmu amamm ɔɲ'n Nyam e kokoba ɔb ɛsɛl ek'ɔny ɛsɛl ibi a!
- 48 Na bi yeɲm eke ɔny ɛsɛl ec'ow eke kok a ɔny yeji erurir, anke -l'ibi kokoba ɔb ɛsɛl, ɛtɲ ɔny yeji bi kokr ɛl eci suwɔmu!
- 49 Na sosiɛm Nyam, in e sɛwr ab ɛm dad ninɛ: “M'ow m'awɲ ɛl kokoba ɔb ɛsɛl lele ɛrm ɛsɛl ab; -li b'ow -l'ibi wɛl ɛm ec'agɲ beb, ɛtɲ -li b'ow -l'ijr beb gbɛɛ.”
- 50 Na sosiɛm, Nyam b'ow kok yeɛfenyna ec'agɲ a low ɲɲ, kokoba ɔb ɛsɛl eke ɛl lagɲɛl ibi wus na eci kok ɛm ɛtɲ sosiɛm.
- 51 Ow ɔb nuɲ Abel ec'ibi ɛm tɔɲ im igɲ Zakari eke wɛl ibi egb waw usu a lele usu lala ab ab ec'araɲn a. ɛɛ, low nawrɛ m'am dad ɔny: Nyam b'ow kok yeɛfenyna ec'agɲ a low ɲɲ, agɲ na fɛɲ eke wɛl ibi a sosiɛm.
- 52 Ol e low any uw ɛsɛl, gbɛɛ ɛl ɔny eci! Anke ocr low any uw e safuɛ a eke b'ɔɲ ɛɲɲ abusu uw low any a; ɔny obi a yeji ókmm ɛm, ɛtɲ b'ɛdɲnin agɲ eke am erur eke k'ok ɛm a yeji.»
- 53 Eke Jesu ɲgboɲ yogɲ a, ol e low yeɲm ɛsɛl lele Farisiɛl ab ɛrm ebl ligbɛl ɛtɲ -n'am bibrm ow ow nɔnɔ.

⁵⁴-N'am uk ow meb eke -li k'ony ow eke batɲ yadɲ em ec'odad ka anɲ'n nenym ey okm.

Luk e lɛl 12

K'èel enyembri yony yony esɛl

Matie 10.26-27

¹Lɛɲ ab em a, aɲɲ fandi fandi as luku toɲ batɲ am yuyurir af. Etɲ Jesu ikɲ anym am dad in e jam esɛl a odad esɛ: «M'am dad ɔny, ɔsur sos Farisiel e lijru a ek'el enyembri yony yony owi a e lís.

²Low fɛɲ eke lol es a b'ow ey okm, etɲ low fɛɲ ek'el asre em ec'a, wɛl b'ow uw any.

³Low fɛɲ eke b'ow dadr saw em a, wɛl b'ow dad ok okm aɲɲ a fɛɲ ec'any af; etɲ yec'eke b'ow abal èl anɲn akɲ dadr ów sɛsl em, okr ɔny lawlɛl ɔru em a, wɛl b'ow oc uyu luw af elul lebl aɲɲ iri.»

ɛɲɲ ek'it eke wɛl k'uru

Matie 10.28-31

⁴«Em lawlɛl, m'am dad ɔny, k'urur aɲɲ a eke b'ibi sos meɲl, ke ow e jam a k'otum kokm low kaka fɛɲ ij a.

⁵M'am ow mi yɛɲm ɔny ɛɲɲ eke k'urur a: urur Nyam eke luw e jam a, ɔny abusu ek'oc owl ɔny gbre ij usu a. ɛɛ, m'am dad ɔny, in anake ɔtur eke k'urur ir a!

⁶Kɔ wɛl ólm yay yen íjm lɛl yony ee? ɛben yeji Nyam íjlm el em e nyam es.

⁷Etɲ emeny ɔny ec'a, ɔny e sin nuɲ bɔbɔ yeji Nyam awl uw any. K'urur emɲn: ɔny, iil an akmn siyay!»

Jesu Krist ec'ɛgbr lele ɛɲɲ eb ab

Matie 10.19-20; 10.32-33; 12.32

⁸«M'am dad ɔny, ek'ɛɲɲ nyam bi dad dedeku ec'any af eke in el em eci, afr, ɛɲɲ ec'Iy yeji b'ow dad Nyam ec'erm esɛl ec'any af esɛ: “L'el em eci.”

⁹Kɔ ek'ɛɲɲ nyam bi dad dedeku ec'any af ek'in uwm im any, ɛben afr, ɛɲɲ ec'Iy yeji b'ow dad Nyam ec'erm esɛl ec'any af esɛ: “M'uwm'n any.”

¹⁰ɛɲɲ fɛɲ eke bi dad odad ɲuɲ ok ɛɲɲ ec'Iy af a, Nyam b'ow oc ap'r; kɔ ɛɲɲ yec'eke dad odad ɲuɲ ok Abɲ Lala af a, Nyam k'ow ocm apm'n.

¹¹Eke wɛl b'ot im ɔny jɛj ok em Nyam nuɲ igɲ susu, ow k'odm es ɛw esɛl ec'any af, ke ermij k'ók ɔny low yec'eke ki dadr ɛdɲnin ɔny sosi abu any a eci,

¹²aɲke wanci ab af ɛɛ Abɲ Lala b'ow yɛɲm ɔny low yec'eke ki dadr a.»

Gbreɲɲbi nyamb ɛɲɲ ec'odad nyandrɛ em

¹³Bieku ab em, ɛɲɲ nyam dad Jesu nine: «Low yɛɲm aɲɲ es, dàd em lisijim ɛɛc in lel em ab ec'ob ɔny a eke ey es ɛw ey es a.»

14 Ɛtɛ Jesu dad'r nine: «Ɛm lawl, wɛl ɛwm im eke mi ki jej ɔny ec'ow m'ok, ke mi cɛc ɔny yony a ec'ob ɔny a m'ɔɛ ɔny.»

15 Ɛmeny li dad wɛl fɛɛ nine: «Ɛwr ɛrm, ke ɔsur sos ob ɔny ec'erur fɛɛ e lɛs. Ko ɛɛ ec'owr anɛ tasi a anm in ec'ob ɔny ab ɛm eke l'el gbrenɛɛbi yeji.»

16 Na sosiɛm li dad wɛl nyandre ɛm ec'odad na nine: «Gbrenɛɛbi nyam ɔny wus eke eɛb ɔsu af nɔnɔ.»

17 Ɛtɛ in ɛm n'am tutr ow li dad l'ɛsɛ: «Ko ayaf mi ki kokr ee? M'ɔnym usu eke mi k'ub ɛm ec'eɛb na fɛɛ m'ok.»

18 Tutr nyam ow'r ɛrm ɛm ɛtɛ li dad nine: «Kin ow eke mi ki kok: mi b'ow m'ufɛ ɛm ec'egbel amua fɛɛ es, ke m'us mel eɛbel ejeci, ke m'as ɛm ec'egb a fɛɛ lele ob ɔny a fɛɛ ab luku ɛm yogɛ.»

19 Ke mi dadr ɛm sosi m'ɛsɛ: M'ɔny nuɛ mamn gbɛ! M'ɔny ob nɔnɔ m'ɛw es akpo nɔnɔ eci. Ow it cɛ ke mi sig es m'am ij, ke m'am ɛɛɛ, ke m'am kok sos ɛm iɛɛ!»

20 Ko Nyam dad'r nine: «Nyamb ɛɛɛ! Nɔk a cɛ ɛ ec'owr anɛ a b'ow uwr. Ɛtɛ sica ob na fɛɛ eke ot ok es a, bwo ec'ɛɛɛ eci ow b'ow el ab ee?» »

21 Ɛmeny Jesu dad nine: «Ɛben nenyembri nyam ow b'ow el ɛɛɛ eke b'as ob ɔny luku in obi eci, ke olm Nyam ogɛ ec'ob ɔny es a.»

Ɔny ɔmn Nyam ɛm

Mate 6.25-34

22 Ɛmeny li dad in e jam ɛsɛ a nine: «Na sosiɛm a, m'am dad ɔny: k'ɛbar ob eke k'ijr ɛsɛɛ sel oglog ob sos ɛw e low ɛrmij,

23 anɛke owr anɛ akpl akm ob ij, ɛtɛ sos meɛl akpl akm ob sos ɛw.

24 Ɛkan ebl kpɔm yeji: -l'ewlmn eɛb, -l'ubmn eɛb. -N'ɔnymn oj, -n'ɔnymn eɛbel -l'okmn eɛb ɛm, gbɛko Nyam bi gbagbl el. Ɔny iil an nɔnɔ akmn ɔr amua!

25 Ɔny ɛm, bwo ec'ɛɛɛ otu eke in ec'ermij ebr ɛm k'obn in ec'owr anɛ e seɛɛ a tel ee?

26 Eke low tɛɛli ɛm ɔtumn eke ki kokr low kaka, ke bla ɛtɛ b'ɛbar low ejeci ek'anɛ a ec'ermij ee?

27 L'ɛɛr ɔgm e suw ɔdɔdɔ ec'elɛl eke b'ɛlil: -li kokmn juma, -l'olmn gbad. Gbɛko m'am dad ɔny eke Salomo ek'ɔny ob nɔnɔ a yeji, ɔnym ob sos ɛw ek'akpl akm suw ɔdɔdɔ amua ɛm e nyam.

28 Nyam b'ɛw ɔgm e suw ek'anɛ yefenyana, ke efi wɛl b'ow ɔc ɔwl alm a ob sos. Sakp abi ɔny yeji li k'ow l'ɛwm ɔny ob sos ɛben ee? Ɔmn ufum ɔny es gbɛ!

29 Kɛ lɛlɛ es k'ɔɔl ob yec'eke k'ijr ke ɛɛɛ a es.

30 Tasi ɛm a, wus na eci Nyam any uwm ɛsɛ anake sakp sakp fɛɛ b'ɔl ow amua es a. Ɔny ec'a, ɔny Ɛs uw any eke ɔny ow ec'es abur.

31Nyam e gbrenḡbi usu a e low ókr ɔny ermij, ke ow e likpr a feḡ Nyam b'ow igḡ af ɔḡ ɔny.»

Afr ec'ob ɔny

Matie 6.19-21

32«ɔny agḡ lukuli na ek'am usr'm jam a, k'úrur erḡn, aḡke ɔny Ɔs erur eke k'ɔḡ ɔny in ec'es Ɔw ab Ɔm ec'ɔwrɔ.

33Ɔɔl ɔny ec'ob ɔny a ijr, òcr ow ec'os ek'ɛḡan a apr ɔgbɔru. Ɔɔl ob eke ugḡm es a es. Àsr ɔny ec'ob ɔny a luku afr, yogḡ ow k'ɔtum iram, elu yeḡi k'ɔtum itḡnm abu, Ɔḡ sisḡ yeḡi k'ɔtum ḡḡnm.

34Tasi Ɔm a, yogḡ eke ɔny ec'ob ɔny b'anḡ a, yogḡ ƆƆ ɔny ec'erm a yeḡi b'anḡ.»

Àḡḡn sos bɛbm Ɔm

35«Èwr ob sos, gḡḡḡn al ám iri, ke ínymn es juma kok eci.

36Àḡḡn Ɔse juma kok Ɔsel ek'am eku Ɔl ec'akḡ Ɔs eke b'ow anḡ mɛbi ec'es gbegbl Ɔm ow af, yec'etḡ ke li b'ow eke li b'icm lisany abu a, ke -li fig ow.

37Ehe Ɔl juma kok Ɔsel amua eke gbugḡ Ɔs a b'ow Ɔḡan any owr a eci! Low nawre m'am dad ɔny: li b'ow l'Ɔw ob sos, n'óḡ wel ok es, ke n'óḡ wel ob ij.

38Eke l'ow lɛḡḡ usu Ɔm, oglog ow afḡ es yeḡi, Ɔḡ n'Ɔḡan wel any owr, ke ehe Ɔl Ɔl eci!

39Ìrir low na ow ók ɔny es sos Ɔm sɛnyn sɛnyn: blel akḡ Ɔs b'uw wanci eke ulu k'ow ab any ana, ke blel li kí yebm ow Ɔpirm Ɔym'n akḡ.

40ɔny yeḡi bèbm n sos aḡke Ɔḡ ec'Iy b'ow ow wanci af eke k'ow ɔmmn a.»

Juma kok Ɔs mamn lele juma kok Ɔs ḡḡ ab

Matie 24.45-51

41Na sosiem Pier ibrm'n nine: «Ɔḡḡ gbɛl, kɔ Ɔy sony ƆƆ ec'odad am dad nyandre Ɔm, kɔ agḡ a feḡ ec'ee?»

42Ɔḡ Ɔs Kɔtɔkɔ dad nine: «Bwo ec'Ɔḡḡ Ɔl juma kok Ɔs mamn, nuḡ Ɔm ɔny Ɔs ee? L'el Ɔḡḡ eke in ec'es Ɔw Ɔs a ɔḡ abusu eke k'ɛkn juma kok Ɔsel Ɔjec'a e lís e low, ke n'óḡ wel ob ij wanci a ek'ow b'it a.

43Ehe Ɔl juma kok Ɔs ikḡ na eci, eke in eci es Ɔw Ɔs a eci meny Ɔwl ow Ɔm, b'ow Ɔḡan am kok juma a!

44Low nawre m'am dad ɔny: es Ɔw Ɔs a b'ow afl in ec'ob ɔny a feḡ es Ɔlul il abu Ɔm.

45Gbɛkɔ eke sica juma kok Ɔs ikḡ na bi dadr in sosi eke in ec'es Ɔw Ɔs a in k'ow in owm caca, Ɔḡ li b'ow l'ob nuḡ n'am ɔr juma kok Ɔsel Ɔjec'a, Ɔḡḡ lel ɔyɔw ab, n'ám ij ob ke n'ám Ɔḡḡ mar ow ám ɔny'n,

46es Ɔw Ɔs a b'ow Ɔwl ow lɛḡḡ eke li k'ow n'ɔmm, wanci af eke li k'ow l'uwm any. Li b'ow l'ogḡ juma kok Ɔs a, ke n'óḡ ow Nyam any uwm Ɔsel eci gbre ij a.

47Juma kok es yec'ek'uw low yec'eke in e es ew es a b'erur any ke am kokm a, wel b'ow or'r ngbre em sakp nono.

48Gbeko juma kok es yec'ek'uwm low yec'eke in e es ew es erur ab any ke kok low ek'it eke wel k'or'r a, wel b'ow or'r ngbre abi ka em ce. Egn a eke wel on nono a, wel b'ow ibrm'n nono; egn yec'eke wel abul nono a, wel b'ow ibrm'n ow ok af.»

Jesu sosomec'em bubr owi

Matie 10.34-36

49«M'ism Nyam e jej ok ec'al ab wus na, etn m'am erur eke jej ok a k'el caca.

50M'ow m'ey gbre ij ligbel em ek'el mij ok nuñ mum nyam, etn ow am ijr'm gbre erm em ton legn a eke low na b'ow iy neny a.

51Ko am tutar ek'erm es ey m'is wus ee? Njan, m'am dad ony eke na em bubr!

52Sica jam ana, bosu nyam em ec'agn yen ek'ann a b'ow ubr em: nyahan b'ow inym es, etn yony yeji b'ow inym es ke -n'am ifanin.

53Iy es b'ow ifn jim etn jim yeji b'ow ifn'n. Iy lis b'ow ifn jow etn jow yeji b'ow ifn'n. Jim ey b'ow ifn ec lis etn ec lis yeji b'ow ifn'n.»

Segn ec'any uw e nyandre

Matie 16.2-3

54Sica Jesu dad bieku a yeji nine: «Eke b'ekan afr ibr es ligbn es eru usu a, kpekñ bi dadr eke Nyam b'ow an, etn ow b'el eben.

55Etn eke b'ekan eke lef gbagba igb eb esr a, bi dadr eke elubu b'ow ow, etn ow b'el eben.

56Enyembri yony yony esel! Eke bi lær afr lele wus ab a, b'uwr legn ec'elel eke ow b'ow anñ ab any: bla etn úwmn legn na ek'ann ony any af a e nyandre ab any ee?»

Ifnu ab ec'em okr owi

Matie 5.25-26

57«Ko bla etn ony obi em am jejm okmn kokmn yec'eke akpl ab ee?

58Eke batñ egn on'ñ dedeku etn aamn jej ok usu ony yony mum a, ke ejagb ek'aamn a, dadr low a okar em yec'etn ke li k'ócñ n'iim'ñ jej ok es ogn; ke jej ok es yeji k'ócñ elum'ñ usu osu esel abu em elum'ñ sobel em.

59M'am dad'ñ eke k'ow eym okm yogñ eke soñm ñ e labm a feñ ek'onny a uwarm.»

Luk e lel 13

Erm em itñ owi

1Legn ab em, agñ beb ow am dad Jesu: «Es ew es Pilat on wel ibi Galile ec'agn ek'im am kok egb waw on Nyam a.»

2Jesu dad el nine: «Ko am tutar eke Galile ec'agn amua eke wel ibi a, -l'el sikpl esel egbel -l'akm Galile ec'agn a feñ ee?

³Njan! M'am dad ony; eke itjnmn erm em, ony fej b'ow uwr ese el af.

⁴Etj ko agj lew niwn a eke Silowe yogj, el gege a bubm ok af ibi a, ko el -l'el agj enj -l'akm Jerusalem ec'eb eyj a fej ee?

⁵Njan! M'am dad ony: eke itjnmn erm em, ony yeji b'ow uwr ese el af.»

Babm e likj a eke osum ey

⁶Etj Jesu dad el odad nyandre em nine: «Igj nyam ewl babm e likj in ec'egb ogm a. Li b'ow ogm a eke li k'ow babm a, n'ejnm.

⁷Etj li dad juma kok es a nine: “Èkn: akpo nyahan etj eke mi b'ow e mi k'ow babm na, ko m'ejnm. Ùbr'r es! Ko bla etj li k'eb wus n'onym ab ofr ofr nene!”

⁸Ko juma es a nine: “Egj gbél, yèb'r n'ánj lakpo na yeji; m'ow m'agbr wus mi díd'r, m'ók'r suw egjun.

⁹Ow k'odm lakpo ek'am ow a, li b'ow l'osu ey. Ek'ow elm eben a, ke ój wel ubr'r es.” »

Jesu ewlm ol lis nyam nenegj e legj

¹⁰Nenegj nyam, Jesu am yegm agj low Jwifel e Nyam nuj igj usu.

¹¹Yogj a ol lis nyam anj. Ow ij akpo lew niwn, eke abj njj nyam ony ibn'n es etj l'ótum eke li k'inym es.

¹²Eke Jesu b'ekn'n a, l'esj ow etj li dad ow nine: «Wel eb elu'j es j ec'ol na em ñ!»

¹³Jesu at'r abu nuj, etj kpekj n'inym es cej etj n'am koklm Nyam.

¹⁴Eben a, Nyamel a ec'es ew es a ebl erm ewlm owi na eke Jesu kok nenegj e legj a sosiem. Li dad dedeku a nine: «Segj nohon anj eke wel ki kok juma; blel ówr legj ab em wel ewlm ony, ke ow k'elm nenegj e legj!»

¹⁵Es Kotoko eb odad etj am dad'r ese: «Enyembri yony yony esel! Nenegj e legj ony em ec'egj nyam nyam bi momu in ec'id ek'anj ob ij usu a es ey okm, ow k'odm ni momu in e gbanjo es n'im n'oj ow mij ow egj. Ko yadj ee?

¹⁶Etj yow na ek'el Abraham e lilaw, ke Satan ony ibn es ij akpo lew niwn a, ke ow akplm eke wel ki momu'n es eb elu'l es nenegj e legj ee?»

¹⁷Jesu ec'odad ebl na eke dad a, oj in ec'efnu a fej és. Ko dedeku a fej gbé sos em am inj sijuma egbel amam amua eke n'am kok a sosiem.

Likj e liy ec'odad nyandre em

Matie 13.31-32; Mark 4.30-32

¹⁸Jesu dad nine: «Ko bla lowi Nyam e gbrenjbi usu a ot es ee? Bla lowi wel k'oc ebmn ab ee?

¹⁹N'anj ese likj e liy nyam eke egj nyam oc ewl in ec'ogm af. L'eli l'agb l'el likj ligbel etj or ow us mel in ec'al ab em.»

Nyandre em odad ek'el lijru eci

Matie 13.33

- 20**Emeny Jesu dad nine: «Kɔ bla lowi mi k'oc m'ebmn Nyam e gbrenḡbi usu ab ab ee?
21Ow anḡ eṣe lijru eke yow nyam oc wuwlm ma toy likḡ lele yen ab toḡ bake ma a nimum inḡ eb es ab af.»

Lisany likekli ec'odad

Matie 7.13-14, 21-23

- 22**Jesu am ec baḡn ekekey lele egbel em ab yeḡm aḡ low ejagb a ek'aamn Jerusalem ogḡ ogḡ a.
23Eḡḡ nyam ibrm'n nine: «Eḡḡ gbɛl, kɔ aḡḡ tel ce b'ow eḡḡ sel ee?» Jesu dad el nine:
24«Àtar sos es okḡ akḡ lisany likekli em ogḡ. Kɔ low nawre m'am dad ony: aḡḡ nono b'ow ebm eke k'ok akḡ, kɔ -li k'ow -l'otumn.
25Eke gbugḡ es a b'ow igb abl lisany a safue em a, ony b'ow anḡḡ gbeḡ icmn lisany abu ke dádr eṣre: “Gbugḡ es, fig ey lisany!” Li b'ow li dad ony l'eṣe: “M'uwm yogḡ ek'anḡḡ am owr ab any!”
26Eḡḡ ony b'ow dadr ir eṣre: “S'ij ob, s'eḡḡ ḡ ab; yeḡm aḡḡ low ey ec'eb ab em.”
27Emeny li b'ow li dad ony l'eṣe: “M'uwm yogḡ ek'anḡḡ am owr any. Ìḡbroḡḡ em e lís, ony eke bi kokr ów eḡḡḡ a!”
28Leḡḡ eke b'ow ekan Abraham, Isak, Jakɔb lele kokoba ɔb eṣel a feḡ ab Nyam e gbrenḡbi usu a, ke wɛl b'ow ogḡ ok ony gbeḡ a, yogḡ anake ca b'ow ikḡḡ ɔḡḡ sasagar an em a!
29Aḡḡ b'ow anḡ susu susu feḡ ow ok es Nyam e gbrenḡbi usu ec'ob ij usu a.
30Eḡḡ aḡḡ beb a ek'el ajamu a, sica b'ow el ánymu. Eḡḡ ánymu a b'ow el ajamu.»

Jesu am dad Jerusalem ec'es ufḡ owi

Matie 23.37-39

- 31**Leḡḡ ab em a, Farisiel ec'aḡḡ beb ow titm Jesu eḡḡ dad'r nine: «Ìḡboḡḡ aḡḡ im usu ejeci, kɔ Erɔd Antipas am erur eke k'ibi'ḡ.»
32Eḡḡ Jesu dad el nine: «Ìmn dadr kprakpru na eṣre: “M'ow m'ogḡ abḡ eḡḡḡ, m'ewlm ólu yefenyana lele efi ab, eḡḡ seḡḡ nyahan m'ow m'uwar em e juma.”
33Ow akpl eke mi k'imn anym eci em ec'ejagb us ab em, yefenyana, efi lele leḡḡ ek'anḡ anym am ow ab ab. Tasi em a, ow akplm eke Nyam e kokoba ɔb es k'uw usu ejeci, ke ow k'elm Jerusalem.»
34Emeny Jesu low am ey sos em toḡ batḡ n'am dad l'eṣe: «Jerusalem, Jerusalem, ḡ eke b'ibi kokoba ɔb eṣel ke b'or aḡḡ eke Nyam b'erm ow ḡ ogḡ a mebn em a! Sakp abi m'erur eke mi k'as ḡ ec'ey luku em e lís, eṣe elel eke ḡḡos ey lis b'as in ec'ey luku ɔw éw ab af, eḡḡ éḡḡmn!

³⁵Ow sosiem kin, Nyam b'ow digɲ ɔny ec'akɲ a elu es foɲ. M'am dad ɔny: k'ow eknmn'm toɲ bake læɲ a ow; yogɲ anake b'ow dadr esɛ: "Ke Nyam édɲ eɲɲ a ek'am ow Es Kɔtɔkɔ e nin em a ɔwɔ a!" »

Luk e læl 14

Jesu ewlm ɔl es nyam nɛnɛɲɲ e læɲ

¹Nɛnɛɲɲ nyam, Jesu im Farisiel ec'es ew es nyam ogɲ ob ij em. Agɲ ek'anɲ yogɲ a am ew'r nyamn.

²Etɲ igɲ nyam ek'ɔl ɔny bake ir ew foɲ a ow inym'n es any af.

³Jesu ɔdu odad eb etɲ ibrm ol e low any uw esɛl a lele Farisiel ab ab ninɛ: «Kɔ ey ec'ol a ɔɲ abusu eke nɛnɛɲɲ e læɲ wɛl k'ɛwlm eɲɲ ee?»

⁴Kɔ -l'erurm eke -li ki dad odad. Etɲ Jesu itɲɲ ɔlu a abu, ewlm'n etɲ elu'l es n'im.

⁵Etɲ li dad wɛl ninɛ: «Kɔ eke ɔny em ec'ɛɲɲ nyam ɔny in ec'iy, ow k'ɔdm in ec'id ek'ey mijɔmu em, kɔ li k'ow n'iim kpɛkɲ n'ɔnym l'ocm ow es eke ow el nɛnɛɲɲ e læɲ yeɲi ee?»

⁶Low na em a, -l'ɔtum -li dadm ow odad kaka ij.

Dedeku em e susu amamn e sɔsum oc owi

⁷Jesu ebmn nyamn ekn eke agɲ eke wɛl b'ɛsɲ ob ij a, b'erur eke ki sig es susu amamn. Na sosiem li dad agɲ a fɛɲ nyandɛ em ec'odad na:

⁸«Ek'ɛɲɲ nyam ɛsɲ'ɲ mɛbi ec'ob ij em, ke k'im ki sig es usu mamn a. Ow k'ɔdm ke wɛl ɛsɲ eɲɲ nyam ek'ɔny any akm'ɲ a yeɲi ob ij ab em;

⁹eɲɲ a ek'ɛsɲ ɔny, ɔny yony mum a, b'ow ow dad'ɲ esɛ: "Ìgb aɲa im sig es jam a!", kpɛkɲ ɛs em b'ow igb im sig es jam a.

¹⁰Kɔ eke wɛl ɛsɲ'ɲ ob ij etɲ im a, siɲ es jam. Eke ow e wanci a b'ow ow a, eɲɲ a ek'ɛsɲ'ɲ ob ij a b'ow dad'ɲ esɛ: "ɛɲɲ gbɛl, òw anym aɲa sig es any esɛl ec'usu na." Ow em a, ow b'ow el ɲ ec'anygbɛɲ agɲ a fɛɲ ek'anɲ ob ij usu a ec'any af.

¹¹Tasi em a, eɲɲ fɛɲ eke am igbl'l in sosi ogɲ a, Nyam b'ow ɔny is'r es, etɲ eɲɲ ek'am is es a Nyam b'ow ɔny igbl'l ogɲ.»

Kin agɲ yec'eke wɛl k'ɛsɲ ob ij

¹²Etɲ sica Jesu dad eɲɲ a ek'ɛsɲ'n ob ij a ninɛ: «Eke b'ow ɛsɲ agɲ ob ij em a, ke k'ɛsɲ awlɲɛl, ɛsɲ jimɛl, ɲ ec'akɲ ec'agɲ lele awlɲɛl egbɛɲɲɲ bi ab; ɛl yeɲi -l'ɔtu eke -li k'ɛsɲ'ɲ ob ij, ke yec'a eke kok a e labm -n'am sɔɲ'ɲ a.

¹³Kɔ ek'am kok low etɲ k'ɛsɲ agɲ ob ij a, ke ɛsɲ ɔgbɔru, sos éyru, akr kpɛɛ esɛl lele ány eflu ab.

¹⁴Ehe b'ow el ɲ eci aɲke agɲ amua k'ow ɔtum ɔwrm ɔɔm'ɲ. Kɔ Nyam b'ow sɔɲ'ɲ ow e labm læɲ eke agɲ eke kok ów amamn a b'ow igb luw em anɲ owr a.»

Ob ij ligbel e nyandre em ec'odad

Matie 22.1-10

- 15** Agñ ek'anñ ob ij usu a ec'egñ nyam ek'iri odad na a, dad Jesu nine: «Ehe él egñ eke b'ow ij ob Nyam e gbrenñbi usu a eci!»
- 16** Etñ Jesu dad'r nyandre em ec'odad na nine: «Iñ nyam esñ agñ nɔnɔ gbél ob ij.
- 17** Ek'ow sig ob ij e wanci a, l'erm in e juma kok es a im am esñ agñ a eke l'esñ ob ij a eke k'ow, añke sica feñ iy neny ñ.
- 18** Kɔ el feñ, egñ egñ am dad in ec'es abur owi. Krekre em es a dad juma kok es a nine: “Dàd egñ gbél a, m'ol ògm nyam, ow it eke mi k'im m'ekn. M'am ñɔñ'n, m'ony es abur; mi k'ow m'otum m'owm.”
- 19** Yony em es a dad juma kok es a nine: “Dàd egñ gbél a, m'ol sed lèw eke mi k'im m'ebm m'ekn el, m'am ñɔñ'n, m'ony es abur; mi k'ow m'otum m'owm.”
- 20** Nyahan em es a yeji dad juma kok es a nine: “Dàd egñ gbél a, catñ m'ebi yow m'oc m'ow m'elu akñ. Na sosiem mi k'ow m'otum m'owm.”
- 21** Juma kok es a ewl meny im eñ in ec'es ew es a, etñ dad'r agñ a ec'odad eke dad a. Kɔ es ew es a ebl erm etñ dad in e juma kok es a nine: “Ìm fafa seberñ em, sejagb af lele susu feñ ab esñ ogboru, sos éyru, ány eflu lele akr kpece esel ab!”
- 22** Eke ow b'ibn tel a juma kok es a ow etñ dad nine: “Em ec'es ew es, ow eke dad a, wel kok etñ emeny usu anñ.”
- 23** Es ew es a dad in e juma kok es a nine: “Ìm sakp em ejagb lele sebr af ab, ke átrm agñ ów ok akñ yec'etñ ke em ec'él a íy gbɔñ.”
- 24** Kɔ m'am dad ony, agñ amua eke m'esñ ob ij ke egñm owm a, el em ec'egñ kaka k'ow ijm em ec'ob na!»

Digñ low feñ elu es ke ús Jesu jam

Matie 10.37-38

- 25** Agñ nɔnɔ gbél am us Jesu jam ejagb af. L'ewl meny l'ɔkñ wel any etñ li dad wel nine:
- 26** «Egñ ek'erur eke k'us'm jam a, l'éur'm l'akm es, lis, in e yow, in ec'ey, lisijimel, lisijowel, lele in obi in obi ec'owr anñ ab. Ek'ow elm eben a, li k'otum l'elm em e jam es.
- 27** Etñ egñ ek'ocm in obi ec'olikñ abum usm im jam a, otum eke k'el em e jam us es.
- 28** Ony em a, ek'egñ erur eke k'us él ligbel nyam, li b'ow li sig es l'ub os abi eke li k'ony ke l'úwar él a.
- 29** Eke ow elm eben, etñ l'elu lebn nomu em, etñ ca l'otum l'usm él a l'uwarm a, agñ a feñ eke b'ow ekn él a, b'ow kokr'r miyer,
- 30** dad ese: “Egñ na am us él etñ ca ow akm'n!”

³¹Ɛben nenyembri nyam, ek'es ew es nyam erur eke k'ogŋ ar lawl es ew es ejec'ab a, li b'ow sig es li bebŋm l'ekŋ, eke l'otu eke agŋ fandi lew ab li b'ow l'ogŋ lawl a ek'am an es obr'r agŋ fandi likŋ ab a ar.

³²Eke l'otum ij a, ke l'erm agŋ im ibrm es ew es yec'a ek'annŋ akpoj am ow a erm es ey.»

³³Ɛtŋ Jesu dad uwar ninɛ: «Ɔny em ec'egŋ kaka k'otum elm em e jam us es, eke l'igŋm ów feŋ eke n'ony a l'elum es.»

Mok eke ded anm em

Matie 5.13; Mark 9.50

³⁴«Mok el ob mamn. Kɔ eke l'irmn in e ded a, ayaf wɛl ɔtu eke ki kokr'r ke l'ewl li ded ee?

³⁵Ɛgŋ k'otum ocm kokrm wus e juma kaka; kɔ lirŋ af cɛ ow it eke wɛl k'oc owl'l. Ek'onyn ɔru eke k'irir, ke irir senyn senyn!»

Luk e lɛl 15

Licɛb ek'irm ke wɛl ɛŋŋ

Matie 18.12-14

¹Wus labm eb esel lele sikpl esel ab ow ɛŋŋ Jesu eke k'iri in ec'odad.

²Kɔ Farisiel lele ol e low yegm esel ab am ebl erm el ɔfr em ɛtŋ am dad ɛsɛ: «Iŋŋ na b'eb sikpl esel ɛtŋ b'ij ob el ab!»

³Na em a, Jesu dad el odad nyandre em ninɛ:

⁴«Ek'onyn em ec'egŋ nyam ɔny mɛcɛb ekŋ yen ɛtŋ nyam irm a, kɔ li k'ow l'okm ekŋ yar lele lew libarm ab ab es egb ij usu yogŋ, n'iim l'ɔlm yec'a ek'irm a toŋ bake n'ɛŋŋm ow ee?

⁵Eke n'ɛŋŋ ow a, n'annŋ sos em iŋŋ em. L'oc l'ew ow ɔbow af,

⁶ɛtŋ l'ow l'ey gbugŋ. L'ɛsŋ lawlɛl lele agŋ ek'ir titm'n ab ab, ɛtŋ li dad wɛl ninɛ: «Kòkr sos em iŋŋ em ab, kɔ em e licɛbli a ek'irm a, m'ɛŋŋ'n ŋ!»

⁷Ɛben nenyembri nyam m'am dad ɔny, eke sikpl es nyam itŋŋ erm em a, afr yogŋ wɛl b'ow kok sos em iŋŋ ligbɛl akm agŋ ekŋ yar lew libarm eke b'ocr el sosi nenyembri nyam esel ke ibram erm em itŋŋ a.»

Os ek'irm ke wɛl ɛŋŋ

⁸«Eke yow nyam ɔny os lew, ɛtŋ nyam irm a, kɔ li k'ow l'igŋm kenie, li paplm akŋ ab es, l'ɔlm erm ew em toŋ bake n'ɛŋŋm l'ocm ee?

⁹Eke n'ɛŋŋ l'oc a, li b'ow l'ɛsŋ lawlɛl lele agŋ a ek'ir in ab ab, ke li dad wɛl l'ɛsɛ: «Kòkr sos em iŋŋ em ab, anke em ec'os a ek'irm a, m'ekn m'oc ŋ!»

¹⁰Ɛben nenyembri nyam m'am dad ɔny, eke sikpl es nyam cɛ itŋŋ erm em a, Nyam ec'afr erm esel sos em b'ow iŋŋ!»

Iy ek'irm im

- 11 Emeny Jesu dad nine: «Iḡḡ nyam ɔny in ec'ey yony.
- 12 Lḡḡ nyam, jam es a dad es nine: “Em es, ɔḡ'm em ec'ob ɔny ek'ɔtu eke k'ebm im a.” Etḡ es cec el in ec'ob ɔny a.
- 13 Eke seḡḡ beb b'ec a, jam es a oc in ec'aja ɔl ij oc ow ec'os a feḡ ab im usu kpekpe, eb ejec'em. Yogḡ ni ḡḡḡ in ec'ob ɔny a feḡ nfaci ij em.
- 14 Eke ni ḡḡḡ in ec'ob ɔny feḡ bake ow uwr a, lek ligbel ey eb ab em, etḡ sica n'am ɔny low feḡ ec'es abur.
- 15 N'im eb ab em ec'igḡ nyam ogḡ, etḡ ow erm'n ɔgm eke li k'im l'osu gbroko.
- 16 Namn ɔny'n toḡ batḡ n'am erur eke li k'ij gbroko a ec'ob eke b'ij a, kɔ yeci yeji wel ɔɔm'n.
- 17 Eke li b'ekn eke low a e li kok a akplm a, ow ɔḡ etḡ n'am tutr in ec'erm em li dad l'ese: “Juma kok esel a feḡ ek'anḡ em es ogḡ a b'eḡn el ec'ob ij senyn senyn. Etḡ em, m'anḡ aḡa namn am ɔny'm toḡ afḡn es!
- 18 M'ow m'igb m'im em es ogḡ a, ke mi dád'r m'ese: Em es, mi kok sikpl Nyam ec'any af lele ḡ e lís ab.
- 19 M'itm eke k'esḡ'm ḡ ec'iy ij, kɔ èb'm ese ḡ e juma kok esel ab em e nyam af.”
- 20 Etḡ kpekḡ l'igb n'aam es ogḡ a. Eke n'im toḡ bake n'am ok yogḡ a, n'anḡ akpoj etḡ es ekn'n. Ow e low ɔny'n ɔɔḡ, etḡ l'uru es n'im l'ey ow af.
- 21 Iy a dad'r nine: “Em es, mi kok sikpl Nyam ec'any af lele ḡ e lís ab. M'itm eke k'esḡ'm ḡ ec'iy ij.”
- 22 Kpekḡ es dad in eci juma kok esel a nine: “Òcr mob sus em mamn a owr susr ir, èlul il kpatrowa abuli, ke ókr ir cɔkrukɔ!
- 23 Ònyḡn id igḡ mamn a owr ibir; s'íjr ob si kokr sos em iḡn!
- 24 Kɔ em ec'iy na ek'em gbɛ m'ese l'uw a, nje n'anḡ owr. L'irm etḡ wel eḡn'n.” Etḡ n'am kok es gbegbl a sos em iḡn em.
- 25 Ke lḡḡ a, igḡ a ec'iy kpekḡ a im akp em. Eke n'am ow bake n'am titm gbugḡ a, n'am iri ej ub e likekr.
- 26 L'esḡ juma kok esel ab em e nyam etḡ l'ibrm ow nine: “Kɔ bla lowi am ey ee?”
- 27 Juma kok es a dad'r nine: “Esḡ jim ewl ow. Eke es ekn'n eke n'anḡ senyn senyn a, l'ibi id igḡ mamn a.”
- 28 Eke iy kpekḡ a iri eben a, l'eb l'erm etḡ l'erurm eke li k'ey gbugḡ a. Es ey ɔkm ow am ḡɔḡn'n eke li k'ey gbugḡ,
- 29 kɔ li dad es nine: “Kin akpo akpo eke m'anḡ ḡ ab, ke lḡḡ feḡ mi bi kok yec'a eke bi dad'm a. Etḡ lḡḡ kaka ɔɔm im cani mi kokrm sos em iḡn em lawlel ab yeji.

³⁰Eke sica ejimɲ ow a, in eke ni ɲuɲɲ ɲ ec'ob afacyɔw ab a, in sosiem ibi id igɲ mamn a.”

³¹Es dad'r ninɛ: “Em jim, anɲ em ab sɛɲɲ fɛɲ, ɛɲɲ fɛɲ a eke m'ɔny a, ɲ eci.

³²Ow akpl ke si kók sos em iɲɲ, anke esɲ jim na eke s'ɛsɛ l'uw a, nɲɛ n'anɲ owr. L'irm, ɛɲɲ sica wɛl ɛɲɲ'n!” »

Luk e lɛl 16

Ob ɔsu ɛs nyam e nyandre em odad

¹Jesu dad in e jam ɛsɛl a ninɛ: «Gbɛɲɲɲɲɲɲ nyam ɔny in ec'ob ɔsu ɛs nyam. ɛɲɲ wɛl ow dad'r eke ob ɔsu ɛs a in am ɲuɲɲ ɲ ec'ob ɔny a fɛɲ.

²Gbɛɲɲɲɲɲɲ a ɛsɲ'n ɛɲɲ ibrm'n ninɛ: “Kɔ bla lowi anake m'am iri ɲ e lís ab ee? B'ow awl ob a eke m'abul'ɲ a ec'eɛɛ eke kokr a ok'm. Kɔ k'ɔtum elm em ec'ob ɔsu ɛs ij.”

³Eke ow ɛwar ir ɛbɛn a, ob ɔsu ɛs a am dad in em ɛsɛ: “Em ɛɲɲ gbɛɛɛɛ am ow ogɲ'm juma em; ke sica ayaf mi ki kokr ab ee? M'ijm lɛc wus ob kok owi em, ɛɲɲ ob sasm owi em yeji ɛs b'ɔny'm.

⁴M'uw yec'eke m'ow mi kok ab any ba eke l'ogɲ'm juma em a, ke agɲ ɛb'm ɛɛl ogɲ a!”

⁵ɛɲɲ n'am ɛsɲ agɲ a fɛɲ a ek'ij in ɛɲɲ gbɛɛɛɛ eci labm a nyam nyam em. Li dad kɛkɛɛ em ɛs a ninɛ: “Kɔ os abi e labm ij em ɛɲɲ gbɛɛɛɛ ogɲ ee?”

⁶Ow dad'r ninɛ: “Mun baro ekɲ yen e labm.” ɛɲɲ ob ɔsu ɛs dad'r ninɛ: “Eke ɲ e labm a el na, ke sɪg ɛs fafa, ke nɔn ekɲ yony lele lɛw ab.”

⁷Emɛny li dad yony em ɛs a ninɛ: “ɛɲɲ kɔ ɲ, os abi e labm ij ee?” ɛɲɲ ow dad ninɛ: “Egb ey eke wɛl ok fandi em toɲ ij ekɲ yen.” ɛɲɲ ob ɔsu ɛs a dad'r ninɛ: “Ek'ow el na, ke nɔn ekɲ yar.”

⁸Eke -l'awal mob a, gbɛɲɲɲɲɲɲ a am aw in e juma kok ɛs a eke kok juma kprakpr em a. Tasi em a, wus na ec'agɲ bi kok ów kprakpr em ɔɲanin akm usuayl ec'agɲ a.»

⁹Emɛny Jesu dad igɲ af ninɛ: «Kɔ m'am dad ɔny, òcr wus na ec'ob ɔny a eke b'ɛju ɛɲɲ a, ke ow em ɛɲan alawl. Sica lɛɲɲ eke k'ow ɔnym os ij a, ke Afr ɛb ok ɔny ɛb ir usu a ek'ɔnym uwr ab em.

¹⁰ɛɲɲ ek'ij nɛnyembri nyam ów ekekey em a, b'ow ij nɛnyembri nyam ów egbɛɛ em yeji. ɛɲɲ ek'ijm nɛnyembri nyam ów ekekey em a, k'ow ijm nɛnyembri nyam ów egbɛɛ em yeji.

¹¹Eke ijmn nɛny nyam wus na ec'ob ɔny e lís, ke b'ow ec'ɛɲɲ anake b'ow abul ɔny ob ɔny tasi ab ee?

¹²Ek'ijmn nɛny nyam ob ek'el ɛɲɲ ec'a ec'ɔsu em, ke bwo ec'ɛɲɲ anake b'ow ɔɲ ɔny ob ɛɛɛ ɔny ec'ab ee?

13Aduign kaka k'otum kokm es ew esel yony e juma; oglog li b'ow l'ifn krekre ec'a ke l'erur yony em ec'a; oglog li b'ow l'ij neny nyam, nyam e lis, ke li k'ewm nyam e low any. Otumn eke ki kokr Nyam e juma ke kokr jete yeji eci juma.»

Jesu am enym Farisiel abr

Matie 11.12-13; 5.31-32; Mark 10.11-12

14Farisiel ek'am iri Jesu e sodad amua a am kokr'r miyer, anke -li b'erur os owi.

15Jesu am dad el ese: «Agñ ec'any af a b'ocar ony sosi ese nenyembri nyam esel af, ko Nyam uw ony ec'erm ab any. Yec'eke agñ b'oc ew low ligbel a, el low eke Nyam ifn.

16Mois ec'ol a e legñ a lele kokoba ob esel a ec'odad ab ab anñ ton ok Jan mij ok nuñ es e legñ a. Legñ a etñ wel am ob Nyam e gbrenghi usu a ec'Amani Mamn a, etñ egñ egñ am atr sos es eke k'ey em.

17Afr lele wus ab b'ow ec gbuñ ke ol a e moni nyam oc es.

18Igñ feñ eke elu in e yow es, ke im ebi ejec'a, ij nfaci ñ; etñ igñ eke ebi yow ek'ec ogn a yeji ij nfaci.»

Gbrenghi erm sun es lele gböru Lasar ab

19Emeny Jesu oc nyandre em odad am dad ese: «Gbrenghi nyam anñ eke bi sus mob amamn eke b'il an, ew dandany ebl af. Segñ feñ li bi kok sos, n'am ij, n'am egñ, n'am kok sos em ign.

20Gböru nyam eke wel b'esñ Lasar ke abi ok a, b'anñ'n lisany.

21Li b'erur eke li k'ij gbrenghi a ec'ob eke b'ij ec'ekprey a eke b'ok es wus a. Etñ emeny möwr b'ow am irm'n abi a.

22Eben eben ton batñ gböru a uw, etñ afr erm esel ow oc in ec'abñ a im sigm es Abraham e lis. Eke ow b'ibn tel a, gbrenghi a yeji uw, etñ wel oc'r es.

23Ko onnes banñ yogñ, gbrenghi a am ij gbre nono gbel. Eke li b'igbl any ogn a, l'ekn Lasar akpoj em eke sig es Abraham e lis.

24Etñ n'am elu lebl li dad l'ese: “Em es Abraham ikñ'm söñ, ke erm Lasar usm abuli mij em ow tat'm anm adar'm erm, anke m'am ij gbre nono al na em.”

25Ko Abraham dad'r nine: “Em jim, okn eke ñ ec'owr anñ em anñ ehe em etñ Lasar anñ gbre em. Ca kin eke aña n'anñ erm es ey em ke ñ am ij gbre.

26Etñ emeny ey lele ony ab ec'arañ a, nomu ligbel nyam anñ. Ek'egñ erur eke k'ow ony ogn a, oglog ow ey yogñ a yeji, li k'otum.”

27Etñ gbrenghi a dad nine: “Eke ow el eben, ke m'am ñonñ'ñ: erm Lasar im em es e gbugñ a,

28anke m'onny em lisijimel yen. N'im l'ewar wel yec'etñ ke el yeji -li k'owmn gbre ij usu na.”

²⁹Abraham ɔdu eb dad nine: “Esi jimel ec’a, -n’ony Mois lele kokoba ɔb esel ab eke am ewar el. Ow akpl ke -l’iri wel ec’a!”

³⁰Kɔ gbrenghi a dad nine: “Em es Abraham, ow elm ow. Kɔ eke agɛ ek’uw ab em ec’egɛ b’im dad el a, -li b’ow -l’itɛn erm em.”

³¹Eti Abraham dad’r nine: “Eke -l’erurm eke -li k’iri Mois lele kokoba ɔb esel ab ec’a, eben ce -li k’ow -l’irimn egɛ ek’uw ke b’ow igb im dad el a ec’a yeji.” »

Luk e lel 17

Sikpl kok lele low oc ap owi ab

Matie 18.6-7, 21-22; Mark 11.22-26

¹Sica emeny Jesu dad in e jam esel a nine: «Ów eke b’ɔɛ agɛ kok sikpl a, b’ow anɛ seɛɛ fɛɛ. Gbekɔ gbre el egɛ a eke sikpl b’ecr in em ow eɛɛn egɛ a eci!

²Egɛ eke b’ony egɛ ek’ony ɔmn em em ese iy af elu wus a, low nɔɛ a eke li k’ɛɛn a agb nɔɔ. Eke wel oc meb ucur lob ligbel ucu’r emn eti wel ɔny eman in okij a, ow akpl akm low nɔɛ a eke wel ki kok’r a.

³Ony obi a, ewr erm senyn senyn! Eke esi jim kok low ɔbr η e lís, ke ɔm’n ów mewl em. Eke l’iri eti l’uw in ec’ów ɔbr ab any a, òc ap’r.

⁴Eke legɛ nyam af li kok low ɔbr sakp lobɛ η e lís eti l’ow sakp lobɛ mum n’am nɔɛn’η a, ke òc ap’r.»

ɔmn owi

⁵Erm esel a dad Jesu nine: «Egɛ gbɛl, òbn ey ec’ɔmn a.»

⁶Eti Es Kɔtɔkɔ dad el nine: «Blel ɔnyn ɔmn ew likekli ese likɛ e liy af ana, ɔtur eke ki dadr likɛ gbɛl na esre: “Íil es im inym es okij em!”, li b’ow l’elum ɔny.»

Juma kok es itam eke k’eku bia elu

⁷Emeny Jesu dad nine: «Kin low nyam: ɔny em a, egɛ nyam ɔny juma kok es eke bi kok ɔgm juma oglog b’ɔsu mindey. Eke li b’anɛ juma kok em ba li b’ow a, kɔ in ec’akɛ es a b’ow dad’r eke li k’ow fafa li sig es l’ij ob ee?

⁸Kɔ li k’ow li dadm ow kpekɛ l’esmɛ: “Kòk em ec’ob ij a! Èw ob sos, ke óɛm ob m’ij m’egɛ gbun ke η yeji ij ob egɛ ee?”

⁹Ekan eke n’ɔm in e juma kok es a bia, ów a eke li dad ow, ke ow kok ɔɛn a ec’ab ee?

¹⁰Eben ɔny yeji, eke kokr low fɛɛ eke Nyam ɔɛn ɔny eke ki kokr a yeji, dadr esre: “Eɛ juma kok esel ce s’el; ow ek’it eke si ki kok a, ow ana.” »

Kokobe es nyam ow elu Jesu bia

¹¹Sica Jesu eb ejagb aam Jerusalem, eti n’am ecr Samari lele Galile ab e ligber a ogɛ ogɛ.

¹²Eke n’im bake n’am titm baɛn nyam a, kokobe esel agɛ lew anɛ akpoj am ow ɔbr’r,

- 13 Էտյ -n'am Էլու օւ Լեբլ -լի ԺաԺ -լ'ԷսԷ: «Էցյ ցբԷլ Եսս, իկյ Էյ ՝օրյ!»
- 14 Եսս Էկն Էլ Էտյ ԺաԺ Էլ նինԷ: «Մն Էցմն Էցբ Էա՞ ԷսԷլ ՝օս!» Էտյ -լ'Է՞լ մԷնյ -n'aam. ԷկԷ -n'aam ա, Էլ ֆԷյ -լ'Էլ.
- 15 Էլ Էմ ԷԷ'Էցյ նյամ Էկ'Էկն ԷկԷ Լ'Էլ ա, Լ'Էլ մԷնյ Լ'օ՞ւ յօցյ, Էտյ ն'am կօկլմ Նյամ Լեբլ ցԷցԷ.
- 16 Լ'օկ օ՞րօքք Էս, Լ'սբս անյ Էս Եսս ԷԷ'անյ աֆ, Էտյ ն'am օյ օ՞ւ Բիա. Էցյ նա Էլմ Ե՞՞իֆ կօ ՝Տամարի ԷԷ'Էցյ.
- 17 Եսս իբրմ'ն նինԷ: «Կօ օ՞ւ Էլմ օնյ ԼԷ՞ւ մս Է՞լմն ԷԷ? Էտյ կօ Բօցյ Լիբարմ աբ ա ԷԷ?
- 18 Կօ յ ՝օնյ ԷԷ Էկ'Էլ ստս Էցյ ա անակԷ օ՞ւ ամ Էլս Նյամ Բիա աբ ԷԷ? Էտյ կօ Էլ ա ցբԷ, Էցյ կակա տտրմ ԷկԷ կ'օ՞ւ Էլս Նյամ Բիա ԷԷ?»
- 19 Էտյ Եսս ԺաԺ'r նինԷ: «Մցբ կԷ իմ, կօ յ ԷԷ'օմն ա Էբ Էլս'յ Էս.»

Nyam ec'es ew a e mower

Matie 24.23-28, 37-41

- 20 ԼԷցյ նյամ ֆարիսիԷլ օ՞ւ ամ իբրմ Եսս ԷսԷ: «Կօ Բօցյ ԼԷցյ իյ Նյամ ԷԷ'Էս Է՞ւ ա Բ'օ՞ւ օ՞ւ ԲակԷ ացյ Էկն ԷԷ?» Էտյ Լի ԺաԺ ԷԷլ նինԷ: «Նյամ ԷԷ'Էս Է՞ւ ա կ'օ՞ւ օ՞ւմ ԷսԷ օբ ԷկԷ ԷԷլ Բ'Էկն աֆ.
- 21 ԷԷլ կ'օ՞ւ ԺաԺմ ԷսմԷ: “Կին ն'անյ այա, օ՞ւ կ'օ՞ժմ ն'անյ յօցյ ա!” Դասի Էմ ա, Նյամ ԷԷ'Էս Է՞ւ ա անյ օնյ ԷԷ'արաչն.»
- 22 Էտյ ԷմԷնյ ն'am ԺաԺ յամ ԷսԷլ ա Լ'ԷսԷ: «ՏԷցյ ամ օ՞ւ ԷկԷ Բ'օ՞ւ Էրւրիր ԷկԷ կ'Էկան Էցյ ԷԷ'Էլ ԼԷցյ նյամ ԷԷ, ցբԷկօ կ'օ՞ւ Էկնմն ին.
- 23 ԷԷլ Բ'օ՞ւ ԺաԺ օնյ ԷսԷ: “Ն'անյ այա!”, օ՞ւ կ'օ՞ժմ “Ն'անյ յօցյ ա!”, կօ կ'օ՞ւրւր Էս կ'օ՞ւսր յամ կ'օ՞ւմն!
- 24 ԷսԷ ԷԷլ ԷկԷ նյամ Բ'Էրն կԷ Բ'այալ աֆր նիմս ֆԷյ ա, ԷԲԷն նԷնյԷմբրի նյամ օ՞ւ Բ'օ՞ւ ԷԷր Էցյ ԷԷ'Էլ Է մօրւր Է ԼԷցյ ա յԷյի.
- 25 ԵբԷկօ ցբսյ կԷ Լօ՞ւ նա Էյ ա, օ՞ւ ի կԷ Լ'իյ ցբԷր նօնօ, կԷ յԷֆԷնյնա ԷԷ'ացյ իցյ Էլս'լ Էս.
- 26 Լօ՞ւ ա ԷկԷ Էյ ՆօԷ Է ԼԷցյ ա, ԷԲԷն ԷԷ օ՞ւ Բ'օ՞ւ Էյ Էցյ ԷԷ'Էլ Է մօրւր Է ԼԷցյ ա յԷյի.
- 27 ԼԷցյ ա, ացյ ա ֆԷյ ամ իյ օբ, Էտյ ամ Էցյ. Էցյ ԼԷլ օ՞ւ օ՞ւ աբ ամ ԷԲիրիր տօյ Բատյ օ՞ւ ի կԷլն ա ԷկԷ ՆօԷ Էյ միյԷտյ ցբԷլ աբ Էմ ա, Էտյ միյ ցբԷլ ա իյ օ՞ւ Բսբս Էլ Էս իԲի Էլ.
- 28 ԷմԷնյ օ՞ւ Բ'օ՞ւ անյ ԷսԷ Լօտ Է ԼԷցյ ա ԷԷ'աբ աֆ: յօցյ յԷյի ացյ ամ իյ օբ, ամ Էցյ, ամ օլ ան, ամ Էլ Էցբ, ամ ս մԷլ.
- 29 Էտյ ԷկԷ Լօտ անյ ՝Տօժմ Բայն Էյ օկմ ա, Նյամ օյ ալ ԼԷլԷ մԷԲն ԷկԷ ԼԷր աբ ամ ան օկ Էս ԷսԷ միյ աֆ, տօյ իԲի ացյ ա ֆԷյ.
- 30 ԷԲԷն ԷԷ օ՞ւ Բ'օ՞ւ Էյ Էցյ ԷԷ'Էլ Է մօրւր Է ԼԷցյ ա յԷյի.
- 31 ԼԷցյ աբ Էմ ա, Էցյ ԷկԷ Բ'օ՞ւ անյ ին ԷԷ'Էլ աֆ Է ԼԷֆ ԷԲ սսս ա, կԷ Բ'օ՞ւ օնյ ին Է մօԲ անյ աԷյ ա, կ'օ՞ւսմ Էս Էյմ աԷյ օԷմ օԲ. ԷԲԷն Էցյ ԷկԷ Բ'օ՞ւ անյ օցմ ա յԷյի, կ'Է՞լմ իյ.

³²Òkan Lot e yow a eke ler jam a e low a yeji.

³³Ɛgɛɛ eke b'erur eke ki dogɛɛ in e sel a, b'ow irmn; kɔ Ɛgɛɛ a eke b'ow irmn in e sel a, b'ow anɛ owr.

³⁴M'am dad ɔny, lɛɛɛ a eci ncok a, agɛɛ yony eke b'ow eru es ob erur ob nyam af a, wel b'ow oc nyam, ke wel ígɛɛ nyam elu es.

³⁵Ek'ɔyow yony am bebɛm sos ob iny eci, wel b'ow oc nyam, ke wel ígɛɛ nyam elu es.

³⁶[Eke agɛɛ yony anɛ ɔgm, wel b'ow oc nyam, ke wel ígɛɛ nyam elu es.]»

³⁷Sica in e jam esel a ibrm'n nine: «Ɛgɛɛ gbɛl, kɔ low na bogɛɛ ow b'ow ey ee?» Ɛtɛ Jesu dad el nine: «Yogɛɛ eke sos megl ugɛɛ b'ow anɛ a, yogɛɛ anake sikaka b'ow as luku a.»

Luk e lel 18

Jɛj ok ɛs nyam lele inɛnyow nyam ab

¹Ɛmeny Jesu dad in e jam esel a nyandre em odad yɛgm el ek'ow akpl ke sɛgɛɛ fɛɛ -ni nɔɛɛ Nyam, sos k'owm el es.

²Li dad wel nine: «Ɛb nyam em a, jɛj ok ɛs nyam anɛ eke ɛluam Nyam ke ám tutrm ɛgɛɛ yeji.

³Ɛb nyam ab em ɛɛ, inɛnyow nyam yeji anɛ eke sakp nɔɛɛ b'ow ɛɛn'n ke ám ibrm'n eke ow ki jɛj in lele in ec'ifnu ab e low ok nɛnyembri nyam em ɔɛn'n.

⁴Lɛɛɛ kpekpe em ɛtɛ, jɛj ok ɛs a ɛgɛɛm jɛjm in e low a okm, ɛtɛ n'am dad in em l'ɛɛɛ: “Nawre tasi m'ɛluam Nyam, ɛtɛ m'am tutrm ɛgɛɛ yeji,

⁵gbɛkɔ inɛnyow na am ijr'm gbɛɛ nɔɛɛ. Mi b'ow mi jɛj in e low a m'ok, yec'ɛtɛ ke li k'owm l'ijrm im gbɛɛ ij.” »

⁶Ɛtɛ emeny Ɛs Kɔtɔkɔ igɛɛ af dad nine: «Kɔ irir jɛj ok ɛs nɛɛ na ec'odad eke dad ab ee?

⁷Ɛtɛ Nyam ek'ony in ec'agɛɛ eke b'elu'l lebl ncok lele lɛɛɛ owr ab a, li b'ow l'ew wel eci jɛj ok owi a es ow ibn ee?

⁸Low nawre m'am dad ɔny: li b'ow l'ogɛɛ es li jɛj wel e low l'ok. Kɔ lɛɛɛ eke ɛgɛɛ ec'Iy b'ow ow a, li b'ow n'ɛɛn ɔmn esel wus na af ee?»

Farisi nyam lele wus labm eb ɛs nyam ab

⁹Ɛmeny Jesu dad nyandre em odad ok agɛɛ a eke b'ubr el sosi nɛnyembri nyam esel ke b'ifn agɛɛ ejec'a nine:

¹⁰«Agɛɛ yony im ok Nyamel gbɛl a e gbugɛɛ a Nyam nɔɛɛ eci; nyam el Farisi ɛtɛ nyam el wus labm eb ɛs.

¹¹Farisi a igb inɛm es am nɔɛɛ Nyam erm em dad ɛɛɛ: “O Nyam, m'am ɛlu'ɛɛ bia eke m'anm ɛɛɛ agɛɛ amua na ek'el elu, ów ɛɛɛ kok esel, afacu, oglog ɛɛɛ wus labm eb ɛs na af a.

¹²Nenɛgɛn gber nyam af, mi b'ɛnɛn nɛny sakp yony. Ɛtɛn mi b'oc ɛm ec'ob fɛn eke mi kok a eci lew ɛm m'ap'ɛn."

¹³Kɔ wus labm eb ɛs a gbɛ kpab es agɛ a e lɪs inym es saw ɛm, ɔtum eke k'igbl any oɛn lɛr afr yeji, ɛtɛn am ok sabu ɛrnni dad ɛsɛ: "O Nyam, ikɛn m sɔnɛn aɛke m'el sikpl ɛs."

¹⁴Low nawrɛ m'am dad ɔny: wus labm eb ɛs a, eke l'ɛwl meny n'aam akɛn a, Nyam oc in e sikpl a ap'r; kɔ ow elm Farisi a gbɛ. Tasi ɛm a, ɛgɛn fɛn eke b'igbl'l in sosi oɛn a, Nyam b'ow ɔny is'r es; ɛtɛn ɛgɛn eke b'isr in sosi es a, Nyam b'ow ɔny igbl'l oɛn.»

Jesu lele etuey ab

Matie 19.13-15; Mark 10.13-16

¹⁵Ca agɛn ot ey meny nɛnym yeji ow eke Jesu k'at ɛl abu nuɛn. Eke jam ɛsɛl a b'ɛkn ɛben a, -n'am ɛnym agɛn a abr.

¹⁶Kɔ Jesu ɔn wɛl ot etuey a ow'r lɪs ɛtɛn li dad ninɛ: «Yɛbr etuey ow ɛm oɛn! Ɛgɛn k'ɛdɛn ɛl, aɛke tasi ɛm a, Nyam e gbɛnɛgbi usu a, agɛn a ek'anɛn ɛsɛ ɛl af a eci.

¹⁷Low nawrɛ m'am dad ɔny: ɛgɛn kaka fɛn ek'ɛgɛn Nyam e gbɛnɛgbi usu a ebm ɛsɛ iyli af a, ɛgɛn ikɛn na, lɛgɛn kaka li k'ow l'ɔtum l'ɛym ɛm.»

Ígɛn fɛn ɛlu es ke ús Jesu jam

Matie 19.16-30; Mark 10.17-31

¹⁸Jwifɛl ec'any ɛs nyam ibrm Jesu ninɛ: «Low yeɛm agɛn ɛs mamn, kɔ ayaf mi ki kokr ke m'ij sel ek'ɔnym uwr ec'aja ee?»

¹⁹Jesu dad'r ninɛ: «Kɔ bla ɛtɛn am ɛsɛn m'ɛgɛn mamn ee? Ɛgɛn kaka elm ɛgɛn mamn, ek'ow elm Nyam sɔny coco ɛɛ.

²⁰Kɔ uw sol ab any ee? K'ijm nfaci, k'ibim ɛgɛn, k'iyim mil, k'ijm danɛku yadɛn ɛm ɛgɛn e nuɛn af, ɛlum asɛn lele ɛsɛn ab.»

²¹Any ɛs a dad ninɛ: «Likekli ɛm ɛtɛn mi b'ɛlum sol amua fɛn.»

²²Eke Jesu b'iri odad na a, li dad ow ninɛ: «Eke kok ɛben ke ow akpl, gbɛkɔ ow anɛn'ɛn low nyam: ɔl ɛn ec'ob fɛn ek'ɔny a ij, ɔc ow ec'os a ɛɛc ɔgbɔru, ke b'ow ɛnɛn ob ɔny afr, ca ɛwl meny ow us'm jam.»

²³Eke any ɛs a iri odad na a, sos ɔw'r es aɛke n'ɔny ob nɔnɔ.

²⁴Jesu is any lɛr'r ɛtɛn ɛkn eke sos ɔw'r es; li dad ninɛ: «Nyam e gbɛnɛgbi usu a ec'ɛm ɛy a ɛw tuɔtuɔ agɛn a ek'ɔny ob nɔnɔ a eci gbɛ!

²⁵Gbanɛkɔ kedebnam eci fɛfn ɔmu ɛm eke k'ɛcr a ɛw fuɛfuɛ akm gbɛnɛgbi eci Nyam e gbɛnɛgbi usu a ec'ɛm ɛy a.»

²⁶Agɛn a eke iri odad na a am dad ɛsɛ: «Kɔ sica bwo ec'ɛgɛn ɔtu ek'ɛnɛn sel ee?»

²⁷Jesu ɔdu eb dad ninɛ: «Yec'ɛke ɛw tuɔtuɔ agɛn ec'a, Nyam oɛn a ow ɛw fuɛfuɛ.»

²⁸Piɛr dad ninɛ: «D obi yeji ɛkn, s'igɛn ɛy ec'ob ɔny fɛn s'ɛlu es s'am us'ɛn jam!»

²⁹Jesu dad el nine: «Low nawre m'am dad ony: ek'egh igh in ec'akñ, in e yow, lisijimel, in ec'agh oglog in ec'ey ab elu es Nyam e gbrenghi usu a sosiem,

³⁰li b'ow n'ehn amua na feh bubu af legh na em, etñ legh ek'anñ anym am ow ab em a, li b'ow n'ehn sel ek'onym uwr.»

Jesu swar sakp nyahan em in e luw lele in e luw em anñ igb ab

Matie 20.17-19; Mark 10.32-34

³¹Jesu esñ in e jam esel lew yony a ow eñ'n saw em etñ am dad el ese: «Isr any ekan, kin Jerusalem anake s'am uyu s'im a. Yogh anake low a feh eke kokoba ob esel non egh ec'Iy e lis a b'ow iy neny a.

³²Wel b'ow oc elu'l Nyam e low any uwm esel ec'abu em. -Li b'ow -li kokr ow miyer, -li wewr ow, -l'afl ow sar any.

³³-Li b'ow -l'or ow ngbre em, ke ca -l'ibi ow. Etñ segh nyahan li b'ow l'igb luw em.»

³⁴Ko jam esel a irim odad eke n'am dad wel a okm el es sos em; odad a eci liy a k'eym okm, etñ -l'uwm low yec'a eke Jesu am dad a e nyandre ab any.

Jesu ewlm Jeriko ec'any eflu nyam

Matie 20.29-34; Mark 10.46-52

³⁵Eke -n'inn toñ bake -n'am titm Jeriko a, any eflu nyam sig es ejagb saw am sasm ob.

³⁶N'am iri dedeku a ek'am ow a e lebl, etñ n'am ibrm l'ese: «Ko bla lowi ee?»

³⁷Wel dad'r ek'ow el Nasaret e Jesu anake am ec a.

³⁸Etñ kpekñ n'am og li dad l'ese: «Jesu, David eci lilaw, ikñ'm soñ!»

³⁹Agh ek'anñ anym am an es im a, am enym'n abr eke li ki yewal, gbeko n'am at lebl es l'og li dad l'ese: «David e lilaw, ikñ'm soñ!»

⁴⁰Eke n'am og eben a, Jesu inym es etñ on egh esñ'n. Eke any eflu a ow titm'n a, Jesu ibrm'n nine:

⁴¹«Ko bla lowi am erur eke mi ki kok m'onñ'ñ ee?» Any eflu a dad'r nine: «Egh gbél, m'am erur eke mi k'ekn es.»

⁴²Jesu dad'r nine: «D ec'omn a ewlm'ñ; èkn es goñ!»

⁴³Kpekñ any eflu a am ekn es, etñ n'am us Jesu jam li koklm Nyam. Etñ agh a feh eke ekn low na a yeji am koklm Nyam.

Luk e lel 19

Jesu im Zashe e gbugñ a

¹Eke Jesu ey Jeriko bañ am ubr im a,

²gbrenghi nyam eke wel b'esñ Zashe, ke el wus labm eb esel ec'egh ligbél a anñ yogñ.

- ³N'am ol eke li k'ekn egɲ a eke el Jesu a, ko bieku a sosiem, l'ótum eke li k'ekn ow anke l'el egɲ kpɛtɛɲni.
- ⁴Etɲ l'uru es n'im l'uyu sikomor ikɲ nyam l'ey em eke li k'ekn Jesu, eke ow b'ow ɛr yogɲ ec'a sosiem.
- ⁵Eke Jesu ow ba b'igɲ yogɲ a, l'igbl any ogɲ ɛtɲ li dad ow nine: «Zashe, ògɲ es fafa us es; ow it eke yefenyina mi k'ey ɲ e gbugɲ a.»
- ⁶Etɲ kpɛkɲ Zashe ogɲ es us es, oc Jesu ab im gbugɲ ɛtɲ eb'r sos em iɲn em.
- ⁷Agɲ a fɛɲ ek'ekn low na a am sɛsl ów dad ɛsɛ: «Egɲ na gbɛ, sikpl ɛs ogɲ anake n'im n'am ij etu a!»
- ⁸Ko Zashe igb inym es ɛs Kɔtɔko ec'any af ɛtɲ dad nine: «Egɲ gbɛl, m'ow m'oc em ec'ob e m'ony a e likpr m'ap ɔgbɔru. ɛtɲ eke m'eb egɲ nyam ec'ob dufre em, mil em, ke m'ówr sakp yar m'ɔɲ'n.»
- ⁹Etɲ Jesu dad'r nine: «Yefenyina sel ɛɲn ey akɲ aɲa, anke egɲ na yeji el Abraham e lilaw.
- ¹⁰Tasi em a, egɲ ec'Iy ow am ol eke k'eb agɲ ek'irm a ɛlu es.»

Òc os ɔɔl an!

Matie 25.14-30

- ¹¹Eke -n'am iri sodad amua a, emeny Jesu dad nyandre em ec'odad nyam anke n'am titm Jerusalem, ɛtɲ agɲ a am tutr eke Nyam ec'es ɛw a am ow ey ɔkm kpɛkɲ.
- ¹²Etɲ kin odad eke l'oc n'am dad: «Akɲ nyam ec'any ɛs nyam aam usu kpɛkpe ɛb nyam em eke k'eb es ɛw ec'abusu, ke ɛwl meny ow.
- ¹³Gbuɲ eke li k'im a, l'ɛsɲ in eci juma kok ɛsɛl ab em e lɛw, ɛtɲ n'ɔɲ egɲ egɲ os ekɲ yen, ɛtɲ li dad wɛl nine: “Òcr kokar juma ɛɲan mij toɲ ke m'ɛwl meny m'ow.”
- ¹⁴Ko in ec'eb eyɲ a ifn'n, ɛtɲ -l'erm agɲ us'r jam im dad eke el erurm eke egɲ ikɲ na in k'ɛw el es.
- ¹⁵Eke n'im l'eb es ɛw ec'abusu a bake l'ɛwl l'ow a, l'ɛsɲ in eci juma kok ɛsɛl a eke li cɛc os n'ɔɲ a eke li k'uw egɲ egɲ e juma e kok a e mij ek'ɛɲn ab any.
- ¹⁶Krɛkrɛ ɛs a ow ɛtɲ dad'r nine: “Egɲ gbɛl, ɲ e os ekɲ yen ab em, m'ɛɲn os fandi.”
- ¹⁷Es ɛw ɛs a dad'r nine: “Juma kok ɛs mamn, ow akpl gbɛ! Eke ij neny nyam low likekli na em a, ow sosiem m'am ɔɲ'ɲ abusu ek'ɛw ɛb lɛw es.”
- ¹⁸Yony em ec'a yeji ow ɛtɲ dad'r nine: “Egɲ gbɛl, ɲ e os ekɲ yen ab em, m'ɛɲn os ekɲ yen yen sakp yen.”
- ¹⁹Li dad ow nine: “M'am ɔɲ'ɲ abusu ek'ɛw ɛb yen es.”
- ²⁰Nyahan em e juma kok ɛs a ow ɛtɲ dad nine: “Egɲ gbɛl, kin ɲ e os a eke m'ucu es ɔhony em m'ɛw'ɲ es.

- 21**M'uru'η anke m'uw any eke η el εγη tuotu. Etη b'oc ob yec'eke η εwm es a, b'ub egb yec'eke ewlm a.”
- 22**Eke li dad eben a, es εw es a dad'r nine: “D el juma kok es ηuη; m'ow m'oc η ec'odad ebl a m'obr'η low. Uw any eke m'el εγη tuotu, ke mi b'oc ob yec'eke m'εwm es, ke mi b'ub egb yec'eke m'ewlm a;
- 23**Etη kɔ bla etη ocm em e os a iim εwm es os es εw usu, ow kokm juma bake, εse el el eke m'ow ab af a, ke m'óc os a lele ow e mij ab ab ee?”
- 24**Kpekη es εw es a εwl meny etη dad agη a ek'anη yogη a nine: “Èbr ir os a abu em oηη εγη a ek'ony fandi a.”
- 25**Kɔ -li dad ow nine: “Eγη gb el, in n'ony os fandi etη, ke emeny wel oη'n ee?”
- 26**L'odu l'eb li dad nine: “Low nawre m'am dad ony: εγη feη eke onym ob ab a, wel b'ow obn'n; kɔ εγη eke onym ob kaka a, tel a eke n'ony a yeji, wel b'ow odu eb'r abu em.
- 27**Kɔ sica em ec'efnu a ek'erurm eke mi k'el el ec'es εw es a, onyn owr el aηa, ke ibir el em ec'any af!” »

Jesu am εy Jerusalem

Matie 21.1-11; Mark 11.1-11; Jan 12.12-19

- 28**Eke li dad eben a, Jesu ikη bieku a anym am uyu im Jerusalem.
- 29**Eke n'im bake n'am titm Betfaje lele Betani ab ek'el Olivie lafeny a ec'ogog a, Jesu erm in e jam esel ab em ec'agη yony,
- 30**Etη li dad wel nine: «Imn baηη a ek'anη anym a. Eke b'ow okr em a, b'ow ekan gbaηkɔ kpeteηni nyam eke wel ucur es, ke εγη kaka k'uyum af. Ònyn momun in es ocr owr ir.
- 31**Ek'εγη b'ibrm ony low a sosiem eke am momun gbaηkɔli ab es a, dadr ir esre: “Eγη gb el a ony ow ec'es abur.” »
- 32**Agη a eke l'erm a im etη -l'ekn low a εse el el eke Jesu dad el ab af.
- 33**Eke -n'am momu gbaηkɔli a es a, ow ec'esel a am ibrm el esε: «Kɔ bla etη am momun gbaηkɔli ab es ee?»
- 34**Etη erm esel yony a dad el nine: «Eγη gb el a ony ow es'abur.»
- 35**Etη kpekη -l'oc gbaηkɔ kpeteηni a -l'is Jesu. -L'oc el eci sigbad -li faf ow af, etη -n'oη Jesu uyu af.
- 36**Eke -n'am an es -n'imn anym ec'a, agη am ot el e sigbad faf ejagb.
- 37**Eke n'am titm Jerusalem, ejagb a ek'am us nuη es imm Olivie lafeny af ec'a, agη a feη ek'am us'r jam a sos em iηη em am koklm Nyam lebl gege, sakrowa a feη eke -l'ekan a sosiem eci.

³⁸-N'am dad -l'ese: «Ke Nyam édnj Eb Ebu ek'am ow Es Kòtòkò e nin em a ɔwɔ! S'am kòklm Nyam, erm es ey lele anygbel ab ek'anj afr a sosiem eci!»

³⁹Farisiel beb ek'anj agj ab em a, dad Jesu nine: «Low yegm agj es, èdnj n e jam esel a yéwal.»

⁴⁰Kò Jesu dad el nine: «Eke -li yewal yeji, mebn amua b'ow ɔg kòklm im!»

Jesu am ikj Jerusalem ec'ɔjn

⁴¹⁻⁴²Eke Jesu im titm Jerusalem ke b'ekn eb a, n'am ikj ow ec'ɔjn li dad l'ese: «O Jerusalem, blel n yeji uw legj na em ec'eled eke k'ejn erm es ey any ana! Kò sica ow lɔl'n es any af.

⁴³Kò legj am ow eke n ec'efnu b'ow awj lakp iwr did elul'n em, eb'n susu fej, abur'n es atr'n sel.

⁴⁴-Li b'ow -ni njun'n nimum, n lele n ec'eb eyj ab ab. Etn lebn kaka k'ow anm lawl lebn af ij, anke n uwm legj eke Nyam ow eke k'elum'n abu ab any!»

Jesu ogn án ɔlu a ok ɔkm Nyamel gbél ab em

Matie 21.12-17; Mark 11.15-19; Jan 2.13-22

⁴⁵Sica Jesu im l'ey Nyamel gbél a e gbugj a, l'ogn án ɔlu a l'ok ɔkm,

⁴⁶etj li dad wél nine: «Nyam Lél em a, Nyam dad nine: Em ec'él a b'ow el Nyam njun ec'él. Etn ɔny, am ocr kokr elu eci ejanin usu!»

⁴⁷Segj fej Jesu b'im yegm agj low Nyamel gbél ab em. Etn egb waw esel egbél a, ol e low yegm esel a, lele Jwifel em ec'any esel ab ab, am ɔl eke k'ibi'r.

⁴⁸Kò -l'uwmn eled eke -li k'ejan ow any, anke agj a fej b'iri in e low senyn senyn.

Luk e lél 20

Jesu ec'abusu ɔny owi

Matie 21.23-27; Mark 11.27-33

¹Legj nyam, Jesu am yegm agj low Nyamel gbél a e gbugj a, etj n'am dad Amani Mamn ec'odad. Egb waw esel egbél a, ol e low yegm esel a lele agj ekpekp ab ab ow

²etj am ibrm ese: «Dàd ey ɔ! Kò bogj ec'abusu em am kok ów amua ee? Kò bwo ɔj'n na eci kok ec'abusu ee?»

³Etn Jesu dad el nine: «Em yeji m'am ow m'ibrm ɔny low nyam ce. Dàdr'm,

⁴kò bwo ɔj Jan abusu ow ok agj mij nuj ee? Kò Nyam oglog agj ee?»

⁵Etn -n'am dadarir el ɔfr em -l'ese: «Eke si dad eke Nyam ɔj'n l'ow, li b'ow l'ibrm ey l'ese: “Kò bla sosiem ubmn in nawre ee?”

⁶Etn emeny eke si dad eke agj ɔj'n abusu l'ow, ow b'ow ɔj agj a fej ot mebn eke k'ibi ey, anke -l'uw any eke Jan el Nyam e kokoba ɔb es tasi.»

⁷Etn sica -li dad Jesu nine: «S'uwm egj ek'ɔj'n abusu l'ow l'ok agj mij nuj ab any.»

⁸Ɛtɛn in yeji li dad wɛl ninɛ: «Eke ow el ɛbɛn a, ɛm yeji mi k'ow mi dadm ɔny abusu yec'ɛm eke mi bi kok ów amua fɛn a.»

Viny ɔgm e juma kok ɛsɛl ɛnɔn ɛc'odad nyandrɛ ɛm

Matie 21.33-46; Mark 12.1-12

⁹Ɛmɛny Jesu am dad agɛn a nyandrɛ odad na ɛsɛ: «Lɛgɛn nyam ɔgm ɛs nyam ewl viny in ɛc'ɔgm a, l'oc l'abul ɔgm juma kok ɛsɛl, ɛtɛn n'im usu lɛgɛn kɛkɛpe eci.

¹⁰Eke egb ub e lɛgɛn ow a, l'ɛrm in ɛc'abu ɛlum ɛs nyam im ɛnɔn juma ɛsɛl a eke wɛl k'ɔn'n egb a, in ɛc'eke k'ɛbm'n a. Eke abu ɛlum ɛs a im a, juma ɛsɛl a ɔr'r, ɛtɛn -l'ogɛn ow ow ɛwl abu ɔfr.

¹¹Ɛmɛny ɔgm ɛs a ɛrm abu ɛlum ɛs ɛjɛci nyam. Kɔ in yeji juma ɛsɛl a ɔr'r, wɛwr'r, ɛtɛn -l'ogɛn ow; ow ɛwl eke -n'ɔɔm ow ob kaka.

¹²Ɛmɛny sakp nyahan ɛm, l'ɛrm abu ɛlum ɛs nyam im. Na ɛc'a gbɛ, -l'ɔr ow -li kok ow mob, ɛtɛn -n'ɔny -l'ɔwl ow lakp jam a.

¹³Eke egb ɔgm ɛs a b'ɛkn ɛbɛn a, li dad ninɛ: “Oho! Kɔ sica ayaf mi ki kokr ab ee? Mi b'ow m'ɛrm ɛm ɛc'iy eke m'erur tasi a; ow k'ɔdm ke -n'ɔny ow ɛc'ɛlum.” Ɛtɛn l'ɛrm jim im.

¹⁴Gbɛkɔ eke -l'ɛkan ow a, -n'am dadarir ɛl ɔfr -l'ɛsɛ: “Kin ɛgɛn a eke godo godo b'ow el aja ij ɛs a! S'ibi'r ke ɔgm a ɛl ɛy eci.”

¹⁵Ɛtɛn -n'ɔny -l'ɔwl ow ɔgm a e lakp jam a, ɛtɛn -l'ibi ow.» Sica Jesu ibrm ɛl ninɛ: «Kɔ na, bla lowi ɔgm ɛs a b'ow kok ɔgm juma kok ɛsɛl ab ee?

¹⁶Li b'ow l'ow, l'ibi juma kok ɛsɛl a, ke l'oc ɔgm a n'ɔn agɛn ɛjɛci.» Eke agɛn a iri sodad amua a, -li dad ninɛ: «Ow k'ow ɛym ɛbɛn!»

¹⁷Kɔ Jesu lɛr ɛl ɛtɛn ibrm ɛl ninɛ: «Kɔ Nyam odad na e nyandrɛ el ayaf ee? Lebɛn a eke ɛl us ɛsɛl a oc ɔwl a, ɛwl el ɛl lɔy ɛm e lebɛn tasi.

¹⁸Ɛgɛn fɛn eke b'ow ɛy lebɛn na af a, b'ow kikɛn ɛs, ɛtɛn ɛgɛn fɛn eke lebɛn a b'ow ɛy af a, b'ow pipɛm ɛm el siflɛfl.»

Kɔ wɛl sɔg wus labm ee?

Matie 22.15-22; Mark 12.13-17

¹⁹Eke ol e low yeɛgm ɛsɛl lele egb waw ɛsɛl egbɛl ab ab uw any eke ɛl sosiɛm anake Jesu ub nyandrɛ na a, -n'am ɔl eke li k'ɔny ow ke -l'ɛdɛn ow e juma a, gbɛkɔ -n'am uru agɛn a.

²⁰Ow sosiɛm -n'am ɔsu Jesu kprakpr ɛm. -Li b'ɛrm agɛn ow ɛsɛ nenyɛmbri nyam ɛsɛl af, eke k'ɔny Jesu in ɛc'odad ebl ɛm, yec'ɛtɛn ke -l'oc -l'ɛlu ow Jude ɛc'ɛs ɛw ɛs a abu ɛm.

²¹-N'am ibrm Jesu low ikɛn na -l'ɛsɛ: «Low yeɛgm agɛn ɛs, s'uw any eke n e Nyam e low eke bi dad ke bi yeɛgm agɛn a el nawrɛ ɛtɛn úrum ɛgɛn any ɛs; Nyam ɛc'ɛlel eke am ibrm eke si k'iir ɛb a, bi yeɛgm ow ɛc'ɛjagb a kɛnɛn.

²²Kɔ dád ɛy ɔ! Ɛy ɛc'ol ɔn abusu eke si ki sɔg wus labm s'ɔn Sesar ee?»

²³Eke -li dadr eben a, Jesu uw el e kprakpr ab any, etj dad el nine:

²⁴«Yègmn'm os nyam.» Etj -l'oc el ec'os a e nyam -n'am yegm ow. Etj Jesu ibrm el nine: «Meny ewr na lele nin na eke wèl non os na af a, bwo ec'egj ec'ow el ee?» Etj -li dad nine: «Sesare eci.»

²⁵Etj Jesu dad el nine: «Eke ow el eben a, ke ojn Sesar yec'ek'el in ec'a, ke ojn Nyam yeji yec'ek'el in ec'a.»

²⁶Na em yeji -l'otum -n'onym ow odad ebl em agj a ec'any af. Ko odad eke li dad wèl a iti el any, etj -li bubur enyembri.

Luw em anj igb

Matie 22.23-33; Mark 12.18-27

²⁷Ow e jam a, Sadusiel ec'agj beb ow ejn Jesu. (Ke Sadusiel anake bi dad ese luw em anj igb in anm a.) -N'am ibrm Jesu low na l'ese:

²⁸«Low yegm agj es, Mois non ol na ojn ey dad nine: Eke igj nyam ebi yow etj l'ewm iy kaka toj l'uw, ow akpl ke lisijim eb injyow a ebi, ke ew ey in ab ew lisijim nin es.

²⁹Kin agj lisijimel lobj e low ek'ejn: likpekp a ebi yow, l'ewm iy kaka ow ab etj l'uw.

³⁰Li b'uw a, yony em ec'a eb injyow a ebi. In yeji l'ewm iy toj batj l'uw.

³¹Eke in yeji li b'uw a, nyahan em ec'a yeji eb injyow a ebi. Eben eben toj el lobj mum -l'ebi injyow a etj -l'uw eke -l'ewm ey kaka.

³²Etj ow ec'uw r em a, yow a yeji uw.

³³Ko sica legj eke agj ek'uw a b'ow igb luw em a, bwo ec'egj e yow tasi li b'ow l'el ab ee? Anke el a fej egj egj ebi'r ow el in e yow.»

³⁴Jesu dad el nine: «Wus na ec'egj lele oyow ab b'ebirir;

³⁵ko egj a lele oyow ab ab ek'it eke k'anj luw em igb, ke ir eb afr a k'ow ebirm ij.

³⁶-Li k'ow -l'otumn -l'uwmn ij anke -n'anj ese afr erm esel af. Sica -l'el Nyam ec'ey, anke -n'anj luw em -l'igb.

³⁷Mois dad ayal eke agj ek'uw a b'ow anj owr, anke kati a ek'am iri al ab em a, l'esj Es Kotoko Abraham e Nyam, Isak e Nyam, Jakob e Nyam.

³⁸Ko agj eke uw a e Nyam li k'el ee? Njan, l'el agj ek'uw ke anj owr a e Nyam, anke in ec'a agj amua fej anj owr.»

³⁹Etj ol e low yegm esel beb eb odad etj dad nine: «Low yegm agj es, uw dad.»

⁴⁰Low na eke li dad wèl eben a, egj kaka úsm af ibram'n low ij.

Mesi a lele David ab

Matie 22.41-46; Mark 12.35-37

⁴¹Sica Jesu ibrm ol e low any uw esel a nine: «Ayaf wel ɔtu eke ki dad eke Mesi el David eci lilaw ee?

⁴²Anke Selu e lel ab em a, David in obi am dad ese: Es Kɔtɔkɔ Nyam dad em e Kɔtɔkɔ nine: “Òw sig es em e lidr abu af

⁴³toŋ bake m’ót ŋ ec’efnu a m’ok’ŋ akr ew.”

⁴⁴Èkan, eke sica David b’esŋ’n “Es Kɔtɔkɔ”, ke ayaf Mesi a ɔtu eke k’el David e lilaw ab ee?»

Ki kokr ese ol e low yegm esel ec’ab af

Matie 23.1-36; Mark 12.38-40

⁴⁵Eke agŋ dedeku a am iri in ec’odad a, Jesu dad in e jam esel a nine:

⁴⁶«Òsur sos ol e low yegm esel e lís, el eke -li b’erur eke -li ki sus mob akpakp -n’am ecm ab, ke -li b’erur eke dedeku em wel k’esŋŋ el elum em, etŋ Nyam nuŋ igŋ susu a -li bi dogŋŋ mekpŋ anym es. Es gbegbl ec’ob ij owi em yeji -li b’erur susu amamn.

⁴⁷-Li b’ufŋ eŋnyow eb es, etŋ -li bi kok nyandre -l’ɔfur Nyam ŋoŋŋ yec’etŋ ke wel ót el agŋ amamn. Na sosiem anake el e jej ok a b’ow ew tuɔtuɔ a.»

Luk e lel 21

Iŋnyow gbɔr yow a ec’ob ap a

Mark 12.41-44

¹Ow e jam a, Nyamel gbɛl ab em yogŋ ce, eke Jesu b’is any a, l’ekn egbreŋgbi ek’am elu Nyam bia ok el ec’ob ap a kɔprɔ ebr mob ab em.

²Emeny l’ekn iŋnyow gbɔr yow nyam yeji ek’am elu os ekekey yony kɔprɔ ebr ob ab em;

³etŋ li dad nine: «Low nawre m’am dad ɔny: iŋnyow gbɔr yow na ap ob akm agŋ a feŋ ec’a,

⁴anke el ec’a -n’oŋ el ec’ob eke -n’oŋyn a ec’ow ek’igŋ af a, kɔ iŋnyow a ec’a, n’oŋ in e gbɔr em ec’a eke n’oŋny a, ow kpra kpra a eke li k’iir eb af a.»

Nyamel gbɛl a e ŋuŋŋ

Matie 24.1-2; Mark 13.1-2

⁵Sica agŋ beb am dad Nyamel gbɛl a e sakpl owi, mebn amamn lele mob amamn ab eke wel ap Nyam a e low. Eke Jesu b’iri a, li dad nine:

⁶«Lɛŋŋ am ow eke mebn amua ek’am ekan a, kaka k’ow usrm lawl lebn af anm, anke feŋ b’ow er ok wus.»

Lɛŋŋ es abal el e gbɛre owi

Matie 24.3-14; Mark 13.3-13

⁷Odad na eke Jesu dad ab em -l’ibrm ow nine: «Low yegm agŋ es, kɔ bogŋ lɛŋŋ iy low na b’ow ey ee? Etŋ bogŋ e meny ewr em, wel b’ow uw wanci a eke ów amua b’ow ey ab any ee?»

⁸Etj Jesu dad nine: «Èwr erm! Kì yebr egj k'irmn òny! Tasi em a, agj nòno b'ow ow em e nin em dad eke el el Mesi a, etj -li b'ow -li dad eke legj es abal el a in ow ì! Kò k'ùsr el jam.

⁹Eke batj am irir wèl am dad òny ar owi lele eb e bòbòr owi ab a, ke erjn k'òny òny. Ow it eke ów amua k'ey, kò ow elm wus na e nuj edj.

¹⁰Tasi em a, ebr nyam ec'agj b'ow im etj ebr ejeci nyam ogj ar; es ew nyam b'ow im etj es ew ejeci nyam ar ogj eci;

¹¹wus b'ow umu tuotuo, etj susu nòno gbèl af lek b'ow ey, ol enuj b'ow òny agj nòno; ów erjn erjn b'ow ey etj meny ewr egbèl egbèl b'ow anj afr ok òkm.

¹²Gbèkò gbuj ke ów amua éy a, wèl b'ow òny òny ke wèl ijr òny gbre, wèl b'ow ot im òny jej ok em Nyam nuj igj susu etj wèl b'ow ok òny sobel em, etj wèl b'ow ot ok òny éb ebu lele es ew esèl ab abu em, ek'eel em e jam esèl a sosiem.

¹³Na anake b'ow òj ijr em e danju.

¹⁴Ow sosiem a èbr ewr es nuj em ke ermij k'íkjm anym okm òny low eke b'ow dadr dogjnin òny sosi a eci.

¹⁵Em obi m'ow m'òj òny sodad ebl lele sèwr ab eke b'ow òj òny ec'efnu a ec'egj kaka k'ow otum dadm odad akam òny es.

¹⁶Òny esèl bòbò yeji, òny lisèl, òny lisijimèl, òny ec'agj lele òny lawlèl ab b'ow òny òny ot im òny abusu esèl ec'any af; wèl b'ow òb òny low, ibi òny em ec'agj nòno.

¹⁷Em sosiem agj a fèj b'ow ifn òny,

¹⁸kò òny e sin nuj bòbò yeji, kaka k'ow iram.

¹⁹Ìnymn es kikri èben cè; na em anake b'ow etjan sel a.»

Jesu am dad Jerusalem e ηυηη owi

Matie 24.15-21; Mark 13.14-19

²⁰Emeny Jesu dad nine: «Eke b'èkan áru ek'iwr did elul Jerusalem em a, ke legj ab anake b'ow uwr any eke wèl b'ow ηυηη'n a.

²¹Kpekj agj a eke b'ow anj Jude a, ow akpl ke -l'uru es -n'im mafeny em; agj eke b'ow anj Jerusalem bajn a -n'im akpoj, ke agj eke b'ow anj sikpukpu em a k'éym bajn a ij,

²²anjke ow b'ow el jej ok e segj. Yogj anake ów a fèj eke Nyam Lel dad a b'ow iy neny a.

²³Segj amua b'ow ew tuotuo molok ab lisèl lele el ek'am òj ey meny ab ab eci, anjke segj a ow b'ow el sòrj ligbèl eke b'ow ey eb ab em. Èè, Nyam b'ow elu in ec'erm bebl òkm agj a e lís!

²⁴Wèl b'ow ibi el ar em, etj wèl b'ow ot im el madu òkr em ebr ebr fèj em; etj Nyam e low any uwm esèl b'ow eb Jerusalem ònym ab toj bake el e legj yeji úwr.»

Ἐγὼ ἐκ'λυ ε mowrer

Matie 24.29-31; Mark 13.24-27

- ²⁵Eke li dad na a, emeny Jesu nine: «Segn am ow eke meny ewr b'ow anj ligbn em, awl em lele mílél em ab ok okm. Eke wus na af ec'ebr ebr a feñ b'ow iri okij lele mra ab e likekr a, -li b'ow -n'ony ermij.
- ²⁶Agñ erñn b'ow ony toñ úw, eke -li b'ow -li tutr ów a eke b'ow ey wus na af e low, anjke nyam afr ec'abusu a b'ow ufñ.
- ²⁷Yogñ anake wél b'ow ekn egñ ec'Iy eke b'ow anj jru em ow, abusu ligbél lele anygbél em ab a.
- ²⁸Eke ów amua b'ow ob nuñ am ow a, ke átar sos es inynn es læer afr, anjke ony ec'es eb elu e lægñ a ow titm ñ.»

Low yegm eke babm e likñ a am elu okm

Matie 24.32-35; Mark 13.28-31

- ²⁹Emeny Jesu oc nyandre em ec'odad na etñ am dad ese: «Èkan babm e likñ lele ekñ ejec'ab ab;
- ³⁰eke -n'am gign ododo a, kpekñ b'uwr any eke mewij ow titm.
- ³¹Eben nyam coco, eke b'ow ekan ów amua ow a, ke kpekñ úwr any eke Nyam e gbrenjbi usu a ow titm.
- ³²Low nawre m'am dad ony: yefenyina ec'agn a feñ k'ow uwm ow uwrn, etñ ów amua b'ow ey.
- ³³Afr lele wus ab b'ow ec, kó em ec'odad ebl a k'ow ecm.»

Ἐγὼ ἐκ'λυ ε mowrer ec'erm ew owi

- ³⁴«Ow sosiem, ewr erm! K'òcar ony sosi k'elulil es gbegbl owi, mar ony owi, lele owr anj ec'ermij ebr owi ab em, bake íjal sos es lægñ a ów okr ony es kpru,
- ³⁵ese asawa eke b'ok ob af ony af; tasi em a, ow b'ow okr wus na ec'agn a feñ es.
- ³⁶K'èrur memn, kó segn feñ ñoñan Nyam yec'etñ ke ónyn læc akmn ów amua eke b'ow ey ab es, ke ótur inynn es egñ ec'Iy ec'any af.»
- ³⁷Segñ feñ Jesu b'im yegm agñ low Nyamel gbél a e gbugñ a etñ lægñ uk em, li b'im l'èru Olivie lafeny af.
- ³⁸Etñ ibribr fafa agñ a feñ b'ow Nyamel gbél a e gbugñ a eke k'iri in ec'odad.

Luk e læl 22

Es ew esel am ut Jesu ec'ibi a ec'asre

Matie 26.1-5; Mark 14.1-2; Jan 11.45-53

- ¹Sica Futufutu eke ejru ánm em ec'es gbegbl ek'el Pak a e lægñ a ow titm.
- ²Egb waw esel egbél lele ol e low yegm esel ab am ol ew ew em elel eke -li ki kokr bake -l'ibi Jesu, gbekó erñn am ony el agñ a sosiem.

Judas am bɛbm eke b'ow ɔl Jesu ij

Matie 26.14-16; Mark 14.10-11

³Eben a, kpɛkɛ Satan ɛy Judas eke wɛl b'ɛsɛn Iskariot, jam ɛsɛl lɛw yony a ec'ɛgɛ nyam ɛm.

⁴Ow ɔɛ ɛtɛ n'im n'ɛɛn Jwifɛl ec'ɛgb waw ɛsɛl ɛgbɛl a lele Nyamel gbɛl a ec'ɔsu ɛsɛl ekpɛkp ab ab, ɛtɛ -l'iririr elɛl eke li k'oc Jesu l'ɛlu wɛl abu ɛm a.

⁵Low na eke Judas dad ɛl a iɛn ɛl sos ɛm toɛn afɛn es, ɛtɛ -l'ɛwar ow eke -li b'ow -li ɔg ow labm.

⁶Judas ɛgɛ eb, ɛtɛ sica n'am ɔl akunda sɛnyn yec'ɛm eke li k'ɔny Jesu n'ɔɛ wɛl yec'ɛtɛ ke dedeku a k'úwm any.

Pak ec'ob ij a eci sos bɛbm

Matie 26.17-25; Mark 14.12-21; Jan 13.21-30

⁷Lɛgɛ a ek'el Futufutu ek'ejru ánm ɛm ec'es gbɛgbl e lɛgɛ eke wɛl k'ibi mɛɛɛb kok Pak ec'ob ij a ow.

⁸ɛtɛ Jesu ɛrm Pier lele Jan ab dad ɛl ninɛ: «Ìmn bɛbmɛn ɛy e Pak ec'ob ij a ec'usu.»

⁹Odad na eke ow dad ab ɛm, -l'ibrm ow ninɛ: «Kɔ bogɛ erur eke si k'im si bɛbm ow e sos ee?»

¹⁰ɛtɛ Jesu dad ɛl ninɛ: «Kin, eke b'imn ba b'ɛyr baɛn a, b'ow ɛɛn igɛ nyam ek'uyu mijel. Úsr ir jam toɛn ɔny yeji ókr gbugɛ a eke li b'ow l'ɛy a.

¹¹Eke b'okr gbugɛ a, dàdr gbugɛ ɛs a ɛsrɛ: “Low yɛgm agɛ ɛs am ibrm akɛ yec'eke in k'ij Pak ec'es gbɛgbl ec'ob in e jam ɛsɛl ab ab.”

¹²ɛtɛ li b'ow li yɛgm ɔny ɛl afr a ec'akɛ gbɛl nyam ek'akɛ eci mob fɛɛn iy nɛny ɛm. Yogɛ anake b'ow bɛbmɛn ɛy ec'ob ij a e sos a.»

¹³Eke -n'imn a, -l'ɛkn low a fɛɛn eke Jesu dad ɛl a, ɛtɛ -li bɛbm Pak ec'ob ij a e sos -l'ɛw es.

Ob ij lala

Matie 26.26-30; Mark 14.22-26

¹⁴Eke wanci ow bɛbmɛn ab a, Jesu lele in ec'ɛrm ɛsɛl ab ab ow ok es ob ij usu a.

¹⁵Eke -n'am ij ob a, Jesu dad ɛl ninɛ: «M'erur tasi eke mi k'ij Pak ec'ob na ɔny ab gbuɛ ke m'ij gbɛ.

¹⁶Kɔ m'am dad ɔny eke mi k'ow m'ijm ob na ij, toɛn bake es gbɛgbl ikɛ na e liy a ɛy ɔkm Nyam e gbɛngbi usu a.»

¹⁷Eke li dad odad na a, kpɛkɛ l'oc mij kpɔk, l'ɛlu Nyam bia ɛtɛ li dad ninɛ: «Èbr mij kpɔk na ke ɛgɛn ɔny fɛɛn.

¹⁸Kɔ m'am dad ɔny eke ɛmeny mi k'ow m'ɛgɛm mar na ij toɛn bake Nyam ec'es ɛw a ów.»

¹⁹Emeny l'oc futufutu. L'elu Nyam bia etj n'onny l'ubr em, n'onj wel etj li dad nine: «Na el em e sos megl [eke m'am onj ony. Kòkr low na em ec'òkn eci.]»

²⁰Eke -l'ijr ob bake ow uwr a yeji, l'oc mij kpòk eke mar anj em n'onj wel etj li dad nine: «Mij kpòk na el sinm owr eke Nyam kok em e mebl eke ok es ony sosiem a eci.]»

²¹Gbèkò kin: ony em ec'egj nyam ek'am ol ij'm a anj ob ij usu na em ab!

²²Nawre em, egj ec'Iy b'ow uw esε elel eke Nyam bèbm ew es ab af, kò gbre él egj a ek'ol ij'r a eci!»

²³Low na eke -l'irir a onj etj -n'am bibrmn el òfr -l'esε: «Kò bwo ec'egj anake ki kok low na ey em ab ee?»

Jam esel a am atar anymu el e low es

Matie 18.1-4; Mark 10.35-45; Jan 13.2-17

²⁴Eke low na εc a, jam esel a am atar ów es tuotuo eke k'uw egj eke el em a k'el anymu ab any.

²⁵Ow sosiem Jesu dad el nine: «Eb eb em eci éb ebu b'ew agj es, etj el ec'abusu ab em -li bi dad wel eke wel k'esj el ów amamn kok esel.

²⁶Kò ony ec'a, ow k'ow elm eben. Egj eke k'el ony ec'anymu a, n'ánj esε iyli af; ke egj eke k'el es ew es a, ánj esε ob oc onj es af.

²⁷Tasi em a, bwo ec'egj el anymu ee? Kò egj eke bi sig es am ij ob a, oglog egj eke b'oc ob onj agj ab ee? Nawre em, egj eke sig es am ij ob a el anymu, kò yadh ee? Etj kin, em m'anj ony ec'arajj esε ob oc onj es af.

²⁸Etj ony yeji anjn em ab, em e gbre ijr fej em.

²⁹Esε elel eke em Es onj'm abusu eke mi k'ew agj es a, eben em yeji m'ow m'onj ony abusu nenyembri nyam a ce.

³⁰Em ec'es ew ab em a, b'ow ijr ob, egjn, etj b'ow εcr okr es mækpn af éwr Israël ec'eb lew yony a es.»

Pier b'ow egbr Jesu

Matie 26.31-35; Mark 14.21-31; Jan 13.36-38

³¹Eke li dad low na bake ow uwr a, Jesu am ler Pier etj dad nine: «Simò, ìgn loru es iri! Satan ibrm abusu eke b'ow ony ufj ony esε egbey eke wel bi cic suw es em af.

³²Kò mi njonj Nyam m'onj'j yec'etj ke j ec'òmni a k'óbni meny. Kò j yeji, legj eke b'ow ewl ow el em ec'a, àtr esj jimmel a sos es.»

³³Low na eke li dad a, Pier òdu odad eb etj dad'r nine: «Egjn gbél, mi bèbm sos eke mi k'ey sobel em j ab, ke m'úw j ab.»

³⁴Kò Jesu dad'r nine: «Pier m'am dad'j, ncok a ce, njos k'ow ikjm etj b'ow egbr sakp nyahan dad eke uwm im any.»

Os, ekpr lele lab ab

35 Ɛmeny Jesu dad el nine: «Lɛgɛ a eke m'erm ɔny ke ocmn os, ekpr lele cɔkrukɔ ab ke imm a, kɔ ɔny low nyam ec'es abur ee?» -Li dad ow nine: «S'ɔnym low kaka ec'es abur!»

36 Ɛtɛ nine: «Kɔ sica, ɔny ec'ɛgɛ ek'ɔny os a, l'óc gɔɛ. Ɛgɛ ek'ɔny ekpr a yeji l'óc; ke ɛgɛ ek'ɔnym lab a, l'ól in e mob sus em a l'ij ke l'ól lab.

37 Kɔ m'am dad ɔny nawre em, ow akpl ke Nyam Lɛl em ec'odad na eke wɛl non em e lís a íy neny: Wɛl awl'l low ɲɲ kok ɛsɛl em a. Ɛɛ, em e lís e low a eke wɛl non a b'ow iy neny!»

38 Ɛtɛ jam ɛsɛl a dad'r nine: «Ɛgɛ gbɛl, kin s'ɔnym mab ler em yony ab!» Ɛtɛ Jesu ubr odad a es nine: «Na cɛ ow ɛny ɲ!»

Jesu im Nyam ɲɔɲ em Olivie lafɛny af

Matie 26.36-46; Mark 14.32-42

39 Sica Jesu ɛy ɔkm im Olivie lafɛny af ɛsɛ elɛl eke li bi kok god'ɛtɛ ab af. In e jam ɛsɛl a yeji us'r jam ab im.

40 Eke -n'imn ba -li b'ok yogɛ a, li dad wɛl nine: «Dɔɲan Nyam, yec'ɛtɛ ke k'ýmɛn ɛbm ɛkn owi em.»

41 L'ɛlu wɛl es n'im anym kpekpe tɛl, ɛtɛ yogɛ l'ok ɔwrɔkp wus n'am ɲɔɲ Nyam li dad l'ɛsɛ:

42 «Ɛs, eke erur, ke ɔny gbɛ ij e mij kpɔk na kpab'm es lís. Ke fɛɲ em a, ow k'él yec'a eke m'am erur a, kɔ yec'a eke am erur a.»

43 [Kpekɛɲ afr erm ɛs nyam ow ɛɲn'n ɛtɛ am atr'r sos es.

44 Kɔ ɛben yeji, Jesu am ij erm em e gbɛ ɛtɛ am ɲɔɲ Nyam lɛc em toɲ law am ok'r. Ɛtɛ in e law a am sus ok wus ɛsɛ mebl ekuey af.]

45 Eke ni ɲɔɲ Nyam bake ow uwr a, l'igb wus ɛtɛ l'ɛwl meny l'ow n'ɛɲn jam ɛsɛl a, kɔ sos ɔw el es toɲ ow el el mɛmn.

46 Eke n'ɛɲan wɛl mɛmn ɛru em a, l'uwr wɛl ɛtɛ li dad nine: «Kɔ bla ɛtɛ am ɛru mɛmn ee? Igbr wus ke ɲɔɲan yec'ɛtɛ ke k'ýmɛn ɛbm ɛkn owi em.»

Jesu ec'ɔny

Matie 26.47-56; Mark 14.43-50; Jan 18.3-11

47 Jesu odad anɲ nɛnym am dad, ɛtɛ kpekɛɲ agɲ nonɔ gbɛl ilm any. Ɛtɛ Judas ek'el jam ɛsɛl lɛw yony ab em e nyam a anake am nyimm el a. Eke -l'owr -l'okr yogɛ a, Judas im titm Jesu eke k'ɛy'r.

48 Kɔ Jesu ibrm'n nine: «Judas, kɔ af ɛy em am ɔl ɛgɛ ec'Iy ij ee?»

49 Eke jam ɛsɛl a am ɛkn low a eke am ow ɛy a, -l'ibrm Jesu nine: «Ɛgɛ gbɛl, kɔ s'ógɛ el mum ɛy e mab ler em ab ab ee?»

50 Ɛtɛ kpekɛɲ el em ec'ɛgɛ nyam iyɛr egb waw ɛs ligbɛl ec'abu ɛlum ɛs a lab, ɛtɛ l'ubr ow lidr e loru ab es.

- 51 Kɔ Jesu dad nine: «Ow ínym es gɔŋ!» Ɛtɛ l'itɛŋ igɛ a e lɔru a abu, ɛtɛ l'ewlm ow.
- 52 Sica li dad egb waw ɛsɛl a, Nyamel gbɛl a ec'ɔsu ɛsɛl ec'agɛ egbɛl a lele Jwifɛl ec'agɛ ekpekp a eke ow ɛl ab in ec'ɔny ec'a nine: «Kɔ ɛm ec'ɔny a ibrm eke k'otr ekɛ ekpr lele mab ler ɛm ab owr ɛsɛ low ŋuŋ kok ɛs ɛm ɛl af ee?»
- 53 Sɛgɛ eke m'anɛ ɔny ab Nyamel gbɛl ab ɛm a ɔnymn'm. Kɔ sica ɔny e wanci eke k'ɔny n'm a ow ŋ; catɛ ncebn ec'abusu a ow a.»

Pier ɛgbr Jesu

Matie 26.57-58, 69-75; Mark 14.53-54, 66-72; Jan 18.12-18, 25-27

- 54 Sica -n'ɔny Jesu ɛtɛ -l'oc ow ab -n'im egb waw ɛs ligbɛl a e gbugɛ a. Pier anɛ akpoj ɛm am us ɛl jam.
- 55 Wɛl fuf al lakp a ec'araŋ, agɛ ok es did al ɛlul ɛm a, ɛtɛ Pier yeji im sig es ɛl ab.
- 56 Ob oc ɔŋ lis nyam ɛkn'n eke li sig es al saw a, l'ok ow anyamn af n'am ler ow gbiy, ɛtɛ nine: «Iɛŋ na yeji, n'anɛ Jesu ab!»
- 57 Kɔ Pier ɛgbr Jesu ɛtɛ dad ob oc ɔŋ lis a nine: «Yɔw, m'uwm'n any.»
- 58 Eke ow ibn tɛl a, ɛgɛ ejeci nyam yeji ɛkn'n ɛtɛ dad'r nine: «D yeji, ɛl ɛl ɛm ec'ɛgɛ nyam.» Kɔ li dad igɛ a nine: «Njaŋ, m'anm ɛl ɛm!»
- 59 Ow ibn toŋ k'ij wanci nyam ka, ɛtɛ ɛmeny ɛgɛ ejeci nyam at dad nine: «Nawre tasi ɛgɛ na yeji ɛl in ec'agɛ ab ɛm e nyam, anke l'el Galile iy.»
- 60 Kɔ Pier dad'r nine: «M'uwm ŋ e low yeci eke am erur eke ki dad ab any!» Odad na anɛ'n nenyam n'am dad ɛtɛ kpekp ŋgɔs ikɛ.
- 61 Ɛtɛ Ɛs Kɔtɔkɔ ɛwl meny ɔkɛ'n any am ler'r gbiy. Ow ɔŋ Pier ɔkn odad a eke Ɛs Kɔtɔkɔ dad'r a: «Gbuŋ ke yefenyana ŋgɔs íkɛ a, b'ow dad sakp nyahan eke uwm im any.»
- 62 Ɛtɛ Pier ɛy ɔkm im gbeŋ am ikɛ low dudu ec'ɔŋ.

Jesu e miyer kokr lele ɔr ab

Matie 26.67-68; Mark 14.65

- 63 Agɛ ek'am ɔsu Jesu a am kokr'r miyer ɛtɛ am ɔr'r.
- 64 -N'awɛ ow any es, -n'am ɔr ow kukuta ɛm, -n'am ibrm ow -l'ese: «Ek'el Nyam e kokoba ɔb ɛs, ke dád ɛy ɛgɛ ek'iy'r'ŋ ob a!»
- 65 Ɛtɛ -n'am dad ów ɛŋuŋ nɔnɔ gbɛl -l'ok ow af miyer kokr ɛm.

Jesu ow Sanedren ec'agɛ a ec'any af

Matie 26.59-66; Mark 14.55-64; Jan 18.19-24

- 66 Eke lɛgɛ ɛny a, Jwifɛl ɛm ec'agɛ ekpekp a ek'el egb waw ɛsɛl egbɛl a lele ol e low yegm ɛsɛl ab ab as luku. -N'ɔŋ wɛl oc Jesu ow Sanedren ec'agɛ a ec'any af,
- 67 ɛtɛ -l'ibrm ow nine: «Dád ɛy s'iri gɔŋ! Kɔ ŋ el Mesi ee?» Ɛtɛ li dad wɛl nine: «Eke mi dad ɔny yeji, k'ow ubmn nawre;

⁶⁸Etɲ eke m'ibrm ɔny low yeji, k'ow eɣɲmn dadmn'm.

⁶⁹Kɔ jam aɲa eɣɲ ec'Iy b'ow sig es Nyam Abusu Es e lidr abu af.»

⁷⁰El fɛɲ -li dad nine: «Ke Nyam ec'Iy el a!» Etɲ li dad wɛl nine: «Ow kpeɲ anake ɔny obi dadr a.»

⁷¹Etɲ -li dad nine: «Ow akplm eke si k'ibrm adaɲku ij! Sica ey obi yeji s'iri'r nenym ŋ!»

Luk e lɛl 23

Wɛl oc Jesu im Pilat ec'any af

Matie 27.1-2, 11-14; Mark 15.1-5; Jan 18.28-38; Ob Kok 4.25-28

¹Eke -li jejr Jesu ec'ow -l'okr bake ow uwr a, dedeku a nimum igb wus etɲ oc Jesu ab im Pilat ec'any af.

²Yogɲ, kpeɲ -n'am cicr ow -li dad -l'ese: «S'ebmn nyamn s'ekn eke eɣɲ na am irmn ey ec'agɲ a; li bi dad wɛl eke wɛl kɪ sɔgm wus labm etɲ li b'ocr in sosi Mesi, eb ebu nyam.»

³Etɲ Pilat ibrm'n nine: «Kɔ nawre, ɲ Jwifel ec'eb ebu ee?» Etɲ Jesu dad'r nine: «D obi dad.»

⁴Eben a, Pilat dad egb waw esɛl eɣbɛl a lele bieku ab ab nine: «M'eynm low ɔbr kaka igɲ na em.»

⁵Gbɛkɔ -n'am at lebl es -li dad lɛc em -l'ese: «Eɣɲ na bi dad agɲ eke k'ɔbr eb any. L'ɔb ow e low yeɣm nuɲ Galile etɲ, toɲ l'ow l'ok Jude wus af, etɲ sica l'ow aɲa yeji.»

Wɛl oc Jesu im Erɔd ec'any af

⁶Eke Pilat iri odad na a, l'ibrm nine: «Kɔ eɣɲ na Galile ec'eyɲ ee?»

⁷Eke wɛl dad'r eke Jesu el Galile ec'eyɲ, ke l'uw any eke yogɲ aɲ Erɔd ec'es ew em a, n'ɔɲ wɛl oc Jesu im ow ec'any af, aɲke Erɔd in obi yeji lɛɲ ab em a, n'any Jerusalem.

⁸Eke l'ekn ow a, sos em am iɲn'n aɲke l'iri wɛl dad'r ow e lɪs e low, etɲ lɛɲ kpeɲ etɲ n'am erur eke li k'eyɲ ow bake ow kok meny ewr nyam l'ekn.

⁹Li bibrm ow ow nɔnɔ, kɔ Jesu ɔbm kpɔ kaka ɔɔm'n.

¹⁰Egb waw esɛl eɣbɛl a lele ol e low yeɣm esɛl ab ab yeji ek'any yogɲ a am cicr Jesu lɛc em.

¹¹Etɲ Erɔd lele in eci srɔda eyɲ ab ab am kokr Jesu miyer, etɲ am oc'r ese eɣɲ keskes af. -L'ew ow mob sus em mamn sos, etɲ l'ewlm ow meny ow im Pilat ogɲ a.

¹²Lɛɲ a ce, Erɔd lele Pilat ab eke lɛɲ ek'ec ab em ijarm a, ewl el agɲ lawlɛl.

Wɛl ɔb Jesu low luw eci

Matie 27.15-26; Mark 15.6-15; Jan 18.39-19.16

¹³Eke Pilat am ekn eke low ɔbr kaka anm Jesu em a, l'as egb waw esel egbel a, es ew esel a lele dedeku a feŋ ab luku,

¹⁴Etŋ li dad wɛl ninɛ: «Ocr egŋ na isr'm etŋ am dadr eke ow'n am irmn agŋ. Na sosiem m'ibrm'n low ɔny ec'any af. Kɔ kin, m'ɛnm low ŋuŋ kaka eke li kok ke ow sosiem am ɔŋn in dedeku a.

¹⁵Eben nyam coco, Erɔd yeji ɛnm low ɔbr kaka in em, etŋ ow sosiem l'ewlm ow meny. M'am ekn ke egŋ na kokm low ɔbr kaka ek'it eke wɛl k'ibi'r.

¹⁶Gbekɔ m'ow m'ɔŋ wɛl ɔ'r ŋgbre em, ke m'ɛlu'l es.»

¹⁷[Pak ec'es gbɛgbl feŋ e lɛŋŋ a, ow akpl ke Pilat ɛlu sobel em es nyam eke dedeku a b'erur a es.]

¹⁸Eke Pilat dad el eben a, kpɛkŋ -n'am ɔg el feŋ -li dad -l'ese: «Ibi egŋ na, ke ɛlu Barabas es ɔŋ ey!»

¹⁹(Ke Barabas na, lɛŋŋ ab em eke bɔbar ey Jerusalem baŋn a, in anake wɛl ɛlu'l sobel em a, aŋke l'ɔbr eb any, etŋ l'ibi egŋ yeji.)

²⁰Gbekɔ eke Pilat am erur eke k'ɛlu Jesu es a, emeny l'ibrm eke li k'iri dedeku a neny.

²¹Kɔ -n'am ɛlu Pilat lebl -li dad -l'ese: «Èw'r olikŋ af! Èw'r olikŋ af!»

²²Emeny Pilat eb odad sakp nyahan em etŋ ibrm el ninɛ: «Bla low ɔbr iy li kok ee? Em gbɛ m'eknm low ɔbr kaka in em ek'it eke wɛl k'ibi'r; gbekɔ m'ow m'ɔŋ wɛl ɔ'r ŋgbre em, ke m'ɛlu'l es.»

²³Kɔ dedeku a neny anŋ em cɛ am ibrm sɔg em eke wɛl k'ew Jesu olikŋ af. Etŋ el e sɔg e lebl a akm Pilat es.

²⁴Etŋ Pilat egŋ dedeku a ec'a ek'am ibrm a eb.

²⁵L'ɛlu Barabas ek'ɔbr eb any, ibi egŋ ke ow sosiem wɛl ɛlu sobel em a es. Etŋ l'oc Jesu n'ɔŋ dedeku a yec'etŋ -li kok ow el e low eke -n'am erur a.

Wɛl ew Jesu olikŋ af

Matie 27.32-44; Mark 15.21-32; Jan 19.17-27

²⁶Eke -l'ocr ow ab -n'aam a, -l'ɔbr Siren baŋn iy nyam eke wɛl b'ɛsŋ Simɔ ek'anŋ akp em am ow. Eke srɔda eyŋ a b'ekn'n a, -n'ɔny ow lɛc em etŋ -l'oc Jesu ec'olikŋ a -n'ɔŋ ow eke ow k'abu us ow jam.

²⁷Agŋ nɔnɔ gbɛl am us'r jam, etŋ ɔyɔw nɔnɔ ek'anŋ el em a am ikŋ ɔŋn ok sabu ermni in sosiem.

²⁸Eke Jesu b'ɛwl meny a, n'am ler wɛl etŋ li dad ninɛ: «Jerusalem ec'ɔyɔw, k'ikŋn ɔŋn em sosiem; kɔ ikŋn ɔny lele ɔny ec'ey ab eci!

²⁹Kɔ lɛŋŋ am ow eke agŋ b'ow dad esɛ: “Ehe ɛl etr yɔw eke ewm ey, ke ɔɔm ey meny lɛŋŋ kaka a eci!”

- 30 Lɛgɛn ab anake agɛ b'ow dad ɛsɛ: “Mafɛny, b̀̀b̀mn okr ɛy af! Egigl, b̀̀burir ɛy es a!”
- 31 Tasi ɛm a, eke wɛl am kok likɛn ek'anɛn owr a nɛnɛ, ke likɛn wɛwɛ ec'a ayaf wɛl b'ow kokr'r ab ee?»
- 32 Srɔda ɛyɛn a oc agɛn ɛjeci yony ek'el ɔw ɛɛnɛn kok ɛsɛl yɛji ow eke wɛl k'ibi ɛl Jesu ab.
- 33 Eke -n'imm usu a eke wɛl b'ɛsɛn “Nuɛn kpɔk ec'usu a”, -l'ɛw Jesu lele ɔw ɛɛnɛn kok ɛsɛl yony ab ab olikɛn af; Jesu anɛn araɛn, nyam anɛn'n lidr abu af, ɛtɛn nyam anɛn'n nɛmn abu af.
- 34 ɛtɛn Jesu dad ninɛ: «ɛm ɛs, ɔc ap ɛl anɛke -l'uwm yec'eke -n'am kok ab any.» Srɔda ɛyɛn a cɛc in e mob sus ɛm sɔsum oc kok ɛm.
- 35 Agɛn a ek'anɛn yogɛn a am lɛr'r. ɛtɛn Jwifɛl ec'es ɛw ɛsɛl a am kokr'r miyɛr dad ɛsɛ: «L'ɛb agɛn ɛjeci l'ɛlu es; eke l'el Mesi eke Nyam sɔsum oc a, ke l'ɛbr in sosi s'ɛkn!»
- 36 Srɔda ɛyɛn a yɛji am kokr'r miyɛr. -Li b'im -li titm ow, -l'oc ɛl e mar a -n'am ɔkɛn ow ke -n'am dad -l'ɛsɛ:
- 37 «Ek'el Jwifɛl ec'ɛb ebu, ke ɛbr ɛn sosi ɛlu es gɔn!»
- 38 In ec'olikh a e nuɛn af a, -ni nɔn odad na -l'aru: “ɛgɛn na ɛl Jwifɛl ec'ɛb ebu.”
- 39 ɔw ɛɛnɛn ɛsɛl a eke wɛl ok olikɛn af ab ɛm a yɛji, nyam am wɛwr Jesu dad ɛsɛ: «Kɔ ow ɛlm ɛn ɛlm Mesi ee? Ek'el Mesi, ke ɛbr ɛn sosi ɛlu es, bake ɛy yɛji ɛb ɛlu ɛy es ɔ!»
- 40 Odad na eke li dad a, lawl a am ɛym'n abr dad ɛsɛ: «Kɔ ɛluam Nyam ee? ɔ yɛji am ij gbɛr ɛsɛ in af.
- 41 ɛy ec'a, ow it eke si k'ij gbɛr, anɛke ɛy ec'ɔw ɛɛnɛn e si kok a e labm sɔg anake s'ɛɛn a. Kɔ in, li kokm low ɛnɛn kaka!»
- 42 Eke li dad odad na a, ɛmɛny li dad ninɛ: «Jesu, k'ijl'm es lɛgɛn eke b'ow ow ɛn ec'es ɛw ab ɛm a.»
- 43 ɛtɛn Jesu dad'r ninɛ: «M'am dad'ɛn nawrɛ ɛm, yɛfɛnyna cɛ b'ow anɛn ɛm ab Nyam ec'usu mamn a.»

Jesu e luw a

Matie 27.45-56; Mark 15.33-41; Jan 19.28-30

- 44 Sica ow anɛn tɛl ke lɛgɛn ɛyɛn nuɛn, ɛtɛn ligbn a ek'am afɛn a irm es; nɛbn ɛy wus na nimum af toɛn nɛbnɛs ɛci wanci nyahan ɛm.
- 45 ɛtɛn Nyamel ab ɛm ɛci gbɛd gbɛl gbada a eke wɛl ɛw ɛɛnɛn usu lala ab any a, igɛn afr ɛm a ɛtɛn agbr ɛm araɛn didi toɛn ok ɛsr ɛm a.
- 46 ɛtɛn Jesu barm lebl tuɔtuɔ dad ninɛ: «ɛm ɛs, m'oc ɛm ec'abɛn a m'ɛlu'ɛn abu ɛm.» Li dad odad na ba li b'ok es, ɛtɛn l'uw.

⁴⁷Eke Rom eci sɔda eyɔ a ec'anym es a ekn low a ek'ey a, n'am kɔklm Nyam li dad l'ese: «Nawre tasi, eɔɔ na el neny nyam es!»

⁴⁸Agɔ a ek'ow yogɔ a yeji ekn low a ek'ey a. El e meny ewl em a, -n'am ok sabu ermni low dudu em -n'im.

⁴⁹Etɔ Jesu lawlɛl lele ɔyɔw a ek'us'r jam Galile etɔ a, inym es akpoj, etɔ am ekn low na ek'am ey a.

Jesu ec'es oc owi

Matie 27.57-61; Mark 15.42-47; Jan 19.38-42

⁵⁰⁻⁵¹Eɔɔ nyam eke wel b'esɔ Josef, Jwifel eci baɔɔ eke wel b'esɔ Arimate ec'egɔ, erur eke k'oc Jesu im oc es. L'el eɔɔ mamn, neny nyam es, ek'omn em am eku Nyam e gbrenɔɔbi usu a e mowrer. Etɔ emeny l'el Jwifel e Sanedren ab em ec'egɔ nyam, kɔ l'erurm low a eke lawlɛl a bebɔm Jesu ec'ibi ec'a.

⁵²Na sosiem, n'im n'eyɔ Pilat etɔ l'ibrm eke ow k'oc Jesu eci sos meɔl a ɔɔ'n.

⁵³Eke Pilat elu abusu es a, Josef ɔny sos meɔl a usm es olikɔ ab af, l'oc gbad ufu nyam li wiwrm ow ab, etɔ l'oc n'im l'oc ow es uwomu lob eke n'ɔɔ wel ur ab em, ke leɔɔ kaka wel ocm eɔɔ es em.

⁵⁴Leɔɔ a el nenegɔ e sos bebɔm e leɔɔ, etɔ nenegɔ a yeji ow titm.

⁵⁵Eke Josef aam oc Jesu es a, ɔyɔw a eke am us Jesu jam Galile etɔ a, ow yogɔ etɔ ekn uwomu a lele elel eke wel erum'n es ab ab.

⁵⁶-L'ewl meny -n'im el oɔɔ a, etɔ -li kok mun sɔɔsɔ lele simijey ab eke -li ki kpakp Jesu e sos meɔl a. Gbekɔ eke leɔɔ a el nenegɔ e leɔɔ a, ow sosiem -n'am eb sel ese elel eke Jwifel ec'ol a dad ab af.

Luk e lel 24

Jesu e luw em anɔ igb a

Matie 28.1-10; Mark 16.1-8; Jan 20.1-10

¹Sica leɔɔ krekre a ec'ibribr fafa a, ɔyɔw a ot mun sɔɔsɔ eke -li kokr ab ab aam Jesu ec'uwomu ab af.

²Eke -li b'ok yogɔ a, -l'ekn eke lob a eke abl uwomu a ec'em ey usu ab es a wuwl oc es,

³etɔ -l'ok uwomu ab em. Gbekɔ -l'eknm Es Kɔtɔkɔ Jesu e sos meɔl a,

⁴etɔ ca -l'uwmn elel eke -li ki dadr any. Kpekɔ Nyam ec'afɔ erm esel yony eke sus mob ek'am jejn a ok ɔkm el ec'any af.

⁵Eke ɔyɔw a b'ekn el a, erɔɔ am ɔny el -li sis any es, etɔ ow ɔdm eke -li ki ler wel. Etɔ erm esel a dad el nine: «Kɔ bla etɔ am ɔɔl agɔ ek'uw ab em, eɔɔ ek'anɔ owr ab ee?

⁶N'anm anɔ; l'igb luw em. ɔkan ow a eke li dad ɔny leɔɔ a eke n'anɔ Galile a:

⁷“Ow akpl ke wɛl ɔc ɛɣɛ ec'Iy ɛlu sikpl ɛsɛl ec'abu ɛm, ke wɛl bábɫ'ɫ ecigbro olikɛ af, ke sɛɣɛ nyahan n'áɛɛ luw ɛm l'igb.” »

⁸ɛɛɛ ɔyɔw a ɔkn odad a eke Jesu dad ɛl a.

⁹-N'ɛɣboɛ uwɔmu ab af, ɛɛɛ -n'im -n'am dad ɔw a fɛɛ ek'ey a -l'ok jam ɛsɛl lɛw nyam a lele agɛ ɛjɛc'a fɛɛ ab.

¹⁰ɔyɔw a el: Mari, Magdala yɔwi a, Jana, lele Mari, Jak lis ab. ɛɛɛ ɔyɔw bɛb a ek'anɛ ɛl ab yeji, dad odad nɛnyembri nyam a ɛɛ ok ɛrm ɛsɛl a.

¹¹Ƙɔ ɛrm ɛsɛl a am tutr eke ow el yadɛ owi, ɛɛɛ -n'onym ɔmn odad a eke ɔyɔw a dad ɛl ab ɛm.

¹²ɛben a Pier uru es im uwɔmu ab af, l'is any li lɛr uwɔmu ab ɛm, ɛɛɛ l'ɛkn gbad a eke wɛl oc wiwrm sos meɣl ab ab a ɛɛ ek'ɛru es. Low na eke l'ɛkn a iti'r any, ɛɛɛ l'ɛwl mɛny n'im.

Emayus ejagb af

Mark 16.12-13

¹³Lɛɣɛ a ɛɛ, jam ɛsɛl ab ɛm ec'agɛ yony aam baɛɛ nyam eke wɛl b'ɛsɛɛ Emayus, ke Jerusalem ab a, án es wanci yony gbuɛ ke ɔk yogɛ.

¹⁴Ejagb ab af eke -n'aam a, -n'am dad low a ek'ey a ec'odad.

¹⁵Eke -n'am dad odad -l'atar ɔw es a, Jesu in obi ow ɛɛɛ el, ɛɛɛ us ejagb ɛl ab aam.

¹⁶-N'am ɛkn ow gɔɛ, Ƙɔ -l'uwmn ow any.

¹⁷ɛɛɛ Jesu ibrm ɛl ninɛ: «Bla ɔw iy am atarir es ee?» Sos ɔw ɛl es, ɛɛɛ -l'uk -n'inym es.

¹⁸ɛl ɛm ec'ɛɣɛ nyam eke wɛl b'ɛsɛɛ Kleopas dad'r ninɛ: «Ƙɔ ɛ sɔny ɛɛ el ɛɣɛ ek'ir Jerusalem aɛa, ke uwm low na ek'ey sɛɣɛ amua ɛm ab any ee?»

¹⁹Jesu ibrm ninɛ: «Ƙɔ bla lowi ey?» ɛɛɛ -li dad ow ninɛ: «Nasaret iy Jesu e lís e low. ɛɣɛ na el kokoba ɔb ɛs abusu ɛs; ɛɛɛ l'ɛlu ow e low ɔkm in e juma kok ɛm lele in ec'odad ebl ɛm ab, Nyam ec'any af lele agɛ ec'any af ab.

²⁰Ƙɔ ey ec'ɛgb waw ɛsɛl ɛgbɛl a lele ey e Nyamel ec'es ɛw ɛsɛl ab oc im'n wɛl ɔb'r low, ɛw'r olikɛ af wɛl ibi'r.

²¹ɛy s'ɔmn eke in anake li b'ow li sɔg Israel a. ɛɛɛ kin, yeɣɛnyana ab ow ij sɛɣɛ nyahan eke l'uw wɛl oc'r es.

²²Gbɛkɔ ey ɛm ec'ɔyɔw bɛb dad ey low any iti owi tasi. Ibribr a -l'igb fafa -n'im uwɔmu ab af,

²³ɛɛɛ -l'ɛknm ow e sos meɣl a. -L'ɛwl mɛny -l'ow -li dad ey eke afr ɛrm ɛsɛl yony in ok ɔkm in dad ɛl eke Jesu in anɛ owr.

²⁴ɛy ɛm ec'agɛ bɛb yeji im uwɔmu ab af ɛɛɛ -l'ɛkn low a ɛsɛ elɛl eke ɔyɔw a dad ey ab af. Gbɛkɔ ow gbɛ, -l'ɛknm ow.»

- 25-Li dad odad na ba -li b'ok es, etj Jesu dad el nine: «Oy! Anyamb agñ, úbmn kokoba ob esel ec'odad eke dad a nawre!»
- 26Kɔ uwmn any eke Mesi a k'ij gbre eben gbuñ ke l'éy in ec'anygbel ab em ee?»
- 27Etj n'am otar ów a feñ eke Nyam Lel dad in e lís a e low akr l'ok wel. L'ob nuñ Mois ec'ol ab em toñ l'ign kokoba ob esel ec'ów a e dad ab em.
- 28Eke -n'imn bake -n'am titm bañ a, Jesu kok ese anym eci ow'n k'imn af.
- 29Kɔ agñ yony a dad'r nine: «K'im; àññ ey ab eke legñ am uk, ke ncebn am ow a sosiem.» Etj n'im n'ehn wel -n'anñ.
- 30Eke ow sig wanci eke -li k'ij ob a, Jesu oc futufutu a, l'elu Nyam bia, l'ubr em n'ɔñ wel.
- 31Kpɛkñ jam esel yony a anyamn em ayl, etj -l'uw ow any; kpɛkñ l'irm wel ec'any af.
- 32Etj -n'am dadarir -l'ese: «Eke s'us ejagb s'am ow, ke n'am otar Nyam Lel em ec'ów akr l'ok ey a, lefr menñ am itr ey sos!»
- 33Kpɛkñ -l'ewl meny -n'im Jerusalem, etj -n'ehn jam esel lew nyam a eke as luku lele el lawlel ab ab,
- 34ke ok es am dad ese: «Nawre tasi, Es Kɔtɔkɔ igb luw em batñ Simɔ ekn'n!»
- 35Etj el yeji -n'am dad low a eke -l'ekan ejagb af a, lele eled eke -l'uwr Jesu any, futufutu a eke n'am ubr em ab em.

Jesu yegm in e jam esel a sos

Matie 28.16-20; Mark 16.14-18; Jan 20.19-23; Ob Kok 1.6-8

- 36Eke odad anñ el nenym -n'am dad a, Jesu in obi ey ɔkm el ec'araññ etj esññ el: «Erm es ey áññ ɔny ab!»
- 37Kpɛkñ erññ ligbel am ɔny el anke -n'am tutr eke ɔññ abñ anake -l'ekan a.
- 38Kɔ Jesu dad el nine: «Kɔ bla etj erññ am ɔny ɔny ufññ ee? Bla etj úbmn nawre ee?»
- 39Èkan em e sabu araññ a lele em ec'akr ab ab; em obi ana! Ìtñnin'm abu ke ékan. Ɔñnabñ élim sos megl lele ew ab ese eled eke m'eli am ekan ab af!»
- 40Eke li dad wel odad na a, li yegm wel in e sabu araññ a lele in ec'akr ab ab.
- 41Sos em am iññ el, gbekɔ ow am iti el any etj -li k'ubm nawre tasi. Ow ɔñ Jesu ibrm el nine: «Kɔ ɔnyamn ob ij tel ab aña ee?»
- 42Etj -l'oc ɔcn ikpr eke wel ɔw a -n'ɔñ ow.
- 43Jesu eb ɔcn a ij el ec'any af.
- 44Sica li dad wel nine: «Èkan ów amua, mi dad ɔny ow e low legñ a eke m'anñ ɔny ab a. Mi dad ɔny eke ów a feñ eke wel non em e lís ke anñ Mois ec'ol ab em, kokoba ob esel e lel em, toñ ign Selu e lel em a b'ow iy neny.»

- ⁴⁵Etɛn n'ɔn wɛl abusu eke wɛl k'iri Nyam Lɛl ɛm ec'odad a ɔk ɛl es sos ɛm.
- ⁴⁶Ca l'ɔkn wɛl ɔw a li dad ninɛ: «Kin ow eke wɛl nɔn: ow akpl ke Mesi úw, ke sɛgn nyahan n'ánɛn luw ɛm l'igb,
- ⁴⁷ke wɛl yégm ɛbr ɛbr fɛn low in e nin ɛm, yec'ɛn ke agn ítn ɛm ɛm, ke -n'ɛn ɛl e sikpl a ec'oc ap. Ow ɔb nuɛn Jerusalem,
- ⁴⁸ɛn ɔny b'ow eel ɔw amua ec'adanɛku.
- ⁴⁹Etɛn m'ow m'awɛn ɔny Abɛn Lala a eke ɛm ɛs ɛwar ow e low a. Gbɛkɔ ànnɛn baɛn tonɛn bake afr ec'abusu a ɔw ɛn ɔny.»

Jesu aam afr

Mark 16.19-20; Ob Kok 1.9-11

- ⁵⁰Eke li dad wɛl ɔw amua bake ow uwr a, ca Jesu ot ok ɛl ɔkm, ɛn ɛl ab -n'im -li titm Betani, ɛn yogn li gbigbl sabu ogn l'ɛn wɛl ɔwrɔ.
- ⁵¹Eke n'am ɛn wɛl ɔwrɔ a, l'ɛlu wɛl es ɛn n'im afr.
- ⁵²Jam ɛsɛl a ign'n nuɛn, ɛn ɛwl meny ow Jerusalem sos ɛm ign ligbɛl ɛm.
- ⁵³Sɛgn fɛn -li b'anɛn Nyamel gbɛl ab ɛm -li kɔklm Nyam.

Jan e ləl

Jan e ləl 1

Jesu Krist el sel ec'odad

- ¹Nuŋ ɔb ɛm e low fɛŋ e kok ɛm a, ke Odad anŋ ŋ̄. Ɛgŋ a eke el odad a okr af Nyam ab, ɛtŋ Odad a el Nyam.
- ²Nuŋ ɔb ɛm ɛtŋ Odad okr af Nyam ab.
- ³Nyam oc'r kokr'r ob fɛŋ; ob kaka anm eke wɛl kok ke n'anm ɛm;
- ⁴fɛŋ a eke wɛl kok a ɛŋn sel in ɛm. Sel ikŋ na el agŋ eci usuayl.
- ⁵Usuayl am afŋ ncebn ɛm ɛtŋ ncebn ebn'n.
- ⁶Nyam ɛrm ɛgŋ nyam eke wɛl b'ɛsŋ Jan ow.
- ⁷N'am ow ɛsɛ daŋku af, ke l'ij usuayl e daŋku yec'ɛtŋ ke in ɛm agŋ a fɛŋ úb nawrɛ.
- ⁸In obi a l'elm usuayl, kɔ usuayl eci daŋku cɛ l'ij.
- ⁹Usuayl ikŋ na el usuayl tasi a ek'am ow wus af aŋa ayal agŋ fɛŋ a.
- ¹⁰Odad a anŋ wus af aŋa. Nyam oc'r kokr'r wus, kɔ wus uwm'n any.
- ¹¹L'ow in ec'agŋ ɛm, kɔ in ec'agŋ ɛgŋm ebn'n.
- ¹²Gbɛkɔ agŋ bɛb eb'r ɛtŋ ɔny ɔmn in ɛm; n'ɔŋ wɛl abusu eke wɛl k'el Nyam ec'ey.
- ¹³Ow elm sos megl af e mew ab ɛm, oglog ɛgŋ ec'erur ɛm -l'elm Nyam ec'ey, kɔ Nyam ec'erur ɛm -l'el Nyam ec'ey.
- ¹⁴Odad a ɛwl el ɛgŋ ɛtŋ ir ɛb ɛy ab; Nyam ec'erur eke ítŋnm lele neny nyam ij ab iy'r ɛm gbɔŋ. S'ɛkn in ec'anygbɛl a, anygbɛl eke Iy b'ɛŋn Ɛs ɛm.
- ¹⁵Jan ij in e daŋku. L'ɛlu lebl ninɛ: «Lɛgŋ a eke m'am dad m'ɛsɛ: “Ɛgŋ nyam anŋ'm jam am ow, kɔ n'ɔny any l'akm'm aŋke l'ikŋ anym n'anŋ gbuŋ ɛtŋ m'anŋ a,” ke in ec'odad anake m'am dad a.»
- ¹⁶Tasi ɛm a, ɛy fɛŋ s'ɛŋn in eci aja ab ɛm eci ɔwrɔ a, tasi li yibr ɛy ow bobn.
- ¹⁷S'ɛŋn ol Mois ɛm, kɔ Nyam ec'erur ek'ítŋnm a lele neny nyam ij ab a, anŋ Jesu Krist ɛm ow.
- ¹⁸Lɛgŋ kaka ɛgŋ ɛknm Nyam, kɔ Iy ɛkpɔbi a sɔny coco eke el Nyam ke anŋ Ɛs ab a cɛ ɛlu'l ɔkm.

Jan mij ok nuŋ ɛs eci daŋku ij

Matie 3.1-12; Mark 1.1-8; Luk 3.1-18

- ¹⁹Jwifɛl e nuŋ af ɛsɛl ek'el Jerusalem ec'a ɛrm egb waw ɛsɛl lele Leviɛl ab Jan ogŋ a eke -li k'ibrm ow -l'ɛsɛ: «Kɔ ŋ bwo el ŋ ee?» Kin Jan eci daŋku ek'ij.

- 20**Jan ɔnynm sos es odad a e dad em etɔ agɔ a feɔ eci any af li dad l'ɛrum mar nine: «Em, m'elm Mesi a.»
- 21**-L'ibrm ow nine: «Etɔ η bwo ee? Kɔ η Eli ee?» Li dad nine: «Njaɔ, m'elm Eli.» - L'ibrm ow nine: «Kɔ η Kokoba ɔb es ab ee?» Nine: «Njaɔ.»
- 22**Emeny -l'ibrm ow nine: «Ke sica η bwo el η ee? Agɔ a ek'erm ey a, odad si k'ony si dad el. Kɔ η ayaf am ocr η sosi ee?»
- 23**Li dad nine: «Em, m'el eɔɔ a ek'anɔ loj am elu lebl dad ese: Kòkr Es Kòtòkò ec'ejagb a inym senyn senyn a!» (Kokoba ɔb es Esayi ec'odad eke dad ab ana.)
- 24-25**Ke ɛrmu ab em Farisiel anɔ eke emeny am ibrm'n ese: «Eke batɔ elm Mesi a, elm Eli, elm Kokoba ɔb es a, ke bla k'ɔɔ k'am ok agɔ mij nuɔ ee?»
- 26**Jan dad el nine: «Em, m'am ok ɔny mij nuɔ mij em; gbekò ɔny ec'araɔn a, eɔɔ nyam anɔ eke uwmm any.
- 27**N'anɔ'm jam n'am ow, etɔ m'itm bɔbɔ yeji eke mi ki momu in e còkrukò meb ab es.»
- 28**Ów amua feɔ am ey Betani eb em Jurden jam, yogɔ a eke Jan am ok agɔ mij nuɔ a.

Jesu, Nyam e licɛbli

- 29**Eke leɔɔ eny akr af a, Jan ɛkn Jesu ek'am ow in oɔɔ etɔ li dad nine: «Kin Nyam e licɛbli a eke b'ow ɔny wus na e sikpl oc es a.
- 30**Leɔɔ a eke m'am dad m'ese: “Eɔɔ nyam anɔ'm jam am ow, n'ony any l'akm'm, anke l'ikɔ anym n'anɔ gbuɔ etɔ m'anɔ a,” ke in ec'odad anake m'am dad a.
- 31**M'uwmm eɔɔ a ek'ow k'el ab any, gbekò m'ow eke mi k'ok agɔ mij nuɔ mij em, yec'etɔ ke m'ɔɔ Israel ec'agɔ a uw'r any.»
- 32**Emeny l'ij danɔku li dad nine: «M'ɛkn Abɔ Lala ek'anɔ afr us es ese kel af ke sig'r es af.
- 33**Ke mi k'uwmm eɔɔ eke l'el ab any, gbekò Nyam eke erm'm m'ow eke mi k'ok agɔ mij nuɔ mij em a dad'm nine: “B'ow ɛkn Abɔ eke b'ow us es ke sig es eɔɔ nyam af, in anake li b'ow l'ok agɔ mij nuɔ Abɔ Lala em a.”
- 34**M'ɛkn low na etɔ m'am ij danɔku eke eɔɔ na el Nyam ec'Iy.»

Jesu eci jam esel krekrɛ a

- 35**Eke leɔɔ eny akr af a, emeny Jan lele in e jam esel yony ab anɔ yogɔ.
- 36**Eke l'ɛkn Jesu ek'am ec a, li dad nine: «Kin Nyam eci licɛbli a ɔ!»
- 37**Eke Jan eci jam esel yony a iri odad na a, -l'us ow jam.
- 38**Jesu ɛwl sos meny, l'ɛkn eke agɔ yony am us'r jam, etɔ l'ibrm wel nine: «Kò ɔny, bla am ɔɔl ee?» -L'ibrm ow nine: «Rabi, kò η bogɔ ir ee?» (Rabi e nyandre el “Low yegm agɔ es.”)

- ³⁹Li dad wɛl ninɛ: «Òwr, b'ow ɛkan.» Ke ow am titm ncebles eci wanci yar. -N'im - l'ɛkn yogɲ a eke l'ir a, ɛtɲ -n'anɲ ow ab lɛɲ ikpr a.
- ⁴⁰Agɲ a ek'iri Jan eci sodad a ke us Jesu jam a e nyam el Andre, Simo Pier lisijim.
- ⁴¹L'ikɲ anym n'im l'ɛkn lisijim Simo ɛtɲ li dad ow ninɛ: «S'ɛɲn Mesi a.» (Mesi a e nyandre el “Krist”.)
- ⁴²Andre ɛwl Simo Jesu ogɲ a. Jesu lɛr'r sɛɲ ɛtɲ dad'r ninɛ: «D Simo, Jan jim; wɛl b'ow ɛsɲ'ɲ Kefas.» (Ow e nyandre el “Lob”.)
- ⁴³Eke lɛɲɲ eny akr af a, Jesu ɛw eke k'im Galile ɛtɲ l'ɔbr Filip. Li dad ow ninɛ: «Ùs'm jam!»
- ⁴⁴(Filip a Betsayida ɛb ɛm ec'ɛɲɲ; ɛb na anake Andre lele Pier ab yeji el ow ec'agɲ a.)
- ⁴⁵Filip ɔbr Natanael ɛtɲ dad'r ninɛ: «Natanael, ɛɲɲ a eke Mois dad in ec'odad ol e lɛl ab ɛm, ke kokoba ɔb ɛsɛl dad ow ec'odad a, s'ɛɲn'n. ɛɲɲ a, Nasaret e Jesu, Josef jim.»
- ⁴⁶Natanael dad'r ninɛ: «Kɔ Nasaret yeji, low mamn ɔtu eke k'anɲ ow ee?» Filip dad'r ninɛ: «Òw, ke ɛkn.»
- ⁴⁷Eke Jesu ɛkn Natanael ek'am ow titm'n a, n'am dad ow e lís e low l'ɛsɛ: «Kin Israel iy tasi; in ɛm meju owi kaka anm.»
- ⁴⁸Natanael ibrm'n ninɛ: «Kɔ ayaf uwr'm any ee?» Li dad ninɛ: «Eke anɲ babm e likɲ a ec'ew a, gbuɲ ke Filip ɛsɲ'ɲ a, ke m'ɛkn'ɲ.»
- ⁴⁹Af yogɲ Natanael dad'r ninɛ: «Low yeɲm agɲ ɛs, ɲ Nyam ec'Iy tasi, ɲ Israel ec'ɛb ebu tasi!»
- ⁵⁰Jesu dad'r ninɛ: «Mi bi dad m'ɛsɛ, m'ɛkn'ɲ babm e likɲ a ec'ew a ek'anɲ a, ke kɛkɲ úb'm nawrɛ ee? B'ow ɛkn ów ek'agb akm na!»
- ⁵¹ɛtɲ l'igɲ af li dad ninɛ: «Low nawrɛ m'am dad ɔny: b'ow ɛkan afr eke b'ow fig ke Nyam ec'afr ɛrm ɛsɛl ám uyu, ke ám us es ɛɲɲ ec'Iy e nuɲ af.»

Jan e lɛl 2

Kana e mɛbi es gbɛɲɲbl a

- ¹Eke sɛɲɲ yony ɛc a, mɛbi ec'es gbɛɲɲbl nyam ɛy Kana ɛb ɛm, Galile wus af; Jesu lis yeji anɲ ɛm.
- ²Wɛl ɛw Jesu lele in e jam ɛsɛl ab ab yeji abu.
- ³Eke ow b'inɲɲ ebr a, mar uwr. Jesu lis am dad Jesu ɛsɛ: «Mar uwr ɛl.»
- ⁴Kɔ li dad ow ninɛ: «ɛm lis, bla ɛtɲ am ɛlu'm low na ɛm ee? ɛm e wanci a k'owm.»
- ⁵ɛben yeji lis dad juma kok ɛsɛl a ninɛ: «Kòkr low yec'a eke li b'ow l'ibrm ɔny a.»
- ⁶Ke yogɲ mijel nɔhɔn eke wɛl kok lebn ɛm anɲ. Mijel amua eke nyam ɔtu eke k'ij litr ekɲ yen a anake Jwifel b'oc kokr ɛl eci sayl owi Nyam ec'any af a.

⁷Jesu dad juma kok esel a nine: «Òkr mij mijel amua em ow íy.» -L'ok em ow iy ok enyembri a.

⁸Etj Jesu dad el nine: «Sica àwr mij a tel ke ócr imm òjn es gbegbl a e nyimm es a.» Juma kok esel a kok eben.

⁹Li tat mij a ek'itjn el mar a anm, l'uwm yogj eke mar a anj ow ab any, gbeko juma kok esel a ek'aw mij a gbe uw any. L'esj mebi es a,

¹⁰l'igbl ow abu ogj etj sica nine: «Agj a fej mar mamn -li b'òb nuj -n'òj agj egj; eke agj a e wel ew abu a egj mar nòno a, ke sica -n'òj wel mar mij mij a gòj. Gbeko nj ec'a, ew mar mamn a es toj it wanci na!»

¹¹Kin el el eke Kana eb em Galile wus af, Jesu elul in eci meny ewr krekre a òkm. L'elu in ec'any gbél òkm etj jam esel a ub'r nawre.

¹²Eke low na ey oc es a, in obi in obi, lis, lisijimel lele in e jam esel ab ab -l'us nuj es -n'im Kapernayum. -N'anj yogj -li kok segj waa ce.

Jesu anj Nyamel gbél a e gbugj a
Matie 21.12-13; Mark 11.15-17; Luk 19.45-46

¹³Jwifel eci Pak ec'es gbegbl a titm, etj Jesu uyu im Jerusalem.

¹⁴Nyamel gbél a e gbugj a, l'ekn agj ek'am ol sed, meceb lele prendre ab ij; n'ejn jete titjn esel yeji eke ok es el eci an ol usu a.

¹⁵Li kok say etj el fej eke -n'anjn Nyamel gbél a e gbugj a, l'ogj l'ok wel òkm, el e meceb lele el e sed ab ab; n'ony jete titjn esel ec'os a lele el eci sitabl ab ab l'ok wus;

¹⁶etj l'ewar prendre ol ij esel a nine: «K'òcr em Es ec'él a ese an ol él af! Ònyn mob amua fej otr es aja!»

¹⁷In eci jam esel a òkn Nyam Lél ab em e sodad amua: O Admaga, nj ec'él a ec'erur eke m'ony a, b'ow etul'm ese al eke b'etul ob af.

¹⁸Af yogj, Jwifel ec'es ewel a am ibrm'n ese: «Bogj e meny ewr otu eke ki kok, ke ow yegm ey eke low na eke kok a, ony ow ec'abusu eke ki kok eben ee?»

¹⁹Jesu dad el nine: «Eke njunan Nyamel na, ow bi kok segj nyahan m'ow m'usr em.»

²⁰-Li dad ow nine: «Wel ew akpo ekj yony miy nòhon us Nyamel gbél na, etj nj am dad eke b'ow usr em segj nyahan ee?»

²¹Ke Nyamel a eke Jesu am dad ow ec'odad a, in e sos megl ab ana.

²²Ow oj, legj a eke Jesu igb agj ek'uw ab em a, in e jam esel a òkn eke l'ikj anym li dad odad na; etj ow em -l'ub Nyam Lél lele Jesu eci sodad eke dad ab ab a nawre.

Segj em e low fej eke anj a, Jesu uw any

²³Legj ab em a eke Jesu anj Jerusalem, Pak ec'es gbegbl a ec'a, agj nòno ub'r nawre simeny ewr eke n'am kok ab em.

²⁴Gbəkɔ Jesu ɔnym ɔmn el em aŋke el feŋ l'uw wɛl any sɛnyn sɛnyn.

²⁵L'ibram eke wɛl k'otar ɛŋŋ kaka feŋ e lɪs e low akr ok'r, aŋke in obi em li b'uw ɛŋŋ e low eke b'aŋŋ erm em ab any.

Jan e lɛl 3

Jesu lele Nikodɛm ab

¹Lɛŋŋ ab em a, Farisiel em ec'ɛŋŋ nyam aŋŋ eke wɛl b'ɛsŋ Nikodɛm, l'el Jwifɛl ec'anym ɛsɛl ab em ec'ɛŋŋ nyam.

²Ncok nyam, l'ow n'ɛŋŋ Jesu ɛtŋ n'am ibrm ow l'ɛsɛ: «Low yɛgm aŋŋ ɛs, s'uw any eke Nyam erm'ŋ ow eke ki yɛgm ɛy low, aŋke ow it ke Nyam áŋŋ ɛŋŋ ab ab gbunŋ ke l'ótu li kok mɛny ɛwr amua ɛsɛ elɛl eke am kok ab af.»

³Jesu dad'r ninɛ: «Low nawrɛ m'am dad'ŋ: ɛŋŋ kaka k'ɔtum ɛknm Nyam e gbɛŋŋgbi usu a, eke ow elm afr ec'abusu em wɛl ewrm'n em.»

⁴Nikodɛm ibrm Jesu ninɛ: «ɛŋŋ ek'usu a, ayaf wɛl ɔtu eke k'ewar em ee? Kɔ l'ɔtu eke li k'im l'ɛy lis e lokm wɛl ewar em ee?»

⁵Jesu dad ninɛ: «ɛɛ, low nawrɛ m'am dad'ŋ, ɛŋŋ kaka k'ɔtum ɛym Nyam eci gbɛŋŋgbi usu a eke wɛl ewm'n mij em lele abŋ ab em.

⁶L'ow yec'eke b'aŋŋ aŋŋ em ow a, b'el sos meŋl eci; ɛtŋ low yec'eke b'aŋŋ Nyam ec'Abŋ em ow a, b'el Abŋ eci.

⁷Eke mi dad'ŋ eke ɔny feŋ wɛl k'ewr ɔny em afr ec'abusu em, ke ow k'íti'ŋ any.

⁸Yogŋ eke lɛf b'erur a, li b'ɛlu n'imn; b'iri in ec'ɛlu a, gbəkɔ úwm yogŋ eke li b'aŋŋ l'ow lele yogŋ eke li b'im ab any. ɛŋŋ feŋ eke wɛl ew Nyam ec'Abŋ em a, ɛbɛn ek'ow b'ɛcr ana.»

⁹Af yogŋ, Nikodɛm dad'r ninɛ: «Kɔ ayaf ow ɔtu eke k'ɛcr ee?»

¹⁰Jesu dad'r ninɛ: «D k'el Israel wus af eci low yɛgm ɛs ligbɛl nyam, ke k'úwm ów amua any ee?

¹¹ɛɛ, low nawrɛ m'am dad'ŋ: low yec'a eke s'uw any a, ow ec'odad s'am dad, ɛtŋ low yec'a eke s'ɛkn a, s'am ij ow eci danŋku; gbəkɔ ɛy eci danŋku ij a, ɛŋŋmn ebmn.

¹²Eke mi bi dad ɔny wus ec'ów a, úbmn'm nawrɛ; eke sica m'am dad ɔny Afr ec'ów, ke ayaf b'ow ubr'm nawrɛ ab ee?

¹³ɛŋŋ kaka uyum afr ek'ow elm ɛŋŋ ec'Iy sɔny cɛ ek'aŋŋ afr us es a!

¹⁴ɛsɛ elɛl eke Mois oc lowi em lorŋŋ ucu likŋ k'igbl ogŋ loj a, ɛbɛn ow it eke wɛl k'igbl ɛŋŋ ec'Iy yɛji ogŋ,

¹⁵yec'ɛtŋ ke ɛŋŋ kaka feŋ eke b'ow ub'r nawrɛ a, ɛŋŋ sel ek'ɔnym uwr.

¹⁶Tasi em a, Nyam erur wus ec'aŋŋ a afŋŋ es toŋ n'ɔŋ wɛl in ec'Iy ekpɔbi a, yec'ɛtŋ ke ɛŋŋ kaka feŋ ek'ɔny ɔmn in em a k'úwm, kɔ ke n'ɛŋŋ sel ek'ɔnym uwr.

17Tasi em a, Nyam ɔɔm in ec'Iy owm wus ec'agɲ ogɲ eke li k'ɔb wɛl low, kɔ ke Jim em a, li sɔg wɛl.

18Egɲ ek'ub Iy a nawrɛ a, Nyam k'ow ɔbm'n low; gbɛkɔ egɲ ek'ubm nawrɛ a, ke Nyam ɔb'r low ŋ, aɲke l'ubm Nyam ec'Iy ekpɔbi a nawrɛ.

19Sica kin elel eke low ɔb a b'ɛcr: usuayl ow wus ec'agɲ ogɲ, ɛtɲ agɲ erur ncebn akm usuayl aɲke -li bi kok ów ɛɲɲ.

20Egɲ kaka fɛɲ ek'am kok low ɲɲ a, ɔny usuayl eci sifn ɛtɲ am kpab'r es lís, aɲke n'am uru eke in ec'ów ɛɲɲ a k'ok ɔkm usuayl em.

21Gbɛkɔ agɲ a eke bi kok Nyam ec'erur a, b'im titm usuayl, yec'ɛtɲ ke agɲ ékn senyn senyn eke el ec'ów a e kok a ɛcr Nyam em.»

Jesu lele Jan ab

22Sica eke ów amua ɛc a, Jesu lele in e jam ɛsɛl ab ab im Jude ec'ogog a. N'any yogɲ wɛl ab l'ok agɲ mij nuɲ sɛgɲ bɛb.

23Jan yeji, Ayinɔn a eke titm Salim a, n'am ok agɲ mij nuɲ aɲke yogɲ mij nɔnɔ anɲ. Agɲ am ow in ogɲ ok mij nuɲ.

24Ke wɛl k'elum Jan sobel em.

25Sica ów es atar ɛy Jan eci jam ɛsɛl bɛb lele Jwif nyam ab ec'araɲn, ów eke wɛl bi kok Nyam ec'any af sos ayal ec'a sosiɛm.

26-N'im -n'ɛɲn Jan ɛtɲ -n'am dad ow -l'ɛsɛ: «Low yɛgm agɲ ɛs, Jurɔn jam a ec'ɛgɲ a eke anɲ ɲ ab, ke ij in e ɔaɲku a, kɔ am ɔkn in e low ee? Aɲ! Sicaca em a, n'am ok agɲ mij nuɲ ɛtɲ agɲ a fɛɲ b'im am ékn'n!»

27Jan dad el nine: «Egɲ kaka k'ɔtum ɛɲnm low ec'abusu eke Afr ɔɔm'n.

28ɔtur eke ɔny obi yeji k'ijr ɔaɲku; mi dad m'ɛsɛ: “M'elm Mesi a, kɔ eke wɛl ikɲ anym ɛrm'm ɛɛ.”

29Mɛbi ɛs anake mɛbi lis b'el in ec'a; kɔ mɛbi ɛs e lawl a, mɛbi ɛs a e saw li b'any ke n'am iri ow e low; ɛtɲ eke li b'iri mɛbi ɛs a e lebl a, li b'any sos em iɲn em. Em eci sos em iɲn ab ana, ɛtɲ sicaca em a, ow iy neny fɛɲ.

30Ow it eke in ec'any gbɛl a ám agb, ke em ec'a ís es.

31Egɲ ek'el Afr ec'a, anɲ fɛɲ eci nuɲ af; egɲ ek'el wus ec'a el wus eci, ɛtɲ bi dad wus ec'ów. Egɲ ek'ow Afr eci nin em a, [anɲ fɛɲ eci nuɲ af;]

32li b'ij low eke l'ɛkn ke l'iri a eci ɔaɲku, kɔ egɲ égɲm in e ɔaɲku ij a ebm.

33Egɲ eke b'ɛgɲ in e ɔaɲku ij a eb a, am egɲ eb eke Nyam el low nenyɛmbri nyam.

34Egɲ eke Nyam ɛrm a bi dad Nyam ec'odad, aɲke Nyam b'ɛlu egɲ a in ec'Abɲ a nimum fɛɲ em.

35Nyam erur Iy a ɛtɲ n'ɔɲ ow abusu a fɛɲ.

³⁶Ɛḡḡ yec'eke ɔny ɔmn Iy ab ɛm a, ɛḡḡ sel ek'ɔnym uwr; ɛḡḡ eke bi yayr Iy a k'ow ɛḡḡḡ sel ikḡ na, ɛḡḡ li b'ow n'anḡ Nyam ec'erm bebl a ec'any af.»

Jan e lɛl 4

Jesu lele Samari yɔwi ab ab

¹⁻³Farisiel iri wɛl am dad eke Jesu am ɔḡ wɛl am ok aḡḡ mij nuḡ nɔnɔ akm Jan, ɛḡḡ n'am ɛḡḡ jam ɛsel yeji l'akm ow. (Tasi ɛm a, Jesu in obi l'okm ɛḡḡ kaka mij nuḡ, kɔ in e jam ɛsel anake am ok aḡḡ mij nuḡ a.) Eke Jesu iri ów amua eke wɛl am dad a, n'ḡḡḡḡ Jude ɛḡḡ l'ɛwl n'im Galile.

⁴Ke n'im a, ow it eke li k'ɛcr Samari wus af eci.

⁵L'ow li titm Samari eci baḡḡ nyam eke wɛl b'ɛḡḡ Sikar. Baḡḡ a titm Jakob ec'ɔgm a ek'ɔḡ jim Josef a.

⁶Yogḡ anake Jakob eci mijɔmu a anḡ a. Eke Jesu sos kikh es usu im ab ɛm a, li sig es mijɔmu a e saw. Ow ɔtu eke ki bebmn lɛḡḡ uyu nuḡ ab.

⁷Samari yɔwi nyam ow am aw mij, ɛḡḡ Jesu dad'r nine: «Yɔw na ee! Óḡ'm mij tɛl m'ɛḡḡ.»

⁸(Ke in e jam ɛsel a im baḡḡ a eke k'ɔl ob ij.)

⁹Samari yɔwi a dad Jesu nine: «Kɔ ḡ, eke el Jwif a, ayaf tasi ɛm eke m'el Samari yɔwi a, am sus tasi ibrm im mij eke k'ɛḡḡ ee?» (Tasi ɛm a, Samari eyḡ lele Jwifel ab neny ókrm af.)

¹⁰Jesu dad'r nine: «Blɛl uw Nyam ec'ob ap a, lele ɛḡḡ a ek'am ibrm'ḡ mij eke k'ɛḡḡ ab any ana, ke ḡ anake blɛl ɛwl ibrm'n mij eke k'ɛḡḡ, ke blɛl n'óḡ mij ɛwl mij a.»

¹¹Yɔw a ɔdu eb dad nine: «Ɛḡḡ ḡbɛl, mijɔmu a im ɛm, ɛḡḡ ɛmeny sonu yeji ɔnyam ab; bogḡ b'ow ɛḡḡ mij ɛwl mij ikḡ na ee?

¹²Mijɔmu na, ɛy lagḡ Jakob ɔḡ ɛy, in obi l'ɛḡḡ mij a, in ec'ey lele in e mɛbob ab yeji ɛḡḡ mij na. Kɔ am tutr eke aḡḡ akm Jakob ee?»

¹³Jesu dad'r nine: «Ɛḡḡ fɛḡ eke b'ow ɛḡḡ mij na a, ɛmeny mijamn b'ow ɔny'n;

¹⁴ḡbɛkɔ ɛḡḡ eke b'ow ɛḡḡ mij a eke m'ow m'ɔḡ'n a, mijamn k'ow ɔnym'n lɛḡḡ kaka. Mij a eke m'ow m'ɔḡ'n a b'ow ɛwl el mij ɛwl mij ek'ow ɛm sel ek'ɔnym uwr b'ow jɛjn ok ɔkm.»

¹⁵Yɔw a dad'r nine: «Ɛḡḡ ḡbɛl, ɔḡ'm mij ikḡ na yec'ɛḡḡ ke mijamn k'ɔnym im m'owm aḡa m'awm mij ij.»

¹⁶Jesu dad'r nine: «Ím ɛḡḡ acḡ ke ɛwl meny ow aḡa.»

¹⁷Yɔw a dad'r nine: «M'ɔnym igḡ.» Jesu dad'r nine: «Í e low ij eke dad ek'ɔnym igḡ a,

- 18 anke ikɛ anym ɔny eɣɛ yen, eɛɛ lɛɣɛ na em ec'egɛ a ek'in ab ir a yeji elm η ec'igɛ. Dad low nenyembri nyam.»
- 19 Eɛɛ yɔw a dad'r nine: «Eɣɛ gbɛl, m'am uw any eke η kokoba ɔb es.
- 20 Ey lagɛɛl Samari eyɛ igɛ Nyam nuɛ lafeny na af, eɛɛ ɔny Jwifel bi dadr eke yogɛ eke wel k'igɛ Nyam nuɛ a el Jerusalem.»
- 21 Jesu dad'r nine: «Yɔw, ùb'm nawrɛ: lɛɣɛ am ow eɛɛ yogɛ eke b'ow igɛɛ Es Nyam nuɛ a, ow k'ow elm lafeny na af, ow k'ow elm Jerusalem yeji.
- 22 ɔny, Samari eyɛ, ɔny e Nyam eke b'igɛɛ nuɛ a, uwmn in any; ey Jwifel, ey ec'a eke si b'igɛ nuɛ a, s'uw'r any, anke Jwifel em es eb elu anɛ ow.
- 23 Lɛɣɛ am ow, eɛɛ lɛɣɛ a ow yej'ɛ, yogɛ, Nyam nuɛ igɛ esɛl tasi a b'ow igɛ Es nuɛ abɛ em, esɛ elɛl eke Jim elu'l ɔkm ab af; tasi em a, Nyam nuɛ igɛ esɛl amua anake Es am ɔl es a.
- 24 Nyam el abɛ, ow sosiem aɣɛ a eke k'igɛ'n nuɛ a, -l'it eke -li k'igɛ ow nuɛ abɛ em esɛ elɛl eke Jim elu'l ɔkm ab af.»
- 25 Yɔw a dad'r nine: «M'uw any eke Mesi a b'ow ow. (Mesi a ow e nyandre el Krist.) Lɛɣɛ a eke li b'ow l'ow a, li b'ow l'otar ów a fɛɛ akr l'ok ey.»
- 26 Jesu dad'r nine: «Em eke m'am dad'ɛ odad a, em ana.»
- 27 Eɛɛ wanci ab af, Jesu eci jam esɛl a ewl ow, eɛɛ -n'ɛɛan ow eke ow am dad odad yɔw ab; eke -l'ɛkan ow a, ow e low iti el any. Gbɛkɔ el em ec'egɛ kaka ɔtum ibram'n low esmɛ: «Kɔ bla am ɔl ee? Kɔ bla eɛɛ am dad ów in ab ee?»
- 28 Yɔw a ew in e mijɛl a es yogɛ, eɛɛ l'ewl n'im baɛɛ a, n'am dad aɣɛ l'esɛ:
- 29 «Òwr ekan eɣɛ eke dad'm em e low fɛɛ eke mi kok a. Kɔ ow k'elm Mesi ab ee?»
- 30 Aɣɛ a ok ɔkm baɛɛ a eɛɛ aam yogɛ a eke Jesu anɛ a.
- 31 Ke ow eci wanci ab af, jam esɛl a am ηɔɛɛ Jesu esɛ: «Eɣɛ gbɛl, ij ob tɛl ɔ!»
- 32 Kɔ li dad wel nine: «M'ɔny ob ij eke uwmn any.»
- 33 Jam esɛl a am bibrmn in el ɔfr esɛ: «Kɔ eɣɛ ka k'is'r ob ij ee?»
- 34 Jesu dad el nine: «Eke mi kok eɣɛ a ek'erm'm a ec'erur, eɛɛ m'umar juma a eke l'abul'm a, ke em ec'ob ij ab ana.
- 35 ɔny, b'ewal eɣb a, bi dadr esrɛ: “Emeny ow anɛ awl yar gbuɛ ke eɣb ub e lɛɣɛ bébmɛ ab.” Gbɛkɔ em, m'am dad ɔny eke ki lɛɛr sɔgm a senyn senyn: eɣb a ebl, ow bébmɛ ub ab!
- 36 Eɣɛ ek'am ub eɣb a, kɛkɛɛ b'ɛɛɛ in e labm sɔg a, eɛɛ li b'as eɣb a luku sel ek'ɔnym uwr eci; ow em a, eɣɛ ek'am ewl lele eɣɛ ek'am ub ab ab b'okr af kok sos em inɛ.
- 37 Eɛ, nyandre odad na ek'am dad esɛ: “Eɣɛ nyam b'ewl, ke eɣɛ eɛɛci nyam b'ub a,” el low nawrɛ.

³⁸Ɔgm nyam em eke kokmn juma a, m'erm ɔny immn ubr egb yogɔ; agɔ ejeci ikɔ anym kok juma yogɔ, etɔ ɔny eɔan gbre eke -l'ijr a e liy.»

³⁹Yɔw a dad Samari eyɔ a ninɛ: «Egɔ na dad'm low fɛɔ eke mi kok a.» Ow em a, agɔ a ub nawrɛ aɔke yɔw a dad el.

⁴⁰Ow sosiem, eke Samari eyɔ a im eɔn Jesu a, -ni ɔɔɔn ow ek'ow k'egɔ anɔ el ab; etɔ Jesu anɔ yogɔ sɛgɔ yony.

⁴¹Etɔ sica Jesu, in obi ec'odad eke n'am dad a sosiem, agɔ a ek'am ub'r nawrɛ a am eny afɔn es;

⁴²Etɔ -n'am dad yɔw a -l'ɛsɛ: «Sica ow elm ɔ ec'odad a eke dad a sosiem cɛ s'ubm nawrɛ ij, kɔ ey obi s'iri'r nenym, etɔ s'uw any eke l'el wus na ec'Es Eb Elu Es tasi.»

Jesu ewlm juma idr ɛs ligbɛl nyam ec'iy

⁴³Eke sica Jesu kok sɛgɔ yony usu a, l'igb yogɔ n'im Galile.

⁴⁴Tasi em a, in obi l'ikɔ anym li dad ninɛ: «Kokoba ɔb ɛs ɔnym any in ec'ɛb tasi ab em.»

⁴⁵Gbɛkɔ sica eke n'im l'ey Galile wus af a, yogɔ ec'agɔ a eb'r sɛnyn sɛnyn, aɔke agɔ amua yeji im Jerusalem Pak ec'es gbɛgbl ab em etɔ -l'ɛkn ɔw a fɛɔ eke Jesu kok es gbɛgbl a e legɔ a.

⁴⁶Sica emeny l'ɛwl l'ow Galile Kana baɔn, yogɔ a eke l'oc mij li kokr mar a. Ɛb ebu a eci juma idr ɛs ligbɛl a anɔ yogɔ. In ec'iy ek'anɔ Kapernayum a ɔl am ɔny.

⁴⁷Eke juma idr ɛs a iri eke Jesu anɔ Jude ow Galile a, n'im n'ɛɔn ow etɔ n'am ɔɔɔn ow ek'ow k'ow Kapernayum ewlm jim ek'am uw a.

⁴⁸Jesu dad'r ninɛ: «Ɔny gbɛ sɛgɔ fɛɔ, eke ɛknmn meny ɛwr lele ɔw any iti owi ab a, k'ɔtumn ubmn nawrɛ.»

⁴⁹Juma idr ɛs a dad'r ninɛ: «Egɔ gbɛl, ɔw em ogɔ a gbuɔ ke em ec'iy a úw.»

⁵⁰Jesu dad'r ninɛ: «Ɛwl im ɔ ogɔ a, kɔ ejimɔ sos ok es.» L'ub odad a eke Jesu dad'r a nawrɛ etɔ n'im gbuɔɔ.

⁵¹Eke kɛkɛɔ l'us ejagb n'aam a, in eci juma kok esɛl a ek'am us'r jam ow a ɔbr'r etɔ dad'r ninɛ: «Ejimɔ sos ok es!»

⁵²Kɛkɛɔ n'am ibrm wɛl wanci ab af eke in ec'iy a sos ok es a, etɔ -li dad ow ninɛ: «Efi ncebles eci wanci nyam em, legɔ na af anake lefr a oc'r es lis a.»

⁵³Odad a ok iy ɛs a es sos em ek'ow el wanci ab af a cɛ eke Jesu dad'r eke ejimɔ sos ok es a, etɔ in lele in ec'akɔ ab ab a fɛɔ -n'ɔny ɔmm Jesu em.

⁵⁴Sakp yony em e meny ɛwr eke Jesu kok, Jude eke n'anɔ n'im Galile ab ana.

Jan e lɛl 5

Jesu ewlm sos es wɛw ɛs nyam

¹Eke ów amua ec a, Jwifel am kok Nyam nun igh em ec'es gbegbl nyam Jerusalem, etj Jesu im yogj.

²Baɲn a e lakp a e lisany nyam eke wel b'esh Mceb e lisany a, ow e saw a usu nyam anj eke wel kok ok mij em, ke ony lef eb usu yen, usu a Ebre em wel b'esh'n Betesda.

³Yogj, ólu nono gbél ese ány eflu, akr kpece esél, lele sos es wew esél ab lèru es.

[4]

⁵Ólu nyam ek'anj ol em akpo likj lele lew lele niwn ab anj yogj.

⁶Eke Jesu ekn ólu a eke egjm es wus yogj, ke l'iri eke ow'n anj ol em legj kpekpe etj a, l'ibrm ow nine: «Kɔ erur eke k'ewl ee?»

⁷Li dad ow nine: «Egj gbél, em ec'a mij a b'umu a, m'onym egj eke k'onny elu'm em. Eke mi b'ol eke mi k'im m'ey mij ab em a, egj ejeci b'ec afj'm es ey em.»

⁸Li dad ow nine: «Ìgb, òc η eci ajraɲka a ke án es.»

⁹Kpekj ólu a ewl, l'oc in ec'ajraɲka a etj n'am an es. Ke low na, nenegj e legj ow am ey.

¹⁰Jwifel ec'es ewel a am ibrm egj a eke wel ewlm a ese: «Yefenyina nenegj e legj, abusu erum'j es eke k'oc η ec'ajraɲka onym ab.»

¹¹Li dad wel nine: «Egj a eke ewlm im a dad'm eke mi k'oc em ec'ajraɲka a ke m'án es.»

¹²Etj -l'ibrm ow nine: «Bwo ec'egj dad'j eke k'oc η ec'ajraɲka a ke án es ee?»

¹³Kɔ egj a uwm egj a ek'ewlm'n ab any, anke Jesu irm agj a ek'anj yogj ab em.

¹⁴Eke ow b'injn ebr a, Jesu ejn'n Nyamel gbél a e gbugj a etj dad'r nine: «Sica kin eke ewl. Kì kok sikpl ij bake éjn low eke agb akm na.»

¹⁵Ólu a im etj dad Jwifel ec'es ewel a ek'ow el Jesu anake ewlm'n a.

Iy lele Es el nyam

¹⁶Ow sosiem Jwifel a at ejn Jesu, low na eke li kok nenegj a eci.

¹⁷Gbekɔ Jesu dad el nine: «Segj fej em Es abu anj juma kok em etj em yeji abu anj'm juma kok em.»

¹⁸Odad na sosiem, sica emeny Jwifel ec'es ewel a am at tasi eke k'ibi Jesu anke ow elm nenegj ec'ol a eke l'ob es a ce, kɔ emeny n'am dad eke Nyam in el Es tasi. Na em a, n'am ocr in sosi ese Nyam af.

¹⁹Ow em a, Jesu ewl eb odad etj dad nine: «Ee, low nawre m'am dad ony: Iy k'otum kokm low kaka in obi em; yec'eke li b'ekn Es kok a, ow li bi kok. Tasi em a, low fej eke Es a bi kok a, low nyam coco a ce Iy a yeji bi kok,

- 20** anke Iy Es a b'erur Iy a etɛ li bi yegm ow in obi e low eke li bi kok a. Etɛ emeny li b'ow li yegm ow ów eke b'ow agb akm amua, etɛ ow b'ow iti ony any.
- 21** Tasi em a, ese elel eke Iy Es a b'igbm agɛ ek'uw a ke b'onɔ el sel a, eben nyam coco Iy a yeji b'onɔ egɛ eke li b'erur a sel.
- 22** Etɛ emeny egɛ feɛ e lís e jej ok owi a, Iy Es a ékɛm ow e low, kɔ n'onɔ Iy a jej ok owi ec'abusu a feɛ,
- 23** yec'etɛ ke agɛ a feɛ ony Iy a eci sos usr ese elel eke -li b'onɔ Iy Es a eci sos usr ab af. Egɛ yec'eke usrm Iy a sos a, usrm Iy Es a ek'erm'n a yeji sos.
- 24** Ee, low nawre m'am dad ony: egɛ kaka feɛ eke b'iri em e sodad a, ke b'ub egɛ a eke erm'm a nawre a, n'ehɛ sel ek'onym uwr ê. N'onym jej ok ij, etɛ ow onɔ l'ubr luw em l'ey owr anɛ em.
- 25** Ee, low nawre m'am dad ony: legɛ am ow, etɛ legɛ a l'ow yej'ê; legɛ na em agɛ ek'uw a b'ow iri Nyam ec'Iy e lebl, etɛ agɛ a eke b'ow iri lebl a, b'ow anɛ owr.
- 26** Eese elel eke tasi em a Iy Es a el sel e nuɛ a, eben nyam coco n'onɔ Iy a yeji abusu eke k'el sel e nuɛ.
- 27** Etɛ eke Iy a el egɛ ec'Iy a sosiem a, n'onɔ ow jej ok owi ec'abusu.
- 28** Ow k'iti ony any. Legɛ am ow, etɛ ow em, agɛ a feɛ ek'uw wel ot es a b'ow iri in e lebl,
- 29** etɛ egɛ egɛ b'ow anɛ uwomu em ey okm. Agɛ a eke kok ów amamn a b'ow igb ke êɛ sel, gbekɔ agɛ a eke kok ów enuɛ a, b'ow igb jej ok eci.
- 30** Em obi em, mi k'otum mi kokm low kaka feɛ. Nyam e low eke bi dad'm ab af mi bi jej egɛ e low m'ok, etɛ em e jej ok a el nawre, anke m'olm em e low eke m'am erur ab es, kɔ egɛ a eke erm'm a ec'a eke b'erur a, m'am ol es.»

Iy a ec'adanɔ

- 31** «Eke em, m'am ij em e nuɛ af e danɔ, liy k'ow anm em e danɔ ij ab em.
- 32** Kɔ egɛ ejeci anake am ij em e nuɛ af e danɔ a, etɛ m'uw any eke danɔ ij na el nawre.
- 33** Ony, ermɛ agɛ Jan ogɛ, etɛ l'ij low nenyembri nyam e danɔ.
- 34** Em, m'ibram eke egɛ k'ij em e nuɛ af e danɔ, kɔ m'am dad eben yec'etɛ ke Nyam sóg ony.
- 35** Jan ew ese kenie eke wel igɛ k'am iri ayal usu af, etɛ egɛ ebr kokr sos em iɛn in ec'usuayl ab ab wanci tel eci ce.
- 36** Kɔ em e danɔ ij a eke m'onɔ a, agb akm Jan ec'a: ów amua eke m'am kok a, amua tasi eke em Es onɔ'm eke mi ki kok a, am ij em e nuɛ af e danɔ, etɛ am yegm eke em Es erm'm.

³⁷Etɛ ɛm ɛs eke ɛrm'm a yeji am ij ɛm e nuɛ af e danɛku. Gbɛko tasi lɛɛɛn kaka irimn in e lebl etɛ ɛmeny lɛɛɛn kaka ɛknmn in ec'elel eke n'anɛn a.

³⁸In eci sodad a ɛrm ɔny ɛm, anɛke ɛbmn ɛɛn a eke l'ɛrm a nawrɛ.

³⁹Bi wewar Nyam e Silɛl a mɛwl ɛm eke k'uwɛr any, anɛke bi tutar eke k'ɛɛn sel ɛk'ɔnym uwr ɛl ɛm. Ke tasi ɛm a, sodad amua anake am ij ɛm e nuɛ af e danɛku a!

⁴⁰Etɛ ɛben yeji, ɛrurmn eke k'owɛr ɛm ogɛn ɛɛn sel tasi a ɛk'ɔnym uwr a.

⁴¹ɛm, m'ɔlm agɛn ec'es susm ab es.

⁴²Ko ɔny ec'a, m'uw ɔny any: m'uw any eke ɔnymn Nyam ec'erur.

⁴³M'ow ɛm ɛs e nin ɛm etɛ ɛɛnmn ebmn'm. Gbɛko ɛk'ɛɛn ɛjɛci nyam ow in obi e nin ɛm b'ow ebr ir!

⁴⁴B'erurir ɔny ɔfr ɛm ec'es susmnin owi, etɛ ɔlmn Nyam ɔny coco ogɛn ec'es susm owi ab es; ke ayaf ɔtur eke k'ubr'm nawrɛ ab ee?

⁴⁵ɛm ɛs ec'any af a, kɛ tutar eke m'ow m'ok ɔny ɔw af; ko Mois anake b'ow ok ɔny ɔw af a, in ɛm eke ocr ɔny ec'ɔmn a ɛlul a.

⁴⁶Tasi ɛm a, eke ubr Mois nawrɛ ke ɛm yeji b'ow ubr'm nawrɛ, anɛke ɛm e lɛs e low anake Mois non a.

⁴⁷Ko eke sica yec'a eke Mois non ɛm e lɛs a ubmn nawrɛ, ke ayaf ɔtur eke k'ubr ɛm e sodad a nawrɛ ee?»

Jan e lɛl 6

Jesu iyr agɛn ɛk'afɛn fandi yen es lok

Matie 14.13-21; Mark 6.30-44; Luk 9.10-17

¹Eke low na ɛc a, Jesu imn Galile ogog a e mij lekpl a eke wel b'ɛɛn Tiberiad yej'a e jam.

²Agɛn nono am us'r jam anɛke -n'am ɛkn mɛny ɛwr eke n'am kok ɔlu a ec'ewlm ɛm.

³Ow ɔn Jesu uyu ligigl nyam af etɛ sig es yogɛn jam ɛsel ab ab.

⁴Pak ɛk'el Jwifɛl ec'es gbɛɛbl a e lɛɛn titm.

⁵Eke Jesu b'igbl any ogɛn a, l'ɛkn agɛn nono ɛk'am ow in ogɛn, etɛ l'ibrm Filip nine: «Bogɛn s'ɔtu eke si k'ɔl futufutu s'ɔn agɛn a fɛn ij ee?»

⁶Tasi ɛm a, low a eke Jesu am ow kok a, in obi l'uw any, ko l'ibrm Filip low na eke li k'ɛbm ow a sosiɛm.

⁷Filip dad'r nine: «Eke ow el os ɛkɛn lɛw yeji, si k'ɔtum s'ɛɛnm futufutu ɛk'ɛɛn ɛɛn k'ɛɛn likpr liy nyam bɔbo yeji.»

⁸Andre, Simo Pier lisijim ɛk'el in e jam ɛsel ab ɛm ec'ɛɛn nyam a dad'r nine:

⁹«Aṅa, iyli nyam ɔnym futufutu yen lele ɔcn yony ab. Gbəkɔ na yeji ow elm low kaka agɲ bubute na ec'any af.»

¹⁰Etɲ Jesu dad nine: «Ōɲn agɲ a fɛɲ ok es.» (Ke usu a, suw owr anɲ nɔnɔ.) Sica el fɛɲ -l'ok es; -l'ɔtu eke -li k'ij egɲ fandi yen.

¹¹Jesu ot futufutu a, l'elu Nyam bia, etɲ n'ɔɲ wɛl cɛc ɔɲ agɲ a ek'ok es yogɲ a. Li kok ɛben ɔcn ab ab yeji, n'ɔɲ wɛl ow a fɛɲ eke -n'am ibrm a.

¹²Eke sica agɲ a fɛɲ ij ob lok iy a, Jesu dad in e jam ɛsɛl a nine: «Kɔkɲn ekpr a eke wawal es a yec'etɲ ke kaka k'iram.»

¹³-Li kɔkɲ futufutu yen a eke -l'ijr a ec'ekpr eke wawal es a, etɲ ow iy mulu ɛgbɛl lɛw yony.

¹⁴Eke agɲ a ɛkn meny ɛwr na eke Jesu kok a, -li dad nine: «ɛɲ na, Kokoba ɔb ɛs tasi a eke k'ow wus af aṅa ab ana.»

¹⁵Jesu uw any ek'agɲ a b'ow ɔny'n lɛc ɛm ɛw'r ɛb ebu. Ow sosiɛm ɛmeny l'ɛwl meny n'im ligigl ab af in ɔny.

Jesu am an es mij lekpl ab af

Matie 14.22-33; Mark 6.45-52

¹⁶Eke lɛɲ ew es a, Jesu e jam ɛsɛl a us nuɲ es mij neny a,

¹⁷etɲ ok mijetɲ nyam ɛm am ubr mij lekpl a imm Kapernayum eci. Lɛɲ yeji am ukm ab, etɲ Jesu yeji k'iim k'ɛɲnm ɛl.

¹⁸Lɛf am ɛlu lɛc ɛm etɲ mra am ɛlu mij lekpl ab af.

¹⁹-L'ɔr mij ba ow k'ij kilo yen oglog nɔhɔn etɲ kpɛkɲ -l'ɛkn Jesu ek'am an es mij ab af ow titm mijetɲ a, etɲ ɛrɲn am ɔny ɛl.

²⁰Gbəkɔ Jesu dad ɛl nine: «Erɲn k'ɔny ɔny, kɔ ɛm!»

²¹Jam ɛsɛl a erur eke k'ɔny ɛlu'l mijetɲ ab ɛm, etɲ kpɛkɲ mijetɲ a itr es yogɲ a eke -n'aam a e nanu a.

Agɲ am ɔl Jesu

²²Eke lɛɲ ɛny akr af a, agɲ a ek'anɲ mij lekpl a e jam a, ɛkn ek'ow ɛl mijetɲ nyam cɛ anake anɲ yogɲ ncebles ɛm a; -l'uw any eke jam ɛsɛl a im ɛl ɔny, eke Jesu ɛym ɛl e mijetɲ ab ɛm.

²³Gbəkɔ simijetɲ ɛjeci ek'anɲ Tiberiad am ow a, ow itr es usu a eke ɛs Kɔtɔkɔ ɔc futufutu ɛlu Nyam bia ke -l'ijr a.

²⁴Eke agɲ a ɛkn eke Jesu lele in e jam ɛsɛl ab ab anm yogɲ a, -l'ok simijetɲ ab ɛm -n'im Kapernayum -n'am ɔl Jesu.

Jesu ɛl futufutu eke b'ɔɲ ɛɲ sel

²⁵Etɲ eke -n'ɛɲan Jesu mij lekpl a e jam a, -n'am ibrm ow -l'ɛsɛ: «Low yɛgm agɲ ɛs, kɔ bogɲ eci wanci af etɲ ow aṅa ee?»

- 26 Jesu dad el nine: «Low nawre m'am dad ony: am ɔɔl'm ek'ijr futufutu molok iy ony a sosisem, kɔ ow elm em e meny ewr a e nyandre a eke irir a eci.
- 27 Kì kokr ob eke b'ugɲ es a e juma, kɔ kòkr yec'a eke b'ibn ke el sel ek'onym uwr a e juma. Eɲ ec'Iy b'ow ɔɲ ony ob ij ikɲ na, aɲke tasi em a, Es Nyam in obi oc in ec'abusu a e meny ewr a ew'r af.»
- 28 Etɲ sica -n'am ibrm ow -l'ese: «Kɔ juma a eke Nyam am erur a, ayaf si ki kokr ab ee?»
- 29 Jesu dad el nine: «Juma a eke Nyam am ibrm ony a el: ke ɔnyn ɔmn eɲ a eke l'erm ab em.»
- 30 -Li dad ow nine: «Bogɲ eci meny ewr ɔtu eke ki kok yegm ey ke ow af, s'úb'ɲ nawre ee? ɔ eci juma ek'am kok a el bogɲ ec'ee?
- 31 Loj yogɲ, ey lagɲel ij futufutu ese el el eke wel nɔn Nyam Lel em ab af: n'ɔɲ wel futufutu ek'anɲ afr ow a -l'ij.»
- 32 Etɲ Jesu dad el nine: «Low nawre, m'am dad ony: afr eci futufutu a, ow elm Mois ɔɔm ony, kɔ em Es anake ɔɲ ony afr eci futufutu tasi a.
- 33 Tasi em a, Nyam eci futufutu a eke b'ɔɲ eɲ a, el eɲ a eke b'anɲ afr ow, ke b'ɔɲ wus na nimum ec'agɲ a feɲ sel a.»
- 34 Etɲ -li dad ow nine: «Eɲ gbɛl, seɲɲ feɲ ɔɲ ey futufutu ikɲ na.»
- 35 Jesu dad el nine: «M'el sel e futufutu. Eɲ yec'eke b'ow ow em ogɲ a, leɲɲ kaka namn k'ow onym'n, etɲ eɲ yec'eke b'ow ony ɔmn em em a, leɲɲ kaka mijamn k'ow onym'n.
- 36 Gbɛkɔ m'ikɲ anym mi dad ony: ekan'm etɲ ubmn nawre.
- 37 Eɲɲ liy nyam nyam feɲ eke em Es b'ow ɔɲ'm a, b'ow ow em ogɲ, etɲ leɲɲ kaka mi k'ow m'ogɲm eɲ eke b'ow ow em ogɲ a,
- 38 aɲke m'anɲ afr m'ow wus af aɲa, ow elm em ec'erur kok eci, kɔ eɲ ek'erm'm a ec'erur mi ki kok.
- 39 Etɲ kin eɲ a ek'erm'm a e low ek'am erur: ke mi k'írmnm agɲ a feɲ a eke l'abul'm a e nyam, kɔ ke leɲɲ es abal el em a, m'ígɛm el luw em.
- 40 Eɛ, tasi em a, kin low ek'em Es am erur: ke agɲ a feɲ ek'ekn Iy a ke ɔny ɔmn in em a, éɲn sel ek'onym uwr, ke leɲɲ es abal el em a, m'ígɛm el luw em.»
- 41 Jwifel a am eny abr ok Jesu af aɲke li dad nine: «M'el futufutu ek'anɲ afr us es.»
- 42 Ow sosisem -n'am dad -l'ese: «Kɔ ow elm Josef jim Jesu ee? Es lele lis ab a, s'uw el any senyn senyn. Ke sica ayaf l'ɔtu eke li ki dad l'ese: “M'anɲ afr m'us es” ee?»
- 43 Jesu dad el nine: «K'ènyɲn abr ɔɲ ɔfr em ɔ!

- 44 Ɛgɛ kaka k'otum owm em ogɛ eke em Ɛs ek'erm'm a nyimnm'n; ke sica em, lɛgɛ es abal el em a, m'igbm'n luw em.
- 45 Kokoba ob esel e silel ab em e nyam em wɛl non: Nyam b'ow yɛgm el fɛɛ low any uw. Ɛgɛ fɛɛ ek'iri em Ɛs ec'odad ke ɛgɛ in e low yɛgm a e low eb a, ke em ogɛ n'am ow a.
- 46 Ow elm ke ɛgɛ ɛkn em Ɛs nyamn em; ɛgɛ a cɛ eke Nyam erm a cɛ ɛkn Ɛs.
- 47 Low nawrɛ m'am dad ony: ɛgɛ ek'onny onm em em a, ony sel ek'onny uw.
- 48 Em anake m'el futufutu a eke b'onny ɛgɛ sel a.
- 49 Ke loj yogɛ ony lagɛl ij futufutu cɛ ɛtɛ -l'uw.
- 50 Gbɛko futufutu a ek'anɛ afr us es a, el futufutu ek'ɛgɛ b'ij ke úwm.
- 51 Em, m'el owr anɛ eci futufutu ek'anɛ afr us es. Ɛgɛ yec'eke b'ow ij futufutu ikɛ na a, b'ow ɛɛn sel sɛgɛ fɛɛ. Futufutu a eke m'am onny a, ke em eci sos megl ana; m'am oc m'onny ony yec'ɛtɛ ke wus nimum ɛɛn sel.»
- 52 Ow sosiem, Jwifel a el ofr em am atar ów es lebl tuotuo em dad ɛsɛ: «Kɔ ayaf ɛgɛ na k'onny ɛy in eci sos megl a s'ij ee?»
- 53 Jesu dad el nine: «Low nawrɛ m'am dad ony: eke ijmn ɛgɛ ec'Iy eci sos megl, ɛtɛ ɛgɛmn in eci mebl a, sel ɛɛn k'ow anm onny em.
- 54 Ɛgɛ yec'eke b'ow ij em eci sos megl ke b'ow ɛgɛ em eci mebl a onny sel ek'onny uw, ɛtɛ lɛgɛ es abal el em, m'ow m'igbm'n luw em;
- 55 anke em eci sos megl a el ob ij tasi, ɛtɛ em eci mebl a el mar tasi eke wɛl b'ɛgɛ.
- 56 Ɛgɛ yec'eke b'ij em eci sos megl a, ke b'ɛgɛ em eci mebl a okr af em ab, ɛtɛ em yeji in yony s'okr af.
- 57 Em Ɛs ek'erm'm a anɛ owr ɛtɛ in em, em yeji m'anɛ owr; ɛben nyam coco, ɛgɛ yec'eke b'ow oc'm gbagbal in sosi a, b'ow anɛ owr em em.
- 58 Futufutu a ek'anɛ afr us es a, in ec'elel eke n'anɛ ana. N'anm ɛsɛ yec'a ek'onny lagɛl ikɛ anym ij ke uw ab af. Gbɛko ɛgɛ eke b'ow ij futufutu na a, b'ow anɛ owr sɛgɛ fɛɛ.»
- 59 Ke Kapernayum eci Nyam nuɛ igɛ usu a eke n'anɛ n'am yɛgm agɛ low a anake n'am dad sodad amua a.

Jam ɛsɛl bɛb igɛ Jesu ɛlu es

- 60 Eke -l'irir Jesu ec'odad a bake ow uw a, jam ɛsɛl ab em ec'agɛ nono am dad ɛsɛ: «Sica anɛ ow am ɛw low agbr em! Bwo ec'ɛgɛ otu eke k'ɛgɛ odad tuotuo na e low eb ee?»
- 61 Jesu uw any eke jam ɛsɛl a am cacak'r odad na af. Na sosiem anake n'am dad wɛl l'ɛsɛ: «Kɔ low na gbɛ ow am ijr onny ee?»

⁶²Kɔ sica læŋ eke b'ow ekan eŋ ec'Iy uyu im yogŋ a eke l'ikŋ anym n'anŋ l'ow a, ke ayaf ow b'ow kokr ɔny ab ee?

⁶³Nyam ec'Abŋ a anake b'ɔŋ eŋ sel a; sos meŋl sɔny ɔnym low kaka ec'abusu. Sodad a eke mi dad ɔny a el abŋ lele sel ab.

⁶⁴Gbəkɔ ɔny em ec'agŋ nyam nyam ubm nawrɛ.» (Ke tasi em a, nuŋ ɔb em etŋ, Jesu uw agŋ a ek'ubm nawrɛ ab any, etŋ l'uw eŋ a eke b'ow ɔl ij'r ab any.)

⁶⁵L'igŋ af li dad nine: «Na sosiem anake mi dad ɔny, eke eŋ kaka k'ɔtum owm em ogŋ eke Nyam ɔm'n ow ec'abusu.»

⁶⁶Ow eci wanci ab af, jam esel nɔnɔ ocr sos es etŋ eŋm usm'n jam ij.

⁶⁷Jesu am dad jam esel læw yony a esɛ: «ɔny yeji erurir eke k'imn ee?»

⁶⁸Simɔ Pier dad'r nine: «Eŋ gbɛl, kɔ bwo ec'eŋ ogŋ si k'im ee? Ɔ ɔny sodad eke b'ɔŋ eŋ sel ek'ɔnym uwr a.

⁶⁹S'uw any etŋ s'ub nawrɛ: ŋ el Eŋ Lala eke Nyam erm ow.»

⁷⁰Jesu dad el nine: «Kɔ ow elm ɔny læw yony mum mi sɔsuam m'otm ɔny ee? Gbəkɔ ɔny em ec'eŋ nyam el agn!»

⁷¹Ke Judas, Simɔ Iskariot iy a ec'iy ec'odad Jesu am dad, aŋke Judas, eke l'el jam esel læw yony ab em ec'eŋ yeji, li b'ow l'ɔl Jesu l'ij.

Jan e læl 7

Jesu lisijimɛl úbm Jesu nawrɛ

¹Ów amua e jam a, Jesu am ec elul Galile em; l'erurm eke li k'im Jude aŋke Jwifel ec'es ew esel a am ɔl eke k'ɔŋ wɛl ibi'r.

²Jwifel eci Mɛf ec'es gbɛgbl e læŋ ow titm,

³etŋ Jesu lisijimɛl am dad'r esɛ: «ǀgb im Jude yec'etŋ ke ŋ e jam esel a yeji ékn ów a eke am kok a.

⁴Eŋ ek'am erur eke k'il nin a, ɔtum kokm low es lɔl em. Esɛ elɛl eke am kok ów amua ab af a, èlu sos ɔkm yec'etŋ ke agŋ ékn'ŋ.»

⁵Tasi em a, lisijimɛl bɔbɔ yeji ɔnym ɔmn in em.

⁶Jesu dad el nine: «Em ec'es gbɛgbl em a eke mi k'im a e læŋ tasi ki bɛbmnm ab. ɔny ec'a, sɛŋ a fɛŋ akpl.

⁷ɔny, wus ec'agŋ k'ɔtum ɔnym ɔny e sifn; gbəkɔ em, -n'ɔny em e sifn aŋke mi bi dad el eci ów eŋuŋ a eke -li bi kok a ec'odad.

⁸ɔny, imn es gbɛgbl ab em. Em mi k'owm ye aŋke em ec'a, ow ki bɛbmnm ab.»

⁹Eke li dad odad na bake ow uwr a, in gbɛ n'anŋ Galile.

Jesu im Mɛf ec'es gbɛgbl ab em

10Eke lisijimel a im es gbegbl ab em a, Jesu yeji im, gbeko l'elum sos okm ek'agn k'ekn'n: ow ew es lol em.

11Jwifel ec'es ew esel a am ol'l es gbegbl ab em etj am ibrm agn ese: «Kɔ bogɔ n'anɔ ee?»

12Bieku ab em, wel am sesl ów nɔnɔ in e nuɔ af. Beb am dad ese: «L'el nimamn kok es.» Etj likpr am dad ese: «Njan, li b'irmn agn.»

13Gbeko egɔ kaka elum sos okm dadm in ec'odad anke el feɔ -n'am uru Jwifel ec'es ew esel a.

14Es gbegbl a ok araɔn, etj ca Jesu ow ey Nyamel gbɛl a e gbugɔ a etj am yegm agn low.

15Jwifel a low iti any etj am dad ese: «Egɔ na eke wewrm low yej'a, ayaf li b'otu l'uw ów amua any ee?»

16Jesu dad el ninɛ: «Low a eke mi bi yegm agn a ánm em em owm, kɔ Nyam ek'erm'm a ogɔ ow b'anɔ ow.

17Eke egɔ am erur eke ki kok Nyam ec'erur a, li b'ow l'uw any eke em e low yegm a b'anɔ Nyam em ow, oglog em obi em.

18Egɔ eke bi dad in obi e nin em ec'odad a, b'ol in obi ec'any gbɛl es. Gbeko egɔ eke am kok juma ol egɔ a ek'erm'n a ec'any gbɛl es a am dad low nenyembri nyam; yadɔ owi kaka anm in em.

19Kɔ bla etj am ol eke k'ibir'm ee? Mois ɔɔm ɔny ol a ee? Gbeko ɔny em ec'egɔ kaka ánm es ol ab af.»

20Agɔ a dad'r ninɛ: «Abɔ ɔny anɔ'ɔ em tasi, kɔ bwo am ol eke k'ibi'ɔ ee?»

21Jesu dad el ninɛ: «Meny ewr nyam ce mi kok, etj kin eke ɔny feɔ low a am iti ɔny any!

22Mois ɔɔn abusu eke wel k'ubr agɔ likr es, etj egɔn ow e kok e low ebr nenegɔ e legɔ yeji. (Ke tasi em a, low na anm Mois em owm, kɔ lagɔl krekre ab em ow anɔ ow.)

23Eke wel b'ubr egɔ likr es nenegɔ e legɔ etj ow ónym Mois ec'ol a ocm es, ke sica bla sosiem etj am ebal erm okr'm af, egɔ nimum eke m'ewlm nenegɔ e legɔ ab ee?

24Èwr ɔny e sos af e jej ok ab es, kɔ jèjr okr low nenyembri nyam em.»

Kɔ Jesu Mesi ee?

25Agɔ a ek'ir Jerusalem a eci beb am dad ese: «Kɔ ow elm egɔ a eke wel am ol eke k'ibi ab ana ee?

26Èkan, n'am dad odad dedeku ec'any af etj wel ɔbm kpu yeji ɔɔm'n! Kɔ ey ec'es ewel a k'uw any egɔ eb tasi eke l'el Mesi ab ee?

²⁷Gbeko legɲ a eke Mesi a b'ow ow a, egɲ kaka k'ow uwm yogɲ eke li b'ow n'anɲ l'ow ab any, ko egɲ na ec'a, s'uw yogɲ eke n'anɲ l'ow ab any.»

²⁸Jesu ek'anɲ Nyamel gbɛl a e gbugɲ a am yegm agɲ low a, igbl lebl ogɲ dad ninɛ: «Uwr egɲ a tasi eke m'el ab any, etɲ uwr yogɲ eke m'anɲ m'ow ab any ee? Ow elm em obi em m'owm, ko egɲ a ek'erm'm a el nenyembri nyam es, ko uwmn in any.

²⁹Em, m'uw'r any anke in ogɲ m'anɲ m'ow etɲ in l'erm'm yeji.»

³⁰Ow sosiem, -n'am ol eke -li k'onɲ Jesu, ko egɲ otum onym'n, anke in e wanci a ki bebmm ab.

³¹Gbeko dedeku ab em, agɲ nono ub'r nawrɛ etɲ am dad esɛ: «Legɲ a eke Mesi a b'ow ow a, ko li b'ow li kok meny ewr l'akm egɲ na ec'ab ee?»

Wɛl erm usu osu esɛl ow Jesu ec'onɲ em

³²Farisiel a iri Jesu e lís ec'ow eke bieku ab em wɛl am dad ow sɛsl em. Ow sosiem, egb waw esɛl egbɛl a lele Farisiel ab ab erm usu osu esɛl eke k'im onɲ'n.

³³Jesu dad ninɛ: «Emeny m'anɲ onɲ ab legɲ tɛl eci gbuɲ ke m'ɛwl m'im egɲ a ek'erm'm a ogɲ.

³⁴B'ow ɔl'm etɲ k'ow eɲnmn'm, anke k'ow otumn iimn yogɲ a eke m'ow m'anɲ a.»

³⁵Jwifɛl a am ibrmn el sosi esɛ: «Ko bogɲ li b'ow n'im etɲ si k'ow s'otum s'eɲnm'n ee? Ko tutr n'onɲ eke li k'im Jwifɛl a eke momun es agɲ a ek'elm Jwifɛl a ogɲ ee? L'erur eke li k'im li yegm agɲ ek'elm Jwifɛl a low ee?

³⁶Sodad amua eke li dad: “B'ow ɔl'm etɲ k'ow eɲnmn'm, k'ow otumn iimn yogɲ a eke m'ow m'anɲ a” e nyandre el bogɲ ec'ee?»

Mij ewl mij

³⁷Es gbɛgbl a e legɲ es abal el a, el es gbɛgbl a eci legɲ ligbɛl. Ow e legɲ a, Jesu igb inym es etɲ igbl lebl ogɲ dad ninɛ: «Eke egɲ mij amn am onɲ, l'ow em ogɲ ke l'égɲ mij.

³⁸Egɲ eke b'ow ub'm nawrɛ a, mij ewl mij b'ow ewl'l erm em ok okm esɛ elɛl eke Nyam Lɛl dad ab af.»

³⁹Jesu am dad ebɛn yegm Abɲ Lala a eke agɲ a ek'onɲ onn in em a k'eɲn a ec'odad. Tasi em a, legɲ ab em, wɛl k'eɲnm Abɲ Lala anke Jesu k'eym anygbɛl em.

Dedeku a ubr em Jesu sosiem

⁴⁰Sica eke dedeku ab em ec'agɲ iri sodad amua a, nyam nyam am dad esɛ: «Egɲ na Kokoba ob es a tasi ana!»

⁴¹Beb am dad esɛ: «Mesi ab ana!» Etɲ likpr am dad esɛ: «Ko Mesi a gbɛ otu eke k'anɲ Galile ow ee?

⁴²Ko Nyam Lɛl dadm eke Mesi a b'ow el David e bosu em ec'egɲ eke b'ow anɲ Betlehem, David e baɲn a ow ee?»

⁴³Jesu sosiem dedeku a ubr em.

⁴⁴Agɲ nyam nyam erur eke wɛl k'ɔny'n, gbɛkɔ ɛɲ kaka ɛwm'n abu af.

Jwifɛl eci nawrɛ ubm

⁴⁵Usu ɔsu ɛsɛl a ɛwl mɛny im ɛgb waw ɛsɛl ɛgbɛl a lele Farisiɛl ab ab ogɲ, ɛtɲ wɛl am ibrm ɛl ɛsɛ: «Kɔ bla sosiem ɛtɲ ocmn Jesu ab owmn ee?»

⁴⁶Usu ɔsu ɛsɛl a dad ninɛ: «Lɛɲ kaka ɛɲ dadm odad ɛsɛ in ec'ab af!»

⁴⁷Farisiɛl a am ibrm ɛl ɛsɛ: «ɔny yeji, yebr l'ɛju ɔny ee?»

⁴⁸Kɔ es ɛw ɛsɛl ab em ec'ɛɲ nyam oglog Farisiɛl em ec'ɛɲ nyam ub'r nawrɛ ee?

⁴⁹Dedeku a ek'ub'r nawrɛ a uwm ol ab any, -l'el agɲ eke wɛl ofn!»

⁵⁰Nikodem eke lɛɲ ek'ɛc ab em im ɛkn Jesu a, el Farisiɛl ab em ec'ɛɲ ek'anɲ low ab em. N'am dad wɛl l'ɛsɛ:

⁵¹«Kɔ ɛy ec'ol a b'ɔb ɛɲ low eke wɛl irim'n nenym oglog wɛl uwm low a eke li kok ab any ee?»

⁵²-Li dad ow ninɛ: «D yeji, kɔ Galile iy el ee? Àpl Nyam e Silɛl ab em b'ow ɛkn eke lɛɲ kaka kokoba ɔb ɛs ánm Galile owm.»

[⁵³ɛtɲ ɛɲ ɛɲ eb ɛjagb im gbugɲ.]

Jan e lɛl 8

Facyɔw a e low

¹[Kɔ Jesu gbɛ im Olivie lafɛny af.

²Eke lɛɲ ɛny akr af a, ibribr fafa em a, l'ɛwl mɛny l'ow Nyamel gbɛl a e gbugɲ a ɛtɲ agɲ a fɛɲ ow ɛɲn'n. Li sig es ɛtɲ n'am yɛgm wɛl low.

³Ol e low yɛgm ɛsɛl lele Farisiɛl ab oc yɔw nyam eke wɛl okr es nfaci ɔkr em a is'r. - N'ɔny -n'inymn ow es dedeku a fɛɲ ec'any af

⁴ɛtɲ -li dad Jesu ninɛ: «Low yɛgm agɲ ɛs, wɛl okr yɔw na es nfaci ɔkr em.

⁵Mois dad ɛy ol ab em eke ɔyɔw nɛnɛ a, wɛl k'ɔr ɛl mebn em ibi ɛl. Kɔ ɲ b'ɛsɛ ayaf ee?»

⁶-N'am dad ɛbɛn -l'uk ow meb yec'ɛtɲ ke -l'ɔtu -l'ok ow ów af. Gbɛkɔ Jesu is any es ɛtɲ am nɔn wus abuli em.

⁷Eke -n'am at -l'ibrm ow l'ow a, Jesu igbl sos ogɲ ɛtɲ dad ɛl ninɛ: «Ke ɔny em ec'ɛɲ nyam eke lɛɲ kaka kokm sikpl a, íkɲ anym ɔwl'l lebn krɛkrɛ.»

⁸Emɛny l'ɛwl l'is any es ɛtɲ n'am nɔn wus.

⁹Eke -l'irir ów amua a, -n'im nyam nyam, ow ɔb nuɲ agɲ ɛgbɛl ab em toɲ batɲ Jesu anɲ in sɔny, yɔw a eke inym'n es any af ab ab.

¹⁰Jesu ewl igbl sos ogɲ etɲ dad'r ninɛ: «Sica yow, bogɲ agɲ a im ee? Kɔ ɛɲ kaka dadm ɲ ec'ibi e low ee?»

¹¹Li dad ninɛ: «Low yegm agɲ ɛs, ɛɲ kaka dadm em ec'ibi e low.» Jesu dad'r ninɛ: «Em yeji mi dadm ɲ ec'ibi owi. Otu eke k'im, gbekɔ jam ki kok sikpl ij.»]

Jesu eci danɲu ij a el nawrɛ

¹²Emeny Jesu am dad dedeku a ɛsɛ: «M'el wus nimum ec'usuayl. ɛɲ eke b'ow us'm jam a, b'ow ɛɲn owr anɲ eci usuayl etɲ lɛɲ kaka li k'ow n'anm es ncebn em.»

¹³Farisiel a dad'r ninɛ: «ɔ, am ij ɲ obi e danɲu; ɲ e danɲu ij na onym any.»

¹⁴Jesu dad el ninɛ: «Eke m'am ij em obi e danɲu yeji, em e danɲu ij a el nawrɛ, anɲke m'uw yogɲ eke m'anɲ m'ow ab any etɲ m'uw yogɲ eke m'aam ab any; kɔ ony, uwmn yogɲ eke m'anɲ m'ow ab any, etɲ yogɲ eke m'aam a yeji uwmn any.

¹⁵Ony, bi jejr okr agɲ em eci; em, mi jéjm ɛɲ e low m'okm ɛben.

¹⁶Etɲ eke batɲ mi jej low m'ok, ke em e jej ok a b'el neny nyam em eci, anɲke mi jéjm m'okm em sony, kɔ em ɛs eke erm'm a b'anɲ em ab.

¹⁷Ony ec'ol ab em wɛl non: ek'agɲ yony neny okr af danɲu ij nyam em, ke danɲu ij ek'el nawrɛ ana.

¹⁸M'am ij em obi e danɲu etɲ em ɛs ek'erm'm a yeji am ij em e danɲu.»

¹⁹-N'am ibrm ow -l'ɛsɛ: «Kɔ bogɲ asɲ a ee?» Jesu dad el ninɛ: «Uwmn'm any, uwmn em ɛs yej'any. Blel uwr'm any, ke blel úwr em ɛs yej'any.»

²⁰N'am dad sodad amua Nyamel gbɛl a e gbugɲ a, eke n'anɲ n'am yegm agɲ low a, yogɲ a eke kɔprɔ ebr mob anɲ a. Etɲ ɛɲ kaka ɛdɲnm'n anɲke in e wanci a k'owm.

Yogɲ a eke m'aam a, k'otumn iimn yogɲ

²¹Emeny Jesu am dad el ɛsɛ: «M'ow m'im; b'ow ɔɔl'm gbekɔ b'ow uwr ony e sikpl ab em. K'otumn iimn yogɲ a eke m'aam a.»

²²Jwifɛl a am dadarir el ɔfr ɛsɛ: «Eke n'am dad l'ɛsɛ ɛs k'otum ɛs iim yogɲ a eke in aam a, kɔ emn n'am ow n'im l'ɛdɲ ee?»

²³Jesu dad el ninɛ: «Ony wus ec'agɲ, kɔ em afr m'anɲ m'ow. Ony eel wus na eci, kɔ em m'elm wus na eci.

²⁴Na sosiem anake mi dad ony eke b'ow uwr ony e sikpl ab em a. Tasi em a, eke ubmn nawrɛ eke «Em, anɲ anɲ» b'ow uwr ony e sikpl ab em.»

²⁵-N'am ibrm ow -l'ɛsɛ: «Ke ɲ bwo el ɲ ee?» Jesu dad el ninɛ: «In a eke mi dad ony in e low nuɲ ɔb em etɲ a.

²⁶Ony e lís a, m'onny ów nonɔ eke mi ki dad ke mi jéj m'ok yeji. Gbekɔ ɛɲ a ek'erm'm m'ow a el neny nyam ɛs, yec'a eke mi wewr in e lís a, m'am ɔb ow ec'amani m'ok ony ek'eel wus ec'agɲ a.»

27-L'irim eke ow el Es ec'odad eke n'am dad wɛl a.

28Etɛ Jesu dad el nine: «Lɛgɛ a eke b'ow igbal ɛgɛ ec'Iy ogɛ a, b'ow uwr any eke “Em, anɛ anɛ”; b'ow uwr any yɛj'eke mi kókm low kaka em obi em: yec'a cɛ eke em Es yɛgm'm a e low cɛ mi bi dad.

29ɛgɛ a ek'erm'm a anɛ em ab; l'élum im es em sɔny anke sɛgɛ fɛɛ mi bi kok low yec'a eke li b'erur a.»

30Eke Jesu am dad ɛbɛn a, agɛ nɔnɔ ub'r nawrɛ.

Ewi lele madu ab

31Jesu am dad Jwifel a ek'ub'r nawrɛ a ɛsɛ: «Eke b'inymn es em e sodad ab af a, b'ow eel em e jam ɛsɛl tasi;

32af yogɛ b'ow uwr low nenyembri nyam any ɛtɛ low nenyembri nyam a b'ow ɔɛ ɔny eel ewi.»

33-L'odu -l'eb -li dad ow nine: «Ey, Abraham ec'alaw; lɛgɛ kaka s'elm ɛgɛ kaka e madu. Ayaf ɔtu eke ki dad ɛy ɛsɛ si b'ow s'el ewi ee?»

34Jesu dad el nine: «Eɛ, low nawrɛ m'am dad ɔny: ɛgɛ fɛɛ ek'am kok sikpl a, el sikpl ec'adu.

35Adu élum akɛ a ec'ɛgɛ sɛgɛ fɛɛ eci; kɔ iy ec'a, sɛgɛ a fɛɛ li b'el akɛ a ec'ɛgɛ.

36Eke Iy a bi sɔg ɔny, b'ow eel ewi tasi.

37M'uw any eke eel Abraham ec'alaw; gbɛkɔ am ɔɔl eke k'ibir'm, anke em e sodad a anm ɔny erm em.

38Em, m'am dad low yec'a eke m'ekn em Es ogɛ a, kɔ ɔny, am kokr low yec'a eke ɔny ɛs dad ɔny a.»

39-L'eb ow odad nenym nine: «Ey ɛs a, Abraham.» Jesu dad el nine: «Blɛl eel Abraham ec'ey tasi ana, ke blɛl kókr ów eke li kok a.

40Mi dad ɔny low nawrɛ a eke m'uw any Nyam e lís a, ɛtɛ am ɔɔl eke k'ibir'm. Lɛgɛ kaka Abraham kokm low nɛnɛ!

41ɔny, bi kokr ów nyam a cɛ ɛsɛ ɔny ɛs af.» -L'odu -l'eb li dad ow nine: «Ey s'elm ɛgɛ ot iy. S'ony ɛy ɛs nyam coco, in l'el Nyam.»

42Jesu dad el nine: «Blɛl Nyam el ɔny ɛs ana, ke blɛl éurir'm, anke Nyam ogɛ m'anɛ m'ow, ɛtɛ m'anɛ aɛa in e nin em. Ow elm em obi em m'owm, kɔ in l'erm'm.

43Bla sɔsiem ɛtɛ ótumn irimn odad a eke mi bi dad ab ee? Anke ijmn em e sodad a ec'iri e lɛc.

44ɔny ɛs a el agn, ɛtɛ b'erurir eke ki kokr low yec'a eke ɔny ɛs b'erur a. Nuɛ ɔb em ɛtɛ l'el ɛgɛ ibiu. Lɛgɛ kaka n'anm low nenyembri nyam owi em, anke low nenyembri

nyam anm in em. Eke li b'ony yadη, ke in ec'elel eke n'anηn ke ecm'n ab a ana, anke l'el yadηu etη l'el yadη ec'es.

⁴⁵Gbeko em ec'a, low nawre eke mi bi dad a sosiem anake ubmn'm nawre a.

⁴⁶Ony em anη, bwo ec'egη otu eke ki dad elu okm eke mi kok sikpl ee? Etη sica eke m'am dad ony low nenyembri nyam, bla sosiem etη ubmn'm nawre ee?

⁴⁷Egη ek'el Nyam ec'a, b'iri Nyam e sodad a. Gbeko ony, elmn Nyam eci, na sosiem anake irimn a.»

Jesu lele Abraham ab

⁴⁸Jwifel a dad'r nine: «S'am dad eke η Samari iy etη ony abη ηuη yeji. Ko yadη s'ony ee?»

⁴⁹Jesu dad nine: «M'onym abη ηuη, ko em Es mi b'elum etη ony, egηmn eke k'elumn'm.

⁵⁰M'olm em obi ec'anygbel es; egη anη ek'am kok ow e low ke am jej ok.

⁵¹Eε, low nawre m'am dad ony: egη eke b'elum em e sodad a, legη kaka li k'ow l'uwm.»

⁵²Jwifel a dad'r nine: «Sica s'uw any eke ony abη ηuη tasi! Abraham uw, kokoba ob esel a yeji uw, etη η, am dad esε: “Egη eke b'elum em e sodad a, legη kaka li k'ow l'uwm.”

⁵³Ey es Abraham uw. Ko am tutr eke ony any akm'n ee? Kokoba ob esel a yeji uw. Ko ayaf b'ocr η sosi ee?»

⁵⁴Jesu dad nine: «Blel m'am onη em sosi any ana, ke blel ow elm low kaka. Egη a eke am onη'm any a, em Es. In e lís e low eke bi dadr a el: “L'el ey e Nyam”,

⁵⁵ke uwmn in any. Ko em, m'uw'r any. Blel mi dad eke m'uwm'n any, blel m'el yadηu esε ony af. Gbeko m'uw'r any etη mi b'elum in e sodad a.

⁵⁶Ony es Abraham in e tutr em elu sos em iηn okm em e mowrer a ec'ekn eci; l'ekn etη n'ony sos em iηn.»

⁵⁷Ow onη Jwifel a dad'r nine: «Ko η, k'onym akpo ekη yony lele lew ab yeji ke kpekη ekn Abraham ee?»

⁵⁸Jesu dad el nine: «Eε, low nawre m'am dad ony: gbuη ke wel ew Abraham a, “Em, anη anη.” »

⁵⁹Ow sosiem -l'ot mebn eke -li k'oor ow. Gbeko Jesu ey okm Nyamel gbēl a e gbugη a es lol em.

Jan e lel 9

Jesu ewlm any eflu nyam

¹Eke Jesu am εc a, l'ekn egη nyam ek'any efl mew em etη.

²In e jam esel a am ibrm'n esε: «Low yegm agη es, bla sosiem etη egη na any efl in e mew em etη ee? Kɔ in obi em e sikpl, oglog es lele lis ab e sikpl sosiem ee?»

³Jesu dad nine: «Ow elm in obi em e sikpl, oglog es lele lis ab e sikpl sosiem. Kɔ any efl'l yec'etη ke Nyam e juma kok a e low éy ɔkm in em.

⁴Eke legη anη owr a, ow akpl eke si ki kokr egη a ek'erm'm a e juma. Legη uk am ow, ek'egη k'ow ɔtum kokm juma.

⁵Eke m'anη wus af aηa a, m'ow m'el wus na ec'usuayl.»

⁶Eke li dad sodad amua bake uwr a, l'ifi sar l'ok wus etη li kok kɔɔg sar ab ab, l'oc l'udu any eflu a ec'anyamn a,

⁷etη li dad nine: «Ìm yɔg any Silowe e mij ab em.» (Silowe e nyandre el "ermu".) Any eflu a im yɔg any, etη eke l'ewl l'ow a, n'am ekn es!

⁸In e saw saw ec'agη lele agη ejec'eke legη sig em ekn'n n'am sasm ob a am ibrm esε: «We! Kɔ ow elm egη a eke bi sig es am sasm ob ab ee?»

⁹Agη nyam nyam am dad eke ow in ana. Beb am dad esε: Njaη, ow'n elm ow, kɔ es ce ow'n b'ot ow. Etη egη a dad nine: «Tasi, em ana.»

¹⁰-N'am ibrm ow -l'esε: «Kɔ ayaf kokr etη η ec'anyamn a ayl ee?»

¹¹Li dad nine: «Egη a eke wel b'esη Jesu a kok kɔɔg udu'm anyamn etη li dad'm eke mi k'im Silowe e mij ab em mi yɔg any. M'im yogη, etη eke mi yɔg any uwr a, m'am ekn es.»

¹²-L'ibrm ow nine: «Egη a, bogη in a!» Li dad nine: «M'eknm'n.»

Farisiel am ibrm any eflu a ek'ewl a low

¹³Sica wel ewl egη a eke wel ewlm a Farisiel ogη.

¹⁴Ke nenegη e legη anake Jesu oc kɔɔg kok ewlm'n anyamn a.

¹⁵Na sosiem Farisiel a yeji am ibrm egη a esε: «Kɔ ayaf kokr etη am ekn es ee?» Li dad nine: «L'udu'm kɔɔg tel anyamn, mi yɔg any etη m'am ekn es.»

¹⁶Farisiel beb am dad esε: «Egη ikη na eke kok low na a k'ɔtum anm Nyam ogη owm, aηke l'eluam nenegη e ec'ol a.» Gbekɔ agη likpr a ɔdu eb etη am dad esε: «Kɔ ayaf sikpl es nyam ɔtu eke ki kok meny ewr amua ee?» Etη el ɔfr a -li bubr em.

¹⁷Emeny Farisiel a am ibrm any eflu a ek'ewl a esε: «Etη kɔ η eke l'ewlm'η anyamn a, ayaf am dadr ee?» Li dad nine: «L'el kokoba ɔb es.»

¹⁸⁻¹⁹Jwifel ec'es ewel a k'ubm nawre eke li k'el any eflu ke sica l'ewl n'am ekn es. Ow sosiem -l'esη es lele lis ab low ibrm eci, etη -n'am ibrm wel -l'esε: «Kɔ iy na ɔny ec'iy ee? Am egηn ebr eke l'el any eflu mew em etη ee? Ayaf etη sica n'am ekn es ee?»

²⁰In ec'agη a dad nine: «S'uw any ce eke l'el ey jim etη wel ew'r any eflu.

- ²¹Gbəkɔ elɛl eke ow ɛr ke sica n'am ɛkn es a s'uwm any, ɛtɔ ɛgɔ a eke k'ewlm'n anyamn a yeji s'uwm'n any. Any at'r es, ibrmn in, in obi l'ɔtu eke li ki dad!»
- ²²-N'am dad ɛbɛn aɔke -n'am uru Jwifɛl ec'es ɛwɛl a. Tasi ɛm a, Jwifɛl ec'es ɛwɛl a ikɔ anym iririr eke ɛgɔ fɛɔ eke b'ow ɛgɔ eb eke Jesu el Mesi a, -l'ogɔ ow ɛl e Nyam nuɔ igɔ usu a.
- ²³Low na sosiɛm anake iy ɛs a lele iy lis ab ab dad nine: «Any at'r es, ibrmn in, in obi l'ɔtu eke li ki dad a.»
- ²⁴ɛmɛny Farisiɛl ɛsɔ ɛgɔ a eke wɛl ewlm a sakp yony ɛm ɛtɔ am dad'r ɛsɛ: «ɛy s'uwm any eke ɛgɔ na sikpl ɛs! Dàd low nɛnyɛmbri nyam Nyam ec'any af.»
- ²⁵Li dad nine: «Ke l'él sikpl ɛs oglog li k'elm sikpl ɛs yeji, m'uwm any. Gbəkɔ low nyam cɛ m'uwm any: m'el any eflu, ɛtɔ sica m'am ɛkn es.»
- ²⁶-N'am ibrm ow -l'ɛsɛ: «Kɔ ayaf li kokr'ɔ ee? Ayaf l'ewlm'ɔ anyamn ab ee?»
- ²⁷Li dad nine: «M'ikɔ anym mi dad ɛtɔ erurmn eke k'irir. Kɔ bla ɛtɔ am erurir eke ɛmɛny mi ki dadr ɛm ee? Kɔ ɔny yeji in e jam ɛsɛl am erurir eke k'eel ee?»
- ²⁸-N'am wɛwr ow -li dad -l'ɛsɛ: «D el ɛgɔ nɛnɛ na e jam us ɛs! ɛy Mois e jam us ɛsɛl s'el.
- ²⁹Mois ec'a Nyam dad'r odad; kɔ ɛgɔ ikɔ na ec'a, yogɔ eke n'anɔ l'ow bɔbɔ yeji s'uwm any!»
- ³⁰ɛgɔ a eke wɛl ewlm a dad ɛl nine: «Kin low ek'ew any iti owi: uwmn yogɔ eke n'anɔ l'ow ab any, gbəkɔ l'ewlm im!
- ³¹S'uwm any eke Nyam írim sikpl ɛsɛl e lebl; gbəkɔ ɛgɔ fɛɔ eke b'elum Nyam ke bi kok in ec'erur a, Nyam b'iri'r lebl.
- ³²Lɛgɔ kaka wɛl dadm ɛy s'irim eke ɛgɔ nyam ewlm ɛgɔ eke mew ɛm ɛtɔ el any eflu.
- ³³Blel ɛgɔ na anm Nyam ogɔ owm, blel l'ɔtum li kokm low kaka.»
- ³⁴-L'ɔdu -l'eb -li dad ow nine: «D e mew ɛm ɛtɔ, ɔ nimum a anɔ sikpl ɛm ɛtɔ am erur eke ki yɛgm ɛy low ee?» ɛtɔ -l'ogɔ ow Nyam nuɔ igɔ usu a.

Any efl tasi

- ³⁵Eke Jesu iri eke wɛl ogɔ any eflu a, n'im n'ɛɔn ow ɛtɔ li dad ow nine: «Kɔ ɔny ɔmn ɛgɔ ec'Iy ɛm ee?»
- ³⁶ɛgɔ a dad'r nine: «ɛgɔ gbɛl, dàd'm ɛgɔ a yec'ɛtɔ ke m'ɔny ɔmn in ɛm ɔ!»
- ³⁷Jesu dad'r nine: «Aah! Am ɛkn'n; caca ɛm a, in anake n'am dad'ɔ odad a!»
- ³⁸ɛgɔ a dad'r nine: «ɛgɔ gbɛl, m'ɔny ɔmn.» ɛtɔ l'ok ɔwrɔkp wus Jesu ec'any af.
- ³⁹ɛtɔ Jesu dad nine: «M'ow wus af aɔa jej ok eci: ke ány eflu ɛkn es, ke agɔ ek'am ɛkn es a any ɛfl.»

⁴⁰Farisiel beb a eke anj in ab a iri sodad amua, etj am ibrm'n ese: «Kɔ ey yeji ány eflu si k'el ee?»

⁴¹Jesu dad el nine: «Blel eel ány eflu, blel elmn sikpl esel; gbekɔ eke am dadr eke am ekan es a, eel sikpl esel.»

Jan e lel 10

Jesu el mæceb ɔsu es mamn

¹Jesu dad nine: «Ee, low nawre m'am dad ɔny: egj eke écrm lisany a eci eym mæceb lakp ab em, ke b'uyu usu ejeci ey em a, egj a ulu, ów ganganj es.

²Gbekɔ egj eke b'ecr lisany a ec'a, el mæceb a ec'ɔsu es.

³Egj a, usu ɔsu es a bi fig'r lisany etj mæceb a b'iri'r lebl. Li b'esj in e mæceb a ec'en nyam nyam em, etj li b'ok wɛl ɔkm.

⁴Eke li b'ok wɛl ɔkm fɛj a, li b'ikj wɛl anym ke wɛl ám us'r jam, anjke mæceb a uw'r lebl any.

⁵Gbekɔ egj eke -l'uwm any a, -l'usmn ow jam. Eke -l'ekn ow, -li b'uru -n'omu es anjke -l'uwm ow lebl any.»

⁶Jesu oc nyandre em odad na am dad el, kɔ low yec'a eke n'am erur eke li k'elu ɔkm a k'okm agj a es sos em.

⁷Emeny Jesu dad nine: «Ee, low nawre m'am dad ɔny: m'el mæceb lakp a e lisany.

⁸Agj a fɛj eke ikj anym ow a, elu, ów ganganj esel; kɔ mæceb a egjm irim el ec'odad a.

⁹Em, m'el lisany. Egj eke b'ow ecr em em ey em a, b'ow ejn sel; l'ɔtu eke li k'ey em l'ey ɔkm etj li b'ow n'ejn in ec'ob ij.

¹⁰Ulu ec'a, li b'ow ce eke li k'iy, l'ibi ke ni njún. Em, m'ow eke agj k'ejn sel, ke -n'ejn sel a nɔɔ em.

¹¹Em, m'el mæceb ɔsu es mamn. Mæceb ɔsu es mamn b'oc in e sel a ɔj in e mæceb a.

¹²Egj ek'am kok juma ke ow el os sosiem ce ec'a, elm mæceb ɔsu es tasi; mæceb a elm in eci. Eke li b'ekn botimbo ek'am ow a, li b'ign l'ok wɛl es, ke l'úru es n'im. Ke sica botimbo a óny mæceb a beb ke ómun el es.

¹³Egj a ek'am kok juma ke ow el os sosiem ce ec'a, eben eke ow b'ecr ana. L'útrm mæceb a e low.

¹⁴⁻¹⁵Em, m'el mæceb ɔsu es mamn a. Eɛe elel eke em Es uw'm any ke em yeji m'uw'r any ab af a, eben nyam coco m'uw em e mæceb ab any, etj el yeji -l'uw'm any. Em e sel a m'egj m'eb eke mi k'oc m'ɔj el.

¹⁶Emeny m'ɔny mæceb ejeci eke anm lakp na em. El yeji ow it ke mi nyímn el; -li b'ow -l'iri'm lebl etj -li b'ow -l'el mæbob nyam eke b'ow ɔny ɔsu es nyam coco.

17 Ɛm Ɛs b'erur'm anke m'egh m'eb eke mi k'oc em e sel a m'ɔh el, ke emeny m'ɛwl m'oc.

18 Ɛgh kaka ɛbm im sel a abu em, kɔ em obi mi b'oc sel a m'ɔh el; m'ɔny abusu eke mi k'oc sel a m'ɔh el, etɔ emeny m'ɔny abusu eke mi k'eb. Ɛm Ɛs ec'ol a eke ɔh'm ab ana.»

19 Sodad amua sosiem, emeny Jwifel a ubr em.

20 El em ec'agh nono am dad ɛsɛ: «N'ɔny abɔ hɔh! Nuɔ em uɔ'n! Kɔ bla etɔ am irir in ec'odad ab ee?»

21 Bɛb am dad ɛsɛ: «Ɛgh eke ɔny abɔ hɔh a k'ɔtum dadm odad nɛnɛ. Abɔ hɔh ɛs ɔtu eke k'ewlm ány eflu ee?»

Jwifel bɛb igɔ Jesu

22 Sica Nyamel gbɛl a e fig ec'es gbɛgbɛl ɛy Jerusalem etɔ ow el lɛfr lɛgh iy.

23 Jesu am nyinymn es Nyamel gbugɔ a, lef eb usu a eke ij Salomo e nin a.

24 Jwifel a iwr did elul il em etɔ am ibrm'n ɛsɛ: «Kɔ b'ow ɔny ɛy es bɛbar na em cɛ ee? Dàd ɛy nenyembri nyam eke ow el h el Mesi a.»

25 Jesu dad el nine: «M'ikh anym mi dad ɔny, kɔ ubmn'm nawrɛ. Ów a eke m'am kok em Ɛs e nin em a am ij em e danɔku.

26 Etɔ ɔny, úbmn nawrɛ anke elmn mɛcɛb a ek'el em ec'a.

27 Ɛm e mɛcɛb a b'iri'm lebl, m'uw el any etɔ -li b'us'm jam.

28 Mi b'ɔh el sel eke ɔnym uwr; lɛgh kaka -li k'ow -l'uwmn etɔ lɛgh kaka ɛgh k'ɔtum dɔgrm ebm el em ec'abu em.

29 Ɛm Ɛs a eke ot el ɔh'm a, l'agb l'akm ob ob fɛh, etɔ ɛgh kaka ɔnym abusu eke ki dɔgr ob eke anɔ em Ɛs abu em a eb.

30 Ɛm lele em Ɛs ab a, s'el nyam coco.»

31 Ɛmeny Jwifel a ot mebn as luku eke ki wɔwl'l.

32 Kɔ Jesu dad el nine: «Ɛm Ɛs em, mi kok ów amamn nono mi yɛgm ɔny. Ów amua, bogɔ ec'anake ow af am ɔɔl eke k'ibir'm mebn em ab ee?»

33 Jwifel a dad'r nine: «Ow elm ke bi kok low nimamn ke s'ibi'ɔh mebn em, kɔ Nyam eke am wɛwr a sosiem. Ɛgh cɛ el'ɔh, etɔ am ocr h sosi Nyam!»

34 Jesu dad nine: «Nyam dad wɛl non ɔny ec'ol ab em nine: Ɔny eel “sinyam”.

35 Agɔ a eke Nyam odad a ot es a, Nyam ɛsh el “sinyam”. Ke s'uw any eke Nyam Lɛl ec'odad eke dad a, wɛl k'ɔtum ɔnym ocm es.

36 Etɔ em, em Ɛs usm'm abu es etɔ erm'm wus na af; ayaf ɔtur eke ki dadr ɛsrɛ m'am wɛwr Nyam anke mi dad eke m'el Nyam ec'Iy ee?

³⁷Eke mi kokm em Es ec'ów a, k'ùbr'm nawre.

³⁸Gbèkò eke mi bi kok a, eke ubmn em e sodad a nawre yeji, ùbr ów amua nawre yec'etj ke ow ók ony es sos em kpèkèj kpèkèj eke em Es ir em em etj em yeji m'any em Es em.»

³⁹-N'am ol ek'emeny -li k'ew ow abu af, kò l'akm wèl.

⁴⁰Emeny Jesu ewl im mij ewl mij a ek'el Jurden a e jam a, yogj a eke Jan ikj anym ok agj mij nuj a, etj n'any yogj.

⁴¹Agj nono am ow in ogj etj -n'am dad -l'ese: «Jan kokm meny ewr kaka, gbèkò egj a e low a eke li dad a el nawre.»

⁴²Etj sica agj nono ub'r nawre.

Jan e lel 11

Lasar e luw owi a

¹-2Egj nyam eke wèl b'esj Lasar ony lisijowèl yony, Mart lele Mari ab; -l'ir Betani banj. Mari a, ke yow a eke ok Es Kotoko mijey akr ke oc in e sin nuj tetj es ab ana. Lisijim Lasar ey ol tuotuo.

³Agj lisijowèl yony a erm egj eke k'im dad Jesu eke in ec'egj a eke li b'erur a ol am ony.

⁴Eke Jesu iri amani na a, li dad nine: «Ol ikj na k'ow ibim'n, ow el Nyam ec'anygbel a eci, yec'etj ke Nyam ec'Iy ec'anygbel a éy okm.»

⁵Ke Jesu b'erur Mart, ow lisijow lele Lasar ab senyn senyn.

⁶Ow sosiem Lasar ec'ol owi a eke l'iri a, n'any usu a eke n'any a li kok segj yony l'ok af.

⁷Etj ca li dad in e jam esel a nine: «S'éwal s'imn Jude.»

⁸Jam esel a dad'r nine: «Low yegm agj es, yogj anake wèl ol eke k'ibi'j mebn em a, orofn k'etum es yeji etj emeny am erur eke k'ewl im ee?»

⁹Jesu dad el nine: «Lègj mum em a wanci lèw yony b'any, kò yadj ee? Eke lègj owr egj am an es, l'uyuam ob ab anke n'am ekn wus na ec'usuayl a.

¹⁰Kò eke egj am an es ncok em, li b'uyum ob ab anke usuayl anm in em.»

¹¹Eke li dad ów amua bake ow uwr a, l'igj af li dad nine: «Ey lawl a memn n'am eru, kò m'ow m'im m'uwr'r.»

¹²Jam esel a dad nine: «Egj gbèl, eke ow el memn n'am eru tasi, li b'ow l'ewl.»

¹³Tasi em a, Lasar e luw a ec'odad anake Jesu am dad a, etj jam esel a e tutr em a, ow el memn ce.

¹⁴Ow oj Jesu dad ulm el es nine: «Lasar uw.

¹⁵Eke m'iim yogŋ a, sos em am iŋn'm ɔny eci yec'etŋ ke úbr'm nawrɛ. Gbɛkɔ ey fɛŋ s'ímn in ogŋ a.»

¹⁶Etŋ Toma, eke wɛl iŋŋ nin af Oli a, dad jam esɛl ejec'a ninɛ: «Ey yeji, s'ímn yogŋ ke s'úwr in ab.»

Jesu el luw em anŋ igb lele sel ab

¹⁷Eke Jesu im ok yogŋ a, l'iri eke Lasar anŋ uwomu em ij sɛŋŋ yar.

¹⁸Eke Betani titm Jerusalem ke ow ijm kilo nyahan yej'a,

¹⁹Jwifɛl nɔnɔ ow Mart lele Mari ab ogŋ eke k'atr el sos es el lisijim e luw na sosisem.

²⁰Eke Mart iri eke Jesu am ow a, n'im ow ec'obr em, kɔ Mari gbɛ sig es gbugŋ.

²¹Mart dad Jesu ninɛ: «Egŋ gbɛl, blel anŋ aŋa, em lisijim blel uwm.

²²Gbɛkɔ m'uw any, eke caca em yeji, low fɛŋ eke b'ow ibrm Nyam a, li b'ow n'ɔŋ'ŋ.»

²³Jesu dad'r ninɛ: «Esŋ jim b'ow igb luw em.»

²⁴Mart dad ninɛ: «M'uw any eke lɛŋŋ es abal el em a eke agŋ ek'uw a b'ow igb luw em a, in yeji li b'ow l'igb.»

²⁵Jesu dad'r ninɛ: «M'el luw em anŋ igb lele sel ab. Egŋ ek'ɔny ɔmn em em a, eke l'uw yeji, li b'ow n'anŋ owr abŋ em;

²⁶etŋ egŋ ek'anŋ owr ke ɔny ɔmn em em a, li k'ow l'uwm lɛŋŋ kaka. Kɔ ɔny ɔmn low na em ee?»

²⁷Li dad ninɛ: «Egŋ gbɛl, m'ub nawrɛ eke el Mesi a, Nyam ec'Iy eke k'ow wus na af a.»

²⁸Eke l'ɛw neny es a, n'im l'esŋ lisijow Mari etŋ n'am dad ow lebl es is em l'esɛ: «Low yegm agŋ es a ow anŋ aŋa, etŋ n'am esŋ'ŋ.»

²⁹Eke Mari b'iri sodad amua a, kpekŋ l'igb es ogŋ em n'im n'ɛŋŋ Jesu.

³⁰Ke Jesu k'eym baŋŋ a yeji, kɔ n'anŋ usu a cɛ eke Mart obr'r a.

³¹Eke Jwifɛl a anŋ akŋ am atr Mari sos es, ke l'igb es ogŋ em l'ey ɔkm a, -l'us ow jam. -Li tutr ek'ow aam uwomu af ikŋ ɔŋŋ.

³²Mari im ok yogŋ a eke Jesu anŋ a. Kpekŋ eke li b'ɛkn ow a, l'ok ɔwrɔkp wus ow ec'any af etŋ n'am dad ow l'esɛ: «Egŋ gbɛl, blel anŋ aŋa, em lisijim blel uwm.»

³³Jesu ɛkn eke n'am ikŋ ɔŋŋ agŋ a ek'igŋ'n ab ow ab ab. Ow e low a ɔwr'r sos es afŋŋ es,

³⁴etŋ n'am ibrm wɛl l'esɛ: «Kɔ bogŋ ɛwr ir ee?» -Li dad ow ninɛ: «Egŋ gbɛl, òw cɛ b'ow ɛkn.»

³⁵Jesu ikŋ ɔŋŋ.

36Jwifel a dad nine: «Èkan, l'erur ow tasi!»

37Gbeko el em ec'agn nyam nyam am dad ese: «In eke l'ewlm any eflu a, ko li k'otum l'edjnm Lasar eke k'uwmm ee?»

Lasar igb luw em

38Emeny Jesu low ey sos em toj ow afjn es, etj im uwomu ab af. Ow el nomu ek'anj mób em, ke wel oc lob abl ow ec'em ey usu ab es.

39Jesu dad nine: «Ònyn lob a ocr es.» Legjuw a e lisijow Mart dad'r nine: «Egñ gbèl, seğñ emum yar etj anake n'anj aña a, l'it eke li k'ewñ.»

40Jesu dad'r nine: «Kò mi dadm'ñ m'esme, eke ony omn, b'ow ekn Nyam ec'anygbèl ab ee?»

41Sica wel ony lob a oc es, etj Jesu igbl any ogñ afr etj dad nine: «Em Es, m'elu'ñ bia eke iri em e lebl.

42M'uw any eke seğñ a feñ b'iri'm lebl, gbeko m'am dad'ñ agñ amua ek'elul'm em a eci, yec'etj ke -l'ub nawre eke erm'm.»

43Li b'uar odad a etj li barm lebl tuotuo em nine: «Lasar, èy okm!»

44Legjuw a ey okm, gbad og wiwrn'n sabu lele akr ab etj gbad wiwrn'n nuñ ab. Jesu dad el nine: «Mòmun in es, ke égbar ir es n'im.»

Es ew esel am ut Jesu ec'ibi ec'asre

45Jwifel a ek'ow Mari ogñ a ekn ów a eke Jesu kok a etj el em e nono ub nawre.

46Gbeko el em ec'agn beb gbè im eññ Farisiel a etj otar ów a eke Jesu kok a e low akr ok el.

47Egb waw esel egbèl lele Farisiel ab esñ Sanedren ec'agn a luku as em, etj am dad ese: «Egñ na am kok meny ewr owi nono! Kò ayaf si ki kokr ab ee?»

48Eke s'am yeb'r li kok eben, agñ a feñ b'ow ub'r nawre; ow b'ow on Rom ec'es ewel a ow ok low na em nñññ ey e Nyamel gbèl na lele ey ec'eb na nimum ab!»

49El em ec'egñ nyam eke wel b'esñ Kayif, ke lakpo ab af el egb waw es ligbèl a am dad el ese: «Low na k'okm ony es sos em kaka!»

50K'uwmn any eke ow akpl ony eci ek'egñ nyam k'uw dedeku a feñ eci, ke ow em a eb a nimum k'uñm ee?»

51Ke ow elm in em li dadm odad na, gbeko eke lakpo ab af l'el egb waw es ligbèl a, n'am ewar li dad eke ow'n it eke Jesu in k'uw Jwifel feñ eci,

52ke ow'n k'elm wel sony ce eci, kò ke in ás Nyam ec'ey a eke in momun es a luku sos megl nyam em.

53Legñ a ce, Jwifel ec'es ewel a bebm eke k'ibi Jesu.

⁵⁴Ow sosiem Jesu écm Jwifel a ec'any af ij. N'im wus ikpr nyam eke titm loj a, baɲn a eke wel b'esy Efrayim ab em; n'anɲ yogɲ in e jam esel ab ab.

⁵⁵Pak ec'es gbegbl ek'el Jwifel ec'a e legɲ titm, etɲ wus ab af ec'agɲ nɔnɔ im Jerusalem eke k'ayal sos gbuɲ ke es gbegbl a e legɲ ów.

⁵⁶-N'am ɔl Jesu, etɲ eke -n'anɲn Nyamel gbɛl ab em a, -n'am ibrmnin el ɔfr -l'esɛ: «Kɔ ayaf am ekanin ee? Li b'ow l'ow, kɔ li k'ow l'owm es gbegbl na em ee?»

⁵⁷Ke egb waw esel egbel a lele Farisiel ab ab dad ek'egɲ in uw yogɲ eke Jesu in anɲ any, ow'n yégm el yec'etɲ k'el óny ow.

Jan e lɛl 12

Mari ok Jesu mijey akr

Matie 26.6-13; Mark 14.3-9

¹Sica ow anɲ segɲ nɔhɔn ke Pak éy, etɲ Jesu im Betani, yogɲ a eke Lasar eke l'igbm luw em a anɲ a.

²Yogɲ, Mart kok ob ij ɔɲ'n. Agɲ a ek'anɲ ob ij lɔfu lís Jesu ab a, Lasar yeji anɲ em.

³Mari oc mijey litr ikpr ek'il an ke wel kok nar tasi em ok Jesu akr; etɲ l'oc in e sin nuɲ a li tetɲ ow akr es. Akɲ a nimum el mijey ɔsɲ ɔfr.

⁴Etɲ Judas Iskariot, Jesu e jam esel ab em ec'egɲ nyam, in a tasi eke b'ow ɔl ij'r a dad nine:

⁵«Wel ɔtu eke k'ɔl mijey na ij os ekɲ yen yen sakp nyahan, óc ow ec'os a ɔɲ ɔgbɔru.»

⁶N'am dad odad na ow elm ɔgbɔru e ɔɔɲ ikɲ eke li k'ony eci, kɔ eke l'el ulu a sosiem eci, anɲke os ekpr a eke li b'onym ab a, li b'ot os a eke wel b'ok em a.

⁷Etɲ Jesu dad nine: «Égb'r es tiɲ! Li kok low na legɲ a eke wel b'ow elu'm uwomu em a eci.

⁸ɔgbɔru anɲ ɔny ab segɲ fɛɲ, kɔ em ec'a, mi k'ow m'anm ɔny ab segɲ fɛɲ.»

⁹Jwifel a ec'agɲ nɔnɔ iri eke Jesu anɲ Betani. -N'im yogɲ ow elm Jesu sosiem eci ɛɛ, kɔ Lasar yeji eke Jesu igbm luw em a sosiem eci.

¹⁰Egb waw esel egbel a egɲ eb eke k'ibi Lasar yeji,

¹¹anɲke Jwifel nɔnɔ am ɲgboɲ el em Lasar sosiem etɲ am ub Jesu nawre.

Jesu aam ey Jerusalem

Matie 21.1-11; Mark 11.1-11; Luk 19.28-40

¹²Eke legɲ eny akr af a, agɲ nɔnɔ a eke ow Pak ec'es gbegbl ab em a iri eke Jesu am ow Jerusalem.

¹³Agɲ a fɛɲ ot sarikɲ ay etɲ ok ɔkm baɲn a aam ɔbr'r, -n'am ɔg -li dad -l'esɛ: «Hosana! Ke Nyam édn egɲ a ek'am ow Es Kɔtɔkɔ e nin em a ɔwɔ! Ke Nyam édn Israel ec'eb ebu a ɔwɔ!»

- 14 Jesu eɲn gbaŋko kpeteɲni nyam eɲ sig es af eɛe elel eke Nyam Lel dadr ab af:
- 15 Siɔn eci dedyɔwli, erɲn k'ɔny'ɲ! Ìs any lɛr, ɲ ec'eb ebu a am ow, li sig gbaŋko kpeteɲni e liy af.
- 16 Ke ów amua k'okm in e jam eɛel a es sos em; gbəkɔ eke Jesu ey in ec'anygbel em bake ow uwr a, -l'ɔkn eke Nyam Lel ikɲ anym dad in e lís e low na, eɲ ow anake ow ey a.
- 17 Bieku ab em ec'agɲ a eke ekn Jesu igbm Lasar luw em a, am dad low a eke -l'ɛkan a ec'odad.
- 18 Bieku a iri meny ewr a e li kok a ec'odad: na sosiem anake -l'owr -n'am ɔbr ow a.
- 19 Ca Farisiel a am dad el ɔfr em eɛe: «Am ekan, si k'ɔtumn low kaka feɲ ec'ij! Agɲ a feɲ am us'r jam!»

Jesu am dad in ec'anygbel lele in e luw ab ec'odad

- 20 Es gbegbl a e læɲ a, agɲ a ek'uyu im Jerusalem eke k'igɲ Nyam nuɲ a, Grekel a e beb anɲ el em.
- 21 El, -n'im -n'eɲn Filip ek'el Betsayida baɲn Galile wus af ec'egɲ a, eɲ -li dad ow nine: «Egɲ gbɛl, s'am erur eke si k'ekn Jesu.»
- 22 Filip im dad ok Andre eɲ el yony mum -n'im -li dad -l'ok ow.
- 23 Jesu dad el nine: «Wanci ow eke egɲ ec'Iy b'ow ey in anygbel em.
- 24 Low nawre m'am dad ɔny: likɲ e liy nyam eke wɛl elu nɔmu em ke anɲ tiɲ ugɲm es a b'anɲ in ec'eled a cɛ. Gbəkɔ eke sel a ugɲ es, li b'ɔsu ey nɔnɔ.
- 25 Egɲ eke b'erur in e sel a, li b'ow l'irmn ow; kɔ egɲ eke wus af aɲa k'ow ebrm in e sel a e low erm mij a, b'ow eɲn sel ek'ɔnym uwr.
- 26 Egɲ eke am erur e ki kok em e lís e low a, ow it ke l'ús'm jam; ow em a, li b'ow n'anɲ yogɲ a eke m'ow m'anɲ a. Egɲ a eke b'ow kok em e lís e low a, em Es b'ow us'r sos.
- 27 Wanci na af ermni eɲɲ'm es. Eɲ ayaf mi ki dadr ee? Mi dád m'ɛe: em Es, ɔny oc'm es gbre e wanci na af ee? Ke tasi em a, wanci na ec'anake m'ow a.
- 28 Em Es, ɔɲ ɲ e nin a anygbel!» Eɲ kpɛkɲ lebl nyam anɲ afr dad nine: «M'ɔɲ'n anygbel læɲ eɲ, eɲ emeny m'ow m'ɔɲ'n anygbel sakp yony em.»
- 29 Bieku a eke anɲ yogɲ ke iri lebl a am dad eɛe: «Na nyamgbraɲ!» Eɲ agɲ beb am dad eɛe: «Afr erm es nyam dad'r odad!»
- 30 Eɲ Jesu dad el nine: «Lebl na ikɲm em sosiem, kɔ ɔny sosiem.
- 31 Catɲ anake wus na e jɛj ok e wanci a ow a; sicaca em a, wɛl b'ow ogɲ wus na ec'es ew es a.
- 32 Eɲ em ec'a, læɲ eke wɛl b'ow igbl'm ogɲ afr a, m'ow m'ɔdu agɲ a feɲ m'eb.»

33Sodad amua em, Jesu am yegm in e luw a ec'elel eke b'ow ecr.

34Agñ a dad'r nine: «Ey e sol a e silel ab em s'iri eke Mesi a b'ow anñ owr seğñ feñ. Ayaf otu eke ki dad eke ow it eke wel k'igbl eğñ ec'Iy oğñ afr ee? Eğñ ec'Iy a, ke bwo ec'egñ ana ee?»

35Jesu am dad el ese: «Emeny usuayl anñ ony ec'arañ lęğñ tel eci ce. Eke onyn usuayl a, àan es usuayl em, yec'etñ ke ncebn k'ókrm ony es. Eğñ eke am an es ncebn em a úwm usu eke n'aam ab any.

36Eke onyn eğñ a eke el usuayl a, onyn omn in em yec'etñ ke éel usuayl ec'ey.» Eke li dad sodad amua uwr a, Jesu ocr sos es agñ a sosiem im kpekpe lol es.

Jwifel a ubm Jesu nawre

37Meny ewr nono na eke li kok bieku a ec'any af a yeji om el -l'ubm ow nawre.

38Ow em kokoba ob es Esayi ec'odad eke dad a iy neny: Es Kotoko, ko bwo ec'egñ iri ey eci odad ab ee? Ko bwo ec'egñ Es Kotoko okm sos okm yegm ee?

39Etñ emeny Esayi in ce li dad low a sosiem eke agñ amua k'otum ubm nawre a:

40Nyam efal el any, l'irmn wel e nuñ em ony a yec'etñ ke el eci anyamn a k'éknm es, ke -li k'uwmn low any. Etñ kin low a sosiem eke -li k'ewlmn -l'owmn Nyam oğñ bake l'éwlm wel a.

41Esayi dad odad na anke l'ekn Jesu ec'anygbel a, etñ ow el ow ec'odad anake n'am dad a.

42Gbeko, Jwifel ec'es ewel a, el em a yeji agñ nono ub Jesu nawre. Gbeko Farisiel a sosiem, -l'okamn sos okm bake wel oğñ el Nyam nuñ igñ usu a.

43-Li b'erur sos usr a eke b'anñ agñ em ow a -l'akm Nyam em ec'a.

Jesu Krist eci odad ab em e jej ok

44Jesu igbl lebl oğñ dad nine: «Eğñ eke ony omn em em a, ow elm em em sony ce n'onym omn, ko eğñ a ek'erm'm ab em yeji.

45Eğñ eke am ekn'm a, am ekn eğñ a eke erm'm a.

46Em, m'el usuayl, m'ow wus af anja yec'etñ ke eğñ kaka feñ eke ony omn em em a, k'ánm ncebn em.

47Eke batñ eğñ am iri em e sodad a, etñ l'ósum a, ke ow elm em m'obm'n low ij, anke tasi em a, m'ow eke mi ki soğ wus ec'agñ a, ko ow elm el e low ob eci.

48Eğñ eke am igñ'm, ke ébm em e sodad a, b'ęñ in e low ob a ow em; lęğñ es abal el em a, em e low yegm a anake b'ow ob'r low a.

49Tasi em a, ow elm em obi em mi dadm, ko em Es eke erm'm a in obi, n'onj'm yec'a eke mi ki dad ke mi yegm agñ a ec'abusu.

⁵⁰«Etɛ m'uw any eke yec'a eke li bi dad a b'ɔŋ eɣŋ sel ek'ɔnym uwr. Yec'a eke m'am dad a, m'am dad ɛsɛ elɛl eke ɛm ɛs ɔŋ'm ow ec'abusu ab af.»

Jan e lɛl 13

Jesu am yɔyɔg in e jam ɛsɛl a akr es

¹Gbuŋ ke Pak ec'es gbɛgbl a e lɛɣŋ ɛy a, Jesu uw any eke lɛɣŋ ow'r eke li k'ŋgboŋ wus af aŋa n'im ɛs oɣŋ. L'erur in ec'agŋ a eke aŋŋ wus af aŋa a, ɛtŋ sica li b'ow li yɛgm wɛl eke n'ɔny wɛl ec'erur kpɛkŋ kpɛkŋ.

²Jesu lele in eci jam ɛsɛl ab ab am ij ncebles ec'ob; ke Judas, Simɔ Iskariot jim gbɛ, agn eb'r eke li k'ɔl Jesu l'ij.

³Jesu in obi l'uw any eke n'anŋ Nyam oɣŋ l'ow eke li b'ow l'ɛwl n'im ow oɣŋ, ɛtŋ ɛs ɔŋ'n low fɛŋ ec'abusu.

⁴L'igb ob ij lɔfu lɛs yɔgŋ, n'ɔny in e mob af ɛw a l'oc es, ɛtŋ l'oc gbad l'ucu er.

⁵Ow e jam a, l'oc mij l'ok kpokpo ɛm ɛtŋ n'am yɔyɔg jam ɛsɛl a akr es; li b'oc gbad a eke l'ucu er a li tetŋn wɛl akr es.

⁶Li b'ok Simɔ Pier oɣŋ a, ow dad'r nine: «Eɣŋ gbɛl, kɔ ŋ ki yɔyɔg'm akr es ee?»

⁷Jesu dad'r nine: «Caca ɛm e low eke m'am kok a k'irim, gbɛkɔ lɛɣŋ ek'am ow ab ɛm b'ow iri.»

⁸Pier nine: «K'ow yɔyɔgm im akr es lɛɣŋ kaka!» Jesu nine: «Eke mi yɔyɔgm'ŋ es, k'ow elm ɛm eci.»

⁹Simɔ Pier nine: «Eɣŋ gbɛl, ow k'ɛl akr sɔny ij, kɔ nuŋ lele sabu ab yeji!»

¹⁰Jesu nine: «Ow itm eke eɣŋ eke ok mij a k'ok mij ij, ek'ow elm akr ɛɛ, aŋke l'ayl fɛŋ. ɔny, ayal, gbɛkɔ ow elm ɔny fɛŋ gbɛ.»

¹¹Jesu uw eɣŋ a eke b'ow ɔl ij'r ab any senyn senyn; na sosiem anake li dad eke ow'n elm wɛl fɛŋ wɛ'n aylm a.

¹²Eke li yɔyɔg wɛl akr es bake ow uwr a, l'us in e mob sus ɛm a, l'ɛwl n'im ob ij lɔfu lɛs a li sig es ɛtŋ n'am dad wɛl l'ɛsɛ: «Kɔ low a eke mi kok ɔny a, uwr ow e nyandre ab any ee?»

¹³B'ɛsŋn'm “Low yɛgm agŋ ɛs” lele “Eɣŋ gbɛl” ab ɛtŋ ɔny e low yeji ij aŋke m'el.

¹⁴Eke batŋ ɛm eke m'el Eɣŋ gbɛl lele Low yɛgm agŋ ɛs ab a mi yɔyɔg ɔny akr es, ke ɔny yeji, ɔny ɔfr a, ow it eke ki yɔyɔgr ir akr es.

¹⁵M'ɔŋ ɔny sɛwl eke ki kokr ɛsɛ elɛl eke mi kok ab af.

¹⁶«E, low nawrɛ m'am dad ɔny: adu ágbm akam in ec'es ɛw, ɛtŋ ɛrmu yeji ágbm akam eɣŋ a ek'erm'n a.

¹⁷Sica eke uwr ów amua any a, eke kokr ow e low, ehe b'ow el ɔny eci.

¹⁸Ow elm ɔny fɛŋ ec'odad mi dadm; agɲ a eke mi sɔsum m'ot a, m'uw ɛl any. Gbɛko ow it ke Nyam Lɛl ec'odad a íy neny: Ɛgɲ a eke in yɔny s'ij ob a ɛwl ow'm ar.

¹⁹Sicaca ɛm a, m'am dad ɔny kpɛkɲ gbuɲ ke low a ów, yec'ɛtɲ ke lɛgɲ a eke low a b'ow ɛy a, úbr nawre eke ɛm, anɲ anɲ.

²⁰Ɛɛ, low nawre m'am dad ɔny: ɛgɲ kaka fɛŋ ek'eb ɛgɲ eke m'erm a, ɛm yeji l'eb'm; ɛtɲ ɛgɲ kaka fɛŋ eke eb'm a, eb ɛgɲ a eke erm'm a.»

Jesu am dad in ec'ɔl ij a ec'odad

Matie 26.20-25; Mark 14.17-21; Luk 22.21-23

²¹Eke Jesu dad ów amua bake ɛw neny es a, low ɛy'r sos ɛm afɲn es. Li dad l'ɛrum mar nine: «Ɛɛ, low nawre m'am dad ɔny: ɔny ɛm ec'ɛgɲ nyam b'ow ɔl ij'm.»

²²Jam ɛsɛl a am lɛrir ɛl ɔfr ɛtɲ -l'uwmn ɛgɲ yec'a eke odad a ot es ab any.

²³Jam ɛsɛl ab ɛm e nyam a eke Jesu b'erur a akɲm'n ab.

²⁴Simɔ Pier ɛw sos nyam yegm'n eke li k'ibrm Jesu ɛgɲ yec'a ek'ow am dad ow ec'odad a.

²⁵Jam ɛs a igɲ Jesu lɔru ɛtɲ am ibrm'n ɛsɛ: «Ɛgɲ gbɛl, kɔ bwo ec'ɛgɲ ee?»

²⁶Jesu dad nine: «M'ow m'ubr futufutu m'usm mredi ɛm; ɛgɲ a eke m'ow m'oc m'ɔɲ a, ke in ana.» L'ubr futufutu l'usm mredi ɛm ɛtɲ n'ɔɲ Simɔ Iskariot jim Judas.

²⁷Eke kpɛkɲ Judas eb futufutu ikpr a, Satan ɛy'r ɛm. Jesu dad'r nine: «Low yec'a eke ki kok a, kòk fafa.»

²⁸Low a sosiem eke li dad ow odad na a, agɲ a eke ok es ob ij lɔfu lís a, ɛgɲ kaka uwm any.

²⁹Eke ow el Judas anake b'onym os ab ab a, agɲ nɔnɔ am tutr eke Jesu am erm'n eke li k'im l'ɔl ob ek'it es gbɛgbl a eci, oglog n'ím l'ap ɔgbɔru ob.

³⁰Judas eb futufutu a ɛtɲ kpɛkɲ l'ɛy ɔkm. Ke lɛgɲ am uk.

OI owr

³¹Eke sica Judas ɛy ɔkm a, Jesu dad nine: «Sica ɛgɲ ec'Iy ec'anygbɛl a e lisany a fig ɛtɲ Nyam ec'anygbɛl a b'ow ɛy ɔkm in ɛm.

³²[Ɛtɲ eke Nyam ec'anygbɛl a ɛy ɔkm in ɛm,] Nyam yeji in obi b'ow ɛlu Iy a ec'anygbɛl ɔkm, ɛtɲ ow k'ow ibnm.

³³Ɛm ec'ey, m'anɲ ɔny ab lɛgɲ tel ɛɛ eci. B'ow ɔɔl'm, kɔ m'am m'ow mi dad ɔny low a eke mi dad m'ok Jwifel ɛjec'a: “K'ow ɔtumn iimn yogɲ a eke m'aam a.”

³⁴M'am ɔɲ ɔny ol owr: ɛrurir ɔny ɔfr. Tasi ow it eke k'erurir ɔny ɔfr ɛsɛ elɛl eke m'erur ɔny ab af.

³⁵Eke erur anɲ ɔny ɔfr ɛm tasi, ke agɲ a fɛŋ b'ow uw any eke eel ɛm e jam us ɛsɛl.»

Pier b'ow ɛgbr Jesu

³⁶Simo Pier am ibrm Jesu ese: «Egɔ gbɛl, kɔ bogɔ aam ee?» Li dad ow nine: «Sicaca em k'otum usm im jam owm yogɔ a eke m'aam a; gbɛkɔ lɛgɔ ejec'em b'ow us'm jam ow.»

³⁷Pier dad'r nine: «Egɔ gbɛl, kɔ bla sosiem etɔ caca em mi k'otum m'usm'ɔ jam m'owm ee? Em, m'uw es inym eke mi k'irmn em e sel a ɔ eci!»

³⁸Jesu dad nine: «Kɔ tasi uw es inym eke k'irmn ɔ e sel a ɔɔ'm ee? Eɛ, low nawre m'am dad'ɔ: gbuɔ ke ɔgɔs íkɔ a, b'ow dad sakp nyahan eke uwm'm any.»

Jan e lɛl 14

Jesu el ejagb eke b'ɛwl egɔ Es ogɔ

¹Jesu dad in e jam esɛl a nine: «Erm mij k'ók ɔny. Ónyɔn ɔmn Nyam em, ke em yeji ɔnyɔn ɔmn em em.

²Eb ir usu nɔnɔ anɔ em Es e gbugɔ a; kɔ blɛl ow anm tasi, ke mi dad m'ese m'aam mi kok ɔny usu eke k'iir ee?

³Eke m'ow m'im mi kok ɔny usu a, m'ow m'ɛwl meny m'ow ke m'ót ɔny, yec'etɔ ke ɔny yeji ánnɔ yogɔ a eke m'anɔ a.

⁴Yogɔ a eke m'aam a ec'ejagb a uwr any.»

⁵Toma dad'r nine: «Egɔ gbɛl, yogɔ a eke aam a, s'uwm any, ke sica ayaf s'otu eke si k'uw ejagb ab any ee?»

⁶Jesu dad'r nine: «M'el ejagb, m'el low nenyembri nyam, m'el sel. Egɔ kaka k'otum iim Es ogɔ eke l'ecrm em em.

⁷Eke uwr'm any, b'ow uwr em Es yej'any. Etɔ sicaca em a, uwr ir any etɔ ekan in yeji.»

⁸Filip dad'r nine: «Egɔ gbɛl, yègm ey Es cɛ ke ow b'ow eyr ey erm es.»

⁹Jesu dad'r nine: «Filip, m'anɔ ɔny ab lɛgɔ ibn etɔ uwm im any ee? Egɔ eke ekn'm a, ekn em Es. Etɔ kɔ bla sosiem am dad eke mi ki yegm'ɔ em Es ee?

¹⁰M'anɔ em Es em etɔ em Es yeji anɔ em em; kɔ ub nawre ee? Sodad a eke m'am dad ɔny a, ow elm em em ow ánm owm. Em Es eke ir em em a anake bi kok in ec'ów fɛɔ a.

¹¹Eke mi bi dad m'ese m'anɔ em Es em etɔ em Es yeji anɔ em em, ke ùbr'm nawre. Eke egɔmn, ke ów amua sosiem gbɛ ùbr nawre.

¹²Eɛ, low nawre m'am dad ɔny. Ów a eke m'am kok a, egɔ yec'eke ɔny ɔmn em em a, in yeji li b'ow li kok. Etɔ li b'ow li kok ow agb afɔn es anke m'aam em Es ogɔ.

¹³Low fɛɔ eke b'ow ibrmn em e nin em a, m'ow mi kok, yec'etɔ ke Iy élú Es ec'anygbɛl a ɔkm.

¹⁴Eke batɔ am ibrmn'm low em e nin em a, m'ow mi kok.»

Abɛ Lala a eke Jesu ɛwar a

- 15 «Eke b'erurir'm, b'ow ɔsur em e sol a.
- 16 Ɛtɛ m'ow m'ibrm em Ɛs eke k'ɔɛ ɔny Abu Ɛlum Ɛs ejeci eke k'anɛ ɔny ab sɛɛɛ fɛɛ.
- 17 In l'el low nɛnyembri nyam ec'Abɛ. Wus k'ɔtum ebm'n, aɛke li k'ɔtum l'eknm ow, li k'ɔtum l'uwm ow any. Gbɛkɔ ɔny, uwr ir any aɛke n'anɛ ɔny ab ɛtɛ li b'ow n'anɛ ɔny em sɛɛɛ fɛɛ.
- 18 Mi k'ow m'elum ɔny es ɔny sɔny ɛsɛ uwiyɛɛ af, kɔ m'ow m'ɛwl m'ow ɔny ogɛ.
- 19 Ow anɛ lɛɛɛ tɛl eke wus k'ow eknm im ij; kɔ ɔny, b'ow ɛkan'm, aɛke m'ow m'ɛwl m'anɛ owr ɛtɛ ɔny yeji b'ow anɛn owr.
- 20 Ow e lɛɛɛ a, ow b'ow ok ɔny es sos em eke m'anɛ em Ɛs em, ɛtɛ ɔny yeji anɛn'm em, ɛtɛ em yeji m'anɛ ɔny em.
- 21 Ɛɛɛ a eke b'eb em e sol a, ke b'ɔsu a, ke ɛɛɛ a eke b'erur'm ab ana. Ɛɛɛ eke b'erur'm a, em Ɛs b'ow erur ir; em yeji m'ow m'erur ir ɛtɛ m'ow m'okm sos ɔkm in ec'anɛ af.»
- 22 Jud (ow elm Judas Iskariot) dad'r ninɛ: «Ɛɛɛ gbɛl, kɔ bla sosiem dad eke k'okm sos ɔkm yeɛɛm ɛy ke ow k'elm wus ec'agɛ ab ee?»
- 23 Jesu dad'r ninɛ: «Low fɛɛ eke m'am dad a, ɛɛɛ eke b'erur'm a b'ow ɔsu. Ɛm Ɛs b'ow erur ir, ɛtɛ em lele em Ɛs ab si b'ow s'im in ogɛ, ɛtɛ si b'ow s'ir in em.
- 24 Ɛɛɛ eke ɛrurm im a, ɔsum em e sodad a. Low na eke m'am dad irir a, ow elm em eci, kɔ em Ɛs eke ɛrm'm a ogɛ ow anɛ ow.
- 25 Eke m'anɛ ɔny ab a, m'am dad ɔny low na.
- 26 Abu Ɛlum Ɛs a, Abɛ Lala a eke em Ɛs b'ow ɔɛ ow em e nin em a, b'ow yeɛɛm ɔny low a fɛɛ ɛtɛ b'ow ɔkn ɔny ɔw fɛɛ eke mi dad ɔny a.
- 27 M'am ɛw ɔny ɛrm es ɛy es, m'am ɔɛ ɔny em eci ɛrm es ɛy a. M'ɔɔm ɔny ɛsɛ elɛl eke wus b'ɔɛɛ ɛɛɛ ab af. Ɛrm mij k'ok ɔny, ɛrɛɛ yeji k'ɔny ɔny.
- 28 Irir mi dad m'ɛsɛ: “M'aam kɔ m'ow m'ɛwl mɛny m'ow.” Blɛl b'erurir'm tasi ana, ow ɛɛɛ ɔny sos em uwr any eke m'aam em Ɛs ogɛ, aɛke em Ɛs agb akm'm.
- 29 M'am dad ɔny caca em gbɛɛ ke ɔw amua ɔw, yec'ɛtɛ ke lɛɛɛ a eke ɔw amua b'ow a, ɔbr nawrɛ.
- 30 Mi k'ow mi dadm ɔw nɔnɔ ɔny ab ij, aɛke wus na ec'es ɛw es a am ow. Ow elm ke n'ɔny abusu em e nuɛ af,
- 31 kɔ ow it eke wus k'uw any eke m'ɔny em Ɛs ec'erur. Ow sosiem low yec'a eke em Ɛs b'ibrm a, mi bi kok. Ɔgbr, s'ɛgbroɛɛn aɛa!»

Jan e lɛl 15

Jesu el viny likɛ lis tasi a

- ¹«M'el viny e likɲ lis tasi a, ɛtɲ ɛm ɛs el ɔgm a e juma kok ɛs.
- ²Likɲ lal fɛɲ eke b'ucu'm ke ɔsum ey a, li b'ubr ow es, gbɛkɔ lal fɛɲ eke b'ɔsu ey a, li b'ot ow ɛm es, l'ayal ow, yec'ɛtɲ ke ɛmɛny l'ɔsu ey nɔnɔ l'obn.
- ³Low yɛgm a eke m'ɔɲ ɔny a, ayal ɔny lɛɲɲ a ɛtɲ.
- ⁴Ùcur'm ɛsɛ elɛl eke m'ucu ɔny ab af. Likɲ lal k'ɔtum ɔsum ey in obi ɛm, eke l'ucum likɲ lis a; ɛben nyam coco ɔny yeji, k'ɔtumɲ ɔsumɲ ey eke ucumɲ'm.
- ⁵M'el viny e likɲ a eci lis, ɛtɲ ɔny eel likɲ a ec'ál a. ɛɲɲ eke ucu'm ke ɛm yeji m'ucu'r a b'ɔsu ey nɔnɔ. Tasi ɛm a, k'ɔtumɲ kokmɲ low kaka fɛɲ eke m'anm ɛm.
- ⁶ɛɲɲ eke ucum im a, wɛl b'oc ɔwl'l gbɛɲ ɛsɛ likɲ lal eke ɔsum ey af; li bi wɛw es, ɛtɲ wɛl b'ot ekɲ ál wɛwɛ a wɔwl alm iri ok es.
- ⁷Eke b'anɲɲ ɛm ɛm ɛtɲ ɛm e sodad a yeji b'anɲ ɔny ɛm a, ibrmɲ ɛm ɛs low yec'a eke erurir a, li b'ow n'ɔɲ ɔny.
- ⁸Eke b'ɔsur ey nɔnɔ a, b'ow yɛgmɲ eke eel ɛm e jam us ɛsɛl; ow ɛm anake ɛm ɛs ec'anygbɛl a b'ow ɛy ɔkm a.
- ⁹ɛsɛ elɛl eke ɛm ɛs b'erur'm ab af a, ɛm yeji mi b'erur ɔny ɛben. Ànɲɲ ɛm ec'erur ab ɛm.
- ¹⁰B'ow anɲɲ ɛm ec'erur ab ɛm eke b'ɔsur ɛm e sol a, ɛsɛ elɛl eke m'ɔsu ɛm ɛs e sol a ke m'anɲ in ec'erur ab ɛm ab af.
- ¹¹Mi dad ɔny low na yec'ɛtɲ ke ɛm eci sos ɛm iɲn a ánɲ ɔny ɛm, ke ow ɔɲ ɔny e sos ɛm iɲn a iy nɛny.
- ¹²Kin ɛm ec'ol a eke m'am ɔɲ ɔny a: ɛruririr ɔny ɔfr ɛsɛ elɛl eke m'erur ɔny ab af.
- ¹³Erur ligbɛl a eke ɛɲɲ ɔtu eke k'ɛlu ɔkm a cɛ el ke l'irmɲ in e sel a lawlɛl e nuɲ af.
- ¹⁴Eke bi kokr low yec'a eke m'am ibrm ɔny a, ke eel ɛm lawlɛl ɲ.
- ¹⁵Mi k'ow m'ɛɲɲ'm ɔny madu ij, anɲke adu úwm in ec'es ɛw ɛs e low eke bi kok ab any. M'am ɛɲɲ ɔny ɛm lawlɛl anɲke ɛm ɛs ɛm e low fɛɲ eke mi wɛwr a, mi yɛgm ɔny.
- ¹⁶Ow elm ɔny sɔsuamn ocmɲ'm, kɔ ɛm mi sɔsum m'ot ɔny; m'ɛw ɔny eke k'imɲ ɔsur ey, ɔsur ey eke b'anɲ ibn. Ow b'ow ɔɲ ɛm ɛs ɔɲ ɔny low fɛɲ eke am ibrmɲ ɛm e nin ɛm a.
- ¹⁷Low a eke m'am ibrm ɔny a el: ɛruririr ɔny ɔfr.»

Wus ec'agɲ ifn Jesu lele in ec'agɲ ab ab

- ¹⁸«Eke wus ɔny ɔny e sifn, ɔkan eke ɛm l'ikɲ anym l'ifn'm.
- ¹⁹Blel eel wus ec'ana, wus ɔny ɔny ec'erur eke eel in ec'a sosiɛm. Kɔ mi sɔsum m'ot m'ok ɔny saw, elmn wus ec'ij: na sosiɛm anake wus b'ifn ɔny a.

²⁰Òkan low a eke mi dad òny a: “Adu ágbm akam in ec’es ew a.” Eke agɔ ijɔ’ m gbɔ, òny yɛji -li b’ow -l’ijɔ òny gbɔ; eke -l’elum em e low yɛgm a, -li b’ow -n’òny òny ec’a yɛji ec’elum.

²¹Etɔ em sosiem -li b’ow -li kok òny ów amua fɛɔ, aɔke eɔɔ a eke erm’ m a, -l’uwm ow any.

²²Blel m’owm, etɔ blel mi dadm el odad ana, ke blel ow elm el sikpl. Kɔ caca em a, -n’ònym low eke -li ki dad -li dogɔn sos ij.

²³Eɔɔ ek’òny em e sifn a, òny em Es yɛji eci sifn.

²⁴Blel el ec’araɔn a mi kokm ów eke eɔɔ ejeci k’òtum kokm ana, ke blel ow elm el sikpl. Kin, ca -l’ekn em ec’ów a etɔ em lele em Es ab -n’am ifn ey.

²⁵Gbɛkɔ ów amua am ey yec’etɔ ke odad na eke wɛl nɔn el ec’ol ab em a íy neny: -N’òny em e sifn ów ɔbr em.

²⁶Abu Elum Es a b’ow ow: in l’el low nenyembri nyam ec’Abɔ eke aɔɔ em Es oɔɔ am ow. Em Es b’ow oc’r ɔɔ’ m m’ɔɔ òny, etɔ li b’ow l’ij em e danɔku.

²⁷Etɔ òny yɛji, b’ow ijɔ em e danɔku aɔke aɔɔ em ab nuɔ ɔb em etɔ.»

Jan e lel 16

¹«M’am dad òny ów amua yec’etɔ ke k’ówrmm òny ec’omn a.

²Wɛl b’ow oɔɔ òny Nyam nuɔ igɔ susu. Etɔ emeny lɛɔɔ aɔɔ anym am ow eke agɔ a eke b’ow ibi òny a b’ow tutr eke ow el Nyam juma anake -n’am kok a.

³-Li b’ow -li kok eɔen aɔke -l’uwm em Es any, etɔ em obi em obi yɛji -l’uwm’ m any.

⁴Gbɛkɔ mi dad òny low na yec’etɔ ke lɛɔɔ a eke ow b’ow ow a, ókan eke m’ikɔ anym mi dad òny.»

Abɔ Lala e juma

«Mi dadm òny low na nuɔ ɔb em etɔ aɔke m’añɔ òny ab.

⁵Sica m’aam eɔɔ a ek’erm’ m a oɔɔ, etɔ òny em ec’eɔɔ kaka íbram im yogɔ a eke m’aam a.

⁶Nene eke mi dad a, sos ɔw òny es nimum.

⁷Gbɛkɔ m’am dad òny tasi eke ow akpl òny eci eke mi k’im; tasi em a, eke m’iim, Abu Elum Es a k’ow owm. Kɔ eke m’im a, m’ow m’ɔɔ’n l’ow.

⁸Etɔ lɛɔɔ eke li b’ow l’ow a, li b’ow li yɛgm wus ec’agɔ a el eci wus ey sikpl owi ab em, low nenyembri nyam owi ab em, lele Nyam e jej ok owi ab em ab.

⁹-L’ok wus sikpl owi em aɔke -l’ubmm’ m nawɔ;

¹⁰-l’ok wus low nenyembri nyam owi em aɔke m’aam em Es oɔɔ etɔ -li k’ow -l’eknmn’ m ij;

- 11-l'ok wus jej ok owi em anke wus ec'abusu es a, wel ob'r low h̄.
- 12Sicaca em a, m'ony ów nɔnɔ eke mi ki dad ony, kɔ k'ow otumn irimn ij.
- 13Gbəkɔ lɛgɔ a eke low nenyembri nyam ec'Abɔ a b'ow ow a, li b'ow ni nyimn ony low nenyembri nyam fɛɔ em. Li k'ow li dadm in obi e nin em ec'odad, kɔ li b'ow li dad yec'a eke l'iri a, ɛtɔ li b'ow l'ɛwar ony low yec'eke b'ow ɛy a.
- 14Li b'ow l'ɛlu em ec'anygbɛl a ɔkm, anke li b'ow l'ot yec'a ek'el em ec'a, ɛtɔ li b'ow li dad ony ow e low.
- 15Em ɛs ec'ob fɛɔ eke ony a, el em eci; ow sosiem anake mi dad m'ɛsɛ: Abɔ b'ow eb yec'ek'el em ec'a ɛtɔ li b'ow li dad ony ow e low.»

Sos es ɔw b'ow itɔn el sos em iɔn

- 16«Ow k'ow ibnm eke k'ow ɛknm'm ij, ɛtɔ emeny eke ow b'ow kok sɛgɔ waa a, b'ow ɛwal ɛkan'm.»
- 17ɛtɔ in e jam ɛsɛl ab em e bɛb am dad el ɔfr em ɛsɛ: «Ke na in e nyandɛ el ayaf ee? Li dad ɛy eke ow'n k'ow in ibnm eke ɛs k'ow ɛs ɛknm'n ij; ɛtɔ emeny ow'n b'ow in kok sɛgɔ waa, ɛs b'ow ɛs ɛwl ɛs ɛkn'n. ɛtɔ emeny li dad eke in aam ɛs ogɔ.
- 18Sɛgɔ waa a eke n'am dad ow ec'odad a e nyandɛ el bogɔ ec'ee? Low yec'a eke n'am erur eke li ki dad a, si k'irim!»
- 19Jesu am uw any eke jam ɛsɛl a am ɔl eke k'ibrm'n low. Ow ɔɔ li dad wel ninɛ: «Mi dad ony eke ow k'ow ibnm eke k'ow ɛknm'm ij, ɛtɔ emeny eke ow b'ow kok sɛgɔ waa a, b'ow ɛwal ɛkan'm. Kɔ na ec'anake ony ɔfr em a am ɔɔ ow e nyandɛ ab ee?
- 20ɛɛ, low nawɛ m'am dad ony: b'ow ikɔn ɔɔn kokɔ ɔɔɔ, kɔ wus gbɛ b'ow anɔ sos em iɔn em; b'ow anɔn sos es ɔw em, kɔ ony eci sos es ɔw a b'ow itɔn el sos em iɔn.
- 21Yɔw ám ew iy a, li b'anɔ gbɛ ij em, anke in e gbɛ ij e lɛgɔ a ow h̄. Kɔ li b'ew iy a, li b'ijl gbɛ ij ab es, iy a eke l'ew a eci sos em eke am iɔn'n a sosiem.
- 22ɛben eke sicaca em a, anɔn gbɛ ij em ana, gbəkɔ emeny m'ow m'ɛwl m'ɛkn ony ɛtɔ b'ow anɔn sos em iɔn em; sos em iɔn ikɔ na, ɛgɔ kaka k'ɔtum ebm ony abu em.
- 23Eke lɛgɔ ikɔ na b'ow a, k'ow ibramn'm low kaka fɛɔ ij. ɛɛ, low nawɛ m'am dad ony: ob fɛɔ eke b'ow ibrmn em ɛs em e nin em a, li b'ow n'ɔɔ ony.
- 24Tɔɔ ke it yɛfɛnyina a, ibramn low kaka em e nin em. Ke ony e sos em iɔn a ágb a, ibrmn, b'ow ɛɔan.»

Jesu akm wus es

- 25«M'oc nyandɛ em odad mi dad ony ów amua fɛɔ. Lɛgɔ am ow eke mi k'ow mi dadm ony ɛben ij, kɔ yogɔ anake m'ow mi dad ony em ɛs e lís e low a lala em a.
- 26Ow e lɛgɔ ab em a, b'ow ibrmn em ɛs low em e nin em; mi dadm ony eke m'ow mi ɔɔɔn'n m'ɔɔ ony,

²⁷an̄ke em Es in obi li b'erur ony. Li b'erur ony an̄ke b'erurir'm et̄j b'ubr nawre eke m'ann̄ Nyam ogn̄ m'ow.

²⁸M'ann̄ em Es ogn̄ m'ow m'ey wus af an̄a. Sica m'am elu wus es ke m'ewl m'im em Es ogn̄ a.»

²⁹In e jam esel a am dad'r es̄e: «Sica am dad ów a erum mar, ócm odad nyandre em dadrm odad ij.

³⁰Sica s'uw any eke uw low low f̄ej any, et̄j b'ik̄j anym uw low yec'a eke w̄el k'ibrm̄ η ab any. Em an̄a anake s'ub nawre eke ann̄ Nyam ogn̄ ow a.»

³¹Jesu dad el nine: «Cat̄j ubr nawre ee?

³²Ēe, wanci am ow, et̄j wanci a ow yeji η̄; yoḡj ony f̄ej b'ow omun es, ke egn̄ egn̄ ím in ogn̄ ke ow ó̄j ign̄j elul'm es em sony. Njan̄, tasi em a, m'anm em sony an̄ke em Es ann̄ em ab.

³³Mi dad ony ów amua f̄ej yec'et̄j ke em em a, é̄jan erm es ey. B'ow ijr gbre wus af an̄a, k̄o erm úsu ony lokm an̄ke m'akm wus es.»

Jan e l̄el 17

Jesu am η̄oj̄n Nyam in ec'anygbel a ek'ey okm a eci

¹Sica eke Jesu dad sodad amua bake ow uwr a, l'igbl any ogn̄ afr et̄j li dad nine: «Em Es, wanci a ow η̄; èlu Ejim̄j ec'anygbel a okm yec'et̄j ke Ejim̄j yeji él̄u η ec'a okm,

²ke n'ó̄j aḡj a eke ot abul il a sel ek'onym uwr, abusu a eke on̄'n aḡj e nūj af ab em.

³Sel ek'onym uwr a el: ke w̄el úw'η any, η eke el Nyam nawre nyam coco a, ke w̄el úw Jesu Krist eke erm a yej'any.

⁴M'elu η ec'anygbel a okm wus af an̄a, juma a eke on̄'m eke mi ki kok ab em.

⁵Sica em Es, anygbel a eke m'ej̄n η e lís gbūj ke wus ann̄ a, èlu'm anygbel ik̄j na okm η ec'any af.»

Jesu am η̄oj̄n Nyam on̄j in e jam esel a

⁶«Wus ec'aḡj a eke ot abul'm a, m'oc'η mi yēgm el. -L'el η eci et̄j ot abul'm et̄j -l'os̄u η ec'odad ebl a.

⁷Sica -l'uw any eke ob f̄ej eke m'on̄y a, η ogn̄ ow ann̄ ow,

⁸an̄ke m'on̄j el odad a eke on̄'m a, et̄j -l'eb. Tasi -l'eḡj -l'eb eke m'ann̄ η ogn̄ a m'ow, et̄j -l'ub nawre eke erm'm.

⁹M'am η̄oj̄n'η el eci; ow elm wus eci mi η̄oj̄nm, k̄o aḡj a eke abul'm a sosiem an̄ke -l'el η eci.

¹⁰Ob f̄ej eke m'on̄y a η eci, et̄j η ec'eke on̄y a yeji el em eci, et̄j em ec'anygbel a b'ey okm el em.

11Mi k'ow m'anm wus ij, kɔ el gbɛ -n'anɔ; ɛm, m'am ow η ogɔ. Ɛm Ɛs lala, ɔsu el η e nin a ek'ɔɔ'm ab ɛm, yec'ɛtɔ ke -l'el nyam, ɛsɛ elɛl eke ɛm lele η ab s'el nyam ab af.

12Eke m'anɔ el ab a, m'ɔsu el η e nin ɛm, nin a eke ɔɔ'm ab ɛm. Mi b'ew el nyamn af, ɛtɔ el ɛm ec'ɛgɔ kaka iram, ek'ow elm in a cɛ ek'it eke k'irm, ke Nyam Lɛl a íy neny a.

13Sica m'am ow η ogɔ, ɛtɔ ɛmɛny eke m'anɔ wus a, m'am dad ɛbɛn yec'ɛtɔ ke el ɛm a, -n'ɛɔn ɛm e sos ɛm iɔn a, sos ɛm iɔn a nimum.

14M'ɔɔ el η ec'odad a ɛtɔ wus ɔny el e sifn, aɔke -l'elm wus eci ɛsɛ elɛl eke ɛm yeji m'elm wus ec'ab af.

15Mi ηɔɔnm eke k'ɔny ot el es wus af aɔa, kɔ eke k'ɔsu el Low Duɔ Ɛs e lís.

16-L'elm wus eci ɛsɛ elɛl eke m'elm wus ec'ab af.

17Ɖ ec'odad a el low nenyembri nyam. Low nenyembri nyam ab ɛm, kòk el -l'el η eci kpekɔ kpekɔ.

18M'am ɛrm el wus ec'agɔ ɛm ɛsɛ elɛl eke ɛm yeji ɛrm'm wus ec'agɔ ɛm ab af.

19M'am ocr ɛm sosi nimum m'ɔɔ'η el eci, yec'ɛtɔ ke el yeji -l'el η eci kpekɔ kpekɔ.»

Jesu am ηɔɔn Nyam ɔɔ agɔ a fɛɔ eke b'ow ub'r nawɛ a

20«Ow elm el ɔny cɛ eci Nyam mi ηɔɔnm kɔ agɔ a eke el yeji b'ow ub'm nawɛ jam ɛsɛl a eci danɔku ij ab ɛm a.

21M'am ηɔɔn eke el fɛɔ -li k'el nyam. Ɛm Ɛs, ow it eke -li k'okr af ɛy ab ɛsɛ elɛl eke m'anɔ η ɛm ke η yeji anɔ ɛm ɛm ab af, yec'ɛtɔ ke wus ec'agɔ a úb nawɛ eke ow el η ɛrm'm.

22Ɛtɔ m'ɔɔ el anygbɛl a eke ɔɔ'm a yec'ɛtɔ ke -l'el nyam ɛsɛ elɛl eke η lele ɛm ab s'el nyam ab af.

23M'anɔ el ɛm ɛtɔ η yeji anɔ ɛm ɛm; ow ɛm anake -li b'ow -l'ɔtu -l'el nyam tasi a, yec'ɛtɔ ke wus úw any eke ɛrm'm ɛtɔ b'erur el ɛsɛ elɛl eke b'erur'm ab af.

24Ɛm Ɛs, ot el ɔɔ'm, ɛtɔ m'erur eke yogɔ a eke m'anɔ a, el yeji -n'anɔ ɛm ab yec'ɛtɔ ke -l'ɛkn ɛm ec'anygbɛl a, anygbɛl a ek'ɔɔ'm a, aɔke erur'm gbuɔ eke wɛl ki kok wus a.

25Ɛm Ɛs, Low Nyim Nyim Ɛs, wus uwm'η any, kɔ ɛm m'uw'η any ɛtɔ agɔ amua uw any eke ow el η ɛrm'm.

26M'oc'η mi yeɔm el ɛtɔ ɛmɛny m'ow m'oc'η mi yeɔm el yec'ɛtɔ ke ɛm ec'erur a eke ɔny a ánɔ el ɛm, ke ɛm obi yeji m'ánɔ el ɛm.»

Jan e lɛl 18

Jesu ec'ɔny

Matie 26.47-56; Mark 14.43-50; Luk 22.47-53

- ¹Eke Jesu dad ów amua bake ow uwr a, in e jam esel ab ab, -n'im Sedron eci mij ewl mij a e jam a. Yogn, egb lakp nyam anj eke in e jam esel ab ab -n'imn -l'okr em.
- ²Judas eke am ol Jesu ij a yeji uw usu ab any, anke sakp nono Jesu lele in e jam esel ab ab b'as luku yogh.
- ³Egb waw esel ec'agh egbel a lele Farisiel ec'ogog ec'agh ab ab ot srɔda eyj lele usu osu esel ab oj Judas, etj l'ot wel ab n'im egb lakp ab em. Ar mob anj el abu em etj -n'onym es ekan mob lele mrabri ab.
- ⁴Etj eke Jesu uw low a feñ eke b'ow eñn'n ab any a, n'im li titm wel etj n'am ibrm wel l'ese: «Kɔ bwo am ol ee?»
- ⁵-Li dad ow nine: «Nasaret e Jesu.» Jesu dad el nine: «Em ana.» Ke Judas eke am ony Jesu oj el a anj el ab.
- ⁶Kpekj eke Jesu bi dad el ek'ow el in a, -li kpukj -n'im jam etj -l'ok wus.
- ⁷Emeny Jesu am ibrm el ese: «Kɔ bwo am ol ee?» -Li dad nine: «Nasaret e Jesu.»
- ⁸Jesu dad el nine: «M'ikj anym mi dad ony eke em ana. Eke ow el em am ol'm, ke egbr agj likpr a es im.»
- ⁹Elel eke odad a eke li dad a k'iy r neny ana: «Em Es, m'irmnm j ec'agh a eke abul'm a e nyam yeji.»
- ¹⁰Sica Simo Pier ony lab ler em eke n'onym ab a l'osm es, etj l'iy r egb waw es ligbel a ec'abu elum es a, etj l'ubr ow lidr e loru ab es. (Abu elum es a e nin a el Malkus.)
- ¹¹Kɔ Jesu dad Pier nine: «Òc j e lab ler em a elu ow ec'ekpr ab em. Kɔ am tutr eke mi k'ow m'eghm gbre e mij kpok a eke em Es oj'm ab ee?»
- ¹²Srɔda eyj a lele el eci nyimn es ab ab, Jwifel ec'es ew el a eci usu osu esel a okr af ony Jesu etj -n'awj ow.
- ¹³-L'ikj anym -l'oc ow -n'im An ogj a. An el Kayif eke lakpo ab af el egb waw es ligbel a eci anu.
- ¹⁴Ke Kayif anake om Jwifel ec'es ew el a ów dad eke: ow'n akpl ony eci eke egj nyam in k'uw dedeku a feñ ec'a.

Pier egbr Jesu

Matie 26.69-70; Mark 14.66-68; Luk 22.55-57

- ¹⁵Simo Pier lele jam es ejeci nyam ab am us Jesu jam. Eke jam es na el egj eke egb waw es ligbel a uw any a, ow oj l'ey ow e gbugj a Jesu ab.
- ¹⁶Kɔ Pier gbɛ anj gbenj lisany a. Etj jam es a eke egb waw es ligbel a uw any a ey okm ow dad yow a eke am osu lisany a odad etj n'oj Pier yeji ey gbugj a.
- ¹⁷Yow a dad Pier nine: «Kɔ j yeji, elm egj na e jam esel ab em ec'egj nyam ee?» Pier dad'r nine: «M'elm in e jam es.»

18Ow el lefr legɲ iy, ow sosiem anake madu a lele usu ɔsu esel ab ab fuf al ke ok es am ɔgbu a. Pier yeji anɲ el em etɲ am ɔgbu al a.

Egb waw es ligbɛl a am ibrm Jesu low

Matie 26.59-66; Mark 14.55-64; Luk 22.66-71

19Egb waw es ligbɛl a am ibrm Jesu low eke ɔn in e jam esel a lele in e low yegm ab ab es.

20Jesu dad'r ninɛ: «Mi dad agɲ a fɛɲ ec'any af; sɛɲɲ a fɛɲ mi bi yegm agɲ low Nyam nuɲ igɲ susu a lele Nyamel gbɛl em ab, yogɲ eke Jwifel fɛɲ b'as luku a etɲ mi dádm low kaka es lol em.

21Kɔ bla sosiem etɲ am ibrm im low ee? Íbrm agɲ a eke iri yec'a eke mi dad el a; el, -l'uw yec'a eke mi dad el ab any senyn senyn.»

22Eke Jesu dad nɛnɛ a, usu ɔsu esel ab em e nyam ek'any yogɲ a edɲ Jesu any af etɲ am dad esɛ: «Kɔ ɛbɛn eke am dad egb waw es ligbɛl odad ana ee?»

23Jesu dad'r ninɛ: «Eke mi dad low eke akplm, èlu ɔkm; sica eke low a eke mi dad a akpl, ke bla sosiem etɲ am ɔr'm ee?»

24Etɲ An ɔɲ wɛl oc Jesu eke anɲ meb em a im egb waw es ligbɛl Kayif ogɲ a.

Emɛny Pier ɛgbr Jesu

Matie 26.71-75; Mark 14.69-72; Luk 22.58-62

25Wanci ab af cɛ, Simɔ Pier gbɛ anɲ yogɲ a cɛ am ɔgbu al. Wɛl am ibrm'n esɛ: «Kɔ ɲ yeji elm ɛɲ na e jam esel ab em ec'ɛɲɲ nyam ee?» Kɔ Pier ɛgbr dad ninɛ: «M'elm in e jam esel ab em ec'ɛɲɲ.»

26Egb waw es ligbɛl a e madu ab em e nyam, eke el ɛɲɲ a eke Pier akpr loru es a ec'ɛɲɲ a, dad'r ninɛ: «Kɔ m'ɛknm'ɲ in ab egb lakp ab em ee?»

27Kɔ emɛny Pier ɛgbr. Etɲ ow e wanci ab af cɛ ɲɔs ikɲ.

Wɛl oc Jesu im Pilat ec'any af

Matie 27.1-2, 11-14; Mark 15.1-5; Luk 23.1-5

28Ibribr fafa em a, wɛl igɲ Kayif ogɲ a etɲ oc Jesu im Pilat eke Rom ɛw Jude ec'es ɛw es a eci gbugɲ a. Jwifel ec'es ɛwɛl a okm gbugɲ a bake -li k' uwmn anɲ, Pak ec'ob eke -li k'ɔtu -l'ij a sosiem.

29Ow sosiem Pilat ow ɛɲɲ el gbenɲ etɲ am ibrm el esɛ: «Kɔ bla lowi af am cicar ɛɲɲ na ee?»

30-Li dad ow ninɛ: «Blɛl l'elm low ɲuɲ kok es, blɛl s'ocm'n s'ism'ɲ.»

31Pilat dad el ninɛ: «Òcr ir ɔny obi ke ɔny ec'ol ab em, jéjr in e low okr.» -Li dad ninɛ: «S'ɔnym abusu eke si k'ɔb ɛɲɲ low luw eci.»

32Jesu eci luw owi a eke dad ow ec'odad a ec'elel eke k'iyɲ nɛny ana.

33Etɲ Pilat ɛwl ɛy gbugɲ; n'ɔɲ wɛl ɛsɲ Jesu ow etɲ n'am ibrm ow l'esɛ: «Kɔ ɲ, Jwifel ec'ɛb ebu ab ana ee?»

- ³⁴Jesu dad nine: «Kɔ eke tutr η obi etη am dad, oglog agη dad'η em e lís e low ee?»
- ³⁵Pilat dad nine: «Kɔ em Jwif m'el ee? Ɖ ec'eb ec'agη lele egb waw esel egbel ab oc'η is'm; kɔ bla kok ee?»
- ³⁶Jesu dad nine: «Em ec'es ew a elm wus na eci; blel em ec'es ew a el wus na eci, ke blel em eci juma kok esel a ógη mum. -Li k'egηmn wel ocm im ɔcm Jwifel ec'es ewel a. Njan, em ec'es ew a elm wus na eci.»
- ³⁷Etη Pilat dad'r nine: «Njε η, eb ebu ee?» Jesu dad nine: «Ɖ dad eke m'el eb ebu. Em, wel ew'm m'ow wus af aηa eke mi k'ij low nenyembri nyam e dan̄ku. Egη fεη eke el low nenyembri nyam ec'a b'iri em ec'odad.»
- ³⁸Pilat dad nine: «Low nenyembri nyam, ke bla?»

Wel ɔb Jesu low luv eci

Matie 27.15-31; Mark 15.6-20; Luk 23.13-25

Eke Pilat dad ów amua bake ow uwr a, emeny l'ewl n'im gben n'εηη Jwifel a, etη li dad wel nine: «Mi k'eknm low sosiem eke mi k'ɔb εgη na low a.

- ³⁹Gbekɔ ɔny ec'ol a eke ɔnyn ab em, sakp sakp fεη Pak ec'es gbεgbl e lεgη a, mi b'elu ɔny sobel em es nyam es. Kɔ am erurir eke mi k'elu Jwifel ec'eb ebu ab es m'ɔη ɔny ee?»
- ⁴⁰-Li dad ow sɔg em nine: «Njan, ow elm in! Ey, Barabas s'am erur!» Ke Barabas a εgη ηuη.

Jan e lel 19

- ¹Etη Pilat ɔη abusu wel oc Jesu ow eke wel k'ɔr'r ηgbre em.
- ²Sɔda eyη a ol mirη tufe etη us'r; -l'us ow mob sus em ebl yeji.
- ³-L'ow -li titm ow etη -li dad ow nine: «Jwifel ec'eb ebu, s'am ibrm'η!» Etη -n'am dedη ow any af.
- ⁴Emeny Pilat ewl ey ɔkm etη am dad dedeku a ese: «M'ow m'oc'r m'is ɔny gben aηa yec'etη ke úwr any eke m'εηnm low eke mi k'ɔbr εgη na low.»
- ⁵Ca Jesu ey ɔkm; l'us mirη tufe a lele mob sus em ebl ab ab. Pilat dad el nine: «Kin εgη a!»
- ⁶Gbekɔ kpεkη eke egb waw esel ec'es ewel a lele usu ɔsu esel ab ab εkn'n a, -n'am ɔg -li dad -l'ese: «Èw'r olikη af! Èw'r olikη af!» Pilat dad el nine: «Ɖmn ɔny obi ewr ir olikη af, kɔ em em tasi a, m'εηnm low kaka eke mi k'oc m'ɔbr'r low.»
- ⁷Jwifel a dad'r nine: «Ey s'ɔny ol, etη ol ab em l'it eke li k'uw, aηke l'urum etη li dad ek'in Nyam ec'Iy.»
- ⁸Eke Pilat iri sodad amua a, in eci erηη a obn.
- ⁹L'ewl l'ey gbugη etη n'am ibrm Jesu l'ese: «Kɔ η, bogη iy ee?» Kɔ Jesu cizm sar okm'n es.

- 10 Ɛtɛ Pilat dad'r ninɛ: «Erurm eke ki dad'm odad ee? Kɔ uwm any eke m'ony abusu eke mi k'elun ɛs, ɛtɛ emeny m'ony abusu yeji eke mi k'onj wel ew'ɛn olikɛ af ee?»
- 11 Jesu dad'r ninɛ: «D obi em a, onym abusu kaka em af eke ow elm yec'a eke Nyam onj a. Na sosiem anake ɛɛn a eke oc ow'm n ogɛ a kok sikpl akm n a.»
- 12 Wanci ab af cɛ Pilat am ol eled eke k'elul Jesu es. Gbɛkɔ Jwifel a am og dad ɛsɛ: «Eke elu ɛɛn na es, k'ow elm Sesar e lawl ij! Ɛɛn fɛn eke urum ke am ocr in sosi eb ebu a, el Sesar ec'ifnu!»
- 13 Eke Pilat iri sodad amua a, n'onj wel oc Jesu ow gbɛn; n'onj ow ow sig es jej ok usu a eke wel b'ɛsɛn “Usu eke wel kok mebn em” (ke Ebre em wel b'ɛsɛn “Gabata”).
- 14 Ow el Pak ec'es gbɛgbl a e nenɛɛn krɛkrɛ a e sos bɛbm e lɛɛn. Eke lɛɛn am uyu nun a, Pilat dad Jwifel a ninɛ: «Kin ony eci eb ebu a!»
- 15 Gbɛkɔ -n'am og -li dad -l'ɛsɛ: «Wel ibi'r! Wel ibi'r! Ɛw'r olikɛ af!» Pilat dad el ninɛ: «Kɔ ow it eke mi k'ew ony ec'eb ebu a olikɛ af ee?» Egb waw ɛsɛl ɛgbel a dad ninɛ: «S'onym eb ebu ejeci eke ow elm Sesar cɛ.»
- 16 Ɛtɛ sica Pilat elu Jesu es onj el eke -li k'ew ow olikɛ af.

Wel ew Jesu olikɛ af

Matie 27.32-44; Mark 15.21-32; Luk 23.26-43

Ɛtɛ -n'ony Jesu -l'oc ab -n'im.

- 17 L'abu in ec'olikɛ a in obi ɛtɛ l'ey okm baɛn a n'im usu nyam eke wel b'ɛsɛn “Nun kpok ec'usu” (ke Ebre em wel b'ɛsɛn “Golgota”).
- 18 Yogɛn anake srɔda eyɛn a ew Jesu olikɛ af a. -L'ew agɛn ejeci yony yeji olikɛ af, ɛtɛ Jesu anɛn el araɛn.
- 19 Pilat onj wel non lel aru olikɛ a; kin ow eke wel non: “Nasaret e Jesu, Jwifel ec'eb ebu”.
- 20 Jwifel nono awl lel a anke yogɛn a eke wel ew Jesu olikɛ af a titm baɛn a, ɛtɛ lel a eke wel non a el Ebre em, Latɛn em lele Grɛk em ab.
- 21 Ow onj Jwifel ec'egb waw ɛsɛl ec'es ewel a im am dad Pilat ɛsɛ: « “Jwifel ec'eb ebu a” eke wel non a, k'ew es, kɔ non dad ɛsɛ: “Ɛɛn na ninɛ: m'el Jwifel ec'eb ebu”.»
- 22 Pilat dad ninɛ: «Ow a eke mi ki non a ow mi non a.»
- 23 Eke srɔda eyɛn a ew Jesu olikɛ af a, -l'oc ow eci mob sos ew a, ɛtɛ -li cɛc sakp yar; ɛɛn ɛɛn akp nyam ebm. -L'oc ow eci mob sus em gbɛl a ek'el mrumru, ke ow el ol em wel ol a.
- 24 Srɔda eyɛn a am dadarir ɛsɛ: «Si k'onyn mob sus em gbɛl na si ki gbagbrmn em, kɔ si kɔkr sɔsum oc, s'uwɛr ɛɛn eke ow k'el in ec'ab any.» Ow onj Nyam Lɛl a iy neny: -Li cɛc em ec'ob sos ew a el ofr ɛtɛ -li kok em e mob sus em gbɛl a eci sɔsum oc. Srɔda eyɛn a e low a eke kok ab ana.

²⁵Jesu lis ena, lis lisijow, Klopas ey Mari lele Mari Magdala banɲ yowi ab ab anɲ olikɲ a e saw.

²⁶Jesu ekn lis eɲɲ l'ekn jam es a eke li b'erur a ek'anɲ lis saw. Li dad ow nine: «Em lis, kin ejimɲ.»

²⁷Eɲɲ li dad jam es a nine: «Kin esɲ.» Ow e læɲɲ a eɲɲ anake jam es a eb ew'r es in ogɲ a.

Jesu eci luw a

Matie 27.45-56; Mark 15.33-41; Luk 23.44-49

²⁸Eke low na b'ec a, Jesu uw any eke low fɛɲ uwr ê. Ke sica Nyam Lel ec'odad a íy neny a, li dad nine: «Mij amn am ony'm.»

²⁹Mijel nyam anɲ yogɲ eke srɔda eyɲ a eci mar anɲ em, eɲɲ -l'oc mbra -l'usm mar ab em, -l'oc -l'ucur likɲ eɲɲ -l'igɲ Jesu neny.

³⁰Eke l'egɲ mar a, li dad nine: «Fɛɲ iy neny ê.» Li b'is any es, eɲɲ l'ok sel es.

Srɔda eyɲ a upr Jesu menɛgb em

³¹Læɲɲ a el nenɛɲɲ e sos bæbm e læɲɲ; Jwifɛl érum eke læɲɲuw k'anɲ olikɲ af nenɛɲɲ e læɲɲ, eɲɲ emeny nenɛɲɲ e læɲɲ na yeji el nenɛɲɲ ligbɛl; ow sosiem, -l'ibrm eke Pilat k'ɔɲ wɛl bubm agɲ a eke anɲ olikɲ af a akr ke wɛl óny ot el es.

³²Srɔda eyɲ a im eɲɲ bubm agɲ a eke wɛl ew olikɲ af Jesu ab a akr.

³³Eke -li b'ok Jesu ogɲ a, -l'ekn eke ow uw ê; ow sosiem anake -li bubam ow akr a.

³⁴Gbɛkɔ srɔda eyɲ ab em e nyam oc in eci mpragb a igɲ Jesu menɛgb em eɲɲ kpɛkɲ mebl lele mij ab am ok es.

³⁵Egɲ a ek'am ij ów amua e danɲku a ekn ów a eɲɲ in e danɲku ij a el nawrɛ; in, l'uw any eke low nawrɛ n'am dad. N'am ij ow e danɲku yec'eɲɲ ke ony yeji úbr nawrɛ.

³⁶Tasi em a, ów amua ey yec'eɲɲ ke Nyam Lel ec'odad a íy neny: Wɛl k'ow ubm'n luw kaka es.

³⁷Eɲɲ emeny Nyam Lel ejec'am dad esɛ: -Li b'ow -li ler egɲ a eke -l'upar menɛgb em a.

Jesu ec'es oc owi

Matie 27.57-61; Mark 15.42-47; Luk 23.50-56

³⁸Ów amua b'ec a, Josef, Arimate banɲ iy a ow ibrm Pilat abusu eke k'oc Jesu eci sos megl a. Ke Josef a, Jesu eci jam es kɔ es lɔl em, anɲke li b'uru Jwifɛl ec'es ewɛl a. Pilat ɔɲ'n abusu l'oc Jesu eci sos megl ab ab n'im.

³⁹Nikodɛm a eke ncok nyam im eɲɲ Jesu a yeji ow. L'ism kpɛy eke wɛl wuwlm mijɛy ejec'ab ke ow eci leg a ɔtu eke k'ij kilo likɲ lele læw ab.

⁴⁰Agɲ a yony mum oc Jesu eci sos megl a, ok sekp sɲɔsɲɔ sigbad og ab af eɲɲ oc wiwrm'n sos ab esɛ elɛl eke Jwifɛl bi kok egɲ es oc em ab af.

⁴¹Usu a eke wɛl ɛw Jesu oliƙɔ af a, egb lakp nyam anɔ; ɛm yogɔ, uwomu owr nyam anɔ eke wɛl ocm ɛgɔ es ɛm.

⁴²Eke ow el Jwifɛl a eci nɛnɛgɔ eci sos bɛbm e lɛgɔ, ke uwomu a yeji titm a, -l'oc ow es ɛm yogɔ.

Jan e lɛl 20

Jesu eci luw ɛm anɔ igb owi

Matie 28.1-8; Mark 16.1-8; Luk 24.1-12

¹Dimas ibribr fafa a, ek'usu k'otm es a, Mari, Magdala yowi a im uwomu ab af. L'ɛkn uwomu neny a eci lob a ek'oc es anɔ saw.

²Ow ɔɔ l'uru es n'im n'ɛɔn Simo Pier lele jam es a eke Jesu b'erur ab ab, ɛtɔ li dad wɛl ninɛ: «Wɛl ɔny ɛgɔ gbɛl a oc es uwomu ab ɛm, ɛtɔ s'uwm yogɔ eke wɛl oc ɛw'r ab any.»

³ɛtɔ Pier lele jam es yec'ab ab im yogɔ a eke uwomu a anɔ a.

⁴Agɔ a yony mum okr af am uru es im, gbɛko jam es yec'a uru es fafa akm Pier ɛtɔ ikɔ anym im ok uwomu ab af.

⁵L'is es li lɛr uwomu ab ɛm, ɛtɔ l'ɛkn sigbad og eke ok es wus, ko l'ɛym uwomu ab ɛm gbɛ.

⁶Simo Pier eke am us'r jam a yeji im ok yogɔ ɛtɔ ɛy uwomu ab ɛm. L'ɛkn sigbad og eke ok es wus yogɔ,

⁷lele gbad a eke wiwrm Jesu nuɔ ab a; gbad na anm sigbad og ab ab, ko wɛl ar es ɛw es usu ɛjeci.

⁸ɛtɔ jam es ɛjec'a, in a eke ikɔ anym im uwomu ab af a yeji ɛy uwomu ab ɛm. L'ɛkn ɛtɔ l'ub nawrɛ.

⁹(Ke tasi ɛm a, toɔ wanci ab af a, jam ɛsɛl a k'irim Nyam Lɛl ec'odad ek'am dad eke Jesu in b'ow in igb agɔ ek'in uw ab ɛm a e low.)

¹⁰ɛtɔ jam ɛsɛl yony a ɛwl im ɛl ogɔ a.

Jesu ɛlu sos ɔkm yɛgm Mari, Magdala banɔ yowi a

Matie 28.9-10; Mark 16.9-11

¹¹Mari anɔ gbɛɔ uwomu a saw, ɛtɔ am ikɔ ɔɔn. ɔɔn ikɔ ab ab, l'is any es eke li k'ɛkn uwomu ab ɛm;

¹²l'ɛkn afr ɛrm ɛsɛl yony eke sus mob efu ok es usu a eke wɛl ɛw Jesu eci sos megl a: nyam anɔ nuɔ af ɛtɔ nyam anɔ akr esr a.

¹³Afr ɛrm ɛsɛl a am ibrm'n ɛsɛ: «Yow, ko bla ɛtɔ am ikɔ ɔɔn ee?» Li dad wɛl ninɛ: «Wɛl ɔny ɛm ɛgɔ gbɛliy oc es ɛtɔ m'uwm yogɔ eke wɛl ɛw'r es ab any.»

¹⁴Eke n'am dad ɛben a, l'ɛwl sos mɛny ɛtɔ l'ɛkn Jesu ek'anɔ yogɔ, ko l'uwm any eke ow el ow.

¹⁵Jesu ibrm'n nine: «Yow, ko bla etɲ am ikɲ ɔɲn ee? Ko bwo am ɔl ee?» N'am tutr eke ow el egb lakp a eci juma kok es a, na sosiem li dad ow nine: «Egɲ gbɛl, eke ow el ɲ oc'r ab im, ke yɛgm'm usu eke ew'r a, ke m'im m'oc'r.»

¹⁶Jesu esɲ'n: «Mari!» L'ewl sos meny etɲ li dad ow Ebre em nine: «Rabuni!» (ek'el nyandre em "Low yɛgm agɲ es").

¹⁷Jesu dad'r nine: «Njaɲ, k'ucu k'ony'm es! Mi k'iim em Es ogɲ a, ko im dad em lisijimɛl a eke m'aam em Es a eke ɔny yeji el ɔny Es a ogɲ, m'aam em e Nyam a eke ɔny yeji el ɔny e Nyam a ogɲ.»

¹⁸Etɲ Mari, Magdala yowɪ a im eɲɲ jam esɛl a etɲ am ɔb el amani dad esɛ: «M'ɛkn Egɲ gbɛl a!» Etɲ n'am dad wɛl low yec'a eke ow dad'r a.

Jesu yɛgm in e jam esɛl a sos

Matie 28.16-20; Mark 16.14-18; Luk 24.36-49

¹⁹Dimas a cɛ eci ncebles a, jam esɛl a as luku êl nyam em. -Li babl masany a fɛɲ safue em aɲke -n'am uru Jwifɛl ec'es ewɛl a. Jesu ey ɔkm el ec'araɲɲ inym es etɲ am dad el esɛ: «Erm es ey áɲɲ ɔny ab!»

²⁰Li b'ok odad ab es a, n'am yɛgm wɛl in e sabu a lele in eci menegb em ab ab. Jam esɛl a sos em am iɲɲ, Es Kɔtɔkɔ eke -l'ɛkan a sosiem eci.

²¹Emeny Jesu am dad el esɛ: «Erm es ey áɲɲ ɔny ab! Eɛe elel eke em Es erm'm ab af a, em yeji m'am erm ɔny.»

²²Sodad amua b'owr a, li fuf wɛl sel etɲ li dad wɛl nine: «Èɲɲan Abɲ Lala!

²³Agɲ a eke b'ow ocr sikpl apr a, b'ow eɲɲ oc ap; agɲ a eke k'ow ocmn sikpl apmn a, k'ow eɲɲm oc ap.»

Jesu lele Toma ab

²⁴Lɛgɲ a eke Jesu ow el ec'araɲɲ a, jam esɛl lɛw yony ab em ec'egɲ nyam, Toma (eke wɛl igɲ nin af Oli a) anm el ab.

²⁵Jam esɛl ejec'a am dad'r esɛ: «S'ɛkn Es Kɔtɔkɔ!» Ko Toma dad el nine: «Eke m'ɛknm ecigbrɔ enyembri in e sabu araɲɲ a, eke m'ocm em ec'abuli a m'elum ecigbrɔ a ec'omu a eke kok ab em, etɲ m'ocm em ec'abu a m'ujrm'n menegb em, mi k'ow m'ubm nawrɛ.»

²⁶Dimas gber mum b'ɛc a, emeny Jesu eci jam esɛl a as luku êl ab em, etɲ na ec'a, Toma yeji aɲɲ el em. Wɛl babl mel a safue em, ko Jesu ey ɔkm inym es el ec'araɲɲ etɲ am dad esɛ: «Erm es ey áɲɲ ɔny ab!»

²⁷Etɲ li dad Toma nine: «Èw ɲ ec'abuli a aɲa ke lér em e sabu a; ègɲm ɲ ec'abu ab es ujr'm menegb em. Kì bebar, ko ùb nawrɛ.»

²⁸Toma dad'r nine: «Em Es Kɔtɔkɔ em e Nyam!»

²⁹Jesu dad'r nine: «Eke ɛkn'm a anake ub nawrɛ ab ee? Ehe b'ow el agɲ a eke k'ow ɛknm im ke b'ow ub'm nawrɛ a eci!»

Lɛl a e liy a

³⁰Jesu kok meny ewr nono jam esel a ec'any af eke wel dadm ow ec'odad lel na em.

³¹Gbeko yec'a eke anj lel na em a, wel non yec'etj ke úbr nawre eke Jesu el Mesi, Nyam ec'Iy. Etj eke b'onyn omm in em a, b'ow ejan sel in em.

Jan e lel 21

Jesu okm sos okm yegm in e jam esel

¹Eke segj beb ec a, emeny Jesu okm sos okm yegm in e jam esel a, Tiberiad eci mij lekpl a e nanu a. Kin elel eke Jesu okm sos okm a:

²Simó Pier, Toma (eke wel igj nin af Oli a), Natanael (Kana banj Galile wus af ec'a), Sebede ec'ey a, lele Jesu eci jam esel ejeci yony ab anake anj usu nyam a.

³Simó Pier dad el nine: «M'aam mij af.» -Li dad ow nine: «Ey yeji s'am ow nj ab.» -N'im -l'ok mijetj ab em etj -n'im mij af. Gbeko ncok a gbe, -n'onym ocn kaka.

⁴Eke legj am eny ow a, Jesu inym es nanu yogj, ko jam esel a uwm any eke ow el in.

⁵Etj Jesu dad el nine: «Em jimel, ko onyn ocn tel ee?» -Li dad ow nine: «Njan o.»

⁶Li dad wel nine: «Òkr muw a mijetj a eci lidr ogog a, b'ow onyn ocn.» -L'ok muw a, etj -l'otumn -n'onymn -l'elumn okm mij ab em anke ocn nono iy em.

⁷Jam es a eke Jesu b'erur a dad Pier nine: «Egja a Es Kotoko!» Eke Simó Pier iri eke egja a Es Kotoko a, l'us in e mob sus em a eke n'onj l'oc es a, etj l'ey mij ab em.

⁸Jam esel likpr a am odu muw a eke ocn iy em a, etj -n'am owr nanu eci mijetj ab em. -L'ibnm nanu ab; ow otu eke k'ij abu ekj yen.

⁹Eke -li b'us es wus a, yogj -l'ekn malel eke wel ok ocn lele futufutu ab es af.

¹⁰Jesu dad el nine: «Òtr ocn a eke caca onyn a eci beb owr.»

¹¹Simó Pier ewl ey mijetj ab em, etj usm muw a eke ocn egbel nono anj em ab es. Ocn a ij ekj lobj lele lew lele nyahan ab. Ocn a ek'iy em a bobo yeji, omm muw a gbagbram es.

¹²Jesu dad el nine: «Òwr ijr ob.» Jam esel ab em ec'egja kaka ócm any tuotuo em dadm esme: «Kó nj, bwo el'nj ee?» Tasi em a, -l'uw any senyn senyn eke Es Kotoko ana.

¹³Jesu kpukj im ejan el, oc futufutu a etj cec el; n'onj wel ocn a yeji.

¹⁴Luw em a eke Jesu igb a etj a, sakp nyahan em eke n'am yegm in e jam esel a sos ana.

Jesu ewl nj Pier abusu Nyam e juma kok eci

¹⁵Eke -l'ijr ob ow uwr a, Jesu ibrm Simó Pier nine: «Jan jim Simó, ko em eci erur a eke ony a agb akm agj amua ec'a ee?» Li dad nine: «Ee, Es Kotoko, mi b'erur'nj, uw any.» Jesu dad'r nine: «Òsu em e meceb ey a.»

16Emeny l'ibrm ow sakp yony em nine: «Jan jim Simo, ko erur'm ee?» Li dad nine: «Ee, Es Kotoko, mi b'erur'η, uw any.» Jesu dad'r nine: «Osu em e meceb a.»

17Emeny l'ibrm ow sakp nyahan em nine: «Jan jim Simo, ko erur'm ee?» Pier sos ow es eke Jesu k'ibrm'n odad nyam a ce sakp nyahan. Etη li dad ow nine: «Es Kotoko, η uw low feη any; uw any eke mi b'erur'η!» Jesu dad'r nine: «Osu em e meceb a.»

18Ee, low nawre m'am dad ony: eke anη ηgbafre a, η obi bi sus η e mob, etη b'im yogη eke b'erur a; gbeko susu b'ow'η sos a b'ow gegηm sabu es, egη ejeci b'ow sus'η mob etη b'ow oc im η yogη eke k'ow erurm eke k'im a.»

19Sodad amua em, Jesu am yegm Pier ec'elel eke b'ow uwr ke ow em n'όη Nyam anygbel a. Sica Jesu dad'r nine: «Us'm jam!»

Jesu e jam es a eke b'erur a e low

20Pier b'edη sos meny a, l'ekn jam es a eke Jesu b'erur a ek'anη el jam. (Ke egη a eke ub nuη ew Jesu af, ob ij lofu lis a eke -n'anηn, ke am ibrm'n egη a eke b'ow ol'ij'r a e low a, in ana.)

21Pier ekn'n etη dad Jesu nine: «Es Kotoko, etη ko in, bla lowi b'ow eηn'n ee?»

22Jesu dad'r nine: «Etη eke m'erur eke li k'anη owr toη ke m'ewl m'ow, ke η e low ee? O ec'a, us'm jam ce!»

23Amani a eb es agη lisijimel ab em eke jam es na in k'ow in uwm ij. Ke tasi em a, Jesu dadm Pier eke ow'n k'ow in uwm, ko li dad: etη eke in erur eke ow'n k'anη owr toη ke in ewl in ow, ke ow e low ee?

24Jam es nyam na ce anake am ij ow amua e danķu ke non yej'a, etη s'uw any eke in e danķu ij a el nawre.

Es abal el em ec'odad

25Emeny Jesu kok ow ejeci nono. Blel wel am non ow amua nyam nyam, ke em e tutr em a, blel yec'a eke wel non a iy wus na nimum wal es.

Erm esel ec'ob kok e lel

Erm esel ec'ob kok e lel 1

Erm esel ec'Abη Lala e wel ewar

- ¹ Egη gbēl Teofil, em eci lel krēkre ab em, mi dad ów a feη eke Jesu kok, ke yeηm nuη ob em etη
- ² toη igη lēη a eke Nyam oc im'n afr a. Gbuη ke l'úyu afr a, agη a eke li sōsum l'ot ese erm esel af a, n'ōη wel sol Abη Lala ec'abusu em.
- ³ Tasi em a, in e luw a e jam a, l'ēlu sos okm li yeηm in ec'erm esel a sakp etη etη em eke n'anη owr. Sēη ekη yony etη eke l'ēlu sos okm li yeηm wel, ke li dad wel Nyam e gbrenḡbi usu a ec'odad.
- ⁴ Lēη nyam, eke n'am ij ob wel ab a, l'ijl wel nēny nine: «Ki kpabr es Jerusalem e līs, kō ànḡn low a ek'em Es ewar ony a, ob ap a eke mi dad ony ow e low a ec'eku em:
- ⁵ Jan ok agη mij nuη mij em, kō ony, lēη tēl em, wel b'ow ok ony mij nuη Abη Lala em.»

Jesu am uyu afr

- ⁶ Erm esel a ek'ēlul Jesu em a ibrm'n nine: «Es Kōtōkō, kō lēη na em anake b'ow ewl sigm Israel ec'es ew ab es ab ee?»
- ⁷ Jesu dad el nine: «Ow elm ony itmn eke k'uw r seη a lele wanci ab ab e low any, kō em Es bēbm ew es in obi ec'abusu em.
- ⁸ Gbēkō ony b'ow eηan lēc nyam lēη a ek'Abη Lala b'ow us ony es nuη af a. Etη ony b'ow eel em ec'adaḡku, dadr em ec'odad Jerusalem, Jude e wus a nimum af lele Samari ab, toη okr wus e nuη.»
- ⁹ Eke li dad ów amua uwr ke -n'am ler ow a, Jesu am uyu afr, etη jru ow edḡn el any.
- ¹⁰ Eke erm esel a ec'any a kōkη afr cē ke -n'am ler yogη a eke Jesu am uyu im a, kpēkη agη yony eke sus mob efu anη el any af
- ¹¹ etη dad el nine: «Galile ec'agη, bla sosiēm etη iymn es aḡa am lēer afr ee? Jesu na eke ηgboη ony ec'araḡn aam afr a, b'ow ewl mēny ow elel a cē eke ekan in n'aam a.»

Matias usr Judas usu

- ¹² Sica erm esel a anη lafeny eke wel b'esη Olivie lafeny a ogη, etη ewl mēny ow Jerusalem. Lafeny a, baḡn a e saw cē ow anη: yogη lele baḡn ab ab kilo nyam cē.
- ¹³ Eke -l'owr -l'okr Jerusalem a, -l'uyu -n'im ēl afr a eke -li b'anη seη feη a. Kin erm esel a ek'anη yogη a ec'en: Pier, Jan, Jak lele Andre ab, Filip lele Toma ab, Bartelemi lele Matie ab, Jak ek'el Alfe jim, Simō eb dogḡn es lele Jud ek'el Jak jim ab.
- ¹⁴ El lele oyow a lele Jesu lis Mari lele Jesu lisijimēl ab ab seη feη -li b'as luku usu nyam -ni ηōḡn Nyam.

¹⁵Segñ ab em e nyam em, òmn esel ek'òtu eke k'ij agñ ekñ nõhõn as luku. Pier igb el ec'arañ etñ dad el nine:

¹⁶«Agñ lisijimel, ow it eke yec'a ek'Abñ Lala dad Nyam e Lel em a k'iy neny. L'ikñ anym l'ecr David em, l'ewar Judas eke nyimn agñ a ek'edññ Jesu a e lís e low.

¹⁷Ke Judas yeji, ey erm esel ab em e nyam ek'in yeji òny in eci juma.

¹⁸Etñ in eci low ñny e li kok a eci labm eke wel sòg'r ab em, l'ól ògm nyam, etñ yogñ n'ann afr l'ey wus nuñ nuñ l'òb lok es etñ in e sugñ a feñ ok òkm.

¹⁹Jerusalem ec'agñ a feñ iri low na, ow sosiem el ec'èbr ab em -l'esñ ògm a “Akeldama”, ek'el nyandre em “Mebl ec'ògm”.

²⁰Etñ Selu e lel ab em kin yec'eke wel nõn: Ke in ec'èl a éru es òfr, ke egñ kaka k'írm em. Etñ emeny wel nõn: Ke egñ ejeci úsr'r usu in eci juma ab em.

²¹⁻²²Ow sosiem, ow akpl ek'egñ nyam k'ow akr ey af ij Es Kòtòkò Jesu e luw em anñ igb a e danju. Ke egñ a él agñ a eke b'ann ey ab segñ feñ, usu a feñ eke s'ec Es Kòtòkò Jesu ab a ec'egñ nyam, legñ a etñ eke Jan ok'r mij nuñ a tonñ ke ign legñ a eke n'ngbon ey ec'arañ n'im afr a.»

²³Wel ok agñ yony òkm el ec'arañ: Josef eke wel b'esñ Barsabas ke wel b'ok en es Justus, lele Matias ab.

²⁴Etñ dedeku a nimum ñõññ Nyam dad nine: «Es Kòtòkò, ñ eke uw agñ feñ ec'erm ab any a, yègm ey el yony na em ec'egñ eke sòsum oc

²⁵eke k'el erm es, ke ídr juma a eke Judas ign elu es im usu a ek'el in ec'a.»

²⁶-Li kok sòsum oc etñ ow ey Matias af; etñ l'ey erm esel lew nyam a ec'eb ab em.

Erm esel ec'ob kok e lel 2

Òmn esel a eññ Abñ Lala

¹Eke Pantekòt ec'es gbegbl e legñ ow a, òmn esel a feñ as luku usu nyam.

²Kpru em, likekr ligbel nyam anñ afr ow. Likekr a anñ esè lef ligbel eke b'elu ab af, etñ ow eb akñ a nimum eke -n'ann a.

³Kpèkñ -l'èkn mob ek'ann esè sanm al af eke ok òkm; -li kpakpab es etñ -n'im -li sisig es egñ nyam nyam e nuñ af.

⁴Kpèkñ Abñ Lala iy el feñ em, etñ -n'am dad odad sèbr ejec'em esè elel eke Abñ Lala am òñ el eke -li ki dad ab af.

⁵Ke Jwifel ek'ann susu susu a ow ir Jerusalem; -l'el Nyam nuñ ign esel tasi.

⁶Eke likekr a ikñ wel iri a, -l'uru es -l'ow -l'as luku. El feñ low am at el sel afññ es, anke el em ec'egñ feñ am iri òmn esel a dad odad in ec'èbr ab em.

⁷El feñ low am iti el any etñ am inñ el sos em. -N'am dad -l'esè: «Agñ amua feñ ek'am dad sodad a, kò -l'elm Galile ec'agñ ee?

⁸Ɛtɛ ɛ sica ayaf ɛtɛ ɛy ɛm ec'ɛgɛ fɛɛ am iri -li dad odad in ec'ɛbr eke wɛl ɛw'r ow ɛm ab ee?

⁹Ɛy ec'araɛn a, agɛ anɛ Part, Medi lele Elam wus af ab ow: bɛb anɛ Mesopotami, Jude, Kapadɔs, Pɔɛ lele Azi wus af ab ow;

¹⁰bɛb yeji anɛ Friji, Panfili, Ejipt lele Siren e wus ikpr ek'anɛ Libi ab ab ow. Ɛtɛ agɛ anɛ Rom yeji ow,

¹¹(Rom ec'agɛ eke mew ɛm ɛtɛ el Jwif, lele agɛ ek'ɛgɛ el eci Nyam nuɛ igɛ a e low eb ab ab), Kret ec'agɛ lele Arabi ɛyɛ ab. Ɛtɛ kin eke s'am iri -n'am dad Nyam ec'ow ɛgbɛl eke kok a ɛy e sɛbr ab ɛm!»

¹²El fɛɛ -n'anɛ low any iti ligbɛl ɛm, ɛtɛ -l'uwmn low eke -li ki tutr any. -N'am dadarir el ɔfr ɛm -l'ɛsɛ: «Ke na, ow e nyandre el bogɛ ec'ee?»

¹³Gbɛkɔ agɛ bɛb am kokr ɔmn ɛsɛl a miyer dad ɛsɛ: «-L'ɛgɛ mar am ɔny ɛl!»

Piɛr ec'odad eke dad dedeku a

¹⁴Sica Piɛr ek'anɛ ɛrm ɛsɛl lew nyam ab ab a, igb inym ɛs ɛtɛ lebl tuɔtuɔ ɛm am dad dedeku a ɛsɛ: «ɔny Jwifel lele agɛ a fɛɛ ek'ir Jerusalem ab ab, ow it eke k'uwr low ek'am ɛy ab any, ke igɛn lɔru ɛs irir yec'a eke m'ow mi dad a.

¹⁵Agɛ amua ow elm mar ɔnym ɛl ɛsɛ elɛl ek'am tutar ab af, aɛke s'anɛ ibribr e wanci libarm ɛm.

¹⁶Gbɛkɔ sica low a eke kokoba ɔb ɛs Joɛl dad a ɛy tasi ɛɛ.

¹⁷Kin low eke Nyam dad eke b'ow ɛy sɛgɛ ɛs abal el ɛm a: Mi b'ow m'ɔmun ɛm ec'Abɛ ab ɛs agɛ a fɛɛ af; ɔny ec'ey ɛgɛ a lel ɛy ɔyɔw ab ab b'ow ɔb ɛm e kokoba, ɔny eci ɛgbafre a b'ow ɛkan nuɛ ɛm, ɛtɛ ɔny ec'agɛ ɛsu a b'ow ɛkn ow mɛmn ɛrur ɛm.

¹⁸Ɛɛ, sɛgɛ amua ɛm, mi b'ow m'ɔmun ɛm ec'Abɛ ab ɛs ɛm eci juma kok ɛsɛl a lele juma kok lisɛl ab ab af, ɛtɛ -li b'ow -l'ɔb ɛm e kokoba.

¹⁹Mi b'ow mi kok ow ɛgbɛl nɔnɔ afr, ɛtɛ mi b'ow mi kok mɛny ɛwr owi nɔnɔ wus aɛa. Mebl, al, lele mregbn eke anɛ ɛsɛ jru af b'ow anɛ ɛm,

²⁰ligbn b'ow irmn in ec'afɛ a, ɛtɛ awl b'ow ebl ɛs kondɔɛ ɛsɛ mebl af, gbuɛ ke Ɛs Kɔtɔkɔ e legɛ a ow, anygbɛl e legɛ ligbɛl a.

²¹Ɛtɛ ɛgɛ kaka fɛɛ eke b'ow ɛsɛ Ɛs Kɔtɔkɔ e nin a, b'ow ɛɛn sel.

²²Israel ec'agɛ, igɛn lɔru ɛs irir low a eke m'am m'ow mi dad a: Nyam yeɛm ɔny eke n'ɔɛ Nasaret e Jesu in eci abusu a. Nawre ɛm a, Nyam ɛcr in ɛm kok sakrowa nɔnɔ ɔny ec'araɛn, li kok ow ɛgbɛl nɔnɔ eke b'iti any, lele mɛny ɛwr owi ab; ɔny uwr any yeji.

²³Ɛgɛ ikɛ na, wɛl ɛlu'l ɛs ɔɛ ɔny ɛsɛ elɛl eke Nyam tutr ke ikɛ anym bɛbm ow e low ɛw ɛs ab af. Ɛtɛ ɔny, ibir ir oliɛɛ af eke ɔɛn agɛ ek'uwm Nyam any a ɛw'r ab ɛm.

- ²⁴Gbəkɔ Nyam igbm'n luw em, n'onny l'oc ow es luw e gbre ijr ab em, anke ow itm eke luw ec'abusu a k'ucu ony'n es.
- ²⁵Tasi em a, kin yec'eke David dad in e lís: Sɛɣɣ fɛɣ m'am ɛkn ɛs Kɔtɔkɔ em ec'any af, n'anɣ'm saw yec'etɣ ke mi kí mumum.
- ²⁶Na sosiem, em ec'erm sos em am iɣn, etɣ em e nɛny am ɛɣɣ ehe ec'ej. Etɣ uwɔmu em yeji, em e sos megl a b'ow eru es am ɔmn low.
- ²⁷Nawre tasi, k'ow igɣm elum im es ɔɣnes baɣn, k'ow yeɣm ɣ e libɔwi mamn e sos megl a ugɣm es uwɔmu em.
- ²⁸Ɔ, yeɣm'm sebr a eke bi nyimn ɛɣɣ sel ɛɣn em a, etɣ ɣ e sos eke b'ow elu ɔkm em ec'any af a, b'ow ɔɣ'm sos em iɣn.
- ²⁹Agɣ lisijimɛl, abusu eru'm es eke mi ki dad ɔny lala em ɛy lagɣ David e lís e low. L'uw, wɛl oc'r es etɣ in ec'uwɔmu a yeɣɣyna yeji anɣ ɛy ogɣ aɣa.
- ³⁰Gbəkɔ l'el kokoba ɔb ɛs etɣ l'uw any eke Nyam ij nɛny ɛwar ir ek'in ec'alaw ab em ɛɣɣ nyam b'ow usr'r usu el ɛb ebu.
- ³¹David ikɣ anym ɛkn low a eke b'ow ɛy a, etɣ ow sosiem li dad Mesi ec'uwɔmu em anɣ igb a e low nine: Wɛl igɣm elum'n es ɔɣnes baɣn, etɣ in e sos megl a ugɣm es uwɔmu em.
- ³²Jesu na eke m'am dad in e low a, Nyam igbm'n agɣ ek'uw ab em, etɣ ɛy fɛɣ s'ij ow e danɣu.
- ³³Sica, wɛl igbl'l ogɣ Nyam e lidr abu af, etɣ ɛs em n'ɛɣn Abɣ Lala a eke wɛl ɛwar ow e low a, etɣ n'ɔmun es ɛy af. Ow e low anake am ɛkan, ke am irir a.
- ³⁴Tasi em a, David in obi l'uyum afr, gbəkɔ li dad nine: ɛs Kɔtɔkɔ Nyam dad em ɛs Kɔtɔkɔ nine: “Ɔw sig es em e lidr abu af,
- ³⁵toɣ bake m'ót ɣ ec'efnu m'ok ɣ ec'akr ew a.”
- ³⁶Sica ow it eke Israel ec'agɣ fɛɣ k'uw any tasi eke Jesu a ek'ewr olikɣ af a ɔɛ anake Nyam oc ɛw Kɔtɔkɔ lele Mesi ab a.»

Agɣ fandi nyahan obn ɔmn ɛsɛl a

- ³⁷Eke agɣ a iri sodad amua a, ow ɛy el sos em nɔnɔ. -L'ibrm Pier lele erm ɛsɛl likpr ab ab nine: «Agɣ lisijimɛl, ayaf si ki kokr ab ee?»
- ³⁸Pier ɔdu eb nine: «Itɣnin erm em, ke ɔny em ec'ɛɣɣ fɛɣ ɛɣɣ eb wɛl ok'r mij nuɣ Jesu Krist e nin em, yec'etɣ ke Nyam ɔc ɔny e sikpl a ap ɔny, ke ɛɣan Nyam ec'ob ap a ek'el Abɣ Lala a,
- ³⁹anke Nyam ec'ob ek'ɛwar a, ɔny lele ɔny ɛyɣɛl ab eci, etɣ ow el agɣ a ek'elm Jwifel a yeji eci, agɣ a fɛɣ eke ɛs Kɔtɔkɔ Nyam b'ow ɛsɣ a.»
- ⁴⁰Emeny Pier dad el sodad nɔnɔ, ɔm el ów, atr el sos es nine: «ɛɣɣn sel ɛɣn a e low ebr, yec'etɣ ke k'ɔnymn abu ɛyr ɛsɛ agɣ a ek'irm ab af.»

⁴¹El em ec'agñ nɔnɔ ɛgñ Pier e sodad a eb, ɛtɔ wɛl ok ɛl mij nuɔ. Lɛgñ a, agñ ek'ɔtu eke k'ij agñ fandi nyahan ow obn ɛl a ek'ɔny ɔmn a.

Agñ a ek'ɔny ɔmn a ec'ɛb ir

⁴²Sɛgñ fɛɔ ari at ɛm, -li b'as luku -n'am iri ɛrm ɛsɛl a e low yɛgm a, -l'ir ɛb ɛsɛ agñ lisijimɛl af, -l'ij ob lɔfu nyam ɛm, -ni ɔgñ Nyam usu nyam.

⁴³Agñ a fɛɔ am ɔny Nyam ec'ɛlum, aɔke Nyam am ɛcr ɛrm ɛsɛl ab ɛm kok mɛny ɛwr nɔnɔ lele sakrowa ab.

⁴⁴Agñ a fɛɔ ek'ɔny ɔmn a b'okr af ɛtɔ ɛl ɔfr -li bi cɛc ob eke -n'ɔny n a.

⁴⁵-Li b'ɔl ɛl ec'ob eke -n'ɔny n a -l'ij ɛtɔ ow ɛm ec'os eke -li b'ɛɔn a, -li bi cɛc ɛl fɛɔ, ɛgñ ɛgñ ec'es abur ek'ɔny a e kokr ɛci.

⁴⁶Lɛgñ nyam nyam fɛɔ, ow ɔpim, -li b'as luku Nyamel gbɛl ab ɛm, ɛl ec'akɔ akɔ a -li b'ij ob usu nyam ɛtɔ ob ij a b'ɛl sos ɛm iɔn ɛm lel ɛrm frɔrɔ ɛm ab.

⁴⁷-N'am kɔklm Nyam ɛtɔ agñ a fɛɔ am ɔny ɛl ec'erur. ɛtɔ lɛgñ nyam nyam fɛɔ ɛs Kɔtɔkɔ b'ot agñ eke n'am eb l'ɛlu es a, l'ok wɛl ɛm.

ɛrm ɛsɛl ec'ob kok e lɛl 3

Pier lele Jan ab ewlm ɛgñ nyam e bubm es

¹Lɛgñ nyam, Pier lele Jan ab aam Nyamel gbɛl ab ɛm ncebles e wanci nyahan e Nyam ɔgñ ɛm.

²Nyamel gbɛl a e gbugɔ e lisany nyam eke wɛl b'ɛsɔ “Lisany Sɔbɔ” a e saw, ɛgñ nyam aɔɔ eke in e mew ɛm ɛtɔ bubm es. Lɛgñ nyam nyam fɛɔ, wɛl b'oc ow'r sigm'n es yogɔ, yec'ɛtɔ ke l'ɔtu li sism agñ a eke b'ok Nyamel gbɛl a e gbugɔ a os.

³Eke ɔlu a b'ɛkn Pier lele Jan ab ek'am ow ok akɔ a, n'am sism wɛl ob.

⁴Pier lele Jan ab ok'r anyamn af, ɛtɔ Pier dad'r nine: «Lɛr ɛy!»

⁵ɛgñ a am ler ɛl gbiy, aɔke n'am tutr eke wɛl b'ow ɔɔ'n ob.

⁶Kɔ Pier dad'r nine: «M'ɔnym jɛtɛ, m'ɔnym sika, kɔ m'am ɔɔ'ɔ yec'a e m'ɔny a: Nasaret e Jesu e nin ɛm, igb ke án es.»

⁷ɛtɔ Pier ucu lidr abu ɔny'n, ɛlum'n abu l'igb. Kpɛkɔ ɔlu a ec'akr a lel akr ɛmn ɛm ab ab ok ɛm fɛɔ;

⁸l'igb l'us es, n'inym es cɛɔ ɛtɔ n'am an es. L'igɔ Pier lele Jan ab l'ɛy Nyamel gbɛl a e gbugɔ a, n'am an es, n'am igb li sus es ɛtɔ n'am kɔklm Nyam.

⁹Agñ a fɛɔ ɛkn'n eke n'am an es, ke n'am kɔklm Nyam.

¹⁰Sica eke -l'uwr any eke ow ɛl ɔlu a eke bi sig es Lisany Sɔbɔ a saw sism ob a, ɛl fɛɔ ow ɛw ɛl ɛrɔn ɛtɔ ow am iti ɛl any yeji, low a ek'ɛɔn ow a sosiɛm.

Pier ec'odad eke dad Nyamel gbɛl a e gbugɔ a

- 11 Sica ek'egh a élum Pier lele Jan ab es a, agh a feh any low any iti em, etj -l'uru es - l'ow -n'ehj wel Nyamel gbél a eci lef eb usu a ek'ij Salomó e nin a.
- 12 Eke Pier b'ekn ében a, li dad agh a nine: «Israel eyh, bla sosiém eggh na ec'ewlm a e low am iti ony any ee? Kì læer ey ében! Eggh na, ow elm ey obi ec'abusu em, oglog ey e Nyam nuh iggh senyn em n'anm es,
- 13 kó Nyam a ek'el Abraham, Isak lele Jakób ab e Nyam, ke el ey laghél e Nyam a, elu in e libówi Jesu any ókm. Ony obi a ól ijr ir es ew esél ec'abu em, etj iggh elul il es Pilat ec'any af, ke l'erur eke li k'elu ow es cé.
- 14 Ony iggh Eggh Lala a, Nenyembri Nyam Es a elul es etj ibrmn eke Pilat k'elu eggh ibiu ab es oh ony.
- 15 Etj ibir Sel Egh ec'Idr Es a. Gbékó Nyam igbm'n luw em etj s'el ow ec'adanku.
- 16 Eggh na ek'am ékan a, uwr ir any. Jesu e nin a ec'abusu a eke ow em s'onny ómn a anake ewlm'n a. Jesu em ec'ómn a eke s'onny a anake oh eggh na ewl nimum ony feh ec'any af a.
- 17 Gbékó aggh lisijimél, m'uw any eke ony lele ony ec'es ew esél ab ab, ow el low any uwm em e low eke kokr Jesu e lís.
- 18 Gbékó Nyam kok yec'a eke likh anym l'ewar leggh ek'ec ab em kokoba ób esél feh e neny em a. Li dad eke Mesi a k'ij gbre.
- 19 Ítghnin erm em góh, ke éwal -lær Nyam, yec'etj ke li tétj ony e sikpl ab es,
- 20 etj Nyam b'ow oh ony sel eb mamn e ségh, etj li b'ow l'is ony Mesi a eke l'ikh anym li sòsum l'oc ony ec'a: ke Jesu ana.
- 21 Gbékó sicaca em a, ow it eke Jesu Krist k'anh afr, toh ow ok leggh ek'ów a feh b'ow ewl el owr a. God'etj Nyam ewar low na in e kokoba ób esél lala a e neny em.
- 22 Tasi em a, Mois dad nine: Es Kótóko ony e Nyam b'ow oh ony kokoba ób es nyam esé em af, eke b'ow el ony em ec'eggh nyam. B'ow irir ów a feh eke li b'ow li dad ony a.
- 23 Etj eggh kaka feh eke k'ow irim kokoba ób es na e low a, wel b'ow oggh'n Nyam ec'aggh a ec'aragh ke wel íbi'r.
- 24 Etj kokoba ób esél a feh eke Samiél e leggh em etj dad ów toh ke iggh yefenyina a, eggh eggh dad ów amua eke am ey ségh amua em a e low.
- 25 Low a eke Nyam ecr kokoba ób esél em ewar a el ony eci, etj ony yeji angh sinm a eke Nyam kok ony laghél ab a em, leggh a eke li dad Abraham nine: Ð ec'alaw em m'ow m'ecr m'edh eb eb a feh ek'anh wus na a ówro.
- 26 Etj ony sosiém Nyam sòsum in e libówi oc, etj l'ikh anym l'oc n'oh ony. L'erm ow ow ow eke ow k'edh ony ówro, etj li b'ow n'oh ony em ec'eggh nyam nyam iggh in ec'ów ehgh kok a elu es.»

Երմ ԵՏԷԷ ԵՇՕԲ ԿՈԿ Ե ԼԷԼ 4

ՎԷԼ ՕՏ ՔԻՐ ԼԵԼԵ ՅԱՆ ԱԲ ԻՄ ՏԱՆԵԴՐԵՆ ԵՇՂԱՆՅ ԱՖ

- ¹Էկե Քիր Լեռ Յան Աբ օճաճ առ յ նենյմ ամ ճաճ առ յ ա, Եգբ Վաւ ԵՏԷԷ, Նյամել ցբել ա ԵՇՕՏԱ ԵՏԷԷ ԵՇՂԵՂ ԼԻԳԵԼ Ա, ԼԵԼԵ ՏԱԾԱՏԷԼ ԱԲ ՕՎ ԵՂՆ ԷԼ.
- ²Երմ ամ ԵԼ ԷԼ ՆՈՆՈ ԷԿԵ ԵՐՄ ԵՏԷԷ ՅՈՆՅ Ա ԵՄ ՅԵՂՄ ԱՂՂ Ա ԼՈՎ, ԿԵ ԵՄ ճԱճ ԷԼ ԵՏՅԱ Ե ԼՈՎ ԵՄ ԵԿ՝ԻԳԲ Ա Ե ԼՈՎ, ԿԵ ՕՎ ԵՄ ԵՄ ԻՂ ՆԵՆՅ ԷԿԵ ԱՂՂ ԷԿԵ ԻՆ Բ՛ՍԱ ԵՄ ԵՂԻ ԻՆ ՕՏԱ ԷԿԵ ԻՆ Կ՝ԻԳԲ ԼՈՎ ԵՄ.
- ³-Ն՛ՅՈՆ ՔԻՐ ԼԵԼԵ ՅԱՆ ԱԲ, ԵՂՂ -Լ՛ՕՏ -Ն՛ԻՄ -Լ՛ՕԿ ՎԵԼ ՏՈԵԼ ԵՄ ՏՈՂ ԼԵՂՂ ԵՆՅ, ԱՂԿԵ ԼԵՂՂ ԼԵՐ ԻՄ ՆՈՆՈ.
- ⁴ԷԲԵՆ ՅԵՂԻ, ԱՂՂ Ա ԵԿ՝ԻՐԻ ԵՐՄ ԵՏԷԷ Ա ԵՇՂԱՆՅԱՆ Ա Ե ՆՈՆՈ ցբել ԱԲ ՆԱՎՐԵ, ԵՂՂ ՕՎ ՕՂ ՕՄՆ ԵՏԷԷ Ա Ե ՆԵՆՅ Ա ՕԲՆ ՏՈՂ ՕՏԱ ԵԿ՝ԻՂ ԱՂՂ ՖԱՆԴԻ ՅԵՆ.
- ⁵Էկե ԼԵՂՂ ԵՆՅ ԱԿՐ ԱՖ Ա, յՎԻՖԷԼ ԵՇՂԵՏ ԵՎ ԵՏԷԷ, ԱՂՂ ԵԿՔԵԿՔ ԼԵԼԵ ՕԼ Ե ԼՈՎ ՅԵՂՄ ԵՏԷԷ ԱԲ ԱԲ ԱՏ ԼՈՎ ՅԵՐՍԱԼԵՄ.
- ⁶ԱՂՂ Ա ԵԿ՝ԱՂՂ ԷԼ ԵՄ Ա ԷԼ: ԵԳԲ ՎԱՎ ԵՏ ԼԻԳԵԼ ԱՆ, ԿԱՅԻՖ, ՅԱՆ, ԱԼԵՏԱՆԴՐ ԼԵԼ ԵԳԲ ՎԱՎ ԵՏ ԼԻԳԵԼ Ա ԵՇՂԱՂՂ Ա ՖԵՂ ԱԲ.
- ⁷-Ն՛ՅՈՂ ՎԵԼ ՕՆՅ ՔԻՐ ԼԵԼԵ ՅԱՆ ԱԲ ՕՎ ԷԼ ԵՇՂԱՆՅ ԱՖ ԵՂՂ -Լ՛ԻԲՐՄ ՎԵԼ ՆԻՆԵ: «ԲՈՎ ԵՇՂԵՂ ԵՇՂԱԲՍՍԱ ԵՄ ՕԳԼՈԳ ԲՈՎ ԵՇՂԵՂ Ե ՆԻՆ ԵՄ ԵՎԼՄՆ ԵՂՂ ՆԱ ԵԵ?»
- ⁸ԵՂՂ ՔԻՐ ԵԿ՝ԱԲՂ ԼԱԼԱ ԻՅ ԵՄ Ա ճԱճ ԷԼ ՆԻՆԵ: «ԷԲ ԵՇՂԵՏ ԵՎ ԵՏԷԷ ԼԵԼԵ ԱՂՂ ԵԿՔԵԿՔ ԱԲ,
- ⁹ՅԵՖԵՆՅՆԱ ՎԵԼ ԵՄ ԻԲՐՄ ԵՅ ԼՈՎ, ԼՈՎ ՆԻՄԱՄՆ ԷԿԵ ՏԻ ԿՈԿ Տ՛ՅՈՂ ԵՂՂ ՆՅԱՄ ԷԿԵ ԲՍԲՄ ԵՏ Ա ՏՈՏԻԵՄ, ԵՂՂ ՎԵԼ ԵՄ ԻԲՐՄ ԵՅ ԷԼԷԼ ԵԿ՝ԵՂՂ ԻԿՂ ՆԱ Կ՛ԵՎԼ Ա Ե ԼՈՎ.
- ¹⁰ԷԷ, ՕՆՅ ՖԵՂ ՕՎ ԻՏ ԷԿԵ Կ՛ՍՐ ԵՄ, ԿԵ ԻՏՐԱԷԼ ԵՂՂ ՖԵՂ ՅԵՂԻ ՍՎ ԵՄ: ԵԿ՝ԵՂՂ ՆԱ ԻՆՅՄ ՕՆՅ ԵՏ ԵՄ ԱՖ ՏՈՏ ԽՕՏԱՅ ԱԲ, ԿԵ ԵՏՅԱ ԿՐԻՏ, ՆԱՏԱՐԵՏ ԻՅ Ա Ե ՆԻՆ Ա ԵՇՂԱԲՍՍԱ ԵՄ. ԵՍՐ ԻՐ ՕԼԻԿՂ ԱՖ ԿՈ ՆՅԱՄ ԻԳԲՄ՛Ն ԱՂՂ ԵԿ՛ՍՐ ԱԲ ԵՄ.
- ¹¹ԵՏՅԱ ԷԼ ԵՂՂ Ա ԷԿԵ ՆՅԱՄ ԼԷԼ ճԱճ ԻՆ Ե ԼՈՎ ՆԻՆԵ: ԼԵԲՆ Ա ԷԿԵ ՕՆՅ, ԷԼ ԱՏ ԵՏԷԷ, ՎԱԼ ԷԼՍ ԵՏԷԷ ԵՏ Ա ԵՎԼ ԷԼ ԷԼ ԼՅՅ ԵՄ Ե ԼԵԲՆ ՏԱՏԻ.
- ¹²ԻՆ ԵՄ ՇԵ ԱՆԱԿԵ Տ՛ՅՏԱ ԷԿԵ ՏԻ Կ՛ԵՂՆ ՏԵԼ Ա, ԱՂԿԵ ՎՍ ՆԱ ՆԻՄՍ ԱՖ, ՆՅԱՄ ՕՄՄ ԱՂՂ ԵՂՂ ԵՂԵԿԻ ԿԱԿԱ ԵԿ՛ԻՆ ԵՄ ՏԻ Կ՛ԵՂՆ ՏԵԼ.»
- ¹³ՏԱՆԵԴՐԵՆ ԵՇՂԱՂՂ Ա ԼՈՎ ԵՄ ԻՏԻ ԵՄ, ԱՂԿԵ -Ն՛ԱՄ ԷԿՆ ԷԼԷԼ ԷԿԵ ՔԻՐ ԼԵԼԵ ՅԱՆ ԱԲ ԵՄ ճԱճ օճաճ ԵՐՄ ՏՍՍԱ ԵՄ Ա, ԵՂՂ ՕՎ ԵՄ ՕԿ ԷԼ ԵՏ ՏՈՏ ԵՄ ԷԿԵ ՕՎ ԷԼ ԱՂՂ ՆԵՆԵ ՇԵ ԷԿԵ ՎԵՐՄ ԼՈՎ ՅԵՂՂ Ա. ԵՂՂ -Լ՛ՍԱ ՎԵԼ ԵՄ ԵԿԵ ՎԵԼ Բ՛ԱՂՂ ԵՏՅԱ ԱԲ.
- ¹⁴ԳԲԵԿՅ, ԷԿԵ -Ն՛ԱՄ ԷԿՆ ԵՂՂ Ա ԵԿ՛ԵՎԼ ԻՆՅՄ ԷԼ ԵՏ ՏԱՎ Ա, ՏԱՆԵԴՐԵՆ ԵՇՂԱՂՂ Ա ԷԿՆՄ ԼՈՎ ԷԿԵ ԿԻ ճԱճ.
- ¹⁵ՕՎ ՏՈՏԻԵՄ, -Ն՛ՅՈՂ ՎԵԼ ՕԿ ՕԿՄ ԼՈՎ ԱՏ ԱՏԱ ԵՂՂ ԷԼ ՕՖՐ -Ն՛ԱՄ ԲԵԲՄ ՕՎ.
- ¹⁶-Ն՛ԱՄ ճԱԾԱՐԻՐ -Լ՛ԵՏԵ: «ԿԵ ՏԻԿԱ ԲԼԱ ԼՈՎԻ ՏԻ ԿԻ ԿՈԿ ԱՂՂ ԱՄԱ ԱԲ ԵԵ? ՏԱՏԻ ԵՄ Ա, ՅԵՐՍԱԼԵՄ ԵՇՂԱՂՂ Ա ՖԵՂ ԱՍ ԵՄ ԵԿ՛ՕՎ ԷԼ ԷԼ -ԼԻ ԿՈԿՐ ԱԿՐՈՎԱ ՆԱ; ՏԻ Կ՛ՅՏՄ Տ՛ԵԳՐՄ ԿԱԿԱ.

¹⁷Gbeko, ke low na ec'amani a kí cærm es dedeku ab em feŋ a; s'ók el erŋn lokm s'edŋn el yec'etŋ ke -li ki dadmn egŋ kaka feŋ odad Jesu e nin em.»

¹⁸Eke -li bæbmn ów a uwr a, -l'esŋ Pier lele Jan ab etŋ -l'ijl wæl neny, -l'edŋn wæl eke wæl kí dadm Jesu e nin a ec'odad, yegam agŋ Jesu e lís e low kaka feŋ.

¹⁹Gbeko Pier lele Jan ab dad el nine: «Jèjr okr ony obi em, eke tasi Nyam ec'any af ow el ony si k'elum ony oglog Nyam si k'elum.

²⁰Gbeko ey, si k'otum s'ablm neny low yec'eke s'ekn ke s'iri a eci.»

²¹Emeny Sanedren ec'agŋ a ok el erŋn lokm etŋ wal ok el es. -L'eknm eled eke -li ki kokr wæl low ŋuŋ, aŋke dedeku a nimum am kòklm Nyam low a ek'ey a eci.

²²Egŋ a eke in ec'ewlm a e low ew any iti a, ij akpo ekŋ yony afŋ es.

Om̄n esel a e Nyam ŋoŋn

²³Kpekŋ eke wæl elu el es a, Pier lele Jan ab im erŋn el lawlel a, etŋ otar ów a feŋ ek'egb waw esel ec'es ew esel a lele agŋ ekpek ab ab dad a e low akr.

²⁴Eke -l'irir odad na a, neny af okr em, om̄n esel a feŋ ŋoŋn Nyam dad nine: «Es Ew, ŋ anake kok afr, wus, okij lele ob feŋ ek'anŋ el em ab a.

²⁵Ŋ anake ecr Abŋ Lala em oŋ ey lagŋ David ek'el ŋ e juma kok es a am dad ese: Kò bla sosiem eb eb ec'agŋ ab em likekr am ey ee? Eb eyŋ a ut em ec'asre kò ow el ofr ofr!

²⁶Wus ec'éb ebu a bæbm sos ar ogŋ eci etŋ es ew esel okr af sifn em im Nyam lel in e Mesi ab ar.

²⁷Nawre tasi, eb na em Eròd Antipas, Pòns Pilat, etu agŋ lel Israel ec'agŋ ab ab okr af ogŋ Jesu ek'el ŋ e libowi lala a eke sòsum oc a ar.

²⁸Ow oŋ -li kok ów a feŋ eke ŋ ec'abusu em lele ŋ ec'erur em ab ikŋ anym bæbm ew es a iy neny.

²⁹Sica Es Kòtòkò, èkn el e gbre e -n'am ol eke -li k'ijr ey a, ke óŋ ŋ ec'obowi a dád ŋ ec'odad a lokm susu em tasi.

³⁰Èlu ŋ ec'abusu a okm yec'etŋ ke wæl éwlm agŋ, kók sakrowa lele meny ewr ab ŋ e libowi lala Jesu e nin em.»

³¹Eke -ni ŋoŋan Nyam uwr a, yogŋ a eke -l'asr luku a umu. El feŋ Abŋ Lala iy el em etŋ sica -n'am dad Nyam ec'odad a erm susu em.

Om̄n esel a ec'eb ir usu nyam

³²Om̄n esel a feŋ okr af tasi, erm em lele ów tutr em ab. El em ec'egŋ kaka esme in ec'ob ek'in ony a, in sony cæ eci, kò el ofr em a, ob feŋ eke -n'onyn a el dedeku a feŋ ec'ob.

³³Abusu ligbel em, erm esel a am ij Es Kòtòkò Jesu ec'uwomu em anŋ igb a e danŋku, etŋ el feŋ Nyam am edŋ el owro nono.

³⁴⁻³⁵El em ec'egh kaka ónym ob kaka ec'es abur. Tasi em a, agh a feh ek'ony sogm oglog mel a b'ol ij, etj b'eb ow ec'os eke b'anh em ey okm a ow oh erm esel a, etj wel bi cec os a eggh eggh ec'es abur ek'ony a eci.

³⁶Kin low any okhny nyam: iggh nyam angh eke wel b'esgh Josef, ke erm esel a iggh'n nin af Barnabas. (Ow e nyandreh el "eggh eke b'atr eggh sos es".) L'el Levi ec'eb em ec'eggh eke wel ew Siph.

³⁷N'ony ogm nyam eke l'ol l'ij, etj l'oc ow ec'os a l'is erm esel a.

erm esel ec'ob kok e lel 5

Ananias lele Safira ab

¹Gbeko iggh nyam eke wel b'esgh Ananias, lele ey Safira ab, neny af okr em, ol el ec'ogm nyam ij.

²-L'iririr ey ab etj ogm a eke l'ol l'ij a, l'ubr ow ec'os ab es, etj l'oc likpr a n'im n'oh erm esel a. Li dad wel eke os a feh ce ana.

³Ko Pier dad'r nine: «Ananias, bla sosiem etj Satan otu ey'gh erm em, ony yadh oh Abgh Lala etj edgh ogm a ek'ol ij a ec'os a e likpr ew es ee?

⁴Gbuoh ke ol ogm a ij a, ow el gh eci, etj ek'ol ij a yeji ow ec'os a el gh eci, ko yadh ee? Ayaf etj ony tutr kok low akpasu na ee? Ow elm aggh onym yadh oom, ko Nyam.»

⁵Eke Ananias iri sodad amua a, l'ey wus etj l'uw. Aggh a feh ek'iri low na a ergh ligbel am ony.

⁶Dgbafre oto ow oc sos megl a wiwrm gbad ab etj im oc es.

⁷Eke wanci nyahan ec a, Ananias e yow a ek'uwm low a ek'ey ab any a ow ey akgh.

⁸Pier ibrm'n nine: «Dád'm o! Ony ec'ogm a ek'ool ijr a ec'os a e neny a, ow ow el na ce ee?» Etj l'odu l'eb nine: «Ee, ow e neny a ce ana.»

⁹Etj Pier dad'r nine: «Ayaf tasi otur okar neny af gh lel acgh ab ebmn Nyam ec'Abgh ab ee? Kin, aggh a ek'oc acgh es a ow iggh lisany, etj gh yeji -li b'ow -l'oc -n'im'gh.»

¹⁰Wanci ab af ce l'ey wus Pier ec'akr esr a etj l'uw. Dgbafre oto a ok akgh etj ekn'n eke l'uw; -l'oc ow -n'im etj -l'oc ow es ec eci saw yoggh.

¹¹Sica Nyamel nimum lel aggh a feh ek'iri ów amua a ergh ligbel am ony.

erm esel a e meny ewr owi e kok

¹²erm esel a am kok meny ewr lele low any iti owi nono gbhel ab bieku a ec'araoh. Omn esel a feh b'as luku Nyamel gbhel a e lef eb usu a ek'ij Salomo e nin a.

¹³Egh ejeci kaka éghm owm eym el em; ke aggh a b'aw el nono ce.

¹⁴Ko aggh nono gbhel, egh lel oyow ab, am ub Es Kotoko nawre etj -n'am eny,

15toṅ wɛl am ot ólu yeji ow eberṅ em, érum el es faja em oglog sogo af yec'etṅ ke ba Pier b'ubr ec a, ke in e low a écr el em ec'agṅ abi ka af.

16Agṅ nɔnɔ am anṅ Jerusalem eci baṅn saw saw ab em ow; -li b'ism ólu lel agṅ ek'ony abṅ eṅuṅ ab, etṅ el feṅ -li b'ewl.

17Ow sosiem, egb waw es ligbel a lel agṅ a feṅ ek'anṅ in ab, ke el Sadusiel ec'ogog ec'agṅ a, erm esel a e low ony el nyamn eyr afṅn es toṅ batṅ -l'egṅ -l'eb eke -li ki kok ow e low.

18-N'ɔṅ wɛl ony erm esel a ok dedeku feṅ eci sobel ab em.

19Gbəkɔ ncok em, Es Kɔtɔkɔ ec'afr erm es nyam ow fifig sobel a e masany a, ony erm esel a ok okm etṅ dad el nine:

20«Ìmn Nyamel gbɛl a e gbugṅ a, ke óbr sel eṅn owr a e kokoba okr bieku a nimum.»

21Erm esel a elum etṅ ibribr fafa, igb im Nyamel gbɛl a e gbugṅ a am yeḡm agṅ low. Eke egb waw es ligbel a lel agṅ a feṅ ek'anṅ in ab a ow a, -l'as Sanedren ek'el Jwifel ec'ów bebm esel a feṅ luku, etṅ -l'erm Nyamel gbɛl a ec'abu af esel a eke k'im sobel ab em esṅ erm esel a ow.

22Kɔ eke -n'imm -l'okr sobel ab em a, -n'eṅnm erm esel a. -L'ewl meny -l'ow -n'ɔṅ Sanedren ec'agṅ a amani;

23-li dad nine: «Eke s'im a, s'ekn sobel a ek'abl anṅ tiṅ, ke usu ɔsu esel a inym es lisany, egṅ egṅ ec'usu a ek'it a. Kɔ eke si fifig masany a, s'eṅnm egṅ kaka lokm yogṅ.»

24Eke Nyamel gbɛl a eci abu af esel a ec'es ew es a lel egb waw esel egbel a ec'es ew esel ab ab iri amani na a, -l'uwm low yec'eke -li ki tutr ab any, etṅ -n'am ibrm low yec'ek'eṅn erm esel a.

25Kɔ egṅ nyam anṅ ow etṅ dad el nine: «Ìrir ɔ! Agṅ a ek'onyn okr sobel em a anṅ Nyamel gbɛl a e gbugṅ a, etṅ -n'am yeḡm bieku a low yogṅ.»

26Kpɛkṅ abu af esel a ec'es ew es a lele in ec'agṅ ab ab im etṅ ot erm esel a ow. Gbəkɔ -l'ewm lɛc em, aṅke -n'am uru eke bieku a ki wɔwl el mebn.

Wɛl ony erm esel a im Sanedren ec'agṅ a ec'any af

27Sica eke -l'otr wɛl -l'owr a, -l'ot wɛl -n'im Sanedren ec'agṅ a ec'any af, etṅ egb waw es ligbel a am bibrm el ów.

28Li dad wɛl nine: «Ey, s'edṅn ony kponṅ kponṅ kponṅ eke kí yeḡamn agṅ low egṅ na e nin em. Kɔ kin, ɔmunin ony e low yeḡm ab es Jerusalem ec'eb a nimum em etṅ am ocr in e luw a e low ewr ey af.»

29Kɔ Pier lel erm esel beb ab ab dad nine: «Ow it eke si k'elum Nyam, kɔ ow elm agṅ.

30Ony, ewr Jesu olikṅ af, ibir ir, kɔ ey lagṅel e Nyam a igbm'n luw em.

- 31**Nyam ɔny igbl'l ogh in e lidr abu af etɔ ɛw'r Es Ɛw Ɛs lele Sɔg Ɛs ab, yec'etɔ ke ow ɔny Israel eyɔn abusu itɔn erm em, ke ɛɔn el e sikpl a ec'oc ap.
- 32**Ɛy, s'ij ɔw amua e danɔku, ey lel Abɔ Lala a eke Nyam ɔn agɔ a eke b'ɔny in ec'elum ab ab.»
- 33**Eke Sanedren ec'agɔ a iri sodad amua a, erm ebl el afɔn es, etɔ -n'am erur eke -li k'ibi erm esel a.
- 34**Gbɛkɔ el em a, Farisi nyam anɔ eke wɛl b'ɛsɔ Gamaliel, ol e low yegm es ligbɛl eke dedeku a b'elum. L'igb Sanedren ec'agɔ a ec'araɔn etɔ l'ibrm eke wɛl k'ɔn erm esel a ok ɔkm tel ye;
- 35**etɔ li dad wɛl ninɛ: «Israel ec'agɔ, low yec'eke b'ow kokr agɔ amua na a, ɛwr ow e low erm.
- 36**Ɔkan eke ow ibnm yeji, etɔ Tedas ey ɔkm am ocr in sosi any es ligbɛl, etɔ agɔ eke k'ij agɔ duw im ɛɔn'n. Kɔ eke wɛl ibi'r a, agɔ a fɛɔ ek'us'r jam a ɔmu es, etɔ el e low a yeji oc es.
- 37**In e jam a, agɔ awl e lakpo ab af, Judas Galile iy a ey ɔkm, etɔ agɔ nɔnɔ us'r jam. Kɔ in yeji, eke wɛl ibi'r a, agɔ a fɛɔ ek'us'r jam a ɔmu es.
- 38**Ow sosiem a, m'am dad ɔny, k'usr agɔ amua e low jam ij, kɔ ɛlul el es -n'im. Eke el e low a lel el e juma ab ab el agɔ em eci, ow b'ow oc es.
- 39**Gbɛkɔ ek'ow el Nyam em eci tasi, k'ɔtumn ɔnymn nɔnɔnmn. Ɛwr erm ke ow k'elm Nyam oghmn ar!» Sanedren ec'agɔ a ɛɔn Gamaliel ec'odad a eb.
- 40**-L'ɛwl -l'ɛsɔ erm esel a ow, -n'ɔn wɛl ɔr wɛl etɔ -l'ijl wɛl neny eke wɛl ki dadm odad Jesu e nin em ij, etɔ -li wal -l'ok wɛl es.
- 41**Erm esel a ok ɔkm Sanedren ec'agɔ a ec'araɔn sos em iɔn em, anɔke Nyam ɛkn eke -l'el agɔ ek'it eke wɛl k'ijr gbɛr Jesu e nin a sosiem.
- 42**Ɛtɔ seɔn fɛɔ, Nyamel gbɛl a e gbugɔ a lel akɔ akɔ ab, abu anɔ el em -n'am yegm agɔ low etɔ -n'am ɔb Mesi a ek'el Jesu a ec'Amani Mamn a e kokoba.

Ɛrm esel ec'ob kok e lel 6

Wɛl sɔsum agɔ lɔbɔ ot eke k'elum erm esel a abu

- 1**Lɛɔn ab em eke jam esel a e neny a am bobn a, el em eci Jwifel eke b'ɛbr Grɛk a am ebl erm ok el a eke b'ɛbr Ebre ab af, dad eke wɛ'n ɛwm el ec'ɛɔnyɔw a e low any eke ow'n bi sig ob cɛc e wanci a.
- 2**Erm esel lew yony a as jam esel a nimum luku etɔ dad el ninɛ: «Ow ɛbam eke si k'ɛw Nyam ec'odad a e dad es, ke s'am ɛkn ob ij e cɛc owi.
- 3**Ow sosiem agɔ lisijimɛl, sɔsumn ɔny ec'araɔn a agɔ amamn lɔbɔ ek'Abɔ Lala lele sɛwr ab iy em gbɔn otr, ke s'ɔc juma ikɔ na e low s'abul el.

⁴Ow b'ow ɔŋ ɛy abusu ke s'ucu Nyam ŋɔŋ lele Nyam odad dad ab e low s'ony es s'am kok.»

⁵Jam esel a nimum ɛŋ low a eb, etŋ kin agŋ a eke -li sɔsumn -l'otr a ec'en: Etien ek'omn lel Abŋ Lala ab iy ɛm gbɔŋ, Filip, Prokɔr, Nikanɔr, Timɔ, Parmenas lele Nikola ek'el Antios ɛb ɛm ec'ɛŋŋ, ke lɛŋŋ ek'ɛc ab ɛm ɛŋŋ Jwifel e Nyam nuŋ igŋ a e low eb a.

⁶Sica -l'ot -li yɛgm wɛl ɛrm esel a etŋ -l'at wɛl abu nuŋ -ni ŋɔŋ Nyam -n'ɔŋ wɛl.

⁷Nyam ec'odad a am eb es, jam esel a am bobn nɔnɔ Jerusalem ɛb ɛm, etŋ egb waw esel nɔnɔ am ɔny ɔmn Jesu ɛm.

Etien ec'ony owi

⁸Etien eke Nyam ec'owro lele lɛc ab iy ɛm gbɔŋ a, am kok low any iti owi lele meny ɛwr egbɛl ab ɛb ɛyŋ a ec'araŋn.

⁹Nyam nuŋ igŋ usu a eke wɛl b'ɛsŋ “Madu e wɛl eb ɛlu es” ec'agŋ nyam nyam am atar ów es Etien ab. -L'el Jwifel ek'anŋ Siren ɛb ɛm, Alesandri ɛb ɛm, Silisi wus af lele Azi wus af ab ec'agŋ ek'ir Jerusalem.

¹⁰-L'ɔtumnn -l'akamn ow es ów es atar ab ɛm, aŋke n'am dad ów Abŋ Lala e sɛwr a ek'am ɔŋ'n ab ɛm.

¹¹Ow sosiem, -l'ub agŋ abu es, yec'etŋ ke agŋ a dád ɛsɛ: «S'iri -li dad ów -l'ɔbr Mois lele Nyam ab any!»

¹²Nenɛ ɛm anake -n'am ok dedeku a, agŋ ekpekɔ a lele ol e low yɛgm esel ab ab al lokm a. -L'okr Etien es, -n'ony ow etŋ -l'oc -n'im ow Sanedren ec'agŋ a ec'any af.

¹³-L'ot agŋ ek'am ij danŋku yadŋ ɛm ok Etien af a yeji -l'ow, etŋ -n'am dad -l'ɛsɛ: «ɛŋŋ na, wanci kpaŋ neny b'anŋ'n ɛm n'am dad ów ɛŋŋ l'ok ɛy e Nyamel gbɛl lala na lele Mois ec'ol ab ab af!

¹⁴S'iri li dad eke Nasaret e Jesu in b'ow in bubm ɛy e Nyamel gbɛl na in ok, ke ow'n titŋn ɛb ir a eke Mois in ɔŋ ɛy a.»

¹⁵Agŋ a fɛŋ ek'anŋ Sanedren e luku as ab ɛm a am ler Etien gbiy etŋ -l'ɛkn eke ow ec'any a anŋ ɛsɛ afr ɛrm ɛs ec'any ab af.

ɛrm esel ec'ob kok e lel 7

Etien ec'odad e dad

¹Egb waw ɛs ligbɛl a ibrm Etien ninɛ: «Ów amua eke wɛl am dad ŋ e lís a, kɔ nawre ee?»

²Etien ɔdu eb dad ninɛ: «Agŋ lisijimel lel agŋ esel ab, igŋn lɔru es irir: eke ɛy lagŋ Abraham anŋ Mesopotami wus af a, gbuŋ eke li k'im l'ir Aran a, anygbɛl e Nyam ɛlu sos ɔkm yɛgm'n.

- ³Li dad ow nine: “Ñgboŋ ñ ec’eb na lele ñ ec’eb na em ab, ke ím eb a eke mi b’ow m’okñ’ñ abu ab em!”
- ⁴Ow sosiem Abraham ñgboŋ Kalde eyñ ec’eb ab em etñ im ir Aran. Sica eke es uw oc es a, Nyam oc ow’r eb na em eke iir legñ na em a.
- ⁵Eb na em, Nyam òm Abraham usu kaka, l’ubrm usu logli yeji n’òm ow; gbeko Nyam ij neny eke b’ow oc wus a nimum òñ’n, ke in ec’alaw a eke b’ow anñ in em ok òkm a, el yeji idr wus a. Ke legñ ab em a, Abraham ònym iy kaka.
- ⁶Kin yec’eke Nyam dad’r: “Ñ ec’alaw b’ow ir etu eb, etñ yogñ -li b’ow -l’el madu wel ijr el gbre toñ akpo duw.
- ⁷Gbeko eb a eke ñ ec’alaw a b’ow el madu el ec’abu em a, mi b’ow mi jej el e low m’ok. Ow e jam a, -li b’ow -l’igb yogñ ke -l’ow -l’igñ’m nuñ aña na.”
- ⁸Etñ Nyam kok sinm na Abraham ab ek’ow e meny ewr el likr es ubr. Ow em Abraham ubr jim Isak likr es eke l’ew ow ba ow b’ij seğñ niwn a; eben neny nyam Isak yeji bubr Jakòb likr es, etñ Jakòb yeji bubr jimel ek’el ey lagñel lew yony a ekr es.
- ⁹Sica ey lagñel ònyn Josef nyamn eyr, etñ -l’ol -l’ij ow eke ow k’el adu Ejipt. Gbeko Nyam anñ in ab;
- ¹⁰l’eb l’elu ow es gbre feñ em. N’òñ ow nuñ em òny etñ Faraon ek’el Ejipt ec’eb ebu a ec’any af, l’akpal ow. Faraon ew Josef Ejipt eb a lel in ec’akñ a ec’ob feñ ab ec’es ew es.
- ¹¹Lek ligbel ey Ejipt eb em lele Kana eb em ab. Ow òñ gbre am afñ es, etñ ey lagñel éñnm ob kaka eke k’ij.
- ¹²Eke Jakòb iri ek’ob ij anñ Ejipt a, l’erm jimel ek’el ey lagñel a im akp nyam.
- ¹³Sica eke -n’imn sakp yony em a, Josef okm sos òkm lisijimel a uw’r any, etñ ow òñ Faraon uw Josef ec’agñ ab any.
- ¹⁴Etñ Josef òñ wel im oc es Jakòb lel in ec’agñ a feñ ek’ij agñ ekñ nyahan agñ lew yen a ow.
- ¹⁵Jakòb ow ir Ejipt toñ uw yogñ, ey lagñel a yeji.
- ¹⁶Wel ot el e sos megl a im Sikem, etñ uwomu a ek’Abraham ol os em Amòr jimel ec’abu em Sikem bañ a wel ot el es.
- ¹⁷Sica eke legñ ow titm eke Nyam ki kok ów a feñ eke l’ewar Abraham a, ey ec’agñ a am eny bobn Ejipt eb ab em.
- ¹⁸Etñ eb ebu ejeci nyam eke uwm Josef any a, ey òkm am nyimn eb a.
- ¹⁹Eb ebu na eju ey ec’agñ a etñ ònyn ey lagñel milolu, òny el lec em -li digñ el ec’ey meny nenym -l’ok es eke k’uw.
- ²⁰Legñ ab em anake wel ew Mois a; l’el iy ek’akpl ke Nyam erur. Wel gbagbl’l es ec’akñ a toñ awl nyahan.

- 21**Sica eke wɛl ɪgɪ ɛlu'l ɛs a, Faraɔn jɔw a ɔc'r ɛtɪ gbagbl'l ɛsɛ in ɛc'iy lokm af.
- 22**Ow ɔɪ Moɪs uw Ejɪpt ɛyɪ e low fɛɪ any, ɛtɪ l'el ɛgɪ gbawru ɔdad ebl ɛm lel ɔw kok ɛm ab.
- 23**Eke Moɪs ɔny akpo ɛkɪ yony a, l'erur eke li k'im l'ɛkn Israɛl ɛyɪ ɛk'el in ɛc'ɛbr ɛc'agɪ a.
- 24**L'ɛkn Ejɪpt iy nyam ɛk'am ɔnyɪ Israɛl iy nyam milɔlu; l'eb ow ɛc'usu a eke li ki dogɪn ow, ɛtɪ low a eke li ki kok l'ɔbar any ab ɛm l'ibi Ejɪpt iy a.
- 25**Li tutr eke lisɪjɪmɛl Israɛl ɛyɪ a b'ow iri eke Nyam am ow ɛcr in ɛm eb ɛlu ɛl ɛs, kɔ - l'irim ɛbɛn.
- 26**Eke lɛgɪ ɛny a, Moɪs uyum Israɛl ɛyɪ yony ɛk'am ogɪ mum ab, ɛtɪ l'erur eke li k'ɔny l'okr wɛl ɛm. Li dad wɛl nɪnɛ: “ɛm lawlɛl, ɔny agɪ lisɪjɪmɛl ɔfr eel, bla sosiɛm ɛtɪ am ɔnyanɪn milɔlu ɛɛ?”
- 27**Kɔ ɛgɪ nyam a ɛk'am ɔnyɪ lawl a milɔlu a itr Moɪs ɛtɪ dad'r nɪnɛ: “Kɔ ɪ, bwo ɛw'ɪ ɛsɛ ɛy ɛc'es ɛw ɛs af, ɛsɛ ɛy e jɛj ok ɛs af ɛɛ?”
- 28**Am erur eke k'ibi'm ɛsɛ elɛl eke ɛfi cɛ, ibi Ejɪpt iy ab af ɛɛ?”
- 29**Eke Moɪs iri sodad amua a, l'uru ɛs n'im l'ir Madɪan ɛtɪ l'ew ɛy yony yogɪ.
- 30**Eke akpo ɛkɪ yony ɛc'a, loj a e titm Sinayi lafɛny ab ɛm, afr ɛrm ɛs nyam yɛgm Moɪs sos, duw luku ɛk'am iri al ab ɛm.
- 31**Eke Moɪs ɛkn ɛbɛn a, ow ɛw'r any iti. Gbɛkɔ eke l'erur e li k'eri n'im li titm ke l'ɛkn a, l'iri ɛs Kɔtɔkɔ e lebl ɛk'am dad'r ɛsɛ:
- 32**“M'el alagɪɛl e Nyam, Abraham, Isak lele Jakɔb ab e Nyam.” Moɪs ɛrɪn am ɔny ufɪ ɛtɪ ɔtum ɪgbɪm any ogɪ.
- 33**ɛtɪ ɛs Kɔtɔkɔ dad'r nɪnɛ: “ɔny ɪ ɛci cɔkrukpɔ a ɔt ɛs akr ɛm, aɪke usu a ɛk'inym ɛs a, usu lala.
- 34**M'ɛkn ɛm ɛc'agɪ a e gbɛrɛ ɛk'am ɪj Ejɪpt a, m'iri ɛl e sɔmu ɪkɪ a ɛtɪ m'us ɛs eke mi ki sɔg ɛl. ɔw, ke sica m'ɛrm'ɪ Ejɪpt.”
- 35**Moɪs nyam a cɛ eke Israɛl ɛyɪ ogɪ ke dad'r nɪnɛ: “Bwo ɛc'ɛgɪ ɛw'ɪ ɛsɛ ɛy ɛc'es ɛw ɛs lele ɛy e jɛj ok ɛs af a,” in cɛ Nyam ɛrm'n ɛsɛ ɛs ɛw ɛs lele sɔg ɛs af, afr ɛrm ɛs a eke ɛlu sos ɔkm yɛgm'n duw luku ab ɛm a ɛc'abu ɛlum ɛm.
- 36**Moɪs anake ɔny Israɛl ɛyɪ ok ɔkm Ejɪpt, low any iti owi lele mɛny ɛwr owi e li kok ɛb ab ɛm, Okɪj Ebl a ogɪ a lele loj ab ɛm eke -n'anɪn tonɪ ɪj akpo ɛkɪ yony a.
- 37**ɛmɛny Moɪs na cɛ anake dad Israɛl ɛyɪ nɪnɛ: “Nyam b'ow awɪ ɔny kokoba ɔb ɛs nyam ɛsɛ ɛm af eke b'ow el ɔny ɛc'agɪ ab ɛm ɛc'ɛgɪ nyam.”
- 38**Eke Israɛl ɛyɪ as luku loj a, Moɪs anake anɪ ɛy lagɪɛl lele afr ɛrm ɛs a eke am dad'r ɔdad Sinayi lafɛny af a ɛc'araɪn a; ɛtɪ l'eb sel ɛɪn e sodad Nyam ogɪ l'ow n'ɔɪ ɛy.

- ³⁹Gbeko ey laghel eghm onym in ec'elum; -l'igh ow etj -l'erur eke -li k'ewl meny -n'im Ejipt.
- ⁴⁰-Li dad Aron nine: "Kok sinyam eke b'an es ey ec'any af oj ey, ko Mois ek'ony ok ey okm Ejipt a, s'uwm low yec'eke egn'n ab any."
- ⁴¹-Li kok id ewli ese nyam af etj -li waw egb -n'oj ow, -li gbebl es nyam na ek'el obi -li kokr a eci.
- ⁴²Nyam ony nyamn oc el es af etj egb el es -l'igh afr e milél nuj, ese elel eke wel non kokoba ob esel e lel em ab af: Israel eyj, tasi, em apr'm mindey lele segb waw ejec'ab loj a eke anjn toj ow ij akpo ekj yony ab ee?
- ⁴³Njan! Gbeko abur ony e nyam Molok eci nuj igh el a lele ony e lel nyam Refan e meny ewr ab ab owr, ekj em nyam amua eke kokr eke k'ighn nuj a. Na sosiem anake mi b'ow m'ewl ony madu okr em, usu eke ibn akm Babilon.
- ⁴⁴Gbad em el a eke sinm a e lel anj em a, ey laghel onym ab loj a. Wel us'r kpe kpe kpe ese elel eke Nyam yegmn Mois ab af.
- ⁴⁵Gbad em el ikj na wel oc'r oj ey a ek'usr ey laghel usu a; -l'oc ab -n'im legj ab em eke Joswe am nyimn el a. Nyam ogj eb eb a ek'anj el anym a, etj -l'eb seb a. El a gbe anj toj igh David e legj em a.
- ⁴⁶David egn bibm Nyam ec'any af etj l'ibrm ow abusu eke li k'us el nyam n'oj Jakob e Nyam a.
- ⁴⁷Gbeko, Salomo anake us el a.
- ⁴⁸Ke Afr Kpekpe e Nyam a irm mel ek'agn ec'abu b'us ab em, ese elel eke kokoba ob es a dad ab af:
- ⁴⁹Nyam dad nine: "Afr el em ec'eb ir usu, etj wus el em ec'akr es ok usu. Bogj ec'el tasi otur eke k'usr onj'm ee? Bogj ogj tasi m'otu eke mi k'ir ee?"
- ⁵⁰Etj ko ow elm em obi mi kokm mob amua fej ee?"
- ⁵¹Ony agj es efuu ek'ony ec'erm lel oru ab babl Nyam ec'esj a e lis; segj fej am atarir Abj Lala ab ce! Ony anjn ese ony laghel ab af!
- ⁵²Bogj eci kokoba ob es ony laghel ijrm gbre ee? -L'ibi agj a ek'ob el Neny Nyam Es nyam coco a eke k'ow a e kokoba a; etj sica in anake ony ejur ir ke ibir ir a.
- ⁵³Ony eke Nyam ecr in ec'afr erm esel ab em oj ony in ec'ol a, ony, eluamn ol ikj na!»

Etien e luw owi

- ⁵⁴Sanedren ec'agn a erm ebl afjn es sodad amua eke -l'irir a sosiem, etj -n'am sasagr an em -l'ok Etien af.
- ⁵⁵Ko ek'Abj Lala iy'r em a, n'am ler afr, etj l'ekn Nyam ec'anygbel a lele Jesu ek'inym es Nyam e lidr abu af ab.

⁵⁶Li dad nine: «Èkan, m'am ekn afr eke fig lele eḡḡ ec'Iy ek'inym es Nyam e lidr abu af ab.»

⁵⁷Eke -li b'iri eben a, -li babl ɔru es etḡ -n'am babarm. El feḡ -l'ok Etien af,

⁵⁸-l'odu -l'elu ow ɔkm baḡḡ a, etḡ -n'am ɔr ow mebn em eke -li k'ibi ow. Adaḡku a ok el e mob sus em ab es ḡgbafre nyam eke wel b'eseḡ Sol a ec'anym eke k'osu.

⁵⁹Eke wel am ɔ'r mebn em a, Etien am ḡḡḡ Nyam ese: «Es Kɔtɔkɔ Jesu, èb em ec'abḡ a!»

⁶⁰Ow e jam a, l'ok ɔwrɔkp wus etḡ li barm lebl tuɔtuɔ em nine: «Es Kɔtɔkɔ, k'ɔḡ el -li k'ebr em e luw na e ligbɔw!» Eke li dad sodad amua ba ow b'uwr a, l'ok sel es.

Èrm esel ec'ob kok e lel 8

Sol am ijr Nyamel gbre

¹Sol eḡḡ Etien ec'ibi a e low eb. Leḡḡ a ce gbre ijr ligbel ɔbr Nyamel ek'anḡ Jerusalem a. Aḡḡ a ek'ony ɔmn a feḡ uru ɔmu es Jude lele Samari ab e wus ab af; erm esel a gbè urum es.

²Aḡḡ ek'ony Nyam e muru a oc Etien im oc es etḡ ikḡ in e luw a ec'ɔḡḡ nɔnɔ.

³Kɔ Sol ek'erur eke ki ḡḡḡ Nyamel a, aam akḡ akḡ ɔny aḡḡ a feḡ ek'ony ɔmn a, eḡḡ lele ɔyɔw ab ok sobel em.

Filip am ɔb Amani Mamn e kokoba Samari ec'eb ligbel ab em

⁴Sica aḡḡ a ek'ony ɔmn ke ɔmu es a, am ɔb Amani Mamn e kokoba usu a feḡ.

⁵Filip im Samari ec'eb ligbel ab em etḡ am dad eb eyḡ a Mesi a ec'odad.

⁶Dedeku a neny af okr em am ew Filip ec'odad a erm af, aḡke -n'am iri etḡ -n'am ekn meny ewr a eke n'am kok a.

⁷Tasi em a, abḡ eḡḡ am babarm ok ɔkm ólu nɔnɔ em, etḡ aḡḡ e bubm es lel akr kpece esel nɔnɔ ab yeḡi am ewl.

⁸Ow ɔḡ sos em iḡḡ ligbel ey eb ab em.

⁹Iḡḡ nyam eke wel b'eseḡ Simɔ ikḡ anym anḡ baḡḡ a. Li bi kok cam owi etḡ li b'ɔḡ Samari eyḡ nimum anḡ low any iti ligbel em. Li b'ocr in sosi any es,

¹⁰etḡ aḡḡ a feḡ, iḡḡ ḡgbafre tonḡ aḡḡ ekpekp a b'ew in e low erm af. Wel bi dad ese: «Èḡḡ na “Nyam ec'abusu”, yec'a eke wel b'eseḡ “Abusu Ligbel a.” »

¹¹-Li b'ew ow e low erm af nɔnɔ, aḡke leḡḡ kpekp etḡ, li kok ów any iti owi n'ɔḡ wel in e cam owi ab em.

¹²Gbekɔ sica Filip ɔb el Amani Mamn a, Nyam e gbrenḡbi usu a lele Jesu Krist e nin ab ab e kokoba. Aḡḡ a feḡ ek'ub nawre a, eḡḡ lele ɔyɔw ab, wel ok el mij nuḡ.

¹³Simɔ in obi yeḡi ub nawre etḡ wel ok'r mij nuḡ; li b'anḡ Filip saw etḡ meny ewr eḡbel a lele sakrowa ab ab eke n'am ekn ow am kok a e low am iti'r any.

- ¹⁴Eke erm esel ek'anη Jerusalem a iri eke Samari eyη egη Nyam ec'odad a eb a, -l'erm Pier lele Jan ab im yogη.
- ¹⁵Eke -n'imn -l'okr yogη a, -ni ηοηηη Nyam agη a ek'ub nawre a eci, yec'etη ke wel ηηη Abη Lala.
- ¹⁶Tasi em a, Abη Lala k'usm es el em ec'egη kaka af; kō mij nuη gbe wel ok el Es Kotōkō Jesu e nin em.
- ¹⁷Ca Pier lele Jan ab at el abu nuη etη -n'ηηη Abη Lala.
- ¹⁸Eke Simō ekn eke erm esel a am at agη a ek'ub nawre a abu nuη ke -n'am ηηη Abη Lala a, n'am ol eke li k'ōη Pier lele Jan ab os.
- ¹⁹N'am dad l'ese: «Em yeji, oηη'm abusu ikη na, yec'etη ke egη yec'eke mi b'at abu nuη a ηηη Abη Lala.»
- ²⁰Kō Pier dad'r ninē: «Ke η ec'os a lele η obi ab úgηη es, aηke η e tutr em a, wel otu eke k'ol Nyam ec'ob a os em!
- ²¹Low na otm'η es etη η e low yeji anm em, aηke η ec'erm a inyam Nyam ec'any af.
- ²²Ìgη η ec'ow tutr eηuη a ok es, ke ηοηηη Es Kotōkō yec'etη ke ek'ow it, l'óc tutr na ek'onη a l'ap'η.
- ²³Tasi em a, m'am ekn ek'ow tutr lolo iy'η em gbōη etη el sikpl ec'adu.»
- ²⁴Simō dad Pier lele Jan ab ninē: «Ony obi ηοηηη Es Kotōkō oηη'm, yec'etη ke ow amua feη eke dadr a k'ēηnm im.»
- ²⁵Sica eke erm esel yony a ij dan̄ku ke dad Es Kotōkō ec'odad a, -l'ewl -n'im Jerusalem. Ejagb eke -l'usr -n'aam a, -l'ob Amani Mamm e kokoba Samari e seb nono em.

Filip lel Etiopi iy igη agbru ab ab

- ²⁶Sica Es Kotōkō ec'afr erm es nyam dad Filip ninē: «B'ow imm esr em ec'a, ebr a ek'am usr meny es Jerusalem etη imm Gaza ec'ab af, yec'a ek'ecr loj a.»
- ²⁷Kpekη Filip igb im. Etη ebr ab af, n'ηηη igη nyam; ow el Etiopi iy igη agbru nyam, juma es ligbel eke b'osu Etiopi ec'eb eb yow Kandas a ec'ob ony a feη. L'ow Jerusalem l'igη Nyam nuη
- ²⁸batη n'am ewl meny n'im in ogη a. Li sig es in e letη a eke gbaηkō b'odu ab em n'am awl kokoba ob es Esayi e lel a.
- ²⁹Abη Lala dad Filip ninē: «Ìm toη ke títm letη a.»
- ³⁰Filip uru es im titm letη a etη iri Etiopi iy a ek'am awl kokoba ob es Esayi e lel a. L'ibrm ow ninē: «Kō lel a ek'am awl a ow am ok'η es sos em ee?»
- ³¹Igη a odu eb ninē: «Ayaf ow otu eke k'ok'm es sos em ek'egη otarm akr okm im ee?» Etη li dad Filip eke k'ey letη ab em ke sig'r es saw.

³²Lel a e n'am awl a el na: Eɛe liceb eke wel b'oc im ibi usu af, eɛe licebli eke baram agɲ a ek'am iri'r suw es a ec'any af ab af, li dadm low kaka.

³³N'ɛɲn ɛs ɛtɲ ɛmɛny wel ɛɲɲm in e low ij a ɔɔm'n. Kɔ bwo b'ow dad in ec'ey ec'odad ee? Tasi ɛm a, in e sel uwr wus na af.

³⁴Iɲɲ a ibrm Filip nine: «M'am ɲɔɲn'ɲ dad'm, kokoba ɔb ɛs a, bwo ec'ɛɲɲ ec'odad n'am dad ee? Kɔ in obi e low oglog ɛɲɲ ejeci e low n'am dad ee?»

³⁵Filip ɔb nuɲ odad ikpr na af, ɛtɲ am otar Jesu ec'Amani Mamn a ec'ów akr ok'r.

³⁶Eke -n'anɲɲn ejagb ab af -n'aam a, -l'ok usu nyam eke mij anɲ ɛtɲ iɲɲ a dad nine: «Kin mij, bla lowi am ɛɲɲn'm eke mi k'ok mij nuɲ ee?»

[³⁷Filip dad'r nine: «Eke ɔny ɔmn ɲ ec'erm fɛɲ ɛm, ɔtu eke k'ok mij nuɲ.» ɛtɲ ɛɲɲ a dad'r nine: «M'ɔny ɔmn eke Jesu Krist el Nyam ec'Iy.»]

³⁸ɛtɲ n'ɔɲ letɲ a inɲm es. Filip lele iɲɲ ab ab us es mij ab ɛm ɛtɲ Filip ok'r mij nuɲ.

³⁹Eke -n'anɲɲn mij ab ɛm -l'okr ɔkm a, kɲɛkɲ ɛs Kɔtɔkɔ ec'Abɲ ɔny Filip oc es ɛtɲ iɲɲ a ɛknm'n ij; gbɛkɔ sos ɛm iɲɲ ɛm Etiopi iy a eb ejagb aam.

⁴⁰ɛtɲ kɲɛkɲ Filip ɛkn eke ow el Asɔt baɲn anake n'anɲ a, ɛtɲ n'am ɛc l'ɔb Amani Mamn e kokoba baɲn baɲn a toɲ l'ok Sesare.

ɛrm ɛsɛl ec'ob kok e lel 9

Sɔl ec'erm ɛm itɲn owi

¹Legɲ ab ɛm a, Sɔl ec'ermij ebr a el ke n'am ɔɔr ɛs Kɔtɔkɔ e jam ɛsɛl a abr wel ec'ibi eci. N'im n'ɛɲn egb waw ɛs ligbel a

²ɛtɲ l'ibrm ow eke ow k'ɔɲ'n silɛl ek'ow ɛm Damas ɛb ɛm e Nyam nuɲ iɲɲ susu a wel k'uwr'r any, yec'ɛtɲ eke n'ɛɲn agɲ, ɛɲɲ oglog ɔyɔw ek'am us ɛs Kɔtɔkɔ Jesu ec'ejagb a, l'ɔtu n'ɔny wel ke l'ót wel l'ow Jerusalem.

³Eke Sɔl us ejagb aam Damas ke n'am titm yogɲ a, kpru ɛm, usu ayl anɲ afr ejn iwr elul il ɛm.

⁴L'ey wus ɛtɲ l'iri lebl nyam eke am dad'r ɛsɛ: «Sɔl, Sɔl, kɔ bla sosiɛm ɛtɲ am ijr'm gbɛr ee?»

⁵L'ibrm ow nine: «ɛɲɲ gbɛl, kɔ bwo el'ɲ ee?» ɛtɲ lebl a ɔdu eb dad'r nine: «ɛm Jesu ek'am ijr gbɛr a.

⁶Sica igb wus, im ɛb ab ɛm, yogɲ wel b'ow dad'ɲ low yec'ek'it eke ki kok a.»

⁷Agɲ a ek'us ejagb Sɔl ab a uk inɲm es ɛtɲ -l'ɔtum -li dadm low kaka; -n'am iri lebl a gɔɲ, kɔ -l'ɛknm ɛɲɲ kaka.

⁸Sɔl anɲ wus igb ɛtɲ pig pig anyamn, kɔ l'ɔtum l'ɛknm low kaka. Wel ɔny'n abu oc'r im Damas.

⁹Segɲ emum nyahan eke l'ɔtum l'ɛknm es, l'ijm ob kaka ke l'ɛɲɲm mij yeji.

- ¹⁰Damas yogŋ jam es nyam anŋ eke wel b'esi Ananias. Es Kotoko yegm'n sos es ekn em etŋ dad'r ninε: «Ananias!» L'egŋ ninε: «Es Kotoko, kin em.»
- ¹¹Es Kotoko dad'r ninε: «Igb caca ce im eberŋ eke wel b'esi “Nyim Nyim” ab em, ke Judas ec'akŋ a, ibrm egŋ nyam eke wel b'esi Sol, Tars iy. N'anŋ Nyam ŋoŋn em wanci na af.
- ¹²Etŋ es ekn em, l'ekn egŋ nyam eke wel b'esi Ananias ek'am ey akŋ at'r abu nuŋ yec'etŋ ke emeny l'otu l'ekn es.»
- ¹³Ananias odu eb dad'r ninε: «Es Kotoko, agŋ nono dad'm egŋ na e low etŋ -li dad'm ow eguŋ feŋ eke li kok ŋ ec'agŋ ek'anŋ Jerusalem a e lis.
- ¹⁴Etŋ l'ow aŋa abusu a ek'egb waw esel egbel oŋ'n ab ab eke li k'ony agŋ a eke b'esi ŋ e nin a.»
- ¹⁵Gbeko Es Kotoko dad'r ninε: «Im, aŋke mi sosome egŋ na m'oc etŋ mi b'ow m'ecr in em m'elu em e nin a okm ebr ebr ejec'a ec'agŋ eci, el eci eb ebu a lel Israel ec'agŋ ab ab ec'any af.
- ¹⁶Em obi em obi mi b'ow mi yegm'n gbre feŋ eke li b'ow l'ij em e nin a ec'a.»
- ¹⁷Sica Ananias im etŋ eke l'ey akŋ a, l'at Sol abu nuŋ etŋ li dad ow ninε: «Em lisijim Sol, ejagb a eke ebr am ow a, Es Kotoko elu sos okm yegm'ŋ. In anake l'erm'm m'ow a. L'erm'm m'ow yec'etŋ ke emeny otu ekn es, ke Abŋ Lala iy'ŋ em gbouŋ.»
- ¹⁸Kpekŋ ob ek'anŋ ese ocn sel af a anŋ Sol ec'anyamn ab em ok wus etŋ emeny l'otu l'ekn es. L'igb etŋ wel ok'r mij nuŋ;
- ¹⁹etŋ eke l'ij ob a, lec ow'r em.

Sol am ij Krist e danŋu

Sol anŋ jam esel a ek'ir Damas ab ab seŋŋ beb.

- ²⁰Kpekŋ n'am ob kokoba Nyam nuŋ igŋ susu, li dad eke Jesu in el Nyam jim.
- ²¹Agŋ a feŋ ek'am iri'r lebl a low am iti any etŋ am dad ese: «Ko ow elm egŋ a eke Jerusalem am ijr agŋ a eke b'esi Jesu e nin a gbre ab ee? Etŋ aŋa eke l'ow a gbε, ow elm eke li k'ony wel ke l'ewl wel egb waw esel ec'es ewel a ogŋ ee?»
- ²²Eke Sol am yegm Jwifel a ek'ir Damas a eke Jesu in el Mesi a, n'am dad low a lec em toŋ Jwifel a eknm low eke ki dad.
- ²³Eke ow ibn a, Jwifel a ut asre eke k'oŋ wel ibi Sol,
- ²⁴ko Sol iri el ec'asre ut a e low. Ow oŋ ncok lele legŋ ovr ab, wel am osu baŋn a e masany a yec'etŋ ke wel ibi'r.
- ²⁵Ow sosome, ncok nyam Sol e jam esel a oŋy elu'l ulu nyam em etŋ oŋy usm'n es baŋn a e lakp jam a.

Sol im Jerusalem

²⁶Eke Sɔl im ey Jerusalem a, l'ɔl eke li k'ey jam esel ab em, kɔ el feŋ in e low am ɔny el ernɔ, aŋke -li k'ubm nawre eke ow k'el jam es tasi.

²⁷Barnabas oc'r ab im etɔ ewl'l erm esel a ogɔ. Etɔ l'otar elel eke Sɔl ekan Es Kɔtɔkɔ ejagb af, lele elel eke Es Kɔtɔkɔ dadr Sɔl odad ab a, e low akr l'ok wɛl. Emɛny l'otar elel eke lokm susu em Sɔl ɔb Jesu e nin a e kokoba Damas a yeji e low akr l'ok wɛl.

²⁸Yogɔ etɔ Sɔl anɔ el ab, etɔ Jerusalem eb ab em n'am ec l'ɔb kokoba ɔmn em tasi Es Kɔtɔkɔ e nin em.

²⁹Li bi dad odad l'ok Jwifel eke b'ɛbr Grek a yeji, etɔ wɛl ab li b'atar ɔw es; kɔ agɔ amua am erur eke k'ɔɔ wɛl ibi'r.

³⁰Eke agɔ lisijimɛl a iri ow e low a, -l'oc Sɔl -l'us nuɔ es -n'im Sesare eb em etɔ -n'ɔɔ ow inm Tars eci.

³¹Sica Nyamel anɔ erm es ey em Jude wus af nimum, Galile lele Samari ab. N'am agb ɔmn em etɔ n'am ir eb Es Kɔtɔkɔ ec'elum em. Abɔ Lala ec'abu elum em a, nawre ub esel a am bobn.

Ene ec'ewlm owi

³²Eke Pier am ec usu a feŋ a, legɔ nyam n'im l'ok Lida baɔn ec'agɔ a ek'ub nawre a ogɔ.

³³Yogɔ, n'ɛɔn igɔ nyam eke wɛl b'ɛsɔ Ene eke eru es ob erur ob af toɔ akpo niwn, aŋke li bubm es.

³⁴Pier dad'r nine: «Ene, Jesu Krist am ewlm'ɔ! Igɔ ke ɔr ɔ ec'ob erur ob ab es ɔ obi.» Kpɛkɔ Ene anɔ wus igɔ.

³⁵Lida baɔn ec'agɔ a feŋ lele Saron wus pɛtɛ ab af ec'agɔ a ek'ekn Ene ec'ewlm owi a, itɔn erm em etɔ el Es Kɔtɔkɔ eci.

Pier igbm Dɔrkas luw em

³⁶Jope baɔn, jam us lis nyam anɔ eke wɛl b'ɛsɔ Tabita. (Nin a Grek em a “Dɔrkas”, etɔ ow e nyandre el “ndeyegɔ”.) Sɛgɔ feŋ abu b'anɔ'n low nimamn e kok em lele ɔgbɔru ec'abu elum owi em ab.

³⁷Legɔ nyam l'ey ɔl etɔ luw ibi'r. Eke wɛl ok'r mij bake ow uwr a, wɛl kok'r sos etɔ wɛl oc'r im erum'n es el afr a ec'oj nyam em.

³⁸Eke Lida titm Jope ke jam esel a ek'anɔ Jope a iri eke Pier in anɔ yogɔ a, -l'erm agɔ yony eke k'im ɔɔ'n amani na: «S'am ɔɔn'ɔ, igbm ab kpɛkɔ ow ey ogɔ aɔa.»

³⁹Eke Pier ɛɔn amani a, kpɛkɔ l'igɔ n'im ɛrmu ab ab. Eke l'ow l'ey yogɔ a, wɛl oc im'n el afr a ec'oj ab em. Eɔnyɔw a feŋ ow titm'n am ikɔ ɔɔn, etɔ am yegm'n sikotu a lele simob af ew a eke Tabita kok in ec'owr anɔ em a.

⁴⁰Pier ɔɔ agɔ a feŋ ok gbeɔ etɔ l'ok ɔwrɔkp wus ni ɔɔn Nyam. Sica l'ewl l'ɔkɔ legɔuw ab any etɔ li dad nine: «Tabita, igɔ wus!» Legɔuw a fig fig anyamn etɔ eke l'ekn Pier a, l'igɔ li sig es.

⁴¹Pier ucu abu ɔny'n elum'n abu l'igb n'inym es. Ow e jam a, l'esi enyow a lele ɔmn ɔny esel ab ab eti li yegm wel Tabita ek'anj owr.

⁴²Low a eb es Jope banj a nimum eti agj nɔnɔ ɔny ɔmn Es Kotoko em.

⁴³Pier anj Jope kok segj nɔnɔ, ndey lel juma kok es nyam eke wel b'esi Simo a ec'akj.

Erm esel ec'ob kok e lel 10

Pier lele Korney ab owi

¹Sesare eb em, igj nyam anj eke wel b'esi Korney. Rom eci sɔda eyj ekj yen ec'eb nyam eke wel b'esi "Itali eb a", l'el ow ec'anym es.

²L'el Nyam nuj igj es tasi; in lel in ec'akj a fej ab -l'ɔpimm Nyam nuj igj. Sakp nɔnɔ li b'elum Jwifel em ec'ogboru abu eti li bi njɔn Nyam segj fej.

³Ncebles nyam eci wanci nyahan em, l'ekn es, kpata Nyam ec'afr erm es nyam ek'ey in ec'akj a ke esi'n: «Korney!»

⁴Li ler afr erm es a erjn ab eti l'ibrm ow nine: «Egj gbɛl, ko bla lowi ee?» Afr erm es a dad'r nine: «Nyam egj nj e njɔn a lele ogboru ec'abu eke b'elum ab ab e low eb, eti l'ijlm nj es.

⁵Sica, nj agj im Jope esi egj nyam eke wel b'esi Simo Pier a ow.

⁶N'anj ndey lel juma kok es nyam eke wel b'esi Simo, ek'in ec'el a anj okij neny a ogj.»

⁷Ek'afr erm es a e dad'r odad a im a, Korney esi in ec'akj juma kok esel ab em e yony lel in e sɔda eyj ab em e nyam eke b'anj'n saw, ke el Nyam nuj igj es tasi ab ab ow.

⁸L'otar low a fej ek'ey a akr l'ok wel eti l'erm wel Jope.

⁹Eke legj eny akr af, ke ermu nyahan a ek'us ejagb a am titm Jope a, Pier uyu el luw af pete ab af Nyam njɔn eci. Ke legj uyu nuj nj,

¹⁰eti namn ow'r sos; eke wel am kok in ec'ob ij owi a, n'am ekan nuj em.

¹¹L'ekn afr ek'agbr em eti ob nyam anj em am us es: ob ek'anj ese gbad ligbel af eke wel ucu ow ec'enyembri yar a ɔny es ke am is es wus.

¹²Gbad ab af mindey erj erj a fej ek'eli akr yar, lel el eke b'erir es wus wus, lele ɔr erj erj a fej ab anj em.

¹³Lebl nyam dad nine: «Pier, igb, ibi ke ij!»

¹⁴Gbeko Pier ɔdu eb dad nine: «Es Kotoko, mi k'otum, anke legj kaka m'ijm ob eke wel edjn oglog ob ek'aylm nj eci any af a.»

¹⁵Emeny lebl a ikjn em eti dad nine: «Ki ler ob yec'eke Nyam ayal a ese ob ek'aylm af.»

- 16Low a ey ɔkm kpa kpa kpa sakp nyahan etj kpekɛj ob a ewl meny im afr.
- 17Pier am tutr low na eke l'ekn es ekn em a e nyandre. Ko wanci ab af, agɛ a eke Korney erm a bi bibrm uw yogɛ eke Simo ec'el a k'anɛ ab any, etj sica -l'ow -l'ok lisany a.
- 18-N'am ibrm -l'esɛ: «Ko aɲa anake Simo Pier anɛ ab ee?»
- 19Pier anɛ am tutr es ekn a e nyandre, etj Abɛ dad'r ninɛ: «Kin agɛ nyahan anɛ aɲa am ɔl'ɛ.
- 20Igb, us es, ke im el ab; ki bebar aɲke em m'erm el -l'ow.»
- 21Pier us es im eɲn agɛ a etj dad el ninɛ: «Em, eɛɛ a ek'am ɔɔ ab ana. Ko bla sosiem owr ee?»
- 22-Li dad ninɛ: «Ey, ey ec'anym es Korney e nin em s'ow. L'el neny nyam es eke b'igɛ Nyam nuɛ etj Jwifel a feɛ b'aw'r. Nyam ec'erm es nyam ow dad'r eke li k'esɛɲ'ɛ ow in ogɛ a, ke l'iri yec'a eke b'ow ɔny dad'r a.»
- 23Etj sica Pier eb ok el akɛ ncok a eci. Eke legɛ eny a, l'us ejagb wel ab, etj Jope ec'agɛ lisijimel beb ewl'l.
- 24Eke emeny legɛ eny akr af a, l'ey Sesare. Korney lel in ec'akɛ ec'agɛ a lele lawlel tasi eke l'ew abu ow a, anɛ el ec'eku em.
- 25Wanci ab af eke Pier am ow ey akɛ a, Korney igb ow ɔbr'r etj ok ɔwrɔkp wus in ec'any af, esɛɛ in elum ligbel em.
- 26Ko Pier ɔny igbm'n etj dad'r ninɛ: «Igb, aɲke em yeɛi eɛɛ ce m'el.»
- 27Etj eke n'am ot nenym Korney ab a, l'ey akɛ a; yogɛ, l'ekn agɛ nɔnɔ eke as luku.
- 28Li dad wel ninɛ: «Uwr any eke Jwif eci Nyam nuɛ igɛ ebr a ɔɔm abusu eke li k'im l'ekn utu eɛɛ oglog l'ey ow ec'akɛ a. Ko em, Nyam yeɛm'm eke mi k'ocm eɛɛ kaka feɛ esɛ eɛɛ eke aylm oglog eɛɛ ek'itm eke wel k'im ekn af.
- 29Na sosiem, eke esɛɛn'm a, m'onym neny m'ocm es etj m'ow. Sica m'am erur eke mi k'uw low a nuɛ af eke esɛɛn'm ab any.»
- 30Korney ɔdu eb dad ninɛ: «Ow ij seɛɛ nyahan eke wanci nene af ek'el ncebles e wanci nyahan em a eke m'anɛ em ogɛ a Nyam nɔɛɛ em a, kpɛr em eɛɛ nyam eke sus mob ek'am jeɛn a inym'm es anym.
- 31Li dad'm ninɛ: «Korney, Nyam iri ɛ e nɔɛɛ e lebl a etj l'ijlm abu elum ek'ɔɛ ɔgbɔru ab es.
- 32Erm agɛ im Jope esɛ Simo Pier ow. N'anɛ ndey lel juma kok es nyam eke wel b'esɛ Simo a ec'el ek'anɛ okij neny ab em.»
- 33Kpekɛ m'erm agɛ ow esɛɛɛ etj erur ow. Sica ey feɛ s'anɛ aɲa Nyam ec'any af eke si k'iri ow a feɛ eke Es Kɔtɔkɔ abul'ɛ eke ki dad ey a.»

Pier ec'ów e dad Kórney ogñ a

- 34 Pier eb odad etñ dad nine: «Sica ow am ok'm es sos em tasi eke nje Nyam am jejm agñ es,
- 35 kó eb kaka feñ em, egn kaka feñ eke b'ony in ec'elum ke bi kok low nyim nyim a, li b'eb ow.
- 36 N'awñ Israel ec'agñ in ec'amani a: Amani Mamn a el erm es ey a ek'anñ Jesu Krist a ek'el agñ feñ ec'Es Kótókó ab em.
- 37 Eke Jan ób kokoba ke ok agñ mij nuñ bake ow uwr a, low yec'a eke ikñ anym ey Galile toñ ke eb Israel nimum em a, uwr any.
- 38 Uwr elel eke Nyam óñ Nasaret e Jesu in ec'Abñ Lala a lele abusu ab ab any. Uwr elel yej'eke Jesu ecr wus nimum af kok ów amamn, ke ewlm agñ a feñ ek'anñ agñ ec'es ew ab em a, añke Nyam anñ in ab.
- 39 Etñ ey s'ij ów a feñ eke li kok Jerusalem lele Israel wus af ab a e danju. Wel ew'r olikñ af etñ l'uw,
- 40 gbekó eke ow bi kok segn nyahan a, Nyam óñ'n n'anñ owr, etñ ow óñ'n abusu eke li k'elu sos okm.
- 41 Ow elm agñ a feñ ec'any af l'elum sos okm, kó ey a ce eke Nyam ikñ anym sòsum ot ese adanju af a ec'any af. Eke Nyam igbm'n agñ ek'uw ab em a, s'ij etñ s'egn in ab.
- 42 N'óñ ey abusu eke si k'ób kokoba s'ok agñ a, ke si dad eke in anake Nyam ew'r eke li ki jej agñ ek'uw lel agñ ek'anñ owr ab ab e low l'ok a.
- 43 Kokoba ób esel a feñ dad in e low ek'egn kaka feñ ek'in ub ow nawre a, egn a e sikpl a in b'ow in óny oc ap ow e nin a ec'abusu ab em.»

Agñ ek'elm Jwifel a yeji eññ Abñ Lala

- 44 Eke Pier odad anñ nenym k'uwrn a, Abñ Lala us es agñ a feñ eke am iri in ec'odad ab af.
- 45 Ómn esel a ek'el Jwifel ke ign Pier ab ow a, low am iti any eke Nyam ec'Abñ Lala a eke b'óñ agñ a, k'im eññ agñ ek'elm Jwifel a.
- 46 Tasi em a, -n'am iri wel am dad sodad sebr eke wel uwm any em, etñ wel am kòklm Nyam e sagb a. Ow sosiem Pier dad nine:
- 47 «Kó wel ótu eke k'edññ agñ amua mij ok nuñ, sica eke -n'eññ Abñ Lala ese ey af ab ee?»
- 48 Etñ n'óñ abusu eke wel k'ok wel mij nuñ Jesu Krist e nin em. Ow e jam a, -l'ibrm eke Pier k'anñ el ab segn beb.

ERM ESSEL EC'OB KOK E LEL 11

Pier am otar low a ek'ey a akr ok Jerusalem e Nyamel a

- ¹Erm esel a lel agɲ lisijimel a ek'anɲ Jude ab ab iri ek'agɲ ek'elm Jwifel a yeji eɲɲ Nyam ec'odad a eb.
- ²Eke Pier ewl meny uyu ow Jerusalem a, Jwifel ek'onɲ ɔmn a am ok'r ów af
- ³dad ese: «Éé! Im ey agɲ ek'elm Jwifel a ogɲ etɲ ij ob el ab!»
- ⁴Ow sosiem, Pier otar low a ek'ey a akr mewl em ok el. Li dad nine:
- ⁵«M'anɲ Jope eb ab em, etɲ eke m'am ɲɔɲɲ Nyam a, m'am ekn es. M'ekn ob nyam ek'am us es ow eɲɲ'm, ob ek'anɲ ese gbad ligbel af ke wɛl cucu ow ec'enyembri yar a ɔny es, ke anɲ afr am us es toɲ ow titm'm.
- ⁶M'ok any es mi ler lokm a etɲ m'ekn mindey eke b'eli akr yar, akp em ndey, mindey eke b'erir es lele or ab.
- ⁷Etɲ m'iri lebl nyam ek'am dad'm ese: “Pier, ìgb, ìbi ke íj!”
- ⁸Gbeko mi dad m'ese: “Njan o, Es Kɔtɔkɔ! Anke legɲ kaka ob e wɛl edɲɲ oglog ob ek'aylm ɲ ec'any af a eym'm nenym.”
- ⁹Emeny lebl a anɲ afr ikɲ dad nine: “Ob eke Nyam dad eke ow ayl a, ɲ, kɪ dad k'ese ow aylm.”
- ¹⁰Low a ey eben eben sakp nyahan etɲ ob a ewl im afr.
- ¹¹Wanci ab af ce, agɲ nyahan ow ok êl a eke s'anɲ em a ogɲ; Sesare eb em etɲ wɛl erm el -l'ow em eci.
- ¹²Abɲ Lala dad'm eke mi k'im el ab, ke bebar k'anm em em. Agɲ lisijimel nɔhɔn na eke m'ot ab m'ow anja a, ewl'm Sesare, etɲ ey fɛɲ s'ok Kɔrney ec'akɲ a.
- ¹³L'otar elel eke l'ekan afr erm es nyam ek'inym es in ec'akɲ a, ke am dad'r eke li k'erm agɲ im Jope esɲ'm m'ów,
- ¹⁴mi dád'r sodad eke b'ow el in lele in ec'akɲ a nimum ab e sɔg eci.
- ¹⁵M'ɔb nuɲ m'am dad el odad, etɲ kpɛkɲ Abɲ Lala us el es af ese elel eke ey yeji l'us ey es af nuɲ ɔb em ab af.
- ¹⁶Kpɛkɲ m'ɔkn low yec'a eke Es Kɔtɔkɔ dad a: “Jan ok agɲ mij nuɲ mij em, kɔ ɔny, wɛl b'ow ok ɔny mij nuɲ Abɲ Lala em.”
- ¹⁷El yeji Nyam ɔɲ el ob ap nenyembri nyam a eke n'ɔɲ ey legɲ a eke s'ub Es Kɔtɔkɔ Jesu Krist nawre a: sica bwo el'm eke mi k'edɲɲ Nyam, low yec'eke l'erur eke li ki kok ab ee?»
- ¹⁸Eke sica -l'irir sodad amua bake ow uwr a, -n'ɔny erm es ey etɲ -li kɔkɪm Nyam -li dad nine: «Nawre tasi, Nyam ɔɲ agɲ ek'elm Jwifel a yeji abusu eke k'itɲɲ erm em ke éɲɲ owr anɲ tasi a.»

Siri ec'Antios e Nyamel a

- ¹⁹Etien ek'uw oc es e gbre ijr ek'ey a, ɔŋ ɔmn esel a ɔmu es; el em ec'agŋ beb im toŋ ok Fenisi, Sivr lele Antios eb em ab, gbekɔ agŋ ek'el Jwifel a sɔny ce -n'am dad Nyam ec'odad a -l'ok.
- ²⁰Kɔ ɔmn esel beb ek'el Sivr lele Siren eb em ec'a, ow ok Antios, etŋ dad agŋ ek'elm Jwifel a Es Kɔtɔkɔ Jesu e lís ec'Amani Mamm a ec'odad.
- ²¹Es Kɔtɔkɔ ec'abusu a anŋ el ab, ow ɔŋ agŋ nɔnɔ gbɛl ub nawre etŋ itŋn erm em el Es Kɔtɔkɔ eci.
- ²²Jerusalem e Nyamel ec'agŋ a iri low na etŋ -l'erm Barnabas im Antios.
- ²³Eke n'im l'ey yogŋ ke l'ekn eled eke Nyam eci bibm a kokr ɔmn esel a, sos em iŋn'n etŋ l'atr wɛl sos es eke wɛl k'ɔny erm susu, úcu Es Kɔtɔkɔ ɔny es.
- ²⁴Tasi em a, Barnabas el egŋ senyn senyn eke Abŋ Lala lele ɔmn ab iy em gbɔŋ. Agŋ nɔnɔ gbɛl egŋ Es Kɔtɔkɔ owi eb.
- ²⁵Ow ɔŋ Barnabas im Tars eke k'esŋ Sɔl.
- ²⁶Eke n'ɛŋn ow a, l'oc ow ab l'ɛwl l'ow Antios. -N'anŋ yogŋ e Nyamel ab em el yony mum toŋ lakpo mum, etŋ -li yegm agŋ nɔnɔ gbɛl low. Antios eb em anake wɛl ɔg es esŋ jam esel a "kretienel a".
- ²⁷Lɛgŋ ab em a, kokoba ɔb esel anŋ Jerusalem ow Antios.
- ²⁸Abŋ Lala nyimm el em ec'egŋ nyam eke wɛl b'esŋ Agabus etŋ am ɔb amani dad eke ow'n k'ow in ibnm etŋ lek ligbɛl in b'ow in ey wus na nimum af. (Lek a ey tasi, lakpo ab af eke Klod el Sesar a.)
- ²⁹Ow ɔŋ jam esel a egŋ eb eke egŋ egŋ k'ɔŋ yec'a eke n'ɔny ow ec'abusu a, yec'a ek'ɔtu eke k'elum lisijimɛl ek'anŋ Jude a abu a.
- ³⁰-Li kok eben, etŋ -l'oc abu elum a -n'ɔŋ Barnabas lele Sɔl ab oc im ɔŋ Jude wus af e Nyamel a ec'agŋ ekpekp a.

ERM ESSEL EC'OB KOK E LEL 12

Jak ec'ibi owi lele Pier ec'ɔny owi ab

- ¹Lɛgŋ ab em a, eb ebu Erɔd Agripa am ijr Nyamel ec'agŋ nyam nyam gbre.
- ²N'ɔŋ wɛl ibi Jak ek'el Jan lisijim a lab ler em em.
- ³⁻⁴Sica eke l'ekn ek'ow akpl Jwifel a sos em a, Futufutu eke ejru ánm em ec'es gbɛgbl e lɛgŋ ab em, n'ɔŋ wɛl ɔny Pier elu sobel em, etŋ n'ɔŋ srɔda eyŋ eb yar yar sakp yar am ɔsu ow. N'ɔny tutr eke li ki jɛj ow e low l'ok dedeku a ec'any af eke Pak ec'es gbɛgbl a b'oc es.
- ⁵Kɔ eke Pier anŋ sobel em a, Nyamel ec'agŋ a am ŋɔŋn Nyam ɔŋ'n ɔmn em tasi.

Pier ey ɔkm sobel em

⁶Ncok a eke lægɲ k'eny ke Erɔd jɛj in e low ok dedeku a ec'any af a, Pier am ɛru memn srɔda eyɲ yony ec'araɲn. Wel ok'r ɲgbraka yony ɛtɲ usu ɔsu ɛsel inym es, ɛgɲ ɛgɲ anɲ in ec'usu sobel lisany a.

⁷Kpru ɛm ɛs Kɔtɔkɔ ec'afr ɛrm ɛs nyam ilm any ɛtɲ usuayl ɛjn ok sobel akɲ a. Afr ɛrm ɛs a iyr Pier abu menɛgb ɛm, uwr'r ɛtɲ dad'r ninɛ: «Ìgb fafa!» ɲgbraka a ek'anɲ'n sabu a ɛr ok wus.

⁸ɛtɲ afr ɛrm ɛs a dad'r ninɛ: «Sùs ɲ e mob a, ke ók ɲ e ɔkrukɔ a.» Pier ɛlum'n ɛtɲ afr ɛrm ɛs a igɲ af dad ninɛ: «Sùs ɲ e mob af ɛw a ke ús'm jam.»

⁹Pier igɲ afr ɛrm ɛs a ugɲ ɛy ɔkm sobel ab ɛm. Li k'onym ɔmn eke low a eke afr ɛrm ɛs a am kok a k'el nawrɛ tasi: n'am tutr eke ow el es ɛkn ɛm.

¹⁰-L'afɲ krekrɛ ec'usu ɔsu usu ab es, yony ɛm ec'a yeji ɛtɲ -n'im -l'ok lowi lisany a ek'ɔkɲ baɲn ab any a ogɲ. El ec'any af lisany a fig in obi ɛtɲ -l'ok ɔkm. -N'im -l'ok ɛberɲ nyam ɛm, ɛtɲ kpru ɛm afr ɛrm ɛs a ɛlu'l es.

¹¹Sica low a ek'ɛy a ok Pier es sos ɛm ɛtɲ li dad ninɛ: «Ca gbɛ, m'am ɛkn ek'ow el nawrɛ tasi: ɛs Kɔtɔkɔ anake ɔɲ in ec'afr ɛrm ɛs ow eb ɛlu'm es Erɔd ec'abusu ab ɛm eke m'anɲ lele Jwifɛl e low ɲuɲ fɛɲ ek'am tutr eke ki kok ɛm e lís ab ab a.»

¹²Sica eke ow ok'r es sos ɛm a, n'im Mari ek'el Jan Mark lis ec'akɲ a. Yogɲ agɲ nonɔ gbɛl as luku anɲ Nyam ɲɔɲn ɛm.

¹³Pier cicm lisany abu, ɛtɲ akɲ juma kok lis nyam eke wɛl b'ɛsɲ Rod igb ow eke ki fig'r lisany a.

¹⁴Eke l'iri lebl a ke l'uw any ek'ow el Pier a, sos ɛm iɲn'n toɲ l'ijl es eke li ki fig ow lisany a, kɔ l'uru es n'im li dad agɲ a eke Pier in anɲ lisany.

¹⁵-Li dad ow ninɛ: «Nuɲ ɛm am uɲ'ɲ!» Kɔ neny am at'r es eke ow el low nawrɛ tasi. ɛtɲ -li dad -l'usr af ninɛ: «ɛben ke in ec'afr ɛrm ɛs ana.»

¹⁶ɛben yeji Pier abu anɲ ɛm am cicm lisany a abu. Eke sica -li figr lisany a, -l'ɛkn ow ɛtɲ ow ɛw ɛl any iti.

¹⁷Li tat wɛl abu eke wɛl ki yewal ɛtɲ l'otar elɛl eke ɛs Kɔtɔkɔ ɔny ɛlu'l ɔkm sobel ab ɛm a e low akr l'ok wɛl. ɛtɲ li dad ninɛ: «Dàdr low a okr Jak lel agɲ lisijimɛl beb ab ab.» ɛtɲ l'ɛy ɔkm l'eb ɛjagb n'im usu ɛjeci.

¹⁸Sica eke usu ot es a, bɔbar ligbɛl ɛy srɔda eyɲ a ec'araɲn ɛtɲ -n'am ibrm ɛl sosi low yec'ek'ɛɲn Pier a.

¹⁹Erɔd ɔɲ wɛl ɔl Pier es, kɔ wɛl ɛɲnm'n. Li bibrm usu ɔsu ɛsel a low ɛtɲ n'ɔɲ abusu eke wɛl k'ibi ɛl. Ow e jam a, n'anɲ Jude n'im Sesare ɛtɲ yogɲ n'anɲ segɲ beb.

Erɔd Agripa e luw owi

²⁰Sica lægɲ nyam Erɔd ɔny ɛrm bebl ligbɛl Tir baɲn eyɲ lele Sidɔn baɲn eyɲ ab e lís. Baɲn a yony mum neny okr af eke k'im ɛkn'n. In e saw ec'ɛgɲ ek'el Blastus ɛm -l'ɛcr

-n'im -l'ibrm Erød eke erm es ey k'ann, anke el e bañn a yony mum b'ol ob ij eb ebu ec'eb ab em.

²¹Eke lægñ a eke wël ew a ow a, Erød sus in ec'eb es ew es e mob sus em a, li sig es eb ebu e lækpn af etñ n'am dad wël ów dedeku em.

²²Dedeku a og dad nine: «Na nyàm anake am dad odad a, kò ow elm egn.»

²³Kò, kpru em, Es Kòtòkò ec'afm erm es nyam kok Erød low, anke anygbel a ek'el Nyam ec'a l'egñm n'òm ow, etñ segn beb b'ec a sisñ ij'r l'uw.

²⁴Nyam ec'odad a gbè am eb es obn.

²⁵Eke Barnabas lele Sòl ab uwar el e juma Jerusalem a, -l'oc Jan Mark -l'ewl meny ab -n'im Antios.

Èrm esel ec'ob kok e læl 13

Wël sòsum Barnabas lele Sòl ab ot

¹Antios e Nyamel ab em, kokoba ob esel lele low yegm esel ab ek'ann a ec'en el: Barnabas, Simeon (eke wël ign nin af Nijer), Lusius (Siren bañn iy), Manayen (ek'el Galile ec'es ew es Erød Antipas e mew em e lawl), lele Sòl ab.

²Lægñ nyam, eke -n'am ñoñn Nyam ke -n'am enñ neny a, Abñ Lala dad el nine: «Òcr Barnabas lele Sòl ab ewr saw yec'etñ ke -li kok juma a eke m'esñ el ow ec'a.»

³Ow sosiem, eke -n'enñn neny, -ni ñoñan Nyam toñ ke ow uwr a, -l'at Barnabas lele Sòl ab abu nuñ etñ -n'òñ wël abusu wël im.

Barnabas lele Sòl ab im Sivr eb em

⁴Ek'Abñ Lala erm Barnabas lele Sòl ab a, -n'im -l'ok Selesi bañn etñ yogñ, -l'eb mijetñ -n'im Sivr lekr em.

⁵Eke -n'imn -l'okr Salamin bañn a, -n'am dad Nyam odad Jwifel e Nyam nuñ ign susu a. Jan Mark yeji anñ el ab el eci abu elum eci.

⁶-L'ubr lekr a kpækñ kpækñ toñ -l'ok Pafos ek'ann nuñ a. Yogñ, -n'ehñ cam es nyam eke wël b'esñ Bar Jesu; l'el Jwif nyam eke b'ocr in sosi kokoba ob es.

⁷L'ir Sergius Polus, lekr a ec'es ew es ek'el nuñ em ony es a ogñ. N'òñ wël esñ Barnabas lele Sòl ab anke l'erur eke li k'iri Nyam odad.

⁸Gbèkò cam es eke wël b'esñ Græk em Elimas a b'atar Barnabas lele Sòl ab ów es etñ am ol eke k'irmn es ew es a ec'òmñ a eke k'ony a.

⁹Sòl eke wël b'esñ Pòl yeji, ke Abñ Lala iy em a, òkñ cam es ab any

¹⁰etñ dad'r nine: «Yadñ gbèl es eke low ñuñ kok eb sos! Agn e liy! Low mamn feg ec'ifnu! Es Kòtòkò ec'ów amamn a eke bebñ ok es a, b'ol eke k'ony wuwal. Kò k'ow walm ow e low elum es ee?

11Sica iri gəŋ: Ɛs Kɔtɔkɔ b'ow efal'ŋ any ɛtŋ k'ow ɛknm ligbn ec'usuayl a sɛŋ bɛb.» Kpɛkŋ Elimas any efl ɛtŋ anŋ ncebn ɛm; n'am bɔbrm l'ɔl ɛŋŋ eke k'ony'n abu.

12Eke es ɛw ɛs ɛkn low a ek'ɛy a, l'ub nawre ɛtŋ Ɛs Kɔtɔkɔ e lɪs e low yɛgm a ok'r es sos ɛm nɔnɔ.

Pɔl lele Barnabas ab im ok Pisidi ec'Antios a

13Sica Pɔl lele agŋ a ek'am us'r jam ab ab eb mijɛtŋ Pafɔs nanu ɛtŋ im ok Pɛrj, Panfili wus af. Ɛtŋ Jan Mark ɛlu ɛl es yogŋ ɛwl im Jerusalem.

14Ɛl gbɛ, -l'igŋ Pɛrj -l'us ɛjagb kpɛkŋ kpɛkŋ toŋ -n'im -l'ok Pisidi wus af ec'Antios a. Eke nɛnɛŋ e lɛŋŋ ow a, -l'ok Nyam nuŋ igŋ usu a -l'ok es.

15Eke wɛl awl lɛl ol e silɛl ab ɛm lele kokoba ɔb ɛsɛl ec'ab ɛm uwr a, Nyam nuŋ igŋ usu a ec'es ɛw ɛsɛl a ɔŋ ɛŋŋ im dad ɛl ninɛ: «Agŋ lisijimɛl, ek'onyn ów ɔm ec'odad eke ki dadr atar dedeku a sos es, ke ɔtur eke ki dadr gɔŋ.»

16Pɔl igb tat ɛl abu ɛtŋ dad ninɛ: «Israel ec'agŋ lele ɔny ek'elmn Jwifɛl ke anŋn aŋa Nyam nuŋ igŋ ec'a, igŋn lɔru es irir!

17Nyam ek'el Israel ec'agŋ a e Nyam a sɔsum ɛy lagŋɛl ot. N'enyn agŋ amua lɛŋŋ ab ɛm eke -l'iir etueb Ejipt wus af a. Ɛtŋ in e lɛc ab ɛm n'ony l'ot wɛl es Ejipt.

18Loj yogŋ, n'onym wɛl ab ow ij akpo ekŋ yony.

19Kana wus af a, ni ŋuŋn ɛb lɔbŋ ɛtŋ l'oc wɛl eci wus a n'ɔŋ in ec'agŋ a ɛsɛ ɛl ec'aja ob cɛ af.

20Ów amua fɛŋ ɔtu eke k'ij akpo duw akpo ekŋ yony lele lɛw ab. Low na b'ɛc a, n'ɔŋ ɛy lagŋɛl jɛj ok ɛsɛl toŋ ow ok kokoba ɔb ɛs Samiɛl e lɛŋŋ ɛm a.

21Sica -l'ibrm ɛb ebu nyam ɛtŋ Nyam ɔŋ ɛl Saul, Kis jim, Benjamɛ ec'eb ɛm ec'ɛŋŋ ek'ɛw ɛb ab es ow ij akpo ekŋ yony.

22Eke sica Nyam igŋ Saul ɛlu es a, n'ɔŋ wɛl David ɛsɛ ɛb ebu af. N'am dad David e lɪs e low l'ɛsɛ: M'ɛŋn Jɛsɛ jim David: l'el ɛm ec'erm ec'erur, li b'ow li kok low fɛŋ e m'erur eke li ki kok a.

23David ec'alaw ab ɛm e nyam el Jesu eke Nyam oc ɛw Israel eci Es Eb Ɛlu Ɛs, ɛsɛ elɛl eke l'ɛwar l'ɛw es ab af.

24Gbuŋ ke Jesu ów a, Jan dad Nyam odad ibrm ek'Israel ec'agŋ a nimum k'itŋn ɛrm ɛm ke ók mij nuŋ.

25Eke sica Jan am uwar in e juma a, n'am dad l'ɛsɛ: “Kɔ ɔny, bwo ec'ɛŋŋ am ocr'm eke m'el ee? M'elmn ɛŋŋ a ek'am ekur a. Gbɛkɔ irir, ɛŋŋ nyam anŋ'm jam am ow, ɛtŋ m'itm bɔbɔ yɛji eke mi k'ony in e cɔkrukɔ meb a mi mɔmu'n es akr ɛm.”

26Agŋ lisijimɛl, ɔny ek'eel Abraham ec'alaw lele ɔny ek'elmn Jwifɛl ke anŋn aŋa Nyam nuŋ igŋ ec'a, ɛy fɛŋ anake wɛl is ɛy es eb ɛlu ec'odad na a.

- 27 Tasi em a, Jerusalem ec'agñ a lele el eci es ew esel ab ab uwm egñ a ek'el Jesu ab any, etñ kokoba ob esel eci silel eke wel b'awl nenegñ feñ a, -l'irim ow okm el es sos em. Gbeko eke -l'obr Jesu low a, -n'ogñ sodad a feñ iy neny.
- 28 -N'egñm low kaka ek'ow em -li k'ibi ow, ko -li dad Pilat eke k'ibi'r.
- 29 Eke -li kokr feñ a eke Nyam Lel ewar Jesu eci lis a, -l'usm ow es olikñ af etñ -l'elu ow uwomu em.
- 30 Gbeko Nyam igbm'n luw em.
- 31 Segñ nono gbél, agñ a ek'us Jesu jam Galile etñ toñ im ok Jerusalem a ec'any af, l'okm sos okm etñ sica agñ a el in ec'adan ku Israel ec'agñ ec'any af.
- 32-33 Ey obi yeji, s'am is ony Amani Mann na. Sica eke Nyam igbm Jesu luw em a, low yec'a eke l'ewar ey lagñel a, li kok ow iy neny ey eke s'el el ec'ey a eci, ese elel eke wel non Selu yony em ab af: "D em ec'iy, yefenyina em a, m'el asñ".
- 34 Nyam ikñ anym ewar eke in b'ow in igbm Jesu luw em yec'etñ ke ow'n k'ewlm in ugñm es ij. Li dad nine: "M'ow m'ogñ ony ów amamn a eke em obi m'ewar eke mi k'ogñ David a, etñ otur eke k'onyn omn ow em."
- 35 Na sosiem anake Nyam Lel ejec'em n'am dad l'ese: K'ow yebm ñ e libowi mamn ugñm es uwomu em.
- 36 David e legñ em a, li kok Nyam e juma e bebem ew es a toñ batñ l'uw, wel oc'r es lagñel e saw etñ l'ugñ es;
- 37 ko in a eke Nyam igbm luw em a, l'ugñm es.
- 38-39 Agñ lisijimel, ow it eke k'uwr any eke Jesu em anake otur onyn sikpl eci oc ap a. Mois ec'ol a otum ebm elum ony es ony e sikpl ab em, ko agñ feñ eke ony omn Jesu em a, Nyam ot el ese agñ nyim nyim af.
- 40 Sica ewr erm yec'etñ ke low na eke kokoba ob esel dad a k'egñm ony:
- 41 "Èkan, ony, Nyam e miyer kokr esel, low a íti ony any, ke írmn ocr es! Anke ony ec'owr anñ em, m'ow mi kok low nyam eke k'ow ubmn nawre, eke egñ am dad ony ow ec'odad bobo yeji." »
- 42 Eke Pól lele Barnabas ab ok okm Nyam nuñ ign usu a, wel ibrm eke nenegñ ek'am ow a, -li k'ewl meny -l'ow -li dad odad nyam na ce.
- 43 Eke luku as a uwr a, Jwifel nono lele agñ a ek'egñ el e Nyam nuñ ign e low eb a, am us Pól lele Barnabas ab jam. -N'am dad wel eke -li k'inym es kikri Nyam eci lec a eke b'ogñ el ab em.
- 44 Eke nenegñ ow a, ow anñ ese eb ab em ec'agñ a feñ ce in im in am iri Es Kotoko ec'odad af.
- 45 Eke Jwifel ekn dedeku na a, ow ony el nyamneyr; -n'am wewr Pól etñ -n'am ony odad -l'oc ow es nenym.

⁴⁶Pɔl lele Barnabas ab am dad el odad tasi ese: «Ōny, ow it eke wɛl k'ikɛ anym dad ɔny Nyam ec'odad a ye; gbekɔ eke ebmn odad a, ke am ocar ɔny sosi ese agɛ eke k'ɔtum ɛɲnm sel ek'ɔnym uwr a, sica si b'ow s'im agɛ ek'elm Jwifel a ogɛ!

⁴⁷Kin low yec'eke Es Kɔtɔkɔ ɔɲ ɛy ow ec'abusu a: M'oc'ɲ ese ebr ebr a feɲ ec'usuayl af, yec'etɲ ke yɛgm wus na nimum ec'agɛ a, elel eke -li k'ɛɲan sel a.»

⁴⁸Eke agɛ ek'elm Jwifel a iri ów amua a, sos ɛm iɲn el etɲ -n'am elu Es Kɔtɔkɔ bia odad na eci; etɲ agɛ a feɲ eke Nyam ikɛ anym ɛw sel ek'ɔnym uwr ec'a, ub nawre.

⁴⁹Nyam ec'odad a eb es wus a nimum af.

⁵⁰Kɔ Jwifel a ok bosu amamn ɛm ec'ɔyɔw a eke b'igɛ Nyam nuɲ a lele eb a eci nyimm esel ab ab al lokm; -l'ijr Pɔl lele Barnabas ab gbre etɲ -l'ogɛ wɛl el eci wus ab af.

⁵¹Pɔl lele Barnabas ab cic akr sec ok el es etɲ im Ikoniom.

⁵²Jam esel a ek'anɲ Antios a ec'a, sos ɛm iɲn ligbɛl lele Abɲ Lala eke -n'ɛɲan ab a afɲn el es.

ɛrm esel ec'ob kok e lel 14

Pɔl lele Barnabas ab im ok Ikoniom

¹Esɛ Antios ec'ab af, eke Pɔl lele Barnabas ab im ok Ikoniom eb ɛm yogɛ a, -n'im -l'ok Jwifel e Nyam nuɲ igɛ usu a, etɲ -n'am dad Nyam odad toɲ batɲ Jwifel lele agɛ ek'elm Jwifel ab ab e nɔnɔ ub nawre.

²Gbekɔ Jwifel a ek'erurm eke k'ub nawre a, itr agɛ a ek'elm Jwifel a toɲ -n'ɔny agɛ lisijimɛl a e tutr ɲuɲ.

³Kɔ Pɔl lele Barnabas ab ubrm el e lɛɲɲ ab es. Eke -n'ɔnyn ɔmn nɔnɔ Es Kɔtɔkɔ ɛm a, -n'am dad Nyam eci sɔɲɲ ikɛ a ec'odad ɛrm susu ɛm. Es Kɔtɔkɔ am ɔɲ el abusu -li kok simeny ɛwr lele ów any iti owi ab, etɲ ow ɛm a, n'am yɛgm eke wɛl ec'odad a el nawre.

⁴Eb ab ɛm ec'agɛ a ubr ɛm yony: agɛ likpr inym es Jwifel a eci, etɲ beb inym es ɛrm esel a eci.

⁵Jwifel lele el ek'elm Jwifel a lele el ec'es ɛw esel ab ab, am bebɛm eke k'ijr Pɔl lele Barnabas ab gbre ke íbi el mebn ɛm.

⁶Eke -li b'uw any a, -l'uru es -n'imn Likaoni wus af e sɛb ab a ek'el Lisr, Derb, lele ow e saw saw ab ab eci.

⁷Yogɛ yeɲi, -n'am ɔb Amani Mamm a e kokoba.

Pɔl lele Barnabas ab im ok Lisr

⁸Lisr yogɛ, ɛɲɲ nyam anɲ eke bi sig es cɛ anɲke li bubm es. In e mew ɛm etɲ sos ɛyr'r etɲ lɛɲɲ kaka l'ɔtum n'anm es.

- ⁹Lęgę nyam Pól am dad odad etę n'am iri. Pól ok'r anyamn af am ler'r etę l'ękn eke ęgę a ęny ęmn eke k'ewl.
- ¹⁰Li dad ow lebl tuotuo em ninę: «İgb, inym es ceę!» ęgę a igb us es etę am an es.
- ¹¹Eke dedeku a ękn low a eke Pól kok a, -l'ęg -li dad el ec'ębr ek'el Likaoni ab em ninę: «Sinyam itęn sos el agę ow ęęn ęy!»
- ¹²-N'am ęęę Barnabas “Zes” etę -n'am ęęę Pól “Ermes”, aęke Pól anake b'ęb amani a.
- ¹³Zes eci nyam ęęę usu a aęę eb a ec'em ęy usu a. In ec'ęgb waw ęs a ot sed lele suw amamn ab ow lisany a ec'any af; l'erur eke dedeku ab ab -li ki waw ęgb -n'ęę Barnabas lele Pól ab.
- ¹⁴Gbęko eke Barnabas lele Pól ab iri low na a, -n'ęny el eci mob sus em a -li gbagbrm em, etę -l'uru es -l'ok dedeku ab em -n'am elu lebl -li dad -l'ęę:
- ¹⁵«Aęę lisijimel, ko bla etę am kokr ęben ee? Aęę ce s'el ęęę ęny af. S'am is ęny Amani Mamn a eke k'igęę ęny e sinyam ekekey na ek'el ob ęfr ęfr a okr es, ke ęwal leer Nyam ek'any owr ke kok afr, wus, okij lele ob feę ek'any em ab ab a.
- ¹⁶Godogodo a, li yeę ębr ębr a feę eb el obi ec'ęjagb eke -l'erurir.
- ¹⁷Gbęko seęę feę li b'okm sos ękm in ec'erm mamn ęny ab em: li b'ęę mij aęę afr etę an ok ęny wus etę li b'ęę ęny ęgb eke k'ubr ek'ow e lęę b'ow a; li b'ęę ęny ob ij etę li bi yibr ęny ec'erm a sos em ięę.»
- ¹⁸Sodad amua e dad em bębo yeęi, erm ęęel a ij gbre eke k'ędęę dedeku a eke ki waw ęgb ęę el.
- ¹⁹Jwifel ek'any Pisidi eci Antios a lele İkonioę ab a ow etę eb dedeku a. -L'ęr Pól mebn em ibi eci, etę -l'ędu -l'elu ow ękm baęę a aęke -li tutr ek'ow uw ř.
- ²⁰Sica eke jam ęęel a ow ar elul il em a, l'igb wus l'ęwl l'ęy baęę a. Eke lęęę b'ęny a, Barnabas ab -n'im Derb.

Siri eci Antios a ec'ęwl im owi

- ²¹Pól lele Barnabas ab im ęb Amani Mamn e kokoba Derb eb em; yogę, -li kok aęę nęno el jam ęęel. Sica -l'ęwl meny -n'im Lisr, İkonioę, lele Pisidi eci Antios ab ab.
- ²²-L'ęsur jam ęęel a erm, -l'atr wel sos es eke wel k'inym es tuotuo wel ec'ęmn ab em etę -n'am dad wel -l'ęę: «Ow it eke si k'įr gbre nęno gbuę ke s'ók Nyam e gbreęębi usu a.»
- ²³Nyamel feę em, -li b'ęnm aęę ekpekp -n'ęę wel etę eke -li b'ęęę nęny -ni ęęę Nyam a, -li b'afl wel es -n'ęę ęs Kętkę eke aęę amua ęny ęmn in em a.
- ²⁴Ęmeny -l'ubr Pisidi wus a etę -n'im -l'ok Panfili eci wus ab af.
- ²⁵Perj eb em yogę, -l'ęb Nyam ec'Amani Mamn a e kokoba etę sica -n'im -l'ok Atali eb em.

²⁶-L'igb yogŋ mijetŋ em -n'aam Siri ec'Antios a. Eb na em anake wɛl ot ok el Nyam eci nyimn mamn ab em juma na eke sica -li kokr -l'uwarir a ec'a.

²⁷Eke -n'imn -l'okr yogŋ a, -l'as Nyamel ec'agŋ a luku -li dad wɛl ów a fɛŋ eke Nyam ecr el em kok a, lele eel eke Nyam figr agŋ ek'elm Jwifel a yeji ɔmn e lakp a.

²⁸-N'anŋ yogŋ jam esel ab ab ow ibn nɔnɔ.

Ɛrm esel ec'ob kok e lel 15

Jerusalem eci luku as gbɛl a

¹Agŋ bɛb anŋ Jude ow Siri eci Antios a etŋ am yɛgm agŋ lisijimɛl a low dad esɛ: «Eke ubrmn likr es esɛ eel eke Mois ec'ol a am ibrm ab af a, k'ow ɔtumn ɛŋnmn es eb elu.»

²Pɔl lele Barnabas ab ɛŋm low na ebm etŋ -l'atar ów es ligbɛl agŋ ab ab. Wɛl ɛŋ eb eke Pɔl, Barnabas lele Antios ec'agŋ bɛb ab k'im Jerusalem ke ɛrm esel a lele agŋ ekpekp ab ab -li dad odad na.

³Etŋ Nyamel a ɛkn el ec'usu im a e low. -L'ɛcr Fenisi lele Samari ab eci, etŋ -n'am awl eel ek'agŋ ek'elm Jwifel a ocr any ɔkŋn Nyam a e low; amani na ɔŋ agŋ lisijimɛl a ɔny sos em iŋn ligbɛl.

⁴Eke -l'okr Jerusalem a, Nyamel a, ɛrm esel a, lele agŋ ekpekp ab ab eb el, etŋ ów a fɛŋ eke Nyam ecr el em kok a, -n'am awl -l'ok wɛl.

⁵Gbɛkɔ Farisiɛl ec'ogog ec'agŋ bɛb ek'ɔny ɔmn a, igb etŋ am dad esɛ: «Ke wɛl búbr agŋ a ek'ɔny ɔmn k'elm Jwifel a ekr es ke wɛl ɔŋ el -l'elum Mois ec'ol a.»

⁶Ɛrm esel a lele agŋ ekpekp ab ab as luku etŋ am ɔny odad na igbl ogŋ ɛkn.

⁷Eke -l'atarir ów es kpekpɛ a, Pɛr eb odad etŋ dad ninɛ: «Agŋ lisijimɛl, uwr any eke lɛŋŋ a etŋ Nyam sɔsum oc'm ɔny ec'araŋn eke mi k'ɔb Amani Mamn e kokoba m'ók agŋ ek'elm Jwifel a, yec'etŋ ke -l'iri ke -l'ub nawrɛ.

⁸Etŋ Nyam eke uw agŋ eci mɛrm ab any a, elu ɔkm yɛgm eke l'eb wɛl; n'ɔŋ wɛl Abŋ Lala esɛ ey af.

⁹El lele ey ab ec'araŋn a, l'okm ereb kaka: l'ayal wɛl ec'ɛrm a aŋke -n'ɔny ɔmn.

¹⁰Etŋ sica bla sosiɛm am sismn Nyam odad agŋ a ek'ɔny ɔmn a ec'erɛkp leg leg ec'uyul em, ɛrɛkp ek'ey lagŋɛl lele ey obi ey obi ab, s'ɔtum s'uyum ab ee?

¹¹Ke tasi em a, s'ub nawrɛ eke Ɛs Kɔtɔkɔ Jesu eci sɔŋŋ ikŋ ab em wɛl sɔg ey esɛ el af.»

¹²Sica dedeku a fɛŋ yewal tiŋ, etŋ wɛl am iri Pɔl lele Barnabas ab dad meny ɛwr lele low any iti owi ab eke Nyam ecr el em kok ɔŋ agŋ a ek'elm Jwifel a.

¹³Eke Pɔl lele Barnabas ab dad odad a ok es a, Jak ɔdu eb etŋ dad ninɛ: «Agŋ lisijimɛl, irir em ec'odad na!

¹⁴Simɔ dad eel eke kpɔkpɔ em etŋ Nyam ɛw ɛb ɛb ec'agŋ ek'elm Jwifel a e low any, ke el em a ot agŋ eb mum nyam el in eci.

- 15 Eṭṭṭ low na lele kokoba ɔb ɛsɛl ec'odad ab ab okr af, aṅke Nyam Lɛl am dad ɛsɛ:
- 16 Ow e jam a, m'ow m'ɛwl m'ow, ke David ec'ɛl a ek'ey wus a m'usr em, in e ɛl ek'uṅ a, mi kókr em, ke m'ínymn in es.
- 17 Eṭṭṭ aṅṅ ejec'a fɛṅ b'ow ɔl ɛs Kɔtɔkɔ es; ɛɛ, ɛbr ɛbr a fɛṅ eke m'ɛsṅ eke k'el em ec'a, b'ow ɔl'm es. Na el ɛs Kɔtɔkɔ ec'odad eke dad;
- 18 lɛṅṅ a ɛṭṭ l'ɛlu in ec'ów amua ɔkm li yɛgm.»
- 19 Jak igṅ af dad ninɛ: «Na sosiem, m'erurm eke wɛl k'ijr aṅṅ a ek'elm Jwifɛl ke oc any ɔkṅ Nyam a gbre.
- 20 Gbɛkɔ s'áwṅ ɛl lɛl si dad ɛl eke -li k'ijmn ndey eke wɛl oc wawr egb ɔṅ sɛkp, -l'ijmn nfaci, -l'ijmn ndey eke wɛl okm mebl es, -l'ɛṅṅ mebl;
- 21 aṅke godo godo ɛṭṭ, ɛb ɛb fɛṅ em, wɛl am dad Mois eci sol amua ec'odad ɛṭṭ Nyam nuṅ igṅ susu yɛji sɛṅṅ fɛṅ nɛnɛṅṅ e lɛṅṅ wɛl b'awl.»

Lɛl eke wɛl awṅ ɔmn ɛsɛl a ek'elm Jwifɛl a

- 22 Ow sosiem ɛrm ɛsɛl a, aṅṅ ekpekṅ a, lele Nyamel a fɛṅ ab ɛṅṅ ɛb eke k'ot ɛl em ec'aṅṅ igṅ Pɔl lele Barnabas ab af im Siri ec'Antios a. -Li sɔsum Jud eke wɛl b'ɛsṅ Barsabas lele Silas ab -l'ot; -l'el aṅṅ lisijimɛl ab em ec'any ɛsɛl yony.
- 23 Kin lɛl eke wɛl ɔṅ ɛl a: «ɛrm ɛsɛl a lele aṅṅ ekpekṅ ab ab, ek'el ɔny lisijimɛl a, am ɔṅ aṅṅ lisijimɛl a ek'elm Jwif k'ir Antios, Siri lele Silisi ab a lebl.
- 24 S'iri ek'aṅṅ aṅṅ ey ogṅ aṅṅ ow ɔṅ ɔny ɛwr jɛṅṅṅ, ɛbr ɛrmij ɛl eci sodad ebl ab em. Ow elm ey s'ɔɔm ɛl abusu low na e kok eci.
- 25 Na sosiem, ey a fɛṅ eci nɛny af okr em, si sɔsum aṅṅ s'ot eke si k'erm ɛl ɔny ogṅ a, -l'ɛwl ey lawlɛl Barnabas lele Pɔl ab,
- 26 eke blel irmn ɛl ec'owr aṅṅ a ey ɛs Kɔtɔkɔ Jesu Krist e juma kok em.
- 27 S'am ɛrm Jud lele Silas ab ɔny ogṅ a eke ki dad ɔny ɛl obi em, lɛl na eke s'am nɔn aṅṅ a e low.
- 28 Tasi em a, ey lele Abṅ Lala ab, s'ɛṅṅ s'eb eke si k'ɔɔm ɔny ɛrɛkp ɛjɛci ek'ow elm sol amua ek'it a ɛɛ:
- 29 k'ijr ndey eke wɛl oc wawr egb ɔṅ sɛkp, k'ɛṅṅ mebl, k'ijr ndey eke wɛl okm mebl es, k'ijmn nfaci. Eke ɔsur ów amua, ow b'ow akpl. Aṅṅ lisijimɛl, s'am ɛsṅṅ ɔny!»
- 30 Wɛl ɛlu aṅṅ a eke wɛl ɛrm ab es, ɛṭṭ -n'im -l'ok Antios. Yogṅ -l'as aṅṅ a fɛṅ ek'ɔny ɔmn a luku ɛṭṭ -n'ɔṅ wɛl lɛl a.
- 31 Wɛl awl lɛl a ɛṭṭ aṅṅ a fɛṅ sos em am iṅṅ, sos es atr ec'odad ek'aṅṅ em a eci.
- 32 Jud lele Silas ab ek'el obi yɛji ɛl kokoba ɔb ɛsɛl a, dad ɔmn ɛsɛl a odad kpekpe sos es atr eci; -n'ɔṅ wɛl ec'ɔmn a ij lɛc obn.

³³-N'anŋ yogŋ seŋŋ beb, eŋŋ erm es ey em, omŋ esel a oŋ el ejagb -l'ewl -n'im agŋ a ek'erm el a ogŋ.

[³⁴Silas gbɛ ɛŋŋ eb eke k'anŋ yogŋ.]

³⁵Gbɛkɔ Pɔl lele Barnabas ab gbɛ anŋ Antios. Agŋ ejeci nɔnɔ ab -n'am yegm agŋ low, eŋŋ -n'am ob Es Kɔtɔkɔ ec'odad a ec'amani.

Pɔl lele Barnabas ab elulil es

³⁶Eke -n'anŋn Antios yogŋ toŋ ow ibn a, Pɔl dad Barnabas ninɛ: «S'ewl meny s'im eb a feŋ em eke s'ob Es Kɔtɔkɔ ec'odad a ec'amani a, s'ɛkn agŋ lisijimel a ek'onŋ omŋ a, s'ɛkn el el eke -n'am aan es a.»

³⁷Barnabas erur eke Jan Mark k'igŋ el ab im,

³⁸kɔ Pɔl gbɛ erurm anke Jan Mark igŋ elu el es Panfili, eŋŋ emeny l'ewlm wɛl juma ab em ij.

³⁹-L'atar ów es senyn senyn toŋ -l'elulil es. Barnabas oc Mark eŋŋ eb mijetŋ im Sivr;

⁴⁰Pɔl gbɛ oc Silas, eŋŋ eke omŋ esel a ot ok el Es Kɔtɔkɔ eci nyimn mamn ab em a, n'im.

⁴¹L'ecr Siri lele Silisi wus af ab eci n'am atr Nyamel a feŋ sos es omŋ em.

Erm esel ec'ob kok e lel 16

Timote am ewl Pɔl lele Silas ab

¹Pɔl im ey Dɛrb eŋŋ emeny im ey Lisr. Yogŋ, jam es nyam anŋ eke wɛl b'ɛsŋ Timote; lis a Jwif ek'in yeŋi onŋ omŋ; es a gbɛ Grɛk.

²Agŋ lisijimel a e k'ir Lisr lele Ikoniom baŋn ab a, bi dad Timote e lís ec'ów amamn nɔnɔ.

³Pɔl erur eke k'onŋ ɛcm'n ab; l'oc ow ab n'im eŋŋ l'ubr ow likr es, Jwifel a ek'anŋ yogŋ a eke -li b'ow -l'ec a sosiem, anke agŋ a feŋ uw any eke es a Grɛk.

⁴Eb a feŋ em eke -n'am ɛc a, -n'am dad agŋ a ek'onŋ omŋ a ów a feŋ eke erm esel a lele Jerusalem ec'agŋ ekpekɔ ab ab dad ucu es a, eŋŋ -n'am ibrm eke wɛl k'elum ów amua.

⁵Sinyamel a am ey læc omŋ em, eŋŋ læŋŋ liy nyam nyam feŋ agŋ am bobn.

Pɔl erur mɛmn Troas

⁶Abŋ Lala égbm Pɔl lele Silas ab es eke -li ki dad Nyam ec'odad a Azi ogog a; ow oŋ -l'ubr Friji lele Galasi ab eci wus ab af.

⁷Eke -li titmn Misi wus af a, -n'am bebm eke -li k'im Bitini wus af, gbɛkɔ Jesu ec'Abŋ a yeŋm el.

⁸Ow sosiem -l'ubr Misi eŋŋ -n'im Troas baŋn eci nanu a.

⁹Ncok em a, Pɔl erur memn: l'ekn Maseduan iy nyam ek'inym es ke am ηoηn'n dad esε: «Έc Maseduan ke ów elum ey abu!»

¹⁰Kpekη eke memn erur na b'oc es a, si bebm sos s'us ejagb Maseduan im eci, anke s'ub nawre eke Nyam esη ey eke si k'ewl yogη ec'agη a Amani Mamn a.

Filip eb em, Lidi ub Es Kɔtɔkɔ nawre

¹¹S'eb mijetη Troas, s'igb yogη kpekη kpekη toη s'im s'ok Samotras lekr em, etη eke legη eny a, s'im s'ok Neapolis baηn.

¹²S'igb yogη s'im Filip, Maseduan eci wus a eci eb gbɛl ek'anη Rom ec'es ew em a. S'anη eb ab em si kok segη wa cε.

¹³Nenegη e legη a, s'ok okm baηn a s'im mij neny a; yogη si tutr eke si b'ow s'ehη Jwifel ek'anη Nyam ηoηn em usu nyam. S'ok es yogη etη oyow a ek'as luku anη yogη a, si dad el odad.

¹⁴Oyow ab em e nyam e nin el Lidi, Tiatir baηn yowi eke b'ol sigbad ebl amamn ij ke b'igη Nyam nuη. N'am iri ey ec'odad a, etη Nyam oη'n abη eke li k'ew Pɔl e sodad a erm af.

¹⁵Ow oη wɛl ok'r mij nuη, in lele in ec'akη ab ab. L'ew ey abu li dad nine: «Eke am εkan eke m'ub Es Kɔtɔkɔ nawre tasi, ke òwr anηn em ogη a.» Etη l'atrm ey s'egη s'eb.

Wɛl ok Pɔl lele Silas ab sobel em Filip eb em

¹⁶Legη nyam s'aam Nyam ηoηn em, etη adyowli nyam am obr ey. In em a, abη ηuη nyam anη eke b'oη'n l'ekn efi e low ek'am ow a li dad. Ów amua eke li b'ekn li dad a b'oη in ec'es ewɛl a os nɔnɔ.

¹⁷Ey lele Pɔl ab, n'am us ey jam l'elu lebl li dad l'esε: «Agη amua, Afr Kpekpe e Nyam a e juma kok esɛl! -N'am dad ony ejagb a eke b'ewl egη sel ehη em a ec'odad!»

¹⁸Yowli a am kok eben segη nɔnɔ. Ow b'afηn es a, Pɔl erm ebl toη batη ewl meny dad abη ηuη a nine: «Jesu Krist e nin em, èy okm in em!» Etη wanci ab af cε abη a ey okm yowli ab em.

¹⁹Eke adyowli a ec'es ewɛl a am εkn eke -li k'ow -n'ehnmn os ow em ij a, -n'onny Pɔl lele Silas ab -l'ow eberη em es ewɛl ec'any af.

²⁰-L'ot wɛl -n'im Rom e jɛj ok esɛl ek'anη yogη a ec'any af, etη -li dad nine: «Agη amua am is odad ey ec'eb na em;

²¹el Jwifel, etη -n'am yegm agη eb ir owr. Ey Rom eyη; ey ec'ol a oom abusu eke si k'egη s'eb oglog si kok ow e low.»

²²Dedeku a yeji ebl erm ok Pɔl lele Silas ab af. Jɛj ok esɛl a oη wɛl eb Pɔl lele Silas ab mob sos etη oη abusu eke wɛl k'or el likηni em.

²³Etη eke wɛl or el senyn senyn bake ow uwr a, wɛl ok el sobel em, etη wɛl oη usu osu es eke k'ew el nyamn af senyn senyn.

- ²⁴Eke n'ɛɲn abusu ikɲ na a, l'ot l'ok wɛl sobel ab ɛm ec'akɲni nyam ek'anɲ sobel a e nuɲ kɔkɔ a, ɛɲɲ n'awɲɲm wɛl akr ekɲ ekpr ab.
- ²⁵Ncok eci lɛɲɲ uyu nuɲ ɛm a, Pɔl lele Silas ab am ɲɔɲɲ Nyam ɛɲɲ ɛj kɔkɲm'n ɛɲɲ sobel ɛm ɛsɛl a am iri.
- ²⁶Kpru ɛm, wus umu tuɔtuɔ, ɔny sobel a mumu. Kpɛkɲ masany a fɛɲ fifig ok es ɛɲɲ sobel ɛm ɛsɛl a eci ɲgbraka a fɛɲ mɔmu es.
- ²⁷Usu ɔsu ɛs a ufɲɲm es, eke li b'ɛkn eke sobel a eci masany a fifig a, l'ɔdu in e lab ler ɛm a l'ɛlu ɔkm eke li k'ibir in sosi, aɲke n'am tutr eke sobel ɛm ɛsɛl a uru es im.
- ²⁸Kɔ Pɔl barm in e lɛc fɛɲ ɛm nine: «Ki kokr ɲ sosi low ɲɲɲ! ɛy fɛɲ s'anɲ aɲa!»
- ²⁹Usu ɔsu ɛs a ibrm eke wɛl k'igɲ al; l'uru es l'ɛy akɲ a, sos ufɲ ɛm, ɛɲɲn ab, l'ok ɔwrɔkp wus Pɔl lele Silas ab ec'any af.
- ³⁰N'ɔɲ wɛl ok ɔkm ɛɲɲ li dad wɛl nine: «Aɲɲ ɛgbɛl, kɔ ayaf mi ki kokr ke m'ɛɲn sel ee?»
- ³¹-Li dad ow nine: «Ùb ɛs Kɔtɔkɔ Jesu nawrɛ ke ɲ lele ɲ ec'akɲ ab ɛɲɲan sel.»
- ³²ɛɲɲ -n'am dad ow ɛs Kɔtɔkɔ ec'odad, in lele aɲɲ a fɛɲ ek'anɲ'n akɲ ab ab.
- ³³Ncok a eci wanci ab af cɛ, usu ɔsu ɛs a ot ɛl ab im ɛɲɲ yɔyɔɔ ɛl abi ɛnyembri ab es. Kpɛkɲ in ec'agɲ ab ab wɛl ok ɛl mij nuɲ.
- ³⁴L'oc Pɔl lele Silas ab n'im in ec'akɲ a ɛɲɲ n'ɔɲ wɛl ob ij. ɛɲɲ na lele in ec'akɲ ab ab sos ɛm am iɲn aɲke -l'ub Nyam nawrɛ.
- ³⁵Eke lɛɲɲ ɛny a, Rom e jɛj ok ɛsɛl a ɛrm agɲ ow dad usu ɔsu ɛs a nine: «ɛlu agɲ a es.»
- ³⁶Usu ɔsu ɛs a ow dad Pɔl nine: «Jɛj ok ɛsɛl a ɔɲ abusu eke wɛl k'ɛlu ɔny es. ɔtur eke sica k'okr ɔkm imm ɛrm es ɛy ɛm.»
- ³⁷Kɔ Pɔl dad agɲ a nine: «Wɛl jɛjm ɛy e low okm, ɛɲɲ -n'ɔɲ wɛl ɔr ɛy dedeku ec'any af, ke ɛy Rom ec'agɲ cɛ! ɛɲɲ -n'ɔny -l'ok ɛy sobel ɛm. Sica -n'am ɛrur eke -li k'ok ɛy ɔkm es lɔl ɛm ee? S'ɛɲɲm! -L'ow ɛl obi -l'ok ɛy es!»
- ³⁸Agɲ a im ɛwl jɛj ok ɛsɛl a sodad a eke Pɔl dad a. Eke -l'irir eke Pɔl lele Silas ab el Rom ɛyɲ tasi a, ɛrmni ɛɲɲ ɛl es.
- ³⁹-L'ow -l'ɛɲɲ low ij -n'ɔɲ wɛl, ɛɲɲ -n'ɔny -l'ok wɛl ɔkm sobel ab ɛm ɛɲɲ -ni ɲɔɲɲ wɛl eke wɛl k'ok ɔkm baɲn a.
- ⁴⁰Eke Pɔl lele Silas ab ok ɔkm sobel ab ɛm a, -n'im Lidi ogɲ a. Eke -l'ɛkan agɲ lisijimɛl a, ke -l'atar wɛl sos es a, -n'im.

ɛrm ɛsɛl ec'ob kok e lɛl 17

Pɔl lele Silas ab im ok Tesaloni baɲn

- ¹Sica Pɔl lele Silas ab ecr Anfipolis baɲn lele Apoloni baɲn ab eci im ok Tesaloni; yogɲ, Jwifel eci Nyam nuɲ igɲ usu anɲ.
- ²Ɛse elɛl eke sakp sakp fɛɲ li bi kok ab af a, Pɔl im ɛy Nyam nuɲ igɲ usu a. Nɛnɛɲɲ kpa kpa kpa sakp nyahan, l'atar ów es Nyam odad nuɲ af agɲ a ek'anɲ yogɲ ab ab.
- ³N'am ayal l'ok wɛl ɛtɲ n'am yɛgm wɛl eke Nyam Lɛl em a, ow akpl eke Mesi a k'ij gbɛ ke áɲɲ luw em igb. N'am dad wɛl l'ɛsɛ: «Jesu na eke m'am dad ɔny in ec'odad a, in anake l'el Mesi a.»
- ⁴Jwifel ab em e bɛb odad a ok es sos em ɛtɲ -l'ow -n'ɛɲn Pɔl lele Silas ab. Grɛkɛl nɔnɔ ek'am igɲ Nyam nuɲ a lele bosu amamn em ec'ɔyɔw nɔnɔ ab yɛji kok ɛbɛn.
- ⁵Gbɛkɔ Jwifel a nyamnɛyr am ɔny. -L'as ów mareɲ mareɲ ɛsɛl eke -n'ɛɲn ɛbɛɲ em a luku, -n'am is odad agɲ ab em, ɛtɲ -n'am bubr agɲ em baɲn a. Ca -l'igb -l'ok Jason ec'akɲ a, -n'am ɔl Pɔl lele Silas ab eke -li k'ɔny -l'ot -n'im dedeku a ec'any af.
- ⁶Eke -n'ɛɲnm wɛl a, -l'ɔdu Jason lele agɲ lisijimɛl bɛb ab es -l'ow baɲn a ec'es ɛw ɛsɛl a ec'any af, ɛtɲ -n'am ɔg -li dad -l'ɛsɛ: «Agɲ amua inɲm wus na nimum es afr; sica ɛy ogɲ a -l'ok a!
- ⁷Ɛtɲ Jason eb ok ɛl akɲ! Agɲ amua fɛɲ am kok ów ek'ɛlm Sesar ec'ol a eci, aɲke -n'am dad eke es ɛw ɛs ɛjɛci nyam in anɲ eke wɛ'n b'ɛsɲ Jesu.»
- ⁸Sodad amua ɔɲ dedeku a lele ɛb a ec'es ɛw ɛsɛl ab ab sos inɲm es afr.
- ⁹-N'ɔɲ Jason lele agɲ lisijimɛl ab ab ɛw os es gbɲɲ ɛtɲ -l'ɛlu wɛl es.

Pɔl lele Silas ab im ok Bere baɲn

- ¹⁰Kpɛkɲ eke lɛɲɲ uk a, agɲ lisijimɛl a ɔɲ Pɔl lele Silas ab im Bere. Eke -l'okr yogɲ a, -n'im Jwifel e Nyam nuɲ igɲ usu a.
- ¹¹Bere e Jwifel a b'ɛɲɲ low eb akm Tesaloni ec'a; -l'eb Nyam odad a ɛl e sos em iɲn fɛɲ em. Ɛtɲ sɛɲɲ fɛɲ -li bi wewr Nyam Lɛl a, yec'ɛtɲ ke -l'ɛkn eke Pɔl ec'odad eke bi dad ɛl a el nawrɛ.
- ¹²Ɛl em ec'agɲ nɔnɔ ub nawrɛ; ɛtɲ Grɛkɛl ab em, bosu amamn em ec'ɔyɔw nɔnɔ lele ɛɲɲ nɔnɔ ab yɛji ub nawrɛ.
- ¹³Kɔ eke Tesaloni e Jwifel a iri eke Pɔl am dad Nyam odad Bere baɲn em yɛj'a, -l'ow -n'am ɲɲɲn dedeku a mɛrm em -n'ɔɲ wɛl ɛw jɛɲ jɛɲ.
- ¹⁴Ow sosiem, kpɛkɲ agɲ lisijimɛl a ɔɲ Pɔl imn okij any a eci; gbɛkɔ Silas lele Timote ab gbɛ anɲ Bere.
- ¹⁵Agɲ a ek'aam nyimn Pɔl a im ɛwl'l toɲ ok Atɛn baɲn, ɛtɲ -l'ɛwl -n'im Bere Silas lele Timote ab ec'amani a eke Pɔl ɔɲ ab ab. Amani ab em, n'am ibrm eke wɛl k'ow fafa ɛɲn'n.

Pɔl anɲ Atɛn baɲn

- 16**Eke Pɔl am eku Silas lele Timote ab Aten yogɔ a, low am ey'r sos em eke eb na k'el sɛkp eci nuɲ igɔ ofr.
- 17**Nyam nuɲ igɔ usu yogɔ, li b'atar ów es Jwifɛl lele agɔ a ek'elm Jwifɛl ke am igɔ Nyam nuɲ ab ab, etɔ eberɔ em yeji sɛgɔ fɛɔ li b'atar ów es agɔ ejeci eke li b'ɛɲn ab ab.
- 18**Epikurel lele Sitoyikel eci low yegm esel ab ab yeji am atar ów es Pɔl ab. El em ec'agɔ beb am ibrm esɛ: «Nenym gbɛl es na, bla odad iy n'am dad gbɛ ee?» Eke agɔ beb am iri Pɔl dad Jesu ec'odad lele luw em anɔ igb owi ab a, -n'am dad -l'esɛ: «Egɔ na, esɛ etu e sinyam a ce ec'odad ow'n am dad af.»
- 19**Ow sosiem -l'oc Pɔl ab -n'im baɲn a ec'ów bebɛm esel a ec'any af, etɔ -li dad ow ninɛ: «Kɔ s'otu eke si k'uw low yegm owr na eke am dad ow ec'odad ab any ee?»
- 20**Eke am dad ey ów eke am iti ey any a sosiem, s'am erur eke si k'uw ow e nyandre ab any.»
- 21**Tasi em a, Aten eyɔ a fɛɔ lele etu agɔ a ek'ir el ab a, b'eb sɛgɔ nɔnɔ am iri oglog am dad ów owr ec'odad ce.
- 22**Pɔl inym es ów bebɛm esel a ec'any af etɔ dad ninɛ: «Aten eyɔ, m'am ebɛm nyam eke low low fɛɔ em eel Nyam nuɲ igɔ esel tasi.
- 23**Tasi em a, eke m'am ec ony eci baɲn em a ke m'am ekn ony e sinyam nuɲ igɔ e mob a, m'ekn egb waw usu nyam eke wɛl nɔn: “Nyàm eke wɛl uwm any eci”. Eɛ! Yec'a eke am igɔn nuɲ ke uwmn any a anake m'am ow mi dad ony in ec'odad a.
- 24**Nyam a eke kok wus na nimum lele mob fɛɔ ek'anɔ em ab a, anake el afr lele wus ab eci Es Kɔtɔkɔ a, etɔ l'irm Sinyamel ek'agɔ us ab em.
- 25**L'ibram eke agɔ k'ɔɲ'n ob kaka fɛɔ esɛ ow'n onym ob af; tasi em a, in anake li b'ɔɲ agɔ a fɛɔ owr anɔ, sel lele mob mob fɛɔ ab a.
- 26**Egɔ nyam coco em, li kok ebr ebr a fɛɔ etɔ l'ok wɛl wus na nimum af. L'ok akpo n'ɔɲ wɛl, etɔ susu susu a eke -li k'ir a yeji, l'edɔ ow e sereb a.
- 27**Li kok eɛn yec'etɔ ke agɔ a ól'l es. Etɔ eke es ol a am ew bɔbrm em yeji, k'aw ke -l'otu eke -li k'ɛɲn ow, anke Nyam anm kpekpe egɔ kaka eci.
- 28**Tasi em a, ony e lel nɔn esel a yeji dad ninɛ: “In em s'anɔ owr, s'otu eke si k'an es s'ec, etɔ s'anɔ.” Etɔ lel nɔn es ejeci nyam yeji dad ninɛ: “S'el in ec'ey.”
- 29**Eke s'el in ec'ey a, si k'ónyn tutr eke Nyam anɔ esɛ sika em nyàm, os em nyàm oglog lebn em nyàm ek'agɔ ij mewl kok el ec'ów tutr em af.
- 30**Agɔ ec'any uwm em ec'ów eke kok legɔ a ek'ec ab em a, Nyam ewm erm af ij, ko n'am ibrm susu a fɛɔ ec'agɔ a eke k'itɔn el ec'es an a.
- 31**L'oc legɔ nyam l'ew es, eke egɔ a eke li sɔsum l'oc ab em, li b'ow li jej wus e low l'ok nenyembri nyam em. L'elu ow e low okm agɔ fɛɔ ec'any af egɔ na eke l'igbm luw em ab em!»

³²Eke -l'irir Pól dad luw em anj igb ec'odad a, agj beb am kokr'r miyer, etj oglog am dad ese: «Legj ejeci ke s'iri j ec'odad na.»

³³Af anj anake Pól elu el es a.

³⁴Kó agj beb gbe egj in e low a eb etj ub nawre. El em a, Denis ek'el ów bebem esel ab em ec'egj a, yow nyam eke wel b'esj Damaris a lele agj ejec'ab anj em.

Erm esel ec'ob kok e lel 18

Pól im ey Korent banj

¹Eke ów amua b'ec a, Pól igb Aten im ey Korent.

²Yogj n'ejn Jwif nyam eke wel b'esj Akilas; wel ew'r Póh eci wus ab af. N'anj Rom, Itali wus af l'ow ey Prisil ab ow k'ibnm, anke yogj Sesar Klod oj abusu wel ogj Jwifel a fej. Pól im ejn el,

³etj eke -n'onyn juma nyam ek'el ndey lel em léf e kok a, l'ir wel ab etj -li b'okr af -li kok juma.

⁴Nenegj fej, Pól b'im Nyam nuj igj usu a, etj eke li b'eb odad a, li b'ol eke li k'eb Grekel lele Jwifel ab.

⁵Sica eke Silas lele Timote ab anj Maseduan ow a, Pól b'oc in e legj a fej am dad Jwifel a Nyam odad am ij neny dad eke Mesi a Jesu.

⁶Kó Jwifel a égnm in e low a ebm etj bi wewr'r; ow sosiem l'ufj in e mob sus em a e siflefl ab es l'ok wel es, etj li dad wel nine: «Eke batj irmn, ke ony obi em ana; ow elm em e low ij. Sicaca em a, m'ow m'oc any m'okj agj ek'elm Jwifel a.»

⁷Pól igb yogj im ir Titius Justus ogj, ek'in ec'el a titm Nyam nuj igj usu a. L'elm Jwif kó l'el egj nyam eke egj el eci Nyam nuj igj owi a eb.

⁸Krispus ek'el Nyam nuj igj usu a ec'es ew a, lele in ec'akj ab ab ub Es Kótoko nawre. Korent banj eyj nono ek'iri Pól ec'odad a yeji ub nawre etj ok mij nuj.

⁹Sica ncok nyam, Pól am erur memn etj Es Kótoko am dad'r ese: «K'uru erjn! Neny ánj'j em am dad! K'abl neny,

¹⁰anke m'anj j ab. Egj kaka k'otum kokm'j low njj anke eb na em, agj nono el em eci.»

¹¹Pól anj Korent kok lakpo nyam awl nohon etj am yegm agj Nyam odad.

¹²Lakpo ab af eke Galion eb Rom ec'es ew Akayi olog ec'a, Jwifel okr af irjn Pól. - L'oc ow -n'im jej ok ec'any af

¹³etj -li dad nine: «Egj na am ol eke k'eb agj igj Nyam nuj ek'otm ol a ec'ab es.»

¹⁴Eke Pól ol eke ki dad odad a, Galion dad Jwifel a nine: «Ony Jwifel, tasi em a, blel ow el low njj li kok, oglog low ligbel marem anake li kok a, ke blel m'ók sos es m'iri ony ec'odad a.

15 Kɔ ek'ow el ów es atar odad ebl owi af, en owi af lele ɔny obi e sol owi af ab a, na ɔny obi e low eke k'ekan ana. Sodad nene a, m'érurm eke mi k'el ow e jej ok es!»

16 Eɲ l'ogɲ wɛl jej ok usu a.

17 El fɛɲ -n'ɔny Sɔsten ek'el Nyam nuɲ igɲ usu a ec'es ew es a, eɲ -n'am ɔr ow jej ok esɛl a ec'any af; gbekɔ Galion cicm sar okm el es.

Pɔl ɛwl im Antios

18 Pɔl anɲ Korɛnt ibn. Sica l'ɛlu agɲ lisijimɛl a es, eɲ l'eb mijɛɲ l'ot Prisil lele Akilas ab n'im Siri. Gbuɲ ke -l'eb mijɛɲ a, Saɲkre eb em yogɲ, Pɔl ɔɲ wɛl er'r sin aɲke l'ij neny.

19 -N'im -l'ok Efɛs eɲ Pɔl ɛlu el es yogɲ. N'im l'ey Nyam nuɲ igɲ usu a eɲ Jwifɛl ab ab -n'am atar ów es.

20 -L'ibrm ow ek'ow k'anɲ el ab ibn, kɔ l'ɛɲm.

21 Ke l'ɛlu wɛl es a, li dad wɛl nine: «Eke Nyam ɛɲ, lɛɲ ejeci m'ow m'ɛwl meny m'ow ɔny ogɲ aɲa.» Eɲ l'igb Efɛs n'imm mijɛɲ em eci.

22 Eke l'itr es Sesare a, l'uyu n'im Jerusalem l'ɛɲɲ Nyamel ec'agɲ a, gbuɲ eɲ n'im Antios.

23 Li kok sɛɲ beb yogɲ eɲ n'im. In ec'im em a, l'ɛr Galasi lele Friji e wus ab af eci eɲ n'am atr jam esɛl a sos es.

Apolɔs im Efɛs

24 Jwif nyam eke wɛl b'ɛɲ Apolɔs ke wɛl ew Alesandri a, ow ey Efɛs. L'el odad ebl mamn es eke uw Nyam Lɛl any sɛnɲ sɛnɲ yeji.

25 Wɛl yeɲm'n ɛs Kɔtɔkɔ Jesu ec'ejagb a e low, eɲ ari at em, n'am ɔb kokoba li yeɲm agɲ Jesu e lís e low fɛɲ cɛcɛ em; gbekɔ Jan eci mij ok nuɲ a cɛ e low l'uw any.

26 N'am dad ów ɔmn em tasi Nyam nuɲ igɲ usu yogɲ. Eke Prisil lele Akilas ab iri'r lebl a, -l'oc ow eɲ -l'otar ɛs Kɔtɔkɔ Jesu ec'ejagb a e low akr tasi -l'ok ow.

27 Sica eke Apolɔs am erur eke k'im Akayi wus af a, agɲ lisijimɛl a atr'r sos es, eɲ -li kok lɛl -n'awɲ eb ab em eci jam esɛl a yec'eɲ ke wɛl éb'r sɛnɲ sɛnɲ. Eke n'im l'ey yogɲ a, agɲ a eke Nyam e bibm em ɔny ɔmn a, l'elum wɛl abu nɔnɔ.

28 Tasi em a, dedeku fɛɲ ec'any af n'am ot ów tasi li yeɲm eke Jwifɛl a ɔnym low ij: Nyam Lɛl em, n'am ɛlu ɔkm eke Mesi a Jesu.

ɛrm ɛsɛl ec'ob kok e lɛl 19

Pɔl im ok Efɛs ɛb em

1 Ek' Apolɔs anɲ Korɛnt a, Pɔl ebr mafeny em eci im ey Efɛs. N'ɛɲ jam esɛl beb yogɲ

2 eɲ l'ibrm wɛl nine: «Kɔ eke ubr nawre a, ɛɲan Abɲ Lala ee?» -Li dad ow nine: «Ek' Abɲ Lala nyam anɲ yeji, s'irim; wɛl dadm ey ow e low.»

³Ow ɔŋ Pɔl ibrm el ninɛ: «Ke sica bogŋ e mij ok nuŋ eŋan ee?» -Li dad ow ninɛ: «Jan eci mij ok nuŋ a eke yɛgm agŋ a.»

⁴Pɔl dad el ninɛ: «Lɛgŋ ab em a, Jan am ok agŋ a ek'ɛgŋ eb eke k'itŋn erm a mij nuŋ ɛtŋ n'am dad Israel ec'agŋ a eke k'ub ɛgŋ a eke b'ow anŋ'n jam ow a nawrɛ, ɛgŋ a el Jesu.»

⁵Eke -l'irir ów amua a, -n'ɔŋ wɛl ok el mij nuŋ ɛs Kɔtɔkɔ Jesu e nin em.

⁶Pɔl at el abu nuŋ ɛtŋ -n'ɛŋn Abŋ Lala. -N'am ɛbr sɛbr eke wɛl uwm any ɛtŋ -n'am iri Nyam ogŋ ec'odad -li dad.

⁷Agŋ a fɛŋ ɔtu ek'ij agŋ lɛw yony.

⁸Pɔl b'im Nyam nuŋ igŋ usu a, ɛtŋ yogŋ awl emum nyahan, li bi dad ów ɔmn em tasi. N'am dad Nyam e gbrenŋbi usu a ec'odad ɛtŋ n'am ɔl elel eke li k'eb agŋ a ek'am iri in ec'odad a.

⁹Gbɛkɔ agŋ nɔnɔ am ɔny lɔru aru, ɛgŋm ek'ub nawrɛ ɛtŋ dedeku a ec'any af, am cak ɛs Kɔtɔkɔ Jesu ec'ejagb a e low. Ow sosiem Pɔl elu el es, ot jam ɛsɛl ab ab im, ɛtŋ sɛgŋ fɛŋ am dad Nyam odad Tiranus e lel ɛl em a.

¹⁰Low na ibn toŋ ij akpo yony; ow ɔŋ agŋ a ek'ir Azi ogog a, Jwifɛl lele agŋ ek'elm Jwifɛl ab ab iri ɛs Kɔtɔkɔ ec'odad a.

Seva ec'ey a

¹¹⁻¹²Pɔl em, Nyam am kok sakrowa ɛgbɛl toŋ batŋ agŋ b'ot sigbad, oglog nuŋ es awŋ eke Pɔl ɛw sos a ís ólu a: ɔl a b'oc el es lís ɛtŋ abŋ ɛŋuŋ a b'ok ɔkm el em.

¹³Jwifɛl bɛb eke b'ec susu susu ogŋ abŋ ɛŋuŋ eke b'anŋ ólu em a, el yɛji am ɛbm oc ɛs Kɔtɔkɔ Jesu e nin a ogŋn abŋ ɛŋuŋ ok ɔkm. -Li bi dad abŋ ɛŋuŋ a -l'ɛsɛ: «Jesu a eke Pɔl am dad in e low a e nin em, m'am dad ɔny eke k'okr ɔkm!»

¹⁴ɛben eke ɛgb waw ɛs ligbɛl nyam, Jwif eke wɛl b'ɛsŋ Seva a, ec'ey lɔbŋ a yɛji bi kok ana.

¹⁵Kɔ lɛgŋ nyam, abŋ ŋuŋ nyam dad el ninɛ: «M'uw Jesu any ɛtŋ m'uw ɛgŋ ek'el Pɔl ab any, ɛtŋ kɔ ɔny, bwo el ɔny ee?»

¹⁶ɛtŋ ɛgŋ a eke abŋ ŋuŋ ir em a ɛy el af, ɛtŋ l'ɛy lɛc l'akm wɛl fɛŋ; l'ɔr wɛl lɛc em toŋ batŋ mob kok kok el; -l'uru es -l'ok ɔkm akŋ a -n'im sos ɔfr.

¹⁷Efɛs ec'agŋ a, Jwifɛl lel agŋ ek'elm Jwifɛl ab ab, iri low na; el fɛŋ ɛŋn am ɔny el ɛtŋ agŋ am ɔny ɛs Kɔtɔkɔ Jesu e nin a ec'elum ligbɛl.

¹⁸Agŋ nɔnɔ a eke ub nawrɛ a ow dedeku a fɛŋ ec'any af ɛgŋ ów ɛŋuŋ a eke -li kokr a e low eb.

¹⁹Agŋ nɔnɔ a eke kok cam owi a ot el e silɛl a ow, ɛtŋ dedeku a fɛŋ ec'any af -l'ofŋ. Wɛl ub silɛl a ec'os abi ek'ɔtu eke k'ij a, ɛtŋ el ec'os ab em, ow ij jɛtɛ efu fandi ekŋ yony lele lɛw ab.

20 Elel eke Es Kōtōkō ec'abusu em, Nyam ec'odad a am eb es ke am elu in e læc a ōkm ana.

Efēs eb em e dedeku a ec'erm bebl

21 Eke ów amua ec ok es a, Abñ Lala nyimn Pōl eke k'ecr Maseduan lele Akayi ab eci, ke im Jerusalem. N'am dad eke ek'in im yogñ, ow'n it ke in im Rom yeji.

22 Ow sosiem n'ōñ in ec'abu elum esel yony, Timote lele Eras ab ikñ anym im Maseduan, kō in obi a gbē emeny n'anñ Azi seğñ beb.

23 Lēğñ na af, erm bebl ligbel ey Es Kōtōkō Jesu ec'ejagb a sosiem.

24 Sika iny es nyam eke wel b'ēsñ Demetrius b'oc jete ufu kokr nyàm yow Artemis eci nyamel ekekey, etñ ow b'ōñ juma kok esel a b'ēñn os nōnō.

25 L'as in e juma kok esel a lele agñ ejec'a eke el e juma a ot in ec'a es a luku etñ li dad wel nine: «Agñ o, uwr any eke ow el juma na anake b'ōñ ey s'ir eb senyn senyn a.

26 Am ekan etñ am irir low eke Pōl ikñ na am kok a: tasi em a, n'am dad eke sinyam a eke agñ in kok a, in elm nyàm, etñ l'eb agñ nōnō, ow elm Efēs aña sony cē, kō Azi wus nimum af yeji.

27 Low na otu eke ki ñuññ ey e juma a, ke emeny ow óñ nyàm yow Artemis e nyamel gbēl a irmn in ec'any a; nyàm yow na eke Azi lele wus na nimum ec'agñ a fēñ ab b'igñ nuñ a e sagb a b'ow oc es!»

28 Eke -l'irir sodad amua a, agñ a erm ebl afññ es etñ am og dad ese: «Efēs eci Artemis a el ligbel!»

29 Erm bebl a eb es eb a fēñ em. Agñ a ony Gayus lele Aritak ab, Maseduan wus af eyñ yony eke b'ewl Pōl usu, etñ dedeku em -l'ub -l'ok dedeku a e luku as usu a.

30 Pōl am erur eke k'okm sos ōkm dedeku a ec'any af, kō jam esel a edññ in.

31 Azi wus ab af eci idr esel beb a ek'el lawlél a, òñ'n bōwl ñōññ'n eke li k'iim dedeku a e luku as usu a.

32 Wanci ab af a, luku as a wuwal: agñ beb b'ōny na ke dad, amua b'ōny na ke dad, etñ nōnō gbēl ec'a, -l'uwm low a sosiem eke -n'anññ luku as ab em ab any.

33 Jwifel a akñ ów a ok Alesandr nenym etñ -l'ikñm ow anym eke li ki dad. Alesandr igbl abu ogñ: l'erur eke dedeku a ec'any af li k'eb odad li dad l'otar akr.

34 Gbēkō sica eke ow ok el es sos em eke ow el Jwif a, el fēñ -l'og lebl nyam toñ ow kok wanci ōmu yony: «Efēs eci Artemis a el ligbel!»

35 Sog a anñ em toñ etñ sica eb a eci es ew es a otu edññ dedeku a etñ dad nine: «Efēs ec'agñ, yewalil o! Agñ a fēñ uw any eke Efēs ec'eb a b'osu Artemis gbēl a e nuñ ign usu a lele in e lebn em nyàm ek'anñ afr ey wus ab ab.

36 Ow itim eğñ kaka any. Ow sosiem otur eke ki yewalil tiñ, kì kokr nyamb owi.

³⁷Kin, otr agņ amua ovr aņa, -l'iyim nyamel gbēl a e mil etņ -li wewrm ey e nyām yow a yeji.

³⁸Eke Demetrius lele in e juma kok esēl ab ab ony low eņņ ab a, ow ony seņņ eke wēl bi jej ów ok etņ es ew esēl yeji anņ: yogņ anake -li k'im -li jej -l'ok a.

³⁹Etņ emeny eke onyn low eke k'ibrmn a, wēl b'ow dad ow ec'odad luku as gbēl a eke b'an es ol af a ec'any af.

⁴⁰Tasi em a, yefenyina e low na ek'ey a, af yogņ a, wēl otu eke k'ot ey ese agņ low eņņm ebm esēl af, aņke low kaka anm ek'am ayal ey ec'eņanin na, etņ si k'ow s'onym odad ebl ek'ow af si k'otar eņanin na e low akr senyn senyn.»

⁴¹Eke li dad ów amua uwr a, l'igbl luku as a ec'agņ a sos ogņ.

Ērm esēl ec'ob kok e lēl 20

Pōl im Maseduan lele Grēs ab

¹Eke ów wuwal a feņ ok sel a, Pōl as jam esēl a luku etņ am atr ēl sos es. Ow b'uwr a, l'ēlu wēl es n'im Maseduan.

²L'ecr wus ab af eci, l'atr omn esēl a sos es, sodad nōnō a eke li dad wēl ab em. Etņ n'im Grēs,

³n'anņ yogņ l'ij awl nyahan. Sica eke n'am bebm sos eke li k'eb mijetņ n'im Siri a, l'iri eke Jwifel a am ut in ec'asre. Ow sosiem l'ēwl meny l'ebr Maseduan eci.

⁴Agņ a ek'im am ēwl'l a el: Sopater Pirus jim, Bere iy, Aritak lele Sekundus ab ek'el Tesaloni eyņ, Gayus, Derb iy, Timote, Tisik lele Trofim ab, Azi wus af ec'agņ.

⁵Agņ amua ikņ anym im Troas am eku ey.

⁶Ey gbē, eke Futufutu eke ejru anm em ec'es gbēgbl a uwr a, s'eb mijetņ Filip eb em Maseduan wus af; etņ eke seņņ yen ec a, s'im s'eņņ ēl Troas, s'anņ yogņ si kok seņņ lōbņ.

Pōl eci Troas eyņ ek'im ēkn abal es

⁷Ma ey ncebles a, s'eņanin eke si k'ubr futufutu em, etņ Pōl am dad dedeku a odad. Eke lēņņ b'ow eny ke li b'ow n'im a sosiem, li dad odad toņ lēņņ usu ubr em.

⁸Oj ab em a eke s'as luku ēl afr yogņ a, keniē nōnō anņ.

⁹Dgbafre nyam eke wēl b'eņņ Etikus sig es finetr neny af a. Pōl ec'odad a ek'am ofu nenym a, oņ memn ēwl'l. Memn a afņn in es toņ n'anņ ēl afr nyahan em a l'ey wus. Wēl ony igbl'l ogņ, kō l'uw.

¹⁰Pōl us es, im ubu'r af, oc'r etņ dad agņ a ninē: «Ērmij k'ók ony: n'anņ ovr!»

¹¹Ēmeny Pōl ēwl uyu ēl afr a, l'ubr futufutu ab em li cēc, etņ in yeji l'ij. Ēmeny li dad odad ibn kpekpe toņ ligbn ejn ey okm etņ n'im.

¹²Iy a gbē anņ ovr, wēl oc'r im etņ ow el agņ a feņ ec'erm es ey.

Pɔl igb Troas im Mile

13S'ikɔ anym s'im eke si k'eb mijetɔ ot im ey Asos; yogɔ anake si k'oc Pɔl a, aɔke tasi em a, li dad eke li k'ecr wus wus eci.

14Eke l'ow n'eyɔ ey Asos a, s'oc'r mijetɔ ab em etɔ s'im Mitilen.

15S'igb yogɔ s'im etɔ legɔ b'eny a, s'ow s'ok lekr a eke wel b'esy Kio a ec'any af. Legɔ b'eny a, s'ow s'ok Samos, etɔ emeny legɔ b'eny akr af a, s'ow s'ok Mile.

16Tasi em a, Pɔl egɔ eb eke k'inyam es Efes irmnm legɔ Azi wus af. N'am ogɔ es yec'etɔ ek'ow it ke n'any Jerusalem Pantekot e legɔ a.

Pɔl am dad Efes ec'agɔ ekpekp a ow

17Pɔl any Mile awɔ bowl Efes eke Nyamel ec'agɔ ekpekp a k'ow.

18Eke -l'owr -n'eyan ow a, li dad wel nine: «Seyɔ a feɔ eke m'any ony ab a, uwr elel eke m'aan es ab any, legɔ krekrɛ a etɔ eke m'ow Azi wus na af a.

19Es is em, mi kok Es Kotoko e juma ony ikɔ em, Jwifel eci asre eke b'ut em e gbre ijr ec'a sosiem.

20Uwr any ekan eke low feɔ ek'otu eke k'akpl ony ec'a, m'ocm mi lolm es. Dedeku feɔ ec'any af, ony ec'akɔ akɔ, mi dad ony etɔ mi yegm ony yeji.

21M'esɔ Jwifel lele agɔ ek'elm Jwifel ab ab eke k'itɔn erm em, oc any okɔ Nyam ke ony omn ey Es Kotoko Jesu em.

22Sica m'aam Jerusalem ese elel eke Abɔ Lala am at'm eke mi ki kok ab af. Low yec'a eke b'ow eyɔn'm yogɔ a, m'uwm any.

23Low a ce eke m'uw any a el: eb feɔ em eke mi b'ec a, Abɔ Lala b'ewar'm em e gbre ij nono lele sobel em eke m'ow m'ey ab ab a e low.

24Gbeko m'am ekn eke em ec'a, em ec'owr any a onym any; low a ce ek'onny any a el ke m'im toɔ m'igɔ em eci es uru a e nuɔ, ke mi kók juma a eke Es Kotoko Jesu abul'm a, toɔ ke m'úwar; juma a el ke m'ób Amani Mamn a ek'el Nyam eci sorɔ ikɔ a e kokoba.

25M'ec ony feɔ ec'araɔn mi dad Nyam e gbreyɔbi usu a ec'odad; gbeko sicaca em a, m'uw any ek'onny em ec'egɔ kaka k'ow eknm im ij.

26Na sosiem anake yefenyina m'am igbl lebl ogɔ mi dad m'ese: ek'onny em ec'egɔ nyam am irm, ke ow elm em e low ij,

27aɔke mi dad ony Nyam e low a feɔ eke bebɔ ew es a; m'ocm kaka mi lolm es.

28Osurrir ony obi lele Abɔ Lala eci mebob a ek'onny ony eke k'osur ab ab. Ese elel eke meceb osu es b'ew in e meceb a nyamn af ab af a, ewr Nyamel a eke Nyam ol jim lokm e mebl ab em a e low erm.

29M'uw any tasi eke em eci im em a, agɔ ek'any ese mindey eyɔn af b'ow ok ony ec'araɔn etɔ k'ow yebm mebob a kaka.

- ³⁰Etɛ ɔny ɛm a yeji, aɣɛ b'ow ok ɔkm am ɔny yadɛ, yec'etɛ ke ɔmn ɛsɛl a ɛs el jam.
- ³¹Ɔsur sos! Ke ɔkan ek'akpo emum nyahan, ncok lele lɛɣɛ owr ab, ɔɣɛn ikɛ ɛm, m'ɔpim ɔny ɛm ec'ɛɣɛ nyam nyam ec'ow ɔm.
- ³²Sica m'am oc m'elul ɔny Nyam lele in eci sɔɣɛ ikɛ eci odad ab ab abu ɛm. N'ɔny abusu eke li k'agbr ɔny ɔmn ɛm ke n'ɔɣ ɔny aja a fɛɣ eke l'oc l'ew es aɣɛ a ek'el in ec'a ec'a.
- ³³M'ocm nyamn m'ewm ɛɣɛ kaka fɛɣ ec'os, sika, lele simob sus ɛm ab af.
- ³⁴Ɔny obi yeji uwr any eke ow el ɛm e sabu ab ɛm mi kok juma m'ɛɣɛn yec'ek'it a aɣɛ a ek'am ɛwl'm a, lele ɛm obi ab ec'a.
- ³⁵Sɛɣɛ a fɛɣ mi yeɣm ɔny eke ki kokr juma ɛben ke ɛlumn ɔgboru abu. Ɔkan Ɔs Kotokɔ Jesu eci sodad amua eke dad a: "Eke wɛl b'ɔɣ ɛɣɛ ob a, wɛl b'ɛɣɛn sos ɛm iɣɛ nɔnɔ akm yec'eke wɛl b'ɛɣɛn ɛɣɛ ɛm a." »
- ³⁶Eke odad a uwr a, Pɔl ok ɔwrɔkp wus el fɛɣ ab ɣɔɣɛn Nyam.
- ³⁷Aɣɛ a fɛɣ am ikɛ ɔɣɛn etɛ am ɛy Pɔl af es elulil eci.
- ³⁸Sos ɔw el es nɔnɔ aɣɛke Pɔl dad el eke wɛ'n k'ow in ɛknm'n ij. Etɛ -l'ɛwl ow toɣ -l'ok mijetɛ a e lis.

Ɔrm ɛsɛl ec'ob kok e lɛl 21

Pɔl aam Jerusalem

- ¹Eke sica s'elu el es a, s'imn mijetɛ ɛm eci, kpekɛ kpekɛ toɣ s'ok Kɔs lekr ɛm; lɛɣɛ b'ɛny a, s'im s'ok Rod lekr ɛm, etɛ s'igb yogɛ s'im s'ok Patara baɣɛn.
- ²Yogɛ, s'ɛɣɛn mijetɛ nyam ek'am ow im Fenisi etɛ s'ok ɛm s'im.
- ³S'ɛkn Sivr lekr a kpekpe ɛm, s'ɛcr ow ec'esr ɛm a, etɛ s'imn Siri eci. S'itr es Tir eci nanu gbɛl a, yogɛ a eke mijetɛ a k'usm in ec'ɛrɛkp ab es a.
- ⁴Yogɛ s'ɛɣɛn jam ɛsɛl etɛ s'anɣ el ab ow ij nɛnɛɣɛ mum nyam. Eke Abɣ Lala ɛwar el a, -li dad Pɔl eke k'uyum iim Jerusalem.
- ⁵Gbɛkɔ eke nɛnɛɣɛ gber mum a oc es a, s'ɛwl s'ɛbr ɛy ec'usu im ab ɛm. El fɛɣ -l'ow -l'ɛwl ɛy, el ec'ɔyɔw lele el ec'ey ab toɣ s'ok ɔkm baɣɛn a. Okij neny yogɛ, s'ok ɔwrɔkp wus si ɣɔɣɛn Nyam.
- ⁶Eke sica s'elulil es a, s'ok mijetɛ ab ɛm etɛ el gbɛ -l'ɛwl -n'im gbugɛ gbugɛ.
- ⁷Sica eke s'igb Tir a, s'im s'ok Pitolemais, etɛ s'uwar ɛy ec'usu im mij af ec'a. Yogɛ s'ɛkanin ɛb ab ɛm ec'agɛ lisijimɛl ab ab, etɛ s'anɣ el ab lɛɣɛ nyam ɛɛ.
- ⁸Lɛɣɛ b'ɛny a, s'im s'ok Sesare. Yogɛ, s'ok Amani Mamn a ec'es ɔmun ɛs Filip ec'akɛ a etɛ s'anɣ in ogɛ a. L'el agɛ lɔbɛ a eke wɛl sɔsum ot Jerusalem a e nyam.
- ⁹N'ɔny ɛy ɔyɔw yar eke ɛbim ɛɣɛ, ke b'ɔb kokoba dad odad eke Nyam b'ɔɣ el a.

10S'ann̄ yoḡn̄ ow kok s̄egn̄ n̄on̄o ton̄ et̄n̄ kokoba ɔb̄ es̄ nyam eke w̄el b'̄es̄n̄ Agabus ann̄ Jude ow.

11L'ow̄ eȳ oḡn̄ a, l'oc̄ P̄ol̄ eci meb̄ er̄ em̄ a, n'aw̄n̄ in̄ ec'̄akr̄ a lele sabu ab̄ ab̄, et̄n̄ li dad̄ nin̄e: «Kin̄ Ab̄n̄ Lala ec'̄odad̄ eke am̄ dad̄: eḡn̄ a eke meb̄ er̄ em̄ na el̄ in̄ ec'̄a, Jerusalem̄ yoḡn̄, Jwif̄el̄ b'ow̄ aw̄n̄'n̄ eb̄en̄, ke -l'oc̄ -l'el̄u ow̄ aḡn̄ ek'̄elm̄ Jwif̄el̄ a abu em̄.»

12Eke s'irī ów̄ amua a, eȳ obī eȳ obī lele Sesare ec'̄eȳ lisijim̄el̄ ab̄ ab̄, sī n̄ɔ̄n̄ P̄ol̄ eke k'̄úȳum̄ iim̄ Jerusalem̄.

13Gb̄ek̄o li dad̄ nin̄e: «K̄o blā sosiem̄ et̄n̄ am̄ ik̄n̄ ɔ̄n̄ ɔ̄war'm̄ sos̄ es̄ ee? Em̄, mī beb̄m̄ sos̄, ow̄ elm̄ em̄ ec'̄aw̄n̄ a c̄e eci, k̄o ke m'̄úw̄ Jerusalem̄ Es̄ K̄ot̄ok̄o Jesū sosiem̄.»

14Eke s'̄ot̄um̄ s'̄ebm'n̄ odad̄ ebl̄ em̄ a, s'̄atram'n̄ ij̄ et̄n̄ sī dad̄ s'̄es̄e: «Ke ow̄ él̄ yec'a ek'̄Es̄ K̄ot̄ok̄o am̄ erur̄ a!»

15Eke sica s'ann̄ yoḡn̄ sī kok s̄egn̄ beb̄ a, sī beb̄m̄ sos̄ s'am̄ uyū s'imn̄ Jerusalem̄ eci.

16Sesare eci jam̄ es̄el̄ a ow̄ ewl̄ eȳ Jerusalem̄; -l'oc̄ eȳ -n'im̄ eḡn̄ nyam eke k'eb̄ ok̄ eȳ ak̄n̄ a oḡn̄; w̄el b'̄es̄n̄'n̄ Minason̄, Sivr̄ lekr̄ em̄ ec'̄eḡn̄ ek'̄el̄ jam̄ es̄ l̄eḡn̄ kpekpe, ke ir̄ Jerusalem̄.

17Yoḡn̄ eke s'ok̄ a, eȳ lisijim̄el̄ a eb̄ eȳ sos̄ em̄ iñn̄ em̄.

P̄ol̄ im̄ Jak̄ oḡn̄ a

18Eke l̄eḡn̄ enȳ a, P̄ol̄ ot̄ eȳ ab̄ im̄ Jak̄ oḡn̄ a; yoḡn̄, Nyamel̄ ec'̄aḡn̄ ekpek̄p̄ a f̄eñ as̄ luku.

19P̄ol̄ es̄n̄ el̄, et̄n̄ m̄ewl̄ em̄ am̄ dad̄ el̄ in̄ e juma ab̄ em̄ ec'̄ów̄ f̄eñ eke Nyam̄ kok̄ aḡn̄ a ek'̄elm̄ Jwif̄el̄ a ec'̄arañ̄ a.

20Eke -l'irir̄ ow̄ ec'̄odad̄ a uwr̄ a, -lī k̄oklm̄ Nyam̄; et̄n̄ -lī dad̄ P̄ol̄ nin̄e: «Eȳ lisijim̄, am̄ ek̄n̄ eke Jwif̄el̄ fandi fandi ub̄ Jesū nawr̄e, ke el̄ f̄eñ -lī b'ucū ol̄ a -n'onȳ es̄ senyn̄ senyn̄ a.

21W̄el̄ dad̄ el̄ eke ñ̄ bī yegm̄ Jwif̄el̄ a f̄eñ ek'in̄ ir̄ lutu a low̄ eke w̄e'n̄ k'iḡn̄ Mois̄ ec'ol̄ a in̄ el̄u es̄, et̄n̄ em̄enȳ ñ̄ bī dad̄ w̄el̄ eke w̄e'n̄ k'úbr̄m̄ w̄el̄ ec'eȳ a ekr̄ es̄, w̄e'n̄ kí̄ kokm̄ Jwif̄el̄ ec'ów̄ a.

22-Lī b'ow̄ -l'irī tasi eke ñ̄ ow̄ aña. Ayaf̄ sī kī kokr̄ ab̄ ee?

23Ow̄ akpl̄ ke kók̄ ow̄ a eke sī b'ow̄ sī dad'ñ̄ a. Aña, s'onȳ aḡn̄ yar̄ ek'ij̄ n̄enȳ Nyam̄ ec'anȳ af̄.

24Òc̄ el̄ ab̄ im̄, àñ̄n̄ el̄ ab̄ sos̄ ayal̄ eci low̄ kok̄ ab̄ em̄, ke s̄óḡ el̄ e low̄ kok̄ a e labm̄, yec'̄et̄n̄ ke -l'ot̄u -l'er̄ sin̄. Ow̄ em̄ a, aḡn̄ a f̄eñ b'ow̄ uw̄ anȳ eke ów̄ a f̄eñ e w̄el̄ dad̄ ñ̄ e lís̄ a elm̄ nawr̄e; ow̄ b'ow̄ yegm̄ eke ñ̄ yejī ann̄ Mois̄ ec'ol̄ a ec'el̄um̄ em̄.

²⁵Agñ a ek'elm Jwifel ke ub nawre a ec'a, si kok lel s'awñ el si dad el ów yec'a eke si bebñ a. Kin ów a: -li k'ijmñ ndey eke wel oc wawr egb òñ sekp, -l'egñmñ mebl, -l'ijmñ ndey eke wel okm mebl es, -l'ijmñ nfaci.»

²⁶Af yogñ, Pól oc agñ yar amua ab im, etñ eke legñ eny a, -n'im wel ab sos ayal eci low kok ab em. Emeny n'im Nyamel gbél ab em etñ n'am dad wel dedeku em legñ yec'af eke sos ayal eci low kok a b'ow uwr ke wel b'ow waw el em ec'egñ nyam nyam ec'egb a.

Wel edññ Pól Nyamel gbél ab em

²⁷Eke sos ayal eci seğñ lóbñ a am ow uwr a, kpekn Azi ogog eci Jwifel a ekn Pól Nyamel gbél a e gbugñ a. -L'ij abra -n'òñ dedeku a feñ etñ -n'òny ow;

²⁸-n'am og -li dad -l'ese: «Israel ec'agñ, èlumn ey abu! Kin egñ a eke usu feñ, agñ feñ ec'any af bi dad ów enñ ok Israel ec'agñ af, Mois ec'ol ab af lele Nyamel gbél na af ab a. Etñ sicaca em a, l'ot agñ ek'elm Jwifel l'ok Nyamel gbél ab em; ow em a, -ni ñuññ usu lala a Nyam ec'any af.»

²⁹Tasi em a, -n'am dad eben anke -l'ekñ Efes iy Trofim Pól ab eb ab em. -N'am tutr eke Pól oc elu'l Nyamel gbél a e gbugñ lokm a.

³⁰Likekr a eb es eb ab em etñ oy oy a feñ em agñ am anñ ow. -N'òny Pól -l'odu -l'elu ow okm Nyamel gbél a e gbugñ a etñ kpekn -li babl masany a.

³¹-N'am ol eke -li k'ibi Pól, etñ kpekn wel im dad Rom e kumada a ek'anñ Jerusalem a likekr a eke eb es eb a feñ em a e low.

³²Kpekn l'ot sròda eyñ lele el ec'anym esél ab ab etñ l'uru es n'im dedeku a ogñ a. Eke -li b'ekñ kumada a lele sròda eyñ ab ab a, -l'orm Pól ij.

³³Kumada a eri im titm Pól, òñ wel òny'n etñ òñ abusu eke wel k'oc ngbraka yony awññ'n; etñ l'ibrm egñ yec'a eke l'el a lele low yec'a eke n'am kok ab ab.

³⁴Gbekò dedeku ab em, agñ amua ám dad odad na, ke beb ám dad ejeci. Kumada a ótum irim low a tasi likekr na em; n'òñ abusu eke wel k'oc Pól im in eci frutu lakp ab em.

³⁵Eke Pól anñ èl a ec'af uyu usu a, sròda eyñ a oc'r abu em abu em, dedeku a e lec ek'am elu okm a sosiem,

³⁶anke agñ a feñ am us'r jam og dad ese: «Wel íbi'r! Wel íbi'r!»

Pól ibrm odad

³⁷Wanci ab af eke sròda eyñ a am ol eke k'òny Pól elu frutu lakp ab em a, li dad kumada a nine: «Kò m'òny abusu eke mi ki dad'ñ odad tel ee?» Kumada a nine: «Kò b'èbr Grèk ee?»

³⁸Nje elm Ejipt iy a eke efneny a ce is ar ke ot áru fandi yar ab im loj ab ee?»

³⁹Pól dad nine: «Em Jwif, wel ew'm Tars eb em, Silisi wus af, eb ek'òny any ec'egñ. M'am ñuñ'ñ, òñ'm abusu mi dád dedeku a odad.»

⁴⁰Kumada a ɔŋ'n abusu. Pɔl inym es êl a ec'af uyu usu a etɲ l'owl wɛl abu eke -li ki yewal. Eke -li yewalil a, Pɔl am dad el odad Ebre em:

Erm esɛl ec'ob kok e lɛl 22

¹«Aɲɲ lisijimɛl lele aɲɲ esɛl ab, iɲɲɲ lɔru es ke írír low yec'a eke sica m'am ow mi dad em e dogɲɲ ec'a.»

²Eke sica -l'írír ek'ow am dad el odad Ebre em a, usu a irm es tiɲ etɲ Pɔl dad nine:

³«Em Jwif, wɛl ew'm Tars eb em, Silisi wus af, gbɛkɔ Jerusalem aɲa wɛl gbagbl'm, etɲ Gamaliel el em e low yɛgm es. Li yɛgm'm m'uw ey lagɲɛl ec'ol ab any senyn senyn. Nyam eci juma kok a eci lɛc a iy'm em nɔnɔ esɛ eled eke yɛfenyna ɔny fɛɲ ow iy ɔny em ab af.

⁴M'ijr aɲɲ a ek'am us Es Kɔtɔkɔ Jesu ec'ejagb na a gbre low eci. M'ɔny egɲ lele ɔyow ab m'ok sobel em.

⁵Egb waw es ligbɛl a lele Sanedren a nimum ab ɔtu ek'ij danɲu ek'ow el odad nawre eke m'am dad. El ec'abu em, m'ɛɲɲ silɛl ey lisijimɛl Jwifɛl ek'anɲ Damas a eci eke ow em -li k'uwr'm any; etɲ m'im eke mi k'ɔny ɔmn esɛl a ek'anɲ a, m'ók el ɲgbraka ke m'ót el ab m'ow Jerusalem ke mi kók el low ɲɲ.»

Pɔl am dad in ec'erm em itɲ a ec'odad

⁶«M'us ejagb m'aam etɲ eke m'am titm Damas a, lɛɲɲ uyu nɲɲ em, kpɛkɲ usuayl ligbɛl nyam eci jeɲn a anɲ afr ow ubur'm es.

⁷M'ey wus etɲ m'iri lebl nyam ek'am dad'm esɛ: “Sɔl, Sɔl, kɔ bla etɲ am ijr'm gbre ee?”

⁸M'ibrm m'esɛ: “Egɲ gbɛl, kɔ ɲ bwo el'ɲ ee?” Lebl a dad nine: “Em Nasaret e Jesu ek'am ijr gbre a.”

⁹Aɲɲ a ek'anɲ em ab a ɛkn usuayl a, kɔ -l'irim egɲ a ek'am dad'm odad a e lebl a.

¹⁰M'ibrm m'esɛ: “Es Kɔtɔkɔ, ayaf mi ki kokr ab ee?” Etɲ li dad'm nine: “Ìgb wus, ìm Damas, yogɲ wɛl b'ow dad'ɲ low yec'eke Nyam am dad'ɲ eke ki kok a.”

¹¹Eke usuayl na ek'am jeɲn a efal'm any a, aɲɲ a ek'anɲ em ab a ɔny'm abu etɲ ewl'm Damas.

¹²Yogɲ, egɲ nyam anɲ eke wɛl b'esɲ Ananias, Nyam nɲɲ igɲ es senyn eke b'elum ey ec'ol a, ke Damas e Jwifɛl a fɛɲ b'erur in e low.

¹³L'ow n'ɛɲn'm, li titm'm etɲ li dad'm nine: “Em lisijim Sɔl, èkn es!” Wanci ab af cɛ, any efl a oc es etɲ m'am ɛkn'n.

¹⁴L'igɲ af li dad nine: “Ey lagɲɛl e Nyam a ikɲ anym sɔsum oc'ɲ yec'etɲ ke úw low yec'a eke l'erur ab any, ékn Nenyembri Nyam Es a, ke írír in obi e neny em ec'odad.

¹⁵Tasi em a, ow it eke k'ij in e danɲu yec'etɲ ke aɲɲ a fɛɲ ec'any af, dád low yec'a ek'ɛkn ke iri a.

¹⁶Etɛ sica bla sosiem k'eku ee? Ìgb, òk mij nuɲ, ke ɲ eci sikpl a fɛɲ tétɛ es in e nin a ec'esi em.”

¹⁷M'ewl m'im Jerusalem, etɛ eke m'am ɲoɲɲ Nyam Nyamel gbɛl a e gbugɲ a, m'ekan nuɲ em.

¹⁸M'ekn Es Kɔtɔkɔ etɛ li dad'm nine: “Ògɲ es ey ɔkm Jerusalem fafa, aɲke em e lís e low a eke am dad a, eb eyɲ a k'ow egɲm ow e low ebm.”

¹⁹Mi dad m'ese: “Es Kɔtɔkɔ, -l'uw any tasi eke mi b'im Nyam nuɲ igɲ susu m'ony agɲ m'ok sobel em etɛ mi b'ɔɲ wɛl ɔr agɲ eke b'ub'ɲ nawre a.

²⁰Etɛ lɛgɲ a eke wɛl ibi ɲ e danɲu ij es Etien a, em yeji m'anɲ yogɲ. Agɲ a ek'am ibi Etien a, m'egɲ el e low a m'eb etɛ m'osu el e mob sus em a.”

²¹Es Kɔtɔkɔ dad'm nine: “Ìm, aɲke m'ow m'erm'ɲ usu kpekpe, agɲ a ek'elm Jwifel a ogɲ.” »

Pɔl lele kumada ab ab owi

²²Dedeku a iri Pɔl ec'odad a toɲ batɲ igɲ yogɲ a eke li dad ów amua na a; kɔ sica -n'am ɔg -li dad -l'ese: «Ìrmnin egɲ na! Ìbir ir! L'itm eke li k'anɲ owr!»

²³-N'am ɔg, -n'am ufɲ el e mob sus em ab es, etɛ -n'am wɔwl sec afr.

²⁴Kumada a ibrm eke wɛl k'ony Pɔl elu in eci frutu lakp ab em, ke wɛl ɔr'ɲ ngbre em, ow ɔɲ'n li dád odad, yec'etɛ ke l'úw low a sosiem eke dedeku a am ɔgr'ɲ ab any.

²⁵Gbɛkɔ eke wɛl awɲ'n eke k'or'ɲ a, li dad sɔda eyɲ ekɲ yen ec'anym es a ek'anɲ yogɲ a nine: «Kɔ ɔny abusu eke k'or Rom iy tasi eke wɛl jɛjm in e low okm ee?»

²⁶Eke l'iri ów amua a, n'im n'am ɔɲ in eci kumada a amani li dad l'ese: «Bogɲ e low anake blel kok ab ee? Egɲ na Rom iy tasi!»

²⁷Kumada a ow eɲɲ Pɔl etɛ am ibrm'n ese: «Dád'm ɔ, kɔ ɲ Rom iy tasi ee?» Pɔl dad'r nine: «Ee, em Rom iy.»

²⁸Etɛ kumada a dad nine: «Em labm ligbɛl mi sɔg gbuɲ etɛ m'el Rom iy tasi.» Pɔl dad nine: «Em ec'a gbɛ, mew em etɛ.»

²⁹Kpekɲ agɲ a ek'am ow ɔr'ɲ yec'etɛ ke li dád odad a, ewl sos meny; kumada a in obi yeji erɲɲ ɔny eke Pɔl k'el Rom iy tasi ke n'ɔɲ wɛl ɔny awɲ ow ngbraka em a.

Pɔl anɲ Sanedɲen ec'agɲ a ec'any af

³⁰Kumada a am erur eke k'uw low a tasi ek'ow sosiem Jwifel a am ok Pɔl ów af ab any; na sosiem, eke lɛgɲ eny a, n'ɔɲ wɛl mɔmu Pɔl es ngbraka ab em, etɛ l'ibrm egb waw esɛl ec'es ewɛl a lele Sanedɲen a fɛɲ ab eke k'as luku. L'oc Pɔl l'ow etɛ n'inymn ow es el ec'any af.

Èrm esɛl ec'ob kok e lɛl 23

¹Pól ok Sanedrèn ec'agñ a anyamn af etñ am dad el esè: «Agñ lisijimel, Nyam ab ec'eb eke m'ir toñ ke k'it yefenyina a, em tutr em a, m'onym low kaka eke mi kokr em sosi ów af.»

²Egb waw es ligbèl Ananias òñ abusu ek'agñ a ek'anñ Pól saw a, ki bõbm'n neny es.

³Ow òñ Pól dad'r nine: «D anake Nyam b'ow òr'ñ a; ñ, êl eke wèl ufur! Anñ aña eke ki jēj em e low ok ol em, kò ol ibrm eke k'òñ wèl òr'm ee?»

⁴Agñ a ek'anñ Pól saw a am dad'r esè: «Nyam ec'egb waw es ligbèl a am wèwr ee?»

⁵Pól dad nine: «Lisijimel, m'uwm any ek'ow el egb waw es ligbèl ab ab ò! Tasi em a, Nyam Lèl am dad esè: Kí dadm ñ ec'eb ec'es ew a e nin ñuñ.»

⁶Pól uw any eke Sanedrèn ec'agñ a e beb a el Sadusiel etñ likpr a Farisiel; na sosiem anake el ec'any af l'agbr lebl es li dad eke: «Lisijimel, em Farisi, Farisi ec'iy. Eke m'ub luw em anñ igb owi nawrè a sosiem anake wèl am jēj em e low ok a.»

⁷Kpèkñ eke Pól dad ów amua a, Farisiel a lele Sadusiel ab ab ów es atar ey em, etñ luku as a ec'agñ a ubr em sakp yony.

⁸(Tasi em a, Sadusiel bi dad eke luw em anñ igb in anm etñ afr erm esèl lele abñ ab yeji in anm; gbekò Farisiel òny òmn ów amua fèñ em.)

⁹Likekr a am at es, etñ ol eci low yegm esèl beb ek'el Farisiel ec'ogog ec'agñ a igb erm bebl em am dad esè: «S'èñnm low òbr kaka egñ na em. Ow k'òdm abñ nyam oglog afr erm es nyam dad'r odad!»

¹⁰Ów es atar a am uyu afr toñ kumada a erñn am òny bake wèl píplm Pól em. Na sosiem anake n'òñ in eci sròda eyñ a eke k'im dedeku ab em òny Pól oc es el ec'arañ, ke -l'oc -n'im ow frutu lakp ab em a.

¹¹Lègñ b'uk a, Es Kòtòkò elu sos òkm Pól ec'any af etñ dad'r nine: «Sos át'ñ es! Ij em e danju Jerusalem aña, etñ ow it eke Rom yeji ow k'el eben.»

Wèl ut Pól ec'ibi ec'asre

¹²Lègñ b'eny eci ibribr a, Jwifèl beb ut asre; -l'ègñ -l'eb -l'ij neny eke -li k'ijmn ob, -l'ègñmn mij eke -li k'ibim Pól.

¹³Agñ a ek'ut asre ikñ na a, ij agñ ekñ yony afñ es.

¹⁴-N'im -n'èñn egb waw esèl ec'es ew esèl a lel agñ ekpèkp ab ab etñ -li dad wèl nine: «S'ègñ s'eb s'ij neny eke si k'ijm ob kaka eke si k'ibim Pól.

¹⁵Sica òny lele Sanedrèn ec'agñ ab ab, ibrmn kumada a eke k'oc Pól is òny; dàdr eke am erurir eke k'èkanin in e low ab em senyn senyn. Ey obi em a, si bebm sos eke si k'ibi'r gbuñ ke l'ów l'ok aña.»

¹⁶Gbekò Pól lisijow iyñ nyam iri asre ut a ec'odad a. N'im l'ey frutu lakp ab em l'ewar eyu.

¹⁷Ow ɔŋ Pɔl ɛsɲ sɾɔda eyɲ ekɲ yen ec'anym ɛsɛl ab ɛm e nyam ɛtɲ dad'r ninɛ: «Èwl ɲgbafɾeli na ɲ e kumada a ogɲ; n'ɔny low eke li ki dad ow.»

¹⁸Sɾɔda eyɲ ec'anym ɛs a oc'r ab im kumada a ogɲ ɛtɲ dad ninɛ: «Pɔl, sobel ɛm ɛs a ɛsɲ'm ɛtɲ dad'm eke mi k'is'ɲ ɲgbafɾeli na, n'ɔny low eke li dad'ɲ.»

¹⁹Kumada a ɔny ɲgbafɾeli a abu ab im saw ɛm, ɛtɲ am ibrm'n ɛsɛ: «Bla odad iy ki dad'm ee?»

²⁰Li dad ninɛ: «Jwifɛl nɛny okr af eke efi k'ibrm'ɲ oc Pɔl ow Sanedrɛn ec'agɲ ec'any af; -n'am iwr -li dad eke Sanedrɛn ec'agɲ a in am ɔl eke in k'ɛkan low ab ɛm sɛnyɲ sɛnyɲ.

²¹Gbɛkɔ k'ùb ɛl nawrɛ! Aɲke ɛl ɛm ec'agɲ ekɲ yony ek'afɲ ɛs b'ow lɔl ɛs ɔny'n. - L'ɛgɲ -l'eb -l'ij nɛny eke -li k'ijmn ob, -l'ɛgɲmn mij toɲ ke -l'ibi ow. Caca ɛm a, -li bɛbm sos, -n'am eku ɲ ec'odad ebl ɛɛ.»

²²Li dad ɲgbafɾeli a ninɛ: «Kì dad odad na eke dad'm a k'ok ɛgɲ kaka.» ɛtɲ kumada a ɛlu'l ɛs n'im.

Wɛl oc Pɔl im ɛs ɛw ɛs Felis ec'any af

²³Ow e jam a, kumada a ɛsɲ in e sɾɔda eyɲ ekɲ yen ec'anym ɛsɛl ab ɛm e yony ɛtɲ li dad wɛl ninɛ: «Àsr sɾɔda eyɲ agɲ ekɲ lɛw, gbɛɲkɔ af uyu ɛsɛl agɲ ekɲ nyahan lele lɛw, lele mpioro ɔwl ɛsɛl agɲ ekɲ lɛw ab luku ke ɔny fɛɲ bɛbm sos imn Sesare ncebles e wanci libarm ɛm.

²⁴Sigbɛɲkɔ a yeji eke k'oc Pɔl im sɛnyɲ sɛnyɲ ɛs ɛw ɛs Felis ogɲ a, bɛbm ɛl sos.»

²⁵ɛtɲ kumada a nɔn lɛl na:

²⁶«Klod Lisias am ɛsɲ in ec'es ɛw ɛs mamn Felis.

²⁷Jwifɛl ɔny ɛgɲ na aam ibi; eke m'iri eke l'el Rom iy tasi a, m'im ɛm e sɾɔda eyɲ ab ab m'ɛdɲ in abu any ɛtɲ m'eb m'ɛlu'l ɛs.

²⁸Eke m'erur eke mi k'uw low a sosiem eke Jwifɛl am ok'r ów af ab any a, m'oc'r m'im ɛl e Sanedrɛn ec'agɲ a ec'any af.

²⁹M'ɛkn eke ów a eke -n'am dad -l'ok ow af a, ɛl ɛl obi ɛm ec'ol a ec'ów, gbɛkɔ wɛl ɔtum ɛɲnm low ɔbr ek'ow ɛm li k'ɛɲn luw oglog ke wɛl ɛlu'l sobel ɛm.

³⁰ɛtɲ eke wɛl ɛwar'm eke Jwifɛl am ut in ec'asre a, m'erur eke mi k'oc'r m'is ɲ ɛtɲ m'ibrm agɲ a ek'am ok'r ów af a eke k'ɔɲ'n dedeku ɲ ec'any af.»

³¹Sɾɔda eyɲ a ɛlum ol a eke wɛl ɔɲ ɛl a: -l'oc Pɔl ɛtɲ ncok ɛm -l'ɛwl ow toɲ -l'ok Antipatris.

³²Lɛgɲ b'eny a, sɾɔda eyɲ a ek'im lakr ɛm a, ɛwl ow frutu lakp ab ɛm ɛtɲ ɛlu gbɛɲkɔ af uyu ɛsɛl ab ɛs aam usu a Pɔl ab.

³³Eke -n'imn -l'okr Sesare a, gbɛɲkɔ af uyu ɛsɛl a oc lɛl a ɔɲ ɛs ɛw ɛs a ɛtɲ -l'oc Pɔl -l'ɛlu ow abu ɛm.

³⁴Es ew es a awl lel a etj ibrm Pɔl wus yec'af ec'egj eke li k'el a. Eke l'iri ek'ow el Silisi wus af ec'egj a,

³⁵li dad ow nine: «D ec'agj a ek'am ok'j ów af a b'ow ow a, m'ow m'ibrm'j low.» Etj n'ɔj abusu eke wel k'ew Pɔl es Erɔd ec'el gbɛl ab em.

Erm esɛl ec'ob kok e lel 24

Jwifɛl am ok Pɔl ów af Felis ec'any af

¹Segj yen b'ec a, egb waw es ligbɛl Ananias ow Sesare agj ekpekp beb ab lele awoka nyam eke wel b'esj Tertulus ab. -L'ow es ew es Felis ec'any af eke -li k'ɔj Pɔl dedeku.

²Wel esj Pɔl, etj Tertulus am ok'r ów af sodad amua em: «Es ew mamn, j e nin em, s'am ir eb erm es ey em, etj j e nyimn senyn em anake ów amua tititj akpl ey ec'eb na ec'a.

³Segj fɛj, usu fɛj ec'ów eke si b'ejn a, s'am elu'j ow e bia erm nyam em.

⁴Gbɛkɔ m'erurm eke mi k'irmn'j lɛgj nɔnɔ, na sosiem anake m'am njɔn j ek'erm k'ey j es, ke íri ey ec'odad a; ow k'ow ibnm.

⁵S'ekn ek'egj na el egj em e nuɔj: li b'is odad wus na nimum eci Jwifɛl ab em, etj l'el Nasariɛl ec'ogog a ec'es ew es.

⁶L'ew eke li ki njɔn Nyamel gbɛl a sos; ow sosiem s'ew'r abu af. [S'erur eke si ki jej in e low s'ok ey ec'ol ab em,

⁷kɔ kumada Lisias edjɔn abu any etj lɛc em l'eb ow ey ec'abu em.

⁸N'ɔj abusu eke agj a ek'am ok'r ów af a k'ow j ec'any af.] Eke ibrm'n low, ɔtu eke j obi yeji k'uw low a tasi ek'ow sosiem s'am ok'r ów af ab any.»

⁹Jwifɛl a akr lebl af, dad ek'ow el low nawɛ.

Pɔl am ayal in e lís e low a Felis ec'any af

¹⁰Es ew es Felis ɔwl Pɔl abu eke ki dad odad etj Pɔl eb odad dad nine: «M'uw any eke akpo nɔnɔ em el eb na eci jej ok es, ow anake m'ɔny ɔmn ke m'am ow j ec'any af eke mi k'ayal sos a.

¹¹Esɛ elɛl eke ɔtu eke j obi k'otar akr ab af a, ow kokm segj lɛw yony afjm es eke m'ow Jerusalem Nyam nuɔj ign eci.

¹²Wel ejnm im m'atarm ów es Nyamel gbɛl a e gbugj a egj kaka fɛj ab, etj m'okm dedeku a al em Nyam nuɔj igj susu oglog eb ab em.

¹³Etj sicaca em a, agj amua k'ɔtum ayalm ów a eke -n'am ok'm af a e low.

¹⁴Gbɛkɔ low na gbɛ, j ec'any af, m'am m'egj m'eb: Es Kɔtɔkɔ Jesu ec'ejagb a ec'us em a, ke em lagjel e Nyam a anake m'am ign nuɔj a. Jwifɛl bi dad ek'ow el ejagb yadj, kɔ em m'ub ol e silɛl a lele kokoba ɔb esɛl e silɛl ab ab nawɛ.

¹⁵M'ony ɔmn ikɲ na Nyam em, ɔmn a eke el obi yeji -n'ɔnyn, eke Nyam b'ow igbm agɲ amamn lele eɲɲ ab luw em a.

¹⁶Na sosiem anake m'am atr sos es eke mi kokrm em sosi ów af Nyam ec'any af lele agɲ ec'any af ab a.

¹⁷Eke m'opi Jerusalem akpo nɔnɔ a, m'ewl meny m'im eke mi k'elum em ec'eb a abu os em, ke m'áp Nyam ob.

¹⁸Eke -n'ɛɲan'm Nyamel gbɛl a e gbugɲ a, ke m'uwar sos ayal ec'es gbɛgbɛl a ɲ; agɲ nɔnɔ anm em ab, ɛɲ sóg yeji anm.

¹⁹Gbɛkɔ Azi eci Jwifɛl nyam nyam anɲ yogɲ, ɛɲ blel -n'ɔnyn low em ab, el anake blel -n'inym es ɲ ec'any af aɲa ke -l'ok'm ów af a.

²⁰Oglog ek'agɲ amua ek'anɲ aɲa a ɛkn low ɲɲ eke mi kok læɲ a eke m'anɲ Sanedren ec'agɲ a ec'any af a, -l'ɔtu eke -li ki dad.

²¹M'inym es el ec'any af m'igbl lebl ogɲ mi dad eke m'ub luw em anɲ igb e low nawrɛ; kɔ low na ɛ eci anake yefɛnyina wɛl inymn'm es ɔny ec'any af jej ok ec'ab ee?»

²²Felis ek'iri Ɛs Kɔtɔkɔ Jesu eci ejagb owi a ok es sos em senyn senyn a, oc jej ok a ɛw læɲ ejeci ɛɲ dad el nine: «Læɲ eke kumada Lisias b'ow ow a, m'ow mi dad ɔny ec'odad a.»

²³N'ɔɲ srɔda eyɲ ekɲ yen ec'anym ɛs a abusu eke k'ɛw Pɔl es sobel em, gbɛkɔ l'ɛw ow abusu es eke ow lawlɛl a ki kok ow e lís e low.

Pɔl anɲ Felis lele Drusiy ab ec'any af

²⁴Sɛɲɲ beb b'ɛc a, Felis lele ɛy Drusiy Jwif yɔwi ab ab ow. N'ɔɲ wɛl ɛɲ Pɔl ow ɛɲ n'am iri ɔmn eke ow ɔny Jesu Krist em a ec'odad.

²⁵Gbɛkɔ eke Pɔl ɔb nuɲ am dad es an mamn ec'odad, sos es ɔnyn e low lele jej ok e læɲ e low ab a, ow am ɔr Felis ɛɲ li dad nine: «Sica ɔtu eke k'im gɔɲ. Læɲ eke m'ow m'ɛɲn abusu a, m'ow m'ewl m'ɛɲɲ.»

²⁶In ec'ɔmn em a ke Pɔl b'ow ɔɲ'n os; na sosiem anake sakp nɔnɔ li b'ɛɲ Pɔl ow ot nɛnym in ab a.

²⁷Ɛben ɛben a ɛ tɔɲ akpo yony ɛc, ɛɲ Pɔrsius Fɛstus usr Felis usu ɛsɛ es ɛw ɛs af. Eke Felis erur eke k'eb sɔɲ Jwifɛl ogɲ a, l'ɛw Pɔl es sobel em.

Ɛrm ɛsɛl ec'ob kok e læl 25

Pɔl anɲ es ɛw ɛs Fɛstus ec'any af

¹Sica Fɛstus ow ɛy in eci wus ab af eb juma; kpɛkɲ ek'ow ij sɛɲɲ nyahan a, l'igb Sesare l'uyu n'im Jerusalem.

²Egb waw ɛsɛl ɛgbɛl a lele Jwifɛl ec'any ɛsɛl tasi ab ab ow in ogɲ a am ok Pɔl dedeku es. -N'am at -l'ibrm ow

³Eke ow k'egh el nenym on Pól ow Jerusalem; tasi em a, -l'ut Pól ec'asre etj -l'erur eke -li k'ibi ow ejagb us ab em.

⁴Gbəkɔ Festus dad nine: «Pól anj sobel em Sesare etj; em obi yeji ow k'ow ibnm m'ow m'ewl m'im yogh.

⁵Ow akpl ke ony e any esel a ów ewl'm Sesare ke ek'egh ikj na kok low ñuñ a, ókar ir dedeku es.»

⁶Festus kok segh niwn oglog segh lew ce el ab, etj l'ewl n'im Sesare. Legh b'eny a, n'im jej ok em etj n'on abusu eke wel k'oc Pól ow.

⁷Eke Pól ow a, Jwifel a ek'anj Jerusalem ow a, elul il em etj am ony yadh egbel ok'r af ek'el obi yeji -l'otumn eke -li k'ayal.

⁸Gbəkɔ Pól am doghn sos dad ese: «Mi kokm low obr kaka Jwifel ec'ol a e lís, Nyamel gbél a e lís lele Sesar e lís ab.»

⁹Festus ek'erur eke k'eb sodh Jwifel ec'any af a, ibrm Pól nine: «Erur eke k'im Jerusalem wel jej low na ok em ec'any af ee?»

¹⁰Pól dad nine: «Aña eke m'inym es a, el Sesar eci jej ok usu nyam, etj anja anake wel ki jej em e low ok a. Ese eled eke ñ obi ñ obi uw any ab af a, mi kokm Jwifel low ñuñ kaka.

¹¹Eke mi kok low ek'ow em mi k'uw, ke m'egbrm eke mi k'uw. Gbəkɔ eke ów a eke -n'am dad -l'ok'm af a elm nawre a, egh kaka k'otum ocm im om el. M'am ibrm eke mi k'ekn Sesar!»

¹²Sica eke Festus dad ów in ec'ów om esel ab ab bake ow uwr a, li dad nine: «Ibrm eke k'ekn Sesar, b'ow im in ec'any af.»

Pól anj Agripa lele Berenis ab ec'any af

¹³Segh beb b'ec a, eb ebu Eród Agripa lele lisijow Berenis ab ow Sesare eke k'esgh Festus.

¹⁴Eke -n'anjn yogh -li kokr segh nono a, Festus dad Pól ec'odad ok Agripa. Kin odad a: «Egh nyam anj anja eke Felis ew es sobel em.

¹⁵Eke m'im Jerusalem a, egb waw esel egbel a lele Jwifel ec'agh ekpekp ab ab ok'r dedeku es etj ibrm eke mi k'ob'r low.

¹⁶Mi dad el eke ow ecam Rom eyñ ab eke k'elu egh eke wel am cior ab es on agñ eke ok'r dedeku es a, eke l'obarm any wel ab; ow it eke wel k'on'n abusu li dad in e cior a ec'odad ye.

¹⁷Ow sosiem -l'ow anja em ab etj m'irnm legñ; eke legñ eny a, m'im jej ok usu a etj m'on abusu eke wel k'oc egh a ow.

¹⁸In eci cior esel a ow, gbəkɔ -li cior ow ów enñ a ek'ow em m'on tutr a e kaka af.

- ¹⁹-L'atar ów es ow ab el obi eci Nyam nuñ igñ owi em lele egn nyam eke wel b'esh Jesu eke uw ke Pól am at dad eke ow'n n'anñ ovr a e low af.
- ²⁰M'uwm elel eke mi ki kokr low nene em ab any; na sosome anake m'ibrm Pól eke k'im Jerusalem yec'etñ ke yogñ wel jéj low na ok a.
- ²¹Gbeko Pól egnm; l'ibrm eke li k'el sobel em es toñ ke Sesar ony low dad'r. M'onñ abusu eke wel k'ew'r es toñ ke m'onñ'n n'im Sesar ogñ a.»
- ²²Agripa dad Festus nine: «M'erur tasi ek'em obi yeji mi k'iri egn na nenym.» Festus dad nine: «Efi b'ow iri'r nenym.»
- ²³Legñ b'eny a, Agripa lele Berenis ab ow agñ ek'us any ab etñ ok luku as usu a ec'arabu ab em kumadael lele eb ab em ec'any esel ab. Festus ibrm eke wel k'oc Pól ow.
- ²⁴Etñ li dad nine: «Eb ebu Agripa lele ony feñ eke anñ anja ey ab a, am ekan egn na: in sosome Jwifel nono ow ekn'm Jerusalem lele anja ab, etñ am dad ek'ow'n k'anm ovr ij.
- ²⁵Em gbé, m'ekn eke li kokm low kaka ek'ow em li k'uw. Gbeko eke in obi l'ibrm eke li k'ekn Sesar a, m'egñ m'eb eke mi k'onñ'n n'im yogñ.
- ²⁶M'onym low tasi eke mi ki non in e nuñ af m'onñ Sesar; na sosome anake m'oc'r m'ow ony ec'any af, ñ eb ebu Agripa ec'any af tasi, yec'etñ ke wel b'ibrm'n low, ke m'onny low nyam mi non.
- ²⁷Ow am ew'm es adñ sos em eke tasi em a, wel k'oc sobel em es im Rom, ke wel k'ayalm ów a sosome eke ow af wel am cicr'r a!»

ERM ESÆL EC'OB KOK E LÆL 26

Pól am dad odad dogñn sos Agripa ec'any af

- ¹Erod Agripa dad Pól nine: «Abusu eru'ñ es eke ki dad odad dogñn sos.» Etñ Pól igbl abu ogñ am dogñn sos sodad amua em:
- ²«Eb ebu Agripa, sos em am iñn'm eke yefenyina mi k'ow ñ ec'any af mi dad odad mi dogñn sos ów a feñ eke ow af Jwifel am cicr'm a eci.
- ³Tasi em a, uw Jwifel ec'eb ir owi lele el eci ów es atar ab ab any. Ow sosome, m'am ñonñ'ñ eke k'iri em ec'odad a erm es ok em.
- ⁴Em eci ngbafre em etñ ec'es eke m'an a, Jwifel feñ uw any; -l'uw elel eke nuñ ob em etñ m'iir em ec'eb a ec'arañ lele Jerusalem ab ab any.
- ⁵-L'uw'm any legñ kpekpe; eke -l'erur, -l'otu eke -li ki dad low nawre: m'el Farisiel ec'ogog ec'egñ ek'el e Nyam nuñ igñ owi ew tuotu akm el lawlel a feñ ec'a.
- ⁶Etñ sicaca em m'anñ jej ok ec'any af anke m'onny onm Nyam e low a ek'ewar ey lagñel ew es ab em.

⁷Ɛy ec'eb lɛw yony a ec'agɲ a yeji am ɔmn ɛwar na eke k'ey ɔkm; ow sosiem -n'am igɲ Nyam nuɲ ari at ɛm, ncok lele lɛgɲ owr ab. Ɛb ebu Agripa, ɔmn ikɲ na sosiem ec'anake Jwifel am ok'm ów af a!

⁸Ɔny Jwifel, ke Nyam ígbm agɲ luw ɛm a, bla ɛtɲ am ubr ek'ow el low ek'ɔtu ee?

⁹Ɛm obi yeji, lɛgɲ sig ɛm a, m'ony tutr eke akunda kaka fɛɲ ɛm ow akpl eke mi k'ogɲ Nasaret e Jesu e nin a ar.

¹⁰Low na anake mi kok Jerusalem a. Egb waw ɛsɛl ɛgbɛl a ɔɲ'm abusu akpasu mum nyam eke mi k'ok ɔmn ɛsɛl nɔnɔ sobel ɛm, ɛtɲ mi b'ɛlu abusu es lɛgɲ eke wɛl b'ɔb ɛl low luw ec'a.

¹¹Sakp nɔnɔ mi b'im Nyam nuɲ igɲ susu m'ɔɲ wɛl ijr ɛl gbɛɛ yec'ɛtɲ ke -l'ɔwr sar ɛl ec'ɔmn ɔny ab ɛm. Ɛl ec'erm bebl eke m'ony a agb nɔnɔ, toɲ ow b'ɔɲ m'im sɛb ɛjɛc'ɛm m'ijr ɛl gbɛɛ.»

¹²«Ɛben lɛgɲ nyam egb waw ɛsɛl ɛgbɛl a ɔɲ'm abusu eke mi k'im Damas mi kok juma.

¹³Ɛb ebu Agripa, m'us ɛjagb ɛtɲ lɛgɲ uyu nuɲ ɛm a, m'ɛkn usuayl ek'anɲ afr am ɛjn ow; jɛjn a afɲn ligbn ec'ab es, ɛtɲ am ok ɛm lele agɲ a eke ɛl ab m'us ɛjagb ab ab af.

¹⁴Ɛy fɛɲ s'ok wus ɛtɲ m'iri lebl nyam ek'am ikɲ dad'm Ebre ɛm ɛsɛ: “Sɔl, Sɔl, bla ɛtɲ am ijr'm gbɛɛ ee? Kɔ bla ɛtɲ am ɛlu lɛc ɔkm ɛsɛ id eke in ec'es ɛw ɛs b'iyɲ likɲ af ee? Lɛc ɔfr ɔfr cɛ am ij.”

¹⁵M'ibrm m'ɛsɛ: “Ɛgɲ gbɛl, kɔ bwo el ɲ ee?” Ɛtɲ Ɛs Kɔtɔkɔ dad nine: “Ɛm Jesu a eke am ij gbɛɛ a.

¹⁶Sica ìgb inym es. M'ɛlu sos ɔkm mi yɛgm'ɲ eke mi k'oc'ɲ el ɛm e juma kok ɛs; b'ow ij ɛm e danɲu dád ok agɲ eɛl eke ɛkan'm yɛfɛnyina, ke dád yec'a eke ɛmeny m'ow mi yɛgm'ɲ a yeji.

¹⁷M'ow m'ɔsu'ɲ Jwifel ec'any af lele agɲ ɛjɛc'a eke m'ow m'erm'ɲ ɛl ogɲ ab ab ec'any af.

¹⁸M'am erm'ɲ eke k'im fig fig ɛl anyamn, ɔny ot ɛl es ncebn ɛm ot ok ɛl usuayl ɛm, Satan ec'abusu ab ɛm eke -n'anɲn a ot ɔɲ ɛl Nyam. Eke -li b'ony ɔmn ɛm ɛm a, -li b'ow -n'ɛɲn ɛl e sikpl a ec'oc ap lele es sig usu nyam agɲ a ek'el Nyam ec'ab ab.” »

Pɔl am dad in e juma e li kok a ec'odad

¹⁹«Ɛb ebu Agripa, ɛben a, es ɛkn owi a ek'anɲ afr ow ke m'ɛkn a, m'ɛgbrm ow e low ij.

²⁰Kɔ m'ikɲ anym mi dad Nyam odad m'ok Damas ec'agɲ a lele Jerusalem ec'ab ab, Jude ec'agɲ a lele ɛb ɛjɛc'ɛm ec'agɲ ab; ɛl fɛɲ, m'ibrm ɛl eke -li k'itɲn erm ɛm, -l'ɛwl -li lɛr Nyam, ke -li kok ów eke bi yɛgm ɛl ec'itɲn ikɲ na tasi a.

²¹Na sosiem anake Nyamel gbɛl a e gbugɲ a eke m'anɲ a, Jwifel ɔny'm ke ɔl eke k'ibi'm a.

²²Gbeko Nyam osu'm toŋ it yefenyina etŋ m'anŋ eke mi k'ij danŋku agŋ feŋ ec'any af, k'ow el agŋ ek'onŋ any, k'ow el agŋ ek'onŋm any. Mi dadm odad ejeci ek'ow elm kokoba ob esel lele Mois ab ec'a eke dad eke b'ow ey a ce:

²³Mesi a b'ow ij gbre, b'ow el egŋ krekre ek'igb luw em, b'ow ob usuayl a e kokoba ok ey ec'eb a lele ebr ejeci ec'agŋ ek'elm Jwifel a.»

Pɔl am ibrm eke Agripa k'ub nawre

²⁴Eke Pɔl am dad ow in e sos dogŋn ec'a, Festus barm'n es lebl tuotuo em nine: «Pɔl, nuŋ em am uŋ'ŋ! Wewr lel nono toŋ ow am ew'ŋ nuŋ em uŋ!»

²⁵Pɔl dad'r nine: «Egŋ gbɛl, nuŋ em uŋm'm. Sodad a eke m'am dad a el nuŋ em es ok e sodad lele low nawre tasi ab.

²⁶Eb ebu Agripa otar ow amua akr uw any, ow sosiem in ec'any af m'otu eke mi ki dad omn em. M'uw any tasi eke l'uw ow a feŋ any, anŋke ow elm es lol em e low.

²⁷Eb ebu Agripa, kokoba ob esel ec'odad a eke dad a ub nawre ee? M'uw any ek'ub nawre!»

²⁸Agripa dad Pɔl nine: «Am tutr eke legŋ tel na em ce otu eke k'itŋn'm m'el kretien ee?»

²⁹Pɔl dad'r nine: «K'ow el legŋ tel em oglog seŋŋ nono em, m'am ŋoŋŋ Nyam ek'ow k'elm ŋ sonŋ ce, ko onŋ feŋ ek'am irir em ec'odad yefenyina a anake k'anŋŋ ese el el eke m'anŋŋ ab af a, ko ŋgbraka amua gbɛ k'anm em!»

³⁰Eb ebu a, es ew es a, Berenis lele agŋ a eke -n'anŋŋ yogŋ ab ab igb,

³¹etŋ eke -n'imn saw em a, -n'am dadarir el ofr em -l'esɛ: «Egŋ na kokm low obr owi ek'ow em li k'uw, oglog k'ow em wɛl elu'l sobel em.»

³²Etŋ Agripa dad Festus nine: «Blɛl egŋ na ibram eke k'ekn Sesar ana, ke blɛl wɛl elu'l es.»

ɛrm esɛl ec'ob kok e lel 27

Wɛl am ewl Pɔl Rom

¹Sica wɛl egŋ eb eke si b'ow s'im Itali mijetŋ em eci. Wɛl oc Pɔl lele sobel em esɛl ejeci beb ab abul srɔda eyŋ ekŋ yen ec'anŋm es nyam eke wɛl b'esŋ Julius. L'el Rom eci srɔda eyŋ a ec'eb a eke wɛl b'esŋ “Sesar Ogust eci eb” a ec'anŋm es.

²S'ok Adramit eci mijetŋ nyam eke k'imn Azi e manu a ec'a, etŋ s'im. Aritak yeji anŋ ey ab; l'el Tesaloni, Maseduan wus af a ec'egŋ.

³Eke legŋ b'eny a, s'ow s'ok Sidon. Julius eke am onŋ Pɔl senyn senyn a, onŋ'n abusu eke li k'im l'ekn lawlel yec'etŋ ke wɛl kók in e lís e low.

⁴Eke emeny s'anŋ yogŋ s'igb s'aam a, s'aru Sipr lekr a eke b'edŋŋ lef any a, anŋke lef am elu obr ey.

- ⁵S'ubr okij a eke titm Silisi wus lele Panfili wus ab a, etj s'im s'ok Mira, Lisi wus af.
- ⁶Yogñ, Julius eñ Alesandri eci mijetj nyam ek'aam Itali etj l'ot l'ok ey em.
- ⁷S'us mij pete pete segñ nono etj gbre em kpa, s'im s'ok Nid bañ any af. Eke lef a yebm ey eke si k'okj any s'im kpekpe a, s'ecr wus a ek'usm owr Salamone eb a ec'a s'ok Kret lekr a ec'esr em a eke b'edjn lef any a.
- ⁸Gbre em eben, s'aru ligigl a s'im s'ok usu nyam eke wel b'esj Manu Amamn, ek'anj Lase bañ saw.
- ⁹S'irmn legñ nono, etj mij us a yeji am ew tuotuo anke lakpo am uwr. Ow sosiem Pol am ewar el dad ese:
- ¹⁰«Agñ lawlél, m'am ekn eke usu im a b'ow ew tuotuo: mijetj a lele serekp ab ab b'ow unj, etj ey obi yeji s'otu eke si k'uw.»
- ¹¹Gbeko sröda eyñ ekñ yen ec'anym es a ony omn mijetj nyimn es a lele mijetj es ab ab em akm Pol e sodad a.
- ¹²Etj emeny nanu a akplm eke letj k'anj yogñ lefr legñ iy na em. Na sosiem agñ nono a ek'anj mijetj ab em a erur eke k'igb yogñ: -l'erur eke -l'otu, ke -n'im -l'ok Fenis, Kret eci nanu nyam eke okñ esr em eci nemn ogog a lele afr em eci nemn ogog ab ab. Yogñ anake -li k'anj -l'ubar lefr legñ iy a.

Lef ligbel ey okij ab af

- ¹³Esr em eci lef a am elu pete pete, etj -n'am tutr eke el eci tutr a b'ow ey af. -N'oj mijetj a aam etj am aru Kret eci ligigl a saw saw.
- ¹⁴Gbeko wanci ab af ce lef ligbel nyam eke wel b'esj "afr em e lidr ogog e lef" anj lekr a e mafeny ab em am elu ow.
- ¹⁵Lef a oc mijetj ab ab aam: ow ew tuotuo eke wel k'onj mijetj ab es, etj si yeb ow oc ey ab im.
- ¹⁶S'ecr esr ogog eci lekr lij nyam eke wel b'esj Koda a, etj ow edjn ey abu any. Gbre ij kpa em, s'otu s'onj es eb elu e letj likekli a ek'ucur mijetj gbél a.
- ¹⁷Mij esel a ewl oc elu'l mijetj ab em. Sica -l'oc meb -li cucu mijetj gbél a -l'elul em. Eke -n'am uru eke li k'im -l'itr es mrici af Libi ogog a, -l'elu dondo nuñ a erñ etj -li yeb lef a am oc el ab im.
- ¹⁸Lidgbegb a abu anj em am elul ey tuotuo toñ legñ enyn ey etj -n'am ot serekp a -l'ok erñ.
- ¹⁹Legñ b'eny akr af a, el obi ec'abu em -l'ot mijetj a e mob a -li wowl erñ.
- ²⁰Segñ nono eke wel eknm ligbn, eknm mílél etj lidgbegb a abu anj em am elu lec em ce. S'onym omn kaka eke si b'ow s'otu s'anj owr.

- 21**Lęgŋ kpekpe ek'agŋ a ek'us mij a ijm ob kaka. Pɔl igb ɛl ec'any af ɛtŋ am dad ɛl ɛsɛ: «Agŋ lawlɛl, blɛl irir ɛm ec'odad a eke m'am dad eke si k'ókmm ɔkm Kret a, ke blɛl s'ɔbrmn es abur na, s'irmnmm mob.
- 22**Gbɛkɔ sicaca ɛm a, m'am ibrm eke k'ɔny ɛrm susu, aŋke ɔny ɛm ec'ęgŋ kaka k'ow irmmm in e sel a, kɔ mijetŋ a sɔny coco ɛɛ b'ow uŋ.
- 23**Tasi ɛm a, ncok a ɛm e Nyam a eke mi bi kok in e juma a ec'afr ɛrm ɛs nyam ow'm saw
- 24**ɛtŋ dad'm ninɛ: “Pɔl, ɛrŋn k'ɔny'ŋ! Ow it eke k'im Sesar ec'any af, ke Nyam ec'erur a eke ɔny ŋ ec'a sosiem, li sɔg agŋ a ek'us mij ŋ ab a.”
- 25**Na sosiem, agŋ lawlɛl, ɔny ɛrm susu aŋke m'ɔny ɔmm Nyam ɛm: ow b'ow el ɛsɛ elɛl eke li dadr'm ab af.
- 26**Gbɛkɔ si b'ow s'uŋ s'inym es lekr nyam af.»
- 27**Ncok lɛw yar ɛm eke s'anŋ mij af ke lidgbegb a am oc ɛy ab im Mediterane eci okij ab af ana. Ncok eci lęgŋ uyu nuŋ ɛm, mij ɛsɛl a am ɛkn ɛsɛ wus ɛɛ wɛ'n am titm af.
- 28**-L'ɛlu meb eke wɛl ucu ob leg leg ɛrŋ eke -li ki bɛbmm ɛtŋ -l'ɛkn eke mij a eci sibn a ij abu likŋ lele lɛw lɔbŋ ab; -li b'im kpekpe tɛl a, ɛmɛny -l'ɛlu meb a ɛrŋ ɛtŋ yogŋ ow ij abu likŋ lele niwn ab.
- 29**-N'am uru eke mijetŋ a k'ɔb lob, ow sosiem, lɛtŋ jam a -l'ɛlu magbis yar ɛrŋ eke -li k'ɔny lɛtŋ ab es, ɛtŋ -n'am eku es ogŋ ɛm eke lęgŋ k'eny.
- 30**Mij ɛsɛl a am ɔl eke k'ok ɔkm lɛtŋ ab ɛm; -l'usm es eb ɛlu e lɛtŋ ab es ɛrŋ ɛtŋ -n'am ub nyandre -l'ɛsɛ: «S'aam lɛtŋ a ec'anym a s'ucur lɛtŋ es ɔny ob ab es.»
- 31**Gbɛkɔ Pɔl dad Julius lele srɔda ɛyŋ a ab ab ninɛ: «Eke agŋ amua anm mijetŋ ab ɛm, k'ow ɔtumn anmn owr.»
- 32**Ow sosiem, srɔda ɛyŋ a bubr simeb a ek'ɔny es eb ɛlu e lɛtŋ ab es a ɛtŋ -li yɛb ow im.
- 33**Gbuŋ ke usu ót es a, Pɔl ibrm ek'agŋ a fęŋ k'ij ob ɛtŋ am dad ɛsɛ: «Kin, yɛfɛny na ab a, sęgŋ lɛw yar eke am ekur ɛrm mij ab ke k'ijmm ob kaka.
- 34**M'am ibrm eke k'ijr ob aŋke ow el ɔny e sel ɛrŋ eci. ɔny ɛm ec'ęgŋ kaka k'ow irmmm in e sin nuŋ a e nyam.»
- 35**Eke li dad ów amua uwr a, l'oc futufutu, l'ɛlu Nyam bia wɛl ec'any af, l'ubr ɛm ɛtŋ n'am ij.
- 36**Agŋ a fęŋ sos at es ɛtŋ ɛl yɛji -l'ij ob a.
- 37**ɛy fęŋ eke s'anŋ mijetŋ ab ɛm a, s'ij agŋ ekŋ yen yen sakp yony agŋ ekŋ nyahan agŋ lɛw nɔhɔn.
- 38**Eke -l'ijr ob molok iy ɛl a, -l'ot egb a eke -l'otr ab -n'aam a -l'ok ɛrŋ eke mijetŋ a k'ɛw fuɛfuɛ.

³⁹Eke legŋ eny a, mij esel a uwm wus a eke -li titmn ab any, gbekɔ -n'am ekn wus ek'usm ew loy k'elu mrici etŋ -l'erur ek'abusu eru es, -l'itr mijetŋ ab es yogŋ.

⁴⁰-Ni mɔmu magbis ab es -l'ok erŋ, etŋ -ni mɔmu metŋbar eke wɛl bi nyiman letŋ a e simeb a yej'es. Eɓen a, -l'ew gbad letŋ neny a eke lef k'itr letŋ a, etŋ -n'imn mrici a ogŋ.

⁴¹Kɔ -n'im -l'obr sɛc ek'anŋ mij any yony ec'araŋ etŋ mijetŋ a abal inym es yogŋ. Letŋ anym a emn mrici ab em etŋ otum iim ij, etŋ mra am bɔbm letŋ jam ab es lec em.

⁴²Srɔda eyŋ a am erur eke k'ibi sobel em esel a yec'etŋ ke el em ec'egŋ kaka k'ábŋm mij eym okm.

⁴³Gbekɔ Julius a am erur eke k'eb Pɔl elu es, etŋ l'edŋn wɛl eke -li ki kokmn low a eke -n'onyn ow e tutr a. N'onŋ agŋ a eke b'abŋ mij a abusu eke k'ikŋ anym ok erŋ im ákpaf;

⁴⁴agŋ likpr a ot ɔgɔg og oglog mijetŋ a eci mob ekpr a us el jam. Eɓen ek'agŋ a feŋ im itr es ke sos irm es ana.

Erm esel ec'ob kok e lel 28

Pɔl anŋ Malt lekr em

¹Eke sica s'ok okm es abur na em a, s'iri eke wɛl b'esŋ lekr a Malt.

²In ec'eb eyŋ a eb ey senyn senyn, etŋ eke mij am an ok wus ke lefr yeji am ow a, -li fuf al ligbel nyam ek'ey feŋ s'iwr s'elul em.

³Pɔl oc milɛl eke wɛl abal eke k'ok al, kɔ al a onŋ lorŋn ey okm arum'n abu ab.

⁴Eke lekr a ec'agŋ a ekn lorŋn ek'arum Pɔl abu ab a, -n'am dad el ɔfr em -l'esɛ: «Egŋ na egŋ ibiu tasi; l'ey okm okij ab em, kɔ Nyam em e jej ok a ɔɔm abusu eke li k'anŋ owr.»

⁵Gbekɔ Pɔl ufŋ abu es owl lorŋn a alm, etŋ ob kaka kokm'n.

⁶Agŋ a am eku eke k'ekn'n l'ew oglog l'ey luw kpru em. Gbekɔ eke -l'ekur ow ibn ke -l'ekan eke ob kaka kokm Pɔl a, -l'itŋn tutr etŋ -n'am dad ek'ow el nyàm mum nyam.

⁷Saw yogŋ, lekr a ec'es ew es gbɛl a eke wɛl b'esŋ Publius a ec'usu anŋ. Egŋ ikŋ na eb ey erur em etŋ onŋ ey es eru usu toŋ seŋŋ nyahan.

⁸Publius es a eru es anke lefr ol am ony'n etŋ n'am ɔs sob yeji. Pɔl im ekn'n, at'r abu nuŋ, ŋonŋ Nyam onŋ etŋ ewlm'n.

⁹Na b'ec a, lekr a ec'ólú ejec'a yeji ow etŋ -l'ewl.

¹⁰Agŋ a elu el ec'elum feŋ okm ey e lís, etŋ wanci a eke s'am ow s'igb s'im a, -n'onŋ ey ob feŋ ek'it usu imm ec'a.

Pɔl im ey Rom

¹¹Eke ow kok awl nyahan a, s'eb Alesandri eci mijetj nyam eke anj lekr ab em lefr legj iy a nimum a s'im. Wel b'esj mijetj a "Sinyam Oli".

¹²S'ow s'ok Sirakus ec'eb ab em, s'anj yogj segj nyahan.

¹³Yogj s'ecr ligigl a eci s'im s'ok Rejio eb em. Legj b'eny a, esr em eci lef a ob nuj am elu etj s'eb segj yony s'im s'ok Pusol.

¹⁴Eb ab em, s'ejn agj lisijimel ek'ibrm eke si k'anj el ab segj lobj, etj sica s'igb s'aam Rom.

¹⁵Rom ec'agj lisijimel a iri ey ec'amani etj ow toj ok usu eke wel b'esj Apius ec'An Ol Usu a ey ec'obr eci. Agj ejeci ejn ey usu eke wel b'esj Ejanin Usu Nyahan a. Eke Pol ekn el a, l'elu Nyam bia etj sos at'r es.

¹⁶Eke s'ow s'ok Rom a, wel oj Pol abusu eke k'ir in ogj a ke sröda iy nyam am osu'r.

Pol am dad Nyam odad Rom

¹⁷Ow bi kok segj nyahan a, Pol ew Rom eci Jwifel ec'es ewel a abu in ogj a. Eke -l'asr luku a, Pol dad el nine: «Agj lisijimel, mi kokm low njj ey ec'agj a e lis, ey lagjel a ec'eb ir owi e lis etj wel ew'm abu af Jerusalem, oc'm oj Rom eyj.

¹⁸-L'ibrm im ow etj -l'erur eke -li k'elu'm es ajke em em a, -n'ejnm low ek'ow af -li k'ob'm low luw eci.

¹⁹Gbeko Jwifel a erurm etj ow oj m'ibrm eke mi k'ekn Sesar ke wel ebr em ec'odad ab em, ko ow elm em ec'eb a eke mi k'oj dedeku eci.

²⁰Kin low a sosiem eke m'erur eke mi k'ekn ony ke mi dad ony odad a. Tasi em a, m'anj njbraka na em egj a eke Israel ec'agj a b'onj omn in em a sosiem.»

²¹-Li dad ow nine: «S'ejnm j e lis e lel kaka eke k'anj Jude ow etj ey lisijimel kaka anm yogj owm tokjm ow okm ey oglog dadm ey j ec'odad njj.

²²Ko s'am erur eke ki dad low yec'a ek'am tutr a s'iri, ajke s'uw any ek'usu a fejn agj erurm Nyam eb na ek'anj em a e low.»

²³-L'ew legj nyam Pol ab etj legj a b'ow a, -l'ow nono -n'ejn ow yogj a eke l'ir a. Ibibr toj ncebles, Pol am otar ow a akr ok el: n'am dad wel Nyam ec'es ew a ec'odad etj Mois ec'ol a lele kokoba ob esel e silel a eke n'am dad ow ec'odad ab em, n'am ol eke li k'eb wel Jesu eci.

²⁴Agj beb ow a ok es sos em, ko likpr a ejjm eke k'ub nawre.

²⁵El ofr em a neny okrm el af, etj -l'igb -n'aam. Pol dad el odad na nine: «Abj Lala ony low ij tasi legj a eke n'am dad ony lagjel odad kokoba ob es Esayi e neny em l'ese:

²⁶Im dad agj amua a: Ow b'ow ok ony oru em senyn senyn, ko k'ow irimn; b'ow leer senyn senyn, ko k'ow eknmn.

²⁷Tasi em a, agɲ amua itɲɲ ɛw tuɔtuɔ; -li babl ɔru es, -li bubur anyamn, yec'etɲ ke el eci anyamn a k'ékɲm es, el ec'oru a k'irim ów, el e nuɲ em ɔny a k'ánm es, -l'ewlmn -l'owmn em ogɲ bake m'éwlm el.»

²⁸Pɔl igɲ af dad ninɛ: «Sica úwr any eke Nyam eci sel ɛɲn ec'odad a ow agɲ a ek'elm Jwifel a eci: el gbɛ, -li b'ow -l'iri!»

[²⁹Eke Pɔl dad ów amua a, Jwifel a el ɔfr am atar ów es im lebl tuɔtuɔ em.]

³⁰Pɔl anɲ êl a eke l'eb ab em akpo yony. Li b'eb agɲ a fɛɲ eke b'ow ɛkn'n a.

³¹Li bi dad Nyam eci es ɛw a ec'odad ɛɲ li bi yɛgm agɲ Ɛs Kɔtɔkɔ Jesu Krist owi ɔmn em tasi, ɛɲ ɛgɲ ɛdɲnm'n.

Rom eyη e ləl

Rom eyη e ləl 1

Ἐσην

- ¹Ἐμ Πῶλ Jesu Krist e juma kok ἔς, ἔμ μ'αμ αωη ὄνυ ləl na. Nyam ἔση'μ eke mi k'el erm ἔς ἔτη l'oc l'ἔw'm saw eke mi k'ob in ec'Amani Mamn a e kokoba.
- ²Amani Mamn na, Nyam ἔcr in e kokoba ob ἔsel ἔμ ἔwar ow e low god'ἔτη in eci Siləl lala ab ἔμ.
- ³Amani Mamn a am dad Jim Jesu Krist ἔy Ἐς Κοτοκο ec'odad. Yec'ek'el in e mew ἔμ ec'a, wəl ew'r ἔb ebū David, lagη ec'eb ab ἔμ.
- ⁴Eke Abη Lala igbm'n luw ἔμ a, Nyam yeγm eke l'el Nyam ec'Iy ek'ony abusu fηη.
- ⁵Jesu Krist kok'm bibm m'el erm ἔς, yec'ἔτη ke in e nin a e sos usr sosiem a, m'όη ebr ebr fηη ec'agη eke uwm Nyam any a, úb'r nawre ke óny in ec'elum.
- ⁶Óny yeji, anηη agη amua ἔμ, eke Jesu Krist ἔση ὄνυ a sosiem.
- ⁷Óny fηη eke anηη Rom a, ὄνυ eel Nyam ec'erm erur ἔτη l'ἔση ὄνυ eke k'ow anηη in ec'agη ab ἔμ, ke íir ἔb in eci. Ke Nyam ἔy Ἐς lele Ἐς Κοτοκο Jesu Krist ab ἔdη ὄνυ ówro ke óη ὄνυ erm ἔς ἔy!

Πῶλ am erur eke k'im ἔkn Rom e kretienel a

- ⁸M'am ikη anym m'ἔcr Jesu Krist ἔμ m'elu Nyam bia, ὄνυ fηη eci, aηke wəl am dad ὄνυ ec'omn a ec'odad wus nimum af.
- ⁹Tasi ἔμ a, eke mi b'ob Nyam Jim ec'Amani Mamn a, ke Nyam eci juma anake m'αμ kok ἔμ ec'erm fηη ἔμ a. ἔτη in, l'ij ἔμ e danke eke m'ópim ὄνυ ec'okn ἔμ e Nyam ηηηη fηη ἔμ.
- ¹⁰Mi b'ibrm'n seγη fηη eke li k'όη'm abusu m'ow ὄνυ oγη a, eke ow el in ec'erur tasi,
- ¹¹aηke ὄνυ ec'ἔkn am aw'm tasi yec'ἔτη ke m'ísm ὄνυ Abη Lala eci ob ap ab, ke ínymn ἔς kikri.
- ¹²Nawre tasi ἔμ a, k'aw ke mi b'ow m'ἔηη ὄνυ a, omn a eke ὄνυ lele ἔμ ab s'ony a, óη ke s'átarir sos ἔς.
- ¹³Agη lisijimel, m'erur eke k'uw r any eke sakp nōnō mi tutr eke mi k'ow ὄνυ oγη yogη, kō toη sicaca ἔμ a, m'otum m'ἔηnm ow ec'abusu. M'am omn eke ἔμ e juma a, ὄνυ oγη yogη yeji b'ow osu ey amamn ἔse ebr ejec'ἔμ ec'ab af.
- ¹⁴Ow it eke mi ki kok agη fηη e juma, Grēkel lele Barbarel ab, agη ek'uw low any lele agη eke uwm low any ab ab.
- ¹⁵Ow sosiem anake, ow am aw'm tasi eke mi k'ob ὄνυ Amani Mamn e kokoba, ὄνυ yeji eke iir Rom a.

Kin Amani Mamn a

16Tasi em a, Amani Mamn a ec'ob a onym im es, anke l'el Nyam e lec egɲ kaka feɲ ek'ub nawre a e soɔ eci: krekre em a Jwifel, ke sica agɲ ek'elm Jwifel a yeji.

17Amani Mamn a bi yegm elel eke Nyam b'ocr agɲ nyim nyim in ec'any af a: ow b'ob nuɲ omɲ a eke -li b'oc -l'elu ow em ab em etɲ ow b'uwr omɲ ab em ce. Ee, Nyam Lel em a wel b'awl: Egɲ yec'ek'el nyim nyim Nyam ec'any af a b'ow anɲ owr in ec'omɲ a eke l'oc l'elu ow em a sosiem.

Agɲ a ek'elm Jwifel a ony low obr Nyam ec'any af

18Afr kpekpe etɲ Nyam am elu in ec'erm bebl a okm anke agɲ el sikpl esel etɲ -li bi kok low ɲuɲ. El ec'ow eɲuɲ kok ab em, -li b'edɲn low nenyembri nyam eke ki kok low.

19Ee, low eke wel otu eke k'uw any Nyam e lis a, ayl el eci, anke Nyam in obi ayal oɲ el.

20Nyam ec'abusu a ek'onym nuɲ a lele feɲ a eke in obi in obi a l'el ab ab a, el ow nawre eke wel eknm. Gbeko legɲ a etɲ eke wel kok wus a, egɲ feɲ otu eke k'ekn el eke li bi ler ow a feɲ eke Nyam kok a. Ow sosiem a, agɲ onym sos dogɲn eb kaka ij.

21Tasi em a, -l'uw Nyam any, ko -l'usrm ow sos etɲ -n'om ow bia. Ke ow tasi ek'ow it eke wel ki kok Nyam ec'ana. Ko el e sow tutr a itɲn el nyamb e sow tutr, etɲ el ec'erm a eke low any uw anm em a, irmn usuayl a.

22-Li b'ocr el sosi esewru, ko -l'el eɲ em eɲuɲ esel.

23Ow a eke -li k'igɲ anygbel e Nyam a ek'uwɲ a nuɲ a, -l'igɲ ekɲ ekpr nuɲ. Ekɲ ekpr amua wel aku el n'anɲ ese egɲ eke b'uw, oglog or, oglog mindey ek'eli akr yar lele morɲn ab af.

24Ow sosiem a, Nyam egb el es -li kok el ec'erm em ec'ow eke b'aw el a, etɲ eben a el obi em, -li b'ibar el eci sos megl a es em.

25-N'onɲ Nyam e lis e low nawre a -l'itɲn ow yadɲ em, yec'a eke Nyam kok a -l'igɲ ow nuɲ etɲ -li kok ow e lis owi Kok Es a ec'usu a. Anygbel el in eci segɲ feɲ! Amen!

26Na sosiem anake Nyam egb el es -l'usr ow aw a eke b'onɲ el es a jam a. El ec'oyow a eruam egɲ ab ij, ko oyow ejec'ab -li b'eru, etɲ ow el low eke wel am kokm agɲ em.

27Egɲ yeji bi kok low nyam a ce. -L'eruamn oyow ab ij, ko el lawlel egɲ ec'erur b'aw el. -Li b'eru el egɲ ofr etɲ ow el es! Ow oɲ -li b'eɲn el obi em a es abur eke el eci es an ɲuɲ a ism ab.

28Eke -l'erurm eke -li k'uw Nyam any a, Nyam egb el es -l'us el eci sow tutr yadɲ a jam, etɲ -n'am kok yec'ek'itm eke wel ki kok a.

29Ów enyembri yony yony iy el em gbɔɲ. -Li bi kok low ɲuɲ, -li b'erur ob ek'el el lawlel ec'a, -l'el agɲ eɲuɲ etɲ nyamneyr iy el em gbɔɲ. -Li b'ibi agɲ, -li b'atar ow es, -li b'eju el lawlel etɲ -li bi kok low meju ec'abɲ ab. -Li bi dad ow eɲuɲ -l'ok agɲ af,

³⁰ετη -li bi cacak wel. -L'el Nyam ec'efnu, -li bi wewr el lawlɛl, es efu iy el em, -li b'ij neny, ετη -li b'ecr akunda fεη em -li kok low ηηη. -L'eluamn agη a eke ew el a.

³¹-L'el anyambu, -l'eluamn el eci neny eke -li b'ij a, ετη -l'el agη eke ɔnym erm lele ɔrη ikη ab.

³²Ke -l'uw Nyam eci jej ok ab any tasi ce. Agη a eke bi kok nene a it eke k'uw. Sica -li bi kok ów amua, kɔ emeny, -li b'erur agη a eke bi kok a yeji.

Rom eyη e lɛl 2

εγη eke bi jej lawlɛl e low ok a am ɔbr in sosi low

¹Ow sosiem anake, η eke bi jej awlηel ec'ów ok a, ke él Jwif, ke k'élm Jwif, η ec'a ɔnym sos dogηη eb kaka, aηke η bi jej awlηel ec'ów ok, kɔ bi kok εse el af! Na sosiem, eke bi jej el ec'ów ok a, ow el η sosi eke am ɔbr low.

²εε, ey s'uw any eke Nyam eci jej ok a el tasi agη eke bi kok nene a e lís.

³Ɖ bi jej agη a eke bi kok ów amua a ok, gbekɔ bi kok εse el af! Ɖ am ɔny ɔmn tasi eke Nyam eci jej ok a k'ow ɔbm'η low ee?

⁴Nyam ɔny erm mamn, li b'εγη low l'eb, ετη li b'eku low. Kɔ na anake erurm ab ee? Kɔ η, uwm any eke Nyam ec'erm mamn na am ɔη abusu eke k'itηη η ec'es an ab ee?

⁵Gbekɔ k'erurm eke k'iri, k'erurm eke k'itηη. Na sosiem anake am eb erm bebl ligbel ew es η e lís erm bebl e lεγη a ec'a. Lεγη a, Nyam b'ow elu ɔkm eke nenyembri nyam em li bi jej agη ec'ów l'ok.

⁶ετη li b'ow n'ɔη εγη εγη ec'ów eke kok a e yec'a ek'it a.

⁷Agη beb b'ucu ɔny es kok low mamn, yec'ετη ke -n'anη Nyam ec'anygbel ab em. -Li b'ɔl yej'eke Nyam ki susm el es, ετη -li b'ɔl owr anη a eke úwrm ab es. Agη amua, Nyam b'ow ɔη el -n'anη owr in ab seγη fεη eci.

⁸Agη beb b'ɔbr'r any, -l'eluamn low nenyembri nyam kɔ -li bi yeb low ηηη am nyimn el. Agη amua ec'a, Nyam b'ow yeγm el in ec'erm bebl ligbel a.

⁹Gbre lele erηη ab b'ow ɔny agη a fεη eke bi kok low ηηη a, ow b'ow ɔb nuη Jwifel em, ke ow éηη agη ek'elm Jwifel a yeji.

¹⁰Sica Nyam ec'anygbel a, es susm a lele erm es ey ab ab, li b'ow n'ɔη agη a fεη eke bi kok low mamn a, ow b'ow ɔb nuη Jwifel em, ke ow éηη agη ek'elm Jwifel a yeji.

¹¹Tasi em a, Nyam okm ereb agη em.

¹²Agη a fεη eke am kok sikpl ke úwrm Mois e sol ab any a, b'ow uw eke -l'uwm ol ab any yeji. Gbekɔ agη a fεη eke uw Mois ec'ol ab any ke eben yeji am kok sikpl a, ol a b'ow jej el e low ok.

¹³Bwo ec'εγη Nyam b'oc εse εγη nyim nyim af in ec'any af ee? Ow elm agη a eke b'iri Mois ec'ol a nene ce a. Njaη, kɔ agη eke b'elum ol a.

14 Agɲ a eke elm Jwifel a uwm Mois ec'ol ab any. Gbeko el em ec'agɲ beb bi kok ese el el eke ol a bi dad ab af. Agɲ amua -l'uwm ol any, gbeko ow anɲ ese eben ol a ce wel yeji we'n uw any af.

15 Aɲa em a, -li bi yegm low nyam: ow a eke ol bi dad a non el ec'erm ab em, sow tutr eke -li b'onɲ el obi em a b'elu ow e low okm. Sakp oglog el e sow tutr a bi dad eke -l'uwm kok, ke sakp beb ec'a wel dad eke -l'uw kok.

16 Ow amua feɲ eke mi dad a b'ow ok okm kpata jej ok e legɲ a, ese el el eke Amani Mamn na eke m'am ob a am dad ab af. Legɲ a, Nyam b'ow ecr Jesu Krist em jej feɲ a eke lol es agɲ ec'eb ir em a e low ok.

Jwifel ony low obr Nyam ec'any af

17 D eke b'ij en ese in Jwif a, ol af anake b'eb lec a etɲ ntotɲ b'ok'ɲ η e Nyam a eci.

18 D uw yec'a eke li b'erur ab any, etɲ ol b'elum'ɲ abu sɔsum yec'a eke akpl a oc.

19 D bi tutr eke otu eke ki nyimn any eflu, ke el agɲ ek'anɲ ncebn em a ec'usuayl,

20 agɲ ek'uwm low any a lel el ek'ew fuefue omn em ab ab eci low yegm es. Ee, η bi tutr eke ol eke ony a onɲ'ɲ ony low any uw lele low nenyembri nyam tasi ab.

21 Eke ow el eben, η eke bi yegm awlɲel low a, am yegmm'ɲ sosi low! D bi dad eke eɲɲ k'iy mil, ke η am iy!

22 D b'edɲn nfaci ij, ke η am ij. D b'onɲ sinyam yadɲ eci sifn, ko b'iy el e Sinyamel ab em e simob a!

23 D ntotɲ b'ok'ɲ ol ek'onɲ a eci, gbeko eluam ol, ow b'onɲ ony Nyam ec'any a oc es.

24 Tasi em, kin yec'eke wel b'awl Nyam Lel em: ony sosiem, agɲ a eke elm Jwifel a bi yayr Nyam e nin a.

25 Eke bi kok low yec'a eke ol bi dad a, ke nawre tasi likr es ubr el low akplu. Ko eke eluam ol, etɲ ubr likr es bobo yeji, anɲ ese eɲɲ eke ubrm es ab af.

26 Kin low nyam: eɲɲ nyam ubrm likr es, gbeko li b'elum Nyam ec'ol a. Ko Nyam k'ow eɲɲm ebn'n ese likr ce ow'n ubr es af ee?

27 Eɲɲ ikɲ na ubrm sos megl af e likr es, gbeko li b'elum ol. Eke ow el eben a, in anake li b'ow li jej η owi l'ok, η eke eluam ol a. Ke η nana ony ol a eke wel non a lele likr es ubr ab!

28 Tasi em a, Jwif tasi a, elm eɲɲ a eke b'an es sos megl af ese Jwif af a, etɲ likr es ubr tasi a yeji, elm sos lel a eke wel b'ubr es a.

29 Ko Jwif tasi a, in l'el eɲɲ a eke el Jwif erm em a, etɲ likr es ubr tasi a, el erm em ec'a. Likr es ubr na, Nyam ec'Abɲ ab em li b'anɲ l'ow, ko ow elm ol eke wel non ab em. Jwif tasi a eɲɲm in ec'aw a agɲ em, ko Nyam em li b'eɲɲ.

Rom eyɲ e lel 3

Agɲ a fɛɲ ɔny low ɔbr, Jwifɛl lele agɲ eke elm Jwifɛl ab ab

- ¹Eke ow el ɛben, ke bla lowi Jwifɛl ɔny eke agɲ likpr a ɔnym ee? Ɛtɲ kɔ ob nyam anɲ eke wɛl b'ɛɲn likr es ubr ab ɛm ee?
- ²Ɛɛ, wɛl bi ler ɛkn a, ob ligbɛl anɲ ɛm! Anke Jwifɛl anake Nyam ikɲ anym abul in e sodad ebl a.
- ³Kɔ sica, eke Jwifɛl beb ijɲ nɛny nyam, ke ow b'ow ɛɲɲ Nyam eke k'ij nɛny nyam ee?
- ⁴Njaɲ ow k'ow elm ɛben! Kin yec'ek'it eke si k'uw any: Nyam el nɛny nyam ɛs, kɔ agɲ a fɛɲ anake el ayadɲu a. Tasi ɛm a, Nyam Lɛl dad Nyam e lís ninɛ: Ow it eke wɛl k'uw'ɲ any nyim nyim ɲ e sodad ebl ɛm. Ɛtɲ eke wɛl bi jɛj ɲ owi ok, ke ɔny low ij jɛj ok ab ɛm.
- ⁵Kɔ eke ɛɲɲ nyam bi tutr eke low ɲuɲ eke s'am kok a am ɛlum abu wɛl ɛkn eke Nyam el nɛny nyam ɛs, wɛl ɔtu eke ki dad ɛsɛ Nyam ijɲ nɛny nyam eke li b'ɔr ɛy in ec'ɛrm bebl ab ɛm ab ee? (Aɲa m'am dad odad ɛsɛ ɛɲɲ kaka fɛɲ af.)
- ⁶Njaɲ ow k'ow elm ɛben! Tasi ɛm a, blel Nyam ijɲ nɛny nyam, ke ayaf l'ɔtu eke li ki jɛj wus e low l'ok ee?
- ⁷Ɛɲɲ nyam ɔtu eke ki dadr in sosi ɛsɛ: eke ɛm eci yadɲ ab ɛm Nyam e low nɛnyembri nyam a b'ɛy ɔkm kpata in ec'anygbɛl a eci, ke sica bla sosiɛm ɛtɲ, ɛm, ɛmɛny m'ɔny ɛs abur ɛsɛ sikpl ɛs af ee?
- ⁸Ow otarir es eke wɛl ki dad ɛsɛ: «Si kók low ɲuɲ, yec'ɛtɲ ke low nimamn áɲɲ ɛm ɛy ɔkm!» Agɲ beb b'ok ɛy ów af ɛtɲ bi dad ɛsɛ low na anake ɛs bi yɛgm a. Ow it eke agɲ amua na k'ɛɲn gbɛ.
- ⁹Sica ayaf s'ɔtu eke si ki dadr a? Kɔ ɛy Jwifɛl, s'agb s'akm agɲ likpr a fɛɲ ee? Njaɲ ow elm ɛben! M'ikɲ anym m'ɛlu low nyam ɔkm: Jwifɛl lele agɲ a fɛɲ eke elm Jwifɛl ab ab anɲ sikpl ec'abu ɛm.
- ¹⁰Ɛtɲ kin yec'ekɛ Nyam Lɛl dad: Ɛɲɲ kaka anm eke el nyim nyim, ɛɲɲ nyamni bɔbɔ yeji anm!
- ¹¹Ɛɲɲ kaka ɔnym nuɲ ɛm, ɛɲɲ kaka ɔlm Nyam ɛs!
- ¹²Ɛl fɛɲ -n'ɲgbɔɲ ejagb mamn ab af, ɛtɲ -n'uɲ ɛl fɛɲ. Ɛɲɲ kaka am kokm low mamn, ɛɲɲ nyamni bɔbɔ yeji!
- ¹³Ɛl eci ɛmn geg a el uwɔmu eke anɲ fon; ɛl eci anm ab ɛm li b'ewl mɛju, ɛtɲ ɛl eci nɛnym lokm a, labɲ eci sar a anɲ.
- ¹⁴Ɛl e nɛny ab ɛm ofn e sodad lele sodad eke bi bubm ɛɲɲ ew ɛs ab iy gbɔɲ.
- ¹⁵Ɛɲɲ ibi ec'a, -li b'uru ɛs fafa -n'im -l'ibi.
- ¹⁶-Li bi ɲuɲn ob fɛɲ ɛl eci ejagb ab af ɛtɲ -li b'ewl gbɛ usu a fɛɲ.
- ¹⁷Ɛl, -l'uwm ɛrm ɛs ɛy eci ejagb ab any,
- ¹⁸ɛtɲ -l'el agɲ eke ɔnym Nyam ec'ɛlum kaka.

¹⁹Gbeko s'uw any eke low feŋ eke ol am dad a, ow el agŋ a eke k'elum ol a n'am dad. Ow sosiem eŋg kaka k'otum dogŋnm sos, ko wus nimum ey udu Nyam ec'any af.

²⁰Na sosiem anake eŋg yec'eke k'elum Nyam ec'ol a e low feŋ ek'anŋ em a, ke ow sosiem Nyam oc'r ese eŋg nyim nyim af in ec'any af a, eŋg kaka k'anm eke k'otu kok eben a. Tasi em a, ol, low nyam ce li bi kok: li b'onŋ agŋ abusu uw any eke -n'onŋ sikpl.

Kin elel eke Nyam b'onŋ eŋg el nyim nyim in ec'any af a

²¹Sica gbε, Nyam elu elel eke li b'onŋ ey s'el nyim nyim in ec'any af ke ow elm ol eci elum em a okm. Etŋ Mois ec'ol a lele kokoba ob esel ab yeji dad ow e low.

²²Nyam b'onŋ agŋ el nyim nyim in ec'any af el ec'omn a eke -li b'oc -l'elu Jesu Krist em a sosiem. Li bi kok low na n'onŋ agŋ a feŋ eke b'onŋ omn Krist em a, anke el feŋ -l'el kpeŋ kpeŋ:

²³el feŋ -n'onŋ sikpl, etŋ eŋg kaka otum kokm low sobo a eke Nyam am ibrm a iym neny.

²⁴Gbeko Nyam in ec'erm mamn ab em, b'ecr Jesu Krist eke bi sog el sikpl ec'abu em a, onŋ el -l'el nyim nyim ofr em.

²⁵⁻²⁶Nyam ikŋ anym bebem ew es eke Jesu k'ok in e mebl ab es egb waw em. Etŋ in ec'egb waw ab em, Jesu eŋn agŋ a ek'onŋ omn in em a e sikpl a ec'oc ap. Nene a, Nyam erur eke ki yegm elel eke l'el nyim nyim seŋŋ feŋ a: legŋ sig em a, l'eku low etŋ l'ewm low n'om agŋ el e sikpl a eci. Ko yefenyina em a, Nyam am yegm elel eke li b'onŋ agŋ el nyim nyim in ec'any af a. Tasi em a, n'am erur eke li k'el nyim nyim ke n'onŋ agŋ a ek'onŋ omn Jesu em a yeji el nyim nyim.

²⁷Sica, ko s'onŋ ow ejeci eke ow em si k'ew sos ee? Njanŋ, ow anm ij! Bla sosiem ec'ee? Anke yec'eke el ow tasi a, ow elm ol ec'elum a, ko ke onŋ omn.

²⁸Eε, kin ow eke s'am tutr a: agŋ b'el nyim nyim anke -li b'onŋ omn, ko ow elm eke -li bi kok ol ec'ow a feŋ ek'am ibrm a sosiem.

²⁹Sica Nyam na, ko Jwifel sonŋ ce eci Nyam l'el ee? Ko l'elm agŋ ejec'a gbε e Nyam ee? Kaka! L'el ebr ejeci ec'agŋ a yeji e Nyam,

³⁰anke Nyam nyam coco ce anŋ. In anake li b'ow n'onŋ Jwifel eke wel bubr ekr es a, el nyim nyim el ec'omn a sosiem a, etŋ emeny in ce anake li b'ow n'onŋ ebr ejeci ec'agŋ a eke wel bubrm ekr es a yeji el nyim nyim el ec'omn a sosiem a.

³¹Nene a, eke si b'onŋ omn, ke ol ob ofr ofr s'am onŋ'n l'el ab ee? Njanŋ, ow elm eben! Ko ol ec'any a nana anake s'am elu okm tasi a.

Rom eyŋ e lel 4

Nyam oc Abraham ese eŋg nyim nyim af

¹Sica bla lowi s'otu eke si ki dad Abraham ey lagŋ eci lis ab ee? In obi e lec em, bla obi l'otu n'eŋn ee?

²Blel ow el in ec'ów eke li kok a sosiem Nyam oc'r ese egɲ nyim nyim af ana, l'otu eke li k'ij neny, kɔ ow elm Nyam ec'any af gbɛ.

³Tasi em a, bla Nyam Lɛl dad ee? Abraham ɔny ɔmn Nyam em, ow ɔɲ Nyam oc'r ese egɲ nyim nyim af in ec'ɔmn a sosiem.

⁴Eke egɲ bi kok juma a, wɛl bi sɔg'r labm. Labm sɔg na elm ob ap, kɔ ob ek'it eke wɛl k'ɔɲ'n.

⁵Sica, egɲ nyam kí kokm juma kaka, ke n'óny ɔmn Nyam eke b'ɔɲ sikpl es él nyim nyim ab em, egɲ ikɲ na, Nyam b'oc'r ese egɲ nyim nyim af, in ec'ɔmn a eke n'ony a sosiem.

⁶Na sosiem anake David am dad egɲ a eke Nyam b'oc ese egɲ nyim nyim af, ke ow él in ec'ów kok sosiem a e low ese:

⁷Ehe esɛl a el agɲ a eke Nyam ɔny el ec'ów ɔbr oc es, ke tɛtɲ el eci sikpl ab es a.

⁸Ehe el egɲ a eke Nyam úsm in e low ɔbr e low jam a eci.

Ow elm likr es ubr ɔɔm egɲ elm nyim nyim

⁹Kɔ ehe na, Jwifɛl eke bi bubr ekr es a sɔny cɛ ec'ee? Agɲ ejec'a eke am bubrm ekr es a el gbɛ ow elm el ec'ee? M'ikɲ anym mi dad m'ese: Abraham ɔny ɔmn Nyam em, ow ɔɲ Nyam oc'r ese egɲ nyim nyim af in ec'ɔmn a sosiem.

¹⁰Ɛtɲ kɔ bogɲ e lɛɲɲ em Nyam oc'r ese egɲ nyim nyim af ee? Kɔ lɛɲɲ ab em eke l'ubr likr es a, oglog ow a eke li k'ubrm es ab ee? Njaɲ, ow elm lɛɲɲ ab em eke l'ubr likr es a, kɔ lɛɲɲ ab em eke li k'ubrm es a.

¹¹Gbuɲ ke l'ubr likr es a, ke Abraham el nyim nyim Nyam ec'any af ɲ, in ec'ɔmn a eke l'oc l'elu ow em a sosiem, ɛtɲ sica ow e jam a, n'ɛɲɲ likr a eke l'ubr es a eci meny ɛwr. Ɛtɲ meny ɛwr na bi yeɲm eke in ec'ɔmn a eke l'oc l'elu Nyam em a sosiem ow ɔɲ ɛtɲ Nyam oc'r ese egɲ nyim nyim af. Nene a ow ɔɲ Abraham el agɲ a fɛɲ ek'ony ɔmn Nyam em a ec'el es, eke -l'ubrm likr es yeɲi. Ɛtɲ agɲ amua ek'ubrm likr es a, Nyam b'oc el ese agɲ nyim nyim af.

¹²Ɛtɲ Abraham cɛ, el Jwifɛl eke bubr ekr es a ec'el es. Aɲa m'erur eke mi ki dad agɲ eke el eci likr es ubr a elm sos af eci cɛ, kɔ ke emeny b'ucu ɛy es Abraham eci sɛwɛl a ɔny es a e low: in, l'ikɲ anym l'oc ɔmn l'elu Nyam em gbuɲ ɛtɲ l'ow l'ubr likr es.

Nyam e low a eke ɛwar ɛw es a el agɲ a fɛɲ ek'ony ɔmn a eci

¹³Nyam ɛwar Abraham lel in ec'alaw a eke b'ow ok ɔkm in em a, eke -li b'ow -l'ij wus aja. Gbɛkɔ low ɛwar na, ow elm eke Abraham elum ol a sosiem Nyam dadm ɛwm es. Li dad aɲke l'oc Abraham ese egɲ nyim nyim af ow ec'ɔmn a sosiem.

¹⁴Sica eke aja a eci ij a el ke kók ol ec'ów a eke am ibrm a, ke ɔmn elm low kaka, ɛtɲ Nyam eci low a eke ɛwar a yeɲi elm low ij.

¹⁵Tasi em a, ol ec'eluum a b'ɛɲɲ Nyam ec'erm bebl, kɔ eke ol anm a, wɛl k'ɔtum ɔbm ol es.

¹⁶Ow sosiem a, ɔmn eke wel b'oc elu Nyam em a anake b'ɔŋ eŋɪ ij aja a, etɪ ow el bibm eke wel b'ɛŋŋ ɔfr em tasi. Na sosiem ob a eke Nyam ewar ew es a el agɪ a fɛŋ eke el Abraham ec'alaw a eci. Etɪ ow elm agɪ a eke b'elum ol a sɔny, kɔ agɪ a ek'ɔny ɔmn Nyam em esɛ Abraham eke el ey fɛŋ eci ey es af a yeji.

¹⁷Ɛɛ, Nyam Lɛl dad ninɛ: Mi kok'ŋ el bieku nɔnɔ ec'el lagɪ. Abraham el ey es Nyam ec'any af. Ow em anake n'ɔny ɔmn a, Nyam a eke b'ɔŋ agɪ eke uw a igb anɪ owr, ke ɔny abusu eke ob ek'anm wel ɛknm a, kok ow anɪ wel am ɛkn a.

¹⁸Low ɔmn kaka anm low a eke Nyam ewar a eci lɪs ij, gbɛkɔ ɛben yeji Abraham ɔmn cɛ. L'oc in ec'ɔmn a l'elu Nyam em etɪ ow sosiem, l'el bieku nɔnɔ ec'el es. Nyam Lɛl dad ninɛ: Agɪ eke b'ow anɪ ŋ em ok ɔkm a b'ow ɛny nɔnɔ.

¹⁹Etɪ eke ow anɪ akpo tɛl cɛ ke n'ɔny akpo ekɪ yen a yeji, in ec'ɔmn a digrm kaka. Etɪ l'uw any yej'eke in e sos megl a anɪ esɛ ob eke uw af, etɪ ey Sara yeji k'ɔtum ewm iy ij.

²⁰Ɛben yeji, Abraham irmnm in ec'ɔmn a etɪ bɛbarm kaka, Nyam e low ewar a e lɪs. Catɪ nana anake in ec'ɔmn a obn ke li kɔklm Nyam a.

²¹L'uw low nyam gbɛ any tasi: yec'a eke Nyam ewar a, n'ɔny abusu nɔnɔ eke li ki kok.

²²Na sosiem Nyam oc'r esɛ eŋɪ nyim nyim af.

²³Ba Nyam Lɛl bi dad esɛ: Nyam oc Abraham esɛ eŋɪ nyim nyim af, ke sodad amua elm Abraham cɛ eci.

²⁴Kɔ ey yeji ow ot ey es, etɪ Nyam b'ow lɛr ey ec'ɔmn a. Tasi em a, in eke l'igbm ey Ɛs Kɔtɔkɔ Jesu luw em a, in em s'ɔny ɔmn.

²⁵Ey e sikpl a sosiem Nyam ɔŋ wel ibi Jesu, gbɛkɔ Nyam igbm'n luw em yec'etɪ ke s'el agɪ nyim nyim.

Rom eyɪ e lɛl 5

Nyam ɛcr Jesu em okr ey em in ab

¹Nɛnɛ anake Nyam oc ey esɛ agɪ nyim nyim af ey ec'ɔmn a sosiem a; etɪ sica s'anɪ erm es ey em in ab, ey Ɛs Kɔtɔkɔ Jesu Krist sosiem.

²Jesu anake kok ke s'ɔtu s'ucu ɔmn em, bibm eke s'ɛŋŋ a s'ɔny es a. Etɪ s'anɪ sos em iŋn em anɪke s'am ɔmn eke si b'ow s'anɪ Nyam ec'anygbɛl ab em.

³Ow eke akpl tasi a el, si b'anɪ sos em iŋn em eke ow el gbɛr s'am ij yeji. Etɪ s'uw any tasi eke gbɛr ij b'ɔŋ eŋɪ ɔny erm susu,

⁴etɪ eŋɪ eke b'ɔny erm susu a, li b'ij lɛc eke ses babur b'anɪ yeji. Eŋɪ eke b'ij lɛc es abur em a, li b'ɔny low ɔmn,

⁵etɪ low ɔmn na ɛjum eŋɪ. Tasi em a, Abɪ Lala em Nyam ɛcr yibr ey e mɛrm a in ec'erur a.

⁶Tasi, eke s'anŋ ke s'onym læc kaka sikpl ec'any af a, yogŋ anake Krist eŋ eb uw ów eŋuŋ esel eci, læŋ ab af eke Nyam bæbm ew es a.

⁷S'uw any eke ow ew tuotuo eke eŋ k'eŋ eb uw eŋ nyim nyim eci. Sica ów amamn kok es ec'a, k'aw ke eŋ átr sos es eŋ eb uw.

⁸Gbəkɔ kin elel eke Nyam yegm ey in ec'erur eke n'onny ey ec'a: n'onŋ Krist ow uw ey eci, læŋ ab em eke s'el sikpl esel a.

⁹Sica, eke in ec'egb waw a onŋ ey s'el agŋ nyim nyim, ow ayl tasi yej'eke li b'ow li soŋ ey Nyam ec'erm bebl a e lís.

¹⁰Ɛe, læŋ ab em eke s'el Nyam ec'efnu a, n'onny l'okr ey em in ab Jim eci luw ab em. Sica eke n'onny l'okr ey em a, ow ayl tasi yeji eke li b'ow li soŋ ey Jim eci sel ab em.

¹¹Ɛtŋ ow elm na cɛ! Ey si b'oc ey eci sos em iŋn a s'elu Nyam em ey Ɛs Kɔtɔkɔ Jesu Krist sosiem, in eke sica n'onny l'okr ey em Nyam ab a.

Adam em s'ok wus etŋ Krist em s'el nyim nyim

¹²Eŋ nyam sosiem anake sikpl ow wus af aŋa a. Eŋ a el Adam. Etŋ sikpl ism luw ab. Etŋ luw ebmn agŋ fɛŋ es, aŋke agŋ fɛŋ onny sikpl.

¹³Gbuŋ ke Nyam onŋ Mois ol a, ke sikpl ikŋ anym anŋ wus na ŋ. Gbəkɔ eke ol anm a, Nyam usm sikpl e low jam tasi.

¹⁴Kɔ eben yeji, igŋ Adam e læŋ ab em toŋ Mois a, luw eb wus nimum onym ab. Etŋ agŋ eke kokm sikpl eke otarir es Adam ec'a eke eŋm eluam Nyam ec'odad a yeji, luw b'ibi el. Adam anake el eŋ a eke k'ow a eci any okŋnin a.

¹⁵Gbəkɔ ereb ligbɛl anŋ Nyam ec'ob ap ofr em a lele Adam eci sikpl ab ab ec'araŋn. Ɛe, Adam, eŋni nyam a eci sikpl a sosiem cɛ anake agŋ nɔnɔ gbɛl uw a. Gbəkɔ Nyam ec'ob ap ofr em a leg nɔnɔ ligbɛl. Ob ap na, Nyam ecr eŋ nyam em elu'l okm. Eŋ a in l'el Jesu Krist. Etŋ eben a, n'omun in eci ów amamn ab es ofr em agŋ nɔnɔ gbɛl af.

¹⁶Nyam ec'ob ap a bi kok low eke otarm es eŋ nyam a eci sikpl a ec'ab ab. Tasi em a, Adam eŋni nyam a eci sikpl a e jam a, Nyam eci jej ok a el ke eŋ fɛŋ úw. Gbəkɔ, kin eke el e sikpl nɔnɔ gbɛl a e jam a, Nyam ec'ob ap ofr em a onŋ el -l'eel agŋ nyim nyim.

¹⁷Ɛe, eŋ nyam cɛ kok sikpl etŋ luw ibi agŋ fɛŋ eŋ nyam a cɛ e sikpl a sosiem. Gbəkɔ, Jesu Krist eŋ nyam sosiem cɛ agŋ fɛŋ el yeji b'eŋn ów nɔnɔ Nyam e lís: -li b'eŋn Nyam ec'erm mamn ligbɛl a, etŋ ow eci ob ap ofr em a b'onŋ el -l'el agŋ nyim nyim ow ec'any af. Krist sosiem, -li b'ow -n'anŋ ovr etŋ -li b'ow -l'ew es ow ab.

¹⁸Ow eke si ki dad s'uwar a el, s'am ekn eke eŋ nyam cɛ eci sikpl a eke kok a anake is agŋ fɛŋ e luw a. Eben cɛ, eŋ nyam eci low nyim nyim e kok a, onŋ etŋ Nyam oc agŋ fɛŋ ese agŋ nyim nyim af in ec'any af, etŋ li b'onŋ wɛl sel.

¹⁹Lɛgɛɛ sig ɛm a, ɛgɛɛ nyam ɛgɛɛm eke k'elum Nyam, ɛtɛɛ ow ɔɛ agɛɛ nɔnɔ gbɛl el sikpl ɛsɛl. Ɛbɛn cɛ, ɛgɛɛ nyam eke elum Nyam a sɔsiɛm, agɛɛ nɔnɔ gbɛl el nyim nyim Nyam ɛc'any af.

²⁰Sica ol ow, ɛtɛɛ sikpl ɛny eb es nɔnɔ ligbɛl. Gbɛkɔ yogɛɛ a eke sikpl ɛny eb es a, Nyam ɛci sɔrɛɛ ikɛɛ a b'ɛny bubu af.

²¹Lɛgɛɛ sig ɛm a, sikpl ɔny abusu fɛɛɛ eke k'ɔɛ agɛɛ uw. Ɛbɛn lɛgɛɛ na ɛm, Nyam ɛci sɔrɛɛ ikɛɛ a ɔny abusu fɛɛɛ eke k'ɔɛ agɛɛ el nyim nyim Nyam ɛc'any af. Ɛtɛɛ ɛbɛn a, s'ɔtu eke si k'ɛɛɛ sel ek'ɔnym uwr Nyam ab, ɛy Ɛs Kɔtɔkɔ Jesu Krist sɔsiɛm.

Rom ɛyɛɛ e lɛl 6

Eke ok mij nuɛɛ ke uw Krist ab ɛtɛɛ anɛɛ owr in ab

¹Sica ayaf si ki dadɛɛ ab ɛɛ? Kɔ sikpl ow it eke abu k'anɛɛ ɛy ɛm s'am kok yec'ɛtɛɛ ke Nyam e sɔrɛɛ ikɛɛ a ɛm ɛny bobn ɛɛ?

²Njɛɛ, ow elm ɛbɛn! Ɛy s'ɛcɛɛ luw eke ɔny kpab ɛy es sikpl e lɛs ab ɛm. Ayaf ɛmɛny s'ɔtu eke si k'ir sikpl ɛc'ɛb ɛɛ?

³ɔny uwr any tasi eke: eke wɛl ok ɛy mij nuɛɛ Jesu Krist e nin ɛm a, yogɛɛ ɛtɛɛ s'okɛɛ af in e luw ab ab.

⁴Ow sɔsiɛm, eke wɛl ok ɛy mij nuɛɛ a, s'uw ɛtɛɛ wɛl oc ɛy es in ab. Gbɛkɔ, Nyam ɛc'anygbɛl ɛc'abusu ligbɛl a igbm Krist agɛɛ ek'uw ab ɛm, yec'ɛtɛɛ ke ɛy yeɛɛ, s'ɔny ɛb ir owr.

⁵Tasi ɛm a, s'okɛɛ af nimum in ab lɛgɛɛ a eke s'uw in ab a. Ɛbɛn cɛ, si b'ow s'okɛɛ af in ab lɛgɛɛ a eke ɛy yeɛɛ si b'ow s'igb luw ɛm ɛsɛ eɛl eke l'igb ab af a.

⁶S'irir low na sɛnyɛn sɛnyɛn: ɛy ɛc'eɛl eke s'anɛɛɛ anym ɛm a, wɛl oc lele Krist ab ɔbm olikɛɛ. Ow ɔɛ, sikpl a eke anɛɛ ɛy ɛm a uɛɛ, ɛtɛɛ s'elm in ɛci madu ij.

⁷Ɛɛ, ɛgɛɛ eke uw a anm sikpl e low ɛm ij.

⁸Eke sica s'uw Krist ab a, s'ub nawɛɛ eke ow el in ab si b'ow s'anɛɛ owr.

⁹S'uw any tasi eke lɛgɛɛ a ɛtɛɛ eke Krist igb agɛɛ ek'uw ab ɛm a, li k'ow l'uwɛɛ ij, ɛtɛɛ luw ɔnym abusu kaka in af.

¹⁰Krist uw, ɛtɛɛ in e luw a ɔny kpab'r es sikpl e lɛs nimum nimum, akp nyam sɛgɛɛ fɛɛɛ ɛci. Sica n'anɛɛ owr, ɛtɛɛ in ɛc'owr anɛɛ a nimum el Nyam ɛci.

¹¹ɔny yeɛɛ, ocɛɛ ɔny sɔsi ɛsɛ agɛɛ eke sikpl ɛc'abusu a ɛwm es ij, ke Jesu Krist ab ɛc'af okɛɛ ab ɛm am ir ɛb Nyam ɛc'af.

¹²ɔny, sikpl ɔtum eke k'ɔny abusu ɔny af ij. ɔny ɛci sos meɛɛl a b'ow uw lɛgɛɛ nyam. Ow sɔsiɛm, ow itm eke k'elumn in ɛc'ow ɛɛɛɛ a eke b'aw'r a ij.

¹³K'ɔcɛɛ ɔny ɛci sos a ɛci susu susu a k'ɛwr es sikpl ɛci, ɛsɛ ɛjagb eke ɛru es low nuɛɛ kok ɛc'af. Kɔ nana, ɔcɛɛ ɔny nimum kokɛɛ Nyam e low, ɛsɛ agɛɛ ek'anɛɛ luw ɛm igb anɛɛ

owr af. Òcr òny eci sos a eci susu susu a ewr es esε ejagb eke eru es low nyim nyim e kok ec'af.

¹⁴Sica eke ow elm ol εwm òny es ij, ke ow el Nyam eci sòrɲ ikɲ ab anake ew òny es a, sikpl k'òtum ònym abusu òny af ij.

Madu eke b'òny eb ir eke b'akpl Nyam sos em

¹⁵Nawre, ey ow elm ol εwm ey es ij, kò Nyam eci sòrɲ ikɲ a ew ey es. Ow sosiem a, kò abusu éru ey es eke si ki kok sikpl ab ee? Njanɲ, ow elm eben!

¹⁶Òny uwr any tasi eke, eke b'εgɲn ebr am kokr εgɲ eci juma esε madu af a, òny eel εgɲ a eke am elumn a eci madu. Ow sosiem a, oglog òny eel sikpl e madu, ke sikpl óc im elu òny luw em, oglog òny eel Nyam e madu, ke ònyn eb ir nyim nyim in ec'any af, aɲke b'ònyn in ec'elum.

¹⁷S'óɲ Nyam bia! Lεgɲ sig em a, òny eel sikpl eci madu. Jam aɲa em a, òny εgɲn ebr eke k'elumn òny ec'erm fεɲ em, Amani Mamm a eke wεl babul agɲ fεɲ a.

¹⁸Òny dogɲnin sos ebr sikpl ec'abu em εtɲ am kokr low nyim nyim eci juma.

¹⁹M'am oc agɲ em e low mi bebmn aɲke òny eci low iri a b'òtu nòɲò. Lεgɲ sig em a, esε madu af, òny ocr òny eci sos megl a ewr es eb ir eke el sikpl lele suksuk ab eci, εtɲ ow eci low ek'anɲ em ey òkm a, el Nyam eci any òbr. Eben, yefenyina yeji esε madu af, òcr òny eci sos megl a ewr es eb ir eke el low nyim nyim eci, εtɲ ow eci low eke b'ow anɲ em ey òkm a, b'ow el eb ir lala eke b'akpl Nyam sos em.

²⁰Ow a eke eel sikpl eci madu a, low nyim nyim eci kok a áwm òny.

²¹Ow e lεgɲ ab af a, bogɲ ec'ey òsur ee? Yefenyina, ow am òny òny és, aɲke ow eci ey eke ow òsu a el luw.

²²Sica jam aɲa, wεl sɔg òny sikpl e lís εtɲ ewal eel Nyam eci madu. Na sosiem am ir eb eke b'akpl Nyam sos em, εtɲ ow eci low ek'anɲ em ey òkm a, el Nyam ab ec'eb ir sεgɲ fεɲ a.

²³Nawre, aɲke sikpl eci labm sɔg ek'anɲ em a el luw; kò Nyam eci ob ap a el sel a ek'ònym uwr, ke li b'òɲ ey, ey Es Kòtòkò Jesu Krist ab ec'af okr ab em a.

Rom eyɲ e ləl 7

Wεl sɔg ey ol ec'abu em eke si ki kok Nyam e low

¹Agɲ lisijimel, em m'uw any eke ow el agɲ eke uw Nyam ec'ol ab any a, m'am dad odad. Ol òny abusu ey af eke s'anɲ owr a cε. εtɲ ow el low eke uwr any tasi.

²Kin low ebmn nyam: ol em a, yow eke ebi igɲ a okr af in ec'igɲ ab ab eke igɲ a anɲ owr a. Kò eke igɲ a b'uw a, yow a sos b'ok es ol a ek'òny okr'r af ec ab a e lís.

³Lεgɲ ab em eke ec anɲ owr a, eke n'im l'ebi igɲ ejeci, ke nfaci l'ij a. Kò eke ec uw a, ol em a abusu eru'r es; l'òtu eke li k'ebi igɲ ejeci gɲɲ, li k'ow l'elm facyow.

⁴Em lisijimel, ɔny ec'a yeji eben ce. ɔny okar af Krist eke uw ey sosiem olikɔ af ab ab; ow sosiem, ɔny kpabr es nimum Mois ec'ol a e lis. Sica eel eɣɣ ejeci nyam eci; eɣɣ ejec'a, in l'el eɣɣ a ek'igb luw em a. Etɣ eben em a s'ɔtu eke ey feɣ si k'ɔsu ey Nyam e juma kok ab em.

⁵Ɛɛ, læɣɣ sig em a, eke s'am kok ów eke b'akpl ey sos em a, Mois ec'ol a ec'ów a tasi eke bi dedɣn a b'itr ów aw eɣɣ a eke ki kok low ey e sos ab em, etɣ ow e low ek'anɣ em ey ɔkm a, el luw.

⁶Gbekɔ sica, si kpab es nimum nimum Mois ec'ol a eke ɔny awɣ ey es a e lis; s'ɔtu eke sica si ki kok Nyam e low a sewl owr em, s'am elum Abɣ Lala, ke si kí kokm Nyam e low a esɛ læɣɣ sig em ec'a eke s'anɣ ol a eke wɛl non a eci es ew em ab af.

Sikpl b'ɛcr ol em ok ey wus

⁷Sica ayaf si ki dadr ab ee? Kɔ Mois ec'ol na, sikpl eci juma n'am kok ee? Njaɣ, ow elm eben! Gbekɔ ol anake ɔɣ m'uw sikpl any a. Tasi em a, blel ol dadm esmɛ: K'ow ocm nyamnɛyr em erurm awlɣ ec'ob, blel mi k'uwm any eke ow el low ɣɣɣ.

⁸Gbekɔ sikpl ɛcr ol na em etɣ ɔsu em em ów aw eɣɣ ɔɣɣ a feɣ, anke blel ol anm ana, sikpl blel ɔnym abusu kaka.

⁹Læɣɣ sig em a, eke m'uwm ol any a, m'el eɣɣ ek'anɣ owr. Kɔ sica eke m'uw ol any a, sikpl anake ewl meny anɣ owr a,

¹⁰etɣ em, m'el eɣɣ eke uw. Etɣ ol a eke ki nyimn'm m'anɣ owr a, nyimn'm luw em.

¹¹Ɛɛ, sikpl ɛcr ol em elu'm wus etɣ eben a, n'ɔɣ'm m'uw.

¹²Gbekɔ ol, in obi a l'el lala, etɣ ów ey nyam nyam eke anɣ'n em a yeji el lala, nyim nyim lele nimamn ab.

¹³Sica eke ow el eben, ke ob mamn ɔtu eke k'ism'm luw ab ee? Njaɣ, ow elm eben! Gbekɔ sikpl ɛcr ob mamn em ɔɣ'm luw. Nene anake ol ɔɣ wɛl ɛkn elel eke sikpl e læc a el ob ɣɣɣ kɔ kɔ a.

Ɛy lele sikpl ab ec'ar ogɣ

¹⁴Ɛɛ, ey s'uw any eke ol, Nyam ogɣ ow anɣ ow, gbekɔ em, m'el eɣɣ fuefue eke wɛl ɔl ij esɛ adu af sikpl ogɣ.

¹⁵Nawre tasi, yec'a eke m'am kok a mi k'irim, anke yec'a eke m'am erur a, mi kókm, etɣ mi bi kok yec'a eke m'érurm a.

¹⁶Eke mi bi kok yec'a eke m'érurm a, mi b'eɣɣ m'eb eke ol el ob mamn.

¹⁷Sica m'uw any eke ow elm em mi kókm eben, kɔ sikpl a eke ir em em a anake b'itr'm mi kok eben a.

¹⁸Ɛɛ, m'uw any eke low mamn irm em em, em e sos ɔnym ab em. Em ec'a, mi b'erur eke mi ki kok ów eke akpl a, kɔ m'ótum mi kokm.

- ¹⁹Tasi em a, low nimamn eke mi b'erur a, m'otum mi kokm, etj low njnj eke m'erurm a, mi bi kok.
- ²⁰Sica, eke mi bi kok low eke m'erurm a, ke ow elm em mi kokm eben, ko sikpl a eke ir em em a anake b'itr'm mi kok eben a.
- ²¹Etj kin ol ejeci nyam eke m'uyum ab: eke mi b'erur eke mi ki kok low mamn a, ke low njnj kpekj inym'm es any af.
- ²²Em ec'erm ab em, mi b'erur Nyam ec'ol a.
- ²³Gbeko em obi em a, mi b'uyum ol ejeci nyam ab, eke b'atarir Nyam ec'ol a eke in ab neny okr ey af ab ab. Etj ol na, in l'el sikpl ec'ol a eke bi kok juma em em, ke b'onny'm ese in eci sobel em es af a.
- ²⁴Kin eke m'el gbre ec'egj! Bwo ec'egj b'ow sog'm sos megl na eke b'oc im elu'm luw em a e lis ee?
- ²⁵S'elu Nyam bia, anke Jesu Krist ey Es Kotoke sog'm! Etj eben a, em eci tutr ab em, mi b'egj Nyam ec'ol a m'eb, gbeko em eci sos onym em a, mi b'elum sikpl ec'ol a.

Rom eyj e lel 8

Nyam ec'Abj a b'onj sos ok ey es

- ¹Sica low ob kaka anm agj a eke okr af Jesu Krist ab a eci ij.
- ²Nawre tasi, eke wel okr af Jesu Krist ab a, ke Abj Lala ec'ol a anake b'onj egj sel a, etj ol na sog'm sikpl ec'ol a eke b'onj egj luw a ec'abu em.
- ³Mois ec'ol a otum eke ki kok eben, anke agj eci sos onym a com'n ow e kok ec'abusu. Gbeko Nyam otu kok: l'erm Jim eli sos eke otarir es sikpl esel ec'ab ab ow sog el sikpl ec'abu em. Etj nene a, Nyam onj sikpl a eke am kok juma agj e sos em a abur es.
- ⁴Li kok nene, yec'etj ke s'onny abusu s'ir eb nyim nyim a eke ol am ibrm a. Sica, ow elm elel eke agj b'ir eb a s'irm ij, ko ese elel eke Abj Lala b'erur ab af.
- ⁵Tasi em a, agj a eke b'ir eb ese elel eke -n'am ekan ab af a, b'elum el ec'ow eke b'akpl el sos em a, gbeko agj eke b'ir eb ese elel eke Abj Lala b'erur ab af a, b'elum yec'a eke Abj Lala b'erur a.
- ⁶Egj eke b'us ow eke li b'erur a jam a, li b'im luw em, ko eke li b'us Abj Lala jam a, li b'im sel eke onym uwr lele erm es ey ab ogj.
- ⁷Tasi, egj ec'ow eke b'erur a okrm af Nyam ec'ab ab, -l'eluamn Nyam ec'ol a. El ec'a, ow el low eke -li k'otumn -li kokmn.
- ⁸Etj agj a eke b'us ow aw amua jam a, e low k'otum akplm Nyam sos em ij.
- ⁹Gbeko ony ec'a, irmn eb ese elel eke b'erurir ab af, ko ese Abj Lala ec'elel eke b'erur ab af, anke Nyam ec'Abj a anj ony ec'erm ab em. Eke Krist ec'Abj a anm egj em, egj ikj a, l'elm Krist eci.

¹⁰Nawre eke ɔny e sos megl a b'ow uw sikpl sosiem, gbekɔ eke Krist anɔ ɔny em a, Abɔ Lala b'ow ɔɔ ɔny sel, aɔke Nyam oc ɔny ese agɔ nyim nyim af.

¹¹Nyam igbm Jesu luw em. Eke in ec'Abɔ a anɔ ɔny em, in a ce eke l'igbm Jesu agɔ ek'uw ab em a, li b'ow l'ecr Abɔ Lala em n'ɔɔ ɔny e sos megl a eke b'ow uw a bɔbɔ yeji sel.

¹²Na sosiem agɔ lisijimel, s'ɔny labm. Gbekɔ ow elm ey ec'ow a eke b'aw ey a e labm s'ɔnym. Ow sosiem, ow itm eke si k'ir eb eke ey ec'ow aw a b'erur a.

¹³Eke am iir eb ow a eke b'aw ɔny ke b'erurir a e kok eci, b'ow uwr; kɔ eke Abɔ Lala ec'abu elum em waal ɔny e sos megl ec'ow a e b'erur e ki kok a elul es a, b'ow anɔn owr.

¹⁴Nawre em a, agɔ a feɔ eke Nyam ec'Abɔ a bi nyimn a, el Nyam ec'ey.

¹⁵Etɔ Abɔ a eke eɔan a, ɔom ɔny elmn madu eke emeny am uru Nyam, kɔ li b'ɔɔ ɔny eel Nyam ec'ey. Etɔ Abɔ na eci abu elum em, si b'elu Nyam lebl si dad s'ese: «Aba! Es!»

¹⁶Abɔ Lala in obi b'ij danɔu dad ey ec'abɔ a eke s'el Nyam ec'ey.

¹⁷Ow sosiem, eke s'el Nyam ec'ey a, si b'ow s'ij aja a eke Nyam bebmn ew in ec'agɔ es a, etɔ aja na, Krist ab si b'ow s'ij. Ee, eke s'anɔ in e gbre ij a e low em, si b'ow s'anɔ in ec'anygbel a yeji e low em.

Nyam erur eke k'ɔɔ ey s'anɔ in ec'anygbel ab em

¹⁸Ayaf s'ɔtu eke si k'oc yefenyina e gbre a si bebmn legɔ ek'am ow ab em eci anygbel a eke Nyam b'ow yegm ey kpata ab ab ee? Em e sos em a, yefenyina e gbre a elm low kaka.

¹⁹Am ekan eke wus nimum a eke Nyam kok a am eku legɔ a eke Nyam b'ow elu in ec'ey ec'anygbel ɔkm a.

²⁰Mob amua feɔ eke Nyam kok a, itɔn el mob ɔfr ɔfr. Ow elm mob a eke Nyam kok a erurm eben, kɔ Nyam anake ɔɔ el -n'anɔn nene a. Gbekɔ wus nimum a eke Nyam kok a ɔtu eke emeny k'omn low.

²¹Etɔ ese el el eke adu b'ngboɔ adu el em a, mob mob a feɔ eke Nyam kok a b'ow ngboɔ el e mob ek'am ugɔn el es ab em. Etɔ -li b'ow -n'anɔ Nyam ec'ey a e lewi ij a lele anygbel ab ab e low em.

²²S'uw any tasi eke mob mob a feɔ eke Nyam kok a am ikɔ somu etɔ emeny am ij gbre caca em a, ese yow eke b'ew iy ab af,

²³gbekɔ ow elm el sɔny ce. Ey obi yeji, s'am ikɔ somu ey e merm ab em, etɔ s'am eku eke Nyam k'eb ey ese in ec'ey tasi af, ke s'el ewi kpekɔ kpekɔ. Gbekɔ s'ikɔ anym s'eɔn Abɔ Lala, ese ob ap a eke Nyam ewar ew es ab em eci krekre af.

²⁴Tasi em a, s'ehn sel, ko ow el low omn em ce. Eke wel b'ekn ob eke wel am omn a, ke wel ubm'n ese low omn ob af ij. Ob eke wel am ekn a, ko wel otu eke emeny wel k'omn'n ee?

²⁵Gbeko eke s'am omn ob eke s'eknm a, si b'any ow eci eku em erm susu em.

²⁶Etn emeny, ey eke s'onym sos a, Abn Lala b'elum ey abu. S'uw any si njonm Nyam ese elel eke ow it ab af. Ow b'on Abn Lala in obi bi njon Nyam ey usu iy, ibrm ow somu ikn ebl em eke egn e neny k'otum dadm.

²⁷Gbeko Nyam eke b'ekn merm lokm a, b'uw yec'eke Abn Lala erur eke k'ibrm ab any. Ee, Abn Lala bi njon Nyam ese elel eke Nyam b'erur ab af on agn a eke el Nyam ec'a.

²⁸Emeny s'uw any eke agn a ek'on Nyam ec'erur ec'a, low fen eke b'ehn ey a, Nyam anake bi kok a, yec'etn ke ow elum ey abu s'ehn low nimamn. Ow el agn a eke l'ikn anym li bebwm wel ec'esn e low l'ew es a.

²⁹Tasi em a, agn amua eke Nyam ikn anym ssum ot ec'a, l'ikn anym li bebwm yeji eke li ki kok wel, wel ot in ec'Iy ab es, ke ow on in ec'Iy a el bosu ligbel a e liy likpekp.

³⁰Sica agn a eke Nyam ikn anym ssum ot a, l'esn wel yeji. Agn a eke l'esn a, l'ot wel ese agn nyim nyim af, etn agn a eke l'ot ese agn nyim nyim af a, l'ot l'ok wel in ec'anygbel a yeji em.

Ob kaka k'otum onym kpabm ey es Nyam ec'erur ek'onny ey ec'a e lis

³¹Bla odad iy si ki dad s'ign af ee? Eke Nyam any ey ec'ogog, ke bwo otu eke ki kok ey low njon ee?

³²In eke l'ednm in ec'Iy lokm a abu any, ke n'on ow uw ey fen e sel ehn sosiem ec'a, ayaf eke s'okr af ow ab, li k'ow n'om ey ofr em, ow amamn fen ee?

³³Bwo ec'egn otu eke k'ok agn a eke Nyam ssum ot a ow af ee? Egn kaka anm! Anke Nyam in obi ot el ese agn nyim nyim af.

³⁴Bwo ec'egn otu eke k'ob agn low luw ec'ee? Egn kaka anm! Tasi em a, Jesu Krist uw, gbeko n'any luw em l'igb, n'any Nyam e lidr abu af a etn n'am njon Nyam ey eci.

³⁵Bla obi otu eke k'onny kpab ey es Krist ec'erur ek'onny ey ec'a e lis ee? Ko es abur oglog ermij ebr ee? Ko agn eci milblu e b'onyn ey ey ec'omn a sosiem ab ee? Ko namn oglog gbor ee? Ko low eyr eke b'okr ey es a oglog luw ee?

³⁶Nyam Lel dad nine: n sosiem anake segn fen s'am uw, ke wel am kok ey ese meceb eke wel b'onny im ibi usu af a.

³⁷Gbeko fen em a, si b'ok okm agbawru, egn a eke erur ey a eci abu elum em.

³⁸⁻³⁹Ee, m'onny omn tasi, eke ob kaka k'otum onym kpabm ey es erur a eke Nyam elu okm, ey Es Kotoko Jesu Krist em a e lis. Ke ow el luw oglog owr any, ke ow el afr erm esel oglog es ew esel oglog lec ek'any lef em, ke ow el legn na em, legn ek'any anym

am ow ab em, ke ow él afr e læc oglog wus aṅa e læc, ke ow él mob mob fɛɲ eke wɛl kok, ob kaka k'otum onym kpabm ey es Nyam ec'erur ek'onny ey ec'a e lís!

Rom eyɲ e lɛl 9

Nyam sɔsum Israel eyɲ oc

¹Em m'el Krist eci, ow sosiem, low a eke m'am m'ow mi dad a el low nawrɛ, mi k'otum m'onym yadɲ. Em e tutr a eke Abɲ Lala am nyimn a yeji am dad'm eke ow el low nawrɛ.

²Em ec'erm a sos ow es nono ligbɛl ɛtɲ m'am ij gbre eke úwrm.

³Mi b'ow m'ɛɲɲ m'eb eke Nyam k'igɲ owl'm ke mi kpáb es Krist e lís, eke ow otu cɛ eke k'eb em lisijimɛl Jwifɛl elu es.

⁴Bla ec'ee? -L'el Israel eyɲ, Nyam ot ɛl -l'el ow ec'ey. Wɛl ec'araɲn n'anɲ in ec'anygbɛl ab em, l'ɛɲɲ sinm wɛl ab, n'onɲ wɛl in ec'ol a, li yɛgm wɛl sɛwl yec'em eke wɛl k'igɲ'n nuɲ a, ɛtɲ li dad wɛl ów eke li bɛbm l'ɛw es wɛl ec'a.

⁵El -l'el ɛl lagɲɛl ekpekp a eci alaw. El ec'araɲn anake wɛl ew Krist ɛsɛ ɛɲɲ owr af, in eke l'el Nyam ek'anɲ ob fɛɲ e nuɲ af a! Kɔklm él in eci sɛɲɲ fɛɲ! Amen!

Nyam ec'ey tasi eke sɔsum ot

⁶Ow elm ke wɛl dad ɛsɛ Nyam e low a eke ɛwar ɛw es a elu ok es. Tasi em a, aɲɲ a eke wɛl ew ey lagɲ Israel em a, ɛl fɛɲ -l'elm Israel eyɲ tasi.

⁷ɛtɲ aɲɲ a bɔbɔ eke wɛl ew ey lagɲ Abraham ec'eb ab em a yeji, ow elm ɛl fɛɲ -l'elm ow ec'ey tasi, aɲke Nyam dad Abraham nine: Isak em anake b'ow ɛɲn alaw eke b'ow elu ɲ e nin a okm a.

⁸Kin sodad na ec'iri tasi a: ow elm ey a eke wɛl ew igɲ nyam lele yow nyam ab ec'erur em a elm Nyam ec'ey. Kɔ ey tasi a, ɛl -l'el Nyam ec'ɛwar ec'ey a.

⁹Kin ɛwar a e sodad a: m'ow m'ɛwl meny m'ow ɲ ogɲ a lakpo yec'a, legɲ nɛnɛ af, ɛtɲ aɲɲ Sara b'ow ew iy igɲ nyam.

¹⁰ɛtɲ ow elm na sɔny cɛ: kɔ Rebeka ec'a yeji. L'ew ey yony ey lagɲ Isak ab.

¹¹⁻¹³Ey yony a, wɛl k'ewm kokm ɛl wus, -li ki kokm low ɲuɲ oglog low nimamn. Gbɛkɔ Nyam dad Isak ɛw es eke: likpekp a b'ow anɲ jam ɛs a eci es ɛw em. ɛtɲ usu ɛjɛc'em a, Nyam Lɛl dad nine: m'erur Jakɔb m'oc ɛtɲ mi wal Esayu m'elu es. Low na ɛcr nɛnɛ, yec'ɛtɲ ke Nyam e low a eke bɛbm ɛw es a éli any. Nyam bi sɔsum aɲɲ ot ɛsɛ elɛl eke li b'erur ab af, ɛtɲ sɔsum oc a elm aɲɲ a ec'ów e bi kok a sosiem, kɔ Nyam cɛ eke b'ɛsɲ ɛɲɲ ab em ow b'anɲ ow.

¹⁴Sica ayaf si ki dadr ab ee? Kɔ Nyam ɛnyɛmbri yony yony ɛs l'el ee? Njanɲ, ow elm ɛben!

¹⁵Tasi em a, li dad Mois nine: Mi b'ow m'ikɲ ɛɲɲ e m'erur eke mi k'ikɲ sɔɲɲ a sɔɲɲ, ɛtɲ mi b'ow m'onyn ɛɲɲ eke m'erur eke mi k'onyn ɛrm mamn a ɛrm mamn.

¹⁶Ow sosiem a, Nyam e sɔŋ iŋ a ánm agŋ e low e b'erur ab em, oglog sos eke b'atr es ab em, kɔ Nyam cɛ eke ɔny sɔŋ iŋ ab em ow b'anŋ ow.

¹⁷Nyam Lɛl em, Nyam dad Ejipt ec'eb ebu a ninɛ: M'ɛw'ŋ eb ebu, yec'ɛtŋ ke ŋ em m'ɛlu em ec'abusu a ɔkm, ke mi kók em e nin a eb es wus na nimum af.

¹⁸Wɛl b'ekn eke Nyam b'ikŋ ɛŋ eke l'erur eke li k'ikŋ sɔŋ a sɔŋ, ɛtŋ li b'ɔtur ɛŋ eke l'erur eke li k'ɔtur erm a erm.

Nyam bi sɔsum agŋ ot ɛsɛ elɛl eke li b'erur ab af

¹⁹Gbɛkɔ, k'aw ke ɛŋ íbrm im ɛsɛ: sica, eke ow el nɛnɛ, bla sosiem ɛmeny Nyam k'enym ɛy abr ee? Bwo ec'ɛŋ ɔtu eke ki dogŋn low eke li b'erur ab ee?

²⁰Kɔ ŋ gbɛ, bwo el'ŋ eke k'atar Nyam ab ee? Kɔ mijel b'íbrm ɛŋ a eke kok'r a ɛsɛ: bla sosiem ɛtŋ kok'm mijel ee?

²¹Kɔ mijel kok ɛs ɔtum eke ki kok low e l'erur kpeŋ ab ab ee? Kɔ l'ɔtum eke kpeŋ nyam a cɛ, li k'itl li kok lɛw sɔbɔ nyam oglog lɛw kprakasa nyam ee?

²²Nyam erur eke k'ɛlu in ec'erm bebl ɔkm ke yégm in ec'abusu a. Gbɛkɔ agŋ a eke n'ɔny erm bebl wɛl ab, ke it eke k'irm ɔgbu es a, l'ɛŋ wɛl e low l'eb low eku ligbɛl em.

²³L'ɛŋ low nɛnɛ l'eb, yec'ɛtŋ ke l'ɛlu in eci anygbɛl a e sagb a ɔkm agŋ eke l'erur eke li ki yégm in e sɔŋ iŋ a e lís. Ow el agŋ a eke l'ikŋ anym li bɛbm l'ɛw es eke k'ɛŋn anygbɛl na a.

²⁴ɛtŋ ɛy s'el agŋ amua eke l'ɛŋ a. Ow elm Jwifɛl ec'araŋn cɛ l'ɛŋm ɛy, kɔ agŋ eke elm Jwifɛl ec'araŋn ec'agŋ a yeji.

²⁵Nyam dad low na kokoba ɔb ɛs Ose e lɛl ab em: Agŋ a eke elm em ec'agŋ a, mi b'ow m'ɛŋ el “ɛm ec'agŋ”. ɛtŋ agŋ a eke m'érurm a, mi b'ow m'ɛŋ el “agŋ e m'erur”.

²⁶ɛtŋ yogŋ a eke wɛl dad agŋ eke: «ɔny elmn em ec'agŋ a,» wɛl b'ow ɛŋ el Nyam ek'anŋ owr ec'ey.

²⁷Esayi, in am ɛlu lebl Israel ec'agŋ e lís ɛsɛ: Eke batŋ Israel ɛyŋ ɛny nɔnɔ ɛsɛ okij any e mirici af yeji, agŋ tɛl a eke wal es a cɛ b'ow ɛŋn sel.

²⁸Tasi em a, Nyam Admaga b'ow kok low a eke li dad a wus af aŋa, li b'ow li kok fafa ton l'igŋ nuŋ.

²⁹ɛtŋ low na anake Esayi yeji iŋ anym dad a: blel Nyam Abusu ɛs okm ɛy alaw bɛb es, ke blel s'ánŋ ɛsɛ Sodɔm ɛyŋ af, ke s'ótarir es Gomɔr ɛyŋ ab.

Agŋ a fɛŋ eke b'ɔny ɔmn Krist em a Nyam b'oc el agŋ nyim nyim

³⁰Ke ayaf si ki dadr ab ee? Nawrɛ, agŋ eke elm Jwifɛl a, ɔlm eke k'el nyim nyim Nyam ec'any af. Gbɛkɔ -l'ekn eke Nyam ɛŋ eb el, el ec'ɔmn a sosiem.

³¹Ke Israel ec'agŋ a am ɔl eke k'el nyim nyim eke -li b'elum Nyam ec'ol a sosiem. Kɔ el -l'ɔwl -l'ok es.

³²Bla sosiem ee? -l'owl -l'ok es, anke -l'olm nyim nyim el na es omn em, -li tutr eke el ec'ow kok em -li b'ow -n'ehn. Eben a, -l'uyum lebn a eke b'elu egn wus ab ab.

³³Tasi em a, Nyam Lel dad nine: Sion eb em, m'am ew lebn nyam eke b'eb agn akr, lob eke b'elu egn wus es. Egn yec'eke b'oc omn elu'l em a, sos k'ow omn es legn kaka.

Rom eyn e lel 10

Jwifel lele agn eke elm Jwifel ab ab ony Es Kotoko nyam

¹Agn lisijimel, m'am erur em ec'erm fen em eke Jwifel k'ehn sel, etn m'am ibrm Nyam low na el eci.

²Nawre, m'otu eke mi k'ij el e lis e danke m'ese: Nyam e kok owi ane el erm em tasi, ko -l'uwm ow ec'ejagb ab any tasi.

³-L'irim elel eke Nyam b'ocr agn nyim nyim a, etn -l'ol el ec'elel eke agn b'eel nyim nyim ab es. Ow on -l'egnm -l'ebm elel a eke Nyam b'ocr agn ese agn nyim nyim af a.

⁴Tasi em a, Krist kok Mois ec'ol a e low iy neny, yec'etn ke Nyam oc agn fen eke b'ub Krist nawre a agn nyim nyim.

⁵Mois in obi non elel eke wel otu eke k'eel nyim nyim ol ec'elum sosiem a nine: egn yec'eke bi kok ol ec'ow a fen ek'anen em a, b'ow ane owr in em.

⁶Gbeko kin yec'eke li dad agn a eke Nyam b'oc ese agn nyim nyim af el ec'omn a sosiem a e lis: ki dad n ec'erm ab em k'ese: bwo ec'egn b'ow uyu afr ee? Ese eben eke wel am ibrm, ko bwo b'ow uyu afr ony Krist usm es ee?

⁷Emeny ki dad k'ese: bwo ec'egn b'ow us es wus lokm ee? Ese eben eke wel am ibrm, ko bwo b'ow us es yogon ony Krist elu okm agn ek'uw ab em ee?

⁸Ow elm eben, anke wel non: odad a ane'n saw, n e neny ab em lele n ec'erm em ab ab. Etn odad na, in anake l'el omn ec'amani a eke s'am ob a.

⁹Eke n e neny bi dad agn fen ec'any af ese Jesu el Es Kotoko, etn ub nawre n ec'erm ab em eke Nyam igbm'n luw em a, ow b'ow on'e n sel.

¹⁰Tasi em a, eke si b'ub nawre ey ec'erm fen em a, Nyam b'oc ey ese agn nyim nyim af, etn eke si b'elu ey ec'omn a okm agn fen ec'any af a, li bi sog ey.

¹¹Ee, Nyam Lel dad nine: Egn yec'eke b'oc omn elu'l em a, sos k'ow omn es legn kaka.

¹²Ow sosiem a, ereb anm Jwifel lel agn ek'elm Jwifel ab ab ec'aran ij. El fen Es Kotoko nyam ce -n'onny, etn li b'on agn a fen eke b'elu'l lebl a in ec'ow amann a.

¹³Nyam Lel dad nine: Es Kotoko b'ow sog agn a fen eke b'ow elu'l lebl a.

Amani Mamn e kokoba ec'ob

¹⁴Sica ayaf -li b'ow -l'elul Es Kotoko lebl, eke -l'ubm ow nawre ee? Ety ayaf -li b'ow -l'ub ow nawre, eke -l'irim ow e lis owi ee? Ety emeny ayaf -li b'ow -l'iri ow e lis owi, eke egy obm el ow ec'amani ee?

¹⁵Ety ayaf egy k'obr ow ec'amani, eke wel eram egy ow ec'ee? Ow sosiem wel non Nyam Lel em: Eben tasi eke ow akpl eke wel ki ler agy a eke b'ob samani amamn a eci mower ana!

¹⁶Gbeko, ow elm agy a fey eluam Amani Mamn a. Tasi em a, Esayi dad ow e low nine: Es Kotoko, ko bwo ec'egy ub ey e Nyam odad a nawre ee?

¹⁷Nje, eke egy b'iri amani a, ow anake li b'ub Es Kotoko nawre a, ety amani na, ow ow el Krist e lis ec'odad a.

¹⁸Ow sosiem m'am ibrm m'ese: ko Jwifel amua, -l'irim odad na e low ee? Yady, -l'iri! Tasi em a, Nyam Lel dad nine: Wel iri el e lebl wus nimum af ety el e sodad ebl im toj ok wus e nuj.

¹⁹Ow sosiem emeny m'am ibrm m'ese: Ko Israel ec'agy na, -li k'irim low a k'okm el es sos em ee? Ke Mois iky anym dad el Nyam ec'odad a nine: Mi b'ow m'oy nyamn eyr ony ony agy na ek'el agy ek'onym any a e lis. Mi b'ow m'oy erm ebl ony agy ek'onym low any uw kaka a e lis.

²⁰Ety Esayi oc lokm susu em dad nine: kin low eke Nyam dad: Agy a eke olm'm es a, el -n'eyn'm. Ety m'elu sos okm mi yegm agy a eke ibram im low kaka a.

²¹Gbeko Israel ec'agy a e lis a, Nyam dad nine: Legy nimum a, m'egym abu es bieku nyam eke eluam low, ke egyem em e low ebm a e lis.

Rom eyj e lel 11

Nyam igym Israel eyj elum es

¹Sica m'am ibrm m'ese: ko Nyam in ec'agy na es l'igy l'ok wel ee? Njan! Anke em m'el Israel iy, Abraham e lilaw lele Benjame ec'eb em ec'egy ab.

²Nyam igym in ec'agy a eke in obi l'iky anym li solum l'ot a, l'elum es. Eke m'onym yady, ke uwr Eli e sodad eke any Nyam Lel em ab any, yogy a eke n'am ok Israel eyj dedeku es Nyam ogy a.

³Ety kin odad a: Es Kotoko, -l'ibi y eci kokoba ob esel a, -ni nyun y e segb waw usu a. Em sony ce anake m'any a, ety em yeji -n'am erur eke -li k'ibi'm.

⁴Ety Nyam ec'eke dad on'n a el bogy ec'ee? Anm y sony! M'edyn agy fandi loby m'ew es em eci, agy a eke okm owrop wus igym Baal nuj a.

⁵Yefenyina yeji low nyam a ce. Agy tel any eke Nyam in ec'erm mamn ab em edyn ew es.

⁶Eke Nyam in ec'erm mamn ab em solum ot el, ke ow elm el ec'ow eke -li kokr a sosiem. Blel ow el eben, ke Nyam ec'erm mamn em ec'ob ap a elm bibm ofr em ij.

⁷Sica ayaf si ki dadr ab ee? Israel eyη eηnm ob a eke -n'am ol es a, kō agη a cē eke Nyam sōsum ot a eηn ob a; agη likpr a ōny erm tuotuo,

⁸ετη εσε elel eke wel nōn Nyam Lel em ab af: toη ke igη yefenyna a, Nyam ōη el eci low iri a anη εσε ob eke uw af, n'ōom abusu eke el ec'anyamn a k'ekn es, ke el ec'oru a íri ów.

⁹Eb ebu David yeji dad nine: Ke el eci ob ij εgbel a ítηn el meb eke wel uk el, nōmu e wel εdη, el e wus ok eci, ke Nyam kók el ow e low.

¹⁰Ke -l'el ány eflu, -li k'eknmn low kaka feη! Ke Nyam úyul el εrekp leg leg ōny ibn el es seηη feη!

Agη a eke elm Jwifel a eci sel εηn owi

¹¹Sica m'am ibrm m'εse: kō Jwifel na wus -l'ok kpekη kpekη ab ee? Njan! Gbeko el eci low any obr a ōη εtη bieku ejeci ec'agη a ōtu eηn sel. Eben a, ow ōη Israel eyη am ogη el ηkre.

¹²Israel eci low any obr a ism wus ów amamn εgbel εgbel ab, εtη in eci wus ey a ism agη ek'elm Jwifel a ów amamn εgbel εgbel ab. Sica, leηη a eke Jwifel a feη b'ow ewl εηη Nyam e low eb a, ow ayl tasi eke Nyam ec'ów amamn εgbel a emeny b'ow agb bobn.

¹³Sica, ōny eke elmn Jwifel a, ōny anake m'am dad ōny odad a. Em m'el Krist ec'erm es agη a ek'elm Jwifel a eci, εtη m'ony sos em iηn em e juma na em.

¹⁴Juma na eci kok em a, m'am ōny tutr eke mi b'ow m'obn em lisijimel Jwifel eci ηkre ogη a, ke ow ōη m'eb agη nyam nyam el em.

¹⁵Tasi em a, eke Nyam ew el saw a, l'okr em wus ab. Sica, leηη a eke li b'ow l'ewl l'eb wel a, bla lowi b'ow ey ab ee? Agη eke uw a b'ow ewl anη owr.

¹⁶Eke futufutu ec'ogog nyam el Nyam eci, ke futufutu a nimum yeji in ec'ana. Eηη eke likη nyam eci min a feη el Nyam eci, ke ál a yeji in ec'ana.

¹⁷Israel eyη anη εσε olivie ikη eke wel ewl ōgm, ke Nyam bubr in ec'ál beb es af. Eηη η, eke elm Jwif ke anη εσε akp ōfr em ec'olivie ikη af a, l'oc l'ujr'η likη lis ab em, wuwlm ekη ál tasi a eke cucu likη lis a eke wel ewl ab ab. Eηη sica, ōtu eke in ec'ekη ál ab ab k'εηn mij a eke b'anη in e min ab em ow a.

¹⁸Ow sosiem, k'im ekη ál a ec'any af k'ij en! Eke erur eke k'ij en, ōkn eke ow elm η ec'abu em likη a e min a anm, kō η likη a e min a ec'abu em anη.

¹⁹Ō b'ow dad εσε: wel bubr ekη ál es εtη em, wel oc ujr'm likη lis ab em.

²⁰Na low nawre! Wel bubr el es anke -n'ōnym ōmn, εtη η akηm likη lis ab ab, anke ōny ōmn. Ō k'ew sos, kō erηn anake k'ōny'η a.

²¹Εε, anke eke Nyam εgbm Jwifel eke el likη caη a ec'ál ab es, η yeji li k'ow l'εgbm'η es.

²²Èbmn nyamn òkn el el eke Nyam b'elu in ec'erm mamn òny lel in e tuotuo el ab ab òkm a: l'elu in e tuotuo el a òkm agn eke ok wus a e lís, etn l'elu erm mamn òkm n e lís. Gbèkò ow it eke k'anñ in ec'erm mamn òny ab em, ek'ow elm eben, n yeji li b'ow l'ubr'ñ es ese likn lal af.

²³Eke batn Jwifel ign el eci erm tuotuo a elu es, Nyam b'ow ewl oc ujr el yogñ a eke anym em a -n'anñ a, anke n'ony abusu eke li k'ujr wèl em.

²⁴Tasi em a, n, akp òfr em e likn lal el. Nyam ubr'ñ es etn oc ujr'ñ likn eke wèl ewl em, n ec'a ow elm el el eke wèl ki kokr a. Jwifel ec'a, el -l'el likn a eke wèl ewl a ec'ál. Ow sosiem, ow b'ow ew fuèfue eke Nyam k'ujr el likn na eke ow el ow em - l'elil -l'òkr òkm a.

Israel eyñ fèñ e sel èññ

²⁵Agñ lisijimel, kin Nyam e lís e low e lol es ke m'erur eke mi ki yegm òny uwr any, yec'etn ke òny eke elmn Jwifel a, k'òcrmn òny sosi eke eel esewru. Israel eyñ ec'ogog nyam k'ow egñm eke k'iri low, etn ow b'ow anñ ibn toñ bake eb eb ejec'a e nenya a nimum ewl ow Nyam ogn.

²⁶Ètn eben a Israel eyñ tasi a fèñ b'ow èññ sel, ese el el eke wèl non Nyam Lèl em ab af: Es Eb Elu Es a b'ow anñ Jerusalem ow. Li b'ow n'ony Jakob ec'eb a eci low any òbr a l'oc es.

²⁷Ètn Admaga ign af dad nine: kin sinm a eke mi b'ow mi kok el ab legñ a eke mi b'ow m'ony el e sikpl a m'oc es a.

²⁸-L'egñm Amani Mamn a -l'ebm, ow òñ -l'ewl -l'el Nyam ec'efnu etn eben a, òny, ow akpl òny eci. Ke Nyam eke sòsum ot el a, in ec'agn eke wèl k'el eci. Li b'erur wèl el lagñel sosiem.

²⁹Tasi em a, legñ kaka Nyam ewlm ébm ob eke li b'òñ egñ a, etn agñ a eke li bi sòsum l'ot a, l'igñm l'elum wèl es legñ kaka.

³⁰Legñ sig em a, òny òbar Nyam any, kò caca em a, Jwifel anake òbr Nyam any, ke ow òñ, òny èññan Nyam eci sòññ ikñ a.

³¹Ètn el ec'a yeji eben ce ow b'ow el: sica el yeji, -li b'ow -l'òtu -n'èññ Nyam e sòññ ikñ a, òny eci sòññ ikñ a eke Nyam òny a sosiem eci.

³²Tasi em a, agñ a fèñ ònym elum, ow sosiem Nyam egb el es -li kok ów eke -l'erurir a, yec'etn ke li yégm wèl fèñ in eci sòññ ikñ a.

Nyam agb

³³Nyam ec'ob òny a agb nawre tasi! In e sewr a lel in e low any uw ab ab òtu nonò, egñ kaka k'òtum uwm in ec'ów eke li bi dad l'ucu es ab any, egñ kaka k'òtum irim in ec'ów eke li bèbm l'ok es a. Nyam Lèl dad nine:

³⁴Bwo uw Es Kòtòkò eci tutr ab any ee? Bwo òtu eke k'òm'n ów ee?

³⁵Bwo ikñ anym òñ Nyam ob, eke sica Nyam yeji k'òwr òñ'n ee?

³⁶Ɛgɛɛ kaka, aɲke in em feɲ b'any ow, in em feɲ ecr any etɛ el in eci. Anygbel el Nyam eci seɛɛ feɲ! Amen!

Rom eyɛ e lɛl 12

Krist ab ec'eb ir owr

¹Agɛɛ lisijimel, Nyam ony ey eci soɲɛ ikɛ. Ow sosiem, m'am om ony ow eke k'ocr ony ec'egɛ el a nimum lele ony ec'owr any ab ab apr ir, ese egb waw ek'ayl ke akpl af. Na anake el nuɲ igɛ tasi a ek'it eke k'owɛ in a.

²K'usr wus eke s'ir af a ec'agɛ em ec'ow a jam, ko yebr Nyam itɛɛ ony e tutr a nimum. Eɛen ke otur uwr yec'eke l'erur ab any: yec'eke akpl, yec'eke akpl'l sos em lele yec'eke iy neny bebmn ab ab.

³Bibm em ec'ob ap ofr em a eke Nyam ony m a sosiem, m'am dad ony em ec'egɛɛɛ nyam nyam feɛ eke k'ocrm in sosi egɛ ligbel. Ko okr nuɲ em es, ke jejr ony sosi okr omn a eke Nyam ony ey ab em.

⁴Tasi em a, ey e sos megl ab em susu ogog nono any, ko el feɛ -li kokmn juma nenyembri nyam a.

⁵Nene anake s'any Krist ab ec'af okr ab em a. S'eny nono, ko ey feɛ a s'el sos megl nyam. Etɛ ey feɛ s'okr af ey ofr em, egɛ egɛ ec'usu ek'any a, ese sos megl nyam ec'ogog ogog ec'ab af.

⁶Bibm em, Nyam ony ey sob ap ofr em, etɛ egɛ egɛ eɛɛ in eci. Ow sosiem, ek'egɛ nyam eɛɛ bibm ek'el odad dad eci ese kokoba ob es af a, ke li dad yec'a eke okr af ey ec'omn ab ab a.

⁷Ek'egɛ nyam eɛɛ bibm ek'el juma ec'abu elum eci, ke n'am kok abu elum es e juma, ek'egɛ nyam eɛɛ bibm ek'el low yegm eci, ke n'am yegm agɛ low,

⁸ke egɛ ek'eɛɛ bibm egɛ e sos es atr ec'a, am atr agɛ sos es. Egɛ ek'am ony agɛ ob a, ony erm nyam em, egɛ ek'am nyimn agɛ a, nyimn el gbragbra kok em. Egɛ ek'am elum ogboru abu a, elum el abu sos em in em.

⁹Ke ony ec'erur a el nenyembri nyam em; ifan low nɛɛ kok, ke ucur low mamn e kok onyn es.

¹⁰Eerurir ony ofr erm froro em, ese Krist em ec'agɛ lisijimel af. Eel agɛ eke b'ogɛ es elum el lawlel.

¹¹Kokr Es Kotoko eci juma gbragbra kok em, ke sos am kaka k'anm em, ke ow el ony ec'erm feɛ em.

¹²Anɛɛ sos em in em ony e low omn a sosiem. Onyn erm susu gbre ij em, ucur Nyam nɛɛ onyn es.

¹³Elumn Nyam ec'agɛ ek'onyn es abur a abu, ke seɛɛ feɛ bebmn sos ebr agɛ a eke b'ow ony ogɛ a senyn senyn.

- ¹⁴Ìbrmn Nyam e low mamn ɔɲn agɲ eke b'ijr ɔny gbre a, ìbrmn low mamn, kɔ ow k'él low ɲuɲ.
- ¹⁵Àɲɲn sos em iɲn em agɲ a eke b'any sos em iɲn em ab ab, ke íkɲn ɔɲn, agɲ a eke am ikɲ ɔɲn ab ab.
- ¹⁶Nɛny ókr ɔny af ɔny ɔfr em. K'èel es efuu, kɔ ègɲn es is em e juma kok ebr. K'ɔnyɲn tutr eke ɔny eel agɲ eke uw low fɛɲ any.
- ¹⁷Low ɲuɲ eke egɲ kok ɔny a, kɪ kokr k'ɔbar ir any, kɔ ɔɔl low mamn kok es agɲ fɛɲ ec'any af.
- ¹⁸Eke ow el ɔny obi em, etɲ ow ɔtu eke ow k'el eben, ìir eb erm es ey em agɲ fɛɲ ab.
- ¹⁹Erur em ec'agɲ lawlɛl, low eke egɲ kok ɔny a, ɔny obi kɪ kokr ir, kɔ ègbr Nyam ec'erm bebl ab es kok ow e low. Tasi em a, Nyam Lɛl em a, Nyam dad nine: Em mi b'usr egɲ usu mi kok low eke wɛl kok'r a! Em mi b'ow m'ɔɲ egɲ egɲ ec'ek'it eke k'ɛbm a!
- ²⁰Gbɛkɔ li dad yɛj'eke: Eke ɲ ec'ifnu namn am ɔny, ɔɲ'n ob l'íj, eke mij amn am ɔny'n, ɔɲ'n mij l'égɲ. Eke batɲ bi kok eben a, ow any esɛ almali ek'am ot ok'r nuɲ af.
- ²¹Kɪ yɛb low ɲuɲ k'akm'ɲ es, kɔ òc low mamn akmn low ɲuɲ es.

Rom eyɲ e lɛl 13

Èlumɲ agɲ ek'ɔnym es ɛw ab a

- ¹Ow it ek'egɲ fɛɲ k'elum agɲ ek'ɔnym es ɛw ab a. Tasi em a, Nyam em es ɛw fɛɲ b'any ow, etɲ agɲ a ek'ɔnym es ɛw ab a, b'ɛw agɲ es aɲke Nyam ɔɲ abusu.
- ²Ow sosiem, eke egɲ nyam am ɔny low es ɛw ɛsɛl ab a, ke Nyam e low a eke egɲ eb ab ab anake n'ɔny low a, etɲ agɲ a eke égɲm eluam el a, el obi el obi am eb jɛj ok ɛw sos.
- ³Eke wɛl am kok low mamn, wɛl ɔtum eke k'uru agɲ ek'ɛw ey es a, kɔ wɛl ɔtu eke k'uru el eke wɛl am kok low ɲuɲ. Erurm eke k'uru es ɛw ɛsɛl ee? Ek'ow el eben a, kòk low mamn, -li b'ow -l'aw'ɲ.
- ⁴Tasi em a, es ɛw ɛsɛl am kok Nyam eci juma yec'etɲ ke -ni nyimn'ɲ ey low mamn em. Gbɛkɔ eke am kok low ɲuɲ, ow it eke erɲn k'ɔny'ɲ. Tasi em a, es ɛw ɛsɛl ɔny abusu eke k'ɛw low ɔɲ'ɲ, etɲ ow elm ɔfr ɔfr nɛnɛ cɛ! Eke es ɛw ɛsɛl b'ɛw low ɔɲ egɲ, ke -n'am kok Nyam e juma, -n'am elu Nyam ec'erm bebl a ɔkm egɲ eke bi kok low ɲuɲ a e lís.
- ⁵Na sosiem ow it eke si k'elum es ɛw ɛsɛl, etɲ ow elm Nyam ec'erm bebl a eke si k'aru s'egb es a cɛ eci, kɔ eke ey e tutr em a, s'uw any eke ow el low mamn a sosiem.
- ⁶Etɲ low na sosiem yeji anake b'ɛnmn nɛmpo a. Tasi em a, juma kok ɛsɛl a eke b'ibr ow eci labm a, Nyam in obi abul el ow e juma.

⁷Ōññ egn egn feñ yec'a ek'it eke ki kokr òññ in a: nempo feñ ek'it eke ki soğr òññ in a, soğr òññ in; ke kòpre ek'it eke ki soğr òññ in a, soğr òññ in. Eke ow el elum k'elumn egn, èlumn in. Etn ek'ow el sos k'usar egn, ùsar ir sos.

Erur eke wèl b'òny egn kaka feñ ec'a, el ol a tasi

⁸K'ònymn egn kaka ec'ob ab, ek'ow elm erur eke k'ònyñ òny òfr em a ce e labm. Egn yec'eke b'erur agñ ejec'a, kok ol a e low feñ iy neny.

⁹Tasi em a, sol a feñ eke uwr any ese: K'èjum ñ e yow oglog ñ ec'ign. K'íbim egn. K'íym mil. K'ócm nyamn eyr em erurm ob ek'elm ñ ec'a, lele ejec'a feñ ab, ob okr af anñ ol nyam na em: B'ow erur egn kaka feñ ese ñ obi af.

¹⁰Eke egn òny erur, li k'òtum li kokm egn ejeci low ññ, etñ eben a, ow b'òñ wèl kok ol a e low feñ iy neny.

Bèbmñ sos lægn eke Krist b'ow ow a eci

¹¹Ōny uwr lægn eke s'anñ em ab any: ow el wanci eke k'ufñmn es òny e memn eru ab em! Tasi em a, sel eññ a titm ey akm lægn a eke s'ub Krist nawre a.

¹²Ow k'ow ibnm, lægn uk b'ow uwr etñ lægn owr b'ow ey òkm. Ow sosiem, s'íl ey ec'ów eññ a feñ eke si bi kok ncok em ab es. Ke si bébmñ sos usuayl em ec'eb ir eci.

¹³S'íir eb low nenyembri nyam em, ese lægn owr fitañ af: s'áru ob ij nòno lele mar egn nòno ab s'egb es. Si k'ágbr lòsn egn kaka feñ ab, si k'ír eb suksuk kok owi em, ke si k'ánm ów es atar lele uwerñ ogñ ab e low em.

¹⁴Àñññ ese eled eke Es Kòtòkò Jesu Krist anñ ab af. Eke ów aw eññ a ek'anñ òny em a b'erur eke k'òdu im ok òny low ññ em, k'òññ in abusu.

Rom eyn e læl 14

Kí jejm esñ jim Krist em e low okm

¹Ègnñ egn eke ew fuèfue òmn em a ebr, ke kí dadmn low ññ in e tutr eke li b'òny ab af.

²Oglog ke egn nyam òny tutr eke l'òtu e li k'ij ob feñ, ke egn ejeci nyam eke ew fuèfue òmn em a, k'íjm ndey ke n'am ij suw obi.

³Egn a eke b'ij ob feñ a itm eke k'ifn egn a eke íjm ob beb a. Etn egn a eke íjm ob beb a itm eke ki jej egn a eke b'ij ob feñ a e low ok, anke Nyam in obi egn eb'r.

⁴Ŋ, bwo el'ñ eke ki jej Es Kòtòkò e juma kok es e low ok ee? Ke n'ínym es afr oglog ke l'éy wus, na in ec'Es Ew Es a e low. Etn li b'ow n'ínym es afr, anke Es Kòtòkò òny abusu eke k'ucu òny'n es.

⁵Egn nyam òtu ek'am tutr eke segn beb òny any akm segn ejec'a, ke egn ejeci nyam in am tutr eke -li bebmn el feñ. Ow akpl ce ek'egn egn k'òny òmn tasi ow eke n'am tutr ab em.

⁶Ɛgɛɛ a ek'am ok ereb seɛɛ ec'araɛn a, am kok eɛen Ɛs Kɔtɔkɔ eci. Ɛgɛɛ a ek'am ij ob feɛɛ a, am kok eɛen Ɛs Kɔtɔkɔ eci, aɛɛke li b'ɔɛɛ Nyam bia in ec'ob ij a eci. Ɛtɛɛ Ɛgɛɛ a ek'ijm ob feɛɛ a, am kok eɛen Ɛs Kɔtɔkɔ eci, aɛɛke in yeɛɛɛ li b'ɔɛɛ Nyam bia.

⁷Ɛy em a, Ɛgɛɛ kaka ánm owr in obi eci, Ɛtɛɛ Ɛgɛɛ kaka úwm in obi eci.

⁸Eke s'anɛɛ owr, ke Ɛs Kɔtɔkɔ eci s'anɛɛ owr, eke s'am uw, ke Ɛs Kɔtɔkɔ eci s'am uw. Feɛɛ em a, s'el Ɛs Kɔtɔkɔ eci.

⁹Ɛe, Krist uw Ɛtɛɛ n'anɛɛ luw em l'igb, yec'etɛɛ ke l'éw agɛɛ a feɛɛ ek'ub'r nawre ab es, el a eke uw lele el a eke anɛɛ owr ab ab.

¹⁰Kɔ ɛɛ, bla sosiem am jej esɛɛ jim e low ok ee? Ɛtɛɛ ɛɛ gbɛ, bla sosiem am ifn esɛɛ jim ee? Tasi em a, Ɛy feɛɛ si b'ow s'im Nyam ec'any af, ke li jéj Ɛy e low l'ok.

¹¹Nyam Lel em wɛl nɔn: Ɛm, Ɛs Kɔtɔkɔ ek'anɛɛ owr, m'am ij neny m'ese: ob ob pupukpaɛɛ b'ow ok ɔwrɔkp wus em ec'any af Ɛtɛɛ el feɛɛ -li b'ow -li kɔkɛm em ec'anygbel a.

¹²Ow sosiem, Ɛy em ec'egɛɛni nyam nyam feɛɛ b'ow jej in e lís e low ok Nyam ec'any af.

S'ɔɔl low yec'a eke b'is erm es Ɛy ab es

¹³Sica s'èwr Ɛy ɔfr eci jej ok owi ab es. Ke ow tasi eke k'egɛɛn ebr a el: k'ócmn ob kaka ewmn es ɔny lisijim anym in eci wus elu eci oglog in e low ɛɛɛ em Ɛy eci.

¹⁴M'uw any Ɛtɛɛ Ɛs Kɔtɔkɔ Jesu em ow ayl'm sos em eke ob kaka in obi em a elm ob ek'aylm. Gbɛkɔ ek'egɛɛ nyam am tutr ek'ob nyam el ob ek'aylm, ke ow el ob ek'aylm in eci.

¹⁵Eke am ɔɛ esɛɛ jim ij gbɛɛ ob ek'am ij a sosiem, ke irm eb erur em ij. Ob ij owi nuɛɛ af, kì ɛɛɛ esɛɛ jim nyam eke in sosiem Krist uw a!

¹⁶Ob yec'eke am ekan ese ɔny ec'ob mamn af a, ɔtum eke k'ɔɛɛ agɛɛ ejec'a abusu cak ɔny.

¹⁷Tasi em a, Nyam e gbɛɛɛgbi usu a elm ob ij lele mar Ɛgɛɛ ab e low. Kɔ Nyam e gbɛɛɛgbi usu a, nyim nyim el, erm es Ɛy lele sos em ɛɛɛ a eke wɛl b'ɛɛɛ Abɛɛ Lala em a e low.

¹⁸Ɛgɛɛ a eke b'igɛɛ Krist nuɛɛ eɛen a e low b'akpl Nyam sos em, Ɛtɛɛ agɛɛ yeɛɛɛ b'aw'r.

¹⁹Ow sosiem, s'ɔɔl low yec'a eke b'is erm es Ɛy, ke b'elum Ɛy abu s'okr af s'imn anym eci ɔmn em ab es.

²⁰Kì ɛɛɛ Nyam eci juma a ob ij owi nuɛɛ af! Tasi, ob a feɛɛ wɛl ɔtu eke k'ij, gbɛkɔ ow akplm eke wɛl k'ij ob, eke ow b'ow ɔɛɛ Ɛgɛɛ lisijim nyam Ɛy low eke n'am ekn ese sikpl af ab em.

²¹Ow akpl eke k'ijm ndey, k'égɛɛm mar, s'úbr es s'ese: kí kɔkɛm low kaka feɛɛ ek'ɔtu eke k'ɔɛɛ esɛɛ jim Ɛy wus a.

²²Yec'eke am tutr low na af a, ow áññ'η erm em Nyam ec'any af. Ehe él εγη a eke low éym sos em wanci ab af eke li b'ucu low n'ony eke li ki kok a eci.

²³Gbεkε εγη nyam ek'am ij ob ke am bεbar in em eke ow akplm a, εγη ikη a, Nyam b'ow εb'r low. Tasi em a, l'el εγη eke neny okrm af in ec'omn ab ab, ετη low fεη eke wel am kok ke elm omn em a, el sikpl.

Rom eyη e lεl 15

S'ébr Krist e sεwl a

¹Sica, ey a eke s'ij lεc omn em a, ow it eke si k'εγη εl a ek'onym lεc na a ec'elel eke b'εkan ów a s'éb, ke si k'ólmn ey e low eke si b'erur a cε es.

²Ow it eke ey em ec'εγη fεη ki kok low eke b'akpl lawl sos em in e low nimamn eci, ke ow élum ey abu s'okr af s'imn anym eci omn em.

³Krist ólm low eke l'erur ab es. Kε εse elel eke wel non Nyam Lεl em a: Wεwr a eke wel wεwr'η a εwl meny ok'm af.

⁴Tasi em a, lεγη sig em e Nyam e Silεl a fεη eke wel non a, el ey e low yεgm eci. -L'it eke -li k'εη ey erm susu lele sos es atr ab, yec'ετη ke s'óny low omn.

⁵Ke Nyam ek'in em erm susu lele sos es atr ab anyη a, óη ony εtur ony εfr em a iir εb neny af okr em, εse elel eke Jesu Krist yεgm ony sεwl ab af.

⁶Ετη erm nyam em lele lebl nyam em ab, b'ow εtur kεklmn Nyam ey Εs Kεtεkε Jesu Krist ec'Εs ec'anygbel a.

⁷Ow sosiem a, εγηη ebarir ony εfr, εse elel eke Krist eb ony Nyam ec'anygbel a ec'ab af.

⁸M'am dad ony, Nyam ij neny nyam. Ow sosiem Krist ow el Jwifel e juma kok εs, yec'ετη ke ów a eke Nyam εwar ey lagηel a, li kók ow iy neny.

⁹Ετη αγη a ek'elm Jwifel a am kεklm Nyam ec'anygbel a, in e sερη ikη a sosiem. Tasi em a, Nyam e Silεl ab em wel non: Na sosiem, mi b'ow mi kεklm'η εbr εbr fεη ec'araηη ετη mi b'ow m'εγη η e nin a ec'εj.

¹⁰Ετη emeny Nyam e Silεl a dad ninε: Εb εb ec'αγη, kεkr sos em iηn Nyam ec'αγη ab ab.

¹¹Εb εb a fεη ec'αγη, kεklmn Εs Kεtεkε! Ke αγη a fεη kókln'n!

¹²Ετη Esayi yeji dad ninε: Jese eci bosu em ec'εγη nyam b'ow ow. Li b'ow l'igb l'εw εbr εbr ab es, ετη εbr εbr a b'ow oc el eci low omn a εw'r af.

¹³Ke Nyam eke b'εη αγη low omn a yíbr ony erm es ey lele sos em iηn ab, ony ec'omn a sosiem. Εben ke ow εη low omn iy ony em Abη Lala e lεc ab em.

Low nuη af eke Pεl am awη lεl a

¹⁴Αγη lisijimεl, em obi em a, m'uw any tasi eke ony, onyn low erur tasi ony obi em, uwr ów nonε any ετη εtur eke k'omnin ów ony εfr em.

¹⁵Gbeko lel na e susu beb em a, m'otu mi dad erm susu em ow beb ek'it eke mi ki kokn ony a. Mi kok eben, anke Nyam, in ec'erm mamn ab em

¹⁶ew'm Jesu Krist e juma kok es, agn a ek'elm Jwifel a eci. L'oc l'ew'm saw eke mi k'ob Nyam ec'Amani Mamn a e kokoba, yec'etn ke agn a ek'elm Jwifel a el egb waw ek'apkl Nyam sos em, etn Abn Lala anake bi kok ke ob ap na b'el Nyam ec'a.

¹⁷Na sosisem, eke m'okr af Jesu Krist ab a, ntotn otu eke k'ok'm, juma a eke mi kok m'on Nyam a eci.

¹⁸Tasi em a, eke erm susu em m'otu mi dad low nyam, ke ow el yec'a ce eke Krist ecr em em kok a. L'ecr em em, n'on agn a fen ek'elm Jwifel a ony Nyam ec'elum. Li kok low na sodad ebl em lele ow kok em ab,

¹⁹li yegm in e lec a simeny ewr em lele ow any iti owi em ab, Nyam ec'Abn a e lec ab ab. Etn ow ign Jerusalem im ton ok Iliri e wus ab af, mi cecr Krist ec'Amani Mamn ab es nimum.

²⁰Gbeko m'erur eke mi ki cecr Amani Mamn ab es susu a ce eke agn k'uwm Krist any a. Mi kok eben eke mi k'usm el egn ejeci ec'el lebn eke elu nomu em ab af.

²¹Mi kok ese el el eke wel non Nyam Lel em ab af: Agn a eke wel obm in ec'amani a okm a b'ow ekn'n, etn agn ek'irim in e lis owi kaka a b'ow iri.

Pɔl erur eke k'im ekn Rom e Nyamel a

²²Sica susu nono eke m'im m'ob Nyam e kokoba a, el low a eke segn fen om im abusu eke mi k'ow ony ogn a.

²³Caca em a, m'umar em e juma ogog anja. Etn eke akpo nono em m'erur eke mi k'ow ony ogn a,

²⁴em eci Espany wus af eci ec im em a, mi b'ow m'ow yogh. Xe, m'onny omn eke mi k'ekn ony, em e yogh eci ec im em a, etn m'am omn ony ec'abu eke k'elumn'm ke m'im a. Kaka fen yeji, m'erur eke mi k'anng ony ab segn beb.

²⁵Gbeko caca em a, m'aam Jerusalem, Nyam ec'agn a ek'anng yogh a ec'abu elum eci.

²⁶Tasi em a, Maseduan lel Akayi ab eci omn esel a bebm eke k'okl os on Jerusalem e Nyamel ab em ec'ogboru ek'anng a.

²⁷-Li bebm eke -li k'elum wel abu, gbeko nawre em a, ow el labm ek'anng el af. Maseduan lel Akayi ab eci omn esel a elm Jwifel, gbeko, -n'ehn Jerusalem e Jwifel eke b'us Krist jam a ec'abu em, ob ony a ek'el Nyam ec'a. Sica el yeji, ow akpl eke el e wus af anja ec'ob eke -n'onyn a, -li ki cec wel ab.

²⁸Mi b'oc os a eke -l'okal a m'elu Jerusalem e Nyamel ec'agn a abu em a, sica ow e jam a, mi b'ow m'im Espany a, mi b'ow m'ecr ony ogn a.

²⁹Etn m'uw any eke legn a eke mi b'ow m'ow ony ogn a, mi b'ow m'ow lele Krist ec'owro a nimum ab.

³⁰Gbeko agn lisijimel, kin yec'eke m'am ibrm ony a, ey Es Kotoko Jesu Krist sosiem lele Abn Lala ec'erur a eke b'onj ey ab ab sosiem: doghnin em ab Nyam eke b'ow nghan onn'm ab em.

³¹Donan, yec'etj ke mi k'eym Jude wus ab af ec'agn a eke ubm Krist nawre a ec'abu em. Donan, yec'etj ke Nyam ec'agn a egn abu elum a eke m'am oc m'im Jerusalem a eb,

³²ow onj ke m'otu m'ow ony ogn yogj sos em in em, etj eke Nyam erur, ke m'otu m'eb sel beb ony ab.

³³Ke erm es ey e Nyam a anj ony fej ab! Amen!

Rom eyj e lel 16

Esjn

¹Em obi m'am erm ey lisijow senyn Febe, eke el abu elum lis Sanjke e Nyamel ab em a.

²Ebr ir Es Kotoko e nin em, ese elel ek'ow it Nyam ec'agn ec'arahn ab af. Elum in abu sakp sakp fej eke li b'onj ony ec'es abur a, anjke l'elum agn nono abu etj em obi yeji l'elum im abu.

³Esjnin Prisil lele ec Akilas ab, eke s'am kok juma nyam Jesu Krist ec'a.

⁴-L'ow eke -li k'irmn el e sel a em ec'a e sog sosiem eci, etj ow elm em sony ce ow itm eke mi k'elu el bia. Sinyamel a fej ec'agn ek'elm Jwifel a yeji it eke k'onj el bia.

⁵Esjnin Nyamel a yej'eke b'as luku el ec'akj ign Nyam nun a. Esjnin em lawl Epenet yeji. In l'el egn krekre ek'itjn erm em el Krist eci Azi wus ab af.

⁶Esjnin Mari eke kok juma nono ony ec'a.

⁷Esjnin Andronikus lele Junias ab. -L'el em ec'agn etj el enj em anake legj ek'ec ab em s'anj sobel em a. -L'el erm esel eke leg nono, etj -l'ikj anym -l'ub Krist nawre gbu etj m'anj jam.

⁸Esjnin agn amua fej yeji: Ampliatus ek'el em lawl senyn Es Kotoko em.

⁹Urban ek'am kok Krist eci juma ey ab a lele em lawl Sakis ab.

¹⁰Apeles ek'elu in e cece kok okm Krist e nawre ub em, lele Aristobul ec'akj ec'agn ab ab.

¹¹Erodion ek'el em ec'egn a, lele Narsis ec'akj ec'agn ek'ub Es Kotoko nawre ab ab.

¹²Esjnin agn lisijowel a ek'el Trifen lele Trifos ab a. -N'am kok juma nono Es Kotoko eci. Esjnin agn ese: em lisijow senyn Persida eke in yeji kok Es Kotoko eci juma nono a.

¹³Rufus ek'el Es Kotoko ec'egn senyn eke solum oc, lele lis ek'em yeji anj ese em lis af a.

¹⁴Asenkrit, Flegon, Ermes, Patrobas, Ermas lele agn lisijimel lele agn lisijowel ek'ann el ab a.

¹⁵Filolog lel ey Juli ab, Nere lele lisijow ab, Olempas lele Nyam ec'agn a feg ek'ann el ab a.

¹⁶Esnnin ony ofr ke éyarir af ese Krist em ec'agn lisijimel lele agn lisijowel ab af. Krist e Sinyamel a feg am esnn ony.

Ɔwar es abal el

¹⁷Agn lisijimel, kin low yec'eke m'am dad ony: èwr sos erm agn a eke bi bubr Nyamel ec'agn em a e lís. -L'otu eke -li k'onny omn esel a -l'ok wus, sodad a eke -li b'ow -li dad -l'ok low yegm a eke ehan ab af a. Kpabr es el e lís,

¹⁸anke agn amua am kokm Krist ey Es Kotoko eci juma ij. El obi e lok a e juma nana -li bi kok. El e sodad ebl eke -li b'ok mij ab em lele el e nenym ob e sodad eke b'ihn sos em ab ab, -li b'aju agn a ek'uwm low nunn any a.

¹⁹Nawre, ony ec'elum a, agn a feg uw any; ow on, ony sosiem, m'ann sos em ihn em. Gboko m'am erur eke sewr k'iy ony em gbog low mamn kok eci, ke segn feg éwr erm arur low nunn egbr es.

²⁰Ow k'ow ibnm, erm es ey e Nyam a b'ow kikh Satan es ony ec'akr ew.

²¹Timote ek'am kok juma em ab a, am esnn ony. Lusius, Jason, lele Sosipater ab ek'el em ec'agn a, el yeji am esnn ony.

²²Em, Tersius eke mi non lel na a, m'am esnn ony Es Kotoko ek'onny okr ey af ab em.

²³Gayus am esnn ony, m'ij utu in ogg yogg etj Nyamel nimum b'as luku in ec'akn a. Eras ek'el eb ec'os es ew es a lele ey lisijim Kartus ab am esnn ony.

Anygbel él Nyam eci

[²⁴Ke ey Es Kotoko Jesu ec'owro a ánn ony feg ab. Amen.]

²⁵Anygbel él Nyam eci! N'onny abusu eke li k'onny ony ijr lec omn em ese elel eke m'am dad Amani Mamn ab em Jesu Krist e lís ab af. Amani Mamn na em, Nyam elu low a eke lol es god'etj a okm,

²⁶etj sica, ow eru es usuayl em. Sica agn a feg ek'elm Jwifel a otu eke k'uw'r any kokoba ob esel e silél ab em. Nyam a ek'ann segn feg a elu abusu na es, yec'etj ke agn a feg úb'r nawre ke élum'n.

²⁷Anygbel él Nyam ek'in sony coco ony sewr a eci! Anygbel él in eci Jesu Krist em segn feg eci! Amen!

Korɛnt eyɛ e lɛl krɛkrɛ

Korɛnt eyɛ e lɛl krɛkrɛ 1

Ɛsɛn

¹Ɛm Pɔl, Nyam ɛsɛn m' anke l' erur eke mi k' el Jesu Krist ec' erm ɛs. Ey lisijim Sɔstɛn ab e nin ɛm,

²m' am awɛ Nyamel ek' anɛ Korɛnt, agɛ a eke el Nyam eci el ec' ɔmn a eke okr af Krist ɛm a, lɛl na. Nyam am ɛsɛn el eke -li k' ir ɛb ow eci, ɛsɛ agɛ a eke usu fɛɛ bi nɔɔn Nyam ey Ɛs Kɔtɔkɔ Jesu Krist e nin ɛm ab af. L' el wɛl eci Ɛs Kɔtɔkɔ, ɛs' eled eke ey yeji l' el ey ec' ab af.

³Ke Nyam ey Ɛs lele Ɛs Kɔtɔkɔ Jesu Krist ab ɛdɛn ɔny ɔwɔ ke ɔnɔ ɔny erm ɛs ey!

Pɔl am ɛlu Nyam bia Korɛnt e Nyamel a ec' ɔw amamn eke Nyam kok ɔnɔ a eci

⁴M' ɔpim eke mi k' ɛlu Nyam bia ɔny eci, ɔw amamn a eke Jesu Krist ab ec' af okr ɛm n' ɔnɔ a eci.

⁵Ɛɛ, Nyam ɛcr Krist ɛm ɔnɔ ɔny ɔw amamn fɛɛ in e juma a eci, ke ow el in ec' ejagb a ec' any uw, ke ow el lec eke wɛl k' ɔny ɔb mɛwl ɛm in ec' odad a e kokoba.

⁶Low nawrɛ, anke wɛl ɔb Krist ec' amani ok ɔny ɛtɛn ucɛr ow e low ɔnyɛn ɛs kikri.

⁷Ow ɔnɔ caca ɛm a, Nyam ec' ob ap kaka anm ek' akm ɔny, lɛɛɛ na eke am ekur eke ey Ɛs Kɔtɔkɔ Jesu k' ɛlu sos ɔkm a.

⁸In anake li b' ow n' ɔnɔ ɔny ɛnymn ɛs kikri tonɔ ɔkr nuɛn a. Ɛben a k' ow ɔnymn low ɔbr kaka, lɛɛɛ a eke Ɛs Kɔtɔkɔ Jesu Krist b' ow ow a.

⁹Nyam el cɛcɛ, in anake l' ɛsɛn ɔny eke ki cɛcr sel ɛɛn Jim ek' el ey Ɛs Kɔtɔkɔ Jesu Krist ab a.

Korɛnt e Nyamel ab ɛm ec' ɛm bubr

¹⁰Agɛ lisijimɛl, ey Ɛs Kɔtɔkɔ Jesu Krist e nin ɛm, m' am nɔɔn ɔny eke nɛny k' okr ɔny af, ke ɛm bubr owi k' ɛnm ɔny ec' araɛn a. Ɔkar af tasi abɛn ɛm lele tutr ɛm ab.

¹¹Ɛɛ, agɛ lisijimɛl, Klowe ec' akɛn ec' agɛ a dad' m eke irirm in anɛn ɔny ɛm.

¹²Kin low a eke m' erur eke mi ki dad a: ɔny ɛm ec' ɛɛn fɛɛ am dad in ec' ek' erur. Ɛɛn na b' igb ke dád ɛsɛ: «Ɛm, Pɔl eci.» Ɛjɛci na b' igb ke dád ɛsɛ: «Ɛm, Apolɔs eci.» Ɛjɛci na b' igb ke dád ɛsɛ: «Ɛm, Pier eci.» Ɛjɛci nyam yeji b' igb ke dád ɛsɛ: «Ɛm, Krist eci.»

¹³Kɔ Krist e li cɛc ee? Kɔ Pɔl wɛl ɛw olikɛn af ɔny ec' ee? Kɔ Pɔl e nin ɛm wɛl ok ɔny mij nuɛn ee?

¹⁴M' am ɔnɔ Nyam bia, anke m' okm ɔny ɛm ec' ɛɛn kaka mij nuɛn, ek' ow elm Krispus lele Gayus ab cɛ.

¹⁵Nɛnɛ a, ɛɛn kaka k' ɔtum dadm eke ɛm e nin ɛm wɛl ok ɔny mij nuɛn.

16 Ɛε! Nawre, m'am ɔkn eke m'ok Stefanas ec'akɲ a yeji mij nuɲ. Ow e jam a, mi k'onym ɔmn eke mi k'ok eɲɲ ejeci mij nuɲ.

17 Krist eram im mij ok nuɲ owi em, kɔ Amani Mamm a ec'ɔb eci l'erm'm, etɲ ow elm agɲ e “sɛwr” e sodad a n'ɔɔm im abusu eke mi k'oc mi kokr juma, yec'etɲ ke Krist ec'olikh af e luw a k'irmnm in ec'abusu a.

Jesu Krist, Nyam ec'abusu lele sɛwr ab

18 Tasi em a, Krist ec'olikh af e luw a ec'odad a el nuɲ em ɲuɲ owi, agɲ a ek'am irm kɲab es Nyam e lís a eci. Gbɛkɔ ɛy a eke s'anɲ sel ɛɲɲ ec'ejagb af a ec'a, si b'ɛkn Nyam ec'abusu ɔny a.

19 Kin yec'eke wɛl nɔn Nyam Lɛl em: M'ow m'ɔɲ ɛsɛwru e sɛwr a sel at etɲ m'ow m'ɔny nuɲ em ɔny ɛsɛl eci nuɲ em ɔny a m'oc es.

20 Sica bla lowi ɛsɛwru ɔtu eke ɛmɛny ki dad ee? Bla low any uw ɛsɛl ɔtu eke ki dad ee? Etɲ bla ów em apl ɛsɛl ɔtu eke ki dad ee? Bla lowi tasi -l'ɔtu eke ɛmɛny -li ki dad ee? Nyam yeɲm eke wus na eci sɛwr a el nuɲ em ɲuɲ.

21 Tasi em a, Nyam in e sɛwr ab em kok eke wus na ec'agɲ a ɔtum uwm'n any ɛl obi e sɛwr ab em. Ow sosiem, Nyam ɛɲɲ eb sɔg agɲ a eke b'ub amani a eke s'am ɔb a nawre a, eke agɲ am tutr eke amani a el nuɲ em ɲuɲ owi bɔbɔ yeji.

22 Jwifɛl am ibrm simeny ɛwr eke b'iti any, etɲ Grekel am ɔl yec'a eke -li b'ɛsɲ “sɛwr” ab es.

23 Ɛy ec'a gbɛ, Mesi a eke wɛl ɛw olikɲ af ec'amani s'am ɔb. Na, low eke Jwifɛl k'ɔtum ɛɲɲm eɲm, ke Grekel b'ɛkn ɛsɛ nuɲ em ɲuɲ owi af.

24 Gbɛkɔ agɲ a eke Nyam ɛsɲ a, Jwifɛl lele agɲ ek'elm Jwifɛl ab ec'a, -l'uw any eke Krist el Nyam ec'abusu ɔny a lele sɛwr ab ab.

25 Ɛε, yec'a eke wɛl b'ɛkn Nyam em ɛsɛ “nuɲ em ɲuɲ” af a, ɔny sɛwr akm agɲ eci sɛwr a; etɲ yec'a eke wɛl b'ɛkn Nyam em ɛsɛ “sos ɔnym” af a, ɔny lɛc akm agɲ e lɛc a.

26 Agɲ lisijimɛl, ɔny eke ɛɲɲɲ Nyam ec'ɛsɲ a ebr a, ɛkan ɔny ec'ɔb eke eel. ɔny em a, “ɛsɛwru” ɛsɛ eɛl eke agɲ b'ɛkan ab af a, nɔnɔ anm, lɛc ɛsɛl nɔnɔ yeji anm, etɲ agɲ nɔnɔ eke wɛl ɛw bosu amamn em a yeji anm.

27 Gbɛkɔ Nyam sɔsum yec'a ek'anɲ ɛsɛ nuɲ em ɲuɲ af wus aɲa a, kokr ɛsɛwru ɛs. Nyam sɔsum yec'a ek'ɔnym sos wus na a, kokr agɲ a ek'ɔny lɛc a ɛs.

28 Etɲ Nyam sɔsum yec'a eke ɔnym any a oc, yec'a eke ɔny sifn, elm ob kaka a, ɲuɲɲ yec'a eke agɲ b'ɛkn ɛsɛ ob ek'ɔny any af a.

29 Nyam kok ɛbɛn, yec'etɲ ke ɛɲɲ kaka k'ɛlum mɛɲɲɛl ɔkm in ec'any af.

30 In anake l'okr ɔny af Jesu Krist ab a, etɲ ɛy ec'a, Krist el sɛwr a eke b'anɲ Nyam ogɲ ow a. Nyam b'ɛcr in em, óc ɛy ɛsɛ agɲ nyim nyim af in ec'any af. Krist em, li b'ayal ɛy s'ir ɛb in eci, etɲ li bi sɔg ɛy sikpl ec'abu em.

³¹Ow sosiem, ese elel eke Nyam Lel dad ab af: Eke egn nyam erur eke k'ew sos, ke l'ew sos Es Kotoko sosiem.

Korent eyη e lel krekrē 2

Pɔl ɔb Krist a eke wɛl ɛw olikη af a ec'amani

¹Agη lisijimel, legη a eke em obi m'ow ɔny ogη a eke mi k'ɔb ɔny Nyam e low a eke lol es ec'amani a, ow elm sodad ebl amamn m'otm oglog agη e "sɛwr" a m'ocm.

²Tasi em a, ɔny ec'araηn eke m'anη a, low nyam cɛ m'egη m'eb eke mi k'ɔb ow ec'amani: Jesu Krist lel in ec'olikh af e luw ab ab.

³Etη eke m'ow yogη a, m'onym sos, erηn am ɔny'm etη erm mij am ok'm.

⁴Em ec'odad a lele low yegm ab ab ɔnym low kaka agη e "sɛwr" a e sodad ebl amamn ab ab. Gbɛkɔ Abη Lala ec'abusu em anake irir yec'a eke mi dad a ayl ɔny sos em a.

⁵Nene a, ɔny ec'omn a k'ɔtum anm agη e "sɛwr" ab af, kɔ tasi a, Nyam ec'abusu ɔny ab af.

Nyam ɛcr in ec'Abη Lala ab em ɔη ɛy in e sɛwr a

⁶Sica ɛy, sɛwr tasi nyam s'am yegm agη a eke iy neny ɔmn em a, gbɛkɔ sɛwr na elm wus na ec'a; ow elm wus na ec'es ɛw ɛsel e "sɛwr" a eke wɛl b'ow ηuηn a.

⁷ɛy, s'am yegm agη sɛwr a eke am dad Nyam e low a e lol es agη ec'any af a e low. Gbɛkɔ gbuη ke wus ánη a, ke Nyam kok sɛwr na η, yec'etη ke si céc in ec'anygbel a in ab.

⁸Wus na ec'es ɛw ɛsel ab em e kaka uwm sɛwr ikη na any, anke blel -l'uwɛr ow any ana, blel -n'ɔɔm wɛl ɛwm Es Kotoko a eke anygbel fɛη el in ec'a olikη af.

⁹Tasi em a, Nyam Lel dad nine: Ów anη ek'egη ɛknm ke irim legη kaka, ów eke n'onym ow e tutr kaka; ów amua tasi anake Nyam bɛbm ok agη a ek'ɔny in ec'erur ab es a.

¹⁰Etη ɛy anake Nyam ɛcr in ec'Abη Lala ab em yegm ɛy ów amua a. Tasi em a, Abη Lala uw fɛη any, toη yec'eke lol es Nyam e tutr em a yeji, l'uw any.

¹¹Kɔ egn e lokm e tutr e lol es a, bwo b'uw any ek'ow elm egn a in obi ec'abη a cɛ ee? Eben nyam coco, Nyam e tutr e b'ɔny a yeji, ow b'el Abη Lala cɛ b'uw any.

¹²Gbɛkɔ ɛy, Nyam ɔη ɛy in ec'Abη a. Na sosiem anake s'am tutrm ów ese wus ec'agn ec'ab af a. Etη na sosiem yeji anake s'ɔtu eke si k'uw sob ap a eke Nyam ɔη ɛy ab any a.

¹³Etη s'am dadm sob ap amua e low agη e "sɛwr" e sodad ebl eke s'uw any ab em; si bi dad el e low sodad ebl eke Nyam ec'Abη a bi yegm ɛy ab em. Nene a, si b'otar Nyam ec'Abη a ec'ów akr sodad ebl eke b'anη Abη ikη na em cɛ ow a.

¹⁴Ɛgɛɛ eke b'us in ec'ow eke b'aw'r a ce jam a, ɛgɛɛ yec'a eke b'anɛ Nyam ec'Abɛ a ogɛ ow a ebm. In ec'a, na nuɛ em ɛɛ owi, ɛɛ li k'otum l'irim kaka. Tasi em a, Abɛ Lala ce b'onɛ ɛgɛ uw ow amua e jej ok owi any.

¹⁵Ɛɛɛ ɛgɛ yec'eke Abɛ Lala anɛ em a, otu eke ki jej ow feɛ ok, ko in, ɛgɛ kaka k'otum jejɛ in e low okm.

¹⁶Nyam Lel dad nine: Bwo uw Ɛs Kɔtɔkɔ eci tutr ab any ee? Bwo otu eke k'om'n ow ee? Gbekɔ ey, s'onɛ Krist e tutr a anɛ ey em.

Korɛnt eyɛ e lel krɛkrɛ 3

Juma kok ɛsɛl a feɛ okr af am kok juma Nyam eci

¹Agɛɛ lisijimɛl, em ec'a, m'otum mi dadm onɛ odad ɛsɛ agɛ eke Nyam ec'Abɛ Lala a am nyimn af. Ko mi dad onɛ odad ɛsɛ agɛ eke erur eke k'ir eb ɛsɛ agɛ ek'onɛm Abɛ Lala af. Onɛ anɛn ɛsɛ ey abu em af yec'ek'el onɛ ec'omn Krist em a.

²M'onɛ onɛ menɛ mij ɛgɛn, ow eke ow k'el ob ij leg leg a, anɛke k'otumn ijɛn ob leg leg. Ɛɛɛ yefɛnɛna em yeji, k'otumn ce,

³anɛke am erurir eke k'iir eb ɛsɛ agɛ ek'onɛm Abɛ Lala af. Tasi em a, ek'onɛ ofr em a, nyamneyr lele ow ɛsu ab b'anɛ, ke anmɛn ɛsɛ agɛ ejec'ab af ee? Ke onɛ ec'eb ir a anm ɛgɛ feɛ ɛsɛ agɛ a ek'onɛm Abɛ Lala ec'ab af ee?

⁴Eke onɛ em ec'ɛgɛ nyam bi dad ɛsɛ: «Em, Pɔl eci m'el,» ɛɛ ejeci nyam bi dad ɛsɛ: «Em gbɛ Apolɔs eci m'el a,» ke ki dadm odad ɛsɛ elɛl eke agɛ ejec'a bi dad ab af ee?

⁵Apolɔs, ke bwo ee? Ɛɛɛ Pɔl, ke bwo ee? Ɛy Nyam e juma kok ɛsɛl ce. Ɛy em Nyam ɛcr onɛ onɛ eel omn ɛsɛl, ɛɛ ey em ec'ɛgɛni nyam nyam kok juma in ec'ob ap a eke Nyam onɛ'n ab em.

⁶Em, m'ewl egb a, ɛɛɛ Apolɔs ok'r mij, ko Nyam anake onɛ'n l'agb a.

⁷Ow anake ɛgɛ a ek'ewl egb a lele ɛgɛ a eke ok'r mij ab ab elm low kaka a. Ko ɛgɛ a ek'onɛ'n l'agb a anake kok low a feɛ a, ɛɛɛ ɛgɛ a, in l'el Nyam.

⁸Ɛgɛ a eke b'ewl a lele ɛgɛ a eke b'ok mij ab ab el kɛɛɛ. Nyam b'onɛ ɛgɛ ɛgɛ e juma a eke kok a e labm sɔg.

⁹Tasi em a, ey feɛ Nyam ab s'am kok juma, ɛɛ onɛ eel Nyam eci ogm a. Onɛ ce emɛny eel in ec'el a eke l'us a.

Wɛl us Nyam ec'el a Krist ek'el lebn eke wɛl elu nomu em ab af

¹⁰Em ec'ob ap a eke Nyam onɛ'm ab em, mi sigm lebn nomu em ab ɛs ɛsɛ el us ɛs mamn af, ɛɛɛ ɛgɛ ejeci feɛ am us af yogɛ. Gbekɔ ɛgɛ feɛ ɛw erm, af yogɛ ec'us ab em.

¹¹Lebn nomu em a anɛ leɛɛ a ɛɛɛ: ow ow el Jesu Krist. Ɛɛɛ ɛgɛ kaka k'otum elum lebn ejeci nomu em.

¹²Ɛgɛ otu eke k'oc sika, jɛɛɛ, mebn ey amamn, oglog likɛ, benɛ oglog papo, us lebn nomu em na af.

- ¹³Gbeko, egn feɲ e juma a b'ow eru es kpata wɛl ɛkn jej ok e legɲ a, aɲke legɲ a, al ligbel nyam b'ow aɲ eke b'ow elu egn feɲ e juma e kok a e sakpl a okm.
- ¹⁴Eke egn nyam us ɛl ek'ij lec al a ec'any af, li b'ow n'eɲn ob ap.
- ¹⁵Eke ow ɛrm ɛben, ɛɲ in e juma a ɛtu al ab ɛm a, li b'ow l'irmn feɲ. In, li b'ow n'eɲn sel, gbeko ow b'ow aɲ ɛse egn eke uru es ubr al ɛm af.
- ¹⁶ɔny uwmn any eke eel Nyam ec'ɛl a, ke Nyam ec'Abɲ a ir ɔny ɛm ee?
- ¹⁷Ek'egɲ nyam ɲuɲn Nyam ec'ɛl a, Nyam b'ow ɲuɲn'n, aɲke in ec'ɛl a el lala ɛɲ ɛl a, ow ow el ɔny.
- ¹⁸ɔny ɛm ec'egɲ kaka k'ɛjur in sosi. Ek'egɲ nyam ɔny ec'araɲn a am ocr in sosi sɛwru, ɛse wus ec'agɲ ec'eel eke bi tutar ab af, ow akpl eke “nuɲ ɛm k'uɲ'n” ke l'ɛl sɛwru tasi.
- ¹⁹Tasi ɛm a, wus ec'agɲ e sɛwr a, Nyam ec'a nuɲ ɛm ɲuɲ. Na sosiem anake Nyam Lɛl dad nine: Nyam b'ɔny ɛsɛwru, ɛl obi eci kprakr ab ɛm.
- ²⁰ɛɲ Nyam Lɛl cɛ ɛmeny dad nine: ɛs Kɔtɔko uw ɛsɛwru e tutr ab any, l'uw any eke ow elm low kaka.
- ²¹ɛgn kaka ɔtum eke k'ɛw sos eke n'am us any ɛs kaka feɲ jam a sosiem. Tasi ɛm a, feɲ el ɔny eci:
- ²²Pɔl, Apolos oglog Pier, wus na, sel, luw, caca ɛm lele legɲ ek'anɲ anym am ow ab ab.
- ²³Feɲ el ɔny eci, gbeko ɔny, eel Krist eci ɛɲ Krist el Nyam eci.

Korent eyɲ e lɛl krekre 4

S'el Krist ec'ɛrm ɛsɛl

- ¹Ow akpl cɛ eke ki lɛr ɛy ɛse Krist e juma kok ɛsɛl lele ob nyamn af ɛw ɛsɛl eke l'abul Nyam ec'ow nawre eke lɛl es ab af.
- ²Low cɛ eke wɛl b'ibrm ob nyamn af ɛw ɛsɛl a el: ke -l'el cɛcɛ.
- ³ɛm ec'a, ɔtur eke ki jejr ɛm e low okr, egn kaka feɲ ɔtu eke ki jej ɛm e juma a ok, ow ɔnym any kaka; tasi a, mi jejm ɛm obi e juma m'okm.
- ⁴Tasi ɛm a, m'am ɛkn eke ɛm e tutr ɛm a, m'onym low kaka eke mi k'okr ɛm sosi ow af, gbeko ow elm ke ɛben a mi k'onym low obr eci. ɛs Kɔtɔko anake bi jej ɛm e low ok a.
- ⁵Ow sosiem a, gbuɲ eke ɛs Kɔtɔko e legɲ a k'ow a, ki jejr k'okr. In anake li b'ow l'ɛlu yec'a eke lɛl es ncebn ɛm a okm a, ɛɲ li b'ow n'ɔny sow tutr ek'anɲ mɛrm ɛm a l'ok okm usu ayl ɛm. ɛɲ Nyam b'ow aw egn egn ɛse eel ek'ow it ab af.
- ⁶Agɲ lisijimɛl, low a eke mi dad a ec'a, ɔny sosiem m'oc Apolos lele ɛm obi ɛm obi ab m'okɲn any. M'erur eke mi ki yegm ɔny nyandre na e liy a: «K'afɲ ow a eke wɛl

nɔn ab es k'im.» Ɔny em ec'egɔ kaka k'ew sos ki dad k'esɛ low yegm es na ɔny any akm lawl nyam a.

⁷Tasi em a, bwo am ɔɔ agb akm awlɔel ejec'a jej el owi ok ee? Kɔ feɔ a ek'ɔny a, ow elm Nyam ɔɔm'ɔ ee? Eɔɔ ek'ow el Nyam ɔɔ'ɔ, bla sosiem k'ew sos, esɛ eɔen ow'n elm ob eke ɔ eɔɔ ɔfr em af ee?

⁸Am kokr esɛ eɔen ɔw a feɔ ce ɔny uwr any af. Am ocar ɔny sosi ɔb ɔnyu! Ɔbr nuɔ kpekɔ am eel eb ebu ek'ey s'anm em yeji! Ow akpal ɔny gbɛ! Blel ɔny eel eb ebu ana, ey yeji, blel s'el ɔny ab!

⁹Em e tutr em a, ey erm esɛl a, Nyam ot ok ey agɔ a ek'ɔɔɔ es a e jam, esɛ agɔ eke wel ɔb low luw ec'af. Eɔɔ wel ew ey an wus nimum ec'any af lele afr erm esɛl ec'any af ab.

¹⁰Ey, wel am ot ey esɛ “eɔ em eɔɔɔ” esɛl af Krist sosiem, kɔ ɔny, am otar ɔny sosi esɛ “esɛwru” af ɔny lel Krist ab ec'af okr ab em. Ey, wel am ot ey agɔ fuefue, kɔ ɔny, am otar ɔny sosi lec esɛl. Ɔny, wel b'elum ɔny nɔnɔ, kɔ ey, wel ubm ey.

¹¹Tɔɔ sicaca em, emeny namn am ɔny ey, mij amn am ɔny ey, s'onym mob sus em. Wel am ijr ey gbre eɔɔ ow ɔɔ s'am adɔ es s'ec.

¹²S'am ij gbre si kok juma ey obi ec'abu em. Wel bi wɛwr ey, ke s'am ibrm Nyam ec'owrɔ s'ɔɔ agɔ a. Wel b'ijr ey gbre, ke s'am eɔɔ s'eb.

¹³Wel bi cak ey, kɔ si b'atr agɔ ejec'a sos es. Tɔɔ yefenyana, agɔ ec'a, s'anɔ esɛ lirɔ af suw eɔɔun eke agɔ papl es ɔwl ab af.

¹⁴Mi nɔnm ɔw amua m'awm ɔny es eke mi k'ɔɔ ɔny eci. Kɔ eke eel em ec'ey amamn eke mi b'erur a, ow sosiem anake m'am ewar ɔny a.

¹⁵Tasi em a, eke agɔ fandi lew am ow yegm ɔny Krist ab ec'eb ir owi yeji, ɔnymn ey esɛl nɔnɔ. Kɔ ow elm em anake esɛ eɔɔ es af, m'ɔɔ ɔny sel eɔɔ a ek'anɔ Jesu Krist em a, legɔ a eke m'is ɔny Amani Mamn ab ee?

¹⁶Ow sosiem a, m'am ibrm ɔny eke k'abr em e sewl a.

¹⁷Eɔɔ ow nuɔ af, m'erm Timote em ec'iy e m'erur tasi ke el cece Es Kɔtɔkɔ em a ɔny ec'araɔn. Li b'ow li kɔkn ɔny sebr a eke bi nyimn'm em lele Krist ab ec'eb ir ab em a, yec'a eke mi bi yegm susu feɔ lele Sinyamel feɔ em ab a.

¹⁸Ɔny em ec'agɔ beb tutr eke mi k'ow m'ewlm m'owm ɔny ogɔ a ij, eɔɔ ow sosiem am ew sos.

¹⁹Gbekɔ eke Es Kɔtɔkɔ erur, waa na em ce, mi b'ow m'ow ɔny ogɔ yogɔ, eɔɔ mi b'ow m'ekn tasi sɔs ewu amua e sodad ebl a, ke m'ekn tasi el ec'abusu a yej'eke -n'ɔny eke -li ki kokr Nyam e juma a.

²⁰Tasi em a, Nyam e gbrenɔbi usu a elm sodad ebl e low, kɔ abusu ɔny e low.

²¹Legɔ a eke mi b'ow m'ow ɔny ogɔ yogɔ a, bla lowi am erurir ee? Kɔ m'abu likɔni ab m'ow oglog kɔ m'ow erm ek'erur iy em gbɔɔ lele erm frɔrɔ ab ee?

Korént eyŋ e ləl krəkɾɛ 5

Nyamel ab ɛm eci nfaci ɛdŋn

- ¹Wəl am iri usu a fɛŋ ek'ony ec'araŋn a, nfaci ij owi nyam in anŋ, ɛtŋ low ikŋ a, in el low ŋuŋ kɔ kɔ kɔ eke Nyam any uwm ɛsɛl ec'araŋn bɔbɔ yeji in anm. Ony ɛm ec'ɛgŋ nyam in am ɛrum ow ɛs ɛy ab.
- ²Ony, low nɛnɛ na am ok ony ntotŋ! Sos nana ow it eke ow k'owr ony es; ɛgŋ nɛnɛ na, ow it eke ki kokr eɛl eke ɔtur eke ki kokr bake ógŋn in ony ec'araŋn a!
- ³ɛm ec'a, eke m'anŋ kpekpe yeji, abŋ ɛm a m'anŋ ony ab. Ow ɔŋ ɛgŋ a eke kok low nɛnɛ a, mi jɛj in owi m'ok god'ɛtŋ, ɛsɛ ɛbɛn ony ec'araŋn ɛɛ ɛm anŋ af.
- ⁴Àsr luku ɛs Kɔtɔkɔ Jesu e nin ɛm, m'ow m'anŋ ony ab abŋ ɛm. Ke ɛy ɛs Kɔtɔkɔ Jesu ec'abusu ab ab,
- ⁵ócr ɛgŋ ikŋ na ɛlul Satan abu ɛm eke li k'ij gbɛɛ in e sos megl ab ɛm, yec'ɛtŋ ke in e liy a ɛŋn sel, lɛgŋ a eke ɛs Kɔtɔkɔ b'ow ow a.
- ⁶Sica ony, eke am ɛwr sos ke onyn low ɔbr! Ony, uwr eɛl eke lijru tɛl ɛɛ b'ɔŋ farin a nimum inŋ ab any;
- ⁷onyn sikpl e lijru sig a ocr es, ke ɛɛl agŋ ek'ayl. ɛbɛn a b'ow anŋn ɛsɛ futufutu owr eke wəl kok ke lijru anm ɛm ab af, anke Nyam yɔyɔg ony es ɛtŋ Krist ec'ɛgb waw e luw a anŋ ɛsɛ ɛy e Pak e licɛbli ab af.
- ⁸Ow sosiem, si kókr Pak a futufutu eke lijru anm ɛm lele ɛrm ek'ayl ke ij nawɾɛ ab. Si k'ijr futufutu eke wəl kok lijru sig ab a ij, lijru ek'el ów ɛŋuŋ lele ɛrm suŋ ab ec'a.
- ⁹ɛm e ləl a eke m'ikŋ anym m'awŋ ony ab ɛm, mi nɔn eke k'ónymn mɛcrɛr agŋ a eke b'ij nfaci ab ab.
- ¹⁰Gbɛkɔ ləl ab ɛm a, mi dadm ony eke ki kpabr es wus ec'agŋ a fɛŋ e lís! Nawɾɛ, agŋ anŋ eke b'ij nfaci, b'erur os owi nɔnɔ, b'ɛju agŋ eb ob ij, ke b'igŋ sinyam yadŋ nuŋ. Blɛl ow el agŋ amua ana, ke wus na af k'ŋgbrɔŋn nimum nimum a!
- ¹¹Njaŋ, m'erur ɛɛ e mi ki dad ony eke k'ónymn mɛcrɛr agŋ a eke b'ij nin ek'el Krist ɛm ec'agŋ lisijimɛl, ke b'ij nfaci, b'iy mil, b'igŋ sinyam yadŋ nuŋ oglog bi cak ɛl lawlɛl a. Agŋ a eke b'ɛgŋ mar afŋn es oglog b'ɛju agŋ eb ob ij a, k'ùsr abu agŋ nɛnɛ ab, k'ijr ob bɔbɔ yeji!
- ¹²⁻¹³Tasi ɛm a, kɔ ɛm ow it eke mi ki jɛj agŋ a ek'ubm Nyam nawɾɛ a e low m'ok ɛɛ? ɛl ec'a, Nyam anake b'ow jɛj ɛl owi ok a. Ony, agŋ a ek'el ony ec'araŋn ec'agŋ a e low ki jɛjr okr. Nyam Ləl dad nine: Ógŋn ɛgŋ ŋuŋ ony ec'araŋn a.

Korént eyŋ e ləl krəkɾɛ 6

Krist ɛm ec'agŋ lisijimɛl e dedeku ɔŋanin

- ¹Eke odad b'anŋ ony ɔfr ɛm a, bla sosiem ɛtŋ b'ocr low a im ɔŋn jɛj ok ɛsɛl eke uwm Nyam any a jɛj ok, ow a eke k'oc inm agŋ a ek'el Nyam ec'a ogŋ ab ɛɛ?

- ²Ɔny, uwmm any eke agɲ a ek'el Nyam ec'a b'ow jɛj wus e low ok ee? Ɔtɲ eke b'ow jɛjr wus e low okr, ke ów ekekey nene anake k'otumn jɛjmm okmn ab ee?
- ³Ɔny, uwmm any eke si b'ow si jɛj afr erm esel ec'ów s'ok ee? Sica ayaf si k'otum si jɛjm wus aɲa ec'ów s'okm ee?
- ⁴Gbekɔ, eke b'onyn jɛj ok owi ów amua ec'a, b'imn otr jɛj ok esel eke onym low kaka Nyamel ab a!
- ⁵Ɔtɲ na eke m'am dad a, ony ec'és. Ɔny ec'araɲn aɲa, egɲ nyamni yeji anm elm sewru eke k'otu jɛj low eke b'anɲ agɲ lisijimel ɔfr ec'araɲn a ok ee?
- ⁶Kɔ ow akpl tasi eke Krist em ec'egɲ lisijim nyam k'onɲ lawl nyam dedeku jɛj ok esel ek'uwm Nyam any a ogɲ ee?
- ⁷Ɔny ec'a, ow akpl ek'uwr any eke ony ɔfr e dedeku onanin a el low ek'elu ony wus! Bla sosiem ɛtɲ k'éɲɲmm enyembri yony e jɛj ok a nana ebmm ee? Bla sosiem k'éɲɲmm eke ony lawlɛl ejec'a k'iy ob ek'el ony ec'a nana ee?
- ⁸Ɔny nana anake eel enyembri yony yony esel a, ony anake am iyr agɲ ejec'a mil a! Ke agɲ ejec'a, Krist em ec'onɲ lisijimel cɛ.
- ⁹Ɔny uwmm any eke enyembri yony yony esel k'ow ijm Nyam e gbrenɲɲbi usu a ec'aja ab ee? Ɔgɲ k'éju ony! Agɲ a eke b'ij nfaci, b'igɲ sinyam yadɲ nuɲ, igɲ oglog yow eke b'éju lawl mebi owi em, egɲ a eke b'erum el lawlɛl egɲ ab esɛ el ec'oyow af a lele egɲ a eke b'agbr losɲn ɲgbafre oto ab a, k'ow okm Nyam e gbrenɲɲbi usu a.
- ¹⁰Ɔben nyam coco elu, agɲ a eke b'erur os owi nonɔ, már egɲu, agɲ a eke bi cak el lawlɛl lele agɲ a eke b'éju agɲ eb ob ij ab ab yeji, k'ow okm Nyam e gbrenɲɲbi usu a!
- ¹¹Ɔlegɲ sig em a, nene anake ony em ec'agɲ beb anɲ a. Gbekɔ ey e Nyam a yoyog ony e sikpl ab es, l'ayal ony eke k'ir eb in ab, n'onɲ ony eel nyim nyim in ec'any af. Ɔtɲ ów amua feɲ, ey Ɔs Kɔtɔkɔ Jesu Krist e nin em lele Abɲ Lala ab ec'abusu em li kok.

Ɔɲn Nyam anyɲɲɛl ony e sos meɲl ab ab

- ¹²Ɔny em ec'agɲ nyam nyam bi dad esɛ: «Fɛɲ e kok ec'abusu eru'm es.» Nawre, gbekɔ em, m'am dad eke ow elm feɲ akplm ey eci. Mi k'ow mi yeɲm ob kaka feɲ ɔom im m'elm in ec'adu.
- ¹³Bi dadr yeji esre: «Ob ij, lok eci n'anɲ, ɛtɲ lok yeji anɲ ob ij eci.» Nawre, gbekɔ legɲ nyam, Nyam b'ow ɲɲɲn el a yony mum. Ɔs Kɔtɔkɔ anake kok ey e sos meɲl a, ɛtɲ ey e sos meɲl a el in eci. Li kokm ow nfaci ijr eci.
- ¹⁴Nyam eke igbm Ɔs Kɔtɔkɔ luw em a, b'ow oc in ec'abusu ab em, ey yeji igbm ey luw em.
- ¹⁵Ɔny uwmm any eke ony e sos a el Krist e sos ogog ogog ab ee? Kɔ m'otu eke mi k'oc Krist e sos ogog nyam m'okr af facyow ab ee? Njaɲ, mi k'otum!
- ¹⁶Uwmm any eke egɲ nyam eke okr af facyow ab a el sos meɲl nyam in ab ee? Tasi em a, Nyam Lɛl dad nine: Ke -l'okr af -l'el sos meɲl nyam.

¹⁷Gbəkɔ ɛɣɛ yec'eke b'okr af Ɛs Kɔtɔkɔ ab a, b'el nyam coco in ab abɛ ɛm.

¹⁸K'òcr ɔny e sos megl a k'ijmn nfaci ab. Sikpl ɛjeci fɛɣ eke agɛ ɔtu eke ki kok a, elm sikpl eke wɛl bi kokm sos megl ab. Kɔ eke ɛɣɛ nyam oc in e sos megl a am ijm nfaci ab, ow el low ɲɲɛ eke n'am kok l'òbr in e sos megl a.

¹⁹Uwmn any eke ɔny e sos megl a el usu lala a ek'el Abɛ Lala ec'eb ir usu ab ee? Abɛ Lala na anɛ ɔny ɛm ɛɛɛ l'el Nyam ec'ob ek'ɔɣ ɔny. Ow sosiem a, ɔny, elmn ɔny obi ɔny obi ec'ij.

²⁰Nyam ɔl ɔny an ligbɛl ɛm eke k'eel ewi. Ow sosiem, òcr ɔny e sos megl a ɛlul in ec'anygbɛl a ɔkm.

Korɛnt ɛyɛ e lɛl krɛkrɛ 7

Pɔl am dad ów a eke wɛl bibrmn mɛbi owi af a

¹Sica, m'am m'ow mi dad ɔny ów a eke bibrmn'm ɔny e lɛl ab ɛm a e low. ɔny bi dadr eke ow'n akpl eke ɛɣɛ igɛ in k'ónym yow.

²Gbəkɔ agɛ eke b'ij nfaci a sosiem, ke igɛ fɛɣ ɔny in e yow, ke yow fɛɣ ɔny in ec'igɛ.

³Ke igɛ fɛɣ kók low yec'ek'el igɛ ec'eke ki kók in e yow e lís a, ke yow fɛɣ yeji kók in ec'igɛ e lís ec'ek'it a,

⁴anɛke yow k'ɔtum ocm in e sos a kokrm low yec'eke l'erur a: in e sos a, in ec'igɛ a eci. Ɛben nenyembri nyam, igɛ yeji k'ɔtum ocm in e sos a, kokrm low yec'eke l'erur a: in e sos a in e yow a eci.

⁵Ɛɣɛ lawl k'ónyn sos es lawl e lís, ek'ow elm Nyam eke k'ónyn abusu ɲɔɲan eci cɛ. Eke b'ow kokr ɛben lɛɣɛ tɛl eci yeji, ke ow ɛl neny af okr ɛm ki kokr. Kɔ ow e jam a, ɛwal am erur usu nyam; ek'ow elm ɛben, k'ɔtum ɔnynmn sos es ij, ɛɛɛ Satan ɔtu eke k'ebɛr ow ɛm ɛju ɔny.

⁶Low na eke m'am dad a, elm ol eke m'am ɔɣ ɔny, kɔ low cɛ eke m'am ɛw es m'ɔɣ ɔny.

⁷M'am erur tasi eke agɛ a fɛɣ k'anɛ ɛl sɔny ɛsɛ ɛm af, gbəkɔ Nyam b'ɔɣ ɛy ɛm ec'ɛɣɣni nyam nyam fɛɣ bibm nyam eke k'el in sɔny cɛ eci.

⁸Gbəkɔ agɛ a ek'anɛ ɛl sɔny a lele ɛɲnyow ab ab, m'am dad ɔny m'ɛsɛ: eke b'anɛɲ ɛsɛ ɛm af, ow el low nimamn ɔny eci.

⁹Gbəkɔ eke k'ɔtum ɔnynmn sos es a, ɛbirir! Ow akpl eke k'ɛbirir, ow a eke k'anɛɲ low ám aw ɔny ijr ɔny gbɛ a.

¹⁰⁻¹¹Agɛ a eke ɛbirir a, m'am dad eke k'anɛɲ usu nyam, ɛs'elel eke Ɛs Kɔtɔkɔ in obi dad ab af. Igɛ itm eke k'ogɛ in e yow a, ɛɛɛ yow itm eke k'ɛlu in ec'igɛ ab es. Eke l'ɛlu in ec'igɛ ab es a, ke n'ánɛ in sɔny oglog ke l'ɛɣɛ l'eb l'okr ɛm ow ab.

¹²Agɛ a eke ɛbirir ke ɛl e yow a oglog igɛ a ubm Nyam nawɛ a, m'ɔny ów eke ɛl yeji mi k'óm ɛl, ɛɛɛ na ec'a, ow elm Ɛs Kɔtɔkɔ dadm, kɔ ɛm m'am dad. Eke Krist ɛm

ec'egh lisijim nyam ony yow eke ubm Nyam nawre, etj ow erur eke ow k'ir eb in ab a, ow itm eke li k'ogñ ow, ek'ow elm nawre ub lis a sosiem.

13 Eben nenyembri nyam, eke nawre ub lis nyam ony igñ ek'ubm Nyam nawre, etj ow erur eke ow k'ir eb in ab a, ow itm eke li k'ngboñ ow ab, ek'ow elm nawre ub es a sosiem.

14 Tasi em a, yow ec na ek'elm nawre ub es a titm Nyam nono, in e yow a eke l'ebi a sosiem. Eben nyam coco, igñ ey a ek'elm nawre ub lis a yeji titm Nyam nono, in ec'igñ a eke l'ebi a sosiem. Blel ow elm nene ana, ony ec'ey a blel anj ese ey ek'itm eke Nyam k'egñ eb af, ko nawre em a, -l'ebm eke Nyam k'egñ eb el.

15 Gbeko, ek'el em ec'egh nyam ek'ubm Nyam nawre a am erur eke k'im a, l'otu eke li k'im. Eke ow ecr nene a, egñ lisijim a oglog egñ lisijow a onym low kaka egñ yec'ab ab ij. Uwr any ce eke Nyam, in ec'a erm es ey ec'eb ir em l'esñ ony.

16 Ko igñ ey, otu eke k'uw any eke b'ow sog ñ ec'igñ ab ee? Etj ko yow ec, otu eke k'uw any eke ñ yeji b'ow sog ñ e yow ab ee?

Nyam ec'esñ a itñnm ony ec'eel eke anñ a

17 Legñ a eke Nyam esñ ony a, ony ec'eel a eke Es Kotoko ewr ony anñ ab em, am iir eb. Sica, eke ow elm mebi e low na eke mi dad a, ow it ek'egñ feñ k'ir eb eel eke n'anñ ab em. Ol na anake m'am ew es Sinyamel a feñ em a.

18 Legñ a eke Nyam esñ'ñ a, ke ubr likr es ñ ee? Ek'ow el eben, àñ eel a ek'anñ a! Eke l'esñ'ñ a, ke k'ubrm likr es ee? Ek'ow el eben, k'im catj k'ubr es!

19 Ke wel úbr likr es oglog ke wel k'úbrm es, elm low a eke el low tasi a. Low tasi a eke wel ki kok a el Nyam e low a eke dad a ec'elum a.

20 Ke egñ feñ áñ in ec'eel a eke n'anñ ke Nyam esñ'n a.

21 Eke Nyam esñ'ñ a, ko adu el ee? Eke ow el adu el ke k'èbr ow e low erm mij! Ko ek'otu ek'el lewi, ke él kpekñ.

22 Tasi em a, egñ nyam ek'el adu ke Es Kotoko esñ a, el lewi etj el Es Kotoko eci. Eben nyam coco, egñ nyam ek'el lewi ke Es Kotoko esñ a, el Krist ec'adu.

23 An ligbel Nyam enm ony ony eel ewi. Ow sosiem, k'èel egñ ejeci e madu.

24 Agñ lisijimel, ke egñ feñ áñ in ec'eel a eke n'anñ ke Nyam esñ'n a.

Agñ a eke k'ebirm a e lís owi

25 Ibrmn em ec'eel eke m'am ekan ededyow oto eke ebim egñ a e lís owi. M'ejnm ol kaka anm Es Kotoko ogñ owm low na eci. Gbeko m'am dad ony em ec'eel eke m'am ekan low a. Es Kotoko eci sorn ikñ a ek'onny em e lís a sosiem, otur eke k'onny onm em em.

26 Kin yec'eke m'am tutr a: legñ na em e ses babur a sosiem, ek'agñ ebirm, ow akpl eben. Ee, ow akpl ek'egñ feñ k'anñ ese eel eke n'anñ ab af.

27Kɔ ɛbi yɔw ee? Ek'ɛbi yɔw ke k'ɔl in ec'es elu ij. Ɛbim yɔw ee? Ek'ɛbim yɔw ke k'ɔl e k'ɛbi ij.

28Gbɛkɔ, eke am ɛbi yɔw, ow elm sikpl kokm. Ɛtɛ eke dedyɔwli nyam ɛbi igɛ, in yeji ow elm sikpl li kokm. Gbɛkɔ agɛ a eke ɛbirir a b'ow ij gbɛ nɔnɔ el e sɛgɛ fɛɛ ec'ɛb ir ab em, ɛtɛ em, m'erur eke low nɛnɛ k'ɛɛnm ɔny.

29Sica agɛ lisijimɛl, m'am dad ɔny eke Ɛs Kɔtɔkɔ e mowrer e sɛgɛ a ɔfum ij. Caca em ec'agɛ ek'ɛbi ɔyɔw a, kɔk ɛsɛ wɛ'n ɛbim af.

30El a ek'am ikɛ ɔɛn a, kɔk ɛsɛ wɛ'n ikɛm ij af. El a ek'anɛ sos em iɛn em a, kɔk ɛsɛ ow'n iɛnm wɛl af. Ke el a ek'am ɔl mob a, kɔk ɛs'ɛben mob a eke wɛ'n ɔl a in elm wɛl ec'af.

31El a eke am ɛɛn ob ij wus ec'ɛb ir na em a, kɔk ɛs'ɛben wɛ'n ɛɛnm in iɛm af. Ɛɛ, wus na ec'ɔw a ec'eelɛ eke anɛn yeɛɛnyana a, k'ow anm ɛben sɛgɛ fɛɛ.

32M'am erur eke k'ɔnymn ɛrm mij kaka. Ɛgɛ nyam eke ɛbim yɔw a, b'ɛbr Ɛs Kɔtɔkɔ ec'ɔw ɛrm mij nɔnɔ, kok eelɛ eke in owi k'awr ow.

33Kɔ ɛgɛ nyam eke ɛbi yɔw a, b'ɛbr wus ec'ɔw ec'ɛrm mij nɔnɔ, kɔk eelɛ eke in owi k'awr in e yɔw a,

34ɛtɛ ɛben a, ɔw yony a ec'araɛn li bi cɛc. Ɛben nyam coco, yɔw nyam oglog dedyɔwli nyam eke ɛbim igɛ a, b'ɛbr Ɛs Kɔtɔkɔ ec'ɔw ɛrm mij nɔnɔ. -Li b'erur eke -li k'el ow eci nimum nimum, -l'oc el ec'ɛgɛ el a pupukpaɛ -n'ɔɛ ow. Kɔ yɔw nyam ek'ɛbi igɛ a, b'ɛbr wus ec'ɔw ɛrm mij nɔnɔ, kɔk eelɛ eke in owi k'awr in ec'igɛ a.

35M'am dad low na ɔny e nimamn eci, kɔ ow elm gbɛ eke mi k'ɔɛ ɔny iɛr eci. M'am erur eke ki sɔsumn yec'ɛke akpl a ocr, ow ɔɛ ke úcur Ɛs Kɔtɔkɔ ɔny es, ɛel in sony coco eci.

Ededu a eke b'ɛgɛ eb eke k'ɛbim yɔw a

36Sica, eke igɛ nyam ek'ɛsu yɔw a, ow ec'erur a am afɛn in es, ɛtɛ n'am uru eke li ki kok low ɔbr ow e lís eke -li k'anm ow yony a, ow akpl eke igɛ a ki kok low e n'am ɛkn ek'el low tasi a. -L'ɔtu eke -li k'ɛbirir -l'ok es. Eke -l'ɛbirir a, ke na elm sikpl eke -li kokr.

37Gbɛkɔ l'ɔtu eke li dad n'ɔɛ in ec'ɛrm a eke li k'ow l'ɛbim in e dedyɔw a, l'ɛruam ow ab yeji. Eke li dad tasi n'ɔɛ in ec'ɛrm a, ek'ow elm atrm em ɛtɛ l'ɔtu eke li k'ɔny sos es ow ec'erur a eke b'aw'r afɛn es a e lís, eke l'ɛbim ow ke ow akpl ɛben.

38Ow sosiɛm, ɛgɛ a ek'ɛbi in e dedyɔw a kok low mamn, gbɛkɔ in a ek'ɛgɛm eke k'ɛbi in e dedyɔw a kok ow akpl nɔnɔ.

Ɛɛnyɔw e lís owi

39Igɛ ɛy fɛɛ b'anɛ in ec'igɛ ab sɛgɛ a nimum eke n'anɛ owr a. Eke in ec'igɛ a b'uw a, n'ɔny abusu eke li k'ɛbi igɛ eke l'erur a, gbɛ ke l'él igɛ ek'ɔny ɔmn Ɛs Kɔtɔkɔ em cɛ.

⁴⁰Gbeko em em ec'a, m'am ekn eke li b'ow n'anη ehe em eke n'anη ese el el eke n'anη ab af. Etη m'ony tutr eke Nyam ec'Abη a anη'm em.

Korent eyη e lēl krēkrē 8

Segb waw eke wēl bi kok ɔη sinyam yadη

¹Sica ɔny e lēl ek'awηn'm ab em, ibrmn'm eke wēl ɔtu ek'ij mindey eke wēl bi kokr egb waw ɔη sinyam yadη a. Ow a eke am dadr a, low nawre: «Ey fēη s'ony low na ec'any uw tasi.» Gbeko low any uw na b'ɔη egη ew sos. Ko erur b'ɔη Nyam ec'agη a agb ɔmn em.

²Ek'egη nyam am ɔny tutr eke in uw low nyam any, ke li k'uwm el el eke wēl b'uwr low any a.

³Gbeko ek'egη nyam b'erur Nyam, egη a, in yeji Nyam b'uw'r any.

⁴Low a ek'ibrmn'm a el: «Ko wēl ɔtu eke k'ij ndey eke wēl wawr egb ɔη sinyam yadη ab ee?» Ey s'uw any tasi eke Nyam nyam ce anη, etη sinyam yadη a elm low kaka.

⁵Nawre, agη beb bi dad eke sinyam in anη afr lele wus aηa ab. El ec'a, sinyam a nɔnɔ gb el etη -li b'oc wēl ese Es Kotoko af.

⁶Gbeko ey ec'a, s'uw any eke Nyam nyam coco ce anη, ek'el ey Es. In anake li kok ob ob fēη a, etη in eci anake s'anη owr a. Es Kotoko yeji, nyam ce anη, in l'el Jesu Krist. In e sabu em li kok ob ob fēη etη ey yeji, in ec'abu ab em s'anη owr.

⁷Gbeko ow elm ɔmn es el a fēη uwm low nawre na any! Lēgη sig em a, agη beb sinyam yadη e nuη igη a ecm ab. Ow ɔη caca em a, eke -li b'ij ndey eke wēl kokr egb waw a, ke -n'am ɔny tutr eke ndey a, sinyam nawre tasi wēl oc kokr egb waw ɔη. Etη eke -l'eel fuēfue ɔmn em a, -li bi tutr eke ndey a b'ɔη -l'el agη ek'aylm Nyam ec'any af.

⁸Ke ow elm ob ij k'ow ɔm ey si titam Nyam. Eke s'ijm yeji, s'irmnm ob kaka, etη eke s'ij yeji, si k'ow s'eηnm ob kaka.

⁹Abusu eru ɔny es low fēη ek'erurir e kok eci. Gbeko èwr erm, abusu na ek'eru ɔny es a itm eke k'ony agη a ek'ew fuēfue ɔmn em a ok wus!

¹⁰Tasi em a, η ek'ony “low any uw” a, eke egη nyam ek'ew fuēfue ɔmn em a ekn'η ek'anη sinyam yadη e nuη igη usu am ij ob, ko ow k'ow atrm'n sos es eke li k'ij ndey eke wēl kokr egb waw ɔη sinyam yadη ab ee?

¹¹D e low any uw a sosiem, esη jim a eke ew fuēfue ɔmn em a, b'ow ey wus, in eke Krist uw in sosiem a!

¹²Eke bi kokr sikpl etη na ɔbar ɔny lisijimel, ɔηn el ec'ɔmn fuēfue a abur es, ke Krist anake am kokr sikpl ɔbar a.

¹³Na sosiem anake ob nyam eke mi b'ow mij, ke b'ow ɔny em lisijim nyam elu sikpl em a sosiem, mi k'ow m'ijm ndey ij, yec'etη ke mi k'elum'n wus a.

Korent eyη e lēl krēkrē 9

Pɔl ɔwr in ec'erm es eke l'el ec'abusu eke n'ony a

- ¹Em yeji, abusu eru'm es eke mi ki kok low eke m'erur. Ko m'elm erm es ee? Ko m'eknm ey Es Kotoko Jesu ee? Ko elmn Es Kotoko e juma eke m'am kok a ec'ey ek'osu ee?
- ²Eke agɲ beb ec'a m'elm erm es yeji, ony ec'a gbɛ, m'el. Tasi em a, ony anake eel em e juma eke m'uw kok Es Kotoko ec'a, ec'ey eke ɔsu a.
- ³Kin odad eke m'am dad agɲ a eke am ok'm ów af a:
- ⁴Ko ey s'onym abusu eke si k'ɛɲn ob ij lele mar ab ey e juma a ec'ee?
- ⁵Ko ey s'onym abusu eke si k'ɛbirir nawrɛ ub lís nyam ab ee? Erm esel beb a, Es Kotoko lisijimɛl a lele Pier ab kok eben!
- ⁶Ko em lele Barnabas ab cɛ anake ow it eke si ki kok juma ɛjeci gbuɲ ke s'ɛɲn ob s'ij ab ee?
- ⁷Eke wɛl b'ɛsɲ ɛgɲ aɲgase a, ɛgɲ a am sɔgm labm kokm aɲgase e juma. Eke wɛl b'ewl likɲni a, wɛl b'ij in ec'ey a. ɛtɲ eke wɛl b'ɔsu mɛbob a, wɛl b'ɛgɲ ɛl e mɛny mij a.
- ⁸Ko ów amua eke m'am dad a, agɲ ec'ɛb ir em cɛ ow aɲɲ ee? Ko Mois ec'ol a am dadm low nyam coco ab ee?
- ⁹Tasi em a, Mois ec'ol ab em wɛl nɔn: K'ow ocmn meb ɔnynmn id eke wɛl ucu meb am kikn may es a nɛny es. Am tutar eke Nyam, sed ec'ermij n'am ebr ee?
- ¹⁰Oglog ey e low n'am tutr sodad na em ee? Nawrɛ em a, ey sosiem wɛl nɔn sodad amua. ɛgɲ eke b'ewl egb a, b'ɔmn egb ey eke li k'ɛɲn l'ub. ɛtɲ in a eke egb ub e legɲ a, bi kok juma a yeji b'ɔmn egb ey a eke k'ɛbm'n a.
- ¹¹Esɛ agɲ eke b'ewl egb af, s'ewl Abɲ Lala ec'ów amamn a ek'aɲɲ afr ow a ony em. Eke s'am ub ony e wus af aɲa e mob a ek'ɔnyɲ a e tɛl, ke ow ɛny nɔnɔ gbɛl ee?
- ¹²Eke agɲ beb ony abusu kok eben ony af, ke ey tasi anake s'onny abusu na s'akm ɛl a! Gbɛkɔ ey s'ɛgɲm s'elum abusu na e s'onny a e low ɔkm. Ko s'ɛgɲ nana low fɛɲ s'ɛb, Krist ec'Amani Mamn a e wus eke k'ɛym eci.
- ¹³Ony, uwr any ek'agɲ a e bi kok juma Nyamel gbɛl ab em a, b'ɛɲn ɛl ec'ob ij, mob a eke wɛl b'is Nyamel gbɛl ab em a. Ke ɛl a eke bi kok segb waw a, b'ɛɲn ow eke k'ɛbm ɛl a segb waw a eke -li bi kok ow e low ab em.
- ¹⁴Eben nenyembri nyam, Es Kotoko ɔɲ abusu eke agɲ ek'am ɔb Amani Mamn a, k'ɛɲn ɛl ec'ob ij juma na eke -n'am kok ab em.
- ¹⁵Gbɛkɔ em, abusu na eke m'onny a, m'ibram ow e low kaka, ɛtɲ eke mi nɔn ow e low aɲa, ke ow elm ow ec'ibrm eci. Njaɲ, m'átm m'ibram em ec'abusu na e m'onny a, ɛtɲ ow b'ok'm ntotɲ. Mi b'ow m'erur e mi k'uw, ow a eke mi ki yeɛ ɛgɲ ony em eci ntotɲ na oc es a.

¹⁶Ow elm ów m'erurm eke mi k'opr Amani Mamn a eke m'am ob a sosiem. Tasi em a, ow el low ek'it eke mi ki kok. Gbre él em eci eke m'obm Amani Mamn a e kokoba!

¹⁷Blel ow el em obi mi sòsum juma na m'oc m'am kok, m'óny ow e labm sòg. Kò ek'ow el juma ek'it eke mi ki kok a, m'am kok yec'a ce ek'it a.

¹⁸Etj em e labm sòg el bogj ec'ee? Em e labm sòg a el ke m'ób Amani Mamn a ofr em, ke mi k'úsm em ec'abusu ec'ów ek'anj em a e low jam.

¹⁹Em, m'elm egn kaka ec'adu; gbekò m'erur eke mi k'el agj fej ec'adu, yec'etj ke m'éb agj nonò gbél m'oj Krist.

²⁰Eke m'anj Jwifel ab, m'am ir eb ese Jwif af, el ec'eb sosiem eci. Ow elm ke m'anj el ec'ol a ec'es ew em, kò eke m'anj el ab, mi b'elum ol a yec'etj ke m'éb agj a eke b'elum ol a.

²¹Gbekò eke mi b'anj el a eke uwm Mois ec'ol ab any ab ab a, m'am ir eb ese em anm ol ec'es ew em af, agj a ek'uwm ol ab any a ec'eb eci. Gbekò ow elm ke mi k'élum Nyam ec'ol a, anke mi b'elum Krist ec'ol a.

²²Eke m'anj omn fuefue esel ab, m'am ir eb ese em yeji omn fuefue em ony af, el ec'eb sosiem eci. Mi bi kok fej a eke m'otu eke mi ki kok a, yec'etj ke saaj agj nyam nyam éjn sel.

²³Etj ów amua fej, Amani Mamn a sosiem ce mi bi kok, yec'etj ke em yeji m'ánj in e bibm a e low em.

Es uru esel e sos bebem

²⁴Uwr any eke es uru usu, ow el es uru esel a fej b'uru es, gbekò egn nyam ce b'ejn ow e nin awr ob a. Ow sosiem, urur es nin awr ob a ec'ejn eci!

²⁵Es uru esel fej, sos bebem em a, bi dedjn el sosi ów nonò e kok. -Li b'onyn el sosi milolu nin awr ob nyam eke íbnm sosiem eci. Kò ey, s'am atr sos es eke si k'ejn nin awr ob nyam eke b'ow anj segj fej.

²⁶Na sosiem, em, m'am uru es, kò ow elm marem marem. M'anj ese mum ogj es af, kò mi wówlm kukuta marem marem.

²⁷Em, m'am onyn em e sos a milolu, m'akm'n es nonò, yec'etj ke mi k'ób m'obm Amani Mamn eci kokoba m'okm agj, ke em wel k'ébm im.

Korent eyj e lel krekre 10

K'ignj sinyam yadj nuj

¹Agj lisijimel, m'erur eke mi k'okn ony low yec'a eke ejn ey lagnel Mois e legj em a. Jru a ek'anj afr ow a nyimn el, etj -l'ubr okij ebl a,

²etj ow anj ese mij nuj eke wel ok el af, Mois e jam us eci.

³-4El fəŋ -l'ij ob nyam a ɛtɲ -l'ɛŋ mar nyam a ek'anɲ Nyam ɛm ow a. Tasi ɛm a, lob a ek'anɲ Nyam ɛm ow am us el jam ab ɛm -l'ɛŋ mij el fəŋ, ɛtɲ lob a, in anake l'el Krist a.

⁵Gbəkɔ ɛbɛn yeji, el ɛm ec'agɲ nɔnɔ kokm Nyam ec'erur, ɛtɲ ow sosiem -l'uwr loj ab ɛm.

⁶Ów amua fəŋ ey eke k'el səwl ey eci, yec'ɛtɲ ke si kí kokm ów ɛɲɲ eke b'aw ey a ɛsɛ ey lagɲel ec'ab af.

⁷K'igɲɲ sinyam yadɲ nuɲ, ɛsɛ elɛl ek'el ɛm ec'agɲ bɛb kok ab af. Kin yec'eke Nyam Lɛl dad: Dedeku a nimum sig es ob ij lele mar ɛŋɲ ab eci. ɛtɲ ow e jam a, -l'igb el fəŋ -n'am gbɛgbl es.

⁸Si k'ócr ey e sos a si kí kokr nfaci ij owi, ɛsɛ elɛl ek'el ɛm ec'agɲ bɛb kok, ke agɲ fandi likɲ lele nyahan ab uw læŋɲ nyam coco ab af.

⁹Si k'ébmɲ Krist, ɛsɛ elɛl ek'el ɛm ec'agɲ bɛb kok, ke morɲɲ gúŋɲ el -l'uwr ab af.

¹⁰Ow ec'uwr ɛm a, m'am dad m'ɛsɛ: si k'ényn abr, ɛsɛ elɛl ek'el ɛm ec'agɲ bɛb kok, ke afr ɛrm ɛs a ek'ism luw ab a, ibi el ab af.

¹¹Ów amua ɛɲɲ ey lagɲel, yec'ɛtɲ ke ow él səwl ey eci. Wɛl nɔn ɛw es ey ec'ɛwar eci, ey eke s'anɲ sɛŋɲ es abal el ɛm a.

¹²Ow sosiem, ɛŋɲ yeci ek'am tutr eke n'inym es kikri a, éw ɛrm ke li k'éym wus.

¹³ɛbm ɛkn a fəŋ eke ɔbar a el ow a eke b'ɛɲɲ agɲ fəŋ a. Nyam el cɛcɛ ɛtɲ li k'ow li yeɛm eke wɛl k'ɛbm ɔny toɲ ow afɲ ɔny e læc ab es. Eke ɛbm ɛkn b'ow owr ɔny a, Nyam b'ow ɔɲ ɔny læc inymɲ es kikri ɛtɲ li b'ow n'ɔɲ ɔny sos dogɲɲ ec'abusu.

ɛs kɔtɔkɔ ec'ob ij a écm sinyam yadɲ e ses gbɛgbl ab ab

¹⁴Ow sosiem a, erur ɛm ec'agɲ lawlɛl, àrur sinyam yadɲ e nuɲ igɲ owi ɛgbr es!

¹⁵M'am dad ɔny odad ɛsɛ nuɲ ɛm es ok ɛsɛl af. ɔny obi yeji ɔnyn odad eke m'am dad a igbal ogɲ ɛkan.

¹⁶Ob ij lala ab ɛm, eke si b'ɔɲ Nyam bia mij kpɔk a e si b'ɛŋɲ a ec'a, ke ow elm af s'okrm Krist eci meɛl ab ab a ee? Kɔ futufutu a eke si bi cɛc s'ɔɲanin ob ij ɛm a, ɔnym okrm ey af Krist e sos meɛl ab ab ee?

¹⁷Futufutu a, nyam coco. ɛtɲ ey fəŋ s'okr af s'el sos meɛl nyam coco, anke futufutu nyam coco a ey fəŋ si b'ij.

¹⁸Lèer Israël eyɲ: el a eke b'ij mindey eke wɛl bi wawr egb anɲ egb waw usu a, okr af Nyam ab.

¹⁹Nene a, bla lowi m'am erur eke mi ki dad ee? Kɔ mindey eke wɛl bi wawr egb ɔɲ sinyam yadɲ a lele sinyam yadɲ a el obi ab a el low tasi ee?

²⁰Njan! M'erur cɛ eke mi ki dad eke segb waw amua, abɲ ɛɲɲ a wɛl bi kok ɔɲ, kɔ ow elm ey e Nyam a. ɛtɲ m'erurm eke k'okar af abɲ ɛɲɲ ab ab.

²¹K'otumn am egɲn Ɛs Kɔtɔkɔ e mij kpɔk a, ke ám egɲn abɲ eɲuɲ e mij kpɔk a yeji. K'otumn am ijr Ɛs Kɔtɔkɔ ec'ob ij lala a, ke ám ijr abɲ eɲuɲ ec'ob a yeji.

²²Kɔ Ɛs Kɔtɔkɔ s'am erur eke si k'ɔɲ nyamnɛyr ɔny ee? Kɔ s'ɔny lɛc s'akm'n ee?

Kòkr fɛɲ Nyam ec'anygbɛl a eci

²³ɔny ɛm ec'agɲ beb bi dad ɛsɛ: «Fɛɲ e kok ec'abusu ɛru es.» Nawrɛ, gbɛkɔ ɛm, m'am dad eke ow elm fɛɲ akplm ɛy eci. «Fɛɲ e kok ec'abusu ɛru es.» Nawrɛ, kɔ ow elm fɛɲ ɔɔm Nyamel agbm ɔmn ɛm.

²⁴Ɛgɲ kaka k'ól in obi cɛ e low mamn es, kɔ ke l'ól agɲ ejec'a nana ec'es.

²⁵Ndey fɛɲ eke wɛl b'ól ij an ejɛm a, ijr ɛrm es ɛy ɛm, ke ów awl kaka k'ánm ɛm.

²⁶Tasi ɛm a, ob a fɛɲ Ɛs Kɔtɔkɔ eci: wus lele ob fɛɲ ek'anɲ'n ɛm ab ab.

²⁷Kin low ɛbmn nyam: eke Nyam any uwm ɛs nyam ɛsɲ ɔny ob ij ɛm ɛtɲ egɲn ebr inn a, ow akpl eke k'ijr ob a eke wɛl ɔɲ ɔny a ɛrm es ɛy ɛm, ke ów awl k'ánm ɛm.

²⁸Gbɛkɔ eke egɲ nyam dad ɔny ninɛ: «Ndey a ek'am ijr a sinyam yadɲ ec'egb waw,» ow akpl eke k'ijmn egɲ a e dad ɔny odad a e sos keskes eke ow k'ɛwm lele in ec'eel eke li b'ɛkan ów ab ab sosiɛm.

²⁹Eke batɲ fɛɲ akpl ɔny eci yeji, ow ɔtu eke k'ákplm egɲ a eci. Sica bla sosiɛm egɲ ki yɛb egɲ ejeci, in ec'eel eke li b'ɛkan ów ab ɛm, jɛj in ec'abusu a ek'ɛru'r es a e low ok ee?

³⁰Eke l'ɔtu eke li k'ɔɲ Nyam bia ob a eke n'am ij a eci, bla sosiɛm wɛl ki cacak'r ob ij a sosiɛm ee?

³¹Ow cɛ eke mi ki dad a: eke am ijr ob, am egɲn mar ɛtɲ am kokr low fɛɲ yeji, kòkr fɛɲ Nyam ec'anygbɛl a eci.

³²K'èlul egɲ kaka wus ɔny ec'eel eke bi kokr ab ɛm: ke ow el Jwifɛl, ke ow el agɲ ek'elm Jwifɛl, ke ow el Nyamel; k'èlul egɲ kaka wus.

³³Kòkr ɛsɛ ɛm af! Mi bi kok eke ɛm e low kok fɛɲ ɛm, ɛm e low k'akpl agɲ a fɛɲ sos ɛm. M'ól m ɛm obi e low mamn es, kɔ agɲ fɛɲ e low mamn mi b'ól es yec'ɛtɲ ke el fɛɲ -n'ɛɲn sel.

Korɛnt eyɲ e lel krɛkrɛ 11

Egɲ lel ɔyɔw ab ec'eel eke k'anɲn ek'agɲ b'as luku Nyam nun igɲ ec'a

¹Wèwrmn'm ów, ɛsɛ eel eke m'am wewrm Krist ów ab af.

²M'am aw ɔny eke sɛgɲ fɛɲ b'ɔkan ɛm e low, ke b'ɔsur ɛm e low yɛgm a ɛsɛ eel eke m'ɔɲn ɔny ab af.

³Gbɛkɔ kin low e m'am erur eke k'irir sɛnɲn sɛnɲn: igɲ fɛɲ ec'es ɛw ɛs el Krist, yow fɛɲ ec'es ɛw ɛs el igɲ, ɛtɲ Krist ec'es ɛw ɛs a el Nyam.

- ⁴Eke igɲ nyam bubur nuɲ es am ɲoɲn Nyam oglog am dad odad eke Nyam oɲ'n a, l'eluum Krist ek'el in ec'es ew a.
- ⁵Sica eke yow nyam buburm nuɲ es in e Nyam ɲoɲn em oglog odad eke Nyam oɲ'n a e dad em a, l'eluum in ec'es ew es a ek'el in ec'igɲ a. Ow anɲ esɛ ebɛn nuɲ kprokpro cɛ ow'n er af.
- ⁶Eke yow nyam erurm eke ki bubur nuɲ es, l'égɲ l'eb l'er nuɲ kprokpro cɛ gɔɲ! Gbɛkɔ ow el és owi yow nyam eke bubr sin es oglog er nuɲ kprokpro a eci; ow sosiem li búbur nuɲ es cɛ gɔɲ!
- ⁷Igɲ ec'a ow ibram eke li ki bubur nuɲ es eke l'el Nyam ec'es otarir lel ow ec'anygbɛl ab a sosiem. Kɔ yow, in igɲ ec'anygbɛl l'el.
- ⁸Tasi em a, ow elm yow em Nyam kokm igɲ, kɔ igɲ em li kok yow.
- ⁹Etɲ Nyam kokm igɲ yow sosiem eci, kɔ yow li kok igɲ sosiem eci.
- ¹⁰Low na sosiem lele afr erm esɛl eke bi ler ony e Nyam nuɲ igɲ ab ab sosiem, ow it eke yow k'ew meny ewr nyam nuɲ af yegm eke n'onny abusu Nyam ɲoɲn eci.
- ¹¹Gbɛkɔ Es Kɔtɔkɔ ec'any af a, yow anɲ igɲ eci etɲ igɲ yeji anɲ yow eci,
- ¹²anɲke ek'ow el igɲ em Nyam ɛcr kok yow, ke yow em anake igɲ b'ɛcr wɛl ew'r a; ów a fɛɲ Nyam ogɲ ow b'anɲ ow.
- ¹³Ony obi em yeji, onyn igbal ogɲ ekan: eke yow nyam am ɲoɲn Nyam etɲ li buburm nuɲ es ke ow akpl gbɛ ee?
- ¹⁴Eke igɲ nyam ofur sin nuɲ, ow el és owi! Wus ec'ów a bɔbɔ yeji am yegm eke ow el és owi.
- ¹⁵Gbɛkɔ yow ec'a eke sin ofu'r nuɲ, ke anygbenɲ ana! Tasi em a, yow sin b'ofu nuɲ yec'etɲ ke ow él in e nuɲ es bubur ob.
- ¹⁶Etɲ ek'egɲ nyam erur eke k'atar ów es low na af a, l'úw any eke ey e Sinyamel a fɛɲ em ow ɛcam ey ab eke yow nyam kí buburm nuɲ es ke ɲoɲn Nyam.

Es Kɔtɔkɔ ec'ob ij lala a

- ¹⁷Eke ow el ony e siluku as a ec'ów m'am dad a, low nyam anɲ eke ow sosiem mi k'otum m'awm ony. Tasi em a, ony e siluku as a bi kok ony low ɲuɲ akm low mamn.
- ¹⁸Eke b'asr luku usu nyam a, b'inymn es eb eb a eke bubar em a. M'iri ow e low wɛl esɛ em, etɲ m'onny omn eke low nawrɛ tɛl anɲ em.
- ¹⁹Tasi em a, em bubr otu eke k'anɲ ony em, yec'etɲ ke wɛl ótu ɛkn kpata agɲ a eke el cɛcɛ tasi ony ec'araɲn a.
- ²⁰Eke b'asr luku usu nyam a, ow elm Es Kɔtɔkɔ ec'ob ij lala a íjmn.
- ²¹Èɛ, egɲ egɲ b'ogɲ es eke k'ij in obi eci ob a, etɲ eke agɲ bɛb, el namn b'onny a, likpr el b'egɲ mar am ony.

²²Ɔny na, ɔnyɔm mel eke k'anɔn yogɔ ij ke eɔn ee? Kɔ Nyamel am erurir eke ki kokar miyer ee? Kɔ aɔn a ek'el ɔkɔpm aɔn a erurir eke ki kokr ɛs ee? Bla am ekur eke mi ki dad ɔny ee? Kɔ aw mi k'aw ɔny ee? Njaɔ, low na af gbe mi k'awm ɔny!

²³Tasi em a, kin low yegm a eke m'eb Ɔs Kɔtɔkɔ oɔn ke m'ɔn ɔny a: Ɔs Kɔtɔkɔ Jesu ncok a eke wel ɔl ij'r a, l'oc futufutu,

²⁴l'elu Nyam bia, etɔ ow e jam a, l'ubr futufutu ab em li dad nine: «Futufutu na el em e sos meɔl. L'el ɔny eci. Ij ke ám ɔkan em owi.»

²⁵Ɛben nyam coco, eke -l'ijr ob uwr a, Ɔs Kɔtɔkɔ oc ven kpɔk a etɔ dad nine: «Ven kpɔk na el em e mebl a, etɔ Nyam oc'r am kok in e sinm owr a ɔny ab. Sakp sakp feɔ eke b'ow eɔn a, ɔkan em owi.»

²⁶Tasi em a, sakp sakp feɔ eke b'ijr futufutu na ke b'eɔn ven kpɔk na a, ow el Ɔs Kɔtɔkɔ e luw a ec'amani ek'am ɔbr toɔn ke l'ɛwl l'ow.

²⁷Ow sosiem eɔn ek'am ij Ɔs Kɔtɔkɔ eci futufutu na, oglog am eɔn in e kpɔk na ke ow elm el el ek'ow it a, el eɔn ek'am eb sikpl ok sos Ɔs Kɔtɔkɔ eci sos meɔl a lel in e mebl ab ab ec'any af.

²⁸Ow akpl ek'eɔn eɔn k'otar in sosi akr gbun ke l'ij futufutu na, ke l'eɔn kpɔk na.

²⁹Tasi em a, eɔn yec'ek'am ij futufutu na ke am eɔn kpɔk na, ke uwm low ek'anɔn el Ɔs Kɔtɔkɔ eci sos ab ab ec'araɔn a, el eɔn ek'am eb jej ok ew es in e lís.

³⁰Low na sosiem anake ɔny ec'araɔn a, ɔlu nɔnɔ lele sos ɛyru ab anɔn, ke aɔn nɔnɔ uw a.

³¹Eke si b'ekan ey ec'es an ab em, Nyam k'ow jejm okm ey.

³²Gbekɔ Ɔs Kɔtɔkɔ bi jej ok ey etɔ bi nyimn ey e low, yec'etɔ ke wel k'ɔbm ey low wus nimum ab.

³³Ow sosiem erur em ec'aɔn lisijimel, leɔn eke b'asr luku usu nyam ob ij ec'a, ɛkurir ɔny ɔfr.

³⁴Eke eɔn nyam namn am ɔny nɔnɔ, ow akpl eke li k'ij ob in oɔn a, yec'etɔ ke ɔny e luku as usu nyam a k'ɛsɔm Nyam e jej ok a ism ɔny. Ów likpr a eke bibrmn'm a ec'a, leɔn a eke mi b'ow m'ow ɔny oɔn a, mi b'ow m'ekn ow e low.

Korɛnt eyɔ e lel krekre 12

Sob ap ek'Abɔ Lala b'ɔn aɔn a

¹Aɔn lisijimel, yec'ek'el Abɔ Lala e sob ap ec'a, m'erurm eke k'úwmn ow e lís e low kaka any.

²Leɔn sig em a eke k'uwmm Nyam any a, wel b'ɔdum ɔny ab imn sinyam yadɔn ek'am dadm odad oɔn, etɔ am dogɔnmn sos kaka.

³Ow sosisiem m'erur eke mi ki dad ɔny low nyam: eke ɛgɛ nyam dad: «Ke abu ɛyr ɛɣn Jesu!», ow k'ɔtum elm Abɛ Lala ɔm'n eke li ki dad ɛben. ɛtɛ emeny ɛgɛ k'ɔtum dadm: «Jesu el ɛs Kɔtɔkɔ!», eke ow elm Abɛ Lala nyimnm'n.

⁴Sica yec'ek'el Abɛ Lala e sob ap ec'a, Nyam ɔɣ agɛ in e bibm ab ɛm sob ap ɛɣɛ ɛɣɛ, gbekɔ Abɛ nyam a ɛɛ b'ɔɣ agɛ sob ap a.

⁵Ow ɔny juma ɛɣɛ ɛɣɛ eke wɛl bi kok, gbekɔ ɛs Kɔtɔkɔ nyam a ɛɛ e juma.

⁶Ów ɛɣɛ ɛɣɛ anɣ eke wɛl bi kok, gbekɔ Nyam nyam a ɛɛ bi kok juma ɛy fɛɣ ɛm, ɛtɛ b'ɛlum ɛy abu fɛɣ a eke si bi kok ab ɛm.

⁷Abɛ Lala b'ɔɣ ɛy ɛm ec'ɛgɛ fɛɣ bibm nyam in sɔny ɛɛ eci, agɛ likpr a e nimamn eci.

⁸Li b'ɔɣ ɛgɛ nyam odad sɛwr ɛm eke b'anɣ Nyam ogɛ ow a e bibm, ke Abɛ nyam a ɛɛ, n'ɔɣ ɛgɛ ejeci nyam low any uw a eke b'anɣ Nyam ogɛ ow a e bibm.

⁹Abɛ nyam a ɛɛ b'ɔɣ ɛgɛ nyam ɔmn leg leg e bibm, ke n'ɔɣ ɛgɛ ejeci nyam agɛ ewlm ec'a.

¹⁰Li b'ɔɣ ɛgɛ nyam akrowa kok e bibm, ke n'ɔɣ ejeci nyam odad eke b'anɣ Nyam ogɛ ow a e dad ec'a, ke n'ɔɣ ejeci nyam yeji eke k'uw ów yec'ek'el Nyam ec'Abɛ ec'ów ab any lele ɛl ek'elm ab ab e bibm. Li b'ɔɣ ɛgɛ nyam am ɔtu ɛbr sɛbr e wɛl uwm any e bibm, ke n'ɔɣ ejeci nyam ow ec'itɣn e bibm.

¹¹Gbekɔ amua fɛɣ a, Abɛ Lala nyam coco a ɛɛ bi kok ow e low. Li b'ɔɣ ɛgɛ ɛgɛ in e sob ap a ɛsɛ elel eke li b'erur ab af.

ɔny fɛɣ eel Krist e sos megl a

¹²Aɣa s'óc low nyam s'ɛbmn. ɛgɛ e sos megl a el ob nyam coco, gbekɔ n'ɛnyn susu nɔnɔ ɛɛ. ɛtɛ eke n'ɛnyn susu yeji, susu susu a fɛɣ okr af el sos megl nyam; Krist ec'a yeji ɛben ɛɛ.

¹³ɛy fɛɣ, Jwifɛl, agɛ ek'elm Jwifɛl, madu lele ewi ab, Abɛ Lala nyam ab ɛm ɛɛ s'ɛɣn mij ok nuɣ, sos megl nyam coco eke si k'okr af s'el Krist ɛm a eci. ɛtɛ ɛy fɛɣ, s'ɛɣn Abɛ nyam coco na anɣ ɛy ɛm.

¹⁴Tasi ɛm a, sos megl nimum a ɔnym sos ogog nyam ɛɛ, kɔ sos ogog nɔnɔ li b'ɛli.

¹⁵Lakr ɔtu e ki dad ɛsɛ: «ɛm, eke m'elm abu a, m'elm sos megl ec'ogog nyam.» Kɔ ɛben yeji, l'el sos ogog nyam ɛɛ.

¹⁶Lɔru ɔtu e ki dad ɛsɛ: «ɛm, eke m'elm nyamn a, m'elm sos megl ec'ogog nyam.» Kɔ ɛben yeji, l'el sos ogog nyam ɛɛ.

¹⁷Blel sos megl a nimum el anyamn, ayaf s'ɔtu e si k'irir low ee? ɛtɛ blel ow el ɔru ɔfr ɛɛ, ke ayaf s'ɔtu eke si k'ɔdur ob sɔsɣ s'ɛb ee?

¹⁸Gbekɔ, Nyam sisigm sos ogog ogog fɛɣ es sos megl a nimum ɛm, ɛsɛ elel eke l'erur ab af.

¹⁹Eke sos megl a nimum el sos ogog nyam ɛɛ, ke l'elm sos megl ij.

- ²⁰Sos ogog ogog a anake b'okr af el sos megl nimum nyam a.
- ²¹Nyamn k'otum dadm abu esme: «Em, m'onym η ec'es abur!» Etn nun k'otum dadm akr esme: «Em, m'onym ony ec'es abur!»
- ²²Nawre em a, sos ogog ogog a ek'onym any nono a bobo yeji, ony low e bi kok sos a nimum em.
- ²³Susu a eke si b'ekn ese el ek'elm low kaka af a, si bi tat el abu af nono. Etn el a eke wel otum eke k'ekn a, si b'onny mewl si sus el mob.
- ²⁴Ey e sos a e susu susu a e wel otu eke k'ekn a, ibram mob sus na feη. Gbeko Nyam eke kok sos megl a, n'onny susu a eke wel b'ekn ese susu eke elm low kaka af a elum nono.
- ²⁵Eben a, sos megl a ow elm em ow bubrm. Ko nana, sos ogog ogog a feη b'ebr el ofr ec'erm mij.
- ²⁶Eke sos ogog nyam am ij gbre, sos ogog ogog a feη am ij gbre in ab. Eke wel kok sos ogog nyam anygben, sos ogog likpr a feη am kok sos em iηn in ab.
- ²⁷Ony ec'a, eel Krist e sos megl a, etη ony em ec'egη nyam nyam el sos megl a ec'ogog nyam.
- ²⁸Ow sosiem anake Nyamel em, Nyam ikη anym krekre em ew: erm esel, yony em: kokoba ob esel, nyahan em: low yegm esel. Ke sica ow e jam a, wel b'ehη sakrowa kok esel lel el a ek'ehη egη ewlm e bibm ab a. Sica ow ony abu elum esel lele agη nyimm esel ab, etη el a eke ehη sebr eke wel uwm any ec'ebr e bibm a yeji anη.
- ²⁹Ko el feη -l'el erm esel ee? El feη -l'el kokoba ob esel ee? El feη -li bi yegm agη low ee? El feη -li bi kok sakrowa ee?
- ³⁰Etn emeny, ow elm el feη yeji -l'ewlamn olu, -li dadmn odad sebr eke wel uwm any em, -l'itηnmn sodad a.
- ³¹Ow sosiem a ool sob ap ek'onny any a ec'ehη es! Gbeko sica, m'am ow mi yegm ony ejagb nyam ek'el sobo akm beb a feη.

Korent eyη e lel krekre 13

Erur el low a tasi eke ony any a

- ¹Tasi em a, blel m'otu eke mi k'ebr agη e sebr a feη lele afr erm esel ec'ab ab yeji, eke m'onym erur agη ejec'a eci, ke m'anη ese kpokpo obr ce eke wel am ar ke am ikη, baη kpakpaca ek'am bobar af.
- ²Blel m'otu eke mi k'eb odad eke b'anη Nyam ogη ow a m'onny agη, m'ehη low any uw a feη eke b'anη Nyam ogη ow a, m'iri ow a eke lol es Nyam em a ok'm es sos em, ke m'onny omn a ek'otu eke k'onny mafeny fafηn susu a yeji, eke m'onym erur agη ejec'a eci, m'elm low kaka!

³Etj blel m'otu eke mi ki cec em ec'ob fej eke m'onny a m'onj agj a eke namn am ony a, ke m'oc em e sos a m'ew awoba ke ow injm sos em yeji, eke m'onny erur agj ejec'a eci, ow elm im low kaka!

⁴Erur b'eku low, erm mamn iy'r em gbaj, l'ogjnm uwerj, l'ewm sos, l'elum megjel okm.

⁵Erur am kokm es owi. L'olm in e low mamn ce es, l'ebm erm etj l'ebm low njj l'ewm es lokm.

⁶Erur sos em injm ow enyembri yony yony eci, ko sos em gbe b'injn'n low nenyembri nyam eci.

⁷Erur b'egj low fej eb, b'ub low fej nawre, b'omn low fej etj b'usur erm low fej em.

⁸Legj nyam sodad eke b'anj Nyam ogj ow ke si b'eb s'onj agj a b'ow ec. Sebr eke wel uwm any ke wel b'eb e bibm a b'ow irm, etj Nyam e lis e low fej eke wel uw any a yeji b'ow uwr. Gbeko erur onny uwr.

⁹Tasi em a, s'uwm ow a fej any, etj sodad eke b'anj Nyam ogj ow si dad a yeji iym neny injm njj.

¹⁰Gbeko, legj a eke fej b'ow iy neny inj njj a, yec'a fej ek'iym neny inj njj a, b'ow oc es.

¹¹Sica, kin low a eke m'am ow mi dad a: ow a eke m'el iy likekli a, mi bi tutr ow etj mi bi dad ow ese iy likekli af. Sica eke m'el any es edju a, mi k'okm ese iy likekli af ij.

¹²Legj na em, si k'eknm Nyam ec'ow a lala em tasi, s'am ekn el ese akrono flaj em af, gbeko legj anym em a, si b'ow s'ekn any af any af. Sicaca em a, m'uwm fej any, ko legj anym em a, mi b'ow m'uw Nyam any m'igj njj ese el el eke l'uwr'm any ab af.

¹³Legj na em a, ow nyahan anj segj fej: omn, low omn lele erur ab. Gbeko el em e ligbel tasi a el erur.

Korent eyj e lel krekre 14

Sob ap ek'el Abj Lala ec'a it eke k'onj Nyamel agb

¹Ow sosiem a, injn anym ol erur es. Ol erm fej em Abj Lala e sob ap ab es, ab brobro sodad eke b'anj Nyam ogj ow ke si b'eb s'onj agj a, ec'ob ap a.

²Eke batj ony em a egj nyam am dad odad sebr eke wel uwm any em, ow elm agj li dadm odad, ko Nyam n'am dad, anke egj kaka irim. Abj Lala ec'abu elum em, li bi dad ow ek'otu nono ke lol es.

³Gbeko eke egj nyam am dad odad eke b'anj Nyam ogj ow a, ke agj n'am dad l'ok, l'elum abu agb omn em, l'atr sos es ke l'eyr erm es.

⁴Egj a eke am dad odad sebr eke wel uwm any em a, am otur in sosi ce sos. Ko egj a ek'in am dad odad eke b'anj Nyam ogj ow ok agj a, am otur Nyamel a nimum sos.

⁵M'erur eke ɔny feŋ k'ɛbar sebr eke wɛl uwm any a, gbɛkɔ yec'eke m'erur tasi a el ke ám dadr sodad eke b'any Nyam oŋ ow a. Dád sodad eke b'any Nyam oŋ ow a, akpl nɔnɔ akm sebr eke wɛl uwm any ec'ɛbr a. Sica ek'ɛgɛ nyam any eke k'itɛn ɛbr a eke wɛl uwm any ec'odad a, yec'ɛtɛ ke ow ɔŋ Nyamel a nimum agb ɔmn ɛm a, ke ow akpl.

⁶Agɛ lisijimɛl, s'ócr low nyam s'ɔbar any: eke m'ow m'am ɛkn ɔny ɛtɛ m'am dad ɔny odad ɛbr nyam eke írimn ɛm, ke mi kok low nyam m'ɔŋ ɔny ee? Gbɛkɔ eke m'otar ów a eke Nyam ɔŋ'm a akr senyn senyn irir, oglog eke mi dad ɔny Nyam e lís ec'any uw e low ayl, oglog mi dad ɔny odad eke b'any in oŋ ow a, oglog eke mi yɛgm ɔny low, ow ɔtu eke k'ɛlum ɔny abu.

⁷Simob eke wɛl b'ot ɛgɛn ɛj a yeji, am ɔŋ ɛy low any ɔbar nyam: ɛsɛ kete af oglog sanŋo af, eke el ec'ikɛ a kpakpabm es aylm, ayaf wɛl k'uwr ɛj yec'eke -n'am afl ab any ee?

⁸ɛtɛ eke kɔkr a ec'ikɛ a aylm okm es, bwo ec'ɛgɛ b'ow bɛbm ar oŋ e sos ee?

⁹ɔny ec'a yeji ɛbɛn! Eke am dadr ów sodad ebl eke wɛl írim ab, ayaf wɛl k'uwr yec'a ek'am dadr ab any ee? Ow any ɛsɛ odad ek'am dadr okr wus af.

¹⁰Sebr ɛrɛ ɛrɛ any wus af aŋa, ɛtɛ -li bi dad ów eke b'ok agɛ a e b'iri a es sos ɛm.

¹¹Eke m'uwm ɛgɛ a ek'am dad'm odad a ec'ɛbr ab any, m'el utu ɛgɛ in ec'any af ɛtɛ ɛm yeji l'el utu ɛgɛ ɛm ec'any af.

¹²ɔny yeji ɛbɛn ɛɛ! Sica eke am erurir Abɛ Lala eci sob ap a, íbrmn Nyam atrm ɛm el a ek'ɔtu eke k'ɔŋ Nyamel agb a.

¹³Na sosiɛm anake ɛgɛ a eke am dad odad sebr eke wɛl uwm any ɛm a, ki ɛɔŋ Nyam, ow ɔŋ'n odad itɛn e bibm a.

¹⁴Eke mi bi ɛɔŋ Nyam sebr eke wɛl uwm any ɛm a, ɛm ec'abɛ a bi ɛɔŋ Nyam a, kɔ ɛm e nuɛ ɛm ɔny a am kokm low kaka.

¹⁵Ayaf mi ki kokr ab ee? Mi b'ow mi ɛɔŋ Nyam ɛm ec'abɛ ab ab, gbɛkɔ mi b'ow mi ɛɔŋ sodad ebl eke b'ok es ɛm. Mi b'ow m'ɛgɛ ɛj ɛm ec'abɛ ab ab, gbɛkɔ mi b'ow m'ɛgɛ ɛj a sodad ebl e b'ok es ɛm.

¹⁶Sica ek'ow el abɛ ɛm b'ɔŋ Nyam bia, ɛgɛ a eke irim low a ɛwm es, ke uwm yec'eke am dad ab any a, ayaf li k'ɔtu li dad «amen», ɛ e Nyam bia ɛlu e ɛɔŋ a ec'ee?

¹⁷Eke ɛ e Nyam bia ɛlu e ɛɔŋ a akpl nɔnɔ yeji, ow ɛluam agɛ ɛjec'a abu agbm ɔmn ɛm.

¹⁸M'am ɔŋ Nyam bia eke mi b'ɛbr sebr nɔnɔ eke wɛl uwm any m'akm ɔny feŋ.

¹⁹Gbɛkɔ Nyamel b'as luku a, m'erur eke mi ki dad sodad ebl yen eke ayl wɛl b'iri mi yɛgm agɛ low, ow a eke mi ki dad sodad fandi lɛw eke wɛl írim kaka a.

²⁰Agɛ lisijimɛl, kɔ tutar ów ɛsɛ etuey af, kɔ tɔtar ów ɛsɛ agɛ any es ɛdɛu af. Sica low ɛtɛ ec'a gbɛ, ànɛn ɛsɛ etuey eke ɛknm low ɛm af.

²¹Nyam ec'ol ab em Es Kotoko dad nine: Mi b'ow m'ecr agn eke b'ebr etu ec'abr em, mi dad Israel eyn odad, mi b'ow m'oc etu agn e neny mi dadr el odad. Etn eben yeji, -li k'ow -l'irimn em owi.

²²Ow am yegm eke sebr eke wel uwm any ec'abr a, el meny ewr agn a ek'ubm nawre a eci, gbeko ow elm low kaka nawre ub esel a eci. Eben neny nyam, sodad eke b'ann Nyam ogn ow a, el meny ewr agn a ek'el nawre ub esel a eci, gbeko ow elm low kaka agn ek'ubm nawre a eci.

²³K'aw ke Nyamel nimum as luku, ke agn a pupukpan am dad odad sebr eke wel uwm any em. Eke agn ek'irim ey e low a oglog agn eke ubm nawre ow ok ony em, -li b'ow -li tutr eke nun em un ony!

²⁴Gbeko eke agn a feñ am dad sodad ek'ann Nyam ogn ow, etn egn nyam ek'ubm nawre oglog irim ey e low a kaka ow ey ony em, li b'ow l'itjn erm em sodad eke n'am iri a sosiem.

²⁵Ow b'ow on etn ow a eke lol es in ec'erm ab em a b'ow ayl, etn li b'ow l'ok owrokp wus, l'ubu any es. Li b'ow l'ign Nyam nun ke li dad l'ese: «Ee, Nyam ann ony arann tasi!»

Nyam nun ign em ec'ow sisigm

²⁶Sica agn lisijimel ayaf si ki dadr ab ee? Eke b'asr luku Nyam nun ign ec'a, egn nyam otu eke k'egn ej nyam, ejeci nyam egn low e ki yegm agn, ejeci nyam elu Nyam e lis e low nyam okm, ejeci nyam dad odad ebr eke wel uwm any em, ke ejeci nyam, in itjn odad a eke wel dad a. Gbeko ke feñ elum Nyamel a abu agb onn em.

²⁷Eke wel am dad ow sebr eke wel uwm any em, agn yony oglog nyahan otu eke ki kok, ko ke ow el egn nyam nyam, ke egn ann am itjn yec'a eke -n'am dad a.

²⁸Sica ek'egn ann yogñ eke k'itjn el e sodad a, ow akpl eke -li ki yewal tin agn a ec'arann, ke egn egn dad odad a lokm em in obi in obi lele Nyam ab eci.

²⁹Agñ a eke el, bi dad sodad eke b'ann Nyam ogn ow a ec'a, agñ yony oglog nyahan otu eke ki dad ow a eke -n'enn a, ke agñ likpr a ony el e dad ebl a igbl ogn ekn.

³⁰Eke agñ ab em, Nyam on egn nyam odad eke ki dad, etn egn ejeci nyam odad ann nenn am dad a, l'ok odad ab es ke yec'a yeji dad.

³¹Nawre, otur eke ony feñ k'enn sodad eke b'ann Nyam ogn ow a, gbeko ke ow el egn nyam nyam ki dad, yec'etn ke agñ a feñ iri low yegm ek'ann em a, ke ony sos es atr.

³²Agñ a eke b'enn sodad eke b'ann Nyam ogn ow a, otu eke k'onyn sos es bibm a eke -n'enn a e low kok em.

³³Nyam elm ow wuwal es, ko erm es ey e Nyam. Etn ese el el eke ow b'ecr Nyam nun ign esel feñ ec'arann ab af,

³⁴Ow it eke ɔyɔw ki yewal tiŋ aɣɛ araŋ. -N'ɔnym abusu eke -li k'igb -l'eb odad -l'ibrm low, kɔ -l'ok es tiŋ ke -l'iri low, ɛsɛ elɛl eke Jwifel ec'ol a am dad ab af.

³⁵Eke -n'ɔny low eke -li k'ibrm -l'iri a, -l'ibrm ɛl ɛcɛl akɛ ɛm. Ow akplm eke yɔw k'igb aɣɛ araŋ eb odad.

³⁶ɔny bi tutar a ke Nyam odad a, ɔny oɣɛ yɔɣɛ ow anɛ ow ee? ɔny sɔny cɛ eel aɣɛ ek'ɛɣn'n ee?

³⁷Ek'ɛɣɛ nyam am ocr in sosi Nyam e kokoba ɔb ɛs, oglog ɛɣɛ ek'ɛɣn Abɛ Lala ec'ob ap ab ɛm e nyam, ke l'ɔtu eke li k'ɛkn odad na eke m'am nɔn m'awɛ ɔny a ɛsɛ ɛs Kɔtɔkɔ ec'ol af.

³⁸Gbɛkɔ eke l'uwm any ɛbɛn a, in yeji Nyam k'ow uwm'n any.

³⁹Aɣɛ lisijimɛl, ow ec'uwrɛ ɛm a, m'am dad m'ɛsɛ: ow akpl eke k'erurir ɛɣan sodad eke b'anɛ Nyam oɣɛ ow a; ke k'ɛdɛɣnmn aɣɛ a eke b'ɛbr sɛbr eke wɛl uwm any a.

⁴⁰Gbɛkɔ, ke ɔny ec'araŋ a, ɔw a fɛɛ ɛl sejem sejem lele sisigm ɛm ab.

Korɛnt eyɛ e lɛl krekrɛ 15

Amani Mamn a eke bi sɔɣ ɛɣɛ a

¹Aɣɛ lisijimɛl, m'am ɔkn ɔny Amani Mamn a eke m'ɔb ɔny in e kokoba a. ɛɣɛn ebr ɛtɛ yeɣɛnyna ɛm yeji, ucɛr ɔny in es.

²Amani Mamn na b'eb ɛlu ɔny es, eke b'ɛɣɛn ucɛr ɔny in es ɛsɛ elɛl eke m'ɔɣn ɔny ab af cɛ. Ek'ow elm ɛbɛn, nawrɛ ɔfr ɔfr cɛ am ubr.

³M'ikɛ anym m'ɔɣ ɔny low yeɣm a eke ɛm obi yeji m'ɛɣn a: ɛy e sikpl a sosiɛm Krist uw, ɛsɛ elɛl eke Nyam Lɛl ikɛ anym dad ab af.

⁴Wɛl ɛlu'l uwɔmu ɛm, ɛtɛ Nyam igbm'n luw ɛm sɛɣɛ nyahan ɛm, ɛsɛ elɛl eke Nyam Lɛl ikɛ anym dad ab af.

⁵L'okm sos ɔkm li yeɣm Pier ɛtɛ ow e jam a ɛrm ɛsɛl lɛw yony a yeji ɛkn'n.

⁶ɛmɛny, l'okm sos ɔkm li yeɣm in e jam ɛsɛl ɛkɛ yen yen sakp yen ek'anɛ usu nyam a ɛkn'n wanci nyam af. ɛl ɛm ec'agɛ nyam nyam uw, gbɛkɔ nɔnɔ gbɛl anɛ owr cɛ.

⁷ɛtɛ ow e jam a, l'okm sos ɔkm li yeɣm Jak lele ɛrm ɛsɛl a fɛɛ ab ɛkn'n.

⁸Sica eke l'okm sos ɔkm li yeɣm aɣɛ likpr a fɛɛ toɣ bake ow uwr a, ɛm yeji l'okm sos ɔkm li yeɣm'm, ɛm eke m'itm tasi a.

⁹Tasi ɛm a, ɛm, ɛrm ɛsɛl a fɛɛ ɛm e likekli tasi. M'itm yej'eke wɛl k'ɛsɛm ɛrm ɛs, anke m'ijr Nyamɛl gbɛr nɔnɔ.

¹⁰Gbɛkɔ Nyam e sɔɣ ikɛ a anake ɔɣ ke m'el ɛɣɛ na eke m'el a, ɛtɛ in e bibm na eke m'ɛɣn a ɔsu ey amamn ɛm ɛm. Tasi ɛm a, mi kok juma m'akm ɛrm ɛsɛl a fɛɛ. Gbɛkɔ ow elm ɛm obi tasi mi kokm juma a, Nyam e bibm a ek'anɛ ɛm ab a kok.

11 Amua fɛŋ a, ek'ow el em m'ob Amani Mamm a e kokoba oglog em lawlɛl likpr a ob yeji, ow elm na elm low a. Nene anake si b'ob Amani Mamm e kokoba a, etɛ nene anake ubr nawre a.

Ɔy yeji, Nyam b'ow igbm Ɔy luw Ɔm

12 Ɔy s'am ob amani si dad s'ese: Krist igb luw Ɔm. Gbeko ony em a, agɛ beb am dad ese: agɛ ek'in uw a, in onym igb ij. Ayaf -l'otu eke -li ki dad low nene ee?

13 Eke agɛ ek'uw a igbm luw Ɔm, ke Krist in obi yeji igbm luw Ɔm.

14 Etɛ eke tasi Krist igbm luw Ɔm, ke Ɔy e Nyam odad eke s'am dad a onym liy kaka, etɛ low a ek'onyn onn ow em a yeji, onym liy kaka.

15 Emeny eke agɛ ek'uw a igbm luw Ɔm, ow am yegm yej'eke s'el Nyam ec'adanju ayadɛ. S'el adanju ayadɛ, anke l'igbam Krist luw Ɔm etɛ si dad eke l'igbm ow.

16 Ɔe, ek'agɛ ek'uw a igbm luw Ɔm, ke Krist in obi yeji igbm luw Ɔm.

17 Etɛ eke Krist igbm luw Ɔm ke onn ofr ofr ce onyn, etɛ emeny anɛn ony e sikpl ab em ce.

18 Ow am yegm yej'eke agɛ a ek'oc el ec'onm a nimum elu Krist em gbuɛ ke ca uw a irm.

19 Etɛ ek'ow el owr anɛ na ce eci s'oc Ɔy e low onm a s'elu Krist em, ke s'el agɛ fɛŋ em e gbre esel tasi!

20 Gbeko nawre em a, Krist igb luw Ɔm. Agɛ a fɛŋ ek'uw ab em, Krist anake ikɛ anym igb a, etɛ eben a ow yegm eke agɛ likpr a ek'onyn onm ke uw a yeji b'ow igb.

21 Low na wel am ekn eben, anke eɛɛ nyam ce, ek'el Adam ab em anake luw anɛ ow a. Etɛ eɛɛ nyam ce, ek'el Krist ab em anake agɛ b'ow igb luw Ɔm a.

22 Agɛ fɛŋ b'uw, anke -l'okr af Adam ab. Eben nyam coco, agɛ fɛŋ b'ow eɛn sel, anke -l'okr af Krist ab,

23 Gbeko eɛɛ eɛɛ ec'elɛl eke ow onɛ es anɛ ab em: Krist anake ikɛ anym igb luw Ɔm a. Ow e jam a, legɛ a eke li b'ow l'ewl meny l'ow a, agɛ a ek'el in ec'a, el yeji b'ow igb gɔɛ.

24 Sica nuɛ eɛɛ em a, Krist b'ow nuɛn es ew eɛɛ fɛŋ, abusu eɛɛ fɛŋ lele lɛc eɛɛ fɛŋ ab Ɔy af. Etɛ li b'ow l'oc in ec'es ew a n'onɛ Ɔs Nyam.

25 Tasi em a, ow it eke Krist k'onym es ew ab ab tonɛ ke Nyam ot in ec'efnu a fɛŋ ok'r akr ew.

26 Es abal el em ec'ifnu eke wel b'ow nuɛn a el luw.

27 Nyam Lɛl em, kin ow eke wel b'awl: Nyam ot fɛŋ ok'r es akr ew. Gbeko eke Lɛl a bi dad eke Nyam in ot "fɛŋ" in ok ow es akr ew, ow ayl tasi eke Nyam anm "fɛŋ" ab em, anke Nyam, in anake li b'onɛ Krist abusu ow a fɛŋ af a.

28 Ɛtɛ ɛke Iy a b'ow ɔny abusu ów a fɛɲ af a, in obi in obi a, li b'ow l'is es Nyam ek'ɔɲ'n abusu na a ec'any af. Ɛtɛ ɛben a, Nyam b'ow ɛw fɛɲ es nimum nimum.

29 Sica eke ow elm nɛnɛ, bla sosiɛm agɲ bɛb b'ɛɲ eb wɛl ok ɛl mij nuɲ agɲ ek'uw a ec'ee? Bla ow b'ow eel ɛl eke agɲ ek'uw a ígbm luw ɛm ee?

30 Ɛtɛ ɛy obi gbɛ, bla sosiɛm sɛɲɲ a fɛɲ s'am ir ɛb ek'ɔtu eke k'ibi ɛy ee?

31 Sɛɲɲ fɛɲ, luw anɲ'm saw. Agɲ lisijimɛl na low nawrɛ. Ɛtɛ ow el low nawrɛ yɛj'ɛke ntɔtɲ b'ok'm ɔny eci, ɛy Ɛs Kɔtɔkɔ Jesu Krist ɛm.

32 Ɛfɛs ɛb ɛm, m'ogɲ mum agɲ ek'anɲ ɛsɛ mindey ɛɲɲ af ab. Eke ow el agɲ ɛm ec'ów cɛ eci, ke bla m'ɛɲɲ ɛm tasi ee? Eke agɲ e b'uw a ígbm luw ɛm, si dád s'ɛsɛ: s'íjr ke s'ɛɲɲ, anɲke efi si b'ow s'uwɛr.

33 Ɛ'wr ɛm ɔny ec'ów e dad ɛm! Mɛcrɛr ɲɲ bi ɲɲɲ ɛɲɲ ek'am ir ɛb sɛnɲn a.

34 Ɛ'wal ebar ɔny e nuɲ ɛm es ok ab ɛm ɛsɛ eel ek'ow it ab af, ke kí kokmn sikpl ij! Ɛɛ, ɔny ɛm a agɲ anɲ ek'uwm Nyam any. Ɛtɛ na eke m'am dad a, ɔny ec'és.

Ayaf agɲ ek'uw a b'igbr luw ɛm ee?

35 Gbɛkɔ ɛɲɲ nyam ɔtu eke k'ibrm ɛsɛ: ayaf agɲ ek'uw a b'igbr luw ɛm ee? Bogɲ e sos megl -li b'ow -l'ɛli ee?

36 Kì tutr ów ɛs'ɛɲɲ ek'ɔnym nuɲ ɛm af! Eke b'ewl egb liy a, ow elm eke li b'uw yɛ, gbuɲ ɛtɲ li b'ɛli l'el likɲ ek'anɲ owɛr ee?

37 Ɛtɛ bla b'ewl ee? Ow elm likɲ a eke b'ow agb a éwlm, kɔ egb liy nyam cɛ b'oc ɛlu wus ɛm, ow ɔtu eke k'el ble liy oglog egb liy kaka fɛɲ.

38 Ɛtɛ ow e jam a, Nyam b'ɔɲ egb liy a sos yec'ɛke l'erur e li k'ɔɲ ow a, ɛtɲ li b'ɔɲ egb liy fɛɲ sos eke k'el ow ec'a.

39 Mob fɛɲ ek'anɲ owɛr a élim sos nɛny nyam. Agɲ e sos a lele mindey ec'ab ab elm nɛny nyam; ɛtɲ ɔr lele sɔcn ab ec'a yɛji bɛbmnm.

40 Eke wɛl ɔtu e ki dad ɛsɛ mob ek'anɲ afr a ɛli “sos” ɛsɛ wus anɲ ec'a ek'anɲ ab af yɛji, ɛl e jɛjn a elm nɛny nyam.

41 Ligbn e jɛjn a elm kpɛɲ awl ec'ab ab, ɛtɲ ɛl yony mum e jɛjn elm kpɛɲ mílél ec'ab ab. Ɛtɲ lél nyam nyam e jɛjn a bɔbɔ yɛji elm kpɛɲ mílél ɛjɛc'a ec'ab ab.

42 Lɛɲɲ a ek'agɲ b'ow igb luw ɛm a, ɛben eke ow b'ow ɛcr ana. Yec'a eke wɛl b'ɛlu nɔmu ɛm ɛsɛ likɲ liy af a, el sos megl ek'it eke k'ugɲ es. Gbɛkɔ eke li b'igb luw ɛm a, li k'ɔtum l'ugɲm es ij.

43 Yec'a eke wɛl b'ɛlu nɔmu ɛm a, el sos megl ek'elm low kaka. Gbɛkɔ eke li b'igb luw ɛm a, anygbɛl b'iy'r ɛm gbɔɲ. Yec'a eke wɛl b'ɛlu nɔmu ɛm a, el sos megl ek'ɔnym sos kaka. Gbɛkɔ eke li b'igb luw ɛm a, lɛc b'iy'r ɛm gbɔɲ.

⁴⁴Sos megl eke wɛl b'ɛlu nɔmu ɛm ɛsɛ likɔ liy af a, el sos megl nɛnɛ cɛ. Gbɛkɔ eke li b'igb luw ɛm a, Abɔ Lala b'ɔɲ'n n'annɔ owr. Ow ɔny sos megl nyam ek'el sos megl nɛnɛ cɛ. Gbɛkɔ ow ɔny sos megl nyam yeji eke b'ɛɲn owr annɔ Abɔ Lala ɛm.

⁴⁵Nyam Lɛl ɛm wɛl dad ninɛ: Adam ek'el krɛkrɛ ec'ɛɲɔ a, el ɛɲɔ nɛnɛ cɛ ek'ɛɲn owr annɔ. Gbɛkɔ Adam es abal el a, in ɛɲn owr annɔ Abɔ Lala ɛm ɛtɔ li b'ɔɲ agɔ ɛjɛc'a owr annɔ.

⁴⁶Gbɛkɔ ów a ec'es ɔɲɔm ɛm a, Adam a eke b'ikɔ anym ow a elm in a eke Abɔ Lala ɔɲ annɔ owr a, kɔ Adam a ek'el ɛɲɔ nɛnɛ cɛ a. In e jam a gbunɔ ɛtɔ Adam es abal el a eke Abɔ Lala ɔɲ annɔ owr a b'ow.

⁴⁷Nyam kok krɛkrɛ ec'ɛɲɔ a wus e siflɛfl ab, gbɛkɔ yony ɛm ec'ɛɲɔ a afr n'annɔ l'ow.

⁴⁸Wus ec'agɔ a fɛɲ ɛli sos megl ek'otarir es ɛɲɔ a ek'annɔ wus ɛm ɛy ɔkm ec'ab ab. Afr ec'agɔ a fɛɲ ek'annɔ a ɛli sos megl ek'otarir es ɛɲɔ a ek'annɔ afr ow ec'ab ab.

⁴⁹ɛtɔ ɛsɛ elɛl eke si b'otarir es ɛɲɔ a ek'annɔ wus ɛm ɛy ɔkm ab ab a, lɛɲɔ anym ɛm a, si b'ow s'otarir es ɛɲɔ a ek'annɔ afr ow ab ab yeji.

⁵⁰Agɔ lisijimɛl, kin low tasi eke m'am dad: ob yec'eke wɛl kok sos megl lele mebl ab ɛm a, k'ɔtum ɛym Nyam e gbɛɲɲɔgbi usu a. ɛtɔ yec'a eke b'ugɔ es a, k'ɔtum ɛɲnm owr annɔ ek'ɔnym uwr a.

⁵¹Sica m'am ow mi dad ɔny low nyam eke lɔl es: si k'ow s'uwm ɛy fɛɲ, gbɛkɔ Nyam b'ow itɲn ɛy fɛɲ e sos megl a.

⁵²Low na b'ow ɛc fafa, ow b'ow ɛc fafa mɛɛm, wanci ab af eke kɔkr es abal el a b'ow ikɔ a. ɛɛ, kɔkr a b'ow ikɔ ɛtɔ agɔ a ek'uw a b'ow igb owr annɔ ek'ɔnym uwr a eci, ɛtɔ ɛy fɛɲ si b'ow s'itɲn.

⁵³Tasi ɛm a, ow it eke ɛy e sos megl a eke b'uw ke b'ugɔ es a, k'itɲn el sos megl eke k'ow uwm lɛɲɔ kaka ke k'ow ugɔm es ij.

⁵⁴Sica ɛy e sos megl a ɔtu eke k'uw ke ugɔ es, gbɛkɔ, -li b'ow -l'itɲn -l'el sos megl eke b'ow annɔ sɛɲɔ fɛɲ. Eke low na b'ow ɛy a, ow b'ow ɔɲ ów a fɛɲ ɛy ɛsɛ elɛl eke Nyam Lɛl dad ab af: any eb ɔny luw ɛmn nimum nimum.

⁵⁵Luw, bogɔ ɲ ec'any eb ab a ee? Luw, bogɔ ɲ eci mbe ab a ee?

⁵⁶Luw eci mbe a, sikpl ogɔ ow b'annɔ ow, ɛtɔ sikpl b'ɛɲn in ec'abusu a ol ogɔ.

⁵⁷Gbɛkɔ s'óɲ Nyam eke b'ɛcr ɛy ɛs Kɔtɔkɔ Jesu Krist ɛm ɔɲ ɛy any eb a bia.

⁵⁸Ow sosiem, erur ɛm ec'agɔ lisijimɛl, ɛlul lɛc ɔkm, inymn es kikri! Sɛɲɔ fɛɲ, kɔkr ɛs Kɔtɔkɔ e juma a mɛwl ɛm. ɔny obi yeji uwr any eke in e juma eke am kokr a, elm gbɛ ɔfr ɔfr ek'am ijr.

Korɛnt ɛyɔ e lɛl krɛkrɛ 16

Os eke wɛl ɔkl eke k'ɛlum Jerusalɛm e Nyamɛl a abu

¹Sica si dádr os a eke wél am ókl eke k'elum Jerusalem e Nyamel a ec'ómn esél a abu a e low. Kòkr low nenyembri nyam a ce eke mi dad m'óh Sinyamel ek'anñ Galasi wus af a:

²dimas fēj, eñ eñ akñ etñ, b'ow oc os am ew es saw; ow óh ke wél k'ékum eke mi k'anñ m'ow gbuñ ke wél ás os a luku.

³Lēj a eke mi b'ow m'ow a, agñ a eke sòsumn otr a, mi b'ow m'erm el Jerusalem. Mi b'ow m'óh el abusu e lel, ke -l'oc óny ec'ob ap a -n'im.

⁴Sica ek'ow it ek'em obi yeji mi k'im a, ke -n'im lel em ab.

Pól am bəbm eke k'im usu

⁵Mi b'ow m'ow óny ogñ yogñ eke mi b'ec Maseduan a, anke mi b'ow m'ecr yogñ eci.

⁶K'aw ke m'anñ óny ab sēj bəb, oglog ke ow él lefr lēj iy a nimum. Ow óh ke élumn'm abu m'ókñ any m'im em ec'usu a.

⁷Tasi em a, m'erurm eke ow k'el ekn ce mi k'ekn óny ke m'áfñ es m'aam. M'am óny tutr eke mi k'anñ óny ab sēj bəb eke Es Kótókó eñ ce.

⁸Gbəkó mi b'ow m'anñ Efes toñ ke Pantekót ec'es gbəgl a ów,

⁹anke em e juma kok ec'abusu nónó eru'm es aña, eke agñ nónó am atar em ab yeji.

¹⁰Eke Timote ow a, èwr in e lís e low erm, yec'etñ ke l'ékñ eke ebr ir senyn senyn óny ogñ yogñ, anke in yeji Es Kótókó e juma n'am kok esé em af.

¹¹Eñ kaka óny em a k'fir ir es. Kó óñan in ob eke k'elumn'n abu, l'éwl l'ow n'ehñ'm erm es ey em, anke m'am eku'r in lele agñ lisijimél a eke b'ow ewl'l ab ab.

¹²Sica ey lisijim Apolós e lís ec'a, m'atr'r sos es sakp nónó eke li k'ow l'ekñ óny agñ lisijimél bəb ab ab, gbəkó sicaca em a, li k'erurm eke li k'im usu. Eke abusu b'ow eru'r es a, li b'ow l'ow.

Ów óm es abal el lele esñ ab

¹³Àññ any owr, ìnymn es kikri ómn em! Àtar sos es, ónyñ lec!

¹⁴Kòkr fēj erur em.

¹⁵Agñ lisijimél, emeny kin low óm nyam: óny uwr any eke Stefanas lel in ec'akñ ab ab el Akayi wus ogog ec'agñ krəkře eke itñ erm em, ke eñ ómn esél ejec'a e juma eke -li ki kok -n'óh a e low -l'ebr.

¹⁶Ow sosiem, èlumn agñ nene a lele agñ a fēj eke am atr sos es kok juma el ab a.

¹⁷Sos em am iññ'm Stefanas, Fortunatus lele Akayikus ab ec'ow na eke ow am ekn'm a eci. El eci saw eke -n'anñ'm a, ow anñ esé óny yeji saw ce óny anñ'm af.

¹⁸Eé, -n'óh'm erm es ey etñ óny yeji -n'óh óny. Ow akpl eke k'uwr agñ nene a e leg ab any.

¹⁹Azi wus af e Sinyamel a feŋ am eŋn ɔny. Akilas, Prisil lele agŋ a eke b'as luku el ec'akŋ a, am eŋn ɔny senyn senyn Es Kotoko e nin em.

²⁰Ɔmn esel a feŋ ek'anŋ aŋa a am eŋn ɔny. Èŋninin ɔny ɔfr ke éyarir af ese Krist em ec'agŋ lisijimel lele lisijowel ab af.

²¹Em Pol, em obi ec'abu em mi non eŋn na.

²²Eke eŋn nyam érum Es Kotoko, ke Nyam ígŋ owl'! Marana ta! Ey Es Kotoko òw.

²³Ke Es Kotoko Jesu édŋ ɔny ɔwrɔ!

²⁴M'erur ɔny feŋ Es Kotoko Jesu Krist em.

Korɛnt eyɛ e lɛl yony ɛm

Korɛnt eyɛ e lɛl yony ɛm 1

Ɛsɛn

¹Ɛm Pɔl, m'el Jesu Krist ec'erm ɛs aɛke Nyam erur. Ey lisijim Timote ab e nin ɛm, m'am awɛ Nyamel ek'anɛ Korɛnt a lele Nyam ec'agɛ a fɛɛ ek'anɛ Akayi nimum ab a lɛl na.

²Ke Nyam ey Ɛs lele Ɛs Kɔtɔko Jesu Krist ab ɛdɛɛ ɔny ɔwɔ ke ɔɛɛ ɔny ɛm es ey!

Pɔl am ɔɛ Nyam bia

³Si kɔkɛm Nyam ek'el ey Ɛs Kɔtɔko Jesu Krist ec'Ɛs a! L'el ɛɛɛ Ɛs ek'ij gbɛɛgbi sɔɛɛ ikɛ ɛm ɛtɛ l'el Nyam eke b'atr ey sos es low low fɛɛ ɛm.

⁴Li b'atr ey sos es ey e ses babur fɛɛ ɛm, yec'ɛtɛ ke ey yeji s'atr agɛ ek'am ij gbɛ a sos es. Ɛtɛ ɛbɛn a, si b'ɔɛ el yec'a eke ey obi yeji si b'eb Nyam ogɛ a.

⁵Tasi ɛm a, eel a eke si b'ij gbɛ nɔnɔ Krist e nin a ec'a, ɛbɛn nɛnyɛmbri nyam si b'ɛɛn sos es atr nɔnɔ in ɛm.

⁶Eke s'anɛ es abur ɛm, ke ɔny e sos es atr lele ɔny e sɔɛ ab eci. Eke s'am ɛɛn sos es atr, ke ɔny e sos eke si k'atr ɔny es ɛɛɛn gbɛ nɛnyɛmbri nyam a eke s'am ij ɛsɛ ɔny af a ebr eci.

⁷S'ɔny ɔmɛn tasi ey ɛm eke si bi tutr ɔny e lɛs owi a, aɛke s'uw low nyam any: ek'am ijr gbɛ ey ab a, ɔny yeji sos es atr eke s'ɛɛn a el ɔny eci.

⁸Agɛ lisijimɛl, ow it e k'uwr any eke Azi wus af a, s'ɛɛn gbɛ ijr ɛgbɛl nɔnɔ s'eb, gbɛ ijr ek'el e leg a agb afɛɛn ey e lɛc ab es, tɔɛ ke s'irmn owr anɛ ec'ɔmɛn fɛɛ.

⁹Ɛtɛ ey obi yeji s'uw any tasi eke si b'ow s'uw. Ɛbɛn a, si k'ɔtum s'ocm ey ec'ɔmɛn s'elum ey obi ɛm ij, kɔ Nyam eke b'igbm agɛ luw ɛm a sɔny coco ɛm si k'oc s'elu.

¹⁰Nyam anake ɔny oc ey es luw na ɛm a ɛtɛ ɛmɛny li b'ow n'ɔny l'oc ey es. Ɛɛ, s'ɔny ɔmɛn in ɛm eke ɛmɛny li b'ow n'ɔny l'oc ey es.

¹¹ɔny yeji, eke bi nɔɔnɛ Nyam ɔɛn ey, ke abu elumɛn ey a. Ɛtɛ si b'ow s'ɛɛn bibm Nyam ɛm, agɛ nɔnɔ eci nɔɔnɛ a sosiɛm. Ɛtɛ na sosiɛm agɛ nɔnɔ b'ow ɔtu ɔɛ Nyam bia ey eci.

Pɔl itɛn in ec'usu im ec'ow a eke li bɛbm a

¹²Eke low nyam anɛ eke k'ɔɛ ntotɛ ok ey, ke ey ec'ow tutr a ec'ow eke okm ey af a. N'am dad ey tasi eke si kok low elum ɛm lele nɛnyɛmbri nyam ɛm ab agɛ fɛɛ ab, ab brobro ɔny e lɛs. Na low ek'anɛ Nyam ogɛ ow, Nyam eci ɛm mamn a anake nyimɛn ey a, kɔ ow elm agɛ e sɛwr a gbɛ.

¹³⁻¹⁴Tasi ɛm a, awal yec'a eke si nɔn ey e silɛl ab ɛm a, irir ɛtɛ si lolam ɔny low kaka es ɛm yogɛ. Low nyam gbɛ anɛ eke irimɛn okm ɔny es sos ɛm, kɔ m'am ɔny ɔmɛn eke

ow b'ow ok ony es sos em tasi: legɲ a eke Ɛs Kɔtɔkɔ Jesu b'ow ow a, ntotɲ b'ow ok ony ey eci, ɛsɛ elɛl eke ey yeji ow b'ow ok ey ony ec'ab af.

¹⁵⁻¹⁶Eke m'uw ony eci ntotɲ ab any tasi a, mi bɛbm eke mi k'ikɲ anym m'ɛc ony ogɲ a, ke m'anɲ yogɲ m'im Maseduan, ba em e meny ɛwl ow em a, ke mi gbár es ony ogɲ yogɲ. Ɛben a, ow b'ow ɔɲ ony abusu kokr sos em iɲn sakp yony ɛɲ b'ow ɛlumn'm abu m'im Jude.

¹⁷Eke mi bɛbm low na a, kɔ mi tutrm ów ee? Oglog eke mi bi bɛbm ów a, kɔ em obi ec'erur a eke mi ki kok a sosiem mi b'ɛgɲ “ɛɛ”, ke emeny m'ítɲn m'ɛsɛ “nɲaɲ” ee?

¹⁸M'am eb Nyam danɲku, odad eke s'am dad ony a, elm “ɛɛ” lele “nɲaɲ” ab.

¹⁹Silas, Timote lele em ab, s'ɔb ony Nyam Jim Jesu Krist ec'amani a. Ow akpl ke úwr any eke Jesu elm “ɛɛ” lele “nɲaɲ” ab, kɔ sɛgɲ fɛɲ “ɛɛ” cɛ li b'el.

²⁰Tasi em a, Jesu el ów a fɛɲ eke Nyam ɛwar ey ɛw es a eci “ɛɛ”. Ɛɲ Jesu em anake si bi dad ey eci “amen” a, ke si bi kɔklm Nyam ec'anygbɛl a.

²¹Nyam in obi anake b'ɔɲ ke ony lele ey ab, si b'onɲ lɛc Krist em a. In anake li sɔsum l'ot ey,

²²ke l'ɛw ey in e meny ɛwr a ek'am yegm eke s'el in ec'a af a. L'oc Abɲ Lala l'ɛlu ey erm em, eke k'el aja a eke li b'ow n'ɔɲ ey a eci asmanu.

²³Bla sosiem ɛɲ mi k'ɛwlm mi k'owm Korɛnt ee? M'am eb Nyam danɲku, l'uw'm any ɛɲ l'uw any eke m'onym yadɲ. Mi k'owm, aɲke m'erurm eke mi k'ijr ony gbɛɛ.

²⁴S'ɔlm eke si k'ɔɲ ony low lɛc em ubr nawrɛ. Tasi em a, ijr lɛc ɔmn em, gbɛkɔ s'am erur eke si k'okr af si kok juma ony e sos em iɲn a eci.

Korɛnt eyɲ e lɛl yony ɛm 2

¹Kin low yec'eke mi bɛbm a: m'erurm eke mi k'ɛwl m'ow ony ogɲ yogɲ, eke emeny ow b'ow ɔwr ony sos es.

²Eke em m'ɔwr ony sos es, ke bwo ec'ɛgɲ b'ow ɔɲ'm sos em iɲn, eke ow elm ony a cɛ eke m'ɔwr ony sos es ab ee?

³M'erurm eke mi k'ow m'ɛkn ony, ke m'ɔwr ony sos es. Ow akplm ek'agɲ a ek'it eke k'ɔɲ'm sos em iɲn a, k'el agɲ a eke b'ɔwr'm sos es a. Na ec'anake m'awɲ ony lɛl es abal el a. M'uw any tasi eke low yec'eke b'ɔɲ'm sos em iɲn a, ony yeji b'ɔɲ ony sos em iɲn.

⁴Ɛɛ, mikɲ ab mi nɔn lɛl a m'awɲ ony, sos es ɔw lɛl erm mij ab iy'm erm em gbɔɲ. Gbɛkɔ m'awɲm ony lɛl a eke mi k'ɔwr ony sos es, m'awɲ ony yec'ɛɲ ke ɛkan erur ligbɛl a eke m'onɲ ony ec'a.

Pɔl am oc low ap ɛgɲ a eke wɛwr'r a

⁵Nawre, eḡḡ na eke is sos es ɔw owi na a, ow elm ów a m'erurm eke mi k'agbr gbe, kɔ m'am dad m'ese li kok Nyamel low ḡḡḡ l'akm em obi a. Etḡ ek'ow elm ɔny feḡ yeḡi, ɔny em ec'agḡ beb gbe low a ɔn es.

⁶Eḡḡ ikḡ a ec'a, abr a ce eke ɔny em ec'agḡ enym'n a ɔḡḡ ce ḡ.

⁷Ow sosiem, caca em a, ow akpl eke k'ocr apr ir ke atar ir sos es; ek'ow elm eben, sos es ɔw ligbel ɔtu eke k'owr'r sos es nimum nimum.

⁸Sica m'am ibrm eke k'elul erur ɔkm in e lís.

⁹Tasi em a, kin low a nuḡ af eke m'awḡ ɔny lel a: m'erur eke mi k'ekn eke b'ow ɔny elumn low low feḡ em.

¹⁰Eke b'apr eḡḡ low, em yeḡi mi b'ap'r. Eke low anḡ eke mi k'ap yeḡi, mi b'oc m'ap ɔny sosiem, Krist ec'any af.

¹¹Etḡ nene a, Satan ótum ejum ey. Ee, s'uw in e sow tutr ab any tasi.

Pɔl im Troas eb em

¹²Eke m'im m'ey Troas eb em, Krist ec'Amani Mamm a ec'ɔb ec'a, Es Kɔtɔkɔ ɔḡ'm m'ehḡ juma na e kok ec'abusu mamm.

¹³Gbekɔ m'ɔny ermij nɔnɔ, anke m'ɔtum m'ehḡm ey lisijim Tit. Na sosiem m'ibrm Troas ec'agḡ a abusu etḡ m'eb ejagb m'im Maseduan wus af.

Jesu Krist b'eb any ɔḡ ey

¹⁴S'óḡḡ Nyam bia! Segḡ feḡ, li b'ecr Krist em l'ot l'ok ey in ec'agḡ a ek'eb any ke am ij facue ab em, etḡ li b'ecr ey em n'óḡ wel uw Krist any usu a feḡ. Ow anḡ ese sɔsḡ mamm eke b'eb es usu a feḡ af.

¹⁵Ee, ey s'anḡ ese mijey sḡsḡ eke Krist am ɔḡ Nyam af. Etḡ ow eci sɔsḡ a ok sakp yony: agḡ a ek'anḡ sel ehḡ ec'ejagb ab af a lele el a ek'am irmn el e sel ab ab eci.

¹⁶Agḡ a ek'am irm ec'a, ow el luw e sɔsḡ eke b'ism luw ab. Kɔ agḡ likpr a ec'a, ow el owr anḡ e sɔsḡ eke b'ism owr anḡ ab. Etḡ kɔ bwo ec'eḡḡ ɔny abusu eke ki kok juma nene ee?

¹⁷Ey s'anm ese agḡ nɔnɔ gbél eke b'oc Nyam odad am ɔɔl an, os eke -li k'ehḡ sosiem ec'ab af. Ey, Nyam am ekn eke s'am dad odad eke b'anḡ in ogḡ ow a neny nyam em, etḡ s'am dad lele Krist ec'abusu ab ab.

Korɛnt eyḡ e lel yony em 3

Sinm owr a e juma kok esel

¹Nene eke s'am dad a, kɔ ey obi ey obi s'am aw abusu s'eb ab ee? Agḡ beb ec'a ow it eke -li ki yeḡm ɔny el ec'abusu ɔny e silél oglog -l'ibrm ɔny e lís. Kɔ ey yeḡi eben si ki kok ab ee?

²Ey e lel a, ow ow el ɔny. Ey e merm ab em wel nɔn, agḡ a feḡ uw any etḡ b'awl.

³Ɛε, ow ayl, Krist in obi non lel na, etj ey anake s'oc s'ow a. N'anm εε lel eke wel oc lel mij non ab af, kɔ Nyam ek'anj ovr ec'Abj a l'oc ni non. Ow elm lebn af ni nonm, kɔ agj e merm ab em ni non.

⁴Nyam ec'any af a, s'onj omn low na em, anke Krist oj ey omn ony ligbel.

⁵Si kɔ tutrm eke si k'onj abusu si kok low ey sony coco, kɔ Nyam anake oj ey s'onj abusu si kok low a eke s'am kok a.

⁶In anake n'onj ey s'onj abusu s'am kok sinm ovr na e juma a. Sinm na anm ol eke wel non a e low em, kɔ Abj Lala e low em n'anj. Ol eke wel non a b'ism luw ab, kɔ Abj Lala, in, b'ism sel ab.

⁷Ol a eci sodad a lebn af wel non, etj luw ce l'ism ab. Gbekɔ eben yeji, Nyam ec'anygbel a jejn Mois ec'any ab af. In ec'any a am jejn afjn es tonj Israel ec'ey a otum eke ki ler'r, eke jejn a ob nuj am is es a bobo yeji.

⁸Gbekɔ Abj Lala e juma a eke am kok a b'ow ejn anygbel agb akm na.

⁹Eke ol eke b'ism agj luw ab a e juma a ejn anygbel ligbel, ow ayl tasi eke Abj Lala eke b'onj agj el nyim nyim a eci juma a, b'ow ejn anygbel eke b'ow agb nono ligbel.

¹⁰Ow oj a, anygbel a eke legj sig em a jejn a, elm low kaka ij anygbel liplemu na ec'any af.

¹¹Eke ow a eke ibnm a anygbel iy em gbɔj, eben ke el a eke bibn a, b'ow ejn anygbel ek'agb nono ligbel.

¹²Low omn na ab, s'onj omn iy ey em gbɔj.

¹³Ey si kɔkm εε Mois eke oc gbad bubur any es, yec'etj ke Israel ec'ey a k'onym abusu eknm anygbel a e jejn a eke ibnm, ke am uwr a.

¹⁴Gbekɔ el e nuj em ony a otum irim low kaka. Etj tonj yefenyina em, eke -li b'awl sinm sig e silɛl a, gbad nyam a ce emeny bi bubur ow a es, anke gbad a, Krist ab ec'af okr a ce b'onj oc'r es.

¹⁵Tasi em a, tonj yefenyina em, sakp sakp fej eke Israel eyj b'awl Mois e silɛl a, gbad nyam bi bubur el e nuj em ony ab es.

¹⁶Gbekɔ sakp sakp fej eke egj nyam b'ewl ow Es Kotokɔ ogj a, gbad a b'oc es.

¹⁷Odad na eke el "Es Kotokɔ" a, ke Abj Lala ana. Etj eke Es Kotokɔ ec'Abj a anj usu nyam, in anake li b'onj ey s'ngbɔj ey e madu el ab em a.

¹⁸Ey fej ec'any a gbε gbad anm buburm es, etj Es Kotokɔ ec'anygbel a am on'n li jejn εε akrojɔ em es am ler af. Etj Es Kotokɔ ek'el Abj a b'itjn ey. Li b'onj s'anj εε in af, anygbel ligbel nyam eke segj fej anj εε in ec'ab af ab em.

Korɛnt eyj e lel yony em 4

Jesu ab s'am ijr gbre

- ¹Nyam, in ec'erm mamn ab em, abul ey juma na; ow sosiem anake sos owm ey es a.
- ²Ey si wal yadj owi feŋ eke wel b'oc kokr és owi es lol em a s'elu es. S'am kok low nenyembri nyam em etŋ s'onym Nyam ec'odad ebl a s'itŋm. Kɔ nana, si b'elu low nawre okm kpata, etŋ eben a, ow b'ɔŋ agŋ feŋ el e tutr ab em, b'uw agŋ yec'eke s'el ab any.
- ³Gbeko eben yeji, ey ec'Amani Mamn a b'el ob eke lol es agŋ beb a eke am irmn el e sel a eci.
- ⁴-N'onymn omm aŋke Satan, wus na e nyàm ŋuŋ a efal el e nuŋ em ɔny a any, etŋ ow ɔŋ -l'eknmn Amani Mamn ab em ec'usuayl a eke am jejn ow a. Amani Mamn a am dad Krist ek'in obi a el Nyam ec'es otarir kpɛŋ ec'anygbel a ec'odad.
- ⁵Tasi em a, amani a eke s'am ɔb a, ow elm ey obi, kɔ Es Kɔtɔko Jesu Krist s'am ɔb. Etŋ ey, s'el ɔny e juma kok esel Jesu Krist sosiem.
- ⁶Nyam dad nine: ke usuayl áfŋ ncebŋ ec'araŋ! Etŋ ow el in obi eke l'afŋ ey e merm ab em ey ec'es ekan eci, ke n'ɔŋ ey s'ekn in ec'anygbel a ek'am jejn Krist ec'any a.
- ⁷Gbeko ey eke s'am abu ob ɔny na a, s'anŋ esɛ kpɛŋ em mɛw af. Ow b'ɔŋ wel b'uw any senyn senyn eke abusu gbɛl na ow elm ey em ow ánm eym okm, kɔ Nyam ogŋ a ow b'anŋ ow.
- ⁸Ses babur b'eb ey susu feŋ, gbeko -li kiknmn ey es. Etŋ eke si b'anŋ sel at em a bɔbɔ yeji, s'ígŋm low a s'elum es.
- ⁹Wel b'ijr ey gbre ey ec'omm a sosiem, gbeko Nyam ígŋm elum ey es. Wel b'ony ok ey wus, kɔ s'úwm gbɛ.
- ¹⁰Gbre ij na em, si b'uw Jesu e luw a ek'anŋ ey sos megl em ab any, yec'etŋ ke s'ótu s'uw in ec'owr anŋ a ek'anŋ ey sos megl em a yeji any.
- ¹¹Tasi em a, s'anŋ owr, gbeko sɛŋŋ feŋ si b'ony low luw ab eke s'am us Jesu jam a sosiem. Etŋ eben a yeji, ow b'ɔŋ wel b'ekn eke Jesu anŋ owr ey e sos megl a eke b'uw ab em.
- ¹²Low eke wel b'ekn em a el: luw eke am kok low ey em, ke owr anŋ in am kok low ɔny em a.
- ¹³Nyam Lel dad nine: M'ony omm, ow sosiem mi dad. Omm nyam a cɛ b'ɔŋ ey si kok low. Ey yeji s'ony omm, ow sosiem s'am dad.
- ¹⁴Ɛɛ, s'uw any eke Nyam ek'igbm Es Kɔtɔko Jesu luw em a, ey yeji b'ow igbm ey luw em in ab, etŋ ɔny lel ey ab, li b'ow l'ot l'ok ey es ow e saw.
- ¹⁵Gbre feŋ eke s'am ij a ɔny sosiem, yec'etŋ ke Nyam ec'ów amamn a eke am agb eb es a, ɔŋ sɛŋŋ feŋ am enyn nɔnɔ ɔŋŋ in bia, ke ókar af ɔny feŋ koklmm in.

Sos ówm ey es luw ec'any af

¹⁶Na sosome anake sos ówm ey es a. Etn eke ey e sos megl a am un tel tel yeji, yec'a ek'el ey ec'abn em ec'a, legni nyam nyam feñ b'el owr.

¹⁷Ee, ey e yefenyina em e gbre ij nono a ew fuefue etn bibn segn tel ce, gbeko ow bi bebm anygbel liplemu nyam ey eci. Anygbel ikn a b'ann segn feñ etn l'agb nono l'akm ey e yefenyina e gbre ij a feñ.

¹⁸Ey, s'olm yec'a eke wel otu eke k'ekn ab es, ko yec'a eke wel éknm a s'am ol es. Tasi em a, yec'a eke wel otu eke k'ekn a íbnm nono, ko yec'a eke wel éknm a b'ann segn feñ.

Korent eyñ e lel yony em 5

Afr e sos megl a e low

¹Wus af aña, s'ir sos megl nyam ek'ann ese ndey lel em el eke legn nyam b'ow ufñ es ab em. Gbeko s'uw any eke afr Nyam ew ey el nyam eke b'ow ann segn feñ ab es. El eke Nyam us in obi, ke ow elm agñ ec'abu usm.

²Sicaca em a, s'am ikñn somu, etn s'am ol ey e lec feñ em eke si k'oc mob sus em ejec'a s'ew sos af, mob sus em a ek'el ey ec'afr ec'el a.

³Ee, low na anake s'am ol es a, yec'etn ke si k'élmn abñ eke onym sos megl.

⁴Legn na em eke s'ir ey e wus aña ec'el ab em a, s'am ikñn somu ese erekp leg leg ec'ew es ann af. Ow elm ke s'am erur eke si k'uw ke si k'onymn sos megl eci. Njan, s'am erur eke si ki sus ey ec'afr e sos megl a ese mob sus em af, yec'etn ke sel ek'onym uwr a óny ey e sos megl a eke b'uw a emn.

⁵Nyam in obi anake bebem ey eb ir na eci sos a. Etn n'on ey Abñ Lala eke el aja a eke li b'ow n'on ey a eci asmanu.

⁶Ow sosome a, segn feñ sos es atr iy ey em gbñ. Gbeko ey s'uw any, legn na em eke s'ir ey e sos megl na em a, si kpab es Es Kotoko e lis.

⁷Tasi em a, omn em s'am ir eb, ko ow elm es eke s'am ekn ab em.

⁸Ee, sos es atr iy ey em gbñ etn s'am erur tasi eke si k'ngbñ sos megl na em, s'im s'ir eb Es Kotoko eci saw.

⁹Gbeko low krekre eke s'am erur a el ke ey owi aw'r, eke s'ann sos megl na em etn s'anm em yeji.

¹⁰Ey feñ ow ibrm eke si b'ow s'imn Krist e jej ok a ec'any af, yec'etn ke egn egn egn yec'a ek'it eke k'ebmn, in ec'ow amamn lel eññ eke li kok in e wus aña ec'eb ir ab em a.

Nyam ecr Krist em ony okr ey em in ab

¹¹Élum Nyam omn em a, s'uw low yec'eke ow am dad ab any. Na sosome anake s'am ol elel eke si ki dadr ow e low ok agñ es sos em a. Nyam uw ey any ign nuñ etn l'uw any eke s'onny neny nyam, ony yeji m'am omn eke ony e merm ab em, uwr any eben.

- ¹²Ɛy, emeny si k'ow s'ɔlm eke si k'aw abusu s'eb, kɔ s'am erur eke si k'ɔŋ ɔny abusu ntotŋ ok ɔny ey eci, yec'etŋ ke ɔny low dadr ɔŋn agŋ a eke b'ew sos ɔw eke wel b'ekn nyamn em a eci, ke ow elm ɔw a eke b'anŋ egŋ erm em ec'a.
- ¹³Eke agŋ am dad eke eŋ em in uŋ ey, ke Nyam sosiem eci. Etŋ eke wel am ot ey ɔny es oku, ke ɔny e low nimamn eci.
- ¹⁴Erur eke Krist ɔny ey ec'a am ucu ɔny ey es, aŋke s'uw any tasi eke egŋ nyam ce uw agŋ feŋ eci; egŋ a el Krist, etŋ ey feŋ in e luw a el ey eci.
- ¹⁵L'uw ey feŋ eci, yec'etŋ ke agŋ ek'anŋ ovr a k'irm eb el obi el obi ec'ij, kɔ ke -l'ir eb Krist ek'uw ke igb luw em el ec'a eci.
- ¹⁶Low na sosiem anake jam aŋa, si k'ow si lerm egŋ ese elel ek'agŋ bi leer egŋ ab af a. Etŋ ek'ow el eben anake si ler Krist a, ke jam aŋa, ow elm eben s'am lerm'n ij.
- ¹⁷Ow sosiem, eke egŋ nyam okr af Krist ab, n'anŋ ese egŋ eke Nyam kokr em af. Low yec'eke el lisig a uvr, etŋ yec'a ek'el ovr a eb usu.
- ¹⁸Amua feŋ Nyam ogŋ ow b'anŋ ow. L'ecr Krist em n'ɔny l'okr ey em in obi in obi ab, etŋ l'abul ey agŋ ejec'a lele in ab ec'em okr a e juma.
- ¹⁹Nawre, Nyam erm Krist ow in lele agŋ ab ec'em okr a eci, etŋ l'usm wel ec'ow ɔbr in e lís a e low jam ij. Etŋ l'abul ey in ec'em okr ec'amani ɔb a.
- ²⁰Ɛy s'anŋ ese ɛrmu eke Krist am erm af. Etŋ Nyam b'ecr ey em dad ɔny odad ese: «Krist e nin em, s'am ok ɔny merm sabu af, yèbr Nyam ɔny ɔkr ɔny em in ab!»
- ²¹Krist ɔnym sikpl kaka, gbekɔ Nyam ɔb'r low luw eci ese sikpl es af ey usu iy, yec'etŋ ke si b'okr af Krist ab a, Nyam ɔt ey ese agŋ nyim nyim af.

Korɛnt eyŋ e lel yony em 6

- ¹Sica ey eke s'am kok juma Nyam ab a, s'am dad ɔny eke k'ocr bibm a ek'eŋan in ec'abu em a kokar low senyn.
- ²Tasi em a, Nyam dad nine: Legŋ mamn em a, m'egŋ'ŋ nenym, etŋ sel eŋn e legŋ a yeji, m'eb m'elu'ŋ es. Sica yefenyina tasi anake el legŋ mamn a, yefenyina anake el sel eŋn e legŋ a.
- ³Eke s'erurm ek'agŋ ki cak ey e juma a, ow ɔŋ ey e low feŋ em, si kok elel eke si k'elm lirikp egŋ kaka feŋ eci.
- ⁴Kɔ nana, si bi yegm low feŋ em eke s'el Nyam e juma kok esel. Etŋ eben a, si b'egŋ erm susu em sos es ɔw, ses babur, erm mij ebr,
- ⁵ɔr eke wel b'ɔr ey, sobel em eke wel b'ok ey lele dedeku ec'af eke b'ok ey ab ab e low s'eb. Si b'egŋ sos es kikn eŋn eŋn, memn erum lele namn ab s'eb.
- ⁶Si b'ir eb lala em si yegm eke s'uw Nyam e lís ec'ow any; s'ony low eku, s'el erm mamnu, Abŋ Lala anŋ ey ab, s'ony erur tasi,

⁷Etɛ si b'ɔb low nawrɛ e kokoba, Nyam ec'abusu ab ɛm. Si b'oc yec'a ek'el nyim nyim Nyam ec'any af a, ɛsɛ ar ogɛn ob af, s'im agɛ ar oglog si dogɛn sos.

⁸Wɛl b'usr ɛy sos oglog wɛl bi kok ɛy ɛs. Wɛl bi dad ɛy e low ɲuɲ lel ɛy e low mamn ab. Wɛl b'ot ɛy ayadɲu, ke low nawrɛ cɛ si bi dad.

⁹Wɛl bi kok ɛy ɛsɛ agɛ eke wɛl uwm any af, ke wɛl uw ɛy any senyn senyn cɛ. Wɛl bi ler ɛy ɛsɛ agɛ ek'am uw af, gbɛkɔ si b'anɲ owr sɛgɛ fɛɲ. Wɛl b'or ɛy ɛy ec'omn a sosiɛm, gbɛkɔ wɛl ɪbim ɛy.

¹⁰Wɛl b'ɛkn ɛy ɛsɛ agɛ eke sos ɔw es af, gbɛkɔ sɛgɛ fɛɲ si b'anɲ sos ɛm iɲɛ ɛm. Wɛl b'ot ɛy ɔgboru, gbɛkɔ si b'ɔɲ agɛ ɛjɛc'a ɔny ob. Wɛl bi tutr eke s'onym ob kaka, ke ɛy nana anake s'ɔny ob fɛɲ a.

¹¹Korent ec'agɛ lisijimɛl, nɛnyɛmbri nyam ɛm si fig ɛy ec'ɛrm a si dad ɔny odad.

¹²S'ablm ɛy ec'ɛrm a ɔny e lɪs, kɔ ɔny anake b'abal ɔny ec'a ɛy e lɪs a.

¹³Sica m'am dad ɔny odad ɛsɛ iy ɛs lel in ec'ɛy ab af m'ɛsɛ: kɔkr ɛsɛ ɛy af, ɔny yeji figr ɛy ɔny e mɛrm a fɔɲ.

Èel cɛcɛ Nyam e lɪs

¹⁴K'èwr mɛcrer agɛ a ek'onym ɔmn Nyam ɛm ab ab, k'ɔtumɛn okrmɛn ɛb ir af el ab. Kɔ low nɛnyɛmbri nyam ɔtu eke k'okr af ɛnyɛmbri yony owi eke Nyam ɛrurm ab ab ee? Kɔ usuayl lele ncebɛn ab b'ɔtu okr af ee?

¹⁵Kɔ Krist neny ɔtu eke k'okr af Satan ab ee? Kɔ nawrɛ ub ɛs nyam lele nawrɛ ubm ɛs nyam ab ec'araɲn a low ɔtu eke k'anɲ ee?

¹⁶Bogɛ ec'iririr k'anɲ Nyam ec'ɛl a lele sinyam yadɛ ec'ab ab ec'araɲn ee? ɛy anake s'el Nyam ek'anɲ owr ec'ɛl a, ɛsɛ elɛl eke in obi li dad ninɛ: Mi b'ow m'anɲ el araɲn ke m'ir ɛb el ab. Mi b'ow m'el el e Nyam ɛtɛ -li b'ow -l'el ɛm ec'agɛ.

¹⁷Ow sosiɛm ɛs Kɔtɔkɔ dad ninɛ:

Ñgbroɲn agɛ amua ec'araɲn ke kpábr el es lɪs! K'itɲnin ob yec'eke aylm a abu, ɛtɛ ɛm, mi b'ow m'eb ɔny.

¹⁸ɛtɛ ɛmeny Nyam Abusu ɛs dad ninɛ: Mi b'ow m'el ɔny ɛs, ɛtɛ ɔny b'ow el ɛm ec'ɛy ɛgɛ lel ɔyɔw ab.

Korent ɛyɛ e lel yony ɛm 7

¹Erur ɛm ec'agɛ lisijimɛl, ów ɛwar amua fɛɲ el ɛy eci. Ow sosiɛm a, si yóyɔg ob fɛɲ eke b'ibar ɛy e sos a lel ɛrm ab ab a es, ke s'èel Nyam eci nimum nimum ɛlum ɛm.

Pɔl sos ɛm am iɲɛ Nyam ec'agɛ a ec'itɲn a eci

²Kòkr ɛy usu ɔny e mɛrm ab ɛm! Si kokm ɛnyɛmbri yony yony owi ɛgɛ kaka e lɪs, si ɲuɲnm ɛgɛ kaka ec'omn, ɛtɛ s'ebm ɛgɛ kaka ec'ob s'ijm.

³Mi dadm odad nɛnɛ low e mi k'ɔb ɔny eci. ɛsɛ elɛl eke m'ikɲ anym mi dad ab af: ɔny owi anɲ ɛy ɛrm ɛm, ɛtɛ s'okr af owr anɲ ɛm toɲ luw ɛm.

- ⁴M'ony ɔmn ligbɛl ɔny ɛm ɛtɛ ntɔtɛ b'ok'm ɔny eci. Eke s'ony ses babur nɔnɔ yɛji, m'ony sos es atr nɔnɔ ɛtɛ sos ɛm iɛn iy'm ɛm gbɔɛ.
- ⁵Tasi ɛm a, eke s'im s'ok Maseduan a, s'ɛɛnm sel es ok kaka. Kɔ nana, gbɛɛ ɛɛɛ ɛɛɛ s'ɛɛn ɛɛɛ: agɛ eke ok ɛy af lele ɛm ɛm ec'erɛn ab.
- ⁶Gbɛkɔ Nyam eke b'atr agɛ eke sos b'ɔw es a sos es a, atr ɛy sos es Tit ec'ow a ek'anɛ ow ab ɛm.
- ⁷ɛtɛ ow elm Tit ec'ow a ɔny ɛɛ atrm ɛy sos es, kɔ ɔny e sos a eke atar ir es ec'amani a eke n'ɔɛ ɛy a yɛji. Li dad eke ɔny ɔnyɛn ɛm ec'ɛkn ec'erur nɔnɔ. ɛtɛ li dad ɛy ɔny e sos ɛm ɛy owi low a ek'ɛy a eci lele ɛm e dogɛn eke dogɛnin'm gbragbra kok ɛm ab ab. Ów amua anake ɔɛ ɛm e sos ɛm iɛn a agb nɔnɔ a.
- ⁸Tasi ɛm a, eke ɛm e lɛl es abal el a ɔwr ɔny sos es, ke ɛm, ow e low ɛym im sos ɛm ij. ɛɛ, m'uw any tasi eke lɛl a ɔwr ɔny sos es lɛɛɛ tɛl eci, ɛtɛ nawɛ ow e low ɛy'm sos ɛm,
- ⁹gbɛkɔ caca ɛm a, m'anɛ sos ɛm iɛn ɛm. Ow elm ɔny e sos es ɔw a sɔsiɛm, kɔ eke ɔny e sos es ɔw a ɔɛ ɔny itɛnin es an a sɔsiɛm. Sos es ɔw a eke Nyam b'erur in ec'agɛ ec'ab ana, ɛtɛ nɛnɛ a, ow am yɛgm eke si kokm ɔny low ɛɛɛ.
- ¹⁰Tasi ɛm a, sos es ɔw a eke b'akpl Nyam sos ɛm a, b'ɔɛ ɛy s'itɛn es an ɛtɛ bi nyimɛ ɛy sel ɛɛn ɛm. Sos es ɔw nɛnɛ a ɔtum eke k'ɛy ɛy sos ɛm. Gbɛkɔ wus ec'ów ec'erm mij ebr a eci sos es ɔw a, ek'itɛnm ɛɛɛ ec'es an a, bi nyimɛ ɛɛɛ luw ɛm.
- ¹¹ɔny eci sos es ɔw a akpl Nyam sos ɛm. Sica lɛɛr ow ec'ɛy eke ow ɔsu: ow ɔɛ ɔny low es ogɛ kok lele low oc ap ec'ibrm ab! Ow ɔɛ ɔny low sos ɛm ɛy lele low uru low kok ɛm ab! Ow ɔɛ ɔny ɛm ec'ɛkn ec'aw lele ɛm e dogɛn gbragbra kok ɛm ab! ɛtɛ ow ɔɛ ɔny low ɛɛɛ kok es a eci low ɛw ɔɛ! Low na ɛm a, yɛgm eke ɔnyɛm low af ok kaka.
- ¹²Sica m'awɛm ɔny lɛl ɛɛɛ a eke kok low ɛɛɛ a sɔsiɛm oglog ɛɛɛ a eke wɛl kok low ɔbr a sɔsiɛm. Kɔ m'erur eke mi ki yɛgm ɔny Nyam ec'any af, ɛkan eke b'erurir ɛy owi tasi.
- ¹³Na anake el low ek'atr ɛy sos es a. ɛtɛ sos es atr na e low ek'igɛ af, ke obn ɛy e sos ɛm iɛn a el Tit eci sos ɛm iɛn a ek'ɛɛn a. ɛɛ, ɔny fɛɛ ɛy ar ir ɛm es.
- ¹⁴Nawɛ, in ec'any af mi dad ɔny ec'odad nɛny ij ɛm, ɛtɛ ɔɔmn'm ɛs. Sɛɛɛ fɛɛ si bi dad ɔny low nɛnyɛmbri nyam ɛm, ɛtɛ kin ow e low ek'ow ism ab: m'ony low ij eke mi dad ɔny e lís owi nɛny ij ɛm Tit ec'any af.
- ¹⁵N'am ɔkn el el a eke ɔny fɛɛ ɛlumɛ low lele ɔny ec'el el a eke ebr ir ɛlum ligbɛl ɛm lele sos ufɛ ɛm ab a. ɛtɛ ow sɔsiɛm in ec'erur a e n'ony ɔny ec'a ɛmɛny agb obn.
- ¹⁶Sos ɛm am iɛn'm eke m'ɔtu eke mi k'ɔmn ɔny low fɛɛ ɛm a.

Korɛnt ɛyɛ e lɛl yony ɛm 8

Jerusalem ec'ɔmn ɛsɛl a ec'abu ɛlum a

- ¹Agɔ̃ lisijimɛl, kin yec'eke s'am erur eke k'uwɔr any: Nyam ɛlu in ec'erm mamn a ɔkm bibm eke n'ɔ̃ Maseduan e Sinyamel ab ɛm.
- ²-L'ɔ̃br ses babur nɔ̃nɔ̃ ɛsɛ ɛbm ɛkn af, gbɛkɔ̃ ɔ̃mn ɛsɛl a sos ɛm iɔ̃n iy ɛm gbɔ̃ɔ̃. -L'ij gbɔ̃r nɔ̃nɔ̃, gbɛkɔ̃ -l'ɛlu ɛrm mamn ɔ̃ny nɔ̃nɔ̃ ɔkm ɛl ec'ob eke -l'apr ab ɛm.
- ³-N'ɔ̃ɔ̃ yec'a eke -l'ɔ̃tur a, ɛtɔ̃ -n'ɔ̃ɔ̃ ow afɔ̃ ɛs yeji, m'ij ow e daɔ̃ku. Ow elm lɛc ɛm wɛl ɔ̃nym ɛl -n'ɔ̃ɔ̃m; kɔ̃ ɛl obi tasi ec'erur ɛm -li kok.
- ⁴Tasi ɛm a, -l'ibrm ɛy atrm ɛm eke ɛl yeji, ɛl ec'abu k'anɔ̃ Jerusalem ec'ɔ̃mn ɛsɛl a ec'abu ɛlum owi ab ɛm.
- ⁵-L'ikɔ̃ anym -l'ocr ɛl sosi -n'ɔ̃ɔ̃ ɛs Kɔ̃tɔ̃kɔ̃, ɛtɔ̃ ow e jam a, -l'ocr ɛl sosi -n'ɔ̃ɔ̃ ɛy yeji, ɛsɛ ɛlɛl eke ɛs Kɔ̃tɔ̃kɔ̃ erur ab af. ɛtɔ̃ na ɛl low eke s'ɔ̃mmn kaka.
- ⁶Na sosiem anake s'atr Tit sos ɛs eke li k'ɛwl l'ow ɔ̃ny ogɔ̃ yogɔ̃, ke l'úwar ɔ̃ny ec'erm mamn ɔ̃ny e juma mamn a eke l'ɔ̃b nuɔ̃ a.
- ⁷ɔ̃ny ijr lɛc ów ów a fɛɔ̃ ɛm: ijr lɛc ɔ̃mn ɛm, Nyam odad dad ɛm, uwɔr Nyam ec'ów ab any, sɛgɔ̃ fɛɔ̃ bɛbmɔ̃n sos low kok ɛci, ɛtɔ̃ ɔ̃nyɔ̃n ɛy ec'erur yeji. Na sosiem, ow it eke ki yeɔ̃gmɔ̃n ɔ̃ny e lɛc ij a, ɔ̃ny ec'erm mamn ɔ̃ny ab ɛm yeji.
- ⁸Ow elm ol m'ɛwm m'ɔ̃ɔ̃m ɔ̃ny, kɔ̃ Nyamel bɛb a ec'ɛlɛl eke gbɔ̃ragbra kok ɛm kokɔ̃ low a cɛ m'am dad ɔ̃ny. Nɛnɛ ke m'ɔ̃ɔ̃ ɔ̃ny abusu yeɔ̃gmɔ̃n eke ɔ̃ny ec'erur a ɛl nawɔ̃re tasi.
- ⁹Tasi ɛm a, ɔ̃ny uwɔr ɛy ɛs Kɔ̃tɔ̃kɔ̃ Jesu Krist e bibm a lele ɛrm mamn ab ab any. L'ɛl gbɔ̃rɛgbi, gbɛkɔ̃ ɔ̃ny sosiem l'ɛgɔ̃ gbɔ̃r l'ɛb, yec'ɛtɔ̃ ke in e gbɔ̃r a ɔ̃ɔ̃ ɔ̃ny eel egbɔ̃rɛgbi.
- ¹⁰ɛm ec'ɛlɛl eke m'am ɛkan low a ɛl, ke kókr low a ek'ɔ̃br nuɔ̃ lakpo jam a yibar, aɔ̃ke ɔ̃ny eel agɔ̃ kɔ̃kɔ̃rɛ eke is ob ap na e tutɔ̃r a, ɛtɔ̃ ɔ̃ny cɛ eel ɛmɛny agɔ̃ kɔ̃kɔ̃rɛ ek'ɔ̃b nuɔ̃ kok ow e low.
- ¹¹Eke isr ow e low a, yeɔ̃gmɔ̃n ɔ̃ny ec'erur ek'ɔ̃nyɔ̃n a. Ow sosiem erur nyam ab ɛm cɛ, úcur low a ɔ̃nyɔ̃n ɛs toɔ̃ ke ígɔ̃n nuɔ̃ ɛgɔ̃ ɛgɔ̃ ec'ob ek'ɔ̃ny ab ɛm.
- ¹²Eke wɛl b'ɔ̃ɔ̃ ɛrm frɔ̃rɔ̃ ɛm a, Nyam b'ɛkn ow e s'ɔ̃ny a ɛtɔ̃ li b'ɛb ow eke si b'ap a. L'íbram eke si k'ap ow eke s'ɔ̃nym a.
- ¹³Ow elm ke wɛl ɔ̃ɔ̃ ɔ̃ny ijr gbɔ̃r agɔ̃ ɛjɛc'a ec'abu ɛlum a sosiem. Njaɔ̃, kɔ̃pɛɔ̃ kɔ̃pɛɔ̃ eke k'eel a wɛl am ɔ̃l.
- ¹⁴Lɛgɔ̃ na ɛm a, ow a ek'ɔ̃nyɔ̃n bubu af a ɔ̃tu eke k'ɛlum agɔ̃ ɛjɛc'a ek'ɔ̃nym a abu, yec'ɛtɔ̃ eke lɛgɔ̃ nyam ɔ̃nyɔ̃n ɛs abur ɛtɔ̃ ɛl -n'ɔ̃ɔ̃ny ob nɔ̃nɔ̃ a, ke ɛl yeji -l'ɛlum ɔ̃ny abu. Nɛnɛ ke ɔ̃ny fɛɔ̃ ɛɛl kɔ̃pɛɔ̃ kɔ̃pɛɔ̃.
- ¹⁵Nyam Lɛl dad ninɛ: ɛgɔ̃ a eke ot nɔ̃nɔ̃ a, ɔ̃nym ob ij afɔ̃nm ɛs. ɛgɔ̃ a eke ot tɛl a, ɔ̃pim ob ij lɛgɔ̃ kaka.

Tit lele kɔ̃tɛɔ̃nɛl ɛjɛc'ab im Kɔ̃rɛnt

- 16**M'am ɔŋ Nyam bia, aŋke n'ɔŋ Tit gbragbra kok nyam a ɔe eke li k'oc l'elum ɔny abu, l'akm em obi ec'a e m'ony a.
- 17**Tit eŋŋ ey ec'erm a ek'el ɔny ec'ow ɛkn a emeny eb, etŋ n'am ogŋ es eke kpekŋ li k'ow ɔny ogŋ yogŋ.
- 18**S'am ɔŋ'n l'ow eŋŋ lisijim nyam ab. Eŋŋ lisijim a, Sinyamel a feŋ b'aw'r, in ec'Amani Mamm ec'ɔb e juma kok a sosiem.
- 19**Etŋ ow elm na ɔe! Sinyamel a sɔsum oc'r, yec'etŋ ke l'igŋ ey ab s'oc bibm na s'im. Ow el juma eke si ki kok, ke ám elu ɛs Kɔtɔkɔ in obi ec'anygbel ɔkm, ke ám yegm ey ec'abu elum ec'erur e s'ony a.
- 20**Wel abul ey os nɔnɔ, etŋ s'am erur eke wel kí cakm ey ec'elel eke s'am kokr ow e juma a.
- 21**S'am ɔl low yec'eke akpl ab es, etŋ ow elm Nyam ec'any af ɔe, kɔ agŋ ec'any af yeji.
- 22**S'ɔŋ ey lisijim nyam yeji igŋ Tit lele eŋŋ lisijim nyam a eke k'ewl'l ab ab af. Eŋŋ lisijim na yegm ey sakp nɔnɔ in ec'elel eke li b'erur tasi l'elum agŋ ejeci abu a. Caca em a, li b'erur es ogŋ em tasi l'elum agŋ abu, aŋke n'ony ɔmn nɔnɔ ɔny em.
- 23**M'am ɔŋ Tit ek'el em lawl ke bi kok juma em ab ɔny sosiem ec'a, lele agŋ lisijimel ejeci amua ek'el Sinyamel ec'erm ɛsel a ow ɛkn ɔny. El feŋ Krist ec'anygbel a e juma -n'am kok.
- 24**Ow sosiem yegmn el eke b'erurir el, yec'etŋ ke ow ɔŋ Sinyamel a úw any nawre, ke -l'ɛkn yej'eke ntotŋ ɔtu eke k'ok ey ɔny eci.

Korɛnt eyŋ e lel yony em 9

Nyam b'erur eŋŋ eke b'ɔŋ sos em iŋn em a

- 1**Jerusalem ec'ɔmn ɛsel a ec'abu elum eke wel k'oc im ɔŋ ec'a, ow ebam eke mi k'awŋ ɔny ow e lel.
- 2**M'uw ɔny e sow tutr amamn ab any. Maseduan ec'agŋ lisijimel a ec'any af, m'ij neny mi dad el eke Akayi ogog ec'agŋ lisijimel a, lakpo jam etŋ bebmn sos abu elum na ec'os a eci. Etŋ ɔny e low na eke ogŋ es eŋŋn ebr a, atr agŋ nɔnɔ sos es.
- 3**Ow sosiem m'erm agŋ lisijimel amua, yec'etŋ ke -l'ɛkn tasi eke bebmn sos. Ow ɔŋ ke wel ɛkn eke ey e neny a e s'ij ɔny ec'a elm ɔfr ɔfr.
- 4**Sica eke Maseduan ec'agŋ igŋ'm ab ow etŋ ɛkn eke bebamn sos, ow b'ow ɔny ey ɛs nɔnɔ eke s'oc ɔmn s'elu ɔny em, etŋ ɔny yeji ow b'ow el ɔny ec'ɛs.
- 5**Na sosiem m'ony tutr eke ow akpl ke m'íkŋ anym m'ɔŋ agŋ lisijimel amua ów ɔny ec'araŋn bebmn ob ap mamm a eke dadr ow e low ɛwr es a, ba mi b'anŋ m'ow a, ke feŋ iy neny ŋ, ke wel ɛkn eke ow el erm frɔrɔ em ɔŋn, kɔ ow elm atrm em.

- ⁶Kin yec'ek'it eke k'uwɾ any: ɛɣɣ eke b'ewl tel a, b'ub tel, ɛtɣ ɛɣɣ eke b'ewl nɔnɔ a, b'ub nɔnɔ.
- ⁷Ow akpl ek'ɛɣɣ ɛɣɣ k'ɔɣ ɛsɛ elɛl eke li tutɾ in ec'erm ɛm ab af, ow k'elm sos es ɔw ɛm lele atrm ɛm ab. Tasi ɛm, Nyam b'erur ɛɣɣ eke b'ɔɣ sos ɛm iɣn ɛm a.
- ⁸Nyam ɔny abusu eke k'ɔɣ ɔny ów amamn fɛɣ ow afɣn ɔny es. Ow óɣ sɛɣɣ fɛɣ ɔny ow ek'it a, ke óny ow bubu af, ócr kokɾ ów amamn.
- ⁹Nyam Lɛl dad Nyam ec'ɛɣɣ e lís ninɛ: Li b'ɔɣ ɔɣbɔru ɛrm mamn ɔny ɛm, ɛtɣ li bi kok sɛɣɣ fɛɣ yec'ek'el nyim nyim a.
- ¹⁰Nyam anake b'ɔɣ egb ewl ɛs egb ey lele futufutu eke li k'ij ab ab a. ɔny yeji in cɛ li b'ow n'ɔɣ ɔny egb ey, li kok ow ɛny ke n'óɣ ow agb. ɛtɣ ɛben a, ɔny ec'ów nyim nyim e kok a b'ow ɔsu ey amamn nɔnɔ.
- ¹¹Kaka fɛɣ, Nyam b'ow ɔɣ ɔny ɔny ob, ɛtɣ b'ow ɛlul ɔny ec'erm mamn ɔny a ɔkm. ɛtɣ agɣ nɔnɔ b'ow ɔɣ Nyam bia sob ap amua eke si b'ow s'ɔɣ ɛl ɔny e nin ɛm a eci.
- ¹²Ob ap na ɛm, am ɛlumn Nyam ec'agɣ lala a abu. ɛtɣ ow elm ke óɣn ɛl fɛɣ a eke -n'ɔnym a cɛ, kɔ ɛmɛny b'atar ɛl sos es eke -li ki ɣɔɣn Nyam nɔnɔ -l'ɛlu ow bia.
- ¹³Ów amua fɛɣ sosiɛm, -li b'ow -l'ɛkn juma na e leg a ɛtɣ -li b'ow -li kɔklm Nyam, aɣke bi cɛcr ɛrm mamn ɔny ɛm yec'a eke ɔny a, Jerusalem ec'omn ɛsɛl a lele ɛjec'a fɛɣ ab, ɛtɣ am yɛɣm eke b'ɛlumn Krist ec'Amani Mamn a.
- ¹⁴Nyam in ec'erm mamn ab ɛm ɔɣ ɔny in e bibm a ow bubu af. Ow sosiɛm, -li b'ow -li yɛɣm ɔny ɛl ec'erur a, Nyam eke -li bi ɣɔɣn -n'ɔɣ ɔny ab ɛm.
- ¹⁵S'óɣn Nyam bia in ec'ob ap mamn a eke wɛl k'ɔtum ocm bɛbmnm ab a eci.

Korɛnt eyɣ e lɛl yony ɛm 10

Pɔl am dogɣn sos agɣ a ek'am okr ów af a e lís

- ¹ɛm Pɔl, ɛm anake m'am ibrm ɔny low Krist ec'erm frɔrɔ lel ɛrm mamn ab ab ɛm a. Wɛl am dad eke ɛm b'anɣ tiɣ eke ɛm b'anɣ ɔny ec'any af a, kɔ ɛm b'anɣ akpoj a, nɛny in b'ɔtu'm nɔnɔ.
- ²M'am ɣɔɣn ɔny, k'óɣn mi k'ɛw gbagba lɛɣɣ a eke mi b'ow m'ow ɔny ec'araɣn a! Agɣ bɛb bi tutɾ eke s'am kok low ɛsɛ wus ec'agɣ ɛs ɛl af. ɛɛ, agɣ nɛnɛ e lís a, m'am tutɾ eke mi b'ow m'ɛlu ɛm ec'erm susu a ɔkm ɛtɣ ek'ow it yeji mi b'ow m'ɛw gbagba.
- ³Nawɾɛ eke s'el agɣ ɣɔɣ, kɔ mum a eke s'am ogɣ a elm agɣ ɛm eci.
- ⁴Mum a e mob a eke s'am ot s'ogɣn a elm agɣ ec'a. ɛl e lec a, Nyam ogɣ a ow b'anɣ ow ɣuɣn ob fɛɣ eke b'atar in ab a. Si bi ɣuɣn sow tutɾ yadɣ ɛm a fɛɣ.
- ⁵Si b'ɔny tutɾ fɛɣ e b'ɔl eke k'ɛdɣn agɣ Nyam ec'any uw a s'oc es. Tutɾ fɛɣ eke b'atar Nyam ab a, si b'ɔny'n lec ɛm eke li k'ɛlum Krist.
- ⁶ɛtɣ ɛben a, s'inym es eke low ɛluam fɛɣ ec'a, si k'ɛw low s'ɔɣ ɛɣɣ, gbekɔ ow akpl eke k'ɔny abusu ɛlul ɔny ec'elum a nimum ɔkm ye.

⁷Lèer ów a ec'elel ek'anñ a senyn senyn! Eke egn nyam òny tutr eke in sòny cè l'el Krist eci, ow it ke emeny li tútr senyn senyn: ey yeji s'el Krist eci ese in af.

⁸Es Kòtòkò òñ ey abusu eke si k'òñ òny e Nyamel a agb òmn em, kò ow elm in e ñuñ eci. Nawrè eke low na òñ ntotñ ok'm nòò, gbèkò mi k'ow m'ururm és na sosiem.

⁹M'erurm eke k'ekan'm ese egn eke b'ok agñ erñ lokm, in e silèl e li b'awñ ab em af.

¹⁰Tasi em a, agñ beb bi dad ese: «Pòl e silèl a b'ew kpañ kpañ lele lèc em ab. Gbèkò eke li b'anñ ey ec'arañ a, li b'ew fuèfue etñ sodad eke li bi dad a élm low kaka.»

¹¹Ke egn a ek'am dad odad nene a, úw low na gbè any: eke si b'anñ kpekpe a, si b'awñ silèl kpañ kpañ. Lègn eke si b'ow s'anñ òny ec'any af a, si b'ow si kok èben kpeñ.

¹²Agñ beb b'awr el sosi nòò, si k'òtum si bèbmm el ab oglog s'otm el es. -Li b'ocr el sosi ese ob bèbmn ob af -li bèbmn el sosi, ke -n'òny el sosi -l'igbl ogñ -l'èkn. Na nuñ em ñuñ!

¹³Ey ec'a, si k'ow si yebm ey eci ntotñ ok a iim nòò nene. Eke Nyam nyimn ey s'ow s'èñ òny a, li yegm ey yogñ ek'ey e juma e l'abul ey a k'im ok a, etñ si b'ow s'oc ereb a ese ey ec'ob bèbmn ob af.

¹⁴Blel s'owm toñ s'okm òny ogñ aña ana, wel òtu e k'òny tutr dad eke s'am afñ ey ec'abusu a ec'ereb ab es. Kò ey tasi anake s'ikñ anym s'oc Krist ec'Amani Mamn a s'ism òny ab a.

¹⁵Èben a, ey s'ewm sos ese èben agñ ejeci e juma e kok a e low cè es am ibrm af. Kò ey s'am òmn eke òny ec'òmn a b'ow obn etñ emeny s'òtu eke si ki kok juma nòò òny ogñ yogñ. Gbèkò s'erurm eke si k'afñ ereb a eke Nyam ew òñ ey ab es.

¹⁶Ow e jam a, si b'ow s'im s'òb Amani Mamn a e kokoba susu eke ibn akm òny ogñ aña. S'erurm eke si ki kok juma agñ ejeci e juma kok usu a, ke s'ew sos ów a eke -l'ikñ anym -li kokr a eci.

¹⁷Eke egn nyam erur eke k'ew sos, ke l'èw sos Es Kòtòkò sosiem.

¹⁸Tasi em a, ow elm egn a eke b'awr in sosi a wel áwm, kò egn a eke Es Kòtòkò b'aw a.

Korènt eyñ e lèl yony em 11

Pòl lele erm esel ayadñu ab ab

¹Oy! Blel k'ègn ebr ke em yeji mi dád ów ese nuñ em ñuñ es af! Èe, na ec'a ègn ebr'm èben!

²Erur eke m'òny òny ec'a b'ogñ uwerñ, etñ el uwerñ eke b'anñ Nyam ogñ ow. Tasi em a, igñ ebiu nyam cè m'ewar òny in e low m'ew es: in l'el Krist. Èe, mi b'ow m'oc òny mi yegm'n ese dedyowli ek'itam em kaka af.

³Gbəkɔ ɔkan low na: lorɲn oc yadɲ em eju Ev. Ow ɔɲ erɲn am ɔny'm ek'ony yeji, wɛl ki dad ɔny sow tutr yadɲ, ke ow ɔny kpab ɔny es ów cɛcɛ a lele lala ab ab eke ɛɲan Krist ab ec'af okr ab em a e lís.

⁴S'ɔb ɔny Jesu ec'amani, ɛɲan Abɲ Lala ɛtɲ ubr Amani Mamm a nawrɛ. Kɔ sica b'ow ɛɲɲn ebr fafa nɛnɛ eke ɛɲɲ ejeci nyam k'ow dad ɔny Jesu ejeci nyam ec'odad, abɲ ejeci nyam ec'odad, ke ɔb ɔny amani ejeci nyam eke irimn ow e low lɛɲɲ kaka ab ee?

⁵Kɔ em e tutr em a gbɛ, mi k'eknm eke ɔny eci "erm ɛsɛl ɛgbɛl" a k'ony any akm im.

⁶Nawrɛ eke nɛnym okm im es odad dad em ɛsɛ el af, gbəkɔ Nyam ec'any uw ec'a, in yeji low ejeci! ɛtɲ na, lɛɲɲ fɛɲ si yeɲm ɔny kpata low fɛɲ eke si kok ab em.

⁷Eke m'ɔb ɔny Nyam ec'Amani Mamm a, em m'is es aɲke m'ibram ɔny os kaka. Gbəkɔ ow el sos eke mi k'usr ɔny eci. Kɔ na low ɛyr e mi kok ana ee?

⁸Eke m'am kok juma ɔny ogɲ a, Sinyamel ejeci anake ɔɲ'm os a, ɛtɲ m'oc el ec'os a m'elum ɔny abu.

⁹Ke ɔny ec'araɲn eke m'anɲ a, m'ony os ec'es abur cɛ, gbəkɔ m'ibram ɔny low kaka. Maseduan ec'agɲ lisijimɛl ek'anɲ ow a ism'm fɛɲ a eke m'ony ow ec'es abur ab ab. Sɛɲɲ fɛɲ mi kok elɛl eke mi ki legm ɔny ɛtɲ m'erur eke lɛɲɲ kaka mi ki legm ɔny.

¹⁰Ntotɲ am ok'm ow eci ɛtɲ Akayi wus ogog a ec'ɛɲɲ kaka k'ɔtum ɔbm im yadɲ ɔnym em eci ntotɲ na ocm es. Low nawrɛ tasi m'am dad aɲke m'ony low nɛnyembri nyam ek'anɲ Krist em a.

¹¹Bla sosiem m'am dad odad nɛnɛ ee? Eke m'erurm ɔny a sosiem ec'ee? Njaɲ, Nyam uw any eke mi b'erur ɔny.

¹²ɛtɲ mi b'ow m'ucu m'ony es m'am kok ɛbɛn, ow ɔɲ agɲ ek'am ɔl abusu eke k'ɛru es ke ij nɛny eke el ɛɲɲ em si bɛbm a, k'ɛɲnm abusu na kaka!

¹³Agɲ amua el erm ɛsɛl ayadɲu lele juma kok ɛsɛl ek'ony ɛnyembri yony yony ab. -Li bi kok nyandre ɛsɛ Krist ec'erm ɛsɛl cɛ wɛ'n el af.

¹⁴Nawrɛ, low kaka ɔnym any iti aɲa, aɲke Satan in obi yeji bi kok nyandre ɛsɛ usuayl ec'afr erm ɛs cɛ ow'n el af.

¹⁵ɛtɲ in e juma kok ɛsɛl ec'a yeji ɛbɛn cɛ. Ow ɛwm any iti eke -n'am kok nyandre -l'el juma kok ɛsɛl ek'am kok yec'ek'el nyim nyim Nyam ec'any af a. Gbəkɔ el ec'owr anɲ a b'ow uwr ɛsɛ elɛl ek'ow it eke k'ɛbm el ab af, el ec'elɛl eke -li kokr ab em.

Pɔl e gbɛrɛ ɛɲɲ ɛɲɲ ek'ij

¹⁶M'am ebr em m'ɛsɛ: kɪ tutar eke nuɲ em uɲ'm! Oglog ɛɲɲn ebr eke nuɲ em uɲ'm, yec'ɛtɲ ke em yeji m'ɔtu m'ij nɛny tel.

¹⁷Sica odad na eke m'am ow mi dad a, mi dadm ɛsɛ elɛl eke ɛs Kɔtɔkɔ erur ab af, kɔ ɛsɛ nuɲ em ɲuɲ ɛs af. Gbəkɔ m'ony ów tasi e m'ɔtu eke mi k'eb ow af m'am ij nɛny.

¹⁸Agɲ nɔnɔ b'ij nɛny agɲ em ec'ów sosiem, ow sosiem em yeji mi b'ow m'ij nɛny.

- 19 Ony eke b'ocar ony sosi esewru a, ony obi em b'eghn en em enun esel ebr!
- 20 B'eghn ebr wel kok ony ese madu af, wel eb ony ob fen ek'onyn a, wel iy ony mil! B'eghn ebr wel itar ony any, wel dedn ony any af!
- 21 Es am ony'm eke mi ki dad, eke s'onym sos si kokm eben a! Eke egn nyam am egn eb ij neny low nyam eci, ana m'am dad odad ese nun em nun es af, em yeji mi b'ow m'egn m'eb mi kok eben.
- 22 -L'el Ebre eyn, em yeji m'el! -L'el Israel eyn, em yeji m'el! -L'el Abraham ec'alaw, em yeji m'el!
- 23 -L'el Krist e juma kok esel, em m'el m'akm el fen! Etn low na eke ana m'am m'ow mi dad m'usr af a yeji, ane ese nun em nun owi af: mi kok juma m'akm el fen, m'ey sobel em sakp nono m'akm el. Or yeji, em wel or'm sakp nono akm el, etn sakp nono ar okr'm es akm el.
- 24 Sakp yen eke Jwifel iyr'm ngbre likn lele lew libarm ab.
- 25 Sakp nyahan eke Rom eyn or'm lec em lec em, akp nyam eke wel wowl'm mebn em ec'ibi eci. Sakp nyahan eke mij blel oc'm, etn akp nyam ec'a, m'anne legn owr nyam lele ncok nyam ab mij em.
- 26 Em eci usu im nono ab em, ar okr'm es sakp nono: simij ec'any af, agn ibiu ec'any af, em lisijimel Jwifel em oglog el ek'elm Jwifel em. M'obr ar eb eb em, loj em, okij af lele agn lisijimel ayadnu ab e lis.
- 27 Mi kok juma eke kkn'm sos es etn sakp oglog m'otum m'erum memn. Namn lele mij amn ab ony'm etn sakp oglog m'otum m'ehnm ob m'ijm. Lefr ony'm etn m'onym mob mi susm.
- 28 Etn mi dadm low a tasi ek'onyn any a ec'odad: segn fen mi b'ebr em e Sinyamel a fen e low ec'erm mij.
- 29 Eke egn nyam ce ew fuefue, em yeji kpek n m'ew fuefue. Eke egn nyam ce ey sikpl owi em, ow e low am ey'm sos em nono.
- 30 Ek'ow it neny ij, mi b'ow m'ij neny eke m'el fuefue.
- 31 M'onym yadn, Nyam ey Es Kotoko Jesu ec'Es uw any. Si koklm'n akpo akpo fen!
- 32 Eke m'anne Damas eb em a, eb osu es ek'am kok es ew es Aretas e juma a, on wel am osu eb a e masany a fen em ec'edn eci.
- 33 Gbeko agn lisijimel a on wel ony elu'm ulu ligbel nyam em, etn usm'm es finetr em, eb a e lakp ogog kpakp a e jam a, etn m'otu m'akm'n.

Korent eyn e lel yony em 12

Pɔl sos em am iɲn eke li k'ij Krist eci gbre

- 1 Ko ow it eke mi k'ij neny ee? Ow k'ow elm im low kaka. Gbeko m'am m'ow mi dad ow eke Es Kotoko yegm'm m'ekn lele ow eke n'onyn l'ok okm ab ab e low.

²M'uw Krist e jam us es nyam any, etɲ ow ij akpo lew yar ɲ, Nyam ɔny eɲ na uyum afr kpekpe. Kɔ in e sos megl ab ab ee? M'uwm any. Kɔ ow elm in e sos megl ab ab ee? M'uwm any, kɔ Nyam gbɛ uw any.

³⁻⁴M'uw any gbɛ eke Nyam oc eɲ a im afr ec'usu mamn a. Kɔ in e sos megl ab ab oglog ow elm ow ab ee? M'uwm any, kɔ Nyam gbɛ uw any. Yogɲ, l'iri sodad eke eɲ e neny k'ɔtum dadm. Ow el sodad eke eɲ kaka ɔnym abusu eke ki dad.

⁵Eɲ nɛɛ na eci gbɛ mi b'ow m'ij neny. Gbɛkɔ em ec'a, elɛl eke m'anɲn a sosiem mi b'ow m'ij neny em e fuefue el a eci.

⁶Eke batɲ m'erur neny eke mi k'ij a, mi k'ow m'ijm nyamb, low eke el nawrɛ a cɛ mi b'ow mi dad. Gbɛkɔ m'ijm neny, yec'etɲ ke wɛl dád em e lís owi, ow a cɛ eke wɛl am ɛkn'm mi kok lele ow a cɛ eke wɛl am iri mi dad ab ab af, ke low ejeci kaka k'ígɲm af.

⁷Ów a eke ɛs Kɔtɔkɔ yegm'm m'ɛkn a agb nɔnɔ. Gbɛkɔ l'erurm eke mi k'ij neny na eci. Ow sosiem l'oc ɛbm ɛkn nyam l'ɛlu'm sos em, b'ijr'm gbɛrɛ ɛsɛ mirɲ eke b'ub es anɲ eɲ sos em ab af. Etɲ ow anɲ ɛsɛ Satan ec'erm ɛs nyam eke wɛl ɔɲ eke k'ɔr'm ke ɛdɲn'm neny ij af.

⁸Sakp nyahan eke mi ɲɔɲn ɛs Kɔtɔkɔ eke k'ɔny oc'm es gbɛrɛ ij na em,

⁹kɔ li dad'm ninɛ: «Em ec'erm mamn a cɛ ɔdɲ'ɲ. Eke b'anɲ fuefue a, yogɲ em tasi anake em e lec a b'ey ɔkm a.» Ow sosiem, em e neny ij a tasi b'ow el em e fuefue el a, yec'etɲ ke Krist e lec a ánɲ'm af.

¹⁰Na sosiem m'am eɲ fɛɲ m'eb sos em iɲn em: lec ɔnym, wɛwr, ses babur, em ec'ɔmn a sosiem e gbɛrɛ ijr lele erm mij ebr fɛɲ ab. M'am eɲ fɛɲ m'eb Krist sosiem eci, anɲke eke mi b'anɲ fuefue a, yogɲ em anake mi b'ij lec a.

Pɔl am ebr Korɛnt ec'ɔmn ɛsɛl a ec'erm ij

¹¹Sica am ɛkan eke m'am kok nuɲ em ɲuɲ owi a! ɔny anake ɔɲn ke m'am kok ɛben a. ɔny anake blɛl dadr em ec'ów amamn ek'anɲ'm em a, anɲke eke m'elm low kaka yeji, low kaka anm eke ɔny eci “erm ɛsɛl ɛgbɛl” a ɔny akm'm!

¹²ɔny ogɲ yogɲ ɛkan em ec'erm susu ligbɛl a, simɛny ɛwr a, ów any iti owi a lele sakrowa ab ab. Ów amua fɛɲ am yegm eke m'el erm ɛs wɛwɛ tasi.

¹³Bla obi Sinyamel ejec'a ɔny eke ɔny ɔnymn ee? ɛɛ, nawrɛ gbɛ, m'ɔɔm ɔny labm kaka! Kɔ na anake el low ɲuɲ ab ee? ɛben ke òc apr'm ɔ!

¹⁴Mi bɛbm ɔny ogɲ yogɲ e sakp nyahan em ec'ow e sos etɲ mi k'ow m'ɔɔm ɔny labm kaka. Em, ow elm ɔny ec'os a m'ɔlm es, kɔ ɔny obi ɔny obi. Nawrɛ em a, ow elm etuey am kokm os ɔɔm el ɛsɛl, kɔ ey ɛsɛl anake it eke ki kok os ɔɲ el ec'ey a.

¹⁵Em gbɛ, sos em b'ow iɲn'm eke mi kí ɲuɲn os ɔny eci, ke m'óc em obi e sel a nimum yeji m'igɲ af. Kɔ eke m'erur ɔny nɔnɔ nɛɛ a sosiem anake ɔny k'ow erurmn'm nɔnɔ ab ee?

¹⁶Nawre eke m'om ony labm kaka, gbeko agn beb dad eke yadn em am ony etn em e kprakpr ab em, em eju ony.

¹⁷Ko eke b'ewr nyamn ekan agn a fen eke m'on ow ony ec'arahn a, el em ec'egn nyam anj eke m'ecr in em m'ij ony os ee?

¹⁸Mi dad tonj Tit egn eb eke k'ow ekn ony, etn m'on egn lisijim nyam ign'n ab ow. Ko Tit ij ony os ee? Ko in lel em ab, s'onym tutr nyam coco ejagb nyam a eke s'okn any ab em ee?

¹⁹Ow ibn ek'am tutar eke s'am doghn sos ony ec'any af. Njan! Nyam ec'any af s'am doghn sos ese Krist e jam us esel af. Erur em ec'agn lisijimel, s'am kok eben eke si k'elum ony abu agbr omn em.

²⁰Legn a eke mi b'ow m'ow ony ogn yogh a, ow am ony'm ern eke mi k'ehnm ony ese el el eke m'am erur eke k'ahn ab af. Ke oglog em yeji, k'erurmn em eci el el eke mi b'ow mi kokr a. Ern am ony'm eke yogh mi k'uyum ow esu, nyamneyr, erm bebl, agn ec'ow onyanin, agn wewr owi, agn cacak owi, megnel lele suksuk owi ab.

²¹Emeny low nyam ec'ern yeji am onym: em ec'ow ab em, oglog ke Nyam kok'm es ony ec'any af. M'am uru eke mi k'ikn onn ony em ec'agn nono eke abu anj em am kok legn sig em e sikpl a eci. Tasi em a, yefenyna yeji -li k'ewlm -li ki lerm Nyam. - N'am ir eb eke om el -l'aylmn, -n'am ij nfaci etn -n'am ebirir marem marem.

Korent eyn e lel yony em 13

Ów om es abal el

¹M'am bebm sos eke mi k'ow ony ogn yogh sakp nyahan em, etn ese el el eke Nyam Lel dad ab af: Gbuñ ke wel jéj odad fen ok a, ow it eke wel k'iri adanku yony oglog nyahan nenym.

²Sica legn sig em ec'agn a eke kok sikpl a lele agn ejec'ab ab anake m'am dad odad a. Yefenyna m'anm ony arahn, gbeko emeny m'am ebr low a eke mi dad eke m'ow ony ogn yogh sakp yony em a m'ese: legn a eke mi b'ow m'ewl m'ow a, mi b'ow mi kok lec owi ony fen ab,

³anke am erurir eke k'ekan low ek'am yegm eke Krist b'ecr em em dad odad a. Eke li bi kok low n'on ony a, l'elm sos onymu, ko nana, li b'elu in ec'abusu ony a okm ony ec'arahn.

⁴Nawre, wel ew Krist olikn af, eke n'onym sos a sosiem, gbeko n'anj owr Nyam ec'abusu ab em. Ey yeji, in ab eke s'okr af a anake s'onym sos a; gbeko si b'ow si yegm ony eke s'anj owr in ab Nyam ec'abusu ab em.

⁵Sica ibrmn ony sosi low eke am iir eb ese omn esel af, igbal ony sosi ogn ekan. Ko k'eknmn eke Krist anj ony ab ee? Eke ow ecrm eben, ke es owal okr a.

⁶Gbeko ey ec'a, m'am ony omn eke b'ow egnn uwr any eke ey s'owlm s'okm es.

⁷Ɛy s'am nɔɔn Nyam eke kí kokmn low nɔɔn kaka. Ɛtɔ ow elm ke si yégm ɔny eke s'ɔny low ij. Njaɔ, low mamn ɔɛ s'erur eke kí kokr. Ɛtɔ ɔfr ɔfr eke low a am yégm eke s'ɔny lɔbr.

⁸Tasi em a, si k'ɔtum si kokm low kaka low nawre ec'any af, in e juma ɔɛ s'ɔtu eke si kí kok.

⁹Ɛɛ, sos em b'ihɔn ey sakp sakp fɛɔ eke si b'anhɔn sos ɔnym em ke ɔny b'ɔnyɔn lɛc a. Ow sosiem yec'eke s'am ibrm ey e nɔɔn em a el: ke emeny éwal ijr lɛc ɔmn em.

¹⁰Low na sosiem anake m'am awɔn ɔny lɛl eke m'anhɔn kpekpe a. M'erurm eke mi k'elu lɛc ɔkm legɔ eke mi b'ow m'anhɔn ɔny ec'araɔn a. Tasi em a, Ɛs Kɔtɔkɔ ɔɔ'm abusu eke mi k'elum Nyamel a abu agb ɔmn em, kɔ ow elm in e nɔɔn eci.

¹¹Sica agɔ lisijimɛl, ànhɔn sos em ihɔn em. Ɔɔl ɔmn em e lɛc eke k'ɔnyɔn es, àtarir sos es ke neny ókr ɔny af ɔny ɔfr em. Ìir eb erm es ey em, ɛtɔ erur lele erm es ey ab e Nyam a b'ow anhɔn ɔny ab.

¹²Ɛsɔninin ɔny ɔfr, ke éyarir af ɛsɛ Krist em ec'agɔ lisijimɛl lele agɔ lisijowɛl ab af. Agɔ lala a fɛɔ am ɛsɔn ɔny.

¹³Ke ey Ɛs Kɔtɔkɔ Jesu Krist ec'owro, Nyam ec'erur lel Abɔ Lala ec'af okr a ánhɔn ɔny fɛɔ ab.

Galat eyŋ e ləl

Galat eyŋ e ləl 1

Ɛsŋn

¹-2Ɛm Pəl, lel em lisijimel a feŋ ek'anŋ aŋa ab ab e nin em, m'am awŋ Galat e Sinyamel a lel na. M'el erm es, gbekɔ ow elm agŋ mum oglog egŋ kaka feŋ ewm'm erm es. Tasi em a, Jesu Krist in obi lel Ɛs Nyam ek'igbm'n luw em ab ab, ew'm erm es.

³Ke Nyam ey Ɛs lel Ɛs Kɔtɔkɔ Jesu Krist ab ɛdŋ ɔny ɔwɔ ke ɛŋan erm es ey.

⁴Ɛs Kɔtɔkɔ Jesu ewr in sosi awoba, yec'etŋ ke l'ɛb l'elu ey es ey e sikpl ab em. Li sɔg ey wus na e suŋ ab em, ese elel eke Nyam ey Ɛs erur ab af.

⁵Anygbel ɛl Nyam eci seŋŋ feŋ! Amen.

Amani Mamn tasi a

⁶Nyam esŋ ɔny bibm a ek'eŋan Krist sosiem a eci; sica ow am ew'm any iti eke k'upŋn in ij fafa nene, ke ɛwal am leer "Amani Mamn" ejeci nyam.

⁷Nawre em a, Amani Mamn tasi ejeci anm; agŋ gbɛ anŋ ek'am wuwal ɔny nuŋ em, ke am erur ek'itŋn Amani Mamn a eke bi dad Krist ec'odad a.

⁸Na sosiem, ek'egŋ kaka feŋ am dad ɔny Amani Mamn ejeci ek'elm ow a eke si dad ɔny a ec'odad, ke Nyam ógŋ ɔwl'l, ek'ow el ey oglog erm es nyam ek'anŋ afr ow bobɔ yeji.

⁹M'ikŋ anym mi dad etŋ emeny m'am dadr em: ek'egŋ kaka feŋ am dad ɔny Amani Mamn ejeci ec'odad ek'ótarm es yec'a eke s'ɔŋ ɔny ab ab, ke Nyam ógŋ ɔwl'l.

¹⁰Sica kɔ agŋ ec'aw eke k'aw'm a m'am ɔl es, kɔ Nyam ec'ab ee? Kɔ agŋ m'am ɔl eke k'erur'm ee? Njaŋ! Blel m'am ɔl ek'agŋ k'ɔny em ec'erur ana, mi k'ɔtum m'elm Krist e libɔwi.

Elel eke Pəl eel erm es

¹¹Agŋ lisijimel, m'am dad ɔny eke k'uwr any ek'Amani Mamn a eke m'ɔb m'ok ɔny a, elm egŋ e low eke ɔkn.

¹²Ow elm egŋ ogŋ m'ebm, etŋ egŋ kaka feŋ yeji yegam im ow e low, kɔ Jesu Krist in obi elu ow e low ɔkm yegm'm.

¹³Etŋ irir wel dad ɔny elel eke mi kokr legŋ ab em eke m'anŋ Jwifel e Nyam nuŋ igŋ ebr ab em a e low. Uwr elel eke m'ijr agŋ a feŋ ek'el Nyamel ec'agŋ a gbɛ, ke m'ew lec em eke mi ki ŋuŋn el ab any.

¹⁴Legŋ ab em a, wel b'ɛkn tasi, eke m'afŋ em lawlel a feŋ ek'el em ec'ɔwɔŋ ab es, Jwifel e Nyam nuŋ igŋ ebr a ec'ów feŋ e kok em. M'ɔny lec m'akm el feŋ ey lagŋel e Nyam nuŋ igŋ ebr ab em e sol esig e dogŋn owi em.

- ¹⁵Gbəkɔ, gbuɲ ke wɛl ɛw'm a ɛtɲ Nyam sɔsum oc'm in eci sɔɲɲ iɲɲ ab ɛm, ɛtɲ l'ɛsɲ'm eke mi ki kok in e juma.
- ¹⁶ɛtɲ eke l'ɛgɲ l'eb eke li k'ɛlu Jim ɔkm li yɛgm'm, yec'ɛtɲ ke m'ɔtu m'im m'ɔb in ec'Amani Mamm a e kokoba m'ok agɲ ek'elm Jwifel a, m'iim m'ibram ɛgɲ kaka eke ki yɛgm'm low.
- ¹⁷ɛtɲ m'ɛwlm m'iim Jerusalem m'ɛknm agɲ a ek'ikɲ anym el ɛrm ɛsɛl gbuɲ ke ɛm yɛji m'el a; kɔ kpɛkɲ m'ɔkɲ any m'im Arabi wus af, yogɲ anake m'anɲ m'ɛwl m'ow Damas ɛb ɛm a.
- ¹⁸Akpo nyahan ɛc gbuɲ ɛtɲ m'im m'ɛy Jerusalem; yogɲ anake m'uw Pier any, ke m'anɲ in ab toɲ sɛgɲ lɛw yen a.
- ¹⁹M'ɛknm ɛrm ɛs ɛjɛci kaka, ek'ow elm ɛs Kɔtɔkɔ lisijim Jak ɛɛ.
- ²⁰Low na eke m'am awɲ ɔny ow e lɛl a, el low nawrɛ tasi; m'am eb Nyam danɲku ek'ow elm yadɲ m'ɔnym.
- ²¹Ow e jam a, m'im Siri lele Silisi ab eci wus ab af.
- ²²Gbəkɔ Jude ec'agɲ a ek'ub Krist nawrɛ a, k'ɛknm im any af lɛgɲ kaka.
- ²³Low ɛɛ eke -l'irir wɛl dad ɛm e lɛs a el: «ɛgɲ a eke lɛgɲ sig ɛm a, b'ijr ɛy gbɛrɛ a, lɛgɲ na ɛm am dad Amani Mamm a eke s'ub nawrɛ ke l'erur eke li ki ɲuɲɲ a e low.»
- ²⁴ɛtɲ -n'am kɔklm Nyam ɛm sosiɛm.

Galat ɛyɲ e lɛl 2

ɛrm ɛsɛl ɛjɛc'a ɛgɲ Amani Mamm a eke Pɔl am ɔb a eb

- ¹Sica ek'akpo lɛw yar ɛc a, m'ɛwl meny m'im Jerusalem Barnabas ab; m'oc Tit yɛj'ab m'im.
- ²M'ɛwl meny m'im anɲke Nyam ɛlu ow e low ɔkm yɛgm'm eke mi ki kok ɛbɛn. Jerusalem yogɲ, luku eke m'as saw ɛm Nyamel ec'idr ɛsɛl ab a, m'otar Amani Mamm a eke m'am ɔb m'ok agɲ ek'elm Jwifel a e low akr m'ok ɛl. Tasi ɛm a, m'erurm ek'ɛm e juma eke m'am kok lɛl ow eke mi kok lɛgɲ sig ɛm ab ab a, e low k'ɛl ɔfr ɔfr.
- ³ɛtɲ Tit ek'anɲ ɛm ab, ke el Grɛk iy, ke wɛl ubrm likr ɛs a, wɛl ɔnym'n lɛc ɛm eke li k'ubr likr ɛs.
- ⁴Gbəkɔ agɲ lisijimɛl ayadɲu ek'anɲ ɛy ec'araɲɲ a erur eke wɛl k'ubr'r likr ɛs. Agɲ amua ow anɲ ɛy ɛm ɛs lɔl ɛm, eke k'otar ɛy akr úw ɛy ec'ewi e s'el Jesu Krist ɛm a e low any. -N'am erur eke si k'el ol e madu.
- ⁵ɛtɲ s'elɛm ɛl abusu ɛs wanci kaka, yec'ɛtɲ ke s'ucu Amani Mamm a e low nenyembri nyam a s'ɔny ɛs ɔny eci.
- ⁶Gbəkɔ, Nyamel ec'idr ɛsɛl ɛgbɛl a ɔɔm im low owr kaka eke mi ki kok. ɛtɲ ɛm ec'a, ow elm ɛl ec'idr ɛsɛl ɛgbɛl eke -l'eel a elm low tasi ɛm ec'any af, anɲke Nyam ec'any af a, agɲ a fɛɲ el kpɛɲ kpɛɲ.

⁷Kɔ tasi em a, -l'ekn nana eke Nyam abul'm agɲ ek'elm Jwifel a ec'Amani Mamn e kokoba eke mi k'ɔb, esɛ elɛl eke l'abul Pier eke k'ɔb ok Jwifel ab af.

⁸Etɲ -l'iri yej'eke Nyam ew'm agɲ ek'elm Jwifel a ec'erm es, esɛ elɛl eke l'ew Pier Jwifel ec'erm es ab af.

⁹Jak, Pier lel Jan ab, eke wɛl b'oc esɛ Nyamel ec'es ewɛl af a, uw any ekn eke Nyam anake bibm em abul'm juma na a; -l'eb ey abu, em lele Barnabas ab, -li yegm eke -l'erur. Sica si dad s'okarir ey fɛɲ eke, ey si b'ow s'im si kok juma agɲ ek'elm Jwifel a ec'araɲn, ke el -n'imn Jwifel em eci.

¹⁰Low cɛ eke -l'ibrmn ey a el, ke s'ɔkn Jerusalem e Nyamel ab em ec'ɔgboru a e low. Etɲ em obi mi kok ow e low erm nyam em.

Pɔl ec'abr ek'ɛnym Pier

¹¹Gbɛkɔ eke Pier ow Antioɔ ek'anɲ Siri wus af a, m'atar in ab agɲ fɛɲ ec'any af, aɲke n'ɔny low ɔbr.

¹²Tasi em a, gbuɲ ke agɲ nyam nyam eke Jak erm a ow a, Pier am us abu agɲ lisijimɛl ek'elm Jwifel ab ab. Gbɛkɔ lɛɲɲ ek'agɲ a eke bi dogɲn likr es ubr owi es a ow a, Pier ocr sos es etɲ egɲm eke k'ij ob agɲ lisijimɛl ek'elm Jwifel ab ab ij, aɲke n'ɔny agɲ a eke bi dogɲn likr es ubr owi es a e muru.

¹³Jwifel ab em ec'agɲ lisijimɛl beb yeji am kok enyembri yony yony owi na esɛ Pier af, etɲ Barnabas in obi yeji igb ey el ec'enyembri yony yony owi na em.

¹⁴Etɲ eke m'ekn eke el ec'es an a k'elm nyim nyim ke k'otarm es Amani Mamn e low nenyembri nyam ab ab a, agɲ a fɛɲ ec'any af mi dad Pier m'esɛ: «Ɔ ek'el Jwif a, ir eb aɲa esɛ agɲ ek'elm Jwifel ab af etɲ kokm yec'a eke Jwifel ec'ol a dad a. Bla sosiem etɲ am erur eke k'ɔny agɲ ek'elm Jwifel a lɛc em ir eb esɛ Jwifel af ee?»

Jwifel lele agɲ ek'elm Jwifel ab e sel ɛɲn Krist e nawrɛ ub em

¹⁵Ey s'el Jwifel ey e mew em, kɔ s'elm bieku ejeci ec'agɲ ek'uwm Nyam ec'ol ab any a.

¹⁶Gbɛkɔ s'uw any ek'egɲ ec'elɛl eke Nyam b'oc'r esɛ egɲ nyim nyim af a, anɲ egɲ a ec'ɔmn eke b'ɔny Jesu Krist em a, kɔ ow elm Mois ec'ol a eke li b'elum a sosiem. Na sosiem anake ey yej'eke s'el Jwifel a, s'ub Jesu Krist nawrɛ, yec'etɲ ke l'úw ey any esɛ agɲ nyim nyim af, ey ec'ɔmn eke s'ɔny Krist em a eci, ke ow k'élum eke si kok ol a ec'ów a fɛɲ iy neny a eci. Tasi em a, egɲ kaka k'ow elm nyim nyim Nyam ec'any af eke li kok ol a ec'ów fɛɲ ek'am dad a iy neny yeji.

¹⁷Ey, s'am ɔl eke Nyam k'oc ey esɛ agɲ nyim nyim af Krist sosiem. Sica, eke wɛl b'ekn ey esɛ sikpl esɛl af a, ke ayaf wɛl ki dadr ab ee? Ke Krist sikpl e juma n'am kok ee? Njaɲ, ow elm eben!

¹⁸Tasi em a, eke m'ewl meny m'im ol a eke m'igɲ m'elɛ es ab em, ke em sosi m'am ɔbr low a.

¹⁹Em, ol sosiem anake m'erurm eke mi k'ir eb ol ec'ij a. Etj ów amua fɛɲ ɛcr ɛben, yec'etj ke m'ir eb Nyam eci. Em m'uw olikɲ af Krist ab,

²⁰etj m'anɲ owr, gbɛkɔ ow elm em m'anm owr ij, kɔ Krist anake anɲ owr em em a. Jam aɲa, em ec'owr anɲ a, mi bi kok ow e low Nyam Jim e nawrɛ e m'ub ab em, in eke l'erur'm toɲ ke l'oc in e sel a l'irmn em sosiem a.

²¹Mi k'otum m'ocm Nyam e bibm na m'owlm. Tasi em a, ek'ow el ol em ɛɲɲ b'ɛcr el nyim nyim ɛs Nyam ec'any af, ke Krist e luw a, ɔfr ɔfr ana!

Galat eyɲ e lɛl 3

Ol em kɔ ɔmn em wɛl b'el nyim nyim ee?

¹ɔny Galat eyɲ, kɔ nuɲ em am uɲ ɔny! ɔny bwo ec'ɛɲɲ kokr ɔny agn ee? Ke, ɔny ec'any af kpata wɛl otar Jesu Krist ec'olikh af e luw a e low akr.

²M'am erur eke ki kpabr low ibrm na es: kɔ ɔny ec'Abɲ Lala a ek'ɛɲan a, ol ec'ów a fɛɲ eke kokr iy neny a sosiem oglog Amani Mamm a ek'irir ke ɔnyɲ ɔmn ow em a sosiem ee?

³Bla sosiem etj k'otumn ɔnymn nuɲ em ee? ɔny, ɔbr nuɲ Abɲ Lala em, sica ɔny obi e lɛc em am erurir eke k'uwarir ab ee?

⁴Ów amua fɛɲ ek'ɛɲɲ ɔny a, ɔfr ɔfr cɛ ow k'el ee? Ow itm ek'ow k'el ɔfr ɔfr.

⁵Nyam b'ɔɲ ɔny in ec'Abɲ a, etj li bi kok sakrowa ɔny ec'araɲn. Kɔ ol ec'ów a fɛɲ eke bi kokr iy neny a sosiem li bi kok ów amua n'ɔɲ ɔny oglog Amani Mamm a ek'irir ke ɔnyɲ ɔmn ow em a sosiem ec'ee?

⁶Kin yec'eke Nyam Lɛl dad Abraham e lís: n'ɔny ɔmn Nyam em, ow ɔɲ Nyam oc'r ɛsɛ ɛɲɲ nyim nyim af, in ec'ɔmn a sosiem.

⁷Sica ow it eke k'uwr any ek'agɲ a fɛɲ eke b'ir eb ɔmn em a, el Abraham ec'alaw tasi.

⁸Nyam Lɛl ɛwar eke Nyam b'ow oc agɲ ek'elm Jwifel a, ɛsɛ agɲ nyim nyim af in ec'any af, el ec'ɔmn a sosiem. Na sosiem anake Nyam Lɛl ikɲ anym ɔb Amani Mamm na ok Abraham eke: Nyam b'ow ɛcr ɲ em, ɛdɲ wus na nimum ec'agɲ a ɔwrɔ.

⁹Eke Abraham ub nawrɛ a, wɛl ɛdɲ'n ɔwrɔ; ɛben neny nyam, wɛl b'ɛdɲ agɲ a fɛɲ ek'ub nawrɛ a ɔwrɔ, ɛsɛ elɛl eke wɛl ɛdɲn Abraham ab af.

¹⁰Sica agɲ eke bi tutr eke, eke b'elum ol ke Nyam óc'ɲ ɛsɛ nenyembri nyam ɛs af a, musue el el eci. Tasi em a, Nyam Lɛl dad nine: Gbre él ɛɲɲ yec'eke sɛɲɲ fɛɲ k'ow eluam ów a fɛɲ eke wɛl nɔn anɲ ol e lɛl ab em a eci.

¹¹Etj ow ayl yej'eke, ɛɲɲ kaka k'otum elm nyim nyim Nyam ec'any af ol ec'elum a sosiem, anke Nyam Lɛl dad nine: ɛɲɲ yeci ek'el nyim nyim Nyam ec'any af a, b'ow anɲ owr in ec'ɔmn a eke l'oc l'elu ow em a sosiem.

¹²Gbɛkɔ ol ɔnym low kaka ɔmn ab. Ow eke Nyam Lɛl nana dad a el: ɛɲɲ yec'eke bi kok ol ec'ów a fɛɲ ek'anɲ'n em a, b'ow anɲ owr in em.

13Gbeko Krist sog ey an ligbel em ol e musue a e lis. In anake ey e musue a eke k'ehn ey a, ey'r af a. Tasi em a, Nyam Lel em wel dad: Gbre el egn feg ek'uw ke wel pag es likh af a eci.

14Na sosiem anake owro a eke Nyam ewar eke k'edh Abraham a, b'ow ebm agh ek'elm Jwifel a yeji Krist sosiem, ke ey feg si b'ehn omn em Abh Lala a eke Nyam ewar a.

Ol lele low ewar ab

15Aggh lisijimel, s'ocr ey ec'eb ir em e low nyam s'obar any: ek'egh nyam kok aja e lel ew es ese el el ek'ow it ab af, egh kaka k'otum onym aja e lel na tetghm es oglog nonm low ejeci elum em.

16Eben eke Nyam ewar Abraham lele iy a eke k'anh in em ey okm ab ab e low ana. Wel dadm esme: lele alaw a eke k'anh in em ok okm a, ese agh nono owi af. Njan, egh nyam ce e low. Tasi em a, ow eke wel b'awl a el: lele iy a eke b'ow anh gh em ey okm ab ab. Egh egh a, in l'el Krist.

17Kin low a e m'erur eke mi ki dad a: Nyam kok aja e lel nyam ew es, egh ewar eke b'ow ucu ow e low ony es. Ol a eke akpo duw akpo likh lele law ab ec, gbu gh ke ey okm a, k'otum onym abusu tetghm low a eke Nyam ewar ow e low ew es ab es.

18Sica, ek'ob ap a eke Nyam gh ese aja af a, el ol sosiem, ke ow elm ewar a sosiem ij. Ke, tasi em a, ewar a sosiem Nyam elu in ec'erm mamn okm Abraham e lis.

Bla lowi tasi ol bi kok ee?

19Egh ek'ow el eben, ke bla sosiem Nyam gh agh ol ee? Ol el ob eke Nyam igh af, yec'egh ke n'ogh agh uw el ec'ow ek'akplm in ec'any af ab any, egh ow it eke li k'anh to gh ke egh a eke k'anh Abraham em ey okm a ow; anke in sosiem wel ewar low a ew es. Ol a, afr erm esel elu ow e low okm, egh egh nyam anh ow ec'aragh a.

20Gbeko ow ibram ek'egh nyam k'anh ow ec'aragh ij, eke ow el egh nyam ce eke low a ot es a, egh Nyam ce anake low a ot es a.

21Sica low na e nyandre el bogh ec'ee? Ol lele Nyam e low a eke ewar ew es ab ab okrm af ee? Ow elm eben! Blel ol nyam otu eke k'ogh egh sel, egh blel agh egh ol ikh na ana, ke blel nimamn ana, blel ol a gh el -l'el nenyembri nyam esel Nyam ec'any af.

22Gbeko, Nyam Lel dad eke wus nimum in anh sikpl ec'abusu a ec'ew. Na sosiem anake ow it eke Nyam e low a ek'ewar ew es a, k'el tasi agh a feg ek'ub nawre a eci, el ec'omn eke -n'onyn Jesu Krist em a sosiem.

23Gbu gh ke omn e leggh a ow a, ol onym ey ab ese sobel em esel af, egh s'am eku leggh a ek'omn k'elu sos okm a.

24Ow gh, ol el ey e nyimn es to gh Krist ow; yec'egh ke Nyam oc ey ese agh nyim nyim af in ec'any af ey ec'omn a sosiem.

25Sica eke omn e leggh ow a, si k'otum s'anm nyimn es na ec'abu em ij.

- ²⁶Ɔny feŋ, eel Nyam ec'ey ɔmn a ek'ony okr ɔny af Jesu Krist ab a sosiem.
- ²⁷Tasi em a, ɔny feŋ okar af Krist ab mij nuŋ a eke wel ok ɔny ab em, etŋ ewal anŋn eŋe Krist in obi af.
- ²⁸Sica ereb anm agŋ ek'el Jwifel lel agŋ ek'elm ab ec'araŋn, madu lel ewi ab ec'araŋn, ɔyow lel egŋ ab ec'araŋn; ɔny feŋ, eel nyam coco Jesu Krist ab ec'af okr ab em.
- ²⁹Etŋ ek'eel Krist eci, ke ɔny eel Abraham ec'ey etŋ eel aja ij eŋel eŋe eŋel eke Nyam ewar ew es ab af.

Galat eyŋ e lel 4

Ɖ elm adu ij, kɔ iy

- ¹Kin em e tutr e m'ony a: ek'iy a ek'el aja ij es a anŋ goŋni a, li b'ew eŋe adu af. Ke tasi em a, ob a feŋ in eci ce.
- ²Gbekɔ, ow it ke n'am elum agŋ a ek'am ekn in e lís e low, ke am ɔsu in ec'ob a feŋ a, toŋ ke legŋ a ek'es ew a ów.
- ³Ey yeji eben neny nyam. Eke s'anŋ eŋe etuey af a, s'el wus aŋa e sabusu e læc a e madu.
- ⁴Gbekɔ, eke legŋ a e Nyam b'ebm ew es a ow a, l'erm Jim ow. Wel ew'r yow em etŋ l'ir eb ol em,
- ⁵yec'etŋ ke li sóg agŋ a feŋ ek'anŋ ol ec'abusu ab em a, ke s'ótu s'el Nyam ec'ey.
- ⁶Gbekɔ, ke wel úw any eke eel in ec'ey a, Nyam ɔŋ Jim ec'Abŋ a ow ey ey ec'erm ab em; etŋ Abŋ na anake b'ɔŋ ey si dad «Aba!» ow e nyandre el, «em Es!»
- ⁷Ow sosiem a, ŋ elm adu ij, kɔ iy; etŋ ek'el iy a sosiem, Nyam b'ow ɔŋ aja eke li beb m l'ew in ec'ey ab es a.

Eke Galat eyŋ ewm erm -li b'ow -l'ewl meny -l'el ol e madu

- ⁸Legŋ sig em a, uwmn Nyam any etŋ eel sabusu ek'elm sinyam tasi yej'a e madu.
- ⁹Sica yefenyina em ek'uwr Nyam any, oglog yefenyina em eke Nyam uw ɔny any a, ayaf ow it eke k'ewal elumn wus aŋa e sabusu e læc ek'elm low kaka ab ee? Ayaf emeny ɔtur eke k'ewal eel el e madu ee?
- ¹⁰B'ucur segŋ beb, awl beb, akpo e segŋ beb lel akpo beb ab e low ɔny es.
- ¹¹M'am ɔny ermij ɔny eci: eke juma e mi kok ɔny ec'araŋn a k'elm ɔfr ɔfr sosiem.
- ¹²Agŋ lisijimel m'am ŋoŋn ɔny, kòkr eŋe em af, anke em yeji mi kok eŋe ɔny af. Kokm'm low ŋuŋ kaka.
- ¹³Ɔny, am ɔkan low em eke m'og es m'ob ɔny Amani Mamm e kokoba a, ow el em ec'ol em.

¹⁴Etɛ ɛm e sos megl a eke ɛm ec'ɔl ab ɛm itm eke wɛl ki lɛr a, ɔnym ɔny nɛnɛn walɛm elumn'm es. Kɔ ɔny kɔtɔkɔ, ebr'm ɛsɛ Nyam ec'ɛrm ɛs nyam af, oglog ɛsɛ Jesu Krist af.

¹⁵Lɛgɛ a, anɛn sos ɛm iɛn ɛm. Etɛ sica bla lowi ɛɛn ɔny ee? M'ɔtu eke mi dad m'ɛsɛ: lɛgɛ a, blel ɔny abusu eke ki sɔsmn ɔny ec'anyamn ab es ɔɛn'm, blel kokr.

¹⁶Kɔ sica ɔny ec'ifnu m'ɛwl m'el low nɛnyembri nyam e m'am dad ɔny a sɔsiɛm ee?

¹⁷Agɛ amua ek'am kok ɛsɛ ɔny e lɛs e low cɛ wɛ'n am ɛw any af a, ɛl e sow tutr a akplm ɔny eci. ɛl e low eke -n'am ɔl a cɛ el: ke -n'ɔny -li kpab ɔny es ɛm e lɛs, yec'ɛɛɛ ke ɔtur lɛɛr ɛl.

¹⁸Tasi, ow akpl ek'ɛgɛ k'ɔny ɔny e lɛs ec'erur, gbɛkɔ ke ow el low nimamn eci, ow it ek'ow k'el sɛgɛ fɛɛ, kɔ ke ow k'ɛlm lɛgɛ eke mi b'anɛ ɔny ec'araɛn a cɛ.

¹⁹ɛm ec'ey, ɛmɛny m'am ij ɔny e gbɛrɛ, gbɛrɛ ek'otarir es ɛsɛ yɔw ek'am ew iy ec'ab af, ɛɛɛ mi b'ow m'anɛ ɛm ɛbɛn tɔɛ ow ɔyl'm sos ɛm ek'ɔny fɛɛ Krist ir ɔny ɛm.

²⁰M'erur eke blel m'anɛ ɔny saw wanci na af, ke m'ɔtu mi dad ɔny odad akunda ɛjɛc'ɛm. Tasi ɛm a, mi k'uwm eel eke mi ki kokr ɔny e lɛs ab any.

Agar lele Sara ab

²¹Dàdr'm, ɔny ek'am erurir ek'ol k'ɛw ɔny es a: irimn yec'a ek'ol a am dad ab ee?

²²Nyam Lɛl dad eke Abraham in ew ey yony, Agar ek'el adyɔw ab ab ow'n ew nyam ɛɛɛ Sara ek'el yɔw lewi ab ab yeji ow'n ew nyam.

²³Adyɔw iyɛn a, wɛl ew'r igɛ nyam lele yɔw nyam ab ec'erur ɛm, kɔ yɔw lewi a ec'iy a, wɛl ew'r Nyam e low a eke ɛwar ab ɛm.

²⁴Odad na ɔny akr otar ɛjɛci. ɔyɔw yony a anɛ ɛsɛ sinm yony af. Krɛkrɛ e sinm a, el Sinayi lafɛny af ec'a, ɛɛɛ li b'ew ey eke b'el madu: ke Agar ana,

²⁵ɛɛɛ Agar anake el Sinayi lafɛny a ek'anɛ Arabi wus af a. Etɛ in cɛ anake yɛfɛnyina ɛm a, n'anɛ ɛsɛ Jerusalem ec'ɛb a ek'in ec'ey ab ab el madu a.

²⁶Kɔ Jerusalem ek'anɛ afr a el lewi, ɛɛɛ in anake l'el ɛy lis a.

²⁷Tasi ɛm a, Nyam Lɛl dad ninɛ: Sos ɛm iɛn'ɛn itr yɔw! ɛlu sos ɛm iɛn e lebl, ɛ ek'uwm iy ew e dudu any a; anɛke yɔw a eke wɛl igɛ ɛlu es a, b'ow ew ey akm yɔw a ek'ɔny igɛ a.

²⁸Sica agɛ lisijimɛl ɔny ec'a, ɛsɛ Isak af, eel ey eke wɛl ew ɛsɛ eel eke Nyam ɛwar ab af.

²⁹Gbɛkɔ ɛsɛ lɛgɛ sig ɛm ec'a eke Abraham ec'iy a eke wɛl ew igɛ lele yɔw ab ec'erur ɛm a, ijr iy a eke wɛl ew Nyam ec'Abɛn ec'erur ɛm a gbɛrɛ a, yɛfɛnyina ɛm yeji, ɛbɛn cɛ ow anɛ.

³⁰Kɔ Nyam Lɛl ɛm a, ayaf wɛl dadr ee? Wɛl dad ninɛ: ɔgɛn adyɔw a lel in ec'iy ab ab, anɛke adyɔw iyɛn a k'ɔtum ijm aja yɔw lewi a ec'iy ab ab.

³¹Na sosiem a, agɲ lisijimɛl, ɛy s'elm adyɔw a ec'ey, kɔ ɛy yɔw lewi a ec'ey.

Galat eyɲ e lɛl 5

Krist sɔg ɛy

¹Krist sɔg ɛy, yec'ɛtɲ ke s'él ewi tasi. Na sosiem ìnymn es kikri lewi el na ɛm, ke ónyɲ sos ɔsu, ke k'éwlmn elmn madu ij.

²Em Pɔl, m'am dad ɔny: eke yebr wɛl ubr ɔny likr es, ke Krist elm low kaka ɔny ec'ij.

³Emeny m'am usr lebl af mi dad ɛɲɲ fɛɲ eke b'ɛɲɲ likr es ubr owi eb a, ow it eke li k'elum ol a nimum.

⁴ɔny ek'am ɔɔl eke k'eel neny nyam ɛsɛl Nyam ec'any af ol ec'elum ɛm a, ɔny obi ɛm anake kpabr es Krist e lís a; ɛtɲ ɔny irmnin Nyam e bibm a ek'eɲan a.

⁵Sica ɛy ec'a, s'oc ɛy e nawrɛ ub a s'ɛlu Nyam ɛm. In li b'ow n'ɔɲ ɛy s'el neny nyam ɛsɛl in ec'any af; low na anake s'am eku Abɲ Lala ec'abusu a eke b'ɛcr ɛy ec'ɔmn ab ɛm kok juma a.

⁶M'am dad tasi ɛm m'ɛsɛ, eke s'okr af Jesu Krist ab a, ke wɛl úbr ɛy likr es oglog ke wɛl k'úbrm ɛy likr es, ow elm low kaka. Kɔ low tasi a cɛ el: úb nawrɛ, ke yéɲm ɲ ec'ɔmn a erur owi ɛm.

⁷ɔny ɔbr nuɲ sɛnyɲ sɛnyɲ! Bwo ec'ɛɲɲ ɛdɲɲ ɔny eke k'élumɲ low nenyembri nyam ee?

⁸Low yec'a eke wɛl dad ɔny ke ok ɔny es sos ɛm a, anm Nyam ek'ɛsɲ ɔny a ogɲ owm.

⁹Ow anɲ ɛsɛ: «Lijru tɛeli cɛ eke b'anɲ ma ɛm, ke b'ɔɲ ma a nimum inɲ ab af.»

¹⁰Gbɛkɔ, ɛs Kɔtɔkɔ obn'm ɔmn ɔny e lís: k'ow ɔnymn tutr ɛjɛci eke k'ow otarm es ɛm ec'ab ab. ɛtɲ ɛɲɲ a ek'am mumu ɔny a, ke ow el in ec'eel eke n'anɲn a, Nyam b'ow ɔb'r low gbɛr ij eci.

¹¹Agɲ lisijimɛl, kɔ ɛm, likr eke wɛl k'ubr ɔny es e kokoba ɛmeny m'am ɔb ɔny ee? Ek'ow el nawrɛ, bla sosiem ɛtɲ ɛmeny wɛl am ijr'm gbɛr ee? Tasi ɛm a, eke m'am ɔb likr es ubr owi e kokoba ke Krist ec'olikh a elm ɛɲɲ kaka e wus ɛlu owi ij.

¹²M'am erur ek'agɲ amua ek'am mumu ɔny likr es ubr sosiem a, blel -li kok ow afɲ na es; -li kok -l'el ɛɲɲ agbru.

Yèbr Abɲ Lala nyimn ɔny ec'ɛb ir a

¹³Agɲ lisijimɛl, Nyam ɛsɲ ɔny in e lewi ij ab ɛm, gbɛkɔ lewi ij ikɲ na itm eke k'ɔɲ ɔny abusu kokr ɔny e sos af ec'ów eke b'aw ɔny a. Ow tasi eke ki kokr a el, ke erur ɛm, kókr ów ɔɲanin ɔny ɔfr.

¹⁴Ol na nimum anɲ ol nyam na ɛm: Ow it eke k'erur ɛɲɲ kaka fɛɲ ɛsɛ ɲ obi af.

¹⁵Sica eke bi kokr ɛsɛ akp ɛm ndey af, ám gugɲnin ke ám ɔnyɲ ijarir ɔny ɔfr, ke èwr ɛrm, b'ow ɲɲanin ɔny ɔfr.

- ¹⁶Na sosiem mi dad m'ese: yèbr Abη Lala nyimn ɔny ec'eb ir a, yec'etη ke ki kókmm ɔny e sos af ec'ów eke b'aw ɔny a.
- ¹⁷Sos af ec'ów amua eke b'aw ɔny a, éghm Abη Lala e low ebm etη Abη Lala yeji éghm sos af ec'ów amua eke b'aw ɔny a e low ebm. El yony mum ec'araηn a atarir, etη ow e liy eke b'ann em ey ɔkm a el, ke k'ɔtumn kokmm yec'a ek'am erurir a.
- ¹⁸Gbekɔ eke Abη Lala bi nyimn ɔny, ke ɔny anmn ol ec'es ew em ij.
- ¹⁹Ów a eke ey e sos af ec'ów aw b'ɔsu, ke wɛl b'ekn a el: agη e lɔsηn e b'agbr egη kaka fɛη ab, eb eke -li b'ir sikpl em, ów ɔbr ɔbr eke -li bi kok el ec'erur em;
- ²⁰sinyam yadh e nuη igη, agn kok owi; agη ec'ifn owi, ów esu, nyamneyr ɔnyanin; erm bebl, agη fɛη ec'es ew owi, em bubr owi lel el ɔfr em ec'ijarm owi ab.
- ²¹-N'am erur eke el lawlɛl ec'ob ek'ɔny a el yeji -n'ɔny, -l'el mar egηu, ob iju, etη emeny -li bi kok ów ejeci nɔnɔ ek'otarir es amua eke wɛl dad ab ab. M'am ewar ɔny etη m'ikη anym mi dad yeji: agη a eke bi kok ów amua a, k'ow eηnm usu Nyam e gbrenḡbi usu a.
- ²²Sica kin ey yec'eke Abη Lala b'ɔsu ey em: erur, sos em iηn, erm es ey, low eku, erm mamn, low kok ɔη egη, cɛcɛ el,
- ²³erm frɔrɔ, sos es ɔny. Mi k'ɔnym ɔmn eke ol k'ifn ów amua.
- ²⁴Agη a ek'el Jesu Krist ec'a, oc el e sos af ec'ów aw a eke b'irmn el a ew olikη af.
- ²⁵Sica, ek'ow el Abη Lala em s'am ir eb a, ke si yéb Abη ikη na nyimn ey.
- ²⁶Si k'éel és efuu, ów esu k'áηη ey ec'araηn, nyamneyr ɔnyanin yeji k'áηη ey ec'araηn.

Galat eyη e lɛl 6

Òkmnin sel es

- ¹Agη lisijimɛl, eke b'ekan ɔny em ec'egη nyam ek'am kok low ek'akplm a, ɔny eke Nyam ec'Abη a am nyimn ɔny a, èlumn in abu l'éwl l'eb ejagb mamn a; gbekɔ ke ow él erm frɔrɔ em. Etη m'am dad eke ɔny em ec'egη fɛη k'éw sos erm, ke kí yebmn meju owrm ɔny.
- ²Òkmnin sel es ɔny e sɛrɛkp leg leg ec'uyu em: ow em anake b'ow èlumn Krist ec'ol a.
- ³Ek'egη nyam bi tutr esɛ in el any es etη l'elm ob kaka a, ke in sosi n'am ejur.
- ⁴Ow akpl ek'egη egη k'ɔny in ec'es an a igbl ogη ekn; ek'ow akpl'l sos em, ke ow él in sɔny eci, kɔ ke li k'ócm l'ɔbarm lawlɛl ec'ab ab,
- ⁵anke egη egη b'ow uyu in obi ec'erɛkp.
- ⁶Egη yec'eke b'èηη Nyam ec'odad a e low yegm a, it eke ki cɛc in ec'ob e n'ɔny a, egη a eke bi yegm'n low ab ab.

⁷K'èjurir òny sosi: ow itm eke wèl ki kokr Nyam miyer. Egn, ow a cè eke li b'ewl a, li b'ub.

⁸Eke egn ewl ów enuj eke b'aw'r a in ec'ogm a, li b'ow l'ub luw; kò eke l'ewl yec'a ek'Abn Lala b'erur a, li b'ow l'ub sel ek'onym uwr.

⁹Sos k'am ey low nimamn e kok em, anke e s'amnm sos, ow e wanci b'ow a, si b'ow s'ub.

¹⁰Na sosiem, eke s'ony abusu a, si kók egn fèj low nimamn, ab brobro òmn em ec'agn lisijimel a.

Èwar es abal el lel εgn ab

¹¹Sica em obi ec'abu em anake m'am non lel a, εε el el eke lel moni a e sagb a am yegm ab af.

¹²Agñ a ek'am erur ek'ony òny læc em ubar likr es a, el agñ ek'am erur eke k'ij any agñ em. Etñ -n'am kok eben, yec'etñ ke wèl k'ijrm el gbre Krist ec'olikh a sosiem.

¹³Agñ amua ek'egñ likr es ubr owi eb a, el obi a -l'eluamn ol a; -l'erur eke k'ubar likr es, yec'etñ ke -n'ony abusu -l'opr ów, eke læc em egn meny ewr ikñ na e low ebr.

¹⁴Em ec'a, ey Es Kotòkò Jesu Krist ec'olikh af e luw a ec'ów cè m'erur eke mi k'opr, anke Krist ec'olikh af e luw a, em ec'a, ow ew εε wus ec'ob a fèj eke wè'n uw af, etñ em yeji m'ew εε egn eke uw wus ec'ob a fèj ec'any af af.

¹⁵Na sosiem, eke wèl ubr'ñ likr es oglog wèl ubrm'ñ es yeji, low kaka anm em, kò yeci tasi ek'el low a el: ke él egn owr.

¹⁶Sica agñ a fèj eke b'elum em e low yegm a el ec'eb ir em a, m'am dad eke: Nyam ec'erm es ey a lel erm mamn ab ab k'ánñ el af, el, lel agñ a fèj ek'el Nyam ec'Israel ab ab.

¹⁷Yefenyna em a, emeny egn kaka fèj k'ow k'ijr'm gbre ij, anke em e sos af e meny ewr amua, el Jesu e gbre e m'ij a e meny ewr.

¹⁸Agñ lisijimel, ke ey Es Kotòkò Jesu Krist ec'owrò a, ánñ òny fèj ab. Amen.

Efes eyη e lel

Efes eyη e lel 1

Εσηη

¹Em Pɔl, Jesu Krist ec'erm es anke Nyam erur, m'am awη Nyam ec'agh lala ek'anη Efes baηη, ke b'us Jesu Krist jam neny nyam em a, lel na.

²Ke Nyam ey Es lel ey Es Kɔtɔkɔ Jesu Krist ab ɛdη ony ɔwɔ ke ɔη ony erm es ey.

Nyam b'ɔη ey in ec'ɔw amamn feη Krist em

³Si kɔklm Nyam eke el ey Es Kɔtɔkɔ Jesu Krist ec'Es a! N'ɔη ey Abη Lala ec'ɔwɔ feη eke anη afr a, ey lele Krist ab ec'af okr ab em.

⁴Gbuη ke wɛl kok wus a, Nyam ɛcr Krist em sɔsum ot ey s'el in eci, yec'ɛtη ke s'ɛl lala ke si k'itam em kaka in ec'any af. Nyam erur ey ɛtη l'ikη anym li bebη

⁵eke li b'ow l'ɛcr Jesu Krist em l'eb ey ɛsɛ in ec'ey af. In ec'erm mamn ab em l'erur low na,

⁶yec'ɛtη ke si kɔklm Nyam, in ec'anygbɛl ec'ɔw amamn e sagb a eci. ɔw amamn feη, in ec'Iy e l'erur ab em li b'ɛcr n'ɔη ey.

⁷S'anη Krist em ɛtη in e mebl ab em li sɔg ey, l'oc ey e sikpl a l'ap ey; ɛtη ow ɛlu Nyam ec'erm mamn ligbɛl a eke ɔny a e low ɔkm.

⁸Ɛɛ, Nyam ɔnyη ey erm mamn afηη es. N'ɔη ey sewr feη lele low any uw ab.

⁹N'ɔη ey s'uw in e low a eke lɔl es ab any, low a eke in ec'erm mamn ab em, l'ikη anym li bebη l'ɛw es eke li k'ɛcr Krist em li kok a.

¹⁰Low ikη a eke Nyam ki kok uwar lɛgη a eke li sɔsum l'ɛw es ab em a, el ke l'ás ob feη ek'anη afr lele wus ab a luku es ɛw nyam coco eke el Krist ab em.

¹¹Ɛtη ey eci Krist ab ec'af okr em a, Nyam ɔη ey aja a eke k'ɛbm ey, ke l'ikη anym li bebη ow e low l'ɛw es a. Li kok low na feη anke l'ɛgη l'eb ɛtη l'erur,

¹²yec'ɛtη ke ey e s'el agη krekre ek'oc el ec'ɔmn ɛlu Krist em a, si kɔklm Nyam, in ec'anygbɛl a eci!

¹³ɔny yeji, anηη Krist em anke irir odad tasi a ek'el Amani Mamn a eke bi sɔg ɔny a. Eke ocr ɔny ec'erm a ɔηη Krist a sosiem, Nyam ɛw ɔny meny ɛwr nyam af. Meny ɛwr a, ow ow el Abη Lala a eke l'ɛwar eke li b'ow n'ɔη ey a.

¹⁴Abη Lala na, el aja a eke si b'ow s'ɛηη Nyam ec'abu em a eci krekre. Ɛtη li bi yeηm ey tasi eke si b'ow s'ɛηη aja na lɛgη a eke Nyam b'ow sɔg ey low ηηη feη em a. Ow sosiem si kɔklm Nyam, in ec'anygbɛl a eci!

Pɔl am ηɔηη Nyam Efes e nawɛ ub ɛsɛl a eci

¹⁵Ow sosiem, lɛgη a ɛtη eke m'iri wɛl dad eke ɔny ɔnyη ɔmn Ɛs Kɔtɔkɔ Jesu em ɛtη ɔny b'erurir agη a ek'in el Nyam ec'agh lala a,

- ¹⁶m'ópim eke mi k'elu Nyam bia seḡḡ feḡ ɔny eci em e Nyam ḡɔḡn feḡ em.
- ¹⁷M'am ibrm ek'ey Es Kɔtɔkɔ Jesu Krist e Nyam a, anygbel ec'Es a k'ɔḡ ɔny sewr, ke l'élú sos ɔkm li yeḡm ɔny, yec'etḡ ke úwr ir any tasi.
- ¹⁸M'am ibrm'n eke li k'ekan ɔny ec'erm em e tutr ab es, yec'etḡ ke úwr low ɔmn a eke n'ɔḡ ɔny læḡ a eke l'esḡ ɔny a, ke úwr in ec'aja ec'ob ɔny ligbel sɔbɔ a eke l'ew es agḡ lala a ec'ab any.
- ¹⁹Etḡ ɔny b'ow uwr læc liplemu a eke Nyam elu ɔkm ey eke si b'ub'r nawre ec'a. In ec'abusu a lel in e læc ab ab,
- ²⁰l'elu ow e low ɔkm Krist em, læḡ eke l'igbm ow luw em, ke n'ɔḡ ow ow sig'r es lidr abu af afr a.
- ²¹Yogḡ, Krist anḡ es ew feḡ, abusu feḡ, læc feḡ, es akm feḡ lele nin ejeci feḡ eke wɛl ɔtu eke k'esḡ a e nuḡ af. Tasi, n'anḡ ob feḡ ek'anḡ a e nuḡ af, etḡ ow elm yefenyina e læḡ na em ce, kɔ læḡ eke b'ow ow ab em yeji.
- ²²Ee, Nyam oc mob mob a pupukpaḡ ew es Krist ec'akr ew a, etḡ l'ew ow ese Nyamel nimum eci nuḡ af,
- ²³etḡ Nyamel el Krist eci sos meḡl a. In em wɛl b'ekn Krist nimum, etḡ Krist, in iy afr lele wus ab nimum.

Efes eyḡ e læl 2

Sel eke s'ɛḡḡ Krist em a el bibm

- ¹Læḡ ek'ec ab em, uwr ɔny ec'ów ɔbr lel ɔny e sikpl ab ab sosiem.
- ²ɔny iir eb ese elel eke wus ec'agḡ b'ir eb ab af; elumn sabusu eḡḡ ec'es ew es a ek'in ec'es ew anḡ læf em a. Es ew es a, in l'el low ḡḡ ec'abḡ a eke caca em a am kok juma agḡ a ek'élúam Nyam ab em a.
- ³Læḡ ab em, ey yeji s'anḡ ese agḡ amua af, ow a eke s'am ir eb ese elel ek'ey ec'ów aw eḡḡ b'ɔḡḡ ey ab af a. S'elum ey ec'ów aw eḡḡ a lel ey e sow tutr eḡḡ ab ab. Etḡ ey ec'elel tasi a eke s'anḡḡ a sosiem, s'it eke Nyam eci jɛj ok a k'ɔḡ ey s'abur es ese agḡ likpr ab af.
- ⁴Gbɛkɔ Nyam eci sɔḡḡ ikḡ a agb nɔnɔ etḡ in ec'erur eke n'ɔny ey ec'a ɔnym any ɔkḡḡn;
- ⁵na sosiem anake ey eke s'anḡ ese agḡ ek'uw abḡ em ey ec'ów eḡḡ a sosiem a, n'ɔḡ ey s'anḡ owr Krist ab a. Ee, Nyam e sɔḡḡ ikḡ a anake sɔḡ ey a.
- ⁶Jesu Krist ab ec'af okr ab em Nyam igbm ey luw em, etḡ Krist ab ce n'ɔḡ ey si sig es afr.
- ⁷Nyam elu in ec'erm mamn eke n'ɔnyn ey a ɔkm Jesu Krist em, yec'etḡ ke li yeḡm ey seḡḡ feḡ in e sɔḡḡ ikḡ ligbel ab em eci gbrenḡbi eke l'ij a.

⁸Tasi em a, in eci sɔŋ iŋ ab em anake li sɔŋ ɔny a, aŋke ɔny ubr nawre. Ow elm ɔny em ow anm owm, kɔ Nyam in obi eci bibm eke ɔny ɔny.

⁹Sel eŋn na, eŋnmn in ɔny ec'ów kok em; ow sosiem a eŋn kaka k'ėw sos.

¹⁰Tasi em a, Jesu Krist ab ec'af okr em anake Nyam kok ey a. Li kok ey yec'etŋ ke s'ir eb ów amamn kok em. Etŋ ów amamn amua, Nyam iŋn anym beb̄m ew es eke si ki kok.

Krist eci luw a ɔŋ Jwifel lel agŋ ek'elm Jwifel ab ab okr af

¹¹ɔny uwr any eke Jwifel el agŋ eke wel ubr likr es, ke b'erur esŋn el sosi "agŋ ek'ubr likr es". ɔny ek'elmn Jwifel mew em etŋ a, wel ubrm ɔny likr es etŋ ow b'ɔŋ -li b'esŋ ɔny "agŋ ek'ubrm likr es." Ow sosiem, ɔny ɔkan lɛŋŋ ab em ec'ob eke eel a:

¹²ɔny eel agŋ ek'uwm Krist any, agŋ eke wel awlm Nyam ec'agŋ ab em, ke anm sinm a feŋ eke Nyam ewar a e low em, ɔnym low ɔmn kaka, ke uwm Nyam any el ec'eb ir em wus af aŋa.

¹³Gbekɔ sica, Krist ab ec'af okr ab em, ɔny eke lɛŋŋ ab em kpabr es a, lɛŋŋ na em a, Krist eci mebl a ɔŋ ɔny okar af.

¹⁴ƐƐ, in l'el ey ec'erm es ey. Li kok Jwifel lel agŋ ek'elm Jwifel ab ab el agŋ nyam coco. Li bubm sifn e lakp a eke cec el ab es, in eci sos megl a eke li wawr egb oliŋ af ab em.

¹⁵N'ɔny Mois ec'ol a ec'es ew a lel ow ec'ów kpeti kpeti ab ab l'owr es. Etŋ Jwifel lel agŋ ek'elm Jwifel ab ab, li kok wel el agŋ nyam coco ek'okr af in ab, etŋ eben a ow el erm es ey.

¹⁶In ec'olikiŋ af e luw ab em, n'ɔny Jwifel lel agŋ ek'elm Jwifel ab ab l'okr af el sos megl nyam coco etŋ n'ɔny l'okr wel em Nyam ab, etŋ eben a l'ibi ifanin.

¹⁷Ow am yeŋm eke Krist, erm es ey ec'Amani Mamn e kokoba l'ow l'ɔb l'ok ɔny ek'elm Jwifel ke kpabr es Nyam e lís a, lele Jwifel eke titm Nyam ab ab.

¹⁸Tasi em a, Krist em anake si k'ecr ey feŋ, Jwifel lel agŋ ek'elm Jwifel ab ab, ke s'ótu si titm Nyam ey Ɛs, Abŋ Lala nyam a ce ec'abu elum em.

¹⁹Ow sosiem a, ɔny ek'elmn Jwifel a, elmn etu agŋ ij oglog gbenj ec'agŋ. Kɔ ɔny anŋn Nyam ec'agŋ lala ab em, ɔny ɔw a feŋ ec'abusu etŋ eel Nyam e bosu ab em ec'agŋ.

²⁰Sica ɔny eel êl a ek'in eci misigrer a el Krist ec'erm esel a lele kokoba ɔb esel ab ab a. Etŋ loy em eci lebn tasi a, el Jesu Krist in obi.

²¹Krist ab ec'af okr em anake êl a eci mebn a feŋ b'okr af inym es kikri a. Etŋ in ce li b'ɔŋ êl a agb el Nyamel lala eke Ɛs Kɔtɔkɔ oc ew saw.

²²Eke okar af Krist ab a sosiem anake ɔny yeji anŋn êl a eke wel us ab em a. Etŋ agŋ likpr a feŋ ab, okar af eel êl eke Nyam ecr in ec'Abŋ ab em ir em.

Efes eyŋ e lel 3

Pɔl am ɔb low e lol es Krist em a ec'amani

- ¹Em Pɔl, m'el Jesu Krist e sobel em es, ɔny ek'elmn Jwifel a sosiem eci.
- ²ɔny, m'ɔny ɔmn eke irir juma eke Nyam, in ec'erm mamn ab em abul'm eke mi ki kok ɔny ec'a e low.
- ³L'elu low a eke lol es a ɔkm m'ekn, low a eke mi non ow e low tel ce afr em a.
- ⁴Em e lel a ec'awl em, b'ow ekan elel eke m'uw Krist e lis e low eke lol es ab any a.
- ⁵Low ikɛ a, lagɛ ek'ec ab em a, Nyam elum'n ɔkm yegam ey lagɛel. Kɔ yefenyna em a, l'ecr in ec'Abɛ ab em l'elu ow ɔkm, li yegm in ec'erm esel a lele kokoba ɔb esel lala ab ab eke li sɔsum l'ot l'ok saw a.
- ⁶Kin low a eke lol es a: agɛ a eke elm Jwifel ke okr af Jesu Krist ab Amani Mamn ab em a, b'ow eɛn aja nyam a ce ese Jwifel ab af. -Li b'ow -l'el sos megl nyam ec'agɛ, etɛ low a eke Nyam ewar ew es a -li b'ow -n'anɛ em.
- ⁷Nyam, in ec'erm mamn ab em, ɔɣ'm abusu eke mi k'el Amani Mamn na e juma kok es, in e lec a ec'abu elum em.
- ⁸Em, m'el nawre ub esel ab em ec'egɛ saka sakali. Gbekɔ m'eɛn bibm na eke mi k'ɔb Krist ec'ob ɔny a ek'ɔnym nuɛ a ec'amani, m'ok agɛ a ek'elm Jwifel a.
- ⁹Tasi em a, god'etɛ, Nyam eke el mob mob fɛɛ eci kok es a, lol low a eke li bebɛm l'ew es ab es in em. Etɛ elel eke Nyam b'ow kokr low na eke lol es a e low iy neny a, m'eɛn bibm eke mi ki yegm kpata.
- ¹⁰Ow b'ow ɔɛ etɛ Nyam b'ow ecr Nyamel a eke l'esɛ ab em, n'ɔɛ mob a fɛɛ ek'anɛ afr ke ɔny es ew lel abusu ɔny ab a úw in e sɛwr ab any. Nuɛ em ɔny na Nyam b'elu'l ɔkm sakunda etɛ etɛ em,
- ¹¹low a eke l'ikɛ anym li bebɛm l'ew es god'etɛ a sosiem eci. Low ikɛ na, l'ecr ey Es Kɔtɔkɔ Jesu Krist em, li kok ow iy neny.
- ¹²Ey eke s'okr af Krist ab ke s'ub'r nawre a, sica abusu eru ey es eke si k'owl abu s'im Nyam ec'any af ɔmn em.
- ¹³Na sosiem anake m'am nɔɛn ɔny ek'em e gbre e m'am egɛ m'eb ɔny sosiem a, k'owrm ɔny sos es a. Tasi em a, ow b'ow el ɔny ec'anygbɛɛn ligbɛl.

Krist ec'erur a

- ¹⁴Ow sosiem m'am ok ɔwrɔkp wus Nyam ey Es ec'any af,
- ¹⁵in em eke bosu fɛɛ ek'anɛ afr lele wus ab anɛ a.
- ¹⁶M'am nɔɛn'n ek'in ec'anygbɛl e gbrenɛgbi eke l'ij ab em, li k'ecr in ec'Abɛ ab em n'ɔɛ ɔny lec inymn es kikri ɔny ec'erm ab em.
- ¹⁷Ke Krist ír ɔny ec'erm ab em ɔny ec'ɔmn a sosiem, yec'etɛ ke ókr min erur em, ke ɔny nimum a sígr es erur ab em.

¹⁸Etɛ b'ow ɔnyn abusu, ɔny lele Nyam ec'agɛ lala a fɛɛ ab, ɪrir mɛwɪl ɛm tasi Krist ec'erur a ec'es ar, sofu, sigb leɪ ow e sibn ab ab.

¹⁹Ɛɛ, m'am erur eke k'uwɪ Krist ec'erur ab any, eke l'agb l'akm low fɛɛ ek'ɛɛɛ ɔtu eke k'uw any a yeji, yec'ɛtɛ ke ɛɛɛɛ Nyam ec'owɪ anɛ a, ke l'ɪr ɔny ɛm nimum.

²⁰Nyam e lec a am kok juma ɛy ɛm ɛtɛ eke si b'ibrm'n low a, l'ɔtu eke li ki kok ow afɛ es! In e lec a agb akm yec'a e s'ɔtu eke si ki tutɪ a.

²¹Anygbɛɪ ɛɪ in eci, in e Nyamel ab ɛm lele Jesu Krist ɛm ab akpo akpo fɛɛ lele segɛ fɛɛ ab! Amen.

Efɛs ɛyɛ e lɛɪ 4

Krist ɛm ec'af okr

¹Ɛm eke m'el sobel ɛm ɛs Ɛs Kɔtɔkɔ sɔsiɛm a, kin yec'eke m'am ok ɔny mɛrm sabu af mi dad ɔny: ɔny eke Nyam ɛɛɛ ɔny a, ɔnyn es an ek'ot ɔny ec'ɛɛɛ ab es.

²Segɛ fɛɛ ɪsr es, ɛɛɪ frɔrɔ, ɔnyan sos es low ɛm, ɛɛɛɛ ɛɛɛ ɛɛɛ ec'eɪɪ eke anɛɛ a ebr erur ɛm.

³Àtar sos es ucur af okr a eke Abɛ Lala b'ɔɛ ɔny a ɔnyn es, ɛrm es ɛy a eke b'ɔny okr ɔny af ɔny ɔfr ɛm a;

⁴anɛke Nyam kok sos meɛɪ nyam, n'ɔɛ ɔny Abɛ Lala nyam, ɛtɛ low ɔmn nyam ɛm cɛ l'ɛɛɛ ɔny.

⁵Etɛ ɔnyn Ɛs Kɔtɔkɔ nyam, ɔmn nyam lele mij ok nuɛ nyam ab,

⁶Nyam nyam cɛ eke el agɛ fɛɛ ec'Ɛs eke ɛw fɛɛ es, bi kok low fɛɛ agɛ fɛɛ ɛm, ke ɪr agɛ fɛɛ ɛm a.

⁷Gbɛkɔ ɛy ɛm ec'ɛɛɛɛɛ nyam nyam ɛɛɛ in ec'ob ap ek'it a, ob ap ab ɛm eci yec'a eke Krist ɔnyn'n ɛrm mamn ɔɛ'n a.

⁸Kin yec'eke Nyam Lɛɪ dad: Eke l'uyu afr kponɛ ɛm a, l'ot sobel ɛm ɛɛɪ ab n'im; ɛtɛ li cɛc agɛ sob ap.

⁹Kɔ l'uyu afr a, in ec'iri tasi a el bogɛ ec'ee? Ow am yeɛm eke l'ikɛ anym l'us es n'im ɛsr ɛm a, ek'el wus af anɛ a.

¹⁰Etɛ ɛɛɛ a ek'us es a, in cɛ l'el ɛɛɛ a ek'uyu afr kponɛ ɛm a, yec'ɛtɛ ke li fáf es l'eb wus na nimum.

¹¹In anake li cɛc ob ap ek'it a n'ɔɛ agɛ, ke ow ɔɛ agɛ beb el Krist ec'ɛrm ɛɛɪ, beb el kokoba ɔb ɛɛɪ, beb el Amani Mamn a ec'es ɔmun ɛɛɪ, beb el pasterɛɪ oglog low yeɛm ɛɛɪ a.

¹²Li cɛc agɛ amua sob ap amua, yec'ɛtɛ ke wɛɪ ɔɛ agɛ lala a ek'el Nyam ec'a úw juma e ki kok, ke ɔɛ Krist e sos meɛɪ a imn anym ec'ab any.

13Nene anake ey feŋ si b'ow s'ony ɔmn lele Nyam ec'Iy a ec'any uw nyam coco ab a. Etŋ si b'ow s'el agŋ ek'ony ɔmn ek'usu etŋ si b'ow s'agb s'anŋ ese el el eke Krist anŋn ab af.

14Sica si k'ow s'elm ey abu em ij. Si k'ow s'anm ese mijetŋ gɔŋni eke okij e mra am ɔny wɔwl usu feŋ eke l'erur ab af ij. Etŋ si k'ow si yeŋm sow tutr yadŋ eci lef a elulm ey, ocm ecm ey usu feŋ ij. Agŋ k'ow ɔtum irmnm ey el eci meju ab em ij.

15Etŋ eke si bi dad low nenyembri nyam erur em, si b'ow s'agb feŋ em s'imm Krist ek'el nuŋ a ogŋ.

16In em anake sos ogog ogog a feŋ b'inym es kikri, ke b'okr af a. Sos ngigŋnel usu nɔnɔ b'ɔŋ sos megl a nimum ókr af, etŋ eke sos ogog nyam nyam feŋ bi kok in e juma ek'it a, sos megl a nimum b'agb etŋ b'ony lec erur em.

Krist em ec'eb ir owr

17Kin low yec'a eke m'am dad, ke neny am at'm es mi dad Es Kotoko e nin em a: ow itm eke k'aan es ese Nyam any uwm esel eke b'us el e sow tutr eke low kaka anm em a jam a.

18Tasi em a, el e nuŋ em ɔny a anŋ ncebŋ em etŋ sel eŋn a eke Nyam b'ɔŋ agŋ a, -n'onym el eci kaka anm em, aŋke -l'uwm ow e low kaka any etŋ -n'ony erm tuɔtuɔ yeji.

19-L'irmn agŋ em ec'eb ir a e mewl a feŋ, -l'ocr el sosi -l'elu es an keskes em etŋ -n'am kok sikpl owi feŋ eke b'aw el a.

20ɔny, ow elm nene wewrnm Krist eci any uw a!

21ɔny, nawre tasi em irir in e lís e low feŋ etŋ wel yeŋm ɔny low nenyembri nyam ek'anŋ Jesu em a.

22Eke ow el ebeŋ a, igŋn ɔny ec'eb ir sig a elul es. Ləŋŋ ab em a, eel agŋ eke meju ec'ów aw iy em ke am ŋuŋn. Ow sosiem, el el a eke anŋnin ləŋŋ ab em a, ow it eke k'igŋn elul es ese mob sus em sig af,

23ke yebr wel itŋn ɔny nimum ɔny ec'erm em lel tutr em ab,

24ke ese mob sus em owr eke wel bi sus af, éel agŋ owr. Eŋŋ owr ikŋ na wel kok'r ese el el eke Nyam erur ab af. Low nenyembri nyam b'ɔŋ'n l'el nyim nyim lele lala ab.

25Na sosiem, igŋn yadŋ ɔny elul es, ke ɔny em ec'egŋ feŋ dád lawl low nenyembri nyam em, aŋke ey feŋ s'el sos megl nyam ec'agŋ.

26Eke batŋ erm am ebl ɔny, kì kokr sikpl; kì yebr toŋ ləŋŋ es ew k'éŋan ɔny ec'erm bebl a.

27K'egbr agn usu kaka feŋ es ɔny em.

28Ke eŋŋ eke b'iy mil a, élu mil iy ab es; ke kók juma nenyembri nyam em in obi e sabu ab em, yec'etŋ ke n'éŋn ob l'elum es abur esel abu.

²⁹Odad ñuñ kaka k'áññ òny nenyim k'ey òkm; kò dàdr low akpal e sodad eke b'elum low abu, ke b'atr òny lawlél sos es óñ el lec a, yec'etñ ke sodad eke b'ow dadr a él low mamn agñ eke b'ow iri a eci.

³⁰K'òwar Nyam ec'Abñ Lala a ek'òñ òny a sos es, añke in anake Nyam oc'r òñ òny esé meny ewr af a. Etñ meny ewr na b'òñ òny ónyñ òmn eke legñ nyam, Nyam b'ow sòg òny nimum òny e sikpl ab em.

³¹Low ñuñ fèñ ek'egñ kok òny a, k'èbr k'ewr es òny ec'erm ab em. K'ùcur lokm es, k'èbal erm; ke likekr owi, wewr owi lel ów eñuñ fèñ ab óc es òny ec'araññ.

³²Ke egñ egñ ákpl lawl eci, ke sòññ ikñ íy òny erm em gbòñ. Ke áparir low esé elel eke Nyam ap òny low Jesu Krist sosiem ab af.

Efés eyñ e lèl 5

Usuayl em ec'eb ir

¹Sica eke eel ey eke Nyam b'erur a, àtar sos es kokr esé in af.

²Ke òny ec'eb ir a él erur em, ót Krist ec'erur ek'òny ey eci ke oc in e sel irmn ey sosiem, esé ob ap lel egb waw ab ek'ow eci sòsñ mamn a akpl Nyam sos em ab af.

³Òny eel Nyam ec'agñ lala a, ow sosiem òny ogñ a, ów anñ ek'itm eke k'anñ òny ec'araññ, esé: yow kaka fèñ ab ec'erum ab, low fèñ ek'áyalm egñ eci kok, éruur eke ñ sòny cè k'òny ob fèñ.

⁴Ow akplm yej'eke kí dadr és odad, nyamb odad lele sodad eñuñ ab. Kò ow tasi eke ki kokr a el ke dádr odad elul Nyam bia.

⁵Kin yec'ek'it eke k'uwr any: agñ a eke b'erum yow kaka fèñ ab oglog bi kok low fèñ ek'ayalm egñ a, k'ow eñnm aja kakali Nyam lele Krist ab eci gbrenjbi usu yogñ. Ebn neny nyam ow b'ow el agñ a eke b'erur eke k'òny ob fèñ el sòny cè ec'a, añke éruur eke k'òny ob fèñ ñ sòny cè a, anñ esé sinyam yadñ e nuñ ign af.

⁶Ke egñ kaka k'írmnm òny meju e sodad ebl òfr òfr em. Ów amua sosiem anake Nyam ec'erm bebl a b'ow ok agñ a ek'égnm eke k'elum'n ab af a.

⁷Kì kokr esé el ec'ab af!

⁸Legñ ek'ec ab em a, anñ ncebn em, kò jam aña ek'okar af Es Kòtòkò ab a, anñ usuayl em. Ow sosiem, àan es esé agñ ek'el usuayl ec'ey af gòñ,

⁹añke usuayl b'òsu ey ek'el ów amamn kok, ów nyim nyim lel nenyembri nyam em ec'ów ab.

¹⁰Àtar sos es uwr low eke b'akpl Es Kòtòkò sos em ab any.

¹¹Ów a ek'el ncebn ec'a ósum ey amamn kaka. Ow sosiem k'àññ ow e low em, kò kòkr el ec'ów a ók òkm.

¹²Tasi em a, ów a ek'agñ amua bi kok es lól em a eci dad b'òny és.

- 13Gbəkɔ low yec'eke wɛl ɛlu ɔkm a, sos b'ɛru es usuayl ɛm tasi;
- 14ɛtɛ sica low yec'a ek'anɛ usuayl ɛm a, b'ɛwl el usuayl. Na sosiɛm anake wɛl dad ninɛ: «D ek'am ɛru mɛmn a, ɔfɛm es. Ànɛ agɛ ek'uw a ec'araɛn igb, ke Krist ɛjn in ec'usuayl a ok'ɛ af.»
- 15Èwr ɛrm ɔny ec'es an ab ɛm. K'ir eb nyamb ɛm, kɔ ir eb ɛsɛ ɛsɛwru
- 16eke b'uw any kok low wanci fɛɛ ɛm eke Nyam b'ɔɛ ɛl ab af, aɛke sɛɛɛ a eke s'anɛ ɛm a akplm.
- 17Na sosiɛm k'èel anyambu, kɔ òkr nuɛ ɛm es senyn senyn irir yec'ek'el ɛs Kɔtɔkɔ ec'erur a.
- 18K'ègɛn mar k'ɔny ɔny: mar ɛɛɛ bi nɛɛn ɛɛɛ; kɔ yèbr Abɛ Lala iy ɔny ɛm gbɔɛ.
- 19ɔny ɔfr ɛm a, àtarir sos es selu ebl ɛm, Nyam ɛj ɛm lel ɛj ek'Abɛ b'ɔɛ ɔny ab ab ɛm, ègɛn kɔklm ec'ɛj ɔny ec'erm fɛɛ ɛm ɛs Kɔtɔkɔ eci.
- 20Òɛn ɔny ɛs Nyam bia sɛɛɛ fɛɛ low fɛɛ eci, ɛy ɛs Kɔtɔkɔ Jesu Krist e nin ɛm.

Egɛ ɛyɛl lel ɔyɔw ɛcɛl ab ec'ów ɔm

- 21Ònyn es is ɔny ɔfr ɛm Krist ec'elum ek'ɔnyn a sosiɛm.
- 22Egɛ ɛyɛl, ɔnyn es is ɔny ɛcɛl eci ɛsɛ elɛl ek'ɔnyn ɛs Kɔtɔkɔ ec'ab af,
- 23aɛke igɛ el in e yɔw a ec'es ɛw, ɛsɛ elɛl eke Krist el Nyamel ec'es ɛw ab af. Krist in obi el Nyamel ek'el in e sos meɛl a eci sɔg es.
- 24Na sosiɛm ow it eke egɛ ɛyɛl k'ɔny es is low fɛɛ ɛm ɛl ɛcɛl eci, ɛsɛ elɛl eke Nyamel b'ɔny es is Krist ec'ab af.
- 25ɔyɔw ɛcɛl, èrurir ɔny ɛyɛl ɛsɛ elɛl eke Krist erur Nyamel toɛ ke l'oc in e sel a l'irmn ow ec'ab af.
- 26L'erur eke ɛben a, li k'ɔɛ Nyamel el ob ek'it eke k'el Nyam eci, eke l'ayal ow mij ɛm lel odad ebl ɛm ab a,
- 27aɛke l'erur eke li k'ɛlu Nyamel ɔkm in obi in obi ec'any af, ow e sakpl a fɛɛ ɛm, ow ɛl ob lala ek'ob kaka itam ɛm, ɛwm duɔduɔ ke ɔnym abr ɛnym kaka fɛɛ.
- 28Nɛnɛ anake ow it ek'ɔyɔw ɛcɛl k'erur ɛl ɛyɛl ɛsɛ elɛl eke -li b'erur ɛl obi e sos meɛl ab af a. Egɛ yec'eke b'erur in e yɔw a, b'erur in obi in obi.
- 29Tasi ɛm a, lɛɛɛ kaka ɛɛɛ ífɛm in obi e sos meɛl a, kɔ ob ij li b'ɔɛ ow, li kok ow e lís e low fɛɛ sɛɛɛ fɛɛ sɛj ɛm, ɛs'elɛl eke Krist bi kok Nyamel ec'ab af,
- 30aɛke ow el in e sos meɛl ek'ɛy fɛɛ s'anɛ ɛm.
- 31Nyam Lɛl ɛm a, wɛl b'awl eke: Na sosiɛm anake igɛ b'ow nɛɛn ɛs lele lis ab ec'akɛ, ke l'òkr af in e yɔw ab ab -l'el sos meɛl nyam a.

³²Low na eke lol es a agb nɔnɔ etɪ em, m'am dad ɔny ek'ow el Krist lele Nyamel ab e low.

³³Gbɛkɔ ow el low ek'ony yeji ɔn ɔny es: ke yow ɛc fɛɲ ɛrur in e yow ɛsɛ in obi af, ke igɲ ɛy fɛɲ yeji ɛlum in ec'igɲ a.

Efɛs eyɲ e lel 6

Ey lel ɛl ec'agɲ eke ew ɛl ab ab

¹Ey, ɛlumɔn ɔny ec'agɲ ek'ew ɔny a ɛsɛ eled eke ɛs Kɔtɔkɔ erur ab af; na ɔny e low eke ki kokr.

²ɛlum asɲ lel esɲ ab anake el ol ab em e krɛkrɛ eke Nyam ɔɲ agɲ ke low ɛwar anɲ af a.

³Etɲ kin low ɛwar a: yec'etɲ ke ɔny sos em inɲ em ke ij usu wus af aɲa.

⁴Ey ɛsɛl, k'ɔny ɔny ec'ey a k'ony erm bebl. Kɔ gbɔgbal ɛl, yeɲgmɔn ɛl low ke ɔmn ɛl ɔw ɛsɛ eled eke ɛs Kɔtɔkɔ erur ab af.

Madu lel ɛl ec'agɲ ek'ɔnym ɛl ab a

⁵Madu, ɛlumɔn ɔny e wus af aɲa ec'es ew ɛsɛl a, muru em, ɛlum em lel erm nyam em ab ɛsɛ eled eke b'elumɔn Krist ab af.

⁶Ow elm eke -li b'ew ɔny nyamɔn af a cɛ, kɪ kokmɔn ɛl e lɪs e low mɛwl em, yec'etɲ ke -l'aw ɔny, kɔ ɛlumɔn ɛsɛ Krist eci madu eke bi kok erm nyam em juma fɛɲ eke Nyam b'erur ab af.

⁷ɛɛ! Erm frɔrɔ em ki kokr ɔny ec'es ew ɛsɛl a eci juma, ɛsɛ ɛben ɛs Kɔtɔkɔ eci juma ɔny am kokr af, kɔ ke ow k'ɛlm ɛsɛ agɲ ec'af.

⁸Sica yec'eke k'ɔkan a el: ke ɛl adu oglog lewi, low nimamɔn a eke kok a ec'ob ap a eke k'ɛbm'ɲ a, ɛs Kɔtɔkɔ b'ow ɔɲ.

⁹ɔny es ew ɛsɛl ek'ɔnymɔn madu ab a, ɔnyɔn es an nɛny nyam a ɔny eci madu a e lɪs; ɔny k'ɔrɪr ɛl abr. Sica ɔkan ek'ony lel ɔny e madu ab ab, Es ɛw ɛs nyam cɛ ɔnyɔn, in eke n'anɲ afr ke l'ijm ɲgoprɛ low eke li bi kok n'ɔɲ in ec'agɲ ab em a.

Ar ogɲɔn e mob eke Nyam ɔɲ ɛy

¹⁰Sica uwar em ec'eke m'am dad a el, ke ɛbr lec ɛs Kɔtɔkɔ ab ec'af okr em, in ec'abusu ligbɛl ab em.

¹¹ɛwr Nyam ec'ar ogɲɔn e mob a fɛɲ eke ɔɲ ɔny a sos, yec'etɲ ke ɔtur akmɔn agɲ eci mɛju a fɛɲ es,

¹²aɲke ow elm agɲ eke si b'ekn any af ab ab si k'ow s'ogɲɔm ar a, kɔ ow el mob fɛɲ ek'ony lec ɛɲɲ ke ɔny es ew lel abusu ab a. ɛy ec'ar ogɲ a b'ow el lec fɛɲ ek'el nɛbn em ec'ab ab, lele abɲ ɛɲɲ ek'ony abusu ke anɲ lef em ab ab.

¹³Ow sosiem a, ɛwr Nyam ec'ar mob fɛɲ sos, yec'etɲ ke wanci ɲɲ fɛɲ af, ɔtur inymɔn es kikri ifnu ec'any af, ke b'ogɲɔn ar a ba ow b'uwr a, ke ɛmɛny inymɔn es lec ab.

- 14** Kin eled eke ki bebmn sos ar ogn a eci: ke low nenyembri nyam áññ esé ɔny eci meb er em eke k'egñn af, ke es an nyim nyim él ɔny ec'ar mob sus em eke k'ocr ewr er af;
- 15** ke ɔny eci gbragbra kok erm es ey ec'Amani Mamn ob em a, él ɔny eci cɔkrukpo eke k'anñ ɔny akr em.
- 16** Ke ɔny ec'ɔmn a áññ esé ɔny ec'erkpo af, élum ɔny abu irmnin agn low ñuñ es eci sibirin a, ek'al b'anñ neny af ke b'owl im ign ob ab es.
- 17** Òcr sel eññ áññ esé ɔny eci kpokpo tufe af, ke Nyam odad áññ esé ɔny eci lab any yony ek'Abñ Lala ɔñ ɔny af.
- 18** Ów amua feñ ìbrmn Nyam, Nyam ñoññ em. Ee, ñoññ Nyam low feñ em Abñ ec'abu elum em. Ke low na nuñ af, any ók ɔny es ke áñññ cee kok em. Ìoññ Nyam in ec'agn lala a feñ yej'eci;
- 19** em yeji ñoññ Nyam em eci, yec'etñ ke Nyam élum in ec'odad ebl a neny, ke m'ony lokm susu mi dad low a eke lol es Amani Mamn ab em a.
- 20** Eke m'anñ sobel em yeji, m'el Amani Mamn a eci lebl elu es. Ow sosiem ñoññ Nyam ke m'ony lokm susu mi dad es'eled ek'ow it ab af.

Esññ es abal el

- 21** M'erur ek'ony yeji k'uwr em e lís e low any, ke úwr low yec'eke m'am kok a yej'any. Tisik ek'el egn lisijim lel egn lawl mamn ab, ke am kok Es Kɔtɔkɔ e juma cee em a, b'ow ɔñ ɔny amani a feñ.
- 22** M'am erm'n l'ow ce eke li ki dad ɔny ey e lís e low, ke l'átr ɔny sos es.
- 23** Ke Nyam lel ey Es Kɔtɔkɔ Jesu Krist ab óñ agñ lisijimel a feñ erm es ey, erur lel ɔmn ab!
- 24** Ke Nyam ec'owrɔ a áññ agñ a feñ eke b'erur ey Es Kɔtɔkɔ Jesu Krist ab ab, erur a ek'onym itññ ab em.

Filip eyη e ləl

Filip eyη e ləl 1

Ɛsηη

¹Pəl lele Timote ab, ek'el Jesu Krist ec'ɔbowi a, e ləl ek'am awη Filip baηη e Nyam ec'agη ek'annη Jesu Krist ab, Nyamel ec'idr ɛsəl lele diakrel ab.

²Ke Nyam ey Ɛs lele Ɛs Kɔtɔkɔ Jesu Krist ab ɛdη ɔny ɔwrɔ ke ɔη ɔny erm es ey.

Pəl am ɛlu Nyam bia

³Mi b'ɔη Nyam bia sakp sakp fɛη eke mi b'ɔkn ɔny e low a.

⁴Sɛgη a fɛη e Nyam eke mi bi ηɔηη m'ɔη ɔny a, sos ɛm iηη ɛm mi bi ηɔηη,

⁵Amani Mamn a ec'elel ek'elumn'm abu mi mɔmun es lɛgη krekre ɛm ɛtη toη iηη yɛfɛnyna ɛm a sosiem eci.

⁶M'uw any tasi eke Nyam ek'ɔb nuη am kok juma mamn na ɔny ec'erm ab ɛm a, b'ow ucu ɔny es toη iηη nuη, toη ow ɔk lɛgη eke Jesu Krist b'ow ow a.

⁷M'ɔny low ij, eke m'ɔny tutr nɛnɛ ɔny fɛη e lís. M'oc ɔny ɛm ec'erm fɛη ɛm, aηke ke ow el ηgbraka ɛm eke m'annη, ke ow el lɛgη a eke m'ɔny abusu eke mi ki dogηη, ke m'ɔmun Amani Mamn ab es a yeji, ɔny a fɛη ɛηan Nyam eci bibm a ɛsɛ ɛm af.

⁸Ɛtη Nyam ij ɛm e danηku eke ɔny fɛη m'erur ɔny tasi, ɛs'elel eke Jesu Krist ɔny erur ligbəl ɔny ec'ab af.

⁹Ɛtη ow eke m'am ibrm ɛm e ηɔηη ɛm a el: ke erur na ek'ɔnyη a ágb afηη es, ke ow ɔη ɔnyη low any uw lele nuη ɛm ɔny ab,

¹⁰yec'ɛtη ke úwr ów tasi eke el nawrɛ ab any. Ow b'ow ɔη ayal, abr ɛnym k'ánm ɔny lís, lɛgη a eke Jesu Krist b'ow ow a,

¹¹ɛtη ów amamn eci ey eke wəl b'ɛηη Jesu Krist ɛm a, b'ow ok ɔkm ɔny ɛm; ke ow ɛl Nyam ec'anygbəl lele kɔklm ab.

Jesu Krist el sel ɛηη

¹²Sica lisijimɛl, m'erur eke k'uwɛr any eke es abur na ek'ɛηη'm a, tasi ɛm a, ɔη Amani Mamn a imn anym eci,

¹³aηke sica agη a fɛη ek'annη es ɛw ɛs a e gbugη a lele susu ɛjɛc'ab a uw any eke Krist sosiem m'annη ηgbraka ɛm.

¹⁴Ɛtη agη lisijimɛl nɔnɔ ec'ɔmn ek'ɔny Ɛs Kɔtɔkɔ ɛm a obn, ηgbraka na ɛm eke m'annη a; ow ɔη ɛrηη ɔnym el ɛtη lokm susu ɛm -n'am dad Nyam ec'odad.

¹⁵Nawrɛ tasi ek'el ɛm ec'agη nyam nyam, ɛm sosiem, b'ɔb Krist ec'Amani a ηkre ɛm, ów es atar ɛm, ɛbɛn yeji, likpr b'ɔb Krist ec'Amani a erur ɛm tasi.

- 16 El akpasu a, -li b'ob Krist ec'Amani a erur em, anke -l'uw any eke em eci sobel em anja eke m'anj a, el Amani Mamn a e doghn eci.
- 17 Etnj el a eke b'ob Krist ec'amani a sow tutr enjnj em, em eci njkre ognj em a, el e tutr a el, ke -l'obn em e gbre ij a sobel em anja eke m'anj a.
- 18 Yeji ofr ofr! Ek'el eci sow tutr a el enjnj oglog amamn yeji, em e sos em injn a el: Krist ec'amani a ec'a, wel am ob etnj ow b'ow injn'm sos em segnj fej,
- 19 anke m'uw any eke ony e Nyam njnjin lele Jesu Krist ec'Abn Lala ec'abu elum ab ab, b'ow el em eci sog.
- 20 Sica ese elel eke m'am eku ke m'am onn tasi a, mi k'eknm low yec'eke k'onj'm es. Ko ke ow el sicaca oglog ke ow el segnj fej, m'onj onn tasi etnj mi b'ow m'elu Krist eci sagb a okm em ec'egnj el fej em, em ec'owr anj em oglog em e luw em bobo yeji.
- 21 Em ec'a, tasi em a Krist anake el em e sel a, etnj luw el em eci njgrusie.
- 22 Gbeko ek'ow it eke mi k'anj owr ke mi kok juma mamn, ke mi k'uw m low yec'eke mi ki sosum m'oc ab any.
- 23 M'anj sow tutr yony ec'aranj: m'am erur eke mi k'uw ke m'im m'anj Krist ab, na anake akpl afjn es a.
- 24 Gbeko ow it ke m'anj owr sos megl em ony e nimamn eci.
- 25 Ca m'uw any tasi nj! M'ow m'anj owr, mi b'ow m'ir ony fej ab yec'etnj ke ow elum ony abu iman anym eci, ke onyn sos em injn onn em.
- 26 Ke legnj eke emeny mi b'ewl m'ow m'ejn ony a, ony e sos em injn a eke onyn Jesu Krist ab ec'af okr em a, agb nono.

Krist ec'Amani Mamn ab af ec'es an

- 27 Gbeko ow e tasi a ce el: ke aan es nyim nyim Krist ec'Amani Mamn ab af, yec'etnj ke, eke m'ow m'ekn ony etnj m'owm yeji, m'iri ek'inymn es kikri etnj okar af ow tutr nyam em, etnj am doghnin low abn nyam em, onn ek'Amani Mamn nj ony a eci.
- 28 Ki yebr ony ec'efnu a akunda kaka fej em k'onj erjn k'onj ony; low na b'ow yegm el eke -l'irm nj, ke ony ec'a, ow yegm ony ek'anjn ony e sog ec'abr af; etnj ow el low ek'anj Nyam ognj ow,
- 29 anke Nyam nj ony bibm eke k'ubr Krist nawre, etnj ow elm na ce ko ke emeny injr in e gbre yeji.
- 30 Sicaca em a, ony lel em ab anake s'okr af s'am doghn low a. Low doghn nyam a ce eke legnj ek'ec ab em mi doghn, ke emeny m'am doghn ese elel ek'owr any ab af a.

Filip enj e lel 2

Krist ec'es is lel in e sagb ab

¹Ɔny ec'omn ek'onyn Krist em a b'onj ony læc ee? In ec'erur a b'atr ony sos es ee? B'okar af in ec'Abj Lala ab ab ee? B'onyn sɔnj ikj lel erm mamn ab ony ɔfr em ee?

²Eke ow el eben, ke m'am ibrm eke k'onj'n sos em injn tasi ony e neny af okr em, ke ɔny erur nyam, ke okar af erm em lel ow tutr em ab.

³Ki kokr low kaka em bubr ec'abj em oglog eke agj k'ekn ony eci, kɔ es is em, òcr ony lawlel esɛ agj eke igbl ogj akm ony af.

⁴Ke egj kaka k'ól in sɔny coco e nimamn es, kɔ ke egj egj ól lawlel yej'ec'a es.

⁵Ɔny ɔfr em a, onyn es an esɛ el el eke agj eke b'uw Krist any a bi kok ab af.

⁶In, n'anj esɛ el el eke Nyam anjn ab af, anke god'etj l'el Nyam. Gbɛkɔ l'egjm l'atm bebmn ikj na e low any.

⁷Kɔ in obi em, li wal low fɛj eke n'onj a l'elu es, l'ocr in sosi libowi, l'el egj ɔfr ɔfrli agj ec'araɲn, etj agj a fɛj ekn'n esɛ egj cɛ af.

⁸L'egj in obi em l'eb eke li k'ir eb es is em, etj l'elum Nyam toj l'igj luw em, olikj af e luw em bɔbɔ yeji.

⁹Es is na sɔsiem, Nyam ony igbl'l ogj, ew'r low fɛj e nuj af etj onj'n nin ek'agb akm nin fɛj.

¹⁰Ow b'ow onj ob ob fɛj eke anj afr, wus af aɲa lele onnes ab a, ok ɔwrɔkp wus eke -li b'iri Jesu e nin a.

¹¹Ke neny neny fɛj kóklm eke Jesu Krist el Es Kɔtɔkɔ, Es Nyam ec'anygbel eci.

Jèjan esɛ mrabri af wus af aɲa

¹²Na sɔsiem, erur em ec'agj lawlel, esɛ el el eke sɛgɲ fɛj b'elumn Nyam ab af, ùcur onyn es eben ke kókr juma ony e sel a eke eɲan a eci, muru em lel elum em ab, ke ow k'élm em ec'any af cɛ, kɔ em e jam jam yeji,

¹³anke Nyam in obi li b'onj ony low egj eb lele ow e kok ab ec'abusu esɛ el el eke li bebmn ab af.

¹⁴Low fɛj eke b'ow kokr a, k'élm abr eny em lele ów es kpakpab em ab,

¹⁵yec'etj ke éel agj eke abr enym anm lís ke ayl, Nyam ec'ey eke onym wɛwr, ke ir agj eke ony enyembri yony yony lele ów eɲɲ ab ec'araɲn. Ow it ke ám jejan el ec'araɲn esɛ mrabri af,

¹⁶anke onymn sel eɲn ec'odad ab ab. Eke bi kokr eben, m'b'ow m'onj sos em injn ony eci, lægɲ eke Krist b'ow ow a, anke ow b'ow yegm'm eke ow elm ɔfr ɔfr m'urum es, m'ijm gbre mi kokm juma.

¹⁷Ow k'odm ke em e mebl a ok es, él egb waw eke wel kok am igj ony ec'omn eke onyn Nyam em ab af. Eke ow el eben ow k'ecr a, sos em am injn'm etj m'am cɛc sos em injn ikj na ony fɛj ab.

¹⁸Eben nenyembri nyam, ony yeji ow it eke sos em k'inj ony ke cécr sos em injn ikj na em ab.

Pɔl am ɛrm Timote lel Epafrodit ab Filip baɲɲ

- ¹⁹M'am ɔny tutr eke Ɛs Kɔtɔkɔ Jesu e nin ɛm, lɛɲɲ tel ɛm mi k'ɔɲ Timote ow ɛkn ɔny, yec'ɛtɲ ke m'iri ɔny e lís e low, ke ow átr'm sos es ɛm obi ɛm.
- ²⁰Tasi ɛm a, Timote cɛ anake el ɛɲɲ eke ɛsɛ ɛm af, ɔny e low b'okr ɛrmij, ke bi tutr ɔny e low tasi a.
- ²¹Agɲ likpr a fɛɲ ec'a, el obi e lís ec'ów ec'ɛrmij cɛ -li b'ebr, kɔ ow elm Jesu Krist ec'ów a gbɛ.
- ²²Timote ec'a, uwr any yɛj'eke l'ɛlu in e nawrɛ ij a ɔkm, elɛl eke li kokr juma ɛm ab ɛsɛ iy lele ɛs ab af, Amani Mamm sosiɛm ec'a.
- ²³In anake m'am tutr eke mi k'ɛrm'n l'ow ɔny ogɲ yogɲ kpɛkɲ eke ɛm e lís owi a b'ow ayl'm sos ɛm a;
- ²⁴ɛtɲ m'ɔny ɔmn Ɛs Kɔtɔkɔ ɛm, eke lɛɲɲ tɛl ɛm, mi b'ow m'ow m'ɛkn ɔny ɛm obi yɛji.
- ²⁵Gbɛkɔ mi tutr yɛj'eke ow akpl e mi k'ɔɲ ɛy lisijim Epafrodit eke el ɛm lawl juma kok ɛm lele low dogɲɲ ɛm ab a, ów ɛkn ɔny, in eke ɛrmn in l'ow l'is'm abu ɛlum a eke m'am eku a.
- ²⁶N'am erur tasi eke ɛmɛny li k'ɛkn ɔny fɛɲ ɛtɲ n'am ɔny ɛrmij yɛji, aɲke irir in ec'ɔl a e low.
- ²⁷Nawrɛ, ɔl ɔny'n tasi toɲ ow anɲ tɛl cɛ ke blel l'úw, kɔ Nyam ikɲ'n sɔɲɲ; ɛtɲ ow elm in sosiɛm s'ɔny cɛ, kɔ ɛm sosiɛm yɛj'eci, yec'ɛtɲ ke sos k'ówm im es ɛmɛny obnm na eke ɔw'm es a.
- ²⁸Ow sosiɛm a, m'am ogɲ es eke mi k'ɔɲ'n l'ow n'ɛɲɲ ɔny, yec'ɛtɲ ke ɛmɛny b'ɛkan in a, ow ɔɲ ɔny sos ɛm iɲɲ, ke ɛm eci sos es ɔw a óc es.
- ²⁹Ow akpl eke k'ebr ir sos ɛm iɲɲ ɛm, ɛsɛ ɛɲɲ lisijim af Ɛs Kɔtɔkɔ ɛm. Ow it ke ɔnyɲ agɲ akpasu nɛnɛ a eci sos usr,
- ³⁰aɲke Krist e juma sosiɛm anake blel l'úw a. Ɛtɲ blel l'írmn in ec'owr anɲ a, abu ɛlum a eke ɔtumn eke ɔny obi k'ocr isr'm, ke in l'oc l'is'm ab ɛm.

Filip ɛyɲ e lɛl 3

Ɛɲɲ eke b'ɔny ɔmn Krist ɛm a, el nɛny nyam ɛs

- ¹Sica ɛm lisijimɛl, sos ɛm iɲɲ ɔny eke okar af Ɛs Kɔtɔkɔ ab a. Ɛtɲ ow ɛym'm sos ɛm eke m'am ebr low yec'a eke m'ikɲ anym m'awɲ ɔny ow e lel ab ɛm; ɔny ec'a ow akpl ɛben.
- ²Èwr sos ɛrm juma ɛɲɲ kok ɛsɛl amua, mɔwr amua, eke am ucu yadɲ ɛm e likr es ubr owi ɔny es a e lís!

³Agɲ eke el eci likr es ubr el tasi a, ow ow el ey, aɲke ey si b'igɲ Nyam nuɲ in ec'Abɲ a ec'abu elum em, si b'elu ey e sos em iɲɲ ɔkm Jesu Krist sosiem etɲ s'ocm ey ec'omn a s'elum ów amua eke el agɲ em ec'ów ab em.

⁴Ke m'otu ce eke em yeji, m'óc em ec'omn a m'elu ów amua e kok em. Etɲ eke egɲ nyam ɔny tutr eke ów amua e kok b'ism egɲ bibm ab, ke em tasi anake m'otu eke mi k'ony tutr akpasu na a.

⁵Em, wɛl ubr'm likr es eke wɛl ew'm bake ow ij sɛgɲ niwn a. Em, Israɛl iyli tasi mew em etɲ, Benjamɛ ec'eb em ec'egɲ, Ebre e liy mebl em etɲ. Yec'eke el Jwifɛl ec'ol ec'elum ec'a, ke em Farisiɛl ec'ogog m'anɲ;

⁶etɲ em ec'ol ec'elum ligbɛl eke m'ony a, ɔɲ'm m'ijr agɲ ek'el Krist ec'a gbɛɛ. Sica yec'eke el ol e jej ok nɛny nyam em a, m'onym abr enym kaka.

⁷Gbɛkɔ, ów amua fɛɲ eke mi lɛr ɛsɛ ob ɔny tasi af a, Krist sosiem a, sica m'am lɛr el ɛsɛ ów ɔfr ɔfr ek'onym any af.

⁸⁻⁹Jesu Krist em ɛs Kɔtɔkɔ ec'any eke mi k'uw a, anake el low tasi eke ɔny any a. Em e tutr em a, low fɛɲ eke wɛl b'ɛɲɲ a, elm low kaka Krist ec'any uw a ec'any af. Krist sosiem, m'igɲ fɛɲ m'elu es. M'ony Krist anɲ em ab, ke m'ókr af in ab a sosiem, m'am lɛr ów amua fɛɲ ɛsɛ lirɲ af e suw af. Ow elm ol e m'am elum a sosiem m'elm low nɛnyembri nyam ɛs, kɔ omn eke m'ony Krist em a sosiem. Nyam anake b'ɔɲ egɲ el low nɛnyembri nyam ɛs a, etɲ egɲ eke b'ony omn in em a, li b'ɔɲ ow ow el nɛny nyam ɛs.

¹⁰Low a ce eke m'am erur a el: ke m'úw Krist any, ke m'úw abusu a yeji ek'ɔɲ'n l'igb luw em ab any. Etɲ ow eke emɛny m'am erur a el: ke m'ij gbɛɛ in ab, ke m'úw ɛsɛ in ec'ab af.

¹¹ɛben eke m'am ɔny ɔmn eke batɲ m'uw, ke em yeji m'ánɲ agɲ ek'uw ab em m'igb ana.

Ùru es im ke éɲɲ

¹²Mi dadm m'ɛsmɛ m'ɛɲɲ ow e m'am ɔl ab ɲ, oglog ke mi kok ow iy nɛny ɲ! Gbɛkɔ m'am uru es m'im ce eke mi k'ɛɲɲ es uru a eci labm sɔg a, aɲke Jesu Krist jɛj ɔny'm lɛgɲ a etɲ.

¹³Njɲɲ, agɲ lisijimɛl, mi dadm eke m'ɛɲɲ labm sɔg a ɲ; gbɛkɔ low nyam ce m'am kok: m'ijl low sig fɛɲ es, ke m'átr sos es m'im m'ɛɲɲ ow a ek'anɲ'm anym a.

¹⁴M'am uru es m'im eke mi k'igɲ ow e nuɲ, yec'etɲ ke m'ɛɲɲ labm sɔg a eke Nyam, Jesu Krist em, am ɛsɲ ey eke si k'ɛɲɲ afr a.

¹⁵ɛy fɛɲ eke s'ony ɔmn eke usu a, s'onyn tutr nyam coco na. Ow e jam a, ek'ony em ec'agɲ nyam nyam am ɔny tutr ɛjɛci, Nyam b'ow ayal ow e low ɔɲ ɔny.

¹⁶Kɔ ca, aɲa eke s'ow bake s'igɲ a, s'ébr ebr nyam a ce eke s'eb toɲ ke s'igɲ aɲa a.

¹⁷Agɲ lisijimɛl, ɔny fɛɲ kòkr ɛsɛ ɛm af. Si yɛgm ɔny sɛwl; ow sosiɛm lɛɛr agɲ a fɛɲ eke b'an es sɛwl ikɲ na af a.

¹⁸Mi dad ɔny sakp nɔnɔ yeji ɛtɲ m'am ebr ɛm mi dad ɔny ɔɲn ikɲ ɛm yɛfɛnyina yej'eke: agɲ nɔnɔ anɲ eke el ec'es an a bi yɛgm eke -l'el Krist ec'olikh a ec'efnu.

¹⁹El akpasu na, irm cɛ -li b'ow -l'irm, aɲke el e Nyam el el eci lok a, ɛtɲ low eke k'el ɛs ɔny el a, b'iɲn el sos ɛm. El, wus ec'ów cɛ b'anɲ el nuɲ ɛm.

²⁰Ey ec'a gbɛ, ey ec'ɛb ir usu anɲ afr, ɛtɲ ɛgɲ a eke s'am eku ɛsɛ ey e sɔg ɛs af, eke el ɛs Kɔtɔkɔ Jesu Krist a, b'ow anɲ afr yogɲ ow.

²¹ɛtɲ li b'ow l'itɲn ey e sos megl a eke b'ugɲ es a, ke n'óɲ ow anɲ ɛsɛ in ec'anygbɛl e sos megl ab af, in ec'abusu a eke ow ɛm li b'ɔɲ mob fɛɲ is es in ec'es ɛw a ec'any af a.

Filip eyɲ e lɛl 4

Ów ɔm

¹Na sosiɛm, erur ɛm ec'agɲ lisijimɛl, m'am erur tasi eke ɛmɛny mi k'ɛkn ɔny, ɔny eke eel ɛm e sos ɛm iɲn lɛl ɛm ec'any eb tufɛ ab a; kin elɛl eke k'inymn es kikri ɛs Kɔtɔkɔ ab ɔny ec'ɛb ir ɛm.

²Evodi lele Sentis ab, m'am ɲɔɲn ɔny, m'ok ɔny m'ɛrm sabu af, òkar af ɔny ec'ɛb ir ɛm ɛs Kɔtɔkɔ e nin ɛm.

³ɛtɲ ɲ, ɛm lawl tasi juma kok ɛm, m'am dad'ɲ eke k'elum ɔyɔw yony na abu, aɲke ɛm ab -li dogɲn Amani Mamn a ec'ɔb e low, Klema yeji, lele ɛm e juma kok ɛm ec'agɲ lawlɛl ɛjɛc'a fɛɲ eke el ec'en anɲ sel ɛɲn e lɛl ab ɛm a.

⁴Sos ɛm iɲn ɔny sɛgɲ fɛɲ eke okar af ɛs Kɔtɔkɔ ab a. M'am dadr ɛm, sos ɛm iɲn ɔny!

⁵ɛlul ɔny ec'ɛrm frɔrɔ ɔkm agɲ fɛɲ e lís, aɲke ɛs Kɔtɔkɔ ec'ow a ibnm ij.

⁶K'èbar low kaka ec'ermij, kɔ low low fɛɲ ɛm, ibrmn Nyam ɔny e ɲɔɲn ɛm, low yec'a eke ɔny ow ec'es abur a, ibrmn in ɛrm eke b'ɔkn in e low ab ɛm.

⁷ɛtɲ Nyam ec'ɛrm es ey a eke agb akm nuɲ ɛm ɔny fɛɲ a, b'ow ɔsu ɔny e mɛrm a lele ɔny e sow tutr ab ab Jesu Krist ɛm.

⁸Sica agɲ lisijimɛl, kin yec'ek'it eke k'ɛwr ɛrm af: low fɛɲ eke el nawrɛ ke it eke wɛl k'elum, low fɛɲ eke el low nɛnyɛmbri nyam lele lala ab, low fɛɲ eke wɛl ɔtu eke wɛl k'erur ke wɛl ɛgɲ eb, low nimamn fɛɲ lele low fɛɲ ek'it eke wɛl k'aw ab.

⁹Kòkr yec'a eke wewar ke ebr lele ow eke irir mi dad, ke ɛkan'm mi kok ab ab. ɛtɲ Nyam a eke b'ɔɲ agɲ ɛrm es ey a, b'ow anɲ ɔny ab.

Pɔl e bia ek'am ɛlu Filip eyɲ

¹⁰M'ɛɲn sos ɛm iɲn ligbɛl ɛm lɛl ɛs Kɔtɔkɔ ab ec'ɛb ir ab ɛm, aɲke ɛwal mɛny ɔny ɛm ec'abu ɛlum ec'erur. Abu ɛlum ec'erur ikɲ na ɔny, kɔ abusu anake ɔtumn ɔnymn eke k'elul il ɔkm a.

11Ow elm es abur em eke m'an̄ a sosiem mi dadm nene. Tasi em a, em m'uw any eke ow a ce eke m'ony a odu'm ŋ̄.

12Em m'uw gbre em ec'eb ir any et̄ m'uw ehe em ec'eb ir yej'any. Mi wewr elel eke low fē em lele susu fē ab, mi k'eḡ elel eke m'an̄ a m'eb; ke m'ony m'ij oglog ke m'an̄ namn, ke m'ony nono oglog ke m'ony tel.

13M'otu eke mi k'obr ses babur amua fē, Krist e lec a eke b'oy'm ab em.

14Gbeko, uwr kok eke elum'm abu em e gbre na em a.

15Ony Filip eȳ, uwr any tasi eke leḡ a eke m'ngbon̄ Maseduan a, lakpo ab af eke wel ob nū am omun Amani Mann ab es a, ony ce eel Nyamel eke elum im abu, oy'm os m'otu mi kok em e lis e low a.

16Ow a eke m'an̄ Tesaloni ban̄ a et̄, sakp nono isr'm abu elum ek'it a.

17Ow elm ke m'am ol ob eke wel k'ap'm es; ko ow eke m'am ol es a el, ke ējan ony eci ŋgrusiē.

18M'eȳn mob a fē ek'it a; ow eny af̄n es yeji. M'eȳn mob a fē eke on̄ Epafrodit eke k'oc is'm a, et̄ sica m'ony fē iy'm neny. Ony ec'abu elum a an̄ ese ob ap s̄os̄o af, ese egb waw eke Nyam eḡ eb, ke akpl'l sos em af.

19Em e Nyam a b'ow kok ony e lis e low fē, in e gbren̄gbi ij a ek'ey okm Jesu Krist em a sosiem.

20Anygbel el Nyam ey Es eci, akpo akpo fē. Amen!

Es̄n es abal el

21Es̄nin Jesu Krist em, aḡ a fē eke el Nyam ec'a. Aḡ lisijimel a fē eke an̄ em ab a yeji am es̄n ony.

22Nyam em ec'aḡ a fē eke an̄ āa a, ab brobro aḡ a eke bi kok Sesar e juma a, am es̄n ony.

23Ke Es Kotoko Jesu Krist ec'owro a an̄ ony fē ab!

Kolɔs eyŋ e ləl

Kolɔs eyŋ e ləl 1

Ɛsŋn

- ¹Pɔl, eke Nyam ec'erur em, el Jesu Krist ec'erm es ləl ey lisijim Timote ab, am awŋ
²Nyam ec'agŋ ek'ir Kolɔs baŋn, ke el neny nyam em ec'ey lisijimel eke okr af Krist em a ləl. Ke Nyam ey Ɛs ɛdŋ ɔny ɔwrɔ ke ɔŋ ɔny erm es ey.

Pɔl am ɔŋ Nyam bia

- ³Segŋ feŋ si b'elu Nyam ey Ɛs Kɔtɔkɔ Jesu Krist ec'Ɛs bia eke si bi ŋɔŋn'n ɔny ec'a,
⁴anke wel dad ey s'iri ɔny ec'ɔmn ek'ɔnyn Jesu Krist em ləl ɔny ec'erur ek'ɔnyn agŋ feŋ ek'el Nyam ec'agŋ a ec'ab ab e low.
⁵Eke low nenyembri nyam ec'amani ek'el Amani Mamn, ɔg es ow ɔny ogŋ a, ɔny, irir low yec'a eke Nyam bebɔm ew ɔny es afr a; etŋ ɔny ec'ɔmn ləl ɔny ec'erur ab ucu low eku ikŋ na ɔny es.
⁶Amani Mamn a am eb es etŋ am ɔsu ey wus nimum af, es'eled eke n'am kokr ɔny ec'araŋn læŋŋ a etŋ eke ɔgr es irir Nyam ec'ɔwrɔ a e low, ke uwr ob tasi eke l'el ab any a.
⁷Epafras ek'el ey e juma kok em e lawl eke s'erur senyn senyn a anake yeŋm ɔny low ikŋ na a; n'am usr ey usu li kok juma esƐ Krist e juma kok es nimamn tasi af;
⁸n'ɔŋ ey ɔny ec'Abŋ Lala ec'erur ek'ɔŋ ɔny a ec'amani.
⁹Na sosiem anake ey yeji, læŋŋ a etŋ eke s'iri wel dad ey ɔny e lís e low a, segŋ feŋ s'am ŋɔŋn Nyam s'ɔŋ ɔny a. S'am ibrm Nyam eke li k'ɔŋ ɔny uwr in ec'erur tasi ab any, nuŋ em ɔny feŋ ləl sɛwr feŋ ek'in ec'Abŋ a b'ɔŋ ɔny ab em.
¹⁰Ow b'ow ɔŋ etŋ b'ow ɔnyn es an eke b'usr Ɛs Kɔtɔkɔ sos etŋ b'ow kokr segŋ feŋ yec'eke b'akpl'l sos em a. B'ow kokr ów amamn feŋ etŋ b'ow iman anym eci, ɔny eci Nyam ec'any uw ab em.
¹¹S'am ibrm Nyam eke k'ucu ɔny ɔny es low low feŋ em in ec'anygbel ec'abusu ab em, yec'etŋ k'ótur inymn es kikri, ke ɔnyn erm susu low eku em.
¹²Ɛlul Ɛs Nyam bia sos em iŋn em: in eke n'ɔŋ ɔny abusu eke k'eŋan ów a feŋ eke li bebɔm l'ew es afr ec'usuayl ab em, agŋ a ek'el in ec'a ec'a.
¹³N'ɔny l'oc ey es ncebn ec'abusu ab em etŋ l'oc l'elu ey in ec'Iy e l'erur a ec'es ew ab em.
¹⁴Jim em anake li sɔg ey low ŋuŋ em, ke l'oc ey e sikpl a yeji l'ap ey a.

Krist ec'ej eke wel ɔcu

- ¹⁵Krist el Nyam eke wel ɛknm a e meny ewr. L'el Liy krekre ek'anŋ mob mob feŋ eke Nyam kok a e ŋuŋ af,

¹⁶an̄ke in em Nyam ecr kok ob feŋ ek'an̄ŋ afr lele wus af aŋa ab a: mob e wel b'ekn lele yec'eke wel éknm ab, lec feŋ, es akm feŋ, es ew feŋ lele abusu feŋ ab. Nyam ecr in em kok feŋ in eci.

¹⁷Krist ik̄ŋ anym an̄ŋ gbuŋ et̄ŋ ob feŋ an̄ŋ, et̄ŋ in em ob feŋ ɔtu inym es el e susu a.

¹⁸Krist eci sos megl el Nyamel et̄ŋ in obi l'el ow e nuŋ. Krist el nuŋ ɔb, l'el Liy krekre eke wel ew, et̄ŋ l'el krekre ec'eḡŋ ek'igb aḡŋ ek'uw ab em, yec'et̄ŋ ke l'él krekre n'an̄ŋ mob feŋ e nuŋ af,

¹⁹an̄ke Nyam erur eke k'ir Jim em nimum,

²⁰et̄ŋ l'erur yej'eke li k'ecr Jim em l'okr wus nimum ec'aḡŋ em Jim eci. Jim eci mebl a ek'ok es olikeŋ af ab em, Nyam ew erm es ey es wus af aŋa lel afr ab.

²¹ɔny Kolɔs eȳŋ, ɔny yeji leḡŋ eke ec ab em a, kpabr es Nyam e lís, eel in ec'efnu ów eŋuŋ a eke b'onȳn ow e tutr ke bi kokr a sosiem eci.

²²Gbeke leḡŋ na em, Nyam ɔny okr ɔny em in ab, Jim e sos megl em e luw a ek'uw olikeŋ af ab em, yec'et̄ŋ ke ówr in ec'any af ese aḡŋ lala, aḡŋ ek'onym low ɔbr, ke abr enym anm lís af.

²³Gbeke ow it eke k'inymn es kikri ke íjr lec ɔmn em. Ke kí kpabmn es Amani Mamn a e lís, an̄ke l'el low eke s'am ɔmn. ɔny, irir in e low, an̄ke wel ɔb amani a ok aḡŋ a feŋ ek'an̄ŋ wus af aŋa a, et̄ŋ em Pɔl, m'el ow e juma kok es.

Pɔl e juma ek'it e ki kok Nyamel eci

²⁴Sica sos em am iŋn'm eke m'am m'ij ɔny e gbre. Tasi em a, em obi em a, eben m'an̄ŋ em m'am m'ij Krist e gbre ek'ij in e sos megl a ek'el Nyamel ec'a.

²⁵M'el Nyamel e juma kok es, an̄ke ow el juma eke Nyam abul'm eke mi ki kok ɔny eci: l'abul'm eke mi k'ɔb in ec'amani a ese elel ek'ow it ab af.

²⁶Odad a eke el low eke lol es god'et̄ŋ sɔwɔŋ ec'any af, ke leḡŋ na em, Nyam elu ɔkm kpata yeŋm aḡŋ a eke el in ec'a.

²⁷Nyam erur eke ki yeŋm el -l'uw low na eke lol es ab any, ke el ob ɔny lele low sobo ab, eke li beb̄m l'ew es aḡŋ feŋ ec'a. Et̄ŋ kin low a eke lol es a: Krist an̄ŋ ɔny em et̄ŋ n'ɔŋ ɔny ɔny ɔmn eke ɔny yeji b'ow eŋan Nyam ec'anygbel a.

²⁸Ow sosiem, s'am ɔb Krist ec'amani s'ok eḡŋ feŋ. S'am ewar et̄ŋ s'am yeŋm eḡŋ eḡŋ low sewr feŋ em, yec'et̄ŋ ke eḡŋ feŋ éy ɔkm Nyam ec'any af ese eḡŋ eke uw low feŋ any Krist ab ec'af okr ab em.

²⁹Na sosiem m'am kok juma, et̄ŋ m'am doḡŋn low Krist e lec a ec'abusu a ek'an̄ŋ'm em ab em.

Kolɔs eȳŋ e lel 2

¹M'erur eke k'uw̄r gbre e m'am ij ab any low na eke m'am doḡŋn ɔny ec'ab em, ɔny lele Laodise ec'aḡŋ ek'ub nawre a lele aḡŋ ejec'a feŋ ek'uwm im any nyamn em ab ab.

²Tasi em a, m'am erur eke -li k'onny erm susu iy el erm em gbɔŋ ke -l'okr af erur em, ke nuŋ em ony íy el em gbɔŋ yec'etŋ ke -l'otu -l'uw Nyam e low eke lol es ab any. Low a eke lol es a el: Krist,

³eke in em ob ony ese sewr af lele low any uw ab lol es a.

⁴M'am dad ony low na yec'etŋ ke kí yebmn eŋŋ kaka feŋ ejum ony sodad ebl amamn e dad em.

⁵Eke m'anm ony ab sos megl em yeji, m'anŋ ony ab ow tutr em, etŋ m'onny sos em inŋ ek'onny erm susu inynn es kikri usu nyam Krist ec'omn ek'onny ab em.

Inynn es kikri omn a eke wel yegm ony ab em

⁶Ow sosiem, eke eŋŋ Jesu Krist ebr ese ony Es Kotoƙo af a, iir eb af okr em in ab.

⁷Òkr min in em, ùsr ony ec'owr anŋ a in af. Seŋŋ feŋ inynn es kikri ony ec'omn ab em, ese eled eke wel yegmn ony ab af, ke élul Nyam bia seŋŋ feŋ.

⁸Èwr erm, eŋŋ kaka otum eke k'onny oŋŋm ony meb aŋŋ e sow tutr yadŋ ab em. Ow el yadŋ ony eke low kaka anm em, ke b'eŋŋ læc aŋŋ em ec'ow kok em, wus aŋa e sabusu e læc oŋŋ, ke elm Krist ec'a.

⁹Nyam in nimum a, l'ir Krist e sos megl ab em.

¹⁰Etŋ ony nimum a eŋan Krist ec'owr anŋ e low feŋ, in eke l'el es ew eke anŋ es ew feŋ lel abusu feŋ eke wel éknm a e nuŋ af a.

¹¹Krist ab ec'af okr em anake wel ubr ony likr es a, etŋ likr es ubr ikŋ na elm eŋŋ ec'abu em ec'eke kok. Kɔ likr es ubr ek'anŋ Krist em ow, ke ony low a eke b'itr elu ey low nuŋ em a oc es.

¹²Tasi em a, læŋŋ a eke wel ok ony mij nuŋ a, yogŋ etŋ uwr Krist ab etŋ anŋn luw em igbr in ab, aŋke ubr Nyam ec'abusu a ek'igbm Krist luw em a nawre.

¹³Læŋŋ ek'ec ab em, ony eel aŋŋ ek'uw abŋ em ony e sikpl a nuŋ af lele likr eke wel ubrm ony es, ke eel Nyam any uwm esel ab ab sosiem. Kɔ læŋŋ na em a, Nyam oŋ ony anŋn owr Krist ab etŋ l'ap ey, ey ec'ów obr a feŋ.

¹⁴Ey e labm e s'onny e lel a ek'am ok ey ow af, ke in em e sol ek'anŋ a am ob ey low a, n'onny li tetŋ es. Etŋ ni nuŋn ow l'ob ow ecigbrɔ olikŋ af yogŋ.

¹⁵Eben eke Nyam ony es ew feŋ lele abusu feŋ eke wel éknm a e læc oc es ana; etŋ li kok wel sos keskes dedeku em, l'ot wel ese sobel em esel af, Jim ec'any eb ec'aŋŋ ek'am us jam ab em.

¹⁶Ow sosiem, ki yebr eŋŋ kaka feŋ ki cak ony, ony ec'ob eke b'ijr oglog b'eŋŋn ab em, ses gbegbl e læŋŋ ec'osu sosiem, awl owr e b'eli ey okm ec'es gbegbl lele neneŋŋ e læŋŋ ec'osu owi em ab.

¹⁷Ów amua am yegm low tasi a eke b'ow ow a, kɔ el -l'elm low tasi a. Low tasi a el Krist.

¹⁸Ɛgɛɛ kaka itm eke k'edɛn ɔny any eb. M'am tutr agɛ a eke b'is es ɛw ekekey afr erm ɛsel ec'any af igɛ el nuɛ a e low, -li b'ucu memn ɛm ec'ow eke -li b'ekn a e low - n'ony es. -L'el agɛ ek'el e sow tutr a el agɛ ɛm e sow tutr tasi, ow b'ɔɛ el -l'ɛfu es,

¹⁹ɛtɛ -l'akɛam Krist ab. Ke Krist anake el sos megl e nuɛ a, in ɛm sos megl nimum b'ɛɛn in ec'ob ij. In ɛm sos ngigɛnel a lele mifn ab b'okr af inym es kikri, ɛtɛ sos megl ikɛ na b'agb ɛsɛ el el eke Nyam b'erur ab af.

²⁰Sica ɔny uwr Krist ab, ɛtɛ wus aɲa e sabusu e lec elm low kaka ɔny eci. Ɛtɛ bla sosiem ɔny am iir ɛb ɛsɛ emeny wus ec'agɛ cɛ ɔny eel af ee? Bla sosiem am ɛgɛn ebr ek'emeny wɛl k'ɔɛ ɔny sol akpasu amua ɛsɛ:

²¹k'ɔc ob na, k'ij ob na, k'itɛn ob na abu ee?

²²Eke wɛl b'ɔb nuɛ am kok el e low a, ow amua b'irm. Ow el sol lele low yɛgm ab eke agɛ el obi eci nuɛ ɛm ɔny ɛm ɔkn.

²³Tasi ɛm a, igɛ ob nuɛ, is es ɛw likekli afr erm ɛsel ec'any af, ijr ɛ e sos megl gbɛ, wɛl b'ekn ow amua fɛɛ ɛsɛ sɛwr ec'ow af. Gbɛkɔ -l'el ow ɔfr ɔfr, sos megl owi cɛ ow b'elum abu.

Kolɔs eyɛ e lel 3

Ɔɔl afr ec'ow es

¹Sica Krist ab anake anɛn luw ɛm igbr a. Ow sosiem a, ɔɔl afr ec'ow es, yogɛ a eke Krist anɛ, ke ow el Nyam e lidr abu af a.

²Ow akpl eke k'ebɛr afr ec'ow ec'ermij, ow a eke k'ebɛr wus af aɲa ec'a ec'ermij a.

³Tasi, ɔny ɛcar luw ɛm, ɛtɛ ɔny ec'owr anɛ a lɔl es Krist eke anɛ Nyam ogɛ ab ɛm.

⁴Krist anake el ɔny ec'owr anɛ tasi a, ɛtɛ lɛgɛ eke li b'ow l'ɛy ɔkm a, ɔny yeji b'ow okr ɔkm in ab ɛtɛ in ec'anygbɛl a, ɔny yeji b'ow ɛɲan.

⁵Na sosiem a, ibir ɔny ɛm low fɛɛ ek'el wus ec'ow ɛsɛ: nfaci ij af, sikpl owi af, ow aw eke ɛw fɛfedi lele ow aw ɛɲɛɲ ab lele lokm suɛ ek'in ɛw ɛsɛ sinyam yadɛ e nuɛ igɛ ab af.

⁶Ɛtɛ ow ɔbr ɔbr amua na sosiem anake Nyam ec'erm bebl a, [b'ow ok agɛ a ek'ɛgɛm eke k'ony in ec'elum ab af a].

⁷Lɛgɛ ek'ɛc ab ɛm, ɔny yeji ow a ek'am iir ɛb sikpl ɛm a, ɛbɛn eke kokr ana.

⁸Kɔ jam aɲa, igɛn ow amua fɛɛ ek'el: erm bebl, erm wewe lele erm suɛ ab a okr es. Ke wɛwr lel odad ebl kpɔm kpɔm ab k'anm ɔny nɛnym ɛym ɔkm.

⁹K'ɔnyn yadɛ k'ɔɲanin ɔny ɔfr ɛm ij, anɛke ɔny ec'el el eke aan es lɛgɛ sig ɛm a, waal elul es ɛsɛ mob sus ɛm sig af,

10 ɛtɛ ɛsɛ mob sus ɛm owr af, ɛwal mɛny anɛn ɛsɛ ɛgɛ owr af. ɔny eci ɛb ir owr ab ɛm sɛgɛ fɛɛ am otr Nyam ek'el ɔny e kok ɛs ab es, yec'ɛtɛ ke ɔtur uwr ir any ok ɔny es sos ɛm.

11 Jam aɲa agɛ a fɛɛ el kpɛɛ kpɛɛ, ow ɔnym Jwif lel ɛgɛ ek'elm Jwif ab, ɛgɛ eke wɛl ubrm likr es lel ɛgɛ eke wɛl ubr likr es ab, ɛbr ɛjɛci ec'agɛ lele mɛbɛy ab, madu lel ewi ab. Gbɛkɔ low tasi a: el Krist ek'el low fɛɛ, ke anɛ agɛ fɛɛ ek'ub'r nawrɛ ab ɛm a.

12 Nyam sɔsum ot ɔny eke k'eel in ec'agɛ ɛtɛ li b'erur ɔny. Ow sosiɛm a, ow akpl eke k'ɔnyɛn ɛrm ek'erur lele sɔɲɛ ikɛ ab iy ɛm gbɔɲ, ɛrm mamn, es is ec'ɛrm, ɛrm frɔɔ lele low eku ec'ɛrm ab.

13 ɛgɛɛn ɛgɛ ɛgɛ ec'eel eke anɛn a ɛbr ke ɛparir low yeji, sakp sakp fɛɛ ek'ɔny ɛm ec'ɛgɛ nyam b'ow ɔny low lawl ab a. Ow it eke k'aparir low ɛsɛ eel eke ɛs Kɔtɔkɔ ap ɔny ab af.

14 ɛtɛ low eke ki kokr tasi a el erur eke k'ɔnyɛn ɔny ɔfr ɛm a, anɛke erur el low eke b'ɔny agɛ okr af.

15 Ke Krist ec'ɛrm es ɛy a nyimn ɔny ec'ɛrm a; tasi ɛm a, ɛrm es ɛy ikɛ na ɛm anake Nyam ɛsɛ ɔny eke k'okar af ɛel nyam ɛsɛ sos megl nyam coco af a. Sɛgɛ fɛɛ ɔɲan in bia.

16 Ke Krist ec'odad ebl a, ɛɲn usu ɔny ec'ɛrm ab ɛm in ec'ob ɔny a fɛɛ ab. Yɛgmɛnin low ke ɔmanin ɔw ɔny ɔfr ɛm sɛwr fɛɛ ɛm. ɛlul Nyam bia ɔny ec'ɛrm fɛɛ ɛm, ɛgɛɛn selu, ɛgɛɛn Nyam e seɲ ɛjɛci lele seɲ eke Abɛ Lala b'ɔɲ ɔny ab ab.

17 Low fɛɛ eke bi kokr oglog bi dadr ab ɛm, kɔkr ɛs Kɔtɔkɔ Jesu e nin ɛm, ke in ɛm ɛlul ɛs Nyam bia.

Elɛl eke kretienɛl k'ir ɛb af okr ɛm

18 ɔyɔw, ɔny, isr es ɔny ɛcɛl ec'any af, ɛsɛ elɛl ek'ow it eke ki kokr ɛs Kɔtɔkɔ ec'any af ab af.

19 ɔyɔw ɛcɛl, ɛrurir ɔny ɛyɛl ke k'ɔnymn ɛl lokm yony ɛm.

20 Ey, ɔnyɛn agɛ ek'ew ɔny a ec'ɛlum low low fɛɛ ɛm, anɛke ow el low eke ɛs Kɔtɔkɔ b'erur.

21 Ey ɛsɛl, k'ijar ɔny ec'ey a gbɛrɛ, yec'ɛtɛ ke sos k'ɔwm ɛl es.

22 Madu, low low fɛɛ ɛm ɛlumɛn ɔny e wus af aɲa eci es ɛw ɛsɛl a. Ow elm eke -li b'ew ɔny nyamɛn af ɛɛ ki kokmɛn ɛl e lɛs e low mɛwl ɛm, yec'ɛtɛ ke -l'aw ɔny. Kɔ ɛlumɛn ɛl ɛrm nyam ɛm tasi, ɛlum ek'ɔnyɛn ɛs Kɔtɔkɔ ec'a sosiɛm.

23 Juma fɛɛ eke bi kokr a, kɔkr ɛrm nyam ɛm, ɛsɛ ɛs Kɔtɔkɔ eci juma ɔny am kokr af, ke ow k'ɛlm ɛsɛ agɛ ec'af.

24 Ow sosiɛm a, madu, ɔkan eke ɛs Kɔtɔkɔ b'ow ɔɲ ɔny ow ec'ob ap, ob ap a eke l'ɛdɲn l'ew in ec'agɛ es a. Tasi ɛm a, ɛs ɛw ɛs a ek'am kokr in eci juma a, in l'el Krist.

²⁵Gbəkɔ ɛɣɛ yec'eke am kok low ɲuɲ a, b'ow ɛɣɛ yec'ek'el in ec'a, ɛsɛ elɛl eke li kokr low ɲuɲ ab af, aɲke Nyam eci low eke b'ow kok ab ɛm, li k'ow li jejɛm agɛ es.

Kolɔs ɛyɛ e lɛl 4

¹Agɛ eke el madu eci es ɛw ɛsɛl a, kòkr ɔny e madu a e low nɛnyɛmbri nyam ɛm, ke ɲkopre k'ánm ɛm. Ke ɔkan ek'ɔny yeji ɔnyɛn Es ɛw ɛs nyam ek'anɲ afr.

Ów ɔm

²Sɛɣɛ fɛɲ àɲɲɛ Nyam ɲɔɲɛ ɛm, ke ɔny e Nyam e bia eke b'ɔɲɛ Nyam ɲɔɲɛ ɛm a él ɛrm ɛw ɛm.

³Nyam ɲɔɲɛ ab ɛm, ɛy yeji ɲɔɲɛn ɛy eci, yec'ɛɲɛ ke Nyam kók s'ɛɲɛn abusu s'ɔmun in ec'odad ab es, ke si dád Krist eci lís e low eke lɔl es a. Tasi ɛm a, low na eke lɔl es a sosiɛm anake m'anɲ sobel ɛm a.

⁴Dɔɲɛn Nyam yec'ɛɲɛ ke m'ótu m'otar odad a akr ayl, ok agɛ es sos ɛm, ɛsɛ elɛl ek'ow it eke mi ki kok ab af.

⁵Àan es nuɲ ɛm ɔny ɛm agɛ ek'uwm Krist any a e lís, ke abusu fɛɲ eke b'ɛru ɔny es a k'írmnmn.

⁶Ke sɛɣɛ fɛɲ ɔny ec'odad ebl él amamn, ke mok áɲɛ ɛm, ke uwr any dádɛr ɛɣɛ fɛɲ odad ɛsɛ elɛl ek'ow it ab af.

Ɛsɲɛn es abal el

⁷Erur ɛm ec'ɛy lisijim Tisik, abu ɛlum ɛs nimamn ek'el ɛm lawl Nyam e juma kok ab ɛm, b'ow ɔɲ ɔny ɛm e lís ec'amani fɛɲ.

⁸M'am ɛrm'n tasi eke li k'ow li dad ɔny ɛy e lís ec'amani, ke l'átr ɔny sos es yeji.

⁹Onesim ek'el ɔny ɛm ec'ɛɣɛ, ke el erur ɛm ec'ɛɣɛ lisijim a anake am ɛwl'l a. -Li b'ow -l'ɔb ɔny ów a fɛɲ ek'am ɛy aɲa a ec'amani.

¹⁰Aritak ek'anɲ sobel ɛm ɛm ab a, am ɛsɲɛn ɔny, ɛben nɛny nyam Mark ek'anɲ ɛsɛ Barnabas e lisijim af a, in yeji am ɛsɲɛn ɔny. (Mark ec'a, ikɲɛn anym irir in e lís e low. Eke l'ow ɔny ogɲ yogɲ, èbr ir senyn senyn.)

¹¹Igɲ a eke wɛl b'ɛsɲ Jesu ke wɛl b'ok en es Justus a yeji am ɛsɲɛn ɔny. Jwifɛl ek'ɛɣɛ Krist e low eb a, el ɛm a, agɲ nyahan na cɛ anake am kok juma ɛm ab Nyam e gbɛɲgbi usu a ec'a. Ɛɲɛ -l'atr'm sos es nɔnɔ ligbɛl.

¹²Epafɛras, ek'in yeji el ɔny ɛm e nyam a, am ɛsɲɛn ɔny; Krist e libowi na sɛɣɛ fɛɲ b'atr sos es ɲɔɲɛ Nyam ɔny eci, yec'ɛɲɛ ke ótur inynn es kikri, áɲɛn ɛsɛ agɲ ek'agb ɔmn ɛm, ke bɛbm sos eke ki kok low fɛɲ eke Nyam b'erur ab af.

¹³M'ɔtu eke mi k'ij in e nuɲ af e danɲu low na eci: li b'ij gbɛ nɔnɔ ɔny lele Laodise ec'agɲ lele Iyerapolis ec'agɲ a ec'ab.

¹⁴Luk ek'el erur ɛm ec'ɛy lawl ke el sɛkp kok ɛs lele Demas ab am ɛsɲɛn ɔny.

15 Ësɛnɛn ɛy lisijimɛl ek'anɛ Laodise a, lele ɛy lisijɔw Nɛnfa lele Nyam ec'agɛ eke b'as luku in ec'akɛ ab ab ɔɛn ɛy.

16 Sica lɛɛɛ eke b'awal lɛl na ba ow b'uwr a, kókr elɛl eke ki kokr ke wɛl ótu awl Laodise eci Nyamel ab ɛm yeji. Ke ɔny yeji áwal yec'a eke b'ow anɛ ɛl ogɛ a ow a.

17 Ow ec'uwr ɛm a, dàdr Arkip kok Ɛs Kotoko e juma ek'abul il a senyn senyn.

18 Ɛm Pɔl, ɛm obi ec'abu ɛm mi nɔn ɛsɛn na lɛl na ec'uwr ɛm. Sica k'ijal es eke m'anɛ sobel ɛm. Ke Nyam ec'ɔwrɔ a ánnɛ ɔny af.

Tesaloni eyɔ e lɛl krɛkrɛ

Tesaloni eyɔ e lɛl krɛkrɛ 1

Ɛsɔn

¹Pɔl, Silas lele Timote ab e lɛl ek'am awɔ Nyamel ec'agɔ ek'anɔ Tesaloni baɔn, k'el Nyam Ɛs lele Ɛs Kɔtɔkɔ Jesu Krist ab ec'agɔ. Ke ɔwrɔ lele erm es ey ab ɔnɔny ab.

Tesaloni eyɔ ɛgɔ Nyam ec'Amani Mamn a eb ɔmn ɛm

²Si b'ɔnɔ Nyam bia seɔgɔ feɔnɔny feɔnɔ eci, ɛtɔ si b'ɔknɔny seɔgɔ feɔnɔ, ey e Nyam ɔnɔny ɛm.

³Nyam ey Ɛs ec'any af si b'ɔknɔny e nawre ek'ubr e juma e kokr, ɔny ec'erur ek'ɔnyɔn e low e kokr, lele erm ek'usurir ey Ɛs Kɔtɔkɔ Jesu Krist ɛm ec'ɔmn ek'ɔnyɔn ab ab e low.

⁴Agɔ lisijimɛl, Nyam erur ɔny, ɛtɔ s'uw any eke li sɔsum l'ot ɔny eel in eci.

⁵Tasi ɛm a, Amani Mamn ec'odad eke si dad ɔny a, ow elm odad ebl nɛnym ɛm ce, kɔ Abɔ Lala ec'abusu lele in ec'abu ɛlum ɛm ab, ɛtɔ s'uw any tasi ek'ow el low nawre. Ɛtɔ uwr any eke, ey ec'es an ɔny ec'araɔn a, ɔny e nimamn eci.

⁶ɔny obi yeji wewrɔn ey lele Ɛs Kɔtɔkɔ ab ɔw. Gbre ijr nɔnɔ ec'araɔn yeji, ɛgɔn Nyam ec'odad a ebr, sos ɛm iɔn ek'Abɔ Lala ɔnɔny ab ɛm.

⁷Ow ɔnɔny eel Maseduan lele Akayi wus ab ec'agɔ ek'ub nawre a e sewl mamn.

⁸Tasi ɛm a, Ɛs Kɔtɔkɔ ec'odad a anɔny ɔnɔny ogɔ Maseduan wus af a ɛtɔ ɔmun es im toɔ ok Akayi wus af. Ɛtɔ ow elm na ce, kɔ ɔny ec'ɔmn ek'ɔnyɔn Nyam ɛm a yeji e low eb es susu a feɔnɔ; ɛmeny ow ɛbam eke si k'ɔb ow ec'amani ij.

⁹Agɔ a feɔnɔ am dad elele ek'ebɔ ey ɔny ogɔ a, ɛrm ɛm ek'itɔnɔn eel Nyam eci, sekp e nuɔ igɔ ek'igɔn ɛlul es, ke ɛgɔn Nyam ek'anɔny owr ke el Nyam nawre a eci low kok a e low ebr a.

¹⁰Ca am ekur in ec'Iy Jesu eke b'ow anɔny afr ow a. In eke Nyam igbm'n luw ɛm n'anɔny owr a, in anake l'eb l'ɛlu ey es Nyam ec'erm bebl ek'am ow a e lɛs a.

Tesaloni eyɔ e lɛl krɛkrɛ 2

Pɔl e juma eke kok Tesaloni baɔn

¹Agɔ lisijimɛl, ɔny obi yeji uwr any ek'ɔny ogɔ a eke s'ow a ɔsu ey.

²Uwr any yej'eke leɔgɔ anym ɛm a, wel ijr ey gbre, wewr ey Filip baɔn a. Gbɛkɔ ɛben yeji, Nyam ec'erm susu ek'ɔnɔ ey ab ɛm, si dad ɔny in ec'Amani Mamn a ec'odad, gbre ij nɔnɔ ec'araɔn.

³Tasi ɛm a, ey ec'ɔw ɔm a elm yadɔ ɛm, ow elm ɔw tutr ɛɔnɔny ɛm, ow elm kprakpr ɛm.

⁴Ko ey, Nyam ekn eke s'otu etj l'abul ey in ec'Amani Mamm a e dad. Sica s'am dad Nyam ec'odad, etj s'olm agj em ec'erur es, ko Nyam eke b'ekn ey e merm em a ec'erur s'am ol es.

⁵Ony obi uwr any eke legj kaka si dadm meju ec'odad; legj kaka si kokm os ejn e low. Nyam ij ow e danju.

⁶S'olm ek'egj k'aw ey, ke ow el ony oglog ke ow el agj ejeci.

⁷Ke s'otu ce eke si k'onj ony low ebr, eke s'el Krist ec'erm esel a sosiem. Gbeko s'el agj froro ony ec'arañ esel eke ey lis, froro em bi kok in ec'ey e lis e low ab af.

⁸Ony ec'erur eke s'onj a sosiem, s'om ony Nyam ec'Amani Mamm a sony ce, ko ey obi ey obi e sel a yeji, anke ony iil an nono ey eci.

⁹Agj lisijimel, am okan elel eke si kokr juma lec em a: ncok lele legj owr ab abu anj ey juma kok em, nene anake si dad ony Nyam ec'Amani Mamm a ec'odad a, yec'etj ke si k'ocm ey e lis e low s'abulm ony em ec'egj kaka.

¹⁰Ony ek'ubr nawre a, ey ec'es an ony ec'arañ a ayl, el nenyembri nyam em eci ek'abr enym kaka anm em. Ony obi yeji ijr danju, etj Nyam yeji ij danju.

¹¹Emeny uwr any eke si kok ony em ec'egj nyam nyam e lis low esel elel ek'ey es bi kok in ec'ey ab af.

¹²S'om ony ow, s'atr ony sos es, s'ibrm ony sakp nono eke k'aan es esel elel eke Nyam erur ab af. In anake l'esj ony eke k'okr in ec'es ew ec'anygbel ab em a.

¹³Na sosiem s'am onj Nyam bia segj fej, eke ebmn odad eke si dad ony a esel agj em ec'odad af, ko ke ebr esel Nyam ec'odad af a. Ee, nawre Nyam ec'odad ab ana! Etj li bi kok juma ony em l'itjn ony ek'ubr nawre a.

¹⁴Agj lisijimel, sica ony yeji ekan ow a esel elel eke Nyam ec'agj ek'anj Jude e Sinyamel em ke ub Jesu Krist nawre a ekn ab af. Ony yeji, ony e banj eyj ijr ony gbre esel gbre ijr nyam a ce eke Jwifel ijr Sinyamel amua ec'agj ab af.

¹⁵Jwifel amua anake ibi Es Kotoko Jesu lele kokoba ob esel ab ab, ke ey yeji ijr ey gbre a. -N'am kokmn Nyam ec'erur, etj -l'el agj fej ec'efnu.

¹⁶-N'am edjn ey eke si ki dad sel ejn ec'odad s'ok agj ek'elm Jwifel a bake -n'ejn sel. Ow onj sikpl a eke god'etj -li kokr a obn afjn es. Na sosiem anake ow e nuj edj em a Nyam ec'erm bebl a ejn el a.

Pol am erur eke emeny k'ekn Tesaloni eyj

¹⁷Agj lisijimel, nawre si kpab ony es lis sos megl em ow ibn tel, ko erm em a s'anj ony ab. S'erur tasi etj s'atr sos es eke emeny si k'ow s'ekn ony.

¹⁸S'erur eke si k'ow ey fej s'ekn ony, etj em Pol, em sony em a, m'atr sos es sakp nono eke mi k'ow, ko Satan om ey ow ec'abusu.

¹⁹Ony kotoko eel ey e low omn, ey e sos em ijn, ey ec'anygbel tufe, ey Es Kotoko Jesu ec'any af, in e mowrer e legn a.

²⁰Es! ony anake eel ony e low kok em, ey ec'anygben lele ey e sos em ijn ab a.

Tesaloni eyη e lel krekre 3

¹⁻²Na sosiem, eke si k'otum s'ekum ij a, si bebem eke si k'anη Aten ey sony, etη s'erm ey lisijim Timote eke bi kok Nyam juma ey ab, ke bi dad Krist ec'Amani Mamn ec'odad a. S'erm'n eke li k'ow l'usur ony erm ke l'atr ony sos es ony ec'omn ab em,

³yec'etη ke ony em ec'egη kaka k'eym wus gbre ijr na ek'anη ony ec'araηn ab em, anke ony obi yeji uwr any eke gbre ijr na, el low ek'on ey es.

⁴Ow a eke s'anη ony ogη a, s'ikη anym si dad ony eke wel b'ow ijr ey gbre. Ca ow anake ow ey a, ony uwr any.

⁵Na sosiem, eke mi k'otum m'ekum a, m'erm Timote eke k'ow otar ony ec'omn a e low akr ok'm, anke m'am ebr ermij, ek'oglog egη eju Es a eju ony okr wus, ke juma eke si kok a el low ofr ofr η.

⁶Sica Timote anη ony ogη a ow etη ob ey ony ec'omn lel erur ab ec'amani, eke b'okan ey e low segη feη senyn senyn etη am erurir eke k'ekan ey, ese el el eke ey yeji s'am erur eke si k'ekn ony ab af.

⁷Ow sosiem a, lisijimel, ony ec'omn ec'amani e s'iri ey e sos es ow na em lel ey e gbre ijr na em ab a, eyr ey erm es, atr ey sos es.

⁸Sica sel ow ey η, anke inymn es kikri Es Kotoko ab ec'af okr ab em.

⁹Ko ayaf tasi si k'onη Nyam bia sos em ijn na eke s'onny, ony sosiem Nyam ec'any af ab ec'ee?

¹⁰Ncok lele legn owr ab si b'at lebl es si ηonη Nyam eke li k'onη ey abusu bake emeny blel s'ekanin, ke si yibr low yec'ek'anm ony ec'omn ab em a.

¹¹Ke blel ey Es Nyam in obi lele ey Es Kotoko Jesu ab kók ey ejagb bake s'ow s'ekn ony.

¹²Ke blel Es Kotoko onη erur ek'onyn ony ofr em lel agη ec'ejeci e lis ab a, agb bubu af ese el el ek'onny ec'erur eke s'onny a agb ab af.

¹³Ke blel l'usur ony e merm a, eel lala ke abr enym kaka k'anm ony em Nyam ey Es ec'any af, legn ek'ey Es Kotoko Jesu b'ow ow lele in eci afr erm esel lala a feη ab a.

Tesaloni eyη e lel krekre 4

Es an mamn eke Nyam b'erur

¹Sica agη lisijimel, ow ek'emeny mi ki dad a el, ese el el eke wewar ey e lis es an mamn ek'akpl Nyam sos em, ke am kokr eben a, s'am ηonη ony, s'ibrm ony atrm em, ek'Es Kotoko Jesu e nin em a, k'ucur onyn es eben iman anym eci akm na e kokr a.

- ²Ɔny obi yeji uwr low yec'eke si yegm ɔny Ɔs Kɔtɔkɔ Jesu e nin em ab any.
- ³Kin, ow eke Nyam am erur a: ke ɔny ec'es an a ɛl lala in ec'any af; ke ɔsur sos nfaci ij e lís.
- ⁴Ke ɔny em ec'egɛ nyam nyam úw any ɔny sos es nfaci ij e lís, án es lala em lele sos us em ab,
- ⁵ke kí yebm ów eɲɲ ec'aw akam'n es ese Nyam any uwm esel af.
- ⁶Low na em a, egɛ kaka k'ɛju lawl ki kok'r low ɔbr, aɲke Ɔs Kɔtɔkɔ b'ow jej agɛ e bi kok ów amua a eci low ok, es'eled eke s'ikɲ anym si dad s'ayal s'ok ɔny ab af.
- ⁷Tasi em a, Nyam esɲm ey eke si k'anɲ sikpl owi em, kɔ ów lala kok em.
- ⁸Na sosiem egɛ ek'egɲm low yegm na ebm a, ow elm egɛ eci low yegm li digɲm l'elum es, kɔ Nyam ek'ɔɲ ɔny in ec'Abɲ Lala a eci low yegm li digɲ l'elu es.
- ⁹Sica yec'ek'el agɲ lisijimel ɔfr ec'erur e low a, ow ebam eke wɛl ki non lel awɲ ɔny, aɲke ɔny obi em wewar Nyam ogɲ eled eke k'erurir ɔny ɔfr a.
- ¹⁰Ɔtɲ erur ikɲ na e low anake am kokr Maseduan wus nimum af ec'agɲ lisijimel a feɲ e lís a. Gbɛkɔ agɲ lisijimel, emeny s'am ibrm eke ki kokr ow akpl obn.
- ¹¹Àtar sos es ke áɲɲ erm es ey em, ke k'ýmɲ egɛ e low em, ke kókr juma ɔny obi ec'abu em, ese eled eke si dad ɔny ab af,
- ¹²yec'etɲ ke agɲ ek'elm Krist e jam us esel a, ɔny ɔny ec'elum. Ke ɔny ec'es abur a k'élm agɲ eci.

Ɔs Kɔtɔkɔ e mower

- ¹³Sica agɲ lisijimel, s'erur eke k'uwr Krist e jam us esel ek'uwa a e lís e low any, yec'etɲ ke k'ánmɲ sɔɲɲ em es'agɲ likpr a ek'ɔnym ɔmɲ ec'ab af.
- ¹⁴Eke s'ub nawrɛ eke Jesu uw etɲ l'ɛwl n'anɲ owr a, eben nenyembri nyam s'ub nawrɛ eke Nyam b'ow ɔɲ agɲ ek'ub Krist nawrɛ ke uw a ɛwl ow in ab.
- ¹⁵Sica kin yec'eke Ɔs Kɔtɔkɔ in e low yegm em dad ey, ke s'am elu ɔkm: Ɔs Kɔtɔkɔ e mower e legɲ a, ey eke si b'ow s'anɲ owr a, si k'ow s'ikɲm agɲ ek'uwa a ec'anym.
- ¹⁶Legɲ a, wɛl b'ow iri lebl nyam ikɲ ek'el Nyam ec'erm esel ec'es ɛw es a e lebl lele Nyam e kokr e lebl ab ab, etɲ Ɔs Kɔtɔkɔ b'ow anɲ afr us es. Agɲ ek'ub Krist nawrɛ ke uw a b'ow igb anɲ owr krekre.
- ¹⁷Ke sica, ow e jam a, ey eke legɲ a si b'ow s'anɲ owr a, Nyam ɔɲ ey s'igb el ab jru em s'im s'ɔbr Ɔs Kɔtɔkɔ afr. Nene anake si b'ow s'anɲ Ɔs Kɔtɔkɔ ab segɲ feɲ a.
- ¹⁸Ow sosiem, àtarir sos es ɔny ɔfr sodad amua em.

Tesaloni eyɲ e lel krekre 5

- ¹Sica agɲ lisijimel, yec'ek'el segɲ lele wanci ab ec'a, ow ibram eke wɛl ki non lel awɲ ɔny,

- ²an̄ke ɔny obi yeji uwr any tasi eke Ɛs Kɔtɔkɔ e mowrer e lɛɣɣ a b'ow okr ey es ɛsɛ elɛl eke ulu b'ow ncok ɛm ab af.
- ³Lɛɣɣ ab ɛm ek'agɣ b'ow dad ɛsɛ: «Low kaka anm, fɛɣ el ɛrm es ey a!» yogɣ anake lɛɣɣ a b'ow okr el es kpɾu ɛm ɣɣɣn el a. Ow b'ow anɣ ɛsɛ iy ɔnyn eke b'okr lok ab lis es ab af; ɛtɣ ɛɣɣ kaka k'ow ɛcm saw.
- ⁴Kɔ agɣ lisijimɛl, ɔny ec'a anmn ncebn ɛm eke lɛɣɣ na k'okr ɔny es ɛsɛ ulu ec'ab af,
- ⁵an̄ke ɔny fɛɣ eel lɛɣɣ owr lele usu ayl ab ec'ey. Ɛy s'elm lɛɣɣ uk lele ncebn ab ec'ey.
- ⁶Na sosiɛm ow itm eke si k'ɛru mɛmn ɛs'agɣ amua na ec'ab af, kɔ s'ánɣ any owr, ke low fɛɣ ɛm any ók ey es.
- ⁷Mɛmn ɛru ɛsɛl a, lɛɣɣ uk ɛm -li b'ɛru mɛmn; ɛtɣ mar ɛɣɣ ɛsɛl a, lɛɣɣ uk ɛm b'ɛɣɣ mar am ɔny.
- ⁸Kɔ ey eke s'el usu ayl ec'a, ow akpl eke si k'ók any es, ke s'óc ey ec'ɔmn lel erur ab ɛsɛ ar mob eke s'ok sos af, ke ey e sel ɛɣɣ ec'eku áɣɣ ɛsɛ kpokpo tufɛ eke s'us af,
- ⁹an̄ke Nyam ɔm ey eke si k'im s'ey in ec'ɛrm bebl ab ɛm, kɔ ke ey Ɛs Kɔtɔkɔ Jesu Krist óɣ ey sel ɛɣɣ.
- ¹⁰In l'uw ey sosiɛm yec'ɛtɣ ke n'ɔɣ ey s'anɣ owr in ab, eke s'anɣ owr ɛtɣ s'uw yeji.
- ¹¹Na sosiɛm, ɔmanin ów ke átarir sos es ɔmn ɛm ɛsɛ elɛl eke am kokɾ god'ɛtɣ ab af.

Ów ɔm es abal el lele ɛsɣɣ ab

- ¹²Agɣ lisijimɛl, s'am dad ɔny eke k'ónyn agɣ ek'am kok juma ɔny ec'araɣɣ, yeɣm ɔny low, ke nyimn ɔny Ɛs Kɔtɔkɔ e nin ɛm a ec'elum.
- ¹³Ónyn el e sos usr nɔnɔ lele erur ab, juma eke -n'am kok a sosiɛm. Áɣɣɣ ɛrm es ey ɛm ɔny ɔfr.
- ¹⁴Agɣ lisijimɛl, s'am ɣɔɣɣ ɔny, ɛnyimn ɔkpɔɣɣu abr; átar agɣ eke sos ɔw es a sos es, ɛlum abɣ ɛm ec'ɔgbɔru a abu, ke ɔnyn low eku ɛɣɣ fɛɣ e lís.
- ¹⁵Èwr ɛrm ke ɛɣɣ kaka k'ócɛm low ɣɣɣ ɔbarm low ɣɣɣ any. Kɔ sɛɣɣ fɛɣ ɔl low nimamn e kok es ɔny ɔfr ɛm lel agɣ fɛɣ eci lís ab.
- ¹⁶Sɛɣɣ fɛɣ àɣɣɣ sos ɛm iɣɣ ɛm.
- ¹⁷Sakp sakp fɛɣ k'òpir Nyam ɣɔɣɣ.
- ¹⁸Óɣɣ Nyam bia low low fɛɣ ɛm. Na el low eke Nyam am ibrm eke ki kokɾ, ɔny ek'okar af Jesu Krist ab a.
- ¹⁹K'irmnin Abɣ Lala ec'al ek'anɣ ɔny ɛm ab es.
- ²⁰K'ifan odad eke Nyam b'ɔɣ ɔny ec'araɣɣ e kokoba ɔb ɛsɛl dad ɔny a,
- ²¹kɔ igbal low fɛɣ ogɣ ɛkan, ke úcur yec'ek'akpl a ɔnyn es.
- ²²Ke ónyan sos es low ɣɣɣ fɛɣ e kok ɛm.

23Ke Nyam ek'el erm es ey e nuḡ a in obi áyal ɔny nimum; ke n'óḡ ɔny ec'egḡ el a nimum ek'el abḡ, liy, lele sos meḡl ab a él lala, ek'abr enym kaka anm em toḡ bake ey Es Kɔtɔkɔ Jesu Krist e mowrer e lḡḡ a ów.

24In eke n'am esḡ ɔny a, li b'ow li kok ów amua feḡ iy neny, aḡke l'el cɛɛɛ.

25Agḡ lisijimel, ey yeḡi ḡóḡan ɔḡn ey.

26Bìbrmnin ɔny ɔfr es'agḡ lisijimel af Krist em.

27M'am ḡḡḡn ɔny m'ok ɔny merm sabu af, ek'Es Kɔtɔkɔ e nin em a, k'áwal lel na ókr agḡ lisijimel a feḡ.

28Ke ey Es Kɔtɔkɔ Jesu Krist ec'ɔwro a áḡḡ ɔny feḡ ab!

Tesaloni eyɲ e lɛl yony ɛm

Tesaloni eyɲ e lɛl yony ɛm 1

Ɛsɲɲ

¹Pɔl, Silas lele Timote ab e lɛl ek'am awɲ Nyamel ec'agɲ ek'anɲ Tesaloni baɲɲ, ke el Nyam ɛy Ɛs lele Ɛs Kɔtɔkɔ Jesu Krist ab ec'agɲ:

²Ke Nyam Ɛs lele Ɛs Kɔtɔkɔ Jesu Krist ab ɛdɲ ɔny ɔwɔ, ke ɔɲ ɔny ɛrm es ɛy.

Tesaloni eyɲ e lɛc ek'am ɔny ɔmn ɛm, gbɛ ijɲ ec'araɲɲ

³Agɲ lisijimɛl, ow akpl eke sɛɲɲ fɛɲ, si k'ɛlu Nyam bia ɔny sosiɛm. Ow it eke si ki kok ɛbɛn, aɲke ɔny ec'ɔmn ek'ɔnyɲ a am bobɲ ɛtɲ ɔny ec'erur eke ɔnyɲ ɔny ɔfr ɛm a, am agb imm anym eci sɛɲɲ fɛɲ.

⁴Na sosiɛm, si bi dad ɔny e lɛs e low, s'aw ɔny Sinyamel ec'agɲ a fɛɲ eke b'as luku igɲ Nyam nuɲ a ec'any af, aɲke ɔny b'inymn es kikri ɔmn ɛm, gbɛ ijɲ lele sos es ɔw fɛɲ eke b'ɔbar ab ab ɛm.

⁵Gbɛ ijɲ amua am yɛgm eke Nyam e jɛj ok a el nyim nyim. Tasi ɛm a, gbɛ ijɲ amua sosiɛm anake b'ow eel Nyam e gbɛɲɲɲɲ usu a ek'am ijɲ ow e gbɛ a ec'agɲ tasi a.

⁶Nyam el nenyembri nyam Ɛs: ow sosiɛm agɲ ek'am ijɲ ɔny gbɛ a, ɛl yɛji li b'ow l'ijɲ wɛl gbɛ.

⁷Ɛtɲ ɔny ek'am ijɲ gbɛ a, li b'ow l'ɛyr ɔny ɛrm es, ɔny lele ɛy ab, lɛɲɲ eke Ɛs Kɔtɔkɔ Jesu b'ow anɲ afr ow in lele ɛrm ɛsɛl abusu ɛsɛl ab ab a.

⁸Lɛɲɲ a, li b'ow n'anɲ al ek'am iri ec'araɲɲ l'ɛy ɔkm, yec'ɛtɲ ke li kɔk agɲ eke uwm Nyam any, ke ɛluam ɛy Ɛs Kɔtɔkɔ Jesu ec'Amani Mamɲ a low ɲɲɲ.

⁹-Li b'ow -n'ɛɲɲ gbɛ eke k'ow ɔnym uwr, ɛtɲ gbɛ ijɲ akpasu na, b'ow ɔny kpab ɛl es Ɛs Kɔtɔkɔ e lɛs lele in ec'anygbɛl e lɛc ab ab e lɛs.

¹⁰Low a b'ow ɛy lɛɲɲ a ek'Ɛs Kɔtɔkɔ b'ow ow a. Li b'ow l'ow yec'ɛtɲ k'agɲ a ek'el in eci ke ub'r nawɛ a, úsr'r sos, kɔklm'n. Ɔny yɛji b'ow anɲɲ ɛl ɛm, aɲke ubr amani a eke s'ɔɲ ɔny a nawɛ.

¹¹Na sosiɛm, sɛɲɲ fɛɲ s'am ɲɔɲɲ Nyam s'ɔɲ ɔny yec'ɛtɲ ke ɛy e Nyam a ɛkn ɔny ɛsɛ agɲ eke it af, in ec'ɛsɲ a eke l'ɛsɲ ɔny ab ɛm. Ke in ec'abusu ab ɛm, l'ɛlum ɔny abu kokr low nimamn fɛɲ ek'am erurir a, ke n'ɔɲ ɔny ec'ɔmn a ɛw gbagba!

¹²Na ɛm a wɛl b'ow dad ɛy Ɛs Kɔtɔkɔ Jesu e nin mamɲ, ɛtɲ ɔny yɛji -li b'ow -l'aw ɔny. Ow b'ow el ɛy e Nyam lele Ɛs Kɔtɔkɔ Jesu Krist ab ec'ɔwɔ ek'ɛɲɲ.

Tesaloni eyɲ e lɛl yony ɛm 2

Gbuɲ ke Ɛs Kɔtɔkɔ e lɛɲɲ a ów a

¹Agɲ lisijimɛl, yec'ek'el ɛy Ɛs Kɔtɔkɔ Jesu Krist e mowrer eke b'ow ɔny as ɛy luku in ab a ec'a, s'am ɲɔɲɲ ɔny,

²Kì yebr agɲ k'irmn ɔny nuɲ em fafa, erɲn k'ɔny ɔny. Eke batɲ eɲɲ dad ɔny ow e low eɛe odad eke Nyam ɔɲ kokoba ɔb es nyam dad af, oglog eɛe eɲɲ ejeci ec'odad af, oglog eɛe lel eke s'awɲ ɔny ec'odad af yeɲi, k'ùbr nawrɛ.

³Kì yebr eɲɲ kaka k'ɛju ɔny akunda kaka fɛɲ em. Tasi em a, agɲ b'ow igɲ Nyam ec'any uw a elu es gbuɲ ke læɲɲ a ów. Læɲɲ ab em anake Low ɲuɲ es a, in a ek'it eke k'irm a b'ow ey ɔkm a.

⁴Low ɲuɲ es na b'ow eɲɲn ob fɛɲ ek'el Nyam eci ke agɲ b'igɲ nuɲ a. Li b'ow l'igb ów amua fɛɲ e nuɲ af, eɲɲ li b'ow n'im toɲ l'ey Nyamel gbɛl ab em li sig es, ke l'ócr in sosi eɛe Nyam af.

⁵Kɔ k'ɔknmn eke mi dad ɔny ów amua, ow a eke m'anɲ ɔny ab a ee?

⁶Gbɛkɔ, uwr any eke low nyam anɲ eke caca em a, am eɲɲn Low ɲuɲ es na eke k'ey ɔkm, toɲ bake læɲɲ a eke wɛl bɛbm a ów.

⁷Low ɲuɲ es a ec'abusu a ɔb nuɲ es lɔl em am kok juma, eɲɲ ek'egɲ a ek'ucu ɔny'n es a k'ow anm ij a, li k'ow li kokm juma es lɔl em ij.

⁸Sica Low ɲuɲ es a b'ow ey ɔkm, ke Es Kɔtɔkɔ Jesu ɲúɲn'n trɛ trɛ trɛ, in e nɛnym e sel fuf em, ke li kíkn ow es in e mowrer ec'usuayl eci jɛɲn ab em.

⁹Low ɲuɲ es a b'ow ow Satan e læc ab ab eɲɲ li b'ow li kok meny ewr owi lele sakrowa yadɲ em ab;

¹⁰li b'ow l'oc low ɲuɲ fɛɲ l'elu ɔkm l'ɛjur agɲ ek'am irm a, eɲɲ -li b'ow -l'ok wus. -Li b'ow -l'ok wus anɲke -l'egɲm -l'ebm eɲɲ -l'erurm low nɛnyembri nyam a eke blɛl sɔg el a.

¹¹Na sosiɛm anake Nyam b'ow awɲ el abusu ek'el irm ec'a yec'eɲɲ ke -l'ub yec'ek'el yadɲ a nawrɛ.

¹²Na sosiɛm, agɲ a fɛɲ eke k'ow ubm low nɛnyembri nyam nawrɛ, ke b'ow erur anɲ low ɲuɲ kok em a, Nyam b'ow ɔb el low luw eci.

Ke éel low nawrɛ ub eɛɛl tasi

¹³Sica agɲ lisijimɛl, ɔny eke Es Kɔtɔkɔ erur ɔny a, ow it eke sɛɲɲ fɛɲ si k'elu Nyam bia ɔny eci, anɲke li sɔsum l'ot ɔny nuɲ ɔb em eɲɲ eke li ki sɔg ɔny Abɲ Lala eke b'ɔɲ ɔny éel Nyam eci lele ɔny ec'ɔmn ek'ɔnyɲ low nawrɛ em a ec'ab.

¹⁴Nyam eɲɲ ɔny in ec'Amani Mamn ec'odad eke si dad ɔny ab em. L'ɛɲɲ ɔny eke k'ɛɲan yec'a eke k'ɛbm ɔny ey Es Kɔtɔkɔ Jesu Krist ec'anygbɛl ab em a.

¹⁵Na sosiɛm, agɲ lisijimɛl, inymn es kikri ke úcur low yeɲm a eke s'ɔɲ ɔny odad ebl em oglog lel em ec'eke s'awɲ ɔny ab a ɔnyɲ es.

¹⁶Ke ey Es Kɔtɔkɔ Jesu Krist in obi, lele Nyam ey Es ab, ek'ɔny ey ec'erur ke ɔɲ ey bibm em, sos es atr ek'ɔnym uwr lele low ɔmn tasi ab a,

¹⁷yíbr ɔny ec'erm a lokm susu, ke óḡ ɔny læc kokr ów amamn ów kok em lele odad ebl em ab.

Tesaloni eyḡ e læl yony em 3

Ɖɔḡan Nyam ɔḡḡ ey

¹Sica lisijimel, ḡḡan Nyam ɔḡḡ ey, yec'etḡ ke Es Kɔtɔkɔ ec'odad ebl a ómun es fafa, ke wel úsr'r sos esɛ eled eke ow ecr ɔny ogḡ ab af.

²Ɖɔḡan Nyam yec'etḡ ke l'éb l'elu ey es agḡ eḡḡḡ lele lokm ḡḡḡ esel ab ec'abu em, aḡke ow elm agḡ a feḡ eḡḡḡ ubm nawre.

³Gbeḡ Es Kɔtɔkɔ el cɛcɛ, li b'ow l'usur ɔny erm, ke l'ósu ɔny agḡ e lís.

⁴Es Kɔtɔkɔ ɔḡ ey s'ɔny ɔmn ɔny em etḡ s'uw any tasi ek'am kokr ów a eke si dad ɔny a etḡ ucir ɔny es am kokr.

⁵Ke Es Kɔtɔkɔ nyímn ɔny ec'erm a Nyam ec'erur a lele Krist eci low eku ab ab e lís.

Juma kok owi

⁶Agḡ lisijimel, Es Kɔtɔkɔ Jesu Krist e nin em s'am ibrm eke ki kpabr es agḡ lisijimel a feḡ ek'am ir eb kpɔḡḡ em, ke éḡḡḡ low yegm a eke s'ɔḡ el a ebm a e lís.

⁷ɔny obi yeḡi uwr eled eke ki kokr ke ébr ey e lakr ab any, aḡke læḡḡ eke s'anḡ ɔny ec'araḡḡ a, s'elm óḡḡu.

⁸Si yeḡm agḡ ɔm ey ob s'ijm ɔfr em; kɔ ey obi s'ij gbre, s'ok law, si kok juma læc em, ncok lele læḡḡ owr ab, yec'etḡ ke ey e gbagbl e low k'élm ɔny em ec'egḡ kaka feḡ eci.

⁹Si kok eben, ow elm ke si k'ónym abusu eke si k'ibrm ɔny ec'abu elum a eci, kɔ sewl mum eke si yegm ɔny eke k'ebr.

¹⁰Etḡ ow a eke s'anḡ ɔny ab a, si dad ɔny: ek'egḡ erurm eke ki kok juma a, ow itm eke li k'ij ob.

¹¹Sica s'am dad ɔny low na, aḡke s'am iri ek'ɔny em a, óḡḡu anḡ ek'erurm eke ki kok low kaka, eke ow elm agḡ e low cɛ eke -li k'igb -l'ok em.

¹²Agḡ amua na, s'am dad etḡ s'am ɔm el ów ek'Es Kɔtɔkɔ Jesu Krist e nin em, -li ki kok juma seḡḡ feḡ ke -li gbagbal el sosi.

¹³Agḡ lisijimel ɔny ec'a, low mamn e kok k'am ɔny sos.

¹⁴Eke batḡ eḡḡ nyam eluam odad na ek'anḡ læl na eke s'ɔḡ ɔny ab em, ke èbmnin in nyamn, ke k'éwmn mɛcrer in ab ij, yec'etḡ ke és óny'n.

¹⁵Gbeḡ k'òcr ir esɛ ifnu af, kɔ ɔmn in ów esɛ eḡḡ lisijim af.

Ɖwɔ lele esḡḡ ab

¹⁶Ke Es Kɔtɔkɔ ek'el erm es ey e nuḡ a, in obi óḡ ɔny in ec'erm es ey a seḡḡ feḡ, low low feḡ em. Ke Es Kɔtɔkɔ ánḡ ɔny feḡ ab!

17Em Pɔl, em obi ec'abu em mi non esɛn na lel na ec'awr em. Eɓen eke mi b'awr em e silɛl fɛɲ eke mi bi non a meny ana.

18Ke ey Es Kɔtɔkɔ Jesu Krist ec'owrɔ a áɲɲ ony fɛɲ ab.

Timote e lɛl krɛkrɛ

Timote e lɛl krɛkrɛ 1

Ɛsɛn

¹Ɛm Pɔl, Jesu Krist ec'erm es, Nyam ey e Sɔg Ɛs lele Jesu Krist ey ec'omn ob ab ec'abusu em, m'am awɛn'ɛn lɛl na.

²Ɔ Timote eke anɛ ɛsɛ em ec'iy lokm tasi af omn em, ke Nyam Ɛs lele Jesu Krist ey e Kɔtɔkɔ ab ɛdn'ɛn ɔwrɔ, ɔny ɛn e sɔrɛn ikɛ ke ɔn'ɛn erm es ey.

Ɛrm ɛw low yɛgm ɛsɛl ayadɛu e lɛs

³Eke m'aam Maseduan a, m'ijl'ɛn nɛny eke k'anɛ Efes, yec'ɛn ke agɛ a ek'am yɛgm agɛ ɔw yadɛn a, ɛdnɛn el ke -li ki kokmn ij.

⁴Dɔd el -li wal ɔw a ek'agɛ el obi ɔkn dad lel el lagɛel e mew ec'es ɔsɛm owi e low a -l'ɛlu es, ow es atar cɛ ow b'is, ow ɛluam Nyam ec'es eb ɛlu e low a eke bɛbm ɛw es, ke wɛl uw any omn em a abu.

⁵Low na eke b'ow dad a, b'ow ɔn el ec'erur a agb: erur eke b'anɛ erm lala em ow, tutr mamn em lel omn tasi em ab a.

⁶Agɛ bɛb igɛn ejagb na ɛlu es ɛn ɛrm sodad ek'onym any e dad em.

⁷-Li b'ocr el sosi ɛsɛ Nyam ec'ol a ec'any uw ɛsɛl tasi af, gbɛkɔ -l'irimn el obi e sodad eke -n'am dad a, ɛn ɔw a ek'ow sosiem -li b'atar ɔw es a yɛji -l'irimn.

⁸S'uw any eke Nyam ec'ol a el ob mamn, eke wɛl uw any kok ow e low ek'it a.

⁹Wɛl ɔkn eke wɛl ɛwm ol agɛ eke bi kok ɔw amamn a eci; kɔ ɔw ɛnɛn ɛsɛl lel agɛ ek'ɛluam ol ab ab sosiem wɛl b'ɛw ol, ɛsɛ: molokm ɛnɛn ɛsɛl, sikpl ɛsɛl, agɛ ek'ɛluam Nyam lel ob ek'el lala ab ab, agɛ eke b'ibi el ɛsɛl oglog el lisɛl lel agɛ ibiu fɛn ab.

¹⁰Ɛmɛny wɛl b'ɛw ol agɛ eke b'ij nfaci a eci, egɛ eke b'erum el lawlɛl egɛn ab, agɛ eke b'ol madu ij, ayadɛu, agɛ eke b'ij danɛu yadɛn em lel agɛ fɛn eke bi kok ɔw ek'elm low yɛgm nawrɛ tasi ab ab eci.

¹¹Low yɛgm ikɛn na anɛ Amani Mamn a eke b'ɔn ey s'uw Nyam ec'anygbɛl ab any ab em. Ɛɛ, Nyam eke el ehe fɛn eci nuɛn a anake abul'm Amani Mamn na a.

Pɔl am ɔn Jesu Krist bia

¹²M'am ɛlu Jesu Krist ey Ɛs Kɔtɔkɔ eke ɔn'm lɛc, em e juma kok ec'a bia. M'am ɛlu'l bia eke n'ɔny omn em em, ke l'ɛsɛn'm in e juma ab em,

¹³eke legɛn ek'ec ab em, mi dad in e lɛs ec'ɔw ɛnɛn, m'ijr'r gbɛrɛ ɛnɛn mi wɛwr'r yɛji. Gbɛkɔ Nyam ɔny em e sɔrɛn ikɛn, anɛke m'onym omn in em ɛnɛn m'uwm low eke m'am kok ab any.

- 14** Ɛy Ɛs Kɔtɔkɔ ɛdɛɲ' m ɔwɔɔ nɔnɔ, ɛtɛɲ n'ɔɲ' m ɔmn lel erur eke b'anɲ Jesu Krist ɛm ow ab ab.
- 15** Kin odad nawre tasi ek'it ek'agn a fɛɲ k'eb: Jesu Krist ow wus na af sikpl ɛsɛl fɛɲ e sɔg eci. M'el el ɛm e ligbɛl tasi,
- 16** gbɛkɔ ow sosiem anake Nyam ɔny ɛm e sɔɲɲ ikɲ a: l'erur eke Jesu Krist k'ɛcr ɛm eke m'el sikpl ɛsɛl ab ɛm e ligbɛl tasi a yɛgm in e low eku eke n'ɔny, ke ow ɛl sewl agɲ a eke lɛɲɲ anym ɛm b'ow ub'r nawre, ke b'ow ɛɲn sel ek'ɔnym nuɲ a eci.
- 17** Sos usr lele anygbɛl ab ɛl Ɛb ebu a ek'anɲ sɛɲɲ fɛɲ, ɔnym uw, wɛl ɛknm ke el Nyam nyam coco a eci! Amen.
- 18** Ɛm jim Timote m'am abul'ɲ low yɛgm na, ɛsɛ elɛl eke ɲ e Nyamel ab ɛm e kokoba ɔb ɛsɛl ikɲ anym dad ɛw es ɲ e lɪs ab af. Ke sodad amua ɛtr'ɲ sos es ɔɲ ogɲ mum mamn a,
- 19** ɲ ec'ɔmn a lele ɲ e tutr mamn ab ab ɛm. Agɲ nyam nyam ɛɲɲm ɔsum ɛl e tutr mamn a, ow ɔɲ -l'irmn ɛl ec'ɔmn a.
- 20** Agɲ ab ɛm Imene lele Alesandr ab yɛɲi anɲ; m'ot m'ok ɛl Satan abu ɛm yec'ɛtɲ ke lɛɲɲ ɛjɛci -li k'ɔbrmn Nyam any.

Timote e lel krɛkrɛ 2

Elɛl eke wɛl ki ɲɔɲɲ Nyam

- 1** Low krɛkrɛ eke m'am dad eke wɛl ki kok agɲ fɛɲ ec'a el: ke wɛl ɲɔɲɲ Nyam ɪbrm'n low, kɔk sɔɲɲ ke ɛlu'l bia.
- 2** Ow it eke wɛl ki ɲɔɲɲ Nyam ɔɲ ɛb ebu fɛɲ lel agɲ fɛɲ ek'ɔnym es ɛw ab a, yec'ɛtɲ ke s'ɔtu s'ir ɛb ek'erm mij anm ɛm, erm es ɛy ɛm, sos us ɛm, Nyam ec'es ucu ɔny tasi ɛm.
- 3** Na anake akpl ke el sɔbɔ Nyam ɛy e Sɔg Ɛs,
- 4** eke b'erur ek'agn fɛɲ k'ɛɲn sel, ke ɔtu uw low nenyembri nyam any a.
- 5** Tasi ɛm a Nyam nyam cɛ anɲ, ɛtɲ in lel agɲ ab ec'araɲn a yɛɲi ɛɲɲ nyam cɛ anɲ, ɛɲɲ a in l'el Jesu Krist
- 6** ek'ocr in sosi ɛw awoba agɲ a fɛɲ e sɔg eci. Ek'ow e lɛɲɲ a ow a, l'ɛlu ɔkm li yɛgm eke Nyam erur ek'agn fɛɲ k'ɛɲn sel.
- 7** Na sosiem anake Nyam ɛw'm lebl ɛlu ɛs lel erm es ab, ke mi yɛgm agɲ ek'elm Jwifel yec'eke el ɔmn lele low nenyembri nyam ab a. M'ɔnym yadɲ, low nenyembri nyam m'am dad.

Elɛl eke wɛl ki ɲɔɲɲ Nyam dedeku ɛm

- 8** M'erur ek'usu fɛɲ, ɛɲɲ ki gbigbl sabu ogɲ afr ɲɔɲɲ Nyam, gbɛkɔ Nyam ɲɔɲɲ a ɛl erm lala ɛm, erm ek'erm bebl lel ɔw es atar ab anm ɛm.

⁹M'erur yej'eke ɔyɔw ki s'us mob ek'it, mob frafra ce, ke ow k'elm low agbr em; ke -li ki kokmn sin ek'agn k'ekn el, -li k'okmn sika em miyob, miyob ac lele mob sus em eke b'il an nono ab,

¹⁰ko ke el e sakpl a él ów amamn e kok, ese eled ek'ow it ek'ɔyɔw eke bi dad ese el b'elum Nyam a, ki kok ab af.

¹¹Ow it ek'ɔyɔw k'ok es tin iri low yegm a, elum ligbel em.

¹²M'elum abusu es eke yow ki yegm ign low oglog ew ign es; ow it eke li ki yewal tin.

¹³Tasi em a, Adam anake Nyam ikn anym kok a, etn ow e jam a li kok Ev.

¹⁴Etñ emeny, ow elm Adam yebm wel ejum'n, ko yow yeb wel eju'r etñ eluam Nyam ec'odad ebl a.

¹⁵Eben yeji, Nyam b'ow sog'r in ec'ey eke li b'ow l'ew ab em, gbekɔ ow it eke li k'onny ɔmn, erur, ke l'ir eb eke elm low agbr em ke b'akpl Nyam sos em.

Timote e lel krekre 3

Nyamel idr esel ec'ow ɔm

¹Kin odad nawre tasi: eke egn nyam erur eke k'el Nyamel ec'idr es, ke juma senyn l'erur a.

²Ow akpl eke Nyamel ec'idr es k'el egn ek'abr enym anm lis; yow nyam ec'ign, egn eke b'ok sos es low em, ke b'onny any es ok. Ke n'onny es an mamn, l'el egn eke b'eb etu, ke ɔtu eke ki yegm agn low.

³Li k'elm mar egnu, li k'onnym gangan, ko l'el frɔɔ lel erm es eyr es ab. Li k'elm egn e b'erur os owi,

⁴ko l'el egn ek'ɔtu eke ki nyimn in obi ec'akñ a, egn ek'in ec'ey a b'onny in ec'elum.

⁵Tasi em a, ek'egn nyam ɔtum nyimnm in obi ec'akñ a, ayaf l'ɔtu eke li ki nyimn Nyamel ee?

⁶Li k'el egn ek'itñn erm em owr owr; ek'ow el egn eben, li b'ow l'eb sos ew abu em etñ li b'ow n'onny es abur ese agn ec'ab af.

⁷Ow it yeji ek'agn ek'ubm Krist nawre a k'elum'n, yec'etñ ke li k'onnym cak, ke li k'eym agn e simeb e b'uk ab em.

Nyamel em eci diakrel ec'ow ɔm

⁸Diakrel yeji it ek'el agn eke k'us sos, ke onny nenyembri nyam yeji; ow itm eke -li k'egn mar nono, -l'ɔl yadñ em eci os onny es;

⁹ke -l'ucu low nawre ek'ey ɔkm Krist ec'ɔmn e -n'onny ab em a -n'onny es tutr lala em.

¹⁰Ow it ke wel ikñ anym ebm el ekñ; ek'ow e jam a wel eknm low ɔbr el e lis a, ke sika -li kok juma ese diakrel af gɔñ.

¹¹Ɔyow eke el diakrɛl a yeji it eke k'el agɛ eke k'us sos. Ow itm eke -li ki dad el lawlɛl e lɪs ec'odad ɛɲɲ; ow it ke -n'ony any es ok, ke -li kok cɛcɛ low low fɛɲ ɛm.

¹²Ow it eke diakr k'el yow nyam ec'igɛ, ke n'ony abusu eke li ki nyimn in ec'ey a, lel in ec'akɛ a nimum ab mɛwl ɛm.

¹³Diakrɛl eke bi kok el e juma mɛwl ɛm a, agɛ a fɛɲ b'ow usr el sos ɛɲ -li b'ow - n'ony lokm susu ligbɛl ɔmn a ek'ony okr ɛy af Krist ab ab ɛm.

Low e lɔl es ke ɛy ɔkm

¹⁴M'am awɲ'ɲ lel na, kɔ m'am tutr eke mi k'ow m'ɛkn'ɲ lɛgɲ tɛl ɛm.

¹⁵Gbɛkɔ eke mi k'owm, b'ow ɛkn elɛl eke k'aan es Nyam e bosu ab ɛm lel na e m'am awɲ'ɲ ab ɛm. Nyam e bosu a el Nyam ek'anɲ owr ec'agɛ a, ek'ucu low nawrɛ ɔny es a.

¹⁶Tasi, low a e lɔl es ke ɛy ɔkm ɛy ec'ɔmn ab ɛm a agb nɔnɔ! Low a el: Krist ɛy ɔkm ɛsɛ ɛgɲ af, Abɲ Lala ɛlu'l ɔkm ɛsɛ ɛgɲ nyim nyim af ɛɲ afr ɛrm ɛsɛl ɛkn'n. Wɛl ɔb in ec'amani ok sebr ɛjɛci ec'agɛ a, ɛɲ agɲ nɔnɔ ub'r nawrɛ wus af aɲa, ɛɲ n'im afr anygbɛl ɛm.

Timote e lɔl krɛkrɛ 4

Agɛ eke b'oc ów yadh yɛgmɲ agɛ low

¹Abɲ Lala dad ɛrum mar nine: sɛgɲ es abal el ɛm a, agɛ bɛb b'ow igɛ el ec'ɔmn a ɛlu es, ke ús sow tutr yadh lele low yɛgm eke b'anɲ abɲ ɛɲɲ ɛm ow a jam.

²Agɛ enyembri yony yony ɛsɛl lel ayadhɲ ab b'ow irmn el. Agɛ amua, el agɛ eke Nyam owi am dadm low kaka, ke el e sow tutr a anɲ ɛsɛ ob eke wɛl oc lowi gbagba ɛwr mɛny af.

³Agɛ amua el eci low yɛgm ab ɛm b'ow dad ek'ow itm ek'agɛ k'ɛbirir, -li b'ow - l'ɛdɲn mob bɛb eke wɛl b'ij a. Kɔ Nyam kok ob ij amua yec'ɛɲ ke agɛ a ek'ub nawrɛ, ke uw low nawrɛ any a, óɲ'n bia ke íj.

⁴Ob fɛɲ eke Nyam kok a akpl; kaka anm ɛm eke wɛl k'igɛ ɛlu es, gbɛkɔ b'eb a k'ópim eke k'ɛlu Nyam bia,

⁵anɲke Nyam odad lele Nyam ɲɔɲn ab b'ɔɲ ob fɛɲ el nimamn Nyam ec'any af.

Él Krist e juma kok ɛs mamn

⁶Eke b'oc low yɛgm na ɛlu ɔkm agɛ lisijimɛl ɛm, b'ow el Jesu Krist e juma kok ɛs mamn, ɛɲ b'ow yɛgm ek'ɔmn e sodad ebl a lele low yɛgm tasi a ek'ɛɲn Abɲ ɛm a, b'iyr'ɲ lok.

⁷Gbɛkɔ igɲ sawl odad eke low kaka anm ɛm ke ókrm af ɔmn ab a ɛlu es, ke ótur sos akɲm Nyam ab ɲ ec'ɛb ir ɛm.

⁸Sos ɔtur sos megl af ec'a el low akplu, kɔ low tel em ce. Kɔ Nyam ec'akɔm ab a el low ek'akpl low feɲ em, aɲke ow b'ɔɲ ey s'ir eb Nyam ab yefenyina em etɲ ow b'ɛwar ey legɲ anym em ec'eb ir a.

⁹Na el odad ebl tasi ek'it eke agɲ feɲ k'egɲ eb.

¹⁰Tasi em a, s'am ij gbre si kok juma etɲ s'am atr sos es, aɲke s'oc ey e low ɔmn s'ɛlu Nyam ek'anɲ owr ke el agɲ feɲ e Sɔg Ɛs ab em, ab brobro agɲ a ek'ub nawre a.

¹¹Kin ów eke kí dad ke yégm agɲ.

¹²Kì yeb egɲ kaka k'iir'ɲ es aɲke el ɲgbafreli sosiem; kɔ èl agɲ ek'ub nawre a e sɛwl: ɲ e sodad ebl em, es an em, erur em, ɔmn em lele ɲ e lala el tasi em ab.

¹³Gbuɲ ke m'ów a, àt any awl Nyam e Silɛl a dedeku ec'any af, ɔm el ów ke yégm el low.

¹⁴K'ijl Nyam ec'ob ap a ek'ɔny anɲ'ɲ em ab es, yec'a ek'ɛɲɲ legɲ a eke ɲ e Nyamel ab em e kokoba ɔb esel dad ow e low, ke agɲekpekp a at'ɲ abu nuɲ a.

¹⁵Àt any kok ów amua feɲ, òcr ɲ sosi nimum ɛlu juma eke wɛl abul'ɲ ab em, yec'etɲ ke agɲ a feɲ ékn ɲ ec'anym imm a.

¹⁶Ɔsur ɲ sosi lele ɲ e low yegm ab ab. Ìnym es kikri ow af. Tasi em a, eke bi kok eɛn, b'ow ebr ɲ sosi ɛlu es etɲ b'ow eb agɲ a eke b'iri ɲ e sodad a yeji.

Timote e lel krɛkrɛ 5

Ów eke Timote k'ɔm kretienɛl a feɲ

¹Eke anɲ egɲ likpekp ab, kɔ dad'r odad læc em, kɔ ɔm'n ów lebl es ok em esɛ asɲ ce ow'n el af. Ɔc ɲgbafre oto esɛ esɲ jimɛl af,

²ɔyɔw ekpekp esɛ esɲɛl af, ededyɔw oto esɛ esɲ jɔwɛl af erm lala tasi em.

Eɲnyɔw eke ɔnym agɲ a

³Èw eɲnyɔw ek'ɔnym agɲ a e low any.

⁴Gbɛkɔ eke iɲnyɔw nyam ɔny ey oglog alaw ek'ɔtu eke ki kok in e lís e low a, ke -li wewr -l'ɛlu el ec'ɔmn a ɔkm el obi ec'akɲ a e lís, ke ow óɲ -l'ɔwr el ec'agɲ a ec'ów eke kok ɔɲ el a, aɲke ow el low eke Nyam erur.

⁵Iɲnyɔw ek'ɔnym egɲ kaka eke ki kok in e lís e low a, oc in ec'ɔmn a ɛw Nyam af, etɲ li bi ɲɔɲɲ Nyam ncok lele legɲ owr ab l'ibrm ow abu ɛlum.

⁶Gbɛkɔ iɲnyɔw eke b'us in ec'ów aw owi jam a, abɲ em a l'uw ɲ, eke n'anɲ owr sos megl em bobɔ yeji.

⁷Low na anake it eke k'ɔkn el a, yec'etɲ ke wɛl k'ɛɲnm abr enym owi el e lís.

⁸Eke egɲ nyam éwm in ec'agɲ e lís e low any, ab brobro in obi ec'akɲ ec'agɲ a, l'egbr in ec'ɔmn a etɲ n'uɲ l'akm egɲ ek'ubm Krist nawre a.

⁹Gbuɲ ke n'ón inɲyow nyam e nin eɲnyow e lel ab em a, ow it eke li k'ony akpo eke nyahan. Ke l'él yow ek'ony igɲ akp nyam ce,

¹⁰ke wel úw'r any in ec'ów amamn kok em, ke l'él yow eke gbagbl in ec'ey a mewl em, ɔny erm mamn etu ec'eb em, ɔɲ agɲ ek'ub Krist nawre a mij yoyog akr es, atm gbre esel abu ke kok ów amamn nɔnɔ gbɛl.

¹¹Eɲnyow ek'anɲ ngbafre a, k'èlu el nin lel ab em, aɲke igɲ ebi owi b'ow el nuɲ em a, -li b'igɲ Krist -l'elu es,

¹²etɲ ow b'ɔɲ el -n'ony jej ok aɲke -l'irmn el e krekre e neny ij a ow e lís.

¹³Etɲ emeny, eke -n'onym low kaka eke -li ki kok a, -li b'eb akɲ akɲ ec'ec abu em; etɲ yec'eke akplm tasi a el ke -n'am cacak agɲ, -n'am dad ów ek'otm el es, -n'am bebar neny low feɲ em.

¹⁴Na sosiem m'erur ek'eɲnyow ngbafre a k'ewl ebi eɲɲ, ew ey, ke nyímn el ec'akɲ a mewl em, yec'etɲ ke -li k'ɔmn ey ec'efnu a abusu dadm ey ów eɲɲ.

¹⁵Tasi em a, eɲnyow ab em nyam nyam ngbon ejagb nyim nyim ab af, am us Satan jam.

¹⁶Eke nawre ub lis nyam ec'agɲ ab em eɲnyow anɲ, ow it eke li k'elum wel abu, ke li k'igɲm l'elum wel es eke Nyamel k'ekn el e lís owi. Ke ow óɲ Nyamel ɔtu elum eɲnyow ek'anɲ el sony a abu.

Nyamel nyimn esel ec'ów ɔm

¹⁷Agɲ ekpekp a eke bi nyimn Nyamel mewl em a it eke k'ɲɲ labm sɔg yony, ab brobro el a eke b'ij gbre dad Nyam odad, ke bi yegm agɲ low a.

¹⁸Low tasi eke Nyam Lel dad a el: K'ow ocmn meb ɔnynmn id eke wel ucu meb am kikn may es a neny es, etɲ: Juma kok es it eke k'ɲɲ in e labm sɔg.

¹⁹Eke wel oc eɲɲ likpekp nyam eke wel am ok ów af ow ɲ ec'any af, k'èɲɲ ow e low k'eb, eke irim adanɲku yony oglog nyahan e neny.

²⁰Agɲ yec'eke kok sikpl owi a, ènym el abr dedeku a nimum ec'any af, yec'etɲ ke agɲ likpr a úru low.

²¹Kin low yec'eke m'am ibrm'ɲ tasi em Nyam ec'any af, Jesu Krist ec'any af lele afr erm esel eke Nyam sɔsum ot ab ab ec'any af: èlum ów amua ke ow k'elm enyembri yony yony em, ke k'ánm eɲɲ kaka jam.

²²K'ògɲ es k'at eɲɲ abu nuɲ k'abul il juma Nyamel em. K'èlu abu awlɲel e sikpl owi em; ɲ obi a ànɲ lala.

²³K'èɲɲ mij sony coco ce, kɔ èɲɲ mar tel ɲ eci lokm a sosiem, aɲke ɔl ówm'ɲ ɔny.

²⁴Agɲ beb e sikpl a b'eru es kpata wel ekn gbuɲ eke wel ki jej el e low ok a, kɔ agɲ likpr ec'a, jej ok a b'uwr gbuɲ etɲ wel b'ekn el e sikpl a.

²⁵Ów amamn yeji wel b'ekn el kpata, etj el a eke wel éknm kpekj a yeji ánm es lol em ibnm.

Timote e lel krékre 6

Madu lel el eci es ew esel ab ab ec'ów om

¹Agj a fej eke el madu a it eke k'onj elum nono ligbel el eci es ew esel a e lís, yec'etj ke egj kaka kí dadm low njj okm Nyam e nin a lel ey e low yegm ab ab af.

²Madu a eke onj es ew esel eke el nawre ub esel a, wel el el lisijimel. Ee nawre! Gbeko ow elm na sosiem -li k'obrmn wel any. Tasi em a, wel e lís owi anake it eke -li ki kok tasi a, anke agj a eke -n'am kok juma -n'oj a, el omn esel eke Nyam erur.

Low yegm yadj lel ob onj tasi ab

Kin low ek'it eke ki yegm agj ke oj el -li kok a.

³Ek'egj nyam am yegm agj low ejeci etj n'am igj ey Es Kotoko Jesu Krist e sodad tasi a lele low yegm a eke el ey ec'omn ec'ab ab l'elu es,

⁴ke l'el egj eke es efu iy em gbogj etj l'uwm low kaka any. L'el egj e b'erur ów es atar owi ke b'ogj mum odad ebl sosiem. Yogj em ec'ów eke b'anj ow a el: nyamn eyr, ów esu, egj wewr, sow tutr yadj egj e lís,

⁵lel ów es atar eke úwrm, ke b'anj agj eke nuj em okm es, ke irmn low nenyembri nyam e dad a ec'arajj. -Li bi tutr ek'omn eke wel b'onj Nyam em a el ebr eke wel b'eb onjn ob af.

⁶Tasi, omn eke wel b'onj Nyam em a el ob onj ligbel, eke wel b'egj yec'a ce eke wel onj a eb.

⁷Tasi em a, s'isam ob kaka ab wus na af etj si k'ow s'otum s'ewlam ob kaka ab.

⁸Na sosiem eke s'onj ob ij lele mob sus em ab ce, ke ow odj ey ij.

⁹Agj eke b'erur eke k'onj ob a, b'ey meju owi em etj low aw nono lele low njj ab b'ogjm el meb etj b'onj ok el wus njjn el.

¹⁰Tasi em a os ec'erur anake el ów enj fegj e min a. Agj beb ec'a, os a ec'onj e low aw afjn el es toj etj -li kpab es omn e lís etj -l'ijr el ec'erm a gbre ow sosiem.

Omn em e mum mamn ec'ogj

¹¹Gbeko j eke el Nyam ec'egj a, àru ów amua fej egb es. Ól neny nyam ij es, ùcu Nyam onj es, ir eb omn em, erur em, low eku em lele froro el em ab.

¹²Ógjn omn em e mum mamn a, ùcu sel ek'onjm uwr a onj es anke Nyam esj'j eke k'uw sel ejn ikj na any, legj a ek'agj nono ec'any af ij j ec'omn tasi ek'onj e danju a.

¹³M'am ijl'j neny Nyam eke b'oj ob fej sel ec'any af lele Jesu Krist ek'ij omn tasi e n'onj a e danju Pons Pilat ec'any af a e nin em.

14Èlum ów a eke mi dad'η a, ɔsu ów a lala em ek'abr enym k'ánm em toη bake ign læη a ek'ey Es Kɔtɔkɔ Jesu Krist b'ow ewl ow a.

15Ègη a eke b'ow ɔη Krist ewl ow læη a eke li bæbm l'ew es a el Nyam. L'el ehe e nuη lel ob fēη ec'es ew es ab, éb ebu em ec'Eb ebu lele kɔtɔkɔel em e Kɔtɔkɔ ab.

16In cē li k'ɔtum l'uwm. L'ir usuayl usu ek'egη k'ɔtum titam. Ègη kaka eknm'n etη emeny egη kaka k'ɔtum eknm'n. Sos usr lele abusu ab él in eci segη fēη! Amen.

Egbreηgbi ec'ów ɔm

17Dàd wus na af ec'egbreηgbi a, -li k'ewr sos, -li k'ocr el ec'ɔmn a -li k'ewr ob ɔny na eke b'uwr ab af, kɔ -l'oc el ec'ɔmn a -l'elu Nyam em, in eke li b'ɔη ey ob fēη erm mamn em ey e low kok ec'a.

18Dàd el -li kok ów amamn, -l'ij gbreηgbi ów amamn kok em, -l'el érm mamnu ke -l'el agη eke bi cēc ob el lawlél ab.

19Eke -li bi kok eben, -li b'ow -l'as ob ɔny mamn ek'ɔnym uwr a luku læη anym em eci, yec'etη ke -n'ēηn owr anη nawrē tasi a.

Ów ɔm es abal el

20Libowi Timote, ɔsu mēwl em yec'a eke Nyam abul'η a. Àru nēnym ot eke low kaka anm em, ke ókrm af ɔmn ab a lele sodad ek'agη b'ub nuη em ɔny e sodad a egb es.

21Tasi em a, agη beb ij nēny dad eke el ɔny nuη em ɔny ikη na etη -li kpab es ɔmn e lís. Ke Nyam ec'owrɔ a áηη ɔny ab.

Timote e lel yony em

Timote e lel yony em 1

Ɛsɛn

¹Ɛm Pɔl, m'el Jesu Krist ec'erm es anke Nyam erur. Wel abul'm eke mi k'ɔb sel ɛn a eke wel ɛwar ow e low ɛw es, ke anɛ Jesu Krist em a ec'amani.

²Timote em ec'iy e m'erur, ɛ anake m'am awɛɛ'ɛn lel na a. Ke Nyam Ɛs lel Jesu Krist ɛy Ɛs Kɔtɔkɔ ab ɛdɛɛ'ɛn ɔwɔ, ɔny ɛ e sɔɛɛɛ ikɛ ke ɔn ɛrm es ɛy.

Nyam bia elu aja ɛn eci

³Nyam a eke mi bi kok in e lɛs e low tutr tasi em ɛsɛ elɛl ek'em lagɛɛl kok ab af a, m'am elu'l bia. Ncok lel legɛn owr ab mi b'ɔkn ɛ e low em e Nyam ɛnɛn em ɛtɛ mi b'elu Nyam bia sakp sakp fɛn ɛ eci.

⁴M'am ɔkn ɛ e mikɛ a e low ɛtɛ m'am erur tasi eke mi k'ɛkn'ɛn bake m'ɔny sos em iɛn.

⁵Ɔ ec'ɔmn nawrɛ tasi a ek'ɔny Jesu Krist em a e low anɛ'm sos em, ɔmn a ek'alɛn Lois lel ɛsɛn Enis ab ikɛ anym ɔny gbuɛ ke ɔny a. M'ub nawrɛ tasi eke ɛ yeɛi ɔny.

Ɔsu Amani Mamn a eke Nyam abul'ɛn a

⁶Ow sosiem m'am ɔkn'ɛn: ob ap a eke Nyam ɔn'ɛn legɛn a eke m'at'ɛn abu nuɛ a, ɔkr'r meb em,

⁷anke Abɛn a eke Nyam ɔn ɛy a, ɔm ɛy s'ɛwm dra dra. Tasi em a, in ec'Abɛn a b'ɔn ɛy lɛc, erur lele low em eci sos es ok ab.

⁸Ɛs k'ɔny'ɛn ɛy Ɛs Kɔtɔkɔ eci danke ij em; ɛs k'ɔny'ɛn em e lɛs eke m'anɛn sobel em in sosiem a eci. Kɔ ij gbɛɛ em ab Amani Mamn a sosiem, lɛc a eke Nyam b'ɔn'ɛn ab em.

⁹Nyam anake eb elu ɛy es ke ɛsɛn ɛy eke si k'el in ec'a; ow elm ɛy ec'ow amamn eke si kok a sosiem, kɔ ow el in obi e low eke li bebɛm l'ɛw es, ɛtɛ ow el bibɛm ɔfr em eke n'ɔn ɛy Jesu Krist em gbuɛ eke wus k'ɔb nuɛ a.

¹⁰Gbɛkɔ yɛfɛnyɛna em, l'elu ow e low ɔkm ɛy e Sɔg Ɛs Jesu Krist ec'ow na em, anke Jesu Krist ɔny luw ec'abusu a oc es ɛtɛn Amani Mamn ab em li yeɛgm owr anɛ a eke úwrm a.

¹¹Nyam oc'm eke mi k'ɔb Amani Mamn na eci kokoba ɛsɛ ɛrm es lele low yeɛgm es ab af,

¹²ɛtɛn ow sosiem anake m'am ij gbɛɛ amua a. Gbɛkɔ m'ɔny ɛrm susu ligbɛl anke m'uw ɛgɛn a eke m'oc em ec'ɔmn a m'elu em ab any ɛtɛn m'ub nawrɛ tasi eke n'ɔny abusu eke Jesu Krist e lɛs ec'Amani a eke n'ɔn'm a, li k'ɔsu ton ke ow ít jɛj ok e legɛn a.

¹³Ɔc ɛsɛ sɛwl af sodad nawrɛ a eke mi dad'ɛn a dadr odad, ke ɔmn a lel erur ab ab a eke s'ɔny Jesu Krist ab ec'af okr em a, ij lɛc ow em.

- 14 Òsu Amani Mamn a eke wèl abul'η a Abη Lala a ek'ir ey em a e nin em.
- 15 Eεe elel ek'uw any ab af, Azi ogo ec'em lawlèl a fèη wal elu'm es. Fijel lel Eρmojen ab anη em.
- 16 Ow akpl eke Eε Kòtòkò k'èlu in ec'erm mamn a òkm Onesifòr e bosu a e lís, anke sakp nòno li b'atr'm sos es etη sobel em eke m'anη a, em owi ec'és onym'n;
- 17 Ow òη, eke l'ow Rom a, l'igη nuη es l'òl'm es toη n'èηn'm.
- 18 Ow akpl eke jèj ok e læη a, Eε Kòtòkò k'òη abusu n'èηn Nyam oηη eci sòηη ikη a. Efes yogη ec'abu elum eke m'èηn in em a, uw any senyn senyn.

Timote e læl yony em 2

Krist ec'ar oηη εs mamn

- 1 Ì, em jim, èηη η e læc a bibm eke b'anη Jesu Krist em ow èηη ey ab em.
- 2 Low yec'a ek'iri mi dad adaηku nòno ec'any af a, òc abul agη ek'onη òmn el em eke b'ow òtu ony læc, el yeηi oc im yeηm agη ejec'a.
- 3 Ì yeηi gbre ek'it eke k'èbm'η εεε Jesu Krist ec'ar oηη εs mamn af a, èηη eb.
- 4 Ar oηη εs mamn ek'èηη ar oηη e low eb, ke am erur ek'in ec'èηη ligbèl a k'aw'r a, li kòkm agη em ec'ów a eke agη ek'elm ar oηη esèl a bi kok a ij.
- 5 Mum oηη εs ek'am oηη mum a, ke n'èηη ow ec'ob ap ek'anη em a, ow it eke li k'elum mum oηη a e sol a.
- 6 Wus juma kok εs it eke k'ij gbre kok juma, gbun ke n'èηη ow ec'egb ey a l'ij.
- 7 Tùtr ów amua eke m'am dad a senyn senyn, etη Eε Kòtòkò b'ow elum'η abu iri fèη ow ok'η es sos em.
- 8 Òkn Jesu Krist ek'el David e bosu em ec'èηη ke anη luw em igb εεe elel eke Amani Mamn a eke m'am òb ow e kokoba a dad ab af a.
- 9 Amani Mamn na sosiem anake m'am ij gbre, ke wèl okm ηgbraka εεε low ηun kok εs af a. Gbèkò Nyam ec'odad a in wèl okm'n ηgbraka.
- 10 Na sosiem m'am èηη low fèη m'eb agη a eke Nyam sòsum ot a e nimamn eci, yec'etη ke el yeηi -n'èηη sel èηη a eke b'ow anη Jesu Krist em ow a, lel anygbèl a ek'onym uwr ab ab.
- 11 Kin odad nawre tasi: Eke s'uw Krist ab, si b'ow s'anη owr in ab;
- 12 eke si b'inym es kikri, si b'ow s'el es ew esèl in ab; eke si b'igη s'elu'l es, in yeηi li b'ow l'igη l'elu ey es;
- 13 ek'ey s'elm cècè, ke in gbè l'el cècè, anke li k'òtum l'ègbram in sosi.

Òb Amani Mamn a e kokoba nawre em

- 14 Òkn agη a fèη ów a ek'iri a, ke íbrm tasi Nyam ec'any af eke -li k'esumn ów sodad ebl sosiem. Ów εsu amua elm low kaka, ow el agη a eke b'iri a ec'irmn cè.

- 15 Ì ec'a, àtr sos es ke Nyam ec'any af a él gbawru, esé juma kok es ek'itm ek'és k'ony in e juma e li kok a eci, ke am òb neny nyam em low nawre ec'amani a.
- 16 Ów es atar òfr òfr a, ek'elm òmn ec'a, àru egb es, anke agñ a eke b'anñ ow ec'ów em a, ow b'ow òñ el -n'am kpab es Nyam e lís.
- 17 Èl eci sodad ebl a b'ow anñ esé lebi ek'ugñ es ke am ij sos megl a lokm em ab af. Agñ amua em anake Imene lele Filet ab anñ a.
- 18 -Li dign low nawre a -l'elu es. -N'am dad eke Nyam in òny agñ in igbm luw em legñ a etñ, ow òñ -n'am ñuñ agñ òñ ec'òmn a.
- 19 Gbèkò Nyam ec'odad ebl nawre tasi a eke sigm es esé êl eci lebn eke wél elu òmu em af a, itñm. Kin sodad eke wél òn af yogñ a: Es Kòtòkò uw agñ ek'el in ec'ab any. Etñ emeny wél ign af eke: Egñ kaka feg eke bi dad esé in el Es Kòtòkò ec'a, òtu eke ki kpab es low ñuñ e lís.
- 20 Êl ligbèl nyam em, ow elm sikpokpo eke wél kok sika em lele jete ufu em ab ce ánm, kò kpokpo eke wél aku ekñ em lele yec'eke wél kok kpeñ em ab yeji b'anñ. Ek'es gbègbl b'anñ a, jete ufu em lele sika em e sikpokpo a wél b'ot, etñ legñ òfr òfr em ec'a, wél b'ot ekñ em lele kpeñ em ab ec'a.
- 21 Ow sosiem egñ yec'eke b'ocr sos es ów yadñ na feg em a, b'ow anñ esé kpokpo amamn a eke wél b'ijr ob es gbègbl e legñ ab af. Wél b'ow oc ew'r es in ec'Es Èw a eci. Li b'ow n'anñ ow e juma eci etñ wél b'ow oc kok'r juma nimamn feg.
- 22 Àru ngbafre em e low aw feg egb es; òl eb ir nyim nyim, òmn, erur lele erm es ey ab es, agñ a ek'erm lala em b'esñ Es Kòtòkò ab ab.
- 23 Ów es atar òfr òfr eke low kaka anm em a, àru egb es, anke uw any ek'ow b'edñ nuñ ów esu em.
- 24 Etñ Es Kòtòkò e juma kok es itm eke k'esu ów. Ow it ek'in e low k'akpl agñ feg e lís, egñ ek'òtu eke ki yegm agñ low, ke égn agñ eci cak eke bi cak'r a e low eb.
- 25 Ow it ek'erm fròò em, li ki yegm agñ a eke b'oc'r odad es neny a low, anke Nyam òtu eke k'òñ el abusu -l'itñ el ec'es an a, ke -l'uw low nawre any.
- 26 -Li b'ow -n'ngbonñ agñ eci meb a ek'ucu òny el es ab em, -li k'ow -li kokmn agñ ec'erur ij, etñ -li b'ow -l'og es -n'am òny sow tutr amamn.

Timote e lel yony em 3

Segñ es abal el em ec'ów

- 1 Kin low ek'it eke k'uw any: segñ es abal el em a, segñ a b'ow ew tuotuo.
- 2 Tasi em a, agñ b'ow òny el obi ce ec'erur, el os e lawlèl, safri òwl esel lel es efuu ab; -li b'ow -l'el Nyam any òbr esel etñ -li k'ow -n'ònymn el esel ec'elum. -Li k'ow -l'uwmn bia òñ any; -li k'ow -n'ònymn Nyam ec'ów a ec'elum.

- ³-Li b'ow -l'el agñ ek'ony erm tuotuo, onym sorn ikñ, etñ -li b'ow -li dad ów yadh em el lawlél e lís. -Li b'ow -l'el agñ ek'onynm sos es, etñ -li b'ow -l'erur agñ eci gbre ijr, ke -l'el low nimamn ec'efnu.
- ⁴-Li b'ow -l'el agñ eju, agñ ek'am jejm ów es, agñ ek'es efu iy em gbõñ. -Li b'ow -l'erur el obi em ec'ów eke b'aw el a, -l'akm Nyam ec'erur eke -li k'ony a.
- ⁵-Li b'ow -li kok nyandre -l'el Nyam ec'éruru; kó tasi em a, -li b'ow -l'ign õmn e læc a -l'elu es. Agñ amua, àru egb el es.
- ⁶El em ec'agñ nyam nyam b'ok mel akñ etñ oyow fuéfue a ek'ony sikpl nono, ke õmn ijm læc a, -li b'ehn wél meb a eke -li b'uk wél ab em; oyow amua bi kok ów enññ feg eke b'aw el a.
- ⁷Segñ feg oyow amua b'anñ low wewr em, kó -l'otumn lægñ kaka -l'uwmn low nawre any.
- ⁸Etñ ese elél eke lægñ sig em a Janes lele Jambres ab atarir Mois ab a, agñ amua yeji b'atar low nenyembri nyam ab. -L'el agñ ek'el e sow tutr a inyam, ke el ec'õmn a yeji elm low kaka.
- ⁹Gbekó -li k'ow -n'iimn kpekpe yeji, anke agñ a feg b'ow ekn el eci yadh a ese elél ek'ow ecr Janes lele Jambres ab ec'ab af.

Ów om es abal el

- ¹⁰Gbekó ñ, us'm jam em e low yegm ab em, es an ab em, lel ów eke mi beb m'ew es ab ab em. Us'm jam em ec'õmn ab em, em e low eku ab em, em ec'erur ab em, em e low es ucu ony kikri ab em,
- ¹¹etñ gbre eke wél ijr'm lele low eke mi dögr ab ab yeji uw any. Low feg ek'ehn'm seb amua ek'el: Pisidi ec'Antios Ikoniom lele Lisr ab em a, uw any etñ uw gbre yec'eke wél ijr'm a yej'any. Gbekó, Es Kótoko eb elu'm es ów amua feg em.
- ¹²Etñ agñ feg ek'erur eke k'ir eb cecé em Nyam eci, Jesu Krist ab ec'af okr em a, wél b'ow ijr el gbre.
- ¹³Gbekó, molokm enññ esél a lele meju esél ab ab b'ow im kpekpe el eci low ññ kok ab em; -li b'ow -l'eju agñ beb ke el obi yeji wél eju el.
- ¹⁴Sica ñ ec'a, ùcu yec'a eke wél yegm'ñ ke egn eb õmn em tasi a ony es. Uw low yegm esél eke yegm'ñ low ab any.
- ¹⁵Tasi em a, ñ e likekli em etñ uw Nyam e Silél Lala ab any, -l'otu eke -li k'onñ'ñ sewr a eke bi nyimn egn sel enñ em, eke wél b'ony õmn Jesu Krist em a.
- ¹⁶Nyam Lél feg el Nyam ec'abu elum em ec'ów eke wél non, etñ ow b'elum agñ abu eke ki yegm agñ low nenyembri nyam, ogñ low yec'ek'elm ow a, akpal low ññ, yegm agñ es an nyim nyim em ec'eb ir,
- ¹⁷yec'etñ ke Nyam ec'egn óny sos beb nawre tasi, ke l'ótu n'ony abusu li kok low nimamn feg.

Timote e lel yony em 4

Dàd Nyam ec'odad a

- ¹Sica m'am dad'η Nyam ec'any af lele Jesu Krist eke b'ow jej agη ek'anη ovr lel agη ek'uw ab ec'ów ok a ec'any af, m'am dad'η Jesu Krist e mowrer a lel in ec'es ew ab ab sosome m'ese:
- ²neny át'η es dad Nyam ec'odad a, ek'ow el legη mamn em oglog legη ηuη em yeji, dád eb agη, énym agη abr oglog átr agη sos es, ke óny low eku nɔnɔ agη e low yeγm em.
- ³Tasi em a, legη b'ow ow ek'agη k'ow erurm eke k'iri low yeγm nawre tasi a, ke b'ow erur us el obi ec'ów eke b'aw el a jam, etη -li b'ow -l'esη low yeγm esel nɔnɔ eke b'ow dad el ów a eke -li b'erur eke -li k'iri a.
- ⁴-Li b'ow -li b'abl oru low nawre ec'iri e lís, ke -l'ewl -n'am iri agη ec'ów eke bi kɔkn dad a.
- ⁵Ɖ ec'a, òk sos es low low feη em, ègη gbre ij eb, kòk η ec'Amani Mamn e kokoba ɔb e juma a, kòk η e Nyam juma a íy neny.
- ⁶Em ec'a, wanci ow eke wél k'oc wawr'm egb; wanci eke mi k'elu wus na es a ow.
- ⁷M'ogη mum mamn a, m'im toη m'igη em ec'es uru a e nuη, m'ucu em ec'omn a m'ony es.
- ⁸Sica any eke m'eb eci labm sɔg a, am eku'm. Ow ow el neny nyam ij e tufe a eke Es Kɔtɔkɔ, jej ok es neny nyam es a b'ow ɔη'm jej ok e legη a. Etη ow elm em ce li k'ow n'ɔm im, kɔ agη a feη ek'am eku erur em wanci a eke li b'ow l'elu sos ɔkm a.

Uwar em ec'ów

- ⁹Àtr sos es ow fafa eηn'm,
- ¹⁰aηke Demas igη elu'm es wus ec'ów ec'erur eke n'ony nɔnɔ a sosome eci; l'eb ejaγb n'im Tesaloni. Kresan eb ejaγb im Galasi etη Tit im Dalmasi.
- ¹¹Luk sɔny ce anη em ab. Òc Mark ke ów in ab, aηke l'otu eke li k'elum im abu em e juma ab em.
- ¹²M'erm Tisik Efes.
- ¹³Legη eke b'ow ow a, ísm'm em e mob af ew a eke m'ew es Troas Karpɔs ogη a, ke ísm'm silél a yeji, ab brobro el a eke wél nɔn ndey lel af a.
- ¹⁴Alesandr lôw ofη es a kok low ek'akplm em e lís; Es Kɔtɔkɔ b'ow sɔg'r low ηuη a e li kok'm a e labm.
- ¹⁵Ɖ yeji ɔsu sos in e lís, aηke ey e sodad a e dad em l'atar ey ab lec em.
- ¹⁶Legη eke m'og es m'im odad jej ok em a, egη kaka anm em ab, el feη -l'igη -l'elu'm es. Ke blel Nyam k'óbm el low ow eci.

¹⁷Gbeko Es Kotoko, in anɛ em ab etɛ l'atr'm sos es, ow ɔɛ m'ony abusu mi dad in ec'odad a m'ok Nyam any uwm esel amua feɛ. Etɛ li soɔ'm kukuma amua e nenym.

¹⁸Es Kotoko emeny b'ow eb elu'm es low ɛɛ feɛ e lis, etɛ mi b'ow m'anɛ kpon kpon m'ey in ec'Afr eci gbrenɔbi usu a. In ec'el anyɔel seɛɛ feɛ! Amen.

Esɛn es abal el

¹⁹Esɛn Prisil, Akilas lele Onesifor e bosu ab ab ɔɛ'm.

²⁰Eras anɛ Korɛnt etɛ m'ew Trofim es Mile, anɛ ɔl am ɔɛ'n.

²¹Àtr sos es ow gbuɛ ke lefr e leɛɛ a ów. Ebul, Pudɛs, Linus, Klodia lel agɛ lisijimɛl eɛec'a feɛ ab am esɛn'ɛ.

²²Ke Es Kotoko áɛɛ ɛ ab. Ke Nyam ec'owro a áɛɛ ɔɛ ab.

Tit e ləl

Tit e ləl 1

Ἔσση

¹Ἐμ βῶwri Tit, ἔμ Pῶl, Nyam e juma kok ἔs lele Jesu Krist ec'erm ἔs ab, ἔμ m'am awη ləl na. Nyam abul'm eke mi k'ἔση agη a eke li sῶsum l'ot a ὄny ὀmn, ke mi yégm ἔl -l'uw low nawre any, ke -l'ir ἔb ek'okr af ey ec'ōmn eke s'ōny ab ab,

²yec'ἔτη ke -n'ōny low eku sel ek'ōnym uwr a eci. Nyam ek'ōnym yadh a, ἔwar ey ἔb ir ikη na gbuη eke low fḗη k'anη a.

³Lḗγη a eke wḗl bebḡm ἔw ἔs a, Nyam ey e Sῶg Ἐs ἔlu in ec'odad a ὀkm. Odad a anake ἔl amani a eke n'ōη'm, ke n'ōη'm abusu eke mi k'ῶb a.

⁴Tit, m'am nῶn ləl na m'awη'η, η ek'anη ἔsḗ ἔm ec'iy tasi af, ὀmn a ek'okr ey af ab ἔm. Ke Nyam Ἐs lele Jesu Krist ey e Sῶg Ἐs ab ἔdη'η ὀwro, ke ὀη'η ἔrm ἔs ey.

Tit e juma e wḗl abul Krḗt lekr ab ἔm

⁵M'ἔw'η ἔs Krḗt eke k'uwar ὀw sisigm ek'anη a, ke ἔb ἔb a e Sinyamel ab ἔm sῶsum agη ekpekḡ ot ἔsḗ idr ἔsḗl af, ἔs'elḗl eke m'ōη'η ow ec'abusu ab af.

⁶Ἐγη likpekḡ a it eke k'el ἔγη ek'abr ἔnym anm lís; yῶw nyam cḗ ec'igh, ke in ec'ey a ἔl Nyam e nawre ub ἔsḗl eke wḗl k'ῶtum okm ὀw af ἔl ec'ḗs an keskes eci, oglog ἔl ec'ḗγη ἔluam eci.

⁷Tasi ἔm a, Nyamel ec'idr ἔs eke b'ḗkn Nyam ec'ὀw a, it eke k'ir ἔb mḗwl ἔm. Li k'ḗlm ἔs ἔfuu, ἔrm beblu, mar ἔγη, l'ḗlm ἔγη ek'ōny gaηgaη, l'ḗlm ἔγη e b'ῶl os ὄny ἔs yadh ἔm.

⁸Ow it eke li k'eb agη eke b'ow in ogη a mḗwl ἔm, ke l'ḗl low nimamn e lawl. Ke l'ḗl ἔγη e b'iri ἔγη owi, ἔγη nyim nyim, eke b'eb Nyam ec'ebḡ a, ke l'ḗl ἔγη e b'ōnyn sos ἔs.

⁹Ow it eke li k'ucu odad tasi a ek'it a n'ōny ἔs nenyembri nyam ἔm, odad a ek'okr af yec'a eke wḗl yḗgm ab ab a. Ἐben ke l'ῶtu l'atr agη likpr a sos ἔs low yḗgm nawre tasi ab ἔm, ke li yégm agη a ek'ḗghm low yḗgm a ebm a ἔl ec'irm a.

¹⁰Mi dad sodad amua aηke agη nῶnῶ ὀnym ἔlum, ab brobro Jwifel eke b'us Jesu jam, ke am erur ek'agη k'ubr likr ἔs ab ἔm; -li b'irmn agη ἔl e nenyem ὀb e sodad ebl ab ἔm.

¹¹Ow it eke k'abl ἔl neny ἔs, aηke -li bi ηuηη sibosu nimum ἔτη -li bi yḗgm low ek'itm a, yec'ἔτη ke -n'ḗη os yadh ἔm.

¹²Krḗt iy nyam in obi, ἔl e nuη ἔm ὄny ἔs nyam anake dad nine: «God'ἔτη Krḗt eyη ἔl ayadhḡ, mindey ḗηη, ὀkrῶηη e bi tutr ἔl e lok iy owi cḗ.»

¹³Ἐτη ow eke li dad a ἔl low nawre tasi. Na sosiem anake ki dad ἔl odad lebl tuῶtuῶ ἔm, ke -l'ub nawre tasi,

- ¹⁴yec'etj ke -li k'ucumn Jwifel e kpokpɔ ɛm ec'ów yadj a e dad a -n'onymn es; -l'eluamn agj a eke b'ignj low nenyembri nyam elu es e sol a.
- ¹⁵Fɛj el lala agj a eke b'elum Nyam e sol a eci; kɔ agj a ek'eluam, ke ɛgɛm ubm nawrɛ ec'a, kaka elm lala, aŋke el e nuɲ ɛm ɔny a lel el sow tutr ab ab yeji ikpi.
- ¹⁶-Li b'ij neny -l'esɛ el uw Nyam any, kɔ el ec'ów eke -li bi kok a b'anj ejeci. -L'el agj ɔbr tasi, -l'eluamn ɛgɛ kaka etj -l'otumn -li kokmn low nimamn kaka.

Tit e lel 2

Ów ɔm ek'el nawrɛ ub ɛsɛl akpasu akpasu a eci

- ¹Gbɛkɔ ŋ, yɛgm yec'a ek'otarir es low yɛgm nawrɛ tasi ab ab a.
- ²Dàd agj ekpekp a ɛl agj eke k'ony sos es ok low kok ɛm, ɔny sos us, any es ok, ij læc ɔmn ɛm, erur ɛm lele low eku ɛm ab.
- ³Dàd ɔyɔw ekpekp a yeji ɔny ɛb ir mamn eke b'akpl Nyam sos ɛm. Ke -li ki dadmn el lawlel a e lís ec'ów ɛɲɲ, -l'elmn mar eci madyɔw. Ke -li yɛgm low yeci ek'akpl a,
- ⁴yec'etj ke -li yɛgm ɔyɔw oto a ɔny el ɛcɛl lel el ec'ey ab ec'erur.
- ⁵-L'el any es ok lisɛl ek'onym wiawia, akj juma kok lisɛl amamn, ek'ony el ɛcɛl ec'elum, yec'etj ke ɛgɛ kaka k'onym low ŋɲ dadm Nyam ec'odad a e lís.
- ⁶Ìbrm ŋgbafre oto a yeji ɛl agj ány es oku low fɛj ɛm.
- ⁷Ɖ obi yeji, ow it eke k'el sɛwl ów amamn kok ɛm. Ɖ e low yɛgm a ɛl nawrɛ tasi, ɔny sos usr.
- ⁸Ke ŋ e sodad ebl a ɛl nyim nyim eke wɛl k'onym low dadm ow e lís, yec'etj ke ɛy ec'efnu a k'onym low dadm okm ɛy af, ke ɛs ók el any.
- ⁹Ow it eke madu k'ony el ec'es ɛw ɛsɛl a ec'elum, ke -n'ɔj wɛl áw el low fɛj ɛm, ke -li k'onymn odad wɛl ab.
- ¹⁰ɛtj ow itm eke -li k'iy wɛl ob kaka fɛj. Kɔ ow tasi eke -li ki kok a el, ke sɛgɛ fɛj -l'elu el ec'agj amamn eke -l'eel lele el e cɛcɛ el ab ab ɔkm, yec'etj ke low fɛj ɛm Nyam ɛy e Sɔg ɛs eci low yɛgm a ɛɲɲ any.
- ¹¹Mi dad ów amua fɛj aŋke Nyam elu in e bibm eke bi sɔg agj fɛj a ɔkm.
- ¹²Bibm a bi yɛgm ɛy eke si k'ignj ɛy ec'ɛb ir ŋɲ lele wus ec'ów aw ab ab s'ɛlu es, ke s'ótu wus af aŋa s'ir ɛb nuɲ ɛm ɔny ɛm, neny nyam ɛm lele Nyam ec'es ucu ɔny ɛm ab.
- ¹³Nɛnɛ anake si b'ow s'eku sos ɛm iŋn e lægɛ a eke s'am ɔmn a, lægɛ a ek'ey e Sɔg ɛs Jesu Krist ek'el ɛy e Nyam ligbɛl a b'ow ɛy ɔkm in ec'anygbɛl ɛm a.
- ¹⁴L'irmn in e sel a ɛy sosiɛm, yec'etj ke li sɔg ɛy low ŋɲ fɛj ɛm. L'erur eke li ki kok ɛy s'el bieku ek'in obi l'ayal, agj ek'el in sɔny eci, ke sɛgɛ fɛj ów amamn kok b'anj sos ɛm.

¹⁵Low yegm na anake k'elu okm η ec'abusu a ek'ejn ab em, átr agn sos es oglog énym agn abr a. Kì yeb el em ec'egη kaka k'iir'η es.

Tit e lèl 3

Nawre ub esel ec'es an owr

¹Òkn nawre ub esel a fegη, ow it eke -li k'is es es ew esel lele abusu esel ab ec'any af, -n'ony wel ec'elum, ke -n'ony sos beb̄m low mamn fegη e kok eci.

²-Li ki dadmn low ηηη el lawl e lís, kò -l'el erm es ey ec'agn, -l'el agn amamn, ke -l'elu el e fr̄r̄o el okm agn fegη e lís.

³Gbuη ke s'úb Jesu nawre a, s'el agn ek'uwm low kaka any, onym elum kaka, irm itm es, el low aw lele low e b'iηn sos em ab eci madu etη s'ir eb low ηηη em lele nyamneyr em ab. Wel b'ony ey e sifn etη ey ofr em yeji si b'ifanin.

⁴Gbekò Nyam ey e Sog Es elu in e s̄r̄η ikη lel in ec'erur ab ab okm agn fegη eci,

⁵etη li sog ey, ow elm ey ec'ów amamn eke si kok a sosiem, kò eke n'ony ey e s̄r̄η ikη a sosiem. Li sog ey mij a eke b'ayal ey s'el agn owr ab em; etη ow ec'iri tasi a el: eb ir owr a ek'Abη Lala b'ōη ey a.

⁶Abη Lala na, Nyam in ec'erm mamn ab em omun in es ey af, Jesu Krist ey e Sog Es ab ec'af okr a sosiem.

⁷Eben anake in e s̄r̄η ikη ab em, li b'ōη ey s'el nyim nyim in ec'any af, ke ow b'elu ey abusu es s'ejn sel a ek'onym uwr ke s'am om̄n a.

⁸Odad na el odad nawre tasi, etη m'am erur eke neny k'at'η es n̄on̄o ow e dad ab em, yec'etη ke agn a ek'ub Nyam nawre a, át any kok ów amamn mewl em. Na el low akplu etη el agn fegη ec'abu elum.

⁹Gbekò àru ów ek'onym low yegm a egb es ese: agn lagηel e mew ec'es os̄ηm, ów esu lele Mois ec'ol a ec'ów es atar owi ab ab. Amua fegη el ów ofr ofr eke low kaka anm em.

¹⁰Egη yec'eke b'is em bubr owi a, èwar ir akp nyam, sakp yony gbuη ke egη ikη na, kpáb'r es Nyamel e lís.

¹¹Òtu eke k'uw any ek'egη ikη na ejagb ηηη n'am eb. Etη sikpl a eke n'am kok n'im ab em, ow el in sosi eke n'am obr low.

Ów om es abal el

¹²Ba mi b'erm Artemas oglog Tisik ow a, àtr sos es ow ejn'm Nikopolis, anke mi beb̄m eke mi k'anη yogη lefr legη iy a.

¹³Egη eb elum Zenas eke jej ok owi em el egη dogηn es a lel Apol̄s ab abu el ec'ejagb us ab em, yec'etη ke -li k'onym̄n ob kaka ec'es abur.

¹⁴Ow akpl eke ey ec'agn ek'ub Krist nawre a yeji, ki wewr erm mamn ony, yec'etη ke -l'otu -li kok es abur fegη eke b'owr el a, ke el ec'eb ir a k'él̄m ofr ofr.

¹⁵Agɲ a fɛɲ ek'anɲ ɛm ab a am ɛsɲn'ɲ. Ẹsɲn ɛy lawlɛl a ek'onɲ ɔmn nyam coco ɛy ab
a. Ke Nyam ec'ɔwrɔ a áɲɲ ɔny fɛɲ ab.

Filemɔ e lɛl

Filemɔ e lɛl 1

Ɛsɛn

- ¹Ɛm Pɔl, eke wɛl ɛlu sobel ɛm Jesu Krist sosiɛm lele ɛy lisijim Timote ab e nin ɛm, m'am awɛn Filemɔ ɛy lawl sɛnɛn juma kok ɛm lɛl na.
- ²Lɛl na el ɛy lisijɔw Apia lɛl ɛy e low dogɛn ɛm e lawl Arkip lele Nyamel eke b'as luku ɛy ec'akɛn ab ab yej'eci.
- ³Ke Nyam ɛy Ɛs lele ɛy Ɛs Kɔtɔko Jesu Krist ab ɛdn ɔny ɔwɔ, ke ɔn ɔny ɛm es ɛy.

Pɔl am ɔn Nyam bia

- ⁴Sakp sakp fɛn, ɛm e Nyam ɛnɛn ɛm, mi b'ɔkn Filemɔ ɛy e low ɛnɛn mi b'ɔn ɛm e Nyam a bia;
- ⁵anɛke m'am iri agɛn am dad ɛy ec'erur ek'ɔny agɛn a fɛn ek'ub nawrɛ a eci, lele ɛy ec'ɔmn ek'ɔny Ɛs Kɔtɔko Jesu ec'ab ab e low.
- ⁶M'am ibrm Nyam eke ɔmn a ek'ɔny ɛsɛ ɛy af a, k'ij lɛc ɛy ɛm, ke ow ɔn uw ɔw amamn fɛn eke s'ɔny Krist ɛm, ɛy ec'owr anɛn na ɛm ab any.
- ⁷Lisijim ɛy ec'erur ek'ɔny a, ɔn'm sos ɛm inɛn nɔnɔ lele sos es atr ab, anɛke agɛn a ek'ub nawrɛ a, usur el ɛm.

Pɔl am kok sɔnɛn Onesim eci

- ⁸Na sosiɛm, ek'abusu ɛru'm es Krist ɛm eke mi ki dad'ɛn low ke kɔk yeji,
- ⁹m'am erur ek'erur ɛm a, m'ɛw ibrm ɛm. Ɛm Pɔl, ɛkn eled eke m'anɛn, ɛnɛn ligbɛlgbɛl ek'emɛny anɛn sobel ɛm Jesu Krist sosiɛm,
- ¹⁰m'am ɛnɛn'ɛn eke k'eb Onesim. L'el ɛm ec'iy Jesu Krist ɛm sobel ɛm anɛn.
- ¹¹Lɛgɛn ek'ɛc ab ɛm, l'akplm ɛy eci, kɔ yɛfɛnyɛna ɛm a l'akpl ɛy lɛl ɛm ab eci.
- ¹²M'am ɛwlm'n mɛny sica l'ow n'ɛn'ɛn, in eke l'ɛw ɛsɛ ɛm obi e sos ogog af a.
- ¹³M'erur tasi eke blel m'ɔnym'n ab n'anɛn'm saw eke m'anɛn sobel ɛm Amani Mamn sosiɛm a, yec'ɛnɛn ke ɛy usuiy a li kɔk ɛm e lɛs e low.
- ¹⁴Gbɛkɔ m'erurm eke mi ki kok low ek'ɛlum nɛny es, yec'ɛnɛn ke low mamn a eke ki kok a, k'ɛlm atrm ɛm, kɔ ɛm frɔɔ ɛm.
- ¹⁵Onesim kpab'ɛn e lɛs, ow k'ɔdm ke ow el lɛgɛn tɛl eci, yec'ɛnɛn ke b'ɛn'n ke ow ɛl sɛgɛn fɛn eci,
- ¹⁶anɛke caca ɛm a, l'ɛlm adu ij, kɔ n'ɔny any l'akm adu: l'el erur ɛm ec'ɛgɛn lisijim. L'il'm an nɔnɔ, kɔ ɛy ec'a ow b'ow afɛn es, ɛnɛn e l'el a lele nawrɛ ub ɛs eke l'el ab ab sosiɛm eci.
- ¹⁷Sica eke b'oc'm ɛsɛ awlɛn af, ke ɛb'r ɛsɛ ɛm obi ɛm obi af.

¹⁸Eke li kok η low ηυη oglog n'onym'η ob ab, ùb εw'm af.

¹⁹Em obi ec'abu em anake m'am non ów amua a: Em Pól, mi b'ow m'owr m'oy'η. (Ow itm eke mi k'okn'η eke η obi yeji onym'm ob ab, kó yadh ee? η ec'owr anη tasi a.)

²⁰Lisijim, m'am ηoy'n'η, kok low na eke m'am ibrm a oy'm Es Kotoko ec'erur a sosiem: eyr'm erm es Krist ab ec'af okr a sosiem.

²¹Wanci na af eke m'am awη'η lel a, m'ony omn tasi eke b'ow kok low a eke m'am ibrm'η a etη m'uw any yej'eke b'ow kok ow afη es.

²²Kòk'm es eru usu yeji kpekη, anke ony e Nyam ηoy'n em, m'am ony omn eke wel b'ow elu'm es oy ony.

Esηn es abal el

²³Epafras ek'anη sobel em em ab Jesu Krist sosiem a, am esηn'η,

²⁴etη Mark, Aritak, Demas lele Luk ab ek'el em lawlel juma kok nyam em a yeji, am esηn'η.

²⁵Ke sica Es Kotoko Jesu Krist ec'owro a anη ony feη ab.

Ebre eyη e ləl

Ebre eyη e ləl 1

Nyam ɛcr Jim ɛm dad ɛy odad

¹Lɛgɲ sig ɛm a, Nyam ɛcr kokoba ɔb ɛsɛl ɛm dad ɛy lagɲɛl odad, ɛtɲ li dad wɛl odad a sakp nɔnɔ lel akunda ɛɲɲ ɛm ab.

²Kɔ sica, sɛgɲ na ek'el sɛgɲ es abal el ab ɛm, Nyam ɛcr Jim ɛm dad ɛy odad. Jim na ɛm l'ɛcr li kok afr lele wus ab, ɛtɲ in cɛ anake Nyam sɔsum oc'r eke li k'el ob a fɛɲ ec'aja ij ɛs a.

³Iy na b'elu in ec'anygbɛl e jɛjn a ɔkm, ɛtɲ l'el ow ec'es otarir kpɛɲ, ɛtɲ in ec'odad ebl ec'abusu a ucu wus lel ob fɛɲ ab ɔny es. Li yɔyɔg agɲ e sikpl ab es, ɛtɲ n'im li sig es afr Nyam ek'ony abusu ob fɛɲ af a e lidr abu af.

Nyam ec'Iy a ɔny any akm afr ɛrm ɛsɛl

⁴Iy na ɔny any nɔnɔ akm afr ɛrm ɛsɛl. Ɛɛ, ow ɛru es kpata, aɲke Nyam ɔɲ'n aja nin ek'ony any nɔnɔ akm afr ɛrm ɛsɛl ec'a.

⁵Tasi ɛm a, lɛgɲ kaka Nyam dadm afr ɛrm ɛs kaka ɛsmɛ: Ɖ el ɛm ec'Iy, yɛfɛnyina, ɛm m'ew'ɲ. Ɛtɲ ɛmɛny, li dadm afr ɛrm ɛs kaka yɛji l'ɛsmɛ: Ɛm, mi b'ow m'el Ɛs, ɛtɲ in, li b'ow l'el ɛm ec'Iy.

⁶Gbɛkɔ, lɛgɲ a eke n'ɔɲ in e yɛfl Iy a ow wus na af a, li dad ninɛ: Nyam ec'afr ɛrm ɛsɛl a pupukpaɲ it eke k'igɲ'n nuɲ.

⁷Kin low yec'eke li dad afr ɛrm ɛsɛl e lís: ɲ el ɛgɲ a ek'ɔɲ ke afr ɛrm ɛsɛl itɲn anɲ ɛsɛ lɛf af, ke ɲ e juma kok ɛsɛl bi kok ɲ e low ɛsɛ al e b'iri ab af a.

⁸Kɔ Nyam dad Jim e lís ninɛ: ɲ el Nyam ɛtɲ ɲ ec'ɛb ebu ec'atufu lɛkpɲ a anɲ sɛgɲ fɛɲ. Ɖ e kpama ab ab, am nyimɲ ɲ ec'agɲ a low nɛnyɛmbri nyam ɛm,

⁹b'erur low nɛnyɛmbri nyam ɛtɲ b'ifn low ɲuɲ. Na sosiɛm Nyam, ɲ e Nyam sɔsum oc'ɲ awlɲɛl ab ɛm eke k'el in eci, ɛtɲ l'ɛtm sos ɛm iɲn e mun l'ok'ɲ nuɲ.

¹⁰Ɛmɛny Nyam dad ninɛ: Ɛs Kɔtɔkɔ, nuɲ ɔb ɛm a, ɲ anake kok wus a, ɛtɲ afr el ob eke ɲ e sabu a ol.

¹¹Ów amua fɛɲ b'ow irm, kɔ ɲ, b'ow anɲ sɛgɲ fɛɲ. Afr lele wus ab b'ow ɛni ɛsɛ mob sus ɛm sig af,

¹²b'ow ɔny ar el es ɛsɛ gbɛd af, ɛɛ, -li b'ow -l'itɲn any ɛsɛ mob sus ɛm af. Gbɛkɔ ɲ, b'anɲ sɛgɲ fɛɲ ɲ ec'elɛl a cɛ, ɛtɲ ɲ ec'owr anɲ a úwrm.

¹³Lɛgɲ kaka Nyam dadm afr ɛrm ɛs kaka ɛsmɛ: Ów sig es ɛm e lidr abu af, toɲ bake m'ót ɲ ec'efnu m'ok ɲ ec'akr ew a.

¹⁴Tasi ɛm a, afr ɛrm ɛsɛl bla -l'el ee? -L'el abɲ ek'ony juma ɛɲɲ ɛɲɲ, ke Nyam b'ɛrm im ɛlum agɲ a eke k'ij sel ek'onym uwr ec'aja a abu.

Ebre eyη e ləl 2

Sɛl ɛɲɲ a eke wɛl dad ow e low a ɔny any nɔnɔ

¹Low na sosiem a, ow it eke si k'oc erm s'ew sodad eke s'iri ab af; eke ow elm eben, si b'ow s'itir ejagb any.

²Nyam ecr afr erm esel em ɔɲ agɲ in ec'odad a, etɲ l'elu odad a e nawre ek'el a ɔkm tasi. Agɲ beb eɲɲm usrm'n sos, eɲɲm eluam'n, etɲ el feɲ -n'ɲɲn gbɛɛ a ek'it eke k'ɲɲn el a.

³Sica ey, ayaf si b'ow s'aru gbɛɛ na s'egb es, eke si b'igɲ sel ɲɲn ligbel na s'elu es ee? Sel ɲɲn na, Es Kɔtɔkɔ anake ikɲ anym ɔb in ec'amani a. Etɲ agɲ a eke iri wel dad sel ɲɲn na e low a, elu in e low nawre e l'el a ɔkm.

⁴Nyam in obi yeɲm eke el e sodad a el nawre, meny ewr, ów egbel, lele sakrowa ɲɲn ɲɲn eke b'iti any ab em. Emeny Nyam yeɲm eke ow el nawre Abɲ Lala ec'ob ap ɲɲn ɲɲn a eke li cɛc agɲ esɛ elɛl eke l'erur ab af ab em.

Jesu uw ey feɲ eci

⁵S'am dad wus eke k'ow a e low. Ow elm afr erm esel Nyam ɔɔm abusu eke k'ew wus na es.

⁶Tasi em a, ow eke wel b'ɲɲn Nyam Lɛl em a el: Kɔ agɲ bla -l'el eke k'ew el e low erm ee? Bla -l'el eke ki kok el e lís owi ee?

⁷Ew el afr erm esel ec'ew læɲɲ tɛl eci, ɔɲ el anygbel lele sos usr ab esɛ es ew tufe af,

⁸ot ów a feɲ ew es el ec'akr ew, el ec'es ew ew. Nyam ɔɲ agɲ abusu ob ob feɲ af. L'egbm ob kaka es eke anm wel ec'abusu ab em. Gbɛkɔ yefenyna, s'am ɛkn tasi, agɲ k'ɔnym abusu ob ob feɲ af.

⁹Kɔ bla anake ey yeɲi s'am ɛkn ab ee? Jesu anɲ seɲɲ beb afr erm esel ec'ew, kɔ sica, Nyam ɔɲ'n anygbel lele sos usr ab esɛ es ew e tufe af. Bla ec'ee? Anke l'ij gbɛɛ etɲ l'uw yeɲi. Ow ɔɲ etɲ Nyam ec'erm mamn em, Jesu uw agɲ feɲ eci.

¹⁰Nyam anake kok wus a etɲ wus anɲ in eci. Kɔ l'erur ek'in ec'ey ab em e nɔnɔ ligbel k'anɲ in ec'anygbel a e low em. Etɲ ek'ow el Jesu ek'am ot im el sel ɲɲn a ogɲ a, ow it eke Nyam k'oc gbɛɛ ijr em ɔɲ'n l'iy neny l'igɲ nuɲ.

¹¹Jesu b'ɔny agɲ feɲ e sikpl a oc el es lís. Etɲ eben a, eɲɲ eke b'ayal agɲ a lele agɲ a eke wel ayal ab ab el feɲ b'ɔny eɲɲ Es nyam. Na sosiem ow ɔnym'n ɛs eke li k'ɛsɲ wel lisijimɛl.

¹²Tasi em a, Jesu dad Nyam ninɛ: Mi b'ow m'ɔb ɲ e nin a ec'amani m'ok em lisijimɛl. Dedeku ec'araɲn, mi b'ow mi kɔklm'ɲ.

¹³Emeny Jesu cɛ, li dad ninɛ: Em, mi b'ow m'oc em ec'ɔmn a nimum nimum m'elu Nyam em. Emeny ninɛ: Kin em lele ey a eke Nyam ɔɲ'm ab ab.

¹⁴Ey amua ɔny low nyam eke okr el af: -l'el agɲ ek'ɔny sos meɲl lele mebl ab. Agn ɔny abusu eke k'ibi el. Na sosiem, Jesu, in yeɲi itɲn el eɲɲ, yec'etɲ ke n'ɔny agn eci læc a l'oc es in obi eci luw ab em.

¹⁵Agɲ ek'anɲ esɛ madu af el ec'owr anɲ a nimum em, luw eci muru eke -n'ɔny a sosiem a, Jesu sɔg el in e luw ab em.

¹⁶Tasi em a, l'owm afr erm esel eci abu elum eci, ko l'ow agn ek'el Abraham ec'alaw a ec'abu elum eci.

¹⁷Na sosiem anake ow it eke li k'itjn nimum nimum l'ot lisijimel lele lisijowel ab es, yec'etj ke l'el wel ec'egb waw es ligbel, eke erm mamn iy em gbog ke el cecce Nyam e juma kok ab em, ke b'ejn agn e sikpl oc ap ec'abusu a.

¹⁸Etj eke Jesu in obi ij gbre ebm ekn em a, l'otu eke li k'atm agn a fenj eke el yeji wel b'ebm ekn a abu.

Ebre eyj e lel 3

Jesu ejn anygbenj akm Mois

¹Agj lisijimel, Nyam ek'anj afr a esj ony eke k'eel in ec'agn lala; ow sosiem, leer Jesu eke s'am ejj s'eb ese ejj a eke Nyam erm lele egb waw es ligbel ab a.

²Legj sig em a, eke Mois nyimn Nyam ec'agn a, l'el cecce ow ec'any af ow e juma e kok ab em. Eben ce, ese Mois af, Jesu el cecce Nyam eke abul il in e juma a ec'any af.

³Gbeko Jesu ebm eke k'ejn anygbenj akm Mois, ese lele eke ejj eke b'us el a b'onj sos usr akm el ab af.

⁴Tasi em a, el nyam nyam fenj ejj b'us gbeko ejj a eke b'us fenj a el Nyam.

⁵Legj sig em a, Mois el cecce Nyam ec'agn a ec'arajj. L'el juma kok es eke wel abul Nyam e legj anym em ec'ow a eke b'ow dad a e danju ij.

⁶Gbeko Krist el cecce, l'el Iy tasi a etj n'anj Nyam ec'agn a e nuj af. In ec'agn a, ow ow el ey, gbeko ow it eke si k'ucu ey ec'omn a, lele ntotj a ek'ey e low omn a b'onj ey ab ab s'onj es.

S'okr Nyam eci sel eb ab em

⁷Na sosiem, ese lele eke Abj Lala am dad ab af: Yefenyina, eke b'irir Nyam e lebl a,

⁸k'oturir ony ec'erm a, ese legj sig em ec'elele eke ony lagjel kokr loj ab em ab af. - L'obr'm any etj -l'ebm'm -l'ekn.

⁹Ee, legj a, ony lagjel ijr'm gbre eke k'ekn yec'a eke mi b'ow mi kok a. Etj -l'ekn yec'a eke mi kok a toj akpo ekj yony.

¹⁰Na sosiem, m'onj erm bebl agj na e lis etj mi dad m'ese: el ec'erm a segj fenj bi kpab es em e lis, etj -l'otum -l'uwm em ec'ejagb ab any.

¹¹Em ec'erm bebl ab em, m'ofn m'ese: -li k'ow -l'okmn legj kaka em e sel eb a eke mi bebem m'ew es ab em!

¹²Agj lisijimel ewr erm! Ony em a, ejj kaka itm eke k'onj erm njj, erm ek'ubm nawre, erm eke b'itr'r l'ignj Nyam ek'anj owr a l'elu es.

¹³Nyam Lel dad nine: "Yefenyina". Ow sosiem, eke yefenyina na k'uwrn a, atarir sos es ejj ejj legj fenj. Eben a, ejj kaka k'ow onym erm tuotu, etj sikpl k'ow elum ejj kaka wus.

¹⁴Sica, s'el Krist e lawlɛl, gbɛkɔ ow it eke si k'ucu ey ec'ɔmn a eke s'ony lɛɣɣ a ɛtɣ eke s'ub'r nawrɛ a s'ony es.

¹⁵Nyam Lɛl dad ninɛ: Yɛfɛnyina, eke b'irir Nyam e lebl a, k'ɔturir ɔny ec'ɛrm a ɛsɛ lɛɣɣ sig ɛm ec'eelɛ eke ɔny lagɣɛl ɔbr'm any ab af.

¹⁶Bwo ec'ɛɣɣ iri Nyam e lebl ab ee? Bwo ec'ɛɣɣ ɔbr'r any ee? ɛl -l'el agɣ a fɛɣ eke Mois ɔny ok ɔkm Ejipt a.

¹⁷Nyam ebl ɛrm toɣ ow ij akpo ekɣ yony. Bwo ec'ɛɣɣ e lɛs ee? Agɣ a eke kok sikpl a e lɛs, ɛtɣ ɛl nɛny nyam a cɛ anake -l'uwr loj ab ɛm a.

¹⁸Nyam ofn dad ninɛ: Li k'ow -l'okmn lɛɣɣ kaka sel eb a eke mi bɛbm m'ɛw es ab ɛm. Bwo sosiɛm l'ofn akpasu na ee? Agɣ a ek'ɔnym ɛlum a sosiɛm.

¹⁹Tasi ɛm a, kin yec'eke s'am ɛkn a: -l'ɔtum -l'okm Nyam e sel eb ab ɛm, aɣke -n'ɔnym ɔmn.

Ebre eyɣ e lɛl 4

¹Gbɛkɔ Nyam ɛwar ɛy low ɛw es eke si b'ow s'ok in e sel eb ab ɛm, ɛtɣ low na eke l'ɛwar ɛy l'ɛw es a ɛcm okm es. Ow sosiɛm ɛwr ɛrm, ke ɛɣɣ kaka ɔny ɛm a k'anm jam!

²Wɛl ɔb Amani Mamn a e kokoba ok ɛy ɛsɛ ɛy lagɣɛl ab af, gbɛkɔ odad a eke -l'irir a elm ɛl low kaka. Eke -l'irir ow e low a, -l'ebm ow ɔmn ɛm.

³ɛy, s'ub nawrɛ, s'ɔtu eke si k'ok Nyam e sel eb ab ɛm. Nyam in obi dad ninɛ: ɛm ec'ɛrm bebl ab ɛm, m'ofn eke: -Li k'ow -l'okmn lɛɣɣ kaka ɛm e sel eb a eke mi bɛbm m'ɛw es ab ɛm. Ke, Nyam uwar in e juma lɛɣɣ a ɛtɣ eke li kok wus na nimum a.

⁴Tasi ɛm a, Nyam Lɛl ɛm, kin yec'eke wɛl dad sɛɣɣ lɔbɣ ɛm a e lɛs: ɛtɣ eke li kok in e juma fɛɣ uwr a, l'eb sel sɛɣɣ lɔbɣ ɛm a.

⁵Nyam yeji dad ow ec'odad eke li bi dad l'ɛsɛ: -Li k'ow -l'okmn lɛɣɣ kaka ɛm e sel eb a eke mi bɛbm m'ɛw es ab ɛm a.

⁶Agɣ a ek'ikɣ anym ɛɣn Amani Mamn a ɛɣɣm ɔnym in ec'ɛlum. Ow sosiɛm, -l'ɔtum -l'okm Nyam e sel eb ab ɛm. Agɣ ɛjeci gbɛ ɔtu eke ɛmɛny k'ok ɛm.

⁷Na sosiɛm Nyam ɛw lɛɣɣ ɛjeci nyam ɛtɣ l'ɛsɣ ow yɛfɛnyina. Eke ow ibn a, Nyam dad David e nɛny ɛm lɛɣɣ ikɣ na e low, odad a eke wɛl ikɣ anym dad lɛl na ec'afr ɛm a: Yɛfɛnyina, eke b'irir Nyam e lebl a, k'ɔturir ɔny ec'ɛrm a!

⁸Sica am ɛkan eke, blɛl Joswe nawrɛ tasi ɔtu ɛɣn sel eb na ɔɣ Nyam ec'agɣ ab ana, Nyam blɛl dadm ow e jam a, lɛɣɣ ɛjeci nyam ec'odad.

⁹Ow am yɛgm eke sel eb ɛmɛny anɣ Nyam ec'agɣ a eci. ɛtɣ sel eb a ot sɛɣɣ lɔbɣ ɛm ec'ab es.

¹⁰Tasi ɛm a, ɛɣɣ a eke b'ɛy Nyam e sel eb ab ɛm a, in yeji am eb in obi e juma a e sel, ɛsɛ eelɛ eke Nyam eb in ec'a e sel ab af.

¹¹Na sosiem s'óol ey ec'erm feŋ em sel eb na em ec'ey es, yec'etŋ ke eŋŋ kaka k'ébm ey lagŋel a ek'eŋŋm eluam low a eci sewl a, ke ow óŋ eŋŋ kaka k'éym wus.

¹²Ow it e si k'uw any eke Nyam ec'odad ebl a b'ism sel ab, læc iy'r em gbɔŋ. Li b'edŋ lakm ler em lab ek'in ec'any a yony mum b'ufu a. Nyam ec'odad ebl a b'ey eŋŋ em im igŋ es. Li b'ey ow em n'im toŋ n'eŋŋ ow ec'abŋ a lele liy ab ab, li b'im toŋ n'eŋŋ ow e sos ŋgigŋnel a lele ew ab ab. Li b'uw eŋŋ e nuŋ em ec'ów tutr lele erm em ec'ab ab any.

¹³Tasi em a, low kaka lolm es Nyam ec'any af. Ob feŋ eke li kok a eru'r es any af kpata. In e nyamn a b'ekn feŋ, etŋ in anake si k'awl ey e lís ec'ów feŋ s'ok'r a.

S'ímn si titmn Nyam ɔmn em

¹⁴S'ony egb waw es abusu es ligbél nyam eke ubr afr em im toŋ ok Nyam ogŋ yogŋ. In l'el Jesu, Nyam ec'Iy a. Ow sosiem, s'úcur ɔmn a eke s'eŋŋn s'ebr a s'onyn es.

¹⁵Egb waw es ligbél na eke s'ony a, ɔtu eke k'ony ey e sos onym a e sorŋ ikŋ, aŋke eŋe ey af, in yeji wel ebm'n low low feŋ em, gbekɔ in li kokm sikpl.

¹⁶S'ímn si titmn ɔmn em tasi ey e Nyam erm mamnu ec'es ew ec'atufu lekpn a. In e lís si b'ow s'eŋŋ sorŋ ikŋ a eke b'anŋ in ec'erm mamn ab em ow a, etŋ eben a, li b'ow l'elum ey abu wanci ek'it a.

Ebre eyŋ e læl 5

Krist, ey ec'egb waw es ligbél lele sel eŋŋ e nuŋ ab

¹Egb waw es ligbél feŋ, agŋ ec'araŋŋ wel bi sɔsum'n oc'r. In e juma el ke l'elum agŋ abu ir eb Nyam ab, li kok ob ap lele egb waw ab agŋ e sikpl a ec'oc ap eci.

²Egb waw es ligbél a, in obi yeji l'el eŋŋ ek'ony sikpl. Ow sosiem, l'ɔtu eke li k'iri agŋ a ek'uwm low any lel el a ek'am irm ab ab e ses babur a.

³In e sikpl e n'ony a sosiem, ow it eke li ki waw egb dedeku a e sikpl a eci, etŋ ow elm dedeku a e sikpl a cɛ eci, kɔ in obi in obi ec'a yej'eci.

⁴Etŋ emeny, eŋŋ kaka áwm egb waw es ligbél e juma a ebm in obi em. Kɔ Nyam anake b'eŋŋ eŋŋ ow ec'el em, eŋe elel eke l'eŋŋ Arɔn el ab af a.

⁵Krist ec'a yeji, eben ow ecr. Ow elm in obi l'awm egb waw es ligbél ec'el a l'ebm. Nyam eke dad'r odad a ogŋ ow anŋ ow. Kin odad a: ɔ el em ec'Iy, yefenyana, em m'ew'ŋ.

⁶Emeny Nyam dad nine: ɔ el egb waw es seŋŋ feŋ eci, eŋe elel eke ow ɔb nuŋ Melkisedek em ab af.

⁷Krist, in e wus af aŋa ec'eb ir ab em, ŋɔŋŋ Nyam etŋ kok sorŋ ɔŋ Nyam, babarm em lele ɔŋŋ ikŋ em ab. Ni ŋɔŋŋ Nyam ek'ɔtu eke k'ony oc'r es luw em a. Etŋ Nyam iri'r lebl, aŋke l'elum ow es is em.

⁸Krist el Nyam ec'Iy, na low nawre! Gbeko gbre ijr amua feŋ em eke l'ecr a, li wewr elum nawre tasi.

⁹Etŋ sica eke l'iy neny l'igŋ nuŋ a, l'el sel eŋn e nuŋ agŋ feŋ eke b'elum'n a eci.

¹⁰Etŋ eben a, Nyam ew'r egb waw es ligbel ese Melkisedek ec'ab af.

Èwr erm, k'igŋn ɔny ec'ɔmn a k'elul es

¹¹Low na af a, s'ɔny ów nɔnɔ eke si ki dad, kɔ el e dad a ɔtu nɔnɔ, anke ɔny e low iri a ewl am ɔtu.

¹²ɔny, ɔtur eke wanci na af a k'eel low yegm esel tasi gɔŋ! Kɔ kin eke ow am ibrm eke wel ki yegmn ɔny nuŋ ɔb em e Nyam odad ec'ów ab em. ɔny, ɔnymn teri eke k'ijr ob ij leg leg, meny mij ow it eke wel k'ɔŋ ɔny.

¹³Egŋ a eke b'anŋ am egŋ meny mij a, el iyli ɔmn em. Li k'ɔtum l'uwm yec'a ek'el low nyim nyim ab any.

¹⁴Gbeko ob ij leg leg el agŋ egbel ɔmn em eci. El e low es ekn ew a, ɔŋ el e nuŋ em ɔny a, b'uw any ok ereb low mamn lele low ŋuŋ ab ec'araŋn.

Ebre eyŋ e lɛl 6

¹Na sosiem si k'ow s'ewlm s'owm nuŋ ɔb em ec'ów a eke s'uw any Krist e lís ab af ij, kɔ s'íman anym eci low yegm ek'ot agŋ egbel ɔmn em ec'ab es. Emeny ow itm yej'eke wel k'ewl ow ów a eke bi nyimn egŋ luw em a ec'es igŋ elu owi af lele ey ec'ɔmn a eke si k'oc s'elu Nyam em a yeji e low af ij.

²Ow ibram yej'eke emeny wel ki yegm ɔny low sos es yɔyɔg eŋ eŋ e low af, egŋ abu nuŋ at owi af, luw em anŋ igb owi af, lele jej ok kpekŋ kpekŋ ab e low af.

³Ow sosiem a, eke Nyam elu ey abusu es, si b'ow s'imn anym eci ów a ek'el Nyam e lís ec'a ec'any uw tasi em.

⁴Sica, bla wel ɔtu eke ki dad agŋ a ek'igŋ el ec'ɔmn a elu es a e lís ee? Nyam ec'usuayl a ekan el es, -li tat afr ec'ob ap a anm etŋ -n'eŋn Abŋ Lala.

⁵-Li tat Nyam ec'odad ebl mamn a lele seŋŋ ek'am ow e lec ab ab yeji anm.

⁶Etŋ eben yeji -l'igŋ el ec'ɔmn a -l'elu es. Agŋ amua, k'ɔtum sakp yony em itŋnm es an ij. Tasi em a, ow anŋ ese eben Nyam ec'Iy a ce emeny we'n am ew olikŋ af wel obi em af etŋ -li b'ɔŋ agŋ ejec'a ow eci wewr ec'abusu.

⁷S'ócr ɔgm nyam e low s'ɔbar any: in e wus a b'odu mij a feŋ eke nyàm b'an ke b'ok'r af a eb. Li b'osu egb iju agŋ a eke kok'r juma af a ec'abu elum eci. Ow b'ɔŋ Nyam b'edŋ wus a ɔwɔ.

⁸Kɔ eke li b'osu kati lele njoj ab, l'elm ob kaka. Ow k'ow ibnm Nyam b'ow digŋ elu'l es etŋ wel b'ow tetul il.

⁹Erur em ec'agɲ lisijimel s'am dad nene, gbeko eben yeji, s'uw any tasi eke ɔny anɲn ejagb mamn a eke bi nyimn eɲ sel eɲn em ab af.

¹⁰Nyam elm enyembri yony yony es. Li k'otum l'ijlm ów amamn a eke kokr ab es, l'ijlm erur a eke elul ɔkm in e lís ab es. Lɛɲɲ ek'ec ab em a, elul erur ikɲ na ɔkm agɲ a ek'el Nyam ec'a ec'abu elum em, etɲ emeny sicaca em yeji ɔny es am kokr.

¹¹S'am erur ce ek'ony em ec'egɲni nyam nyam feɲ k'anɲ gbragbra kok ab em toɲ ok nuɲ, yec'etɲ ke feɲ a eke am ɔman a éɲan.

¹²K'èel óɲu, kó iir eb ese agɲ a ek'ony ɔmn ke ɔny erm susu ab af. Agɲ amua, -li b'eɲn aja a eke Nyam ewar ow e low ew es a.

Nyam ec'ob ek'ewar Abraham a

¹³Eke Nyam ewar Abraham ob a, neny ij ab l'ewar. Gbeko eɲn kaka agbm akam'n eke k'el neny ij na e danɲku, ow ɔɲ Nyam ofn in obi e nin em.

¹⁴Li dad Abraham nine: M'ow m'edɲ'ɲ ɔwɔ ke m'óɲ ɲ ec'alaw eny bobn.

¹⁵Abraham usur erm toɲ etɲ n'eɲn yec'a eke Nyam ewar ir ow e low ew es a.

¹⁶Eke agɲ b'ij neny a, danɲku nyam eke agb akm el a e nin em li b'ij neny. Neny ij a b'ɔɲ el e sodad a el tasi, etɲ eben a, wel otum dadm low eɲec'ij.

¹⁷Etɲ Nyam yeji kok low nenyembri nyam a: l'erur e li k'elu ɔkm kpata eke low a e l'ewar in ec'agɲ a, k'otum itɲnm lɛɲɲ kaka. Ow sosiem anake l'ij neny l'igɲ in e low ewar ab af a.

¹⁸Low ewar lele neny ij ab, el ów yony eke wel k'otum ɔnym itɲnm, anke Nyam k'otum ɔnym yadɲ. Ów yony na sosiem, ey eke s'igɲ feɲ s'elu es a, si b'ow s'eɲn sos es atr ligbél, yec'etɲ ke s'úcu low ɔmn a eke wel ew ey es a s'ony es.

¹⁹Low ɔmn na, ey ec'a ow anɲ ese ob leg leg nyam ek'ɔm ey e liy a abusu eke ki mumu af. Low ɔmn na el nawre tasi etɲ li b'epir Nyamel a ek'anɲ afr a eci gbad ab em, l'ey usu lala tasi a.

²⁰Yogɲ anake Jesu ikɲ anym ey, ey ec'a. Etɲ l'el egb waw es ligbél seɲɲ feɲ eci ese Melkisedek ec'ab af.

Ebre eyɲ e ləl 7

Melkisedek ec'egb waw es ek'el a agb nɔnɔ akm Arɔn ec'a

¹Melkisedek na, Salem ec'eb ebu lele Nyam Afr Kpekpe ec'egb waw es ab. Lɛɲɲ a eke Abraham anɲ ar ɔkr em am ow yogɲ a eke l'akm seb ebu ab es a, Melkisedek im ɔbr'r etɲ edɲ'n ɔwɔ.

²Etɲ Abraham ɔɲ'n ob feɲ eke l'ot a e lew em a. Melkisedek e nin a e nyandre el "eb ebu eke bi nyimn agɲ low nenyembri nyam em". Etɲ emeny, l'el Salem ec'eb ebu, ow e nyandre el "eb ebu eke b'ism erm es ey ab".

³Wɛl uwm ɛs, lis lele lagɲɛl ab any. Wɛl am dadm in e mew a lele luw ab ab ec'odad. Gbɛkɔ li b'ot Nyam Jim ɛs, aɲke l'el egb waw ɛs sɛɲɲ fɛɲ eci.

⁴Ɛkan eelɛ eke Mɛlkisedɛk ɔny any a! Ɛy lagɲ ligbɛl Abraham bɔbɔ yeji ɔɲ'n ob a fɛɲ eke n'ɛɲn ar ab ɛm a eci lɛw ɛm a.

⁵Mois ec'ol a ɔɲ egb waw ɛsɛl ek'el Levi ec'eb ɛm ec'a abusu eke -li k'ibrm Israel ec'agɲ a el ec'ob fɛɲ eke -n'ɔnyɲ a e lɛw ɛm. -Li bibrm Israel ec'agɲ a ec'ob fɛɲ e lɛw ɛm, ke agɲ amua, ɛl lisijimɛl ek'el yeji el Abraham ec'eb ɛm ec'agɲ cɛ.

⁶Ke Mɛlkisedɛk, in, l'ɛlm Levi ec'eb ɛm ec'ɛɲɲ. Ɛtɲ ɛbɛn yeji, n'ɛɲn Abraham ec'ob fɛɲ ek'ɛɲn a e lɛw ɛm a. Ɛtɲ in, l'ɛdɲ ɛɲɲ na eke Nyam ɛwar low ɛw ɛs a ɔwrɔ.

⁷Bebar kaka anm ɛm, ɛɲɲ ligbɛl a b'ɛdɲ likɛk a ɔwrɔ.

⁸Egb waw ɛsɛl a eke b'ɛɲn dedeku a e mob fɛɲ e lɛw ɛm a, el agɲ eke b'uw. Mɛlkisedɛk yeji ɛɲn mob fɛɲ e lɛw ɛm a, kɔ in, n'anɲ owr sɛɲɲ fɛɲ, ɛsɛ eelɛ eke Nyam Lɛl am dad ab af.

⁹Levi ec'eb ɛm ec'ey a anake b'ɛɲn dedeku a e mob fɛɲ e lɛw ɛm a. Gbɛkɔ wɛl ɔtu eke ki dad eke Levi, in yeji, Abraham ɛm a, n'ɛnm ob lɛw ɛm na.

¹⁰Tasi ɛm a, lɛɲɲ a eke Abraham ɔbr Mɛlkisedɛk a eke wɛl k'ewm Levi yeji, lɛɲɲ ab ɛm a, l'ikɲ anym n'anɲ yogɲ lagɲ ɛm.

¹¹Israel eyɲ ec'ol ɛm a, Levi ec'eb ɛm ec'ey a anake wɛl ki sɔsum ot el egb waw ɛsɛl a. Ɛtɲ -li b'el egb waw ɛsɛl ɛsɛ eelɛ eke ow ɔb nuɲ Arɔn ɛm ab af. Gbɛkɔ ɛl ec'eelɛ eke -li b'eel egb waw ɛsɛl a okm ɛm iym nɛny, blɛl ow iy nɛny, ke bla sɔsiɛm -li k'ɔny egb waw ɛs ɛjɛci ɛsɛ eelɛ eke ow ɔb nuɲ Mɛlkisedɛk ɛm ab af ɛɛ? Ow b'ow el low eke ɔnym any ij.

¹²Sica, eke egb waw ɛs ec'el a itɲn a, ol a yeji it eke k'itɲn.

¹³Sodad amua, ɛy Ɛs Kɔtɔkɔ af wɛl dad ok. In, eke l'el eb ɛjɛc'ɛm ec'ɛɲɲ, ke eb ab ɛm a, lɛɲɲ kaka, ɛɲɲ anm ɛym ɔkm kokm egb waw ɛs eci juma a.

¹⁴Agɲ a fɛɲ uw any eke ɛy Ɛs Kɔtɔkɔ, Juda ec'eb ab ɛm wɛl ew'r. Ɛtɲ Mois dadm eb na e low lɛɲɲ a eke li dad egb waw ɛsɛl ec'odad a.

Jesu el egb waw ɛs ɛsɛ Mɛlkisedɛk af

¹⁵Ca gbɛ ów a fɛɲ am ayl, sica eke wɛl sigm egb waw ɛs ɛjɛci nyam eke b'ot Mɛlkisedɛk ɛs a.

¹⁶L'ɛlm egb waw ɛs agɲ e mew ec'ol ec'eelɛ eke b'ɛkan ab ɛm. Tasi ɛm a, owr anɲ ek'ɔnym uwr a ec'abusu ab anake sigm'n ɛs ɛsɛ egb waw ɛs af a.

¹⁷Nawrɛ tasi, Nyam Lɛl dad ninɛ: Ɔ el egb waw ɛs sɛɲɲ fɛɲ eci, ɛsɛ eelɛ eke ow ɔb nuɲ Mɛlkisedɛk ɛm ab af.

¹⁸Ol sig a iym nɛny ɛtɲ ɛlm low, ow ɔɲ wɛl ɔny fifn'n ɛs.

- ¹⁹Mois ec'ol a osum liy sobo kaka. Gbeko wel on ey low omn nimamn tasi nyam, etn si b'ecr in em si titm Nyam.
- ²⁰Eke si b'ekn a ke Nyam ij neny sigm egb waw es na es. Gbeko Levi ec'eb em ec'a, - l'el egb waw esel, eke neny ij anm em.
- ²¹Ko Jesu ec'a, Nyam ij neny legn a eke li dad nine: Es Kotoko ij neny etn li k'ow l'itnm ebr: El egb waw es segn fen eci.
- ²²Ow am yegm ey eke Jesu anake el egn a eke am on ey s'uw any tasi eke sinm a eke Nyam kok ey ab a, akpl akm lisig a.
- ²³Emeny low anj eke ok ereb: egb waw esel ejec'a eny nono, anke luw wom el abusu eke -li k'anj egb waw es el ab em segn fen eci.
- ²⁴Ko Jesu gbε, in, n'anj ovr segn fen eci, etn legn kaka egn ejeci k'ow elm egb waw es in usuiy a.
- ²⁵Na sosiem anake l'otu eke segn fen li k'eb agn a eke bi titm Nyam a l'elu es in ec'abu elum em a. Eke sica Jesu anj ovr segn fen ec'a, l'otu eke li ki njon Nyam segn fen wel eci.
- ²⁶Jesu el egb waw es ligbel tasi a eke k'el ey ec'a. L'el lala, n'onym low obr, etn l'itam em kaka, n'anm ese ey sikpl esel af, etn afr Nyam usr'r sos ligbel.
- ²⁷Jesu anm ese egb waw esel egbel ejec'ab af. Ow ibram eke legni nyam nyam fen li ki waw egb in obi in obi e sikpl a eci, ke emeny li waw dedeku a eci. In sosi eke l'ocr li wawr egb a, ow el egb waw a eke li kok akp nyam coco segn fen ec'a.
- ²⁸Mois ec'ol a bi sigm agn eke iym neny ab es ese egb waw esel egbel af. Ko Nyam e neny ij a eke anj ol e jam ow a, sigm Iy ab es ese egb waw es ligbel af, in eke l'iy neny l'ign nuj akpo akpo fen ec'a.

Ebre eyj e lel 8

Jesu el sinm ovr a ec'egb waw es ligbel

- ¹Kin low a eke s'am erur eke si ki dad a e liy a tasi: ey s'onny egb waw es ligbel nyam ese na eke si dad in e low ab af. Li sig es afr, Nyam ek'onny abusu a e lidr abu af.
- ²Li bi kok in e juma a usu lala a, afr eci nuj ign usu tasi a. Eε, afr eci gbad em el tasi a, ow elm Israel ec'agn a usm, ko Es Kotoko in obi anake us'r a.
- ³Egb waw es fen eke wel sigm es a e juma eke bi kok a el ob ap lele egb waw ab. Ow it eke ey ec'a yeji k'onny ob ap nyam on Nyam.
- ⁴Blel Krist anj wus af aja yeji, li k'elm egb waw es, anke egb waw esel ikn anym anj eke am kok juma na ese elel eke Mois ec'ol a ibrm ab af.
- ⁵Egb waw esel amua am kok juma usu lala ek'el afr ec'usu lala tasi a e sewl a lele ow ec'es otarir ab ab eci. Tasi em a, legn a eke Mois am ow us gbad em el a, Nyam dad'r nine: Lεr, b'ow kok fen ese sewl a eke mi yegm'η ekn lafeny af ab af.

⁶Kɔ sica, ey ec'egb waw es ligbel Jesu, wel abul il juma ek'agb nono akm egb waw esel ejec'a ec'a. Eben nenyembri nyam, n'am ism sinm ovr nyam ek'el Nyam eci, ke ony any nono akm sinm sig a. Etn Nyam ewar ow amamn nono eke li b'ow n'on ey a, l'ew es sinm ovr na em.

Sinm ovr a akpl akm sinm sig a

⁷Blel krekre e sinm a itam em ana, blel ow ibram Nyam kokm yony em eci usrm'n usu.

⁸Gbeko, kin low a eke Nyam am enym in ec'agn a, ow ec'abr a: Es Kotoke dad nine: Segn am ow eke mi b'ow mi kok sinm ovr Israel ec'agn a lele Juda ec'agn ab ab.

⁹Sinm na k'ow anm ese yec'a eke mi kok el laghel ab, legh a eke m'onny el abu m'ot m'ok el okm Ejipt a. Etn -l'eghm -l'ijm neny nyam em e sinm a e lis; ow on, em yeji, m'igh m'elu el es.

¹⁰Gbeko kin segn na em a, sinm a eke m'am m'ow mi kok Israel ec'agn ab ab a: Em, Es Kotoke, mi b'ow m'oc em e sol a m'elu el e tutr ab em, mi b'ow mi non sol a el e merm ab em. Mi b'ow m'el el e Nyam etn -li b'ow -l'el em ec'agn.

¹¹Etn ow k'ow ibram eke egn kaka fejn ki yegm in ec'eb iy oglog lisijim em ec'any uw e low ij, anke el pupukpan -li b'ow -l'uw'm any, el kpan, ign ey ton ok egbel.

¹²Low nawre, anke mi b'ow m'ap el e sikpl a etn mi k'ow m'oknm ow e low mru mru.

¹³Eke Nyam bi dad sinm ovr e low, ke sinm krekre a, lisig n'on ow el a. Sica ob nyam ek'el lisig ke am usu a, el ob eke in ec'irm ibnm.

Ebre eyn e lel 9

Wus af anja ec'usu lala a ec'ow ek'anj em

¹Krekre eci sinm a ony in ec'ow ek'anj'n em Nyam nun ign a eci lele Nyam ec'usu lala eke wel kok ab wus af anja.

²Ow sosiem a, wel us gbad em el nyam eke wel bubr oj yony em yogh. Krekre ec'usu a wel esh'n "usu lala", yogh anake keni nyam eke ok al lobh lele tabl a eke futufutu a eke wel b'ap Nyam ab ab anj a.

³Sica, gbad yony em a e jam a, el gbad em el a ec'ogog yony em a. Yogh wel esh'n "usu lala tasi".

⁴Yogh, ogn ofh usu sika em anj; etn sinm araka eke sos af a el sika em yeji anj. Sinm araka ab em, sika em kpokpo nyam anj eke afr eci futufutu iy gbh; etn Aron e kpama a eke gigh suw ododo a yeji anj em. Etn emeny, mebn a eke af yogh wel non sinm e sodad a yeji anj em.

⁵Araka a e nun af a, Serubenel eke wel aku am yegm eke Nyam ec'anygbel a anj anja. El ec'ow a e low a am bubur araka a e neny ab es, yogh a eke wel b'ok sikpl oc ap e mebl ab es a. Gbeko anja si k'ow si dadm obli nyam nyam e lis ec'odad.

⁶Gbad em êl ab em, nene anake wel sisigm ów a. Segn fen, egb waw esel a b'ok krekre ec'usu a kok el e juma a.

⁷Ko egb waw es ligbel a sony ce b'ey êl a ec'ogog yony em a, akp nyam ce lakpo nimum eci. Yogn li b'oc ndey e mebl ab n'im li wawr egb n'oj Nyam in obi in obi e sikpl a eci lele dedeku a nimum ec'ab.

⁸Kin low yec'eke Abn Lala am erur eke ki yegm a: eke krekre eci gbad em êl na anj a, usu lala tasi a ec'ejagb a ki figm.

⁹Ow el low ek'el yefenyina em eci. Etn kin ow e nyandre a: egj ek'am igj Nyam nuj ke am ibi mindey ap'r oglog am waw egb oj'n a, k'ow otum ów amua e kok em onym erm es ey Nyam em in ec'ow tutr em toj ow ok nuj.

¹⁰Ow el sol ek'el sos megl af eci ce ese: ob ij, mar lele sos ayal e mij enj enj eke wel b'ok ab ab. Sol amua fen ony any toj ow ok legj a eke Nyam titjn el fen yec'a eke ony any nono akm el ab ab a.

Krist ec'egb waw a

¹¹Gbeko Krist ow ese egb waw es ligbel af oj ey ów amamn a eke anj a. L'ecr gbad em êl nyam ek'agb el sobo akm wus af aja ec'ab em. Êl a, el ob eke ow elm agj ec'abu usm, ow e nyandre el; ow elm ey e wus na eke wel kok a ec'ob.

¹²Krist ey usu lala tasi a ek'el Nyam e saw a, akp nyam coco segn fen eci. L'ocm sican lele sed gog gog ey ab e mebl a li kokrm egb waw, ko in obi in obi e mebl a l'oc li kokr egb waw etj li sog ey sikpl ec'abu em segn fen eci.

¹³Tasi em a, wel b'oc sican lele sed gog gog ey ab e mebl a lele id yow eke wel ofj e milakj a, ok agj a eke kok sikpl ab af. Ow b'ayal el sos sikpl a e lis, etj ow b'oj el abusu owr eke -li k'igj Nyam nuj.

¹⁴Eke na eke wel dad a el low nawre, ke Krist eci mebl a, in otu eke k'onj mbas nono. Tasi em a, Abn a ek'anj segn fen a ec'abusu em, Krist ocr in sosi ap Nyam, ese ndey a eke itam em ke wel b'oc kokr egb waw ab af. Eben a, li b'ow l'ayal ey e tutr a, eke ow enuj eke bi nyimn egj luw em a ibar a, yec'etj ke s'otu si kok Nyam ek'anj owr a e low.

Mebl el sinm a e meny ewr

¹⁵Na sosiem anake Krist el egj a ek'anj ey lele Nyam ab ec'arajn, ke oc sinm owr a ism Nyam ec'agj a. L'uw, agj ec'es eb elu sosiem, el ec'ow enuj a eke -li kokr ow a eke -n'anjn krekre e sinm a ec'es ew em a. Eben ke agj eke Nyam esj a, ótu enj ów a eke Nyam ewar el ow e low ew es ke anj segn fen a.

¹⁶Eke batj egj nyam non aja ij e lel ew es a, gbuj ke wel kók lel ab em e low a, ow it ke wel yegm eke lel non es a uw.

¹⁷Tasi em a, aja ij eci lel nene eke wel bi non ew es a, egj a eke non a b'uw gbuj etj wel bi kok ow e low. Sica ek'egj a anj owr ke k'uwm a, lel a elm low kaka.

¹⁸Èben nyam coco, lègɲ sig em a eke Nyam am bebm Israel ec'agɲ ab ab sinm owi a, wɛl ikɲ anym ibi mindey ɛtɲ wɛl ok ɛl eci mebl ab es.

¹⁹Sica dedeku a nimum ec'any af, Mois ikɲ anym awl sodad a pupukpaɲ, ɛsɛ elɛl eke wɛl b'ɛɲɲ ɛl ol ab em ab af. ɛtɲ ow e jam a, l'ot sed gɔɲ gɔɲ a lele sican ab ab e mebl a li wuwlm mij ab ɛtɲ l'oc isɔp ikɲ eci lal nyam eke wɛl ucu licɛb suw neny af a, ɛtɲ n'am usm mebl ab em li fufɲ ol e lel ab af lele bieku a nimum ab.

²⁰ɛtɲ li dad ninɛ: Na el sinm eci mebl a eke Nyam am ibrm ɔny eke k'ɛlumn a.

²¹Èben cɛ Mois oc mebl ufɲ gbad em ɛl a lele mob mob a fɛɲ eke wɛl b'ot kokr Nyam nuɲ igɲ e low ab ab.

²²ɛtɲ ɛsɛ elɛl eke ol dadr ab af, mebl anake b'ayal ob fɛɲ a. Eke wɛl okm mebl es, ɛy e sikpl a ec'oc ap anm.

Krist uyu afr ɛy sosiɛm

²³Sica eke ow el nene wɛl k'ayal mob a eke el ɛl a ek'anɲ afr a eci any ɔkɲnin, èben ke ɛl tasi a ek'anɲ afr a ibrm segb waw sɔbɔ tasi.

²⁴Tasi em a, Krist ɛym usu lala nyam eke el agɲ ec'abu ec'eke us ab em; usu lala a el afr ec'usu lala tasi a ek'anɲ a eci any ɔkɲnin cɛ. Kɔ afr nana anake Krist ɛy yogɲ a eke l'uw es inym ɛy e ɲɔɲɲ ɔɲ eci Nyam ec'any af a.

²⁵Lakpo fɛɲ, Jwifel ec'egb waw ɛs ligbɛl a b'ɛy usu lala tasi a mebl eke elm in ec'ab ab. Gbɛkɔ Krist, in, l'uyum afr eke li ki wawr in sosi egb sakp nɔnɔ.

²⁶Blel ow el èben ana, blel l'ij luw e gbɛre sakp nɔnɔ lègɲ a ɛtɲ eke wɛl kok wus nimum a. Nawrɛ em a, ca sɛgɲ na ek'el sɛgɲ es abal el ab em, Nyam ɛlu'l ɔkm akp nyam coco sɛgɲ fɛɲ eci. ɛtɲ èben a, in sosi ec'egb a eke li wawr ab em, ni ɲuɲɲ sikpl.

²⁷Ow akpl e k'uwr any eke Nyam bebm ɛgɲ fɛɲ ec'akp nyam a eke k'uw a e low ɛw es, ke sica ow e jam a li jéj ow e low l'ok.

²⁸ɛtɲ èben neny nyam cɛ, Nyam oc Krist kokr egb waw akp nyam coco, agɲ nɔnɔ gbɛl e sikpl a ec'oc ap eci. Li b'ow l'ɛlu sos ɔkm sakp yony em eci, ow elm sikpl oc ap ec'ij, kɔ agɲ a ek'am eku in e meny ɛwl ow a e sel ɛɲɲ ɔɲ eci.

Ebre ɛyɲ e lɛl 10

Krist ec'egb waw a ɔny lɛc akm Mois ec'ol a

¹Mois ec'ol a anɲ ɛsɛ ów amamn a eke b'ow ow a eci es otarir af. Gbɛkɔ ow elm na elm ów tasi a gbɛ. Ow b'ibrm eke lakpo fɛɲ abu k'anɲ em, wɛl ám kok segb waw nenyembri nyam a cɛ. Na sosiɛm anake li k'ɔtum n'ɔɔm agɲ a eke b'ow Nyam saw a e low iym neny igɲm nuɲ a.

²Tasi em a, blel segb waw a eke -li kokr a ɔtu ɔny ɛl e sikpl a tɛtɲ es akp nyam a cɛ ana, blel -l'ocrm ɛl sosi sikpl ɛsɛl ɛmeny -n'anm segb waw a cɛ e kok em.

³Nawrɛ em a, segb waw amua b'ɔkn lakpo fɛɲ ɛl e sikpl a e low,

- ⁴an̄ke sed a lele sican ab ab eci mebl a k'otum onym sikpl tet̄m es.
- ⁵Ow sosiem, wanci ab af eke Krist am ow wus af an̄a a, li dad Nyam nine: Ɖ ibram segb waw lele sob ap ab kɔ̄ η kok sos megl nyam on̄'m.
- ⁶Mindey eke wɛl b'of̄η lele mob ejeci fɛ̄η eke wɛl b'ot ow waw egb on̄'η sikpl oc ap ec'a, ákplm'η sos em.
- ⁷Et̄η mi dad'η m'ese: Em e Nyam, em obi m'am ow η oḡη mi kok η ec'erur, es'eled eke wɛl non̄ em e lís ew es ol e lel ab em ab af.
- ⁸Krist ik̄η anym dad nine: segb waw, sob ap, mindey eke wɛl b'of̄η lele sikpl oc ap e segb waw ab a e low in ákplm'η sos em. Ke ol ibrm eke wɛl ki kok segb waw amua fɛ̄η cɛ.
- ⁹Emeny Krist usr af nine: m'am ow em obi η oḡη mi kok η ec'erur. Odad na am yegm eke n'am on̄y segb waw esig a l'ot es, ke l'úsr in ec'a usu.
- ¹⁰Nawre em a, Jesu Krist kok Nyam ec'erur; l'ocr in sosi li wawr egb akp nyam coco sēḡη fɛ̄η eci, et̄η ow em, li yoyoḡ ey e sikpl ab es.
- ¹¹Sica, sēḡη fɛ̄η egb waw es fɛ̄η b'ow Nyam ec'any af kok juma; et̄η li bi kok segb waw neny nyam a cɛ, gbekɔ̄ ow el segb waw eke k'otum onym sikpl ocm es.
- ¹²Krist ec'a gbɛ ow elm eben, egb waw akp nyam a cɛ eke li kok a, el egb waw eke bi tet̄η sikpl es sēḡη fɛ̄η eci. Sica li sig es Nyam e lidr abu af a
- ¹³et̄η n'am eku eke Nyam k'ot in ec'efnu a ok'r es akr ew.
- ¹⁴Ob ap nyam em cɛ, Krist on̄ aḡη a eke wɛl yoyoḡ sikpl es a, iy neny iḡη nūη sēḡη fɛ̄η eci.
- ¹⁵Ab̄η Lala yeji am elu okm yegm ey dad ese:
- ¹⁶Es Kɔ̄tɔ̄kɔ̄ dad nine: Kin sinm a eke mi b'ow mi kok el ab sēḡη amua e jam a: Mi b'ow m'oc em e sol a m'elu el erm em, et̄η mi b'ow mi non̄ el e sow tutr ab em.
- ¹⁷Emeny l'iḡη af nine: Mi k'ow m'oknm el ec'ów obr obr a lel el e sikpl ab ab e low ij.
- ¹⁸Sica eke wɛl oc sikpl ap a, ow ibram eke wɛl k'im kok ow ec'oc ap ec'egb waw ij.

Si títmn Nyam ke si kí lɛrm jam ij

- ¹⁹Aḡη lisijimel, Jesu e mebl a eke ok es ey ec'a usur ey erm eke si k'owl abu s'im s'ok Nyam ec'usu lala tasi a.
- ²⁰Eɛ, li kikn in e sos megl ab es, yec'et̄η ke li fiḡ ey ebr owr ek'el sel ēgn ec'ebr a. Et̄η low na eke li kok a, otarir es es'eled eke lɛ̄ḡη sig em, Nyamel ab em e gbad a ek'am ed̄gn aḡη eke k'im Nyam ec'any af a, agbr em oc es ab af.
- ²¹Ey, s'on̄y egb waw es ligbel nyam ek'an̄η Nyam ec'aḡη a e nūη af.

- 22**Sica wɛl yɔyɔg ɛy ec'ɛrm ab ɛm ec'ów fɛŋ eke k'ok ɛy ów af ab es, ɛtɛ wɛl ok ɛy e sos megl a mij, mij lala tasi ɛm. Ow sosiem, si títmn Nyam ɛrm ek'ij neny nyam ke inym es kikri ɛy ec'ɔmn ab ɛm.
- 23**S'úcur ɛy e low ɔmn a eke s'ɛgɛ ow e low s'eb a s'ɔnyn es kikri, aŋke Nyam ɛwar ɛy ów ɛw es ɛtɛ s'uw any eke l'el cɛcɛ.
- 24**S'ɛwarir nyamn af, yec'ɛtɛ ke ow átr ɛy sos es s'óny erur tasi ke si kók ów amamn.
- 25**Si k'ígɛn ɛy e luku a eke si b'as usu nyam a si k'elul es, ɛsɛ elɛl eke ow ɛcm agɛ bɛb ab am kok ab af. Ow tasi eke si ki kok a el, ke s'átarir sos es ɛy ɔfr, eke ɛs Kɔtɔkɔ eci lɛgɛ a ow titm a sosiem.
- 26**Sica eke s'uw low nawrɛ any a, eke abu anɛ ɛy ɛm s'am ɛkn piɔ si kok sikpl, ke egb waw ɛjɛci kaka anm eke b'ow ɔny ɛy e sikpl a oc es ij.
- 27**Low cɛ eke si ki kok a el, ke ɛrɛn ab s'anɛ s'am eku eke Nyam e jɛj ok a k'ow lele al gbɛl a eke b'ow nɔnɔ Nyam ec'any ɔbr ɛsɛl ab ab.
- 28**Ókan eke lɛgɛ sig ɛm a, ɛgɛ kaka fɛŋ eke ɛluam Mois ec'ol a batɛ agɛ yony oglog nyahan ij danɛu dad eke nawrɛ ɛgɛ a in ɛluam ol a, wɛl ócm apm'n, eke wɛl b'ibi'r.
- 29**Sica ɛgɛ yec'eke b'ow yayr Nyam ec'Iy a, kɔ li k'ow n'ɛɛnm low agbm akm na ee? Tasi ɛm a, ɛgɛ na ɛluam mebl a eke wɛl oc kokr sinm a eke yɔyɔg in e sikpl ab es a. ɛtɛ li wɛwr Abɛ Lala a eke b'ɔɛ ɛy s'uw Nyam ec'ɛrm mamn ab any a.
- 30**ɛɛ, s'uw ɛgɛ a eke dad nine: ɛm, mi b'usr ɛgɛ usu mi kok low nɔnɔ eke wɛl kok'r a, ɛtɛ mi b'ow m'ɔɛ ɛgɛ ɛgɛ ec'ek'it eke k'ɛbm a! Li dad yɛj'eke: ɛs Kɔtɔkɔ b'ow jɛj in ec'agɛ a e low ok.
- 31**Odad na am yɛgm ɛgɛ a eke bi yayr Nyam ek'anɛ owr a, e gbɛrɛ ligbɛl eke b'ow ɛɛn a.
- 32**Sica ɔkan yec'a ek'ɛy lɛgɛ sig ɛm a eke ɛɛn Nyam ec'usuayl a. Kpɛkɛ cɛ ɔbar gbɛrɛ ijr nɔnɔ ɛtɛ inymn es kikri ɔmn ɛm itarir lɛc ɛm.
- 33**Sakp oglog, wɛl ɔny ow ɔny agɛ ec'any af wɛwr ɔny, kokr ɔny akpoto. Sakp bɛb ec'a, ɛgɛn ebr anɛn agɛ eke wɛl am ijr gbɛrɛ akpasu na a jam.
- 34**Tasi ɛm a, ijr gbɛrɛ agɛ a ek'anɛ sobel ɛm ab ab. ɛgɛn ebr sos ɛm inɛ ɛm eke wɛl ki dɔgr ɔny ec'ob ek'ɔnyn a eb ɔny abu ɛm, aŋke ɔny uwr any eke ɔnyn ob ɔny ligbɛl ek'anɛ ɛgɛ fɛŋ.
- 35**Ow sosiem a, àtar sos es! ɔmn ɛm, b'ow ɛɛn ob ap ligbɛl.
- 36**Ow am ibrm eke k'ɔnyn ɛrm susu yec'ɛtɛ ke ótur kokr yec'a eke Nyam am erur a, ke ɛɛn yec'a eke l'ɛwar l'ɛw es a.
- 37**Tasi ɛm a, Nyam Lɛl dad nine: ɛmeny ow anɛ lɛgɛ tɛl, lɛgɛ tɛɛli cɛ, ɛtɛ ɛgɛ a eke k'ow a, b'ow ow; li k'ow n'inɛnm ów ij.

³⁸Nyam dad nine: Eɣɣ yec'ek'el nyim nyim em ec'any af a b'ow anɣ owr in ec'omn a eke l'oc l'elu'm em a sosiem. Gbekɔ eke li b'ewl meny li ler jam, mi k'ow m'ocm em ec'erm a m'ewm'n af ij.

³⁹Ey ec'a gbɛ, s'anm aɣɣ a eke b'ewl meny ler jam ke b'irm ab em. Njaɣ, ey obi s'oc ey ec'omn a s'elu Krist em yec'etɣ ke li sɔg ey.

Ebre eyɣ e lɛl 11

Sinm sig ab em ec'agɣ a ec'omn a

¹Omni el elel nyam eke wɛl b'uw any tasi eke low a eke wɛl am omni a, wɛl b'ow eɣɣ; elel nyam eke wɛl b'ekn ów tasi eke wɛl éknm a.

²Eke Nyam aw lɛɣɣ sig em ec'agɣ a, ke el ec'omni a eke -n'onyi a sosiem cɛ eci.

³Omni em, si b'uw any eke odad ebl em Nyam kok wus. Etɣ eben a, mob a eke wɛl b'ekn a el mob eke wɛl ot mob a eke wɛl éknm a kokr.

⁴Omni em, Abel kok egb waw ek'akpl akm lisijim Kayen ec'a, ɔɣ Nyam. Ow ɔɣ Nyam oc'r eɣɣ nyim nyim in ec'omni a sosiem, aɣke ow eɣɣ in ec'egb waw a eb. Etɣ omni a sosiem cɛ anake eke Abel uw a yeji, in e low anɣ cɛ a.

⁵Omni em, Enɔk uwm aɣɣ e luw etɣ ɣgboɣ wus af aɣa im afr. Eɣɣ kaka ɔtum éknm'n, aɣke Nyam oc'ew'r in e saw a. Nyam Lɛl dad eke gbuj ke Enɔk in im afr a, Nyam in ikɣ anym in oc ow eɣɣ mamn.

⁶Tasi em a, eɣɣ kaka k'ɔtum elm eɣɣ mamn Nyam ec'any af eke n'onym omni. Eɣɣ eke bi titm Nyam a, it eke k'ub nawrɛ eke Nyam anɣ etɣ aɣɣ eke b'ol'l es a, li b'ap wɛl ob.

⁷Omni em, Noe eɣɣ ów a eke wɛl éknm ke Nyam ikɣ anym dad'r ow e low a eb. Etɣ li kok mijetɣ ligbɛl in ec'agɣ a ec'es eb elu eci. Eben a eke li kok a, ow yeɣm elel eke wus nimum ec'agɣ a akplm, etɣ in ec'omni a sosiem, Nyam oc'r esɛ eɣɣ nyim nyim af.

⁸Omni em, Abraham elum Nyam ec'esɣ a eke esɣ'n a. Etɣ n'im usu nyam eke ow k'ɔɣ'n, él in ec'a; l'igb n'aam eke l'uwm yogɣ a eke n'aam ab any.

⁹Omni em, n'im l'ir wus a eke Nyam ewar ir ow e low ew es ab af, esɛ utu eɣɣ af. L'ir ndey lɛl em mel em, esɛ elel eke Isak lele Jakɔb ab eke el yeji, Nyam ewar low nyam a cɛ ew es a ir ab af.

¹⁰Abraham am eku eb a ek'in eci misigrer a inym es kikri a. Eb a, Nyam in obi bɛbm in e low etɣ us'r.

¹¹Omni em, Sara ek'el itr yow ke in ec'akpo a im anym nonɔ a yeji, ɔtu ew iy, aɣke l'ucu low nyam gbɛ n'onyi es tasi: Nyam e neny e b'ij a, li bi kok ow e low.

¹²Abraham el eɣɣ nyam eke usu toɣ luw ab yeji ibnm. Gbekɔ omni sosiem eɣɣ nyam na em, alaw nonɔ ɔtu ok ɔkm. Etɣ in ec'alaw a eny esɛ mílél ek'anɣ afr ab af, oglog esɛ okij any e mirici ab af, toɣ wɛl k'ɔtum awlm él.

- 13 Agɔ amua feɔ ɔny ɔmn Nyam em toɔ uw. -L'ɔtum -n'ɛɔnm ów a eke Nyam ewar el ow e low ew es a, gbekɔ -l'ɛkn wɛl akpoj em toɔ ow iɔn el sos em eke -l'ɛkan wɛl a. Eɔɔ -l'ɛɔɔ -l'eb tasi eke -l'el etu agɔ, usu im esel wus af aɔa.
- 14 Low ɛɔɔ eb na em, -n'am yeɔm kpata eke -n'am ɔl eb ir usu tasi ab es.
- 15 -Li tutrm el ec'eb a eke -l'igɔn -l'elul es a e low. Blel -li tutar ow e low ana, ke -l'ɔtu eke -li k'ewl mɛny n'im em.
- 16 Nawre em a, usu sɔbɔ tasi a -n'am ɔl es, afr ec'usu a ek'anɔ a. Na sosiem, Nyam ɛs ɔnym eke wɛl k'ɛɔɔ'n el e Nyam. Tasi em a, li kok eb nyam l'ew wɛl es.
- 17-18 ɔmn em, Abraham oc Isak eke ki kokr eɔb waw ɔɔ Nyam, leɔɔ a eke Nyam erur eke k'ɛkn in ec'ɔmn a. Ow ikɔ anym dad'r ninɛ: Isak em anake b'ow ɛɔn alaw eke b'ow elu ɔ e nin a ɔkm a. Eɔɔ eke Nyam ewar ir low na ew es a yeɔi, Abraham ɛɔɔ eb eke k'oc in ec'iy ekpɔbi a kokr eɔb waw ɔɔ Nyam.
- 19 Tasi em a, li tutr l'uw any eke Nyam ɔny abusu eke k'igbm ɛɔɔ luw em; na sosiem, Nyam ɔwr jim ɔɔ'n, eɔɔ ow anɔ esɛ luw em cɛ ow'n igb af.
- 20 ɔmn em, Isak ɛɔɔ Jakɔb lele Esayu ab ɔwrɔ, ów eke anɔ anym b'ow ow a eci.
- 21 ɔmn em, Jakɔb in e luw e wanci af, ɛɔɔ Josef ec'ey yony a ɔwrɔ. Eɔɔ l'ucu in e kpama a n'ɔny es, l'ok ɔwrɔkp wus l'igɔ Nyam nuɔ.
- 22 ɔmn em, Josef in e sel ec'uwr em, ewar eke Israel ec'ey b'ow ok ɔkm Ejipt, eɔɔ li dad wɛl low yec'eke wɛl ki kok in eci ew ab ab a.
- 23 ɔmn em, Mois ɛs lele lis ab, oc el ec'iy a eke -l'ewr ke akpl nɔnɔ a, lol es toɔ ow ij awl nyahan. Erɔn ɔnym el eke -li k'ɔb eb ebu ec'ol a ek'ew ab es.
- 24 Sica eke Mois agb a, ɔmn em anake l'erurm eke wɛl k'oc'r ɛsɛ Faraɔn jɔw ec'iy af a.
- 25 L'ɔtu cɛ eke li k'ij sikpl e sos em iɔn ec'eb a sɛɔɔ beb, kɔ l'ɛɔɔ l'eb eke li k'ij gbɛ Nyam ec'agɔ ab ab.
- 26 Mois uw any eke Ejipt ec'ob ɔny a agb nɔnɔ. Gbekɔ, ɛɔɔ eb wɛl ifn'ɔ esɛ elɛl eke wɛl b'ow ifn Mesi ab af a, el low eke agb nɔnɔ ligbɛl akm Ejipt ec'ob ɔny a. Tasi em a, leɔɔ anym em eci ob ap tasi a eke li k'ɛɔn a, n'am ler.
- 27 ɔmn em, Mois ɔgbonɔ Ejipt eb em, eɔɔ l'urum Ejipt ec'eb ebu a ec'erm bebl a. N'inym es kikri ɛsɛ ɛɔɔ ek'am ɛkn Nyam a eke wɛl ɛknm ab af.
- 28 In ec'ɔmn ab em, n'ɔɔ wɛl kok Pak ec'es gbɛgbɛl a, eɔɔ n'ɔɔ wɛl ibi mɛceb eb ow eci mebl a udu masany. Ow ɔɔ eɔɔ afr erm ɛs a ek'ow eke k'ibi agɔ a, itɔnm Israel eyɔ ec'ey ɛɔɔ krekre a abu.
- 29 ɔmn em, Israel eyɔ ubr okij ebl a ɛsɛ wus wewe cɛ ow'n el af. Eɔɔ eke Ejipt eyɔ a wewrm el ów eke el yeɔi k'ubr a, mij a eman el.

- 30** Ɔmn ab em ce, eke -l'iwari Jeriko eb a -l'elulil em sakp lobɔ a, eb a e mebn em lakp a er ok.
- 31** Ɔmn em, Rahab egɔ ot yow a uwm Nyam ec'efnu ab ab, anke l'eb agɔ a eke wel erm im es lol em eke k'uw eb ab any a.
- 32** Emeny bla lowi m'otu eke mi ki dad ee? Abusu k'ow erum im es eke mi k'awl kpe kpe kpe Jedeon, Barak, Samson, Jefite, David, Samiel lele kokobaob esel ab ab ec'egɔni nyam nyam ec'a.
- 33** Agɔ amua ony ɔmn Nyam em etɔ ow em, nono ogɔ ar eb seb anɔ el ec'es ew em. Beb kok yec'eke el nyim nyim a etɔ -n'ehɔ yec'a eke Nyam ewar el ew es a, -li b'abl sikukuma neny es.
- 34** -Li rirmn sal gbagba es, etɔ lab ler em otum ibim el. -L'ok ol ko -n'ehɔ læc. Ar ogɔ e lægɔ em a, -l'elu el e gbawru ij a okm, -l'itr aru ejec'a imn jam eci.
- 35** Oyow ony ɔmn Nyam em. Ow on -n'ehɔ el ec'agɔ a ek'uw a, anke agɔ amua igb luw em. Wel onyn agɔ ejeci beb milolu el ec'ɔmn a sosome ko -l'egɔm eke wel k'elu el es. Tasi em a, -l'erur eke -li k'uw, ke -n'anɔ luw ab em, -l'igb -l'ey sel ehɔ tasi ab em.
- 36** Agɔ likpr egɔ wewr lele ngbre em ec'or a eb. Wel awɔ beb ngbraka em etɔ wel ony ok el sobel em.
- 37** Beb ec'a, wel ibi el mebn em, oglog wel ubr el em ekpr yony suku em, oglog wel ibi el lab ler em. Beb b'anɔ anɔ ewl im ok yogɔ a, sus mob eke wel gigɔ mæceb lel em oglog sican lel em, -n'onym ob kaka; wel ijr el gbre nono etɔ wel kok el ow ehɔ nono.
- 38** Wus ec'agɔ akplm eke agɔ kpasu na k'ir el em. -Li b'anɔ anɔ -l'ewl -n'im -l'ok yogɔ a, loj em, mafeny em, mób lokm lele wus omu em ab.
- 39** Agɔ amua feɔ ony ɔmn Nyam em; ow sosome anake ow ij el e nuɔ af e danɔku nimamn a. Gbeko, low a eke ow ewar el ow e low ew es a -n'ehɔm,
- 40** anke ow bebm low sobo mamn nyam eke agb nono ey feɔ ec'a ew es. Etɔ ow erurm eke -li k'im ton -l'ok el ec'ɔmn a e nuɔ eke si k'anm em.

Ebre eyɔ e lel 12

Sos k'ow ony es gbre ij owi feɔ em

- 1** Agɔ amua na feɔ eke m'am dad el e low a am elu el ec'ɔmn e danɔku ij okm yegm ey. Ow anɔ ese dedeku ligbel nyam eke ow iwr elul ey em ce af. Ow sosome a, ey yeji s'igɔ low feɔ eke am edɔn ey eci anym imn a s'elu es, s'igɔ sikpl a eke wiwrm ey ab a s'owl. S'urur es erm susu em es uru a ek'anɔ ey anym a.
- 2** Segɔ feɔ si léer Jesu. In anake li b'onɔ egɔ ony ɔmn a, etɔ li b'onɔ ɔmn a iy neny ign nuɔ. L'egɔ olikɔ af e luw a l'eb l'uw etɔ li lerm és a ek'anɔ luw nene em a, anke n'am ler sos em ign a eke wel bebm ew'r es a; etɔ sica li sig es Nyam e lidr abu af yogɔ.
- 3** Ee, tatar Jesu ec'elel a eke egɔ sikpl esel e sifn a ek'onyn in e lís a e low eb a. Ow b'ow on abɔ em a sos k'ow ɔmn ony es etɔ sos k'ow aam ony.

- ⁴Tasi em a, ɔny lele sikpl ab eci itarir ab em, k'iimn toj k'okmn luv em!
- ⁵Kɔ ów ɔm e sodad a eke Nyam dad ɔny esɛ in ec'ey af a, es jijal ee? Kin odad a: Em Jim, eke Es Kɔtɔkɔ b'enym'η abr, k'ɔc ow e low a k'ɛw ow ɔnyn! Sos k'ów'η es eke li b'enym'η abr!
- ⁶Tasi em a, Es Kɔtɔkɔ, egɛ eke li b'erur a li b'enym abr, etɛ li b'enym agɛ a fɛɛ eke li b'oc esɛ in ec'ey af a abr.
- ⁷Eke am ijr gbre, ke ɔny e low yɛgm eci, anke Nyam b'ot ɔny esɛ in ec'ey af. Bogn ec'iy anake es ényam abr ab ee?
- ⁸Eke Nyam ényam ɔny abr esɛ in ec'ey a pupukpaɛ af, ke ow anɛ esɛ ow'n elm ɔny Es etɛ ɔny elmn ow ec'ey lokm af.
- ⁹Wus af aɲa s'ɔny ey esɛl, -li b'enym ey abr etɛ eben yeji si b'elum el. Sica ayaf si k'ɔtum s'eluum Nyam ey Es ek'anɛ afr a nana, bake s'ótu s'ɛɲ sel ee?
- ¹⁰Nawɛ, ey esɛl a eci abr enym a el sɛɲ tɛl eci el ec'elet eke -li b'ekan ów ab em. Kɔ Nyam ec'a, ey e low nimamn eci li b'enym ey abr, n'óɲ ey s'el lala s'anɛ esɛ in af.
- ¹¹Eke wɛl b'ɔb nuɲ am enym ey abr a, ow íɲnm ey sos em, sos nana ow b'owr ey es. Gbɛkɔ ow b'im lɛɲɲ anym em a, agɛ a eke wɛl enym abr eben a, b'anɛ erm es ey em etɛ b'ir eb nyim nyim.
- ¹²Ow sosiem a, sabu k'ám ɔny, etɛ ɔny ec'akr a yeji k'úfɛɲ ɔny; kɔ àtar sos es nana, ke íman anym eci cɛ.
- ¹³Etɛ emeny, kòkr ejagb a eke b'ow ebar a inym nyim nyim, yec'etɛ ke lakr ɔbr fɛɛ k'úɲm, kɔ ke nana l'ɛwl n'inym.

Èel cɛcɛ

- ¹⁴Ól agɛ fɛɛ ab ec'erm es ey em ec'eb ir es, ke íir eb nyim nyim eke b'akpl Nyam sos em. Egɛ fɛɛ eke k'ow kokm eben a k'ow eknm Es Kɔtɔkɔ.
- ¹⁵Èwr erm ke egɛ kaka k'ígɲm bibm eke Nyam b'ɔɲ'n a. ɔny em a, egɛ kaka k'ɛw low es lokm k'eli esɛ likɲ lolo af ki ɲuɲn agɛ nɔnɔ in e lol ab ab.
- ¹⁶Ke ebirir mareɲ mareɲ owi k'ánm ɔny ec'araɲn! K'ífan Nyam ec'ów a esɛ elɛl eke Esayu kok ab af. In eke ob ij lofu nyam sosiem, l'ól in e sigbel a l'ij a!
- ¹⁷Ókan eke ow b'ibn a, l'erur eke li k'ɛɲ es ec'owrɔ a, kɔ ow itr owl. Li kok sɔɲ, l'ikɲ ɔɲn eke es k'itɲn ebr, kɔ l'ɔtum n'ɔm ow ow itɲnm ebr.
- ¹⁸ɔny, lɛɲ na em a, owr titmn Nyam, gbɛkɔ ow anm esɛ ɔny lagɲel e low any af a eke ekɲ lɛɲ sig em ab af. Eke -li titmn Sinayi lafeny a, yogɲ -l'ekɲ al ligbel a, ncebn ibr a, nyambrany a,
- ¹⁹-l'iri kròkr nyam ikɲ etɛ lebl nyam yeji ikɲ. Eke Israel eyɲ iri lebl na a, -ni ɲɔɲn Nyam eke ow kí dadm el odad ow obi ij.

²⁰Nawre, Nyam edɛn eke wɛl k'itɛnm lafɛny a abu, ɛtɛ eke ɛgɛ nyam itɛn abu a, ke wɛl ɔ́r'r mebn ɛm ibi'r, eke ow el ndey kprɔɔ itɛn abu yeji, wɛl kók'r low nyam coco a.

²¹Low a ɔny ɛrɛn toɛ Mois in obi yeji dad nine: «ɛrɛn ɔny'm toɛ sos am ufɛ'm.»

²²Gbɛkɔ ɔny ec'a ow elm ɛbɛn, ɔny imm titmn Sion e lafɛny a, Nyam ek'anɛ owr ec'ɛb a, Jerusalem a ek'el afr eci ke yogɛ afr ɛrm ɛsel bubute aam kok es gbɛgbl a.

²³ɔny, imm titmn Nyam ec'ey krekre a eke as luku, ke el agɛ a eke wɛl non el ec'en afr a. Owr Nyam eke bi jej wus nimum e low ok a ec'any af. Imm titmn agɛ nyim nyim a ek'iy neny igɛ nuɛ a.

²⁴ɔny, imm titmn Jesu eke ok in e mebl ab es ɛy e sayl ec'a. Nyam ɛcr in ɛm ɔɛ ɛy sinm owr nyam, ɛtɛ Jesu e mebl a ɔny mbas nonɔ akm Abel ec'a.

²⁵Sica ɛwr ɛrm, ke írír Nyam eke am dad odad a e low! Eke wus af aɛa Mois ɛwar Israel ɛyɛ, ke -l'ɛgɛm -l'irim a, -n'ɛɛn ow e gbɛr ek'anɛ ɛm a. ɛy ec'a, afr ɛtɛ Nyam anɛ am dad ɛy odad. Eke s'am dad s'ɛsɛ ɛy e low anm ɛm, s'úw any tasi eke li b'ow li kok ɛy ow e low!

²⁶Lɛgɛ sig ɛm a, Nyam e lebl a ɔɛ wus ufɛ. Yɛfɛnyɛna ɛm ec'a, kin yec'eke n'am dad l'ɛw es eke li b'ow li kok: ɛmɛny lɛgɛ ɛjeci, mi b'ow m'ɔɛ wus ufɛ, ɛtɛ ow k'ow elm wus cɛ, kɔ afr yeji.

²⁷Odad na eke el: ɛmɛny lɛgɛ ɛjec'a, kin ow e nyandrɛ: mob a eke wɛl kok ke ɔtu eke k'uy a, b'ow irm. ɛtɛ ow b'ow ɔɛ el a cɛ eke k'ɔtum uyɛm a abusu anɛ sɛgɛ fɛɛ.

²⁸Sica ɛy, s'am ɛɛn gbɛrɛgbi usu a eke k'ɔtum ufɛm a. Ow sosiɛm s'ɔɛ Nyam bia, ke si kók in owi sewl a eke li b'erur ab ɛm, es is ɛm lele ɛlum ɛm ab.

²⁹Tasi ɛm a, ɛy e Nyam a el al eke bi nɛɛn ob.

Ebre ɛyɛ e lɛl 13

Elɛl eke ɛgɛ e low k'akpal Nyam sos ɛm; es abal el ɛm ec'ów ɔm

¹Sica ow akpl eke abu k'anɛ ɔny ɛm ám eruririr ɛsɛ Krist ɛm ec'agɛ lisijimɛl af.

²K'ijal etu eb e low es, aɛke agɛ beb eb etu toɛ batɛ eb afr ɛrm ɛsel any uwm ɛm.

³Ókan ɔny lisijimɛl ek'anɛ sobel ɛm a e low, ɛsɛ sobel ɛm cɛ ɔny yeji ɔny anɛn wɛl ab af. Ókan el a eke wɛl am ɔnyɛn milɔlu a e low, ɛsɛ ɔny cɛ anake wɛ'n am ɔnyɛn ɔny milɔlu ab af.

⁴Ke agɛ a fɛɛ ɔny mɛbi ec'elum. Ke igɛ lel yɔw ab ec'es ɛru usu a nfaci ij owi k'ɛym. Nyam b'ow jej agɛ a eke b'ɛbirir mareɛ mareɛ a lele agɛ a eke ɛbirir ke b'ij nfaci ab ab e low ok.

⁵K'òcr os owi k'ucur any, sos ɛm iɛn ɔny yec'a cɛ ek'ɔnyɛn a eci. Tasi ɛm a, Nyam in obi li dad nine: Mi k'ow mi walm m'elum'ɛ es lɛgɛ kaka, mi k'ow m'igɛm m'elum'ɛ es lɛgɛ kaka.

⁶Ow ɔŋ s'ɔtu eke si ki dad ɔmn em tasi s'ese: Es Kɔtɔkɔ el em ec'abu elum es, mi k'urum erɛn kaka, eɛŋ kaka k'ɔtum kokm im low ŋuŋ.

⁷Ɔkan ɔny ec'anym em ec'idr esel a eke ɔb ɔny Nyam ec'odad a e kokoba a. Ɔkan elel a eke -l'iir eb toŋ ke -l'uwr a, ke ébr el ec'ɔmn a e lakr a.

⁸Ow akpl e k'uwr any eke Jesu Krist íŋnm: læŋ ek'ec ab em, yefenyina lele sɛŋŋ fɛŋ ab, in ec'elel a ce li b'anŋ.

⁹Ki yèbr low yɛgm mramra k'irmn ɔny. Sol ek'el ob ij ec'a éelm aɛŋ a eke b'elum a low læŋ kaka. Eke ow el bibm e si b'ɛŋŋ Nyam em a b'ɔŋ ey s'ij læc, ke yec'anake akpl a.

¹⁰Ey, s'ɔny egb waw usu, etŋ egb waw esel a ɔnym abusu eke k'ij ob eke b'anŋ egb waw usu yogŋ ow a. Tasi em a, el, Nyamel gbɛl ab em -li bi kok juma.

¹¹Yogŋ, Jwifɛl ec'egb waw es ligbɛl a b'oc mindey a e mebl a im ey usu lala tasi a sikpl es ɔny oc eci, etŋ wɛl b'ot mindey a ok ɔkm im gbɛŋ ofŋ.

¹²Na sosiem anake Jesu yeji uwm Jerusalem, ke n'im l'uw eb a e saw a, yec'etŋ ke in e mebl ab em, li yóyɔg aɛŋ e sikpl ab es a.

¹³Ow sosiem a, s'ókr ɔkm s'imn s'ɛŋan in gbɛŋ yogŋ, s'éɛŋŋ wɛl ijr ey gbɛɛ nenyembri nyam a ese in ec'ab af.

¹⁴Wus af aŋa, s'ir eb nyam eke k'ow anm sɛŋŋ fɛŋ ab em, gbɛkɔ ey, eb a eke b'ow anŋ læŋ anym em a s'am ɔl es.

¹⁵Eke ow el eben a, ow akpl eke læŋni nyam nyam fɛŋ, si k'ecr Jesu em s'ɔŋ ey e kɔklm fɛŋ uyu im Nyam ec'any af. Na anake el ey ec'egb eke s'am waw a. Ɔɛ, ke ey e neny em e bia fɛŋ eke b'ow anŋ ey ɔkm a, ɔŋ in e nin a agb.

¹⁶Gbɛkɔ k'ijal es eke ki kokr low mamn ke cécr yec'a eke ɔny a, aŋke amua anake el segb waw eke b'akpl Nyam sos em a.

¹⁷Ɔlumn ɔny ec'idr esel a ke ísr es el ec'any af. -N'am ew ɔny nyamn af aŋke ow it eke -li k'awl ɔny ec'ów -l'ok Nyam. Ow sosiem a, eke b'elumn el, -li b'ow -li kok el e juma a sos em iŋn em. Eke ow elm eben, -li b'ow -li kok juma a abr eny em etŋ k'ow eŋnmn low kaka.

¹⁸Ɔɔŋan Nyam ɔŋn ey. Ey s'uw any tasi eke si k'eknm low eke k'ɔŋ s'ókr ey sosi ów af. Tasi em a, sɛŋŋ fɛŋ si b'ɔl low sɛny sɛny e kok es.

¹⁹M'am ibrm ɔny atrm em, ŋɔŋan eke mi k'ɛwl fafa m'ow ɔny ec'araŋn.

Nyam ŋɔŋan lele esɛŋ es abal el ab

²⁰Nyam anake b'ɔŋ ey erm es ey a. L'igbm ey Es Kɔtɔkɔ Jesu ek'el mɛceɔb ɔsu es ligbɛl a luw em. Etŋ in e mebl a ec'egb waw a ɔŋ ey sinm nyam ek'ɔnym uwr.

²¹Ke Nyam na seŋŋ feŋ óŋ ɔny ɔtur kokr low mamn, kókr yec'a eke li b'erur a! Ke l'écr Jesu Krist em li kok ey em, low yec'eke b'aw'r a! In ec'el anygbel seŋŋ feŋ! Amen!

²²Agŋ lisijimel, m'am dad ɔny eke k'irir erm ew em, sos es atr e sodad amua. Tasi em a, lel a eke mi non a ofum nono.

²³Sica kin amani nyam: ey lisijim Timote anŋ sobel em ey ɔkm. Eke l'ow fafa, in yony si b'ow s'ow s'ekn ɔny.

²⁴Èsŋnin ɔny ec'idr esel a feŋ lele Nyam ec'agŋ lala ab ab. Itali ec'agŋ a ek'anŋ aŋa a yeji am esŋn ɔny.

²⁵Ke Nyam édŋ ɔny feŋ ɔwro!

Jak e ləl

Jak e ləl 1

Ɛsɔn

¹Ɛm Jak, Nyam lele Ɛs Kɔtɔkɔ Jesu Krist ab e juma kok Ɛs, m'am Ɛsɔn ɔny fɛɲ ek'eel eb lew yony a eke ɔmu es wus na nimum af a.

Gbre Ɛm ec'ɔmn ɔny lele sɛwr ab

²Krist Ɛm ec'agɲ lisijimɛl, eke b'ɔbar gbre, es abur akpasu akpasu a, ke sos Ɛm ɲɲn ɔny, ɲɲɲn ehe Ɛm,

³ɲɲke Ɛsɛ elɛl eke ɔny yeji uwr any ab af, eke ɔny eci Nyam ec'ɔmn a eke ɔny a b'akm Ɛbm Ɛkn es a, ow b'ɔɲ ɔny Ɛrm susu ɲnymn es kikri.

⁴ɲnymn es kikri kpɛkɲ low low fɛɲ Ɛm, yec'ɛɲ ke ɔny e low kok fɛɲ Ɛm ɲyr nɛny ɲɲɲn nuɲ, ke k'ɔnymn low kaka fɛɲ ec'es abur.

⁵Kɔ eke ɔny Ɛm ec'ɛɲ nyam ɔnym sɛwr eke k'uw elɛl eke li ki kokr ke n'ɲnym es kikri Ɛbm Ɛkn owi Ɛm a, l'ɲbrm Nyam, ke ow yeɲm'n, ɲɲke Nyam el Ɛrm mamnu ek'ɔɔm ɛɲɲ ob kaka ɲkpɛs Ɛm.

⁶Gbɛkɔ ow akpl ke l'ɲbrm ɔmn Ɛm, ke bɛbar k'ɲnm Ɛm. Ɛɲɲ eke bi bɛbar a, ɲɲ Ɛsɛ okij e mra eke lɛf b'ɔny didm es ab af.

⁷⁻⁸Ɛɲɲ ɲkɲ na kɪ tutr eke Ɛs Kɔtɔkɔ b'ow ɔɲ'n yec'a eke n'am ɲbrm a, ɲɲke l'el ɛɲɲ eke ucum low nyam ɔnym es ke bi cɛcm any in ec'es an Ɛm.

Gɔr lele ob ɔny ab

⁹Ke Krist eci jam us Ɛs ek'ɔnym ob a ntotɲ ók eke Nyam ɔny ɲɲl'ɲ ogɲ a sosiɛm.

¹⁰Ke Krist eci jam us Ɛs ek'ɔny ob a, yeji sos Ɛm ɲɲn eke Nyam ɔny is'r es a sosiɛm. Ow it eke li k'uw any eke in ec'ob ɔny a elm low kaka wus af ɲɲa, ɛɲɲ in obi b'ow Ɛc Ɛs'elɛl eke suw mamn b'uw es kpab Ɛy wus ab af.

¹¹Ɛsɛ elɛl eke ligbn b'afɲ ɔny suw, ke bi wɛwr in e dɔdɔ ab es, ke suw eci sakpl a b'irm a, Ɛben nɛnyɛmbri nyam gbɛɲɲɲɲ yeji b'ow uw digɲ in e sijuma ok es.

Ɛbm Ɛkn lele mɛju ab

¹²Ehe ɛl ɛɲɲ eke b'ɲnym es kikri Ɛbm Ɛkn owi Ɛm a eci. Eke n'ɲnym es kikri a sosiɛm Nyam b'ow ɔɲ'n sel a eke l'ɛwar agɲ ek'erur ir a.

¹³Eke mɛju ow ɛɲɲ Ɛm a, ke li kɪ dad li k'ɛsɛ: «Nyam anake ɛju'm a», ɲɲke Nyam mɛju owi anm in Ɛm. Ow sosiɛm l'ɛjum ɛɲɲ kaka.

¹⁴Sica eke ɛɲɲ Ɛy mɛju owi Ɛm, ke in obi in obi ec'ów tutr ɛɲɲɲ anake ɔɲ'n l'ɔɲɲ mɛb a.

¹⁵Ɛɲɲ ɛmɛny ów tutr ɛɲɲɲ eke b'ɲɲ ɛɲɲ Ɛm ow a, b'is ɛɲɲ sikpl. Ɛɲɲ ca eke sikpl a b'agb afɲn es a, ow b'ism ɛɲɲ luw ab.

¹⁶Erur em ec'agñ lisijimel, k'èjurir òny sosi:

¹⁷sob ap amamn fegñ b'ann Nyam ogñ ow; Nyam ek'el usuayl eci kok es a ogñ ow b'ann ow; in em low itñn kaka anm; n'am titñnm esε usuayl lele ncebn ab af.

¹⁸In obi l'erur, etñ n'òñ ey sel in ec'odad ebl nawre ab em, yec'etñ ke s'él mob mob fegñ eke li kok anñ owr a e krekre.

Ègñ Nyam ec'odad eb ke án es af

¹⁹Erur em ec'agñ lisijimel, sica egñ nyam nyam fegñ ígñ loru es iri low ok es sos em, nófr odad ke k'éblm erm fafa,

²⁰añke erm bebl b'òñ egñ am kokm low ek'el nenyembri nyam Nyam ec'any af.

²¹Na sosiem, ìgñn low ñuñ fegñ eke bi ñuñn òny ec'es an a elul es, ke ébr erm es ey em, Nyam ec'odad eke wél dad òny ek'òtu eke k'eb òny ec'abñ elu es a.

²²K'èjurir òny sosi ki dadr k'esre: «S'írir Nyam ec'odad a ce»; kò kòkr esε elel eke irir ab af.

²³Kò egñ ek'am iri odad a ke ósum a, anñ esε egñ ek'am ekan in sosi akroñn em elel eke n'anñn,

²⁴ke ca li b'òny any l'oc es ke kpekñ li b'ijl elel eke n'anñn ab es a.

²⁵Kò egñ eke b'ew ol sòbò a eke b'òñ egñ el lewi a erm, ke b'ucu òny es, ke ám dadm esmε: «m'iri ce», ke b'ew erm af kok a, b'ow eñn Nyam ec'owrò in ec'ów kok em.

²⁶Eke egñ bi tutr eke l'el Nyam nuñ ign es, etñ l'éwm erm in ec'odad dad em a, n'am ejur in sosi, etñ in e Nyam nuñ ign a el òfr òfr.

²⁷Kin yeci ek'el Nyam nuñ ign nawre tasi Nyam ey Es ec'any af a: ke éw uwiññel lele eñnyow ek'anñ gbre em a e low erm, ke ósu sos wus na e sikpl owi em.

Jak e lèl 2

Agñ es jèj

¹Agñ lisijimel, òny ek'ònyñ òmn ey Es Kòtòkò Jesu Krist anygbel Es em a, kì jèjr agñ es.

²S'óc low nyam si bèbmñ: eke gbrenñbi nyam ok gbad mamn, elu sika kpatrowa, etñ ow ey òny e luku as ec'arañ, etñ gbòru nyam yeji ew mob esn sos ow ey òny ec'arañ,

³b'ow ònyñ gbrenñbi a ec'elum ligbel etñ b'ow òñn in li sig es any esel ec'usu a. Etñ sica b'ow dadr gbòru a esre: «D, ìnym es afr, oglog sìg es wus.»

⁴Eke ow el eben, ke ow elm agñ am jèjr es ab ee? Ow elm ów tutr eñuñ ana ee?

⁵Ìgñn loru es, erur em ec'agñ lisijimel: Nyam sòsum wus na ec'ògbòru a ot yec'etñ ke -l'el òmn em ec'egbrenñbi, ke -l'ij gbrenñbi usu a eke l'ewar agñ ek'erur ir a ec'aja.

⁶Bla sosiem, bi kokr gbɔru sos keskes ee? Kɔ ow elm egbrengbi anake b'ijr ɔny gbre ke b'ot im ɔny jej ok usu ab ee?

⁷Kɔ ow elm el anake -li b'ifn nin mamn na ek'ijr ab ee?

⁸Kin Nyam Lel ec'odad eke am dad: B'ow erur egɔ kaka feɔ esɛ η obi af. Na, Nyam e gbrengbi usu a ec'ol gbɛl ana. Eke b'elumn ol na a, ke ek'ow akpl a.

⁹Eke ɔny ec'ow kok em bi jejr agɔ es, ke sikpl anake am kokr a, etɔ ol b'ow ɔb ɔny low.

¹⁰Eke egɔ b'ɔsu ol a, etɔ l'ɔb nyam es a, ke l'ɔb ol a feɔ es η.

¹¹Etɔ egɔ a eke dad ninɛ: k'ijm nfaci a, in cɛ li dad eke: k'ibim egɔ. Na sosiem a, eke ijm nfaci etɔ ibi egɔ a, ke eluam ol a ana.

¹²Dadr ke kókr ów amamn esɛ agɔ eke el yeji wɛl b'ow jej el ec'ow ok ol eke b'ɔɔ egɔ el lewi ec'ab af.

¹³Egɔ eke ɔnym ɔɔɔɔ ikɔ a, in yeji Nyam k'ow ikɔm'n ɔɔɔɔ aɔke ɔɔɔɔ ikɔ akpl akm jej ok.

ɔmn lele juma kok ab

¹⁴Lisijimɛl, eke egɔ bi dad esɛ: «M'ɔny ɔmn», etɔ n'am kokm ow e low a, ke ɔmn na b'ow eb elu'l es ee?

¹⁵Etɔ eke egɔ lisijim oglog lisijow nyam ɔnym ob sos ew lele ob ij ab,

¹⁶etɔ ɔny em ec'egɔ nyam dad el ninɛ: «ɔmn erm es ey em, ɔgbur al, lok íy ɔny!», eke ɔmn el yec'eke akpl sos megl ec'a, ke na bla ow b'ow eel el ee?

¹⁷Eben nenyembri nyam, ɔmn yeji, eke l'elum in e low kok ɔkm a, ke l'uw η.

¹⁸Kin ow eke wɛl ɔtu eke ki dad egɔ na! «ɔ ɔny ɔmn kɔ em, wɛl b'ekn em e juma kok a. Yɛgm im η ec'ɔmn a eke juma kok anm em a; etɔ em, m'ow mi yeɔm'η em ec'ɔmn a juma kok em.

¹⁹ɔ yeji ub nawrɛ eke Nyam nyam coco aɔ. Ow akpl! Abɔ eɔɔɔ yeji b'ub'r nawrɛ etɔ erɔn b'ɔny el -l'ufɔ.»

²⁰Nyamb egɔ, kɔ uwm any eke ɔmn eke juma kok anm em a el ɔfr ɔfr ee?

²¹Kɔ Nyam ocm ey lagɔ Abraham egɔ nyim nyim in e juma kok em, eke l'oc in ec'iy Isak n'im eke li ki kok egb waw ab ee?

²²Ekɔ eke ɔmn lele juma ab b'okr af juma kok em, aɔke Abraham, in e juma kok a anake ɔɔ in ec'ɔmn a el ɔmn tasi a.

²³Eben Nyam Lel ec'odad eke dad a iy neny: Abraham ɔny ɔmn Nyam em, ow ɔɔ Nyam oc'r esɛ egɔ nyim nyim af, etɔ esɔ'n Nyam e lawl.

²⁴Sica ekan eke Nyam b'oc egɔ egɔ nyim nyim in e juma kok em, kɔ ow elm ɔmn ɔny coco eke n'ɔny a sosiem.

²⁵Èben ow ecr Rahab facyow a ec'a yeji. Nyam oc'r egn nyim nyim, legn eke l'eb Ebre eya a eke wel erm ow es lol em eke k'ekn eb a, ke l'elum wel abu wel eb ejagb ejeci im a. Low na el juma ek'in ec'omn a on'n li kok.

²⁶Tasi em a, ese ekele eke sos megl eke sel anm em a el ob ek'uw ab af a, eben nenyembri nyam, omn yeji, eke juma kok anm em a, l'el ob ek'uw.

Jak e lel 3

Neny lele anm ab

¹Em lisijimel, k'erurir ek'agn nono ony em k'el low yegm esel. Uwr any eke ey low yegm esel, wel b'ow jej ey ec'ow ok tuotuo akm agn fen ec'a.

²Ey, ow nono em a si b'irm. Ek'egn iram in ec'odad ebl em, ke l'el egn tasi ek'otu eke k'osu in e sos.

³Si b'oc lowili s'ucu meb s'elu gbanke nenyum eke li k'elum ey; etn lowili ab em ce, si bi nyimn gbanke a nimum.

⁴Etñ mijetn ek'agb bobo yeji, lef e lec a b'ony didmn es; nyimn ob likekli a ce eke nyimn es a b'ony es a, anake b'oc im'n yogñ eke l'erur a.

⁵Neny yeji eben. Anm el sos megl ec'ob likekli nyam eke bi dad ow egbel. Al mbel yeji b'etul akp ligbel.

⁶Anm anñ ese al af. Anm ek'anñ ey e sos megl em a, el low nñ kok fen ec'ob eke bi nñ egn ec'owr anñ ec'ow fen. Etñ low nñ fen eke wel bi dad a b'anñ gbre ij usu ow.

⁷Egn otu eke ki yegm mindey fen low elum'n: or o, mindey eke b'eri es lok lok o, lele on ab; egn otu ek'akm el es.

⁸Ko egn kaka otum eke k'akm anm es; l'el ob nñ ek'egn k'otum onym es inyam es tin segn fen, l'el sekp nñ eke b'ibi egn.

⁹Si b'oc anm em s'elu ey Es Kotoko Nyam, ey Es bia. Etñ anm ab em ce, si b'ofn agn eke Nyam kok ot'r es a.

¹⁰Low mamn eci sodad lele ofn ab b'anñ neny nyam ab em ce ok okm. Lisijimel, ow k'el eben!

¹¹Mij nñ kaka anm eke in em mij mamn lele mij nñ ab b'anñ am ok okm.

¹²Ko likn nyam otu eke k'osu likn ejeci ec'ey ee? Ko okij em egn b'egn mij mamn egn ee?

Sewr eke b'anñ Nyam ogn ow

¹³Ko ony em a egn nyam anñ ek'el sewru, nñ em ony es ee? Ke l'elu in ec'es an mamn a okm, sewr lele froro el ab ec'ow kok em.

14 Kɔ ek'ɔny ec'erm em nyamneyr nyɔ lele nykre ec'abɔ ab any a, k'ewr sos eke ɔny sɛwr, k'ɔny low nawrɛ k'itɔnin.

15 Sɛwr akpasu na ánm afr Nyam ogy ówm; ow el wus na eci, ek'el agɔ em eci, ke el agɔ eci.

16 Tasi em a, yogɔ eke nyamneyr lele nykre ec'abɔ ab any a, neny af okr ánm, etɔ ów eɔny fɛɔ b'anɔ yogɔ.

17 Afr eci sɛwr a el sɛwr mamn eke b'is erm es ey, ónym low lɛc em, ke b'ɔny agɔ okr af erm es ey em. N'ɔny agɔ e sɔɔɔ ikɔ etɔ li b'elu low kok mamn ɔkm. In l'elm enyembri yony yony es, n'ánm ogog nyam.

18 Agɔ eke bi kok low fɛɔ erm es ey em a, b'ewl erm es ey el em, etɔ ow ec'ey eke wɛl b'ow a el es an mamn.

Jak e lɛl 4

Òcr ny sosi ɔny Nyam ke ákm agɔ es

1 Bogɔ ów esu lele mum ogy ab b'anɔ ow ɔny em ee? Kɔ ow elm ɔny ec'erm em eci sow tutr eɔny ec'erur em ow b'anɔ ow ee?

2 B'ewr ob ek'elm ɔny ec'a nyamn af etɔ éɔnmn; ob ek'elm ɔny ec'a b'aw ɔny, etɔ ótumn éɔnmn, ow b'ɔny eel agɔ ibiu. B'esur ów ogyɔn mum, etɔ yec'ek'am ewr nyamn a, k'ow éɔnmn, aɔke íbramn Nyam.

3 Etɔ eke b'íbrmn yeji éɔnmn aɔke úwmn íbrm. ɔny e tutr a b'el tutr nyɔ; yec'eke b'íbrmn a, ɔny e lís ec'erur e kok eci.

4 Enyembri yony yony esel, kɔ uwmn any eke, eke eel wus na e lawl, ke eel Nyam ec'efnu ee? Égy eke b'erur eke k'el wus na e lawl a, el Nyam ec'ifnu.

5 Kì tutar eke ow el ɔfr ɔfr cɛ Nyam Lɛl am dad eke Nyam b'ogy uwery abɔ a eke l'elu ey em a eci.

6 Eben yeji emeny Nyam elu in ec'erm mamn ɔkm etɔ n'ɔny ey abusu ek'agb akm low fɛɔ, aɔke Nyam Lɛl dad nine: Nyam b'ɔɔr agɔ eke b'ew sos a abr, etɔ li b'elu in ec'erm mamn ɔkm agɔ eke b'is es a e lís.

7 Ca gbe òcar ɔny sosi ɔny Nyam, ògyɔn agɔ ar; etɔ li b'ow l'uru l'egb ɔny es.

8 Èrir owr titmn Nyam, etɔ li b'ow l'eri l'ow li titm ɔny. Sikpl esel, yoyogr sabu nybroɔn sikpl em; ɔny eke bi cɛcmn any a, àyalil ɔny e merm a!

9 Low dúdu ɔny, ikɔn ɔny, ànyɔn sɔɔɔ em; ke ɔny e miyer ifi ítɔn el ɔny ikɔ, ke ɔny e sos em in él sos es ow.

10 Ìsr es Es Kotɔkɔ ec'any af, etɔ li b'ow n'ɔny l'igbl ɔny ogy.

Kí jɛjm egy kaka fɛɔ e low okm

¹¹Agɲ lisijimɛl, kɪ dadr ów ɛɲɲ k'okarir af; ɛɲɲ eke bi dad low ɲɲ ok lisijim af, oglog b'ɔb'r low kɛkɛɲ a, bi dad ol ec'ów ɛɲɲ, ɛɲɲ b'ɔb ol low. Ek'am jej ol e low ok ke elm ɛɲɲ eke b'ɛlum ol, kɔ in e jej ok ɛs anake am el a.

¹²Nyam sɔny ɛɛ eke b'ɔɲ ol a, in ɛɛ l'el Jɛj Ok ɛs; in sɔny coco l'ɔtu eke li k'eb l'ɛlu ɛs ke l'ibi yeji. ɔ eke am dad ɛɲɲ kaka fɛɲ e low ɲɲ a, ayaf b'ocr ɲ sosi ee?

K'ɛw sos

¹³Sica ɛwr ɛrm, ɔny eke bi dadr ɛsrɛ: «Yɛfɛnyina, ow k'ɔdm efi, si b'ow s'im ɛb na ɛm s'ij lakpo nyam, s'ɔl an s'ɛɲn os.»

¹⁴Uwmn ɔny ec'efi ec'owr anɲ a ec'eelɛ eke b'ow ɛcr ab any! ɔny anɲn ɛsɛ jru eke b'ɛy, ke kɛkɛɲ b'oc ɛs ab af.

¹⁵Kin eelɛ eke ɔtur eke ki dadr a: «Eke ɛs Kɔtɔkɔ ɛɲɲ ɛɲɲ s'anɲ owr a, si b'ow si kok ów a eke s'am aw s'eb a.»

¹⁶Ow eke ki kokr a anɲ, ɛɲɲ am ɛwr sos, ɔbr nɛnym. Sos ɛw akpasu na akplm.

¹⁷Na sosiɛm a, ek'ɛɲɲ uw low mamn any eke ki kok ɛɲɲ li kokm a, li kok sikpl.

Jak e lɛl 5

Egbreɲɲɲɲɲɲ ec'ɛwar

¹Sica egbreɲɲɲɲɲɲ, ìɲɲɲ lɔru ɛs. Low dúdu ɔny, ìkɲɲ ɔɲɲ gbɛɛ a eke b'ow owr ɔny a sosiɛm!

²ɔny ec'ob ɔny a ugɲ ɛs, ɛɲɲ sisɲ ij ɔny ec'ob sos ɛw a.

³ɔny e sika lele ɔny e jɛtɛ ab ab ok adagra; adagra ikɲ na b'ow ij ɔny e danɲku ɛɲɲ b'ow ɲɲɲɲ ɔny e sos meɲl a ɛsɛ al af. Kɔ uwmn any eke sɛɲɲ uwr, ɛɲɲ am asr ɔny ec'ob ɔny luku ee?

⁴ɛɲɲɲɲ eke ki sɔgr ɔny e sɔgm juma kok ɛsɛl a labm. Ìɲɲɲ lɔru ɛs irir dedeku eke - n'am ɔɲ ɔny a: juma ɛsɛl eke b'ub ɔny ec'egb a eci ɔɲɲ ikɲ a, ɛs Kɔtɔkɔ ek'el afr lele wus ab ec'ar ɛs ligbɛl a iri.

⁵Anɲɲ wus na ijr ɛb, kokr ów ek'erurir. ɛɲɲ ɛsɛ mindey af ijr mob agbr, iir sinɔn ɔny e luw e lɛɲɲ eci.

⁶Agɲ eke kokm low ɲɲɲ kaka a, ɔbr ɛl low, -li dogɲɲm sos ɛɲɲ ibir ɛl.

Gbre ij ɛm eci low eku

⁷Na sosiɛm agɲ lisijimɛl, ùsurir ɛrm toɲ bake ɛs Kɔtɔkɔ ów. ɛsɛ eelɛ eke egb ewl ɛs b'eku toɲ nyam krɛkrɛ lele ɛs abal el ab b'an, yec'ɛɲɲ ke l'úb egbey amamn a, ɔny yeji ɛkur ɛben.

⁸ɔny yeji ùsurir ɛrm, ìnymn ɛs kikri anɲke ɛs Kɔtɔkɔ eci mowrer a titm.

⁹Agɲ lisijimɛl, k'èbal ɛrm k'okarir af, yec'ɛɲɲ ke Nyam kí jejm ɔny e low okm. Jɛj ok ɛs a ow ìnym ɛs lisany.

¹⁰Agɔ́ lisijimɛl, ɔ́kan kokoba ɔ́b ɛsɛl eke dad odad Ɛs Kɔ́tɔ́kɔ e nin ɛm a e gbɛɛ ek'ij ɛrm susu ɛm a, ke ɔ́ny yeji kókr ɛben.

¹¹Si b'aw ɛl eke Nyam ɛdɔ́ ɛl ɔ́wrɔ, ɛl ec'ɛrm susu a sosiɛm. Irir elel eke Job ij gbɛɛ ɛrm susu ɛm, ke ow e nuɔ́ ɛdɔ́ ɛm a Ɛs Kɔ́tɔ́kɔ Nyam ɛdɔ́'n ɔ́wrɔ a. Nawrɛ, Ɛs Kɔ́tɔ́kɔ Nyam ɔ́ny agɔ́ e sɔ́rɔ́ ikɔ́, ɛtɔ́ li bi kok wɛl low mamn.

¹²Sica agɔ́ lisijimɛl, ɔ́w a fɛɔ́ e mi dad ɔ́ny a e nyam ek'ɔ́ny any el: ke ɔ́ny eci “ɛɛ” ɛl “ɛɛ” ke ɔ́ny eci “nɔ́ɔ́” ɛl “nɔ́ɔ́”; kɔ́ k'ɔ́cr afr lele wus ab e nin ɛm, oglog akunda ɛjɛc'ɛm k'ijal k'okɔ́ ɔ́ny sosi af, yec'ɛtɔ́ ke k'ɛ́ymn Nyam e jej ok ab ɛm.

Gbre ij ɛm e Nyam nɔ́nɔ́

¹³Sica ek'ɔ́ny ɛm ec'ɛgɔ́ nyam anɔ́ gbɛɛ ɛm a, ni nɔ́nɔ́ Nyam. Ɛtɔ́ ek'ɔ́ny ɛm ec'ɛgɔ́ nyam anɔ́ sos ɛm iɔ́n ɛm a, l'ɛ́gɔ́ ɛj li kɔ́klm Nyam.

¹⁴Ek'ɔ́ny ɛm ec'ɛgɔ́ nyam anɔ́ ɔ́l ɛm, l'ɛ́sɔ́ Nyamɛl ɛm ec'agɔ́ ekpɛkp a, ke wɛl nɔ́nɔ́ Nyam ɔ́n'n, ɔ́k'r mun nuɔ́ Ɛs Kɔ́tɔ́kɔ e nin ɛm.

¹⁵Ɔ́mn ɛm eci nɔ́nɔ́ ikɔ́ na b'ow eb ɔ́lu a ɛlu es ewlm'n; Ɛs Kɔ́tɔ́kɔ b'ow ɔ́ny igbl'l ogɔ́, ɛtɔ́ eke li kok sikpl yeji, ow b'ow oc ap'r.

¹⁶Ɛ́gɔ́n ɔ́ny e sikpl ebr ɔ́ny ɔ́fr ɛm, ke nɔ́nɔ́n Nyam ɔ́nɔ́nɔ́n, yec'ɛtɔ́ ke ɛ́wal. Neny nyam ɛs e nɔ́nɔ́ mamn a b'ɔ́ny lɛc nɔ́nɔ́.

¹⁷Kokoba ɔ́b ɛs Eli yeji, ɛgɔ́ ɛsɛ ɛy af. Ni nɔ́nɔ́ Nyam tuɔ́tuɔ́ in ec'ɛrm fɛɔ́ ɛm eke nyam k'ánm, ɛtɔ́ wus ab af nyam anm tɔ́ɔ́ ow ij akpo nyahan lele likpr ab.

¹⁸Ɛtɔ́ ɛmeny ni nɔ́nɔ́ Nyam, ɛtɔ́ nyam an ɔ́n ɛgb ɔ́su.

¹⁹Agɔ́ lisijimɛl, ek'ɔ́ny ɛm ec'ɛgɔ́ nyam irm low nawrɛ ec'ɛjagb af, ɛtɔ́ ɔ́ny ɛm ec'ɛgɔ́ nyam oc ow'r a,

²⁰ɔ́kan low na: ɛgɔ́ eke b'ow ɔ́ny sikpl ɛs nyam oc es ɛjagb nɔ́nɔ́ af a, b'ow eb sikpl ɛs a ec'abɔ́ a ɛlu es luw ɛm; ɛtɔ́ sikpl nɔ́nɔ́ a eke ɛgɔ́ a kok a b'ow ɔ́ny oc ap.

Pier e lel krækre

Pier e lel krækre 1

Ɛsɛn

¹Ɛm Pier, Jesu Krist ec'erm es, em anake m'am awɛ agɛ a eke Nyam sɔsum ot a lel na a, el a eke ɔmu es, ke am ir eb esɛ etu agɛ af, Pɔɛ, Galasi, Kapadɔs, Azi lele Bitini wus ab af a.

²Nyam Ɛs, ikɛ anym sɔsum ot ɔny esɛ eled eke li bɛbm l'ew es ab af. L'ecr in ec'Abɛ ab em li kok ɔny eel agɛ lala, yec'etɛ ke ɛlumɛ Jesu Krist, ke in eci mebl a áyal ɔny. Ke Nyam ec'owrɔ a lel erm es ey ab ab ɛny bobn ɔny.

Si kóklmɛ Nyam ek'ecr Jesu Krist em elu sel ɛɛn ɔkm a

³Si kóklmɛ Nyam, ey Ɛs Kɔtɔkɔ Jesu Krist ec'Ɛs! In eci sɔɛɛ ikɛ ligbɛl ab em, n'ɔɛ wɛl ewr ey em Jesu Krist eci luw em ek'anɛ igb a sɔsiem. Nɛnɛ em anake s'am ɔmn low a eke b'ɔɛ ey s'anɛ owr a,

⁴etɛ s'ɔtu eke sos em iɛn em, si k'eku aja a eke Nyam ew es in ec'agɛ ec'a. Aja a, l'oc l'ew ɔny es afr, yogɛ a eke ow k'ɔtum uɛm, ikpim, iram a.

⁵Etɛ ɔny obi a, eke ubr nawrɛ a sɔsiem, Nyam ek'ɔny abusu a b'ɔsu ɔny, ɔny e sɔg eci. Sel ɛɛn ikɛ na, wɛl b'ow uw'r any sɛɛɛ es abal el em a.

⁶Na sɔsiem sos em iɛn iy ɔny em gbɔɛ, ek'ow it eke yɛfɛnyɛna em ses babur akpasu akpasu a k'owr ɔny sos es sɛɛɛ tel eci yɛɛi.

⁷Ses babur amua b'elum ɔny ec'ɔmn e sakpl a abu ey ɔkm. Sika ɔtu eke k'uɛ, ɛben yɛɛi wɛl b'oc elu'l alm, wɛl ɛkn eke l'el caɛ. ɔny ec'ɔmn a ec'a yɛɛi ɛben. L'il an l'akm sika, gbɛkɔ in yɛɛi li b'ecr ɛbm ɛkn em. Na sɔsiem anake, lɛɛɛ a eke Jesu Krist b'ow ey ɔkm a, b'ow ɛɛn es susm, kóklm lel anygbɛl ab ɔny ec'ɔmn a e sakpl a sɔsiem a.

⁸ɔny, Jesu ɛknmɛ in etɛ ɛben yɛɛi b'erurir ir. ɔny, ɛknmɛ in caca em a etɛ ɛben yɛɛi b'ɔnyɛn ɔmn in em. Na sɔsiem anake sos em iɛn ligbɛliy ɔny em a, sos em iɛn ligbɛl eke wɛl k'ɔtum dadm ow e low.

⁹Sos em iɛn ikɛ na ɔnyɛn aɛke wɛl sɔg ɔny. Na el ob ap a eke b'ɛɛn eke ubr Jesu nawrɛ a sɔsiem.

¹⁰Sel ɛɛn ikɛ na, kokoba ɔb ɛsɛl ɔl es etɛ tutr in e lís e low. -L'ikɛ anym -li dad ob ap a eke b'ow ɛɛn a e low.

¹¹Krist ec'Abɛ a anɛ el em, etɛ ikɛ anym ewar Krist eci gbɛɛ fɛɛɛ eke b'ow ij a lel ow ec'anygbɛl eke b'ow iɛɛ ab ab. Kokoba ɔb ɛsɛl a ɔl eke k'uw lɛɛɛ ab af eke ów amua k'ey a, lel ow ec'eled eke ow k'owr ab ab any.

¹²Etɛ Nyam yɛgm el eke: odad a eke wɛ'n am ɔb ow e kokoba a, ow'n elm wɛl eci, kɔ ɔny eci. Sika, agɛ a ek'am ɔb Amani Mamn a eci kokoba a, cɛc ɔny odad a Abɛ Lala a

ek'anŋ afr ow a ec'abusu em. Etŋ odad na, afr erm esel el obi yeji erur eke k'epi meny es em.

Lala em ec'es an

¹³Ow sosiem, b'ebmn sos low kok eci ke ánŋn any owr. Òcr ony eci low òmn a nimum elul bibm a eke b'ow eŋan ab em, legŋ a eke Jesu Krist b'ow ey òkm a.

¹⁴Èlumn Nyam ke kí kokmn legŋ sig em ec'onny ec'ów aw a ek'anŋ ony em, gbuŋ ke uwr Krist any a e low.

¹⁵Èel lala ony ec'es an nimum em, ese el el eke Nyam ek'esŋ ony a el lala ab af,

¹⁶aŋke Nyam Lel em wel non: Èel lala, aŋke m'el lala.

¹⁷Ony eci Nyam ŋŋn em a, ony b'esŋn Nyam ony Es, in eke li bi jej egŋ feŋ e low l'ok nenyembri nyam em, egŋ egŋ ec'eel eke kokr ab em a. Ow sosiem, iir eb Nyam eci muru em seŋŋ a ek'anŋ ony eke k'anŋn wus af aŋa.

¹⁸Ony lagŋel ec'eel eke b'iir eb ke ebr a, low kaka anm em. Gbəkɔ ony uwr any eke Nyam enm ob ligbel etŋ oc sɔgr ony eb ir akpasu na em. Etŋ ow elm ob eke b'uŋ ese sika af oglog ese jete em af li sɔgrm ony.

¹⁹Kɔ Jesu Krist eci mebl ek'il an ab em li sɔgr ony. In eke l'el egb waw ek'anŋ ese licebli ek'onym low ɔbr ke itam em af a.

²⁰Nyam ikŋ anym bebmn ew'r es gbuŋ etŋ kok wus nimum etŋ ony eci nimamn sosiem, l'elu ow òkm seŋŋ na ek'el seŋŋ es abal el ab em.

²¹Krist em anake b'ubr Nyam ek'igbm'n luw em ke ɔŋ'n anygbel a nawre a. Kin low a sosiem eke b'ocr ony eci nawre ub a lel ony eci low òmn ab ab elul Nyam em a.

²²Ony eci low nenyembri nyam ec'elum a ayal ony eke k'eruririr nawre em tasi ese ony lisijimel ɔfr ce af. Ow sosiem, èruririr tasi em ony ɔfr erm lala em.

²³Ony wel ewr ony em etŋ em ewr owr na anm ob eke b'uw em owm, kɔ ob eke k'ɔtum uwm em. Èe! Ony wel ewr ony em, Nyam ec'odad ebl a eke b'ɔŋ egŋ sel ke anŋ seŋŋ feŋ ab em.

²⁴Nawre, aŋke Nyam Lel dad nine: agŋ feŋ anŋ ese suw af, etŋ low feŋ eke b'ɔŋ el - n'onny any a, anŋ ese ɔgm suw dɔdɔ af. Suw b'uw es etŋ suw dɔdɔ bi kpab ey,

²⁵kɔ Es Kɔtɔkɔ ec'odad ebl a anŋ seŋŋ feŋ. Odad ebl na el Amani Mamm a eke wel ɔb ok ony a.

Pier e lel krɛkrɛ 2

Lebn a ek'anŋ owr a lele Nyam ec'agŋ ab

¹Ògŋn low feŋ ek'el low ŋuŋ, yadŋ ony, enyembri yony yony, nyamneyr lel egŋ cak cak ab.

²Èse ey abu em eke wel ew af, èrurir Nyam odad ek'el meny mij mamm a, yec'etŋ ke in ec'egŋ em a, ágbr ke eŋan sel.

- ³Tasi em a, Nyam Lel dad nine: ony, tatr Es Kotoko anm ekan in e sided a.
- ⁴Òwr titmn Es Kotoko ek'el lebn a ek'anη owr ke agη igη elu es a, Nyam sɔsum oc'r, l'ekn eke ow el sɔbɔ in ec'any af.
- ⁵Ony yeji, esε mebn ek'anη owr af, èbr usu Abη Lala ec'êl a ec'us ab em. Ow b'ow ηη okar af eel egbwaw esel ec'eb eke wel ot ok saw, Nyam e juma kok eci, etη b'ow kokr segb waw Nyam ec'Abη a ec'erur em, etη Nyam b'ow eb Jesu Krist sosiem.
- ⁶Etη kin yec'eke Nyam Lel dad: Mi sɔsum lebn sɔbɔ ek'il an m'oc, etη mi b'ow m'ew'r es Sion eb em esε lɔy em eci lebn af; etη egη yec'eke b'oc ɔmn elu'l em a, sos k'ow ɔwm es legη kaka.
- ⁷Ony ek'ubr nawrε ec'a, lebn na il an nɔnɔ ligbel; kɔ agη ek'ubm nawrε ec'a lebn ɔfr ɔfr cε ow el: lebn a eke êl us esel igη elu es a ewl meny el êl lɔy em e lebn tasi,
- ⁸etη l'el lebn eke b'eb agη akr lob eke b'elu egη wus. -L'ok wus anke -l'egηm -l'ubm Nyam ec'odad a nawrε, etη na el low a eke Nyam bebem el ec'a.
- ⁹Gbeko ony, eel agη a eke wel sɔsum ot a, Eb ebu a ec'egb waw esel a, agη a ek'el Nyam ec'a. Ony eel agη a eke Nyam sɔsum ot eke k'ɔb ów egbel a e li kok a ec'amani. In l'esη ony eke k'okr ɔkm ncebn em, ke li nyímn ony in ec'usuayl sɔbɔ ab em.
- ¹⁰Legη sig em a, ony elmn Nyam ec'agη, kɔ yefenyina em a eel in ec'agη η. Legη sig em a, Nyam ɔnym ony eci sɔrη ikη, kɔ yefenyina em a n'ony ony eci sɔrη ikη.

Onyn es an nyim nyim agη eke elm nawrε ub esel a ec'araηn

- ¹¹Erur em ec'agη lisijimel, ony eel etu agη ek'ir wus af aηa legη tɛl eci. Ow sosiem m'am dad ony: k'usr ony ec'ów aw eηuη a eke b'ogη ony eci liy mum a jam.
- ¹²Agη ek'uwm Nyam any ec'araηn a, onyn es an nyim nyim, yec'etη ke eke -li cicr ony yadh em ek'onny kokr ów eηuη, ke -l'ɔtu -l'egη -l'eb -l'ekn ony ec'ów amamn a, ke legη a eke Nyam b'ow ow a, -li kɔklm ow ec'anygbel a.
- ¹³Èlumn abusu esel Es Kotoko sosiem, ke èlumn eb ebu a anke l'el agη a fεη ec'es ew,
- ¹⁴ke èlumn in eci kpama esel eke l'abul ów eηuη kok esel eci low ɔb, lel agη amamn ec'aw a yeji.
- ¹⁵Yec'ek'el Nyam ec'erur a el ke ony ec'ów amamn kok a ábl agη ek'uwm low any eci nyamb ij a neny es.
- ¹⁶Àan es esε ewi af gbeko, ke ony eci lewi ij a k'èlm gbad eke b'ocr lool ów eηuη es. Kɔ onyn es an ek'el Nyam ec'ɔbowi ec'es an.
- ¹⁷Ònyn egη fεη ec'elum. Èrurir ɔmn em ec'onny lisijimel a, onyn Nyam eci muru ke èlumn eb ebu a.

Akη juma kok esel lele es ew esel ab

- ¹⁸Ony, akη juma kok esel a, èlumn es ew esel eke bi kokr el e juma a es is em. Etη ow elm el a ek'onny erm mamn ke el frɔɔ a cε k'eluumn, kɔ el a ek'el agη tuɔtuɔ a yeji.

- ¹⁹K'aw ke ɔny am ijr gbre ek'itamn eke k'ijr a, aŋke erurir eke k'eel cɛɛ Nyam eci. Eke ów el eben ke low senyn senyn ana.
- ²⁰Tasi em a, blel ow el low ŋuŋ kokr, ke bogŋ ec'any ij b'ow eŋan ek'egŋn ebr am ijr gbre ee? Kɔ ek'am ijr gbre low eku em, low mamn eke kokr a eci, ke ow el low senyn Nyam ec'any af.
- ²¹Tasi em a, low na ec'anake Nyam esŋ ɔny a, aŋke Krist in obi yeji l'ij gbre ɔny eci, etŋ l'ew ɔny sɛwl es, yec'etŋ ke ébr in e lakr a.
- ²²In li kokm sikpl kaka etŋ in e nɛnym meju owi anm eym ɔkm.
- ²³In, eke wɛl wɛwr'r a, li wɛwrm egŋ; eke l'ij gbre a, l'ijm luw l'okm egŋ kaka af, ko l'oc in ec'omn a l'elu Nyam eke bi jeŋ low ok nɛnyembri nyam em ab em.
- ²⁴Olikŋ ab af, Krist in obi oc ey e sikpl a ubu sos af, yec'etŋ ke sikpl ec'a s'úw, ke s'ír eb nyim nyim eke b'akpl Nyam sos em. In ec'abi a anake ewlm ey a.
- ²⁵Tasi em a, ɔny anŋn esɛ mɛcɛb ek'irm af, kɔ sica ɔny ewal meny owr mɛcɛb ɔsu es a eke b'ew ɔny eci liy nyamn af a ogŋ.

Pier e lel krɛkrɛ 3

Ɔyow lel el ecɛl ab

- ¹Ɔyow, ɔny ec'a, ɔnyn es is ɔny ecɛl e lís, yec'etŋ ke ek'el em a agŋ nyam nyam anŋ ek'ubm Nyam ec'odad a nawrɛ, ke ɔny ec'es an mamn em, -n'ɔny ɔmn, ow k'elm odad ebl em,
- ²aŋke -li b'ow -l'ɛkn elel ek'ɔny ec'es an a el lala lele elum em ab a.
- ³Ɔny eci sakpl a itm eke k'el sos af eci cɛ: esɛ sin ec'ɔtu mɛwl em, sika em miyob lele mob sus em ewi eci sus ab;
- ⁴kɔ ke ɔny eci sakpl a él yec'a eke lol es ɔny em a. Erm frɔrɔ lele bɛtɛ ab anake el sakpl a ek'il an nɔnɔ ligbɛl Nyam ec'any af, ke íram a.
- ⁵Lɛgŋ sig em a, ɔyow nawrɛ ub lisɛl ek'ɔny ɔmn Nyam em a, ɔny sakpl ikŋ na aŋke -li b'elum el ecɛl.
- ⁶Etŋ esɛ Sara af, li b'elum Abraham etŋ li b'esŋ ow: «Em egŋ gbɛliy.» Sica, ɔny eel in ec'ɔyow oto, eke bi kokr low mamn etŋ égbmn low kaka fɛŋ es ɔnym ɔny erŋn.
- ⁷Ɔyow ecɛl, ɔny yeji, ɔny ec'ɔyow ab ab ec'eb eke b'ow ir usu nyam a, èwr el e lís e low any. Ow it eke k'uwr any ek'ɔyow el ob fuɛfuɛ. Kòkr el e low elum em aŋke esɛ ɔny af, -li b'ow -n'erŋn sel eŋn a eke Nyam b'ow ap ɔny a. Eke bi kokr eben a, low kaka k'ow edŋnm ɔny e Nyam ŋɔŋn a fɛŋ.

Ijr gbre low nimamn eci, kɔ ow k'él low ŋuŋ eci

- ⁸Uwr em ec'a, ɔny fɛŋ ɔnyn nɛny af okr nyam, ikŋnin sɔrŋ, èrurir ɔny ɔfr esɛ agŋ lisijimɛl af, ɔnyanin erm mamn, ke egŋ egŋ ís es lawl ec'any af.

⁹K'òcr low ñuñ k'òbarir low ñuñ any; k'òcr wewr k'òbarir wewr any. Ow eke ki kokr a el: ke ìbrmn Nyam ec'òwro a egn̄ a eci, an̄ke na sosiem eci Nyam es̄ñ òny eke k'òñ òny òwro es̄e aja af.

¹⁰Kin yec'eke Nyam Lel dad: Ek'eḡñ nyam am erur eke k'òny eb ir mamn, ke úw ehe e s̄eḡñ any a, ow it eke li k'éd̄ñ in ec'anm a ów eñuñ e dad, ke l'éd̄ñ in e neny a yad̄ñ ec'òny.

¹¹Ow it eke li ki kpab es low ñuñ e lís, li kok low nimamn ke l'ól erm es ey es low any at em.

¹²Li kók eben, an̄ke Es Kòtòkò ec'anyamn a an̄ñ in ec'ey a eke b'òny es an mamn ab af, et̄ñ in ec'òru a b'iri el eci ñòñ ebl a; gbekò aḡñ a eke bi kok ów eñuñ a li b'atar w̄el ab.

¹³Ek'òny ec'erm f̄eñ em am òl low nimamn eci kok es, ke bwo ec'eḡñ b'ow kok òny low ñuñ ee?

¹⁴Et̄ñ eke, leḡñ nyam low nimamn eci kok sosiem am ijr gb̄re, ke ehe él òny eci! K'òny aḡñ eci muru et̄ñ k̄i ȳebr erm mij kok òny!

¹⁵Gbekò òny ec'erm em a, s̄ùsmn Krist s̄ony c̄e es, eke l'el òny eci Kòtòkò a. S̄eḡñ f̄eñ, b̄èbm̄n otarir òny e low òmn a ek'òny a e low akr ókr aḡñ a eke b'ow ìbrm òny a.

¹⁶Gbekò, ke ow él b̄et̄e b̄et̄e lel elum em ab. Ke òny ec'ów t̄utr em a abr enym k'ánm, yec'et̄ñ ke aḡñ a ek'am òny òny yad̄ñ a, òny ec'es an mamn Krist e jam us em a, és ók any.

¹⁷Ow akpl eke tasi em a, k'ij gb̄re low nimamn e kok em, eke ow el Nyam ec'erur, ow a eke k'ij gb̄re low ñuñ e kok em a.

Krist ij gb̄re eb any òñ ey

¹⁸Tasi em a, Krist in obi ij luw e gb̄re aḡñ e sikpl a nuñ af, akp nyam coco c̄e eci; in eke l'el neny nyam es a, l'uw ów eñuñ es̄el sosiem, yec'et̄ñ ke l'ót n'im òny Nyam oḡñ. In, l'uw sos megl e luw, gbekò Ab̄ñ Lala ewl meny òñ'n owr an̄ñ.

¹⁹Ow em a, n'im n'òm̄un in ec'any eb ec'amani ab es l'ok ab̄ñ a f̄eñ ek'an̄ñ sobel em a.

²⁰Ow el el a eke leḡñ sig em a òbr Nyam any a. Nyam òñ in e low eku a am ìbn, leḡñ ab em eke Noe am kok mijet̄ñ ligb̄el nyam a. Aḡñ t̄el c̄e anake ok mijet̄ñ ab em, ke ecr mij em eci eñ sel a; el f̄eñ -l'ij aḡñ niwn.

²¹Ów amua el mij ok nuñ a eke b'òñ òny sel yef̄enyina em a eci meny ewr. Mij ok nuñ na elm ey e sos megl af e sikpl a ec'es yoyoḡ eci, kò ke égn̄ eb ocr ñ nimum elul Nyam em, ów t̄utr ek'ònym abr enym em. Et̄ñ mij ok nuñ na òtu el, Jesu Krist e luw em ek'igb a sosiem.

²²L'uyu afr, n'an̄ñ Nyam e lidr abu af. Sica n'òny l̄ec l'akm afr erm es̄el f̄eñ, lele mob f̄eñ ek'òny es ew lel abusu ab a.

Pier e lel krekre 4

Ìgñn sikpl owi elul es

- ¹Eke Krist ij gbre in e sos megl em a, òny yeji bèbmn sos tutr nenyembri nyam ab em, anke egñ yec'ek'ij gbre in e sos megl em a ònym low sikpl ab.
- ²Segñ ek'anñ òny eke k'iir eb wus af aña a, k'ùsr agñ ec'ów aw enñ a jam, kò ùsr Nyam e low e b'erur a jam.
- ³Èe, legñ ek'ec ab em a, kokr sakp nono agñ ek'uwm Nyam any a e low e b'erur a. Òny iir eb ese elel ek'erurir ab af, ònyn ów aw enñ, eel mar egñu. Eel ob iju etñ b'igñn sinyam yadñ ek'el nenñn e mob a nuñ.
- ⁴Jam aña, agñ amua low am iti any. Úsmn el jam ij, ánmn el e ec'eb ir suksuk owi ab em ij, etñ -li bi wewr òny.
- ⁵Gbekò -li b'ow -l'ayal el ec'ów amua feñ -l'ok Nyam ek'inym es eke ki jej agñ ek'anñ owr lel agñ ek'uw ab ab e low ok a.
- ⁶Na sosiem anake wèl ob Amani Mamn a ok agñ a eke caca em uw a yej'a. Èben a, eke -l'uw ese agñ feñ af sos megl e luw a yeji, ke sica -l'otu -l'ir eb, ese elel eke Nyam am erur ek'agñ k'ir eb ab af, Abñ Lala ec'abu elum em.

Àññn ese Nyam e juma kok esel amamn af

- ⁷Ow k'ow ibnm etñ ow b'ow el low feñ e nuñ. Ow sosiem iir eb sos es ok em, ke any ok òny es, yec'etñ ke ótur ñonñan Nyam.
- ⁸Low tasi eke k'ikñn anym kokr a el, éururirir òny òfr òny ec'erm feñ em, anke erur bi tetñ sikpl nono es.
- ⁹Èbr agñ eke b'ow òny akñ a, ke ow kakl k'ánm em.
- ¹⁰Ke egñ egñ ec'ob ap ek'ehñ Nyam e lís a, l'óc li kokr lawlèl a feñ e low. Àññn ese juma kok esel amamn eke b'òsu Nyam ec'ob ap enñ ab af.
- ¹¹Ke egñ ek'ehñ ob ap ek'el Nyam odad ec'a, él Nyam e neny af odad es. Ke egñ ek'ehñ ob ap ek'el abu elum ec'a, kók abu elum es e juma lec a eke Nyam b'òñ'n ab ab. Etñ Nyam b'ow ehñ anygbel low feñ em Jesu Krist sosiem. In ec'él anygbel lel abusu òny ab segñ feñ! Amen.

Sos em inñ gbre ij em

- ¹²Erur em ec'agñ lisijimèl, ow k'éw òny any iti, ese low ek'okr òny es af! Ek'anñn ebm èkn eke b'otarir es ese al em eci ecr ab af. Al na anake b'ow elu òny ec'ob ek'eel a òkm a.
- ¹³Eke tasi em anñn Krist eci gbre ij a e low em, ke àññn sos em inñ em, yec'etñ ke legñ a eke b'ow èkan in ec'anygbel a yeji, àññn ehe lele sos em inñ ligbel ab em.
- ¹⁴Eke wèl bi wewr òny eke eel Krist eci jam us esel a sosiem, ke òny ec'a ehe ligbel ana! Anke Nyam ec'anygbel ec'Abñ a anñ òny af!

¹⁵Ke ɔny ɛm ec'ɛgɛn kaka k'ijm gbɛ ɛgɛn e l'ibi, mil e liy, low nɔn e li kok oglog ɛgɛn ec'ɔw eke l'igb l'ɛy ɛm sosiɛm eci.

¹⁶Kɔ ek'ɛgɛn nyam am ij gbɛ kɛtɛn e l'el a sosiɛm eci, ow itm eke ɛs k'ɔny'n; kɔ ke nana n'ɔn Nyam bia eke li k'ɔtu l'ij nin na.

¹⁷Aɲa anake el jɛj ok a e nɔn ɔb a, ɛtɛn ow ɔb nɔn Nyam ec'agɛn ɛm. Sica eke l'ɔb nɔn ɛy ɛm, ke agɛn a ek'ɛgɛnm ubm Nyam ec'Amani Mamm a nawɛ ec'a, ayaf ow b'ow ɛcr ab ee?

¹⁸ɛsɛ elɛl eke Nyam Lɛl dad ab af: Ek'ow ɛw tuɔtuɔ eke ɛgɛn nyim nyim k'ɛɲn sel, ke ayaf ow b'ow ɛcr ɔw ɛɲɔn ɛsɛl lele sikpl ɛsɛl ab ec'ab ee?

¹⁹Ow sosiɛm agɛn a ek'am ij gbɛ Nyam ec'ɛlum sosiɛm a, it eke k'ocr ɛl sosi ɛlul Nyam ɛl e Kok ɛs ek'el cɛcɛ a abu ɛm, ke -l'ucu low mamm kok -n'ɔny es.

Piɛr e lɛl kɛkɛrɛ 5

Agɛn ekpɛkp a lele kɛtɛnɛl a fɛɲ ab ec'ɔw ɔm

¹Sica, agɛn ekpɛkp a ek'anɲ ɔny ab ke bi nyimn Nyamel a anake m'am dad odad a. ɛm obi yeji m'el ɛgɛn likpɛkp ɛsɛ ɔny af. M'el Krist e gbɛ ij a e danɲku, ɛtɛn mi b'ow m'anɲ anygbɛl a eke b'ow ɛy ɔkm a e low ɛm.

²ɛtɛn kin yec'eke m'am dad a: ɛwr mɛbob eke Nyam abul ɔny a e low any. K'ɛwr ɛl e low any ɛsɛ atrm ɛm af, kɔ erur tasi ɛm, ɛsɛ elɛl eke Nyam erur ab af. K'ɛwr ɛl e low any os ɛɲn sosiɛm eci, kɔ eke ɛgɛn ebr a sosiɛm.

³Agɛn a eke Nyam abul ɔny a, k'ɛwr es ɛw lɛc lɛc ɛl ab; kɔ ɛɛl mɛbob a e sɛwl,

⁴yec'ɛtɛn ke lɛgɛn a eke mɛcɛb ɔsu ɛsɛl ec'Es ɛw ɛs a b'ow ow a, ɛɲan ob ap ek'el anygbɛl e tufɛ eke ɛrmnm in eci jɛjn a.

⁵ɔgbafɛ, ɔny yeji, ɛlum agɛn ekpɛkp a. ɔny fɛɲ, ɛsr es ɛwr ekekey ɔny lawlɛl ec'any af, anɲke Nyam Lɛl dad nine: Nyam b'ɔr agɛn eke b'ɛw sos a abr, kɔ li b'ɛlu in ec'erm mamm ɔkm agɛn eke b'is es a e lɛs.

⁶Ow sosiɛm, ɛsr es ɛwr ekekey Nyam e lɛc a ec'ɛw, yec'ɛtɛn ke lɛgɛn a eke l'ɛw ab af, n'ɔny l'igbl ɔny ogɛn.

⁷Òcr ɔny ec'erm mij ebr fɛɲ ɛlulil Nyam abu ɛm, anɲke li b'ɛw ɔny e low ɛrm.

⁸Òsur sos, ke ánɲn any owr. Agɛn ek'el ɔny ec'ifnu a, ɛsɛ kukuma eke am awɲn af, am did ɔny ɛtɛn am ec ɔl ɛgɛn eke k'ɛmn es.

⁹ɛnyimn es kikri ɔmn ɛm ke ákmn in es. Ke úwr any ek'ɔny lisijimɛl ek'anɲ wus nimum af a, am ij gbɛ nɛnyɛmbri nyam ɛsɛ ɔny af.

¹⁰ɔny e gbɛ ij a b'ow ibn sɛgɛn tɛl cɛ eci. Kɔ Nyam ek'in ɛm bibm fɛɲ anɲ a, ɛsɛn ɔny eke k'owr anɲn in ec'anygbɛl a ek'ɔnym uwr ab ɛm, Krist ab ec'af okr ab ɛm. ɛtɛn li b'ow li kok ɔny eel sɔbɔ, eel leg leg ke ɔnyɲ lɛc, ke sica wɛl k'ɔtum ɔnym ɛlum ɔny wus ij.

11In ec'él abusu ony sɛɣɣ fɛɣ. Amɛn!

Ɛsɣn es abal el

12Silas el ɛɣɣ lisijim ek'el cɛcɛ. M'ɛcr in ɛm mi nɔn lɛl ikprli na, eke mi k'atr ony sos es ke mi yéɣm ony tasi eke Nyam ec'owrɔ a tasi anake ucur onyn es a.

13Aɣɣ a fɛɣ ek'anɣ Babilɔn aɣa, ke Nyam sɔsum ot ɛsɛ ony af a, el fɛɣ am ɛsɣn ony, ɛm jim Mark yeji.

14Ɛsɣninin ony ɔfr, af ɛyarir ɛm lɛl erur ɛm ab. Ɛrm es ɛy él ony fɛɣ ek'okar af Krist ɛm a eci!

Pier e lel krækre yony em

Pier e lel krækre yony em 1

Ɛsɛn

¹Ɛm Simo Pier, m'el Jesu Krist e juma kok es lel erm es ab, m'am awɛn agɛn a ek'onɔ ɔmn ek'il an esɛ ey ec'ab af a lel. S'onɔ ɔmn na aɛke Jesu Krist el neny nyam es; in l'el ey e Nyam lel ey e Sog Ɛs ab.

²Ke ɔwɔ lele erm es ey nɔnɔ gbɛl ab áɛnɔ ɔny ab, Nyam lele Jesu ey Ɛs Kɔtɔkɔ ab ec'any uw tasi em.

Àtar sos es, ùcur Nyam ec'ɛsɛn a ek'ɛsɛn ɔny a ɔnɔn es

³Ɛs Kɔtɔkɔ in ec'abusu ab em, ɔnɔ ey ów amamn fɛnɔ ek'it eke si k'iir eb ke s'úcu s'onɔ'n es a. Tasi em a, li yɛgm ey s'uw Nyam ek'ɛsɛn ey eke si k'anɛn in ec'anygbɛl a lel erm mamn ab ab e low em a.

⁴Anygbɛl na lel abusu na em ab, Nyam ɔnɔ ey ów ɛgbɛl lel ów ek'il an, ke l'ɛwar ab ab. Na sosiem, eke ɛɛnan yec'a eke l'ɛwar a, ɔtur eke k'ɛngboɛn ów aw ɛɛnɔ amua eke ugɛn wus na es ab em ɛtɛn ɔtur eke k'onɔn erm nyam coco Nyam in obi ab.

⁵Ow sosiem àtar sos es ebr ów amua igɛn ɔny ec'ɔmn ab af: iir eb low nenyembri nyam em, ke úwr low eke Nyam b'erur a yɛj'any.

⁶Ónyan sos es, ɔnɔn low eku, ke ùcur Nyam ɔnɔn es.

⁷Ijr lawl ɔny ɔfr em, ke ónɔn erur yɛji.

⁸Ów amua anake el sewl mamn eke k'onɔn a. Ɛtɛn ek'onɔn ɛl -l'agb ɔny em, b'ow ɔnɔn ɔmn eke bi kok juma ɛtɛn b'ow ɔtur uwr ey Ɛs Kɔtɔkɔ Jesu Krist any tasi.

⁹Sica ek'ɛgɛn nyam ɔnym ów amua anm in em a, l'ékɛm es ɛtɛn l'ot any eflu es. Li b'ijl es eke wɛl yɔyɔg in e lɛgɛn sig em e sikpl ab es.

¹⁰Ow sosiem, agɛn lisijimɛl ɛmeny àtar sos es, ùcur Nyam ec'ɛsɛn a ek'ɛsɛn ɔny a lel ɔny e sɔsum eke li sɔsum l'ot ɔny ab ab e low ɔnɔn es. Eke b'iir eb ɛben, k'ow ɛymn low nɔnɔ em ij.

¹¹Ɛtɛn ɛben a, Nyam b'ow fig ɔny, gbɛngɛbiusu a ek'onɔnym nuɛn eci lisany a gbada, gbɛngɛbi usu a ek'el Jesu Krist ey Ɛs Kɔtɔkɔ lel ey e Sog Ɛs ab ec'a.

Ùcur erm esɛl lele kokoba ɔb esɛl ab eci low yɛgm a ɔnɔn es

¹²Uwr ów amua any god'ɛtɛn ɛtɛn b'inymn es low nenyembri nyam a ek'ebɛr ab af. Gbɛkɔ m'erur eke ɛben yɛji mi k'ɔkn ɔny ɛl e low sɛgɛn fɛnɔ.

¹³M'ekɛn yɛj'eke ow it akpl, eke mi k'ɔkn ɔny ów amua, eke m'anɛn owɛr wus af aɛn a, ke ám ɛwr erm.

¹⁴Ɛm m'uw any eke em e luw e lɛgɛn titm, esɛ elel eke ey Ɛs Kɔtɔkɔ Jesu Krist yɛgm'm m'uw any ab af.

¹⁵Gbəkɔ mi b'ow mi kok yec'eke m'otu eke mi ki kok a, ke em e luw a e jam a, ɔtur am ɔkan low yegm amua feŋ e low.

¹⁶Tasi em a, ow elm ów yadŋ em, odad ebl eke wɛl tutr mɛwl em, s'elum ey Es Kɔtɔkɔ Jesu Krist ec'ow abusu em a, e low ɔkm si yegam ɔny. Kɔ ey obi ec'anyamn em s'ekn in e sagb a.

¹⁷Ɛɛ, n'ɛŋn anygbenj lel anygbel ab Nyam Es ec'abu em, legŋ a eke ow ec'anygbel liplemu ab em, ow ɔŋ'n l'iri odad na a: «Ɛŋ na el em ec'Iy e m'erur, ɛtŋ m'oc em eci sos em iŋn feŋ m'elu'l em.»

¹⁸Lebl ikŋ na afr ow anŋ ow, ey obi yeji s'iri, legŋ a eke s'anŋ Jesu ab lafeny lala ab af a.

¹⁹Na sosiem, ow ɔŋ ey ec'omn a obn nɔnɔ kokoba ɔb ɛsel ec'amani ab em. Ow akpl eke k'ɛwr erm af, anke ow anŋ ɛsɛ kenie ek'anŋ ncebn em am iri, toŋ ke legŋ eny ec'usuayl ów, ke enyn enyn eci lél a ékan ɔny e merm ab es.

²⁰Ɛtŋ kin low ek'it eke k'uwr any: ɛŋ kaka ɔnym abusu ek'in obi em, k'otar kokoba ɔb ɛsel e sodad ek'anŋ Nyam Lel em a, e low akr.

²¹Tasi em a, kokoba ɔb ɛs kaka ɔbm in obi ec'erur em ec'amani, kɔ Abŋ Lala ec'abu elum em anake kokoba ɔb ɛsel ɔtu dad Nyam ec'odad a.

Piɛr e lel krɛkrɛ yony em 2

Low yegm ɛsel ayadŋu

¹Legŋ sig em a, kokoba ɔb ɛsel ayadŋu ok ɔkm Israel eyŋ ec'araŋn. ɔny ec'araŋn a yeji, low yegm ɛsel ayadŋu b'ow anŋ. -Li b'ow mɛwl em -l'ok ɔny wus ów yadŋ eci yegm em, ɛtŋ -li b'ow -n'im toŋ -l'egbr Es Ɛw Es a eke sɔg el a yeji. Nɛnɛ anake -li b'ow -l'ɛŋ es abur ow kpɛru ŋuŋn el a.

²Agŋ nɔnɔ b'ow igŋ el ugŋ kok ów mramra ɛtŋ el sosiem, wɛl b'ow yayr Nyam e low nawrɛ ec'ejagb a.

³Ɛtŋ eke os ɛŋn e low am okr el ermij nɔnɔ a sosiem, -li b'ow -l'ɛju ɔny sodad ek'el obi -li tutar ab em. Gbəkɔ ow anŋ ibn, ek'el eci jej ok a am eku ɛtŋ gbɛrɛ b'ow ɛŋn el fafa.

⁴Tasi em a, afr erm ɛsel eke kok sikpl a, Nyam ɛwm el es nɛnɛ ɛɛ, kɔ n'ony l'ok wɛl gbɛrɛ ij usu a. Yogŋ n'awŋ wɛl ŋgbraka em ncebn em ɛtŋ n'am ɛw wɛl es toŋ ke jej ok e legŋ a ów.

⁵Ɛben neny nyam, legŋ sig em e wus ab af ec'agŋ eke kok sikpl a yeji, Nyam ɛwm el es nɛnɛ ɛɛ. Gbəkɔ eke n'ɔŋ mij gbɛl a an ok wus ɛman agŋ ɛŋuŋ a feŋ a, li sɔg Noe ek'am ɔb kokoba elu es an nyim nyim e lebl a lele agŋ lɔbŋ ɛjec'ab.

⁶Ɛben eke Sodɔm lele Gomɔr ab yeji ɛŋn es abur ana. Nyam ɔŋ al ow ŋuŋn el ɛtŋ ow el low eke k'el sɛwl agŋ ɛŋuŋ eci, ke ow yégm el low eke b'ow ɛŋn el a.

7-8 Ɛtɛ kin, Ɔɔt ir eb ów mramra esel ec'araɲn, kɔ in obi em a l'el ɛɲ nyim nyim. Sos b'ow'r es nɔɔ wɛl ec'es an ɲuɲ a sosiem. Tasi em a, n'am ɛkn ɛtɛ n'am iri wɛl ec'ów ɛɲuɲ a fɛɲ ɛtɛ lɛɲɲi nyam nyam fɛɲ, in ec'ɛɲ nyim nyim ec'erm ab em, ow am ijr'r gbɛ. Gbɛkɔ Nyam sɔg'r agɲ amua ec'araɲn.

9 Ow am yɛgm eke Ɛs Ɔɔtɔkɔ ɔtu e ki sɔg agɲ eke bi kok cɛcɛ a gbɛ em. Ɛtɛ l'ɔtu eke li k'ɛdɲn agɲ ɛɲuɲ a l'ɛw es, tɔɲ ke jej ok e lɛɲ a ów, ke n'óɲ wɛl gbɛ.

10 Li b'ow n'óɲ agɲ a fɛɲ eke b'an es, ɛl e sos meɲl ec'ów aw ɛɲuɲ em a gbɛ. Agɲ amua ɔny ów nɛɲɲn e kok ec'emn, ɛtɛ -li b'ifn Nyam ec'es ɛw a. Low yɛgm esel ayadɲu amua ɔnyɲ ɛl sosi ɔmn nɔɔ. -Li b'ɛfu es ɛtɛ -l'urumn eke -li ki wɛwr afr ec'abɲ any esel a.

11 Ɛtɛ kin afr erm esel bɔbɔ yɛɲi ókm abɲ amua ów af ɛtɛ -li wɛwrmn wɛl Nyam ec'any af. Ke afr erm esel ɔny lɛc ɛtɛ ɔny abusu nɔɔ akm low yɛgm esel ayadɲu amua.

12 Agɲ amua anɲ ɛsɛ mindey ek'ɔnym nuɲ em ɔny, ke wɛl kok eke k'ɔɲɲ meɲ ke wɛl ibi ab af. -Li bi wɛwr yec'a eke -l'uwm any a ɛtɛ -li b'ow -l'uw ɛsɛ mindey amua af.

13 Na anake el gbɛ a eke -li b'ow -n'ɛɲn ɛl ec'ów ɛɲuɲ a sosiem a. -Li b'erur -li kok ɛl ec'ów aw ɛɲuɲ a e low lɛɲ ɔwr fitaɲ. Ɛtɛ eke -li bi kok es gbɛɲbl ɔny ab a, ow b'ɲɲn ɛl sos em eke -li k'ɔny yadɲ -l'ok ɔny, ɛtɛ yogɲ eke -li b'anɲ a b'el nɛɲɲn lele ɛs ab.

14 -Li bi gɛɲɲm anyamn es -l'ɔl ɔyɔw nfaci ij eci, sɛɲɲ fɛɲ sikpl kok owi b'aw ɛl ɛtɛ -li b'ɔdu agɲ ek'ɛw fuɛfuɛ a -l'eb. -L'el agɲ eke sɛɲɲ fɛɲ os ɛɲn owi b'okr ermij. Nyam ec'ofn a anɲ ɛl af.

15 -L'igɲ ejagb mamn a -l'ɛlu es ɛtɛ -l'irm. -L'eb ebr a eke Balam, Bosɔr jim a eke wɛl ɔɲ os low ɲuɲ kok ec'a eb a. Ɛtɛ Balam yɛb os a ɛju'r,

16 gbɛkɔ l'iri in e low ɛluam a ec'abr ɛnym a e low: gbɲkɔ yɔw kɛtɛɲ nyam eke ám dadm odad, dad odad ɛɲ ɔwr e lebl em ɛtɛ l'ɛdɲn kokoba ɔb ɛs Balam eci nyamb owi a eke blɛl kok a.

17 Low yɛgm esel ayadɲu amua anɲ ɛsɛ simij ɔmu eke mij anm em ab af, -n'anɲ ɛsɛ jru ek'as luku eke k'an mij ok wus, ke lɛf ɛlu ɔny oc es ab af. Nyam ɛw ɛl usu es ncebn ibɛ ab em.

18 Ɛɛ, ɛl e nɛnym es igɲ eci sodad a eke low kaka anm em ab em, agɲ a eke ow k'ibnm yɛɲi ɲgboɲ agɲ ek'am ir eb eke elm Nyam ec'ebɛr a ec'araɲn a, -li b'ɔdu -l'eb wɛl. Ow sosiem, -li b'ɛcr sos meɲl af eci ɛs em ec'ów aw ab em,

19 ɛtɛ -li b'ɛwar wɛl lewi ij. Ke ɛl obi a -l'el ów aw a eke bi ɲuɲn ɛl a eci madu. Tasi em a, eke ob nyam b'akm ɛy es, ke in e madu s'el a.

20 Agɲ ek'uw Jesu Krist ɛy Ɛs Ɔɔtɔkɔ lel ɛy e Sɔg Ɛs ab any a, igɲ wus ec'ów ɔbr ɔbr a ok es, sica eke -li yɛb batɲ ów ɔbr ɔbr a ɛwl ɔdu eb ɛl ɛtɛ akm ɛl es a, ow b'ow ɔɲ ɛl eci manɲn ɛl owi a b'ow ɛw marem akm lisig a.

²¹L'uw low nenyembri nyam ec'ejagb ab any, gbeko -li wal Nyam odad lala a eke wel yegm el a -l'elu es. Ek'ow el eben a, yec'eke blel akpl el ec'a el ke -li k'uwmn low nenyembri nyam ec'ejagb ab any.

²²Sica low na ek'ehñ el a, am òñ nyandre odad na low ij: Òwr b'ewl im ij yec'a eke l'egbl a etñ «gbroko eke wel ok mij a, b'ewl im fefl es kòdòg em».

Pier e lel krèkrè yony em 3

Ès Kòtòkò eci mower a

¹Erur em ec'agñ lisijimel, lel yony em eke m'am awñ òny ana. Etñ silèl a yony mum em, m'òkn òny ów a feñ ek'uwr any a, yec'etñ ke ow élum òny abu tutar ów senyn senyn.

²Òkan sodad a eke kokoba òb esel lala dad legñ sig em a lele Ès Kòtòkò ey e Sòg Ès e low yegm a ek'ony ec'erm esel yegm òny ow e low ab ab.

³Etñ kin low ek'it eke k'uwr any: señ es abal el em a, agñ b'ow ow eke b'ow ir eb ese elèl ek'el ec'ów aw eñuñ a b'òñ el ab af.

⁴Li b'ow -li kokr òny miyer -li dad -l'ese: «Jesu ewar ew es eke li b'ow l'ewl l'ow, kò yadñ ee? Etñ sica bogñ n'ann ab ee? Tasi em a, ey esel uw god'etñ, gbeko ów a feñ anñ ow ec'eelèl a ce eke ow anñ god'etñ, wus eci nuñ òb em etñ a!»

⁵Odad nene eci dad em a, -li b'ijl low nyam es: ow ibn eke Nyam kok afr lele wus ab. Nyam in ec'odad ebl em òñ mij as luku etñ wus òtu anñ mij em ey òkm.

⁶Etñ emeny mij a ce, mij gbèl a ek'iy eb es a ce anake ñuñ legñ sig em eci wus a.

⁷Gbeko odad ebl nyam a ce oc legñ na em ec'afr lele wus ab a ew es, am eku legñ eke Nyam ec'efnu eci jej ok b'ow ey òkm wus aña a. Legñ ab anake afr lele wus ab yeji b'ow etu al em a.

⁸Gbeko erur em ec'agñ lisijimel, low nyam anñ ek'it eke k'ijlmn es: Ès Kòtòkò ec'a, legñ nyam anñ ese akpo fandi af, etñ akpo fandi anñ ese legñ nyam af.

⁹Ès Kòtòkò ec'a, ow k'ow ibnm etñ li b'ow li kok low a eke l'ewar a. Agñ nyam nyam gbe am dad ese ow'n am ibn o! Kò low eku ce n'am òny òny e lís, eke l'erurm ek'egñ kaka k'uw kpekñ kpekñ, ke n'am erur ek'agñ feñ k'ony abusu itññ erm em a sosiem.

¹⁰Ès Kòtòkò e legñ a b'ow ow ese ulu af, etñ legñ a, likekr ligbèl em afr b'ow irm, etñ in em ec'ów feñ ek'ann a, al b'ow ñuñ. Wus lel in em ec'ów feñ ab yeji b'ow irm.

¹¹Sica eke ow el nene ów a feñ b'ow uñ a, òny, ám ekan elèl eke k'iirir eb a! Ow it eke k'òny es an lala, ke Nyam ec'es ucu òny a ám ey òkm.

¹²Tasi em a, òny am ekur eke Nyam e legñ a k'ow etñ am erurir eke li k'ow fafa. Legñ a, al b'ow etul afr lel in em ec'ów feñ ek'ann ab ab iri ok es nimum.

¹³Gbeko Nyam ewar afr owr nyam lele wus owr nyam ab, eke yogñ agñ a feñ b'ow kok ów nyim nyim eke li b'erur a. Etñ yeci anake s'am eku a.

Èwr sos erm

14Ow sosiem a, erur em ec'agɲ lisijimel, lɛɲ na ec'eku em a, àtar sos es eke k'itamn em, ónymn abr enym kaka, ke áɲɲn erm es ey em Nyam ab.

15Òcr ey Ès Kòtòkò eci low eku a esɛ abusu ek'ɛru ɔny es eke k'ɛɲan sel af, esɛ elɛl eke erur em ec'ey lisijim Pɔl awɲ ɔny lel, nuɲ em ɔny a eke Nyam ɔɲ'n ab em, ke li dad ab af.

16Low na anake ni nɔn silɛl fɛɲ em eke li bi dad ów amua ec'odad a. In e silɛl ab em, susu anɲ eke ow ec'iri a b'ɔtu, ɛtɲ agɲ ek'ɔnym low any uw kaka ke bi cɛcm a, am wuwal ow ec'iri a, esɛ elɛl eke Nyam Lɛl ejeci e susu beb ab em yeji -li bi kok ab af. Ètɲ ow b'el el obi ec'irmn eci.

17Erur em ec'em lawlɛl, ɔny ec'a, sica m'ɛwar ɔny ñ. Èwr sos erm gɔɲ, yec'ɛtɲ ke kí yɛbmɲ agɲ ek'ɔnym low ɛlum kaka a, irmnm ɔny ɛl ec'irm ab em, bake írmnin ɔny ec'es a ek'uwɲ sig a.

18Gbɛkò ɔnyɲ es iman anym eci, bibm em lele ey Ès Kòtòkò ey e Sɔg Ès Jesu Krist ec'any uw em ab. In ec'él anygbɛl yɛfɛnyɲa em toɲ godo godo fɛɲ eci! Amen.

Jan e ləl krəkɾɛ

Jan e ləl krəkɾɛ 1

Jesu el sel ec'odad

¹Ɛgɳ a ek'in sosiem s'am non ləl na a, lɛgɳ eke wɛl ki kokm wus na yɛj'a, ke in n'anɳ ɳ. Low yec'eke s'uw any in e lís a el: ɛy s'iri in ec'odad, s'ɛkn'n ɛy ec'anyamn em, s'ɛpr mɛny es gbiy s'ɛkn'n, ɛtɳ s'itɳ in abu. In l'el Odad eke b'ɔɳ agɳ sel.

²Odad a ek'el sel a ɛy ɔkm, s'ɛkn'n ɛtɳ s'ij in e danɳu, ɛtɳ s'am dad ɔny sel ɛɳ ek'anɳ sɛgɳ fɛɳ a ec'odad. God'ɛtɳ n'anɳ Nyam ab, ɛtɳ sica l'ɛy ɔkm s'ɛkn'n.

³Yec'eke s'iri ke s'ɛkn a, s'am dad s'ok ɔny, yec'ɛtɳ ke ɔny yɛji ókar af ɛy ab, ke ɔny ləl ɛy ab s'ókr af si lool s'el nyam, Ɛs lele Jim Jesu Krist ab em.

⁴S'am non ów amua s'ɔɳ ɔny, yec'ɛtɳ ke ɛy e sos em inɳ a ɛl sos em inɳ tasi.

Usuayl em ec'es an

⁵Amani e s'iri in ogɳ ke s'am dad ɔny a el: Nyam el usuayl, ncebn kaka anm in em.

⁶Eke si bi dad s'ɛsɛ s'okɾ af in ab, ɛtɳ si b'an es ncebn em a, ke s'el ayadɳu ɛtɳ low nenyembri nyam anm ɛy em.

⁷Kɔ eke si b'an es usuayl em, ɛsɛ eke Nyam in obi el usuayl ab af a, ke ɛy fɛɳ s'okɾ af ɳ, ɛtɳ Jim Jesu Krist e mebl a am yɔyɔg ɛy e sikpl fɛɳ es.

⁸Eke si bi dad s'ɛsɛ: s'am kokm sikpl, ke ɛy ɔfr s'am ɛjurir, ɛtɳ low nenyembri nyam anm ɛy em.

⁹Eke si b'ɛgɳ ɛy e sikpl s'eb Nyam ec'any af a, li b'ow l'oc l'ap ɛy ke li yɔyɔg ɛy eci ɳgesi fɛɳ es, anke l'el cɛcɛ, l'el neny nyam ɛs.

¹⁰Eke si bi dad s'ɛsɛ: s'am kokm sikpl, ke s'ɛw Nyam yadɳu, ɛtɳ in ec'odad ebl a anm ɛy em.

Jan e ləl krəkɾɛ 2

¹Em ec'ey, m'am non ów amua e ləl m'awɳ ɔny, yec'ɛtɳ ke kí kokmn sikpl. Kɔ eke batɳ ɛgɳ nyam kok sikpl, ke s'ɔny ɛy e dogɳɳ ɛs nyam, Jesu Krist, neny nyam Ɛs, ek'anɳ Ɛs ec'any af.

²In obi l'ocr in sosi li wawɾ egb ɛy sosiem, yec'ɛtɳ ke Nyam óc ɛy e sikpl ap ɛy. Ɛtɳ ow elm ɛy sɔny cɛ eci, kɔ wus na ec'agɳ fɛɳ eci.

Erur ec'ol

³Eke si b'elum Nyam ec'ol a, ke ow em a, s'uw any eke s'uw'r any.

⁴Ɛgɳ eke bi dad ɛsɛ: «M'uw Nyam any», ɛtɳ l'ɛluam ow ec'ol a, ke l'el yadɳu ɛtɳ low nenyembri nyam anm in em.

⁵Kɔ ɛgɛ eke b'elum Nyam ec'odad ebl a, ɛgɛ a l'erur Nyam iy neny. Eke s'elum'n eben a, s'uw any eke s'okr af in ab.

⁶ɛgɛ eke bi dad ɛsɛ: «M'anɛ Nyam ab», ke li kók ɛsɛ eled eke Jesu kok ab af.

⁷Erur em ec'agɛ lisijimɛl, ow elm ol owr mi nonm m'awɛm ɔny, kɔ ol sig a ek'ɛɛn kpɔkpɔ em ɛtɛ a; ol sig a ek'el odad ek'irir a.

⁸Gbɛkɔ ow anɛ ɛsɛ ol owr eke m'am non m'awɛ ɔny af. Jesu em a, s'uw any eke ol a el nawrɛ, ɛtɛ ɔny e low kok em yeji ow el eben. Tasi em a, ncebn am oc es anke usuayl nawrɛ ɛy ɔkm ɛ.

⁹ɛgɛ eke bi dad ɛsɛ: «M'anɛ usuayl em», ɛtɛ n'am ifn lisijim a, ke n'anɛ ncebn em cɛ.

¹⁰Kɔ ɛgɛ eke b'erur lisijim a, n'anɛ usuayl em, low kaka anm in em eke b'ow ɔɛ'n l'ɛy wus.

¹¹ɛtɛ emeny ek'ɛgɛ am ifn lisijim a, n'anɛ ncebn em, n'am an es ncebn em, l'uwm usu eke n'aam ab any, anke ncebn efal il any.

ɔmn ɛs ec'eled ek'ɔtu ek'aan es wus af anɛ

¹²Em ec'ey, m'am awɛ ɔny ów amua e lel mi dad ɔny eke Nyam oc ɔny e sikpl ap ɔny Jesu Krist e nin a sosiem.

¹³ɛsɛl, m'am awɛ ɔny lel na, anke uwr ɛgɛ ek'anɛ god'ɛtɛ ab any. Dgbafre oto, m'am awɛ ɔny lel na, anke ɔny akmn agn Low ɛɛɛ ɛs ɛs.

¹⁴Em ec'etuey, m'am awɛ ɔny lel na, anke uwr ɛs any. ɛsɛl, m'am awɛ ɔny lel na, anke uwr ɛgɛ ek'anɛ god'ɛtɛ ab any. Dgbafre oto, m'am awɛ ɔny lel na, anke ɔny lɛc, Nyam ec'odad anɛ ɔny em, ɛtɛ akmn agn Low ɛɛɛ ɛs ɛs.

¹⁵K'èrurir wus na, ob ek'anɛ wus af anɛ yeji k'èrurir. Ek'ɛgɛ b'erur wus na, ke l'erurm ɛs Nyam ana.

¹⁶Tasi em a, low fɛɛ ek'anɛ wus af anɛ ɛsɛ: sos megl ec'erm es ɛyr owi, nyamn e low e b'ɛkn ec'erur lele ob ɔny ec'es ɛfu ab a; ów amua fɛɛ, kaka ánm ɛs ogɛ owm, kɔ wus na af ow b'anɛ ow.

¹⁷Ókan eke wus na b'ow ɛc lel in ec'ów aw ɛɛɛ ab ab. Kɔ ɛgɛ ek'am kok Nyam ec'erur a b'ow anɛ godo godo fɛɛ.

Krist ec'efnu ayadɛɛ

¹⁸Em ec'ey, sica wanci es abal el a ow ɛ. Irir eke Krist ec'ifnu nyam in am ow. Sica jam anɛ Krist ec'efnu a ɛny nonɔ; na em anake s'uw any eke ow el wanci es abal el a.

¹⁹ɛy ec'araɛn cɛ -n'anɛ -l'ok ɔkm, gbɛkɔ -l'elm ɛy ec'agɛ. Blel -l'eel ɛy ec'agɛ ana, ke blel -n'anɛ ɛy ab. Kɔ low na ɛy yec'ɛtɛ ke wɛl úw any ek'el fɛɛ -l'elm ɛy ec'agɛ.

²⁰ɔny ec'a, Krist ɔɛ ɔny Abɛ Lala ek'el ɔwrɔ e mun ek'ɛɛn. Na sosiem, ɔny amua fɛɛ uwr low nawrɛ any.

²¹M'am non lel na m'awη ɔny, ow elm low nawre eke k'uwmn any eci, kɔ ek'uwɾ low nawre any a sosiem. Etη uwɾ any eke yadη owi kaka anm low nawre em owm.

²²Kɔ bwo el yadηu ee? Yadηu el egη a eke b'egbr dad ese: «Jesu elm Krist!» Egη na el Krist ec'ifnu eke b'egbr Es lele Jim ab.

²³Egη eke b'egbr Jim a, egbr Es yeji; egη ek'egη Jim eb a, okr af Es ab.

²⁴Ke yec'a eke irir kpɔkpɔ em etη a, anη ɔny erm em. Eke yec'a eke irir kpɔkpɔ em etη a b'anη ɔny erm em a, ɔny yeji b'ow okar af Es lele Jim ab.

²⁵Etη kin ob a eke Jim ewar ey a; sel ek'ɔnym uwɾ.

²⁶Mi non ów amua ɔny eci, agη ek'am ɔl eke k'irmn ɔny a sosiem.

²⁷ɔny ec'a, ɔkan eke Abη Lala ek'el ɔwɾ e mun eke Krist ɔη ɔny a, anη ɔny em. Na sosiem, ow ibram eke k'ɔl low yeγm es ejec'es ij, anke Abη Lala am yeγm ɔny ów a fηη. Etη ów a eke n'am yeγm ɔny a el nawre, yadη kaka anm em. Ow sosiem a, anη in em ese lele eke Abη Lala yeγm ɔny ow e low ab af.

Nyam ec'ey

²⁸Sica, em ec'ey, anη Krist ab yec'etη ke legη eke li b'ow l'ewl l'ow a, s'ɔny erm susu, ke in ec'ow em a es k'ɔnym ey, si kpabm es in e lís.

²⁹Uwɾ any eke Jesu Krist el neny nyam es. Ow sosiem, egη eke bi kok low nenyembri nyam a, úwɾ any eke l'el Nyam ec'iy.

Jan e lel krekre 3

¹Èkan erur ligbel eke ey Es Nyam elu ɔkm ey e lís, bake esη ey in ec'ey. Etη nawre tasi s'el. Eke wus uwm ey any, ke l'uwm ey Es yeji any ana.

²Erur em ec'agη lisijimel, sica s'el Nyam ec'ey, etη lele eke si k'anη a, ow k'eym ɔkm; kɔ s'uw any eke legη eke Krist b'ow ewl ow a, si b'ow s'ekn'n gbeη, etη si b'ow s'anη ese in af.

³Egη ek'am eku ɔmn em low akpasu na Krist em a, am ayal sos ese lele eke Krist in obi ayl ab af.

⁴Egη fηη eke bi kok sikpl a ɔb ol es, sikpl e kok el ol es ɔb.

⁵Kɔ ɔny uwɾ any eke Jesu Krist ow ek'ɔny sikpl oc es, etη in em sikpl kaka anm.

⁶Ow sosiem, egη eke b'okr af in ab a, n'am kokm sikpl owi ij; egη eke bi kok sikpl a, eknm'n etη uwm'n any yeji.

⁷Em ec'ey, ke egη kaka k'éjum ɔny. Egη eke bi kok low nenyembri nyam a, l'el neny nyam es, ese lele eke Jesu Krist in obi el neny nyam es ab af.

⁸Egη eke bi kok sikpl a, l'el agn eci, anke god'etη agn el sikpl es. Na sosiem anake Nyam ec'Iy ow yec'etη ke ni núnη agn e juma a.

⁹Ɛgɛɛ ek'anɛ Nyam ab a, n'am kokm sikpl owi, aɛke Nyam ec'odad a anɛ in em ɛsɛ egb eke wɛl ewl af. L'otum eke li ki kok sikpl owi ij aɛke l'el Nyam ec'iy.

¹⁰Kin low yec'em eke wɛl b'uw Nyam ec'ey lele agn ec'ey ab any a: ɛgɛɛ ek'am kokm low nɛnyembri nyam, ke emɛny ɛrum lisijim yeji a, l'elm Nyam ec'iy.

Ɔnyɛn erur ɛsɛ Jesu af

¹¹Tasi em a, kin yec'eke wɛl dad ɔny irir kpɔkpɔ em ɛtɛ a: ke s'ɛrurir ey ɔfr.

¹²Si k'ot Kayɛn ek'agn Low ɛtɛ ɛs ɔɛ ibi lisijim ab es. Ɛtɛ kɔ bla sosiɛm l'ibi ow ee? Eke in ec'ow e li bi kok a akplm ke lisijim ec'a b'akpl a sosiɛm.

¹³Agɛɛ lisijimɛl, ow k'iti ɔny any eke wus b'ifn ɔny.

¹⁴Ɛy s'uw any eke s'ubr luw em s'ey owr anɛ em, aɛke si b'erur ey lisijimɛl. Ɛgɛɛ ek'onym erur a, n'anɛ luw em.

¹⁵Ɛgɛɛ eke b'ifn lisijim a, l'el ɛgɛɛ ibiu, ɛtɛ uwr any eke ɛgɛɛ ibiu, sel ek'onym uwr a anm in em.

¹⁶Kin ekele eke s'uw erur any: Jesu Krist oc in e sel a ɔɛ ey; ow it eke ey yeji si k'oc ey e sel s'ɔɛ ey lisijimɛl.

¹⁷Ek'ɛgɛɛ nyam ɔny ob, ɛtɛ l'ekn lisijim ek'anɛ es abur em, ɛtɛ l'ikɛm ow sɔɛ a, ke ayaf Nyam ec'erur a anɛ in em ab ee?

¹⁸Em ec'ey, eke si b'erurir ey ɔfr a, ke s'otu eke si k'elumnin abu, ke ow k'elm anm af e dad em sɔny.

¹⁹Eke si b'erurir ey ɔfr, si b'ow s'uw any eke s'anɛ Nyam ek'el low nawrɛ ɛs ab, ɛtɛ si b'ow s'ɔny ɛrm es ey in ec'any af.

²⁰Ek'ey ec'erm a b'ɔb ey low, ke Nyam agb akm ey ec'erm a, ɛtɛ in l'uw low fɛɛ any.

²¹Erur em ec'agn lisijimɛl, eke sica ey ec'erm a ɔbm ey low ij a, ke s'ɔny ɛrm es ey Nyam ec'any af.

²²Ob kaka fɛɛ eke si b'ibrm'n a, li b'ow n'ɔɛ ey, aɛke si b'osu in e sol a, ɛtɛ si bi kok yeci ek'akpl'l sos em a.

²³Ɛtɛ kin in ec'ol eke n'am ɔɛ ey: s'ub Jim Jesu Krist nawrɛ, ke s'ɛrurir ey ɔfr.

²⁴Ɛgɛɛ eke b'osu Nyam e sol a, okr af in ab ɛtɛ Nyam yeji anɛ in ab. Ɛtɛ in ec'Abɛ eke n'ɔɛ ey ab em, s'uw any eke n'anɛ ey ab.

Jan e lel krɛkrɛ 4

Nyam ec'Abɛ lele Nyam ec'ifnu ec'abɛ ab

¹Erur em ec'agn lisijimɛl, ek'ɛgɛɛ b'ow ɛɛn ɔny ɛtɛ bi dad eke abɛ ec'abusu em in bi kok ow yeji, k'ubr ir nawrɛ kpɛkɛ. Kɔ okr any es ekan eke nawrɛ em el ec'abɛ a el Nyam ec'Abɛ, aɛke kokoba ɔb ɛsɛl ayadɛɛ nɔnɔ gbɛl ok ɔkm wus af aɛa.

²Kin elel eke k'ubar Nyam ec'Abɛ ab any: ek'egɛ bi dad ese: «Jesu Krist el egɛ ow wus af aɛa», ke egɛ na ɔny Nyam ec'Abɛ.

³Kɔ egɛ ek'égɛm eɛm eke Jesu Krist el egɛ eke wɛl ew sos meɛl ɛm a, elm Nyam eci. L'el Krist ec'ifnu a eke irir in eci mowrer e low a. Sica gbɛ l'ow wus af aɛa ɛ.

⁴ɔny, ɛm ec'ey, eel Nyam eci, ɛtɛ akɛn kokoba ɔb ɛsel ayadɛu ab es, aɛke Abɛ a ek'anɛ ɔny ɛm a ɔny lɛc akɛ wus ec'agɛ ec'a.

⁵El, -l'el wus na eci, na sosiem -li bi dad wus na ec'ow eke wɛl bi kok ec'odad, ɛtɛ wus ec'agɛ b'iri el e low, egɛ eb.

⁶Ey, s'el Nyam ec'agɛ. Egɛ ek'uw Nyam any a, b'iri ey e low. Egɛ ek'uwm Nyam any a irim ey e low. Na ɛm si b'uw low nawre ec'Abɛ lele yadɛ ec'abɛ ab any.

S'ɔny erur aɛke Nyam ikɛ anym erur ey

⁷Erur ɛm ec'agɛ lisijimɛl, s'érurir ey ɔfr, aɛke Nyam ogɛ erur b'anɛ ow; ɛtɛ egɛ fɛɛ eke b'ɔny erur a, el Nyam ec'iy ɛtɛ l'uw Nyam any.

⁸Egɛ ek'érurm a uwm Nyam any, aɛke Nyam el erur.

⁹Kin elel eke Nyam ec'erur a ey ɔkm ey e lís: l'erm in ec'Iy ekpɔbi a ow wus af aɛa, yec'ɛtɛ ke s'ɛɛn sel in ɛm.

¹⁰ɛtɛ erur a el: ow elm ey eke s'erur Nyam a eci, kɔ Nyam in obi l'erur ey ɛtɛ l'erm in ec'Iy a ow, ocr in sosi kokr egb waw uw ey e sikpl ec'oc ap sosiem.

¹¹Erur ɛm ec'agɛ lisijimɛl, eke Nyam erur ey ɛben a, ey yeji ow it ke s'érurir ey ɔfr.

¹²Egɛ kaka ɛkɛm Nyam; gbekɔ eke si b'erurir ey ɔfr a, Nyam anɛ ey ab, ɛtɛ in ec'erur a b'ey ɔkm tasi ey ɛm.

¹³Kin elel eke s'uw any eke s'anɛ in ab, ɛtɛ in yeji n'anɛ ey ab: n'ɔɛ ey in ec'Abɛ a.

¹⁴ɛtɛ ey s'ɛkɛ ɛtɛ s'am dad eke nawre, ɛs ɛrm Jim ow el wus na ec'agɛ ec'Eb ɛs.

¹⁵Egɛ eke b'egɛ eb eke Jesu el Nyam ec'Iy a, Nyam anɛ in ab ɛtɛ in yeji n'anɛ Nyam ab.

¹⁶ɛtɛ ey s'uw erur eke Nyam ɔny ey ec'ab any, ɛtɛ s'ub erur a e low nawre; Nyam el erur. Egɛ ek'ɔny erur a anɛ Nyam ab, ɛtɛ in yeji Nyam anɛ in ab.

¹⁷Eke erur iy neny igɛ nuɛ ey ɛm a, si b'ow s'ɔny ɛrm susu legɛ a eke si b'ow s'im Nyam ec'any af jej ok ɛm a. S'ɔtu eke si k'ɔny ɛrm susu ikɛ na, aɛke wus af aɛa, ey eci eb ir a otarir es Jesu Krist ec'ab ab.

¹⁸Ek'egɛ b'ɔny erur a, l'úrum ɛrɛn ij. Erur tasi a b'ogɛ ɛrɛn. Ek'am tutr eke wɛl b'ow ɔb'ɛ low jej ok ɛm a, ke ám uru ɛrɛn. ɛtɛ egɛ eke b'uru ɛrɛn a, ɔnym erur tasi.

¹⁹Kɔ ey s'ɔny erur aɛke Nyam ikɛ anym erur ey.

²⁰Ek'egɛ bi dad ese: «m'erur Nyam» ɛtɛ n'am ifn lisijim a, ke l'el yadɛu; tasi ɛm a, egɛ ek'erurm lisijim eke n'am ɛkɛ a, ayaf li b'ow l'ɔtu l'erur Nyam eke l'ɛkɛm ab ee?

²¹Ɛtɛ kin ol eke Nyam ɔŋ ey: ɛgɛ eke b'erur Nyam a, ke l'érur lisijim yeji.

Jan e lel krɛkrɛ 5

Elel eke si k'akmn wus es

¹Ɛgɛ fɛŋ ek'ub nawrɛ eke Jesu el Krist a, el Nyam ec'iy. Ɛtɛ ɛgɛ fɛŋ ek'am erur Ɛs Nyam a, am erur in ec'ey a yeji.

²Eke s'am erur Nyam ɛtɛ s'am ɔsu in e sol a, ke s'úw any eke s'am erur Nyam ec'ey a yeji.

³Nyam ec'erur a anɛ in e sol a ec'ɔsu ɛm. Ɛtɛ in e sol a ɔtum,

⁴anɛke ɛgɛ fɛŋ ek'el Nyam ec'iy a akmn wus es; ɛtɛ ey ec'ɔmn e s'ɔny Nyam ɛm a anake b'akmn wus es a.

Ów yec'ɛm eke wɛl k'ub nawrɛ eke Jesu el Nyam ec'Iy

⁵Bwo ec'ɛgɛ akmn wus es, ek'ow elm ɛgɛ a ek'ub nawrɛ eke Jesu el Nyam ec'Iy ab ee?

⁶Jesu Krist in obi ow wus af aɛa, wɛl ok'r mij nuɛ, ɛtɛ l'uw l'ok mebl es; l'ɛcr mij ok nuɛ ɛm, l'uw l'ok mebl es ɛsɛ ɛgɛ af; ów yony na ɛm, Abɛ Lala ij danɛu eke ów amua el nawrɛ, anɛke Abɛ Lala ɔnym yadɛ.

⁷Ów nyahan anɛ eke okr af am ij danɛu nyam:

⁸Abɛ Lala, mij lele mebl ab.

⁹Si b'ɛgɛ agɛ e danɛu ij a s'eb, kɔ Nyam e danɛu ij a agb akmn agɛ ec'a, anɛke Nyam in obi ij danɛu Jim e nuɛ af.

¹⁰Ɛgɛ ek'ub Nyam Jim nawrɛ a, danɛu ij na anɛ in ɛm; ɛgɛ ek'ubm nawrɛ a b'ɔb Nyam yadɛ, anɛke l'ubm Nyam e danɛu ek'ij Jim e nuɛ af a nawrɛ.

¹¹Ɛtɛ danɛu ij a el: Nyam ɔŋ ey sel ek'ɔnym nuɛ, ɛtɛ sel a anɛ Jim ɛm.

¹²Ɛgɛ ek'eb Jim a ɛɛn sel; ɛgɛ ek'ebm Jim a ɛɛnm sel.

¹³M'am non ów amua m'ɔŋ ɔny, yec'ɛtɛ ke úwr any eke, ek'am ubr Nyam ec'Iy a nawrɛ a, ke ɛɛn sel ek'ɔnym nuɛ.

Nyam ɛɔŋ e lɛc

¹⁴Eke si b'im in ogɛ, ke s'ɔny lokm susu, anɛke low fɛŋ eke si b'ow s'ibrm in ec'erur ɛm a, li b'ow l'iri ey lebl.

¹⁵Ɛtɛ eke s'uw any eke li b'iri ey lebl a, ke ob fɛŋ eke si b'ow s'ibrm'n a, s'úw any eke s'ɛɛn ɛŋ.

¹⁶Ek'ɛgɛ nyam am ɛkn lisijim ek'am kok sikpl ek'elm luw ec'a, ni ɛɔŋ Nyam, ke Nyam ɔŋ lisijim na sel. Na ow el agɛ eke bi kok sikpl ek'elm luw ec'a e lís e low. Gbɛkɔ sikpl nyam anɛ ek'el luw eci; ow elm sikpl ikɛ na eci Nyam m'ɛsmɛ ɛɔŋan.

17Low nuŋ feŋ eke wɛl bi kok Nyam e lís a el sikpl. Gbɛkɔ ow elm sikpl feŋ ísam ɛŋɔ luw ab.

18S’uw any eke ɛŋɔ feŋ ek’el Nyam ec’iy a, am kokm sikpl, aŋke Nyam Jim Jesu Krist b’ɔsu’r, ɛtɔ agn ɛŋnm’n.

19S’uw any eke s’el Nyam ec’ey, kɔ wus af aŋa ec’agn ɛjɛci ek’elm Nyam ec’ey a anɔ agn ec’es ɛw ɛm.

20Emɛny s’uw any eke Nyam ec’Iy ow wus af aŋa ɛtɔ n’ɔŋ ɛy nuŋ ɛm ɔny eke si k’uw Nyam nawrɛ any. S’okr af Nyam nawrɛ ab, Jim Jesu Krist ɛm. Jim na anake el Nyam nawrɛ a, in l’el sel ek’ɔnym nuŋ.

21Em ec’ey, ɔsur sos ke k’úsmn yec’eke elm Nyam a jam.

Jan e lɛl yony ɛm

Jan e lɛl yony ɛm 1

Ɛsɛn

¹Ɛm Nyamel ec'Ɛgɛ Likpekɛ, m'am awɛ Yow gbɛl lele in ec'ey ab eke Nyam sɔsum ot, ke m'erur a lɛl. Ɛtɛ ow elm ɛm sɔny m'erur ɔny, kɔ el a fɛɛ ek'uw low nawrɛ ab any a yeji,

²low nawrɛ ek'anɛ ey ɛm, ke b'ow anɛ ey ɛm godo godo fɛɛ a sosiɛm.

³Ke Nyam Ɛs, lele Jesu Krist Ɛs Iyɛ ec'owrɔ, sɔɛɛ ikɛ lele ɛm es ey ab, anɛ ey ab nawrɛ ɛm lele erur ɛm ab.

Ɛgɛ lawl ec'erur

⁴Sos ɛm am iɛn'm nɔnɔ eke m'ɛkn ɛ ec'ey beb am an es low nawrɛ ɛm ɛsɛ ol eke s'eb Ɛs ogɛ ab af.

⁵Sica Yow gbɛl eke Nyam sɔsum oc, low eke m'am ibrm'ɛ a el: s'ɛrurir ey ɔfr. Ke na ow elm ol owr m'ɛnym m'ɔm'ɛ, kɔ ow eke s'eb kpɔkpɔ ɛm ɛtɛ ab ana.

⁶Ɛtɛ erur a el: ke s'an es Nyam e sol ab af. Ɛtɛ ol a el: ke kɔkr erur e low ɛsɛ elɛl eke irir kpɔkpɔ ɛm ɛtɛ ab af.

Low any uw ɛsɛl ayadɛu

⁷Ayadɛu nɔnɔ ow wus na af ek'ɛgɛm Jesu Krist ek'ow sos meɛl ɛm a e low ebm. Ɛgɛ eke bi kok ɛsɛ el af a, l'el yadɛu, l'el Krist ec'ifnu.

⁸Ɔsur sos gɔɛ yec'ɛtɛ ke k'irmnmn ɔny e juma eke kokr a eci labm sɔg, kɔ ke ɛɛnɔn ow ec'ob ap ligbɛl a.

⁹Ɛgɛ fɛɛ eke bi digɛ Krist eci low yeɛm a elu es a, okrm af Nyam ab; kɔ ɛgɛ eke b'ucu low yeɛm na ɔny es a, l'okr af Ɛs lele Jim ab.

¹⁰Ek'ɛgɛ fɛɛ am ow ɔny ogɛ ɛtɛ l'isam low yeɛm na ab a, k'ɛbr ir k'elul il akɛ, k'ɔɛnɔn in akpa bɔbɔ yeji;

¹¹Ɛgɛ eke b'ɔɛ'n akpa a, ke ow e juma ɛɛɛɛ a anake in yeji n'am kok a.

Uwar ɛm ec'odad

¹²M'ɔny ɔw nɔnɔ eke mi ki nɔn m'awɛ ɔny, kɔ m'erurm eke mi k'oc lɛl lele lɛl mij ab; gbekɔ m'am tutr eke mi k'ow m'ɛkn ɔny, ke si dád s'okarir yec'ɛtɛ ke ey e sos ɛm iɛn a ɛl tasi.

¹³Ɛsɛ jow eke Nyam sɔsum oc a ec'ey a am ibrm'ɛ.

Jan e lɛl nyahan ɛm

Jan e lɛl nyahan ɛm 1

Ɛsɛn

- ¹Ɛm Nyamel ec'Ɛgɛ Likpekp, ɛm lawl Gayus eke m'erur nawre ɛm, m'am awɛ lɛl.
- ²Erur ɛm e lawl mamn, m'am erur eke ów fɛɛ k'akpal'ɛ, ke sos írm'ɛ es, ɛsɛ elɛl eke abɛ ɛm yeji ɔny lɛc ab af.
- ³Sos ɛm am iɛn'm nɔnɔ, lɛgɛ a ek'agɛ lisijimɛl ow, ke ij danɛu eke ɛ bi kok cɛcɛ Nyam e low fɛɛ ɛm a.
- ⁴Eke m'iri eke ɛm ec'ey am an es low nawre ɛm a, sos ɛm am iɛn'm ligbɛl akm low ejeci fɛɛ.
- ⁵Erur ɛm e lawl mamn, bi kok ów amamn ɔmn ɛm ɔɛ agɛ lisijimɛl ek'el etu a yeji.
- ⁶-N'am ij ɛ ec'erm mamn e danɛu Nyamel ec'any af. M'am nɔɛn'ɛ, kòk ɛl ec'ejagb us e low ɛsɛ elɛl eke Nyam erur ab af,
- ⁷anɛe Jesu Krist e nin a sosiem anake -n'imn, ke -l'ebm ob kaka Nyam e low any uwm ɛsɛl ec'abu ɛm a.
- ⁸S'otu eke si k'elum agɛ amua abu, yec'ɛtɛ ke ɛl ɛɛɛ ɛm s'ókr af s'el low nawre e juma kok ɛsɛl.

Diotrɛf e dedeku eke n'ɔɛ

- ⁹Mi nɔn ów bɛb m'ɔɛ Nyamel; kɔ Diotrɛf eke b'erur e k'el ɛl ɛm e krekre a ebm ey ec'odad a.
- ¹⁰Na sosiem, eke m'am ow m'ɛkn ɔny a, m'ow mi dad ɔny ów eke n'am kok a. N'am dad ów ɛɛɛ l'ok ey af. Na yeji ow éyrm'n erm es, l'ébm agɛ lisijimɛl, ɛtɛ agɛ eke b'erur eke k'eb ɛl a yeji, li b'ɛdɛn wɛl, ɛtɛ li b'ogɛ wɛl Nyamel ɛm.
- ¹¹Erur ɛm e lawl mamn Gayus, kɔ wewrm ów ɛɛɛ kok ɛsɛl ów, kɔ kòk ów amamn. Ɛgɛ eke bi kok low mamn a, el Nyam eci; ɛgɛ eke bi kok low nɛɛ a, l'éknm Nyam.

Demetrius ec'aw lele ɛsɛn ab

- ¹²Demetrius ec'a gbɛ, agɛ a fɛɛ am ij in e danɛu, in ec'es an mamn a sosiem. Ey obi yeji s'am ij in e danɛu. Ɛtɛ ɛ obi yeji uw any eke ey e danɛu ij a el nawre.
- ¹³M'ɔny ów nɔnɔ eke mi ki nɔn m'awɛn'ɛ, kɔ m'erurm eke mi k'oc lɛl mij lele lɛl likɛ ab mi nɔn.
- ¹⁴M'am tutr eke mi k'ow m'ɛkn'ɛ lɛgɛ tɛl ɛm, ke si dád ów s'okarir.
- ¹⁵Ke erm es ey áɛɛ ɛ ab! Awlɛl a fɛɛ am íbrm'ɛ. S'am ɛkn ey lawlɛl a fɛɛ ec'ɛgɛ nyam nyam.

Jud e ləl ek'awŋ

Jud e ləl ek'awŋ 1

Էսդր

¹Էմ Jud, m'el Jak lisijim lele Jesu Krist e juma kok es ab; m'am esդր agդ a fեդ eke Nyam esդ, ke el agդ eke Es Nyam erur, ke n'am օsu Jesu Krist ec'a.

²Ke Nyam e sօրդ ikդ, erm es ey lel erur ab օny bobդ օny.

Low օwar low yeգm օsəl ayadդu e lıs

2 Pier 2.1-17

³Erur օm ec'agդ lisijimel, m'օny erur ոօնօ eke mi k'awդ օny lel sel օդդ a ek'el ey fեդ ec'a sօsիem. Gbեկօ sica, m'օkn eke ow it eke mi k'awդ օny lel na, yec'օդդ ke m'օtr օny sos es. Dօղդնin sos օmn na eke Nyam օդ օny kբեկդ kբեկդ a sօsիem, օny eke eel in ec'agդ a.

⁴M'am awդ օny lel aդke agդ օդդ, es lօl օm, ow aդդ օny araդդ. -Li b'օny Nyam ec'erm mamդ ec'օdad a -li titդդ, yec'օդդ ke -l'օtu -li kok yec'eke -l'erurir a, օդդ Jesu Krist ek'in sօny coco el ey ec'Es Էw lel ey Es Kօtօkօ ab a, -li b'igդ -l'օwl ow. God'օդդ Nyam Ləl ikդ anym dad օl eci gbre ek'am eku օl a e low օw es.

⁵M'uw any eke uwr low na eke m'am m'ow mi dad օny ab any. Gbեկօ m'erur eke mi k'օkn օny օw amua: Es Kօtօkօ eb in ec'agդ a օlu es Eջիpt eyդ ec'abu օm, օդդ ow e jam a, l'ibi օl a fեդ ek'օգդմ ubm nawրe a.

⁶Էդդ օben օօ afr erm օsəl a ek'erurm anm օl ec'usu a eke -n'inymն es a, ke -n'դգbroդդ yօգդ a, Nyam օny ok օl դգbraka օդդ -n'anդ nօebն ibր ab օm gօdo gօdo fեդ eci, յեյ ok e lօգդ ligբել a eci.

⁷Sica օkan Sօdօm, Gomօr lel օl ec'օb saw saw ab ab e low a: օl ec'օb eyդ a օny es an դդ ek'akբլմ օsօ afr erm օsəl a ec'ab af. Էդդ -l'օl օգդ kaka fեդ ab ec'erum ab, tօդ agդ eke օlim sos meգլ nyam օsօ օl ec'ab af a yeյi. Ow օդ -n'am ij gbre al ek'օnym es irm ab օm, օդդ -l'օl agդ fեդ ec'օwar eci sewl.

⁸Էդդ օny ec'araդդ a, agդ օդդ amua am օny es an nօnyembri nyam a օsօ agդ amua fեդ ec'ab af. -Li bi tutր օw yadդ օդդ ow b'օդ օl -l'us օl eci sos af ec'օw aw օդդ a jam. -Li b'ifն Nyam ec'es օw a օդդ -li bi wօwr afr ec'abդ any օsəl a.

⁹Էդդ Mikael in obi yeյi eke օl afr erm օsəl ec'es օw a kokմ low na. Lօգդ a eke agն ab -n'am dogդդ Mois eci sos meգլ a, Mikael ism nօny igդմ'n յեյմ okմ'n, kօ ow օօ eke li dad ow a օl: «Ke Nyam ijր'դ gbre!»

¹⁰Gbեկօ agդ amua am wօwr yec'a eke -l'uwm any a. Էդդ yec'a eke -l'uwr any nyamb օm օsօ akբ օm eci mindey ek'օnym tutր af a, yeյi anake b'irmն օl a.

¹¹Gbre օl օl eci! -L'օb eբր a eke Kayօn eb a, -n'օny yadդ օs sօsիem օsօ Balam af, -l'uw, aդke -l'օբր Nyam any օsօ Kore af.

12 Ɛε, el anake -li bi ηυηη ɔny ɔfr em ec'ob eke b'asr luku usu nyam ijr a. Yogh, -li b'ij etη -li b'egη lokeyr em, εs ɔnym el etη -li bi tutr el sɔny cε e low. -N'anη εse afr eke ibr es lef am oc im ke ánm mij okm wus ab af. -N'anη εse ekη eke ɔsum ey iju egb ub e legη ab af; ekη eke -l'iil ok wus ke uw nimum nimum.

13-Li b'ɔmun el ec'és owi ab es εse elel eke okij b'ɔmun in e sarɔd es ok ákpaf ab af. -N'anη εse mílél ek'uwm yogη ogη eke k'imn ab af, etη Nyam εw el usu es segη feη eci ncok ibr ab em.

14Enɔk ek'el ey lagη lɔbη em Adam eci jam a, ikη anym dad agη amua e low nine: «Kin, Ɛs Kɔtɔkɔ am ow lel afr erm εsel lala nɔnɔ gbél ab,

15wus nimum e jej ok eci. Li b'ow l'ɔb agη eηυη a feη low, ɔw eηυη a feη eke -li kokr -l'ɔbar ow a sosiem. Li b'ow l'ɔb sikpl εsel es εfuu amua low, low ɔbr any odad feη eke -li dadr ow e lís a nuη af.»

16Segη feη agη amua b'ucu any es. -Li b'anη abr eny em etη -li b'ir εb εse elel ek'el ec'ɔw aw eηυη a b'ɔη el ab af. -Li bi dad low any ɔbr odad etη -li bi pop agη ob eηη ij eci.

Ɛwar lel ɔw ɔm ab

17-18Gbekɔ ɔny, erur em ec'agη lisijimel, ɔkan ey Ɛs Kɔtɔkɔ Jesu Krist ec'erm εsel a e sodad eke dad ɔny legη ek'ec ab em a: «Segη es abal el em a, agη b'ow kokr ɔny miyer etη el ec'ɔw aw eηυη a b'ow ɔη el -l'ir εb eke bi kpab el es Nyam e lís.»

19El anake -li bi bubr Nyamel ec'agη ab em a. El e sow tutr a el agη e sow tutr cε, etη -n'ɔnym Nyam ec'Abη a.

20Gbekɔ ɔny, erur em ec'agη lisijimel, ùsr ɔny ec'εb ir a ɔny ec'ɔmn ek'ɔnym Nyam em ab af, ηɔηan Nyam Abη Lala ec'abu elum em.

21Ànηη Nyam ec'erur ab em, ke ám ekur ey Ɛs Kɔtɔkɔ Jesu Krist eci sɔηη ikη a eke b'ow ɔη ɔny sel ek'ɔnym uwr a.

22Agη a ek'el ec'ɔmn a εwm leg leg a, ɔnyn el eci sɔηη ikη.

23Ònyn okr el ɔkm al ab em ke éb elul el es. Ònyn agη beb a yeji eci sɔηη ikη. Gbekɔ èwr sos erm, kì yebr -li k'ibar ɔny el ec'ɔw eηυη kok ab ab.

Anygbel él Nyam eci

24-25Anygbel él Nyam nyam coco a eke b'εcr ey Ɛs Kɔtɔkɔ Jesu Krist em sɔg ey a eci! L'ɔtu eke li k'edηη ɔny abu any ke k'éymn low ηυη em; l'ɔtu eke li k'ok ɔny ɔkm in ec'anygbel a ec'any af, eke low ɔbr kaka k'ánm ɔny em, ke sos em iηη íy ɔny em gbɔη. In ec'él anygbel, sagb, abusu lel es εw ab god'etη, sicaca lel segη feη ab! Amen.

Ów eke Jan ekn es ekn em

Ów eke Jan ekn es ekn em 1

Jesu am elul in sosi okm

¹Ów eke lol es ke Jesu Krist elu okm kpata a anη lēl na em. Nyam on̄n l'uw ów amua any, yec'etη ke li yēgm in e juma kok esel a low eke b'ow ey legη tēl em a. Krist on̄ in ec'afr erm es im elu low a okm yēgm in e juma kok es Jan.

²Jan am ij dan̄ku eke ów a fēη eke in ekn a in el Nyam ec'odad lele low nenyembri nyam ek'in ey okm Jesu Krist em ab.

³Ehe él egη eke b'awl sodad amua eke Nyam elu okm on̄ agη a eci! Etη emeny ehe él agη a eke b'iri, ke b'elum ów a eke wēl non̄ lēl na em a eci! Ee, legη a eke wēl bēbm ew es ów amua ec'a ibnm ij.

Jan am esηη Nyamel lobη a

⁴Em Jan, m'am esηη Azi wus af eci Nyamel lobη a: ke Nyam ek'anη god'etη, anη yefenyana, ke am ow a, édη on̄y owro ke on̄y on̄y erm es ey. Ke abη lobη a ek'anη in ec'atufu lekpn a ec'any af a yeji on̄y on̄y ów nenyembri nyam a.

⁵Ke Jesu Krist ek'el dan̄ku ij es neny nyam es a yeji on̄y on̄y ów amua. L'el iy krēkre ek'igb agη ek'uw ab em, etη emeny l'el wus eci éb ebu fēη em ec'eb ebu. Jesu Krist erur ey etη in eci mebl ab em li sog ey sikpl e līs.

⁶Li kok ey s'el gbren̄gbi usu a ec'agη, egb waw esel eke ki kok juma Nyam ek'el Es a eci any af. Anygbel lele abusu ab él Jesu Krist eci sēgη fēη! Amen!

⁷Kin, n'anη jru em n'am ow! Etη nyamn nyamn fēη b'ow ekn'n; agη a ek'ign'n mpragb a yeji b'ow ekn'n. Wus ec'agη eb eb a fēη b'ow anη sorη em in sosiem. Ee, eben ow b'ow anη! Amen!

⁸Es Kotoko Nyam Abusu Es dad nine: «M'el Nuη Ob lele Nuη Edη ab, m'el Nyam a ek'anη god'etη, anη yefenyana, ke am ow a.»

Es ekn em Jan ekn Jesu

⁹Em, on̄y lisijim Jan, Jesu ab ec'af okr em, m'am m'ij gbre on̄y ab. S'el Nyam e gbren̄gbi usu a ec'agη, s'am usur erm gbre ij em. Wēl oc im ew'm es Patmos lekr, an̄ke mi dad Nyam ec'odad lele low nenyembri nyam ek'ey okm Jesu em ab ab.

¹⁰Es Kotoko eci legη a, Abη Lala ow'm af etη m'iri lebl tuotuo nyam ek'am ikη'm jam ese krōkr af

¹¹dad ese: «Non̄ low yec'a eke am ekn a lēl nyam em, ke óc awη Nyamel lobη a ek'anη eb amua em a: Efes, Simirna, Pergam, Tiatir, Sardes, Filadelfi lele Laodise ab».

¹²M'edη meny eke mi k'ekn egη a eke am dad'm odad a, etη m'ekn sika em mun al ob lobη.

¹³Mun al ob amua ec'araɲn a, m'ekn ob nyam ek'inym es ese eɲɲ af. Li sus mob kpakp etɲ l'ucu ɔhɔny eke wɛl kok sika mij em er em.

¹⁴In eci sin nuɲ a ufu pum pum pum ese liceb ufu e suw af, ese nyamok af, etɲ in ec'anyamn a am jeɲn ese al af.

¹⁵In ec'akr a am jeɲn ese jawie eke wɛl etɲ ke al ayal af. Etɲ in eci lebl a b'il ese okij e mra eke b'elu ab af.

¹⁶In e lidr abu ab em, l'ucu mɪlɛl lɔbɲ n'ɔny es, etɲ lab ler em ek'any yony a b'ufu a am ey'r ɔkm nɛnym. In ec'any a am jeɲn ese lɛɲɲ uyu nuɲ e ligbn af.

¹⁷Eke m'ekn'n a, m'ey wus in ec'akr ew a ese ek'em m'uw ce af. L'oc in eci lidr abu a l'ew'm af etɲ li dad nine: «Erɲn k'ɔny'ɲ! M'el Nuɲ ɔb lele Nuɲ Eɲɲ ab.

¹⁸M'el eɲɲ a ek'anɲ owr a. M'uw, gbekɔ ca m'anɲ owr godo godo fɛɲ eci; etɲ m'ɔny abusu luw lele ɔɲnes baɲn ab af.

¹⁹Sica non yec'a ek'ekn a, yec'a ek'am ey caca em a lele yec'a eke b'ow ey ow eci jam ab ab.

²⁰Kin mɪlɛl lɔbɲ a ek'ekn em e lidr abu ab em a lele sika em mun al ob lɔbɲ ab ab eci nyandre: mɪlɛl lɔbɲ a el Nyamel lɔbɲ a eci afr erm esel a, etɲ kenie lɔbɲ a el Nyamel lɔbɲ a».

Ów eke Jan ekn es ekn em 2

Efɛs e Nyamel a e lɛl eke wɛl awɲ

¹«Non lɛl awɲ Efɛs e Nyamel a ec'afr erm es a: “Kin odad yec'eke eɲɲ a ek'ɔnym mɪlɛl lɔbɲ ab in e lidr abu ab em, ke am an es sika em mun al ob lɔbɲ a ec'araɲn a am dad:

²M'uw juma fɛɲ eke kok ab any, m'uw ɲ eci sos es atr a lele ɲ eci erm susu ab ab any. M'uw any eke k'ɔtum eɲɲm ów eɲɲ esel e low ebm; etɲ aɲɲ a eke bi dad eke el erm esel ke elm a, ɔny igbl el oɲɲ ekn, etɲ ekn eke -l'el ayadɲu.

³ɔ, ɔny erm susu, ij gbre em e nin a sɔsiem etɲ sos ɔwm'ɲ es kaka.

⁴Gbekɔ low a eke m'ɔny ɲ ab a ce el: ɔnym erur krekre a ek'ɔny em ec'a ij.

⁵Sica ɔkn lɛɲɲ ek'ec ab em eci elel eke ɔny em ec'erur a, itɲn erm em, ke kók ese nuɲ ɔb em ec'ab af. Eke itɲnm, mi b'ow m'ow m'eɲn'ɲ, ke m'ɔny ɲ eci mun al ob a m'oc es yogɲ a eke ow anɲ a.

⁶Gbekɔ yec'eke akpl ɲ ec'a el: ese em af, ifn Nikolayitel eci low kok a.

⁷Ke eɲɲ yec'eke eli ɔru a, íri yec'a eke Abɲ am dad ok Sinyamel a. Eɲɲ yec'eke b'ow eb any a, mi b'ow m'ɔɲ'n sel eɲn eci likɲ a ek'anɲ Nyam ec'egb ɔgm a e liy a l'ij.” »

Simirna e Nyamel a e lɛl eke wɛl awɲ

⁸«Nɔn lɛl awɔ Simirna e Nyamel a ec'afr erm es a: "Kin odad yec'eke eɔɔ a ek'el Nuɔ Ob lele Nuɔ Eɔɔ ab, eɔɔ a ek'uw ke ewl anɔ owr a am dad:

⁹M'uw ɔ e gbre lele gbɔr ab any, gbekɔ tasi em a, ɔ gbrenɔɔbi! M'uw sos keskes ek'agɔ a ek'el Jwifel ke b'ocr el sosi Nyam ec'agɔ ke elm a bi kokr'ɔ ab any; - l'el Satan eci nuɔ ɔɔ esɛl.

¹⁰B'ow ɔ ɔ gbre, gbekɔ k'uru erɔn. Agɔ b'ow ot ɔny em ec'agɔ beb ok sobel em ɔny eci ebm ekɔ eci, etɔ b'ow ɔ ɔ gbre toɔ seɔɔ lew. ɔ ɔ nyeny nyam toɔ luw em, ke m'ɔɔ'ɔ sel erɔn e tufe a.

¹¹Ke eɔɔ yec'eke eli ɔru a, ɔri yec'a eke Abɔ am dad ok Sinyamel a. Eɔɔ eke b'ow eb any a, k'ow ekɔm luw yony em a e low ɔɔ." »

Pɛrgam e Nyamel a e lɛl eke wɛl awɔ

¹²«Nɔn lɛl awɔ Pɛrgam e Nyamel ec'afr erm es a: "Kin odad yec'eke eɔɔ a ek'ɔnym lab ler em ek'any yony a b'ufu a am dad:

¹³M'uw usu a ek'ir ab any, yogɔ anake Satan ec'atufu lekɔn a anɔ a. Ucu em e nin a ɔny es, etɔ walm ɔmn ek'ɔny em em a elum es, toɔ leɔɔ ab em eke wɛl ibi Antipas a yeɔi, em eci danɔku ɔ es cece ɔny ogɔ a, yogɔ a eke Satan ir a.

¹⁴Gbekɔ m'ɔny abr eke mi k'ɛnym'ɔ: ɔ ogɔ yogɔ, agɔ anɔ eke ucu Balam eci low yeɔm a ɔny es. Balam anake ɔɔ Balak nuɔ em eke k'uk Israel ec'ey meb a. L'itr wɛl eke wɛl k'ɔ mindey eke agɔ ibi kokr egb waw ɔɔ sinyam yadɔ, ke wɛl ɔ ɔ nfaci yeɔi.

¹⁵Etɔ emeny, ɔ ogɔ a ce, agɔ anɔ eke ucu Nikolayitel eci low yeɔm a ɔny es.

¹⁶Ow sosiem, ɔtɔn erm em gɔɔ. Eke ɔtɔnm, ow k'ow ibnm, mi b'ow m'ow ɔ ogɔ yogɔ etɔ mi b'ow m'ogɔ agɔ amua ar, em e lab ler em any yony a eke anɔ'm nenym am ey'm ɔkm ab em.

¹⁷Ke eɔɔ yec'eke eli ɔru a, ɔri yec'a eke Abɔ am dad ok Sinyamel a. Eɔɔ yec'a eke b'ow eb any a, mi b'ow m'ɔɔ'n afr eci futufutu eke lol es a. Mi b'ow m'ɔɔ'n lebn ufu nyam, etɔ lebn ab af nin owr nyam eke wɛl nɔn a b'ow anɔ. Eɔɔ kaka k'ow uwm nin na any, ek'ow elm eɔɔ a ce ek'ɛɔn lebn a." »

Tiatir e Nyamel a e lɛl eke wɛl awɔ

¹⁸«Nɔn lɛl awɔ Tiatir e Nyamel a ec'afr erm es a. "Kin odad yec'eke Nyam Jim a ek'anyamn em am jeɔn esɛ al af, ke akr yeɔi am jeɔn esɛ jawie eke wɛl etɔ af a, am dad:

¹⁹M'uw ɔ e sijuma a, ɔ ec'erur a, ɔ ec'ɔmn a, ɔ e juma a eke bi kok ɔɔ agɔ a lele ɔ ec'erm susu ab ab any. Etɔ sica m'uw any eke jam aɔa, ɔ e juma a eke am kok a ɛny akm krekre ec'a.

²⁰Gbekɔ m'ɔny abr nyam eke mi k'ɛnym'ɔ: am yeɔ Jesabel, yow na eke am dad eke Nyam ec'odad in am dad, ke am irmn em e juma kok esɛl, yeɔm el eke -li k'ɔ nfaci, ke -l'ɔ mindey eke wɛl wawr egb ɔɔ sinyam yadɔ a.

- ²¹M'ok'r sɛgɛ es eke li k'itɛn ɛrm ɛm, kɔ l'erurm eke li k'igɛ in eci nfaci ij na l'ɛlu es.
- ²²Ow sosiem a, mi b'ow m'erum'n es gbɛ ij ec'ob ɛrur ob af, ɛtɛ eke agɛ a ek'ij nfaci in ab a itɛnm ɛrm ɛm a, -li b'ow -l'ij gbɛ nɔnɔ ɛsɛ ow af.
- ²³Mi b'ow m'ibi in ec'agɛ a yɛji, ɛtɛ Sinyamel a fɛɛ b'ow uw any eke m'el ɛgɛ a ek'uw agɛ e tutɛ lele ɛl ec'erur ab a any a. ɛtɛ mi b'ow m'ɔɛ ɔny ɛm ec'ɛgɛ nyam nyam yec'a eke li kok a ec'ow ek'it a.
- ²⁴Sica ɔny Tiatir e Nyamel ab ɛm ec'agɛ likpr a, ɔny eke ɛgɛnm ucumn low yɛgm yadɛ na ɔnymn es, ɔlmn eke k'uwɛ yec'a eke -l'ɛsɛn Satan eci low any uw eke lol es ab any a, m'uyulm ɔny low ɛjɛci kaka fɛɛ ij.
- ²⁵Gbɛkɔ yec'a ek'ɛɛan a, ɔcur ɔny es toɛ ke m'ánɛ m'ow.
- ²⁶⁻²⁸Agɛ a eke b'ow kok ɛm ec'erur a toɛ ók nuɛ a, ɛl anake -li b'ow -l'eb any a. Mi b'ow m'ɔɛ ɛl abusu a eke m'eb ɛm ɛs ogɛ a. Mi b'ow m'ɔɛ ɛl -n'ɔny abusu ɛbr ɛbr fɛɛ af. -Li b'ow -l'ɛw wɛl es lec ɛm ɛtɛ -li b'ow -li bɔbm wɛl es ɛsɛ elɛl eke wɛl bi bɔbm ɛrɛɛ es ab af. ɛmɛny mi b'ow m'ɔɛ ɛl ibribr eci lɛl a yɛji.
- ²⁹Ke ɛgɛ yec'eke ɛli ɔru a, ɛri yec'a ek'Abɛ am dad ok Sinyamel a.” »

Ów eke Jan ɛkn es ɛkn ɛm 3

Sard e Nyamel a e lɛl eke wɛl awɛ

- ¹«Nɔn lɛl awɛ Sard e Nyamel a ec'afr ɛrm ɛs a: “Kin odad yec'eke ɛgɛ a ek'ɔnym Nyam ec'abɛ lɔbɛ a lele mílél lɔbɛ ab ab a am dad: M'uw juma fɛɛ eke kok ab any. Agɛ bi tutɛ eke anɛ owɛ, kɔ tasi ɛm a, uw!
- ²Úfɛɛm es! Ke yec'a eke anɛ'ɛ ke k'uwm a, ɔɛ'n n'anɛ kikri gbɛɛ ke l'úw nimum nimum. M'ɛkn eke ɛ ec'ów a bɛbmnm tasi, ɛm e Nyam a ec'a ek'am ɛrur ab ab.
- ³Ókn yec'a eke ɛri ke eb a, ɔcu ɔny es ke ɛtɛn ɛrm ɛm. Eke ufɛɛm es, mi b'ow m'ow kpru ɛm ɛsɛ ulu af m'oc'ɛ, ɛtɛ k'ow uwm wanci ab af eke mi b'ow m'ow ab any.
- ⁴Gbɛkɔ Sard yogɛ, ɔny ɛm ec'agɛ nyam nyam ibarm ɛl eci mob sus ɛm a. Agɛ amua b'ow anɛ mob efu ɛm ɛc ɛm ab, anɛke -l'it.
- ⁵ɛben eke agɛ a eke b'ow eb any a b'ow sus mob efu ana. Mi k'ow mi tetɛm ɛl ec'en ab es sel ɛɛn e lɛl ab ɛm, ɛtɛ ɛm ɛs lɛl in ec'afr ɛrm ɛsɛl ab ab ec'any af, mi b'ow mi dad eke agɛ amua ɛl ɛm eci.
- ⁶Ke ɛgɛ yec'eke ɛli ɔru a, ɛri yec'a eke Abɛ am dad ok Sinyamel a.” »

Filadɛlfi eci Nyamel a e lɛl eke wɛl awɛ

- ⁷«Nɔn lɛl awɛ Filadɛlfi e Nyamel a ec'afr ɛrm ɛs a: “Kin odad yec'eke ɛgɛ a ek'el lala lele low nawɛ ab a, ɛgɛ a eke ɔnym ɛb ɛbu David eci safuɛ ab ab, bi fig ke ɛgɛ kaka ɔtum ablm, b'abl ke ɛgɛ kaka ɔtum figm a am dad:

⁸M'uw juma feŋ eke kok ab any; mi fig lisany nyam m'ew'ŋ es any af eke eŋŋ kaka k'otum ablm. Læc tæl cæ ɔny, gbekɔ ucu em ec'odad a ɔny es etŋ dadm eke uwm im any.

⁹Kin low eke mi b'ow mi kok Jwifel ek'el Satanec'ogog ec'agŋ a eke b'ocr el sosi Nyam ec'agŋ, ke ow b'el yadŋ a: mi b'ow m'ony el lec em -l'ok ɔwrɔkp wus ŋ ec'any af, etŋ -li b'ow -l'uw any eke mi b'erur'ŋ.

¹⁰Eke ɔsu ol a eke m'ɔŋ'ŋ eke k'usur erm a, em yeji mi b'ow m'ɔsu'ŋ gbre eci læŋŋ a eke b'ow ow wus nimum af ebm wus ec'agŋ a feŋ a.

¹¹Ow k'ow ibnm eke mi b'ow m'ow. Ow sosiem, yec'a ek'ony a, ùcu ɔny es kikri yec'etŋ ke eŋŋ kaka k'ébm ŋ ec'any eb e tufe a.

¹²Agŋ a eke b'ow eb any a, mi b'ow m'ɔŋm el es em Es eci Nyamel ab em eŋe êl ec'akr ab af, etŋ -li k'ow -l'okmn ɔkm ij. Mi b'ow mi non em e Nyam a eci nin a lele in ec'eb a eci nin ab ab agŋ amua eke eŋŋ any ab af. Eb a, in l'el Jerusalem owr a eke b'ow anŋ afr, em e Nyam a ogŋ us es a. Mi b'ow mi non nin owr a eke m'eŋŋ a yeji el af.

¹³Ke eŋŋ yec'eke eli ɔru a, íri yec'a ek'Abŋ am dad ok Sinyamel a.” »

Laodise e Nyamel a e læl eke wæl awŋ

¹⁴«Non læl awŋ Laodise ec'afr erm es a: “M'el eŋŋ a eke wæl b'esŋ Amen, eŋŋ a ek'el danŋku ij es cæcæ lele low nyim nyim ab a, eŋŋ a eke anŋ ów feŋ eke Nyam kok a e nuŋ ɔb em a. Kin em eci odad a:

¹⁵M'uw juma feŋ eke kok ab any, etŋ m'ekn eke ewm dra etŋ emeny ewm gbagba yeji. Blel ɔtu el ów yony ab em e nyam yeji, ow éw afanma.

¹⁶Kɔ sica ek'el dede, ke elm dra oglog gbagba a, mi b'ow m'egbl m'elu'ŋ es.

¹⁷Ɖ bi dad eŋe: m'ony os nonɔ, m'onym low kaka ec'es abur. Kɔ tasi em a, ŋ uwm any eke el gbre es, ɔny ɔrŋ nonɔ, el gbɔru, el any eflu lele sos ɔfr es ab.

¹⁸Ow sosiem a, kin ów eke m'am ɔm'ŋ: òw em ogŋ a, ɔl sica eke al elu ow eci sayl a ɔkm a, ke él gbrenŋbi. Ów ɔl mob sus em efu sus, yec'etŋ ke k'anm sos ɔfr és ɔnym'ŋ. Ów ɔl sɛkp ok ŋ ec'anyamn ab em, ke ékn es.

¹⁹Agŋ a feŋ eke mi b'erur a, mi b'enym el abr etŋ mi b'ew low m'ɔŋ el. Èlu læc ij ɔkm ke ítŋn erm em.

²⁰Sica m'inym es lisany etŋ m'am icm abu. Eke eŋŋ nyam iri'm lebl etŋ fig'm lisany a, mi b'ow m'ey'r akŋ, mi b'ow m'us abu in ab etŋ in yeji li b'ow l'us abu em ab.

²¹Agŋ a eke b'ow eb any a, mi b'ow m'ɔŋ el abusu -li sig es em ab, em eci atufu lækpn ab af, eŋe elel eke em yeji eke m'eb any a, em Es ɔŋ'm abusu mi sig es in ab, in eci atufu lækpn af ab af.

²²Ke eŋŋ yec'ek'eli ɔru a, íri yec'a ek'Abŋ am dad ok Sinyamel a.” »

Ów eke Jan εkn es εkn em 4

Afr e Nyam nuñ ign

- ¹Emeny ow e jam a, m'εkn low ejeci. Afr, m'εkn lisany nyam eke fig, etñ lebl a ek'anñ ese krókr eci lebl af ke m'ikñ anym m'iri a, dad'm nine: «Úyu af aña, ke mi yégm'ñ ow e jam ec'ów eke b'ow ow a.»
- ²Kpεkñ Abñ oc'm etñ afr yogñ, m'εkn atufu lekpn nyam ek'εgn nyam sig es af.
- ³εgn a eke sig es af a eci jejn a am ot mebn sobo etñ etñ es ese jasplele sarduan ab af. Nyamgodi eke am jejn ese lebn emerod af a iwr elul atufu lekpn ab em.
- ⁴Atufu lekpn likñ lele yar ab did iwr elul atufu lekpn ligbel ab em, etñ agñ ekpεkp likñ lele yar ab sig es af. -Li sus mob efu etñ -l'us sika tufe.
- ⁵Afr eci ñeñ lele nyamgbrany ab ab am anñ atufu lekpn ab em ok okm. Mrabri lobñ eke wel gigñ a am iri any af yogñ. Mrabri lobñ a el Nyam ec'abñ lobñ a.
- ⁶Atufu lekpn a ec'any af a, okij ek'ayl toñ am εkan es ke ot lebn ufu pum pum es anñ. Arañn yogñ, mindey yar eke el ec'anym lele jam ab a el anyamn ofr a, iwr did elul atufu lekpn ab em.
- ⁷Krεkre eci ndey a anñ ese kukuma af, yony em ec'a anñ ese id liy af, nyahan em ec'a eli any ese εgn ec'ab af, etñ yar em ec'a anñ ese káká ek'igb nyenyn ow es af.
- ⁸Mindey yar amua e nyam nyam eli ow nohon, etñ -l'eli anyamn eb el ow a nimum, ew lele af ab. Etñ ncok lele legñ owr ab neny b'anñ el em -n'am dad -l'ese: «Lala, lala, lala el Es Kótoko Nyam Abusu Es eci, in eke n'anñ god'etñ, n'anñ yefenyina ke n'am ow a eci.»
- ⁹⁻¹⁰εgn a ek'anñ owr segn feñ eci ke sig es atufu lekpn ab af a, mindey yar a bi kóklm'n, b'usr'r sos etñ b'ón'n bia. Etñ sakp sakp feñ eke -li bi kóklm ow a, agñ ekpεkp likñ lele yar ab ab a b'ok ówrókp wus εgn a eke sig es atufu lekpn ab af a ec'any af. -Li b'ign εgn a ek'anñ owr segn feñ ec'a nuñ. -Li b'ot el eci sika tufe a -li wowl atufu lekpn a ec'any af yogñ ke -n'am dad -l'ese:
- ¹¹«O, Es Kótoko, ey e Nyam, it eke k'εñn anygbel, es susm lel abusu ab, anke ñ kok ob feñ etñ ñ ec'erur em ob feñ anñ owr etñ b'ok sel.»

Ów eke Jan εkn es εkn em 5

Lel a lele liccbli ab ab

- ¹Sica m'εkn lel nyam eke wel ar es ke anñ εgn a eke sig es atufu lekpn ab af a e lidr abu ab em. Wel non lel a any lele jam ab, etñ wel onyn nenyembri ab es, es onyan ob lobñ ab.
- ²Etñ m'εkn afr erm esel ab em e læc es nyam eke am og lebl tuotuo em ese: «Bwo ec'εgn it eke ki bobm es onyan ob amua es ke fig lel na ee?»
- ³Ke ow el afr, wus af aña lele wus ew ab, εgn kaka anm eke k'otu fig lel a bake ler ow e lokm a.

⁴Ow ɔŋ m'ikɔ ɔŋn nɔnɔ eke ɛŋɔ kaka k'anm itm eke ki fig lɛl a bake ɔtu lɛr ow e lokm a.

⁵Gbɛkɔ agɛkpekɔ ab ɛm e nyam dad'm ninɛ: «K'ikɔ ɔŋn! Kin Juda ec'eb ab ɛm e kukuma a, ɛb ebu David eci lilaw a eb any, li b'ow li bɔbm es ɔnyan ob lɔbɔ ab es ke li fig lɛl a.»

⁶Sica ɛmeny m'ɛkn atufu lɛkɔn a, mindey yar a lele agɔ ekpekɔ ab ab, ɛtɔ m'ɛkn licebli nyam eke wɛl ibi egb waw eci, ke inym es ɛl eci araŋn. L'ɛli ɔɔwɔr lɔbɔ lele anyamn lɔbɔ ab. Anyamn lɔbɔ a el abɔ lɔbɔ a eke Nyam ɛrm ow wus nimum af a.

⁷Licebli a ɛri im ɛtɔ oc lɛl a ɛŋɔ a eke sig es atufu lɛkɔn ab af a eci lidr abu ab ɛm.

⁸Kɔpekɔ mindey yar a lele agɔ ekpekɔ likɔ lele yar ab ab ok ɔwrɔkɔ wus licebli a ec'any af. ɛl ɛm ec'ɛŋɔ ɛŋɔ fɛŋ ɔnym saŋgo nyam ab lele sika ɛm kɔk eke ogɔ iy ɛm gbɔɔ ab, ke el agɔ lala a eci nyam ɔŋɔn a.

⁹-N'am ɛŋɔ ɛj owr nyam: «D ɛɛ it eke k'oc lɛl a ke bɔbm es ɔnyan ob lɔbɔ ab es, aŋke wɛl ibi'ɔ oc'ɔ wawɔ ɔ egb ɛtɔ ow ɛm a, eb eb fɛŋ ɛm, ɛbr ɛbr fɛŋ ɛm, agɔ agɔ fɛŋ ɛm lele ɛb ɛb fɛŋ ɛm ab, ɛwl sɔg agɔ ɔŋ Nyam.

¹⁰Kok ɛl -l'el gbɛŋgbɛ usu a ec'agɔ, -l'el egb waw ɛsɛl eke ki kok juma ɛy e Nyam a ec'any af, ɛtɔ -li b'ow -l'ɛw wus na nimum es.»

¹¹Sica ɛmeny mi lɛr ɛtɔ m'am iri afr ɛrm ɛsɛl nɔnɔ gbɛl e lebl. -N'ɛny nɔnɔ ligbɛl, -l'iwr atufu lɛkɔn a, mindey yar a lele agɔ ekpekɔ yar ab ab -l'ɛlul ɛm.

¹²-N'am ɛŋɔ ɛj lebl gege ɛm -l'ɛsɛ: «Licebli a eke wɛl wawɔ egb a ɛɛ it eke k'ɛŋn abusu, ob ɔny, sɛwɔr lele lɛc ab; es susm, anygbɛl lele kɔkɔm ab!»

¹³ɛtɔ ɛmeny m'iri eke ob fɛŋ eke Nyam kok aŋɔ afr, wus af aŋa, wus ew lele okij ɛm ab a, ob fɛŋ eke aŋɔ owr a am ɛŋɔ ɛj dad ɛsɛ: «Sɛŋɔ fɛŋ, kɔkɔm, anygbɛl lele abusu ab ɛl ɛŋɔ a eke sig es atufu lɛkɔn ab af a lele licebli ab ab eci!»

¹⁴ɛtɔ mindey yar a am ɛlu “Amen!” ɛtɔ agɔ ekpekɔ a am ok ɔwrɔkɔ wus igɔ Nyam lele licebli ab ab nuŋ.

Ów eke Jan ɛkn es ɛkn ɛm 6

Kɛkɛɛ eci es ɔnyan ob a el any eb owi

¹Ow e jam a, m'ɛkn licebli a ɔny es ɔnyan ob lɔbɔ a eci kɛkɛɛ a ɔb es, ɛtɔ m'iri mindey yar ab ɛm e nyam barm lebl ek'aŋɔ ɛsɛ nyamgbɔny ec'ikɔ ab af ninɛ: «Ów!»

²Mi bi lɛr a, m'ɛkn gbɔŋkɔ ufu nyam. ɛŋɔ a eke uyu af a ɔnym bin ab, ɛtɔ wɛl ɔŋ'n any eb e tufɛ. L'ikɔ anym l'eb any ɛtɔ ɛmeny n'aam any eb eci.

Yony ɛm eci es ɔnyan ob a el ar ogɔ owi

³Eke licebli a bɔbm yony ɛm eci es ɔnyan ob ab es a, m'iri mindey yar ab ɛm e yony ɛm ec'a eke am dad ɛsɛ: «Ów!»

⁴Etj gbaṅko ejeci nyam ey okm. L'ebli es ese al af. Egn a eke uyu af a enj abusu eke k'onny erm es ey oc es wus na af, yec'etj ke ow onj agj ibirir el ofr. Etj wel onj'n lab ler em ligbel nyam.

Nyahan em eci es onyan ob a el lek owi

⁵Eke licebli a bobm nyahan em eci es onyan ob ab es a, m'iri mindey yar a e nyahan em ec'a eke am dad ese: «Òw!» Mi bi ler etj m'ekn gbaṅko ibr nyam. Egn a eke uyu af a onym toy ab.

⁶M'iri ob nyam am ikj ese lebl nyam ek'anj mindey yar a ec'aranj af, etj am dad ese: «Èwɔn ble kilo nyam legj nyam e juma kok e labm soḡ eci; ke èwɔn onj gbɛ kilo nyahan legj nyam e juma kok e labm soḡ eci. Gbɛko Lek, k'itjn oliv e mun a lele viny e mar ab ab gbɛ abu.»

Yar em eci es onyan ob a el luw owi

⁷Eke licebli a bobm yar em eci es onyan ob ab es a, m'iri mindey yar ab em e yar em ec'a eke am dad ese: «Òw!»

⁸Mi bi ler etj m'ekn gbaṅko nyam ek'ew mufu mufu. Egn a eke uyu af a, wel b'ɛsnj'n Luw, etj onnes banj am us'r jam. Wel onj el abusu wus ec'oy yar ab em e nyam em ec'agnj ab af, eke -li k'ibi wel ar ogj em, lek owi em, ol etj etj em lele mindey enj em ab.

Yen em eci es onyan ob a el agj ek'uw Nyam odad sosiem a

⁹Eke licebli a bobm yen em eci es onyan ob ab es a, m'ekn egb waw usu a ec'ew a, agj agj eke wel ibi a eci liy a. Wel ibi el neny nyam eke -l'ijr Nyam odad eci lele danjku eke -l'ijr ow ec'ab ab sosiem.

¹⁰-N'am ogj lec em -li dad -l'ese: «Es Èw Ès Lala, Es Èw Ès Nawɛ, ko toj ba bogj legj iy b'ow jej wus ec'agnj a e low ok, íbrm el ey e luw a eci low ee?»

¹¹Sica wel onj egn nyam nyam mob sus em ufu, etj wel dad el eke emeny -li k'eku seḡj tel, toj bake wel ibi el lisijimel a eke am kok Ès Kɔtɔko e juma a ese eled eke wel ibi el ab af a, ów yibr el.

Nɔhɔn em eci es onyan ob a el erm bebl e legj a

¹²Etj m'ekn licebli a eke am bobm nɔhɔn em ec'es onyan ob ab es a, etj kpekj wus umu lec em; ligbn ibr pri pri pri ese niḡn mob af, etj awl ebl es kondonj ese mebl af.

¹³Mílél anj afr am ok wus ese babm ikj ec'ey a eke k'ebm, ke lef tuotuo b'elu ony ok wus ab af.

¹⁴Afr am oc es ese ajraṅka eke wel b'onny ar es ab af; etj mafeny a lele silekr ab ab feḡ am ḡgbonj el e susu susu a.

¹⁵Ow onj etj wus ec'éb ebu, agj any esel, ar ogj esel em ec'agnj eḡbel, eḡbrenḡbi, abusu ony esel, agj ejec'a feḡ ek'el madu oglog agj ewi a, im lol es mafeny omu em lele mób em ab.

16-N'am dad mafeny a lele mób ab ab -l'ese: «Òkr ey af ke lóol ey es egn a eke sig es atufu lekpn ab af a ec'any a e lís, ke óny kpabr ey es licebli a ec'erm bebl a e lís,

17aṅke el ec'erm bebl a e legṅ ligbél a ow ḡ. Sica bwo ec'egṅ b'ow otu anḡ owr ab ee?»

Ów eke Jan ekn es ekn em 7

Agṅ a eke egn Nyam e meny ewr a

1Sica ow e jam a, m'ekn afr erm esel yar ek'inym es wus eci oy yar ab em. -N'ony oy yar a e lef a eke b'elu wus na af ab es, yec'etḡ ke lef kaka k'élum wus na af, okij af lele ekḡ em ab.

2Etḡ m'ekn afr erm es ejeci nyam ey okm yogḡ a eke ligbn b'igb a. N'onym Nyam ek'anḡ owr eci ob a eke b'oc ewr egn meny ab ab. Li barm lebl tuotuo l'esḡ afr erm esel yar a eke egn abusu eke ki ḡḡḡ wus lel okij ab a ninε:

3«Èkur ye! Kì kokr wus, okij lele ekḡ ab low ḡḡ kaka. Ow it eke si k'ikḡ anym s'ew meny ewr nyam ey e Nyam a eci juma kok esel a ec'anyafr a.»

4Etḡ m'iri agḡ a eke wél ewr meny anyafr a e neny a. -L'ij agḡ fandi ekḡ lóbḡ, agḡ miy yar. Ow ow el Israel ec'eb eb a feḡ ec'agḡ a:

5Juda ec'eb ab em agḡ fandi lew yony, Ruben ec'ab em fandi lew yony, Gad ec'ab em fandi lew yony,

6Aser ec'ab em fandi lew yony, Neftali ec'ab em fandi lew yony, Manase ec'ab em fandi lew yony,

7Simeon ec'ab em fandi lew yony, Levi ec'ab em fandi lew yony, Isakar ec'ab em fandi lew yony,

8Zabulon ec'ab em fandi lew yony, Josef ec'ab em fandi lew yony, Benjame ec'ab em fandi lew yony. El feḡ, -n'eḡḡ Nyam e meny ewr a.

Agḡ nɔnɔ gbél am igḡ Nyam nuḡ

9Ow e jam a, mi bi ler etḡ emeny m'ekn agḡ nɔnɔ gbél eke egn kaka k'otum awlm. Ow el eb eb feḡ, eb eb feḡ, agḡ agḡ feḡ lele ebr ebr feḡ ab ec'agḡ. -N'inym es atufu lekpn a lele licebli ab ab ec'any af, -li sus mob efu etḡ arakp anḡ el abu em.

10-N'am og lec em -l'ese: «Ey e sel egn a, ey e Nyam a eke sig es atufu lekpn af a lele licebli ab ab ogḡ ow b'anḡ ow!»

11Afr erm esel a feḡ iwr did elul atufu lekpn a, agḡ ekpekp a lele mindey yar ab ab em. -N'am ok owrɔkp wus atufu lekpn a ec'any af etḡ -n'am igḡ Nyam nuḡ -li dad -l'ese:

12«Nawre! Kɔklm, anygbél, sewr, bia elu lele sos usr ab, abusu ony lele lec ab él ey e Nyam a eci seḡḡ feḡ! Amen.»

13Agḡ ekpekp ab em e nyam ibrm im ninε: «Bwo el el agḡ amua eke sus mob efu a, etḡ bogḡ -n'anḡ l'ow ee?»

¹⁴M'odu m'eb mi dad'r m'ese: «Egɛ ɣbel, ɣ anake uw any a.» Eɛɣ l'odu l'eb li dad'm nine: «Amua, aɣɣ a eke ecr ɣbre ijr ligbel ab em ab ana. -Li ɣɔɣɔg el e mob sus em ab es licebli a e mebl ab em, eɛɣ ow ɔɣ mob sus em a ufu pum pum pum.

¹⁵Na sosome anake -li b'inym es Nyam ec'atufu lekpn a ec'any af, ke ncok lele legɣ owr ab -li b'igɣ ow nuɣ ow eci nuɣ igɣ usu a. Eɣɣ a eke sig es atufu lekpn ab af a b'ow ot ok el in eci ɣbad el ab em ke ɔsu el.

¹⁶Namn lele mij amn ab k'ow ɔnym el ij, eɛɣ ligbn lele elubu ab yeji k'ow ɔnym el ij.

¹⁷Nawre, aɣke licebli a ek'inym es atufu lekpn a e saw a, b'ow el el e nyimn es, ot im el mij ewl mij eke b'ɔɣ eɣɣ sel a e saw, ke Nyam tetɣ el e mikɣ ab es.»

Ów eke Jan ekn es ekn em 8

Lɔbɣ em ec'es ɔnyan ob a el usu es irm owi

¹Eke licebli a bobm lɔbɣ em eci es ɔnyan ob ab es a, afr, usu a irm es tiɣ toɣ ow ɔtu ek'ij wanci ikpr mum.

²Eɛɣ m'ekn afr erm esel lɔbɣ a eke b'anɣ Nyam ec'any af a; wel ɔɣ el krɔkr lɔbɣ.

³M'ekn afr erm es ejeci nyam ek'ow inym es eɣb waw usu a; n'ɔnym ogɣ ofɣn ob sika em ab. Eɛɣ wel ɔɣ'n ogɣ nɔnɔ eke li k'oc, ke Nyam ec'agɣ lala a e nyam ɣɔɣn ab ab li kokr eɣb waw sika em eɣb waw usu a eke anɣ atufu lekpn a ec'any af a.

⁴Afr erm es a ec'abu em a, ogɣ a e mregbn a eke wuwlm Nyam ec'agɣ lala a e sinyam ɣɔɣn ab ab a am il Nyam ec'any af.

⁵Eɛɣ afr erm es a oc ogɣ ofɣn ob a, eb eɣb waw usu a ec'al a ok em eɛɣ oc ɔwl wus. Eɛɣ kpekɣ nyamɣbrany am babarm, afr am ɣeɣn eɛɣ wus am umu.

Krɛkrɛ e krɔkr yar a

⁶Afr erm esel lɔbɣ a eke ɔnym krɔkr lɔbɣ ab ab a am bebɣ sos eke k'afl krɔkr a.

⁷Krɛkrɛ ec'a afl in e krɔkr a. Nyamok lele al eke wuwlm mebl ab a am ok wus. Wus ec'og nyahan e nyam, ekɣ eke wel ok sakp nyahan eci akp nyam lele suw owr feɣ ab eb al iri ok es.

⁸Yony em ec'a afl in e krɔkr a. Ob ek'anɣ ese lafeny ligbel nyam ek'am iri al af ey okij em; eɛɣ okij ec'og nyahan a e nyam itɣn el mebl.

⁹Mindey ek'anɣ okij em a eci sakp nyahan eci akp nyam uw, eɛɣ simijetɣ eci sakp nyahan eci akp nyam uɣ.

¹⁰Nyahan em ec'a afl in e krɔkr a. Lél ligbel nyam ek'am iri al ese mrabri af a anɣ afr ey wus. L'ey simij ewl mij a ec'ogog nyahan e nyam em lele mij eɣ af ab.

¹¹Lél a e nin el “Lolo”. Simij ogog nyahan e nyam itɣn am lol, eɛɣ aɣɣ nɔnɔ a eke eɣɣ mij a am uw, aɣke ow am lol nɔnɔ.

¹²Sica yar em ec'a afl in e krōkr a. Wel iyr ligbn ec'ogog nyahan a e nyam a, awl yeji ec'ogog nyahan a e nyam a lele mīlél eci sakp nyahan eci akp nyam ab ab ob; etj ow ɔŋ el eci afj a e nyahan em irm es. Lɛgŋ owr e nyahan em a lele ncok eci nyahan em ab ab irmn el ec'usuayl a.

¹³Emeny mi bi ler etj m'ekn káká nyam eke igb im afr kponj em a ke am elu lebl tuɔtuɔ dad ese: «Musue! Musue! Musue b'ow el wus ec'agj eci, lɛgŋ a eke afr erm esel nyahan a ek'anj a b'ow afl el e krōkr a!»

Ów eke Jan ekn es ekn em 9

Yen em e krōkr a

¹Sica yen em ec'afr erm es a afl in e krōkr a, etj m'ekn lél nyam ek'anj afr ey wus, ke wel oc nōmu croŋ gbél a e safue a elu abu em.

²Lél a fig nōmu croŋ gbél a etj mregbn eke otarir es al gbél e mregbn ab am uyu ok ɔkm. Mregbn a ek'am ok ɔkm a ibar ligbn lele lɛf ab.

³Etj mregbn ab em, tɛtɛ gbaŋgban anj ok ɔkm eb es wus na nimum af; etj -n'ɛŋn abusu eke anj ese sibɔban ec'ab af.

⁴Wel edjn el eke -li ki ŋuŋnmn suw, ekj lele ob ejeci eke eli wus af ab. Gbɛkɔ abusu eru el es eke -li k'ijr agj a eke Nyam e meny ewr anm anyafr a gbɛ gbɛ.

⁵Etj agj amua e gbɛ ijɛ a eke -n'ɛŋn ow ec'abusu a yeji elm wel ec'ibi eci, kɔ ke -l'ijr wel gbɛ nɔnɔ toŋ ow ij awl yen. Ke gbɛ ijɛ a e dudu a ánj ese bɔban ec'ɛgŋ eke b'akj a e dudu ab af.

⁶Etj awl yen ab em, agj b'ow ɔl luw es, kɔ -li k'ow -n'ɛŋnmn ow; -li b'ow -l'erur eke -li k'uw, kɔ luw k'ow owrm el.

⁷Tɛtɛ gbaŋgban amua anj ese sigbaŋkɔ eke wel bebɛm sos ar ogj ec'af; el e nuŋ ab af, wel b'ekn mob ek'anj ese sika tufe af, etj el e many a anj ese agj e many af.

⁸El e sin nuŋ a anj ese ɔyɔw ec'ab af, etj el ec'an nɛnym a anj ese sikukuma ec'ab af.

⁹El ec'ermni a anj ese erkpo lowi em af, etj el ec'ow a ec'ikj a anj ese ar ogj eci mɛtj a eke wel b'ot cucur sigbaŋkɔ nɔnɔ im ar ogj em ab af.

¹⁰Tɛtɛ gbaŋgban amua eli ewl eke mbe anj em ese sibɔban ec'ab af. Etj el ec'ewl amua ab anake -li b'ow -li kok agj ów enj toŋ ke ow ij awl yen a.

¹¹El ec'es ew es a el nōmu croŋ gbél a ec'afr erm es a. Ebre em a wel b'ɛŋ'n "Abadɔn", etj Grɛk em a wel b'ɛŋ'n "Apoliɔn" (ek'el nyandre em "Duŋn ɛs").

¹²Sica krekre ec'abu eyr na ec'ŋ. Gbɛkɔ ow e jam a, emeny abu eyr yony anj eke b'ow ow.

Nɔhɔn em e krōkr a

¹³Etj nɔhɔn em ec'afr erm es a afl in e krōkr a. Egb waw usu a ek'el sika em ke anj Nyam ec'any af a ec'oy yar ab em, m'iri lebl nyam ek'am ikj ow.

- ¹⁴Lebl a dad nɔhɔn ɛm ec'afɛ ɛrm ɛs a eke ɔnym krɔkr ab ab a nine: «Mɔmu afr ɛrm ɛsɛl yar a eke anɔ ɔgbraka ɛm, mij gbɛl a eke wɛl b'ɛsɔ Efrat a e saw ab ɛs.»
- ¹⁵Wɛl mɔmu afr ɛrm ɛsɛl yar ab ɛs. Nawrɛ ɛm a, wanci na af, lɛgɔ na af, awl na af lele lakpo na af ab anake wɛl bɛbm ɛl sos wus nimum ec'agɔ sakp nyahan a ec'akp nyam ec'ibi ec'a.
- ¹⁶M'iri ɛl ec'ar ɛsɛl eke b'uyu gbɔɔkɔ af a eci nɛny a: -l'ij agɔ milion ɛkɔ lɛw.
- ¹⁷ɛtɔ kin eɛl eke m'ɛkan sigbɔɔkɔ a lele ɛl ec'af uyu ɛsɛl ab ab a: -l'ɛw ɛrkpo lowi ɛm sos. ɛrkpo a ebl ɛs ɛsɛ al af, ɛw ble eke iir ɛm ɛsɛ safir lebn af, ɛtɔ ow e mij a yeji anɔ ɛsɛ sika e mij ab af. Sigbɔɔkɔ a ec'ɛɔ a anɔ ɛsɛ sikukuma ec'ab af; ɛl e nɛnym a, al, mregbn lele mebn eke ler ab am ok ɔkm.
- ¹⁸Ów ɛɔɔ nyahan amua ek'el al, mregbn lele mebn eke ler ab ke anɔ sigbɔɔkɔ a e nɛnym am ok ɔkm a anake ibi wus ec'agɔ sakp nyahan a ec'akp nyam a.
- ¹⁹Tasi ɛm a, sigbɔɔkɔ a e lɛc a anɔ ɛl e nɛny a leɛ ɛl ec'ɛwl ab ab ɛm. ɛl ec'ɛwl a b'ot morɔn ɛs: -n'ɔny ɛɔ eke -li b'ot -n'am kokr agɔ low ɔɔɔ.
- ²⁰Sica agɔ a eke ów ɛɔɔ amua ibim ke anɔ a, itɔnm ɛs an ɛl ec'abu ɛm eci ɛkɔ ɛkpr eke -li kokr a e lís; -l'igɔm abɔ ɛɔɔ, sika ɛm sinyam, jɛtɛ efu ɛm eci, jawie ɛm eci, mebn ɛm eci lele ɛkɔ ɛm ec'a e nuɔ igɔ a -l'ɛlum ɛs; mob amua eke ɔtum ɛkɔm ɛs, irim ów, anm ɛs yej'a.
- ²¹-Li walm ɛl ec'agɔ ibi owi, ɛl e cam kok owi, ɛl eci nfaci ij lele ɛl e mil iy ab ab bɔbɔ yeji -l'ɛlum ɛs.

Ów eke Jan ɛkn ɛs ɛkn ɛm 10

Afr ɛrm ɛs a lele lɛl likekli ab ab

- ¹Ow e jam a, m'ɛkn afr ɛrm ɛs lɛc ɛs ɛjeci nyam eke anɔ afr am us ɛs. Jru wiwrm'n ab ɛtɔ nyamgodi iwr'r nuɔ af; in ec'any a anɔ ɛsɛ ligbn af ɛtɔ in ec'akr a anɔ ɛsɛ al ek'am iri inm afr ec'af.
- ²N'ɔnym lɛl likekli eke fig ab. L'oc in e lidr e lakr a l'ɛw okij af ɛtɔ l'ɛw nɛmn ec'a wus af.
- ³Li barm lebl tuɔtuɔ ɛm ɛsɛ eɛl eke kukuma bi barm ab af. ɛtɔ eke li barm l'ok ɛs a, nyambrany lɔbɔ a ɔdu eb babarm.
- ⁴M'erur eke mi ki nɔn ów a eke nyambrany a dad a, kɔ m'iri lebl nyam dad'm nine: «Òc nyambrany lɔbɔ a ec'ów a eke dad a ɛw ɛs sos ɛm; ki nɔn.»
- ⁵Sica afr ɛrm ɛs a eke m'ɛkn inym ɛs okij af lele wus af ab a, igbl lidr abu ɔgɔ,
- ⁶ɛtɔ ij nɛny Nyam ek'anɔ owr sɛgɔ fɛɔ ke kok afr, wus, okij lele ob fɛɔ ab a e nin ɛm. Li dad nine: «ɛmeny Nyam k'ow ekum ij!

⁷Kɔ wanci ab af eke lobɔ em ec'afɛ erm es a b'ow ob nuɔ am afl in e krokr a, yogɔ anake Nyam e low a eke lol es a b'ow iy neny esɛ elɛl eke li dad ow e low l'ok in eci juma kok esɛl ek'el kokoba ob esɛl ab af a.»

⁸Etɔ emeny lebl a eke anɔ afr ikɔ m'iri a, am dad'm esɛ: «Im oc lɛl likekli a eke fig anɔ afr erm es a ek'inym es okij af lele wus af ab a ec'abu em a.»

⁹M'im mi titm afr erm es a etɔ m'ibrm'n eke li k'oc lɛl likekli a n'ɔɔ'm. Li dad'm ninɛ: «Oc ij. Li b'ow li ded'ɔ nenym esɛ mow mun af, kɔ li b'ow li lol'ɔ lokm.»

¹⁰M'oc lɛl a afr erm es a ec'abu em etɔ m'ij. Nawrɛ, l'ew mremrɛ em e nenym a esɛ mow mun af, kɔ eke m'akɔ m'emn a, l'ew'm lolo lokm.

¹¹Etɔ sica wɛl dad'm ninɛ: «Ow it ke emeny im ob Nyam e kokoba ok agɔ, eb eb, ebr ebr, lele eb ebu fɛɔ ab.»

Ów eke Jan ekn es ekn em 11

Adaɔku yony a

¹Ow e jam a, wɛl ɔɔ'm likɔ sreɔ nyam eke wɛl b'oc bebmn ob, etɔ wɛl dad'm ninɛ: «Im bebmn Nyamel gbɛl a lele egb waw usu ab ab, ke áwl agɔ a eke b'igɔ Nyam nuɔ em yogɔ a yeji.

²Gbɛkɔ èw Nyamel gbɛl a e gbugɔ ab es, ki bebmn, anke wɛl oc ɔɔ Nyam any uwm esɛl eke b'ow uyu ob fɛɔ af ɔɔɔn eb lala ab em toɔ awl ekɔ yony miy yony.

³Etɔ mi b'ow m'erm em ec'adaɔku yony a sus niɔn mob ow. -Li b'ow -l'ob Nyam ec'amani a toɔ seɔɔ fandi seɔɔ ekɔ lew nyahan.»

⁴Adaɔku yony a el oliv ekɔ yony a lele mun al yony a ek'anɔ wus ec'Es Èw a ec'any af a.

⁵Ek'egɔ nyam am erur eke ki kok el low ɔɔɔ, al b'anɔ el e nenym a am ok okm tɛtul el ec'efnu a trɛ trɛ trɛ. Èɛ, ebɛn ek'egɔ fɛɔ eke b'ow ol el e low ɔɔɔ kok es a b'ow uw ana.

⁶Adaɔku amua ɔny abusu eke k'edɔn nyam eke k'an ɔpar wus es a, seɔɔ a nimum eke -n'am ob agɔ Nyam ec'amani a. -N'ɔny abusu eke -li k'itɔn mij el mebl, etɔ -n'ɔny abusu yej'eke -li k'ɔɔ abu eyr erɔ erɔ fɛɔ ów wus af, sakp abi a eke -li b'erur a.

⁷Gbɛkɔ ba -li b'uwar el ec'amani ob a, ndey a eke b'anɔ nɔmu croɔ gbɛl ab em ey okm a, b'ow ogɔ el ar, akm el es ke ibi el.

⁸El e sos meɔl ugɔn a b'ow anɔ eb gbɛl a ec'ejem araɔn a, yogɔ a eke wɛl ew el Ès Kɔtɔkɔ olikɔ af a. Nyandre em e nin eke wɛl b'esɔ eb a el Sodɔm oglog Ejipt.

⁹Agɔ agɔ a fɛɔ, eb eb a fɛɔ, ebr ebr a fɛɔ lele eb eb a fɛɔ ab ec'agɔ a b'ow lɛr el e sos meɔl ugɔn a toɔ seɔɔ nyahan lele likpr ab, etɔ k'ow erurm eke wɛl k'im ot el es.

¹⁰Wus ec'agɔ a sos em b'ow iɔn, el e luw a eci; -li b'ow -li kok sos em iɔn etɔ -li b'ow -l'aparir ob, anke Nyam e kokoba ob esɛl yony na ɔɔ el -l'ekn gbɛr nɔnɔ.

¹¹Gbəkɔ eke seŋ nyahan lele likpr ab ab ɛc a, Nyam fuf kokoba ɔb ɛsel yony a in ec'owr anŋ e sel a, ɛtŋ ow igbm ɛl. Ow ɔŋ agŋ a feŋ eke am ler ɛl a ɛrŋn ligbɛl ɔny.

¹²Kokoba ɔb ɛsel yony a iri lebl tuɔtuɔ nyam ek'anŋ afr am ikŋ dad ɛl ɛsɛ: «Ùyur owr aŋa!» ɛtŋ ɛl ec'efnu a feŋ ek'am ler ɛl a ec'any af, -l'uyu afr e jru ɛm.

¹³Wanci ab af ɛɛ, wus umu lɛc ɛm. ɛb a ec'ogog lɛw ɛm e nyam bubm ok ɛtŋ agŋ fandi lɔbŋ ɛŋn luw wus a ek'umu ab ɛm. Agŋ beb a ek'anŋ owr a ɛrŋn afŋn es toŋ ɛtŋ -n'am ɔŋ Nyam ek'anŋ afr a anygbɛl.

¹⁴Sica yony ɛm ec'abu ɛyr a ɛc ŋ. Gbəkɔ, ɛwr ɛrm! Ow k'ow ibnm ɛtŋ nyahan ɛm ec'a yeji b'ow ow.

Lɔbŋ ɛm e krɔkr a

¹⁵Lɔbŋ ɛm ec'afr ɛrm ɛs a afl in e krɔkr a. Ebl nɔnɔ anŋ afr am ikŋ lɛc ɛm dad ɛsɛ: «Sica wus eci ɛs ɛw a e low anŋ ɛy ɛs Kɔtɔkɔ lel in e Mesi ab ab ec'abu ɛm, ɛtŋ ɛs ɛw na b'ow anŋ seŋn feŋ!»

¹⁶Agŋ ekpekpr likŋ lele yar ab a ek'ɛŋn ɛŋn anŋ in e lekpn af Nyam ec'any af a, ok ɔwrɔkp wus ɛtŋ am igŋ'n nuŋ dad ɛsɛ:

¹⁷«ɛs Kɔtɔkɔ Nyam Abusu ɛs, ŋ eke anŋ yeŋɛnyna ke anŋ god'ɛtŋ a, s'am ɛlu'ŋ bia eke oc ŋ ec'abusu ligbɛl ab ɛm sigm ŋ ec'es ɛw ab ɛs a.

¹⁸ɛb ɛb ec'agŋ a feŋ ebl ɛrm, kɔ sica ŋ ec'erm bebl a anake am ɛy ɔkm a. Wanci a eke ki jej agŋ ek'uw a e low ok ab ana. ɔ eci juma kok ɛsel ek'el kokoba ɔb ɛsel eci wanci a eke k'ɛŋn ɛl ec'ob ap a anake ow a. Agŋ a feŋ, ɛy lele ɛgbɛl ab ek'el ŋ eci ke b'ɛlum'ŋ ɔmn ɛm a, yeji b'ow ɛŋn ɛl eci. Wanci a eke b'ow ŋuŋn agŋ a eke bi ŋuŋn wus ab ana.»

¹⁹Sica Nyamel gbɛl a ek'anŋ afr a fig, ɛtŋ sinm araka a ɛy ɔkm. Afr am ŋɛŋn, nyamgbrany am babarm, wus am umu ɛtŋ nyamok am an ok wus.

Ów eke Jan ɛkn es ɛkn ɛm 12

Yɔw a lele tamranji ab ab

¹Ca ɛmeny meny ɛwr ligbɛl nyam ɛy ɔkm afr: ow el yɔw nyam eke ligbn iwɛr ɛlul ɛm ɛsɛ mob sus ɛm af, ke awl anŋ in ec'akr ɛw a. L'us ɛs ɛw e tufe eke mílél lɛw yony anŋ af.

²Lok usu'r bebmn iy ɛw ab, ɛtŋ iy a eke am ɔny'n a am ɔŋ'n li babarm.

³ɛmeny meny ɛwr ejeci nyam ɛy ɔkm afr: ow el tamranji nyam eke ebl ɛs kondonŋ ke ɛli ɛŋ lɔbŋ lele ɔɔwr lɛw ab. Nuŋ nyam nyam feŋ af a, ɛs ɛw e tufe anŋ.

⁴In e luwl ab ɛm, li papl afr e mílél sakp nyahan eci akp nyam ɛm a es l'ok wus. ɛtŋ l'igb l'ow n'inym ɛs l'ɔbr yɔw a ek'iy am ɔny'n ab any, ba ow b'ew iy a ke kpekŋ n'ɔny n'ɛmn.

⁵Yɔw a ɛw iy igŋ nyam eke b'ow ɛw ɛbr ɛbr feŋ ɛs abusu ligbɛl ɛm. ɛtŋ kpekŋ wɛl oc iy a im ɛw ɛs Nyam lele in ec'atufu lekpn ab ab e saw.

⁶Ko yow a gbɛ, l'uru es n'im loj, yogɲ a eke Nyam kok usu nyam ew'r es, eke wɛl k'ɔɲ'n ob l'ij toɲ sɛɲɲ fandi sɛɲɲ ekɲ lɛw nyahan a.

⁷Etɲ mum ey afr yogɲ; Mikael lele in ec'afr erm esɛl ab ab ogɲ mum tamranji a lele in ec'afr erm esɛl ab ab.

⁸Ko tamranji a eb ɛs; ow ɔɲ in lel in ec'erm esɛl ab ab -n'ɔnym abusu eke -li k'anɲ afr yogɲ ij.

⁹Wɛl ɔny tamranji a ɔwl gbɛɲ. In anake lɛɲɲ sig ab ɛm l'el lorɲn a eke wɛl b'ɛsɲ agn oglog Satan, ke b'ɛju wus nimum ec'agn a. Wɛl ɔny ɔwl'l wus in lel in ec'erm esɛl ab ab.

¹⁰Etɲ afr m'iri lebl nyam barm tuɔtuɔ etɲ am dad ɛsɛ: «Sica es eb ɛlu eci lɛɲɲ a ow ɲ! Ey e Nyam a ɛlu in ec'abusu a lele es ew ab ab ɔkm! Sica es ew a anɲ in e Mesi a abu ɛm, aɲke wɛl ɔny ey lisijimɛl a ec'ɛɲɲ a eke b'ok ɛl ów af a ɔwl gbɛɲ. Ncok lele lɛɲɲ owr ab li b'ok wɛl ów af ey e Nyam a ec'any af.

¹¹Gbɛko ey lisijimɛl a akm'n es licebli a e mebl ab ɛm lel ow e danɲku a eke -l'ijr ab ɛm, aɲke -l'erurm ɛl ec'owr anɲ a toɲ -l'urum luw bɔbɔ yeji.

¹²Ow sosiem a, afr lele ɔny eke iir ɛm ab ab, kòkr sos ɛm iɲn! Gbɛko wus lel okij ab, gbɛɛ ɛl ɔny eci! Agn us es ow ɛɲn ɔny, erm bebl iy'r ɛm gbɔɲ, aɲke l'uw any eke sɛɲɲ tɛl ɛɛ anɲ'n.»

¹³Eke tamranji a b'ɛkn eke wɛl ɔny ɔwl'l wus a, l'igb n'am ogɲ yow a eke ew iy igɲ ab es.

¹⁴Gbɛko yow a ɛɲn káká ligbel nyam ec'ow yony eke li k'oc ke l'igb toɲ l'ók usu a eke wɛl kok ew'r es loj a, yec'etɲ ke li kpáb es lorɲn a e lís, ke yogɲ wɛl ɔɲ'n ob l'ij toɲ akpo nyahan lele likpr ab.

¹⁵Etɲ lorɲn a am ɛgbl mij ok es ɛsɛ mij ewl mij gbɛl af, yec'etɲ ke ow ɛb yow a.

¹⁶Gbɛko wus ow ɛlum yow a abu: l'ɔdu mij bubute a eke tamranji a ɛgbl ok es a fɛɲ l'eb.

¹⁷Sica tamranji a erm am ebl nɔnɔ yow a e lís, etɲ n'im n'am ogɲ mum yow a ec'ey likpr ab ab, ɛl a eke b'ɛlum Nyam e sol a ke b'ucu low nenyembri nyam eke Jesu ɛlu ɔkm a ɔny es a.

¹⁸Etɲ tamranji a ec inym es okij neny e sɛc ab af.

Ów eke Jan ɛkn es ɛkn ɛm 13

Ndey a ek'anɲ okij ɛm ey ɔkm a

¹Ow e jam a, m'ɛkn ndey nyam anɲ okij ɛm ey ɔkm. L'ɛli ɔcɔwr lɛw lele ɛɲ lɔbɲ ab; in e licɔwr fɛɲ af a, es ew e tufɛ anɲ; etɲ in e nuɲ fɛɲ af a, nin eke bi wɛwr Nyam anɲ.

²Ndey a eke m'ekn a ot fabn es, in ec'akr a ew egbel ese urs ec'ab af, etj in e neny a anj ese kukuma ec'ab af. Tamranji a afl in e lec a, in ec'es ew a lele in ec'abusu ony ab ab es on'n.

³Ndey a ec'ej a e nyam ob kok ese ek'ow'n k'uw af, gbeko ob a eke kok'r luw ec'a as. Ow on wus nimum erur ow e low etj am us ndey a jam.

⁴Etj agj a fej am igj tamranji a nuj, anke ow afl abusu es on ndey a. Etj emeny el a ce, -n'am igj ndey a yeji nuj -li dad -l'ese: «Bwo ec'egj ot ndey ab es etj bwo otu eke k'akm'n es ee?»

⁵Etj ndey a ejn abusu eke ki dad es efu lele egj wewr e sodad ab ok Nyam af; n'ejn abusu eke li ki kok low toj awl ekj yony miy yony.

⁶Etj ndey a am wewr Nyam; n'am dad ow e nin, ow ec'eb ir usu a lele agj a ek'ir afr ab ab ec'odad nj.

⁷Abusu eru'r es eke li k'ogj Nyam ec'agj a ar ke l'akm wel es; n'ejn abusu a eb eb fej af, agj agj fej af, ebr ebr fej af lele eb eb fej af ab.

⁸Wus nimum ec'agj a b'ow igj'n nuj, agj a eke wus e kok em etj el ec'en a anm sel ejn e lel ab em a. Sel ejn e lel na, licebli a eke wel wawr egb a eci.

⁹Ke egj ek'eli cru a iri senyn senyn!

¹⁰Egj eke in ec'a ow el eke wel k'onj elu'l sobel em a, wel b'ow onj elu'l sobel em; egj eke in ec'a ow el lab ler em em, li k'uw a, lab ler em em li b'ow luw. Na sosiem anake agj a ek'el Nyam ec'a it eke k'onj erm susu lele onn ab a.

Ndey ek'anj wus em ey okm

¹¹Etj m'ekn ndey ejeci nyam ek'anj wus em ey okm. L'eli ocowr yony ese liceb ec'ab af etj n'am dad odad ese tamranji af.

¹²Ndey na onj abusu ese krekre ec'a ek'anj okij em ey okm ab af, etj n'am kok juma ow e nin em. N'am onj wus nimum lel in ec'agj a fej ab lec em igj krekre eci ndey a nuj, ndey a eke ob kok nuj ese ek'ow'n k'uw af ke ow as a.

¹³Ndey na ek'anj wus em ey okm a, am kok meny ewr egbel; n'am on al bobo yeji anj afr ok wus agj a pupukpanj ec'any af.

¹⁴Etj n'am irmn wus ec'agj a, meny ewr a eke n'am otu li kok krekre eci ndey a eci nin em a. N'am eju agj eke k'aku likj egj nyam, krekre eci ndey a e sos usr eci, ndey a eke lab kok ob nuj ese ek'ow'n k'uw af, ke ewl meny anj owr a.

¹⁵Etj yony em eci ndey a ejn abusu eke k'onj ndey krekre a eci likj egj a sel, yec'etj ke likj egj a otu dad odad ke onj wel ibi agj a fej eke egjm igjm'n nuj a.

¹⁶N'onj agj a fej, ey lele egbel ab, egbrengbi lele ogboru ab, ewi lele madu ab lec em eke k'ew meny ewr nyam lidr abu af oglog anyaf.

¹⁷Ow ɔŋ ɛtɛ ɛgɛ fɛŋ eke mɛny ɛwr anm af a ɔtum eke k'ɔl ob oglog ɛw ob an; mɛny ɛwr a el ndey a e nin oglog ob awl e mɔni ek'el nin a ec'a.

¹⁸Aŋa anake ow am ibrm eke ɛgɛ k'ɔny sɛwr a. ɛtɛ ɛgɛ yec'eke ɔny nuŋ ɛm ɔny a ɔtu eke k'uw ndey a e mɔni a ec'abi a eke k'ij a e nyandre ab any, aŋke ow el ɛgɛ e nin. Ob awl e mɔni a el ekɛ yen yen sakp nohon ekɛ nyahan miy nohon.

Ów eke Jan ɛkn es ɛkn ɛm 14

Licɛbli a lele agɛ fandi ekɛ lɔbɛ miy yar a eke wɛl ɔl a

¹Mi bi ler ɛtɛ m'ɛkn licɛbli a eke inym es Sion e lafɛny ab af, in lele agɛ fandi ekɛ lɔbɛ miy yar eke wɛl nɔn in e nin a lele ɛs ec'ab ab ɛw anyafɛ a.

²M'iri lebl nyam ek'anɛ afr am ow, ke am ikɛ ɛsɛ okij e mra af, oglog ɛsɛ nyamgbrany ligbel ec'ikɛ ab af. Lebl a eke m'iri a anɛ ɛsɛ sanɔgo ɔny ɛsɛl e mob a eke b'ɔny ab af.

³Agɛ amua fɛŋ am ɛgɛ ɛj owr nyam atufu lekpn a, mindey yar a lele agɛ ekpekɛ ab ab ec'any af. ɛgɛ kaka ɔtum eke ki wewr ɛj a, eke ow elm agɛ fandi ekɛ lɔbɛ miy yar a eke el wus aŋa ec'agɛ a eke wɛl ɔl a cɛ.

⁴Agɛ amua kokm sikpl owi ɔyɔw ab, -l'ayl. -Li b'us licɛbli a jam usu fɛŋ eke ow b'im a. Wɛl ɔl el agɛ ec'araŋn eke -li k'el agɛ krekrɛ eke wɛl k'oc ap Nyam lele licɛbli ab ab.

⁵Lɛgɛ kaka -n'ɔnym yadɛ; -li kokm sikpl kaka.

Afr ɛrm ɛsɛl nyahan a ec'amani a

⁶ɛtɛ m'ɛkn afr ɛrm ɛs ɛjɛci nyam ek'am igb afr kpon ɛm a ɛc. N'ɔnym Amani Mamn a ek'ɔnym uwr ab ab eke li k'ɔb l'ok wus nimum, ɛb ɛb fɛŋ ec'agɛ, ɛb ɛb fɛŋ, ɛbr ɛbr fɛŋ lele agɛ agɛ fɛŋ ab.

⁷N'am dad lebl gege l'ɛsɛ: «Èlumn Nyam ke ɔŋn in anygbɛl! Aŋke wanci ow eke li b'ow li jɛj wus nimum e low l'ok. Igɛn ɛgɛ a eke kok afr, wus, okij lele mij ewl mij fɛŋ ab a nuŋ!»

⁸Yony ɛm ec'afr ɛrm ɛs a anɛ krekrɛ ec'a e jam ow, ɛtɛ am dad ɛsɛ: «Babilɔn ɛb gbɛl a ɛy wus! L'el ɛb a eke ɛju ɛb ɛb a fɛŋ ɛgɛ in e mar a eke b'ɔŋ ɛgɛ ij nfaci, ke b'ɔŋ ɛgɛ im ɛy Nyam ec'erm bebl ab ɛm a.»

⁹Nyahan ɛm ec'afr ɛrm ɛs a anɛ yony a e jam ow, ɛtɛ am dad lebl gege ɛsɛ: «Eke ɛgɛ nyam am igɛ ndey a lele in e likɛ ɛgɛ ab ab nuŋ, ɛtɛ n'ɛŋn ow eci mɛny ɛwr a anyafɛ lele abu af ab,

¹⁰in yeji, li b'ow l'ɛgɛ mar a eke b'ɔŋ ɛgɛ im ɛy Nyam ec'erm bebl ab ɛm a. Mar na b'ow ɛw tuɔtuɔ ɛtɛ Nyam b'ow ɛtm ok in ec'erm bebl a e kpɔk ab ɛm. Agɛ amua b'ow ij gbɛ nɔnɔ al ɛm lele mebn eke ler ec'al ab ɛm, afr ɛrm ɛsɛl lala lele licɛbli ab ab ec'any af.

11Al a eci mregbn a eke am ɔŋ ɛl -l'ij gbre nɔnɔ a, am uyu afr akpo akpo fɛŋ eci. Agɛ amua eke am igɛ ndey a lele in e likɛ ɛgɛ ab ab nuɛ, ke ɛŋ in e nin a e meny ɛwr a ɔnym sel eb ncok lele lɛgɛ owr ab.»

12Na sosiem anake agɛ a ek'el Nyam eci, b'elum in e sol a, ke ɔny ɔmn Jesu em a k'ony erm susu a.

13Ɛtɛ m'iri lebl nyam ek'anɛ afr am dad'm ɛsɛ: «Nɔn odad na: ehe ɛl agɛ a eke caca em am uw Ɛs Kɔtɔkɔ e juma kok em a eci! Ɛɛ, Abɛ am dad eke agɛ amua in anɛ ehe em. Sica wɛ'n ɔtu eke wɛ'n k'eb sel juma a fɛŋ eke wɛ'n kok a eci, aɛke wɛl eci juma a e liy a in am us wɛl jam.»

Wus aɛa ec'egb ub owi

14Ow e jam a, mi bi lɛr ɛtɛ m'ɛkn jru ufu nyam. Jru ab af, ob nyam ek'anɛ ɛsɛ ɛgɛ af sig es. In e nuɛ af a sika tufe anɛ ɛtɛ egb ubr lab fufu kɔnɔ nyam anɛ'n abu em.

15Ɛmeny m'ɛkn afr erm ɛs ɛjɛci nyam ek'anɛ Nyamel ab em ɛy ɔkm ke barm lebl tuɔtuɔ em am dad in a eke sig es jru ab af a ɛsɛ: «Òc ɛ ec'egb ubr lab a ke úb gɔɛ, aɛke wus eci egb a ek'ebɛ ub ec'a e wanci ow.»

16Ɛtɛ ɛgɛ a eke sig es jru ab af a oc in ec'egb ubr lab a ɛtɛ l'ɛw abu l'ub wus nimum ec'egb a.

17Ɛmeny afr erm ɛs ɛjɛci nyam anɛ afr e Nyamel gbɛl ab em ɛy ɔkm; in yeji, n'onym egb ubr lab fufu kɔnɔ nyam ab.

18Ɛtɛ emeny afr erm ɛs ɛjɛci nyam eke ɛw al es a anɛ egb waw usu a ɛy ɔkm. Li barm lɛc em n'am dad yec'a ek'onym egb ubr lab fufu ab ab a l'ɛsɛ: «Òc ɛ e lab fufu a ke úb wus e viny egbekɛ a, aɛke in ec'ey a ebl.»

19Afr erm ɛs a oc in ec'egb ubr lab a ɛtɛ ɛw abu ub wus e viny egbekɛ a ɛtɛ ot ok ɛl es ifir ob gbɛl ab em eke -li k'ɛkn Nyam ec'erm bebl a.

20Wɛl ifi viny ey ab es es ifir ob ab em baɛn a e jam a; ɛtɛ es ifir ob ab em mebl nɔnɔ ewl ok ɔkm. Mebl a ewl tɔŋ im igɛ kilo ɛkɛ yen yen sakp nyahan, ɛtɛ uyu tɔŋ ok sigbaɛkɔ a e nɛnɛkp a e neny neny.

Ów eke Jan ɛkn es ɛkn em 15

Es abal el em ec'abu ɛyr lɔbɛ a e meny ɛwr

1Ɛtɛ afr m'ɛkn meny ɛwr ligbɛl ɛjɛci nyam eke in e low am iti'm any: afrerm ɛsɛl lɔbɛ eke ɔnym es abal el em ec'abu ɛyr lɔbɛ ab, eke ɛl em Nyam ec'erm bebl a b'ow ɛdɛ nuɛ a.

2Ɛtɛ m'ɛkn okij eke ayl tɔŋ am ɛkan es, ke al wuwlm ab. Agɛ a fɛŋ eke eb any ndey a, in e likɛ ɛgɛ a lele in e nin a e mɔni a ec'abi a eke k'ij ab af a, inym es afr okij na eke ayl tɔŋ am ɛkan es ab af. Ɛtɛ -n'onym sisango a eke Nyam ɔŋ ɛl ab ab.

³-N'am eḡ Nyam e juma kok es Mois lele licɛbli ab ab ec'ej a: «Es Kɔtɔko Nyam Abusu Es, eɛen eke η e sijuma a agb ke akpl ana! Eb eb ec'Eb Ebu, eɛen eke η ec'ow a eke bebɛm ok es a el nyim nyim ke el nawre ana!

⁴Es Kɔtɔko, bwo ec'eḡ tasi ɔtu eke k'eluum'η ee? Bwo ec'eḡ ɔtu eke ki kɔklam'η ee? D sɔny coco el lala. Eb eb a fɛη b'ow igη'η nuη, aηke η ec'ow nyim nyim a ok ɔkm kpata -l'ekn.»

⁵Ow e jam a, afr, m'ekn Nyamel gbɛl a fig. Em yogη Nyam eci sinm a eci gbɛd em êl a anη.

⁶Afr erm esɛl lɔbη a ek'ɔnym abu eyr lɔbη ab ab a anη Nyamel ab em ok ɔkm. -Li sus mob eke ufu pum pum pum ke am jɛjn, etη -l'ucu ɔhɔny eke wɛl kok sika mij em er em.

⁷Mindey yar ab em eci nyam ɔη afr erm esɛl lɔbη a sika em kpɔk lɔbη. Em yogη, Nyam ek'anη god'etη a ec'erm bebl a iy em gbɔη.

⁸Mregbn iy Nyamel ab em gbɔη; ow el Nyam ec'anygbɛl a lele in ec'abusu ab ab. Ow ɔη eḡ kaka k'ɔtum eym Nyamel ab em, eke afr erm esɛl lɔbη a eci abu eyr owi a eke ot ow a e low k'iym neny.

Ów eke Jan ekn es ekn em 16

Nyam ec'erm bebl e kpɔk lɔbη a

¹Ow e jam a, m'iri lebl ligbɛl nyam anη Nyamel gbɛl ab em am ikη dad afr erm esɛl lɔbη a esɛ: «Ìmn wus ke éwal Nyam ec'erm bebl a ek'anη kpɔk lɔbη ab em a es!»

²Krekre ec'afr erm es a im etη ewl in e kpɔk ab em ec'a es ok wus af, etη abi egbɛl eke bi dudu a ok agη a eke ndey a e mɛny ewr anη af, ke b'igη in e likη eḡ a nuη a.

³Yony em ec'afr erm es a im etη ewl in e kpɔk ab em ec'a es ok okij em. Mij a itηn anη esɛ læḡuw e mebl ab af, etη ob fɛη ek'anη owr okij em a uw.

⁴Nyahan em ec'afr erm es a im etη ewl in e kpɔk ab em ec'a es ok simij ewl mij lele mij eη em ab, etη simij a titηn el mebl.

⁵Etη m'iri afr erm es a ek'ew mij es a am dad esɛ: «D ek'anη yɛfenyna ke anη god'etη, η ek'el lala a, eke ow el nene anake jɛj ok a, ke el jɛj ok es nyim nyim.

⁶Tasi em a, agη amua ibi agη lala a ek'el η ec'a lele kokoba ɔb esɛl ab ab ok mebl es, etη sica el yeji ɔη el mebl -l'egη. Ow ek'it el ec'ab ana!»

⁷Etη m'iri lebl nyam anη egb waw usu a am ikη dad esɛ: «Eɛ, Es Kɔtɔko Nyam Abusu Es, η e jɛj ok fɛη el nawre lele nyim nyim ab!»

⁸Yar em ec'afr erm es a ewl in e kpɔk ab em ec'a es ok ligbn af, etη ligbn eηn abusu eke ki kakη wus ec'agη a in ec'al ab em.

⁹Agη al am kakη sos, etη -n'am wewr Nyam a ek'ɔny abusu abu eyr amua af a e nin a. Gbɛko -l'egηm eke -li k'itηn erm em bake -n'ɔη ow any.

- ¹⁰Yen em ec'afr erm es a ewl in e kpok ab em ec'a es ok ndey a ec'atufu lekpn ab af, etj in ec'es ew a ey ncebn em. Agj a fej am akjn anm gbre eke -n'am ij a eci.
- ¹¹-N'am wewr afr e Nyam a el e gbre e -n'am ij lele abi ab ab sosiem. Gbeko -l'igjm el ec'ow enj a -l'okm es.
- ¹²Nohon em ec'afr erm es a ewl in e kpok ab em ec'a es ok mij ligbel a eke wel b'esj Efrat ab em. Mij a mam es etj ew eb ebu a eke b'anj yogj a eke ligbn b'igb a ejagb es ow.
- ¹³Tamranji a, ndey a lele kokoba ob es yadju ab ab e nenym a, m'ekn abj enj nyahan ek'anj ese betibom af am ok okm.
- ¹⁴-L'el abj enj eke bi kok simeny ewr. -N'aam -n'ejn wus ec'eb ebu a fej, yec'etj ke -l'as wel luku Nyam Abusu Es e legj ligbel a e mum ogj a eci.
- ¹⁵Es Kotoko dad nine: «Kin, m'am ow ese ulu af. Ehe el egj yec'a eke anj any owr ke sus mob am eku, yec'etj ke li k'iim sos ofr agj eknm in ec'es a eci!»
- ¹⁶Abj enj a as eb ebu a luku usu nyam eke Ebre em a wel b'esj Armagedon.
- ¹⁷Lobj em ec'afr erm es a ewl in e kpok ab em ec'a es ok lef em. Lebl nyam anj Nyamel ab em barm tuotuo; ow el lebl ek'anj atufu lekpn a ogj am ow. Etj lebl a dad nine: «Sica ow uwr h!»
- ¹⁸Etj eben a, afr am nejn, nyambrany am babarm etj wus am umu. Wus ec'umu ikj a, legj a etj eke agj anj wus a, -l'eknm eben.
- ¹⁹Bajn gbél a ufj es ok sakp nyahan etj eb eb a e bajn bajn a fej bubm ok. Nyam ijlm Babilon gbél ab es; n'oj eke ow k'egj mar kpok gbój a ek'el in ec'erm bebl ligbel a.
- ²⁰Lekr a fej irm etj wel eknm mafeny ij.
- ²¹Etj nyamok eku eku anj afr am an ok agj af; etj agj am wewr Nyam, nyamok na sosiem, anke ow el ob eke ony lec nono.

Ów eke Jan ekn es ekn em 17

Facyow gbél

- ¹Etj afr erm esel lobj a ek'onym kpok lobj ab a eci nyam ow dad'm nine: «Ów, mi b'ow mi yegm'j abu eyr a eke Nyam b'ow oj facyow gbél a eke inym es simij ewl mij nono e neny a.
- ²Wus na eci eb ebu a ij nfaci in ab, etj agj a eke ir wus na af a egj in eci nfaci owi a e mar am ony.»
- ³Abj em a, afr erm es a oc'm im loj. Yogj, m'ekn yow nyam eke sig es ndey ebl kondonj af. Nyam eci wewr ec'en eb ndey a e sos a fej; etj l'eli ej lobj lele ocowr lew ab.

⁴Yow a ok gbad ebl mamn, l'ok sika em miyob nono, mebn amamn em e miyob lele ayre em e miyob ab. N'onym sika em kpok ab. Em yogh, in eci nfaci ij a eci kpoto owi a feh iy em gbog.

⁵In ec'anyafr a, wel non nin eke ow eci nyandre a lol es: "Babilon gbɛl, afacyow lele wus na nimum ab eci musue owi feh ec'el lis."

⁶M'ekn yow a eke Nyam ec'agɛ a lele agɛ a ek'ij Jesu eci danke ke wel ibi a eci mebl am ec any. Mi b'ekn'n a, low eb'm sos.

⁷Etɛ afr erm es a dad'm nine: «Ko bla sosome etɛ ow am iti'ɛ any ee? Mi b'ow m'elu yow a eke sig es ndey ab af a lele ndey na eke eli eɛ lobɛ lele ocowr lew ab a e low eke lol es em a okm mi yegm'ɛ.

⁸Ndey a eke ekn a, legɛ ek'ec ab em a, wel ekn'n n'anɛ owr, etɛ yefenyina n'anm owr ij. Gbeko li b'ow n'anɛ nomu cron gbɛl ab em l'ey okm n'im in eci nɛɛ eci. Etɛ wus na ec'agɛ a eke wus eci nuɛ ob em etɛ wel nonm el ec'en sel eɛn e lel ab em a, low b'ow iti any ndey a ec'ekn em, anke legɛ ek'ec a, n'anɛ owr, etɛ yefenyina n'anm owr ij, ko li b'ow l'ew l'ow.

⁹Sica wel ony nuɛ em ony lele sewr ab gog! Eɛ lobɛ a el egigl lobɛ eke yow a sig es af a; ow el eb'ebu lobɛ yeji:

¹⁰el em eci yen ok wus, nyam ew usu es, lobɛ em ec'a k'owm. Legɛ eke li b'ow l'ow a, ow b'ow el legɛ tel ce eci.

¹¹Ndey ebl kondog a eke legɛ ek'ec ab em anɛ owr, ke yefenyina anm owr ij a, in obi em a, l'el niwn em ec'eb'ebu; etɛ ese lobɛ ab af, in yeji n'aam in ec'ibi eci.

¹²Ocowr lew a eke ekn a el eb'ebu lew eke k'obm nuɛ k'ewm usu es; gbeko ndey ab ab -li b'ow -n'eɛn abusu -l'ew usu es wanci nyam eci.

¹³eb'ebu lew amua eci tutr a okr af; tutr a el ke -l'ot el e lec a lele el ec'abusu ab ab -l'elu ndey a e lis e low kok em.

¹⁴-Li b'ow -l'ogɛ licebli a ar, gbeko licebli a b'ow akm el es, anke l'el kotoko em e Kotoko lele eb'ebu feh em ec'Eb Ebu ab; etɛ in ec'agɛ neny nyam esel a eke li sosome l'ot ke l'esɛ ab ab, -li b'ow -l'akm wel es.»

¹⁵Emeny afr erm es a dad'm nine: «Simij a eke ekn yogh a eke facyow a sig es a el agɛ agɛ, bieku bieku, eb eb lele ebr ebr ab.

¹⁶Ocowr lew a eke ekn a lele ndey ab ab b'ow ony facyow a eci sifn: -li b'ow -l'eb ow ec'ob feh eke ow ony a, -n'ogɛ ow anɛ sos ofr. -Li b'ow -l'ot ow eci megl a feh -l'ij ke -l'ofɛ ow eci likpr a,

¹⁷anke Nyam og eke el ec'erm ab em, -li ki kok low yec'a eke Nyam am erur a. Neny b'ow okr el af -l'oc el ec'es ew eci abusu a -li kok ndey a e lis e low tog ke Nyam eci sodad a feh iy neny.

¹⁸Ca yow a eke ekn a el eb gbɛl a eke ew wus na nimum eci eb'ebu a feh es a.»

Ów eke Jan ɛkn es ɛkn ɛm 18

Babilɔn eci wus ɛy

- ¹Na b'ec a, m'ekn afr ɛrm ɛs ejeci nyam ek'anɲ afr am us es. N'ɔny abusu ligbɛl nyam, ɛtɲ in ec'anygbɛl a ayal wus na nimum.
- ²L'ɛlu lebl tuɔtuɔ li dad nine: «L'ɛy wus, Babilɔn gbɛl a ɛy wus! Sica ow el abɲ ɛɲɲ ɛɲ ɛɲ a ec'usu ek'ir, ɛl ec'es lɔl usu; aɲa anake ɔr ɛɲ ɛɲ lele mindey ek'aylm ke wɛl b'ifn ab ir a.
- ³Eb ɛb a fɛɲ ec'agɲ a ɛɲɲ in eci mar a eke b'ɔɲ ɛɲɲ ij nfaci, ke b'ɔɲ ɛɲɲ im ɛy Nyam ec'ɛrm bebl ab ɛm a. Wus na eci ɛb ɛbu a igɲ'n af -l'ok nfaci ij owi ab ɛm, ɛtɲ wus na eci ɔn ɔlu a el egbreɲgbi in ec'ob eke n'ɔny afɲn es a sosiem.»
- ⁴ɛtɲ ɛmeny m'iri lebl ejeci nyam ek'anɲ afr am ikɲ ow dad ɛsɛ: «ɛm ec'agɲ, òkr ɔkm ɛb ab ɛm yec'ɛtɲ ke k'ánmn in e sikpl a e low ɛm, in eci abu ɛyr ɛgbɛl a eke b'ow ɛɲn'n a k'ɛɲnm ɔny.
- ⁵Tasi ɛm a, in eci sikpl a tatakɲ toɲ im ok afr, ɛtɲ Nyam ijlm in ec'ów ɛnyembri yony yony owi amua es.
- ⁶Kòkr ɛb a low ɛsɛ eled eke li kokr agɲ ejec'ab af. Low yec'a eke li kok a, in yeji kòkr ir ow eci sakp yony. Mij kpɔk a eke li bi wuwlm mar tuɔtuɔ ab n'ɔɲ agɲ ɛɲɲ a, in yeji mar eke ɛw tuɔtuɔ a, wùwlmn ow eci ɔtu sakp yony ab ɔɲn in l'ɛɲɲ.
- ⁷Anygbɛl owi a eke li kok lele ɛb sɛnyn a eke l'ij ab ab a, ɔwar ow eci dudu a lele ow eci gbɛr ab ab eke bɛbm ab a ɔɲn in. Li bi dadr in ɛm l'ɛsɛ: “M'ir aɲa ɛsɛ ɛb ɛb yɔw af, m'ɛlm iɲnyɔw ɛtɲ lɛɲɲ kaka mi k'ow m'eknm niɲn owi.”
- ⁸Low na sosiem anake gbɛr owi a fɛɲ eke wɛl bɛbm ɛw'r es a b'ow ɛɲn'n a: ɔl ek'el luw eci, niɲn owi lele lek ab. Lɛɲɲ nyam coco af fɛɲ b'ow ɛɲn'n ɛtɲ wɛl b'ow ɛtul il. Tasi ɛm a, ɛs Kɔtɔkɔ eke jɛj in e low a ok a ij lɛc nɔnɔ.»
- ⁹Eke wus eci ɛb ɛbu a eke in ab kok nfaci owi ke ir ɛb mɛwl ɛm a b'ow ɛkn ɛb a ek'ɛtu a eci mregbn a, -li b'ow -l'ikɲ ɔɲn -li kok sɔɲɲ.
- ¹⁰Ke in eci gbɛr owi a k'ɛɲnm ɛl a, -li b'ow -li kpab ow es lís -n'im akpoj ke -n'am dad -l'ɛsɛ: «Bogɲ e gbɛr ana ee? Oy Babilɔn! ɛb gbɛl ek'ij lɛc! Wanci liy nyam af cɛ anake wɛl ɔb'ɲ low a.»
- ¹¹Wus na ec'án ɔlu a yeji am ikɲ ɔɲn ɛtɲ am kok in eci sɔɲɲ aɲke sica wɛl ɔlm ɛl ec'an ob a ij:
- ¹²sika, jete ufu, mebn amamn lele ayɛ ab; gbad fuɛfuɛ, gbad ebl amamn, gbad frɛfrɛ; ekɲ sɲɔsɲɔ ɛɲɲ ɛɲɲ a fɛɲ, ɛyr nɛn ɛm ec'ob fɛɲ eke wɛl kok, ekɲ ek'il an, jawie, lowi oglog lebn mamn;
- ¹³ekɲ sel sɲɔsɲɔ lele mob sɔsɲn mob ejec'ab, mijey, kpɛy lele ogɲ ab; mar, mun, ble mpupu lele miy ab; sed, mɛcɛb, sigbanɲkɔ lele ow eci mɛtɲ ab toɲ agɲ eci sos megl lele ow eci liy bɔbɔ yej'ab.

14Wél am dad esé: «Mob mob a fəŋ ek'am erur a anm ŋ ogŋ a ij, ŋ ec'ob ɔny fəŋ lele ŋ ec'eb ij senyn ab ab irm; ləŋŋ kaka wél k'ow eŋnm el ij!»

15Án ɔlu a eke ɔl an eb ab em ke ɔny ob a, -li b'ow -n'inym es akpoj, eb a eci gbre owi eke k'eŋn el a sosiem. -Li b'ow -l'ikŋ ɔŋn -li kok sɔŋŋ,

16-li dad -l'esé: «Kɔ bogŋ eci gbre anake eŋn eb gbél na ab ee? L'ew ob fuɛfuɛ sos, gbad ebl amamn, l'ok sika em miyob, mebn amamn em e miyob lele ayre em e miyob ab.

17Etŋ wanci liy nyam af cɛ anake mob amua fəŋ irm a!» Simijetŋ a eci idr esel a, agŋ a ek'us mij el ab a, em yogŋ eci juma kok esel a, agŋ a fəŋ eke b'eŋn ob ij mij af yogŋ a b'ow inym es akpoj.

18Eke -l'ekan eb a ek'am etu a eci mregbn a, -li b'ow -l'elu lebl -li dad -l'esé: «Eb kaka anm eke agb ot eb na es!»

19-N'am ok siflefl nuŋ, -n'am ikŋ ɔŋn -li kok sɔŋŋ etŋ -n'am elu lebl -li dad -l'esé: «Kɔ bogŋ eci gbre anake eŋn eb gbél na ab ee? In ec'ob ɔny ab em anake agŋ a fəŋ eke ɔny simijetŋ okij na af a el egbreŋgbi a. Etŋ wanci liy nyam af cɛ anake amua fəŋ irm a!»

20Afr, sos em íŋn'ŋ Babilɔn eci wus eke er ok a eci! Nyam ec'agŋ, erm esel lele kokoba ɔb esel ab, sos em íŋn ɔny aŋke Nyam jej ok'r low ŋuŋ a eke li kok ɔny a eci!

21Etŋ afr erm es nyam ek'ony læc a oc ma ɔlul lob legleg nyam ɔwl okij em etŋ am dad esé: «Eben eke wél b'ow oc Babilɔn eb gbél a ɔwl læc em ana, etŋ ləŋŋ kaka wél k'ow eknm'n ij.

22Ləŋŋ kaka ŋ ogŋ a wél k'ow irim saŋgo ɔny esel ec'ej, ej eŋŋ esel, kete afl esel, krɔkr afl esel e lebl ij. Wél k'ow eŋnm mɛwl es kaka fəŋ ij; wél k'ow irim ob iny usu eci likekr ij.

23Mun al a k'ow ayalm ŋ ogŋ a ij; wél k'ow irim ɔyɔw ecél owr owr eci sɔg ij. Ɖ eci án ɔlu a ɔny any akm wus na nimum ec'a, etŋ ŋ eci cam owi ab em, irmn ebr ebr a fəŋ ec'agŋ a.»

24Babilɔn yogŋ anake kokoba ɔb esel, Nyam ec'agŋ a lele wus na nimum ec'agŋ a fəŋ eke wél ibi ab ab eci mebl a ok es a.

Ów eke Jan ekn es ekn em 19

Afr ec'any eb ec'ej

1Low na b'oc es a, afr m'iri lebl tuɔtuɔ nyam ek'ot agŋ nɔnɔ eci likekr es, ke am dad esé: «Lili! Lili! Kɔklmn Es Kɔtɔkɔ! Aŋke es eb elu, anygbél lele læc fəŋ ab a el ey e Nyam a eci!

2In eci jej ok owi a fəŋ b'el nawre lele nyim nyim ab! Etŋ ow em a, l'ɔb facyɔw gbél a eke b'ony wus ec'agŋ a ok in eci nfaci ij owi em a low. Nyam eci juma kok esel a eke l'ibi a, Nyam kok li sɔg ow e labm.»

³Ɛtɔ ɛmɛny -n'am dad -l'ɛsɛ: «Lili! Lili! Kɔklmn Ɛs Kɔtɔkɔ! Ɛb gbɛl a eke wɛl ɛtul a eci mregbn a am il godo godo fɛɔ eci!»

⁴Agɔ ekpekɔ likɔ lele yar ab a lele mindey yar ab ab ok ɔwrɔkp wus ɛtɔ am igɔ Nyam eke sig ɛs atufu lekɔn af a nuɔ, ɛtɔ am dad ɛsɛ: «Amɛn! Lili! Lili! Kɔklmn Ɛs Kɔtɔkɔ!»

⁵Lebl nyam anɔ atufu lekɔn ab af am ikɔ dad ɛsɛ: «Ɔny a fɛɔ a eke eel Nyam eci juma kok ɛsɛl a, ɛy lele ɛgbɛl ab, ɔny eke b'ɔnyɔn in ɛc'ɛlum a, kɔklmn ɛy e Nyam a!»

⁶Ɛmɛny m'iri lebl ek'ot agɔ nɔnɔ eci lebl ɛs; ow am ikɔ ɛsɛ okij eci mra eke b'ɛlu ab af, ɛsɛ nyamgbrany af. Kin lebl a ɛc'odad eke am dad: «Lili! Lili! Kɔklmn Ɛs Kɔtɔkɔ! Anke ɛy Ɛs Kɔtɔkɔ Nyam Abusu Ɛs sigm in ɛc'ɛs ɛw ab ɛs!

⁷S'ɛlul sos ɛm inɔ e lili, s'annɔn sos ɛm inɔ ɛm, si kɔklmn in! Anke licɛbli a eci mɛbi a ɛc'ɛs gbɛgbl a e lɛgɔ ow n̄, in e yɔw a bɛbm sos inɔm ɛs.

⁸Nyam ɔɔ'n ob sos ɛw ufu fuɛfuɛ ek'am jɛɔn eke li k'ɛw sos.» (Ob sos ɛw ufu fuɛfuɛ a el Nyam ɛc'agɔ a ɛc'ow nyim nyim a.)

⁹Afr ɛrm ɛs a dad'm ninɛ: «Nɔn dad ɛsɛ: Ehe ɛl agɔ a eke wɛl ɛsɔ licɛbli a e mɛbi a ɛc'ɛs gbɛgbl ab ɛm a eci.» Ɛtɔ l'igɔ af li dad ninɛ: «Amua, ow el Nyam ɛc'odad ebl tasi.»

¹⁰M'ok ɔwrɔkp wus in ɛc'akr ɛsr a eke mi k'igɔ'n nuɔ, kɔ li dad'm ninɛ: «Kɔ kok! Ɛm yeji, juma kok ɛs ɛsɛ n̄ af, ɛsɛ ɛsɔ jimɛl a eke ij Jesu eci low nɛnyɛmbri nyam a eke ɛlu ɔkm a eci danke ab af. Nyam anake it eke k'igɔ nuɔ a! Low nɛnyɛmbri nyam a eke Jesu ij ow eci danke a, el kokoba ɔb ɛsɛl eci odad a eke dad a eci liy tasi.»

Ɛgɔ ek'uyu gbɔnkɔ ufu af

¹¹Ɛtɔ ɛmɛny m'ɛkn afr ek'agbr ɛm, ke gbɔnkɔ ufu nyam ɛy ɔkm. Ɛgɔ a ek'uyu gbɔnkɔ ab af a, wɛl b'ɛsɔ'n Nɛny Nyam Ij Ɛs lele Low Nawre Ɛs ab; in e jɛj ok a lele ar ogɔ ab ab b'el nɛnyɛmbri nyam ɛm eci.

¹²In ɛc'anyamn a am iri ɛsɛ al af, ɛtɔ ɛs ɛw eci tufe nɔnɔ anɔ'n nuɔ. Wɛl nɔn nin nyam in af ek'ɛgɔ kaka uwm ow e low any, ek'ow elm in sɔny coco ɛɛ.

¹³In eci mob af ɛw a eke li sus a el mebl ɔfr. Ɛgɔ a wɛl b'ɛsɔ'n Nyam Odad.

¹⁴Afr eci ar ɛsɛl a sus mob efu fuɛfuɛ ek'ayl ɛtɔ uyu sigbɔnkɔ efu af am us'r jam.

¹⁵Lab ler ɛm fufu nyam ɛy'r ɔkm nɛnym agɔ ɛc'or eci. Li b'ow ni nyimn wɛl lɛc ɛm ɛtɔ li b'ow li yeɔm Nyam Abusu Ɛs ɛc'ɛrm bebl ligbɛl a. Li b'ow l'ifi wɛl ɛs lɛc ɛm ɛsɛ elɛl eke wɛl b'ifi viny ɛy ɛs ɛs ifir ob ɛm ab af.

¹⁶Kin nin a eke wɛl nɔn in e mob af ɛw ab af lele in eci im ab ab af a: “Ɛb ebu fɛɔ ɛm ɛc'Ɛb Ebu lele kɔtɔkɔ ɛm e Kɔtɔkɔ ab.”

¹⁷Ɛtɔ ɛmɛny m'ɛkn afr ɛrm ɛs nyam ek'igb inɔm ɛs ligbn ab ɛm. N'am ɛlu lebl tuɔtuɔ l'ɛsɔ or a fɛɔ eke b'igb im afr kɔnɔ ɛm a l'ɛsɛ: «Ɔwr, àsr luku Nyam eci ob ij gbɛl a eci!

¹⁸Òwr ijr éb ebu a eci megl a, ijr srɔda eyɛ ec'es ew esel a lele ar esel ab ab eci megl a, ijr sigbaŋkɔ a lele el ec'af uyu esel ab eci megl a, ijr agɛ fɛɛ eci megl a, ewi lele madu ab eci megl a, ijr ey lele egbɛl ab eci megl a.»

¹⁹Etɛ emeny m'ekn ndey a, m'ekn wus eci éb ebu a lele el eci ar esel ab ab eke as luku, eke k'ogɛ egɛ a eke uyu gbaŋkɔ af a lele in eci ar esel ab ab ar.

²⁰Wɛl ɔny ndey a lele kokoba ɔb es yadɛu a eke kok meny ewr owi eke k'irmn agɛ a eke ɔny ndey a eci meny ewr a, ke am igɛ likɛ egɛ a nuɛ a. Wɛl ɔny ndey a lele kokoba ɔb es yadɛu ab ab ow owl mebn eke ler faf es am iri al ab em.

²¹Lab ler em a eke anɛ egɛ a eke uyu gbaŋkɔ ab af a e nɛnym am ey ɔkm a, ibi el eci ar ogɛ esel a fɛɛ, etɛ ɔr a fɛɛ am ij el e megl a.

Ów eke Jan ekn es ekn em 20

Akpo fandi a

¹Etɛ emeny m'ekn afr erm es nyam ek'anɛ afr am us es. N'ɔnym nɔmucroɛ gbɛl a eci safue a lele ŋbraka ligbɛl nyam ab.

²⁻³N'ɔny tamranji a, lorɛn sig a ek'el agn oglog Satan a, l'ok ow ŋbraka etɛ l'oc l'owl ow nɔmu croɛ gbɛl ab em akpo fandi eci. L'abl nɔmu croɛ gbɛl a safue em yec'etɛ ke tamranji a k'irmnm eb eb ec'agɛ a toɛ ke akpo fandi a ec ok es. Ow b'ow uwr a, ow it ke wɛl élu'l es lɛɛɛ tɛl eci.

⁴Emeny m'ekn atufu mekpɛn: agɛ a eke ok es af a eɛn abusu eke ki jɛj agɛ e low ok. M'ekn agɛ a eke wɛl ibi a yeji eci abɛ a; wɛl ibi el Jesu eci low nɛnyembri nyam a ek'elu ɔkm a lele Nyam odad ab ab eci danɛu eke -l'ijr a sosiem. -L'igɛm ndey a nuɛ, -l'igɛm ow eci likɛ egɛ a nuɛ, etɛ -n'eɛnm ndey a eci meny ewr a anyafɛ, -n'eɛnm ow anm el abu af yeji. -L'igb luw em etɛ Krist ab -l'ew usu es toɛ akpo fandi.

⁵Na krekre eci luw em anɛ igb ab ana. Agɛ ejec'a eke uw a k'ow igbm luw em eke akpo fandi a k'ecm k'okm es.

⁶Ehe él agɛ a eke anɛ krekre eci luw em anɛ igb ab em a! -L'el Nyam eci agɛ lala etɛ yony em eci luw a ɔnym abusu el af; -li b'ow -l'el Nyam lele Krist ab eci egb waw esel, etɛ Krist ab -li b'ow -l'ew usu es toɛ akpo fandi a.

Satan eɛnm ar a

⁷Lɛɛɛ a eke akpo fandi a b'ow ec ok es a, wɛl b'ow élu Satan es sobel em,

⁸etɛ li b'ow n'im l'ɛju eb eb a ek'el Gɔg lele Magɔg ab ek'anɛ wus na eci susu kpekpe a. Li b'ow l'as wɛl luku ar ogɛ eci, etɛ -li b'ow -n'eny esɛ okij any eci mrici af.

⁹-N'anɛ susu a fɛɛ -l'ow -l'iwr Nyam ec'eb lala a eke erur ke in ec'agɛ ir a -l'élul em eke -li k'eb. Gbɛkɔ al b'ow anɛ afr ow ŋuɛn el.

¹⁰Etɛ agn eke b'ɛju el a, wɛl b'ow oc owl'l mebn eke ler faf es a eci al ab em, yogɛ a eke ndey a lele kokoba ɔb es yadɛu ab ab anɛ a. -Li b'ow -l'ij gbre nɔnɔ ncok lele lɛɛɛ owr ab godo godo fɛɛ eci.

Jɛj ok es abal el

¹¹Ɛtɛɛ ɛmɛny m'ɛkn atufu lɛkpɛn ufu nyam lele ɛɛɛ a eke sig es af ab ab. Wus lele afr ab kɛpab'r es lís im kɛkɛpɛ ɛtɛɛ wɛl ɛwlm ɛknm ɛl ij.

¹²Ɛmɛny m'ɛkn agɛɛ ek'uw a, ɛy lele ɛgbɛl ab, eke inym es atufu lɛkpɛn a ec'any af. Silɛl nɔnɔ fifig ok es, ɛtɛɛ lɛl ɛjɛci nyam yɛji fig ɛru es, ke sel ɛɛɛn ɛci lɛl ab ana. Agɛɛ a ek'uw a, wɛl jɛj ɛl e lís e low ok low a eke -li kokɛr ab ɛm, yec'a eke wɛl nɔn anɛɛ silɛl ab ɛm a.

¹³Okij ɛlu agɛɛ a ek'uw ke n'ɔnym ab a es. Luw lele ɔɛnes baɛɛn ab yɛji ok ɛl ec'agɛɛ a ek'uw ke -n'ɔnymn ab a es, ɛtɛɛ wɛl jɛj ɛɛɛɛ ɛɛɛɛ e lís e low ok in e juma a eke li kok ab ɛm.

¹⁴Wɛl itr luw lele ɔɛnes baɛɛn ab ok al a eke faf es ab ɛm. Al na eke faf es a el luw sakɛp yony ɛm a.

¹⁵Wɛl b'oc ɛɛɛɛ fɛɛɛ eke wɛl nɔnm in e nin sel ɛɛɛn ɛci lɛl ab ɛm a owl al a eke faf es ab ɛm.

Ów eke Jan ɛkn es ɛkn ɛm 21

Afr owr a lele wus owr ab ab

¹Ɛmɛny m'ɛkn afr owr nyam lele wus owr nyam ab; kɛkɛɛ ec'afr a lele kɛkɛɛ ɛci wus ab ab irm ɛtɛɛ okij a yɛji anm ij.

²Ɛtɛɛ ɛmɛny m'ɛkn Jerusalem owr a, ɛb lala a eke Nyam ɔɛ anɛɛ in ogɛɛ a am ow a. Li bɛbm sos ɛsɛ ɔw eke kɛkɛpɛ sos eke k'im ɔbr ɛc af.

³M'iri lebl tuɔtuɔ nyam ek'anɛɛ atufu lɛkpɛn a ogɛɛ am ikɛɛ ow dad ɛsɛ: «Sica Nyam ec'ɛb ir usu a ow agɛɛ ec'araɛɛn! Li b'ow l'ir wɛl ab ɛtɛɛ -li b'ow -l'el Nyam ec'agɛɛ. Nyam in obi b'ow anɛɛ ɛl ab ɛtɛɛ li b'ow l'el wɛl e Nyam.

⁴Li b'ow li tetɛɛ wɛl e mikɛɛ a fɛɛɛ es; luw owi, niɛɛn owi, likekr owi lele gbɛɛ ij owi ab k'ow anm ij. Lɛɛɛ sig ɛm ec'ów a fɛɛɛ ot es ɛɛ.»

⁵Ɛtɛɛ sica ɛɛɛɛ a eke sig es atufu lɛkpɛn ab af a dad ninɛ: «Sica m'am ɔɛ ów a fɛɛɛ itɛɛn el owr.» Ɛtɛɛ ɛmɛny l'igɛɛ af li dad ninɛ: «Nɔn low na anɛɛke ɛm ɛci sodad a el nawɛɛ, wɛl ɔtu eke k'ony ɔmn ow ɛm.»

⁶Ɛmɛny l'igɛɛ af li dad ninɛ: «Sica fɛɛɛ uwr ɛɛ! M'el Kɛkɛɛ lele Es Abal El ab, Nuɛɛ ɔb lele Nuɛɛ Ɛdɛɛ ab. Ɛɛɛɛ yec'eke mijamn am ɔny a, mi b'ow m'ɔɛ'n mij ewl mij a eke b'ɔɛ ɛɛɛ sel a ɔfr ɛm l'ɛɛɛɛ.

⁷Ɛɛɛɛ kaka fɛɛɛ eke b'ow ɛb any a, b'ow ɛɛɛn aja ikɛɛ na; m'ow m'el in e Nyam ɛtɛɛ in li b'ow l'el ɛm ec'iy.

⁸Ɛɛɛɛɛɛ, ów ɛnyɛmbri yony yony ɛsɛl, agɛɛ ɛɛɛɛɛ, agɛɛ ibiu, afacu, cam kok ɛsɛl, agɛɛ a eke b'igɛɛ sɛkpɛ nuɛɛ lele ayadɛɛɛ fɛɛɛ ab ec'a, ɛl ec'usu b'ow anɛɛ mebn eke ler faf es a ɛci al ab ɛm. Ke luw sakɛp yony ɛm ab ana.»

Jerusalem owr a

- ⁹Sica m'ekn afr erm esel lobn a, eke onym kpok lobn a eke abu eyr es abal el lobn a anj em a eci nyam. L'ow n'am dad'm l'ese: «Òw, mi b'ow mi yegm'η yow ec a, licebli a eci yow a.»
- ¹⁰Abn em a, afr erm es a oc'm im lafeny gege ligbel nyam eci nuj af. Li yegm'm Jerusalem, eb lala a eke Nyam oj anj in ogj a am ow a.
- ¹¹Nyam ec'anygbel a am oj li jejn ese lebn mamn af, ese jasp eci lebn eke b'ekan es af.
- ¹²N'ony lakp sisil gege nyam eke ony masany lew yony lele afr erm esel lew yony ek'am osu ab. Masany ab af a, wel non Israel ec'eb lew yony a ec'en a anj.
- ¹³Bajn ec'ogog nyam nyam fej b'ony masany nyahan: nyahan b'anj yogj eke ligbn b'igb a, nyahan b'anj yogj eke ligbn b'eru a, nyahan b'anj afr ogog a, etj nyahan b'anj esr em a.
- ¹⁴Bajn a eci lakp a sigr mób lew yony eke wel ok omu em, etj af yogj, wel non licebli a ec'erm esel a ec'en a.
- ¹⁵Afr erm es a eke am dad'm odad a onym ob bebmn ob ab, sika em eci likj sojni eke ki bebmn bajn a, in eci masany a lele in eci lakp ab ab.
- ¹⁶Bajn a eci ogog yar a bebmn; sofu a lele es ar ab ab bebmn. Afr erm es a oc in eci sika em likj sojni a bebmn bajn a; ow ij sofu fandi lew yony, es ar a, sigb a lele sofu ab ab bebmn.
- ¹⁷Li bebmn lakp a yeji. Ob bebmn ob a eke l'oc li bebmn ab em, n'ejn sigb a eci sofu a ekj lobn miy yar,
- ¹⁸wel awj lakp a jasp em, etj eb a in obi a wel us'r sika tasi em etj ow b'ayl ekan es ese akrojnɔ af.
- ¹⁹Mób a eke wel ok omu em awj bajn a eci lakp a, wel ot mebn amamn ek'ony mij erj erj ijr mewl: krekre eci lob a jasp em, yony em ec'a safir em, nyahan em ec'a agat em, yar em ec'a emerod em,
- ²⁰yen em ec'a onis em, nohon em ec'a sarduan em, lobn em ec'a krisolit em, niwn em ec'a beril em, libarm em ec'a topas em, lew em ec'a krisopras em, lew nyam em ec'a turkuas em, etj lew yony em ec'a ametis em.
- ²¹Masany lew yony a el ayre lew yony; lisany nyam eci kok em a, wel b'oc ayre ligbel nyam coco. Ejem a el sika tasi ofr eke ayl am ekan es ese akrojnɔ af.
- ²²M'eknm Nyamel eb ab em, anke eb a eci Nyamel a el Es Kotokɔ Nyam Abusu Es lele licebli ab ab.
- ²³Eb a olm ligbn es, olm awl es eke k'ayal il, anke Nyam ec'anygbel a am ayal il etj licebli a el in eci mun al.
- ²⁴Eb eb a fej ec'agj a b'ow an es in eci usuayl ab em, etj wus eci eb ebu a b'ow ot el eci ob ony a ow yogj.

²⁵Λεγῆ ὠρ νῖμυμ ἀ, βαῖν ἀ ἐὶ μάσανυ ἀ β'ὠρ φῖφῖ ὀκ ἐσ; λεγῆ κᾱκᾱ ῶελ κ'ὠρ βαβλμ, ἀνῖκε γογῆ λεγῆ ὑκ κ'ὠρ ἀνμ ἰῖ.

²⁶ῶελ β'ὠρ ὀτ ἐβ ἐβ ἀ ἐὶ σαγβ ἀ λελε ὀβ ὠνυ ἀβ ἀβ ὠρ γογῆ.

²⁷ὀβ φῆῆ ἐκε ἀγλμΝυᾱμ ἐκ'ἀνυ ἀφ λελε ἀγῆ ἐκε βῖ κὀκ μῖσῦε ὠνῖ κῆ β'ὠνυ γᾱδῆ ἀ κ'ὠρ ὀκμ βαῖν ἀ. Ἀγῆ ἀ ὠνυ κὀκὀ ἀ ἐκε β'ὠρ ὀκ ἐμ ἀ ἐλ, ἐλ ἀ ἐκε ῶελ νὀν ἐλ ἐκ'ἐν λῖεβλῖ ἀ ἐὶ σῆλ ἐῖν ἐ λῆλ ἀβ ἐμ ἀ.Ὄῶ ἐκε Ἰᾱν ἐκν ἐσ ἐκν ἐμ 22

¹⁻²Ἐμῆνυ ἀφρ ἐρμ ἐσ ἀ γῆγμ'μ σῆλ ἐῖν ἐὶ μῖῖ ἐῶλ μῖῖ ἐκ'ἀμ ῖῆῖν ἐσῆ ἀκρῶηκὀ ἀφ, κῆ ἀνῆ Νυᾱμ λελε λῖεβλῖ ἀβ ἀβ ἐκ'ἀτῦφῦ λῆκρῖν ἀ ὀγῆ ἀμ ῖῆῖν ὀκ ὠκμ ἐῶλ ἰμ ἐβ ἀ ἐκ'ῦσῦ ἀρᾱῖν ἀ. Μῖῖ ἀ ἐκ'ἀλ γὀνυ ἀ ἐκε ὀκ ἀ ἐκ'ἀρᾱῖν ἀ, σῆλ ἐῖν ἐὶ λῖκῆ ἀ ἀνῆ. Λᾱκὀ νυᾱμ ἀφ ἀ, λῖ β'ὠσῦ ἐγ σακρ λῆῶ γὀνυ, ἀῶλ νυᾱμ ἀκρ νυᾱμ. Ἰν ἐὶ σῦῶ ἀ β'ῆῶλμ ἐβ ἐβ ἐκ'ἀγῆ ἀ.

³ὀφν ὠνῖ κᾱκᾱ κ'ὠρ ἀνμ ἰῖ. Νυᾱμ λελε λῖεβλῖ ἀβ ἀβ ἐὶ ἀτῦφῦ λῆκρῖν ἀ β'ὠρ ἀνῆ ἐβ ἀβ ἐμ, ἐτῆ Νυᾱμ ἐὶ ῖῦᾱ κὀκ ἐσῆλ ἀ β'ὠρ ἰγῆ'ν νῦῆ.

⁴-Λῖ β'ὠρ -λ'ἐκν ὠρ ἐκ'ἀνυ ἀ, ἐτῆ ὠρ ἐὶ νῖν ἀ β'ὠρ νὀν ἐλ ἐκ'ἀνυἀφρ ἀ.

⁵Λεγῆ ὑκ κ'ὠρ ἀνμ ἰῖ, ἐτῆ -λῖ κ'ὠρ -λ'ἰβρᾱμν μῦν ἀλ ἐκ'ῦσῦᾱγλ ἀ λελε λῖγβν ἐκ'ἀβ ἀβ, ἀνῖκε Ἐσ Κὀτὀκὀ Νυᾱμ ἰν ὀβῖ λῖ β'ὠρ λ'ὀκ ῶελ ἰν ἐκ'ῦσῦᾱγλ ἀβ ἀφ, ἐτῆ -λῖ β'ὠρ -λ'ἐλ ἐσ ἐῶ ἐσῆλ γὀδὀ γὀδὀ φῆῆ ἐὶ.

Krist eci mower

⁶Ἐμῆνυ ἀφρ ἐρμ ἐσ ἀ δᾱδ'μ νῖνε: «Σὀδᾱδ ἀμῦᾱ ἐλ νᾱῶρε, ῶελ ὠτῦ ἐκε κ'ὠνυ ὠμν ὠρ ἐμ; ἐτῆ Ἐσ Κὀτὀκὀ Νυᾱμ ἀ ἐκε βῖ νυῖμν κὀκὀβᾱ ὠβ ἐσῆλ ἐὶ ἀβῆ ἀ, ἐρμ ἰν ἐκ'ἀφρ ἐρμ ἐσ ὠρ γῆκ'ἐτῆ κῆ λῖ γῆγμ ἰν ἐ ῖῦᾱ κὀκ ἐσῆλ ἀ λὠῶ ἐκε β'ὠρ ἐγ λεγῆ τῆλ ἐμ ἀ.»

⁷Ἰῆσῦ δᾱδ νῖνε: «Ἰρῖ, ὠρ κ'ὠρ ἰβνμ μ'ὠρ μ'ὠρ! Ἐῆ ἐλ ἀγῆ ἀ ἐκε β'ὀκ κὀκὀβᾱ ὠβ ἐ σὀδᾱδ ἐκ'ἀνῆ λῆλ νᾱ ἐμ ἀ σῆνυν σῆνυν ἀ ἐὶ!»

⁸Ἐμ Ἰᾱν, μ'ῖρῖ ἐτῆ μ'ῆκν ὠῶ ἀμῦᾱ. Ἐτῆ ἐκε μ'ῖρῖ κῆ μ'ῆκν ἀ, μ'ὀκ ὠῶρὀκρ ῶῦσ ἀφρ ἐρμ ἐσ ἀ ἐκε γῆγμ'μ ὠῶ ἀμῦᾱ ἀ ἐκ'ἀνυ ἀφ ἐκε μῖ κ'ἰγῆ'ν νῦῆ.

⁹Γβῆκὀ λῖ δᾱδ'μ νῖνε: «Κῖ κὀκ ἐβῆν! Ἐμ γῆῖ ῖῦᾱ κὀκ ἐσ ἐσῆ ῆ ἀφ, ἐσῆ ἐσῆ ῖμῆλ κὀκὀβᾱ ὠβ ἐσῆλ ἀβ ἀφ, ἐσῆ ἀγῆ ἀ φῆῆ ἐκε β'ὀκ λῆλ νᾱ ἐμ ἐὶ σὀδᾱδ ἀ σῆνυν σῆνυν ἀβ ἀφ. Νυᾱμ ἀνᾱκε ἰτ ἐκε κ'ἰγῆ νῦῆ ἀ, κὀ ὠρ ἐλμ ἐμ!»

¹⁰Ἐμῆνυ λῖ δᾱδ'μ νῖνε: «Κὀκὀβᾱ ὠβ ἐ σὀδᾱδ ἐκ'ἀνῆ λῆλ νᾱ ἐμ ἀ, κ'ὀκ κῖ λὀλ ἐσ, ἀνῖκε ὠῶ ἀμῦᾱ φῆῆ ἐὶ σῆγῆ ἀ ἐκε ῶελ βῆβμ ὀκ ἐσ ἀ τῖτμ.

¹¹Κῆ ἐγῆ ἐκε ἀκρλμ ἀ, ν'ἀνῆ ἰν ἐκ'ἀκρλμ ἀβ ἐμ; ἐγῆ ἐκε ἀγλμ Νυᾱμ ἐκ'ἀνυ ἀφ ἀ, ν'ἀνῆ ἰν ἐκ'ἀγλμ ἀβ ἐμ; ἐγῆ ἐκε βῖ κὀκ λὠῶ μᾱμν ἀ, ν'ἀνῆ λὠῶ μᾱμν κὀκ ἀβ ἐμ; ἐγῆ ἐκ'ἐλ λᾱλ ἀ, ν'ἀνῆ λᾱλ ἐλ ἀβ ἐμ.»

¹²Ἰῆσῦ δᾱδ νῖνε: «Κῖν, ἐμ ἐκ'ὠρ ἰβνμ ἰῖ! Μῖ β'ὠρ μ'ἰσμ ὀβ ἀρ ἀβ, ἐτῆ μῖ β'ὠρ μ'ὠῆ ἐγῆ ἐγῆ, ῖῦᾱ ἀ ἐκε λῖ κὀκ ἀ ἐὶ.

¹³Μ'ῆλ Νῦῆ ὀβ λελε Νῦῆ Ἐδῆ ἀβ, μ'ῆλ Κρῆκρῆ λελε Ἐσ Ἀβᾱλ Ἐλ ἀβ, Κρὀκρὀ λελε ὤῶρ ἀβ.»

¹⁴Ehe él agɲ a eke am ɛfn ɛl ec'ob sos ɛw es eke k'ɛɲn abusu ij sel ɛɲn e likɲ a ec'ey a eci. -Li b'ow -n'ɛɲn abusu -l'écɾ masany a eci -l'ok ɛb ab ɛm.

¹⁵Sica baɲn a eci jam a, agɲ ɛɲɲ a, cam kok ɛsɛl, afacu, agɲ ibiu, sɛkp nuɲ igɲ ɛsɛl lele ayadɲu ab ec'usu ek'anɲ ana!

¹⁶«Em Jesu, m'erm ɛm ec'afr ɛm ɛs a ow ij ów amua e danɲku Nyamel fɛɲ ec'any af. Em, m'el David ec'eb ab ɛm eci lilaw, ibribr eci léɛl ek'am jɛɲn.

¹⁷Abɲ a lele yow a eke wɛl ɛbi ab ab am dad ɛsɛ: “Òw!” Ke ɛɲɲ yec'eke in yeɲi am iri low na a dád ɛsɛ: “Òw!” Ke ɛɲɲ eke mijamn am ɔny a ów; ke ɛɲɲ eke am erur sel ɛɲn eci mij a, ɛb ɔfr ɛm.»

Nuɲ ɛdɲ ec'odad

¹⁸Em, Jan, kin low eke m'am igbl ow eci lebl ogɲ mi dad ɛɲɲ fɛɲ eke b'ow iri kokoba ɔb owi a ek'anɲ léɛl na ɛm a: eke batɲ ɛɲɲ kaka fɛɲ am oc low ɛjɛci nyam ɛlu ɛm a, ke abu ɛyr owi a fɛɲ eke wɛl dad ow e low léɛl na ɛm a, Nyam b'ow ot ɔɲ'n.

¹⁹ɛtɲ eke batɲ ɛɲɲ kaka fɛɲ am ɔny kokoba ɔb e sodad a ek'anɲ léɛl na ɛm a ec'ob nyam oc es, ke sel ɛɲn eci likɲ a ec'ey a lele ɛb lala a eke wɛl dad ow ec'odad léɛl na ɛm a, Nyam b'ow ɔny oc'r es abu ɛm.

²⁰ɛɲɲ a eke ij low nɛnyembri nyam na ec'asmanu a dad ninɛ: «M'am ow caca!» Amen! ɛs Kɔtɔkɔ Jesu, òw gɔɲ!

²¹Ke sica ɛs Kɔtɔkɔ Jesu ec'owɾɔ a áɲɲ ɔny fɛɲ ab.

Esclarecimento

Trata-se de iniciativa particular, com os seguintes objetivos: (i) colaborar para divulgação dos diversos textos bíblicos disponíveis, e, (ii) facilitar o acesso a esses textos, inclusive por meio de download.

Todo esforço em tornar a Palavra de Deus acessível a todos, em quaisquer localidades e falantes das mais diversas línguas, precisa ser um objetivo de todos os que são guiados pelo Espírito Santo. Ele inspirou o profeta Jeremias a dizer “não ensinará jamais cada um ao seu próximo, nem cada um ao seu irmão, dizendo: Conhece ao SENHOR, porque todos me conhecerão, desde o menor até ao maior deles, diz o SENHOR” (Jer. 31:34).

Jesus, também, falou assim: “e será pregado este evangelho do reino por todo o mundo, para testemunho a todas as nações” (Mat. 24:14).

Muitas organizações foram constituídas com o propósito de fazer a Bíblia disponível nas diversas línguas. Não é uma tarefa simples. Anos de trabalho, dedicação e entrega são necessários para esta tão extraordinária missão.

O texto deste trabalho está disponível na internet, em páginas eletrônicas de organizações que produzem ou divulgam bíblias, sem acréscimos de notas ou comentários. Assim, reconhecendo e respeitando os direitos que possuem sobre seus trabalhos, incumbe a todos os que amam a Palavra de Deus, o esforço em contribuir para amplificar sua divulgação.

Se possível, faça download do texto, para que sejamos, também, guardiões da Bíblia, e, com isso, preservando-a para as futuras gerações.

Divulga a Palavra de Deus, ela mostra o Caminho e permite a todos, que se conheça Sua vontade, em todos os lugares e épocas.

Marcel da Glória Pereira
2021, Vitória/ES - Brasil